

I T'an Dios



Bible without Deuterocanon in Chol Tumbala; ctu
(MX:ctu:Chol)

I T'an Dios

Bible without Deuterocanon in Chol Tumbala; ctu (MX:ctu:Chol)

copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

45de077a-5b47-572a-bd9d-72438a3be945

Contents

MATEO	1
MARCOS	44
LUCAS	71
JUAN	117
HECHOS	150
ROMANOS	192
1 CORINTIOS	211
2 CORINTIOS	229
GALATAS	241
EFESIOS	247
FILIPENSES	253
COLOSENSES	258
1 TESALONICENSES	262
2 TESALONICENSES	266
1 TIMOTEO	268
2 TIMOTEO	273
TITO	277
FILEMON	280
HEBREOS	281
SANTIAGO	294
1 PEDRO	299
2 PEDRO	304
1 JUAN	307
2 JUAN	312
3 JUAN	313
JUDAS	314
APOCALIPSIS	316

MATEO

I c'aba' tac i ñojte'el Jesucristo (Lc. 3.23-38)

¹ Jiñach jun ba' ts'ijbubil i c'aba' tac i ñojte'el Jesucristo. Jesucristo loq'uem ti' p'olbal David yic'ot ti' p'olbal Abraham.

² I yalobil Abraham jiñach Isaac. I yalobil Isaac jiñach Jacob. I yalobilob Jacob jiñobach Judá yic'ot i yerañob.

³ I yalobilob Judá yic'ot xTamar i yijñam Judá, jiñobach Fares yic'ot Zara. I yalobil Fares jiñach Esrom. I yalobil Esrom jiñach Aram.

⁴ I yalobil Aram jiñach Aminadab. I yalobil Aminadab jiñach Naasón. I yalobil Naasón jiñach Salmón.

⁵ I yalobil Salmón yic'ot xRahab, jiñach Booz. Jini xRahab i yijñam Salmón. I yalobil Booz yic'ot xRut jiñach Obed. Jini xRut i yijñam Booz. I yalobil Obed jiñach Isaí.

⁶ I yalobil Isaí jiñach David jini ñuc bA yumal. Salomón jiñach i yalobil David yic'ot i yijñam yambA winic i c'aba' Uriás.

⁷ I yalobil Salomón jiñach Roboam. I yalobil Roboam jiñach Abías. I yalobil Abías jiñach Asa.

⁸ I yalobil Asa jiñach Josafat. I yalobil Josafat jiñach Joram. I yalobil Joram jiñach Ozías.

⁹ I yalobil Ozías jiñach Jotam. I yalobil Jotam jiñach Acáz. I yalobil Acáz jiñach Ezequías.

¹⁰ I yalobil Ezequías jiñach Manasés. I yalobil Manasés jiñach Amón. I yalobil Amón jiñach Josías.

¹¹ I yalobil Josías jiñach Jeconías yic'ot i yijts'iñob ti' yorajlel che' bA tsa' wersa p'ajyiyob majlel ti Babilonia.

¹² Che' bA p'ajyemobix majlel ti Babilonia, tsi' yila pañimil i yalobil Jeconías, jiñach Salatiel. I yalobil Salatiel jiñach Zorobabel.

¹³ I yalobil Zorobabel jiñach Abiud. I yalobil Abiud jiñach Eliaquim. I yalobil Eliaquim jiñach Azor.

¹⁴ I yalobil Azor jiñach Sadoc. I yalobil Sadoc jiñach Aquim. I yalobil Aquim jiñach Eliud.

¹⁵ I yalobil Eliud jiñach Eleazar. I yalobil Eleazar jiñach Matán. I yalobil Matán jiñach Jacob.

¹⁶ I yalobil Jacob jiñach José i ñoxi'al María, tsa' bA i yac'A ti pañimil alal i c'aba' Jesús, jiñach Cristo.

¹⁷ Che' jini, ti pejtelel i ñojte'elob Cristo c'Alal ti' yorajlel Abraham c'Alal ti David an chAnlujunlajm (14) i ñojte'el. C'Alal ti' yorajlel David c'Alal che' bA tsa' p'ajyiyob majlel ti Babilonia an chAnlujunlajm i ñojte'el. C'Alal che' bA tsa' p'ajyiyob majlel ti Babilonia c'Alal ti' yorajlel Cristo an chAnlujunlajm i ñojte'el.

Tsi' yila pañimil Jesucristo (Lc. 2.1-7)

¹⁸ Che' bajche' jini tsi' yila pañimil Jesucristo. C'ajtibilix María, i ña' Jesús, i cha'an José. Che' maxto anic tsi' pi'leyob i bA, cantabil i cha'an alal cha'an Ch'ujul bA Espíritu.

¹⁹ Toj i pusic'al jini José, i ñoxi'al María. Mach yomic i yac' ti quisin. Jini cha'an tsi' ña'ta i mucu cAy.

²⁰ Che' bA woli' ña'tan ti' pusic'al, awilan, tsa' tsictiyi i yángel lac Yum ti' ñajal. Jini ángel tsi' yAlA: José i yalobilet bA David, mach ma' bac'ñan a pAy María cha'an a wijñam, come jiñach Ch'ujul bA Espíritu tsa' bA i yAc'ue i yalobil María mu' bA caj ti tsictiyel.

²¹ Mi caj i yac' ti pañimil alA ch'iton. Yom ma' wotsAben i c'aba' Jesús, come jini mi caj i coltan winicob x'ixicob i cha'año' bA cha'an mi' loq'uelob ti' p'Atalal i mul. Che' tsi' yAlA jini ángel.

²² Che'ach tsa' ujti cha'an mi' ts'actiyel i t'an lac Yum tsa' bA i yAlA ti' yej x'alt'an:

²³ "Awilan, mi caj i cantan alal juntiquil xch'oc maxto bA pi'lebilic. Mi caj i yac' ti pañimil ch'iton bA i yalobil. Mi caj i yotsAbentel i c'aba' Emanuel". An i sujmllel Emanuel ti lac t'an: Jiñach Dios la quic'ot.

²⁴ Che' bA ch'o'yemix ti wAyel, José tsi' cha'le che' bajche' tsi' sube ti mandar i yángel lac Yum. Tsi' pAyA i yijñam.

²⁵ Pero ma'anic tsi' pi'le jinto tsi' yila pañimil ch'iton bA i yalobil. Tsi' yotsAben i c'aba' Jesús.

2

Tsajni winicob año' bΛ cabal i ña'tabal

1 Che' bΛ tsi' yila pañimil Jesús ya' ti Belén ti Judea, che' yumal jini Herodes, awilan, tsa' tiliyob ti Jerusalén winicob año' bΛ cabal i ña'tabal, ch'oyolo' bΛ ti' pasibal q'uin.

2 Tsi' yalayob: ¿Baqui an i yum judíojob tsa' bΛ i yila pañimil? Come tsaj q'uele lojon i yec' ti' pasibal q'uin. Tsa' tiliyon lojon cha'an mic ch'ujutesan lojon, che'ob.

3 Jini yumal Herodes che' bΛ tsi' yubi, tsi' mele i pusic'al yic'ot pejtelel winicob x'ixicob ti Jerusalén.

4 Che' bΛ tsi' tempa pejtelel ñuc bΛ motomajob yic'ot sts'ijbayajob, tsi' c'ajtibeyob baqui mi caj i yilan pañimil jini Cristo.

5 Tsi' jac'beyob: Ya' ti Belén ti Judea. Come che'ach ts'ijbubil i cha'an x'alt'an:

6 “Jixcu jatetla añet bΛ la ti Belén ya' ti lumal Judá, mach yoque ch'o'ch'o'queticla ti' tojlel i yumob Judá. Come ti la' tojlel mi' caj ti loq'uel juntiquil yumal mu' bΛ caj i cantan israelob c cha'año' bΛ”.

7 Jini Herodes mucul jach tsi' palya tilel jini winicob año' bΛ cabal i ña'tabal. Tsi' c'ajtibeyob jinto tsi' na'ta baqui ora tsa' tsictiyi jini ec'.

8 Tsi' chocoyob majlel ti Belén. Tsi' yalΛ: Cucula. Wersa sajcanla jini alΛ. Che' mi la' taj, yom mi la' cha' tilel la' subeñon cha'an mic majlel c ch'ujutesan ja'el, che'en Herodes.

9 Che' bΛ tsa' ujt i yubiñob i t'an tsa' majliyob. Awilan, jini ec' tsa' bΛ i q'ueleyob ti' pasibal q'uin tsi' cha'le xambal majlel ti' wutob. Tsi' clyΛ i xambal ec' ya' ti' chañelal ba'an jini alΛ.

10 Che' bΛ tsi' q'ueleyob jini ec', c'ax tijicña jax i pusic'al tsi' yubiyob.

11 Che' bΛ tsa' caji i yochelob ti otot, tsi' q'ueleyob alΛ yic'ot María i ña'. Tsi' ñocchocoyob i bΛ. Tsi' ch'ujutesayob. Tsi' jamayob caxate'. Tsi' yalq'ueyob i majtan: oro, yic'ot xojocña bΛ pom, yic'ot mirra.

12 Subebilobix jini winicob ti' ñajal cha'an ma'anic mi' chan ñumelob ba'an Herodes, tsa' sujtiyob majlel ti' lumal ti yambΛ bij.

Tsa' tsansantiyob alalob
(Lc. 2.39-40)

13 Che' sujtemobix jini winicob, awilan, tsa' tsictiyi i yángel lac Yum ti' ñajal José. Jini ángel tsi' yalΛ: Ch'ojyen. Palya majlel jini alΛ yic'ot i ña'. Puts'en ti Egipto. Calejen ya' i jinto mic subeñet, come Herodes mi caj i sajcan alΛ cha'an mi' tsansan, che'en.

14 Tsa' ch'ojyi José. Tsi' palya majlel alΛ yic'ot i ña' ti ac'alel. Tsa' majli ti Egipto.

15 Ya' i tsa' cale jinto tsa' chami Herodes. Che'ach tsa' ujt i cha'an mi' ts'actiyel i t'an lac Yum tsa' bΛ i yalΛ ti' yej x'alt'an: “Tsac palya loq'uel calobil ti Egipto”, che'en.

16 Tsa' caji ti cabal mich'ajel jini Herodes che' bΛ tsi' ña'ta tsa'ix lotinti cha'an jini winicob año' bΛ cabal i ña'tabal. Tsi' yac'Λ mandar cha'an mi' tsansantelob pejtelel alΛ ch'itoñob maxto bΛ ts'acallic cha'p'ejl i jabilel ya' bΛ añob ti Belén yic'ot ti' joytilel. Ña'tabilix i cha'an Herodes jayp'ejl i jabilel jini alΛ, come tsa' subenti cha'an jini winicob cabal bΛ i ña'tabal.

17 Che' jini tsa' ts'actiyi i t'an jini x'alt'an Jeremías tsa' bΛ i yalΛ:

18 “Tsa' ubinti c'am bΛ t'an ya' ti Ramá, cabal uq'uel yic'ot we'ecña bΛ uq'uel. xRaquel woli' chan uc'tan i yalobilob. Ma'anic tsi' jac'Λ i ñach'chocontel i pusic'al come tsa' jiliyob i yalobil”. Che' tsi' yalΛ jini x'alt'an.

19 Che' bΛ tsa' chami Herodes, awilan ya' ti Egipto tsa' tsictiyi i yángel lac Yum ti' ñajal José.

20 Tsi' yalΛ: Ch'ojyen. Palya majlel jini alΛ yic'ot i ña'. Cucu ti' lumal Israel come chameñobix jini yomo' bΛ i tsansan alΛ, che'en.

21 Jini tsa' ch'ojyi. Tsi' palya majlel alΛ yic'ot i ña'. Ya' tsa' c'oti ti' lumal Israel.

22 José tsi' bac'ña majlel ya' ti Judea, come tsi' yubi woli ti yumantel Arquelao i yalobil Herodes. Jini Arquelao tsi' ch'ambe i ye'tel i tat. Jini cha'an tsa' majli ti' lumal Galilea che' bajche' subebilix ti' ñajal.

23 Tsa' c'oti ti chumtal ti jump'ejl tejclum i c'aba' Nazaret cha'an mi' ts'actiyel i t'an jini x'altañob: “Mi caj i sujbel ti nazareno, che'ob”.

3

I subal Juan tsa' bΛ i yac'Λ ch'Λmja'
(Mr. 1.1-8; Lc. 3.1-9, 15-17; Jn. 1.19-28)

¹ Ti jim b_Λ ora tsa' tili Juan tsa' b_Λ i y_Λc'Λ ch'Λmja'. Woli' cha'len subt'an ti jochol b_Λ lum ti Judea.

² Tsi' y_ΛΛ: C_Λy_Λx la' mul come l_Λc'Λlix i yum_Λntel jini am b_Λ ti panchan, che'en.

³ Come jiñach jini Juan tsa' b_Λ tajle ti' t'an jini x'alt'an Isaías che' b_Λ tsi' y_ΛΛ: “I t'an juntiquil winic mu' b_Λ i cha'len c'am b_Λ t'an ti jochol b_Λ lum: Chajpanla i bijlel lac Yum. P_Λt_Λla majlel mucubij i cha'an”, che'en.

⁴ Jini Juan l_Λp_Λl i cha'an i p_Λch_Λlel camello. An i cajchiñac' melbil b_Λ ti p_Λchi. Juan tsi' c'uxu sajc' yic'ot te'lechab.

⁵ Tsa' loq'uiyob tilel ba'an Juan jini ch'oyolo' b_Λ ti Jerusalén yic'ot ti pejtelel Judea yic'ot ti' joytilel Jordán ja'.

⁶ Juan tsi' y_Λq'ueyob ch'Λmja' ya' ti Jordán ja'. Jini winicob x'ixicob tsi' subuyob i mul.

⁷ Che' b_Λ tsi' q'uele woli' tilelob cab_Λl fariseojob yic'ot saduceojob cha'an mi' ch'Λmob ja', Juan tsi' subeyob: I yalobiletla xc'Λñañej. ¿Majqui tsi' subeyetla cha'an mi la' puts'tan jini tojmulil mu' b_Λ i tilel?

⁸ Melela toj b_Λ la' melbal mi woli la' c_Λy la' mul.

⁹ Mach mi la' w_Λl ti la' pusic'al: “C tat lojon jiñach Abraham”, che'etla. Come mic subeñetla, Dios mi mejlel i p_Λntesan jini xajlel tac ti' yalobilob Abraham.

¹⁰ W_Λle ac'bil hacha ti' yebal te'. Mi' sejq'uel pejtelel jini te' mach b_Λ anic mi' y_Λc' wen b_Λ i wut. Mi' chojq'uel ti c'ajc.

¹¹ Joñon mi c_Λq'ueñetla ch'Λmja' cha'an mi la' c_Λy la' mul. Tal to tic pat ñumen p'Λt_Λl b_Λ. Joñon mach yoque ñuconic cha'an mic yeben majlel i x_Λñ_Λb. Jiñach mu' b_Λ caj i y_Λq'ueñetla la' ch'Λm Ch'ujul b_Λ Espiritu yic'ot c'ajc.

¹² An i wejlajib ti' c'Λb. Mi' wen wejlan i yajñib trigo. Mi' lot jini trigo ti' yotlel. Mi' caj i pulben i sujl ti c'ajc mach b_Λ yujilic yajpel. Che' tsi' y_ΛΛ Juan.

Tsi' ch'Λmja' Jesús

(Mr. 1.9-11; Lc. 3.21-22)

¹³ Tsa' loq'ui tilel Jesús ti Galilea. Tsa' c'oti ti Jordán ja' ba'an Juan cha'an mi' ch'Λm ja' ti' c'Λb Juan.

¹⁴ Juan tsi' ñopo i tic'. Tsi' y_ΛΛ: Yom ma' w_Λq'ueñon ch'Λmja' jatet. ¿Mu' ba a tilel a ch'Λm ja' ba' añon? che'en.

¹⁵ Jesús tsi' sube Juan: La' aq'uenticon ch'Λmja' w_Λle. Come che' yom mi lac cha'len cha'an mi lac ts'Λctesan pejtelel chuqui toj, che'en. Tsi' jac'Λ i y_Λq'uen che' bajche' tsi' y_ΛΛ.

¹⁶ Che' b_Λ tsa'ix i ch'Λm_Λ ja' Jesús tsa' loq'ui ti ja'. Awilan, tsa' cajli panchan. Tsi' q'uele i yEspíritu Dios woli' jubel tilel che' bajche' x'ujcuts. Tsa' t'uchle ti Jesús.

¹⁷ Awilan, tsa' loq'ui tilel t'an ti panchan. Tsi' y_ΛΛ: Jiñach Calobil mu' b_Λ j c'uxbin. Wen uts'at mij q'uel, che'en.

4

Iyilbentel i pusic'al Jesús

(Mr. 1.12-13; Lc. 4.1-13)

¹ Jini Espiritu tsi' p_Λy_Λ majlel Jesús ti colem b_Λ i tiquiñal lum cha'an mi' iyilbentel i pusic'al ti xiba.

² Ma'anic chuqui tsi' c'uxu cha'c'al q'uin cha'c'al ac'Λlel. Tsa' caji i yubin wi'ñal.

³ Tsa' tili jini xp_Λy mulil ya' ba'an Jesús. Tsi' sube: Mi i Yalobilet Dios, suben jini xajlel tac cha'an mi' p_Λnt_Λyel ti waj, che'en.

⁴ Jesús tsi' sube: Ts'ijbubil: “Mach cuxulob winicob x'ixicob cha'an jach waj pero ti jujump'ejl t'an mu' b_Λ i loq'uel ti' yej Dios”, che'en.

⁵ Jini xiba tsa' caji i p_Λy majlel Jesús ti ch'ujul b_Λ tejclum. Ya' tsi' p_Λy_Λ ti wa'tal ti' pam i jol Templo.

⁶ Tsi' sube: Mi i Yalobilet Dios, choco jubel a b_Λ come ts'ijbubil: “Mi caj i subeñob i yángelob cha'an mi' c_Λntañet. Mi caj i chuquet ti' c'Λb, ame a jats' a woc ti xajlel”, che'en.

⁷ Jesús tsi' y_ΛΛ: Ts'ijbubil ja'el: “Mach yomic ma' wil_Λben i pusic'al a Yum Dios”, che'en.

⁸ Ti wi'il jini xiba tsi' p_Λy_Λ majlel ti wen chan b_Λ wits. Tsi' laj p_Λsbe pejtelel i yum_Λntel tac jini yum_Λlob ti pañimil yic'ot i ñuclel.

⁹ Tsi' sube: Muq'ueñ a ñocchocon a b_Λ a ch'ujutesañon, mi c_Λq'ueñet ti pejtelel, che'en.

¹⁰ Jesús tsi' sube: Cucu, Satanás, come ts'ijbubil: “Yom ma' ch'ujutesan a Yum Dios. Cojach jini yom ma' yuman”, che'en.

¹¹ Jini xiba tsi' c_Λy_Λ Jesús. Awilan, tsa' tili ángelob i coltañob Jesús.

*I tejchibal i ye'tel Jesús w^Λ ti pañimil
(Mr. 1.14-20; Lc. 4.14-15; 5.1-11; 6.17-19)*

12 Che' b^Λ tsi' yubi ya'an Juan ti ma^Λjquib^Λ, Jesús tsa' majli ti Galilea.

13 Che' b^Λ tsa' loq'ui ti Nazaret tsa' majli ti chumt^Λ ti Capernaum am b^Λ ti' ti' colem ñajb la^c'^Λl ti Zabulón yic'ot ti Neftalí.

14 Che' jini tsa' ts'^Λactiyi jini tsa' b^Λ i y^ΛΛ^Λ jini x'^{alt}'an Isaías:

15 "Jini winicob x'ixicob año' b^Λ ti' lumal Zabulón, yic'ot ya' ti' lumal Neftalí, yic'ot ya' ti' ti' colem ñajb, yic'ot ya' ti' junwejl Jordán ja', yic'ot ti Galilea i lumal gentilob,

16 jini winicob x'ixicob año' b^Λ ti ic'ch'ipan b^Λ pañimil tsi' q'ueleyob colem b^Λ i sa^clel pañimil. Tsa' caji ti tilel i sa^clel pañimil ba'an jini año' b^Λ ti ac'^Λlel woli b^Λ i cha^Λmelob", che'en.

17 Ti jim b^Λ ora tsa' caji ti subt'an Jesús. Tsi' y^ΛΛ^Λ: C^Λy^Λx la' mul come la^c'^Λlix i yum^Λntel jini am b^Λ ti panchan, che'en.

18 Che' woli ti x^Λmbal ti' ti' ñajb i c'aba' Galilea, Jesús tsi' q'uele cha'tiquil winicob, Simón am b^Λ i cha'chajplel i c'aba' Pedro, yic'ot i yijts'in Simón i c'aba' Andrés. Woli' chocob ochel i chimo'ch^Λy ya' ti ñajb, come xchuc ch^Λyob.

19 Tsi' subeyob: La'la tsajcañon. Mi caj c meletla ti xchuc winicob, che'en.

20 Tsi' b^Λc' c^Λy^Λyob i chimo'ch^Λy. Tsi' tsajcayob majlel Jesús.

21 Che' b^Λ woli to i ts'ita' x^Λn majlel Jesús, tsi' q'uele yamb^Λ cha'tiquilob, Jacobo i yalobil Zebedeo, yic'ot i yijts'in Jacobo i c'aba' Juan. Ya' año' ti barco yic'ot i tat i c'aba' Zebedeo. Woli' cha' ts'isob i chimo'ch^Λy. Jesús tsi' p^Λy^Λyob.

22 Tsi' b^Λc' c^Λy^Λyob i tat yic'ot jini barco. Tsi' tsajcayob majlel.

23 Jesús tsa' ñumi majlel ti pejtelel Galilea. Tsi' cha'le c^Λntesa ti' sinagoga tac judíojob. Tsi' subu jini wen t'an cha'an i yum^Λntel Dios. Tsi' lu' lajmesa pejtelel c'am^Λjel yic'ot cha^Λmel tsa' b^Λ i yubiyob winicob x'ixicob.

24 Ya' ti pejtelel Siria tsa' caji i yubiñoob ñuc b^Λ i melbal Jesús. Tsi' p^Λy^Λyob tilel pejtelel xc'am^Λjelob woli b^Λ i yubiñoob leco tac b^Λ i cha^Λmel, yic'ot cab^Λl i wocol yic'ot jini am b^Λ i xib^Λl^Λlel yic'ot juquin cha^Λmel, yic'ot jini

mach b^Λ año'bic i c'^Λjñibal i yoc i c'^Λb. Tsi' lu' lajmesayob.

25 Tsi' tsajcayob majlel Jesús cab^Λl winicob x'ixicob ch'oyolo' b^Λ ti Galilea, ti Decápolis, ti Jerusalén, ti Judea yic'ot jini ch'oyolo' b^Λ ti junwejl Jordán ja'.

5

*I c^Λntesa Jesús ti bujt^Λ: Jini am b^Λ i ti-
jicñ^Λyel*

(Lc. 6.20-23)

1 Che' b^Λ tsi' q'uele temp^Λbilob' b^Λ winicob x'ixicob, Jesús tsa' letsi majlel ti bujt^Λ. Che' buchulix Jesús, tsa' tiliyob xc^Λnt'añoob i cha'an ba'an.

2 Tsa' caji ti t'an. Tsa' caji i c^Λntesañoob. Tsi' subeyob:

3 Tijicña jini mu' b^Λ i ña'tañoob ma'anic i bajñel wenlel ti' pusic'al, come i cha'añoob i yum^Λntel jini am b^Λ ti panchan.

4 Tijicñayob jini woliyo' b^Λ ti uq'uel, come muq'uix i ñuq'ues^Λbentelob i pusic'al.

5 Tijicñayob jini pec' b^Λ mi' melob i b^Λ, come mi caj i y^Λq'uentelob pañimil.

6 Tijicñayob jini año' b^Λ i wi'ñal i pusic'al yic'ot i tiquin ti' cha'an chuqui toj, come mi caj i bujt'es^Λntelob i pusic'al.

7 Tijicñayob mu' b^Λ i cha'leñoob p'untaya, come mi caj i p'unt^Λntelob.

8 Tijicñayob jini sa^c b^Λ i pusic'al, come mi caj i q'uelob Dios.

9 Tijicñayob jini mu' b^Λ i ñach'chocoñoob xleto, come mi caj i sujbelob ti' yalobil Dios.

10 Tijicñayob jini mu' b^Λ i tic'^Λntelob cha'an chuqui toj, come i cha'añoob i yum^Λntel jini am b^Λ ti panchan.

11 Tijicñayetla che' mi' ts'a'leñetla winicob che' mi' tic'lañetla, che' mi' p^Λq'uetla ti ju-junchajp jontolil cha'an tsa' la' ñopoyon.

12 La' ñuc'ac la' pusic'al. Melela ti tijicña la' pusic'al, come ñuc la' chobejt^Λbal ti panchan, come che' ja'el tsi' tic'layob x'^{alt}'añoob wajali.

I yats'mil pañimil

(Mr. 9.50; Lc. 14.34-35)

13 Jatetla i y^Λt'smiletla pañimil. Mi tsa' sajti i tsajel ats'am, ¿bajche' mi caj i cha' tsaj'es^Λntel? Ma'anix i c'^Λjñibal. Mi lac choc ba' mi' t'uchtañoob majlel winicob.

14 Jatetla i sacleletla pañimil. Mach mejlic ti majquel tejclum wa'chocobil b_Λ ti' jol wits.

15 Che' mi lac tsuc' candil ma'anic mi lac ñup' ti chiquib. Mi lac joc'chocon ti' joc'lib cha'an mi' pasbeñob i saclel pejtelel año' b_Λ ti' mal otot.

16 Che' yom mi la' pasbeñob winicob x'ixicob la' saclel yic'ot wen b_Λ la' we'tel. Che' mi' q'uelob mi caj i tsictesañob i ñucel la' Tat am b_Λ ti panchan.

I cantesa Jesús cha'an jini mandar

17 Mach mi la' w_Λl ti la' pusic'al tsa' tiliyon cha'an mic jisan ts'ijbubil b_Λ mandar yic'ot i t'an x'alt'añob. Ma'anic tsa' tiliyon cha'an mic jisan. Tsa' tiliyon cha'an mic ts'actesan i sujmllel.

18 Come isujm mic subeñetla, mach mejlic ti sujcuntel loq'uel mi jump'ejlic jota mi jump'ejlic punto ti jini mandar c'ΛΛl ti' jilibal pañimil yic'ot panchan, c'ΛΛl jinto mi' ts'actiyel pejtelel i subal.

19 Jini cha'an mi an majch mi' ñusan jump'ejl ch'o'ch'oc b_Λ mandar, mi tsi' cantesa winicob cha'an mi' ñusañob ja'el, ma'anic mi caj i taj i ñucel ti' yum_Λntel panchan. Pero jini mu' b_Λ i jac' jini mandar, mu' b_Λ i cantesañob cha'an mi' jac'ob, mi caj i taj i ñucel ti' yum_Λntel jini am b_Λ ti panchan.

20 Come mic subeñetla, mi mach ñumen tojic la' pusic'al bajche' sts'ijbayajob yic'ot fariseojob, ma'anic mi caj la' wochel ti' yum_Λntel jini am b_Λ ti panchan.

I cantesa Jesús cha'an tsansa (Lc. 12.57-59)

21 Tsa'ix la' wubi jini tsa' b_Λ subentiyob winicob ti wajali. Tsa' subentiyob: "Mach mi la' cha'len tsansa. Jini mu' b_Λ i cha'len tsansa mi caj i taj i mul ti' wut año' b_Λ i ye'tel".

22 Pero joñon mic subeñetla, pejtél mu' b_Λ i mich'leñob i b_Λ mi caj i tajob i mul ti' wut año' b_Λ i ye'tel. Jini mu' b_Λ i wajlen i pi'Λl, mi caj i taj i mul ti' wut año' b_Λ i ye'tel. Jini mu' b_Λ i suben sojquem i jol, mi caj i toj i mul ti' c'ajc.

23 Che' wola' w_Λq'uen i majtan Dios ti' yajñib, mi tsa' c'ajtiyi a cha'an an chuqui tsa' cha'le ti' contra a pi'Λl,

24 c_Λy_Λ i majtan Dios ti' t'ejl i yajñib. Cucu, ñaxan mele a b_Λ a wic'ot a pi'Λl. Ti wi'il la' aq'uen i majtan Dios ti' yajñib.

25 Yom ma' b_Λc' pejcan ti uts'at jini woli b_Λ i contrajiñet che' wola' majlel ba'an melob_Λj_Λl ame cajic i y_Λq'uet ti' c'Λb xmel mulil. Jini xmel mulil mi caj i y_Λq'uet ti' c'Λb xcanta cárcel. Mi caj a wochel ti majquib_Λl.

26 Isujm mic subeñet ma'anic mi caj a loq'uel ya'i jinto ma' toj. Ma'anic mi caj a c_Λy_Λbentel mi jump'ejlic centavo.

I cantesa Jesús cha'an ts'i'lel

27 Tsa'ix la' wubi tsa' b_Λ ajli: "Mach ma' cha'len ts'i'lel".

28 Pero joñon mic subeñetla, majqui jach mi' q'uel x'ixic ti' colosojlel i pusic'al tsa'ix i cha'le ts'i'lel ti' pusic'al yic'ot.

29 Mi woli' y_Λsañet ti mulil jini a wut am b_Λ ti a ñoj, loc'san. Choco. Uts'at mi tsa' sajti jump'ejl a wut. Mach uts'atic mi tsa' chojquiyet ti c'ajc che' ts'ac_Λl a b_Λc'tal.

30 Mi woli' y_Λsañet ti mulil a c'Λb am b_Λ ti a ñoj, tsepe loq'uel. Choco. Uts'at mi tsa' sajti a c'Λb. Mach uts'atic mi tsa' chojquiyet ti c'ajc che' ts'ac_Λl a b_Λc'tal.

I cantesa Jesús cha'an che' mi' c_Λy i yijñam winic

(Mt. 19.9; Mr. 10.11-12; Lc. 16.18)

31 Tsa' ajli ja'el: "Che' an majqui yom i c_Λy i yijñam, la' i y_Λq'uen i juñilel cha'an tsiquil c_Λybilix i cha'an".

32 Pero joñon mic subeñetla majqui jach mi' to'o c_Λy i yijñam che' ma'anic tsi' cha'le ts'i'lel yic'ot yamb_Λ winic, woli' bajñel ac' i yijñam ti ts'i'lel. Che' ja'el, majqui mi' p_Λy c_Λybil b_Λ x'ixic cha'an i yijñam woli' cha'len ts'i'lel yic'ot.

Che' mi' wa'chocon i t'an winic

33 Tsa'ix la' wubi chuqui tsa' subenti winicob ti wajali: "Mach ma' lon tajben i c'aba' Dios cha'an ma' wa'chocon a t'an. Mele ti ts'ac_Λl chuqui ma' w_Λl ti' tojlel Dios".

34 Pero joñon mic subeñetla mach yomic ma' lon wa'chocon a t'an. Mach ma' lon taj ti t'an panchan come jiñach i buchlib Dios.

35 Mach ma' lon taj ti t'an pañimil come jiñach i yajñib i yoc Dios, mi i c'aba'ic Jerusalén come i tejclumach jini ñuc b_Λ yum_Λl.

³⁶ Che' ja'el mach ma' lon taj ti t'an a jol cha'an ma' wa'chocon a t'an, come mach mejlic ma' saq'uesan ma' wiq'uesan mi junt'ujmic.

³⁷ Che' ma' cha'len t'an, mi isujmach, "isujm cu", che'et. Che' mach isujmic, "mach isujmic", che'et. Mi tsa' wala yamba t'an cha'an ma' wa'chocon, ch'oyolach ti jontolil.

I cantesa Jesús cha'an i q'uxtel jontolil
(Lc. 6.27-30)

³⁸ Tsa'ix la' wubi tsa' b_Λ ajli: "Wutal i q'uxol wutal, i b_Λquel ejal i q'uxol i b_Λquel ejal".

³⁹ Pero joñon mic subeñetla: Mach mi la' q'uxtan jontolil. Che' an majqui mi' jats'et ti ñoj b_Λ a choj pasben yamba a choj.

⁴⁰ Che' an majqui mi' p_Λyet ba'an am b_Λ i ye'tel cha'an mi' chilbeñet a bujc, aq'uen a chaqueta ja'el.

⁴¹ Mi an majqui mi' wersa p_Λyet ti cuchijel jump'ejl legua, cucu a wic'ot cha'p'ejl legua.

⁴² Aq'uen chuqui mi' c'ajtibeñet. Che' an chuqui mi' c'ajtibeñet ti majan, mach ma' to'o ac' ti sujtel.

Mi laj c'uxbin laj contrajob
(Lc. 6.32-36)

⁴³ Tsa'ix la' wubi tsa' b_Λ ajli: "C'uxbin a pi'lob, ts'a'len a contra".

⁴⁴ Pero joñon mic subeñetla: C'uxbin la' contrajob. Tajala ti oración jini mu' b_Λ i contrajiñetla yic'ot jini mu' b_Λ i tic'lañetla.

⁴⁵ Che' jini mi' tsictiyel i yalobiletla la' Tat am b_Λ ti panchan. Come Dios woli' ch_Λn ac' ti pasel q'uin ti' tojlel jini tojo' b_Λ i pusic'al yic'ot jontolo' b_Λ ja'el. Che' ja'el woli' ch_Λn chocheñob tilel ja'al jini tojo' b_Λ i pusic'al yic'ot jontolo' b_Λ.

⁴⁶ Come mi jini jach c'ux woli la' wubin jini c'ux b_Λ mi' yubiñetla, ¿uts'at ba ma' q'uejlel che' jini? ¿Mach ba che'ic mi' melob xch'am tojoñelob ja'el?

⁴⁷ Mi jini jach mi la' w_Λq'uen cortesía la' wermanojob, ¿ñumen toj ba mi la' mel bajche' yaño' b_Λ? ¿Mach ba che'ic mi' cha'leñob gentilob ja'el?

⁴⁸ Jini cha'an yom ts'acal i yutslel la' pusic'al che' bajche' ts'acal i yutslel i pusic'al la' Tat am b_Λ ti panchan.

6

Bajche' mi' y_Λq'uentel chub_Λañal p'ump'uño' b_Λ

¹ Ch_Λca q'uele la' b_Λ cha'an mi la' mel chuqui toj, pero mach cojic jach ti' wut la' pi'lob cha'an mi' q'ueletla, come che' jini ma'anic mi' y_Λq'ueñetla la' chobejt_Λbal la' Tat am b_Λ ti panchan.

² Che' mi la' w_Λq'uen la' chub_Λ'an p'ump'uño' b_Λ, mach mi la' w_Λc' ti wustal majlel trompeta ti' tojel la' wut che' bajche' mi' cha'leñob ti sinagoga tac yic'ot ti calle tac jini cha'p'ejax b_Λ i pusic'al cha'an mi' q'uejlelob ti ñuc ti' wut winicob x'ixicob. Isujm mic subeñetla tsa'ix i tajayob i chobejt_Λbal.

³ Che' ma' w_Λq'uen a chub_Λ'an p'ump'uño' b_Λ, mach ma' w_Λc' ti q'uejlel jini woli b_Λ a w_Λc'.

⁴ Ti mucul yom ma' w_Λc' a chub_Λ'an. Jini a Tat woli b_Λ i q'uel pejtelel mucul tac b_Λ mi caj i y_Λq'ueñet a chobejt_Λbal ti jamal.

I cantesa Jesús cha'an oración
(Lc. 11.2-4)

⁵ Che' ma' cha'len oración, mach a cha'len che' bajche' jini cha'chajp jax b_Λ i pusic'al mu' b_Λ i mulan i cha'leñob oración che' wa'alob ti sinagoga tac yic'ot ti' xujc calle cha'an mi' q'uejlelob. Isujm mic subeñetla tsa'ix i tajayob i chobejt_Λbal.

⁶ Pero jatet, che' ma' cha'len oración, ochen ti' mal a wotot. M_Λca i ti' a wotot. Pejcan a Tat am b_Λ ti mucul. Jini a Tat woli b_Λ i q'uel pejtelel mucul tac b_Λ mi caj i y_Λq'ueñet a chobejt_Λbal ti jamal.

⁷ Che' mi la' cha'len oración, mach mi la' ch_Λn taj lajal b_Λ t'an cha'an ma' tam'esan a woración che' bajche' mi' cha'leñob gentilob. Mi' lon ña'tañob mi' yubintel i yoración cha'an cabal i t'an.

⁸ Mach mi la' cha'len lajal bajche' jini gentilob, come yujil la' Tat chuqui anto yom la' cha'an che' maxto anic tsa' la' c'ajtibe.

⁹ Cha'lenla oración che' bajche' jini: C Tat lojon añet bΛ ti panchan, la' ch'ujutesΛntic a c'aba'.

¹⁰ La' tilic a yumΛntel. La' mejlic chuqui a wom ti pañimil che' bajche' ti panchan.

¹¹ Aq'ueñon lojon c waj cha'an ili q'uin.

¹² ÑusΛbeñon lojon c mul che' bajche' mic ñusΛbeñob i mul c pi'Λlob lojon.

¹³ Mach ma' wΛc'on lojon ba' mic pΛjyel lojon ti mulil. CΛntañon lojon ame yajlicon lojon ti jontolil. Come a cha'añach a yumΛntel yic'ot a p'ΛtΛlel yic'ot a ñuclel ti pejtelel ora. Amén. Che' yom mi la' mel oración.

¹⁴ Come mi woli la' ñusΛben i mul la' pi'Λlob, la' Tat ti panchan mi' ñusΛbeñetla la' mul.

¹⁵ Pero mi mach mi la' ñusΛbeñob i mul la' pi'Λlob, ma'anic mi' ñusΛbeñetla la' mul la' Tat ja'el.

I cAntesa Jesús cha'an ch'ajb

¹⁶ Che' ja'el che' woliyetla ti ch'ajb, mach mi la' mel ti ch'ijiyem la' wut che' bajche' jini cha'chajp jax bΛ i pusic'al. Leco mi' melob i wut cha'an mi' q'uejlelob che' woliyob ti ch'ajb. Isujm mic subeñetla, tsa'ix i tajayob i chobejtΛbal.

¹⁷ Pero jatet, che' woliyet ti ch'ajb boño a jol. Poco a wut.

¹⁸ Che' jini ma'anic mi' tsictiyel ti' wut winicob x'ixicob mi woliyet ti ch'ajb. Pero mi' tsictiyel ti' wut a Tat am bΛ ti mucul. Jini a Tat, mu' bΛ i q'uel pejtelel mucul tac bΛ, mi caj i yΛq'ueñet a chobejtΛbal ti jamΛ.

ChubΛ'añal ti panchan

(Lc. 12.32-34)

¹⁹ Mach mi la' tempan la' chubΛ'an ti pañimil ba' mi' jisan motso', ba' mi' caj ti ta', ba' mi' yochelob xujch' i xujch'iñob loq'uel.

²⁰ Tempan la' chubΛ'an ti panchan ba' ma'anic mi' jisan motso', ba' ma'anic mi' caj ti ta', ba' ma'anic mi' yochelob xujch' i xujch'iñob loq'uel.

²¹ Baqui jach tempΛbil la' chubΛ'an, mi la' teñe ac' ti la' pusic'al.

Lámpara cha'an lac bΛc'tal

(Lc. 11.33-36)

²² Jini lac wut lámparajΛch cha'an lac bΛc'tal. Mi weñΛch la' wut, mi la' wen q'uel i sΛclel pañimil.

²³ Mi mach wenic la' wut, añet jach la ti ac'Λlel. Mi i'ic' jax mi la' q'uel i sΛclel pañimil, añetla ti ic'yoch'an bΛ pañimil.

Dios yic'ot chubΛ'añal

(Lc. 16.13;12.22-31)

²⁴ Ma'anic x'e'tel mu' bΛ mejlel i yuman cha'tiquil yumΛ. Mi' ts'a'len juntiquil yumΛ, mi' c'uxbin yambΛ. Mi' jac'ben i t'an juntiquil, mi' ñusΛben i t'an yambΛ. Mach mejlic la' yuman Dios che' woli la' yuman chubΛ'añal.

²⁵ Jini cha'an mic subeñetla mach mi la' mel la' pusic'al cha'an la' cuxtΛlel wΛ' ti pañimil, mi cha'an chuqui mi la' c'ux, mi cha'an chuqui mi la' jap, mi cha'an chuqui mi la' xoj. ¿Mach ba ñumenic i c'Λjñibal la' cuxtΛlel bajche' i bΛ la' ñΛc'? ¿Mach ba ñumenic i c'Λjñibal la' bΛc'tal bajche' la' pislel?

²⁶ Q'uelela jini te'lemut. Ma'anic mi' cha'len pac' mi c'ajbal. Ma'anic mi' tempan i buc'bal ti' yotlel. La' Tat ti panchan mi' yΛq'uen i buc'bal te'lemut. ¿Mach ba ñumenic la' c'Λjñibal bajche' te'lemut?

²⁷ ¿Majqui mi' mejlel ti coel mi junxuc'ubΛyem cha'an ti cabΛ mel pusic'al?

²⁸ ¿Chucoch mi la' mel la' pusic'al cha'an la' pislel? Ña'tanla bajche' mi' coel jini sΛsΛc bΛ i nich pimel am bΛ ti jamil. Ma'anic mi' cha'len e'tel mi ñoq'uijel.

²⁹ Pero mic subeñetla, mach yoque i t'ojolic i pislel Salomón ti pejtelel i ñuclel bajche' jini sΛsΛc bΛ i nich pimel.

³⁰ I t'ojol jax mi' mel pimel Dios, jini pimel cuxul bΛ wΛle mu' bΛ i chojquel ti c'ajc ti yijc'Λlal. Mi che'Λch mi' mel, ¿mach ba muq'ueñetla chuqui mi la' xoj jatetla mach bΛ anic mi la' ñop ti pejtelel la' pusic'al?

³¹ Jini cha'an mach mi la' mel la' pusic'al. Mach mi la' wΛ: “¿Chuqui mi caj laj c'ux? ¿Chuqui mi caj lac jap? ¿Chuqui mi caj lac xoj?” Mach che'ic yom mi la' wΛ.

³² Come pejtelel ili tac mi' sΛclañob gentilob. Come la' Tat ti panchan yujil pejtelel chuqui tac yom la' cha'an.

³³ Ñaxan sajcanla i yumΛntel Dios yic'ot i tojel. Che' jini mi caj la' wΛq'uentel pejtelel chuqui tac anto yom la' cha'an.

³⁴ Mach mi la' mel la' pusic'al cha'an jini mu' to b_Λ i yujtel ijc'Λl. Ya'to tsiquil chuqui mi' yujtel ijc'Λl. Jas_Λ jach mi lac ña'tan ili wocol am b_Λ w_Λle.

7

Che' an majch mi' lon al ti' pusic'al an i mul i pi'Λlob

(Lc. 6.37-38, 41-42)

¹ Mach mi la' w_Λl ti la' pusic'al mi an i mul la' pi'Λlob. Che' jini, ma'anic mi caj i y_Λlob ti' pusic'al mi an la' mul.

² Come che' mi la' w_Λl ti la' pusic'al mi an i mul la' pi'Λlob, mi caj i y_Λlob ti' pusic'al mi an la' mul. Che' bajche' mi la' p'isben winicob, che'Λch mi caj la' w_Λq'uentel ja'el.

³ ¿Chucoch ma' q'uel ya wist_Λl sajte' am b_Λ ti' wut a pi'Λl, pero ma'anic ma' q'uel cucujl am b_Λ ti a wut?

⁴ ¿Bajche' mi mejlel a suben a pi'Λl: “La' c loc'san sajte' ti a wut”, che'et, pero awilan an cucujl ti a wut?

⁵ Jatet cha'chajp jax b_Λ a pusic'al, ñaxan loc'san jini cucujl am b_Λ ti a wut. Ti wi'il mi mejlel a wen q'uel cha'an ma' loc'san jini sajte' am b_Λ ti' wut a pi'Λl.

⁶ Mach mi la' w_Λq'uen ts'i' chuqui tac ch'ujul. Mach mi la' wejtuben chitam la' perla tac ame mi' t'uchtan, ame mi' sutq'uin i b_Λ i lowetla.

C'ajtinla, saclanla, pejcanla

(Lc. 11.9-13;6.31)

⁷ C'ajtinla. Mi caj la' w_Λq'uentel. Sajcanla. Mi caj la' taj. Pejcanla i yum otot. Mi caj la' jambentel.

⁸ Come majqui jach mi' c'ajtin mi caj i y_Λq'uentel. Jini mu' b_Λ i sajcan mi' taj. Jini mu' b_Λ i pejcan i yum otot mi caj i jambentel.

⁹ ¿Am ba juntiquil winic ti a tojlel mu' b_Λ caj i y_Λq'uen xajlel i yalobil mi tsi' c'ajtibe waj?

¹⁰ Mi tsi' c'ajtibe ch_Λy, ¿mu' ba i y_Λq'uen lucum?

¹¹ Anquese jontoletla la' wujil la' w_Λq'uen la' walobilob chuqui uts'at. ¿Mach ba ñumenic yujil la' Tat am b_Λ ti panchan? Mi' y_Λq'ueñob chuqui uts'at jini mu' b_Λ i c'ajtibeñob.

¹² Melela chuqui uts'at ti' tojlel la' pi'Λlob mi la' wom chuqui uts'at ti la' tojlel. Come jiñach jini mandar yic'ot i subal jini x'alt'añob.

Ch'o'ch'oc b_Λ i ti' otot

(Lc. 13.24)

¹³ Ochenla ti ch'o'ch'oc b_Λ i ti', come colem i ti', ñuc i bijlel mu' b_Λ i majlel ti tojmulil. Cab_Λlob mi' yochelob ya'i.

¹⁴ Come ch'o'ch'oc i ti', ch'o'ch'oc i bijlel ba' mi la' taj la' cuxt_Λlel. Ts'ita' jax jini mu' b_Λ i yochelob i taj i cuxt_Λlel.

Ti' wut mi' c_Λjñel te'

(Lc. 6.43-45; 13.25-27)

¹⁵ Ch_Λc_Λ q'uele la' b_Λ cha'an lot b_Λ x'alt'añob mu' b_Λ i tilelob ba' añetla l_Λp_Λl i cha'añob i tsutsel tiñ_Λme' yilal, pero ti' pusic'al lajalob bajche' jontol b_Λ b_Λte'el ts'i'.

¹⁶ ¿Mu' ba i tujq'uel ts'usub ti ch'ixol, mi i wut te' i c'aba' higo ti ts'Λbabol? Ti' wut jach mi la' c_Λn lot b_Λ x'alt'añob.

¹⁷ Che' jini, pejtelel uts'at b_Λ te' mi' y_Λc' uts'at b_Λ i wut. Jini mach b_Λ wenic b_Λ te' mi' y_Λc' leco tac b_Λ i wut.

¹⁸ Mach mejlic i y_Λc' leco b_Λ i wut jini uts'at b_Λ te'. Che' ja'el, ma'anic mi' y_Λc' uts'at b_Λ i wut jini te' mach b_Λ wenic.

¹⁹ Pejtelel jini te' mach b_Λ anic mi' y_Λc' uts'at b_Λ i wut mi' sejq'uel. Mi' chojquel ti c'ajc.

²⁰ Che' jini, ti' wut jach mi la' c_Λñob.

²¹ Mach ti pejteloboc mu' b_Λ i pejcañob ti' yum mi caj i yochelob ti' yum_Λntel jini am b_Λ ti panchan. Jini jach mu' b_Λ i melob bajche' yom c Tat ti panchan mi caj i yochelob.

²² Ti jini q'uin cab_Λl mi caj i subeñoñob: “C Yum, c Yum, ¿mach ba anic tsac cha'le lojon subt'an ti a c'aba'? Ti a c'aba' tsac choco lojon loq'uel xibajob. Ti a c'aba' tsac cha'le lojon cab_Λl ñuc b_Λ c melbal”. Che' mi caj i y_Λlob.

²³ Che' jini mi caj c subeñoñob: “Mach j c_Λñ_Λyeticla. Loq'uenla tic tojlel jatetla mu' b_Λ la' cha'len jontolil”.

Cha'p'ejl i c'Λclib otot

(Lc. 6.46-49)

²⁴ Ti jujuntiquil mu' b_Λ i yubibeñoñob c t'an, mu' b_Λ i jac'beñoñob, lajalach bajche' winic

am b_Λ cab_Λ i ña't_Λbal. Tsi' mele i yotot ti' pam xajlel.

²⁵ Tsa' yajli ja'al. Tsa' tili but'ja'. Tsa' ñumi cab_Λ ic'. Tsi' jats'_Λ jini otot. Pero ma'anic tsa' bujchi come wen wa'chocobil jini otot ti' pam xajlel.

²⁶ Jini mu' b_Λ i yubibeñon c t'an pero ma'anic mi' jac'beñon, lajal_Λch bajche' winic mach b_Λ anic i ña't_Λbal. Tsi' mele i yotot ti' pam ji'.

²⁷ Tsa' yajli ja'al. Tsa' tili but'ja'. Tsa' ñumi cab_Λ ic'. Tsi' jats'_Λ jini otot. Tsa' bujchi. Tsa' lu' jejmi. Che' tsi' y_ΛΛ Jesús.

²⁸ Che' b_Λ tsa' ujti i sub jini t'an Jesús, tsa' toj sajtiyob i pusic'al winicob x'ixicob cha'an i c_Λntes_Λbal.

²⁹ Come yic'ot i p'_Λt_Λlel i ye'tel tsi' c_Λntesayob, mach che'ic bajche' sts'ijbayajob.

8

Jesús tsi' lajmesa winic am b_Λ leco b_Λ tsoy (Mr. 1.40-45; Lc. 5.12-16)

¹ Che' b_Λ tsa' jubi tilel Jesús ti bujt_Λ, tsa' caji i tsajcañob majlel cab_Λ winicob x'ixicob.

² Awilan, tsa' tili juntiquil winic am b_Λ leco b_Λ i tsoy. Tsi' ch'ujutesa Jesús. Tsi' y_ΛΛ: C Yum, mi a wom, mi mejlel a lajmesañon, che'en.

³ Jesús tsi' s_Λt's'_Λ i c'_Λb. Tsi' t_ΛΛ. Tsi' y_ΛΛ: Com cu. La' lajmiquet, che'en. Tsa' b_Λc' lajmi leco b_Λ i tsoy.

⁴ Jesús tsi' sube: Ch_Λc_Λ q'uele a b_Λ. Mach ma' suben mi juntiquilic winic. Cucu p_Λs_Λ a b_Λ ba'an motomaj. Aq'uen i majtan Dios che' bajche' tsi' y_ΛΛ Moisés ti mandar cha'an mi' q'uelob s_Λq'ues_Λbilet, che'en Jesús.

Jesús tsi' lajmesa x'e'tel i cha'an jini am b_Λ i ye'tel

(Lc. 7.1-10)

⁵ Che' b_Λ tsa' c'oti Jesús ti Capernaum, tsa' tili i yaj capitán jo'c'al soldadojob. Tsi' c'ajtibe wocol t'an.

⁶ Tsi' y_ΛΛ: C Yum, ya' ñolol juntiquil x'e'tel c cha'an ti cotot. Ma'anic i c'_Λjñibal i yoc i c'_Λb. Wen cab_Λ woli' yubin wocol, che'en.

⁷ Jesús tsi' sube: Mic majlel c lajmesan, che'en.

⁸ Jini i yaj capitán jo'c'al soldadojob tsi' sube: C Yum, mach uts'aticon cha'an ma' wochel ti cotot. Jini jach yom ma' w_Λc' a t'an. Che' jini mi' caj ti lajmel jini x'e'tel c cha'an.

⁹ Come joñon añon ti' wenta yamb_Λ winic. An tic wenta cab_Λ soldadojob. Mic suben juntiquil: “Cucu”, cho'on. Mi' majlel. Yamb_Λ mic suben: “La”, cho'on. Mi' tilel. Mic suben c winic: “Mele jini”, cho'on. Mi' mel, che'en jini capitán.

¹⁰ Jesús uts'at tsi' yubibe i t'an jini capitán. Tsi' subeyob jini woli b_Λ i tsajcañob majlel: Isujm mic subeñetla ma'anic ba' tsac taja ti pejtelel Israel mi juntiquilic winic mu' b_Λ i ñopon bajche' jini.

¹¹ Mic subeñetla, mi caj i tilelob cab_Λ ch'oyolo' b_Λ ti' pasibal q'uin yic'ot ti' b_Λjlibal q'uin. Ya' mi caj i bucht_Λlob yic'ot Abraham yic'ot Isaac yic'ot Jacob ti' yum_Λntel jini am b_Λ ti panchan.

¹² Jini tsa' b_Λ p_Λjyiyob ti' yum_Λntel Dios mach b_Λ anic mi' yumañob Dios mi' caj ti chojquelob ochel ti ic'ch'ipan b_Λ pañimil. Ya' mi' cajelob ti uq'uel yic'ot quech'ecña b_Λ i b_Λquel i yej, che'en Jesús.

¹³ Jesús tsi' sube i yaj capitán soldadojob: Cucux. La' aq'uentiquet che' bajche' tsa' ñopo ti a pusic'al, che'en. Ti jini jach b_Λ ora tsa' lajmi jini x'e'tel i cha'an.

Jesús tsi' lajmesa x'ixic b_Λ i ñij'al Pedro (Mr. 1.29-34; Lc. 4.38-41)

¹⁴ Che' b_Λ tsa' ochi Jesús ti' yotot Pedro, tsi' q'uele ya' ñolol x'ixic, i ñij'al Pedro. Woli' yubin c'ajc.

¹⁵ Tsi' t_Λbe i c'_Λb. Tsa' b_Λc' lajmi c'ajc. Tsa' ch'ojyi. Tsa' caji i b_Λc' we'sañob.

¹⁶ Che' yomix ic'an, tsi' p_Λy_Λyob tilel ba'an Jesús cab_Λ año' b_Λ i xib_Λjlel. Ti' t'an jach Jesús tsi' choco loq'uel jini xibajob. Tsi' lu' lajmesa xc'am_Λjelob.

¹⁷ Che'ach tsa' ujti cha'an mi' ts'_Λctiyel i t'an jini x'alt'an Isaías tsa' b_Λ i y_ΛΛ: “Jini tsi' ch'_Λm_Λ lac ch_Λmel. Tsi' cuchu laj c'am_Λjel”, che'en.

Jini yomo' b_Λ i tsajcan Jesús (Lc. 9.57-62)

¹⁸ Che' b_Λ tsi' q'uele cab_Λ winicob x'ixicob ti' joytilel, Jesús tsi' y_Λq'ueyob

mandar xcant'añob cha'an mi' bajñel c'axelob ti junwejl ñajb.

¹⁹ Tsa' tili juntiquil sts'ijbaya. Tsi' sube: Maestro, mi caj c tsajcañet baqui jach ma' majlel, che'en.

²⁰ Jesús tsi' sube: An i met wax. An i c'u' te'lemut, pero ma'anic ba' mi' ñoltal i Yalobil Winic cha'an mi' c'aj i yo, che'en.

²¹ Yambal xcant'an tsi' sube: C Yum, ac'ayon ti ñaxan majlel c muc c tat, che'en.

²² Jesús tsi' sube: Tsajcañon. La' i mucob chameño' bā jini chameño' bā i pi'lob, che'en.

Jesús tsi' tiq'ui p'atal bā ic'
(Mr. 4.35-41; Lc. 8.22-25)

²³ Che' bā tsa' ochi Jesús ti barco, tsi' tsajcayob ochel xcant'añob i cha'an.

²⁴ Awilan, tsa' tili p'atal bā ic' ti ñajb. Tsa' caji i wec'ulan i bā ja' c'alal ti' pam barco. Walyal Jesús.

²⁵ Tsa' tiliyob xcant'añob i cha'an cha'an mi' ñijcañob ch'ojyel. Tsi' yalayob: C Yum, coltañon lojon, wolic jilel lojon, che'ob.

²⁶ Jesús tsi' subeyob: ¿Chucoch woliyetla ti bāq'uen, jatetla mach bā anic mi' la' ñop ti pejtelel la' pusic'al? che'en. Tsa' ch'ojyi. Tsi' tiq'ui jini ic' yic'ot ñajb. Ñach'acña tsa' lajmi.

²⁷ Tsa' toj sajtiyob i pusic'al winicob. Tsi' yalayob: ¿Majqui jini winic? Come jini ic' yic'ot ñajb mi' jac'ben i t'an, che'ob.

Jini año' bā i xibajlel ti' lumal gadareñob
(Mr. 5.1-20; Lc. 8.26-39)

²⁸ Che' bā tsa' c'oti ti junwejl ñajb, ti' lumal gadareñob, tsa' tiliyob ba'an Jesús cha'tiquil winicob año' bā i xibajlel. Ya' tsa' loq'uiyob ti' yotlel tac ch'ujlelal. C'ax jontolob. Jini cha'an ma'anic majch tsa' mejli ti ñumel ti ili bij.

²⁹ Awilan, c'am tsi' cha'leyob t'an. Tsi' yalayob: ¿Chuqui i ye'tel ma' tilel ba' añoñ lojon jatet i Yalobilet bā Dios? ¿Tsa' ba tiliyet cha'an ma' tic'lañon lojon che' maxto i yorajlelic? che'ob.

³⁰ Mero ñajt woli ti buc'bal bajc'al chitam.

³¹ Tsi' c'ajtibeyob Jesús ti wocol t'an jini xibajob: Mi a wom a chocon lojon loq'uel, subeñon lojon ochel ti chitam, che'ob.

³² Jesús tsi' subeyob: Cucula, che'en. Che' bā loq'uemobix xibajob tsa' ochiyob ti chitam. Awilan, ti pejtelel jini chitam ti ajñel tsa' jubi ti xitil bā wits. Tsi' lu' choco ochel i bā ti ñajb. Tsa' laj chami ti ja'.

³³ Jini xanta chitamob ajñel tsa' majliyob ti tejclum. Tsi' laj subuyob chuqui tsa' ujt i yic'ot chuqui tsa' tumbentiyob jini am bā i xibajlel.

³⁴ Awilan jini xtejclumob tsa' laj loq'uiyob cha'an mi' q'uelob Jesús ya' ti bij. Che' bā tsi' tajayob, tsa' caji i c'ajtibebob Jesús ti wocol t'an cha'an mi' loq'uel ti' lumal.

9

Jesús tsi' lajmesa winic mach bā anic i c'ajñibal i yoc i c'ab
(Mr. 2.1-12; Lc. 5.17-26)

¹ Tsa' ochi Jesús ti barco. Tsa' c'axi ti colem ñajb. Tsa' c'oti ti' tejclum.

² Awilan, tsi' ch'amayob majlel juntiquil winic mach bā anic i c'ajñibal i yoc i c'ab. Ñolol ti' walyib. Che' bā tsi' ña'ta Jesús mi woli' ñopob jini winicob, tsi' sube jini mach bā anic i c'ajñibal i yoc i c'ab: Calobil, tijicñesan a pusic'al. Ñusabilix a mul, che'en.

³ Awilan, cha'tiquil uxtiquil sts'ijbayob tsi' yalayob ti' pusic'al: Jini winic woli' p'aj Dios, che'ob.

⁴ Ña'tabil i cha'an Jesús chuqui woli' yalob ti' pusic'al. Tsi' yala: ¿Chucoch woli la' cha'len jontol bā t'an ti la' pusic'al?

⁵ ¿Baqui bā ñumen wocol? ¿Jim ba wocol che' mic suben: “Ñusabilix a mul?” o ¿jim ba wocol che' mic suben: “Ch'ojyen, cha'len xambal”? Subula.

⁶ Pero cha'an mi' la' ña'tan an i p'atallel i Yalobil Winic ilayi ti pañimil cha'an mi' ñusan mulil (tsi' sube jini mach bā anic i c'ajñibal i yoc i c'ab): Ch'ojyen. Teche a walyib. Cucu ti a wotot, che'en Jesús.

⁷ Tsa' ch'ojyi. Tsa' majli ti' yotot.

⁸ Tsa' cajiob ti bāq'uen jini winicob x'ixicob che' bā tsi' q'ueleyob. Tsi' tsictesabeyob i ñuel Dios tsa' bā i yalq'ueyob winicob ñuc bā i p'atallel.

Tsa' pajyi Mateo
(Mr. 2.13-17; Lc. 5.27-32)

9 Che' woli ti xambal majlel Jesús, tsi' q'uele juntiquil winic i c'aba' Mateo, buchul ya' ba' mi' ch'ajmel tojoñel. Jesús tsi' sube: Tsajcañon, che'en. Mateo tsa' wa'le. Tsa' caji i tsajcan majlel.

10 Che' buchul Jesús ti' t'ejl mesa ti otot, awilan, tsa' tiliyob cabal xch'am tojoñelob yic'ot xmulilob. Tsa' buchleyob yic'ot Jesús yic'ot xcant'añob i cha'an.

11 Che' ba' tsi' q'ueleyob jini fariseojob, tsi' c'ajtibeyob xcant'añob i cha'an Jesús: ¿Chucoch woli' pi'len ti we'el jini xch'am tojoñelob yic'ot xmulilob la' maestro? che'ob.

12 Che' ba' tsi' yubi Jesús, tsi' subeyob: Jini c'oc'o' ba' mach yomobic ts'acantel, jini jach jini c'amo' ba'.

13 Cucula. Ñopola i sujmllel jini t'an: "Com mi la' cha'len p'untaya, mach comic mi la' walaq'ueñon c majtan". Come ma'anic tsa' tili c'paj jini tojo' ba' i pusic'al. Tsa' tili c'paj xmulilob cha'an mi' c'ayob i mul. Che' tsi' yala Jesús.

C'ajtibal cha'an ch'ajb

(Mr. 2.18-22; Lc. 5.33-39)

14 Tsa' tiliyob xcant'añob i cha'an Juan ba'an Jesús. Tsi' yalayob: Cabal mic cha'len lojon ch'ajb. Che' ja'el fariseojob. ¿Chucoch ma'anic mi' cha'leñob ch'ajb xcant'añob a cha'an? che'ob.

15 Jesús tsi' jac'beyob: ¿Mejl ba i cha'leñob ch'ajb jini xmel q'uiñob che' temel añob yic'ot winic woli ba' ti ñujpuñijel? Pero tal i yorajlel che' mi caj i pajyel majlel jini winic woli ba' ti ñujpuñijel. Ti jini q'uin tac mi' cajelob ti ch'ajb xmel q'uiñob.

16 Ma'anic majqui mi' c'an tsijib pisil cha'an mi' law tsucul ba' i pislel, come mu' jach i cha' tsijlel loq'uel, jinto ñumen colem i tsijlemal.

17 Che' ja'el, ma'anic majqui mi' yotsan tsijib vino ti tsucul ba' i yajñib melbil ba' ti pachi. Mi che'ach tsi' mele, mi' tojmel i yajñib, mi' bejq'uel vino, mi' jilel i yajñib. Pero mi' yotsañob tsijib vino ti tsijib to ba' i yajñib. Che' jini, mi' jalijel i yajñib yic'ot jini vino ja'el.

I yalobil Jairo yic'ot jini x'ixic tsa' ba' i talbe i bujc Jesús

(Mr. 5.21-43; Lc. 8.40-56)

18 Che' woli' subeñob jini t'an, awilan, tsa' tili juntiquil yumal. Tsi' ch'ujutesa Jesús. Tsi' yala: Poj ujteli i chamel xch'oc ba' calobil. La', ac' a c'ab ti jini xch'oc cha'an mi' cha' cuxtiyel, che'en.

19 Jesús tsa' wa'le. Tsi' tsajca majlel yic'ot xcant'añob i cha'an.

20 Awilan, ma'anic tsa' wis tijq'ui i bec' i ch'ich'el juntiquil x'ixic lajchamp'ejl jab. Tsa' tili ti' pat Jesús. Tsi' talbe i yoc i pislel.

21 Come tsi' yala ti' pusic'al: Mi tsa' jach c talbe i pislel, mi caj j c'oc'an, che'en jini x'ixic.

22 Jesús tsi' sutq'ui i ba'. Che' ba' tsi' q'uele tsi' sube: Calobil, tijicñesan a pusic'al. Tsa' coltantiyet cha'an tsa' ñopoyon, che'en. Tsa' bac' lajmi jini x'ixic.

23 Che' ba' tsa' ochi Jesús ti' yotot jini yumal, tsi' q'uele jini x'amayob yic'ot jini winicob x'ixicob ju'ucñayob ti uq'uel.

24 Jesús tsi' subeyob: Loq'uenla. Mach chamenic jini xch'oc. Woli jach ti wlayel, che'en. Tsi' wajleyob.

25 Che' loq'uemobix winicob x'ixicob tsa' ochi Jesús. Tsi' chucbe i c'ab xch'oc. Tsa' ch'ojyi jini xch'oc.

26 Tsa' pujqui t'an ti pejtelel lum cha'an jini tsa' ba' ujti.

Tsa' c'otiyob i wut cha'tiquil xpots'

27 Che' ba' tsa' majli Jesús, tsi' tsajcayob majlel cha'tiquil xpots'. C'am tsi' yalayob: I Yalobil David, p'untañon lojon, che'ob.

28 Che' ba' tsa' c'oti ti otot, tsa' tiliyob jini xpots'ob ba'an Jesús. Jesús tsi' subeyob: ¿Mu' ba la' ñop mi mejlel c mel jini? che'en. Tsi' jac'beyob: Mu' cu, c Yum, che'ob.

29 Jesús tsi' talbeyob i wut. Tsi' yala: La' melbentiquetla che' bajche' tsa' la' ñopo, che'en.

30 Tsa' c'otiyob i wut. Jesús tsi' wersa subeyob: Chaca q'uele la' ba' cha'an ma'anic mi' yubin winic mi juntiquilic, che'en.

31 Pero che' ba' tsa' sujtiyob, tsi' pucuyob t'an ti pejtelel lum cha'an ñuc ba' i melbal Jesús.

Tsa' caji ti t'an juntiquil x'uma'

32 Che' ba' tsa' majliyob, awilan, tsa' pajyi tilel ba'an Jesús juntiquil x'uma' winic am ba' i xibajlel.

³³ Che' b_Λ tsa'ix chojq_u loq'uel i xibajlel, tsa' caji ti t'an jini x'uma'. Tsa' toj sajtiyob i pusic'al jini winicob x'ixicob. Tsi' y_Λayob: Ma'anic ba' tsa' laj q'uele che' bajche' jini ti Israel, che'ob.

³⁴ Jini fariseojob tsi' y_Λayob: Ti' p'at_Λlel i yum xibajob, mi' choc loq'uel xibajob, che'ob.

Wen cab_Λl c'ajbal

³⁵ Jesús tsa' ñumi ti pejtelel tejclum tac yic'ot ti pejtelel xchumt_Λl tac. Tsi' cha'le c_Λntesa ti' sinagoga tac judíojob. Tsi' subu jini wen t'an cha'an i yum_Λntel Dios. Tsi' lu' lajmesa c'amajel tac yic'ot ch_Λmel tac.

³⁶ Che' b_Λ tsi' q'uele temp_Λbilob winicob x'ixicob, tsa' bujt'i i pusic'al Jesús ti p'untaya, come tsi' q'uele c'uñob jax, pu-jquemob jax che' bajche' tiñame' mach b_Λ anic x_Λntaya i cha'an.

³⁷ Tsi' sube x_Λnt'añob i cha'an: Isujm, wen cab_Λl c'ajbal pero ma'anic cab_Λl x'e'telob.

³⁸ Jini cha'an c'ajtibenla i Yum c'ajbal ti wocol t'an cha'an mi' choc majlel x'e'telob ti' c'ajbal, che'en.

10

Tsa' aq'uentiyob i ye'tel jini lajch_Λntiquil (Mr. 3.13-19; 6.7-13; Lc. 6.12-16; 9.1-6)

¹ Jesús tsi' p_Λya tilel jini lajch_Λntiquil x_Λnt'añob i cha'an. Tsi' y_Λq'ueyob i p'at_Λlel ti' contra xibajob cha'an mi' chocob loq'uel, cha'an ja'el mi' lu' lajmesan c'amajel tac yic'ot ch_Λmel tac.

² Jiñach i c'aba' jini lajch_Λntiquil x_Λnt'añob tsa' b_Λ chojq_uiyob majlel ti subt'an: Ñaxan Simón i cha'p'ejlel i c'aba' Pedro, yic'ot Andrés i yijts'in Pedro, Jacobo i yalobil Zebedeo, yic'ot Juan i yijts'in Jacobo,

³ Felipe, Bartolomé, Tomás, Mateo jini xch'Λm tojoñel, Jacobo i yalobil Alfeo, yic'ot Lebeo, jini am b_Λ i jol i c'aba' Tadeo,

⁴ Simón jini cananista, yic'ot Judas Iscariote, jini tsa' b_Λ i y_Λc'Λ Jesús ti' c'Λb i contra.

⁵ Jesús tsi' choco majlel jini lajch_Λntiquil. Tsi' y_Λq'ueyob mandar: Mach mi la' majlel ba'an gentilob. Mach mi la' wochel mi ti jump'ejlic i tejclum jini samaritanojob.

⁶ Pero ya' yom mi la' majlel ba'an sajtemo' b_Λ tiñame' i p'olbalo' b_Λ Israel.

⁷ Che' woli la' majlel, subula jini wen t'an: “L_Λc'Λlix i yum_Λntel jini am b_Λ ti panchan”, che'etla.

⁸ Lajmesanla xc'amajelob. Techela ch'oysel ch_Λmeño' b_Λ. Lajmesanla año' b_Λ leco b_Λ i tsoy. Chocob loq'uel xibajob. A majtan jach tsa' aq'uentiyetla. I majtan jach mi la' w_Λq'ueñob ja'el.

⁹ Mach mi la' ch'Λm majlel mi oro mi plata mi tsucu taq'uin ti' yajñib la' taq'uin.

¹⁰ Mach mi la' ch'Λm majlel ti bij mi chim, mi cha'p'ejl la' bujc, mi x_Λñ_Λb_Λl, mi te' cha'an x_Λmbal. Come yom mi' y_Λq'uentel i b_Λl i ñ_Λc' x'e'tel.

¹¹ Baqui jach mi la' wochel mi ti tejclum, mi ti xchumt_Λl, yom mi la' c'ajtibeñob mi an uts'at b_Λ i pusic'al. Ya' yom mi la' jijlel jinto mi la' loq'uel majlel ti jini tejclum.

¹² Che' mi la' wochel ti jump'ejl otot, aq'ueñob cortesía.

¹³ Mi uts'atob jini año' b_Λ ti otot, aq'ueñob i yutslel la' t'an cha'an mi' tajob i ñ_Λch'tilel i pusic'al. Mi mach uts'atob i ma'anic mi caj i tajob i ñ_Λch'tilel i pusic'al.

¹⁴ Che' ma'anic majch mi' p_Λy_Λetla ochel ti' yotot, che' ma'anic mi' ñich't_Λbeñetla la' t'an, tijcanla loq'uel i ts'ubeñal la' woc. C_Λy_Λla jini otot yic'ot jini tejclum.

¹⁵ Isujm mic subeñetla, ñumen mi caj i yubiñob wocol ti' q'uiñilel tojmulil jini winicob x'ixicob año' b_Λ ti jini tejclum che' bajche' jini año' b_Λ ti Sodoma yic'ot ti Gomorra.

Lac tic'Λntel mu' to b_Λ la cubin (Mr. 13.9-13; Lc. 12.2-9, 49-53; 14.26-27)

¹⁶ Awilan, wolic choquetla majlel che' bajche' tiñame' joyol b_Λ ti b_Λte'el ts'i'. Yom p'ip'etla che' bajche' lucum. Yom utsetla che' bajche' x'ujcuts.

¹⁷ Ch_Λc_Λ q'uele la' b_Λ cha'an winicob, come mi caj i p_Λy_Λetla ba'an año' b_Λ i ye'tel. Mi caj i jats'etla ti asiyal ti sinagoga.

¹⁸ Mi caj la' p_Λjy_Λel ti' tojlel yum_Λlob yic'ot ti' tojlel reyob cha'an tij c'aba', cha'an mi la' w_Λc'on ti c_Λjñel ti' tojlelob yic'ot ti' tojlel gentilob.

¹⁹ Che' mi' y_Λq'uetla ti' c'Λb yum_Λlob, mach mi la' mel la' pusic'al cha'an bajche' mi' caj ti loq'uel la' t'an mi chuqui mi caj

la' sub. Come ti jim b_Λ ora mi caj la' w_Λq'uentel t'an mu' b_Λ caj la' sub.

²⁰ Come mach jateticla muq'uetla ti t'an, pero i yEspíritu la' Tat mi' c'Λn la' wej ti t'an.

²¹ Winicob mi caj i y_Λc'ob ti ch_Λmel i yerañob. Tatal mi caj i y_Λc' ti ch_Λmel i yalobil. Winicob x'ixicob mi caj i contrajiñob i tat i ña'. Mi caj i y_Λc'ob ti ts_Λns_Λntel.

²² Mi caj la' ts'a'lentel cha'an pejtelel winicob x'ixicob cha'an tij c'aba'. Pero jini mu' b_Λ i cuch i wocol c'Λl_Λl ti' jilibal mi caj i col_Λntel.

²³ Che' mi' ts'a'leñetla ti jump'ejl tejclum, puts'enla majlel ti yamb_Λ tejclum. Come isujm mic subeñetla, che' maxto lu' ñumeñeticla ti pejtelel i tejclum tac israelob, mi caj i tilel i Yalobil Winic.

²⁴ Mach ñuquic x_Λant'an bajche' i maestro. Mach ñuquic x'e'tel bajche' i yum.

²⁵ La' ajnic jini x_Λant'an che' bajche' i maestro. La' ajnic jini x'e'tel che' bajche' i yum. Mi tsa' pejc_Λnti i yum otot ti Beelzebub, ¿mach ba ñumen lecojic mi caj i pejc_Λntelob jini año' b_Λ ti' yotot?

²⁶ Jini cha'an mach mi la' b_Λc'ñañob, come ma'anic mosol tac b_Λ mach b_Λ anic mi caj i p_Λst_Λl. Ma'anic mucul tac b_Λ mach b_Λ anic mi caj i ña't_Λntel.

²⁷ Jini mu' b_Λ c mucul subeñetla subula ti jam_Λl. Jini mu' b_Λ la' mucul ubin pam subula ti pejtelel otot tac.

²⁸ Mach mi la' b_Λc'ñan jini mu' b_Λ i ts_Λnsañob la' b_Λc'tal, come mach mejlic i tajob la' ch'ujlel. Yom mi la' b_Λc'ñan jini mu' b_Λ mejlel i jisan la' ch'ujlel yic'ot la' b_Λc'tal ti c'ajc.

²⁹ ¿Mach ba anic mi' chojñel cha'cojt xpu-ruwoc ti jump'ejl taq'uin? Pero mi mach yomic la' Tat, ma'anic mi' yajlel ti lum mi juncojtic.

³⁰ Laj tsicbil i tsutsel la' jol.

³¹ Jini cha'an, mach mi la' cha'len b_Λq'uen. Come ñumen an la' c'Λjñibal bajche' cab_Λl xpuruwoc.

³² Majqui jach mi' suben winicob cha'an tsi' c_Λñayon, joñon ja'el mi caj c sub ya' ti' tojlel c Tat am b_Λ ti panchan cha'an tsa'ix j c_Λñ_Λ jini winic.

³³ Majqui jach mi' suben winicob x'ixicob mach i c_Λñayonic, joñon ja'el mi

caj c sub ya' ti' tojlel c Tat am b_Λ ti panchan mach j c_Λn_Λyic jini winic.

³⁴ Mach mi la' lon ña'tan ti la' pusic'al tsa' tiliyon cha'an mic ñ_Λch'chocon jini año' b_Λ ti pañimil. Ma'anic tsa' tili c ñ_Λch'chocoñob, pero cha'an mi c_Λq'ueñob espada, cha'an mi' contrajiñob i b_Λ.

³⁵ Tsa' tiliyon cha'an mi c_Λq'ueñob i t'oxob i b_Λ, winic ti' contra i tat, x'ixic ti' contra i ña', a'lib_Λl ti' contra i y_Λ'lib.

³⁶ Winicob mi caj i tajob i ts'a'lentel ti' tojlel i pi'Λlob ti' yotot.

³⁷ Jini mu' b_Λ i ñumen c'uxbin i tat i ña' bajche' mi' c'uxbiñon mach uts'atic mij q'uel. Jini mu' b_Λ i ñumen c'uxbin i yalobil bajche' mi' c'uxbiñon mach uts'atic mij q'uel.

³⁸ Jini mach b_Λ anic mi' ch'Λm i cruz i tsajcañon mach uts'atic mij q'uel.

³⁹ Jini mu' b_Λ i bajñel c_Λntan i cuxt_Λlel mi caj i s_Λt. Majqui jach mi' y_Λc' i cuxt_Λlel cha'añon mi caj i taj.

⁴⁰ Jini mu' b_Λ i p_Λy_Λtla ochel ti' yotot mi' p_Λy_Λon ochel. Jini mu' b_Λ i p_Λy_Λon ochel mi' p_Λy ochel jini tsa' b_Λ i chocoyon tilel.

⁴¹ Jini mu' b_Λ i p_Λy ochel x'alt'an cha'an mero x'alt'añ_Λch mi caj i y_Λq'uentel i chobejt_Λbal x'alt'an. Jini mu' b_Λ i p_Λy ochel juntiquil toj b_Λ i pusic'al cha'an toj_Λch i pusic'al mi caj i y_Λq'uentel i chobejt_Λbal jini toj b_Λ i pusic'al.

⁴² Majqui jach mi' y_Λq'uen mi jump'ejlic vaso ts_Λni ja' juntiquil ch'o'ch'oc b_Λ cha'an x_Λant'añ_Λch, isujm mic subeñetla, mi caj i y_Λq'uentel i chobejt_Λbal. Che' tsi' y_Λl_Λ Jesús.

11

Jini winicob chocbilo' b_Λ tilel i cha'an Juan

(Lc. 7.18-35)

¹ Che' b_Λ tsa' ujti i c_Λntesan jini la- jch_Λntiquil x_Λant'añob i cha'an, Jesús tsa' loq'ui ya'i. Tsa' ñumi majlel ti c_Λntesa ti subt'an ti' tejclum tac Galilea.

² Ñup'ul Juan ti m_Λjquib_Λl. Che' b_Λ tsi' yubi chuqui woli' cha'len Cristo, tsi' choco majlel t'an yic'ot x_Λant'añob i cha'an.

³ Tsi' c'ajtibeyob Jesús: ¿Jatet ba jini mu' b_Λ i tilel? ¿Yom ba mic pijtan lojon yamb_Λ? che'ob.

4 Jesús tsi' subeyob: Cucula. Subenla Juan chuqui woli la' wubin yic'ot chuqui woli la' q'uel, che'en.

5 Wolix ti c'otel i wut xpots'ob. Woliyobix ti xambal jini mach b_Λ añobic i c'ajñibal i yoc. Lajmesabilob jini año' b_Λ leco b_Λ i tsoy. Jini xcojcob wolix i yubiñob t'an. Woli' tejchelob ch'ojoyel jini chameño' b_Λ. Jini p'umpuño' b_Λ woli' subentelob jini wen t'an.

6 Tijicña jini mach b_Λ anic mi' lon tejchel tile bixel b_Λ i pusic'al cha'an c melbal, che'en Jesús.

7 Che' majlemobix jini cha'tiquil, Jesús tsa' caji i suben tempabilo' b_Λ winicob x'ixicob bajche' yilal Juan: ¿Chuqui tsajni la' q'uel ti jochol b_Λ lum? ¿Jim ba jini chiquib jam woli b_Λ i yujcun ic'?

8 ¿Majqui tsajni la' q'uel? ¿Jim ba juntiquil winic wen i t'ojol b_Λ i pislel? La' wilan jini uts'at b_Λ i pislel añob ti' yotlel reyob.

9 ¿Majqui tsajni la' q'uel? ¿Mu' ba la' ña'tan jiñach x'alt'an? Isujm mic subeñetla jiñachi, pero ñumen ñuc i ye'tel Juan bajche' x'alt'an.

10 Come tsa' ña'tanti Juan ti jini t'an tsa' b_Λ ts'ijbunti: “Awilan, mic ñaxan choc majlel subt'an mu' b_Λ i chajpan a bijlel”.

11 Isujm mic subeñetla: Ti pejtelel i yalobilob x'ixicob ma'anic yamb_Λ ñuc b_Λ bajche' Juan tsa' b_Λ i yac'Λ ch'Λmja'. Pero ñumen an i ñuclel jini c'ax ch'o'ch'oc b_Λ ti' yumantel panchan bajche' Juan.

12 Ti' yorajlel Juan tsa' b_Λ i yac'Λ ch'Λmja' c'ΛΛΛ wale cabal winicob x'ixicob woli tilelob ti pejtelel i pusic'al cha'an wersa yomob ochel ti' yumantel panchan. Jini mu' b_Λ i cha'leñob wersa mi' yochelob.

13 Come ti pejtelel x'alt'añob yic'ot ts'ijbubil b_Λ mandar c'ΛΛΛ ti' yorajlel Juan tsi' wΛn subuyob jini woli b_Λ ti ujtel.

14 Mi la' wom la' ñop, jiñach Elías tsa' b_Λ ajli mi caj i tilel.

15 Jini am b_Λ i chiquin cha'an mi' yubin, la' i yubin.

16 ¿Bajche' mic lajin jini winicob año' b_Λ ti pañimil wale? Lajalob bajche' alobob buchulo' b_Λ ba'an choñoñibal tac woli b_Λ i palyob i pi'lob ti alas.

17 Mi' yalob: “Tsac wusu lojon amay, ma'anic tsa' la' cha'le son. Tsa

cuc'tabeyetla ch'ujlelΛ, ma'anic tsa' la' jats'Λ la' c'Λb”, che'ob.

18 Come tsa' tili Juan. Ma'anic chuqui tsi' c'uxu. Ma'anic chuqui tsi' japΛ. Woli' yalob: “An i xibajlel”, che'ob.

19 Tsa' tili i Yalobil Winic. An chuqui tsi' c'uxu. An chuqui tsi' japΛ. Woli' yalob: “Q'uele jini xwo'lel, jini xjap vino. Mi' pi'len ti xambal jini xch'Λm tojoñelob yic'ot xmulilob”, che'ob. I ña'tabal Dios mi' tsic-tiyel ti' yalobilob, che'en Jesús.

I tic'ol tejclumob

(Lc. 10.13-16)

20 Tsa' caji i yΛ'len jini tejclum tac ba' tsi' mele ñuc tac b_Λ i ye'tel, come ma'anic tsi' cΛyΛyob i mul. Tsi' yΛΛ:

21 Mi caj la' taj wocol añet b_Λ la ti Corazín. Mi caj la' taj wocol añet b_Λ la ti Betsaida. Come tsa'ic mejli ñuc b_Λ e'tel ti Tiro yic'ot Sidón che' bajche' tsa' mejli ba' añetla, wajalix tsi' cΛyΛyob i mul. Tsa'ic ujti bajche' jini, tsi' xojoyob pisil melbil b_Λ ti' tsutsel chivo, tsi' boñoyob i b_Λ ja'el ti' tañil c'ajc.

22 Jini cha'an mic subeñetla: Ñumen wocol mi caj la' wubin ti' q'uiñilel tojmulil bajche' mi caj i yubiñob jini tsa' b_Λ chΛmiyob ti Tiro yic'ot Sidón.

23 Jixcu jatet Capernaum, mu' b_Λ a q'uel a b_Λ ti ñuc che' bajche' i chanlel panchan, mi caj a chojquel jubel ti c'ajc. Tsa'ic mejli ya' ti Sodoma jini ñuc b_Λ e'tel tsa' b_Λ mejli ba' añet, c'ΛΛΛ anto wale.

24 Jini cha'an mic subeñetla: Ñumen wocol mi caj la' wubin ti' q'uiñilel tojmulil bajche' mi caj i yubiñob jini tsa' b_Λ jiliyob ti Sodoma, che'en Jesús.

La' ba' añoñ. C'aja la' wo

(Lc. 10.21-22)

25 Ti jim b_Λ ora Jesús tsi' yΛΛ: Mic subeñet a ñuclel, c Tat, i Yumet Panchan yic'ot Pañimil. Come tsa' mucbeyob a t'an jini año' b_Λ cabal i ña'tabal yic'ot jini p'ip'o' b_Λ i pusic'al, pero tsa' wΛq'ueyob i ch'Λmbeñob isujm allob.

26 Uts'atach, c Tat, come che' yom a pusic'al.

27 Pejtelel chuqui tac an, aq'uebilon i cha'an c Tat. Ma'anic majqui mi' cΛñon, cojach c Tat. Che' ja'el ma'anic majqui mi'

cAN c Tat, cojach joñon yic'ot majqui jach mi cAQ'uen i cAN, come i Yalobilon.

²⁸ La' ba' añon pejeteletla woliyet bΛ la ti wocol e'tel, al bΛ la' cuch. Joñon mi cAQ'ueñetla la' c'aj la' wo.

²⁹ Yu'u a bic' cha'an ma' wochel wΛ' tij q'uech. Ñopoyon come utson. Pec' mic mel c bΛ. Muq'uix caj la' taj c'aj o cha'an la' pusic'al.

³⁰ Come jini j q'uech mach wocolic ti q'uechol. Sejb a cuch mu' bΛ cAQ'ueñet, che'en Jesús.

12

XcANT'añob tsi' tuc'uyob i wut jam ti' q'uiñilel c'aj o

(Mr. 2.23-28; Lc. 6.1-5)

¹ Che' ti' q'uiñilel c'aj o, tsa' ñumi Jesús ti jamil. Tsi' yubiyob wi'ñal xcANT'añob i cha'an. Tsa' caji i tuc'ob jini c'uxbil bΛ i wut jam cha'an mi' c'uxob.

² Jini fariseojob che' bΛ tsi' q'ueleyob, tsi' subeyob Jesús: Awilan, jini xcANT'añob a cha'an woli' melob ti' yorajlel c'aj o chuqui tic'bil ti mandar, che'ob.

³ Jesús tsi' subeyob: ¿Mach ba anic tsa' la' q'uele ti jun chuqui tsi' cha'le David che' bΛ tsi' yubi wi'ñal yic'ot i pi'lob?

⁴ Tsa' ochi ti' yotot Dios, tsi' c'uxu jini waj tsa' bΛ ajq'ui ti mesa, anquese tic'bil mi' c'uxob winicob. Cojach jini motomajob mi mejlel i c'uxob.

⁵ ¿Mach ba anic tsa' la' q'uele ti mandar bajche' mi' cha'leñob e'tel ti Templo jini motomajob che' ti' yorajlel c'aj o? pero mach mulilic che' jini.

⁶ Mic subeñetla, wΛ'an ñumen ñuc bΛ bajche' jini Templo.

⁷ Com i yutslel la' pusic'al, mach comic tsANSΛbil bΛ c majtan. Tsa'ic la' ch'ambe isujm, ma'anic tsa' la' subu ti xmulil jini mach bΛ añobic i mul.

⁸ Come i Yalobil Winic i YumΛch jini q'uin che' mi laj c'aj la co. Che' tsi' yΛΛ Jesús.

Winic am bΛ tiquin bΛ i c'Λb

(Mr. 3.1-6; Lc. 6.6-11)

⁹ Che' bΛ tsi' cΛYΛyob, tsa' majli ti ochel ti sinagoga.

¹⁰ Awilan, ya'an juntiquil winic tiquin bΛ i c'Λb. Cha'an yomob i jop'beñob i mul tsi'

c'ajtibeyob Jesús: ¿Tic'bil ba lajmesaya che' ti' yorajlel c'aj o? che'ob.

¹¹ Jesús tsi' subeyob: Mi an a cha'an tiñΛme', mi tsa' yajli ti ch'en ti' yorajlel c'aj o, ¿mach ba muq'uic a chuc loq'uel?

¹² Ñumen ñuc i c'Λjñibal winic bajche' tiñΛme'. Jini cha'an mach tic'bilic ti mandar i melol chuqui uts'at ti' yorajlel c'aj o, che'en.

¹³ Jesús tsi' sube jini winic: SΛts'Λ a c'Λb, che'en. Tsi' sΛts'Λ. Tsa' cha' wen'a. Lajal tsa' majli bajche' yambΛ i c'Λb.

¹⁴ Jini fariseojob tsa' majliyob. Tsi' pejcayob i bΛ cha'an mi' ña'tañob bajche' mi caj i tsANSañob Jesús.

YajcΛbil bΛ x'e'tel

¹⁵ Che' bΛ tsi' ña'ta Jesús tsa' loq'ui majlel. CabΛΛ winicob x'ixicob tsi' tsajcayob majlel. Tsi' lu' lajmesayob.

¹⁶⁻¹⁷ Jesús tsi' subeyob cha'an ma'anic mi' yΛc'ob ti cΛjñel, cha'an mi' ts'actiyel i t'an jini x'alt'an Isaías tsa' bΛ i yΛΛ:

¹⁸ “Q'uelela x'e'tel c cha'an tsa' bΛ c yajca, jini mu' bΛ j c'uxbin. Tijicña c pusic'al mij q'uel. Mi caj c bujt'esan ti quEspíritu. Jini mi caj i subeñob gentilob chuqui toj.

¹⁹ Ma'anic mi caj i cha'len leto, mi c'am bΛ t'an. Ma'anic majqui mi caj i yubin i t'an ti calle tac.

²⁰ Ma'anic mi caj i c'Λs jini pets' t'uchtΛbil bΛ chiquib jam. Ma'anic mi caj i junyajlel yΛp unjax bΛ ya wistΛ i c'Λc'al i pislel cas jinto mi' yujtel ti uts'at toj bΛ i meloñel.

²¹ Jini gentilob ti' xuc'tilel i pusic'al mi caj i cha'leñob pijt ti' c'aba”, che'en.

P'ajoñel ti' contra Ch'ujul bΛ Espiritu

(Mr. 3.20-30; Lc. 11.14-23; 12.10)

²² Tsa' pΛjyi tilel ba'an Jesús juntiquil x'uma' xpots' am bΛ i xibΛjlel. Che' bΛ tsi' lajmesa jini x'uma' xpots' tsi' cha'le t'an. Tsa' c'oti i wut.

²³ Tsa' toj sajtiyob i pusic'al pejtelel winicob x'ixicob. Tsi' yΛΛyob: ¿Jim ba i Yalobil David? che'ob.

²⁴ Che' bΛ tsi' yubiyob fariseojob tsi' yΛΛyob: Ti' p'ΛtΛlel jach Beelzebú, i yum xibajob, mi' choc loq'uel xibajob jini winic, che'ob.

²⁵ Yujil Jesús chuqui woli' yΛlob ti' pusic'al. Tsi' subeyob: Mi tsi' t'oxoyob i bΛ

ti leto i winicob juntiquil yum_Λ, mi caj i jis_Λbeñob i yum_Λantel. Ma'anic mi' caj ti jalijel jump'ejl tejclum mi otot ba' mi' t'oxob i b_Λ ti leto.

²⁶ Mi woli' bajñel choc loq'uel i b_Λ Satanás, woli jach i bajñel contrajin i b_Λ. Che' jini ¿bajche' mi' mejlel ti jalijel i yum_Λantel?

²⁷ Mi wolic choc loq'uel xiba ti' p'_Λtal Beelzebú, ¿baqui mi' t'ajob i p'_Λtal la' walobilob cha'an mi' chocob loq'uel? Jini cha'an la' walobilob mi caj i tsictesañob la' mul.

²⁸ Mi wolic choc loq'uel xibajob ti' p'_Λtal i yEspíritu Dios, isujmach tsa'ix juli i yum_Λantel Dios ba' añetla.

²⁹ ¿Bajche' mi' mejlel ti ochel juntiquil ti' yotot jini p'_Λtal b_Λ winic cha'an mi' chilben loq'uel i chub_Λ'an, mi ma'anic tsi' ñaxan c_Λch_Λ jini p'_Λtal b_Λ winic? Che' mi' yujtel i c_Λch mi' mejlel i chilben i chub_Λ'an.

³⁰ Jini mach b_Λ anic quic'ot woli' contrajinon. Jini mach b_Λ anic mi' p_Λy tilel tiñame' quic'ot woli jach i pam puc.

³¹ Jini cha'an mic subeñetla, pejtelel mulil yic'ot p'ajoñel mi' mejlel i ñus_Λbentel winicob x'ixicob. Cojach jini p'ajoñel ti' contra Espíritu mach mejlic ti ñus_Λbentel.

³² Majqui jach mi' cha'len t'an ti' contra i Yalobil Winic mi' caj i ñus_Λbentel i mul. Majqui jach mi' cha'len t'an ti' contra Ch'ujul b_Λ Espíritu mach mejlic i taj i ñus_Λbentel i mul, mi wale ti ili pañimil, mi ti yamba pañimil mu' b_Λ i tilel.

Jini te' yic'ot i wut (Lc. 6.43-45)

³³ Che' c'oc' jini te', mi la' w_Λ c'oc' i wut ja'el. Mi mach wenic jini te', mi la' w_Λ mach wenic i wut. Come mi' c_Λjñel jini te' ti' wut.

³⁴ Jatetla i yalobiletla xc'_Λñ_Λñej. ¿Bajche' mi' mejlel la' cha'len t'an ti' toj che' jontoletla? Come chuqui jach but'ul ti lac pusic'al mi' tsictiyel ti lac t'an mu' b_Λ i loq'uel ti la quej.

³⁵ Jini uts'at b_Λ winic mi' loc'san uts'at tac b_Λ ti uts'at b_Λ i pusic'al. Jini jontol b_Λ winic mi' loc'san jontol tac b_Λ ti jontol b_Λ i pusic'al.

³⁶ Pero mic subeñetla, mi caj i melob i b_Λ winicob x'ixicob ti' q'uiñilel tojmulil cha'an

jujump'ejl t'an tsa' b_Λ i y_Λlyob mach b_Λ anic i c'_Λjñibal.

³⁷ Mi uts'at a t'an mi' caj a sujbel ti toj. Mi mach uts'atic a t'an mi' caj a sujbel ti xmulil. Che' tsi' y_Λl_Λ Jesús.

Yomob i q'uel i yejtal i p'_Λtal Jesús (Lc. 11.24-26, 29-32)

³⁸ Cha'tiquil uxtiquil sts'ijbayajob yic'ot fariseojob tsi' subeyob: Maestro, com lojon j' q'uel i yejtal a p'_Λtal, che'ob.

³⁹ Jesús tsi' subeyob: Jini jontolo' b_Λ cab_Λlo' b_Λ i ts'i'lel, woli' wersa c'ajtiñob i q'uel i yejtal c' p'_Λtal. Ma'anic mi' caj i y_Λq'uentelob i q'uel, jini jach i yejtal c' p'_Λtal tsa' b_Λ p_Λsle ti Jonás, jini x'alt'an.

⁴⁰ Che' bajche' tsa' c_Λle Jonás uxp'ejl q'uin uxp'ejl ac'_Λlel ti' ñ_Λc' colem ch_Λy, che' ja'el mi' caj i c_Λyt_Λ i Yalobil Winic ti' mal lum uxp'ejl q'uin uxp'ejl ac'_Λlel.

⁴¹ Jini winicob ch'oyolo' b_Λ ti Nínive mi' caj i wa't_Λlob ti' q'uiñilel melo' mulil yic'ot jini winicob x'ixicob año' b_Λ wale. Mi caj i subeñob i mul. Come tsi' c_Λy_Λyob i mul che' b_Λ tsi' cha'le subt'an Jonás. Awilan, umba'an ñumen ñuc b_Λ bajche' Jonás.

⁴² Jini x'ixic tsa' b_Λ i cha'le yum_Λ ya' ti sur mi' caj i wa't_Λ ti' q'uiñilel melo' mulil yic'ot jini winicob x'ixicob año' b_Λ wale. Mi caj i subeñob i mul. Come jini x'ixic tsa' tili ti ñaj_Λl cha'an mi' yubin i ña't_Λbal Salomón. Awilan, umba'an ñumen ñuc b_Λ bajche' Salomón.

I xibajlel winic (Lc. 11.24-26)

⁴³ Che' mi' loq'uel i xibajlel ti' pusic'al winic, mi' cha'len x_Λmbal ba'an tiquin pañimil. Mi' sajcan ba' mi' c'aj i yo. Ma'anic mi' taj.

⁴⁴ Jini cha'an mi' y_Λl: "Muq'uix c' cha' majlel ti cotot ba' tsa' loq'uixon", che'en. Che' mi' c'otel, jocholix mi' taj. Wen misubilix. Wen chajp_Λbilix.

⁴⁵ Mi' cha' majlel i p_Λy tilel yamba wuc-tiquil espíritujob ñumen jontolo' b_Λ. Mi' yochelob. Ya' mi' cajelob ti chumt_Λ. Ñumen leco mi' caj ti ajñel jini winic ti wi'il bajche' ti ñaxan. Lajal mi' caj i yujtelob jini jontolo' b_Λ winicob x'ixicob año' b_Λ ti pañimil wale, che'en Jesús.

*I ña', i yijts'iñob Jesús**(Mr. 3.31-35; Lc. 8.19-21)*

⁴⁶ Che' woli' pejcan winicob x'ixicob, awilan ya' wa'alob ti' pat otot i ña' yic'ot i yijts'iñob. Woli' c'ajtiñob cha'an mi' pejcañob.

⁴⁷ Juntiquil tsi' sube Jesús: Awilan, ya' wa'alob a ña' yic'ot a wijts'iñob ti' pat otot. Yomob i pejcañet, che'en.

⁴⁸ Jesús tsi' sube jini tsa' b_Λ ujti ti t'an: ¿Majqui c ña'? ¿Majqui quiijts'iñob? che'en.

⁴⁹ Tsi' j_Λmts'u i c'Λb ba'an x_Λnt'añob i cha'an. Tsi' y_ΛΛ: W_Λ' añob c ña' yic'ot quiijts'iñob.

⁵⁰ Come majqui jach mi' cha'len chuqui yom c Tat am b_Λ ti panchan jiñ_Λch quiijts'in, quiyti'an yic'ot c ña', che'en Jesús.

13*Lajiya cha'an xwejch'uya pac'**(Mr. 4.1-12; Lc. 8.4-8; 10.23-24)*

¹ Ti ili q'uin Jesús tsa' loq'ui ti otot. Tsa' buchle ti' t'ejl colem ñajb.

² Bajc'Λl winicob x'ixicob tsa' caji i tempañob i b_Λ ba'an. Jini cha'an tsa' ochi ti bucht_Λl Jesús ti barco. Tsa' c_Λleyob ti' ti' ja' pejtel winicob x'ixicob.

³ An cab_Λl chuqui tsi' subeyob ti lajiya tac. Tsi' y_ΛΛ: Awilan, tsa' majli juntiquil winic ti wejch'uya pac'.

⁴ Che' woli' wejch'un majlel tsa' yajli ts'ita' ti' ti' bij. Tsa' tili te'lemut. Tsi' c'uxu.

⁵ Yamb_Λ tsa' yajli ti xajlelol ba' ma'anic cab_Λl lum. Tsa' b_Λc' pasi come mach tamic i lumil.

⁶ Che' b_Λ tsa' chan'a q'uin, c'ux tsi' yubi. Tsa' tiqui come ma'anic i wi'.

⁷ Yamb_Λ tsa' yajli ti ch'ixol. Tsa' coli jini ch'ix. Tsi' ts_Λnsa.

⁸ Yamb_Λ tsa' yajli ti wen b_Λ lum. Tsi' y_Λc'Λ i wut ti jo'c'al, ti uxc'al, ti lujump'ejl i cha'c'al.

⁹ Jini am b_Λ i chiquin cha'an mi' yubin, la' i yubin, che'en Jesús.

¹⁰ Tsa' tiliyob x_Λnt'añob ba'an Jesús. Tsi' y_ΛΛyob: ¿Chucoch ma' pejcañob ti lajiya? che'ob.

¹¹ Jesús tsi' subeyob: Come aq'uebiletla cha'an mi' la' c_Λn i sujmllel cha'an i yum_Λntel panchan mach b_Λ tsictiyemic ti yamb_Λ ora. Pero mach aq'uebilob.

¹² Come majqui jach an i cha'an mi' caj i y_Λq'uentel yamb_Λ jinto mi' wen oñ'an. Majqui jach ma'anic i cha'an mi' caj i lu' chilbentel chuqui an i cha'an.

¹³ Jini cha'an mic ch_Λn pejcañob ti lajiya come mi' q'uelob, pero ma'anic mi' c'otelob i wut. Mi' yubiñob, pero ma'anic mi' yochel ti' chiquin. Ma'anic mi' ch'Λmbeñob isujm, che'en Jesús.

¹⁴ Che' i tsa' ts'Λctiyi i t'an Isaías tsa' b_Λ i y_ΛΛ: "Mi caj la' wubin t'an pero ma'anic mi' caj la' ch'Λmben isujm. Mi caj la' q'uel pero ma'anic mi' caj i c'otel la' wut.

¹⁵ Come tsa' ochi ti tonto i pusic'al jini winicob x'ixicob. Mach yomic i ch_Λn ubiñob t'an. Tsi' muts'uyob i wut ame i q'uelob ti' wut, ame i yubiñob ti' chiquin, ame i ch'Λmbeñob isujm ti' pusic'al, ame i cha' sutq'uiñob i b_Λ cha'an mic lajme-sañob", che'en.

¹⁶ Tijicñayetla come mi' c'otel la' wut. Mi la' wubin t'an ti la' chiquin.

¹⁷ Isujm mic subeñetla cab_Λl x'alt'añob yic'ot winicob toj b_Λ i pusic'alob wersa yomob i q'uel jini woli b_Λ la' q'uel pero ma'anic tsi' q'ueleyob. Yomob i yubin jini woli b_Λ la' wubin pero ma'anic tsi' yubiyob.

*I sujmllel jini lajiya cha'an xwejch'uya pac'**(Mr. 4.13-20; Lc. 8.11-15)*

¹⁸ Ubinla i sujmllel jini lajiya cha'an jini winic tsa' b_Λ majli ti wejch'uya pac'.

¹⁹ Che' an majqui mi' yubin jini wen t'an cha'an i yum_Λntel Dios, mi' ma'anic tsi' ch'Λmbe isujm, ora mi' tilel jini xjontolil i chilben loq'uel jini pac' ti' pusic'al. Jiñ_Λch i sujmllel jini wejch'ubil b_Λ ti' ti' bij.

²⁰ Jini wejch'ubil b_Λ ti xajlelol jiñ_Λch mu' b_Λ i yubin jini wen t'an. Tijicña i pusic'al mi' b_Λc' jac'.

²¹ Ma'anic i wi' ti' pusic'al. Ts'ita jach mi' jalijel. Che' mi' yubin wocol yic'ot i tic'Λntel cha'an jini wen t'an, ti ora mi' tejchel tile bixel b_Λ i pusic'al.

²² Jini wejch'ubil b_Λ ti ch'ixol jiñ_Λch mu' b_Λ i jac' jini wen t'an. Cab_Λl i c'ojo'ol cha'an pañimil yic'ot i lotintel cha'an chub_Λañal. Mi' c'unte' jisan jini wen t'an ti' pusic'al cha'an ma'anic mi' y_Λc' i wut.

²³ Jini wejch'ubil b_Λ ti wen b_Λ lum jiñach mu' b_Λ i yubin jini wen t'an, mu' b_Λ i ch'amben isujm. Mi' yac' i wut ti jo'c'al, ti uxc'al, ti lujump'ejl i cha'c'al. Che' tsi' y_{ΛΛ} Jesús.

Lajiya cha'an mach b_Λ wenic b_Λ jam

²⁴ Tsi' subeyob yamb_Λ t'an ti lajiya. Tsi' y_{ΛΛ}: I yum_Λntel jini am b_Λ ti panchan lajalach bajche' juntiquil winic tsa' b_Λ i wejch'u wen b_Λ pac' ti lum.

²⁵ Che' b_Λ w_Λy_Λlob winicob, tsa' tili juntiquil i contra. Tsi' wejch'u mach b_Λ wenic b_Λ pac' ba' wejch'ubil jini trigo. Tsa' majli.

²⁶ Tsa' caji ti pasel i yopol. Tsa' caji i y_Λc' i wut jini jam. Tsa' caji ti pasel jini mach b_Λ wenic b_Λ pac' ja'el.

²⁷ Tsa' tiliyob x'e'telob i cha'an i yum otot. Tsi' subeyob: “C Yum, ¿mach ba wenic jini pac' tsa' b_Λ a wejch'u ti a lum? ¿Baqui ch'oyol jini mach b_Λ wenic woli b_Λ ti pasel?” che'ob.

²⁸ Tsi' subeyob: “Juntiquil xcontra tsi' cha'le jini”, che'en. Jini x'e'telob tsi' c'ajtibeyob: “¿A wom ba mic majlel c boc lojon loq'uel jini mach b_Λ wenic b_Λ jam?” che'ob.

²⁹ I yum tsi' y_{ΛΛ}: “Mach comic, ame bojquic jini trigo che' mi la' boc loq'uel jini mach b_Λ wenic.

³⁰ La' to tem colic jinto mi' lojtel trigo. Ti' yorajlel c'ajbal che' mi lac lot mi caj c suben x'e'telob cha'an mi' ñaxan tempañob jini mach b_Λ wenic. Mi caj i tempañob cha'an mi' pulel. Pero jini trigo mi caj i cuchob tilel ti' yotlel”, che'en i yum otot. Che' tsi' y_{ΛΛ} Jesús.

Lajiya cha'an i pac' mostaza yic'ot levadura

(Mr. 4.30-34; Lc. 13.18-21)

³¹ Tsi' subeyob yamb_Λ t'an ti lajiya. Tsi' y_{ΛΛ}: I yum_Λntel jini am b_Λ ti panchan lajalach bajche' i bac' pimeli c'aba' mostaza tsa' b_Λ i ch'amb_Λ winic. Tsi' wejch'u ti lum.

³² Ma'anic yamb_Λ pac' ñumen biq'uit b_Λ bajche' jini. Che' mi' colel mi' ñusan jini pimel. Mi' colel bajche' te'. Mi' tilel te'lemut, mi' mel i c'u' ti' c'ab jini te', che'en Jesús.

³³ Tsi' subeyob yamb_Λ t'an ti lajiya: I yum_Λntel jini am b_Λ ti panchan lajalach bajche' levadura. Tsi' ch'amb_Λ juntiquil x'ixic. Tsi' yotsa ti uxp'is harina jinto tsi' xaxa ti pejtelel, che'en.

³⁴ Jesús tsi' subeyob temp_Λbilo' b_Λ winicob x'ixicob pejtelel jini t'an ti lajiya tac. Cojach ti lajiya tsi' pejcayob

³⁵ cha'an mi' ts'actiyel i t'an jini x'alt'an tsa' b_Λ i y_{ΛΛ}: “Mi caj c cha'len t'an ti lajiya tac. Mi caj c sub jini maxto b_Λ anic tsa' tsictiyi c'ad_Λl ti' cajibal pañimil”, che'en.

I sujmllel jini jam mach b_Λ wenic

³⁶ Che' b_Λ tsi' choco majlel jini temp_Λbilo' b_Λ, Jesús tsa' ochi ti otot. Tsa' tiliyob xcant'añob i cha'an ba'an Jesús. Tsi' y_{ΛΛ}yob: Subeñon lojon i sujmllel jini lajiya. ¿Chuqui jini jam mach b_Λ wenic ya' ti jamil? che'ob.

³⁷ Jesús tsi' subeyob: Jini winic mu' b_Λ i wejch'un wen b_Λ pac' jiñach i Yalobil Winic.

³⁸ Jini jamil jiñach pañimil. Jini wen b_Λ pac' jiñach i yalobilob i yum_Λntel Dios. Jini jam mach b_Λ wenic jiñach i yalobilob jini xjontolil.

³⁹ Jini xcontra tsa' b_Λ i wejch'u pac' mach b_Λ wenic jiñach xiba. I yorajlel c'ajbal che' mi' lojtel jini jam jiñach i jilibal pañimil. Jini x'e'telob jiñach ángelob.

⁴⁰ Che' bajche' mi' temp_Λyel jini mach b_Λ wenic b_Λ jam cha'an mi' pulel, che'ach mi' caj i yujtel ti' jilibal ili ora.

⁴¹ I Yalobil Winic mi' caj i choc tilel i yángelob. Mi' caj i tempañob loq'uel ti' yum_Λntel pejtelel mu' b_Λ i y_Λsañob ti mulil i pi'adlob yic'ot jini mu' b_Λ i cha'leñob jontolil.

⁴² Mi' caj i chocob ochel ti' c'ajc. Ya' mi' cajelob ti cab_Λl uq'uel yic'ot quech'ecña b_Λ i b_Λquel i yej.

⁴³ Ti' jim b_Λ ora mi' caj ti tsictiyel i saclel jini tojo' b_Λ i pusic'al che' bajche' q'uin ya' ti' yum_Λntel i Tat. Jini am b_Λ i chiquin cha'an mi' yubin, la' i yubin.

Jini mucul b_Λ chub_Λañal yic'ot letsem b_Λ i tojol perla

⁴⁴ Che' yilal ja'el i yum_Λntel jini am b_Λ ti panchan bajche' jump'ejl chub_Λañal wen letsem b_Λ i tojol, mucul b_Λ ti jamil. Tsi' taja juntiquil winic. Tsi' cha' mucu. Wen

tijicña i pusic'al tsa' majli i chon pejtelel i chub'Λ'an. Tsi' mΛñΛ jini jamil.

⁴⁵ Che' yilal ja'el i yumΛntel panchan bajche' juntiquil xmaññoñel woli bΛ i sajcan wen bΛ perla tac.

⁴⁶ Che' bΛ tsi' taja jump'ejl wen letsem bΛ i tojol, tsa' majli i laj chon pejtelel i chub'Λ'an. Tsi' mΛñΛ jini perla.

Chimo'chay

⁴⁷ Che' yilal ja'el i yumΛntel jini am bΛ ti panchan bajche' chimo'chay tsa' bΛ chojqui ochel ti colem ñajb. Tsi' much'qui cabΛ chay ti chajp ti chajp.

⁴⁸ Che' but'ulix tsi' tujc'ayob loq'uel winicob ti' ti' ñajb. Tsa' buchleyob. Tsi' yajcayob ochel wen bΛ chay ti chiquib tac. Tsi' chocoyob jini mach bΛ wenic.

⁴⁹ Che' ja'el mi' caj ti ujtel ti' jilibal ili ora. Jini ángelob mi' caj i tilelob. Parte mi' caj i yΛc'ob jini tojo' bΛ. Parte mi' caj i yΛc'ob jini jontolo' bΛ.

⁵⁰ Mi' caj i chocob ochel ti c'ajc. Ya' mi' cajelob ti uq'uel, yic'ot quech'ecña bΛ i bΛquel i yej, che'en Jesús.

Tsiji' bΛ chub'ΛañΛ yic'ot tsucul bΛ

⁵¹ Jesús tsi' subeyob: ¿Tsa' ba la' wen ch'Λambe isujm ti pejtelel? che'en. Tsi' jac'beyob: Tsa' cu, c Yum, che'ob.

⁵² Jesús tsi' cha' subeyob: Jini cha'an juntiquil sts'ijbaya cΛntesΛbil bΛ ti' sujmllel i yumΛntel jini am bΛ ti panchan lajalach bajche' i yum otot mu' bΛ i loc'san ti' yajñib i chub'Λ'an tsijib tac bΛ yic'ot oñiyix bΛ, che'en.

Tsa' ts'a'lenti Jesús ya' ti Nazaret

(Mr. 6.1-6; Lc. 4.16-30)

⁵³ Che' bΛ tsa' ujt i lajiya tac, Jesús tsa' loq'ui majlel ya'i.

⁵⁴ Che' bΛ tsa' c'oti Jesús ti' lumal, tsi' cha'le cΛntesa ti' sinagoga judíojob. Tsa' toj sajtiyob i pusic'al winicob. Tsi' yΛΛayob: ¿Baqui tsi' taja i ña'tΛbal yic'ot i p'ΛtΛlel cha'an ñuc bΛ i melbal?

⁵⁵ ¿Mach ba jinic i yalobil jini xjuc'te'? ¿Mach ba jinic María i ña'? ¿Mach ba i yijts'iñob Jesús jini Jacobo, yic'ot José, Simón yic'ot Judas?

⁵⁶ ¿Mach ba i yijti'añobic ili año' bΛ la quic'ot? ¿Baqui tsi' taja pejtelel i ña'tΛbal? Che' tsi' yΛΛayob.

⁵⁷ Tsa' caji i mich'leñob Jesús. Jesús tsi' subeyob: Mi' q'uejlel ti ñuc pejtel x'alt'an, pero ya' ti' lumal yic'ot ti' yotot ma'anic mi' q'uejlel ti ñuc, che'en.

⁵⁸ Jesús ma'anic tsa' mejli i cha'len cabΛ ñuc bΛ i ye'tel ya'i, come ma'anic tsi' ñopoyob jini winicob x'ixicob.

14

Tsa' tsΛnsanti Juan tsa' bΛ i yΛc'Λ ch'Λmja' (Mr. 6.14-29; Lc. 9.7-9)

¹ Ti jim bΛ ora jini yumΛl Herodes tsa' caji i yubin t'an cha'an ñuc bΛ i melbal Jesús.

² Herodes tsi' sube x'e'telob i cha'an: JiñΛch Juan tsa' bΛ i yΛc'Λ ch'Λmja'. Tsa' cha' tejchi ch'oysel ba'an chΛmeño' bΛ. Jini cha'an woli' pΛstΛl ñuc bΛ i melbal, che'en.

³ Come anix ora Herodes tsi' chucu Juan. Tsi' cΛchΛ. Tsi' yotsa ti majquibal cha'an ti' t'an Herodías, i yijñam Felipe. Jini Felipe i yijts'in Herodes.

⁴ Come Juan tsi' sube Herodes: Tic'bil ti mandar ma' pΛyben i yijñam a wijts'in, che'en.

⁵ Herodes yom i tsΛnsan Juan pero tsi' bΛc'ña winicob x'ixicob, come woli' yΛlob x'alt'añΛch jini Juan.

⁶ Che' ti' q'uiñilel i jabilel Herodes, tsi' cha'le son xch'oc bΛ i yalobil Herodías ti yojlil xq'uiñijelob. Wen uts'at tsi' q'uele Herodes.

⁷ Tsi' wersa wa'choco i t'an. Tsi' yΛΛ mi' caj i yΛq'uen jini xch'oc pejtelel mu' bΛ i c'ajtiben.

⁸ Xic'bil cha'an i ña' jini xch'oc tsi' yΛΛ: Aq'ueñon ti colem latu i jol Juan tsa' bΛ i yΛc'Λ ch'Λmja', che'en.

⁹ Jini rey tsi' mele i pusic'al. Pero wa'chocobilix i t'an ti' tojlel xq'uiñijelob. Jini cha'an Herodes tsi' yΛc'Λ mandar cha'an mi' yΛq'uentel jini woli bΛ i c'ajtin.

¹⁰ Tsi' choco majlel winic cha'an mi' set' t'ojben loq'uel i bic' Juan ya' ti cárcel.

¹¹ Tsa' pit ch'Λjmi tilel i jol Juan ti colem latu. Tsa' aq'uenti jini xch'oc. Jini xch'oc tsi' yΛq'ue i ña'.

12 Tsa' tiliyob xcant'añoob i cha'an Juan. Tsi' ch'ambeyob majlel i bac'tal. Tsi' mucuyob. Tsa' majli i subeñoob Jesús.

*Tsa' we'santiyob jo'p'ejl mil
(Mr. 6.30-44; Lc. 9.10-17; Jn. 6.1-14)*

13 Che' bΛ tsi' yubi Jesús, tsa' majli ti barco ti colem bΛ i tiquiñal lum ti' bajñelil. Che' bΛ tsi' yubiyob winicob x'ixicob, jomocña tsa' loq'uiyob ti tejclum tac cha'an mi' tsaj-cañoob majlel ti lum.

14 Jesús tsa' tili. Tsi' q'uele bajc'al winicob x'ixicob. Tsi' p'untayob. Tsi' lajmesa jini xc'amajelob.

15 Che' wolix ti bajlel q'uin, tsa' tiliyob ba'an Jesús xcant'añoob i cha'an. Tsi' yalayob: Jiñach colem bΛ i tiquiñal pañimil. Tsa'ix ñumi q'uin. Subeñoob majlel winicob x'ixicob ti tejclum tac cha'an mi' mañoob i bal i ñac', che'ob.

16 Jesús tsi' subeyob: Mach wersajic mi' sujtelob. Aq'ueñoob jatetla chuqui mi' c'uxob, che'en.

17 Tsi' subeyob: Cojach an jo'q'uejl waj yic'ot cha'cojt chay, che'ob.

18 Jesús tsi' subeyob: Ch'amala tilel ba' añoob, che'en.

19 Jesús tsi' sube winicob x'ixicob cha'an mi' buchtalob ti jam. Tsi' ch'amala jini jo'q'uejl waj yic'ot cha'cojt chay. Tsi' letsa i wut ti panchan. Tsi' cha'le oración. Tsi' xet'e jini waj. Tsi' yalq'ue xcant'añoob i cha'an. Jini xcant'añoob tsi' pucbeyob winicob x'ixicob.

20 Tsi' c'uxuyob ti pejtelelob. Tsa' ñaj'ayob. Tsi' lotoyob lajch'amp'ejl chiquib but'ul ti' xujt'il tsa' bΛ colobaji.

21 Che' bajche' jo'p'ejl mil winicob tsi' c'uxuyob waj. Ya'an ja'el x'ixicob yic'ot alobob mach bΛ anic tsa' tsijquiyob.

*Jesús tsi' cha'le xambal ti' pam ñajb
(Mr. 6.45-52; Jn. 6.15-21)*

22 Jesús tsi' subeyob ochel ti barco xcant'añoob i cha'an, cha'an mi' ñaxan c'axelob ti junwejl colem ñajb. I bajñel tsa' c'ale i subeñoob sujtet jini winicob x'ixicob.

23 Che' bΛ tsa' ujt'i i subeñoob sujtet, tsa' letsa majlel ti' bajñelil ti bujt'al cha'an mi' cha'len oración. Che' ti ic'ajel ya'an ti bajñelil.

24 Ya'an jini barco ti ojilil colem ñajb. Woli' xewulan i bΛ ti ja'. Come woli' jats' jini ic'.

25 Che' yomix sac'an tsa' tili Jesús. Woli ti xambal ti pam ja'.

26 Jini xcant'añoob che' bΛ tsi' q'ueleyob woli ti xambal ti pam ja', tsa' wen cajiyob ti baq'uen. Tsi' yalayob: I ch'ujlel jach winic, che'ob. Wen c'am tsi' cha'leyob oñel cha'an baq'uen.

27 Jesús tsi' bac' pejcayob. Tsi' subeyob: Tijicñesan la' pusic'al come joñoñach. Mach mi la' cha'len baq'uen, che'en.

28 Pedro tsi' sube: C Yum mi jatetach, subeñoob tilel ba' añet ti' pam ja', che'en.

29 Jesús tsi' sube: La', che'en. Che' bΛ tsa' loq'ui Pedro ti barco, tsa' caji ti xambal ti pam ja' cha'an mi' majlel ba'an Jesús.

30 Che' bΛ tsi' q'uele ic' tsa' caji ti baq'uen. Tsa' caji ti ochel majlel ti ja'. C'am tsi' cha'le t'an. Tsi' yala: C Yum, coltañoob, che'en.

31 Jesús tsi' bac' choco majlel i c'ab. Tsi' chucu Pedro. Tsi' sube: Jatet mach bΛ anic ma' ñop ti pejtelel a pusic'al, ¿chucoch tsa' tejchi tile bixel bΛ a pusic'al? che'en.

32 Che' bΛ tsa' ochiyob ti barco tsa' lajmi ic'.

33 Jini añoob bΛ ti' mal barco tsa' tiliyob. Tsi' ch'ujutesayob Jesús. Tsi' yalayob: Isujm i Yalobilet Dios, che'ob.

*Jesús tsi' lajmesa xc'amajelob ya' ti Genesaret
(Mr. 6.53-56)*

34 Che' bΛ tsa' c'axiyob, tsa' c'otiyob ti lumal Genesaret.

35 Jini winicob ya' i che' bΛ tsi' cañayob Jesús, tsa' caji i pucob majlel t'an ti pejtelel i lumal. Tsi' palayob tilel ba'an Jesús pejtelel xc'amajelob.

36 Tsi' c'ajtibeyob cha'an mi' talbeñoob i yoc i pislel. Tsa' lu' c'oq'uesantiyob jini tsa' bΛ i talbeyob i pislel.

15

*Jini mu' bΛ i bibesan winic
(Mr. 7.1-23)*

1 Jini sts'ijbayajob yic'ot fariseojob ch'oyolo' bΛ ti Jerusalén tsa' tiliyob ba'an Jesús. Tsi' yalayob:

2 ¿Chucoch mi' ñusañoob i subal lac ñojte'el jini xcant'añoob a cha'an? Come ma'anic

mi' pocob i c'ab che' mi' cajelob ti c'ux waj, che'ob.

³ Jesús tsi' subeyob: ¿Chucoch mi la' ñusan i mandar Dios cha'an i subal la' ñojte'el?

⁴ Come Dios tsi' yalal ti mandar: “Q'uele ti ñuc a tat a ña”. Tsi yalal ja'el: “Jini mu b_Λ i p'aj i tat i ña' la' wersa chamic”.

⁵ An winicob mu' b_Λ i subeñob i tat i ña' ma'anix chuqui mi mejlel i yalq'ueñob, come tsa'ix i subeyob i cha'añach Dios.

⁶ Jatetla mi la' lon al mach i wentajobich cha'an mi' coltañob i tat i ña'. Che' jini tsa'ix la' jisabe i c'ajñibal i mandar Dios ti la' pusic'al cha'an mi la' jac'ben i subal la' ñojte'el.

⁷ Cha'p'ejl jax la' pusic'al. Isujmach bajche' tsi' tajayetla ti t'an Isaías che' b_Λ tsi' yalal:

⁸ “Ti' yej jach mi' subob c' ñucel jini winicob x'ixicob, pero ti' pusic'al mi' c'ayob.”

⁹ Lolom jach mi' ch'ujutesañob, come jiñach i mandar tac winicob woli b_Λ i cantesañob”, che'en Jesús.

¹⁰ Jesús tsi' p_Λyal tilel winicob x'ixicob. Tsi' subeyob: Ñich'tanla. Ch'ambenla isujm.

¹¹ Chuqui tac mi' yochel ti' yej winic, ma'anic mi' bibesan. Pero chuqui tac mi' loquel ti' yej, jiñach mu' b_Λ i bibesan, che'en.

¹² Tsa' tiliyob xcant'añob. Tsi' subeyob: ¿Ña'tabil ba a cha'an tsa' mich'ayob fariseojob che' b_Λ tsi' yubiyob a t'an? che'ob.

¹³ Jesús tsi' subeyob: Pejtelel pimel mach b_Λ p_Λc'bilic cha'an c' Tat am b_Λ ti panchan mi' caj ti bojquel.

¹⁴ La' to ajnicob. Xpots'ob jini xp_Λs bijob. Mi xpots' jini mu' b_Λ i toj'esan majlel xpots', ti' cha'ticlelob mi' yajlelob ti ch'en, che'en Jesús.

¹⁵ Pedro tsi' sube: Subeñon lojon i sujmler jini lajiya, che'en.

¹⁶ Jesús tsi' yalal: Jixcu jatetla ja'el, ¿maxto ba anic mi la' ch'amben isujm?

¹⁷ ¿Mach ba la' wujilic, jini mu' b_Λ i yochel ti la quej mi' majlel ti lac ñac'? Ñumel jach mi' ñumel.

¹⁸ Pero jini mu' b_Λ i loq'uel ti' yej winic ch'oyolach ti' pusic'al. Jiñach mu' b_Λ i bibesan.

¹⁹ Come ch'oyol ti' pusic'al winic mi' tilel jontol b_Λ i ña'tabal, yic'ot tsansa, yic'ot

tsi'lel, yic'ot jam otot, yic'ot xujch', yic'ot jop't'an, yic'ot p'ajoñel.

²⁰ Jiñach mu' b_Λ i bibesan winic. Ma'anic mi' bibesantel winic che' mi' c'ux waj che' mach pocolic i c'ab, che'en.

X'ixic loquiem b_Λ ti Canaan tsi' ñopo Jesús (Mr. 7.24-30)

²¹ Jesús tsa' loq'ui ya'i. Tsa' majli ti' lumal Tiro yic'ot ti' lumal Sidón.

²² Awilan tsa' tili x'ixic cananea ya' b_Λ chumul. C'am tsi' cha'le t'an. Tsi yalal: P'untañon, c' Yum, i Yalobilet David. C'ax cabal woli' tic'lantel xch'oc b_Λ calobil cha'an ti' xibajlel, che'en.

²³ Pero Jesús ma'anic chuqui tsi' sube mi jump'ejlic t'an. Tsa' tili xcant'añob i cha'an. Ti wocol t'an tsi' yalayob: Subenix majlel jini x'ixic come woli' cha'len c'am b_Λ t'an ti lac pat, che'ob.

²⁴ Jesús tsi' subeyob: Chocbilon tilel cha'an jach jini sajtemo' b_Λ tiñame' ti Israel, che'en.

²⁵ Jini x'ixic tsa' cha' tili. Tsi' ñocchoco i b_Λ ba'an Jesús. Tsi' yalal: C' Yum, coltañon, che'en.

²⁶ Jesús tsi' sube: Mach wenic mi lac chilben i waj alobob cha'an mi lac chochen al_Λ ts'i', che'en.

²⁷ Jini x'ixic tsi' yalal: Isujm, c' Yum. Pero jini al_Λ ts'i' mi' c'ux i xejt'il mu' b_Λ i p'ajtel ti yebal i mesa i yum, che'en.

²⁸ Jesús tsi' sube: X'ixic, tsa'ix a ñopo ti pejtelel a pusic'al. La' aq'uentiquet che' bajche' a wom, che'en. Tsa' b_Λc' lajmi i yalobil.

Tsi' lajmesa cabalob

²⁹ Jesús tsa' loq'ui ya'i. Tsa' ñumi majlel ti' ti' colem ñajb i c'aba' Galilea. Tsa' letsi majlel ti bujtal. Ya'i tsa' caji ti buchtal.

³⁰ Bajc'al winicob x'ixicob tsa' tiliyob ba'an. Tsi' p_Λyalayob tilel jini mach b_Λ añobic i c'ajñibal i yoc, yic'ot jini xpots'ob, yic'ot jini x'uma'ob, yic'ot jini xc'ascujelob, yic'ot cabal yaño' b_Λ. Ya' tsi' yal'ayob ba' wa'al Jesús. Tsi' lajmesayob.

³¹ Jini cha'an tsa' toj sajtiyob i pusic'al che' b_Λ tsi' q'ueleyob woliyob ti t'an x'uma'ob, lajmeñobix jini xc'ascujelob, woliyob ti xambal jini mach b_Λ añobic i c'ajñibal i yoc, woli' c'otelob i wut jini

xpots'ob. Tsi' tsictesayob i ñuclél i Dios israelob.

Tsi' we'sa champ'ejl mil
(Mr. 8.1-10)

³² Jesús tsi' p_Δγ_Δ tilel x_Δnt'añob i cha'an. Tsi' γ_Δλ_Δ: Mic p'untan jini winicob x'ixicob, come i yuxp'ejlelix q'uin w_Δ' añob quic'ot. Ma'anic i b_Δl i ñ_Δc'. Mach comic c subeñob sujtel che' wi'ñayobix ame c'uñ'acob ti bij, che'en.

³³ Jini x_Δnt'añob i cha'an tsi' subeyob: ¿Baqui mic taj lojon waj ilayi ti jochol b_Δ lum cha'an mi' c'uxob? come cab_Δlob jini winicob x'ixicob, che'ob.

³⁴ Jesús tsi' subeyob: ¿Jayq'uejl waj an' la' cha'an? che'en. Tsi' γ_Δλ_Δyob: Wucq'uejl yic'ot cha'cojt a_Δ ch_Δy, che'ob.

³⁵ Jesús tsi' sube winicob x'ixicob cha'an mi' bucht_Δlob ti lum.

³⁶ Tsi' ch'Δm_Δ jini wucq'uejl waj yic'ot jini ch_Δy. Che' b_Δ tsa' ujti i suben Dios wocolix i γ_Δλ_Δ tsi' xet'e. Tsi' γ_Δλ_Δue x_Δnt'añob i cha'an. Jini x_Δnt'añob tsi' pucbeyob winicob x'ixicob.

³⁷ Ti pejtelel tsi' c'uxuyob. Tsa' ñaj'ayob. Tsi' lotoyob wucp'ejl colem chiquib but'ul ti' xujt'il tac tsa' b_Δ colobaji.

³⁸ Che' bajche' lujumbajc' winicob tsi' c'uxuyob. An x'ixicob yic'ot alobob mach b_Δ tsicbilobic.

³⁹ Jesús tsi' subeyob sujtel winicob x'ixicob. Tsa' ochi ti barco. Tsa' majli ti lum i c'aba' Magdala.

16

Yomob i q'uel i yejtal i p'Δt_Δlel Jesús
(Mr. 8.11-13; Lc. 12.54-56)

¹ Tsa' tiliyob fariseojob yic'ot saduceojob cha'an mi' yil_Δbeñob i pusic'al Jesús. Tsi' c'ajtibeyob cha'an mi' p_Δsbeñob i yejtal i p'Δt_Δlel ti panchan.

² Jesús tsi' subeyob: Che' woli ti b_Δjlel q'uin mi la' w_Δl: “Jam_Δl pañimil ijc'Δl come ch_Δch_Δc i yebal panchan”, che'etla.

³ Ti s_Δc'ajel mi la' w_Δl: “Talix ja'al come ch_Δch_Δquix i yebal panchan. Wolix i m_Δjquel”, che'etla. ¡Cha'p'ejl jax la' pusic'al! Mi la' ña't_Δben i sujmlél chuqui tac mi la' q'uel ti panchan. ¡Pero mach la' wujilic chuqui woli' yujtel w_Δle!

⁴ Jini jontolo' b_Δ winicob x'ixicob but'ulo' b_Δ ti' ts'i'lel woli' sajcañob i yejtal c p'Δt_Δlel. Ma'anic mi caj i γ_Δλ_Δq'uentelob i q'uel, jini jach i yejtal c p'Δt_Δlel tsa' b_Δ p_Δsle ti Jonás jini x'alt'an, che'en Jesús. Tsi' c_Δγ_Δyob. Tsa' majli.

I levadura fariseojob yic'ot saduceojob
(Mr. 8.14-21)

⁵ Tsa' c'otiyob x_Δnt'añob i cha'an ti jun-wejl ja'. Tsa' ñaj_Δy_Δi ti' pusic'al i ch'Δmob tilel caxlan waj.

⁶ Jesús tsi' subeyob: Ch_Δc_Δ q'uele la' b_Δ cha'an i levadura jini fariseojob yic'ot saduceojob, che'en.

⁷ Tsa' caji i pejcañob i b_Δ. Tsi' γ_Δλ_Δyob: Ma'anic tsa' lac ch'Δm_Δ tilel caxlan waj, che'ob.

⁸ Ña't_Δbilix i cha'an Jesús tsi' subeyob: Winicob mach b_Δ anic mi la' ñop ti pejtelel la' pusic'al, ¿chucoch woli la' c_Δl_Δx pejcan la' b_Δ cha'an ma'anic la' caxlan waj?

⁹ ¿M_Δxto ba anic mi la' ch'Δmben isujm? ¿Mach ba c'ajalic la' cha'an jini jo'q'uejl waj cha'an jo'p'ejl mil winicob? ¿Mach ba c'ajalic la' cha'an jayp'ejl chiquib tsa' la' loto?

¹⁰ Jixcu jini wucq'uejl waj cha'an jini ch_Δmp'ejl mil winicob, ¿mach ba c'ajalic la' cha'an jayp'ejl colem chiquib tsa' la' loto?

¹¹ ¿Chucoch ma'anic mi' la' ch'Δmben isujm? Mach jiniqui caxlan waj tsac ña'ta che' b_Δ tsac subeyetla cha'an mi la' ch_Δc_Δ q'uel la' b_Δ cha'an i levadura fariseojob yic'ot saduceojob, che'en Jesús.

¹² Tsi' ch'Δmbeyob isujm yom mi' ch_Δc_Δ q'uelob i b_Δ cha'an i c_Δntes_Δbal fariseojob yic'ot saduceojob, mach cha'anic jini levadura am b_Δ ti caxlan waj.

Pedro tsi' γ_Δλ_Δ: Jatet Cristojet
(Mr. 8.27-30; Lc. 9.18-21)

¹³ Che' b_Δ tsa' ochi Jesús ya' ti' lumal Cesarea Filipino, tsi' c'ajtibe x_Δnt'añob i cha'an: ¿Majqui i Yalobil Winic mi' γ_Δlob winicob x'ixicob? che'en.

¹⁴ Tsi' γ_Δλ_Δyob: Cha'tiquil uxtiquil mi' γ_Δlob jatet Juanet tsa' b_Δ i γ_Δc'Δ ch'Δmja'. Yaño' b_Δ mi' γ_Δlob Elías_Δt. Yaño' b_Δ mi' γ_Δlob Jeremías_Δt. Yaño' b_Δ mi' γ_Δlob juntiquil x'alt'añet, che'ob.

15 Jesús tsi' c'ajtibeyob: Jixcu jatetla, ¿Ma-jquiyon mi la' wʌl? che'en.

16 Simón Pedro tsi' jac'ʌ: Jatet Cristojet, jini yajcʌbil bʌ. I Yalobilet jini cuxul bʌ Dios, che'en.

17 Jesús tsi' jac'ʌ: Tijicña a pusic'al Simón, i yalobilet bʌ Jonás, come mach tilemic ti winicob a ña'tʌbal, pero c Tat am bʌ ti panchan tsi' cʌntesayet.

18 Mic subeñet Pedrojet. Ti' pam jini xajlel mi caj c wa'chocon xñopt'añob c cha'an. Jini mu' bʌ i yʌc'ob ti chʌmel mach mejlic i jisañob.

19 Mi caj cʌq'ueñet i llavejlel i yumʌntel jini am bʌ ti panchan. Pejtelel majqui ma' jamben ti pañimil mi caj i jambentel ti panchan. Pejtelel majqui ma' ñup'ben ti pañimil mi caj i ñup'bentel ti panchan, che'en Jesús.

20 Jesús tsi' tiq'ui xcʌnt'añob cha'an ma'aníc mi' subeñob i pi'ʌlob mi juntiquilic mi jiñʌch Cristo, jini yajcʌbil bʌ.

*Jesús tsi' subu bajche' mi caj i chʌmel
(Mr. 8.31—9.1; Lc. 9.22-27)*

21 Ti jim bʌ ora, Jesús tsa' caji i cʌntesan xcʌnt'añob i cha'an. Tsi' yʌʌ wersa mi' majlel ti Jerusalén i yubin cabʌl wocol ti' c'ʌb xñoxob año' bʌ i ye'tel yic'ot ñuc bʌ motomajob yic'ot sts'ijbayajob. Wersa mi' caj ti tsʌnsʌntel. Mi caj i cha' tejchel ch'ojyel ti yuxp'ejlel q'uin.

22 Pedro tsa' caji i pʌy Jesús ti' bajñelil cha'an mi' tic'. Tsi' yʌʌ: C Yum, la' i p'untañet Dios. Mach che'ic mi caj a wujtel, che'en.

23 Jesús tsi' sutq'ui i bʌ. Tsi' sube Pedro: Tʌts'ʌ a bʌ ba' añoñ, Satanás. Jatet xmʌctayajet tic tojlel. Ma'aníc ma' ch'ʌmben isujm chuqui yom Dios. Che' jach ma' ch'ʌmben isujm chuqui yom winicob, che'en.

24 Jesús tsi' sube xcʌnt'añob i cha'an: Mi an majqui yom i tsajcañon, la' i cʌy chuqui yom ti' bajñel pusic'al. La' i ch'ʌm i cruz. La' i tsajcañon.

25 Come majqui jach yom i bajñel cʌntan i ch'ujlel mi caj i sʌt. Majqui jach mi' yʌc' i ch'ujlel cha'an mi' tsajcañon mi caj i cʌntan.

26 Come ¿chuqui mi' taj winic mi tsi' lon ch'ʌmʌ pejtelel pañimil pero mi tsa' sajti i

ch'ujlel? Mi tsa' sajti i ch'ujlel winic, ¿chuqui mi mejlel i yʌc' cha'an mi' cha' taj?

27 Come mi caj i tilel i Yalobil Winic ti' ñucel i Tat yic'ot i yánelob. Mi caj i yʌq'ueñob i tojol winicob x'ixicob ti jujuntiquil cha'an chuqui tac tsi' meleyob.

28 Isujm mic subeñetla: Lamital ili wa'alo' bʌ ma'aníc mi caj i chʌmelob jinto tsa'ix i q'ueleyob i Yalobil Winic che' mi' tilel ti' yumʌntel, che'en Jesús.

17

*Tsa' yʌjñi Jesús
(Mr. 9.2-13; Lc. 9.28-36)*

1 Che' ñumenix wʌcp'ejl q'uin, Jesús tsi' pʌyʌ majlel Pedro yic'ot Jacobo yic'ot Juan i yijts'in Jacobo c'ʌʌʌ ti chan bʌ wits.

2 Tsa' yʌjñi Jesús ti' wutob. Ts'ʌylaw i wut che' lajal bajche' q'uin. Wen sʌsʌc tsa' ajni i pislel lajal bajche' i sʌclel pañimil.

3 Awilan, tsa' tsictiyi Moisés yic'ot Elías. Tsi' cha'leyob t'an yic'ot Jesús.

4 Pedro tsi' sube Jesús: C Yum, uts'at mi laj cʌytʌl ilayi. Mi a wom, mi caj c mel uxp'ejl lejchempat, jump'ejl a cha'an, jump'ejl i cha'an Moisés, jump'ejl i cha'an Elías.

5 Che' woli to ti t'an, awilan, tsi' mosoyob wen sʌsʌc bʌ tocal. Tsa' loq'ui t'an ti tocal. Tsi' yʌʌ: Jiñʌch Calobil mu' bʌ j c'uxbin. Tijicña c pusic'al mij q'uel. Ubinla i t'an, che'en.

6 Che' bʌ tsi' yubiyob xcʌnt'añob, tsa' ñuc yajliyob ti lum. Woliyob ti cabʌl bʌq'uen.

7 Tsa' tili Jesús. Tsi' tʌʌyob. Tsi' yʌʌ: Ch'ojyenla. Mach mi la' cha'len bʌq'uen, che'en.

8 Che' bʌ tsi' letsayob i wut tsi' q'ueleyob ma'anix majqui ya'an, jini jach Jesús ti' bajñelil.

9 Che' woli' jubelob tilel ti wits, Jesús tsi' wersa tiq'uiyob: Mach mi la' suben winic mi juntiquilic chuqui tsa' la' q'uele jinto mi' cha' ch'ojyel i Yalobil Winic ba'an chʌmeño' bʌ, che'en.

10 Jini xcʌnt'añob i cha'an tsi' c'ajtibeyob: ¿Chucoch mi' yʌlob sts'ijbayajob ñaxan yom mi' tilel Elías? che'ob.

11 Jesús tsi' subeyob: Isujmʌch, ñaxan mi' tilel Elías cha'an mi' cha' toj'esan pejtelel chuqui an.

12 Pero mic subeñetla, tsa'ix tili Elías. Ma'anic tsi' c'añayob, pero tsi' tic'layob bajche' jach yomob. Che' ja'el, mi caj i yubin wocol i Yalobil Winic ti' c'abob, che'en Jesús.

13 Jini xcant'añob tsa' caji i ch'ambeñob isujm jiñach Juan tsa' b_Λ i yac'Λ ch'amja' tsa' b_Λ tili che' bajche' tsi' y_{ΛΛ} Jesús.

Jesús tsi' lajmesa ch'iton am b_Λ i juquin ch_Λmel

(Mr. 9.14-29; Lc. 9.37-43)

14 Che' b_Λ tsa' c'otiyob ba' temp_Λbilob winicob x'ixicob, tsa' tili winic. Tsi' ñocchoco i b_Λ ba'an Jesús.

15 Tsi' y_{ΛΛ}: C Yum, p'untan calobil. Come an i juquin ch_Λmel. Wen woli ti wocol. Cab_Λ mi' yajlel ti c'ajc. Cab_Λ mi' yajlel ti ja'.

16 Tsac p_Λy_Λ tilel ba'an xcant'añob a cha'an, pero ma'anic tsa' mejli i lajmesañob, che'en.

17 Jesús tsi' jac'Λ: Winicob x'ixicob año' b_Λ w_Λle, mach b_Λ anic mi la' ñop, sojqumetla. ¿Jayp'ejl to q'uin w_Λ' añoñ la' wic'ot? ¿Jayp'ejl to q'uin mi caj j cuchbeñetla la' sajtemal? P_Λy_Λla tilel w_Λ' ba' añoñ, che'en.

18 Jesús tsi' tic'be i xibajlel. Tsa' loq'ui ti' pusic'al. Tsa' bac' lajmi jini ch'iton.

19 Tsa' tiliyob xcant'añob cha'an mi' bajñel pejcañob Jesús. Tsi' y_{ΛΛ}yob: ¿Chucoc ma'anic tsa' mejli c choc lojon loq'uel? che'ob.

20 Jesús tsi' subeyob: Come ma'anic mi la' ñop ti pejtelel la' pusic'al. Come isujm mic subeñetla, mi tsa' la' ñopo ti la' pusic'al mi che' jach ya wist_Λl che' bajche' i bac' mostaza, che' jini muq'uix mejlel la' suben jini wits cha'an mi' t_Λts' i b_Λ ti yamb_Λ i yajñib. Mi caj i t_Λts' i b_Λ. Ma'anic chuqui mach b_Λ mejlic la' cha'an.

21 Pero jini xibajob ma'anic mi' to'ol loq'uelob, che' jach mi' loq'uelob ti oración yic'ot ti ch'ajb, che'en Jesús.

Jesús tsi' cha' subu bajche' mi caj i ch_Λmel

(Mr. 9.30-32; Lc. 9.43-45)

22 Che' ya' añoñ ti Galilea Jesús tsi' subeyob: I Yalobil Winic mi caj i yajq'uel ti' c'ab winicob.

23 Jini winicob mi caj i tsansañoñ. Ti yuxp'ejlel q'uin mi caj i cha' tejchel

ch'ojoyel, che'en Jesús. Wen ch'ijiyem tsi' yubiyob xcant'añoñ.

Tsi' tojoyob tojoñel cha'an Templo

24 Che' b_Λ tsa' c'otiyob ti Capernaum, jini xch'am tojoñelob tsa' tiliyob ba'an Pedro. Tsi' y_{ΛΛ}yob: ¿Mach ba anic mi' yac' cha'p'ejl dracma tojoñel a Maestro? che'ob.

25 Pedro tsi' y_{ΛΛ}: Mu' cu, che'en. Che' b_Λ tsa' ochi Pedro ti otot, Jesús tsa' ñaxan caji i pejcan. Tsi' y_{ΛΛ}: ¿Bajche' ma' w_Λl, Simón? ¿Majqui mi' y_Λq'ueñoñ tojoñel yum_Λlob ti pañimil? ¿Jim ba i yalobilob o yaño' b_Λ? che'en.

26 Pedro tsi' sube: Jini yaño' b_Λ, che'en. Jesús tsi' sube: Che' jini, mach i wentajic i yalobilob cha'an mi' yac'ob tojoñel.

27 Pero cucu ti colem ñajb ame mi lac techbeñob i mich'ajel. Choco ochel luquijib. Ch'am_Λ jini ñaxan b_Λ ch_Λy mu' b_Λ a chuc. Che' ma' cawben i yej mi caj a taj jump'ejl estatero. Ch'am_Λ majlel. Aq'ueñoñ cha'añoñ cha'añet. Che' tsi' y_{ΛΛ} Jesús.

18

¿Majqui ñumen ñuc ti' yum_Λntel Dios?

(Mr. 9.33-42; Lc. 9.46-48; 17.1-2)

1 Ti jim b_Λ ora tsa' tiliyob xcant'añoñ ba'an Jesús. Tsi' c'ajtibeyob: ¿Majqui ñumen ñuc ti' yum_Λntel panchan? che'ob.

2 Jesús tsi' p_Λy_Λ tilel juntiquil alob. Tsi' yac'Λ ya' ti ojilil ba' añoñ.

3 Tsi' subeyob: Isujm, mic subeñetla, mi ma'anic mi la' sutq'uin la' b_Λ cha'an lajalelta bajche' alobob, ma'anic mi caj la' wochel ti' yum_Λntel panchan.

4 Majqui jach mi' mel i b_Λ ti pec' che' bajche' jini alob, c'ax ñuc mi caj i yajñel ti' yum_Λntel panchan.

5 Majqui jach mi' coltan tij c'aba' juntiquil alob, mi' coltañoñ.

6 Majqui jach mi' y_Λsan ti mulil juntiquil ch'o'ch'oc b_Λ woli b_Λ i ñopon mach uts'atic. Ñumen uts'at tsa'ic ñaxan c_Λjchi na'atun ti' bic' jini winic cha'an mi' chojquel ochel ti ch_Λmel ti ñajb.

Jini mu' b_Λ i y_Λsañoñla ti mulil

(Mr. 9.43-48)

7 Mi caj i tajob wocol jini año' b_Λ ti pañimil mu' b_Λ i y_Λsañoñ ti mulil winicob x'ixicob.

Wersa mi' tilelob jini mu' b_Λ i y_Λsañob ti mulil, pero mi caj i tojob i mul.

⁸ Mi woli' y_Λsañet ti mulil a c'Λb mi a woc, tsepe loq'uel. Choco. Uts'at mi tsa' taja a cuxt_Λlel che' xbor c'Λbet, che' xbor oquet. Mach uts'atic mi tsa' chojquiyet ti c'ajc mach b_Λ anic mi' jilel che' cha'ts'ij_t a c'Λb a woc.

⁹ Che' ja'el, mi woli' y_Λsañet ti mulil a wut, loc'san. Choco. Uts'at mi tsa' taja a cuxt_Λlel che' jump'ejl a wut. Mach uts'atic mi tsa' chojquiyet ti infierno ti c'ajc che' an cha'p'ejl a wut.

Sajtem b_Λ tiñame'
(Lc. 15.3-7)

¹⁰ Ch_Λc_Λ q'uele la' b_Λ cha'an ma'anic mi la' ts'a'len mi juntiquilic ch'o'ch'oc b_Λ, come mic subeñetla, ya' ti panchan i y_Λngelob jini ch'o'ch'oco' b_Λ ti pejtelel ora mi' q'uelbeñob i wut c Tat am b_Λ ti panchan.

¹¹ Come tsa' tili i Yalobil Winic cha'an mi coltan sajtemo' b_Λ.

¹² ¿Bajche' mi la' w_Λl? Mi an juntiquil winic am b_Λ jo'c'al i tiñame' mi tsa' sajti juncojt, ¿mach ba anic mi' c_Λy jini bolonlujuncojt i jo'c'al cha'an mi' majlel i sajcan jini sajtem b_Λ ya' ti bujt_Λl?

¹³ Mi tsi' taja, isujm mic subeñetla, ñumen tijicña i pusic'al mi' q'uel jini juncojt bajche' jini bolonlujuncojt i jo'c'al mach b_Λ anic tsa' sajtiyob.

¹⁴ Che' ja'el, la' Tat am b_Λ ti panchan mach yomic mi' sajtel mi juntiquilic jini ch'o'ch'oco' b_Λ.

Mi lac ñus_Λben i mul la quermano
(Lc. 17.3-4)

¹⁵ Mi tsi' cha'le mulil ti a contra a wermano, cucu, bajñel suben i mul. Mi tsi' jac'beyet tsa'ix a taja a wermano.

¹⁶ Mi ma'anic mi' jac'beñet, p_Λy_Λ majlel juntiquil cha'tiquil a wic'ot cha'an mi' tsic-tiyel ti' tojlel cha'tiquil uxtiquil testigo jump'ejl t'an tsa' b_Λ ajli.

¹⁷ Mi mach yomic i jac'ben, subeñob xñopt'añob mu' b_Λ i tempañob i b_Λ. Mi ma'anic mi' jac'ben xñopt'añob jini winic, la'ix ajnic che' lajal bajche' gentil yic'ot xch'Λm tojoñel.

¹⁸ Isujm mic subeñetla, chuqui jach mi la' c_Λch ti pañimil c_Λchbil ti panchan. Chuqui jach mi la' jit ti pañimil jitbil ti panchan.

¹⁹ Mic subeñetla ja'el, mi an cha'tiquilob ti pañimil mu' b_Λ i temob i t'an cha'an chuqui mi' c'ajtiñob, che' jini mi caj i y_Λq'uentelob cha'an c Tat am b_Λ ti panchan.

²⁰ Come baqui jach an cha'tiquil uxtiquil temp_Λbilob' b_Λ cha'an tij c'aba' y_Λ'ach añon quic'otob, che'en Jesús.

²¹ Tsa' tili Pedro ba'an Jesús. Tsi' y_ΛΛ: C Yum, ¿j_Λy_Λajl yom mic ñus_Λben i mul quermano che' an chuqui mi' cha'len tij contra? ¿Yom ba c'ΛΛl ti' wucyajlel mic ñus_Λben i mul? che'en.

²² Jesús tsi' sube: Mic subeñet, mach jas_Λlic che' ti wucyajl jach, pero yom c'ΛΛl ti lujump'ejl i ch_Λnc'al ti wucyajlel (77).

Cha'tiquil año' b_Λ i bet

²³ Jini cha'an, i yum_Λntel jini am b_Λ ti panchan lajal_Λch bajche' juntiquil yum_Λ woli b_Λ i ña't_Λbeñob i bet x'e'telob i cha'an.

²⁴ Che' b_Λ tsa' caji i ña't_Λbeñob i bet jini x'e'telob, tsi' p_Λy_Λ tilel juntiquil am b_Λ i bet lujump'ejl mil talento.

²⁵ Ma'anic tsa' mejli i toj i bet. Jini cha'an i yum tsi' y_Λc'Λ mandar cha'an mi' chojñel jini winic yic'ot i yijñam yic'ot i yalobilob yic'ot pejtelel i chub_Λ'an cha'an mi' toj i bet.

²⁶ Jini x'e'tel tsi' ñocchoco i b_Λ. Tsi' c'ajti ti wocol t'an: "C yum, pijtan to. Mu' to caj c tojbeñet ti pejtelel", che'en.

²⁷ Jini cha'an i yum tsi' p'unta jini x'e'tel. Tsi' colo.

²⁸ Che' woli ti sujtel jini x'e'tel tsi' taja juntiquil i pi'Λl ti e'tel am b_Λ i bet jo'c'al denario. Tsi' chucu ti' bic'. Tsi' y_ΛΛ: "Tojbeñon a bet", che'en.

²⁹ Jini i pi'Λl t i e'tel tsi' ñocchoco i b_Λ. Ti wocol t'an tsi' y_ΛΛ: "Pijtan to. Mu' to c tojbeñet ti pejtelel", che'en.

³⁰ Jini x'e'tel ma'anic tsi' jac'Λ. Tsa' majli i yotsan ti m_Λjquib_Λl jinto mi' toj i bet.

³¹ I pi'Λlob ti e'tel tsi' q'ueleyob chuqui tsa' ujti. Tsa' caji i melob i pusic'al. Tsa' majli i subeñob i yum pejtelel chuqui tsa' ujti.

³² Jini i yum tsi' p_{AY}Λ tilel. Tsi' sube: "Jon-tol b_Λ x'e'telet, tsac ñ_{US}Λbeyet a bet come ti wocol t'an tsa' c'ajtibeyon.

³³ ¿Mach ba yomic ma' p'untan a pi'Λl ti e'tel, che' bajche' tsac p'untayet?" che'en.

³⁴ I yum tsa' caji ti mich'ajel. Tsi' y_{AC}'Λ ti' c'Λb año' b_Λ i ye'tel ti m_Λjquib_Λl jinto mi' lu' toj i bet.

³⁵ Che' ja'el mi caj i meletla c Tat ti panchan ti jujuntiquiletla, mi ma'anic mi la' ñ_{US}Λben i mul la' wermano ti jump'ejl la' pusic'al, che'en Jesús.

19

*Che' mi' c_{AY} i yijñam winic
(Mr. 10.1-12; Lc. 16.18)*

¹ Che' b_Λ tsa' ujt_i Jesús ti ili c_Λntesa, tsa' loq'ui ti Galilea. Tsa' majli ti lum i c'aba' Judea ti junwejl Jordán ja'.

² Bajc'Λl winicob x'ixicob tsi' tsajcayob majlel. Ya'i tsi' lajmesayob.

³ Tsa' tiliyob fariseojob ba'an Jesús, come yomob i yil_Λben i pusic'al. Jini fariseojob tsi' c'ajtibeyob: ¿Tic'bil ba winic ti mandar cha'an mi' choc loq'uel i yijñam che' mach tijicñayic mi' q'uel? che'ob.

⁴ Jesús tsi' subeyob: ¿Mach ba anic tsa' la' q'uele ti jun: "Dios tsa' b_Λ i meleyob ti ñaxan tsi' mele winic yic'ot x'ixic"? che'en.

⁵ Tsi' y_ΛΛ: "Jini cha'an mi' c_{AY} i tat i ña' winic, mi' ñochtan i yijñam. Jini cha'tiquil mi' yochelob ti juntiquil jach".

⁶ Mach ch_Λn cha'tiquilix. Juntiquil jach. Jini cha'an mach i cha' t'ox winic chuqui tsi' tempa Dios, che'en Jesús.

⁷ Tsi' c'ajtibeyob: ¿Chucoch, che' jini, tsi' cha'le mandar Moisés cha'an mi la c_Λq'uen la quiñam i juñilel ba' ts'ijbubil mi tsa'ix laj c_{AY}Λ? Tsi' y_{AC}'Λ mandar cha'an mi lac junyajlel c_{AY}, che'ob.

⁸ Jesús tsi' jac'beyob: Cha'an i ts_Λtslel la' pusic'al Moisés tsi' y_Λq'ueyetla t'an cha'an mi mejlel la' choc loq'uel la' wijñam che' mi la' w_Λq'uen i juñilel. Pero mach che'ic ti cajibal pañimil.

⁹ Mic subeñetla majqui jach mi' to'o c_{AY} i yijñam che' ma'anic i ts'i'lel cha'an mi' p_{AY} yamb_Λ, woli' cha'len ts'i'lel, che'en Jesús.

¹⁰ Jini x_Λnt'añob i cha'an tsi' subeyob: Mi wersa yom mi' yajñel winic yic'ot i

yijñam, tic'Λl mi mach wenic mi' p_{AY}yob i yijñam winicob, che'ob.

¹¹ Jesús tsi' subeyob: An winicob mach b_Λ mejlic i ch'Λmbeñob isujm jini t'an, cojach jini mu' b_Λ i colt_Λntelob.

¹² An winicob mach b_Λ mejlic i p_{AY}yob i yijñam, come che'Λch tsi' q'ueleyob pañimil. Yaño' b_Λ tic'bilob cha'an winicob. Yaño' b_Λ che' jach mi' to'ol ajñelob cha'an i ye'tel ti' yum_Λntel panchan. Majqui jach mi' mejlel i ch'Λmben isujm, la' i ch'Λmben isujm, che'en Jesús.

*Jesús tsi' y_{AC}'Λ i c'Λb ti alobob
(Mr. 10.13-16; Lc. 18.15-17)*

¹³ Tsa' p_Λjyiyob tilel alobob ba'an Jesús cha'an mi' y_{AC}' i c'Λb ti jini alobob yic'ot cha'an mi' cha'len oración. Jini x_Λnt'añob tsi' tiq'uiyob.

¹⁴ Jesús tsi' y_ΛΛ: La' tilicob alobob ba' año_n. Mach mi' la' tic'ob, come pejtelel mu' b_Λ i tilelob bajche' jini mi' caj i yochelob ti' yum_Λntel jini am b_Λ ti panchan, che'en.

¹⁵ Che' b_Λ tsa' ujt_i i y_{AC}' i c'Λb ti jini alobob tsa' caji ti majlel Jesús.

*Jini wen chumul b_Λ yum_Λ
(Mr. 10.17-31; Lc. 18.18-30)*

¹⁶ Awilan, tsa' tili juntiquil ba'an Jesús. Tsi' y_ΛΛ: Wen b_Λ Maestro, ¿chuqui yom mic cha'len cha'an mic taj j cuxt_Λlel mach b_Λ anic mi' jilel? che'en.

¹⁷ Jesús tsi' sube: ¿Chucoch ma' pejcañon ti wen b_Λ? An juntiquil jach wen b_Λ, jiñ_Λch Dios. Mi a wom a taj a cuxt_Λlel mach b_Λ anic mi' jilel, jac'ben i mandar, che'en.

¹⁸ Jini winic tsi' c'ajtibe: ¿Chuqui ti mandar? che'en. Jesús tsi' sube: Mach a cha'len ts_Λnsa. Mach a cha'len ts'i'lel. Mach a cha'len xujch'. Mach a cha'len jop't'an.

¹⁹ Q'uele ti ñuc a tat a ña'. C'uxbin a pi'Λlob che' bajche' ma' bajñel c'uxbin a b_Λ, che'en.

²⁰ Jini ch'iton winic tsi' sube: Pejtel jini mandar tsac jac'Λ c'ΛΛ_Λ che' alobon to. ¿Chuqui to yom mic cha'len? che'en.

²¹ Jesús tsi' sube: Mi a wom ts'Λc_ΛΛ b_Λ i yutslel a pusic'al, cucu, choño a chub_Λ'an. Aq'uen jini mach b_Λ año_bic i chub_Λ'an. Che' jini mi' caj a taj cab_Λl a chub_Λ'an ti panchan. La' tsajcañon, che'en Jesús.

22 Che' b_Λ tsi' yubi jini t'an, tsa' caji ti majlel. Wen ch'ijiyem i pusic'al come an cab_Λ i chub_Λ'an.

23 Jesús tsi' sube xcant'añob i cha'an: Isujm mic subeñetla, wen wocol mi' yochel ti' yum_Λntel panchan wen chumul b_Λ winic.

24 Che' ja'el mic subeñetla, wocol mi' ñumel camello ti' yarcayojlel acuxan. Ñumen wocol mi' yochel ti' yum_Λntel Dios wen chumul b_Λ winic, che'en Jesús.

25 Che' b_Λ tsi' yubiyob xcant'añob i cha'an, tsa' toj sajtiyob i pusic'al. Tsi' y_Λayob: ¿Majqui mi mejlel i col_Λntel che' jini? che'ob.

26 Jesús tsi' q'ueleyob. Tsi' subeyob: Mach mejlicob winicob pero Dios mi mejlel i mel ti pejtelel, che'en.

27 Pedro tsi' jac'Λ: Awilan, tsaj c_Λy_Λ lojon pejtelel chuqui an c cha'an lojon cha'an mic tsajcañet lojon. ¿Chuqui mi caj c taj lojon? che'en.

28 Jesús tsi' subeyob: Isujm mic subeñetla, ti tsiji' b_Λ pañimil che' buchul i Yalobil Winic ti' yum_Λntel ti' ñuclel, jatetla tsa' b_Λ la' tsajcayon mi caj la' bucht_Λl ti lajch_Λmp'ejl buchlib_Λl cha'an mi la' mel jini lajch_Λnmojt i p'olbal Israel.

29 Jujuntiquil tsa' b_Λ i c_Λy_Λ i yotot, mi i y_Λscuñob, mi i yijts'iñob, mi i tat, mi i ña', mi i yalobilob, mi i lumal, cha'an tij c'aba' mi caj i taj yamb_Λ jo'c'al i ñumel bajche' jini tsa' b_Λ i c_Λy_Λ. Mi caj i taj ja'el i cuxt_Λlel mach b_Λ anic mi' jilel.

30 Cab_Λl jini ñaxaño' b_Λ mi caj i c_Λyt_Λlob ti wi'ip_Λt. Cab_Λl jini wi'ilobix b_Λ mi caj i c'axelob majlel ti ñaxan, che'en Jesús.

20

X'e'telob ti ts'usubil

1 I yum_Λntel jini am b_Λ ti panchan lajal_Λch bajche' yum_Λl tsa' b_Λ majli ti sac'ajel cha'an mi' sac_Λlan x'e'telob cha'an i ts'usubil.

2 Tsi' mele trato cha'an mi' tojt_Λlob x'e'telob ti jujump'ejl denario ti jujump'ejl q'uin. Jini yum_Λl tsi' chocoyob majlel ti' ts'usubil.

3 Che' ti uch'ijib q'uin tsa' cha' majli jini yum_Λl. Tsi' q'uele yamb_Λ winicob to'o wa'alob jach ba'an choñoñib_Λl tac.

4 Tsi' subeyob: “Cucula ja'el tic ts'usubil. Mic tojetla ti uts'at”, che'en. Tsa' majliyob ti' ye'tel.

5 Che' ja'el, tsa' cha' majli ti xinq'uiñil yic'ot ti och'ajel q'uin. Lajal tsi' mele.

6 Che' yomix b_Λjlel q'uin tsi' taja yamb_Λ to'o wa'alo' b_Λ. Tsi' subeyob: “¿Chucoch to'o wa'aletla ilayi c'Λ_Λl mi' ñumel q'uin?” che'en.

7 Tsi' jac'beyob: “Come ma'anic majqui tsi' p_Λy_Λon lojon ti e'tel”, che'ob. Jini yum_Λl tsi' subeyob: “Cucula ja'el tic ts'usubil”, che'en.

8 Che' iq'uix cajel, i yum ts'usubil tsi' sube xq'uel e'tel i cha'an: “P_Λy_Λ tilel x'e'telob. Aq'ueñob i tojol. Ñaxan ma' toj jini wi'ilix b_Λ tsa' juliyob. Ti wi'il ma' toj jini ñaxan b_Λ tsa' juliyob”, che'en.

9 Jini winicob tsa' b_Λ tiliyob ti e'tel che' b_Λ wolix ti b_Λjlel q'uin tsa' aq'uentiyob jujump'ejl denario i tojol ti jujuntiquil.

10 Che' b_Λ tsa' tiliyob jini tsa' b_Λ ñaxan cajiyob ti e'tel, tsi' lon ña'tayob ñumen mi caj i ch'Λmob. Tsa' aq'uentiyob jujump'ejl denario i tojol ti jujuntiquil ja'el.

11 Che' b_Λ tsi' ch'Λm_Λyob i tojol, tsa' cajiyob ti wulwul t'an ti' contra i yum ts'usubil.

12 Tsi' y_Λayob: “Jini wi'ilobix b_Λ tsi' cha'leyob e'tel jump'ejl jach ora. Joñon lojon, tsa' cubi lojon cab_Λl ticwal c'Λ_Λl tsa' ñumi q'uin. Wola' ña'tan lajalon lojon quic'otob”, che'ob.

13 Jini yum_Λl tsi' sube juntiquil: “Ma'anic chuqui tsac cha'le ti a contra. ¿Mach ba anic tsa' cha'le trato cha'an jump'ejl denario a tojol?”

14 Ch'Λm_Λ a tojol. Cucux. Com c toj jini wi'ilobix b_Λ lajal bajche' mic tojetla.

15 ¿Mach ba anic mi mejlel c cha'len chuqui jach com yic'ot c chub_Λ'an? ¿Am ba i ts'i'lel la' wut cha'an chub_Λ'añ_Λl come p'ewon?” che'en.

16 Che' jini, jini wi'ilobix b_Λ mi caj i c'axelob majlel ti ñaxan. Jini ñaxaño' b_Λ mi caj i c_Λyt_Λlob ti wi'ip_Λt, che'en Jesús.

*Jesús tsi' cha' subu bajche' mi caj i ch_Λmel
(Mr. 10.32-34; Lc. 18.31-34)*

17 Che' b_Λ woli ti letsel majlel ti Jerusalén, Jesús tsi' p_Λγ_Λ jini lajch_Λntiquil x_Λnt'añob ti' bajñel. Ya' ti bij tsi' subeyob:

18 Ña'tanla, woli lac letsel majlel ti Jerusalén. I Yalobil Winic mi caj i y_Λj_q'uel ti' c'Λb ñuc b_Λ motomajob yic'ot sts'ijbayajob. Mi caj i y_Λc'ob ti ch_Λmel.

19 Mi caj i y_Λc'ob ti' c'Λb gentilob cha'an mi' wajleñob. Mi caj i jats'ob ti asiyal. Mi caj i ch'ijob ti cruz. Mi caj i cha' ch'o'yjel ti' yuxp'ejlel q'uin, che'en.

*I c'ajtibal Santiago yic'ot Juan
(Mr. 10.35-45)*

20 Tsa' tili i yijñam Zebedeo yic'ot i yalobilob ba'an Jesús. Tsi' ñocchoco i b_Λ ti' tojel. An chuqui tsi' c'ajtibe.

21 Jesús tsi' sube: ¿Chuqui a wom? che'en. Jini x'ixic tsi' sube: Ac'Λ a t'an cha'an mi' bucht_Λlob jini cha'tiquil calobilob juntiquil ti a ñoj, juntiquil ti a ts'ej, ti a yum_Λntel, che'en.

22 Jesús tsi' sube: Mach la' wujilic chuqui woli la' c'ajtin. ¿Mejl ba mi la' ñusan jini jach b_Λ wocol mu' b_Λ c ñusan? che'en. Tsi' jac'beyob. Mu' cu mejlel, che'ob.

23 Jesús tsi' subeyob: Isujm mi caj la' ñusan jini jach b_Λ wocol mu' b_Λ c ñusan. Pero mach c wentajic cha'an mic sub majqui mi' caj ti bucht_Λ tic ñoj yic'ot tic ts'ej. Ya' i mi caj i buchchocontel jini yajc_Λbilo' b_Λ i cha'an c Tat, che'en Jesús.

24 Che' b_Λ tsi' yubiyob jini lujuntiquil, tsa' caji i mich'leñob jini cha'tiquil.

25 Jesús tsi' p_Λγ_Λyob tilel. Tsi' y_ΛΛ: La' wujil c'ax ñuc mi' p_Λsob i b_Λ i yumob gentilob ti' tojlelob i pi'lob. Ts_Λts mi' y_Λc'ob i t'an.

26 Mach che'ic yom mi' la' cha'len jatetla. Majqui jach yom i taj i ñuclal ti la' tojlel la' i coltañetla.

27 Majqui jach yom i yajñel ti c'ax ñuc ti la' tojlel la' i coltañetla che' bajche' la' winic.

28 Che'Λch mi' mel i Yalobil Winic. Come ma'anic tsa' tili cha'an mi' colt_Λntel. Tsa' tili cha'an mi' coltan winicob x'ixicob, cha'an mi' y_Λc' i b_Λ ti ch_Λmel cha'an i tojol i mul cab_Λlob. Che' tsi' y_ΛΛ Jesús.

*Tsa' c'otiyob i wut cha'tiquil xpots'
(Mr. 10.46-52; Lc. 18.35-43)*

29 Che' b_Λ tsa' loq'uiyob majlel ti Jericó, bajc'Λl winicob x'ixicob tsi' tsajcayob majlel Jesús.

30 Ya' añob cha'tiquil xpots' buchulob ti' ti' bij. Che' b_Λ tsi' yubiyob woli ti ñumel Jesús, c'am tsi' cha'leyob t'an. Tsi' y_ΛΛyob: C Yum, i Yalobilet b_Λ David, p'untañon lojon, che'ob.

31 Jini winicob x'ixicob tsi' tiq'uiyob cha'an mi' c_Λyob i t'an. Tsa' utsi cajiyoj ti c'am b_Λ t'an jini xpots'ob. Tsi' y_ΛΛyob: C Yum, i Yalobilet b_Λ David, p'untañon lojon, che'ob.

32 Jesús tsi' c_Λγ_Λ i x_Λmbal. Tsi' p_Λγ_Λyob tilel. Tsi' y_ΛΛ: ¿Chuqui la' wom mic tumbeñetla? che'en.

33 Tsi' subeyob: C Yum, com lojon mi' c'otel c wut, che'ob.

34 Cha'an ti' p'untaya Jesús tsi' t_Λlbeyob i wut xpots'. Tsa' b_Λc' c'otiyob i wut. Tsi' tsajcayob majlel.

21

*Che' b_Λ tsa' ochi ti Jerusalén
(Mr. 11.1-11; Lc. 19.28-40; Jn. 12.12-19)*

1 Che' Λc'Λlix añob ti Jerusalén, tsa' c'otiyob ya' ti Betfagé ti Olivo wits. Jesús tsi' choco majlel cha'tiquil x_Λnt'añob.

2 Tsi' subeyob: Cucula ti tejclum ya' ti' tojel la' wut. Ya' c_Λch_Λl mi' caj la' b_Λc' taj juncojt ña' burro. Ya'an yic'ot i yal. Jitila tilel ba' añon.

3 Mi an majqui mi' pejcañetla yom mi' la' suben: “Yom i c'Λn lac Yum”, che'etla. Mi caj i b_Λc' choc tilel yic'ot i yal, che'en Jesús.

4 Che'Λch tsa' ujti cha'an mi' ts'actiyel i t'an x'alt'an tsa' b_Λ i y_ΛΛ:

5 “Subenla x'ixicob ya' ti Sion, awilan, la' Yum woli' tilel ba' añetla. Pec' mi' mel i b_Λ. C'Λch_Λl ti burro woli' tilel, c'Λch_Λl ti' yal burro yujil b_Λ cuchijel”, che'en.

6 Jini x_Λnt'añob tsa' majliyob. Tsi' cha'leyob che' bajche' tsi' subeyob Jesús.

7 Tsi' p_Λγ_Λyob tilel jini burro yic'ot i yal. Jini x_Λnt'añob tsi' tasibeyob i pat burro yic'ot i yal ti' pislelob. Jesús tsi' bucht_Λta pisil.

8 Cab_Λl winicob x'ixicob tsi' tasiyob majlel jini bij ti' pislel. Yaño' b_Λ tsi' tsepeyob jubel i c'Λb te'. Tsa' caji i lijlij ac'ob majlel ya' ti bij.

⁹ Jini winicob x'ixicob woli b_Λ i majlelob ti' tojel Jesús yic'ot jini woli b_Λ i tilelob ti' pat c'am tsi' y_ΛΛyob: ¡Cotañet i Yalobilet b_Λ David! ¡La' subjic a ñucel, jatet mu' b_Λ a tilel ti' c'aba' lac Yum! ¡Cotañet añet b_Λ ti chan! che'ob.

¹⁰ Che' b_Λ tsa' ochi ti Jerusalén Jesús, ti pejtelel winicob x'ixicob tsa' cajiyob ti t'an. Tsi' y_ΛΛyob: ¿Majqui jini? che'ob.

¹¹ Jini winicob x'ixicob tsi' y_ΛΛyob: Jiñach Jesús jini x'alt'an ch'oyol b_Λ ti Nazaret ti Galilea, che'ob.

Jesús tsi' chocoyob loq'uel ti Templo
(Mr. 11.15-19; Lc. 19.45-48; Jn. 2.13-22)

¹² Jesús tsa' ochi ti Templo. Tsa' caji i choc loq'uel jini woliyo' b_Λ ti choñofel yic'ot mañofel ti Templo. Jesús tsi' ch'a' chocobeyob i mesa tac xq'uex taq'uiñob yic'ot i buchlib tac jini woli b_Λ i choñob x'ujcuts.

¹³ Jesús tsi' subeyob: Ts'ijbubil ti jun: “Mi' caj ti ajlel cotot ti' yotlel oración”. Pero jatetla wolix la' sutq'uin ti' ch'eñal xujch'ob, che'en.

¹⁴ Tsa' tiliyob xpots'ob yic'ot jini mach b_Λ weñobic i yoc ba'an Jesús ti' mal Templo. Tsi' lajmesayob.

¹⁵ Tsa' cajiyob ti mich'ajel ñuc b_Λ motomajob yic'ot sts'ijbayajob che' b_Λ tsi' q'ueleyob ñuc b_Λ i ye'tel Jesús, che' b_Λ tsi' yubibeyob i t'an jini alobob woliyo' b_Λ ti c'am b_Λ t'an ti Templo: Cotañet i Yalobilet b_Λ David, che'ob.

¹⁶ Tsi' subeyob Jesús: ¿Mach ba wolic a wubin chuqui woli' y_Λlob? che'ob. Jesús tsi' jac'beyob: Woli cu cubin. ¿Mach ba tsa'ic la' q'uele ti jun: “Ya' ti' yej alobob yic'ot ti' yej jini woliyo' b_Λ ti chu', tsi' wen tsictesa i ñucel Dios”? che'en.

¹⁷ Jesús tsi' c_Λy_Λyob. Tsa' loq'ui majlel ti tejclum. Tsa' c'oti ya' ti Betania. Ya' tsa' jijli.

Tsi' tiq'ui higuera te'
(Mr. 11.12-14, 20-26)

¹⁸ Ti s_Λc'ajel che' woli' cha' majlel ti tejclum, Jesús tsi' yubi wi'ñal.

¹⁹ Che' b_Λ tsi' q'uele te' i c'aba' higuera ya' lac'Al ti' ti' bij tsa' majli ba'an. Ma'anic chuqui tsi' taja. I yopol jach ya'an. Jesús tsi' sube: Mach ma' ch_Λn ac' a wut ti pejtelel

ora, che'en. Ora jach tsa' caji ti tiquin jini te'.

²⁰ Che' b_Λ tsi' q'ueleyob jini xc_Λnt'añob, tsa' toj sajtiyob i pusic'al. Tsi' y_ΛΛyob: ¿Bajche' tsa' b_Λc' tiqui jini higuera te'? che'ob.

²¹ Jesús tsi' subeyob: Isujm mic subeñetla, mi mux la' ñop, mi ma'anic tile bixel b_Λ la' pusic'al, mach che'ic jach mi caj la' cha'len che' bajche' tsac melbe jini higuera te'. Mi mux la' ñop mi caj la' suben jini wits cha'an mi' ch'ujyel letsel cha'an mi' chojquel ochel ti colem ñajb. Che'ach mi' caj ti ujtel.

²² Mi mux la' ñop mi caj la' w_Λq'uentel pejtelel chuqui tac mi la' c'ajtin ti oración, che'en Jesús.

Tsi' c'ajtibeyob Jesús baqui tsi' taja i ye'tel
(Mr. 11.27-33; Lc. 20.1-8)

²³ Che' b_Λ tsa' ochi Jesús ti Templo, jini ñuc b_Λ motomajob yic'ot jini xñoxob año' b_Λ i ye'tel tsa' tiliyob ba' woli' cha'len c_Λntesa. Tsi' c'ajtibeyob: ¿Baqui tsa' taja a we'tel cha'an ma' cha'len jini? ¿Majqui tsi' y_Λq'ueyet a we'tel? che'ob.

²⁴ Jesús tsi' subeyob: An chuqui mij c'ajtibeñetla ja'el. Mi muc'ach la' jac'beñon, joñon ja'el mi caj c subeñetla baqui tsac taja que'tel cha'an jini mu' b_Λ c mel.

²⁵ ¿Baqui ch'oyol i ye'tel Juan tsa' b_Λ i y_Λc'Λ ch'Λmja'? ¿Ch'oyol ba ti panchan o ch'oyol ba ti winicob? che'en Jesús. Tsa' caji i bajñel pejcañob i b_Λ. Tsi' y_ΛΛyob: Mi tsa' lac sube: “Ch'oyol ti panchan”, mi cho'onla, muq'ux i cha' c'ajtibeñonla: “¿Chucoch che' jini, ma'anic tsa' la' ñopbe i t'an?” Che' mi caj i y_Λ.

²⁶ Mi tsa' lac sube: “Ch'oyol ti winic”, mi cho'onla, woli lac b_Λc'ñan winicob x'ixicob, come ti pejtelelob mi' y_Λlob x'alt'añach jini Juan, che'ob.

²⁷ Jini cha'an tsi' y_ΛΛyob: Mach kujilic lojon, che'ob. Jesús tsi' subeyob ja'el: Che' ja'el, joñon ma'anic mic subeñetla baqui tsac taja que'tel cha'an jini mu' b_Λ c mel, che'en.

Lajiya cha'an cha'tiquil i yalobil winic

²⁸ ¿Bajche' mi la' w_Λl? An juntiquil winic am b_Λ cha'tiquil i yalobil. Tsa' tili ba'an ñaxan b_Λ i yalobil. Tsi' sube: “Calobil, cucu w_Λle ti e'tel tic ts'usubil”, che'en.

29 I yalobil tsi' sube: “Ma'anic mi caj c majlel”, che'en. Wi'il tsi' q'uxeta i pusic'al. Tsa' majli.

30 Jini winic tsa' tili ba'an yambΛ i yalobil. Lajal tsi' pejca. Jini i yalobil tsi' yΛΛ: “Muc'Λch c majlel, c tat”, che'en. Pero ma'anic tsa' majli.

31 ¿Majqui tsi' mero mele bajche' yom i tat? ¿Jim ba ñaxan bΛ o jim ba wi'ilix bΛ? che'en Jesús. Tsi' subeyob: “Jini ñaxan bΛ”, che'ob. Jesús tsi' subeyob ñuc bΛ motomajob yic'ot xñoxob año' bΛ i ye'tel: Isujm mic subeñetla, jini xch'Λm tojoñelob yic'ot xmojajob mi caj i yochelob ti' yumΛntel Dios che' mach ochemetiela.

32 Come Juan tsa' tili ba' añetla. Tsa' ajni ti toj bΛ bij. Ma'anic tsa' la' ñopbe i t'an. Pero jini xch'Λm tojoñelob yic'ot jini xmojajob tsi' ñopbeyob i t'an. Jatetla anquese q'uelelix la' cha'an bajche' tsi' cΛyΛyob i mul, ma'anic tsa' la' cΛyΛ la' mul cha'an mi la' ñopben i tan, che'en Jesús.

Jontol bΛ xcanta ts'usubilob

(Mr. 12.1-12; Lc. 20.9-19)

33 Ubinla yambΛ t'an ti lajiya: Juntiquil i yum otot tsi' pΛc'Λ ts'usubil. Tsi' joy mΛcΛ ti corral. Tsi' piqui jini lum ba' mi' t'uchtΛben loq'uel i ya'lel ts'usub. Tsi' mele chan bΛ q'ueloñib. Tsi' yΛq'ueyob ti' wenta xcanta ts'usubilob. Tsa' majli ti yambΛ lum.

34 Che' lΛc'Λlix i yorajlel mi' cajel ti wut, tsi' choco majlel yambΛ x'e'telob i cha'an. Tsa' majliyob ba'an xcanta ts'usubilob cha'an mi' ch'Λmbeñob tilel i wut.

35 Jini xcanta ts'usubilob tsi' chucuyob jini x'e'telob i cha'an. Tsi' lowoyob juntiquil. Tsi' tsΛnsayob yambΛ. Tsi' juluyob yambΛ ti xajlel.

36 I yum ts'usubil tsi' cha' chocabeyob majlel yambΛ x'e'telob ñumen cabΛlob bajche' ti ñaxan. Jini xcanta ts'usubilob lajal tsi' tic'layob.

37 Ti wi'il i yum ts'usubil tsi' choco majlel i yalobil ba' añoob. Tsi' yΛΛ: “Mi caj i q'uelob calobil ti ñuc”, che'en.

38 Che' bΛ tsi' q'ueleyob i yalobil jini yumΛ, jini xcanta ts'usubilob tsi' subeyob i bΛ: “Jiñach mu' bΛ caj i yochel ti yumΛ. Conla lac tsΛnsan. La' lac chilben pejtelel i chubΛ'an”, che'ob.

39 Tsi' chucuyob. Tsi' chocoyob loq'uel ti ts'usubil. Tsi' tsΛnsayob.

40 Che' mi' tilel i yum ts'usubil, ¿chuqui mi caj i tumben xcanta ts'usubilob? che'en Jesús.

41 Jini ñuc bΛ motomajob yic'ot xñoxob año' bΛ i ye'tel tsi' subeyob Jesús: Mi caj i wersa jisan jini jontolo' bΛ winicob. Mi caj i yΛc' i ts'usubil ti' wenta yaño' bΛ xcanta ts'usubilob mu' bΛ caj i yΛq'ueñob i wut ti' yorajlel, che'ob.

42 Jesús tsi' subeyob: ¿Mach ba anic tsa' la' q'uele jini t'an ti' Ts'ijbujel Dios?: “Jini jach bΛ xajlel tsa' bΛ i chocoyob xmel ototob tsa'ix otsΛnti ti ñaxan bΛ i xujc otot. Jiñach i melbal lac Yum. Uts'atax mi laj q'uel”, che'en Jesús.

43 Jini cha'an mic subeñetla mi caj la' chilbentel i yumΛntel Dios. Mi caj i yΛq'uentelob jini winicob x'ixicob mu' bΛ i yΛc'ob wen bΛ i wut.

44 Jini mu' bΛ i yajlel ti' pam jini xajlel mi caj i c'Λscujel. Jini mu' bΛ i tejñel ti jini xajlel mi caj i lu' bic'tiyel, che'en Jesús.

45 Che' bΛ tsi' yubibeyob i lajiya tac Jesús, jini ñuc bΛ motomajob yic'ot fariseojob tsi' ña'tayob woli' tajtΛlob ti t'an.

46 Che' bΛ woli' ña'tañob bajche' mi mejlel i chucob Jesús, tsi' bΛc'ñayob winicob x'ixicob come woli' yΛlob x'alt'añach.

22

I q'uiñilel ñujpuñijel

(Lc. 14.15-24)

1 Jesús tsi' cha' pejcayob ti lajiya. Tsi' yΛΛ:

2 I yumΛntel jini am bΛ ti panchan lajalach bajche' juntiquil rey tsa' bΛ i mele q'uin che' bΛ tsa' ñujpuni i yalobil.

3 Tsi' choco majlel x'e'telob i cha'an cha'an mi' pΛyob tilel jini pΛybilo' bΛ cha'an mi' melbeñob i q'uiñilel ñujpuñijel. Mach yomobic tilel.

4 Tsi' cha' choco majlel yambΛ x'e'telob. Tsi' yΛΛ: Subenla jini pΛybilo' bΛ: “Awilan, tsa'ix c chajpa c we'el. TsΛnsΛbilix jini tat wacax yic'ot jujp'em bΛ alΛc'Λl. Laj chajpΛbilix. La'ix cu la cha'an mi la' melben i q'uiñilel ñujpuñijel”, che'en.

5 Tsa' jach i tse'tayob. Tsa' majliyob, juntiquil ti' chol, yambΛ ti' choñeñel.

⁶ Yaño' bΛ tsi' chucuyob x'e'telob i cha'an. Leco tsi' tic'layob. Tsi' tsΛnsayob.

⁷ Mich' jini rey, tsi' choco majlel i soldadojob tsa' bΛ i jisayob jini stsΛnsajob. Tsi' pulbeyob i tejclum.

⁸ Tsi' sube x'e'telob i cha'an: “ChajpΛbilix i q'uiñilel ñujpuñijel. Mach uts'atobic jini pΛybilo' bΛ.

⁹ Cucula che' jini, ti pejtelel bij. Ti pejtelel mu' bΛ la' taj, pΛyΛla tilel cha'an mi' melob i q'uiñilel ñujpuñijel”, che'en.

¹⁰ Che' jini tsa' majliyob x'e'telob ti pejtelel bij. Tsi' tempayob tilel pejtelel jini tsa' bΛ i tajayob, jontolo' bΛ yic'ot uts'ato' bΛ i pusic'al. Che' jini tsa' bujt'i i yotot ti xmel q'uiñoob.

¹¹ Che' bΛ tsa' ochi jini rey i q'uel jini xmel q'uiñoob, tsi' q'uele juntiquil winic mach bΛ xojolic i cha'an wen bΛ i bujc cha'an ñujpuñijel.

¹² Tsi' sube: “¿Bajche' tsa' mejli a wochel ilayi che' mach xojolic a cha'an wen bΛ a bujc cha'an ñujpuñijel?” che'en. Ma'anic chuqui tsa' mejli i yΛ.

¹³ Jini rey tsi' sube x'e'telob i cha'an: “CΛchΛla ti' c'Λb ti' yoc. Chocola ba'an ic'ch'ipan bΛ pañimil. Ya'i mi' cajelob ti uq'uel yic'ot quech'ecña i bΛquel i yej”, che'en.

¹⁴ Come an cabΛ pΛybilo' bΛ, ma'anic jaytiquil yajcΛbilo' bΛ. Che' tsi' yΛΛ Jesús.

C'ajtibal cha'an tojoñel

(Mr. 12.13-17; Lc. 20.20-26)

¹⁵ Tsa' majliyob fariseojob. Tsi' pejcayob i bΛ cha'an mi' ña'tañob bajche' mi caj i tajbeñoob i mul Jesús ti' subal.

¹⁶ Jini fariseojob tsi' chocoyob majlel xcΛnt'añoob i cha'an yic'ot herodiañoob ba'an Jesús. Tsi' yΛΛyob: Maestro, cujil lojon isujmet. Wola' cΛntesañoonla i bijlel Dios ti isujm. Ma'anic majch ma' bΛc'ñan. Junlajal ma' q'uel winicob mi an i ye'tel mi ma'anic i ye'tel.

¹⁷ Subeñoon lojon che' jini. ¿Bajche' ma' wΛl? ¿Mu' ba i yΛl ti mandar yom mi la cΛq'uen César jini tojoñel o ma'anic? che'ob.

¹⁸ Jesús tsi' ña'ta jontolob i pusic'al. Tsi' yΛΛ: ¿Chucob mi la' wilΛbeñoon c pusic'al? Cha'chajp jax la' pusic'al.

¹⁹ PΛsbeñoon jini taq'uin cha'an tojoñel, che'en Jesús. Tsi' ch'Λmbeyob tilel jump'ejl denario.

²⁰ Jesús tsi' subeyob: ¿Majqui i cha'an ili i yejtal yic'ot i ts'ijbal ti' pam? che'en.

²¹ Tsi' jac'beyob: I cha'an César, che'ob. Jesús tsi' subeyob: Jini cha'an aq'uenla César i cha'an bΛ César. Aq'uenla Dios i cha'an bΛ Dios, che'en Jesús.

²² Tsa' toj sajtiyob i pusic'al che' bΛ tsi' yubibeyob i t'an. Tsi' cΛyΛyob Jesús. Tsa' majliyob.

C'ajtibal cha'an che' mi' tejchelob ch'ojoyel

(Mr. 12.18-27; Lc. 20.27-40)

²³ Ti jim bΛ q'uin tsa' tiliyob saduceojob ba'an Jesús. JiñoobΛch mu' bΛ i yΛlob ma'anic mi' tejchelob ch'ojoyel chΛmeño' bΛ. An chuqui tsi' c'ajtibeyob Jesús.

²⁴ Tsi' yΛΛyob: Maestro, Moisés tsi' yΛΛ: “Mi tsa' chΛmi winic che' maxto anic i yalobil, wersa yom jini ijts'iñΛl bΛ mi' pΛyben i yijñam i yΛscun cha'an mi' techben i p'olbal i yΛscun”, che'ob.

²⁵ An quic'ot lojon wuctiquil winicob i yerañoob i bΛ. Jini ñaxan bΛ tsi' cha'le ñujpuñijel. Tsa' chΛmi. Ma'anic i yalobil. Tsa' cΛle i yijñam jini ascuñΛl bΛ. Tsi' pΛyΛ jini ijts'iñΛl bΛ.

²⁶ Che' ja'el i cha'ticlel, yic'ot i yuxticlel, c'ΛΛΛ ti' wucticlel.

²⁷ Ti wi'il tsa' chΛmi jini x'ixic ja'el.

²⁸ Ti' yorajlel che' mi' tejchelob ch'ojoyel, ¿baqui bΛ winic i ñoxi'al jini x'ixic? Come ti pejtelel jini wuctiquil tsi' pΛyΛyob cha'an i yijñam, che'ob.

²⁹ Jesús tsi' subeyob: CabΛ la' sajtemal come mach cΛñΛlic la' cha'an i Ts'ijbujel Dios mi i p'ΛtΛel Dios.

³⁰ Come ti' yorajlel che' mi' tejchelob ch'ojoyel, ma'anic mi' pΛyob i pi'Λl, ma'anic mi' sijintelob. Come lajalob bajche' i yángelob Dios ti panchan.

³¹ ¿Mach ba anic tsa' la' q'uele jini tsa' bΛ i subeyetla Dios cha'an i sujmllel jini chΛmeño' bΛ mu' bΛ i tejchelob ch'ojoyel?

³² Tsi' yΛΛ: “Joñoon I Dioson Abraham, I Dioson Isaac, I Dioson Jacob”, che'en. mach i Diosic chΛmeño' bΛ, pero i DiosΛch cuxulo' bΛ, che'en Jesús.

³³ Che' b_Λ tsi' yubiyob winicob x'ixicob, tsa' toj sajtiyob i pusic'al cha'an i c_Λntes_Λbal Jesús.

*Ñumen ñuc b_Λ mandar
(Mr. 12.28-34)*

³⁴ Che' b_Λ tsi' yubiyob bajche' Jesús tsi' ñ_Λch'tesayob ti t'an saduceojob, jini fariseojob tsi' tempayob i b_Λ.

³⁵ Juntiquil x_Λntesa mandar tsa' caji i pejcan Jesús. Yom i yil_Λben i pusic'al.

³⁶ Tsi' c'ajtibeyob: Maestro, ¿chuqui ti mandar c'ax ñuc ti' mandar Dios? che'en.

³⁷ Jesús tsi' sube: "C'uxbin a Yum Dios ti pejtelel a pusic'al, ti pejtelel a ch'ujlel, ti pejtelel a ña't_Λbal".

³⁸ Jiñ_Λch jini ñaxan b_Λ mandar, jini c'ax ñuc b_Λ.

³⁹ Lajal jini wi'ilix b_Λ mandar: "C'uxbin a pi'_Λlob che' bajche ma' c'uxbin a b_Λ ti a bajñelil".

⁴⁰ Ti jini cha'p'ejl ñuc b_Λ mandar tsa' laj loq'ui pejtelel ts'ijbubil b_Λ mandar yic'ot i subal x'alt'añob, che'en Jesús.

*Cristo i Yalobil David
(Mr. 12.35-37; Lc. 20.41-44)*

⁴¹ Che' temp_Λbilobix fariseojob, Jesús tsi' c'ajtibeyob:

⁴² ¿Majqui jini Cristo mi la' w_Λl? ¿Majqui i Tat? che'en. Tsi' subeyob: I yalobil_Λch David jini Cristo, che'ob.

⁴³ Jesús tsi' subeyob: ¿Bajche' isujm tsi' pejca Cristo ti' Yum jini David che' c_Λntes_Λbil cha'an Espíritu?

⁴⁴ David tsi' y_Λl_Λ: "Jini lac Yum tsi' sube c Yum: Buchi' tic ñoj jinto mi c_Λq'ueñet a t'uchtan a contrajob", che'en Jesús.

⁴⁵ Mi tsi' pejca Cristo ti' Yum jini David, ¿bajche' isujm mi i yalobil_Λch David jini Cristo? che'en Jesús.

⁴⁶ Ma'anic majqui tsa' mejli i wis jac'ben i t'an. Che' ja'el ma'anix majqui tsi' ch_Λn ñopo i c'ajtibeyob yan tac b_Λ cha'an b_Λq'uen.

23

Jesús tsi' tiq'ui sts'ijbayajob yic'ot fariseojob

(Mr. 12.38-40; Lc. 11.37-54; 20.45-47)

¹ Jesús tsa' caji i pejcan temp_Λbilob b_Λ winicob x'ixicob yic'ot x_Λnt'añob i cha'an.

² Tsi' y_Λl_Λ: Jini sts'ijbayajob yic'ot fariseojob tsa' ochiyob ti c_Λntesa mandar ti' q'uechol Moisés.

³ Jini cha'an jac'benla i t'an. Melela chuqui jach mi' subeñetla. Pero mach mi la' tsajcan i melbalob. Come mi' lon cha'leñob subt'an. Ma'anic mi' melob chuqui mi' y_Λlob.

⁴ Mi' p'_Λtob wen al b_Λ cuch_Λl wocol b_Λ ti q'uechol. Mi' c'_Λcchocobeñob ti' quejlab yañob b_Λ winicob. Pero i bajñelob ma'anic mi' wis t_Λlob jini cuch_Λl mi' ti junts'ijtic i yal i c'_Λb.

⁵ Ti pejtelel i melbal tac mi' cha'leñob cha'an mi' q'uejlelob ti ñuc ti winicob. Mi' c_Λchob ti' jol yic'ot ti' c'_Λb mero ñuc b_Λ i yajñib ts'ijbubil b_Λ i t'an Dios. Mi' melob wen tam b_Λ i ch'_Λlib rebozo mu' b_Λ i xojob ti oración.

⁶ Mi' mulañob ñaxan b_Λ buchlib_Λl ti q'uiñijel, yic'ot jini ñaxan b_Λ buchlib_Λl ti sinagoga.

⁷ Mi' mulañob i y_Λq'uentelob cortesía ba'an choñob_Λl. Mi' mulañob che' mi' pejc_Λntelob ti maestro cha'an winicob.

⁸ Jatetla, mach yomic mi la' pejc_Λntel ti maestro come an juntiquil jach la' maestro, jiñ_Λch Cristo. Ti pejteletla la' wermano la' b_Λ.

⁹ Mach mi la' tatin yamb_Λ winic ti pañimil, come juntiquil jach la' Tat, jiñ_Λch am b_Λ ti panchan.

¹⁰ Che' ja'el mach yomic mi la' pejc_Λntel ti yum_Λl come juntiquil jach la' yum, jiñ_Λch Cristo.

¹¹ Jini ñumen ñuc b_Λ winic ti la' tojlel, la' i coltañetla.

¹² Majqui jach chan mi' mel i b_Λ mi caj i peq'ues_Λntel. Majqui jach pec' mi' mel i b_Λ, mi caj i chañ'es_Λntel.

¹³ ¡Mi caj la' taj wocol sts'ijbayajob yic'ot fariseojob! ¡Cha'p'ejl jax la' pusic'al! Come woli la' m_Λct_Λbeñob winicob x'ixicob i ti' ba' mi' yochelob ti' yum_Λntel jini am b_Λ ti panchan. Jatetla ma'anic mi la' wochel. Che' ja'el, ma'anic mi la' w_Λc'ob ti ochel jini yomo' b_Λ ochel.

¹⁴ ¡Mi caj la' taj wocol sts'ijbayajob yic'ot fariseojob! ¡Cha'p'ejl jax la' pusic'al! Mi la' chilbeñob i yototob meba' x'ixicob. Mi la' mel tam b_Λ oración cha'an mi' la' lon

q'uejlel ti uts'at. Jini cha'an ñumen cabal mi caj la' taj tojmulil.

15 ¡Mi caj la' taj wocol sts'ijbayajob yic'ot fariseojob! ¡Cha'p'ejl jax la' pusic'al! Mi la' ñumel ti xambal ti lum yic'ot ti ñajb cha'an mi' sutq'uin i bΛ juntiquil winic. Che' bΛ tsa'ix i sutq'ui i bΛ, mi la' wutsi xic'ben ti jontolil jinto ñumen an i jontolil bajche' la' jontolil.

16 ¡Mi caj la' taj wocol xpots' bΛ xpΛs bi-jetla! Mi la' lon al che' an majch mi' taj ti t'an jini Templo cha'an mi' wa'chocon i t'an, mach wersajic mi' mel chuqui tsi' yΛΛ. Mi tsi' taja ti t'an jini oro am bΛ ti Templo, mi la' wΛl wersa yom mi' mel chuqui tsi' yΛΛ.

17 ¡Tontojetla! ¡Xpots'etla! ¿Baqui bΛ ñumen ñuc ma' wΛl? ¿Jim ba jini oro? ¿Mach ba jinic Templo ba' mi' taj i c'Λjñibal jini oro ti' ye'tel Dios?

18 Che' ja'el, mi la' wΛl che' an majch mi' taj ti t'an jini pulantib che' mi' wa'chocon i t'an, mach wersajic mi' mel chuqui tsi' yΛΛ. Pero che' mi' taj ti t'an i majtan Dios am bΛ ti pulantib, mi la' wΛl wersa yom mi' mel chuqui tsi' yΛΛ.

19 ¡Tontojetla! ¡Xpots'etla! ¿Baqui bΛ ñumen ñuc? ¿Jim ba i majtan Dios o jim ba pulantib ba' mi' taj i c'Λjñibal i majtan Dios?

20 Majqui jach mi' taj ti t'an jini pulantib cha'an mi' wa'chocon i t'an, mi' taj ti t'an jini pulantib yic'ot pejtelel chuqui tac an ti' pam.

21 Majqui jach mi' taj ti t'an jini Templo che' mi' wa'chocon i t'an, mi' taj ti t'an Templo yic'ot jini am bΛ ti' mal Templo.

22 Majqui jach mi' taj ti t'an jini panchan che' mi' wa'chocon i t'an mi' taj ti t'an i buchlib Dios yic'ot jini ya' bΛ buchul.

23 ¡Mi caj la' taj wocol sts'ijbayajob yic'ot fariseojob! ¡Cha'p'ejl jax la' pusic'al! Come mi la' loc'san i diezmojlel jini pimel i c'aba menta yic'ot yambΛ i c'aba' enelto yic'ot yambΛ i c'aba' comino. Pero mi la' ñusan ñumen ñuc tac bΛ i mandar Dios, jiñach toj bΛ meloñel yic'ot p'untaya yic'ot chuqui yom ñopol. Yom mi la' jac' ili mandar. Mach yomic mi la' cΛy la' wΛq'uen i diezmojlel la' chubΛ'an.

24 ¡Xpots' bΛ xpΛs bijetla, mi la' chic loq'uel jini us pero mi la' mΛsan camello!

25 ¡Mi caj la' taj wocol, sts'ijbayajob yic'ot fariseojob! ¡Cha'p'ejl jax la' pusic'al! Mi' la' wen pocben i pat jini vaso yic'ot latu. Ya' ti' mal but'ul ti xujch' yic'ot cabal jontolil.

26 ¡Xpots' bΛ fariseojet, ñaxan poco i mal jini vaso yic'ot latu cha'an sac mi' yajñel i pat ja'el!

27 ¡Mi caj la' taj wocol sts'ijbayajob yic'ot fariseojob! ¡Cha'p'ejl jax la' pusic'al! La-jaletla bajche' i yotlel tac ch'ujlelΛ bombil bΛ ti tan. Wen i t'ojol jax yilal ti' pat pero ti' mal but'ul ti' bΛquel chameño' bΛ yic'ot pejtelel i bibi'lel.

28 Che' ja'el jatetla, toj mi la' pΛs la' bΛ ti' wut winicob, pero ti la' mal but'uletla ti cabal lot yic'ot jontolil.

29 ¡Mi caj la' taj wocol, sts'ibayajob yic'ot fariseojob! ¡Cha'p'ejl jax la' pusic'al! Come mi la' melbeñob i yotlel ch'ujlelΛ jini x'alt'añob. Mi la' ch'Λl i yejtal tac ba' mucul jini tojo' bΛ i pusic'al.

30 Mi la' lon ña'tan mach lajaleticla bajche' la' ñojte'el tsa' bΛ i bec'beyob i ch'ich'el x'altañob. Mi la' wΛl: “Cuxulonicla ti jim bΛ ora, mach che'ic tsa' lac mele”, lon che'etla.

31 Woli la' bajñel contrajin la' bΛ ti la' t'an che' mi la' sub la' bΛ ti' yalobilob jini tsa' bΛ i tsΛnsayob x'alt'añob.

32 Wolix la' chΛn mel che' bajche' tsa' caji' melob la' ñojte'el.

33 ¡Lucumetla, i yalobiletla xc'ΛñΛñej! ¿Bajche' mi mejlel la' puts'tan tojmulil ti c'ajc?

34 Jini cha'an la' wilan, mi caj c chocbeñetla tilel x'alt'añob yic'ot winicob am bΛ cabal i ña'tabal, yic'ot sts'ijbayajob. Ojlil mi caj la' tsΛnsañob. Mi caj la' ch'ijob ti cruz. Ojlil mi caj la' jats'ob ti asiyal ti la' sinagoga. Mi caj la' tic'lañob ti cabal tejclum.

35-36 Jini cha'an mi caj la' tojbeñob i mul jini tsa' bΛ i tsΛnsayob jini x'alt'añob c'ΛlΛ che' bΛ tsa' tsΛnsanti Abel, jini toj bΛ i pusic'al, c'ΛlΛ tsa' tsΛnsanti Zacarías (i yalobil Berequías). Zacarías tsa' tsΛnsanti ti' tojel pulantib ya' ti' t'ejl Templo. Isujm mic subeñetla, pejtél i mul mi caj i yotsΛbentelob ti' wenta jini winicob x'ixicob año' bΛ ti pañimil wΛle. Mi caj i tojob pejtél ili mulil.

*Jesús tsi' cha'le uq'uel che' b_Λ tsi' q'uele
Jerusalén*

(Lc. 13.34-35)

³⁷ ¡Jerusalén, Jerusalén, jatet mu' b_Λ a tsansan x'alt'añob! ¡Ma' jul ti xajlel jini chochilo' b_Λ tilel ba' añetla! ¡Anix jayyajl com c tempan la' walobilob che' bajche' mi' luts' i yal jini ña' mut! ¡Pero mach la' womic!

³⁸ La' wilan, jochol mi caj i c_Λytal la' wotot.

³⁹ Come mic subeñetla, ma'anic mi caj la' cha' q'uelon jinto mi la' w_Λ: “La' subjic i ñucler jini woli b_Λ i tilel ti' c'aba' lac Yum”, che'etla. Che' tsi' subeyob sts'ijbayajob yic'ot fariseojob Jesús.

24

*Jesús tsi' w_Λn al_Λ bajche' mi caj i jilel
Templo*

¹ Jesús tsa' loq'ui ti Templo. Tsa' caji ti majlel. Tsa' tiliyob x_Λant'añob i cha'an, cha'an mi' p_Λsbeñob jini wa'chocobil tac cha'an Templo.

² Jesús tsi' subeyob: ¿Woli ba la' q'uel ti pejtelel jini? Isujm mic subeñetla, ma'anic mi caj i c_Λytal mi jump'ejlic xajlel ti' pam yamb_Λ mach b_Λ anic mi caj i chojquel jubel, che'en.

Iyejtal tac i jilibal

(Mr. 13.3-23; Lc. 17.22-24; 21.7-24)

³ Che' buchul Jesús ti' pam Olivo wits, tsa' tiliyob x_Λant'añob i pejcañob ti' bajñelil. Tsi' y_Λayob: Subeñon lojon, ¿baqui ora mi' caj ti ujtél pejtelel jini? ¿Chuqui mi caj c p_Λs bentel lojon che' l_Λc' al i yorajlel ma' cha' tilel yic'ot che' ti' jilibal pañimil? che'ob.

⁴ Jesús tsi' subeyob: Ch_Λc_Λ q'uele la' b_Λ ame anic majqui mi' soquetla.

⁵ Come talob cab_Λl tij c'aba'. Mi caj i lon cuyob i b_Λ ti Cristo. Mi caj i socob cab_Λlob.

⁶ Mi caj la' wubin an cab_Λl guerra yic'ot cab_Λl t'an cha'an tal guerra. Mach mi la' cha'len b_Λq'uen. Come wersa mi' tilel pejtelel jini, pero maxto tilemic i jilibal.

⁷ Come jini año' b_Λ ti jumpejt lum mi caj i techob guerra ti' contra año' b_Λ ti yamb_Λ lum. Jini año' b_Λ ti' wenta juntiquil yum_Λ mi caj i techob guerra ti' contra jini año' b_Λ ti' wenta yamb_Λ yum_Λ. Tal wocol yic'ot

cab_Λl wi'ñal yic'ot i yujquel lum ti cab_Λl lum.

⁸ Ti pejtelel iliyi i cajibal jach wocol.

⁹ Mi cajelob i y_Λq'uetla ti tic'lantel. Mi cajelob i tsansañetla. Mi caj la' ts'a'lentel ti pejtelel lum cha'an tij c'aba'.

¹⁰ Ti jim b_Λ ora mi caj i tejchel tile bixelo' b_Λ i pusic'al cab_Λlob. Mi caj i y_Λc'ob i pi'lob ti' c'ab i contra. Mi caj i ts'a'leñob i b_Λ.

¹¹ Mi caj i tejchelob cab_Λl lot b_Λ x'alt'añob mu' b_Λ caj i socob cab_Λl winicob x'ixicob.

¹² Cab_Λl mi' caj ti p'ojlel jontolil. Jini cha'an mi' caj ti lajmel i c'uxbiya cab_Λlob.

¹³ Jini mu' b_Λ i cuch i wocol c'Λl_Λ ti' jilibal mi caj i colt_Λntel.

¹⁴ Jini wen t'an cha'an i yum_Λntel Dios mi caj i sujbel ti pejtelel pañimil cha'an mi' yubintel ti pejtelel pañimil. Ti jim b_Λ ora mi caj i tilel i jilibal.

¹⁵ Mi caj la' q'uel wa'alix ti ch'ujul b_Λ ajñib_Λl jini c'ax bibi' jax b_Λ mu' b_Λ i jisan cab_Λl chuqui tac an, jini tsa' b_Λ ajli cha'an jini x'alt'an Daniel. (Jini mu' b_Λ i q'uel jini jun, la' i ch'amben isujm.)

¹⁶ Che' mi la' q'uel jini, la' puts'icob majlel ti wits jini año' b_Λ ti Judea.

¹⁷ Jini am b_Λ ti' jol otot mach jubic ochel cha'an mi' loc'san i chub_Λ'an ti' yotot.

¹⁸ Jini am b_Λ ti' cholel mach ch_Λn sujtic cha'an mi' lot i pislel.

¹⁹ Ti jim b_Λ ora obolob jax i b_Λ jini c_Λnt_Λbilo' b_Λ i cha'an al_Λl yic'ot jini woli b_Λ i tsu'sañob al_Λl.

²⁰ Cha'lenla oración cha'an mach ti' yorajlelic tsañal mi la' puts'el mi ti jini q'uin che' mi laj c'aj la co.

²¹ Come ti jim b_Λ ora mi caj i tilel cab_Λl wocol, ñumen bajche' tsa' ñumi c'Λl_Λl ti' cajibal pañimil c'Λl_Λl w_Λle, c'Λl_Λl ti pejtelel ora.

²² Machic tsi' w_Λn ña'ta i com'es_Λn i yorajlel wocol, ma'anic majqui mi' colt_Λntel mi juntiquilic. Pero cha'an i colt_Λntel jini yajc_Λbilo' b_Λ mi caj i com'es_Λntel i yorajlel wocol.

²³ Mi an majqui mi' subeñetla: “Awilan, w_Λ'an Cristo”, che'en, o mi an majqui mi' subeñetla: “Ya'an Cristo ya'i”, mi che'en, mach mi la' ñopben i t'an.

²⁴ Mi caj i tejchelob lot b_Λ x'alt'añob yic'ot xlotob mu' b_Λ i cuyob i b_Λ ti Cristo. Mi caj i p_Λsob ñuc b_Λ i yejtal i p'at_Λlel,

yic'ot b_Λb_Λq'uen tac b_Λ cha'an mi' socob jini yajc_Λbilo' b_Λ mi tsa' mejli.

²⁵ Awilan, tsa'ix c w_Λn subeyetla.

²⁶ Jini cha'an mi tsa' caji i subeñetla: “Awilan, ya'an Cristo ti colem b_Λ i tiqiuñal lum”, mi che'ob, mach mi la' majlel. Mi tsi' y_ΛΛyob: “Awilan, ya'an Cristo ti' mal otot”, mi che'ob, mach mi la' ñopbeñob i t'an.

²⁷ Come che' lajal bajche' mi' tsictiyel i c'ac'al chajc ti' pasibal q'uin c'Λl_Λl ti' b_Λjlibal q'uin, che' ja'el mi' caj ti tsictiyel i Yalobil Winic che' mi' tilel.

²⁸ Baqui jach an ch_Λmen b_Λ, ya' mi caj i tempañob i b_Λ xta'jol.

Che' mi' tilel i Yalobil Winic
(Mr. 13.24-37; Lc. 12.41-48; 17.25-36; 21.25-36)

²⁹ Ti jim b_Λ ora che' mi' yujtel jini wocol, mi caj i yiq'ues_Λntel jini q'uin. Ma'anic mi caj i y_Λc' i c'ac'al uw. Mi' caj ti yajlel jubel ec' ti panchan. Jini p'at_Λl tac b_Λ ti panchan mi caj i wersa ñijc_Λntel.

³⁰ Ti jim b_Λ ora i Yalobil Winic mi caj i p_Λs i yejtal i p'at_Λlel ti panchan. Mi' cajelob ti cab_Λl uq'uel pejtelel winicob x'ixicob ti pañimil. Mi caj i q'uelob i Yalobil Winic che' mi' tilel ti total ti panchan ti' p'at_Λlel yic'ot ti' ñucl.

³¹ Mi caj i choc tilel i yáñgelob yic'ot c'am b_Λ i t'an trompeta. Mi caj i tempañob tilel ti ch_Λnwejllel pañimil jini yajc_Λbilo' b_Λ i cha'an ti junwejl panchan c'Λl_Λl ti yamb_Λ junwejl.

³² Ñopola jini lajiya cha'an higuera te'. Che' c'unix i c'Λb che' woli' pasel i yopol, la' wujil l_Λc'Λlix i yorajlel ticwal.

³³ Che' ja'el, che' mi la' q'uel pejtelel jini, ña'tanla l_Λc'Λlix i tilel i Yalobil Winic. Mero wolix i julel.

³⁴ Isujm mic subeñetla, mi' caj ti ujtél ti pejtelel che' cuxulob to jini winicob x'ixicob año' b_Λ w_Λle.

³⁵ Mi' caj ti jilel pañimil yic'ot panchan pero mach jilic c t'an.

Mach tsiquilic baqui b_Λ ora
(Mr. 13.32-37; Lc. 17.26-30, 34-36)

³⁶ Ma'anic majch yujil baqui b_Λ q'uin baqui b_Λ ora mi caj i yujtel jini, mi ángelob ti panchan, mi i Yalobil Dios. Jini jach c Tat yujil.

³⁷ Che' bajche' ti' yorajlel Noé, che' lajal mi caj i yujtel che' mi' tilel i Yalobil Winic.

³⁸ Che' maxto anic tsa' tili but'ja', tsi' cha'leyob we'el, tsi' cha'leyob uch'el, tsi' cha'leyob ñujpuñijel, tsi' sijiyob i yalobil, jinto ti jini q'uin che' b_Λ tsa' ochi Noé ti barco.

³⁹ Ma'anic tsi' ña'tayob mi an chuqui mi' caj ti ujtél jinto tsa' tili but'ja'. Tsi' lu' jisayob. Che' ja'el mi' caj ti ujtél che' mi' tilel i Yalobil Winic.

⁴⁰ Mi caj i yajñelob cha'tiquil winic ti cholel. Mi' p_Λjyel majlel juntiquil. Yamb_Λ mi' c_Λyt_Λ.

⁴¹ Mi' cajelob ti juch'bal cha'tiquil x'ixic. Juntiquil mi' p_Λjyel majlel. Yamb_Λ mi' c_Λyt_Λ.

⁴² Jini cha'an ch_Λc_Λ q'uele la' b_Λ, come mach ña't_Λbilic la' cha'an baqui b_Λ q'uin mi' tilel la' Yum.

⁴³ Ña'tanla jini, tsa'ic i ña'ta i yum otot baqui ora mi' tilel xujch', tsi' ch_Λc_Λ q'uele i yotot cha'an ma'anic mi' toc jamben i yotot xujch'.

⁴⁴ Jini cha'an yom chajp_Λbiletla ja'el, come tal i Yalobil Winic ti' yorajlel che' mach y_Λx_Λlic la' wo.

¿Majqui xuc'ul?
(Lc. 12.41-48)

⁴⁵ ¿Majqui lajal bajche' jini xuc'ul b_Λ x'e'tel am b_Λ cab_Λl i ña't_Λbal? Jini x'e'tel tsa' aq'uenti i ye'tel ti' yum cha'an mi' y_Λq'ueñob i b_Λl i ñac' jini año' b_Λ ti' yotot che' ti' yorajlel.

⁴⁶ Tijicña jini x'e'tel uts'at b_Λ woli' mel i ye'tel che' mi' c'otel i taj i yum.

⁴⁷ Isujm mic subeñetla, mi caj i y_Λq'uen ñuc b_Λ i ye'tel cha'an pejtelel i chub_Λ'an.

⁴⁸ Mi tsi' y_ΛΛ ti' pusic'al jini jontol b_Λ x'e'tel: “Jal to tal c yum”, mi che'en,

⁴⁹ mi tsa' caji i jats' i pi'lob ti e'tel, mi tsi' cha'le we'el, mi tsi' cha'le uch'el yic'ot xy_Λc'Λjelob,

⁵⁰ che' jini mi caj i julel i yum jini x'e'tel ti jump'ejl q'uin che' mach y_Λx_Λlic i yo, che' ti' yorajlel mach ña't_Λbilic i cha'an.

⁵¹ Mi caj i y_Λc' ti tojmulil. Mi caj i yotsan ba' año' jini cha'chajp jax b_Λ i pusic'al. Ya' i mi' cajelob ti uq'uel yic'ot quech'ecña i b_Λq_Λel i yej. Che' tsi' y_ΛΛ Jesús.

25

Lajiya cha'an lujuntiquil xch'oc

1 I yum^{antel} jini am b^Λ ti panchan mi caj i lajintel che' bajche' lujuntiquil xch'oc tsa' b^Λ i ch'^Λma^Λyob majlel candil. Tsa' majli i tajob xñujpuñijel.

2 Jo'tiquil añob i ña't^Λbal. Jo'tiquil ma'añobic i ña't^Λbal.

3 Jini mach b^Λ añobic i ña't^Λbal tsi' ch'^Λma^Λyob majlel candil. Ma'anic tsi' ch'^Λma^Λyob majlel cas.

4 Jini año' b^Λ i ña't^Λbal tsi' ch'^Λma^Λyob majlel cas ti' buxil yic'ot i candil.

5 Che' b^Λ tsa' jale xñujpuñijel, tsi' cha'leyob ñ^Λc^Λb. Tsa' cajiyo^b ti w^Λyel.

6 Ti ojilil ac'^Λlel tsi' yubiyob t'an: "Ubix tilel xñujpuñijel. Cucula, tajala", che'en.

7 Che' jini tsa' lu' ch'o^jyiyob jini xch'oc. Tsi' ts'ita' wilts'ubeyob loq'uel i pislel candil.

8 Jini mach b^Λ añobic i ña't^Λbal tsi' subeyob i pi'^Λlob: "Aq'ueñon lojon ts'ita' a cas, come yomix yajpel j candil lojon", che'ob.

9 Jini año' b^Λ i ña't^Λbal tsi' y^Λayob: "Ma'anic, ame mach jas^Λlic cha'añon lojon cha'añetla ja'el. Cucula ba'an xchon casob. Mañ^Λ la' cha'an", che'ob.

10 Che' woliyob ti mañ^Λoñel tsa' tili xñujpuñijel. Jini chajp^Λbilobix b^Λ tsa' ochiyob yic'ot xñujpuñijel ba' woliyob ti ñujpuñijel. Tsa' ma^jqui i ti' otot.

11 Wi'il tsa' c'otiyob ja'el jini yamb^Λ xch'ocob. Tsi' y^Λayob: "C Yum, c Yum, jambeñon lojon", che'ob.

12 Jini Yum^Λ tsi' subeyob: "Isujm mic subeñetla, mach j cañ^Λyetla", che'en.

13 Ch^Λc^Λ q'uele la' b^Λ che' jini, come mach la' wujilic baqui b^Λ q'uin baqui b^Λ ora mi' tilel i Yalobil Winic.

Lajiya cha'an uxtiquil x'e'telob

(Lc. 19.11-27)

14 Come i yum^{antel} jini am b^Λ ti panchan lajal^Λch bajche' juntiquil winic mu' b^Λ caj i majlel ti ñajt b^Λ lum. Tsi' p^Λy^Λ tilel x'e'telob i cha'an. Tsi' yots^Λbeyob ti' wenta i chub^Λ'an.

15 Tsi' y^Λq'ue juntiquil jo'p'ejl talento. Tsi' y^Λq'ue yamb^Λ cha'p'ejl talento. Tsi' y^Λq'ue yamb^Λ jump'ejl talento. Ti jujuntiquil tsa'

aq'uentiyob che' bajche' añob i c'^Λjñibal. Tsa' majli ti ñajt^Λ.

16 Jini tsa' b^Λ i ch'^Λma^Λ jo'p'ejl talento tsa' b^Λc' majli. Tsi' wen c'^Λñ^Λ ti ganar. Tsi' cha'le ti ganar yamb^Λ jo'p'ejl talento.

17 Che' ja'el, jini tsa' b^Λ i ch'^Λma^Λ cha'p'ejl talento tsi' cha'le ti ganar yamb^Λ cha'p'ejl talento.

18 Pero jini tsa' b^Λ i ch'^Λma^Λ jump'ejl talento tsa' majli i pic lum. Ya' tsi' mucu i taq'uin i yum.

19 Che' b^Λ tsa' ñumi cab^Λl ora, tsa' cha' tili i yum jini x'e'telob cha'an mi' q'uel bajche' tsi' c'^Λñ^Λyob jini taq'uin.

20 Tsa' tili jini tsa' b^Λ aq'uenti jo'p'ejl talento. Tsi' ch'^Λma^Λ tilel yamb^Λ jo'p'ejl talento. Tsi' y^ΛΛ: "C yum, tsa' w^Λq'ueyon jo'p'ejl talento. Umba'an. Tsac cha'le ti ganar yamb^Λ jo'p'ejl", che'en.

21 I yum tsi' sube: "Uts'at bajche' tsa' cha'le. Uts'atet xuc'ul b^Λ x'e'telet. Xuc'ul tsa' mele che' an ts'ita' ti a wenta. Cab^Λl mi caj cots^Λbeñet ti a wenta. Tijicñesan a pusic'al che' bajche' tijicña i pusic'al a yum", che'en.

22 Che' ja'el, tsa' tili jini tsa' b^Λ aq'uenti cha'p'ejl talento. Tsi' sube: "C yum, tsa' w^Λq'ueyon cha'p'ejl talento. Umba'an. Tsac cha'le ti ganar yamb^Λ cha'p'ejl", che'en.

23 I yum tsi' sube: "Uts'at bajche' tsa' cha'le. Uts'atet xuc'ul b^Λ x'e'telet. Xuc'ul tsa' mele che' an ts'ita' ti a wenta. Cab^Λl mi caj cots^Λbeñet ti a wenta. Tijicñesan a pusic'al che' bajche' tijicña i pusic'al a yum", che'en.

24 Tsa' tili jini tsa' b^Λ aq'uenti jump'ejl talento. Tsi' y^ΛΛ: "C yum, tsac ña'ta b^Λc'ñ^Λbilet. Ma' tsep jini jam ba' ma'anic tsa' wejch'u. Ma' lotben i wut ba' ma'anic tsa' wejl^Λbe loq'uel i sujl.

25 Tsac cha'le b^Λq'uen. Tsa' majli c muc a taq'uin ti mal lum. Umba'an, a cha'añ^Λch", che'en.

26 I yum tsi' sube: "Jontolet, ts'ub b^Λ x'e'telet. Awujil mic tsep jam ba' ma'anic tsac wejch'u. Mic lotben i wut ba' ma'anic tsac wejl^Λbe loq'uel i sujl.

27 ¿Chucoch ma'anic tsa' w^Λc'^Λ c taq'uin ba' mi' c'^Λjñel ti ganar? Actan che'ic jini, tsa'

mejli c cha' ch'am c taq'uin yic'ot i jol che' bΛ tsa' juliyon.

²⁸ Jini cha'an chilbenla jini taq'uin. Aq'uenla jini am bΛ lujump'ejl i talento.

²⁹ Come jini am bΛ i cha'an mi caj i yΛq'uentel yambΛ. Che' jini wen on i cha'an. Majqui jach ma'anic i cha'an mi caj i lu' chilbentel pejtelel chuqui an i cha'an.

³⁰ Chocola jini x'e'tel mach bΛ anic i c'Λjñibal ti ic'ch'ipan bΛ pañimil ya' ti jumpat. Ya' mi' cajelob ti uq'uel yic'ot quech'ecña i bΛquel i yej", che'en.

Che' mi' melob i bΛ pejtelel winicob x'ixicob

³¹ Che' mi' tilel i Yalobil Winic ti' ñuclél yic'ot pejtelel i yángelob mi' caj ti buchtΛl ti' yumΛntel yic'ot i ñuclél.

³² Ti' tojel i wut mi caj i tempΛntelob pejtelel winicob x'ixicob loq'uemo' bΛ ti pejtelel lum. Jini XcΛnta tiñame' mi caj i t'oxob. Parte mi' yΛc' chivo, parte mi' yΛc' tiñame'.

³³ Mi' yΛc' tiñame' ti' ñoj. Mi' yΛc' chivo ti' ts'ej.

³⁴ Jini Rey mi caj i suben jini año' bΛ ti' ñoj: "La' cu la, ochemet bΛ la ti' yutslel c Tat. Ch'amΛ la' yumΛntel chajpΛbebletla c'ΛlΛl ti' cajibal pañimil.

³⁵ Come che' bΛ tsa cubi wi'ñal, tsa' la' wΛq'ueyon i bΛl c ñac'. Che' bΛ tsa cubi tiquin ti', tsa' la' wΛq'ueyon chuqui mic jap. Che' mach cΛmbilonic la' cha'an, tsa' la' pΛyΛyon ochel.

³⁶ Che' pits'ilon, tsa' la' wΛq'ueyon chuqui mic xoj. Che' c'amon, tsa' la' jula'tayon. Che' añoñon ti cárcel, tsa' tili la' q'uelon", che'en.

³⁷ Jini tojo' bΛ i pusic'al mi caj i subeñob: "C Yum, ¿am ba ba' tsaj q'ueleyet lojon che' wi'ñayet? ¿Tsa' ba cΛq'ueyeyet lojon i bΛl a ñac'? Che' an a tiquin ti', ¿tsa' ba cΛq'ueyeyet lojon chuqui ma' jap?

³⁸ ¿Am ba ba' tsaj q'ueleyet lojon che' mach j cañayetic? ¿Tsa' ba c pΛyΛyeyet lojon ochel? ¿Tsa' ba cΛq'ueyeyet lojon chuqui ma' xoj che' pits'ilet?

³⁹ ¿Am ba ba' tsaj q'ueleyet lojon che' c'amet? ¿Am ba ba' tsac jula'tayeyet lojon che' añoñet ti cárcel?" che'ob.

⁴⁰ Jini Rey mi caj i subeñob: "Isujm mic subeñetla, che' bΛ tsa' la' colta juntiquil

quermano, anquese mach ñuquic, tsa' la' coltayon ja'el", che'en.

⁴¹ Che' ja'el, mi caj i subeñob año' bΛ ti' ts'ej: "Cucula, chojquemet bΛ la ti Dios. Ochenla ti c'ajc mach bΛ anic mi' jilel, jini c'ajc chajpΛbil bΛ cha'an xiba yic'ot i yángelob.

⁴² Come che' bΛ tsa cubi wi'ñal, ma'anic tsa' la' wΛq'ueyon i bΛl c ñac'. Che' bΛ tsa cubi tiquin ti', ma'anic tsa' la' wΛq'ueyon chuqui mic jap.

⁴³ Che' mach cΛmbilonic la' cha'an ma'anic tsa' la' pΛyΛyon ochel. Che' pits'ilon ma'anic tsa' la' wΛq'ueyon chuqui mic xoj. Che' c'amon, che' añoñon ti cárcel, ma'anic tsa' la' jula'tayon", che'en.

⁴⁴ Mi caj i subeñob: "C Yum, ¿am ba ba' tsaj q'ueleyet lojon che' wi'ñayet, mi che' an a tiquin ti', mi che' pits'ilet, mi che' c'amet, mi che' añoñet ti cárcel? ¿Am ba ba' ma'anic tsaj coltayeyet lojon?" che'ob.

⁴⁵ Che' jini, mi caj i subeñob: "Isujm mic subeñetla, che' bΛ ma'anic tsa' la' colta juntiquil c cha'an bΛ anquese mach ñuquic, ma'anic tsa' la' coltayon", che'en.

⁴⁶ Jini cha'an mi caj i majlelob ti tojmulil mach bΛ anic mi' jilel. Jini tojo' bΛ i pusic'al mi caj i majlelob ba' ma'anic mi' jilel i cuxtalel, che'en Jesús.

26

Tsi' pejcajob i bΛ bajche' yom i chucob Jesús

(Mr. 14.1-2; Lc. 22.1-2; Jn. 11.45-53)

¹ Che' bΛ tsa' ujtí Jesús i sub pejtél jini t'an, tsi' sube xcΛnt'añoñob i cha'an:

² La' wujil uxi i q'uiñilelix Pascua. I Yalobil Winic mi caj i yΛjq'uel ti' c'Λb jini mu' bΛ i ch'ijob ti cruz, che'en.

³ Jini ñuc bΛ motomajob yic'ot sts'ijbayajob yic'ot xñoñob año' bΛ i ye'tel ti tejclum tsi' tempayob i bΛ ti' pam i yotot jini ñuc bΛ motomaj i c'aba' Caifás.

⁴ Tsi' temeyob i t'an cha'an mi' chucob Jesús ti mucul cha'an mi' tsΛnsañob.

⁵ Tsi' yΛlyob: Mach ti' yorajlelic q'uiñijel ame tejchicob ti cabΛl a'leya winicob x'ixicob, che'ob.

Tsi' mulu ts'ac ti Jesús ya' ti Betania
(Mr. 14.3-9; Jn. 12.1-8)

6 Che' ya'an Jesús ti Betania ti' yotot jini Simón tsa' b_Λ lajmes_Δbenti leco b_Λ i tsoy,

7 tsa' tili juntiquil x'ixic ba'an Jesús. An i limetej melbil b_Λ ti xajlel but'ul ti xojocña b_Λ ts'ac, wen letsem b_Λ i tojol. Tsi' mulbe ti' jol Jesús che' buchul ti' t'ejl mesa.

8 Che' b_Λ tsi' q'ueleyob x_Δant'añob i cha'an, tsa' cajiyoob ti mich'ajel. Tsi' y_Δayob: ¿Chuqui i ye'tel tsi' lon jisa jini ts'ac?

9 Come letsem i tojol. Tsa'ic i choño jini ts'ac tsa' mejli i y_Δq'uen p'ump'uño' b_Λ, che'ob.

10 Ña't_Δabilix i cha'an Jesús chuqui tsi' y_Δayob. Tsi' subeyob: ¿Chucoch mi la' techben i ch'ijiyemlel i pusic'al jini x'ixic? I t'ojol jax chuqui tsi' melbeyon.

11 Come ti pejtelel ora an jini p'ump'uño' b_Λ la' wic'ot, pero mach ti pejtelelic ora w_Δ'añon la' wic'ot.

12 Come tsi' mulu jini ts'ac tic b_Δc'tal cha'an mi' chajpan c b_Δc'tal cha'an mic mujquel.

13 Isujm mic subeñetla, baqui jach mi' sujbel jini wen t'an ti pejtelel pañimil, muq'ui x i sujbel ja'el jini tsa' b_Λ i mele jini x'ixic, cha'an mi' ña't_Δantel, che'en Jesús.

Judas tsi' laja i t'an yic'ot i contrajob Jesús
(Mr. 14. 10-11; Lc. 22.3-6)

14 Juntiquil i pi'al jini junlujuntiquil, i c'aba' Judas Iscariote, tsa' majli ba'an ñuc b_Λ motomajob.

15 Tsi' subeyob: ¿Chuqui mi caj la' w_Δq'ueñon cha'an mi c_Δc' Jesús ti la' c'ab? che'en. Tsi' tojoyob lujump'ejl i cha'c'al s_Δs_Δc taq'uin.

16 Ti jim b_Λ ora Judas Iscariote tsa' caji i chajpan i b_Λ cha'an mi' y_Δc' Jesús.

Jesús tsi' c'uxu Pascua yic'ot x_Δant'añob
(Mr. 14.12-25; Lc. 22.7-23; Jn. 13.21-30; 1 Co. 11.23-26)

17 Ti jini ñaxan b_Λ q'uin che' ti' q'uiñilel che' mi' c'uxob caxlan waj mach b_Λ anic i levadurajlel, jini x_Δant'añob tsa' tiliyob ba'an Jesús. Tsi' y_Δayob: ¿Baqui a wom mic chajpan lojon cha'an ma' c'ux we'el_Δ che' ti Pascua? che'ob.

18 Jesús tsi' y_Δal: Cucula ti tejclum ba' mi caj la' q'uel juntiquil winic. Subenla: "Lac Maestro woli' y_Δal: I yorajlelix mic

majlel. Muq'ui x c cha'len Pascua ti a wotot yic'ot x_Δant'añob c cha'an". Che' yom mi la' suben, che'en Jesús.

19 Jini x_Δant'añob tsi' jac'beyob i t'an Jesús. Tsi' chajpayob Pascua.

20 Che' wolix i yic'an, tsa' buchle Jesús yic'ot jini lajch_Δantiquil x_Δant'añob ti' t'ejl mesa.

21 Che' woli' c'uxob we'el_Δ, Jesús tsi' y_Δal: Isujm mic subeñetla, juntiquil ti la' tojlel mi caj i y_Δc'on ti' c'ab j contra, che'en.

22 Wen ch'ijiyem i pusic'al tsa' caji i yu-biñob. Quepecña tsa' caji' y_Δlob ti junjuntiquil: C Yum, ¿joñon ba? che'ob.

23 Jesús tsi' subeyob: Jini tsa' b_Λ i yotsa i c'ab ti latu quic'ot mi caj i y_Δc'on ti' c'ab j contra.

24 I Yalobil Winic mi caj i majlel che' bajche' ts'ijbubil. Mi caj i taj wocol jini winic mu' b_Λ i y_Δc' i Yalobil Winic ti' c'ab i contra. Uts'at machic tsi' yila pañimil jini winic, che'en.

25 Jini Judas, tsa' b_Λ i y_Δc' Jesús ti' c'ab i contra, tsi' y_Δal: Maestro, ¿joñon ba? che'en. Jesús tsi' sube: Jatet cu, che'en.

Jini Ch'ujul b_Λ Waj

(Mr. 14.22-26; Lc. 22.15-20; 1 Co. 11.23-25)

26 Che' b_Λ woliyob ti we'el, Jesús tsi' ch'ama waj. Tsi' cha'le oración. Tsi' xet'e. Tsi' y_Δq'ue x_Δant'añob i cha'an. Tsi' y_Δal: Ch'ama_Δla. C'uxula. Jiñach c b_Δc'tal, che'en.

27 Che' ja'el tsi' ch'ama vaso. Che' b_Λ tsi' sube Dios wocolix i y_Δal, tsi' y_Δq'ueyob. Tsi' y_Δal: Jap_Δla ti pejteletla.

28 Jiñach c ch'ich'el cha'an jini xuc'ul b_Λ t'an mu' b_Λ i bejq'uel cha'an cab_Δlob cha'an i ñ_Δs_Δantel mulil.

29 Pero mic subeñetla, ma'anix mic ch_Δn jap i ya'lel ts'usub jinto che' temel quic'otetla mic jap jini tsiji' b_Λ ti' yum_Δantel c Tat, che'en Jesús.

Pedro mi caj i y_Δal mach i cañayic Jesús

(Mr. 14.26-31; Lc. 22.31-34; Jn. 13.36-38)

30 Che' b_Λ tsa' ujti i c'ay_Δñob jump'ejl c'ay, tsa' majliyob ti Olivo wits.

31 Jesús tsi' subeyob: Ti ili ac'alel mi' caj ti tejchel tile bixel b_Λ la' pusic'al ti la' pejtelel cha'an chuqui mi caj c tumbentel, come ts'ijbubil: "Mi caj c low x_Δanta tiñame'. Jini tiñame' mi caj i pam pujquel".

³² Che' tejchemoñix ch'ojoyel, mic majlel c pijtañetla ti Galilea, che'en Jesús.

³³ Pedro tsi' sube Jesús: Mi tsa' tejchi tile bixel b_Λ i pusic'al yaño' b_Λ cha'an chuqui mi caj a tumbentel, ma'anic ba' ora mi caj i tejchel tile bixel b_Λ c pusic'al, che'en.

³⁴ Jesús tsi' sube: Isujm mic subeñet, ti ili ac'alel che' maxto anic tsi' cha'le uq'uel tat mut, uxyajl mi caj a w_Λ mach a cañayonic, che'en.

³⁵ Pedro tsi' sube: Mi wersa yom mic ch_Λmel quic'otet, ma'anic mi caj c_Λ mach j cañayetic, che'en. Che'i tsi' y_Λayob pejtelel xcant'añob.

Jesús tsi' cha'le oración ti pac'ab_Λ
(Mr. 14.32-42; Lc. 22.40-46)

³⁶ Jesús tsi' pi'leyob majlel ti pac'ab_Λ i c'aba' Getsemaní. Tsi' sube xcant'añob i cha'an: Buchi'la ilayi che' mic majlel c cha'len oración ya'i, che'en.

³⁷ Tsi' p_Λy_Λ majlel Pedro yic'ot cha'tiquil i yalobil Zebedeo. Ch'ijiyem tsa' caji i yubin. Tsi' wen mele i pusic'al.

³⁸ Jesús tsi' subeyob: Wen ch'ijiyem jax c pusic'al. Comix ch_Λmel ti' ch'ijiyemlel c pusic'al. Pijtanla w_Λi. Yom y_Λx_Λ la' wo quic'ot, che'en.

³⁹ Tsa' to i ts'ita' x_Λñ_Λ majlel. Tsi' pacchoco i b_Λ. Tsi' cha'le oración. Tsi' y_ΛΛ: C Tat mi che'ach yom, tats'beñon ili wocol. Pero mach a mel che' bajche' com. Mele che' bajche' yom a pusic'al, che'en Jesús.

⁴⁰ Tsa' tili ba'an xcant'añob i cha'an. W_Λy_Λlob tsi' tajayob. Tsi' sube Pedro: ¿Mach ba anic tsa' mejli la' tic' la' w_Λyel mi jump'ejlic ora?

⁴¹ Yom y_Λx_Λ la' wo. Cha'lenla oración cha'an ma'anic mi la' jac' la' p_Λyol ti mulil. Come ch'ejl la' pusic'al, pero c'uñatax la' b_Λc'tal, che'en Jesús.

⁴² Ti' cha'yajlel tsa' majli Jesús i cha'len oración. Tsi' y_ΛΛ: C Tat mi mach mejlic ti tajts'el ili wocol, mi wersa yom mij cuch, mele bajche' yom a pusic'al, che'en.

⁴³ Tsa' cha' tili. W_Λy_Λlob tsi' cha' tajayob come suts'ob jax i wut.

⁴⁴ Tsi' cha' c_Λy_Λyob. Tsa' cha' majli. Ti' yuxyajlel tsi' cha'le oración ti lajal b_Λ t'an.

⁴⁵ Tsa' cha' tili ba'an xcant'añob i cha'an. Tsi' subeyob: Cha'lenla w_Λyel. C'aja la' wo.

Awilan, tsa'ix c'oti i yorajlel, i Yalobil Winic woli' y_Λjq'uel ti' c'ab xmulilob.

⁴⁶ Ch'ojoyenla. Conixla. Awilan, l_Λc'Al an jini mu' b_Λ i y_Λc'on ti' c'ab j contra, che'en.

Tsa' chujqui Jesús

(Mr. 14.43-50; Lc. 22.47-53; Jn. 18.2-11)

⁴⁷ Che' b_Λ woli to ti t'an Jesús, awilan tsa' tili jini Judas, i pi'Al jini junlujuntiquil. Tsa' tili yic'ot cab_Λl año' b_Λ i machit yic'ot i te' tac, chocbilo' b_Λ tilel i cha'an ñuc b_Λ motomajob yic'ot xñoxob año' b_Λ i ye'tel ti tejclum.

⁴⁸ Jini Judas tsa' b_Λ i y_Λc'Λ Jesús ti' c'ab i contra tsi' w_Λn subeyob bajche' mi caj i cañob. Tsi' y_ΛΛ: Jini mu' b_Λ c ts'ujts'un, jiñach. Chucula, che'en.

⁴⁹ Tsa' b_Λc' tili ba'an Jesús. Tsi' y_ΛΛ: Cotañet Maestro, che'en. Tsi' ts'ujts'u.

⁵⁰ Jesús tsi' pejca Judas ti' pi'Al. Tsi' sube: ¿Chucoch tsa' tiliyet ilayi? che'en. Ti ora tsa' tiliyob ba'an Jesús. Tsi' chucuyob. Tsi' p_Λy_Λyob majlel.

⁵¹ Awilan, juntiquil ya' b_Λ an yic'ot Jesús tsi' chucu i machit. Tsi' bots'o. Tsi' lowo jini x'e'tel i cha'an jini c'ax ñuc b_Λ motomaj. Tsi' wel tsepbe loq'uel i chiquin.

⁵² Jesús tsi' sube: Cha' otsan a machit ti' yotot come jini mu' b_Λ i chucob machit mi caj i jilelob ti machit.

⁵³ Mi tsaj c'ajtibe c Tat, ¿mach ba anic ma' ña'tan mi' b_Λc' chocbeñon tilel ñumen ti bolompic ángelob?

⁵⁴ Pero che' jini, ¿bajche' mi' ts'actiyel i Ts'ijbujel Dios mu' b_Λ i y_Λl wersa mi' yujtel pejtelel jini? che'en Jesús.

⁵⁵ Ti jim b_Λ ora Jesús tsi' sube jini winicob: ¿Tsa' ba tiliyetla cha'an mi la' chucon che' bajche' mi la' chuc xujch' ti machit yic'ot ti te'? Tsa' buchleyon ti cantesa quic'otetla ti jujump'ejl q'uin ti Templo. Ma'anic tsa' la' chucuyon.

⁵⁶ Pero che'ach woli' yujtel cha'an mi' laj ts'actiyel i Ts'ijbujel x'alt'añob, che'en Jesús. Ti pejtelel xcant'añob tsi' c_Λy_Λyob Jesús. Tsa' puts'iyob.

Jesús ti' tojlel jini año' b_Λ i ye'tel

(Mr. 14.53-65; Lc. 22.54, 63-71; Jn. 18.12-14, 19-24)

⁵⁷ Jini tsa' b_Λ i chucuyob Jesús tsi' p_Λy_Λyob majlel ba'an Caifás jini c'ax

ñuc b_Λ motomaj, ba' tsi' tempayob i b_Λ sts'ijbayajob yic'ot xñoxob año' b_Λ i ye'tel.

⁵⁸ Pedro tsi' ñajti tsajca majlel Jesús c'ΛΛΛ ti pam i yotot c'ax ñuc b_Λ motomaj. Tsa' ochi. Tsa' buchle yic'ot xc_Λntayajob cha'an mi' q'uel bajche' mi caj i yujtel.

⁵⁹ Jini ñuc b_Λ motomajob yic'ot xñoxob año' b_Λ i ye'tel yic'ot pejtelel año' b_Λ i ye'tel tsi' sajca yob jini mu' b_Λ i cha'leñob jop't'an ti' contra Jesús cha'an mi' y_Λc'ob ti ch_Λmel.

⁶⁰ Tsa' tiliyob cab_Λl xjop't'añob, pero ma'anic tsa' mejli i tajbeñob i mul Jesús. Ti wi'il tsa' tiliyob yamb_Λ cha'tiquil.

⁶¹ Tsi' y_ΛΛyob: Jini Jesús tsi' y_ΛΛΛ: "Mi mejlel c jisan jini Templo i cha'an Dios. Mi mejlel c cha' wa'chocon ti uxp'ejl q'uin". Che' tsi' y_ΛΛΛ, che'ob.

⁶² Tsa' wa'le jini c'ax ñuc b_Λ motomaj. Tsi' sube Jesús: ¿Mach ba anic chuqui ma' jac'? ¿Chuqui jini mu' b_Λ i subob winicob ti a contra? che'en.

⁶³ Ma'anic chuqui tsi' y_ΛΛΛ Jesús. Jini c'ax ñuc b_Λ motomaj tsi' sube: Mic subeñet ti' c'aba' jini cuxul b_Λ Dios cha'an ma' subeñon lojon mi Cristojet. Subeñon lojon mi i Yalobilet Dios, che'en.

⁶⁴ Jesús tsi' sube: Joñon cu. Pero mic subeñetla, w_Λle c'ΛΛΛ ti pejtelel ora i Yalobil Winic mi' caj ti buchtal ti' ñoj jini P'Λtal b_Λ Dios. Mi caj la' q'uel che' mi' tilel ti total ti panchan, che'en.

⁶⁵ Jini c'ax ñuc b_Λ motomaj tsi' tsili i pislel. Tsi' y_ΛΛΛ: Tsa'ix i cha'le p'ajoñel. ¿Chuqui to i c'ajñibal xtoj'esa t'añob? Awilan, tsa'ix la' wubi i p'ajoñel.

⁶⁶ ¿Bajche' yom mi lac mel mi la' w_Λl? che'en jini c'ax ñuc b_Λ motomaj. Tsi' jac'ayob: Yom mi' y_Λj_q'uel ti ch_Λmel, che'ob.

⁶⁷ Tsa' caji i tujb_Λbeñob i wut. Tsi' jats'ayob. Tsi' poch'iyob.

⁶⁸ Tsi' y_ΛΛyob: Mi Cristojet subeñon lojon, ¿majqui tsi' jats'ayet? che'ob.

Pedro tsi' y_ΛΛΛ mach i cañayic Jesús

(Mr. 14.66-72; Lc. 22.55-62; Jn. 15-18, 25-27)

⁶⁹ Ya' buchul Pedro ti jumpat ti pam otot. Tsa' tili juntiquil xch'oc. Tsi' y_ΛΛΛ: Jatet ja'el tsa' pi'le ñumel jini Jesús ch'oyol b_Λ ti Galilea, che'en.

⁷⁰ Ya' ti' tojel pejtelelob Pedro tsi' y_ΛΛΛ mach isujmic. Tsi' y_ΛΛΛ: Mach cujilic chuqui wola' w_Λl, che'en.

⁷¹ Che' b_Λ tsa' majli ti corredor, yamb_Λ xch'oc tsi' q'uele. Tsi' sube ya' b_Λ año'b: Jini ja'el tsi' pi'le ñumel jini Jesús ch'oyol b_Λ ti Nazaret, che'en.

⁷² Pedro tsi' taja yamb_Λ t'an cha'an mi' wa'chocon i t'an. Tsi' y_ΛΛΛ: Mach j cañayic jini winic, che'en.

⁷³ Jumuc' jach tsa' tiliyob jini lac'Λl b_Λ wa'alob. Tsi' subeyob: Isujm jatet ja'el xc_Λnt'añet i cha'an, come tsiquil ti a t'an, che'ob.

⁷⁴ Pedro tsa' caji i bajñel ch'Λc i b_Λ. Tsi' wersa wa'choco i t'an. Tsi' y_ΛΛΛ: Mach j cañayic jini winic, che'en. Ti ora tsi' cha'le uq'uel tat mut.

⁷⁵ Tsa' c'ajtiyi ti' pusic'al Pedro i t'an Jesús tsa' b_Λ i sube: "Che' maxto anic mi' cha'len uq'uel tat mut, uxyajl mi caj a w_Λl mach a cañayonic". Tsa' loq'ui majlel. Ts_Λts tsa' caji ti uq'uel.

27

Jesús ti' tojlel Pilato

(Mr. 15.1; Lc. 23.1-2; Jn. 18.28-32)

¹ Ti sac'ajel pejtelel ñuc b_Λ motomajob yic'ot xñoxob año' b_Λ i ye'tel ti tejclum tsi' temeyob i t'an ti' contra Jesús cha'an mi' ts_Λnsañob.

² Che' b_Λ tsa'ix i c_Λchayob tsi' p_Λyayob majlel. Tsi' y_Λc'ayob ti' c'Λb jini gobernador i c'aba' Pilato.

Tsi' tsansa i b_Λ Judas

(Hch. 1.18-19)

³ Jini Judas, tsa' b_Λ i y_Λc'Λ Jesús ti' c'Λb i contra, tsi' mele i pusic'al che' b_Λ tsi' q'uele mux caj i y_Λj_q'uel ti ch_Λmel Jesús. Tsi' cha' sutq'ui jini lujump'ejl i cha'c'al s_Λsac taq'uin ba'an ñuc b_Λ motomajob yic'ot xñoxob año' b_Λ i ye'tel.

⁴ Tsi' y_ΛΛΛ: Tsa'ix c cha'le mulil che' b_Λ tsa c_Λc'Λ ti la' c'Λb jini mach b_Λ anic i mul, che'en Judas. Tsi' subeyob: Mach c wentajic lojon. Bajñel q'uele a b_Λ, che'ob.

⁵ Judas tsi' choco jini taq'uin ti Templo. Tsa' loq'ui majlel. Tsa' majli i jich' i b_Λ.

⁶ Jini ñuc b_Λ motomajob tsi' ch'Λm_Λyob jini taq'uin. Tsi' y_ΛΛyob: Tic'bil ti mandar

mi la cotsan ti' yajñib ofrenda, come jiñach i tojol i ch'ich'el winic, che'ob.

⁷ Tsi' pejcayob i b_Λ bajche' mi caj i c'añob jini taq'uin. Tsi' mañayob jamil i cha'an xmel p'ejt cha'an ya'i mi' mucob jini ch'oyolo' b_Λ ti yan tac b_Λ lum.

⁸ Jini cha'an, an i c'aba' jini jamil c'λλ_Λ w_Λle: Jamil m_Λmbil ti' tojol i ch'ich'el winic, che'ach i c'aba'.

⁹ Che' jini tsa' ts'actiyi i t'an jini x'alt'an Jeremías tsa' b_Λ i y_ΛΛ: "Tsi' ch'amayob jini lujump'ejl i cha'c'al s_Λs_Λc taq'uin i tojol juntiquil winic. Come che'ach i tojol jini winic tsi' y_ΛΛyob i yalobilob Israel.

¹⁰ Tsi' y_Λc'ayob jini taq'uin cha'an i tojol i jamil xmel p'ejt che' bajche' tsi' subeyon lac Yum". Che' ts'ijbubil.

Pilato tsi' pejca Jesús

(Mr. 15.2-5; Lc. 23.3-5; Jn. 18.33-38)

¹¹ Ya' wa'al Jesús ti' wut jini gobernador. Jini gobernador tsi' c'ajtibe: ¿Jatet ba i Reyet judíojob? che'en. Jesús tsi' sube: Joñon cu, che'en.

¹² Che' b_Λ tsi' p_Λc'ayob ti mulil Jesús jini ñuc b_Λ motomajob yic'ot xñoxob año' b_Λ i ye'tel, ma'anic chuqui tsi' y_ΛΛ Jesús.

¹³ Pilato tsi' sube: ¿Mach ba wolic a wubin jaychajp woli' y_Λlob ti a contra? che'en.

¹⁴ Jesús ma'anic chuqui tsi' jac'be mi junyajlic ti pejtelel chuqui tsi' y_ΛΛyob ti' contra. Jini cha'an tsa' toj sajti i pusic'al jini gobernador.

Jesús o Barrabás

(Mr. 15.6-15; Lc. 23.13-25; Jn. 18.38—19.16)

¹⁵ Che' ti' yorajlel q'uiñijel, i tilelach jini gobernador mi' y_Λc' ti colel juntiquil xñujp'el majqui jach c'ajtibil i cha'an winicob.

¹⁶ Ya' ñup'ul juntiquil winic i c'aba' Barrabás, wen c_Λñ_Λ i cha'an winicob.

¹⁷ Che' b_Λ tsi' tempayob i b_Λ winicob, Pilato tsi' subeyob: ¿Majqui la' wom mi c_Λc' ti colel? ¿Jim ba Barrabás, o jim ba Jesús mu' b_Λ i pejcantel ti Cristo? che'en.

¹⁸ Come yujil Pilato tsa' jach i y_Λc'ayob Cristo ti' c'ab cha'an ts_Λyts_Λyñayob jax i pusic'al cha'an i ñucllel Cristo.

¹⁹ Che' ja'el, che' buchul Pilato ti meloñibal, i yijñam tsi' choche tilel t'an. Tsi' y_ΛΛ: Mach yomic chuqui ma' tumben jini

toj b_Λ winic, come sajmal tsa cubi cab_Λ wocol tic ñajal cha'an jini winic, che'en.

²⁰ Jini ñuc b_Λ motomaj yic'ot xñoxob año' b_Λ i ye'tel tsi' wersa xic'beyob winicob cha'an mi' y_Λc'ob ti colel Barrabás cha'an mi' ts_Λnsantel Jesús.

²¹ Jini gobernador tsi' c'ajtibeyob: ¿Baqui b_Λ la' wom mi c_Λc' ti colel? che'en. Tsi' jac'ayob: Barrabás, che'ob.

²² Pilato tsi' subeyob: ¿Chuqui la' wom mic tumben jini Jesús mu' b_Λ i pejcantel ti Cristo? che'en. Ti pejtelel tsi' subeyob: La' ch'ijlec ti cruz, che'ob.

²³ Jini gobernador tsi' subeyob: ¿Chu-coch? ¿Chuqui ti jontolil tsi' cha'le? che'en. Tsa' utsi cajiyob ti c'am b_Λ t'an. Tsi' y_ΛΛyob: La' ch'ijlec ti cruz, che'ob.

²⁴ Pilato tsi' ña'ta ma'anic chuqui tsa' mejli i cha'an, come woli' tejchelob ti cab_Λ leto. Jini cha'an tsi' ch'am_Λ ja'. Tsi' poco i c'ab ti' tojlelob. Tsi' y_ΛΛ: Ma'anic c mul joñon cha'an i ch'ich'el jini toj b_Λ winic. Anix ti la wenta, che'en.

²⁵ Tsi' jac'ayob winicob x'ixicob: La' c toj lojon quic'ot lojon calobilob i ch'ich'el jini winic, che'ob.

²⁶ Che' jini tsi' colbeyob Barrabás. Che' b_Λ tsa' ujti i jats' Jesús ti asiyal, tsi' y_Λc'Λ ti' c'ab soldadojob cha'an mi' ch'ijob ti cruz.

Tsi' ts'a'leyob Jesús soldadojob

(Mr. 15.16-20; Jn. 19.1-3)

²⁷ Jini soldadojob i cha'an jini gobernador tsi' p_Λyayob majlel Jesús ti yamb_Λ colem b_Λ i mal otot. Tsi' tempayob tilel soldadojob ti' joytilel Jesús.

²⁸ Tsi' jochbeyob loq'uel i pislel. Tsi' l_Λp_Λbeyob ch_Λcts' eran b_Λ p_Λl b_Λ bujcal.

²⁹ Che' b_Λ tsi' xot jalayob ch'ix, tsi' joy ñet'eyob ti' jol Jesús. Tsi' y_Λq'ueyob bastón ti ñoj b_Λ i c'ab. Tsi' ñocchocoyob i b_Λ ti' tojlel. Tsi' wajleyob. Tsi' y_ΛΛyob: Cotañet i Reyet judíojob, che'ob.

³⁰ Tsi' tujbayob. Tsi' cha' ch'ambeyob jini bastón. Tsi' jats'beyob i jol.

³¹ Che' b_Λ tsa' ujti i wajleñob, tsi' jochbeyob jini p_Λl b_Λ bujcal. Tsi' cha' l_Λp_Λbeyob i pislel. Tsi' p_Λyayob majlel cha'an mi' ch'ijob ti cruz.

Tsa' chami ti cruz Jesús

(Mr. 15.21-41; Lc. 23.26-49; Jn. 19.17-30)

32 Che' b_Λ woli' majlelob, tsi' tajayob juntiquil winic ch'oyol b_Λ ti Cirene, i c'aba' Simón. Wersa tsi' y_Λq'ueyob i q'uech majlel i cruz Jesús.

33 Tsa' c'otiyob ti jump'ejl bujt_Λ i c'aba' Gólgota. Mi' y_Λl ti lac t'an: che' yilal jini lum bajche' i b_Λquel jol_Λ.

34 Tsi' y_Λq'ueyob vinagre x_Λb_Λl yic'ot ch'aj b_Λ cha'an mi' jap. Che' b_Λ tsi' mits'ti'a, ma'anic tsi' jap_Λ.

35 Tsi' ch'ijiyob ti cruz. Tsi' pucheyob i b_Λ i pislel Jesús. Tsi' cha'leyob yajcaya ti alas cha'an mi' ña'tañob majqui mi caj i ch'Λm.

36 Tsa' buchleyob ba' mi' q'uelob.

37 Tsi' ch'ijiyob te' ti' chañelal i jol Jesús ba' ts'ijbubil t'an ti' contra: JIÑACH JESÚS, I REY JUDIOJOB.

38 Tsi' ch'ijiyob cha'tiquil xujch' yic'ot Jesús, juntiquil ti' ñoj, juntiquil ti' ts'ej.

39 Jini woliyo' b_Λ ti ñumel tsi' p'ajayob Jesús. Tsi' ñijcayob i jol.

40 Tsi' y_Λl_Λyob: Jatet mu' b_Λ a jisan Templo, mu' b_Λ a cha' wa'chocon ti uxp'ejl q'uin, coltan a b_Λ. Mi i Yalobilet Dios, juben ti cruz, che'ob.

41 Che' ja'el ñuc b_Λ motomajob tsi' wajleyob yic'ot sts'ijbayajob, yic'ot fariseojob yic'ot xñoxob año' b_Λ i ye'tel.

42 Tsi' y_Λl_Λyob: Tsi' colta yaño' b_Λ. Mach mejlic i coltan i b_Λ. Jiñach i Rey Israel mi' y_Λl. La' jubic ti cruz. Che' jini mi caj lac ñop.

43 Tsi' ñopo Dios. La' i coltan w_Λle mi yom. Come tsi' y_Λl_Λ: "Joñon i Yalobilon Dios", che'en. Che' tsi' y_Λl_Λyob.

44 Jini xujch'ob ja'el, tsa' b_Λ ch'ijleyob ti cruz yic'ot Jesús, lajal tsi' wajleyob.

45 Ti xinq'uiñil tsa' ic'a pejtelel pañimil c'Λl_Λ ti och'ajel q'uin.

46 Che' yom i taj och'ajel q'uin, Jesús tsi' cha'le c'am b_Λ t'an. Tsi' y_Λl_Λ: Elí, Elí, lama sabactani, che'en. Mi' y_Λl ti lac t'an: C Dios, C Dios, ¿chucoch tsa' c_Λy_Λyon?

47 Che' b_Λ tsi' yubiyob jini l_Λc'Λl b_Λ wa'alob, lamital tsi' y_Λl_Λyob: Woli' p_Λy tilel Elías, che'ob.

48 Juntiquil tsa' b_Λc' majli ti ajñel. Tsi' ch'Λm_Λ ch_Λy_Λo' ja'. Tsi' y_Λc'Λ i ch_Λy vinagre. Tsi' y_Λc'Λ ti' ñi' te'. Tsi' y_Λq'ue Jesús cha'an mi' ts'ujts'un.

49 Yaño' b_Λ tsi' y_Λl_Λyob: Pijtanla. La' laj q'uel mi tal Elías i coltan, che'ob.

50 Che' b_Λ tsi' cha' cha'le c'am b_Λ t'an, Jesús tsi' y_Λc'Λ ti majlel i ch'ujlel.

51 Awilan, jini pisil joc'ol b_Λ ti Templo tsa' tsijli ti ojilil ya' ti' jol c'Λl_Λ ti' yoc. Tsa' tili i yujquel lum. Tsa' toj_p'i xajlel tac.

52 Tsa' jajmi i ti' tac i yotlel ch'ujlel_Λ. Tsa' tejchiyob ch'ojyel cab_Λl i cha'año' b_Λ Dios tsa' b_Λ ch_Λm_Λyob.

53 Tsa' loq'uiyob ti mucoñib_Λl. Che' b_Λ tejchemix ch'ojyel Jesús, tsa' majliyob ti jini ch'ujul b_Λ tejclum. Tsa' tsictiyob ti' wut cab_Λl winicob x'ixicob.

54 I yaj capitán jo'c'al soldadojob yic'ot i soldadojob ya' b_Λ año' woli' q'uelob Jesús. Tsi' cha'leyob b_Λq'uen che' b_Λ tsi' q'ueleyob i yujquel lum yic'ot pejtelel tsa' b_Λ ujti. Tsi' y_Λl_Λyob: Isujm jiñach i Yalobil Dios, che'ob.

55 Ya' año' cab_Λl x'ixicob ja'el woli' ñajt_Λ q'uelob. Jiñobach tsa' b_Λ i we'sayob majlel Jesús c'Λl_Λ che' b_Λ tsa' loq'ui majlel ti Galilea.

56 Ya'an María ch'ojol b_Λ ti Magdala yic'ot i ña' i yalobilob Zebedeo yic'ot María i ña' Jacobo. Jiñach i ña' José ja'el.

Tsi' yotsayob ti mucoñib_Λl

(Mr. 15.42-47; Lc. 23.50-56; Jn. 19.38-42)

57 Che' b_Λjlemix q'uin, tsa' tili wen chumul b_Λ winic i c'aba' José, ch'oyol b_Λ ti Arimatea. Jiñach ja'el x_Λant'an i cha'an Jesús.

58 Tsa' majli ba'an Pilato. Tsi' c'ajtibe i b_Λc'tal Jesús. Pilato tsi' y_Λc'Λ mandar cha'an mi' y_Λq'uentel.

59 Jini José che' b_Λ tsi' ch'Λm_Λ i b_Λc'tal Jesús, tsi' b_Λc'Λ ti s_Λc b_Λ i b_Λj_q'uil.

60 Tsi' ñolchoco ti tsiji' b_Λ i yotlel ch'ujlel_Λ tocbil b_Λ i mal xajlel. Tsi' selc'uyob majlel colem xajlel ti' ti' i yotlel ch'ujlel_Λ. Tsa' sujti majlel.

61 Ya' año' María ch'oyol b_Λ ti Magdala yic'ot jini yamb_Λ María buchulob ti' tojel i yotlel ch'ujlel_Λ.

62 Ti yije'Λl_Λ che' b_Λ tsa' ñumi i q'uiñilel chajpaya, tsi' tempayob i b_Λ ñuc b_Λ motomajob yic'ot fariseojob ba'an Pilato.

63 Tsi' y_Λl_Λyob: C yum, wolic ña'tan lojon chuqui tsi' y_Λl_Λ jini xlot che' cuxul to. Tsi'

yΛΛ: “Ti' yuxp'ejlel q'uin mic cha' ch'ojoyel”, che'en.

⁶⁴ Cha'len mandar, che' jini, cha'an mi' wen q'uejlel i yotlel ch'ujlelΛ c'ΛΛΛ ti yuxp'ejlel q'uin, ame majlicob xcΛnt'añob i cha'an ti ac'Λlel i xujch'iñob majlel i bΛc'tal. Che' jini mi caj i subeñob winicob x'ixicob: “Tsa' cha' ch'ojoyi ba' mucul”. Che' mi caj i yΛlob. Ñumen leco mi' majlel jini lot bajche' ti ñaxan, che'ob.

⁶⁵ Pilato tsi' subeyob: An ti la' wenta xcΛntayajob. Cucula. Wen ñup'ula, che'en.

⁶⁶ Che' jini tsa' majliyob. Tsi' wen ñup'uyob i yotlel ch'ujlelΛ che' bΛ tsi' yotsayob i sellojlel xajlel. Tsi' subeyob xcΛntayajob cha'an mi' wen q'uelob.

28

Tsa' cha' ch'ojoyi Jesús (Mr. 16.1-8; Lc. 24.1-12; Jn. 20.1-10)

¹ Che' bΛ tsa' ñumi jini q'uin che' mi' c'ajob i yo, che' yomix sΛc'an jini ñaxan bΛ q'uin ti semana, tsa' majli María ch'oyol bΛ ti Magdala yic'ot jini yambΛ María cha'an mi' q'uelob i yotlel ch'ujlelΛ.

² Awilan, tsΛts tsa' ñumi i yujquel lum, come i yángel lac Yum tsa' jubi tilel ti panchan. Tsi' selc'u loq'uel jini xajlel jini ángel. Ya' tsa' buchle ti' pam xajlel.

³ Che'Λch yilal bajche' i c'Λc'al chajc. C'ax SASΛc i pislel che' bajche' i ña'al tsΛñal.

⁴ Jini xcΛntayajob tsiltsilña tsi' bΛc'ñayob ángel. Lajalob tsa' majli bajche' chΛmeño' bΛ.

⁵ Jini ángel tsi' sube x'ixicob: Mach mi la' cha'len bΛq'uen. Cujil woli la' sajcan Jesús tsa' bΛ ch'ijle ti cruz.

⁶ Mach wΛ'ix an. Come tsa'ix ch'ojoyi che' bajche' tsi' yΛΛ. La'la. Q'uelela i yajñib ba' tsa' ñolchoconti lac Yum.

⁷ Cucula ti ora. Subenla xcΛnt'añob i cha'an: “Tsa'ix ch'ojoyi Jesús ba'an chΛmeño' bΛ. Awilan, woli' majlel i pijtañetla ti Galilea. Ya' mi caj la' q'uel”. Awilan, tsa'ix c subeyetla, che'en.

⁸ Tsa' loq'uiyob ba'an i yotlel ch'ujlelΛ jini x'ixicob. Woliyob ti bΛq'uen. Wen tijicñayob i pusic'al. Ti ajñel tsa' majli i subeñob xcΛnt'añob i cha'an Jesús.

⁹ Awilan, Jesús tsi' tajayob. Tsi' yΛΛ: Cotañet, che'en. Tsa' tili i chucbeñob i yoc Jesús. Tsi' ch'ujutesayob.

¹⁰ Jesús tsi' subeyob: Mach mi la' cha'len bΛq'uen. Cucula. Subenla quermanojob cha'an mi' majlelob ti Galilea. Ya' mi caj i q'ueloñob, che'en.

¹¹ Che' woliyob ti majlel, cha'tiquil ux-tiquil xcΛntayajob tsa' c'otiyob ti tejclum. Tsi' subeyob ñuc bΛ motomajob pejtelel chuqui tsa' ujtí.

¹² Che' bΛ tsi' tempayob i bΛ yic'ot xñoxob año' bΛ i ye'tel, tsi' temeyob i t'an. Tsi' yΛq'ueyob soldadojob cabΛl taq'uin.

¹³ Tsi' yΛΛyob: Subeñob winicob x'ixicob: “Tsa' tili xcΛnt'añob i cha'an ti ac'Λlel. Tsi' xujch'iyob loq'uel i bΛc'tal che' wΛyΛlon lojon”. Che' yom mi la' subeñob, che'ob.

¹⁴ Mi tsi' yubi jini gobernador, mi caj c wen pejcan lojon cha'an ma'aníc mi la' taj la' mul, che'ob.

¹⁵ Tsi' ch'ΛmΛyob jini taq'uin jini soldadojob. Tsi' cha'leyob che' bajche' tsa' suben-tiyob. Tsa' pujqui jini t'an ba'an judíojob c'ΛΛΛ wΛle.

Jesús tsi' subeyob majlel xcΛnt'añob ti subt'an

(Mr. 16.14-18; Lc. 24.36-49; Jn. 20.19-23)

¹⁶ Jini junlujuntiquil xcΛnt'añob tsa' majliyob ti Galilea ti wits che' bajche' tsi' subeyob Jesús.

¹⁷ Che' bΛ tsi' q'ueleyob Jesús, tsi' ch'ujutesayob. Año' bΛ tile bixelob jax i pusic'al.

¹⁸ Jesús tsa' tili. Tsi' subeyob: Aq'uebilon c p'ΛtΛlel cha'an mic mel pejtelel chuqui com ti panchan yic'ot ti pañimil.

¹⁹ Cucula che' jini. Sutq'uiñob ti xcΛnt'añob winicob x'ixicob ti pejtelel pañimil. Aq'uenla ch'Λmja' ti' c'aba' lac Tat, ti' c'aba' i Yalobil, ti' c'aba' Ch'ujul bΛ Espíritu.

²⁰ CΛntesanla cha'an mi' laj ch'ujbiñob pejtelel chuqui tac tsac subeyetla. Awilan, añoñ quic'otetla ti pejtelel ora c'ΛΛΛ ti' jilibal pañimil. Che' tsi' yΛΛ Jesús.

MARCOS

I subal Juan tsa' b_Λ i y_Λc'Λ ch'Λmja'
(Mt. 3.1-12; Lc. 3.1-9, 15-17; Jn. 1.19-28)

¹ Jiñach i cajibal jini wen t'an mu' b_Λ i y_Λc' ti c_Λjñel Jesucristo i Yalobil Dios.

² Come ts'ijbubil ti' jun jini x'alt'an Isaías: "Awilan, mic ñaxan choc majlel c winic ti' tojel a wut cha'an mi' chajpan a bijlel.

³ Jiñach i t'an juntiquil mu' b_Λ i cha'len c'am b_Λ t'an: Chajpanla i bijlel lac Yum, p_Λt_Λla majlel mucu bij i cha'an", che'en.

⁴ Juan tsi' y_Λc'Λ ch'Λmja' ti jochol b_Λ lum. Tsi' subu t'an cha'an mi' ch'Λmob ja' winicob x'ixicob che' mi' c_Λyob i mul cha'an mi' ñ_{US}Λbentelob.

⁵ Tsa' loq'uiyob tilel ba'an Juan jini ch'oyolo' b_Λ ti' lumal Judea, yic'ot ti Jerusalén. Tsi' ch'Λm_Λyob ja' ti' c'Λb Juan ya' ti Jordán ja'. Tsi' subuyob i mul.

⁶ L_Λp_Λl i cha'an Juan i tsutsel camello. An i cajchiñac' melbil b_Λ ti p_Λchi. Jini Juan tsi' c'uxu xc'ajba sajc'. Tsi' j_Λp_Λ te'lehab.

⁷ Tsi' cha'le subt'an. Tsi' y_ΛΛ: Tal tic pat jini ñumen p'Λt_Λl b_Λ bajche' joñon. Mach ñucoñic cha'an mic wutst_Λl c ticben i ch'ajñal i x_Λñ_Λb.

⁸ Isujm joñon tsa c_Λq'ueyetla ch'Λmja'. Jini mi caj i y_Λq'ueñetla la' ch'Λm Ch'ujul b_Λ Espíritu, che'en Juan.

Tsi' ch'Λm_Λ ja' Jesús
(Mt. 3.13-17; Lc. 3.21-22)

⁹ Ti jim b_Λ ora tsa' tili Jesús loq'uem b_Λ ti Nazaret ya' ti Galilea. Tsi' ch'Λm_Λ ja' ti' c'Λb Juan ya' ti Jordán ja'.

¹⁰ Che' b_Λ tsa' loq'ui ti ja', tsi' b_Λc' q'uele tsa' cajli panchan. Jini Espíritu tsa' jubi tilel ti' tojlel Jesús che' bajche' x'ujcuts.

¹¹ Tsa' loq'ui tilel t'an ti panchan tsa' b_Λ i y_ΛΛ: Calobilet, mij c'uxbiñet, wen uts'at mij q'uelet, che'en.

Iyilbentel i pusic'al Jesús
(Mt. 4.1-11; Lc. 4.1-13)

¹² Ti ora jini Espíritu tsi' wersa choco majlel Jesús ti jochol b_Λ lum.

¹³ Tsa' ajni cha'c'al q'uin ya' ti colem b_Λ i tiquiñal lum. Tsa' i_Λbenti i pusic'al cha'an

Satanás. Ya'an yic'ot b_Λte'el. Jini ángelob tsi' coltayob Jesús.

Jesús tsi' p_Λy_Λyob chantiquil xchuc ch_Λyob

(Mt. 4.12-22; Lc. 4.14-15; 5.1-11)

¹⁴ Ti wi'il che' ñup'ul Juan ti cárcel tsa' tili Jesús ti Galilea. Tsi' subu jini wen t'an Dios.

¹⁵ Tsi' y_ΛΛ: Tsa'ix c'oti i yorajlel, l_Λc'Λlix i yum_Λntel Dios. C_Λy_Λ la' mul. Ñopola jini wen t'an, che'en Jesús.

¹⁶ Che' woli ti x_Λmbal ti' ti' ñajb i c'aba' Galilea, tsi' q'uele Simón yic'ot Andrés i yijts'in Simón. Woli' chocob ochel chimo'ch_Λy ti ñajb, come xchuc ch_Λyob.

¹⁷ Jesús tsi' subeyob: La' tsajcañon. Joñon mi caj c meletla ti xchuc winicob, che'en.

¹⁸ Tsi' b_Λc' c_Λy_Λyob i chimo'ch_Λy. Tsi' tsajcayob majlel Jesús.

¹⁹ Che' b_Λ tsi' x_Λñ_Λ majlel ts'ita', Jesús tsi' q'uele Jacobo i yalobil Zebedeo yic'ot Juan i yijts'in Jacobo. Woli' ts'isob chimo'ch_Λy ti' mal barco.

²⁰ Ti ora Jesús tsi' p_Λy_Λyob. Tsi' c_Λy_Λyob i tat i c'aba' Zebedeo ya' ti' mal barco yic'ot xganarob. Tsi' tsajcayob majlel Jesús.

Winic am b_Λ i xib_Λjlel
(Lc. 4.31-37)

²¹ Tsa' ochiyob ti Capernaum. Tsa' ochi Jesús ti sinagoga ti jini q'uin tac che' mi' c'ajob i yo. Tsi' cha'le c_Λntesa.

²² Tsa' toj sajtiyob i pusic'al cha'an i c_Λntes_Λbal Jesús, come tsi' c_Λntesayob ti' p'Λt_Λlel i ye'tel, mach che'ic bajche' sts'ijbayajob.

²³ Tsa' b_Λc' ochi ti sinagoga juntiquil winic am b_Λ i xib_Λjlel. Tsi' cha'le c'am b_Λ t'an.

²⁴ Tsi' y_ΛΛ: ¿Chuqui i ye'tel tsa' tiliyet ba' añoñ lojon, Jesús ch'oyolet b_Λ ti Nazaret? ¿Tsa' ba tiliyet cha'an ma' jisañoñ lojon? Cujil majquiyet. Jatet jini ch'ujulet b_Λ ch'oyol b_Λ ti Dios, che'en.

²⁵ Jesús tsi' tiq'ui. Tsi' sube: Ñ_Λjch'en, loq'uen ti' pusic'al, che'en.

²⁶ Jini xiba tsi' y_Λc'Λ ti wersa juquin ch_Λmel. Wen c'am tsi' cha'le oñel. Tsa' loq'ui ti' pusic'al jini winic.

²⁷ Tsa' toj sajtiyob i pusic'al ti pejtelelob. Tsi' c'ajtibeyob i b_Λ: ¿Chuqui jini? ¿Mach ba tsijbic i c_Λntes_Λbal? Come ti' p'Λt_Λlel

cha'an i ye'tel mi' subeñob loq'uel xibajob. Mi' jac'beñob i t'an, che'ob.

²⁸ Tsa' b_Λc' pujqui majlel t'an ti pejtelel lum ya' ti' joytilel Galilea cha'an ñuc b_Λ i melbal Jesús.

*Jesús tsi' lajmesa cab_Λlob
(Mt. 8.14-17; Lc. 4.38-41)*

²⁹ Tsa' b_Λc' loq'ui ti sinagoga. Tsa' tili yic'ot Jacobo yic'ot Juan ti' yotot Simón ba' chumul Andrés ja'el.

³⁰ Ñolol ti c'am_Λjel x'ixic b_Λ i ñij'al Simón. Woli' yubin c'ajc. Tsi' b_Λc' subeyob Jesús c'am jini x'ixic.

³¹ Tsa' tili Jesús. Tsi' chucbe i c'ab, tsi' teche ch'ojoyel. Tsa' b_Λc' lajmi jini c'ajc. Jini x'ixic tsa' caji i we'sañob.

³² Ti ic'ajel, che' b_Λjlemix q'uin, jini winicob x'ixicob tsi' p_Λy_Λyob tilel ba'an Jesús pejtelel xc'am_Λjelob yic'ot winicob chucbilo' b_Λ cha'an cab_Λlob xibajob.

³³ Ti pejtelelob tsi' tempayob i b_Λ ti' ti' otot.

³⁴ Jesús tsi' lajmesa cab_Λlob xc'am_Λjelob leco tac b_Λ i chamel. Tsi' choco loq'uel cab_Λlob xibajob. Tsi' tiq'uiyob cha'an ma'anic mi' cajelob ti t'an, come jini xibajob tsi' c'añayob Jesús.

*Jesús tsa' ñumi ti Galilea ti subt'an
(Lc. 4.42-44)*

³⁵ Che' b_Λ ñumenix ojlil ac'alel che' jal to mi' s_Λc'an, tsa' ch'ojoyi Jesús. Tsa' loq'ui majlel ti jochol b_Λ lum. Ya' i tsi' cha'le oración.

³⁶ Simón yic'ot i pi'lob tsi' sajcajob.

³⁷ Tsi' tajayob. Tsi' subeyob: Ti pejtelelob woli' sajcañet, che'ob.

³⁸ Jesús tsi' subeyob: Conla ti yan tac b_Λ tejclum ba' l_Λc'alel cha'an ya' i mic sub t'an ja'el, come jini cha'an tsa' loq'uiyon tilel, che'en.

³⁹ Tsi' subu t'an ti sinagoga tac ti pejtelel Galilea. Tsi' choco loq'uel xibajob.

*Jesús tsi' lajmesa winic am b_Λ leco b_Λ i tsoy
(Mt. 8.1-4; Lc. 5.12-16)*

⁴⁰ Juntiquil winic am b_Λ leco b_Λ i tsoy tsa' tili ba'an Jesús. Tsa' ñocle. Tsi' c'ajtibe ti wocol t'an: Mi a wom mi mejlel a lajmesañon, che'en.

⁴¹ Jesús tsi' p'unta jini winic. Tsi' s_Λt's'Λ i c'ab. Tsi' t_Λl_Λ. Tsi' sube: Com cu. La' lajmiquet, che'en.

⁴² Che' b_Λ tsa' ujt_i ti t'an, tsa' b_Λc' lajmi leco b_Λ i tsoy. Tsa' s_Λq'ues_Λnti jini winic.

⁴³ Jesús tsi' wersa sube bajche' yom mi' mel. Tsi' b_Λc' choco majlel.

⁴⁴ Jesús tsi' sube: Ch_Λc_Λ q'uele a b_Λ cha'an ma'anic majqui ma' suben chuqui tsa' ujt_i. Cucu. P_Λs_Λ a b_Λ ba'an motomaj. Ac'Λ chuqui tsi' subu Moisés ti mandar cha'an mi' q'uelob winicob x'ixicob s_Λq'es_Λbilet, che'en Jesús.

⁴⁵ Tsa' majli jini winic tsa' b_Λ lajmes_Λnti. Cab_Λlob tsa' caji i sub chuqui tsa' ujt_i. Tsi' pucu majlel jini t'an. Jini cha'an ma'anic tsa' mejli ti ochel Jesús ti tejclum che' b_Λ woli' q'uelob winicob x'ixicob. Ya' jach tsa' ajni ti colem b_Λ i tiq'uiñal pañimil. Tsa' tiliyob ba'an Jesús winicob x'ixicob ch'oyolo' b_Λ ti pejtelel lum.

2

*Jesús tsi' lajmesa winic mach b_Λ anic i c'ajñibal i yoc i c'ab
(Mt. 9.1-8; Lc. 5.17-26)*

¹ Che' b_Λ tsa' ñumi cha'p'ejl uxp'ejl q'uin, tsa' cha' ochi Jesús ti Capernaum. Tsa' ubinti ya'an ti otot.

² Cab_Λlob tsi' tempayob i b_Λ c'alel che' mach jocholix ba' mi' yochelob mi' ti' ti' otot. Jesús tsi' subeyob i t'an Dios.

³ Tsa' tiliyob winicob woli' b_Λ i p_Λyob tilel ba'an Jesús juntiquil winic mach b_Λ anix i c'ajñibal i yoc i c'ab. Woli' ch'uyob tilel ch_Λntiquil winicob.

⁴ Che' b_Λ ma'anic tsa' mejli i c'otelob ba'an Jesús cha'an cab_Λlob winicob, tsi' toc jamayob i jol otot ti' chañelal Jesús. Che' b_Λ tsa'ix i jamayob tsi' ju'sayob i w_Λyib ba' ñolol jini mach b_Λ anix i c'ajñibal i yoc i c'ab.

⁵ Come Jesús tsi' ña'ta wolix i ñopob winicob, tsi' sube jini mach b_Λ anix i c'ajñibal i yoc i c'ab: Calobil ñus_Λbilix a mul, che'en.

⁶ Ya' buchulob cha'tiquil uxtiquil sts'ijbayajob. Woliyob ti t'an ti' pusic'al:

⁷ ¿Chucoch che'i mi' cha'len t'an jini winic? Woli ti p'ajoñel. ¿Majqui mi mejlel i ñusan mulil? Jini jach Dios. Che' tsi' y_Λlayob ti' pusic'al.

8 Jesús tsi' bΛc' ña'ta ti' pusic'al chuqui woli' ña'tañob. Tsi' subeyob: ¿Chucoch che'i mi la' cha'len t'an ti la' pusic'al? che'en.

9 ¿Baqui bΛ ñumen wocol mic suben jini c'am bΛ? ¿Ñumen wocol ba mic suben: “Ñusabilix a mul” o ñumen wocol ba mic suben: “Ch'ojyen, teche a wΛyib, cha'len xΛmbal”?

10 Pero cha'an mi la' ña'tan an i p'ΛtΛel i Yalobil Winic ilayi ti pañimil cha'an mi' ñusan mulil (tsi' sube jini c'am bΛ):

11 Mic subeñet: Ch'ojyen, teche a wΛyib, cucu ti a wotot. Che' tsi' yΛΛ Jesús.

12 Tsa' bΛc' ch'ojyi. Tsi' teche i wΛyib. Tsa' loq'ui majlel ti' wut pejtelelob. Che' jini, tsa' toj sajtuyob i pusic'al ti pejtelelob. Tsi' tsictesayob i ñuclel Dios. Tsi' yΛΛyob: Ma'anic ba' tsa' laj q'uele bajche' jini, che'ob.

Tsa' pΛjyi Leví

(Mt. 9.9-13; Lc. 5.27-32)

13 Che' bΛ tsa' loq'ui Jesús tsa' cha' majli ti' ti' colem ñajb. Pejtelel winicob tsi' tempayob i bΛ ba'an Jesús. Tsi' cΛntesayob.

14 Che' woli ti xΛmbal majlel tsi' q'uele Leví, i yalobil Alfeo, buchul ba' mi' ch'Λjmel tojoñel. Jesús tsi' sube: Tsajcañon, che'en. Tsa' wa'le Leví. Tsi' tsajca majlel Jesús.

15 Jesús tsa' majli ti' yotot Leví. Tsa' buchle ti' t'ejl mesa yic'ot xcΛnt'añob i cha'an. Ya' buchulob ja'el cabΛl xch'Λm tojoñelob yic'ot xmulilob. Come cabΛl winicob tsi' tsajcayob tilel.

16 Jini fariseojob yic'ot xcΛntesa mandarob tsi' q'ueleyob woli ti we'el Jesús yic'ot xch'Λm tojoñelob yic'ot xmulilob. Tsi' c'ajtibeyob xcΛnt'añob i cha'an: ¿Chucoch mi' cha'len we'el uch'el yic'ot xch'Λm tojoñelob yic'ot xmulilob? che'ob.

17 Che' bΛ tsi' yubi Jesús tsi' subeyob: Jini c'oc'o' bΛ mach yomobic ts'ΛcΛntel, cojach jini c'amo' bΛ. Ma'anic tsa' tiliyon cha'an mic pΛy jini toj bΛ winicob. Tsa' tiliyon cha'an mic pΛy xmulilob.

C'ajtibal cha'an ch'ajb

(Mt. 9.14-17; Lc. 5.33-39)

18 Woliyob ti ch'ajb jini xcΛnt'añob i cha'an Juan yic'ot i cha'año' bΛ fariseojob. Tsa' tili i c'ajtibeñob Jesús: ¿Chucoch mi' cha'leñob ch'ajb jini xcΛnt'añob i

cha'an Juan yic'ot i cha'año' bΛ fariseojob? ¿Chucoch ma'anic mi' cha'leñob ch'ajb xcΛnt'añob a cha'an? che'ob.

19 Jesús tsi' subeyob: ¿Mu' ba mejlel i cha'leñob ch'ajb xmel q'uiñob che' ya'to añob yic'ot jini winic woli bΛ ti ñujpuñijel? Che' ya' to an jini winic woli bΛ ti ñujpuñijel mach mejlicob ti ch'ajb.

20 Tal to i yorajlel che' mi caj i pΛjyel majlel xñujpuñel. Ti jim bΛ ora mi caj i cha'leñob ch'ajb.

21 Ma'anic majqui mi' c'Λn tsijib pisil cha'an mi' lΛw tsucul bΛ i pisil. Mi che' tsi' mele mi' tsijlel majlel tsucul bΛ pisil ba'an jini tsiji' bΛ i lΛjwil jinto ñumen colem i tsijlemal.

22 Che' ja'el ma'anic majqui mi' yotsan tsijib vino ti tsucul bΛ i yajñib melbil bΛ i pΛchi. Mi tsi' yotsa jini vino mi' tojmel i yajñib. Mi' jilel jini vino, che' ja'el mi' jilel i yajñib. Yom mi' yotsΛntel tsijib vino ti tsiji' bΛ i yajñib, che'en Jesús.

XcΛnt'añob tsi' tuc'uyob i wut jam ti' q'uiñilel c'aj o

(Mt. 12.1-8; Lc. 6.1-5)

23 Ti jump'ejl q'uin che' mi' c'ajob i yo, tsa' ñumi majlel Jesús ba' pΛc'bil jam c'uxbil bΛ i wut. Che' woliyob ti xΛmbal majlel jini xcΛnt'añob i cha'an, tsa' caji i tuc'beñob c'uxbil bΛ i wut jam.

24 Jini fariseojob tsi' subeyob Jesús: Aw- ilan, ¿chucoch mi' cha'leñob chuqui tic'bil ti jini q'uin che' mi laj c'aj la co? che'ob.

25 Jesús tsi' subeyob: ¿Mach ba anic tsa' la' q'uele ti jun chuqui tsi' cha'le David che' bΛ tsi' yubi wocol? Tsi' yubi wi'ñal yic'ot i pi'Λlob.

26 Tsa' ochi ti' yotot Dios che' ya'an Abiatar ti' ye'tel ti c'ax ñuc bΛ motomaj. David tsi' c'uxu jini waj tsa' bΛ ajq'ui ti mesa. Tic'bil ti mandar cha'an ma'anic mi' c'uxob. Cojach motomajob mi mejlel i c'uxob. David tsi' yΛq'ueyob i c'ux i pi'Λlob ja'el, che'en.

27 Jesús tsi' subeyob ja'el: Aq'uebilob winicob x'ixicob jini q'uin che' mi laj c'aj la co. Jini q'uin cha'añΛch i wenlel winicob x'ixicob. Mach melbilob winicob x'ixicob cha'an mi' yΛq'ueñob i ñuclel i q'uiñilel c'aj o.

28 Jini cha'an i Yalobil Winic i Yumach ja'el i q'uiñilel c'aj o, che'en.

3

Winic am b_Λ tiquin b_Λ i c'Λb
(Mt. 12.9-14; Lc. 6.6-11)

1 Tsa' cha' ochi Jesús ti sinagoga. Ya'an juntiquil winic tiquin b_Λ i c'Λb.

2 Woli' wen q'uelob cha'an mi' ña'tañob mi muc'Λch i lajmesan jini winic ti jini q'uin che' mi' c'ajob i yo, come yomob i jop'ben i mul.

3 Jesús tsi' sube jini winic tiquin b_Λ i c'Λb: La' ilayi. Ch'ojyen, ochen ilayi ti ojilil, che'en.

4 Jesús tsi' c'ajtibeyob: ¿Baqui b_Λ tic'bil ti melol ti jini q'uin che' mi' laj c'aj la co? ¿Jim ba chuqui uts'at? ¿O jim ba chuqui jontol? ¿Tic'bil ba coltaya cha'an jini woli b_Λ ti chΛmel? ¿O tic'bil ba tsΛnsa? che'en. Ñach'Λl tsa' cΛleyob.

5 Mich' tsi' joy q'ueleyob Jesús, come ch'ijiyem tsi' yubi cha'an i tsΛtslelob i pusic'al. Tsi' sube jini winic: SΛts'Λ a c'Λb, che'en. Tsi' sΛts'Λ. Tsa' wen'esΛnti i c'Λb.

6 Tsa' loq'uiyob majlel fariseojob. Tsi' temeyob i t'an yic'ot jini herodiañob ti' contra Jesús cha'an yomob i tsΛnsan.

Bajc'Λl winicob x'ixicob ti' ti' ñajb

7 Jesús tsi' tΛts'Λ i b_Λ. Tsa' majli ti colem ñajb yic'ot xcΛnt'añob i cha'an. Bajc'Λl winicob x'ixicob ch'oyolo' b_Λ ti Galilea tsi' tsajcayob.

8 Bajc'Λl ch'oyolo' b_Λ ti Judea, yic'ot ti Jerusalén, yic'ot ti Idumea, yic'ot ti junwejl Jordán ja', yic'ot ti' joytilel Tiro yic'ot Sidón, tsa' tiliyob ba'an Jesús che' b_Λ tsi' yubiyob pejtelel chuqui tsi' mele.

9 Tsi' sube xcΛnt'añob cha'an mi' chajpΛbeñob barco cha'an ma'anic mi' ñet'ob, come cabΛlob.

10 Come Jesús tsa'ix i lajmesa cabΛlob. Jini cha'an pejtelel año' b_Λ i c'amΛjel tsi' wera lac'tesayob i b_Λ, come yomob i tΛl.

11 Jini xibajob che' b_Λ tsi' q'ueleyob, tsi' pΛc chocoyob i b_Λ ti' tojel Jesús. Ti c'am b_Λ t'an tsi' yΛΛayob: Jatet i Yalobilet Dios, che'ob.

12 Jesús tsi' wera tiq'ui xibajob cha'an ma'anic mi' yΛc'ob ti cΛjñel.

Tsi' yajca lajchΛntiquil
(Mt. 10.1-4; Lc. 6.12-16)

13 Ti wi'il Jesús tsa' letsi majlel ti wits. Tsi' pΛyΛyob tilel majqui yom i pΛy. Tsa' tiliyob ba'an.

14 Jesús tsi' wa'choco lajchΛntiquil cha'an mi' yajñelob yic'ot, cha'an ja'el mi' chocob majlel ti subt'an.

15 Tsi' yΛq'ueyob i p'ΛtΛlel cha'an mi' lajmesañob xc'amΛjelob, cha'an mi' chocob loq'uel xibajob.

16 Jiñach i c'aba'ob jini lajchΛntiquil: Simón tsa' b_Λ otsΛbenti i c'aba' Pedro;

17 Jacobo i yalobil Zebedeo, Juan i yijts'in Jacobo tsa' b_Λ otsΛbenti i cha'chajplel i c'aba' Boanerges, am b_Λ i sujmllel: "Winicob mu' b_Λ i cha'leñob c'am b_Λ t'an bajche' chajc";

18 Andrés, yic'ot Felipe, yic'ot Bartolomé, yic'ot Mateo, yic'ot Tomás, yic'ot Jacobo i yalobil Alfeo; yic'ot Tadeo, yic'ot Simón jini cananista,

19 yic'ot Judas Iscariote, jini tsa' b_Λ i yΛc'Λ Jesús ti' c'Λb i contra. Tsa' sujtiyob ti otot.

P'ajoñel ti' contra Ch'ujul b_Λ Espíritu
(Mt. 12.22-30; Lc. 11.14-23; 12.10)

20 Tsi' cha' tempayob i b_Λ cabΛl winicob x'ixicob. Ma'anic tsa' mejliyob ti c'ux waj.

21 Che' b_Λ tsi' yubiyob i pi'Λlob Jesús, tsa' tiliyob cha'an mi' chucob come tsi' yΛΛayob: Sojquem i jol, che'ob.

22 Pero jini sts'ijbayajob loq'uemo' b_Λ ti Jerusalén tsi' yΛΛayob: Ochem Beelzebú ti' pusic'al. Ti' p'ΛtΛlel i yum xibajob mi' choc loq'uel xibajob, che'ob.

23 Jini cha'an Jesús tsi' pΛyΛyob tilel. Tsi' pejcayob ti lajiya tac. Tsi' yΛΛa: ¿Bajche' mi' mejlel i choc loq'uel i b_Λ Satanás?

24 Mi tsi' t'oxoyob i b_Λ ti leto jini año' b_Λ ti' wenta juntiquil yumΛl, mach mejlic ti jalijel i yumΛntel.

25 Mi tsi' t'oxoyob i b_Λ ti leto jini chumulo' b_Λ ti jump'ejl otot, mach mejlicob ti jalijel.

26 Che'i ja'el mi' tsi' bajñel contraji i b_Λ Satanás ti leto mach mejlic ti jalijel. Che' jini mux i jilel.

27 Ma'anic majqui mi' mejlel ti ochel ti' yotot p'ΛtΛl b_Λ winic cha'an mi' chilben loq'uel i chubΛ'an mi' ma'anic tsi' ñaxan

cΛchΛ jini p'ΛtΛl bΛ winic. Che' mi' yujtel i cΛch mi mejlel i chilben loq'uel i chubΛ'an.

²⁸ Isujm mic subeñetla mi caj i ñusΛbentelob pejtelel i mul winicob yic'ot pejtelel mu' bΛ i subob ti p'ajoñel.

²⁹ Pero majqui jach mi' cha'len p'ajoñel ti' contra jini Ch'ujul bΛ Espíritu ma'anic ba' ora mi caj i ñusΛbentel i mul. An i mul ti pejtelel ora, che'en Jesús.

³⁰ Come tsi' yΛlayob: An i xibΛjlel, che'ob.

*I ña' yic'ot i yijts'iñob Jesús
(Mt. 12.46-50; Lc. 8.19-21)*

³¹ Tsa' tiliyob i yijts'iñob Jesús yic'ot i ña'. Ya' wa'alob ti jumpat. Tsi' chocoyob majlel t'an ba'an Jesús cha'an mi' pΛyob loq'uel.

³² Ya' buchulob winicob x'ixicob ti joytilel Jesús. Tsi' subeyob: Awilan, ya'an a ña' ti jumpat yic'ot a wijts'iñob. Woli' pΛyetob, che'ob.

³³ Jesús tsi' subeyob: ¿Majqui c ña'? ¿Majqui quijs'iñob? che'en.

³⁴ Che' bΛ tsi' joy q'uele jini buchulo' bΛ ti' joytilel, Jesús tsi' subeyob: Awilan, c ña'etla quijs'iñetla.

³⁵ Come majqui jach mi' cha'len chuqui yom Dios, jiñΛch quijs'in, quijsi'an, yic'ot c ña', che'en.

4

*Lajiya cha'an xwejch'uya pac'
(Mt. 13.1-15, 18-23; Lc. 8.4-15)*

¹ Jesús tsa' cha' caji ti cΛntesa ti' ti' colem ñajb. Tsi' tempayob i bΛ bajc'Λl winicob x'ixicob ba'an. Jini cha'an tsa' ochi Jesús ti buchtΛl ti barco am bΛ ti colem ñajb. Ya' añob ti lum winicob x'ixicob ti' t'ejl colem ñajb.

² An cabΛl chuqui tsi' cΛntesayob ti lajiya tac. Tsi' subeyob ti cΛntesa:

³ Ubinla: Awilan, jini xpac' tsa' majli i wejch'un pac'.

⁴ Che' woli i wejch'un majlel tsa' yajli ts'ita' ti bij. Tsa' tili te'lemut. Tsi' c'uxu.

⁵ YambΛ tsa' yajli ti xajlelol ba' ma'anic cabΛl lum. Ti ora tsa' pasi come ma'anic i lumil.

⁶ Che' bΛ tsa' chañ'a jini q'uin, ticΛw q'uin tsi' yubi. Tsa' tiqui come ma'anic i wi'.

⁷ YambΛ tsa' yajli ti ch'ixol. Che' bΛ tsa' coli jini ch'ix, tsi' tsΛnsa. Ma'anic tsi' yΛc'Λ i wut.

⁸ YambΛ tsa' yajli ti wen bΛ lum. Tsa' pasi, tsa' coli. Tsi' yΛc'Λ i wut. Jujump'ejl pac' tsi' yΛc'Λ i wut ti lujump'ejl i cha'c'al, ti uxc'al, ti joc'al, che'en Jesús.

⁹ Jesús tsi' subeyob: Jini am bΛ i chiquin cha'an mi' yubin, la' i yubin, che'en.

¹⁰ Baqui ora an ti' bajñelil, jini año' bΛ ti' joytilel yic'ot jini lajchΛntiquil tsi' c'ajtibeyob i sujmllel jini lajiya.

¹¹ Jesús tsi' subeyob: Tsa'ix aq'uentiyetla la' cΛn i sujmllel cha'an i yumΛntel Dios mach bΛ tsictiyemic ti yambΛ ora. Pero mic lu' subeñob ti lajiya tac jini mach bΛ ochemobic,

¹² cha'an ma'anic mi' c'otel i wut jini woli bΛ i q'uelob, cha'an ma'anic mi' ch'Λmbeñob isujm jini woli bΛ i yubiñob, ame i sutq'uiñob i bΛ, ame ñusΛbenticob i mul, che'en.

¹³ Jesús tsi' subeyob: ¿Mach ba anic mi' la' ch'Λmben isujm jini lajiya? ¿Bajche' che' jini, mi' mejlel la' ch'Λmben isujm pejtelel lajiya tac? che'en.

¹⁴ Jini xwejch'uya pac', jiñΛch mu' bΛ i puc jini t'an.

¹⁵ Jini año' bΛ ti' ti' bij jiñobΛch jini otsΛbil bΛ jini t'an ti' pusic'al. Che' mi' yubiñob jini t'an, ti ora mi' tilel Satanás i chilbeñob loq'uel jini t'an tsa' bΛ ochi ti' pusic'al.

¹⁶ Che' ja'el, jini wejch'ubil bΛ ti xajlelol jiñobΛch mu' bΛ i yubiñob jini t'an. Ti-jicñayob mi' bΛc' jac'ob.

¹⁷ Pero ma'anic i wi' ti' pusic'al. Jini cha'an ts'i'ta jach mi' jalijelob. Come che' mi' tilel wocol yic'ot i tic'Λntel cha'an jini t'an, ti ora mi' tejchel tile bixel bΛ i pusic'al.

¹⁸ Jini wejch'ubil bΛ ti ch'ixol jiñobΛch mu' bΛ i yubiñob jini t'an.

¹⁹ Pero i ye'tel ti jini pañimil, yic'ot i mulΛntel chubΛ'añΛl, yic'ot i mulΛntel chuqui tac yomob, mi' yochel ti' pusic'al. Mi' jisan jini t'an cha'an ma'anic mi' yΛc' i wut.

²⁰ Jini wejch'ubil bΛ ti wen bΛ lum jiñobΛch mu' bΛ i yubiñob jini t'an. Mi' jac'ob. Mi' yΛc'ob i wut ti lujump'ejl i cha'c'al, ti uxc'al, ti jo'c'al. Che' tsi' yΛΛ Jesús.

Jini mucul tac mi' caj ti p'astal
(Lc. 8.16-18)

²¹ Che' ja'el tsi' subeyob: ¿Mu' ba la' ch'am tilel candil cha'an mi la' ñup' ti chiquib mi ti' yebal ch'ac? ¿Mach ba anic mi la' joc'chocon ti' joc'lib?

²² Come ma'anic mucul tac b_Λ mach b_Λ anic mi' caj ti p'astal. Pejtelel jini mach b_Λ tsictiyemic mi caj i yajq'uel ti tsictiyel.

²³ Mi an majqui an i chiquin cha'an mi' yubin, la' i yubin, che'en.

²⁴ Jesús tsi' subeyob ja'el: Ch_Λca q'uele la' b_Λ cha'an jini mu' b_Λ la' wubin. Che' bajche' mi la' p'isben winicob che'ach mi caj la' w_Λq'uentel. Ñumen cabal mi caj la' p'isbentel jatetla mu' b_Λ la' wubin.

²⁵ Come jini am b_Λ i cha'an mu' to caj i y_Λq'uentel yamb_Λ. Jini mach b_Λ anic i cha'an mi caj i lu' chilbentel chuqui an i cha'an, che'en.

Lajiya cha'an pac'

²⁶ Jesús tsi' y_Λla: Lajal_Λch i yum_Λntel Dios bajche' winic mu' b_Λ i wejch'un pac' ti lum.

²⁷ Mi' cha'len w_Λyel. Mi' ch'ojyel. Che'ach mi' ñumel ac'alel yic'ot q'uiñil. Jini pac' mi' bots'an, mi' colel. Jini winic ma'anic mi' ña'tan bajche' mi' colel.

²⁸ Come jini lum mi' y_Λc' ti colel jini pac' ti' bajñel, ñaxan i yopol, wi'il i te'el, wi'il colem b_Λ i wut ti' te'el.

²⁹ Che' c'añix i wut, ti ora jini winic mi' tsep ti machit che' i yorajlelix mi' lojtet i wut, che'en Jesús.

Lajiya cha'an i pac' mostaza
(Mt. 13.31-35; Lc. 13.18-19)

³⁰ Jesús tsi' y_Λla: ¿Chuqui yic'ot mi mejlel lac lajin i yum_Λntel Dios? ¿Chuqui ti lajiya yom mi lac sub?

³¹ Lajal_Λch bajche' i b_Λc' mostaza. Ma'anic yamb_Λ pac' ti pañimil ñumen biq'uit b_Λ bajche' jini mu' b_Λ i wejch'untel ti lum.

³² Che' wejch'ubilix, mi' colel jinto mi' ñusan i chanlel pejtelel yan tac b_Λ pimel. Mi' y_Λc' colem tac i c'ab. Jini cha'an te'lemut mi' mel i c'u' ti' y_Λxñalel, che'en.

³³ Tsi' subeyob i t'an Dios ti cabal lajiya tac che' bajche' jini. I p'isol jach tsi' subeyob bajche' tsa' mejli i yubiñob.

³⁴ Jini jach ti lajiya tsi' pejcayob. Che' añob ti' bajñel yic'ot xcant'añob i cha'an tsi' subeyob pejtelel i sujmllel.

Jesús tsi' tiq'ui p'atal b_Λ ic'
(Mt. 8.23-27; Lc. 8.22-25)

³⁵ Ti jini jach b_Λ q'uin ti ic'ajel Jesús tsi' subeyob: La' c'axiconla ti junwejl ñajb, che'en.

³⁶ Tsi' subeyob majlel winicob x'ixicob. Tsi' p_Λyayob majlel Jesús che' ya'to an ti barco. Ya'an ja'el yamb_Λ barco tac yic'ot.

³⁷ Tsa' tejchi wen p'atal b_Λ ic'. Tsa' caji i wec'ulan ochel ja' ti barco jinto wolix ti bujt'el.

³⁸ W_Λy_Λlix Jesús ti c'anjol ti wi'ipac' ti' mal barco. Tsa' tili i ñijcañob. Tsi' subeyob: Maestro, ¿mach ba wolic a p'is ti wenta mi caj lac jilel? che'ob.

³⁹ Tsa' ch'ojyi Jesús. Tsi' tiq'ui ic'. Tsi' sube colem ñajb: Ñajch'en, lajmen, che'en. Tsa' lajmi ic'. Ñach'acña pañimil.

⁴⁰ Jesús tsi' subeyob: ¿Chucoch woliyetla ti b_Λq'uen? ¿Chucoch ma'anic mi la' ñop? che'en.

⁴¹ Wen cabal woliyob ti b_Λq'uen. Tsi' c'ajtibeyob i b_Λ: ¿Majqui jini? come jini ic' ja'el yic'ot jini colem ñajb mi' jac'ben i t'an, che'ob.

5

Jini am b_Λ i xibajlel ti' lumal geraseñob
(Mt. 8.28-34; Lc. 8.26-39)

¹ Tsa' c'otiyob ti junwejl colem ñajb ti' lumal jini geraseñob.

² Che' b_Λ tsa' loq'ui Jesús ti barco, juntiquil winic am b_Λ i xibajlel tsa' loq'ui ba'an i yotlel tac ch'ujlel_Λ. Tsa' tili i taj Jesús.

³ Jini winic tsa' chumle ba'an i yotlel tac ch'ujlel_Λ. Ma'anix majqui tsa' mejli i wen c_Λch mi ti cadena.

⁴ Come cabal tsa' wen c_Λjchi i yoc i c'ab ti cadena yic'ot ti' ñejt'ib. Ti ora tsi' bic'ti ts'oco jini cadena. Tsi' top'o i ñejt'ib. Ma'anix majch tsa' mejli i ch_Λn tic'.

⁵ Ti pejtelel ora, ti q'uiñil ti ac'alel, woli ti oñel ya' ti wits yic'ot ya' ba'an i yotlel ch'ujlel_Λ tac. Cabal tsi' lowo i b_Λ ti xajlel.

⁶ Che' b_Λ tsi' ñajti q'uele Jesús, tsa' tili ti ajñel. Tsi' ch'ujutesa.

7 Wen c'am tsi' cha'le t'an ti oñel. Tsi' y_ΛΛ: ¿Chuqui i ye'tel ma' tilel ba' añaon Jesús, i Yalobilet b_Λ Dios jini C'ax Ñuc b_Λ? Mij c'ajtibeñet ti wocol t'an ti' c'aba' Dios mach a tic'lañaon, che'en.

8 Come Jesús tsi' sube: Loq'uen ti jini winic, xiba, che'en.

9 Jesús tsi' c'ajtibe: ¿Chuqui a c'aba'? che'en. Tsi' jac'Λ: J c'aba' Legión come cabalon lojon, che'en.

10 Jini xiba tsi' c'ajtibe ti wocol t'an cha'an ma'anic mi' chocob loq'uel ti' lumal.

11 Ya' ti wits woliyob ti buc'bal bajc'Λ chitam.

12 Pejtelel jini xibajob tsi' c'ajtibeyob ti wocol t'an: Subeñaon lojon majlel ba'an chitam. La' ochicon lojon ti' mal, che'ob.

13 Jesús tsi' b_Λc' ac'Λ i t'an cha'an mi' yochele. Jini xibajob tsa' loq'uiyob. Tsa' ochiyob ti chitam. Ti ajñel jini chitam tsa' laj jubi ti xitil b_Λ wits. Tsa' ochi ti colem ñajb. Tsa' laj ch_Λmi ti ja'. An che' bajche' jo'bajc' chitam.

14 Jini xc_Λnta chitamob ti ajñel tsa' majliyob ya' ti tejclum yic'ot ti xchumt_Λ tac. Tsi' subuyob chuqui tsa' ujtí. Tsa' loq'uiyob tilel winicob x'ixicob cha'an mi' q'uelob chuqui tsa' ujtí.

15 Tsa' tiliyob ba'an Jesús. Tsi' q'ueleyob jini tsa' b_Λ tic'Λnti cha'an xiba che' chucbil i cha'an cab_Λl xibajob. Ya' buchul, l_Λp_Λl i bujc, anix i pusic'al. Tsi' cha'leyob b_Λq'uen.

16 Jini winicob tsa' b_Λ i q'ueleyob tsi' subeyob chuqui tsa' tumbenti jini chucbil b_Λ i cha'an xibajob yic'ot jini chitam tac.

17 Tsa' caji i c'ajtibeñaob Jesús ti wocol t'an cha'an mi' loq'uel majlel Jesús ti' lumalob.

18 Che' b_Λ tsa' ochi Jesús ti barco, jini winic tsa' b_Λ tic'Λnti cha'an xibajob tsi' c'ajtibe wocol t'an come yom ajñel yic'ot Jesús.

19 Jesús ma'anic tsi' p_Λy_Λ. Tsi' sube: Cucu ti a wotot ba'an a pi'Λlob. Subeñaob chuqui tac ñuc tsi' melbeyet a Yum. Subeñaob bajche' tsi' p'untayet, che'en.

20 Tsa' majli jini winic. Tsa' caji i puc t'an ya' ti Decápolis. Tsi' subu chuqui tac ñuc tsi' melbe Jesús. Tsa' toj sajtiyob i pusic'al ti pejtelelob.

Jairo tsi' c'ajti i colt_Λntel iyalobil
(Mt. 9.18-20; Lc. 8.40-42)

21 Che' b_Λ tsa' cha' c'axi Jesús ti junwejl ja' ti barco, tsi' tempayob i b_Λ cab_Λl winicob x'ixicob ti' joytilel. Ya'an Jesús ti' ti' colem ñajb.

22 Tsa' tili juntiquil i yum sinagoga, i c'aba' Jairo. Che' b_Λ tsi' q'uele Jesús, Jairo tsi' ñocchoco i b_Λ ba'an.

23 Tsi' c'ajtibe wocol t'an. Tsi' sube: Wolix ti ch_Λmel xch'oc b_Λ calobil. La' ac'Λ a c'Λb ti' tojlel jini xch'oc cha'an mi' lajmel cha'an mi' colel, che'en.

24 Jesús tsa' majli yic'ot. Cab_Λl winicob x'ixicob tsi' tsajcayob majlel. Tsi' joy ñet'eyob.

Tsi' t_Λl i bujc Jesús juntiquil x'ixic
(Mt. 9.20-22; Lc. 8.43-48)

25 Pero an juntiquil x'ixic mach b_Λ anic tsa' wis tijq'ui i bec' i ch'ich'el lajch_Λmp'ejl jab.

26 Cab_Λl wocol tsi' yubi cha'an cab_Λl sts'Λcayajob. Tsi' laj jisa pejtelel i chub_Λ'an cha'an i tojol i ts'Λc_Λntel. Ma'anic tsa' wis c'oc'a, pero tsa' utsi caji i c'am_Λjel.

27 Che' b_Λ tsi' yubi chuqui tsi' mele Jesús, tsa' tili jini x'ixic ti' pat Jesús ba' temp_Λbilob winicob. Tsi' t_Λlbe i pislel.

28 Jini x'ixic tsi' y_ΛΛ ti' pusic'al: Mi tsa jach c t_Λlbe i pislel, mi caj j c'oc'an, che'en.

29 Ti ora jach tsa' tijq'ui i bec' i ch'ich'el. Tsi' yubi ti' b_Λc'tal lajmenix i c'am_Λjel.

30 Yujil Jesús tsa' c'Λjñi i p'Λt_Λlel. Tsi' b_Λc' sutq'ui i b_Λ ba' joyol i cha'an winicob x'ixicob. Tsi' c'ajtibeyob: ¿Majqui tsi' t_Λl c pislel? che'en.

31 Jini xc_Λnt'añaob i cha'an tsi' jac'Λyob: Awilan woli' joy ñet'et winicob x'ixicob. ¿Chucoch ma' c'ajtibeñaon lojon majqui tsi' t_Λl_Λy_Λet? che'ob.

32 Jesús tsi' can q'uele winicob x'ixicob cha'an mi' q'uel majqui tsi' t_Λl_Λ.

33 Tsa' tili jini x'ixic, tsiltsilña ti b_Λq'uen, come yujil chuqui tsi' mele Jesús ti' tojlel. Tsi' ñocchoco i b_Λ ti' tojel Jesús. Tsi' sube pejtelel i sujmllel.

34 Jesús tsi' sube: Calobil, tsa' lajmiyet cha'an tsa' ñopoyon. Cucu ti' ñ_Λch'tilel a pusic'al. Ajñen ti a c'oc'lel, che'en.

*Tsi' teche ch'ojyel i yalobil Jairo
(Mt. 9.23-26; Lc. 8.49-56)*

³⁵ Che' woli to ti t'an, tsa' tili cha'tiquil ux-tiquil winicob loq'uemo' b_Λ ti' yotot i yum sinagoga. Tsi' y_Λayob: Ch_Λmenix xch'oc b_Λ a walobil. ¿Chucoch wola' ch_Λn m_Λcben q'uin jini Maestro? che'ob.

³⁶ Pero che' b_Λ tsi' yubi Jesús chuqui tsi' y_Λayob, tsi' sube i yum sinagoga: Mach a cha'len baq'uen, ch_Λn ñopo ti a pusic'al, che'en.

³⁷ Jesús tsi' tiq'ui winicob x'ixicob cha'an ma'anic mi' tsajcañob majlel. Jini jach tsi' p_Λya majlel Pedro yic'ot Jacobo yic'ot Juan i yijts'in Jacobo.

³⁸ Tsa' tili ti' yotot i yum sinagoga. Tsi' q'uele ju'ucñayob ti uq'uel winicob x'ixicob. C'am woliyob ti uq'uel.

³⁹ Che' b_Λ tsa' ochi, tsi' c'ajtibeyob: ¿Chucoch ju'ucñayetla? ¿Chucoch woliyetla ti uq'uel? Jini xch'oc mach ch_Λmenic. Woli ti w_Λyel, che'en.

⁴⁰ Jini winicob x'ixicob tsi' tse'tayob. Pero Jesús tsi' chocoyob loq'uel ti pejtelel. Tsi' p_Λya i tat i ña' jini xch'oc yic'ot jini año' b_Λ yic'ot. Tsa' ochi ba' ñolol jini xch'oc.

⁴¹ Tsi' chucbe i c'ab xch'oc. Tsi' sube: Talita cumi, che'en. Mi' y_Λl ti lac t'an: Xch'oc, mic subeñet, ch'ojyen.

⁴² Ti ora tsa' ch'ojyi jini xch'oc. Tsi' cha'le x_Λmbal come anix lajch_Λmp'ejl i jabilel. Ti junyajlel tsa' toj sajtiyob i pusic'al ti pejtelelob.

⁴³ Jesús tsi' wersa subeyob cha'an ma'anic mi' subeñob i pi'lob mi jun-tiquilic. Tsi' subeyob cha'an mi' we'sañob jini xch'oc.

6

*Tsa' ts'a'lenti Jesús ya' ti Nazaret
(Mt. 13.53-58; Lc. 4.16-30)*

¹ Jesús tsa' loq'ui ya'i. Tsa' tili ti' lumal. Jini x_Λnt'añob i cha'an tsi' tsajcayob majlel.

² Ti' q'uiñilel c'aj o Jesús tsa' caji ti c_Λntesa ti sinagoga. Tsa' toj sajti i pusic'al cab_Λlob che' b_Λ tsi' yubibeyob i t'an. Tsi' y_Λayob: ¿Baqui tsi' taja pejtelel jini? ¿Chuqui i ña'tabal tsa' b_Λ aq'uenti? Wen ñuc i ye'tel mu' b_Λ i mel ti' c'ab.

³ ¿Mach ba jinic xjuc'te', i yalobil María, i y_Λscun Jacobo yic'ot José yic'ot Judas yic'ot Simón? ¿Mach ba w_Λ'ic an i yijti'añob la quic'ot? che'ob. Tsa' caji i mich'leñob.

⁴ Jesús tsi' subeyob: Mi' q'uejlel ti ñuc pejtel x'alt'an. Pero ma'anic mi' q'uejlel ti ñuc ya' ti' lumal yic'ot ti' tojlel i pi'lob yic'ot ti' yotot, che'en.

⁵ Ma'anic tsa' mejli i mel ñuc b_Λ i ye'tel ya'i. Tsa' jach i y_Λc'ab i c'ab ti cha'tiquil uxtiquil xc'am_Λjelob. Tsi' lajmesayob.

⁶ Ch'ijiyem i pusic'al Jesús come ma'anic tsi' ñopoyob. Tsa' ñumi majlel ti tejclum tac ti c_Λntesa.

*Tsa' chojquiyob majlel ti subt'an la-
jch_Λntiquil*

(Mt. 10.5-15; Lc. 9.1-6)

⁷ Tsi' p_Λya tilel jini lajch_Λntiquil. Tsa' caji i chocob majlel ti cha'cha'tiquil. Tsi' y_Λq'ueyob i p'at_Λlel ti' contra xibajob.

⁸ Tsi' y_Λq'ueyob mandar cha'an mach yomic chuqui mi' ch'ambob majlel ti bij, cojach i te' ti x_Λmbal. Ma'anic mi' ch'ambob majlel chim, mi waj, mi taq'uin.

⁹ Tsi' subeyob cha'an mi' l_Λpob i cacte'. Mach yomic mi' l_Λpob cha'p'ejl i bujc.

¹⁰ Tsi' subeyob: Baqui jach mi la' wochel ti otot, jijenla ya' i jinto mi la' loq'uel majlel ti jini tejclum.

¹¹ Baqui jach ma'anic mi' p_Λyetla ochel, mi ma'anic mi' jac'beñetla, tijcanla loq'uel i ts'ubeñal la' woc che' mi la' majlel, cha'an mi' q'uelob mach wenic bajche' tsi' meleyob. Isujm mic subeñetla, ñumen wocol mi caj i yubiñob winicob x'ixicob ti jini tejclum ti' yorajlel tojmulil bajche' jini ch'oyolo' b_Λ ti Sodoma yic'ot ti Gomorra, che'en.

¹² Tsa' majliyob jini x_Λnt'añob. Tsi' subuyob t'an cha'an mi' c_Λyob i mul winicob x'ixicob.

¹³ Tsi' chocoyob loq'uel cab_Λl xibajob. Tsi' bombeyob aceite cab_Λl xc'am_Λjelob. Tsi' lajmesayob.

*Tsa' ts_Λns_Λnti Juan tsa' b_Λ i y_Λc'ab ch'ambja'
(Mt. 14.1-12; Lc. 9.7-9)*

¹⁴ Jini rey Herodes tsi' yubi t'an cha'an Jesús, come tsa' wen c_Λjni i c'aba' Jesús. Woli' y_Λlob: Tsa'ix tejchi ch'ojyel ba'an ch_Λmeño' b_Λ jini Juan tsa' b_Λ i y_Λc'ab

ch'Amja'. Jini cha'an cabal mi' tsictiyel i p'Atalel ti' ye'tel, che'ob.

¹⁵ Yaño' b_Λ tsi' lon alayob: Jiñach Elías, che'ob. Yaño' b_Λ tsi' lon alayob: Jiñach x'alt'an che' bajche' x'alt'añoob ti wajali, che'ob.

¹⁶ Che' b_Λ tsi' yubi jini t'an Herodes tsi' y_ΛΛ: Jiñach Juan tsa' b_Λ c set' t'ojbe loq'uel i bic'. Tsa'ix ch'ojyi loq'uel ba'an chameño' b_Λ, che'en.

¹⁷ Come Herodes tsi' choco majlel winic cha'an mi' chuc Juan. Tsi' yotsa Juan ti cárcel cha'an ti' t'an Herodías, i yijñam Felipe, come Herodes tsi' p_Λybe i yijñam i yijts'in.

¹⁸ Juan tsi' sube Herodes: Tic'bil ti mandar ma' p_Λyben i yijñam a wijts'in.

¹⁹ Jini cha'an Herodías tsi' loto i mich'ajel ti' pusic'al ti' contra Juan. Yom i tsansan. Ma'anic tsa' mejli.

²⁰ Come Herodes tsi' b_Λc'ña Juan come yujil tojach, yujil ch'ujulach. Tsi' c_Λnta ti uts'at. Che' b_Λ tsi' yubibe i t'an Juan cabal tsa' caji ti t'an i pusic'al Herodes, pero yom i yubiben i t'an Juan.

²¹ Tsa' tili i yorajlel cha'an mi' mel q'uin Herodes ti' q'uiñilel i jabil. Tsi' p_Λy_Λ tilel yum_Λlob yic'ot capitañoob yic'ot jini wen chumulo' b_Λ ya' ti Galilea.

²² Che' b_Λ tsa' ochi i yalobil Herodías, tsi' cha'le son. Tsa' toj ñuc'a i pusic'al Herodes yic'ot jini año' b_Λ ti mesa. Jini rey tsi' sube jini xch'oc: C'ajtibeñoon chuqui jach a wom. Mi caj c_Λq'ueñet, che'en.

²³ Tsi' wersa wa'choco i t'an. Tsi' sube: Chuqui jach ma' c'ajtibeñoon mi caj c_Λq'ueñet c'Λ_Λ ti yojlil c yum_Λntel, che'en.

²⁴ Tsa' loq'ui majlel xch'oc, tsi' c'ajtibe i ña': ¿Chuqui yom mij c'ajtiben? che'en. I ña' tsi' sube: I jol Juan mu' b_Λ i y_Λc' ch'Amja', che'en.

²⁵ Tsa' b_Λc' ochi ba'an jini rey. Tsi' sube: Ti jini jach b_Λ ora com ma' pit aq'ueñoon ti colem latu i jol Juan mu' b_Λ i y_Λc' ch'Amja', che'en.

²⁶ Wen ch'ijiyem i pusic'al jini rey, come mach yomic i bajñel ñusan i t'an cha'an tsa'ix i wersa wa'choco i t'an ti' tojlel xq'uiñijelob ti mesa.

²⁷ Ti ora jini rey tsi' choco majlel soldado. Tsi' y_Λc'Λ mandar cha'an mi' ch'Amjel tilel i

jol Juan.

²⁸ Tsa' majli jini soldado. Tsi' set' t'ojbe loq'uel i bic' Juan ya' ti cárcel. Tsi' pit ch'Am_Λ tilel i jol ti colem latu. Tsi' y_Λq'ue jini xch'oc. Jini xch'oc tsi' y_Λq'ue i ña'.

²⁹ Che' b_Λ tsi' yubiyob x_Λant'añoob i cha'an Juan, tsa' tiliyob, tsi' ch'Am_Λyob majlel i b_Λc'tal. Tsi' ñolchocoyob ti mucoñibal.

Tsi' we'sa jo'p'ejl mil

(Mt. 14.13-21; Lc. 9.10-17; Jn. 6.1-14)

³⁰ Jini chocbilo' b_Λ majlel ti subt'an tsa' cha' tiliyob ba'an Jesús. Tsi' subeyob pejtelel chuqui tsi' cha'leyob yic'ot pejtelel chuqui tsi' c_Λntesayob.

³¹ Jesús tsi' subeyob: Conla ti lac bajñelil ti jochol b_Λ lum cha'an mi' laj c'aj la co ts'ita', che'en. Come an cabal tilel ñumelob jax b_Λ. Ma'anic tsi' tajbeyob i q'uiñilel cha'an mi' cha'leñoob we'el.

³² Tsa' majliyob ti barco c'Λ_Λ ti jochol b_Λ lum ti' bajñelilob.

³³ Cabal winicob x'ixicob tsi' q'ueleyob Jesús yic'ot x_Λant'añoob che' b_Λ tsa' majliyob. Tsi' c_Λñayob. Jini cha'an ti ajñel tsa' majliyob ti' yoc, ch'oyolo' b_Λ ti pejtelel tejclum tac ti' joytilel. Ñaxan tsa' c'otiyob.

³⁴ Tsa' loq'ui ti barco Jesús. Tsi' q'uele bajc'Λ_Λ winicob x'ixicob. Tsi' p'untayob come lajalob bajche' tiñame' mach b_Λ anic x_Λantaya i cha'añoob. An cabal chuqui tsa' caji i c_Λntesañoob.

³⁵ Che' wolix ti b_Λjlel q'uin, tsa' tiliyob jini x_Λant'añoob i cha'an ba'an Jesús. Tsi' y_ΛΛyob: Jochol jini lum. Wolix ti b_Λjlel q'uin.

³⁶ Chocoyob majlel cha'an mi' majlelob ti xchumt_Λ tac yic'ot ti tejclum tac ti' joytilel cha'an mi' mañoob waj, come ma'anic chuqui mi' c'uxob, che'ob.

³⁷ Jesús tsi' subeyob: Aq'ueñoob jatetla chuqui mi' c'uxob, che'en. Tsi' c'ajtibeyob: ¿A wom ba mic majlel lojon cha'an mic m_Λn lojon lujunc'al denario waj cha'an mi' la c_Λq'ueñoob i c'ux? che'ob.

³⁸ Jesús tsi' c'ajtibeyob: ¿Jayq'uejl waj an la' cha'an? Cucula, q'uelela, che'en. Che' yujilob, tsi' subeyob: Jo'q'uejl yic'ot cha'cojt ch_Λy, che'ob.

³⁹ Jesús tsi' y_Λq'ueyob mandar cha'an mi' subeñob buchtal ti pejtelelob ti jujunmojt ti y_Λgy_Λx b_Λ jam.

⁴⁰ Tsa' buchleyob ti jujunmojt ti jo'jo'c'al tac yic'ot ti lujump'ejl i yuxc'al tac.

⁴¹ Jesús tsi' ch'Λm_Λ jini jo'q'uejl waj yic'ot cha'cojt ch_Λy. Che' b_Λ tsi' letsa i wut ti panchan tsi' cha'le oración. Tsi' xet'e jini waj. Tsi' y_Λq'ue xcant'añob i cha'an, cha'an mi' pucbeñob winicob x'ixicob. Tsi' xut'u ja'el jini cha'cojt ch_Λy cha'an mi' laj aq'uentelob.

⁴² Ti pejtelelob tsi' cha'leyob we'el. Tsa' ñaj'ayob.

⁴³ Tsi' lotoyob lajch_Λmp'ejl chiquib but'ul ti' xejt'il waj yic'ot ch_Λy.

⁴⁴ Jo'p'ejl mil winicob tsi' c'uxuyob waj.

*Jesús tsi' cha'le x_Λmbal ti pam ñajb
(Mt. 14.22-33; Jn. 6.15-21)*

⁴⁵ Jesús tsi' b_Λc' sube ochel xcant'añob i cha'an ti barco cha'an ñaxan mi' majlelob ti Betsaida ti junwejl ja'. Tsa' bajñel c_Λle i subeñob sujtél winicob x'ixicob.

⁴⁶ Che' b_Λ tsa' ujtí i chocob majlel, tsa' letsí majlel ti bujt_Λl cha'an mi' pejcan Dios.

⁴⁷ Che' ti ic'ajel, ya'an barco ti ojilil colem ñajb. Ya'an Jesús ti lum ti' bajñelil.

⁴⁸ Tsi' q'uele wocol woli' nijcañob majlel barco jini xcant'añob come jini ic' woli' cujob. Che' yomix s_Λc'an tsa' tili Jesús ba' añob. Woli ti x_Λmbal tilel ti pam ja'. Tsi' ña'ta Jesús i ñusañob.

⁴⁹ Che' b_Λ tsi' q'ueleyob woli ti x_Λmbal Jesús ti pam ja' jini xcant'añob tsi' lon ña'tayob i ch'ujlel jach winic. C'am tsi' cha'leyob oñel.

⁵⁰ Come ti pejtelel xcant'añob tsi' q'ueleyob. Tsi' wen cha'leyob b_Λq'uen. Pero Jesús tsi' b_Λc' pejcayob. Tsi' subeyob: Tijicñesan la' pusic'al. Come joñ_Λñ_Λch, mach la' cha'len b_Λq'uen, che'en.

⁵¹ Tsa' ochi Jesús ba' añob ti barco. Tsa' lajmi ic'. Ti junyajlel tsa' toj sajtiyob i pusic'al xcant'oñob cha'an b_Λq'uen.

⁵² Come maxto anic tsi' ch'Λmbeyob isujm chuqui tsa' p_Λs Bentleyob ti waj, come tsatsob i pusic'al.

*Jesús tsi' lajmesa xc'am_Λjelob ya' ti Genesaret
(Mt. 14. 34-36)*

⁵³ Che' b_Λ tsa' c'axiyob ti junwejl ja', tsa' c'otiyob ti lum ya' ti Genesaret. Tsi' c_Λch_Λyob barco.

⁵⁴ Che' b_Λ tsa' loq'ui Jesús ti barco, ti ora tsi' c_Λñ_Λyob jini winicob x'ixicob.

⁵⁵ Ti ajñel tsa' majliyob ti pejtelel lum ti' joytilel. Baqui jach tsa' ñumi Jesús tsi' ch'uyuyob tilel xc'am_Λjelob ti' w_Λyib che' b_Λ tsi' yubiyob ya'an Jesús.

⁵⁶ Baqui jach tsa' ochi, mi ti a_Λ tejclum mi ti colem tejclum mi ti xchumt_Λl tac, tsa' tiliyob winicob i ñolchocoñob xc'am_Λjelob ti calle. Tsi' c'ajtibeyob ti wocol t'an, come yomob i t_Λben anquese jini jach i ti' i pislel Jesús. Pejtelel tsa' b_Λ i t_Λl_Λyob tsa' c'oc'ayob.

7

*Jini mu' b_Λ i bibesan winic
(Mt. 15.1-20)*

¹ Tsi' tempayob i b_Λ fariseojob yic'ot cha'tiquil uxtiquil sts'ijbayajob ch'oyolo' b_Λ ti Jerusalén. Tsa' tiliyob ba'an Jesús.

² Tsi' q'ueleyob an xcant'añob i cha'an mu' b_Λ i c'uxob waj che' mach pocbilic i c'Λb. Tsi' ts'a'leyob.

³ Come fariseojob yic'ot pejtelel judíojob mi' yesmañob i subal i ñojte'el. Jini cha'an, ma'anic mi' cha'leñob we'el mi ma'anic mi' pocob i c'Λb.

⁴ Che' mi' sujtéllob ti choñonib_Λl tac, mi ma'anic mi' pocob i b_Λ, ma'anic mi' cha'leñob we'el. An to cab_Λl i subal i ñojte'el mu' b_Λ i bej esmañob. I tilel_Λch mi' pocob tsima yic'ot p'ejt, yic'ot latu melbil b_Λ ti tsucu taq'uin.

⁵ Jini fariseojob yic'ot sts'ijbayajob tsi' c'ajtibeyob: ¿Chucoch mi' ñus_Λbeñob i subal lac ñojte'el jini xcant'añob a cha'an? ¿Chucoch mi' cha'leñob we'el che' bibi'ob i c'Λb? che'ob.

⁶ Jesús tsi' subeyob: Cha'p'ejax la' pusic'al. Isujm chuqui tsi' subu Isaías che' b_Λ tsi' tajayetla ti t'an che' bajche' ts'ijbubil: "Ti' yej jach mi' subob c' ñuclél jini winicob x'ixicob, pero ti' pusic'al ma'anic mi' l_Λc'oñ_Λob.

⁷ Lolom jach mi' ch'ujjutesañob, come jiñ_Λch i mandar tac winicob woli b_Λ i cantesañob", che'en Jesús.

⁸ Come mi la' c_Λyben i mandar Dios. Mi la' wen ñop i subal la' ñojte'el.

⁹ Mi la' w_Λ uts'at mi la' ñ_{us}Λben i mandar Dios cha'an mi la' wen ñ_{op} i subal la' ñ_{ojte}'el.

¹⁰ Moisés tsi' y_ΛΛ: “Q'uele ti ñ_{uc} a tat a ña'. Jini mu' b_Λ i p'aj i tat i ña' mi caj i wersa ch_Λmel”, che'en.

¹¹ Pero jatetla mi la' w_Λ uts'at mi subeñob i tat i ña' ma'anic chuqui mi mejlel i y_Λq'ueñob cha'an mi' coltañob, come Corbán i chub_Λ'an mi' y_Λlob. (Jini Corbán mi' y_Λ ti lac t'an: Jiñ_Λch mu' b_Λ c_Λq'uen Dios.)

¹² Che' jini, ma'anic mi la' w_Λq'ueñob i coltan i tat i ña'.

¹³ Mi la' jis_Λben i c'Λjñibal i t'an Dios cha'an jach i subal la' ñ_{ojte}'el mu' b_Λ la' cha' suben la' walobilob. An cab_Λ chuqui leco mi la' cha'len che' bajche' jini, che'en.

¹⁴ Jesús tsi' cha' p_Λy_Λ tilel pejtelel winicob x'ixicob. Tsi' subeyob: Ñich'tañon ti la' pejtelel. Ch'Λmbenla isujm, che'en.

¹⁵⁻¹⁶ Ti pañimil ma'anic chuqui c'uxbil b_Λ mu' b_Λ i bibes_Λben i pusic'al winicob. Jini mu' b_Λ i loq'uel ti' pusic'al winic, jiñ_Λch mu' b_Λ i bibesan. Majqui jach an i chiquin cha'an mi yubin, la' i yubin. Che' tsi' y_ΛΛ Jesús.

¹⁷ Jesús tsi' c_Λy_Λ winicob x'ixicob. Che' b_Λ tsa' ochi ti otot, jini x_Λant'añob i cha'an tsi' c'ajtibeyob i sujmllel jini lajiya.

¹⁸ Jesús tsi' c'ajtibeyob: ¿Jatetla ja'el, mach ba anic mi la' ch'Λmben isujm? ¿Mach ba anic mi la' ña'tan ma'anic mi' bibesan winic jini mu' tac b_Λ i yochel ti' mal?

¹⁹ Come ma'anic mi' yochel ti' pusic'al, jini jach ti' ñ_Λc'. Ñumel jach mi' ñumel, che'en Jesús. Che'Λch tsi' c_Λntesayob s_Λc pejtelel i b_Λ lac ñ_Λc'.

²⁰ Jesús tsi' y_ΛΛ: Jini mu' b_Λ i loq'uel ti winic mi' bibesan winic.

²¹ Come ch'oyol ti' pusic'al winicob x'ixicob mi' tilel cab_Λl jontol b_Λ i ña't_Λbal, yic'ot i ts'i'lel, yic'ot i tajol i yixic, yic'ot ts_Λnsa,

²² yic'ot xujch', yic'ot i mul_Λntel chub_Λ'añ_Λ, yic'ot jontolil, yic'ot lotiya, yic'ot i bibi'lel, yic'ot ts_Λyts_Λyna b_Λ i pusic'al cha'an i wenlel yaño' b_Λ, yic'ot p'ajoñel, yic'ot i p'isol i b_Λ ti ñ_{uc} yic'ot i tontojlel.

²³ Come ch'oyol ti' pusic'al winicob mi' tilel pejtelel jini jontolil. Mi' bibesan wini-

cob x'ixicob, che'en Jesús.

X'ixic ch'oyol b_Λ ti Sirofenicia

(Mt. 15.21-28)

²⁴ Tsa' wa'le Jesús, tsa' loq'ui majlel c'Λ_Λl ti lumal Tiro. Tsa' ochi ti otot. Mach yomic mi' ña'tañob mi ya'an, pero ma'anic ba' tsa' mejli ti mucul ajñel.

²⁵ Juntiquil xch'oc an i xib_Λjlel. I ña' jini xch'oc tsi' yubi ya'an Jesús. Tsa' b_Λc' tili i ñocchocon i b_Λ ti' tojel.

²⁶ Jini x'ixic griega, ch'oyol ti Sirofenicia. Tsi' c'ajtibe wocol t'an cha'an mi' choc loq'uel xiba ti' yalobil.

²⁷ Jesús tsi' sube: La' ñaxan we's_Λntic alobob, come mach uts'atic mi lac chilben i waj alobob cha'an mi lac chocben ts'i', che'en.

²⁸ Jini x'ixic tsi' jac'Λ: Melel_Λch c Yum. Pero jini ts'i' ti' yebal mesa mi' c'ux i xujt'il i waj alobob, che'en.

²⁹ Jesús tsi' sube: Cha'an jini t'an tsa' b_Λ a subeyon mi mejlel a majlel. Tsa'ix loq'ui xiba ti a walobil, che'en.

³⁰ Che' b_Λ tsa' c'oti x'ixic ti' yotot tsi' taja i yalobil ñolol ti' w_Λyib. Loq'uemix jini xiba.

Jesús tsi' lajmesa x'uma' winic

³¹ Jesús tsa' cha' loq'ui ti lum i c'aba' Tiro. Che' b_Λ tsa' ñumi ti Sidón, tsa' c'oti ti Galilea ñajb. Woli' x_Λn ñumel Decápolis.

³² Winicob x'ixicob tsi' p_Λy_Λyob tilel juntiquil xcojc. Wocol mi' cha'len t'an. Tsi' c'ajtibeyob cha'an mi' y_Λc' i c'Λb ti' jini winic.

³³ Jesús tsi' p_Λy_Λ tilel ti' bajñel, parte an winicob x'ixicob. Tsi' yotsa i yal i c'Λb ti' chiquin. Tsi' cha'le tujb. Tsi' t_Λbe i yac'.

³⁴ Jesús tsi' letsa i wut ti panchan, c'am tsi' jac'Λ i yo. Tsi' sube: Efata, che'en, mu' b_Λ i y_Λl ti lac t'an: La' jajmic.

³⁵ Tsa' jajmi i chiquin winic. Tsa' jijti i yac'. Toj tsa' loq'ui i t'an.

³⁶ Jesús tsi' wersa subeyob cha'an ma'anic mi' subeñob yaño' b_Λ mi juntiquilic. Ti jujunyajl che' b_Λ tsi' tiq'uiyob, ñumen tsi' pucuyob t'an.

³⁷ C'ax cab_Λl tsa' toj sajtiyob i pusic'al winicob x'ixicob. Tsi' y_ΛΛyob: Uts'at pejtelel chuqui tac tsi' mele. Mi' y_Λq'uen i yubin t'an jini xcojc. Mi' y_Λq'uen i cha'len t'an jini x'uma', che'ob.

8

Tsi' we'sa champ'ejl mil
(Mt. 15.32-39)

¹ Ti yamb^Λ q'uin, che' cha' temp^Λbil bajc'^Λl winicob x'ixicob, che' ma'anic chuqui mi' c'uxob, Jesús tsi' p^Λya tilel xcant'añob i cha'an. Tsi' subeyob:

² Mic p'untan jini winicob x'ixicob, come uxp'ejlix q'uin w^Λ añob quic'ot. Ma'anic chuqui mi' c'uxob.

³ Muq'uc c chocob majlel ti' yotot che' wiñayobix, mi' c'un'añob ti bij, come ojilil ch'oyolob ti ñajtal, che'en.

⁴ Jini xcant'añob i cha'an tsi' c'ajtibeyob: ¿Baqui mi mejlel i tajtal waj ilayi ti jochol b^Λ lum cha'an mi' we'santelob? che'ob.

⁵ Jesús tsi' c'ajtibeyob: ¿Jayq'uejl waj an la' cha'an? che'en. Tsi' subeyob: Wucq'uejl, che'ob.

⁶ Jesús tsi' sube winicob x'ixicob cha'an mi' bucht^Λlob ti lum. Tsi' ch'^Λma jini wucq'uejl waj. Che' b^Λ tsi' sube Dios wocolix i y^Λla, tsi' xet'e. Tsi' y^Λq'ue xcant'añob i cha'an, cha'an mi' pucbeñob winicob x'ixicob. Jini xcant'añob tsi' y^Λq'ueyob.

⁷ An i cha'añob ja'el ts'ita' ch^Λy. Jesús tsi' cha'le oración. Tsi' subeyob cha'an mi y^Λq'ueñob ja'el.

⁸ Tsi' cha'leyob we'el. Tsa' ñaj'ayob. Tsi' lotoyob i xujt'il, wucp'ejl colem chiquib but'ul.

⁹ An che' bajche' ch^Λmp'ejl mil tsa' b^Λ i c'uxuyob. Ti wi'il Jesús tsi' subeyob majlel.

¹⁰ Tsa' b^Λc' ochi ti barco yic'ot xcant'añob i cha'an. Tsa' majli ya' ti Dalmanuta.

Yomob i q'uel i yejtal i p'^Λtal lel Jesús
(Mt. 16.1-4; Lc. 12.54-56)

¹¹ Jini fariseojob tsa' b^Λ tiliyob tsa' caji i contrajiñob ti t'an. Tsi' c'ajtibeyob Jesús cha'an mi' pasbeñob i yejtal i p'^Λtal lel ti panchan. Che'i tsi' yil^Λbeyob i pusic'al.

¹² C'am tsi' jac'^Λ i yo Jesús. Tsi' y^Λla: ¿Chucoch yomob i q'uel i yejtal c p'^Λtal lel jini año' b^Λ ti pañimil w^Λle? Isujm mic subeñetla, ma'anic mi caj i y^Λq'uentelob i q'uel i yejtal c p'^Λtal lel jini winicob año' b^Λ ti pañimil w^Λle, che'en.

¹³ Jesús tsi' c^Λyayob. Tsa' cha' ochi ti barco. Tsa' c'axi ti junwejl ja'.

I levadura fariseojob
(Mt. 16.5-12)

¹⁴ Tsa' ñaj^Λyi i ch'^Λmob tilel waj. Ya' junq'uejl jach an i waj ti barco.

¹⁵ Jesús tsi' subeyob: Ch^Λc^Λ q'uele la' b^Λ cha'an i levadura fariseojob yic'ot i levadura Herodes, che'en.

¹⁶ Tsa' caji i pejcañob i b^Λ. Tsi' y^Λlayob: Ma'anic lac waj, che'ob.

¹⁷ Yujil Jesús chuqui woli' y^Λlob. Tsi' subeyob: ¿Chucoch woliyetla ti t'an cha'an ma'anic la' waj? ¿Mach ba anic mi la' ña'tan? ¿Mach ba anic mi la' ch'^Λm^Λben isujm? ¿Tsats to ba la' pusic'al?

¹⁸ An la' wut. ¿Mach ba anic mi la' q'uel? An la' chiquin. ¿Mach ba anic mi la' wubin? ¿Mach ba c'ajalic la' cha'an?

¹⁹ Che' b^Λ tsac xet'e jini jo'q'uejl waj cha'an jo'p'ejl mil, ¿jayp'ejl chiquib but'ul ti' xujt'il tsa' la' loto? che'en. Tsi' subeyob: Lajch^Λmp'ejl, che'ob.

²⁰ Che' wucq'uejl waj cha'an ch^Λmp'ejl mil, ¿jayp'ejl colem chiquib but'ul ti' xujt'il tsa' la' loto? che'en. Tsi' subeyob: Wucp'ejl, che'ob.

²¹ Jesús tsi' subeyob: ¿Maxto ba anic mi la' ch'^Λm^Λben isujm? che'en.

Tsi' lajmesa xpots' ya' ti Betsaida

²² Ya' tsa' c'oti Jesús ti Betsaida. Winicob tsi' p^Λyayob tilel xpots' ba'an Jesús. Tsi' c'ajtibeyob ti wocol t'an cha'an mi' tal jini xpots'.

²³ Jesús tsi' chucbe i c'^Λb jini xpots'. Tsi' p^Λya loq'uel ti tejclum. Tsi' tujb^Λbe i wut. Tsi' y^Λc'^Λ i c'^Λb ti jini xpots'. Tsi' c'ajtibe mi an chuqui woli' q'uel.

²⁴ Jini xpots' tsi' letsa i wut. Tsi' sube: Mij q'uel winicob che' yilalob bajche' te', woliyob ti x^Λmbal, che'en.

²⁵⁻²⁶ Jesús tsi' cha' ac'^Λ i c'^Λb ti' wut. Tulul i wut tsa' caji i q'uel pañimil. Cha' c'oq'uix. Ñajt tsa' c'oti i wut. Wen tsiquil tsi' queleyob ti pejtelelob. Jesús tsi' choco majlel ti' yotot. Tsi' sube: Mach ma' wochel ti tejclum, che'en.

Pedro tsi' y^Λla: Jatet Cristojet
(Mt. 16.13-20; Lc. 9.18-21)

²⁷ Tsa' majli Jesús yic'ot xcant'añob i cha'an. Tsa' ñumiyob ti tejclum tac ya' ti Cesarea Filipino. Che' añob to ti bij, Jesús tsi'

c'ajtibeyob xcant'añob i cha'an: ¿Majquiyon mi yalob winicob? che'en.

²⁸ Tsi' subeyob: Ojlil mi' yalob Juanet tsa' bΛ i yΛc'Λ ch'Λmja'. Yaño' bΛ mi' yalob Elías. Yaño' bΛ mi' yalob juntiquil x'alt'añet, che'ob.

²⁹ Jesús tsi' c'ajtibeyob: Jixcu jatetla, ¿majquiyon mi la' wΛ? che'en. Pedro tsi' sube: Jatet Cristojet, jini yajcΛbil bΛ, che'en.

³⁰ Pero Jesús tsi' wersa tiq'uiyob cha'an ma'anic mi' subeñob winicob mi juntiquilic.

Jesús tsi' subu bajche' mi caj i chamel
(Mt. 16.21-28; Lc. 9.22-27)

³¹ Jesús tsa' caji i cantesañob. Tsi' yΛΛ wersa mi' yubin cabΛ wocol i Yalobil Winic, mi' ts'a'lentel cha'an xñoxob año' bΛ i ye'tel yic'ot ñuc bΛ motomajob yic'ot sts'ijbayajob. Mi' tsΛnsantel. Mi' ch'ojyel ti yuxp'ejl q'uin.

³² Wen tsiquil i sujmllel i t'an Jesús tsa' bΛ i subeyob. Jini cha'an Pedro tsi' pΛyΛ majlel. Tsa' caji i tic'.

³³ Pero Jesús tsi' sutq'ui i bΛ i q'uel xcant'añob i cha'an. Tsa' caji i tic' Pedro. Jesús tsi' sube: TΛts'Λ a bΛ ba' añoñ Satanás, come ma'anic ma' ch'Λmben isujm chuqui yom Dios, cojach ma' ch'Λmben isujm chuqui yom winicob, che'en.

³⁴ Jesús tsi' pΛyΛ tilel tempΛbilo' bΛ winicob x'ixicob yic'ot xcant'añob i cha'an. Tsi' subeyob: Mi an majqui yom i tsajcañon, la' i len cΛy chuqui yom i bajñel pusic'al. La' i ch'Λm i cruz. La' i tsajcañon.

³⁵ Majqui jach yom i bajñel cantan i ch'ujlel mi caj i sat. Jini mu' bΛ i yΛc' i ch'ujlel cha'añon yic'ot cha'an jini wen t'an mi caj i cantan.

³⁶ ¿Come chuqui mi' taj winic mi tsi' lon ch'ΛmΛ pejtelel pañimil pero mi tsi' satΛ i ch'ujlel?

³⁷ ¿Chuqui mi mejlel i yΛc' winic cha'an mi' cha' taj i ch'ujlel che' tsa'ix i satΛ?

³⁸ Majqui jach mi' cha'len quisin cha'añon yic'ot cha'an c t'an ti' tojlel winicob x'ixicob año' bΛ i ts'i'lel yic'ot i jontolil, i Yalobil Winic ja'el mi caj i cha'len quisin cha'an jini winic che' mi' tilel ti' ñuclel i Tat yic'ot jini ch'ujul bΛ ángelob. Che' tsi' yΛΛ Jesús.

9

¹ Jesús tsi' subeyob: Isujm mic subeñetla, lamital ili wa'alo' bΛ ma'anic mi caj i chΛmelob jinto mi' q'uelob i yumΛntel Dios che' mi' tilel ti' p'ΛtΛlel, che'en.

Tsa' yajñi Jesús
(Mt. 17.1-13; Lc. 9.28-36)

² Che' ñumenix wΛcp'ejl q'uin Jesús tsi' pΛyΛ majlel Pedro yic'ot Jacobo yic'ot Juan. Tsi' toj'esayob majlel ti' bajñelob c'ΛlΛ ti chan bΛ wits. Tsa' yajñi Jesús ti' wutob i pi'Λlob.

³ Tsa' sac'a i pislel, ts'Λylaw i saclel che' bajche' i ña'al tsañal. Ma'anic ti pañimil chuqui mi mejlel i sac'uesan bajche' jini.

⁴ Tsa' tsictiyob Elías yic'ot Moisés. Woliyob ti t'an yic'ot Jesús.

⁵ Pedro tsi' sube Jesús: Maestro, uts'at che' wΛ' añoñla ilayi. La' c mel lojon uxp'ejl lejchempat, jump'ejl cha'añet, jump'ejl cha'an Moisés, jump'ejl cha'an Elías, che'en.

⁶ Come Pedro mach yujilic chuqui woli' yΛ, come woliyob ti cabΛ bΛq'uen.

⁷ Tsa' tili total. Tsi' mosoyob. Tsa' tili t'an ti total. Tsi' yΛΛ: Jiñach calobil, c'ux bΛ mi cubin. Ñich'tanla, che'en.

⁸ Jini xcant'añob che' bΛ tsi' joy q'ueleyob pañimil, tsi' q'ueleyob ma'anix majqui ya'an yic'otob, i bajñel jach Jesús.

⁹ Che' woli' jubelob tilel ti wits, Jesús tsi' tiq'uiyob cha'an ma'anic mi' subeñob winicob mi juntiquilic chuqui tsi' q'ueleyob jinto mi' cha' ch'ojyel i Yalobil Winic ba'an chΛmeño' bΛ.

¹⁰ Jini xcant'añob tsi' cantayob jini t'an ti' pusic'al. Tsi' c'ajtibeyob i bΛ chuqui i sujmllel jini t'an "mi' cha' ch'ojyel ba'an chΛmeño' bΛ".

¹¹ Tsi' c'ajtibeyob: ¿Chucoch mi' yalob sts'ijbayajob wersa mi' ñaxan tilel Elías? che'ob.

¹² Jesús tsi' subeyob: IsujmΛch ñaxan tal Elías. Mi caj i cha' toj'esan pejtelel chuqui an. ¿Mach ba ts'ijbubilic: "Wersa mi' ñusan cabΛ wocol i Yalobil Winic, wersa mi' ts'a'lentel ja'el"?

¹³ Mic subeñetla tsa'ix tili Elías. Winicob x'ixicob tsi' tic'layob bajche' jach yomob che' bajche' ts'ijbubil, che'en.

Jesús tsi' lajmesa ch'iton am bΛ i juquin chΛmel

(Mt. 17. 14-21; Lc. 9. 37-43)

14 Che' bΛ tsa' tili ba'an xcΛnt'añob, tsi' q'uele bajc'Λl winicob x'ixicob ti' joytilel. Jini sts'ijbayajob woliyob ti cabΛl t'an yic'otob.

15 Ti ora tsa' toj sajtiyob i pusic'al pejtelel jini winicob x'ixicob che' bΛ tsi' q'ueleyob Jesús. Ti añel tsa' tiliyob ba'an. Tsi' yΛq'ueyob cortesía.

16 Jesús tsi' c'ajtibeyob: ¿Chucoch woliyetla ti cabΛl t'an? che'en.

17 Juntiquil ya' bΛ an yic'otob tsi' sube: Maestro, tsac pΛyΛ tilel calobil ba' añet. An i xibΛjlel mu' bΛ i yotsan ti x'uma'.

18 Baqui jach mi' chuc, mi' choc jubel. Mi' loq'uel i lojc i yej. Quech'ecña mi' mel i bΛquel i yej. Mi' tsΛts'an i c'Λb i yoc. Tsac sube xcΛnt'añob a cha'an, cha'an mi' chocob loq'uel. Ma'anic tsa' mejliyob, che'en.

19 Jesús tsi' subeyob: ¡Winicob x'ixicob año' bΛ wΛle mach bΛ anic mi' la' ñop! ¿Jayp'ejl to q'uin wΛ' añon la' wic'ot? ¿Jayp'ejl to q'uin mic wersa cuchbeñetla la' sajtemal? PΛyΛla tilel ba' añon, che'en.

20 Tsi' pΛyΛyob tilel jini ch'iton ba'an Jesús. Jini xiba che' bΛ tsi' q'uele Jesús, tsi' bΛc' ac'Λ jini ch'iton ti juquin chΛmel. Tsa' yajli jini ch'iton ti lum. Tsi' pach'i i bΛ. Tsa' loq'ui i lojc i yej.

21 Jesús tsi' c'ajtibe i tat: ¿Jayp'ejlix jab tsa' caji jini? che'en. I tat tsi' sube: C'ΛlΛ che' alΛ to, che'en.

22 CabΛl tsi' choco ochel ti c'ajc yic'ot ti ja' cha'an mi' tsΛnsan. Mi an chuqui mi mejlel a mel, p'untañon lojon, coltañon lojon, che'en.

23 Jesús tsi' sube: Mi tsa' mejli a ñop, jini mu' bΛ i ñop mi mejlel ti melbentel pejtelel chuqui tac yom, che'en.

24 Ti ora i tat jini ch'iton tsi' cha'le c'am bΛ t'an. Tsi' yΛΛ: Mic ñop. Chocbeñon loq'uel tile bixel bΛ c pusic'al, che'en.

25 Jesús tsi' tiq'ui xiba che' bΛ tsi' q'uele woli' tempañob i bΛ cabΛl winicob x'ixicob. Tsi' sube xiba: Mic subeñet xiba, mu bΛ a wotsan jini ch'iton ti x'uma' ti xcojc, loq'uen ti jini ch'iton. Mach ma' chΛn ochel ti pejtelel ora, che'en.

26 Tsi' cha'le oñel xiba. Tsi' cha' ac'Λ ti juquin chΛmel jini ch'iton che' bΛ tsa' loq'ui ti' pusical. Che' bajche' chΛmen tsa' cΛle jini ch'iton. Jini cha'an cabΛl tsi' yΛΛyob: ChΛmenix, che'ob.

27 Jesús tsi' chucbe i c'Λb jini ch'iton. Tsi' teche. Tsa' ch'ojyi jini ch'iton.

28 Jesús tsa' ochi ti otot. Jini xcΛnt'añob i cha'an tsi' bajñel c'ajtibeyob: ¿Chucoch ma'anic tsa' mejli c choc lojon loq'uel? che'ob.

29 Jesús tsi' subeyob: Mach mejlic ti chojquel loq'uel jini xiba, cojach ti oración, che'en.

Jesús tsi' cha' subu bajche' mi caj i chΛmel
(Mt. 17.22-23; Lc. 9.43-45)

30 Tsa' loq'uiyob majlel ya'i. Tsa' ñumiyob ti Galilea. Mach yomic Jesús mi' ña'tañob mi ya'an.

31 Come woli' cΛntesan majlel xcΛnt'añob i cha'an. Tsi' subeyob: Mi caj i yΛjq'uel i Yalobil Winic ti' c'Λb winicob mu' bΛ caj i tsΛnsañob. Che' chΛmenix mi caj i cha' ch'ojyel ti' yuxp'ejlel q'uin, che'en.

32 Ma'anic tsi' ch'Λmbeyob isujm jini t'an. Ma'anic tsi' c'ajtibeyob i sujmllel come woliyob ti bΛq'uen.

¿Majqui ñumen ñuc ti' yumΛntel Dios?
(Mt. 18.1-5; Lc. 9.46-48)

33 Tsa' c'oti ya' ti Capernaum. Che' bΛ tsa' ochi ti otot, tsi' c'ajtibeyob: ¿Chuqui ti t'an tsa' la' wΛΛ ti bij? che'en.

34 Ma'anic chuqui tsi' jac'Λyob, come tsi' cΛΛx pejcayob i bΛ ti bij cha'an woli' bajñel yajcañob majqui ñumen ñuc mi' caj ti ajñel ti' tojlelob.

35 Tsa' buchle Jesús. Tsi' pΛyΛ tilel jini lajchΛntiquil. Tsi' subeyob: Majqui yom ajñel ti c'ax ñuc ti la' tojlel wersa mi' mel i bΛ ti c'ax ch'o'ch'oc. Wersa mi' coltañetla ti pejteleletla.

36 Tsi' pΛyΛ tilel juntiquil alob. Tsi' yΛc'Λ ti ojilil ba' añob. Che' bΛ tsi' meq'ue, tsi' subeyob:

37 Majqui jach mi' c'uxbin tij c'aba' juntiquil alΛ che' bajche' jini, mi' c'uxbiñon. Jini mu' bΛ i c'uxbiñon mach joñonic jach mi' c'uxbin. Mi' c'uxbin ja'el c Tat tsa' bΛ i chocoyon tilel, che'en.

Jini mach b_Λ anic mi' contrajiñonla woli' coltañonla

(Lc. 9.49-50; Mt. 10.42)

³⁸ Juan tsi' sube: Maestro, tsaj q'uele lojon juntiquil mu' b_Λ i choc loq'uel xiba-job ti a c'aba', pero ma'anic mi' tsajcañon lojon. Tsac tiq'ui lojon come ma'anic mi' tsajcañon lojon, che'en.

³⁹ Pero Jesús tsi' sube: Mach mi la' tic' come ma'anic majch mi' cha'len p'at_Λ b_Λ e'tel tij c'aba' mu' b_Λ i p'ajon ti ora.

⁴⁰ Come jini mach b_Λ anic mi' contrajiñonla, mi' coltañonla.

⁴¹ Come majqui jach mi' y_Λq'ueñetla jump'ejl tsuma ja' tij c'aba' come i cha'añetla Cristo, isujm mic subeñetla, ma'anic mi caj i s_Λt i chobejt_Λbal.

Jini mu' b_Λ i y_Λsañonla ti mulil

(Mt. 18.6-9; Lc. 17.1-2; Mt. 5.13; Lc. 14.34-35)

⁴² Majqui jach mi' y_Λsan ti mulil juntiquil ch'o'ch'oc b_Λ mu' b_Λ i ñopon, mach uts'atic mi caj i yujtel. Ñumen uts'at tsa'ic ñaxan c_Λjchi ña'atun ti' bic' jini winic cha'an mi' chojq_Λuel ochel ti ñajb.

⁴³ Mi woli' y_Λsañet ti mulil a c'ab, tsepe loq'uel. Uts'at mi tsa' taja a cuxt_Λlel che' xbor c'abet. Mach uts'atic mi ti cha'ts'ijt a c'ab ma' majlel ti infierno, ti jini c'ajc mach b_Λ yujilic yajpel,

⁴⁴ ba' ma'anic mi' ch_Λmel i motso'lel, ba' ma'anic mi' yajpel jini c'ajc ti pejtelel ora.

⁴⁵ Mi woli' y_Λsañet ti mulil a woc, tsepe loq'uel. Uts'at mi tsa' taja a cuxt_Λlel che' xbor oquet. Mach uts'atic mi ti cha'ts'ijt a woc ma' chojq_Λuel ochel ti c'ajc

⁴⁶ ba' ma'anic mi' ch_Λmel i motso'lel, ba' ma'anic mi' yajpel c'ajc ti pejtelel ora.

⁴⁷ Mi woli' y_Λsañet ti mulil a wut, loc'san. Uts'at che' ma' wochel ti' yum_Λntel Dios yic'ot jump'ejl jach a wut. Mach uts'atic che' cha'p'ejl a wut ma' chojq_Λuel ochel ti c'ajc,

⁴⁸ ba' ma'anic mi' ch_Λmel i motso'lel, ba' ma'anic mi' yajpel c'ajc ti pejtelel ora.

⁴⁹ Come ti pejtelel pañimil mi caj i yots_Λbentelob i y_Λts'mil che' mi' ñusañob wocol. Come pejtelel majtan_Λ mu' b_Λ i ts_Λns_Λntel mi caj i yots_Λbentel i y_Λts'mil ti ats'am.

⁵⁰ Uts'at ats'am. Pero mi tsa' sajti i tsajel, ¿bajche' mi mejlel la' cha' tsaj'esan? Yom ch_Λn tsaj la' w_Λts'mil. Tem ajñenla ti' ñ_Λch'tilel la' pusic'al, che'en.

10

Tic'bil mi' c_Λy i yijñam winic

(Mt. 19.1-12; Lc. 16.18)

¹ Jesús tsa' loq'ui majlel ya'i. Tsa' tili ti Judea ti junwejl Jordán ja'. Tsi' cha' tempayob i b_Λ cab_Λl winicob x'ixicob ba'an Jesús. Tsi' cha' c_Λntesayob come i tilel_Λch.

² Tsa' tiliyob fariseojob ba'an Jesús cha'an mi' yil_Λbeñob i pusic'al. Tsi' c'ajtibeyob: ¿Tic'bil ba winic ti mandar cha'an mi' choc loq'uel i yijñam? che'ob.

³ Jesús tsi' c'ajtibeyob: ¿Chuqui tsi' subeyetla Moisés ti mandar? che'en.

⁴ Tsi' subeyob: Moisés tsi' y_Λq'ue i t'an winicob cha'an mi' ts'ijbuñob jun ba' mi' tsictiyel tsa'ix i c_Λy_Λ i yijñam ti junyajlel, che'ob.

⁵ Jesús tsi' subeyob: Cha'an jach i ts_Λtslel la' pusic'al tsi' ts'ijbubeyetla jini mandar.

⁶ Pero ti' cajibal che' b_Λ tsi' mele pañimil Dios, tsi' mele winic x'ixic.

⁷ Jini cha'an la' i c_Λy i tat i ña' winic cha'an mi' yajñel yic'ot i yijñam.

⁸ Jini cha'tiquil mi' yochelob ti juntiquil jach i b_Λc'tal. Mach ch_Λn cha'tiquilix. Juntiquil jach i b_Λc'tal.

⁹ Jini cha'an, mach i t'ox winic jini mu' b_Λ i tempan Dios. Che' tsi' y_Λl_Λ Jesús.

¹⁰ Ti mal otot jini x_Λnt'añob tsi' cha' c'ajtibeyob i sujmllel jini t'an.

¹¹ Jesús tsi' subeyob: Majqui jach mi' c_Λy i yijñam, mi tsi' p_Λy_Λ yamb_Λ i yijñam, mi' cha'len ts'i'lel ti' contra.

¹² Jini x'ixic mu' b_Λ i c_Λy i ñoxi'al, mi tsi' jac'Λ i p_Λyol ti yamb_Λ winic, mi' cha'len ts'i'lel, che'en Jesús.

Jesús tsi' y_Λc'Λ i c'ab ti alobob

(Mt. 19.13-15; Lc. 18.15-17)

¹³ Tsi' p_Λy_Λyob tilel alobob ba'an Jesús cha'an mi' mec'ob. Jini x_Λnt'añob tsi' tiq'uiyob jini tsa' b_Λ i p_Λy_Λyob tilel.

¹⁴ Jesús tsa' mich'a che' b_Λ tsi' q'uele. Tsi' subeyob: La' tilicob alobob ba' añon. Mach mi la' tic'ob, come i cha'añob i yum_Λntel Dios.

15 Isujm mic subeñetla, jini mach b_Λ anic mi' yochel ti' yum_Λntel Dios che' bajche' al_Λ ma'anic mi caj i yochel, che'en.

16 Tsi' meq'ueyob. Tsi' y_Λc'Λ i c'Λb ti jini alobob. Tsi' y_Λq'ueyob i yutsl_Λl i t'an.

Jini wen chumul b_Λ yum_Λ
(Mt. 19.16-30; Lc. 18.18-30)

17 Che' b_Λ tsa' loq'ui majlel ti bij, tsa' tili winic ti ajñel. Tsa' ñocle ba'an Jesús. Tsi' c'ajtib_Λ: Wen b_Λ Maestro, ¿chuqui yom mic cha'len cha'an mic taj j cuxt_Λlel mach b_Λ anic mi' jilel? che'en.

18 Jesús tsi' sube: ¿Chucoch ma' w_Λl mi weñon? Ma'anic majqui wen, cojach Dios.

19 A wujil jini mandar: “Mach a cha'len ts'i'lel, mach a cha'len ts_Λnsa, mach a cha'len xujch', mach a cha'len jop't'an, mach a xujch'iben i chub_Λ'an a pi'_Λl ti lot, q'uele ti ñuc a tat a ña'”, che'en Jesús.

20 Jini winic tsi' jac'Λ: Maestro, pejtelel jini mandar tsac jac'Λ c'Λ_Λl che' alobon to, che'en.

21 Jesús tsi' q'uele. Tsi' c'uxbi. Tsi' sube: An to yom ma' mel yamb_Λ junchajp. Cucu, choño pejtelel a chub_Λ'an, aq'uen jini mach b_Λ anic i chub_Λ'an. Che' jini, mi caj a taj cab_Λl a chub_Λ'an ti panchan. La', ch'_Λm_Λ a cruz, tsajcañon, che'en.

22 Jini winic tsi' mele i pusic'al cha'an jini t'an. Ch'ijiyem tsa' majli come an cab_Λl i chub_Λ'an.

23-24 Jesús tsi' sutq'ui i wut ba'an xc_Λnt'añob i cha'an. Tsi' subeyob: Wocol mi caj i yochelob ti' yum_Λntel Dios jini wen chumulo' b_Λ, che'en. Tsa' toj sajtiyob i pusic'al jini xc_Λnt'añob cha'an i t'an. Jesús tsi' cha' subeyob: ¡Alobob, wocol mi' yochelob ti' yum_Λntel Dios!

25 Wocol mi' ñumel camello ti' yarcayojlel acuxan. Ñumen wocol mi' yochel jini wen chumul b_Λ winic ti' yum_Λntel Dios, che'en.

26 Ñumen tsa' toj sajtiyob i pusic'al cha'an jini t'an. Tsi' subeyob: ¿Majqui che' jini mi mejlel i colt_Λntel? che'ob.

27 Jesús tsi' q'ueleyob. Tsi' subeyob: Mach mejlicob winicob. Mi mejlel Dios. Ti pejtelel chuqui tac jach yom, mi mejlel i mel Dios, che'en Jesús.

28 Pedro tsa' caji i suben: Awilan, tsaj c_Λy_Λ lojon pejtelel chuqui an cha'an mic tsajcañet lojon, che'en.

29 Jesús tsi' subeyob: Isujm mic subeñetla, majqui jach mi' c_Λy i yotot mi i y_Λscun, mi i chich, mi i yijts'in, mi i tat, mi i ña', mi i yijñam, mi i yalobilob, mi i lumal cha'an joñon cha'an jini wen t'an,

30 mi' taj w_Λle ti ili ora yamb_Λ jo'c'al i ñumel i yotot tac, i y_Λscuñob, i chichob, i yijts'iñob, i ña'ob, i yalobilob, i lum, yic'ot i tic'_Λntel. Ti jini tal to b_Λ ora mi caj i taj i cuxt_Λlel mach b_Λ anic mi' jilel.

31 Cab_Λl jini ñaxañob' b_Λ mi caj i c_Λy_Λt_Λlob ti wi'ip_Λt. Cab_Λl jini wi'ilobix b_Λ mi caj i c'axelob majlel ti ñaxan, che'en Jesús.

Jesús tsi' cha' al_Λ bajche' mi caj i chamel
(Mt. 20.17-19; Lc. 18.31-34)

32 Woli' letselob majlel ti bij ti Jerusalén. Ñaxan tsa' majli Jesús ti bij. Tsa' toj sajtiyob i pusic'al xc_Λnt'añob ti b_Λq'uen che' b_Λ tsi' tsajcayob majlel. Jesús tsi' cha' p_Λy_Λ tilel jini lajch_Λntiquil. Tsa' caji i subeñob chuqui tac mi caj i tumbentel i Yalobil Winic.

33 Awilan, woli lac letsel majlel ti Jerusalén. I Yalobil Winic mi caj i y_Λj_Λq'uel ti' c'Λb ñuc b_Λ motomajob yic'ot sts'ijbayajob mu' b_Λ caj i y_Λc'ob ti chamel. Mi caj i y_Λc'ob ti' c'Λb gentilob.

34 Mi caj i wajleñob. Mi caj i jats'ob ti asiyal. Mi caj i tujbañob. Mi caj i ts_Λnsañob. Ti yuxp'ejlel q'uin mi caj i cha' ch'o_Λyel, che'en Jesús.

I c'ajtib_Λl Jacobo yic'ot Juan
(Mt. 20.20-28)

35 Jacobo yic'ot Juan i yalobilob Zebedeo, tsa' c'otiyob ba'an Jesús. Tsi' subeyob: Maestro, com lojon ma' melbeñon lojon chuqui mij c'ajtib_Λñet, che'ob.

36 Jesús tsi' c'ajtibeyob: ¿Chuqui la' wom mic melbeñetla? che'en.

37 Tsi' subeyob: Com lojon ma' w_Λc'on lojon ti bucht_Λl, juntiquil ti a ñoj juntiquil ti a ts'ej ti a ñuclel, che'ob.

38 Jesús tsi' subeyob: Mach la' wujilic chuqui woli la' c'ajtin. ¿Mejl ba mi la' ñusan jini wocol mu' b_Λ c' ñusan? che'en.

³⁹ Tsi' subeyob: Muc'ach c mejlel lojon, che'ob. Jesús tsi' subeyob: Isujmach, jatetla mi caj la' ñusan jini wocol mu' bā caj c ñusan.

⁴⁰ Pero mach c wentajic cha'an mic sub majqui mi caj i buchtal tic ñoj yic'ot tic ts'ej. Mi caj i yajq'uelob ti buchtal jini tsa' bā chajpabentiyob, che'en.

⁴¹ Che' yujilobix jini lujuntiquil, tsa' caji i mich'leñob Jacobo yic'ot Juan.

⁴² Jesús tsi' palyayob tilel. Tsi' subeyob: La' wujil c'ax ñuc mi' pasob i bā jini gentilob mu' bā i yumantelob. Jini ñuco' bā ti' tojlelob, tsats mi' yac'ob i t'an.

⁴³ Mach che'ic yom mi la' cha'len jatetla. Majqui jach yom i taj i ñuclél ti la' tojlel, la' i coltañetla.

⁴⁴ Majqui jach yom ajñel ti c'ax ñuc ti la' tojlel, la' i coltañetla che' bajche' la' winic ti la' pejtelel.

⁴⁵ Come tsa' tili i Yalobil Winic mach cha'anic mi' coltañtel, pero cha'an mi' coltan winicob x'ixicob, cha'an mi' yac' i bā ti chamel cha'an i tojol i mul cabalob. Che' tsi' yalā Jesús.

*Tsi' lajmesa xpots' i c'aba' Bartimeo
(Mt. 20.29-34; Lc. 18.35-43)*

⁴⁶ Tsa' tiliyob ti Jericó. Che' bā tsa' loq'ui majlel ti Jericó yic'ot xcant'añob i cha'an yic'ot cabal winicob x'ixicob, tsi' taja jini xpots' Bartimeo i yalobil Timoteo, buchul ti' ti' bij. Woli' c'ajtin taq'uin.

⁴⁷ Che' bā tsi' yubi ya'an Jesús ch'oyol bā ti Nazaret, tsa' caji ti c'am bā t'an. Tsi' yalā: Jesús i Yalobilet David, p'untañon, che'en.

⁴⁸ Cabalob tsi' tiq'uiyob cha'an mi' c'ay i t'an. Tsa' utsi caji ti c'am bā t'an: I Yalobilet David, p'untañon, che'en.

⁴⁹ Jesús tsi' c'ayā i xāmbal. Tsi' yalā: Palyala tilel, che'en. Che' bā tsi' palyayob tilel jini xpots', tsi' subeyob: Tijicñesan a pusic'al. Ch'ojyen. Woli' p'ayet Jesús, che'ob.

⁵⁰ Jini xpots' tsi' welchoco i mosil. Tsa' ch'ojyi. Tsa' tili ba'an Jesús.

⁵¹ Jesús tsi' sube: ¿Chuqui a wom mic tumbeñet? che'en. Jini xpots' tsi' sube: Maestro, com mi' cha' c'otel c wut, che'en.

⁵² Jesús tsi' sube: Cucu, tsa'ix coltantiyet cha'an tsa' ñopo, che'en. Ti ora tsa' cha' c'oti i wut. Tsi' tsajca majlel Jesús ti bij.

11

*I subentel i ñuclél che' bā tsa' ochi ti
Jerusalén*

(Mt. 21.1-11; Lc. 19.28-40; Jn. 12.12-19)

¹ Che' bā lac'alix añob ti Jerusalén, lac'al ti Betfagé yic'ot Betania ya' ti' tojel Olivo wits, Jesús tsi' choco majlel cha'tiquil xcant'añob i cha'an.

² Tsi' subeyob: Cucula ti tejclum ya' ti' tojel la' wut. Che' mi la' wochel, ya' c'achal mi caj la' taj tsiji' burro, mach bā anic majch tsi' c'achta. Jitila. Palyala tilel.

³ Mi an majch mi' subeñetla: “¿Chucoch che' mi la' mel jini?” subenla: “Yom i c'an lac Yum. Ti ora mi caj i cha' sutq'uibeñet”. Che' yom mi la' suben, che'en Jesús.

⁴ Tsa' majliyob jini xcant'añob. Tsi' tajayob jini burro c'achal ti' ti' otot ya' ti calle. Tsi' jitiyob.

⁵ Jini ya' bā wa'alob tsi' subeyob: ¿Chuqui woli la' cha'len? ¿Chucoch woli la' jit burro? che'ob.

⁶ Jini xcant'añob tsi' subeyob chuqui tsi' yalā Jesús. Jini winicob tsi' chocoyob majlel.

⁷ Jini xcant'añob tsi' palyayob tilel jini tsi-jib burro ba'an Jesús. Tsi' tasibeyob i pat burro ti' pislelob. Jesús tsi' buchtā.

⁸ An cabal tsa' bā i tasiyob majlel jini bij ti' pislelob. Yaño' bā tsa' caji i lijlij ac'ob majlel ti bij i c'ab te' am bā i yopol tsa' bā i tsepeyob.

⁹ Jini woli bā i majlelob ti' tojel Jesús yic'ot jini woli bā i tilelob ti' pat c'am tsi' yalāyob: Cotañet. La' sujbic a ñuclél jatet mu' bā a tilel ti' c'aba' lac Yum.

¹⁰ La' sujbic i ñuclél i yumantel lac tat David woli bā i cajel. Cotañet añet bā ti chan, che'ob.

¹¹ Tsa' ochi Jesús ti Jerusalén ba' tsa' majlel ti Templo. Che' bā tsa'ix i joy q'uele pejtelel chuqui tac an, che' bā yomix ic'an, tsa' majli ti Betania yic'ot jini lajchantiquil.

*Tsi' tiq'ui higuera te'
(Mt. 21.18-19)*

¹² Ti yijc'alal che' loq'uemobix ti Betania, tsi' yubi wi'ñal.

¹³ Ñajt tsi' q'uele higuera te' am bā i yopol. Tsa' majli i q'uel mi an chuqui mi' taj. Che'

bΛ tsa' c'oti ba'an te', i yopol jach tsi' taja come maxto i yorajlelic i wut.

¹⁴ Jesús tsi' sube jini te': Mach i chΛn c'ux a wut winicob x'ixicob ti pejtelel ora, che'en. Jini xcΛnt'añob i cha'an tsi' yubiyob.

Jesús tsi' chocoyob loq'uel ti Templo
(Mt. 21.12-17; Lc. 19.45-48; Jn. 2.13-22)

¹⁵ Tsa' tiliyob ti Jerusalén. Jesús tsa' ochi ti Templo. Tsa' caji i choc loq'uel jini woliyo' bΛ ti choñoñel yic'ot woliyo' bΛ ti mañoñel ti Templo. Jesús tsi' ch'a' chocobeyob i mesa tac xq'uex taq'uiñob, yic'ot i buchlib tac jini woli bΛ i choñob x'ujcuts.

¹⁶ Tsi' tiq'uiyob cha'an ma'anic chuqui mi' ch'Λmob ñumel ti' mal Templo mi jun-tiquilic.

¹⁷ Jesús tsi' cΛntesayob. Tsi' subeyob: Ts'ijbubil ti jun: "Mi' caj ti ajlel cotot ti yotlel oración cha'an winicob x'ixicob ti pejtelel lum tac". Pero jatetla tsa'ix la' wotsa ti' ch'eñal xujch', che'en.

¹⁸ Jini sts'ijbayajob yic'ot jini ñuc bΛ motomajob tsi' yubiyob. Tsi' saj cayob bajche' mi mejlel i tsΛnsañob come tsi' bΛc'ñayob Jesús. Come tsa' toj ñuc'ayob i pusic'al pejtelel winicob x'ixicob cha'an i cΛntesΛbal.

¹⁹ Che' wolix i yic'an tsa' loq'ui majlel ti tejclum Jesús yic'ot jini xcΛnt'añob.

Tsa' tiqui higuera te'
(Mt. 21.19-22)

²⁰ Ti sΛc'ajel che' bΛ tsa' cha' ñumiyob, tsi' q'ueleyob higuera te' tiquinix c'ΛlΛl ti' wi'.

²¹ Tsa' c'ajtiyi i cha'an Pedro. Tsi' sube: Maestro, q'uele tsa'ix tiqui jini higuera te' tsa' bΛ a ch'ΛcΛ, che'en.

²² Jesús tsi' jac'Λ: Ñopola Dios.

²³ Come isujm mic subeñetla: Majqui jach mi' suben jini wits cha'an mi' ch'ujyel letsel cha'an mi' chojquel ochel ti colem ñajb, mi mach tile bixelic i pusic'al wolix i ñop, mi caj i yujtel bajche' mi' yΛl, che'Λch mi caj i melbentel.

²⁴ Jini cha'an mic subeñetla: Pejtelel chuqui mi la' c'ajtiben Dios ti oración, ñopola mi caj la' wΛq'uentel. Che' jini mi caj la' wΛq'uentel.

²⁵ Che' woliyetla ti oración, mi an chuqui lotol ti la' pusic'al ti' contra juntiquil, ñusΛben i mul cha'an mi' ñusΛbeñetla la' mul la' Tat am bΛ ti panchan.

²⁶ Come mi ma'anic mi la' ñusΛben i mul, ma'anic mi caj i ñusΛbeñetla la' mul ja'el la' Tat am bΛ ti panchan, che'en Jesús.

Tsi' c'ajtibeyob Jesús baqui tsi' taja i ye'tel
(Mt. 21.23-27; Lc. 20.1-8)

²⁷ Tsa' cha' tiliyob ti Jerusalén. Che' bΛ tsi' cha'le xΛmbal Jesús ti mal Templo, tsa' tiliyob ñuc bΛ motomajob yic'ot sts'ijbayajob yic'ot xñoxob año' bΛ i ye'tel.

²⁸ Tsi' subeyob: ¿Baqui tsa' taja a we'tel cha'an ma' cha'len jini? ¿Majqui tsi' yΛq'ueyet a we'tel cha'an ma' mel chuqui tac ma' mel? che'ob.

²⁹ Jesús tsi' subeyob: An chuqui mij c'ajtibeñetla ja'el. Subeñon. Che' jini joñon mi caj c subeñetla baqui tsac taja que'tel cha'an jini mu' bΛ c mel.

³⁰ ¿Baqui ch'oyol i ye'tel Juan cha'an mi' yΛc' ch'Λmja'? ¿Ch'oyol ba ti panchan o ch'oyol ba ti winicob? Subeñon, che'en Jesús.

³¹ Tsa' caji i bajñel pejcañob i bΛ. Tsi' yΛlΛyob: Mi tsa' lac sube ch'oyol ti panchan, mi cho'onla, mi caj i yΛl: "¿Chucoch, che' jini, ma'anic tsa' la' ñopbe i t'an?" Che' mi caj i yΛl, che'ob.

³² ¿Yom ba mi lac suben ch'oyol ti winicob? che'ob. Pero tsi' bΛc'ñayob winicob x'ixicob come ti pejtelelob tsi' yΛlΛyob mero x'alt'añach jini Juan.

³³ Jini cha'an tsi' subeyob: Mach cujilic lojon, che'ob. Jesús tsi' subeyob: Joñon ja'el, ma'anic mic subeñetla baqui tsac taja que'tel cha'an jini mu' bΛ c mel, che'en.

12

Jontol bΛ xcΛnta ts'usubilob
(Mt. 21.33-46; Lc. 20. 9-19)

¹ Jesús tsa' caji i pejcañob ti lajiya tac: Juntiquil winic tsi' pΛc'Λ ts'usubil, che'en. Tsi' joy mΛcΛ ti corral, tsi' piqui lum ba' mi' t'uchtΛben loq'uel i ya'lel ts'usub. Tsi' mele chan bΛ q'ueloñib. Tsi' yΛc'Λ ti' wenta xcΛnta ts'usubilob. Tsa' majli ti yambΛ lum.

² Che' bΛ tsa' tili i yorajlel, tsi' choco majlel x'e'tel ba'an xcΛnta ts'usubilob cha'an mi' ch'Λm i wut ts'usubil ti' c'Λbob.

³ Pero jini xcΛnta ts'usubilob tsi' chucuyob jini x'e'tel. Tsi' lowoyob. To'o che' jach tsi' chocoyob sujtetel.

⁴ I yum tsi' cha' choco majlel yamba x'e'tel ba' añoob. Tsi' juluyob ti xajlel, tsi' lowbeyob i jol. Che' ja'el leco tsi' tic'layob che' b_Λ tsi' cha' chocoyob sujtel.

⁵ I yum tsi' cha' choco majlel yamba. Jini xc_Λnta ts'usubilob tsi' ts_Λnsayob. Che' ja'el, cab_Λl yaño' b_Λ x'e'telob, ojlil tsi' lowoyob, ojlil tsi' ts_Λnsayob.

⁶ Ya' to tsa' c_Λle juntiquil yic'ot jini yum_Λl, jiñ_Λch i yalobil tsa' b_Λ i wen c'uxbi. Tsi' choco majlel i yalobil ja'el ya' ba' añoob. Tsi' y_Λl_Λ: “Mux caj i q'uelob calobil ti ñuc”, che'en.

⁷ Jini xc_Λnta ts'usubilob tsi' subeyob i b_Λ: “Jiñ_Λch mu' b_Λ caj i yochel ti yum_Λl. Conla, la' lac ts_Λnsan. Che' jini, mux la cochel ti' yum pejteli i chub_Λ'an”, che'ob.

⁸ Tsi' chucuyob. Tsi' ts_Λnsayob. Tsi' chocoyob loq'uel ti ts'usubil.

⁹ ¿Chuqui mi caj i cha'len i yum ts'usubil che' jini? Mi caj i tilel. Mi caj i jisan xc_Λnta ts'usubilob. Mi caj i y_Λc' i ts'usubil ti' c'ab yaño' b_Λ.

¹⁰ ¿Mach ba anic tsa' la' q'uele jini t'an ti' ts'ijbujel Dios?: “Jini jach b_Λ xajlel tsa' b_Λ i chocoyob xmel ototob, tsa'ix ots_Λnti ti ñaxan b_Λ i xujc otot.

¹¹ Jiñ_Λch i melbal lac Yum. Uts'atax mi laj q'uel”, che'en Jesús.

¹² Jini ñuc b_Λ motomajob yic'ot sts'ijbayajob tsi' ña'tayob bajche' mi mejlel i chucob Jesús, come yujilob tsi' cha'le t'an ti lajiya ti' contrajob. Pero tsi' b_Λc'ñayob winicob x'ixicob. Jini cha'an tsi' c_Λy_Λyob Jesús. Tsa' majliyob.

C'ajtibal cha'an tojoñel

(Mt. 22.15-22; Lc. 20.20-26)

¹³ Tsi' chocoyob majlel cha'tiquil uxtiquil fariseojob yic'ot herodiañoob ya' ba'an Jesús cha'an mi' tajbeñoob i mul Jesús ti' t'an.

¹⁴ Che' b_Λ tsa' tiliyob ba'an Jesús, tsi' subeyob: Maestro, kujil lojon isujmet. Ma'anic majqui ma' b_Λc'ñan. Junlajal jach ma' q'uel winicob mi an i ye'tel mi ma'anic i ye'tel. Wola' cha'len c_Λntesa ti isujm cha'an i bijlel Dios. ¿Mu' ba i y_Λl ti mandar cha'an mi la c_Λq'uen César jini tojoñel o ma'anic? ¿Yom ba mi la c_Λq'uen o mach yomic? che'ob.

¹⁵ Jesús yujil cha'chajp jax i pusic'al jini winicob. Jini cha'an tsi' subeyob: ¿Chucoch

mi la' wil_Λbeñoob c pusic'al? Ch'ambeñoob tilel junq'uejl taq'uin cha'an mij q'uel, che'en.

¹⁶ Tsi' ch'ambeyob tilel. Jesús tsi' c'ajtibeyob: ¿Majqui i cha'an ili i yejtal yic'ot i ts'ijbal ti' pam? che'en. Tsi' subeyob: I cha'an César, che'ob.

¹⁷ Jesús tsi' subeyob: Aq'uenla César chuqui i cha'an César. Aq'uenla Dios chuqui i cha'an Dios, che'en. Tsa' toj sajtiyob i pusic'al cha'an Jesús.

Che' mi' tejchelob ch'ojyel

(Mt. 22.23-33; Lc. 20.27-40)

¹⁸ Tsa' tiliyob saduceojob ba'an Jesús. Jiño_Λch mu' b_Λ i y_Λlob ma'anic mi' tejchelob ch'ojyel ch_Λmeño' b_Λ. Tsi' c'ajtibeyob:

¹⁹ Maestro, Moisés tsi' ts'ijbubeyonla chuqui yom mi' mel winic mi tsa' ch_Λmi i y_Λscun am b_Λ i yijñam mach b_Λ anic i yalobil. Jini ijts'iñ_Λl b_Λ wersa mi' p_Λyben i yijñam i y_Λscun cha'an mi' techben i p'olbal i y_Λscun.

²⁰ An wuctiquil winic i yerañoob i b_Λ. Jini ascuña_Λl b_Λ tsi' p_Λy_Λ i yijñam. Tsa' ch_Λmi. Ma'anic i p'olbal.

²¹ Jini ijtsiñil b_Λ tsi' p_Λy_Λ jini x'ixic cha'an i yijñam. Tsa' ch_Λmi ja'el che' ma'anic i yalobil. Lajal tsi' mele i yuxticlel.

²² Ti' wucticlel tsi' p_Λy_Λ jini x'ixic cha'an i yijñam. Ma'anic i yalobil. Ti wi'il tsa' ch_Λmi ja'el jini x'ixic.

²³ Ti' yorajlel che' mi' tejchelob ch'ojyel, ¿baqui b_Λ winic i ñoxi'al jini x'ixic? come tsi' p_Λy_Λyob cha'an i yijñam ti' wucticlel. Che' tsi' y_Λl_Λyob jini saduceojob.

²⁴ Jesús tsi' subeyob: ¿Mach ba jinic la' sajtemal? che'en, come ma'anic mi la' c_Λn i Ts'ijbujel Dios yic'ot i p'_Λtlalel.

²⁵ Che' mi' ch'ojyelob ba'an ch_Λmeño' b_Λ, ma'anix mi' ch_Λn p_Λyob i pi'_Λl, ma'anic mi' sijintelob ja'el. Come lajalob bajche' ángelob ya' ti panchan.

²⁶ Cha'an i sujmllel jini ch_Λmeño' b_Λ mu' b_Λ i tejchelob ch'ojyel, ¿mach ba anic tsa' la q'uele ti' jun Moisés ba' Dios tsi' pejca ti a_Λ te'? Dios tsi' sube: “Joñoob i Dioson Abraham, i Dioson Isaac, i Dioson Jacob”.

²⁷ Jini Dios mach i Diosic ch_Λmeño' b_Λ. I Dios_Λch cuxulo' b_Λ. Jini cha'an cab_Λl la' sajtemal, che'en Jesús.

Ñumen ñuc bΛ mandar
(Mt. 22.34-40; Lc. 10.25-28)

²⁸ Che' lac'Λl tsa' tili juntiquil sts'ijbaya, tsi' yubibeyob i t'an che' woli' pejcañob i bΛ. Jini sts'ijbaya tsi' ña'ta uts'at bajche' tsi' cha'le t'an Jesús. Jini cha'an tsi' c'ajtibe: ¿Baqui bΛ mandar ñumen ñuc ti pejtelel? che'en.

²⁹ Jesús tsi' sube: Jini ñumen ñuc bΛ mandar ti pejtelel jiñΛch: “Ñich'tanla israelob, jini lac Yum Dios, juntiquil jach.

³⁰ C'uxbin a Yum Dios ti pejtelel a pusic'al, ti pejtelel a ch'ujlel, ti pejtelel a ña'tΛbal, ti pejtelel a p'ΛtΛlel”. JiñΛch jini ñumen ñuc bΛ mandar.

³¹ LajalΛch jini cha'p'ejlel bΛ mandar: “C'uxbin a pi'Λlob che' bajche' ma' bajñel c'uxbin a bΛ”. Ma'anic yambΛ mandar ñumen ñuc bΛ bajche' jini cha'p'ejl mandar, che'en Jesús.

³² Jini sts'ijbaya tsi' sube: MelelΛch Maestro, tsa'ix a subu chuqui isujm. Dios juntiquil jach. Ma'anic yambΛ. Cojach jini.

³³ Mi tsa' laj c'uxbi Dios ti pejtelel lac pusic'al, ti pejtelel lac ña'tΛbal, ti pejtelel lac ch'ujlel, ti pejtelel lac p'ΛtΛlel, mi tsa' laj c'uxbi lac pi'Λlob ja'el che' bajche' mi lac bajñel c'uxbin lac bΛ, jiñΛch ñumen ñuc bΛ bajche' pejtelel pulem bΛ i majtan Dios yic'ot tsΛnsΛbil bΛ i majtan Dios, che'en.

³⁴ Jesús tsi' ña'ta uts'at bajche' tsi' jac'Λ jini sts'ijbaya. Tsi' sube: Ts'ita' jax yom cha'an ma' wochel ti' yumΛntel Dios, che'en. Ti wi'il ma'anix majqui tsi' chΛn ñopo i c'ajtiben Jesús yan tac bΛ cha'an bΛq'uen.

Cristo i yalobil David
(Mt. 22.41-46; Lc. 20.41-44)

³⁵ Che' woli ti cΛntesa ti Templo Jesús tsi' yΛΛ: ¿Chucoch, mi' yΛlob sts'ijbayajob jini Cristo i yalobilΛch David?

³⁶ David tsi' yΛΛ yic'ot Ch'ujul bΛ Espíritu: “Jini lac Yum tsi' sube c Yum: Buchi' tic ñoj, che'en Dios, jinto mi cΛq'ueñet a t'uchtan a contrajob”, che'en.

³⁷ David tsi' pejca Cristo ti' Yum. ¿Bajche' isujm, che' jini, mi i yalobil? Che' tsi' yΛΛ Jesús. CabΛ tempΛbilo' bΛ winicob x'ixicob tijicña jax tsi' yubibeyob i t'an.

Jesús tsi' tiq'ui sts'ijbayajob
(Mt. 23.1-36; Lc. 11. 37-54; 20. 45-47)

³⁸ Jesús tsi' subeyob ja'el che' woli ti cΛntesa: ChΛcΛ q'uele la' bΛ cha'an sts'ijbayajob mu' bΛ i mullañob i lΛpob pΛ bΛ i bujc. Mi' mullañob i yΛq'uentel cortesia ba'an choñoñibΛl.

³⁹ Mi' mullañob jini ñaxan bΛ buchlibΛl ti sinagoga yic'ot ñaxan bΛ buchlibΛl ti q'uiñijel.

⁴⁰ Mi' chilbeñob i yotot tac meba' x'ixicob. Cha'an mi' lon q'uejlelob ti uts'at mi' melob tam bΛ oración. Ñumen wocol mi caj i tajob tojmulil, che'en Jesús.

Iyofrenda meba' x'ixic
(Lc. 21.1-4)

⁴¹ Jesús tsa' buchle ti' tojel i yajñib ofrenda. Tsi' q'uele winicob x'ixicob woli bΛ i chocob ochel i taq'uin ti' yajñib. CabΛ wen chumulo' bΛ tsi' chocoyob ochel cabΛ taq'uin.

⁴² Tsa' tili meba' x'ixic mach bΛ anic i chubΛ'an. Tsi' choco ochel cha'q'uejl taq'uin. Ti' cha'q'uejlel ts'ΛcΛl mi' loq'uel lujump'ejl centavo.

⁴³ Jesús tsi' pΛyΛ tilel xcΛnt'añob i cha'an. Tsi' subeyob: Isujm mic subeñetla, jini meba' x'ixic mach bΛ anic i chubΛ'an tsa'ix i choco ochel ñumen cabΛ bajche' pejtelel yaño' bΛ tsa' bΛ i chocoyob ochel taq'uin ti' yajñib.

⁴⁴ Come ti pejtelelob tsi' chocoyob ochel jini loc'sΛbil bΛ ti' yonlel i chubΛ'an, pero jini meba' x'ixic mach bΛ anic i chubΛ'an tsi' choco ochel pejtelel i tojol i bΛl i ñac'. Che' tsi' yΛΛ Jesús.

13

Jesús tsi' wΛn alΛ bajche' mi caj i jilel Templo

(Mt. 24.1-2; Lc. 21.5-6)

¹ Che' wolix ti loq'uel Jesús ti Templo, juntiquil xcΛnt'an i cha'an tsi' sube: Maestro, q'uele wen uts'at tac jini xajlel, wen wa'chocobil jini otot tac, che'en.

² Jesús tsi' sube: ¿Mu' ba a q'uel jini colem tac bΛ otot? Ma'anic mi caj i cΛytΛl mi jump'ejlic xajlel ti pam yambΛ. Mi caj i laj chojquel jubel, che'en.

Iyejtal tac i jilibal
(Mt. 24.3-28; Lc. 17. 22-24; 21.7-24)

3 Tsa' buchle ti Olivo wits ti' tojel Templo. Pedro yic'ot Jacobo yic'ot Juan yic'ot Andrés ti' bajñelilob tsi' c'ajtibeyob:

4 Subeñon lojon baqui ora mi caj i yujtel pejtelel jini. ¿Chuqui mi' caj ti p'astal che' yom ujtel pejtelel ili tac? che'ob.

5 Jesús tsa' caji' subeñob: Ch'ac'a q'uele la' b'ame anic majch mi' soquetla.

6 Come talob cabal tij c'aba' mu' b'caj i lon cuyob i b'ti Cristo. Mi caj i socob cabalob.

7 Ba' ora mi la' wubin an cabal guerra che' ja'el cabal t'an cha'an guerra, mach la' cha'len baq'uen come wersa mi' tilel, pero maxto i jilibalic.

8 Come jini año' b'ti jumpejt lum mi caj i techob guerra ti' contra año' b'ti yamba lum. Jini año' b'ti wenta juntiquil yumal mi caj i techob guerra ti' contra jini año' b'ti wenta yamba yumal. Tal i yujquel lum ti cabal lum. Tal cabal wi'ñal yic'ot leto. Jiñach i cajibal wocol.

9 Ch'ac'a q'uele la' b'come mi caj i yaq'uetla ti' c'ab jini año' b'i ye'tel. Mi caj la' bajbentel ti sinagoga tac. Mi caj la' p'ajyel tilel ti' tojlel yumalob, ti' tojlel reyob cha'añon cha'an mi' tsictiyel c't'an ti' tojlelob.

10 Wersa mi' ñaxan subentelob jini wen t'an ti pejtelel lum.

11 Ba' ora mi' chuquetla majlel ti meloñel cha'an mi' yaq'uetla ti' c'ab yumalob, mach mi la' w'an mel la' pusic'al cha'an chuqui mi caj la' sub yic'ot chuqui mi caj la' ña'tan. Subula jini t'an mu' b'caj la' w'aq'uentel ti jini jach b'ora. Mach jateticla mi la' caj ti t'an pero mu' ti t'an jini Ch'ujul b'Espíritu.

12 Winicob mi caj i yac'ob ti chamel i y'ascun yic'ot i yijts'in. Jini tatal mi caj i yac' ti chamel i yalobil, jini i yalobilob mi caj i contrajiñob i tat i ña', mi caj i tsansañoob.

13 Mi caj la' ts'a'lentel ti pejtelel pañimil cha'an tij c'aba'. Jini mu' b'i cuch i wocol c'alal ti' jilibal mi caj i coltantel.

14 Mi caj la' q'uel jini c'ax bibi' jax b'wa'al ba' tic'bil, mu' b'i jisan cabal chuqui an che' bajche' tsi' w'an subu jini x'alt'an Daniel. (Jini mu' b'i q'uel jini jun la' i ch'amben isujm.) Che' mi la' q'uel jini, la' puts'icob majlel ti wits jini año' b'ti Judea.

15 Jini am b'ti jol i yotot mach ch'an jubic cha'an mi' loc'san i chub'an ti' yotot.

16 Jini am b'ti cholel mach ch'an sujtic cha'an mi' lot i pislel.

17 Obol jax i b'jini cantabilo' b'i cha'an alal yic'ot jini woli b'i tsu'sañoob alal ti jim b'ora.

18 Cha'lenla oración cha'an mach ti' yorajlelic tsañal mi la' puts'el.

19 Come ti jim b'ora mi caj i tilel cabal wocol, ñumen bajche' tsa' ñumi c'alal ti' cajibal jini pañimil tsa' b'i mele Dios, c'alal w'ale, c'alal ti pejtelel ora.

20 Che' ti' yorajlel jini wocol, mi ma'anic tsi' com'esa i yorajlel wocol lac Yum, ma'anic majqui mi' coltantel mi juntiquilic. Cha'an mi' coltan jini yajcabilo' b'i cha'an tsi' com'esa i yorajlel wocol.

21 Ti jini jach b'ora mi an majch mi' subeñetla: "Awilan, w'an jini Cristo", o mi an majch mi' subeñetla: "Awilan, ya'an Cristo", mi che'en, mach mi la' ñop.

22 Come mi caj i tejchelob jini mu' b'i cuyob i b'ti Cristo yic'ot lot b'x'alt'añoob. Mi caj i p'asob cabal i yejtal i p'atlel yic'ot b'baq'uen tac b'cha'an mi' socob jini yajcabilo' b'caj mi tsa' mejli.

23 Ch'ac'a q'uele la' b'. Tsa'ix c w'an subeyetla ti pejtelel jini.

*Che' mi' tilel i Yalobil Winic
(Mt. 24.29-44; Lc. 21.25-36)*

24 Ti jim b'ora che' mi' yujtel jini wocol mi caj i yiq'uesantel jini q'uin. Ma'anic mi caj i yac' i c'ac'al uw.

25 Mi caj i yajlel tac jini ec' ti panchan. Jini p'atlel tac b'ti panchan mi caj i ñijcantel.

26 Ti wi'il mi caj i q'uelob i Yalobil Winic che' mi' tilel ti total yic'ot cabal i p'atlel yic'ot i ñucllel.

27 Mi caj i choc majlel i y'angelob cha'an mi' tempañoob tilel ti' ch'anwejtellel pañimil jini yajcabilo' b'i cha'an ch'oyolo' b'ti ñajtlel pañimil c'alal ti' ñajtlel panchan.

28 Ñopola jini lajiya cha'an jini higuera te'. Che' c'unix i c'ab che' woli' pasel i yopol, la' wujil lac'alix i yorajlel ticwal.

29 Che' ja'el jatetla, che' mi la' q'uel wolix i yujtel jini, ña'tanla lac'alix i tilel i Yalobil Winic. Mero wolix i julel.

³⁰ Isujm mic subeñetla, ti pejtelel jini mi' caj ti ujtél che' w^Λ to an ti pañimil jini winicob x'ixicob año' b^Λ w^Λle.

³¹ Mi caj i jilel jini panchan yic'ot pañimil, pero mach jilic c t'an.

*Mach tsiquilic baqui b^Λ ora
(Mt. 24.36-44)*

³² Ma'anic majch yujil baqui b^Λ q'uin baqui b^Λ ora mi' caj ti ujtél jini, mi ángelob ti panchan, mi i Yalobil Dios. Jini jach c Tat yujil.

³³ Ch^Λca q'uele la' b^Λ. Yom y^Λx^Λal la' wo, come mach la' wujilic baqui ora mi' caj i c'otel i yorajlel.

³⁴ Lajal^Λch bajche' winic tsa' b^Λ majli ti ñajt^Λ. Che' b^Λ tsi' c^Λy^Λ i yotot tsi' y^Λq'ueyob i ye'tel i winicob. Ti jujuntiquil tsi' subeyob chuqui yom mi' melob. Tsi' sube xc^Λantaya cha'an mi' q'uel i ti' otot.

³⁵ Yom y^Λx^Λal la' wo, che' jini, come mach la' wujilic baqui ora tal i yum otot, mi ti ic'ajel, mi ti ojilil ac'alel, mi che' wolix ti uq'uel mut, mi ti s^Λc'ajel.

³⁶ Ame b^Λc' julic i tajetla che' w^Λy^Λletla.

³⁷ Jini mu' b^Λ c subeñetla mic subeñob ti pejtelelob. Yom y^Λx^Λal la' wo. Che' tsi' y^Λla Jesús.

14

Tsi' temeyob i t'an cha'an mi' chucob Jesús

(Mt. 26.1-5; Lc. 22.1-2; Jn. 11.45-53)

¹ Yom to cha'pejl q'uin cha'an i q'uiñilel Pascua che' mi' c'uxob caxlan waj mach b^Λ anic i levadurajlel. Jini ñuc b^Λ motomajob yic'ot sts'ijbayajob tsi' pejcayob i b^Λ cha'an bajche' mi' mejlel i chucob Jesús ti lot cha'an mi' ts^Λansaño.

² Tsi' y^Λlayob: Mach ti' yorajlelic q'uiñijel ame tejchicob ti cab^Λal a'leya winicob x'ixicob, che'ob.

*Jesús tsa' mujli ti ts'ac
(Mt. 26.6-13; Jn. 12.1-8)*

³ Che' ya'an Jesús ti Betania ti' yotot jini Simón tsa' b^Λ lajmes^Λbenti leco b^Λ i tsoy, che' buchul ti' t'ejl mesa, tsa' tili x'ixic am b^Λ i limetej melbil b^Λ ti xajlel, but'ul ti xojocña b^Λ ts'ac wen letsem b^Λ i tojol. Tsi' ts'ita' top'o jini limetej. Tsi' mulbe ti' jol Jesús.

⁴ Ya' añoob winicob tsa' b^Λ mich'ayob. Tsi' y^Λlayob: ¿Chucob tsa' lon jis^Λnti jini ts'ac? che'ob.

⁵ Come tsa'ic chojñi jini ts'ac an i tojol ñumen ti jo'lujunc'al (300) denario cha'an mi' y^Λq'uentelob jini p'ump'uño' b^Λ, che'ob. Tsi' y^Λleyob jini x'ixic.

⁶ Jesús tsi' subeyob: C^Λy^Λx^Λ la' w^Λlen. ¿Chucob mi la' techben i ch'ijiyemlel i pusic'al? I t'ojol jax jini tsa' b^Λ i melbeyon.

⁷ Come ti pejtelel ora an jini p'ump'uño' b^Λ la' wic'ot. Ba' ora la' wom mi' mejlel la' coltañoob. Mach ti pejtelelic ora w^Λ añoob la' wic'ot.

⁸ Jini x'ixic tsi' mele chuqui tsa' mejli i mel. Tsi' w^Λn boño c b^Λc'tal cha'an mic mujquel.

⁹ Isujm mic subeñetla, baqui jach mi' subjel jini wen t'an ti pejtelel pañimil, mi caj i subjel ja'el chuqui tsi' mele jini x'ixic cha'an mi' ña't^Λntel, che'en Jesús.

*Judas tsi' choño Jesús ti' c'ab i contra
(Mt. 26.14-16; Lc. 22.3-6)*

¹⁰ Judas Iscariote, i pi'al jini junlujuntiquil, tsa' majli ba'an ñuc b^Λ motomajob cha'an mi' y^Λc' Jesús ti' c'ab.

¹¹ Che' b^Λ tsi' yubiyob, tijicñayob i pusic'al motomajob. Tsi' y^Λc'ayob i t'an cha'an mi' y^Λq'ueñoob taq'uin Judas. Che' jini tsa' caji i chajpan i pusic'al cha'an mi' y^Λc' Jesús.

*Jesús tsi' c'uxu Pascua yic'ot xc^Λant'añoob
(Mt. 26.17-29; Lc. 22.7-23; Jn. 13.21-30; 1Co. 11.23-26)*

¹² Ti ñaxan b^Λ q'uin che' mi' c'uxob caxlan waj mach b^Λ anic i levadurajlel che' mi' ts^Λansañoob tiñame' cha'an Pascua, jini xc^Λant'añoob i cha'an tsi' subeyob: ¿Baqui a wom mic majlel lojon c chajpan cha'an ma' c'ux we'elal che' ti Pascua? che'ob.

¹³ Jesús tsi' choco majlel cha'tiquil xc^Λant'añoob i cha'an. Tsi' subeyob: Cucula ti tejclum. Mi caj i tajetla winic woli b^Λ i q'uech majlel uc'um. Tsajcanla majlel.

¹⁴ Baqui jach mi' yochel, subenla i yum otot: "Jini Maestro mi' y^Λl: ¿Baqui an jump'ejl i mal otot ba' mi' mejlel j c'ux we'elal cha'an Pascua yic'ot xc^Λant'añoob c cha'an?"

¹⁵ Jini winic mi' caj i p^Λsbeñetla colem b^Λ i mal otot ti chan, chajp^Λabilix b^Λ. An i

bΛl. Chajpabeñonla chuqui tac yom, che'en Jesús.

¹⁶ Tsa' majliyob jini xcant'añob i cha'an. Tsa' ochiyob ti tejclum. Tsi' tajayob jini otot che' bajche' tsi' subeyob. Tsi' chajpayob we'elal cha'an Pascua.

¹⁷ Che bΛ wolix i yic'an, tsa' tili Jesús yic'ot jini lajchantiquil.

¹⁸ Che' buchulob ti' t'ejl mesa che' woliyob ti we'el, Jesús tsi' subeyob: Isujm mic subeñetla, juntiquil woli bΛ i c'ux waj quic'ot mi caj i yac'on ti' c'ab j contra, che'en.

¹⁹ Ch'ijiyem tsa' caji i yubiñob. Quepecña tsa' caji i yalob ti jujuntiquil: ¿Joñon ba? che'ob.

²⁰ Tsi' subeyob: Jiñach i pi'al jini junlujuntiquil woli bΛ i ts'aj i waj ti ch'ejew quic'ot.

²¹ Melelach, i Yalobil Winic mi caj i majlel che' bajche' ts'ijbubil. Jini winic mu' bΛ i yac' i Yalobil Winic ti' c'ab i contra mi caj i taj wocol. Uts'at machic tsi' yila pañimil jini winic, che'en.

Jini Ch'ujul bΛ Waj

(Mt. 26.26-29; Lc. 22.15-20; 1Co. 11.23-25)

²² Che' bΛ tsi' cha'leyob we'el, Jesús tsi' ch'amΛ waj. Tsi' cha'le oración. Tsi' xet'e. Tsi' yalq'ueyob. Tsi' yalΛ: Ch'amΛla, jiñach c bac'tal, che'en.

²³ Tsi' ch'amΛ vaso. Che' bΛ tsi' sube Dios wocolix i yalΛ tsi' yalq'ueyob. Tsi' japayob ti jujuntiquil.

²⁴ Jesús tsi' subeyob: Jiñach c ch'ich'el cha'an jini trato bΛ t'an mu' bΛ i bejq'uel cha'an cablob.

²⁵ Isujm mic subeñetla, ma'anic mic chΛn jap i ya'lel ts'usub jinto mi' tilel jini q'uin che' mic jap jini tsiji' bΛ ti' yumantel Dios, che'en Jesús.

Pedro mi caj i yal mach i cañayic Jesús

(Mt. 26.30-35; Lc. 22.31-34, 39; Jn. 13.36-38)

²⁶ Che' bΛ tsa' ujt i c'ayañob jump'ejl c'ay, tsa' majliyob ti Olivo wits.

²⁷ Jesús tsi' subeyob: Mi caj i tejchel tile bixel bΛ la' pusic'al ti la' pejtelel cha'añon ti jini jach bΛ ac'alel, come ts'ijbubil: "Mi caj c low xcantaya, che'en Dios. Jini tiñame' mi caj i pam pujquel".

²⁸ Che' tejchemonix ch'ojoyel, mic majlel c pijtañetla ti Galilea, che'en Jesús.

²⁹ Pedro tsi' sube Jesús: Mi tsa' tejchi tile bixel bΛ i pusic'al pejtelelob, mach joñonic, che'en.

³⁰ Jesús tsi' sube: Isujm mic subeñet, ti ili ac'alel che' maxto cha'yajlic tsi' cha'le uq'uel mut, mi caj a wΛl mach a cañayonic, che'en.

³¹ Pedro tsi' wersa sube: Anquese wersa mic chΛmel quic'otet, ma'anic mi caj cΛl mach j cañayetic, che'en. Che' ja'el, tsi' yalayob ti pejtelelob.

Jesús tsi' cha'le oración ti pac'abΛl

(Mt. 26.36-46; Lc. 22.40-46)

³² Tsa' tiliyob ti pac'abΛl i c'aba' Getsemaní. Jesús tsi' sube xcant'añob i cha'an: Buchi'la ilayi che' mic cha'len oración, che'en.

³³ Tsi' pΛyΛ majlel Pedro yic'ot Jacobo yic'ot Juan. Ch'ijiyem tsa' caji i yubin Jesús. Tsi' wen mele i pusic'al.

³⁴ Tsi' subeyob: Wen ch'ijiyem c pusic'al, comix chΛmel ti' ch'ijiyemlel c pusic'al. Pijtanla wΛ'i. Yom yalxal la' wo, che'en.

³⁵ Tsa' to i ts'ita' xañΛ majlel. Tsi' pacchoco i bΛ ti lum. Tsi' c'ajtibe Dios cha'an ma'anic mi' c'otel i yorajlel jini wocol mi tsa' mejli ti tijq'uel.

³⁶ Jesús tsi' yalΛ: Papa, c Tat, ti pejtelel mi mejlel a mel. Loc'sabeñon ili wocol, pero mach ma' mel chuqui com, mele chuqui yom a pusic'al, che'en.

³⁷ Tsa' tili Jesús, tsi' taja wΛylob. Tsi' sube Pedro: ¿Simón, wΛyalel ba? ¿Mach ba anic tsa' mejli a tic' a wΛyel mi jump'ejlic ora?

³⁸ Yom yalxal la' wo. Cha'lenla oración cha'an ma'anic mi la' jac' la' pΛyol ti mulil. Come la' wom la' mel chuqui uts'at, pero c'uñatax la' bac'tal, che'en Jesús.

³⁹ Tsa' cha' majli. Tsi' cha'le oración. Lajal tsi' cha'le t'an.

⁴⁰ Tsa' cha' tili. Tsi' cha' tajayob, wΛylob come sut'sob jax i wut. Ma'anic chuqui tsa' mejli i yalob.

⁴¹ Ti' yuxyajlel tsa' tili Jesús. Tsi' subeyob: Cha'lenixla wΛyel, c'ajax la' wo. JasΛlix. I yorajlelix wΛle. Awilan, i Yalobil Winic woli' yajq'uel ti' c'ab xmulilob.

42 Ch'ojyenla. Conixla. Awilan, lac'al an jini mu' b_Λ i yac'on ti' c'ab j contra, che'en Jesús.

Tsa' chujqui Jesús

(Mt. 26.47-56; Lc. 22.47-53; Jn. 18.2-11)

43 Che' b_Λ woli to ti t'an tsa' b_Λc' tili Judas, i pi'al jini junlujuntiquil. Tsa' tili yic'ot cabal año' b_Λ i yespada yic'ot te' tac chocbilo' b_Λ tilel i cha'an ñuc b_Λ motomajob yic'ot sts'ijbayajob yic'ot xñoxob año' b_Λ i ye'tel.

44 Jini Judas tsa' b_Λ i yac'Λ Jesús ti' c'ab i contra tsi' w_Λn subeyob bajche' mi caj i cañob: Jini mu' b_Λ c ts'ujts'un, jiñach. Chucula, p_Λy_Λla majlel ti uts'at. Che' tsi' y_ΛΛ Judas.

45 Che' b_Λ tsa' tili ba'an Jesús tsi' b_Λc' lac'tesa i b_Λ. Tsi' y_ΛΛ: Maestro, Maestro, che'en. Tsi' ts'ujts'u.

46 Tsi' chucuyob. Tsi' p_Λy_Λyob majlel.

47 Juntiquil ya' b_Λ an tsi' bots'o i yespada. Tsi' lowo jini x'e'tel i cha'an jini c'ax ñuc b_Λ motomaj. Tsi' wel tsepbe loq'uel i chiquin.

48 Jesús tsi' subeyob: ¿Tsa' ba tiliyetla cha'an mi la' chucon che' bajche' mi la' chuc xujch' yic'ot espada yic'ot te'?

49 Añoñ la' wic'ot ti jujump'ejl q'uin ti Templo. Tsac cha'le c_Λntesa. Ma'anic tsa' la' chucuyon. Pero che'ach woli' yujtel cha'an mi' ts'actiyel i Ts'ijbujel Dios, che'en Jesús.

50 Ti pejtelel xc_Λnt'añoob tsi' c_Λy_Λyob Jesús. Tsa' puts'iyob.

51 Juntiquil ch'iton winic tsa' b_Λ i b_Λc'Λ i b_Λ ti pisil tsi' tsajca majlel Jesús. Winicob tsi' chucuyob jini ch'iton.

52 Jini tsi' c_Λy_Λ jini pisil. Pits'ilix tsa' puts'i.

Jesús ti' tojlel jini año' b_Λ i ye'tel

(Mt. 26.57-68; Lc. 22.54, 63-71; Jn. 18.12-14, 25-27)

19-24)

53 Tsi' p_Λy_Λyob majlel Jesús ba'an jini c'ax ñuc b_Λ motomaj. Pejtelel ñuc b_Λ motomajob yic'ot jini xñoxob am b_Λ i ye'tel yic'ot sts'ijbayajob tsi' tempayob i b_Λ ya'i.

54 Pedro tsi' ñajti tsajca majlel Jesús. Tsa' ochi ti' pam i yotot jini c'ax ñuc b_Λ motomaj. Tsa' buchle yic'ot xc_Λntayajob. Tsi' q'uiñesa i b_Λ ti c'ajc.

55 Jini ñuc b_Λ motomajob yic'ot pejtelel año' b_Λ i ye'tel tsi' sajcayob mu' b_Λ i cha'leñoob jop'tan ti' contra Jesús cha'an mi' yac'ob ti chamel. Ma'anic tsi' tajayob.

56 Come cabalob tsi' jop'oyob t'an ti' contra Jesús. Mach junlajalic i t'an.

57 Tsa' wa'leyob winicob tsa' b_Λ i jop'oyob t'an ti' contra. Tsi' y_ΛΛyob:

58 Tsa cubi lojon che' b_Λ tsi' y_ΛΛ: "Mi caj c jisan jini Templo melbil b_Λ ti c'ab_Λ. Ti uxp'ejl q'uin mi caj c wa'chocon yamb_Λ mach melbilic ti c'ab_Λ". Che' tsi' y_ΛΛ Jesús, che'ob.

59 Pero mach junlajalic i t'an tsa' b_Λ i subuyob.

60 Jini c'ax ñuc b_Λ motomaj tsa' wa'le ti ojli. Tsi' c'ajtibe Jesús: ¿Mach ba anic chuqui ma' jac'? ¿Chuqui jini mu' b_Λ i subob winicob ti a contra? che'en.

61 Ñach'al tsa' c_Λle. Ma'anic chuqui tsi' jac'Λ. Jini c'ax ñuc b_Λ motomaj tsi' cha' c'ajtibe: ¿Jatet ba Cristojet, jini Yajc_Λbil b_Λ, i Yalobilet ba jini Uts'at b_Λ? che'en.

62 Jesús tsi' sube: Joñon cu. Mi caj la' q'uel i Yalobil Winic buchul ti' ñoj jini p'at_Λ b_Λ Dios. Mi caj la' q'uel che' mi' tilel ti tocal ti panchan, che'en.

63 Jini c'ax ñuc b_Λ motomaj tsi' tsili i pisil. Tsi' y_ΛΛ: ¿Chuqui to i c'ajñibal xtoj'esa t'añoob?

64 Tsa'ix la' wubi i p'ajoñel. ¿Chuqui mi la' w_Λl? che'en jini c'ax ñuc b_Λ motomaj. Ti pejtelel tsi' y_ΛΛyob wesa yom mi' y_Λjq'uel ti chamel cha'an i mul.

65 An tsa' b_Λ caji i tujbañoob Jesús. Tsi' mosbeyob i wut. Tsi' jats'ayob. Tsi' subeyob: P_Λsbeñoñ lojon mi x'alt'añet, che'ob. Jini xc_Λntayajob tsi' poch'iyob.

Pedro tsi' y_ΛΛ mach i cañayic Jesús

(Mt. 26.69-75; Lc. 22.55-62; Jn. 18.15-18,

66 Che' ya'to an Pedro ti ental ti pam otot, tsa' tili juntiquil i criada jini c'ax ñuc b_Λ motomaj.

67 Che' b_Λ tsi' q'uele woli' q'uiñesan i b_Λ Pedro, tsi' wen q'uele. Tsi' y_ΛΛ: Jatet ja'el añet yic'ot Jesús ch'oyol b_Λ ti Nazaret, che'en.

68 Pedro tsi' y_ΛΛ mach isujmic. Tsi' y_ΛΛ: Mach kujilic chuqui ma' w_Λl. Ma'anic mic

ch'amben isujm, che'en. Tsa' majli ti' ti' corredor. Tsi' cha'le jun'uq'uel tat mut.

⁶⁹ Jini criada tsi' cha' q'uele. Tsa' caji i suben jini lac'al b_A añob: Jini winic jiñach xcant'an i cha'an, che'en.

⁷⁰ Pedro tsi' cha' al_A mach isujmic. Ti jumuc' jach jini lac'al b_A añob tsi' cha' subeyob Pedro: Isujm jatet xcant'añet i cha'an come ch'oyolet ti Galilea. Lajal a t'an che' bajche' i t'an, che'ob.

⁷¹ Pedro tsa' caji i bajñel ch'ac i b_A. Tsi' wersa wa'choco i t'an. Tsi' yal_A: Ma'anic mij can jini winic mu' b_A la' taj ti t'an, che'en.

⁷² Tsi' cha' cha'le uq'uel mut cha'yajlelix. Tsa' c'ajtiyi ti' pusic'al Pedro i t'an Jesús tsa' b_A i sube: "Che' maxto i cha'yajlic mi' cha'len uq'uel tat mut, uxyajl mi' caj a w_Al mach a cañayonic". Che' b_A tsi' ña'ta Pedro, tsi' cha'le uq'uel.

15

Jesús ti' tojlel Pilato

(Mt. 27.1-2, 11-14; Lc. 23.1-5; Jn. 18.28-38)

¹ Ti sac'ajel tsi' tempayob i b_A ti t'an jini ñuc b_A motomajob yic'ot jini xñoxob am b_A i ye'tel yic'ot sts'ijbayajob yic'ot pejtelel año' b_A i ye'tel. C_Ach_Al tsi' p_Ay_Ayob majlel Jesús. Tsi' yac'ayob ti' c'ab Pilato.

² Pilato tsi' c'ajtibe: ¿Jatet ba i Reyet judíojob? che'en. Jesús tsi' sube: Isujm bajche' ma' w_Al, che'en.

³ Jini ñuc b_A motomajob cab_Al tsi' pac'ayob ti mulil Jesús.

⁴ Pilato tsi' cha' c'ajtibe: ¿Mach ba anic chuqui ma' jac'? Ubin jaychajp woli' yalob ti a contra, che'en.

⁵ Ma'anic tsi' ch_An jac'ac Jesús. Jini cha'an tsa' toj sajti i pusic'al Pilato.

Jesús o Barrabás

(Mt. 27.15-26; Lc. 23.13-25; Jn. 18.38-40)

⁶ I tilelach jini gobernador mi' yac' ti coled juntiquil xñujp'el majqui jach c'ajtibil i cha'an winicob che' woli' melob q'uin.

⁷ Ya' ñup'ulob winicob tsa' b_A i cha'leyob tsansa che' b_A tsi' contrajiyob gobierno. Juntiquil i c'aba' Barrabás.

⁸ Che' b_A tsa' tiliyob winicob tsa' caji i c'ajtibeñob Pilato cha'an mi' cha'len che' bajche' i tilel.

⁹ Pilato tsi' jac'beyob: ¿La' wom ba mi cac' ti coled i Rey judíojob? che'en.

¹⁰ Come Pilato yujil tsa' jach i yac'ayob Jesús ti' c'ab cha'an tsaytsayñayob i pusic'al jini ñuc b_A motomajob cha'an i ñucled Jesús.

¹¹ Jini ñuc b_A motomajob tsi' xic'beyob winicob cha'an mi' c'ajtiñob ti coled Barrabás.

¹² Pilato tsi' cha' c'ajtibeyob: ¿Chuqui la' wom mic tumben jini mu' b_A la' pejcan ti' Rey judíojob? che'en.

¹³ Tsa' cha' cajiyoob ti c'am b_A t'an: ¡Ch'iji ti cruz! che'ob.

¹⁴ Pilato tsi' subeyob: ¿Chuqui ti jontolil tsi' cha'le? che'en. Tsa' utsi cajiyoob ti c'am b_A t'an: ¡Ch'iji ti cruz! che'ob.

¹⁵ Pilato yom i mel bajche' yomob winicob. Jini cha'an tsi' yac'ac ti coled Barrabás. Che' b_A tsa' ujti i jats' Jesús ti asiyal, tsi' yac'ac ti' c'ab soldadojob cha'an mi' ch'ijob ti cruz.

Soldadojob tsi' ts'a'leyob Jesús

(Mt. 27.27-31; Jn. 19.1-3)

¹⁶ Jini soldadojob tsi' p_Ay_Ayob majlel. Tsa' ochiyob ti jump'ejl i mal colem otot i c'aba' pretorio. Tsi' p_Ay_Ayob tilel pejtelel soldadojob ti junmojtlet.

¹⁷ Tsi' lapbeyob ch_Acchojan b_A i pislel. Che' b_A tsi' xot jalayob ch'ix, tsi' joy ñet'beyob ti' jol Jesús.

¹⁸ Tsa' caji i yac'ueñob cortesía: Cotañet i Reyet judíojob, che'ob.

¹⁹ Tsi' jats'beyob i jol ti sic'ab. Tsi' tujbayob. Tsi' ñocchocoyob i b_A che' bajche' woli' ch'ujutesañob yilal.

²⁰ Che' b_A tsa' ujti i wajleñob, tsi' jochbeyob jini ch_Accojan b_A bujcal. Tsi' cha' lapbeyob i pislel. Tsi' p_Ay_Ayob majlel cha'an mi' ch'ijob ti cruz.

Tsa' chami ti cruz Jesús

(Mt. 27.32-56; Lc. 23.26-49; Jn. 19.16-30)

²¹ Simón ch'oyol b_A ti Cirene woli' ñumel majlel, loq'uemix tilel ti xchumtal. Jiñach i tat Alejandro yic'ot Rufo. Wersa tsi' yac'ueyob i q'uechben majlel i cruz Jesús.

²² Tsi' p_Ay_Ayob majlel c'alal ti bujt_Al i c'aba' Gólgota, mi' yal ti lac t'an che' yilal bajche' i b_Aquel jolal.

²³ Tsi' yac'ueyob vino xab_Al yic'ot mirra cha'an mi' jap. Ma'anic tsi' ch'am_A.

24 Tsi' ch'ijiyob ti cruz. Tsi' pucbeyob i b_Λ i pislel Jesús. Tsi' cha'leyob yajcaya ti alas cha'an mi' ña'tañob baqui b_Λ mi' ch'Λmob ti jujuntiquil.

25 Yom to uxp'ejl ora cha'an xinq'uiñil che' b_Λ tsi' ch'ijiyob ti cruz.

26 Jiñach jini ts'ijbubil b_Λ ti' contra Jesús: I REY JUDIOJOB.

27 Tsi' ch'ijiyob ti cruz cha'tiquil xujch' yic'ot Jesús, juntiquil ti' ñoj, juntiquil ti' ts'ej.

28 Tsa' ts'actiyi i Ts'ijbujel Dios mu' b_Λ i y_Λ: Tsa' tsijqui yic'ot xmulilob.

29 Jini woliyo' b_Λ ti ñumel tsi' p'ajayob. Tsi' ñijcayob i jol. Tsi' subeyob: Aja. Jatet, mu' b_Λ a jisan i Templo Dios mu' b_Λ a cha' wa'chocon ti uxp'ejl q'uin.

30 Coltan a b_Λ, juben ti cruz, che'ob.

31 Che' ja'el ñuc b_Λ motomajob tsi' wajleyob yic'ot jini sts'ijbayajob. Tsi' subeyob i b_Λ: Tsi' colta yaño' b_Λ. Mach mejlic i coltan i b_Λ.

32 La' jubic ti cruz jini Cristo, i Rey Israel, cha'an mi laj q'uel, cha'an mi lac ñop, che'ob. Jini tsa' b_Λ ch'ijleyob ti cruz yic'ot Jesús tsi' wajleyob ja'el.

33 Ti xinq'uiñil tsa' ic'a pejtelel pañimil c'Λl_Λ ti och'ajel q'uin.

34 Ti och'ajel q'uin wen c'am tsi' cha'le t'an Jesús. Tsi' y_ΛΛ: Eloi, Eloi, ¿lama sabactani? che'en. Mi' y_Λ ti lac t'an: C Dios, c Dios, ¿chucoch tsa' c_Λy_Λyon?

35 Che' b_Λ tsi' yubiyob jini l_Λc'Λl b_Λ añob, lamital tsi' y_ΛΛyob: Awilan, woli' p_Λy tilel Elías, che'ob.

36 Juntiquil tsa' majli ti ajñel cha'an mi' y_Λc' ch_Λyo'ja' i ch_Λy vinagre. Tsi' y_Λc'Λ ti' ñi' te'. Tsi' y_Λq'ue cha'an mi' ts'ujts'un. Tsi' y_ΛΛ: Pijtanla. La' laj q'uel mi tal Elías cha'an mi' ju'san, che'en.

37 Jesús wen c'am tsi' cha'le t'an. Tsa' ch_Λmi.

38 Jini pisil joc'ol b_Λ ti Templo tsa' tsijli jubel ti' jol c'Λl_Λ ti yoc.

39 Ya'an i yaj capitán jo'c'al soldadojob ti' tojel i wut Jesús. Che' b_Λ tsi' q'uele woli ti t'an che' b_Λ tsa' ch_Λmi, tsi' y_ΛΛ: Isujmach i Yalobilach Dios jini winic, che'en.

40 Ya' añob x'ixicob ja'el woli' ñajti q'uelob. Ya'an María ch'oyol b_Λ ti Magdala

yic'ot Salomé yic'ot María i ña' José, yic'ot Jacobo jini ijts'iñil b_Λ.

41 Jiñob tsi' tsajcayob Jesús che' an to ti Galilea. Tsi' we'sayob majlel. Ya' añob yic'ot cab_Λl x'ixicob tsa' b_Λ letsiyob tilel ti Jerusalén yic'ot Jesús.

Tsi' yotsayob Jesús ti mucoñib_Λ
(Mt. 27.57-61; Lc. 23.50-56; Jn. 19. 38-42)

42 I q'uiñilel_Λch chajpaya come ti yijc'Λl_Λ mi' c'ajob i yo. Tsa' b_Λjli q'uin.

43 Tsa' tili José ch'oyol b_Λ ti Arimatea, am b_Λ ñuc b_Λ i ye'tel, yic'ot yaño b_Λ. Jini ja'el woli' pijtan i yum_Λntel Dios. Ch'ejl i pusic'al tsa' ochi ba'an Pilato. Tsi' c'ajtibe i b_Λc'tal Jesús.

44 Pilato ma'anic tsi' ñopo mi tsa'ix ch_Λmi Jesús. Tsi' p_Λy_Λ tilel juntiquil capitán. Tsi' c'ajtibe mi ch_Λmenix Jesús.

45 Che' yujlix cha'an ti' t'an capitán ch_Λmenix Jesús, Pilato tsi' y_Λq'ue José i b_Λc'tal.

46 José tsi' m_Λmbe i b_Λjq'uul. Tsi' ju's_Λbe i b_Λc'tal Jesús. Tsi' b_Λc'Λ ti' b_Λjq'uul. Tsi' ñolchoco ti' yotlel ch'ujlel_Λl tocbil b_Λ i mal xajlel. Tsi' selc'u majlel xajlel ti' ti' i yotlel ch'ujlel_Λl.

47 María ch'oyol b_Λ ti Magdala yic'ot María i ña' José tsi' q'ueleyob ba' tsa' ñolchoconti.

16

Tsa' cha' ch'ojyi Jesús
(Mt. 28.1-8; Lc. 24.1-12; Jn. 20.1-10)

1 Che' b_Λ tsa' ñumi jini q'uin che' mi' c'ajob i yo, María ch'oyol b_Λ ti Magdala, yic'ot Salomé, yic'ot María i ña' Jacobo, tsi' m_Λñ_Λyob xojocña b_Λ ts'ac cha'an mi' majlel i boñob.

2 Wen seb to ti jini ñaxan b_Λ q'uin ti semana tsa' majliyob ti' yotlel ch'ujlel_Λl che' pasemix q'uin.

3 Tsi' pejcayob i b_Λ: ¿Majqui mi caj i selc'ubeñonla loq'uel xajlel am b_Λ ti' ti' i yotlel ch'ujlel_Λl? che'ob.

4 Che' b_Λ tsi' yilayob, tsi' q'ueleyob selc'ublix loq'uel jini xajlel. Wen colem jini xajlel.

5 Che' b_Λ tsa' ochiyob ti' yotlel ch'ujlel_Λl, tsi' q'ueleyob ch'iton winic buchul ti' ñoj, l_Λp_Λl i cha'an tam b_Λ i pislel wen s_Λs_Λc b_Λ. Tsa' toj sajtiyob i pusic'al.

⁶ Jini winic tsi' subeyob: Mach la' cha'len b_Λq'uen. Woli la' sajcan Jesús ch'oyol b_Λ ti Nazaret jini tsa' b_Λ ch'ijle ti cruz. Tsa'ix ch'ojoyi. Mach w_Λ'ix an. Q'uelela i yajñib ba' tsi' ñolchocoyob.

⁷ Cucula, subenla x_Λant'añob i cha'an yic'ot Pedro woli' majlel Jesús i pijtañetla ti Galilea. Ya'i mi caj la' q'uel che' bajche' tsi' subeyetla, che'en.

⁸ Jini x'ixicob tsa' loq'uiyob majlel ti ajñel ba'an i yotlel ch'ujlel_Λ come tsiltsilñayob ti b_Λq'uen. Ma'anic chuqui tsi' subeyob yaño' b_Λ come woliyob ti b_Λq'uen.

Jesús tsa' tsictiyi ti' wut María ch'oyol b_Λ ti Magdala

(Mt. 28.9-10; Jn. 20.11-18)

⁹ Che' b_Λ tsa' ch'ojoyi Jesús ti s_Λc'ajel ti ñaxan b_Λ q'uin ti semana, tsa' ñaxan tsictiyi ti' wut María ch'oyol b_Λ ti Magdala. Jiñ_Λch tsa' b_Λ chocbenti loq'uel wuctiquil xiba ti' pusic'al ti' p'_Λtlalel Jesús.

¹⁰ Jini María tsa' majli i suben jini x_Λant'añob tsa' b_Λ i pi'leyob ti x_Λmbal Jesús. Woliyob ti uq'uel, ch'ijiyemob i pusic'al.

¹¹ Che' b_Λ tsi' yubiyob cha' cuxulix Jesús, q'uelelix i cha'an jini x'ixic, ma'anic tsi' ñopbeyob i t'an.

Cha'tiquil x_Λant'añob tsi' q'ueleyob Jesús

(Lc. 24.13-35)

¹² Ti wi'il tsa' tsictiyi Jesús ti' wut cha'tiquil woli b_Λ i cha'leñob x_Λmbal majlel ti bij. Mach che'ic tsi' p_Λs_Λ i b_Λ bajche' ti ñaxan.

¹³ Jini cha'tiquil tsa' majli i subeñob yaño' b_Λ winicob, pero ma'anic tsi' ñopbeyob i t'an ja'el.

Jesús tsi' subeyob majlel ti subt'an x_Λant'añob

(Mt. 28.16-20; Lc. 24.36-49; Jn. 20. 19-23; Hch. 1.6-8)

¹⁴ Ti wi'il tsa' tsictiyi Jesús ti' wut jini junlujuntiquil che' buchulob ti' t'ejl mesa. Jesús tsi' y_Λ'leyob cha'an i ts_Λtslelob i pusic'al cha'an ma'anic tsi' ñopoyob. Come ma'anic tsi' ñopbeyob i t'an jini tsa' b_Λ i q'ueleyob Jesús che' b_Λ tejchemix ch'ojoyel.

¹⁵ Jesús tsi' subeyob: Cucula ti pejtelel pañimil. Subenla jini wen t'an pejtelel winicob x'ixicob.

¹⁶ Jini mu' b_Λ i ñop mu' b_Λ i ch'_Λm ja' mi caj i colt_Λntel. Jini mach b_Λ anic mi' ñop mi caj i y_Λjq'uel ti tojmulil.

¹⁷ Mi' caj ti tsictiyel i yejtal c p'_Λtlalel ti jini mu' b_Λ i ñopob: Tij c'aba' mi caj i chocob loq'uel xibajob. Mi' cajelob ti t'an ti yan tac b_Λ t'an.

¹⁸ Mi' caj i chucob lucum. Mi an chuqui tac mi' japob am b_Λ i venenojlel, ma'anic mi caj i yubiñob wocol. Mi caj i y_Λc'ob i c'_Λb ti x_Λ'am_Λjelob. Mi caj i lajmelob. Che' tsi' y_Λl_Λ Jesús.

Tsa' p_Λjiy letsel ti panchan Jesús

(Lc. 24.50-53; Hch. 1.9-11)

¹⁹ Lac Yum Jesús che' b_Λ tsa' ujt_i i subeñob jini t'an, tsa' p_Λjiy letsel ti panchan. Tsa' buchle ti' ñoj Dios.

²⁰ Jini junlujuntiquil tsa' majliyob. Tsi' cha'leyob subt'an ti pejtelel lum. Lac Yum tsi' tem cha'le e'tel yic'otob. Tsi' p_Λs_Λ i yejtal tac i p'_Λtlalel ti' tojlelob che' b_Λ tsi' cha'leyob sub t'an.

LUCAS

Jun cha'an Teófilo

¹ Caballob tsi' ts'ijbayob chuqui tac tsa' ts'actiyi ti isujm ti lac tojlel.

² Lajal tsi' ts'ijbayob bajche' tsi' cantesayonla jini tsa' b_Λ i q'ueleyob c'Λ_Λ ti' cajibal. Jiñob_Λch mu' b_Λ i subob jini t'an.

³ Jini cha'an che' b_Λ tsa' ujt_i c ña'tan ti toj i sujmllel pejtelel chuqui tsa' ujt_i c'Λ_Λ ti' cajibal, joñon ja'el tsac ña'ta uts'at mic ts'ijbubeñet ti quepecña, uts'at b_Λ Teófilo.

⁴ Wolíc ts'ijbubeñet ili jun cha'an ma' wen c_Λn i sujmllel jini tsa' b_Λ subentiyet.

Angel tsi' w_Λn al_Λ mi caj i yilan pañimil Juan

⁵ Ti' yorajlel Herodes, jini rey ti Judea, an motomaj i c'aba' Zacarías lajal b_Λ i ye'tel bajche' Abías. An i yijñam Zacarías i c'aba' Elisabet, loq'uem b_Λ ti' p'olbal Aarón.

⁶ Tojob ti' tojlel Dios ti cha'ticel. Ts'Λ_Λ tsi' jac'ayob pejtelel i subal lac Yum yic'ot i mandar.

⁷ Ma'añobic i yalobil, come to'o wa'al jach b_Λ x'ixic jini Elisabet. Cab_Λlix i jabilel ti cha'ticel.

⁸ Zacarías tsi' cha'le i ye'tel ti motomaj ti' tojlel Dios che' an ti' wenta.

⁹ Come i tilel mi' cha'leñob yajcaya che' mi' q'uexob i b_Λ jini motomajob. Tsa' ochi ti' wenta Zacarías cha'an mi' yochel ti' Templo lac Yum cha'an mi' pul pom.

¹⁰ Pejtelel winicob x'ixicob añob ti jumpat. Woli' pejcañob Dios ti' yorajlel che' mi' pullel pom.

¹¹ Tsa' tsictiyi ti' wut Zacarías i yánel lac Yum, wa'al ti' ñoj ba'an i pul_Λntib pom.

¹² Tsiltsilña Zacarías che' b_Λ tsi' q'uele. Tsa' wen caji ti b_Λq'uen.

¹³ Jini ánel tsi' sube: Mach a cha'len b_Λq'uen Zacarías, come tsa' ubinti a woración. Mi caj i tsictiyel i yalobil a wijñam Elisabet. Mi caj i yilan pañimil ch'iton b_Λ a walobil. Mi caj a wots_Λben i c'aba' Juan.

¹⁴ Tijicña mi caj a wubin. Mi caj i ñuc'an a pusic'al. Tijicña jax mi caj i yubiñob caballob che' mi yilan pañimil a walobil.

¹⁵ Come ñuc mi caj i q'uejlel a walobil ti' tojlel Dios. Ma'anic mi caj i jap vino mi lembal. C'Λ_Λ che' c_Λnt_Λbil, but'ul ti Ch'ujul b_Λ Espíritu mi caj i yajñel.

¹⁶ Mi caj i y_Λq'ueñob i sutq'uin i b_Λ cab_Λ israelob cha'an mi' ñopob i Yum Dios.

¹⁷ Mi caj i majlel a walobil ñaxan ti' tojlel Lac Yum. Lajal i ye'tel yic'ot i p'Λ_Λlel bajche' Elías. Mi caj i y_Λq'ueñob i pusic'al tat_Λlob cha'an mi' c'uxbiñob i yalobil. Mi caj i y_Λq'ueñob i pusic'al xñusa mandarob cha'an mi' tajob i ña'tabal lajal bajche' jini tojo' b_Λ. Che' jini mi caj i y_Λq'ueñob winicob x'ixicob i chajpañob i pusic'al cha'an lac Yum. Che' tsi' y_ΛΛ jini ánel.

¹⁸ Zacarías tsi' sube jini ánel: ¿Bajche' mi caj c ña'tan mi isujm jini? Joñon ñoxonix. Anix cab_Λ i jabilel quijñam ja'el, che'en.

¹⁹ Jini ánel tsi' sube: Joñon Gabrielon. Añon ti' tojlel Dios. Chocbilon tilel cha'an mic pejcañet cha'an mic subeñet jini wen t'an.

²⁰ Awilan, mi caj a wochel ti uma'. Ma'anic mi caj a mejlel ti t'an c'Λ_Λ ti jini q'uin che' mi' yujtel jini tsa' b_Λ c subeyet. Come ma'anic tsa' ñopo c t'an cha'an jini mu' b_Λ caj ti ujt_{el} che' ti' yorajlel, che'en jini ánel.

²¹ Che' b_Λ woli' ch_Λn pijtañob Zacarías jini winicob x'ixicob, tsi' c'ajtibeyob i b_Λ chucoch tsa' ch_Λn jale Zacarías ti Templo.

²² Che' b_Λ tsa' loq'ui tilel Zacarías, ma'anic tsa' mejli i pejcañob. Tsi' ña'tayob an chuqui tsi' q'uele Zacarías ti Templo ch'oyol b_Λ ti panchan. Tsa' jach i pejcayob ti' c'Λ_b. Tsa' c_Λle ti x'uma'.

²³ Che' b_Λ tsa' ujt_i i mel i ye'tel, tsa' majli Zacarías ti' yotot.

²⁴ Ti wi'il tsa' caji i c_Λntan i yalobil Elisabet. Jo'p'ejl uw ma'anic tsa' majli ba'an i pi'Λ_{lob}.

²⁵ Tsi' y_ΛΛ: Tsa'ix i coltayon c Yum. Tsi' y_Λc'Λ ti lajmel c wajlentel ti' tojlel winicob x'ixicob, che'en.

Angel tsi' w_Λn al_Λ mi caj i yilan pañimil Jesús

²⁶ Ti' w_Λc'p'ejlel uw Dios tsi' choco tilel jini ánel Gabriel ti jump'ejl tejclum ya' ti Galilea i c'aba' Nazaret.

27 Tsa' tili jini ángel ba'an juntiquil tsijib xch'oc c'ajtibil b_Λ i cha'an José. Jini José loq'uem ti' p'olbal David. I c'aba' jini xch'oc María.

28 Che' b_Λ tsa' ochi ángel ya' ba'an María tsi' sube: Cotañet. Uts'at woli' q'uelet Dios. An lac Yum a wic'ot. X'ixicob mi caj i subob a ñuclel, che'en.

29 Tsiltsilña jax i pusic'al María che' b_Λ tsi' q'uele jini ángel. Tsa' caji ti t'an ti' pusic'al cha'an jini tsa' b_Λ i y_ΛΛ ángel.

30 Jini ángel tsi' sube: Mach ma' cha'len b_Λq'uen, María, come uts'at woli' q'uelet Dios.

31 Mi caj a c_Λntan al_Λ. Mi caj i yilan pañimil ch'iton b_Λ a walobil. Mi caj a wotsaben i c'aba' Jesús.

32 Mi caj i q'uejlel ti ñuc. Mi caj i pejc_Λntel ti' Yalobil jini C'ax Ñuc b_Λ. Lac Yum Dios mi caj i y_Λq'uen i ye'tel ti Rey ti' q'uexol i ñojte'el, i c'aba' David.

33 Mi caj i cha'len i ye'tel ti Rey ti' tojlel i p'olbal Jacob ti pejtelel ora. Ma'anic mi caj i jilel i yum_Λntel, che'en jini ángel.

34 María tsi' sube jini ángel: ¿Bajche' mi caj i yujtel jini? come maxto anic winic quic'ot, che'en.

35 Jini ángel tsi' sube: Mi caj i yochel jini Ch'ujul b_Λ Espíritu ti a tojlel. I p'_Λtalel jini C'ax Ñuc b_Λ mi caj i moset. Jini cha'an jini ch'ujul b_Λ al_Λ mu' b_Λ caj i yilan pañimil mux i pejc_Λntel ti' Yalobil Dios.

36 Awilan, a pi'_Λl Elisabet ja'el wolix i c_Λntan ch'iton b_Λ i yalobil, anquese cab_Λlix i jabilel. W_Λc_p'ejlix uw woli' c_Λntan al_Λ jini tsa' b_Λ ajli ti to'o wa'al jach b_Λ x'ixic.

37 Come ma'anic chuqui mach mejlic i mel Dios. Che' tsi' y_ΛΛ jini ángel.

38 María tsi' y_ΛΛ: Joñon x'e'telon i cha'an lac Yum. La' melbenticon che' bajche' tsa' w_ΛΛ, che'en. Tsa' loq'ui majlel ángel ba'an María.

María tsa' majil i jula'tan Elisabet

39 Che' ñumenix cha'p'ejl uxp'ejl q'uin tsa' caji ti x_Λmbal María. Tsi' se'ñu majlel i b_Λ ti wits c'_Λl_Λ ti jump'ejl tejclum ya' ti Judá.

40 Tsa' ochi ti' yotot Zacarías. Tsi' y_Λq'ue cortesía Elisabet.

41 Che' b_Λ tsi' yubibe i t'an María jini Elisabet, jini al_Λ c_Λnt_Λbil b_Λ i cha'an Elisabet

ts_Λts tsi' ñijca i b_Λ ti' ñ_Λc' i ña'. Tsa' bujt'i Elisabet ti Ch'ujul b_Λ Espíritu.

42 Tsa' caji i cha'len c'am b_Λ t'an: Mi caj a sujbel ti ñuc cha'an x'ixicob. Mi caj i sujbel ti ñuc jini al_Λ c_Λnt_Λbil b_Λ a cha'an.

43 ¿Ñucon ba cha'an mi' jula'tañon i ña' c Yum?

44 Awilan che' b_Λ tsa' ochi a t'an tic chiquin, jini al_Λ c_Λnt_Λbil b_Λ c cha'an ts_Λts tsi' ñijca i b_Λ cha'an i tijicñ_Λyel.

45 Tijicñayet cha'an tsa' ñopbe i t'an lac Yum mu' b_Λ caj i ts'_Λctiyel, che'en Elisabet.

I c'ay María

46 María tsi' y_ΛΛ: Mic sub i ñuclel lac Yum ti pejtelel c pusic'al.

47 Tijicña c ch'ujlel cha'an Dios Xcoltaya c cha'an.

48 Dios tsi' q'uele mach ñuquic jini x'e'tel i cha'an. Come awilan, winicob x'ixicob yic'ot i p'olbalob ti lajm ti lajm mi caj i y_Λlob tijicñayon.

49 Come jini Am b_Λ i P'_Λt_Λlel tsi' melbeyon chuqui tac ñuc. Ch'ujul i c'aba'.

50 Mi' p'untan winicob x'ixicob yic'ot i yalobilob mu' b_Λ i b_Λc'ñañob Dios.

51 Tsa'ix i p_Λs_Λ i p'_Λtalel i c'_Λb yic'ot ñuc b_Λ i melbal. Tsi' pucu majlel jini tsa' b_Λ i q'ueleyob i b_Λ ti ñuc ti' bajñel ña't_Λbal.

52 Tsi' chilbeyob i ye'tel jini tsa' b_Λ buchleyob ti ñuc b_Λ i ye'tel. Tsi' y_Λq'ueyob i ñuclel jini mach b_Λ ñucobic.

53 Tsi' lajmes_Λbeyob i wi'ñal jini wi'ñayo' b_Λ yic'ot cab_Λ chuqui tac wen. To'ol che jach tsi' choco majlel jini wen chumulo' b_Λ.

54 Tsi' colta israelob, i winicob, cha'an c'ajal i cha'an bajche' yom i p'untañob,

55 che' bajche' tsi' pejcayob lac ñojte'el Abraham yic'ot pejtelel i p'olbal, che'en María.

56 Ya' to tsa' jal'a María che' bajche' uxp'ejl uw yic'ot Elisabet. Ti wi'il tsa' sujti ti' yotot.

Tsi' yila pañimil Juan tsa' b_Λ i y_Λc'_Λ ch'_Λmja'

57 Tsa' c'oti i yorajlel cha'an mi' yilan pañimil i yalobil Elisabet. Tsi' y_Λc'_Λ ti pañimil ch'iton b_Λ i yalobil.

58 I pi'_Λlob ti chumt_Λl yic'ot i pi'_Λlob Elisabet tsi' yubiyob bajche' Dios tsi' p'unta Elisabet. Tijicñayob i pusic'al yic'ot Elisabet.

⁵⁹ Ti' wax_Λcp'ejlel q'uin tsa' tiliyob cha'an mi' tsepbentel i p_Λch_Λlel jini al_Λl ch'iton. Yom i yots_Λbeñob i c'aba' Zacarías ti' q'uexol i tat.

⁶⁰ Pero i ña' jini al_Λl tsi' subeyob: Mach che'ic yom. Mi caj i yots_Λbentel i c'aba' Juan, che'en.

⁶¹ I pi'_Λlob tsi' subeyob Elisabet: Ma'anic a pi'_Λlob am b_Λ i c'aba' ti Juan, mi jun-tiquilic, che'ob.

⁶² Tsa' caji i pejcañob Zacarías ti' c'_Λb cha'an mi' c'aj_tibeñob bajche' yom i yots_Λben i c'aba' i yalobil.

⁶³ Tsi' c'aj_ti jun. Tsi' ts'ijba: I c'aba'_Λch Juan. Che' tsi' ts'ijba. Tsa' toj sajtiyob i pusic'al ti pejteleob.

⁶⁴ Ti ora tsa' cha' caji ti t'an. Tsa' jijti i yac' Zacarías. Tsi' subu i ñucl_Λl Dios.

⁶⁵ Tsa' caji yob ti b_Λq'uen pejtelel i pi'_Λlob ti chumt_Λl. Ti pejtelel wits ya' ti Judea tsa' caji ti sujbel pejtelel ili tsa' b_Λ ujti.

⁶⁶ Pejtelel tsa' b_Λ i yubiyob tsi' lotoyob ti' pusic'al. Tsi' y_Λl_Λyob: ¿Chuqui mi caj i cha'len jini al_Λl? che'ob. Tsa' tsictiyi i p'_Λt_Λlel lac Yum yic'ot.

Tsi' subu t'an Zacarías

⁶⁷ Zacarías, i tat jini al_Λl, tsa' bujt'i ti Ch'ujul b_Λ Espíritu. Tsa' caji ti subt'an. Tsi' y_Λl_Λ:

⁶⁸ La' subjic ti ñuc lac Yum Dios, i Dios Israel. Tsa'ix tili ba'an i cha'año' b_Λ. Tsa'ix i mañ_Λyob.

⁶⁹ Tsa'ix i y_Λq'ueyonla p'_Λt_Λl b_Λ Xcoltaya loq'uem b_Λ ti' p'olbal David, x'e'tel b_Λ i cha'an.

⁷⁰ Che'_Λch tsi' cha'le t'an Dios yic'ot ch'ujul b_Λ x'alt'año'ob i cha'an ti wajali.

⁷¹ Dios tsi' y_Λl_Λ mi caj laj colt_Λntel loq'uel ti' c'_Λb laj contrajob yic'ot ti' c'_Λb pejtelel mu' b_Λ i ts'a'leño'la.

⁷² Che' jini mi caj i p'untaño'la che' bajche' tsi' subeyob lac ñojte'el. Mi caj i ña'tan jini ch'ujul b_Λ xuc'ul b_Λ t'an

⁷³ che' bajche' tsi' sube lac tat Abraham ba' ora tsi' wa'choco i t'an.

⁷⁴ Mi caj i y_Λq'ueño'la lac cha'liben i ye'tel che' colt_Λbilonixla loq'uel ti' c'_Λb laj contrajob. Che' jini ma'anic b_Λq'uen mi caj lac cha'liben i ye'tel.

⁷⁵ Che' jini ch'ujulonla, tojonla ti' wut Dios mi mejlel lac melben i ye'tel ti pejtelel q'uin che' cuxulon to la.

⁷⁶ Jatet, al_Λl, mi caj a pejc_Λntel ti x'alt'an i cha'an jini C'ax Ñuc B_Λ. Come mi caj a majlel ñaxan ti' wut lac Yum cha'an ma' chajp_Λben i bijlel.

⁷⁷ Mi caj a w_Λq'ueño'ob winicob x'ixicob i c_Λn bajche' mi caj i colt_Λntelob che' mi' ñu_Λs_Λbentelob i mul.

⁷⁸ Come cab_Λl tsi' p'untayonla lac Dios. Mi caj i chocheño'la tilel i s_Λc_Λlel pañimil ch'oyol b_Λ ti chan.

⁷⁹ Che' jini mi caj i y_Λq'ueño'ob i s_Λc_Λlel pañimil jini chumulo' b_Λ ti ic'ch'ipan b_Λ pañimil, jini mach b_Λ jalic mi caj i ch_Λmelob. Mi caj i toj'esaño'la majlel ba' ñ_Λch'_Λl mi la cajñel. Che' tsi' y_Λl_Λ Zacarías.

⁸⁰ Tsa' coli jini al_Λ Juan. Tsi' taja i p'_Λt_Λlel i pusic'al. Tsa' ajni ti colem b_Λ i tiquiñal pañimil jinto tsa' p_Λsle ba'an israelob.

2

Tsi' yila pañimil Jesús

(Mt. 1.18-25)

¹ Ti jim b_Λ ora tsi' cha'le mandar Augusto César cha'an mi' y_Λc'ob tojoñel winicob ti pejtelel lum.

² Tsi' y_Λc'_Λyob tojoñel ñaxan che' woli' cha'len i ye'tel ti gobernador ya' ti Siria jini Cirenio.

³ Ti pejtelelob tsa' letsiyob majlel ti tejclum tac ba' chucbil i c'aba' i tat i ña' cha'an mi' y_Λc'ob tojoñel.

⁴ Tsa' loq'ui José ti Nazaret ya' ti Galilea. Tsa' letsi majlel ti Judea ti' tejclum David i c'aba' Belén, come loq'uem ti' p'olbal David jini José.

⁵ Ya' tsa' majli José cha'an mi' y_Λc' tojoñel yic'ot i yijñam i c'aba' María tsa' b_Λ i c'ajti. C_Λnt_Λbil i cha'an al_Λl.

⁶ Che' ya' año'ob tsa' c'oti i yorajlel cha'an mi' yilan pañimil i yalobil.

⁷ Tsi' y_Λc'_Λ ti pañimil ch'iton b_Λ y_Λx al_Λl. Tsi' b_Λc'_Λ ti' majts. Tsi' ñolchoco ti' buc'ujib al_Λc'_Λl, come ma'anic tsi' taja i yajñib ti' yotlel w_Λyib_Λl.

Tsa' tiliyob ángelob ba'an xc_Λnta tiñ_Λme'ob

8 Ti jini jach b_Λ lum an x_Canta tiñ_Λme'ob ti jamil. Woli' c_Λntañob i tiñ_Λme' ti ac'alel.

9 Awilan, tsa' tsictiyi i yángel lac Yum ba' añob. I ñuclél Dios tsi' y_Λc'Λ i c'Λc'al ti joytilelob. Tsa' cajiyob ti cab_Λl b_Λq'uen.

10 Jini ángel tsi' subeyob: Mach mi la' cha'len b_Λq'uen come awilan, tsac ch'Λmbeyetla tilel wen t'an cha'an pejtelel winicob x'ixicob, mu' b_Λ caj i y_Λq'ueñetla cab_Λl i tijicñ_Λyel la' pusic'al.

11 Come sajmal ti' tejclum David tsi' yila pañimil la' waj Coltaya, jiñ_Λch Cristo lac Yum.

12 Mi caj la' c_Λn che' bajche' jini. Mi caj la' taj jini al_Λl b_Λc'Λl ti majts, ñolol ti' buc'ujib al_Λc'Λl, che'en jini ángel.

13 Ti ora tsa' tsictiyi yic'ot jini ángel wen cab_Λlob ch'oyolo' b_Λ ti panchan, woli b_Λ i subob i ñuclél Dios.

14 Tsi' y_ΛΛyob: Wen ñuc Dios am b_Λ ti panchan. W_Λ' ti pañimil woli' y_Λq'uentelob i ñ_Λch'tilel i pusic'al winicob x'ixicob mu' b_Λ i q'uejlelob ti uts'at ti Dios, che'ob.

15 Che' b_Λ tsa' cha' majliyob ángelob ti panchan, jini x_Canta tiñ_Λme'ob tsi' subeyob i b_Λ: Conixla ti Belén cha'an mi laj q'uel ili tsa' b_Λ ujti tsa' b_Λ subentiyonla cha'an lac Yum, che'ob.

16 Tsa' majliyob ti ora. Tsi' tajayob María yic'ot José yic'ot jini al_Λl ñolol ti' buc'ujib al_Λc'Λl.

17 Che' b_Λ tsa' ujti i q'uelob, tsa' caji i subeñob pejtelel winicob x'ixicob.

18 Pejtelel tsa' b_Λ i yubiyob jini t'an tsa' toj sajtiyob i pusic'al cha'an chuqui tac tsa' subentiyob cha'an x_Canta tiñ_Λme'ob.

19 Pero María ma'anic chuqui tsi' sube yamb_Λ. Tsa' jach i ch_Λn ña'ta ti' pusic'al pejtel chuqui tsi' yubi.

20 Tsa' sujtiyob x_Canta tiñ_Λme'ob. Tsi' ch_Λn tsictesayob i ñuclél Dios. Tsi' subuyob i ñuclél Dios cha'an pejtelel chuqui tsi' yubiyob yic'ot chuqui tsi' q'ueleyob che' bajche' tsa' subentiyob.

Tsi' p_Λy_Λyob majlel al_Λ Jesús ti Templo

21 Che' b_Λ tsa' ñumi w_Λx_Λc_p'ejl q'uin che' b_Λ tsa' tsepbenti i p_Λch_Λlel al_Λ ch'iton, tsi' yots_Λbeyob i c'aba' Jesús. Jiñ_Λch i c'aba' tsa' b_Λ i w_Λn ots_Λbe jini ángel che' maxto c_Λnt_Λbilic.

22 Che' b_Λ tsa' ts'actiyi cha'c'al q'uin cha'an mi' s_Λq'uesañob i b_Λ che' bajche' mi' y_Λl ti' mandar Moisés, tsi' p_Λy_Λyob majlel al_Λl ti Jerusalén cha'an mi' y_Λq'ueñob lac Yum.

23 Che' bajche' ts'ijbubil ti' mandar lac Yum: "Mux caj la' ña'tan i cha'añ_Λch lac Yum pejtelel ch'iton b_Λ y_Λx al_Λlob".

24 Tsa' majliyob cha'an mi' y_Λq'ueñob Dios i majtan ja'el che' bajche' tsi' y_Λc'Λ mandar lac Yum: "Aq'uen cha'cojt x_mucuy o mi cha'cojt x'ujcuts". Che'Λch ts'ijbubil.

25 Ya'an winic ti Jerusalén i c'aba' Simeón, toj b_Λ i pusic'al, mu' b_Λ i ch'ujutesan Dios. Tsi' pijta jini Mesías mu' b_Λ caj i ñuq'ues_Λbeñob i pusic'al israelob. Jini Ch'ujul b_Λ Espíritu an ti' pusic'al.

26 Jini Ch'ujul b_Λ Espíritu tsi' sube Simeón ma'anic mi' caj ti ch_Λmel jinto che' q'uelbilix i cha'an jini Yajc_Λbil b_Λ cha'an lac Yum.

27 Ñijc_Λbil cha'an Espíritu tsa' ochi ti Templo. I tat i ña' Jesús tsi' p_Λy_Λyob ochel jini al_Λ Jesús ti Templo cha'an mi' melbeñob bajche' mi' y_Λl ti mandar.

28 Simeón tsi' meq'ue jini al_Λl. Tsi' subu i ñuclél Dios. Tsi' y_ΛΛ:

29 C Yum, x'e'telon a cha'an. La' p_Λjyicon majlel ti' ñ_Λch't_Λlel c pusic'al che' bajche' tsa' w_ΛΛ.

30 Come w_Λle tsa'ix j q'uele tic wut jini Xcoltaya tsa' b_Λ a w_Λc'Λ,

31 chocbil b_Λ tilel ti' tojlel pejtelel winicob x'ixicob.

32 Jiñ_Λch i s_Λc_Λlel pañimil mu' b_Λ caj i p_Λst_Λl ti' wut gentilob. Jiñ_Λch i ñuclél a cha'año' b_Λ ti Israel, che'en Simeón.

33 Tsa' toj sajtiyob i pusic'al José yic'ot María, i ña' Jesús, che' b_Λ tsi' yubiyob jini t'an cha'an i yalobil.

34 Simeón tsi' y_Λq'ueyob i yutslel i t'an. Tsi' sube María, i ña' al_Λl: Awilan, wa'chocobilix a walobil ti' tojlel cab_Λl israelob. Lamital mi caj i yajlelob, lamital mi caj i xuc'chocontelob. Cab_Λlob mi caj i cha'leñob t'an ti' contra che' mi' p_Λs i b_Λ.

35 Wen ch'ijiyem a pusic'al mi caj a wubin che' mi' tsictiyel bajche' woli' ña'tañob ti' pusic'al cab_Λlob, che'en Simeón.

36 Ya'an x'ixic b_Λ x'alt'an ja'el i c'aba' Ana (i yalobil Fanuel i p'olbal Aser). Wen cab_Λl

i jabilel. Che' xch'oc to tsa' chumle yic'ot i ñoxi'al wucp'ejl jab.

³⁷ C'ΛΛal meba'ix che' bΛ tsi' taja chΛmp'ejl i jo'c'al (84) i jabilel. Ma'anic tsi' wis cΛyΛ i bΛ ti Templo ba' tsi' melbe i ye'tel Dios ti q'uiñil yic'ot ti ac'Λlel yic'ot ch'ajb yic'ot oración.

³⁸ Ti jini jach bΛ ora tsa' tili Ana ba'an alΛ. Tsi' sube wocolix i yΛΛ Dios. Tsi' subeyob i sujmllel jini alΛ ti' tojlel pejtél año' bΛ ti Jerusalén woli bΛ i pijtañob i coltΛntel.

*Tsa' cha' majliyob ti Nazaret
(Mt. 2.19-23)*

³⁹ Che' bΛ tsa' ujti i melob pejtelel chuqui tac mi' yΛ i mandar lac Yum, tsa' sujtiyob ya' ti Galilea María yic'ot José. Tsa' c'otiyob ti' tejclum i c'aba' Nazaret.

⁴⁰ Tsa' coli jini alΛ. Tsa' p'Λta. Tsa' bujt'i ti' ña'tΛbal. Tsa' q'uejli ti uts'at ti' wut Dios.

Ch'iton Jesús ti Templo

⁴¹ Ti jujump'ejl jab i tat i ña' tsa' majliyob ti Jerusalén cha'an i q'uiñilel Pascua.

⁴² Che' anix lajchΛmp'ejl i jabilel Jesús, tsa' majliyob ti q'uiñijel che' bajche i tilel.

⁴³ Che' bΛ tsa' ujti i melob q'uin, tsa' caji yob ti sujtel. Ya' tsa' cΛle ti Jerusalén jini ch'iton Jesús. Mach yujilobic José yic'ot i ña' Jesús.

⁴⁴ Tsi' lon ña'tayob ti' pusic'al woli' sujtel i yalobil ja'el yic'ot motocña bΛ i pi'Λlob. Tsi' xΛñΛyob majlel jump'ejl q'uin. Tsa' caji i sΛclañob ba'an i pi'Λlob yic'ot ba'an i cΛñΛyo' bΛ.

⁴⁵ Che' ma'anic tsi' tajayob i yalobil, tsa' cha' majliyob ti Jerusalén cha'an mi' sΛclañob.

⁴⁶ Che' ñumenix uxp'ejl q'uin tsi' tajayob ti Templo buchul ti' tojlel jini xcΛntesa mandarob. Woli' ñich'tΛbeñob i t'an. Woli' yotsan i c'ajtibal tac ja'el.

⁴⁷ Tsa' toj sajtiyob i pusic'al pejtelel jini tsa' bΛ i yubibeyob i t'an jini ch'iton, come cabΛl i ña'tΛbal. Uts'at bajche' tsi' jac'beyob i t'an.

⁴⁸ Tsa' toj sajtiyob i pusic'al i tat i ña' che' bΛ tsi' q'ueleyob. María tsi' sube: Calobil, ¿chucoch che' tsa' melbeyon lojon? Awilan, jini a tat yic'ot joñon ti' ch'ijiyemlel lojon c pusic'al tsac sΛclayet lojon, che'en.

⁴⁹ Jesús tsi' subeyob: ¿Chucoch tsa' la' sΛclayon? ¿Mach ba la' wujilic yom mic melben i ye'tel c Tat? che'en.

⁵⁰ Ma'anic tsi' ch'Λmbeyob isujm i t'an Jesús tsa' bΛ i subeyob.

⁵¹ Tsa' jubi majlel Jesús yic'otob. Tsa' c'oti ti Nazaret. Tsi' wen ch'ujbibe i t'an i tat i ña'. Jini i ña' tsi' mucu ti' pusic'al pejtelel tsa' bΛ ujti.

⁵² Tsa' p'ojli i ña'tΛbal Jesús. Tsa' chañ'a. Tsa' p'ojli i yutslel i pusic'al ti' wut Dios yic'ot ti' wut winicob.

3

*I subal Juan tsa' bΛ i yΛc'Λ ch'Λmja'
(Mt. 3.1-12; Mr. 1.1-8; Jn. 1.19-28)*

¹ Che' bΛ tsi' cha'le yumΛl jo'lujump'ejl jab Tiberio César, an i ye'tel ti gobernador Poncio Pilato ya' ti Judea. Woli' yumΛntel Herodes ya' ti Galilea. I yijts'in Herodes i c'aba' Felipe, woli' cha'len yumΛl ya' ti Iturea yic'ot ya' ti Traconite. Lisantias woli' cha'len yumΛl ya' ti Abilinia.

² Jini ñuc bΛ motomajob jiñobΛch Anás yic'ot Caifás. Tsa' tili i t'an Dios ba'an Juan ya' ti jochol bΛ lum. Jini Juan i yalobil Zacarías.

³ Tsa' ñumi Juan ti subt'an ti pejtelel lum ya' ti joytilel Jordán ja'. Tsi' sube winicob x'ixicob cha'an mi' ch'Λmob ja' che' mi' cΛyob i mul cha'an mi' ñusΛbentelob i mul,

⁴ che' bajche' ts'ijbubil ti' juñilel i t'an jini x'alt'an Isaías. Tsi' yΛΛ: "I t'an juntiquil winic mu' bΛ i cha'len c'am bΛ t'an ti jochol bΛ lum: Chajpanla i bijlel lac Yum. PΛtΛla majlel mucubij i cha'an, che'en.

⁵ Pejtelel jini c'omol tac bΛ lum mi' caj ti bujt'intel. Pejtelel wits yic'ot bujbujtΛl mi' cajel ti jubel. Jini xoyol tac bΛ bij mi caj i toj'an. Pejtelel jini bulul bexel bΛ bij pamacña mi caj i majlel.

⁶ Pejtelel winicob x'ixicob mi caj i yubiñob bajche' mi' coltΛntelob ti Dios". Che'Λch ts'ijbubil ti' juñilel Isaías.

⁷ Juan tsa' caji i subeñob winicob x'ixicob tsa' bΛ loq'uiyob tilel cha'an mi' ch'Λmob ja': I yalobiletla xc'ΛñΛñej. ¿Majqui tsi' subeyetla cha'an mi la' puts'tan jini tojmulil mu' bΛ i tilel?

⁸ Melela toj b_Λ la' melbal mi woli la' c_Λy la' mul. Mach mi la' w_Λl ti la' pusic'al: "Jiñach c tat lojon Abraham". Mach che'ic yom mi la' w_Λl. Come mic subeñetla, Dios mi mejlel i p_Λntesan jini xajlel tac ti' yalobilob Abraham.

⁹ W_Λle ac'bil hacha ti' yebal te'. Pejtelel jini te' mach b_Λ anic mi' y_Λc' wen b_Λ i wut mi' sejq'uel. Mi' chojq'uel ti c'ajc, che'en Juan.

¹⁰ Jini winicob x'ixicob tsi' c'ajtiyob: ¿Chuqui yom mic mel lojon? che'ob.

¹¹ Juan tsi' jac'Λ: Jini am b_Λ i cha'an cha'p'ejl i bujc la' i y_Λq'uen jump'ejl jini mach b_Λ anic i cha'an. Jini am b_Λ i we'el che'Λch yom mi' mel ja'el, che'en.

¹² Tsa' tiliyob cha'tiquil uxtiquil xch'Λm tojoñelob ja'el cha'an mi' ch'Λmob ja'. Tsi' c'ajtibeyob: Maestro, ¿chuqui yom mic mel lojon? che'ob.

¹³ Juan tsi' subeyob: Mach yomic mi la' c'ajtin tojoñel ñumen bajche tsa' suben-tiyetla, che'en.

¹⁴ Cha'tiquil uxtiquil soldadojob ja'el tsi' c'ajtibeyob: Jixcu joñon lojon, ¿chuqui yom mic mel lojon? che'ob. Juan tsi' subeyob: Mach mi la' chilben i taq'uin winic mi juntiquilic. Mach mi la' p_Λc' ti mulil mi juntiquilic. Yom contentojetla yic'ot i tojol la' we'tel, che'en.

¹⁵ Che' woliyob to ti pijt, pejtelel winicob x'ixicob woli' pejcañob i b_Λ: ¿Jim ba Cristo jini Juan? che'ob.

¹⁶ Juan tsi' subeyob ti pejtelelob: Joñon ti isujm mi c_Λq'ueñetla ch'Λmja', pero tal jini ñumen p'Λt_Λl b_Λ bajche'on. Mach ñuconic cha'an mic ticben i ch'ajñal i x_Λñ_Λb. Jiñach mu' b_Λ caj i y_Λq'ueñetla la' ch'Λm Ch'ujul b_Λ Espíritu yic'ot c'ajc.

¹⁷ An i wejl_Λjib ti' c'Λb. Mi caj i wen wejlan i yajñib trigo. Mi caj i lot jini trigo ti' yotlel. Mi caj i pulben i sujl ti c'ajc mach b_Λ yujilic yajpel ti pejtelel ora. Che' tsi' y_ΛΛ Juan.

¹⁸ Che' b_Λ tsi' subeyob winicob x'ixicob jini wen t'an, tsi' xiq'uiyob cha'an mi' jac'ob.

¹⁹ Juan tsi' sube i mul jini Herodes am b_Λ i ye'tel ti yum_Λ. Come Herodes tsi' p_Λy_Λ Herodías i yijñam Felipe i yijts'in. Juan

tsi' sube pejtelel i jontolil tsa' b_Λ i cha'le Herodes.

²⁰ An to yamb_Λ jontolil tsa' b_Λ i mele Herodes. Tsi' m_Λc_Λ Juan ti m_Λjquib_Λ.

Tsi' ch'Λm_Λ ja' Jesús

(Mt. 3.13-17; Mr. 1.9-11)

²¹ Che' b_Λ tsi' ch'Λm_Λyob ja' pejtelel winicob x'ixicob, tsi' ch'Λm_Λ ja' ja'el Jesús. Che' woli' pejcan Dios ti oración, tsa' cajli panchan.

²² Tsa' jubi tilel jini Ch'ujul b_Λ Espíritu ba'an Jesús. Che' yilal che' bajche' x'ujcuts. Tsa' tili t'an ch'oyol b_Λ ti panchan. Tsi' subu: Jatet Calobilet mu' b_Λ j c'uxbin. Wen uts'at mij q'uelet, che'en.

I c'aba' tac i ñojte'el Jesús

(Mt. 1.1-17)

²³ An che' bajche' lujump'ejl i cha'c'al i jabilel Jesús che' b_Λ tsi' teche i ye'tel. Jini Jesús i yalobilach José, che' mi' lon alob winicob. José i ñij'al Elí.

²⁴ I tat Elí jiñach Matat, i tat Matat jiñach Leví, i tat Leví jiñach Melqui, i tat Melqui jiñach Jana, i tat Jana jiñach José,

²⁵ i tat José jiñach Matatías, i tat Matatías jiñach Amós, i tat Amós jiñach Nahum, i tat Nahum jiñach Esli, i tat Esli jiñach Nagai,

²⁶ i tat Nagai jiñach Maat, i tat Maat jiñach Matatías, i tat Matatías jiñach Semei, i tat Semei jiñach José, i tat José jiñach Judá,

²⁷ i tat Judá jiñach Joana, i tat Joana jiñach Resa, i tat Resa jiñach Zorobabel, i tat Zorobabel jiñach Salatiel, i tat Salatiel jiñach Neri,

²⁸ i tat Neri jiñach Melqui, i tat Melqui jiñach Adi, i tat Adi jiñach Cosam, i tat Cosam jiñach Elmodam, i tat Elmodam jiñach Er,

²⁹ i tat Er jiñach Josué, i tat Josué jiñach Eliezer, i tat Eliezer jiñach Jorim, i tat Jorim jiñach Matat,

³⁰ i tat Matat jiñach Leví, i tat Leví jiñach Simeón i tat Simeón jiñach Judá, i tat Judá jiñach José, i tat José jiñach Jonán, i tat Jonán jiñach Eliaquim,

³¹ i tat Eliaquim jiñach Melea, i tat Melea jiñach Mainán, i tat Mainán jiñach Matata, i tat Matata jiñach Natán,

³² i tat Natán jiñach David, i tat David jiñach Isaí, i tat Isaí jiñach Obed, i tat Obed

jiñach Booz, i tat Booz jiñach Salmón, i tat Salmón jiñach Naasón,

³³ i tat Naasón jiñach Aminadab, i tat Aminadab jiñach Aram, i tat Aram jiñach Esrom, i tat Esrom jiñach Fares, i tat Fares jiñach Judá,

³⁴ i tat Judá jiñach Jacob, i tat Jacob jiñach Isaac, i tat Isaac jiñach Abraham, i tat Abraham jiñach Taré, i tat Taré jiñach Nacor,

³⁵ i tat Nacor jiñach Serug, i tat Serug jiñach Ragau, i tat Ragau jiñach Peleg, i tat Peleg jiñach Heber, i tat Heber jiñach Sala,

³⁶ i tat Sala jiñach Cainán, i tat Cainán jiñach Arfaxad, i tat Arfaxad jiñach Sem, i tat Sem jiñach Noé, i tat Noé jiñach Lamec,

³⁷ i tat Lamec jiñach Matusalén, i tat Matusalén jiñach Enoc, i tat Enoc jiñach Jared, i tat Jared jiñach Mahalaleel, i tat Mahalaleel jiñach Cainán,

³⁸ i tat Cainán jiñach Enós, i tat Enós jiñach Set, i tat Set jiñach Adán, Adán jiñach i yalobil Dios.

4

Iyilabentel i pusic'al Jesús (Mt. 4.1-11; Mr. 1.12-13)

¹ Jesús, but'ul ti jini Ch'ujul b_A Espíritu, tsi' c_Ay_A Jordán ja'. Tsa' p_Ajy_i majlel cha'an Espíritu c'Alal ti colem b_A i tiq_iñal lum.

² Cha'c'al q'uin ya'an. Tsa' ilabenti i pusic'al cha'an xiba. Cha'c'al q'uin ma'anic chuqui tsi' wis c'uxu. Che' ñumenix, an i wi'ñal Jesús.

³ Jini xiba tsi' sube Jesús: Mi i Yalobilet Dios suben ili xajlel cha'an mi' p_Ant_Ayel ti waj, che'en.

⁴ Jesús tsi' sube: Ts'ijbubil: “Mach ti wajic jach cuxulob winicob x'ixicob, pero ti pejtelel t'an ch'oyol b_A ti Dios”, che'en.

⁵ Jini xiba tsi' p_Ay_A majlel ti chan b_A wits. Ti poj jumuc' jach tsi' laj p_Asbe Jesús i yum_Antel tac jini yum_Alob ti pañimil.

⁶ Jini xiba tsi' sube Jesús: Mi caj c_Aq'ueñet pejt_el iliyi yic'ot i p'at_Alel yic'ot i ñucl_el, come laj aq'uebilon tic wenta. Mi c_Aq'uen majqui com.

⁷ Muq'ueic a ñocchocon a b_A a ch'ujutesañon, a cha'añach mi' majlel ti pejtelel, che'en jini xiba.

⁸ Jesús tsi' sube: Cucu ti loq'uel w_A' ba' añon, Satanás, come ts'ijbubil: “Yom ma' ch'ujutesan a Yum Dios. Cojach jini yom ma' yuman”, che'en.

⁹ Jini xiba tsi' p_Ay_A majlel Jesús ya' ti Jerusalén. Ya' tsi' p_Ay_A majlel ti wa'tal ti' pam i jol Templo. Tsi' sube: Mi i Yalobilet Dios, choco jubel a b_A.

¹⁰ Come ts'ijbubil: “Mi caj i subeñob i yáñgelob cha'an mi' c_Antañet.

¹¹ Mi caj i chuquet ti' c'Ab, ame a jats' a woc ti xajlel”, che'en xiba.

¹² Jesús tsi' sube: Albilix jini t'an: “Mach yomic ma' wilaben i pusic'al a Yum Dios”, che'en.

¹³ Che' b_A tsa' ujti i yilaben i pusic'al Jesús, jini xiba tsi' c_Ay_A cha'p'ejl ux'p'ejl q'uin.

I techibal i ye'tel Jesús w_A' ti pañimil (Mt. 4.12-17; Mr. 1.14-15)

¹⁴ Jesús tsa' cha' majli ti Galilea. An i p'at_Alel jini Espíritu yic'ot. Tsa' pujqui t'an ti pejtelel lum ti' joytilel Galilea cha'an ñuc b_A i melbal Jesús.

¹⁵ Jesús tsi' cha'le c_Antesa ti sinagoga tac i cha'an judíojob. Pejtelel winicob x'ixicob tsi' tsictesayob i ñucl_el Jesús.

Tsa' ts'a'lenti Jesús ya' ti Nazaret (Mt. 13.53-58; Mr. 6.1-6)

¹⁶ Tsa' majli Jesús ya' ti Nazaret ba' tsa' coli. Tsa' ochi ti sinagoga ti' q'uiñilel c'aj o che' bajche' i tilel. Tsa' wa'le cha'an mi' q'uel jun.

¹⁷ Tsa' aq'uenti i jun jini x'alt'an Isaías. Che' b_A tsi' tili jini b_Albil b_A jun tsi' taja ba' ts'ijbubil ili t'an:

¹⁸ “An i yEspíritu lac Yum tic pusic'al. Tsi' yajcayon cha'an mic subeñob jini wen t'an p'umpuño' b_A. Tsi' chocoyon tilel cha'an mic lajmesabeñob i ch'ijiyemlel jini ch'ijiyemo' b_A, cha'an mic subeñob loq'uel jini ñup'ulo' b_A, cha'an mij c'oq'uesabeñob i wut jini xpots'ob, cha'an mi c_Ac' ti colel jini tic'labilo' b_A.

¹⁹ Tsi' chocoyon tilel cha'an mic sub jiñach i jabilel i yutsl_el i pusic'al lac Yum”. Che'ach tsi' pejc_Abeyob i Ts'ijbujel Dios jini Jesús.

²⁰ Tsi' cha' b_Al_A jini jun Jesús. Tsi' cha' aq'ue jini am b_A i ye'tel ti sinagoga. Tsa'

buchle. Pejtelel año' bΛ ti sinagoga tsi' ch'ujch'uj q'ueleyob Jesús.

²¹ Jesús tsa' caji i subeñob: Ts'actiyemix wΛle i ts'ijbujel Dios, tsa' bΛ la' wubi, che'en.

²² Ti pejtelelob uts'at tsi' tajayob ti t'an Jesús. Tsa' toj sajtiyob i pusic'al cha'an uts'at i t'an Jesús. Tsi' yΛΛyob: ¿Mach ba jinic iyalobil José? che'ob.

²³ Jesús tsi' subeyob: Isujm mi caj la' subeñon jini t'an mu' bΛ i c'añob ti lajiya: “Sts'Λcaya, ts'Λcan a bΛ”, che'en. Mi caj la' subeñon c mel wΛ' tic lumal chuqui tsac mele ya' ti Capernaum che' bajche' tsa'ix la' wubi. che'en.

²⁴ Jesús tsi' yΛΛ ja'el: Ti isujm mic subeñetla, ma'anic x'alt'an mu' bΛ i q'uejlel ti ñuc ti' lumal.

²⁵ Ti isujm mic subeñetla an cabΛ meba' x'ixicob ti Israel ti' q'uiñilel Elías che' wen jamΛ pañimil ojilil i chΛmp'ejl jab, che' bΛ tsa' tili cabΛ wi'ñal ti pejtelel lum.

²⁶ Ma'anic tsa' chojqui majlel Elías ba' año. Tsa' jach chojqui majlel ti Sarepta ya' ti Sidón ba'an juntiquil meba' x'ixic.

²⁷ An ja'el cabΛ israelob año' bΛ leco bΛ i tsoy che' ti' yorajlel jini x'alt'an Eliseo. Ma'anic majqui tsa' lajmesanti, jini jach Naamán, ch'oyol bΛ ti Siria. Che' tsi' yΛΛ Jesús.

²⁸ Che' bΛ tsi' yubiyob ili t'an, tsa' laj cajiyoob ti mich'ajel ya' ti sinagoga.

²⁹ Tsa' wa'leyob. Tsi' pΛyΛyob loq'uel Jesús ti' ti' tejclum wa'chocobil bΛ ti wits. Tsi' pΛyΛyob majlel ba' jamΛ wits cha'an mi' xit chocob jubel.

³⁰ Jesús tsa' ñumi ti ojilil ba' año. Tsa' majli.

Winic am bΛ i xibΛjlel

(Mr. 1.21-28)

³¹ Tsa' jubi majlel Jesús ti jump'ejl tejclum ya' ti Galilea i c'aba' Capernaum. Tsi' cΛntesayob ti' q'uiñilel tac c'aj o.

³² Tsa' toj sajtiyob i pusic'al cha'an i cΛntesa come tsi' cha'le t'an Jesús yic'ot i p'ΛtΛlel i ye'tel.

³³ Ya' ti sinagoga an winic am bΛ i xibΛjlel. C'am tsi' cha'le t'an.

³⁴ Tsi' yΛΛ: CΛyΛyon lojon. ¿Chuqui i ye'tel tsa' tiliyet ba' año lojon, Jesús ch'oyolet bΛ ti Nazaret? ¿Tsa' ba tiliyet cha'an ma'

jisañon lojon? Cujil majquiyet. Jatet jini Ch'ujulet BΛ ch'oyol bΛ ti Dios, che'ob.

³⁵ Jesús tsi' tiq'ui. Tsi' sube: Ch'Λbix. Loq'uen ti' pusic'al, che'en. Jini xiba tsi' choco jini winic ti lum ti' yojlilob. Tsa' loq'ui xiba. Ma'anic tsi' wis lowo jini winic.

³⁶ Tsa' toj sajtiyob i pusic'al ti pejtelelob. Tsa' caji i pejcañob i bΛ. Tsi' yΛΛyob: ¿Baqui tilem i t'an? Come ti' p'ΛtΛlel yic'ot i ye'tel mi' choc loq'uel i xibΛjlel winic. Mi' loq'uelob, che'ob.

³⁷ Tsa' pujqui t'an ti pejtelel jini lum yic'ot ti yan tac bΛ lum ti' joytilel cha'an ñuc bΛ i melbal Jesús.

Jesús tsi' lajmesa cabΛlob

(Mt. 8.14-17; Mr. 1.29-34)

³⁸ Tsa' wa'le Jesús. Tsa' loq'ui ti sinagoga. Tsa' ochi ti' yotot Simón ba' woli' wen ubin c'ajc x'ixic bΛ i ñij'al Simón. Tsi' c'ajtibeyob Jesús ti wocol t'an cha'an mi' lajmesan.

³⁹ Ñuc wa'al Jesús ti' t'ejl x'ixic, tsi' tiq'ui jini c'ajc. Jini x'ixic tsa' lajmi. Tsa' ch'ojyi ti ora. Tsa' caji i we'sañob.

⁴⁰ Che' woli ti bajlel q'uin tsi' pΛyΛyob majlel ba'an Jesús pejtcl xc'amΛjelob leco tac bΛ i chΛmel. Jesús tsi' yΛc'Λ i c'Λb ti junjuntiquilob. Tsi' lajmesayob.

⁴¹ Tsa' loq'uiyob xibajob ti' pusic'al cabΛlob. Tsi' cha'leyob c'am bΛ t'an. Tsi' yΛΛyob: Jatet i Yalobilet Dios, che'ob. Jesús tsi' tiq'uiyob. Ma'anic tsi' yΛq'ueyob i cha'len t'an, come cΛñal i cha'añob jiñΛch Cristo.

Jesús tsi' cha'le subt'an ti Galilea

(Mr. 1.35-39)

⁴² Che' bΛ tsa' sΛc'a pañimil tsa' loq'ui majlel Jesús. Tsa' majli ti jochol bΛ lum. Winicob x'ixicob tsi' sΛclayob. Tsa' majliyob ba'an. Tsi' ñopoyob i jalitesan Jesús cha'an ya' jach mi' cΛyΛal yic'otob.

⁴³ Jesús tsi' subeyob: Wersa mic sub jini wen t'an cha'an i yumΛntel Dios ti yambΛ tejclum tac ja'el, come jini cha'an chocbilon tilel, che'en.

⁴⁴ Tsi' cha'le subt'an ti sinagoga tac ya' ti Judea.

5

Tsi' chucuyob cabΛ chΛy

(Mt. 4.18-22; Mr. 1.16-20)

¹ Che' ya'an Jesús ti' t'ejl ñajb i c'aba' Gene-saret, jini winicob x'ixicob tsi' jom ñet'eyob i b_Λ ba' wa'al Jesús cha'an mi' ñich'tañob i t'an Dios.

² Tsi' q'uele cha'p'ejl barco l_Λc'al ti' ti' jini ñajb. Loq'uemobix ti barco jini xchuc ch_Λyob, woli' s_Λc'ob i chimo'ch_Λy.

³ Tsa' ochi Jesús ti jump'ejl barco i cha'an Simón. Tsi' sube Simón cha'an mi' ts'ita' ñijcan majlel jini barco ya' ti' ti' ja'. Tsa' buchle Jesús ti barco. Ya' tsa' caji i c_Λntesan jini temp_Λbil_Λ b_Λ.

⁴ Che' b_Λ tsa' ujti ti t'an, Jesús tsi' sube Simón: Ñijcan majlel jini barco ba' tam jini ñajb. Choco ochel a chimo'ch_Λy, che'en.

⁵ Simón tsi' jac'Λ: Maestro, tsa'ix c cha'le lojon e'tel ti pejtelel ac'Λlel. Ma'anic chuqui tsac chucu lojon. Pero cha'an ti a t'an mic choc ochel chimo'ch_Λy, che'en.

⁶ Che' b_Λ tsi' yotsayob tsi' chucuyob cab_Λl ch_Λy. Tsa' caji ti ts'ojquel jini chimo'ch_Λy.

⁷ Tsi' p_Λy_Λyob ti' c'Λb i pi'Λlob año' b_Λ ti yamb_Λ barco cha'an mi' tilelob i coltan. Tsa' tiliyob. Tsi' but'uyob jini cha'p'ejl barco jinto che' yomix junyajlel ochel ti ja' jini barco tac.

⁸ Che' b_Λ tsi' q'uele Simón Pedro, tsi' ñocchoco i b_Λ ba'an Jesús. Tsi' sube: Loq'uen tic tojlel c Yum, come xmulilon, che'en.

⁹ Come tsa' wen caji ti b_Λq'uen Pedro yic'ot pejtelel ya' b_Λ añob, come oñatax tsi' chucuyob ch_Λy.

¹⁰ Che' ja'el, tsa' cajiyoj ti b_Λq'uen Jacobo yic'ot Juan, i yalobilob Zebedeo, i pi'Λlob_Λch Simón ti e'tel. Jesús tsi' sube Simón: Mach a cha'len b_Λq'uen. W_Λle, mux a wochel ti xchuc winicob, che'en.

¹¹ Che' b_Λ tsa' ujti i ñijcañob majlel barco tac ti' ti' ñajb, jini xchuc ch_Λyob tsi' c_Λy_Λyob pejtelel i chub_Λ'an. Tsi' tsajcayob majlel Jesús.

Jesús tsi' lajmesa jini am b_Λ leco b_Λ i tsoy (Mt. 8.1-4; Mr. 1.40-45)

¹² Che' ya'an Jesús ti jump'ejl tejclum, awilan, tsa' tili winic wen pacal leco b_Λ i tsoy. Che' b_Λ tsi' q'uele Jesús, tsi' p_Λcchoco i b_Λ ti lum. Tsi' c'ajtibe ti wocol t'an: C Yum, mi a wom mi mejlel a lajmesañon, che'en.

¹³ Jesús tsi' s_Λts'Λ i c'Λb. Tsi' t_ΛΛ. Tsi' y_ΛΛ: Com cu. La' lajmiquet, che'en. Tsa' b_Λc' lajmi leco b_Λ i tsoy.

¹⁴ Jesús tsi' tiq'ui cha'an ma'anic mi' suben mi juntiquilic. Cucu, che'en, p_Λs_Λ a b_Λ ba'an motomaj. Ac'Λ chuqui tsi' subu Moisés ti mandar cha'an mi' ña'tañob winicob x'ixicob s_Λq'ues_Λbilet, che'en Jesús.

¹⁵ Ñumen cab_Λl tsa' pujqui t'an cha'an ñuc b_Λ i melbal Jesús. Tsi' tempayob i b_Λ bajc'Λlob cha'an mi' ñich't_Λbeñob i t'an Jesús yic'ot cha'an mi' lajmelob ti pejtelel i ch_Λmel.

¹⁶ Jesús tsi' c_Λy_Λyob. Tsa' majli ti jochol b_Λ lum. Tsi' pejca Dios.

Jesús tsi' lajmesa winic mach b_Λ anic i c'Λjñibal i yoc i c'Λb

(Mt. 9.1-8; Mr. 2.1-12)

¹⁷ Ti jump'ejl q'uin che' woli ti c_Λntesa Jesús, ya' buchulob fariseojob yic'ot x_Λntesa mandarob ch'oyolo' b_Λ ti pejtelel tejclum ti Galilea yic'ot ti Judea yic'ot ti Jerusalén. An i p'Λt_Λlel lac Yum yic'ot Jesús cha'an mi' lajmesañob.

¹⁸ Awilan, cha'tiquil uxtiquil winicob tsi' p_Λy_Λyob tilel winic mach b_Λ anic i c'Λjñibal i yoc i c'Λb, ñolol ti' w_Λyib. Tsi' ñopoyob i yotsan ti otot cha'an mi' y_Λc'ob ti' tojel Jesús.

¹⁹ Ma'anic ba' tsa' mejli i yotsañob, come teñecña winicob x'ixicob. Tsa' letsiyob ti' jol otot ba' tsi' toc jam_Λyob teja. Tsi' ju'sayob ti' w_Λyib ti yojlil ba'an Jesús.

²⁰ Che' b_Λ tsi' ña'ta Jesús woli' ñopob jini winicob, tsi' sube jini c'am b_Λ: Winic ñus_Λbilix a mul, che'en.

²¹ Jini fariseojob yic'ot sts'ijbayajob tsa' caji i y_Λlob ti' pusic'al: ¿Chuqui i ye'tel jini winic mu' b_Λ i p'aj Dios? ¿Majqui mi mejlel i ñusan mulil? ¿Mach ba cojic jach Dios? che'ob.

²² Ña'tabil i cha'an Jesús chuqui woli' y_Λlob ti' pusic'al. Tsi' subeyob: ¿Chucoch woli la' cha'len t'an ti la' pusic'al?

²³ ¿Baqui b_Λ ñumen wocol? ¿Wocol ba che' mic suben: “Ñus_Λbilix a mul”, o jimba wocol che' mic suben: “Ch'oyen, cha'len x_Λmbal”?

²⁴ Pero cha'an mi la' ña'tan an i p'Λt_Λlel i Yalobil Winic ilayi ti pañimil cha'an mi'

ñusan mulil, (tsi' sube jini mach b_Λ anic i c'ajñibal i yoc i c'ab): Mic subeñet ch'ojyen, teche a w_Λyib, cucu ti a wotot, che'en Jesús.

²⁵ Ti ora tsa' ch'ojyi jini winic ti' tojel i wutob. Tsi' teche i w_Λyib ba' tsa' ñole. Tsa' majli ti' yotot. Tsi' tsictesa i ñuclél Dios.

²⁶ Tsa' toj sajtiyob i pusic'al ti pejtelelob. Tsi' tsictes_Λbeyob i ñuclél Dios. Tsi' wen cha'leyob b_Λq'uen. Tsi' y_Λayob: Tsa'ix laj q'uele b_Λb_Λq'uen tac b_Λ, che'ob.

Tsa' p_Λji Leví

(Mt. 9.9-13; Mr. 2.13-17)

²⁷ Ti wi'il tsa' loq'ui majlel Jesús. Tsi' q'uele xch'_Λm tojoñel, i c'aba' Leví, ya' buchul ba' mi' ch'_Λjmél tojoñel. Jesús tsi' sube: Tsajcañon, che'en.

²⁸ Leví tsi' c_Λy_Λ pejtelel i chub_Λ'an. Tsa' wa'le. Tsa' caji i tsajcan majlel Jesús.

²⁹ Leví tsi' mele q'uin ti' yotot. Ya' tem buchulob cab_Λl xch'_Λm tojoñelob yic'ot yaño' b_Λ.

³⁰ Jini sts'ijbayajob yic'ot fariseojob tsa' cajiyoj ti w_Λw_Λl t'an ti' contra jini xcant'añob i cha'an Jesús. Tsi' subeyob: ¿Chucoch woli la' pi'len ti we'el uch'el jini xch'_Λm tojoñelob yic'ot xmulilob? che'ob.

³¹ Jesús tsi' jac'beyob: Jini c'oc'o' b_Λ mach yomobic ts'_Λcantel, cojach jini c'amo' b_Λ.

³² Ma'anic tsa' tili c p_Λy jini tojo' b_Λ, jini jach xmulilob, cha'an mi' c_Λyob i mul, che'en.

C'ajtibal cha'an ch'ajb

(Mt. 9.14-17; Mr. 2.18-22)

³³ Winicob tsa' caji i subeñob: Cab_Λl mi' cha'leñob ch'ajb yic'ot oración jini xcant'añob i cha'an Juan. Che'ach mi' melob ja'el jini xcant'añob i cha'an fariseojob. Pero jini xcant'añob a cha'an mi' cha'leñob we'el uch'el, che'ob.

³⁴ Jesús tsi' subeyob: ¿Mejl ba la' suben jini xmel q'uiñob wersa mi' cha'leñob ch'ajb che' ya'to an jini xñujpuñijel yic'otob?

³⁵ Pero tal i yorajlel che' mi' caj i p_Λjiyél majlel jini woli b_Λ ti ñujpuñijel. Ti jini q'uin tac mi' cajelob ti ch'ajb xmel q'uiñob, che'en.

³⁶ Tsi' subeyob ja'el jini lajiya: Ma'anic majch mi' c'_Λn tsijib pisil cha'an mi' l_Λw tsucul b_Λ i pisil. Mi' che'ach mi' mel, mi' tsijlel majlel tsucul b_Λ pisil ba'an jini tsiji'

b_Λ i l_Λjwil. Mach i t'ojolic tsiji' b_Λ pisil yic'ot tsucul b_Λ pisil.

³⁷ Che' ja'el, ma'anic majch mi' yotsan tsiji' b_Λ vino ti tsucul b_Λ i yajñib melbil b_Λ ti p_Λchi. Mi' tsi' yotsa jini vino mi' tojmel. Mi' bejq'uel vino. Mi' jilel i yajñib.

³⁸ Pero mi' yotsañob tsiji' b_Λ vino ti tsiji' b_Λ i yajñib. Che' jini mi' jalijel jini p_Λchi yic'ot jini vino ja'el.

³⁹ Jini mu' b_Λ i jap wajalix b_Λ vino ma'anic mi' mulan i jap jini tsiji' b_Λ ti wi'il, come mi' y_Λl ñumen uts'at jini wajalix b_Λ. Che' tsi' y_Λl_Λ Jesús.

6

Xcant'añob tsi' tuc'uyob i wut jam ti' q'uiñilel c'aj o

(Mt. 12.1-8; Mr. 2.23-28)

¹ Ti' q'uiñilel c'aj o Jesús tsa' ñumi ti' jamil. Jini xcant'añob i cha'an tsi' tuc'uyob majlel jini c'uxbil b_Λ i wut jam. Tsi' bilt'uyob ti' c'ab. Tsi' c'uxuyob.

² Cha'tiquil uxtiquil fariseojob tsi' c'ajtibeyob: ¿Chucoch mi' la' cha'len chuqui tic'bil ti' q'uiñilel c'aj o? che'ob.

³ Jesús tsi' subeyob: ¿Mach ba anic tsa' la' q'uele ti' jun chuqui tsi' cha'le David che' b_Λ tsi' yubi wi'ñal yic'ot i pi'lob?

⁴ Tsa' ochi ti' yotot Dios. Tsi' ch'_Λm_Λ jini waj tsa' b_Λ ajq'ui ti' mesa. Tsi' c'uxu. Tsi' y_Λq'ue i pi'lob ja'el. Tic'bil ti' mandar mi' c'uxob winicob. Cojach motomajob mi' mejlel i c'ux jini waj, che'en Jesús.

⁵ Jesús tsi' subeyob: I Yalobil Winic i Yumach jini q'uin che' mi' laj c'aj la co, che'en.

Winic am b_Λ tiquin b_Λ i c'ab

(Mt. 12.9-14; Mr. 3.1-6)

⁶ Ti yamb_Λ i q'uiñilel c'aj o tsa' ochi Jesús ti' sinagoga. Tsa' caji ti' cantesa. Ya'an winic tiquin b_Λ ñoj b_Λ i c'ab.

⁷ Jini sts'ijbayajob yic'ot fariseojob tsi' wen q'ueleyob Jesús cha'an mi' jop'beñob i mul mi' tsi' lajmesa jini winic che' ti' yorajlel c'aj o.

⁸ Yujil Jesús chuqui woli' y_Λlob ti' pusic'al. Tsi' sube jini winic tiquim b_Λ i c'ab: Ch'ojyen. Wa'i' ti' ojilil, che'en. Tsa' ch'ojyi jini winic. Tsa' wa'le.

9 Jesús tsi' subeyob: Jini jach mij c'ajtibēñetla: ¿Baqui b_Λ tic'bil ti melol ti jini q'uin che' mi laj c'aj la co? ¿Tic'bil ba chuqui uts'at o jim ba chuqui jontol? ¿Tic'bil ba coltaya o tic'bil ba ts_Λnsa? che'en.

10 Jesús tsi' joy q'ueleyob ti pejtelel. Tsi' sube jini winic: S_Λts'_Λ a c'_Λb, che'en. Tsi' s_Λts'_Λ. Jini i c'_Λb tsa' cha' wen'a.

11 Cab_Λl tsa' mich'ayob. Tsa' caji i pejcañob i b_Λ cha'an mi' ña'tañob chuqui mi caji i tumbeñob Jesús.

Tsi'yajca lajch_Λntiquil
(Mt. 10.1-4; Mr. 3.13-19)

12 Ti ili q'uin tac tsa' letsi majlel Jesús ti wits cha'an mi' mel oración. Ti pejtelel ac'_Λlel tsi' pejca Dios.

13 Che' b_Λ tsa' s_Λc'a, Jesús tsi' p_Λy_Λ tilel xc_Λnt'añob i cha'an. Tsi' yajca lajch_Λntiquil. Tsi' yots_Λbeyob i c'aba' ti apóstolob.

14 Tsi' yajca Simón jini am b_Λ i cha'chajplel i c'aba' Pedro, yic'ot Andrés i yijts'in Pedro; Jacobo yic'ot Juan, Felipe yic'ot Bartolomé,

15 Mateo yic'ot Tomás, Jacobo i yalobil Alfeo; yic'ot Simón jini Zelote;

16 Judas i yijts'in Jacobo; yic'ot Judas Iscariote tsa' b_Λ i y_Λc'_Λ Jesús ti' c'_Λb i contra.

I c_Λntesa Jesús ti bujt_Λ
(Mt. 4.23-25)

17 Jesús tsa' jubi majlel yic'ot jini xc_Λnt'añob. Tsa' wa'le ya' ti joct_Λl yic'ot xc_Λnt'añob i cha'an yic'ot bajc'_Λl winicob x'ixicob ch'oyolo' b_Λ ti pejtelel Judea, ti Jerusalén, yic'ot ti' ti' ñajb ya' ti Tiro yic'ot ti Sidón. Tsa' tiliyob cha'an mi' yubibeñob i t'an Jesús yic'ot cha'an mi' lajmes_Λbentelob i ch_Λmel.

18 Jini tic'_Λl_Λbilo' b_Λ cha'an xibajob tsa' lajmes_Λntiyob.

19 Ti pejtelel winicob x'ixicob yomob i t_Λl Jesús come tsa' tsictiyi i p'_Λt_Λlel cha'an mi' c'oq'uesañob ti pejtelel.

Jini am b_Λ i tijicñ_Λyel
(Mt. 5.1-12)

20 Jesús tsa' caji i q'uel xc_Λnt'añob i cha'an. Tsi' y_Λl_Λ: Tijicñayetla mach b_Λ anic la' chub_Λ'an, come la' cha'añ_Λch i yum_Λntel Dios.

21 Tijicñayetla mu' b_Λ la' wubin wi'ñal w_Λle, come mi caj la' ñaj'an. Tijicñayetla mu' b_Λ la' cha'len uq'uel, come mi caj la' cha'len tse'ñal.

22 Tijicñayetla che' mi' ts'a'leñetla winicob, che' mi' choquetla, che' mi' wajleñetla, che' mi' p'ajob la' c'aba' cha'an tsa' la' ñopo i Yalobil Winic.

23 Ti jim_Λ ora la' ñuc'ac la' pusic'al. Yom tijicñayetla come awilan, ñuc la' chobejt_Λbal ya' ti panchan, come la' ñojte'elob lajal tsi' tic'layob x'alt'añob ti oñiyi.

24 Mi caj la' taj wocol wen chumulet b_Λ la, come tsa'ix la' taja la' chobejt_Λbal.

25 Mi caj la' taj wocol ñajetix b_Λ la, come mi caj la' wubin wi'ñal.

Mi caj la' taj wocol mu' b_Λ la' cha'len tse'ñal w_Λle, come mi caj la' tsic la' pusic'al. Mi caj la' cha'len uq'uel.

26 Mi caj la' taj wocol che' uts'at mi' tajetla ti t'an pejtelel winicob x'ixicob, come che'_Λch tsi' tajayob ti t'an jini lot b_Λ x'alt'añob ti oñiyi.

I c_Λntesa Jesús cha'an i q'uext_Λntel jontolil
(Mt. 5.38-42; 7.12)

27 Pero mic subeñetla mu' b_Λ la' wubin c tan: C'uxbin la' contrajob, melbenla chuqui uts'at jini mu' b_Λ i ts'a'leñetla.

28 Aq'ueñob i yutslel la' t'an jini mu' b_Λ i p'ajetla. Tajala ti oración jini mu' b_Λ i tic'lañetla.

29 Jini mu' b_Λ i jats'et ti junwejl a choj, p_Λsben yamb_Λ a choj. Jini mu' b_Λ i chilbeñet a chaqueta la' i ch'_Λm a bujc ja'el.

30 Maqui jach mi' c'ajtibēñet, aq'uen chuqui yom. Mach a ch_Λn c'ajtiben.

31 Melbenla chuqui uts'at winicob x'ixicob che' bajche' la' wom mi' melbeñetla. Mi la' yom mi' melbeñetob chuqui uts'at winicob x'ixicob, che' yom mi la' melbeñob ja'el.

Mi laj c'uxbin laj contrajob
(Mt. 5.43-48)

32 Mi jini jach mi la' c'uxbin jini c'ux b_Λ mi' yubiñetla, ¿uts'at ba mi la' q'uejlel che' jini? Come xmulilob ja'el yujilob c'uxbiya che' c'uxbibilob.

33 Mi jini jach mi la' coltan jini mu' b_Λ i coltañetla, ¿uts'at ba mi la' q'uejlel, che' jini?

Ma'anic. Come che'ach mi' melob xmulilob ja'el.

³⁴ Mi jini jach mi la' w^Λq'ueñob ti majan jini mu' b^Λ caj i sutq'uibeñetla i q'uexol, ¿uts'at ba mi la' q'uejlel che' jini? Jini xmulilob mi y^Λq'ueñob ti majan yamb^Λ xmulilob cha'an mi' sutq'uibentelob yic'ot i ñumel.

³⁵ Pero c'uxbinla la' contrajob. Melela chuqui wen. Aq'uenla ti majan. Mach mi la' cha'len pensar cha'an mi la' cha' sutq'uibentel. Che' jini mi caj la' ch'Λm la' chobejt^Λbal. Che' jini tsiquil i yalobiletla jini C'ax Ñuc B^Λ, come mi' c'uxbin jini mach b^Λ añobic i yutslal i pusic'al yic'ot jini jontolo' b^Λ.

³⁶ P'untan la' pi'Λlob che' bajche' mi' p'untañetla la' Tat ja'el.

Che' an majch mi' lon al ti' pusic'al mi an i mul i pi'Λlob
(Mt. 7.1-5)

³⁷ Mach mi la' w^Λl ti la' pusic'al an i mul la' pi'Λlob. Che' jini, ma'anic mi caj i y^Λlob ti' pusic'al an la' mul. Mach mi la' sub ti xmulil la' pi'Λlob. Che' jini, ma'anic mi la' sujbel ti xmulil. Ñus^Λbenla i mul la' pi'Λlob. Che' jini, mi caj i ñus^Λntel la' mul.

³⁸ Aq'uenla. Che' jini, mi caj la' w^Λq'uentel wen b^Λ i p'isol, tsats tejñ^Λbil, chej^p^Λbil, che' wolix ti wejtuyel. Come che' bajche' mi la' p'isben winicob che'ach mi caj la' w^Λq'uentel.

³⁹ Jesús tsi' subeyob lajiya: Jini xpots' ¿mej^l ba i toj'es^Λn majlel yamb^Λ xpots'? ¿Mach ba muq'ueic i yajlelob ti ch'en ti cha'ticlel?

⁴⁰ Mach ñuquic x^c^Λnt'an bajche' i maestro. Che' tsa'ix i laj ñopo, lajal mi yajñel bajche' i maestro.

⁴¹ ¿Chucoch ma' q'uel che' b^Λ ya wist^Λl sajte' am b^Λ ti' wut a pi'Λl pero ma'anic ma' q'uel cucujl am b^Λ ti a wut?

⁴² ¿Bajche' mi mejlel a suben a pi'Λl: “C pi'Λl, la' to c loc'san sajte' ti a wut”, che'et, pero ma'anic ma' q'uel jini cucujl am b^Λ ti a wut? Jatet, cha'chajp jax b^Λ a pusic'al, ñaxan loc'san jini cucujl am b^Λ ti a wut. Ti wi'il mi mejlel a wen q'uel cha'an ma' loc'san jini sajte' am b^Λ ti' wut a pi'Λl.

Ti' wut mi' c^Λjñel te'
(Mt. 7.15-20; 12.34-35)

⁴³ Mach wenic jini te' mu' b^Λ i y^Λc' leco b^Λ i wut. Mach lecojic jini te' mu' b^Λ i y^Λc' uts'at b^Λ i wut.

⁴⁴ Jujuntejc te' mi' c^Λjñel ti' wut. Ma'anic mi lac tuc' higo ti ts'Λbabol. Che' ja'el, ma'anic mi lac tuc' ts'usub ti ch'ixol.

⁴⁵ Jini uts'at b^Λ winic mi' loc'san uts'at tac b^Λ ti uts'at b^Λ i pusic'al. Jini jontol b^Λ winic mi' loc'san jontol tac b^Λ ti jontol b^Λ i pusic'al. Come chuqui jach but'ul ti lac pusic'al mi' tsictiyel che' mi lac cha'len t'an.

Cha'p'ejl i c'Λclib otot
(Mt. 7.24-27)

⁴⁶ ¿Chucoch mi la' pejcañon ti la' Yum che' ma'anic mi la' mel chuqui mic subeñetla?

⁴⁷ Mi caj j c^Λntesañetla bajche' yilal jujntiquil mu' b^Λ i tilel ba' añon, mu' b^Λ i yubibeñon c t'an, mu' b^Λ i jac'beñon.

⁴⁸ Lajal^Λch bajche' winic tsa' b^Λ i mele otot. Tam tsi' top'o lum. Tsi' wa'choco i c'Λclib otot ti pam xajlel. Tsa' tili but'ja'. Tsats tsi' jats'Λ jini otot. Ma'anic tsa' mejli i ñijcan, come wen wa'chocobil jini otot.

⁴⁹ Pero jini mu' b^Λ i yubibeñon c t'an che' ma'anic mi' jac'beñon lajal^Λch bajche' winic tsa' b^Λ i wa'choco i yotot ti pam lum. Ma'anic tsi' mele i c'Λclib. Tsats tsa' tili but'ja' i jats' jini otot. Ti ora tsa' bujchi. Tsa' lu' jejmi jini otot. Che' tsi' y^Λl^Λ Jesús.

7

Jesús tsi' lajmesa x'e'tel i cha'an jini am b^Λ i ye'tel

(Mt. 8.5-13; Jn. 4.43-54)

¹ Che' b^Λ tsa' ujti i sub pejtelel jini t'an tsa' b^Λ i yubiyob winicob x'ixicob, tsa' ochi Jesús ti Capernaum.

² Woli ti c'am^Λjel x'e'tel i cha'an juntuqu^l i yaj capitán joc'al soldadojob. Wen c'ux mi' yubin jini x'e'tel. Yomix ch^Λmel.

³ Che' b^Λ tsi' yubi jini capitán ya'ach an Jesús, tsi' choco majlel ba'an Jesús jini xñoxob cha'an judíojob cha'an mi' subeñob ti wocol t'an, cha'an mi' tilel i lajmesan jini x'e'tel i cha'an.

⁴ Che' b^Λ tsa' tiliyob ba'an Jesús tsi' xiq'uiyob ti wocol t'an. Tsi' y^Λl^Λyob: Uts'at i pusic'al jini capitán. Yom ma' melben jini woli b^Λ i c'ajtibeñet.

5 Come c'ux mi' yubin lac lumal. Tsi' wa'chocobeyon lojon sinagoga, che'ob.

6 Tsa' majli Jesús yic'otob. Che' mach ñajtix añob ti' yotot, jini capitán tsi' choco majlel i pi'lob ba'an Jesús. Tsi' sube: C Yum, mach ma' tic'lan a b_Λ, come mach uts'aticon cha'an ma' wochel ti cotot.

7 Jini cha'an tsac ña'ta mach uts'aticon cha'an mic tilel ba' añet. Cojach yom ma' w_Λc' a t'an. Che' jini, mi' caj ti lajmel x'e'tel c cha'an.

8 Come joñon ja'el añon ti' wenta yamb_Λ winic. An tic wenta cab_Λl soldadojob. Mic suben juntiquil: "Cucu". Mi' majlel. Yamb_Λ mic suben: "La". Mi' tilel. Mic suben c winic: "Cha'len jini". Mi' mel, che'en.

9 Jesús uts'at tsi' yubibe i t'an jini capitán. Tsi' sutq'ui i b_Λ. Tsi' subeyob jini woli b_Λ i tsajcañob majlel: Mic subeñetla, ma'anic ba' tsac taja ti pejtelel Israel winic mu' b_Λ i ñopon bajche' jini, che'en Jesús.

10 Che' b_Λ tsa' sujtiyob ti' yotot jini capitán, c'oq'uix tsi' tajayob jini x'e'tel tsa' b_Λ i cha'le c'amajel.

Jesús tsi' teche ch'ojoyel ch_Λmen b_Λ i yalobil meba' x'ixic

11 Ti wi'il tsa' majli Jesús ti tejclum i c'aba' Naín. Tsi' pi'leyob majlel cab_Λl xc_Λnt'añob i cha'an yic'ot cab_Λl winicob x'ixicob.

12 Che' l_Λc'lix an ti' ti' tejclum, awilan, woli' ch'Λmob majlel ch'ujlel_Λ cha'an mi' mucob. Jini winic tsa' b_Λ ch_Λmi cojachix b_Λ i yalobil i ña'. Meba'ix i ña'. Tsi' pi'leyob majlel cab_Λl winicob x'ixicob loq'uemo' b_Λ ti jini tejclum.

13 Che' b_Λ tsi' q'uele lac Yum, tsi' p'unta jini meba' x'ixic. Tsi' sube: Mach ma' cha'len uq'uel, che'en.

14 Che' b_Λ tsa' tili Jesús ba' añob, tsi' t_Λl_Λ i c'Λclib ch'ujlel_Λ. Tsi' c_Λy_Λyob i x_Λmbal jini woli b_Λ i q'uech majlel. Jesús tsi' y_Λl_Λ: Ch'iton, ch'ojoyen, che'en.

15 Jini tsa' b_Λ ch_Λmi tsa' buchle. Tsa' caji ti t'an. Jesús tsi' cha' aq'ue i yalobil jini x'ixic.

16 Tsa' cajiyojob ti b_Λq'uen ti pejtelelob. Tsi' tsictesayob i ñucl_Λ Dios. Tsi' y_Λl_Λyob: Tsa'ix tili ñuc b_Λ x'alt'an ba' añonla. Dios tsa'ix i jula'ta winicob x'ixicob i cha'an, che'ob.

17 Tsa' pujqui t'an cha'an ñuc b_Λ i melbal Jesús ti pejtelel Judea yic'ot ti pejtelel lum ti' joytilel.

Jini winicob chocbilo' b_Λ tilel i cha'an Juan

(Mt. 11.2-19)

18 Jini xc_Λnt'añob i cha'an Juan tsi' subeyob Juan pejtelel tsa' b_Λ ujt_i. Juan tsi' p_Λy_Λ cha'tiquil.

19 Tsi' chocoyob majlel ba'an lac Yum cha'an mi' c'ajtibebob: ¿Jatet ba woli b_Λ c pijtan lojon, o woli ba c pijtan lojon yamb_Λ? che'ob.

20 Che' b_Λ tsa' tiliyob jini winicob ba'an Jesús, tsi' subeyob: Tsi' chocoyon lojon tilel jini Juan tsa' b_Λ i y_Λc'Λ ch'Λmja'. Juan woli' c'ajtin: "¿Jatet ba jini mu' b_Λ i tilel o yom ba mic pijtan lojon yamb_Λ?" che'ob.

21 Ti jim b_Λ ora Jesús tsi' lajmesa cab_Λl xc'amajelob año' b_Λ leco tac b_Λ i ch_Λmel, yic'ot jini año' b_Λ i xibajlel. Tsi' cambeyob i wut cab_Λl xpots'ob.

22 Jesús tsi' subeyob: Cucula. Subenla Juan chuqui tsa' la' q'uele yic'ot chuqui tsa' la' wubi, che'en. Wolix ti cha' c'otelob i wut jini xpots'ob. Woliyobix ti x_Λmbal jini mach b_Λ añobic i c'ajñibal i yoc. La-jmes_Λbilobix jini año' b_Λ leco b_Λ i tsoy. Jini xcojcob wolix i yubiñob t'an. Woli' cha' tejchelob ch'ojoyel jini ch_Λmeño' b_Λ. Jini p'umpuño' b_Λ woli' yubiñob jini wen t'an.

23 Tijicña jini mach b_Λ anic mi' lon tejchel tile bixel b_Λ i pusic'al cha'an c melbal, che'en Jesús.

24 Che' b_Λ tsa' majliyojob jini winicob chocbilo' b_Λ tilel cha'an Juan, Jesús tsa' caji' suben jini temp_Λbilo' b_Λ bajche' yilal Juan: ¿Chuqui tsajni la' q'uel ti jochol b_Λ lum? ¿Jim ba chiquib jam woli b_Λ i yujcun ic'?

25 ¿Chuqui tsajni la' q'uel? ¿Jim ba juntiquil winic wen i t'ojol b_Λ i pislel? La' wilan jini wen chumulo' b_Λ mu' b_Λ i l_Λpob weñatax b_Λ pisil añob ti' yototob reyob.

26 ¿Chuqui tsajni la' q'uel? ¿Tsajni ba la' q'uel juntiquil x'alt'an? Isujm, mic subeñetla, ñumen ñuc jini Juan bajche' x'alt'an.

27 Come tsa' ña't_Λnti Juan ti jini t'an tsa' b_Λ ts'ijbunti: "Awilan, mic ñaxan choc majlel subt'an mu' b_Λ i chajpan a bijlel", che'Λch ts'ijbubil.

28 Mic subeñetla: Ti pejtelel i yalobilob x'ixicob ma'anic yamb_Λ ñuc b_Λ x'alt'an bajche' jini Juan tsa' b_Λ i y_Λc'Λ ch'Λmja'. Pero

jini c'ax ch'o'ch'oc b_Λ ti' yum_Λntel Dios ñumen an i ñucler bajche' Juan. Che' tsi y_{ΛΛ} Jesús.

²⁹ Pejtel winicob x'ixicob yic'ot xch'_Λm tojoñelob tsi' ña'tayob toj_Λch Dios che' b_Λ tsi' yubibeyob i t'an Juan. Tsi' ch'_Λm_Λyob ja' ti' c'_Λb Juan.

³⁰ Pero jini fariseojob yic'ot x_Λntesa mandarob tsi' ñusayob i p_Λyol ti Dios yic'ot i colt_Λntel. Come ma'anic tsi' ch'_Λm_Λyob ja' ti' c'_Λb Juan.

³¹ ¿Bajche' mic lajin jini winicob x'ixicob año' b_Λ ti pañimil w_Λle? ¿Bajche' yilalob?

³² Lajalob bajche' alobob buchulo' b_Λ ba'an choñoñibal woli b_Λ i p_Λyob i pi'_Λlob. Mi' y_Λlob: “Tsac wusu lojon am_Λy, ma'anic tsa' la' cha'le son. Tsa cuc't_Λbeyet lojon ch'ujlel_Λ, ma'anic tsa' la' cha'le uq'uel”, che'ob.

³³ Come Juan tsa' b_Λ i y_Λc'_Λ ch'_Λm ja' tsa' tili. Ma'anic tsi' c'uxu waj, ma'anic tsi' jap_Λ vino. Mi la' w_Λl: “An i xib_Λjlel”.

³⁴ I Yalobil Winic tsa' tili. An chuqui mi' c'ux. An chuqui mi' jap. Woli la' w_Λl: “Awilan, xwo'lel, jini xjap vino. Mi' pi'leñob ti x_Λmbal jini xch'_Λm tojoñelob yic'ot xmulilob”, che'etla.

³⁵ I ña't_Λbal Dios mi' tsictiyel ti uts'at ti pejtel i yalobilob, che'en Jesús.

Jesús tsa' majli ti' yotot juntiquil fariseo

³⁶ Juntiquil fariseo tsi' sube Jesús ti wocol t'an cha'an mi' cha'len we'el yic'ot. Tsa' ochi Jesús ti' yotot jini fariseo. Tsa' buchle ti' t'ejl mesa.

³⁷ Awilan, juntiquil x'ixic ti tejclum tsa' b_Λ i cha'le mulil, che' b_Λ tsi' ña'ta ya'an Jesús ti' t'ejl mesa ti' yotot jini fariseo, tsi' ch'_Λm_Λ tilel jump'ejl a_Λ limetej melbil b_Λ ti xajlel but'ul ti xojocña b_Λ ts'ac.

³⁸ Che' ya' wa'al jini x'ixic ti' pat Jesús, tsa' caji ti uq'uel. Tsa' ch_Λj_Λq'ui jubel i ya'lel i wut ti' yoc Jesús. Tsi' sujcube ti' tsutsel i jol. Tsi' ts'ujts'ube i yoc. Tsi' boño ti jini xojocña b_Λ ts'ac.

³⁹ Jini fariseo tsa' b_Λ i p_Λy_Λ tilel Jesús ti we'el tsi' q'uele. Tsi' ña'ta ti' pusic'al: X'alt'anic jini winic, tsa'ix i c_Λña ili x'ixic woli b_Λ i t_Λ. Tsa'ix i c_Λambe i melbal, come xmulil_Λch jini x'ixic, che'en.

⁴⁰ Jesús tsi' sube Simón: Simón, an chuqui mi' caj c subeñet, che'en. Simón tsi' y_{ΛΛ}: Subeñon, Maestro, che'en.

⁴¹ Tsa' caji' y_Λ Jesús: Juntiquil winic tsi' y_Λq'ueyob taq'uin ti bet cha'tiquil xbetob. Juntiquil an i bet jo'c'al i cha'bajc' denario. Yamb_Λ an i bet lujump'ejl i yuxc'al denario.

⁴² Ma'añobic i chub_Λ'an ili xbetob cha'an mi' tojob i bet. Jini winic tsi' ñus_Λbeyob i bet ti cha'ticlelob. Ti cha'ticlel mi' caj i c'uxbiñob jini winic tsa' b_Λ i ñus_Λbeyob i bet. Al_Λ, che' jini ¿majqui mi' caj i ñumen c'uxbin? che'en Jesús.

⁴³ Tsi' y_{ΛΛ} Simón: Mi c_Λl jini tsa' b_Λ ñus_Λbenti ñumen on b_Λ i bet, che'en. Jesús tsi' cha' sube: Isujm bajche' tsa' ña'ta, che'en.

⁴⁴ Jesús tsi' sutq'ui i b_Λ i q'uel jini x'ixic. Tsi' sube Simón: ¿Woli ba a q'uel jini x'ixic? Tsa' ochiyon ti a wotot. Ma'anic tsa' w_Λq'ueyon ja' cha'an coc. Ili x'ixic tsa' ch_Λj_Λq'ui jubel i ya'lel i wut ti coc. Tsi' sujcubejon ti' tsutsel i jol.

⁴⁵ Ma'anic tsa' ts'ujts'uyon. Pero ili x'ixic ma'anic tsi' c_Λy_Λ i ts'ujts'ubeñon coc c'_Λl_Λ che' b_Λ tsa' ochiyon.

⁴⁶ Ma'anic tsa' boño c jol ti aceite. Pero ili x'ixic tsi' boño coc ti xojocña b_Λ ts'ac.

⁴⁷ Jini cha'an mic subeñet, anquese cab_Λl i mul ñus_Λbilix ti pejtelel. Jini cha'an cab_Λl mi' c'uxbiñon. Majqui mi' ñus_Λbentel ts'ita' i mul ts'ita' jach mi' cha'len c'uxbiya, che'en Jesús.

⁴⁸ Tsi' sube x'ixic: Ñus_Λbilix a mul, che'en.

⁴⁹ Jini buchulo' b_Λ yic'ot Jesús ti' t'ejl mesa tsa' caji i y_Λlob ti' pusic'al: ¿Ñuc ba jini winic cha'an mi' ñusan mulil? che'ob.

⁵⁰ Jesús tsi' sube x'ixic: Colt_Λbilet cha'an tsa' ñopo. Cucu ti' ñ_Λch'tilel a pusic'al, che'en.

8

X'ixicob tsa' b_Λ i coltayob Jesús

¹ Ti wi'il Jesús tsa' ñumi majlel ti pejtelel tejclum yic'ot ti pejtelel xchumt_Λl. Tsi' subu jini wen t'an cha'an i yum_Λntel Dios. Jini la-jch_Λntiquil x_Λnt'añoob i cha'an tsi' pi'leyob majlel.

² Tsi' pi'leyob majlel ja'el cha'tiquil ux-tiquil x'ixicob tsa' b_Λ lajmes_Λntiyob cha'an

i xibajlel yic'ot i chamel. Juntiquil x'ixic i c'aba' María, ch'oyol b_Λ ti Magdala. Tsa' loq'uiyob wuctiquil xibajob ti' pusic'al.

³ Ya'an ja'el Juana, i yijñam Chuza. Jini Chuza xq'uel e'tel i cha'an Herodes. Ya' an ja'el Susana, yic'ot cabal yaño' b_Λ x'ixicob tsa' b_Λ i c'añayob i chub_Λ'an cha'an mi' we'sañob.

Lajiya cha'an xwejch'uya pac'
(Mt. 13.1-15, 18-23; Mr. 4.1-20)

⁴ Tsi' tempayob i b_Λ bajc'Λl winicob x'ixicob. Tsa' tiliyob ba'an Jesús loq'uemo' b_Λ ti cabal tejclum tac. Jesús tsi' pejcayob ti lajiya.

⁵ Tsi' y_ΛΛ: Tsa' majli winic ti wejch'uya pac'. Che' woli' wejch'un majlel, tsa' yajli ts'ita' ti' ti' bij. Tsi' t'uchtayob winicob. Tsi' c'uxuyob te'lemut.

⁶ Yamb_Λ tsa' yajli ti xajlelol. Che' b_Λ tsa' coli, tsa' tiqui, come ma'anic ach'.

⁷ Yamb_Λ tsa' yajli ti ch'ixol. Temel tsa' coli yic'ot jini ch'ix. Jini ch'ix tsi' tsansa.

⁸ Yamb_Λ tsa' yajli ti wen b_Λ lum. Che' b_Λ tsa' coli, tsi' y_Λc'Λ i wut jo'jo'c'al ti ju-jump'ejl. Che' tsi' y_ΛΛ Jesús. Che' b_Λ tsa' ujtí i sub ili t'an, tsi' y_ΛΛ ti c'am b_Λ t'an: Jini am b_Λ i chiquin cha'an mi' yubin, la' i yubin, che'en.

⁹ Jini xcant'añob i cha'an tsi' c'ajtibeyob Jesús: ¿Chuqui i sujmllel jini lajiya? che'ob.

¹⁰ Jesús tsi' y_ΛΛ: Aq'uebiletla cha'an mi la' camben i sujmllel i yumantel Dios mach b_Λ tsictiyemic ti yamb_Λ ora. Pero jini yaño' b_Λ mic pejcañob ti lajiya cha'an mi' q'uelob, pero ma'anic mi' c'otelob i wut. Mi' yubiñob, pero ma'anic mi' ch'ambañob isujm.

¹¹ Jiñach i sujmllel jini lajiya: Jini pac' jiñach i t'an Dios.

¹² Jini am b_Λ ti' ti' bij jiñobach mu' b_Λ i yubiñob t'an. Mi' tilel xiba. Mi' chilben loq'uel jini t'an ti' pusic'al cha'an ma'anic mi' ñopob ame mi' coltantelob.

¹³ Jini año' b_Λ ti xajlelol, jiñobach mu' b_Λ i yubiñob jini t'an. Ti' tijicñayel i pusic'al mi' bac' jac'ob, pero ma'anic i wi' ti' pusic'al. Mi' poj ñopob, pero che' mi' yilabentelob i pusic'al mi' cha' c_Λyob.

¹⁴ Jini tsa' b_Λ yajli ti ch'ixol jiñach tsa' b_Λ i yubiyob jini t'an. Che' mi' majlelob, cabal i c'ojol cha'an pañimil yic'ot chub_Λ'añal

yic'ot paxyal. Mi' c'unte' jisan jini am b_Λ ti' pusic'al. Ma'anic mi' y_Λc'ob i wut.

¹⁵ Jini tsa' b_Λ yajli ti wen b_Λ lum jiñach mu' b_Λ i yubiñob jini t'an. Toj i pusic'al. Uts'at i pusic'al. Mi' lotob jini t'an tsa' b_Λ i yubiyob. Mi' y_Λc'ob i wut ti' xuc'tilel i pusic'al.

Candil ti' yebal chiquib
(Mr. 4.21-25)

¹⁶ Jini mu' b_Λ i tsuc' candil ma'anic mi' m_Λc ti p'ejt. Ma'anic mi' y_Λc' ti yebal ch'ac. Mi' joc'chocon ti' joc'lib cha'an mi' pasbeñob i saclel jini mu' b_Λ i yochelob.

¹⁷ Ma'anic mucul tac b_Λ mach b_Λ anic mi' caj ti p_Λst_Λ. Ma'anic mucul tac b_Λ mach b_Λ anic mi' caj ti c_Λjñel, come mi' caj ti tsictiyel ti' saclel pañimil.

¹⁸ Ch_Λc_Λ q'uele la' b_Λ cha'an mi la' wen ubin jini t'an, come majqui jach an i cha'an mi caj i y_Λq'uentel yamb_Λ. Majqui jach ma'anic i cha'an mi caj i lu' chilbentel chuqui tac an i cha'an, che'en Jesús.

I ña', i yijts'iñob Jesús
(Mt. 12.46-50; Mr. 3.31-35)

¹⁹ Tsa' tiliyob ba'an Jesús i ña' yic'ot i yerañob. Ma'anic tsa' mejliyob ti ochel ba'an Jesús cha'an cabal winicob x'ixicob.

²⁰ Tsa' subenti Jesús: Ya' wa'alob a ña' a wijts'iñob ti' pat otot. Yomob i q'uelet, che'ob.

²¹ Jesús tsi' subeyob: Jini mu' b_Λ i yubiñob i t'an Dios mu' b_Λ i jac'ob jiñobach c'ña' yic'ot quijts'iñob, che'en.

Jesús tsi' tiq'ui p'at_Λ b_Λ ic'
(Mt. 3.23-27; Mr. 4.35-41)

²² Ti yamb_Λ q'uin Jesús tsa' ochi ti barco yic'ot jini xcant'añob i cha'an. Tsi' subeyob: La' c'axiconla ti junwejl ñajb, che'en. Tsa' cajiyob ti majlel.

²³ Che' woliyob ti xambal majlel ti ja', tsa' caji ti w_Λyel Jesús. Tsa' tili p'at_Λ b_Λ ic' ti ñajb. Yom bujt'el ti ja' barco. B_Λb_Λq'uen mi' chamelob.

²⁴ Tsa' tiliyob ba'an Jesús. Tsi' ñijcayob ch'o_jyel. Tsi' subeyob: Maestro, Maestro, wolic jilel lojon, che'ob. Tsa' ch'o_jyi Jesús. Tsi' tiq'ui jini ic' yic'ot jini wamlaw ch'inlaw b_Λ ja'. Ñ_Λch'acña pañimil.

²⁵ Jesús tsi' subeyob: ¿Bacan mi la' ñop? che'en. Tsi' cha'leyob b_Λq'uen. Tsa' toj

sajtiyob i pusic'al. Tsi' subeyob i b_Λ: ¿Majqui jini? come jini ic' yic'ot ñajb mi' jac'ben i mandar, che'ob.

Jini am b_Λ i xib_Λjlel ti' lumal geraseñob
(Mt. 8.28-34; Mr. 5.1-20)

²⁶ Tsi' ñijcayob majlel barco c'ΛΛΛ ti' lumal geraseñob ya' ti junwejl Galilea.

²⁷ Che' b_Λ tsa' c'oti ti lum Jesús, tsa' tili winic ch'oyol b_Λ ti tejclum. Anix ora an i xib_Λjlel. Ma'anic i pislel. Ma'anic mi' yajñel ti otot. Ya jach an ti' yotlel ch'ujlelΛ.

²⁸ Jini winic tsi' cha'le oñel che' b_Λ tsi' q'uele Jesús. Tsi' y_ΛΛ: ¿Chuqui i ye'tel ma' tilel ba' añon, Jesús, i Yalobilet b_Λ Dios, jini C'ax Ñuc b_Λ? Mic subeñet awocolic mach ma' tic'lañon, che'en.

²⁹ Come Jesús tsi' sube loq'uel jini xiba ti' pusic'al winic. Anix ora chucul i cha'an. Tsi' c_Λntayob ti cárcel jini winic. Tsi' c_Λch_Λyob ti cadena yic'ot ti' ñejt'il i c'Λb i yoc. Pero jini winic tsi' ts'oco jini cadena tac. Jini xiba tsi' wersa ñijca majlel ti jochol b_Λ lum.

³⁰ Jesús tsi' c'ajtibe: ¿Chuqui a c'aba'? che'en. Tsi' y_ΛΛ: J c'aba' Legión, che'en, come tsa' ochiyob cab_Λl xibajob ti' pusic'al jini winic.

³¹ Tsi' c'ajtibeyob ti wocol t'an cha'an ma'anic mi' chocob jubel ti ch'en mach b_Λ anic i yebal.

³² Ya'an bajc'Λl chitam. Woli ti buc'bal ya' ti wits. Jini xibajob tsi' c'ajtibeyob Jesús ti wocol t'an cha'an mi' y_Λc'ob ti ochel ti chitam. Jesús tsi' y_Λc'Λ i t'an.

³³ Jini xibajob tsa' loq'uiyob ti jini winic. Tsa' ochiyob ti chitam. Ti ajñel tsa' laj jubi chitam ti xitil b_Λ wits. Tsa' ochi ti colem ñajb. Tsa' laj ch_Λmi ti ja'.

³⁴ Che' b_Λ tsi' q'ueleyob chuqui tsa' ujti, ti ajñel tsa' majliyob jini x_Λanta chitamob. Ya' ti tejclum yic'ot ti xchumt_Λ tac tsi' subuyob chuqui tsa' ujti.

³⁵ Tsa' loq'uiyob tilel winicob x'ixicob cha'an mi' q'uelob jini winic. Tsa' tiliyob ba'an Jesús. Ya' tsi' tajayob jini winic tsa' b_Λ loq'ui i xib_Λjlel, buchul ti' tojlel Jesús. L_Λp_Λl i bujc. Anix i pusic'al. Tsi' cha'leyob b_Λq'uen.

³⁶ Jini tsa' b_Λ i q'ueleyob tsi' subuyob bache' tsa' colt_Λnti jini winic am b_Λ i xib_Λjlel.

³⁷ Pejtelel winicob x'ixicob ch'oyolo' b_Λ ti' joytilel i lumal geraseñob tsi' subeyob Jesús ti wocol t'an cha'an mi' loq'uel majlel ya' ba' añob. Come tsi' cha'leyob cab_Λl b_Λq'uen. Tsa' cha' ochi Jesús ti barco. Tsa' cha' majli.

³⁸ Jini winic tsa' b_Λ chojqui loq'uel i xib_Λjlel tsi' c'ajtibe Jesús ti wocol t'an cha'an mi' y_Λc' i t'an cha'an mi' yajñel yic'ot. Jesús tsi' choco majlel.

³⁹ Tsi' sube: Sujten ti a wotot. Suben a pi'Λlob chuqui tac ñuc tsi' melbeyet Dios, che'en. Tsa' majli jini winic. Tsa' caji i puc t'an ti pejtelel tejclum cha'an chuqui tac ñuc tsi' melbe Jesús.

Iyalobil Jairo yic'ot jini x'ixic tsa' b_Λ i t_ΛΛ i bujc Jesús

(Mt. 9.18-26; Mr. 5.21-43)

⁴⁰ Che' b_Λ tsa' cha' tili Jesús, tijicñayob tsi' q'ueleyob come tsi' pijtayob ti pejtelelob.

⁴¹ Awilan, tsa' tili winic i c'aba' Jairo, i yum sinagoga. Tsi' ñocchoco i b_Λ ba'an Jesús. Tsi' c'ajtibe ti wocol t'an cha'an mi' yochel Jesús ti' yotot.

⁴² Come an jach juntiquil xch'oc b_Λ i yalobil, yomix i taj lajch_Λmp'ejl i jabilel. Wolix ti ch_Λmel. Che' b_Λ tsa' majli Jesús, cab_Λl winicob x'ixicob tsi' joy ñet'eyob.

⁴³ An juntiquil x'ixic mach b_Λ anic tsa' wis tijq'ui i bec' i ch'ich'el lajch_Λmp'ejl jab. Tsi' laj jisa pejtelel i chub_Λ'an cha'an i tojoli ts'Λc_Λntel. Ma'anic majch tsa' mejli i lajmesan.

⁴⁴ L_Λc'Λl tsa' tili ti' pat Jesús. Tsi' talbe i yoc i pislel. Ti ora tsa' tijq'ui i bec' i ch'ich'el.

⁴⁵ Jesús tsa' caji' y_Λl: ¿Majqui tsi' t_ΛΛyon? che'en. Ti pejtelelob tsi' y_ΛΛyob ma'anic tsi' t_ΛΛyob. Pedro tsi' sube: Maestro, an cab_Λl winicob x'ixicob ti a joytilel. Mi' ñet'etob, che'en.

⁴⁶ Pero Jesús tsi' y_Λl: An majqui tsi' t_ΛΛyon. Ña't_Λbil c cha'an tsa' c'Λjni c p'Λt_Λlel, che'en.

⁴⁷ Che' yujilix jini x'ixic mach mejlix i muc i b_Λ, tsiltsilña tsa' tili. Tsi' p_Λcchoco i b_Λ ti' tojlel i yoc Jesús. Tsi' subu ti' tojlel pejtelel winicob x'ixicob chucoch tsi' t_ΛΛ. Che' b_Λ tsi' t_ΛΛ, tsa' lajmi ti ora.

⁴⁸ Jesús tsi' sube: Calobil, tsa' lajmiyet cha'an tsa' ñopoyon. Cucu ti' ñ_Λch'tilel a pusic'al, che'en.

49 Che' b_Λ woli to ti t'an, tsa' tili winic loq'uem b_Λ ti' yotot i yum sinagoga. Tsi' y_ΛΛ: Ch_Λmenix a walobil. Mach a ch_Λn m_Λcben q'uin jini Maestro, che'en.

50 Che' b_Λ tsi' yubi jini t'an, Jesús tsi' sube jini yum_Λ: Mach a cha'len b_Λq'uen. Ch_Λn ñopo ti a pusic'al. Che' jini, mi' caj i col_Λntel jini xch'oc, che'en.

51 Che' b_Λ tsa' ochi Jesús ti' yotot jini yum_Λ, ma'anic tsi' y_Λc'Λ ti ochel yaño' b_Λ, jini jach Pedro yic'ot Jacobo yic'ot Juan yic'ot i tat i ña' jini xch'oc.

52 Woliyob ti uq'uel pejtelel winicob x'ixicob. Woli' yuc'tañob jini xch'oc. Jesús tsi' y_ΛΛ: C_Λy_Λx la' wuq'uel. Mach ch_Λmenic. Woli jach ti w_Λyel, che'en.

53 Tsi' wajleyob come yujilob ch_Λmenix jini xch'oc.

54 Jesús tsi' chucbe i c'Λb jini xch'oc. Tsi' y_ΛΛ ti c'am b_Λ t'an: Xch'oc, ch'ojyen, che'en.

55 Tsa' cha' ochi i ch'ujlel. Tsa' ch'ojyi ti ora. Jesús tsi' subeyob cha'an mi' we'sañob.

56 Tsa' toj sajtiyob i pusic'al i tat i ña' jini xch'oc. Jesús tsi' subeyob mach yomic mi' subeñob i pi'Λlob chuqui tsa' ujtí.

9

Tsa' aq'uentiyob i ye'tel jini lajch_Λntiquil (Mt. 10.5-16; Mr. 6.7-13)

1 Jesús tsi' p_Λy_Λ tilel jini lajch_Λntiquil x_Λnt'añob i cha'an. Tsi' y_Λq'ueyob i ye'tel yic'ot i p'Λ_Λel ti' contra xibajob, yic'ot ti' contra pejtél c'am_Λjel.

2 Tsi' chocoyob majlel cha'an mi' subob jini wen t'an cha'an i yum_Λntel Dios, cha'an mi' lajmesañob jini x_Λ'am_Λjelob.

3 Jesús tsi' subeyob: Mach yomic chuqui mi la' ch'Λm majlel ti bij, mi te' cha'an x_Λmbal, mi chim, mi waj, mi taq'uin. Mach mi la' l_Λp cha'p'ejl la' bujc.

4 Baqui jach b_Λ otot mi la' wochel, ya' yom mi la' jijlel c'Λ_Λl mi la' loq'uel majlel ti jini tejclum.

5 Che' mi la' loq'uel ti tejclum ba' ma'anic mi' p_Λy_Λetla ochel ti' yotot, tijcanla loq'uel i ts'ubeñal la' woc cha'an mi' q'uelob, come mach wenic bajche' tsi' meleyob. Che' tsi' y_ΛΛ Jesús.

6 Tsa' loq'uiyob majlel jini x_Λnt'añob. Tsi' pucuyob i b_Λ ti pejtelel xchum_Λl tac. Tsi' subuyob jini wen t'an. Tsi' cha'leyob lajmesaya ti pejtelel lum.

Tsa' ts_Λns_Λnti Juan tsa' b_Λ i y_Λc'Λ ch'Λmja' (Mt. 14.1-12; Mr. 6.14-29)

7 Tsa' caji' yubin jini yum_Λl Herodes pejtél chuqui tac tsi' mele Jesús. Cab_Λl tsi' cha'le tsic pusic'al, come cha'tiquil uxtiquil tsi' y_ΛΛyob tsa'ix tejchi ch'ojyel Juan ba'an ch_Λmeño' b_Λ.

8 Yaño' b_Λ tsi' y_ΛΛyob tsa'ix cha' tsictiyi Elías. Yaño' b_Λ tsi' y_ΛΛyob tsa'ix cha' ch'ojyi juntiquil oñiyi b_Λ x'alt'an.

9 Tsi' y_ΛΛ Herodes: Joñon tsa'ix c set' t'ojbe loq'uel i bic' Juan. ¿Majqui jini woli b_Λ i mel ñuc b_Λ i ye'tel? che'en. Yom i q'uel.

Tsa' we'santiyob jo'p'ejl mil (Mt. 14.13-21; Mr. 6.30-44; Jn. 6.1-14)

10 Che' b_Λ tsa' cha' tiliyob jini chocbilo' b_Λ majlel, tsi' subeyob Jesús pejtél chuqui tac tsi' cha'leyob. Jesús tsi' bajñel p_Λy_Λyob majlel ti colem b_Λ i tiquiñal lum ti' tojel jini tejclum i c'aba' Betsaida.

11 Che' b_Λ tsi' ña'tayob jini winicob x'ixicob, tsi' tsajcayob majlel. Jesús tsi' wen pejcayob. Tsi' subeyob t'an cha'an i yum_Λntel Dios. Tsi' lajmesa jini año' b_Λ i ch_Λmel.

12 Che' wolix ti b_Λjlel q'uin, tsa' tiliyob ba'an Jesús jini lajch_Λntiquil. Tsi' subeyob: Subeñobix majlel ti xchum_Λl tac yic'ot ti tejclum cha'an mi' jijlelob ba' mi' tajob i b_Λl i ñac', come w_Λ' añoñla ti jochol b_Λ lum, che'ob.

13 Jesús tsi' subeyob: Aq'ueñob jatetla chuqui tac mi' c'uxob, che'en. Tsi' subeyob: Cojach an c cha'an lojon jo'q'uejl waj yic'ot cha'cojt ch_Λy. Mach jast_Λyic. Yom mic majlel lojon c m_Λn i b_Λl ñac'Λ_Λ, che'ob.

14 Ya' añob jo'p'ejl mil winicob. Jesús tsi' sube x_Λnt'añob: Subeñob bucht_Λl ti mojt ti mojt, che' bajche' lujuntiquil i yuxc'al ti jujunmojt, che'en.

15 Che'Λch tsi' meleyob bajche' tsi' y_ΛΛ. Tsi' subeyob bucht_Λl ti pejtelelob.

16 Jesús tsi' ch'Λm_Λ jini jo'q'uejl waj yic'ot cha'cojt ch_Λy. Tsi' letsa i wut ti panchan. Tsi' cha'le oración. Tsi' xet'e waj. Tsi' y_Λq'ue x_Λnt'añob i cha'an cha'an mi' pucbeñob.

17 Tsi' c'uxuyob ti pejtelelob. Tsa' ñaj'ayob. Tsi' lotoyob lajchamp'ejl chiquib i xujt'il tac.

Pedro tsi' yalal: Jatet Cristojet
(Mt. 16.13-20; Mr. 8.27-30)

18 Ti yambal q'uin che' bal tsi' bajñel pe-
jca Dios Jesús, ya' añob xcant'añob yic'ot.
Jesús tsi' c'ajtibeyob: ¿Majquiyon mi' yalob?
che'en.

19 Jini xcant'añob tsi' subeyob: Cha'tiquil
uxtiquil mi' yalob jatet Juanet, jini x'ac'
ch'amja'. Yaño' bal mi' yalob Elías. Yaño'
bal mi' yalob juntiquil oñiyi bal x'alt'añet tsa'
bal cha' ch'ojyi, che'ob.

20 Jesús tsi' c'ajtibeyob: Jixcu jatetla, ¿ma-
jquiyon mi' la' wal? che'en. Pedro tsi' jac'al:
Jatet Cristojet, yajcabil bal i cha'an Dios,
che'en.

Jesús tsi' subu bajche' mi caj i chamel
(Mt. 16.21-23; Mr. 8.31-33)

21 Jesús tsi' tiq'uiyob. Tsi' yalq'ueyob man-
dar cha'an ma'anic mi' subeñob yambal mi
juntiquilic.

22 Tsi' yalal: Wersa mi' yubin cabal wocol
i Yalobil Winic. Wersa mi' ts'a'lentel cha'an
xñoxob año' bal i ye'tel yic'ot ñuc bal motoma-
job yic'ot sts'ijbayajob. Mi caj i tsansantel.
Mi caj i cha' ch'ojyel ti yuxp'ejlel q'uin,
che'en.

Bajche' yom mi lac tsajcan majlel Jesús
(Mt. 16.24-28; Mr. 8.34—9.1)

23 Jesús tsi' subeyob ti pejtelelob: Mi an
majqui yom i tsajcañon, la' i len caly chuqui
yom ti' bajñel pusic'al, la' i ch'am i cruz ti
jijump'ejl q'uin, la' i tsajcañon.

24 Majqui jach yom i bajñel cantan i
cuxtalal mi caj i sat. Jini mu' bal i yac' i
cuxtalal cha'añon mi caj i cantan.

25 ¿Come chuqui mi' taj winic mi tsi'
lon ch'amal pejtelel pañimil, mi tsa' sajti i
ch'ujlel, mi tsi' jisa i bal?

26 Majqui jach mi' quisniñon yic'ot c t'an,
i Yalobil Winic ja'el mi caj i quisnin jini
winic che' mi' tilel ti' ñucel yic'ot i ñucel i
Tat yic'ot i ñucel jini ch'ujul bal ángelob.

27 Ti isujm mic subeñetla, lamital ili
wa'alo' bal ma'anic mi caj i chamelob jinto
che' mi' q'uelob i yumantel Dios, che'en
Jesús.

Tsa' yajñi Jesús
(Mt. 17.1-8; Mr. 9.2-8)

28 Che' bal tsa' ñumi che' bajche'
waxacp'ejl q'uin che' ajlemix jini t'an, Jesús
tsi' palyal majlel Pedro yic'ot Juan yic'ot
Jacobo. Tsa' letsu majlel yic'otob ti wits
cha'an mi' pejcan Dios.

29 Che' woli ti oración, tsa' yajñi i wut
Jesús. Tsa' sac'a i pislel. Ts'aylaw i saclel.

30 Awilan, cha'tiquil winicob tsi' pe-
cayob Jesús. Jiñobach Moisés yic'ot Elías.

31 Tsa' tsictiyiyob yic'ot i ñucel. Tsa' caji
i subob bajche' mi caj i caly pañimil Jesús
che' mi' yujtesan chuqui mi caj i mel ya' ti
Jerusalén.

32 Suts'atax i wut Pedro yic'ot i pi'alob
cha'an yomob walayel. Che' cañal i wut tsi'
q'ueleyob i ñucel Jesús yic'ot jini cha'tiquil
winicob ya' bal año.

33 Che' bal tsa' cajiyoob ti majlel jini
cha'tiquil, Pedro tsi' sube Jesús: Maestro,
uts'at mi laj calyal ilayi. La' c mel lo-
jon uxp'ejl lejchempat, jump'ejl cha'añet,
jump'ejl cha'an Moisés, jump'ejl cha'an
Elías, che'en. Ma'anic tsi' ña'ta Pedro
chuqui woli yal.

34 Che' woli to i yal jini t'an tsa' tili
jump'ejl tocal. Tsi' mosoyob. Tsi'
cha'leyob balq'uen jini xcant'añob che' bal
tsa' mosleyob ti tocal.

35 Tsa' loq'ui t'an ti tocal. Tsi' yalal: Jiñach
Calobil tsa' bal c yajca. Ubinla i t'an, che'en.

36 Che' bal tsa' ujti jini t'an, ya'ach an
Jesús ti' bajñelil. Jini xcant'añob ñach'al
tsa' caleyob. Cabal q'uin ma'anic tsi' wis
subeyob yaño' bal chuqui tac tsi' q'ueleyob.

*Jesús tsi' lajmesa ch'iton am bal i juquin
chamel*
(Mt. 17.14-21; Mr. 9.14-29)

37 Ti yijc'alal che' bal tsa' jubiyob ti wits,
cabal winicob x'ixicob tsa' tiliyob i taj Jesús.

38 Awilan, juntiquil tsa' bal tili tsi' yalal
ti c'am bal t'an: Maestro, mij c'ajtibeñet
awocolic q'uele calobil, come jiñach cojach
bal calobil.

39 Awilan, jini xiba mi' choc. Mi' bac' cajel
ti oñel. Jini xiba mi' yac' ti juquin chamel
jinto mi' loq'uel i lojc i yej. Mi' chan tic'lan.
Wocol mi' poj caly.

40 Tsaj c'ajtibexcánt'añob a cha'an ti wocol t'an cha'an mi' chocob loq'uel. Ma'anic tsa' mejliyob, che'en.

41 Jesús tsi' jac'Λ: Winicob x'ixicob año' bΛ wΛle mach bΛ anic mi la' ñop, sojqumetla. ¿Jayp'ejl to q'uin wΛ' añoñ la' wic'ot? ¿Jayp'ejl to q'uin mij cuchbeñetla la' sajtemal? PΛyΛ tilel a walobil wΛ' ba' añoñ, che'en.

42 Che' woli to i tilel i tat jini ch'iton, jini xiba tsi' wersa ñijca jini ch'iton. Tsi' yΛc'Λ ti juquin chΛmel. Jesús tsi' tiq'ui jini xiba. Tsi' lajmesa jini ch'iton. Tsi' cha' ac'Λ ti' wenta i tat.

Jesús tsi' cha' subu bajche' mi caj i chΛmel (Mt. 17.22-23; Mr. 9.30-32)

43 Tsa' toj sajtiyob i pusic'al ti pejtelelob che' bΛ tsi' q'ueleyob i ñucler i p'ΛtΛlel Dios. Che' bΛ tsa' toj sajtiyob i pusic'al cha'an chuqui tac tsi' cha'le Jesús, tsa' caji i suben xcánt'añob i cha'an:

44 La' ochic ti la' chiquin jini c t'an, come i Yalobil Winic mi caj i yΛjq'uel ti' c'Λb winicob, che'en Jesús.

45 Pero ma'anic tsi' ch'Λmbeyob isujm jini t'an, come mucbil i sujmler i t'an cha'an ma'anic mi' ch'Λmbeñob isujm. Ma'anic tsi' c'ajtiyob i sujmler come woliyob ti bΛq'uen.

¿Majqui ñumen ñuc ti' yumΛntel Dios? (Mt. 18.1-5; Mr. 9.33-37)

46 Tsa' caji i cΛΛx pejcañob i bΛ cha'an mi' bajñel yajcañob majqui ñumen ñuc ti' tojlelob.

47 Jesús tsi' ña'ta chuqui woli' yΛlob ti' pusic'al. Tsi' pΛyΛ tilel juntiquil alob. Tsi' yΛc'Λ ti' t'ejl.

48 Tsi' subeyob: Majqui jach mi' c'uxbin jini alob tij c'aba' mi' c'uxbiñon. Majqui jach mi' c'uxbiñon mi' c'uxbin c Tat tsa' bΛ i chocoyon tilel. Come jini ñumen ch'o'ch'oc bΛ ti la' tojlel jiñach ñumen ñuc bΛ.

Jini mach bΛ anic mi' contrajiñonla woli' coltañonla (Mr. 9.38-40)

49 Juan tsi' sube: Maestro, tsaj q'uele lojon juntiquil mu' bΛ i choc loq'uel xibajob ti a c'aba'. Tsac tiq'ui lojon come ma'anic mi' tsajcañon lojon, che'en.

50 Jesús tsi' sube: Mach mi la' tic', come jini mach bΛ anic mi' contrajiñonla woli' coltañonla, che'en.

Jesús tsi' tiq'ui Jacobo yic'ot Juan

51 Che' i yorajlelix che' mux caj i pΛjyel majlel ti panchan, ti jump'ejl jach i pusic'al tsa' caji ti majlel ti Jerusalén.

52 Tsi' choco majlel winicob ti' tojel i wut. Tsa' ochiyob ti jump'ejl i tejclum samaritanojob cha'an mi' chajpΛbeñob ba' mi' jijlel Jesús.

53 Pero jini winicob x'ixicob ma'anic tsi' pΛyΛyob ochel come tsiquil wersa yom majlel ti Jerusalén.

54-55 Che' bΛ tsi' ña'tayob Jacobo yic'ot Juan, xcánt'añob i cha'an, tsi' subeyob: C Yum, ¿a wom ba mic cha'len lojon mandar cha'an mi' jubel tilel c'ajc ti panchan cha'an mic jisañob che' bajche' tsi' mele Elías? che'ob. Jesús tsi' sutq'ui i bΛ i q'uelob. Tsi' tiq'uiyob:

56 Ma'anic tsa' tili i Yalobil Winic cha'an mi' jisan winicob x'ixicob, pero cha'an mi' coltañob, che'en. Tsa' majliyob ti yambΛ xchumtΛl.

Jini yomo' bΛ i tsajcañob Jesús (Mt. 8.18-22)

57 Che' woli' majlelob ti bij, juntiquil winic tsi' sube Jesús: C Yum, mi caj c tsajcañet baqui jach ma' majlel, che'en.

58 Jesús tsi' sube: An i met wax. An i c'u' te'lemut, pero ma'anic i yajñib ba' mi' c'aj i yo i Yalobil Winic che'en.

59 Jesús tsi' sube yambΛ winic: Tsajcañon, che'en. Jini winic tsi' sube: C Yum, la' ñaxan majlicon c muc c tat, che'en.

60 Jesús tsi' sube: La' i mucob chΛmeño' bΛ jini chΛmeño' bΛ i pi'Λlob. Pero jatet, cucu, subu i yumΛntel Dios, che'en.

61 YambΛ winic tsi' sube Jesús: Mi caj c tsajcañet, c Yum. Pero la' ñaxan majlicon c subeñob jini año' bΛ ti cotot, che'en.

62 Jesús tsi' sube: Jini mu' bΛ i q'uel i pat che' woli' top' lum, ma'anic i c'Λjñibal ti' yumΛntel Dios, che'en.

10

I ye'tel lujuntiquil i chΛnc'al (Mt. 11.20-27; 13.16-17)

1 Che' ujtemix iliyi, lac Yum tsi' yΛq'ueyob i ye'tel yambΛ lajchΛntiquil i chΛnc'al (72). Tsi' chocoyob majlel ti cha'cha'tiquil cha'an mi' majlelob ti ñaxan

ti pejtelel tejclum yic'ot xchumt^{al} ba' mi caj i majlel Jesús.

² Tsi' subeyob: Isujm, cab^{al} jini c'ajbal pero ma'anic jaytiquil x'e'telob. Jini cha'an c'ajtibenla i yum c'ajbal cha'an mi' choc majlel x'e'telob ti c'ajbal.

³ Cucula. Awilan, mic choquetla majlel che' bajche' tiñame' joyol b^{al} ti b^{ate}'el ts'i'.

⁴ Mach mi la' ch^{am} majlel i yajñib taq'uin, mi chim, mi x^ñab^{al}. Mach mi la' w^{aq}'ueñob cortesía jini xñumelob ti bij.

⁵ Baqui jach mi la' wochel ti otot ñaxan subula: La' tilic i ñ^{ach}'tilel i pusic'al jini año' b^{al} ti jini otot. Che' yom mi la' sub.

⁶ Mi ya'an juntiquil yom b^{al} i taj i ñ^{ach}'tilel i pusic'al, aq'uenla i yutslel la' t'an cha'an mi' taj i ñ^{ach}'tilel i pusic'al. Mi mach yomic, ma'anic mi caj i taj.

⁷ Ya' yom mi la' jijlel ti jini jach b^{al} otot ba' p^{ay}bilet. C'uxula, jap^{la} chuqui mi la' w^{aq}'uentel. Come uts'at mi' y^{aq}'uentelob i tojol x'e'telob. Mach mi la' c'axel ti jump'ejl otot.

⁸ Che' mi la' wochel ti colem tejclum ba' uts'at mi' p^{ay}etla ochel, c'uxula chuqui jach mi' y^{aq}'ueñetla.

⁹ Mi an xc'amajelob ya' ba' mi la' wochel, c'oq'uesañob. Subeñob: "Tsa'ix juli i yum^{antel} Dios w^{al} ba' añetla", che'etla.

¹⁰ Che' mi la' wochel ti colem tejclum ba' ma'anic mi' p^{ay}etla ochel, ñumenla ti calle tac. Subula jini t'an:

¹¹ "Jini ts'ubejn tsa' b^{al} i toybeyon lojon coc ti la' tejclum mic tijcan loq'uel cha'an i yejtal la' contrajintel. Ña'tanla l^{ac}'^{alix} i yum^{antel} Dios". Che' yom mi la' sub.

¹² Mic subeñetla: Ñumen wocol mi caj i yubiñob ti jini tejclum bajche' jini ch'oyolo' b^{al} ti Sodoma che' ti' q'uiñilel tojmulil.

¹³ Mi caj la' taj wocol añet b^{al} la ti Corazín. Mi caj la' taj wocol añet b^{al} la ti Betsaida. Come tsa'ic mejli ñuc b^{al} e'tel ti Tiro yic'ot Sidón che' bajche' tsa' mejli ba' añetla tsi' c^{ay}ayob i mul. Tsa' buchleyob, tsi' xojoyob i tsutsel chivo. Tsi' mujlayob i b^{al} yic'ot i t^{añil} c'ajc.

¹⁴ Jini cha'an, ñumen wocol mi caj i yubiñob ti' q'uiñilel tojmulil jini chumulo' b^{al} ti jini tejclum bajche' jini ch'oyolo' b^{al} ti Tiro yic'ot Sidón.

¹⁵ Jixcu jatet Capernaum, mu' b^{al} a q'uel a b^{al} ti ñuc che' bajche' i ñuclel panchan, mi caj a chojquel jubel ti c'ajc.

¹⁶ Jini c'ux b^{al} mi yubiñetla c'ux mi' yubiñon. Jini mu' b^{al} i ts'a'leñetla, mi' ts'a'leñon. Jini mu' b^{al} i ts'a'leñon mi' ts'a'len jini tsa' b^{al} i chocoyon tilel. Che' tsi' y^{al} Jesús.

¹⁷ Tsa' cha' tiliyob jini lajch^{antiquil} i ch^{anc}'al. Tijicñayob, tsi' subeyob: C Yum, jini xibajob mi' loq'uelob che' mic subeñob loq'uel ti a c'aba', che'ob.

¹⁸ Jesús tsi' subeyob: Tsaj q'uele Satanás che' b^{al} tsa' yajli ti panchan che' bajche' i xu'il chajc.

¹⁹ La' wilan, mi c^{aq}'ueñetla la' p'^{at}lel cha'an mi la' t'uchtan lucum yic'ot siñan yic'ot pejtelel i p'^{at}lel la' contra. Ma'anic chuqui mi caj i tumbeñetla.

²⁰ Mach yomic tijicñayetla cha'an woli' loq'uelob xibajob cha'an ti la' t'an. Pero yom tijicñayetla cha'an ts'ijbubil la' c'aba' ti panchan, che'en Jesús.

²¹ Ti jim b^{al} ora tijicña i pusic'al Jesús cha'an jini Espíritu. Tsi' y^{al}: Mic subeñet a ñuclel, c Tat, i Yumet panchan yic'ot pañimil. Come tsa' mucbeyob a t'an jini año' b^{al} cab^{al} i ña't^{abal} yic'ot jini p'ip'o' b^{al} i pusic'al, pero tsa' w^{aq}'ueyob i ch'^{am}beñob isujm al^{lob}. Uts'at^{ach}, c Tat, come che'^{ach} yom a pusic'al.

²² Pejtelel chuqui tac an, aq'uebilon i cha'an c Tat. Ma'anic majqui mi' c^{añon} cojach c Tat. Che' ja'el, ma'anic majqui mi' c^{an} c Tat cojach joñon come i Yalobilon. Mi' c^{añob} c Tat ja'el majqui jach mi c^{aq}'uen i c^{an}. Che' tsi' y^{al} Jesús.

²³ Tsa' caji i suben xc^{ant}'añob che' i bajñel añob: Tijicñayob jini mu' b^{al} i q'uelob chuqui tac mi la' q'uel.

²⁴ Come mic subeñetla, cab^{al} x'alt'añob yic'ot reyob wersa yomob i q'uel jini woli b^{al} la' q'uel pero ma'anic tsi' q'ueleyob. Yomob i yubiñob jini woli b^{al} la' wubin pero ma'anic tsi' yubiyob, che'en.

Uts'at b^{al} samaritano

²⁵ Awilan, tsa' wa'le juntiquil xc^{antesa} mandar cha'an mi' yil^{aben} i pusic'al Jesús. Tsa' caji i c'ajtiben: Maestro, ¿chuqui yom

mic cha'len cha'an mic taj j cuxtilel mach bΛ anic mi' jilel? che'en.

²⁶ Jesús tsi' sube: ¿Chuqui ts'ijbubil ti mandar? ¿Chuqui ma' q'uel ti jun? che'en.

²⁷ Tsi' jac'Λ: “C'uxbin a Yum Dios ti pejtelel a pusic'al, ti pejtelel a ch'ujlel, ti pejtelel a p'ΛtΛlel, ti pejtelel a ña'tΛbal. C'uxbin a pi'lob che' bajche' ma' bajñel c'uxbin a bΛ”, che'en.

²⁸ Jesús tsi' sube: Weñach bajche' tsa' jac'Λ. Che'ach yom ma' mel. Che' jini, mi caj a taj a cuxtlel, che'en.

²⁹ Jini winic yom i q'uel i bΛ ti toj, jini cha'an tsi' sube: ¿Majqui c pi'lob? che'en.

³⁰ Jesús tsi' jac'Λ: Juntiquil winic tsa' loq'ui ti Jerusalén cha'an mi' majlel ti Jericó. Tsi' chucuyob xujch'ob. Tsi' lu' chilbeyob i chubΛ'an yic'ot i pislel. Tsi' lowoyob. Tsa' majliyob. Ts'ita jax yom chΛmel che' bΛ tsi' cΛyoyob.

³¹ Tsa' tili juntiquil motomaj ya' ti jini bij. Che' bΛ tsi' q'uele jini lojwem bΛ, tsa' ñumi ti junwejl i ti' bij.

³² Che'ach tsi' mele juntiquil leví ja'el che' bΛ tsa' tili ba'an. Tsa' jach i q'uele. Tsa' ñumi ti junwejl i ti' bij.

³³ Pero juntiquil samaritano, che' woli ti xΛmbal ti bij, tsa' c'oti ba'an jini lojwem bΛ. Che' bΛ tsi' q'uele tsi' p'unta.

³⁴ Tsa' tili i pixben i lojwel. Tsi' yotsΛbe aceite yic'ot vino. Tsi' c'achchoco ti' c'achlib. Tsi' pΛyΛ majlel ti' yotlel wΛyibΛ ba' tsi' cΛnta.

³⁵ Ti yijc'Λlal che' yomix majlel, tsi' loc'sa cha'p'ejl denario. Tsi' yΛq'ue i yum otot. Tsi' sube. “CΛntΛbeñon jini winic. Mi ñumen ma' jisan taq'uin mu' to c tojbeñet che' mic cha' tilel”, che'en.

³⁶ ¿Bajche' ma' wΛl? che'en Jesús. Tsa' ñumiyob uxtiquil winicob. ¿Majqui tsi' pΛsΛ i bΛ ti' pi'Λl jini tsa' bΛ chujqui cha'an xujch'ob? che'en Jesús.

³⁷ Jini winic tsi' yΛΛ: Jini tsa' bΛ i p'unta, che'en. Jesús tsi' sube: Cucu. Che'ach yom ma' mel ja'el, che'en.

Jesús ti' yotot Marta yic'ot María

³⁸ Che' bΛ tsa' majli ti bij, Jesús tsa' c'oti ti xchumtΛl. Juntiquil x'ixic i c'aba' Marta tsi' pΛyΛ ochel ti' yotot.

³⁹ An i yijts'in jini Marta, i c'aba' María. María tsa' buchle ti' tojel Jesús. Tsi' ñich'tΛbe i t'an.

⁴⁰ Marta tsa' caji i mel i pusic'al, come cabΛ i ye'tel. Tsa' tili ba'an Jesús. Tsi' yΛΛ: C Yum, ¿mach ba anic ma' q'uel bajche' mi' cΛyon quijs'in cha'an mic bajñel cha'len e'tel? Suben cha'an mi' coltañon, che'en.

⁴¹ Pero Jesús tsi' sube: Marta, Marta, cabΛ ma' tsic a pusic'al, cabΛ ma' mel a pusic'al cha'an a we'tel.

⁴² Junchajp jach yom. María tsi' yajca jini wem bΛ. Ma'anic mi caj i chilbentel, che'en.

11

I cΛntesa Jesús cha'an oración

(Mt. 6.9-15; 7.7-11)

¹ Tsa' majli Jesús ba' tsi' pejca Dios. Che' bΛ tsa' ujtí ti oración, juntiquil xcΛnt'an i cha'an tsi' sube: C Yum, cΛntesañon lojon bajche' yom mic pejcan lojon Dios, che' bajche' Juan tsi' cΛntesa xcΛnt'añob i cha'an ja'el, che'en.

² Jesús tsi' subeyob: Che' mi la' pejcan Dios, yom mi la' wΛl: C Tat lojon añet bΛ ti panchan, la' ch'ujutesΛntic a c'aba', la' tilic a yumΛntel, la' mejlic chuqui a wom ti pañimil che' bajche' ti panchan.

³ Aq'ueñon lojon wΛle c waj cha'an ili q'uin.

⁴ ÑusΛbeñon lojon c mul che' bajche' mic ñusΛbeñob i mul c pi'lob lojon. Mach ma' wΛc'on lojon ba' mic pΛjyel lojon ti mulil. CΛntañon lojon ame yajlicon lojon ti jontolil.

⁵ Jesús tsi' subeyob ja'el: Mi an a cΛñΛ bΛ, ¿mach ba muq'ueic a majlel ti ojilil ac'Λlel a suben: “C pi'Λl, la' c majñan uxq'uejl a waj?”

⁶ Come juntiquil c pi'Λl tsa' tili i jula'tañon. Ma'anic chuqui mi cΛq'uen i c'ux”, che'et.

⁷ Jini am bΛ ti' mal otot mi' subeñet: “Mach a tic'lañon. Ñup'ulix i ti' cotot. WΛyΛlonix quic'ot calobilob. Mach mejlicon ti ch'ojyel cha'an mi cΛq'ueñet”, che'en.

⁸ Mic subeñetla: Anquese cΛñΛlet i cha'an, mach yomic ch'ojyel i yΛq'ueñet jini waj, pero che' ma' chΛn c'ajtiben mi caj i ch'ojyel i yΛq'ueñet chuqui yom.

9 Joñon mic subeñetla: C'ajtinla, mi caj la' wΛq'uentel. Sajcanla, mi caj la' taj. Pejcanla i yum otot, mi caj la' jambentel.

10 Come jujuntiquil mu' bΛ i c'ajtin mi' yΛq'uentel. Jini mu' bΛ i sajcan mi' taj. Jini mu' bΛ i pejcan i yum otot mi caj i jambentel.

11 ¿Am ba juntiquil mu' bΛ i yΛq'uen xajlel i yalobil che' mi' c'ajtiben waj? ¿Mu' ba a wΛq'uen lucum che' mi' c'ajtibeñet chΛy?

12 ¿Mu' ba a wΛq'uen siñan che' mi' c'ajtibeñet tumut?

13 Jatetla jontolet bΛ la, la' wujil la' wΛq'uen la' walobil chuqui uts'at. La' Tat am bΛ ti panchan, ¿mach ba ñumen yujilic i yΛq'ueñob jini Ch'ujul bΛ Espíritu jini mu' bΛ i c'ajtibeñob? Che' tsi' yΛΛ Jesús.

Tsi' yΛΛyob mi' cha'len i ye'tel ti' p'ΛtΛlel Satanás

(Mt. 12.22-30, 43-45; Mr. 3.19-27)

14 Tsa' caji i choc loq'uel ti winic juntiquil xiba tsa' bΛ i yotsa winic ti x'uma'. Che' bΛ tsa'ix chojqul loq'uel i xibajlel tsa' caji ti t'an jini x'uma'. Tsa' toj sajtiyob i pusic'al winicob x'ixicob.

15 Cha'tiquil uxtiquil tsi' yΛΛyob: Ti' p'ΛtΛlel Satanás, i yum xibajob, mi' choc loq'uel xibajob, che'ob.

16 Yaño' bΛ tsi' c'ajtibeyob cha'an mi' pasbeñob i yejtal i p'ΛtΛlel ti panchan, cha'an mi' yilabeñob i pusic'al.

17 Yujil Jesús chuqui woli' yΛlob ti' pusic'al. Tsi' subeyob: Mi tsi' t'oxoyob i bΛ ti leto i winicob juntiquil yumΛ, mi' jilel i yumΛntel. Mi' jilel jump'ejl otot ba' mi' t'oxob i bΛ ti leto.

18 Che' ja'el, mi woli' bajñel contrajin i bΛ Satanás, ¿bajche' mi' mejlel ti jalijel i yumΛntel? Come mi la' wal wolic choc loq'uel xibajob ti' p'ΛtΛlel Satanás.

19 Mi wolic choc loq'uel xibajob ti' p'ΛtΛlel Satanás, ¿baqui mi' tajob i p'ΛtΛlel la' walobilob cha'an mi' chocob loq'uel? Jini cha'an la' walobilob mi caj i tsictesañob la' mul.

20 Mi wolic choc loq'uel xibajob ti' p'ΛtΛlel i c'Λb Dios, isujm tsa'ix juli i yumΛntel Dios ba' añetla.

21 Che' p'ΛtΛl i yum otot che' chajpΛbil yic'ot julioñib, ma'anic mi' tic'Λbentel i chubΛ'an.

22 Che' mi' tilel ñumen p'ΛtΛl bΛ i chuc i yum otot, mi' mΛjlel i cha'an. Mi' chilben i julioñib tsa' bΛ i lon ña'ta i c'Λn i coltan i bΛ. Mi' puc jini tsa' bΛ i chili.

23 Jini mach bΛ anic quic'ot woli' contra-jiñon. Jini mach bΛ anic mi' pΛy tilel tiñΛme' ba' añon woli jach i pam puc.

24 Che' mi' loq'uel i xibajlel ti' pusic'al winic, mi' cha'len xΛmbal ba' tiquin pañimil. Mi' sajcan ba' mi' c'aj i yo. Che' ma'anic mi' taj, mi' yΛ: "Muq'ui x c cha' majlel ti cotot ba' tsa' loq'uiyon", che'en.

25 Che' mi' c'otel, misubil mi' taj, chajpΛbilix.

26 Mi' majlel i pΛy tilel yambΛ wuctiquil espíritujob ñumen jontolo' bΛ. Mi' yochelob ti chumtΛl. Ñumen leco mi' caj ti ajñel jini winic ti wi'il bajche' ti ñaxan.

Jini mero tijicñayo' bΛ

27 Che' bΛ tsa' ujti i sub ili t'an Jesús, juntiquil x'ixic ya' ti' yojlil winicob x'ixicob tsi' cha'le c'am bΛ t'an. Tsi' yΛΛ: Tijicña jini x'ixic tsa' bΛ i cantayet, tijicña jini tsa' bΛ i tsu'sayet, che'en.

28 Jesús tsi' sube: Ñumen tijicñayob mu' bΛ i yubibeñob i t'an Dios mu' bΛ i jac'ob, che'en.

Yomob i q'uel i yejtal i p'ΛtΛlel Jesús

(Mt. 12.38-42; Mr. 8.12)

29 Che' bΛ tsi' tempayob i bΛ ba'an Jesús tsa' caji i yΛ: Jontolob jini winicob x'ixicob año' bΛ wale. Woli' sΛclañob i yejtal c p'ΛtΛlel. Ma'anic mi caj i yΛq'uentelob i q'uel, jini jach i yejtal c p'ΛtΛlel tsa' bΛ pasle ti Jonás.

30 Che' bajche' tsa' pasbentiyob nínivejob i yejtal c p'ΛtΛlel ti Jonás, che' ja'el mi caj i pasΛl i Yalobil Winic cha'an mi' ñopob año' bΛ ti pañimil wale.

31 Jini x'ixic tsa' bΛ i cha'le yumΛ ya' ti Sur mi caj i wa'tΛl ti' q'uiñilel melo'mulil yic'ot jini winicob año' bΛ ti pañimil wale. Mi caj i subeñob i mul. Come jini x'ixic tsa' tili ti ñajtal cha'an mi' camben i ña'tabal Salomón. Awilan, wΛ'an ñumen ñuc bΛ bajche' Salomón.

32 Jini winicob ch'oyolo' bΛ ti Nínive, mi caj i wa'tΛlob ti' q'uiñilel melo'mulil yic'ot jini año' bΛ ti pañimil wale. Mi caj i subeñob i mul. Come tsi' cΛyΛyob i mul che' bΛ tsi'

cha'le subt'an Jonás. Awilan, wΛ'an ñumen ñuc bΛ bajche' Jonás.

Lámpara cha'an lac bac'tal
(Mt. 5.15; 6.22-23)

³³ Ma'anic majqui mi' muc candil che' tsuc'bilix. Ma'anic mi' ñup' ti chiquib. Mi' joc'chocon ti' joc'lib cha'an mi' pasbeñob i c'ac'al jini mu' bΛ i yochelob.

³⁴ Jini a wut lámparajach cha'an a bac'tal. Mi weñach a wut ma' wen q'uel i saclel pañimil. Mi mach wenic a wut añet ti ac'alel.

³⁵ Q'uele che' jini, ame i'ic'ic ma' q'uel i saclel pañimil.

³⁶ Mi añet ti' saclel pañimil mi mach i cha'añetic ac'alel, puro i saclel pañimil ma' pas che' bajche' lámpara. Che' tsi' yΛΛ Jesús.

Jesús tsi' tiq'ui fariseojob yic'ot sts'ijbayajob

(Mt. 23.1-36; Mr. 12.38-40; Lc. 20.45-47)

³⁷ Che' bΛ tsi' cha'le t'an Jesús, juntiquil fariseo tsi' pΛyΛ cha'an mi' cha'len we'el yic'ot. Tsa' ochi Jesús. Tsa' buchle ti' t'ejl mesa.

³⁸ Jini fariseo leco tsi' q'uele Jesús come ma'anic tsi' ñaxan poco i c'ab che' bΛ tsa' caji ti we'el.

³⁹ Lac Yum tsi' sube: Jatetla, fariseojob bΛ la, mi la' wen pochben i pat jini vaso yic'ot latu, pero but'ul la' pusic'al ti xujch' yic'ot cabal jontolil.

⁴⁰ Tontojetla. Jini tsa' bΛ i mele la' bac'tal, ¿mach ba anic tsi' mele la' pusic'al ja'el?

⁴¹ Aq'ueñob p'ump'uño' bΛ chuqui an la' cha'an, che' jini, sac pejtelel chuqui mi caj a q'uel.

⁴² ¡Mi caj la' taj wocol, fariseojob! Mi la' wΛq'uen Dios i diezmojllel jini pimel i c'aba' menta, yic'ot ruda, yic'ot jujunchajp pimel, pero mi la' junyajlel ñusan toj bΛ meloñel yic'ot i c'uxbiya Dios. Mach yomic mi la' cΛy la' wΛq'uen i diezmojllel tac la' chubΛ'an, pero yom mi la' p'is ti wenta ili ñuc tac bΛ.

⁴³ ¡Mi caj la' taj wocol fariseojob! come mi la' mulan ñaxan bΛ buchlibal ti sinagoga. Mi la' mulan la' wΛq'uentel cabal cortesía ba'an choñonibal.

⁴⁴ ¡Mi caj la' taj wocol sts'ijbayajob, fariseojob, cha'p'ejl jach la' pusic'al! La-jaletla bajche' mucoñibal mach bΛ tsiquilic.

Winicob mi' cha'leñob xΛmbal ti' pam che' mach yujilobic, che'en.

⁴⁵ Juntiquil xcΛntesa mandar tsi' sube Jesús: Maestro, che' ma' cha'len t'an bajche' jini wolix a wΛ'leñon lojon ja'el, che'en.

⁴⁶ Jesús tsi' yΛΛ: ¡Mi caj la' taj wocol ja'el, xcΛntesa mandaret bΛla! Mi la' wΛq'ueñob winicob al bΛ i cuch mach bΛ mejlic i lat'ob. Pero jatetla, ma'anic mi la' tal jini cuchal mi ti junts'ijtic i yal la' c'ab.

⁴⁷ ¡Mi caj la' taj wocol! Come mi la' melbeñob i yotlel ch'ujlelal jini x'alt'añob tsΛnsΛbilo' bΛ i cha'an la' ñojte'el.

⁴⁸ Woli la' tsictesan la' bΛ. Woli la' lon ña'tan uts'at bajche' tsi' meleyob la' ñojte'el. Come isujm la' ñojte'el tsi' tsΛnsayob x'alt'añob. Jatetla mi la' melbeñob jini x'alt'añob i yotlel ch'ujlelal.

⁴⁹ Jini cha'an, Dios ja'el tsa'ix i yΛΛ ti' ña'tabal: “Mi caj c chocheñetla majlel x'alt'añob yic'ot apóstolob. Ojlil mi caj la' tsΛnsañob. Ojlil mi caj la' tic'lañob”, che'en.

⁵⁰⁻⁵¹ Jini cha'an jini año' bΛ ti pañimil wΛle mi caj i tojbeñob i mul jini tsa' bΛ i tsΛnsayob x'alt'añob c'Λlal ti' cajibal pañimil che' bΛ tsa' tsΛnsanti Abel, c'Λlal tsa' tsΛnsanti Zacarías. Zacarías tsa' tsΛnsanti ya' ti' tojel Templo ti junwejl jini pulantib. Isujm mic subeñetla, jini año' bΛ ti pañimil wΛle mi caj i tojob.

⁵² ¡Mi caj la' taj wocol, xcΛntesa mandarob! Come mach la' womic la' wΛq'ueñob i tajob i ña'tabal. Jatetla, ma'anic tsa' ochiyetla. Che' ja'el, tsa' la' mΛcta jini woliyo' bΛ ti ochel. Che' tsi' yΛΛ Jesús.

⁵³ Che' bΛ tsa' ujti ti t'an Jesús, jini sts'ijbayajob yic'ot fariseojob, maña jax tsi' pejcayob. Cabal chuqui tsa' caji i c'ajtibeñob Jesús cha'an mi' yΛquiñob ti' t'an.

⁵⁴ Tsi' chΛcΛ ñich'tΛbeyob i t'an cha'an mi' jop'beñob i mul.

12

I levadura fariseojob

¹ Ti jim bΛ ora tsi' tempayob i bΛ wen cabal winicob x'ixicob jinto che' wolix i t'uchtΛbeñob i bΛ i yoc. Jesús tsa' caji i ñaxan pejcan xcΛnt'añob i cha'an. Tsi' yΛΛ: ChΛcΛ

q'uele la' b_Λ cha'an i levadura fariseojob, jiñach i cha'p'ejllel i pusic'al.

² Come ma'anic mosol tac b_Λ mach b_Λ anic mi' caj ti p_Λst_Λl. Ma'anic mucul tac b_Λ mach b_Λ anic mi' caj ti ña't_Λntel.

³ Mi caj i yubintel ti jam_Λl chuqui tac tsa' la' subu ti mucul. Chuqui tac tsa' la' w_Λl_Λ mi' caj ti sujbel ti pejtelel otot.

*¿Majqui yom mi lac b_Λc'ñan?
(Mt. 10.26-31)*

⁴ Mic subeñetla, c pi'lob, mach mi la' b_Λc'ñan jini mu' b_Λ i ts_Λnsan la' b_Λc'tal pero ti wi'il ma'anix chuqui mi mejlel i tumbeñetla.

⁵ Mi caj c w_Λn subeñetla majqui yom mi la' b_Λc'ñan. Yom mi la' b_Λc'ñan jini am b_Λ i p'at_Λlel cha'an mi' choquetla ochel ti c'ajc che' mi' y_Λq'uetla ti ch_Λmel. Isujm mic subeñetla, jini jach yom mi la' b_Λc'ñan.

⁶ ¿Mach ba mi' chojñel jo'cojt xpuruwoc ti cha'p'ejl taq'uin? Mach ñajayemic mi juncojtic ti' pusic'al Dios.

⁷ Che' ja'el, tsicbil i tsutsel la' jol. Jini cha'an mach mi la' cha'len b_Λq'uen. Come jatetla, ñumen an la' c'ajñibal bajche' cab_Λl xpuruwoc.

*Yom mi lac subeñob winicob mi tsa' lac ñopo Jesús
(Mt. 10.19-20, 32-33; 12.31-32)*

⁸ Mic subeñetla: Majqui jach mi' sub i b_Λ ti' tojlel winicob x'ixicob cha'an i cañayach i Yalobil Winic joñon ja'el mi caj c sub ya' ti' tojlel i yángel Dios j cañayach jini winic ja'el.

⁹ Majqui jach mi' subeñob winicob x'ixicob mach i cañayonic, mi' caj ti sujbel ya' ti' tojlel i yángelob Dios cha'an mach cañalic jini winic ja'el.

¹⁰ Majqui jach mi' cha'len t'an ti' contra i Yalobil Winic mi caj i ñus_Λbentel i mul. Majqui jach mi' cha'len p'ajoñel ti' contra jini Ch'ujul b_Λ Espíritu ma'anic mi caj i ñus_Λbentel i mul.

¹¹ Che' mi' p_Λy_Λetla majlel ti sinagoga tac ti' tojlel yum_Λlob yic'ot año' b_Λ i ye'tel, mach la' mel la' pusic'al cha'an bajche' mi' caj ti loq'uel la' t'an yic'ot bajche' mi caj la' jac', yic'ot chuqui mi caj la' sub.

¹² Come jini Ch'ujul b_Λ Espíritu mi caj i cantesañetla ti jim b_Λ ora chuqui yom mi la' sub. Che' tsi' y_Λl_Λ Jesús.

Lajiya cha'an wen chumul b_Λ winic

¹³ Che' motocñayob winicob x'ixicob juntiquil tsi' sube Jesús: Maestro, suben jini c_Λscun cha'an mi' t'oxbeñon i chub_Λ'an c tat, che'en.

¹⁴ Jesús tsi' sube jini winic: ¿Am ba que'tel ti meloñel cha'an mic t'oxbeñetla la' chub_Λ'an? che'en.

¹⁵ Tsi' subeyob: Ch_Λc_Λ q'uele la' b_Λ cha'an ma'anic chuqui tac mi la' ts_Λjyun. Mach cuxulobc winicob cha'an ti cab_Λl i chub_Λ'an, che'en.

¹⁶ Jesús tsi' subeyob ja'el jini lajiya. Tsi' y_Λl_Λ: Awilan, tsi' wen ac'Λ i wut pejtelel chuqui tsi' p_Λc'Λ ti lum juntiquil wen chumul b_Λ winic.

¹⁷ Jini winic tsa' caji i bajñel ña'tan ti' pusic'al: “¿Chuqui mi caj c mel? Come ma'anix i yotlel ba' mic lot i wut c p_Λc'Λb.

¹⁸ An chuqui mi caj c mel. Mi caj c jem i yotlel tac. Mi caj c cha' mel ñumen colem b_Λ. Ya' mi caj c lot pejtelel i wut c p_Λc'Λb yic'ot c chub_Λ'an.

¹⁹ Mi caj c bajñel ña'tan tic pusic'al: Cab_Λl jax c chub_Λ'an lotbil cha'an mij c'Λn ti cab_Λl jab. La' j c'aj co. La' j c'ux c waj. La' c jap chuqui com. La' cubin i tijicñayel c pusic'al”. Che' tsi' y_Λl_Λ jini winic.

²⁰ Dios tsi' sube jini winic: “Tontojet, ti jini jach b_Λ ac'Λlel talob i p_Λy majlel a ch'ujlel. Che' jini, ¿majqui i cha'an pejtelel a chub_Λ'an tsa' b_Λ a tempa?” che'en.

²¹ Junlajal jini mu' b_Λ i p'ojesan cab_Λl i chub_Λ'an cha'an mi' bajñel c'Λn, pero ma'anic chuqui mi' taj ti Dios, che'en Jesús.

*Mel pusic'al yic'ot tsic pusic'al
(Mt. 6.19-21, 25-34)*

²² Jesús tsi' sube xc_Λnt'añob i cha'an: Jini cha'an mic subeñetla, mach mi la' mel la' pusic'al cha'an la' cuxt_Λlel w_Λ' ti pañimil, mi cha'an chuqui mi la' c'ux, mi cha'an chuqui mi la' xoj.

²³ Ñumen i c'ajñibal la' b_Λc'tal bajche' la' pislel.

²⁴ Ña'tanla jini xwachin. Ma'anic mi' cha'len pac' mi c'ajbal. Ma'anic i yotlel ba' mi' tempa i buc'bal. Dios mi y_Λq'uen i

buc'bal. ¿Mach ba ñumen c'uxbibiletic la bajche' te'lemut?

²⁵ ¿Am ba majch mi mejlel i ñumen chan'an cha'an ti cabal mel pusic'al? Ma'anic.

²⁶ Mach mejlic la' mel chuqui tac mach ñuquic ti' melol. ¿Chucoch che' jini, mi la' mel la' pusic'al cha'an jini yan tac ba'?

²⁷ Ña'tanla bajche' mi' colel jini sasac ba i nich pimel. Ma'anic mi' cha'len e'tel, mi ñoq'ujel. Pero mic subeñetla, mach yoque i t'ojolic i pislel Salomón ti pejtelel i ñucler bajche' i nich jini pimel.

²⁸ I t'ojol jax mi' mel pimel Dios, jini pimel cuxul ba wale ti jamil mu' ba caj i chojquel ti c'ajc ti yijc'alal. Mi che' mi' mel, ¿mach ba muq'ueic i yalq'ueñetla chuqui mi la' xoj jatetla mach ba anic mi la' ñop ti pejtelel la' pusic'al?

²⁹ Mach la' mel la' pusic'al cha'an chuqui mi caj la' cu'x mi chuqui mi caj la' jap. Mach mi la' tsic la' pusic'al.

³⁰ Come pejtelel ili tac mi' saclañob ti pañimil. Yujil la' Tat pejtelel chuqui tac yom la' cha'an.

³¹ Jini cha'an sajcanla i yumantel Dios. Che' jini mi caj la' walaq'uentel pejtelel chuqui tac yom.

³² Mach mi la' cha'len baq'uen anquese mach cabaleticla come la' Tat tsi' palayetla ti yumantel, come che'ach yom i pusic'al.

³³ Choño la' chub'an. Aq'uen la' chub'an p'umpuño' ba. Melela i yajñib la' taq'uin mach ba anic mi' ñox'an. Tempan la' chub'an ti panchan ba' ma'anic mi' jilel, ba' ma'anic mi' yochelob xujch', ba' ma'anic mi' jisan motso'.

³⁴ Baqui jach tempabil la' chub'an ya' mi la' teñe ac' la' pusic'al.

Xuc'ul ba x'e'tel

³⁵ Yom chajpabiletla. Yom tsuc'bil la' lámpara.

³⁶ Ajñenla bajche' mi' yajñelob x'e'telob woli ba i pijtañob i yum mu' ba i cha' tilel ti' yotot che' mi' yujtel i q'uiñilel ñujpuñijel. Che' jini, che' mi' c'otel i pejcañob ti' yotot, mi' jambeñob ti ora.

³⁷ Tijicñayob jini x'e'telob woli ba i pijtañob i yum che' mi' tilel. Isujm mic subeñetla, i yum mi caj i chajpan i ba. Mi caj

i subeñob buchtal ti c'ux waj jini x'e'telob i cha'an. Mi caj i tilel i yalq'ueñob i bal i ñac'.

³⁸ Mi tsa' tili i yum che' yomix i taj ojli ac'alal o mi che' ñumenix ti ojli ac'alal, tijicñayob jini x'e'telob mu' ba i tajtlob che' woliyob ti pijt.

³⁹ Pero ña'tanla yom yalal la' wo. Tsa'ic i ña'ta i yum otot baqui ora mi' tilel xujch', isujm tsi' chaca q'uele i yotot cha'an ma'anic mi' jambentel.

⁴⁰ Yom chajpabiletla ja'el, come tal i Yalobil Winic ti' yorajlel che' mach yalalic la' wo.

Jontol ba x'e'tel

(Mt. 24.45-51)

⁴¹ Pedro tsa' caji i c'ajtiben: C Yum, jini t'an mu' ba a sub ti lajiya, ¿woli ba a subeñon lojon, o woli ba a suben pejtelel winicob x'ixicob? che'en.

⁴² Lac Yum tsi' yala: ¿Majqui jini xuc'ul ba xq'uel e'tel am ba cabal i ña'tabal? Jini xq'uel e'tel tsa' aq'uenti i ye'tel ti' yum cha'an mi' yalq'ueñob i bal i ñac' jini año' ba ti' yotot che' ti' yorajlel.

⁴³ Tijicña jini x'e'tel uts'at ba woli' mel che' mi' sujtel i yum.

⁴⁴ Isujm mic subeñetla, i yum mi caj i yalq'uen ti' wenta pejtelel i chub'an.

⁴⁵ Mi tsi' yala ti' pusic'al jini x'e'tel: “Jal to tal c yum”, mi che'en, mi tsa' caji i jats' jini x'e'telob, winicob yic'ot x'ixicob, mi tsi' bajñel cha'le we'el uch'el, mi tsa' caji ti yal'aljel,

⁴⁶ che' jini mi caj i c'otel i yum jini x'e'tel ti jump'ejl q'uin che' mach yalalic i yo, che' ti yorajlel mach ña'talibic i cha'an. Mi caj i yal' ti tojmulil. Mi caj i yotsan ba' añob jini mach ba xuc'ulob.

⁴⁷ Come jini x'e'tel tsi' ña'ta chuqui yom i yum, pero ma'anic tsi' chajpa i ba cha'an mi' mel. Jini cha'an cabal mi caj i jajts'el ti asiyal.

⁴⁸ Jini x'e'tel mach ba calalic i cha'an chuqui yom i yum, mi tsi' mele chuqui mach wenic, ts'ita jach mi caj i jajts'el ti asiyal. Jini cabal ba mi' yalq'uentel ti' majtan, cabal an ti' wenta cha'an mi' c'an ti uts'at. Che' cabal mi' yalq'uentel ti' wenta, ñumen cabal mi caj i c'ajtibentel.

*Mi' t'oxob i bΛ cha'an Jesús
(Mt. 10.34-36)*

⁴⁹ Tsa' tiliyon cha'an mic choc tilel c'ajc ti pañimil. Tijicñayon tsa'ic tsujq'ui.

⁵⁰ An wocol mu' bΛ c wersa ñusan mu' bΛ caj i tilel che' bajche' but'ja'. CabΛ wolic cha'len tsic pusic'al jinto mi' yujtel.

⁵¹ ¿Woli ba la' lon ña'tan tsa' tiliyon cha'an mic ñach'chocon jini año' bΛ ti pañimil? Mic subeñetla mach cha'anic jini. Tsa' tiliyon cha'an mi cΛq'ueñob i t'oxob i bΛ.

⁵² WΛle, c'ΛΛΛ ti' jilibal mi caj i t'oxob i bΛ año' bΛ ti jujump'ejl otot. Mi an jo'tiquil, mi' t'oxob i bΛ uxtiquil ti' contra cha'tiquil, cha'tiquil ti' contra uxtiquil.

⁵³ Mi caj i t'oxob i bΛ i tat ti' contra i yalobil, i yalobil ti' contra i tat, i ña' ti' contra i yixic'al, i yixic'al ti' contra i ña', i yΛ'lib ti' contra i yΛ'lib, che'en Jesús.

¿Chucoch ma'anic mi la' na'tΛben i sujmllel jini woli bΛ ti ujtel?

(Mt. 16.1-4; Mr. 8.11-13)

⁵⁴ Tsi' sube winicob x'ixicob ja'el: Che' mi la' q'uel jump'ejl tocal mu' bΛ i loq'uel tilel ba' mi' bΛjlel q'uin, ti ora mi la' wΛ tal ja'al. Isujm, che'Λch mi' yujtel.

⁵⁵ Che' mi' tilel ic' loq'uem bΛ ti sur, mi la' wΛ mux i tilel ticwal. Che'Λch mi' yujtel.

⁵⁶ ¡Cha'p'ejl jach la' pusic'al! Mi la' ña'tΛben i sujmllel chuqui tac mi la' q'uel ti pañimil yic'ot ti panchan. ¿Chucoch mach mejlic la' ña'tΛben i sujmllel jini woli bΛ ti ujtel wΛle?

*Ñopo a mel a bΛ yic'ot a contra
(Mt. 5.25-26)*

⁵⁷ ¿Chucoch ma'anic mi la' ña'tan ti la' bajñelil chuqui toj?

⁵⁸ Che' ma' majlel ba'an jini am bΛ i ye'tel, ñopo a mel a bΛ yic'ot a contra che' temel añetla ti bij cha'an ma'anic mi' wersa pΛyet majlel ba'an xmel mulil. Che' jini, jini xmel mulil mi caj i yΛq'uet ti' c'Λb xcanta cárcel. Jini xcanta cárcel mi caj i yotsañet ti mΛjquibΛ.

⁵⁹ Mic subeñet, ma'anic mi caj a loq'uel ya' i jinto ma' toj. Ma'anic mi caj a cΛybentel mi jump'ejlic centavo. Che' tsi' yΛΛ Jesús.

13

Mi ma'anic mi la' cΛy la' mul mi caj la' jilel

¹ Ti jim bΛ ora ya' añob cha'tiquil ux-tiquil tsa' bΛ i subeyob Jesús chuqui tsi' mele Pilato che' bΛ tsi' tsansa galileojob. Tsi' xΛbeyob i ch'ich'el galileojob yic'ot i ch'ich'el jini tsansΛbil bΛ i majtan tsa' bΛ i yΛq'ueyob Dios.

² Jesús tsi' c'ajtibeyob: ¿Mu' ba la' wΛ ñumen cabΛ i mul ili galileojob bajche' i mul pejtelel i pi'Λlob cha'an che'Λch tsa' ujtiyob bajche' jini?

³ Mic subeñetla, ma'anic. Mi ma'anic mi la' cΛy la' mul che'Λch mi caj la' jilel ja'el ti la' pejtelel.

⁴ Jixcu jini waxΛclujuntiquilob tsa' bΛ chamiyob che' bΛ tsa' tejñiyob ti chan bΛ ts'ajc che' bΛ tsa' yajli ya' ti Siloé. ¿Mu' ba la' wΛ ñumen cabΛ i mul bajche' pejtelel chumulo' bΛ ti Jerusalén?

⁵ Mic subeñetla, ma'anic. Mi ma'anic mi la' cΛy la' mul che'Λch mi caj la' jilel ja'el ti la' pejtelel, che'en Jesús.

Lajiya cha'an higuera te' mach bΛ anic i wut

⁶ Tsi' subeyob ti lajiya: Juntiquil winic an i cha'an higuera te' pΛc'bil ti' ts'usubil. Tsa' tili i q'uel mi anix i wut. Ma'anic tsi' taja.

⁷ Tsi' sube xcanta ts'usubil: “Awilan, uxp'ejlix jab wolic tilel cha'an mij q'uel mi anix i wut higuera te'. Ma'anic tsac tajbe. Seq'ueux. ¿Chuqui to i ye'tel mi' chan mΛctan lum?” che'en.

⁸ Jini xcanta tsi' jac'be i yum: “La' to ajñic yambΛ jab jinto mic joy picben i yebal. Mi caj cotsΛben i ta' alΛc'Λl.

⁹ Mi tsi' yΛc'Λ i wut, uts'at. Mi ma'anic mi' yΛc' i wut, ti wi'il mi caj a sec'”. Che' tsi' yΛΛ jini winic, che'en Jesús.

Jesús tsi' lajmesa x'ixic ti' q'uiñilel c'aj o

¹⁰ Ti' q'uinilel c'aj o tsa' caji ti cantesa Jesús ti sinagoga.

¹¹ Awilan, ya'an x'ixic am bΛ i c'amΛjel. WaxΛclujump'ejl (18) jab ma'anic tsa' mejli i toj'esan i pat cha'an i xibΛjlel. C'uchucña tsi' cha'le xΛmbal.

¹² Jesús tsi' pΛyΛ tilel jini x'ixic che' bΛ tsi' q'uele. Tsi' sube: X'ixic lajmesΛbiletix ti a c'amΛjel, che'en.

¹³ Tsi' yΛc'Λ i c'Λb ti jini x'ixic. Ti ora, tsa' toj'esΛbenti i pat. Tsi' tsictesa i ñucllel Dios.

14 Tsa' mich'a i yum sinagoga, come Jesús tsi' cha'le lajmesaya ti' q'uiñilel c'aj o. Tsi' subeyob winicob x'ixicob: W_Λcp'ejl q'uin mi lac cha'len e'tel. Ti jim b_Λ ora yom mi la' tilel cha'an mi la' lajmes_Λntel, mach ti' q'uiñilelic c'aj o, che'en.

15 Lac Yum tsi' sube: Cha'chajp jax la' pusic'al ti jujuntiquiletla. ¿Mach ba muq'uiç a tic jini tat wacax yic'ot a burro ba' c_Λch_Λl ti' buc'ujib che' ti' q'uiñilel c'aj o cha'an ma' p_Λy majlel ba' mi' jap ja'?

16 ¿Mach ba yomic mi' y_Λjq'uel ti coel ti' q'uiñilel c'aj o ili x'ixic, i yalobil Abraham chucbil b_Λ i cha'an Satanás wax_Λclujump'ejl jab? che'en.

17 Che' b_Λ tsi' subu ili t'an, tsi' cha'leyob quisin pejtelel i contrajob. Pejtelel winicob x'ixicob tijicña jax tsi' yubiyob cha'an pejtelel jini ñuc tac b_Λ i melbal Jesús.

Lajiya cha'an i pac' mostaza yic'ot levadura

(Mt. 13.31-33; Mr. 4.30-32)

18 Jesús tsi' y_Λl_Λ: ¿Bajche' yilal i yum_Λntel Dios? ¿Chuqui yic'ot mi mejlel c lajin?

19 Lajal_Λch bajche' i b_Λc' mostaza tsa' b_Λ i ch'_Λma_Λ winic. Tsi' wejch'u ti lum. Tsa' coli. Tsa' ochi ti colem te'. Tsa' tili te'lemut. Tsi' meleyob i c'u' tac ti' c'_Λb jini te', che'en Jesús.

20 Tsi' cha' al_Λ: ¿Chuqui yic'ot mi mejlel c lajin i yum_Λntel Dios?

21 Lajal_Λch bajche' levadura tsa' b_Λ i ch'_Λma_Λ juntiquil x'ixic. Tsi' yotsa ti uxp'is harina, jinto tsi' xaxa ti pejtelel, che'en Jesús.

Ch'o'ch'oc b_Λ i ti' otot

(Mt. 7.13-14, 21-23)

22 Tsa' ñumi majlel Jesús ti pejtelel tejclum yic'ot ti xchumtal tac. Tsi' cha'le c_Λntesa che' woli' majlel ti Jerusalén.

23 Juntiquil tsi' sube: C Yum, ¿mach ba anic jaytiquilob mu' b_Λ i colt_Λntelob? che'en. Jesús tsi' subeyob:

24 Cha'lenla wersa cha'an mi la' wochel ti ch'o'ch'oc b_Λ i ti'. Come mic subeñetla cab_Λlob mi caj i ñopob ochel pero ma'aníc mi caj i mejlelob.

25 I yum otot mi caj i ch'o'jyel i ñup'ben i ti' otot. Ti wi'il mi caj la' wa'tal ti' pat otot. Mi caj la' pejcan i yum ya' ti' ti' otot. Mi caj

la' w_Λl: “C Yum, c Yum, jambeñon lojon”, che'etla. I yum otot mi caj i subeñetla: “Mach cujilic baqui ch'oyoletla”, che'en.

26 Mi caj la' w_Λl: “Tsac cha'le lojon we'el uch'el ti a tojlel. Jatet tsa' cha'le c_Λntesa ti yojlil c tejclum tac lojon”, che'etla.

27 I yum otot mi caj i subeñetla: “Mic subeñetla, mach cujilic baqui ch'oyoletla. Loq'uenla tic tojlel pejteleletla mu' b_Λ la' cha'len jontolil”, che'en.

28 Ya' mi la' caj ti cab_Λl uq'uel yic'ot quech'ecña i b_Λquel la' wej, che' mi la' q'uel Abraham yic'ot Isaac yic'ot Jacob yic'ot pejtelel x'alt'añob ti' yum_Λntel Dios che' chocbiletixla.

29 Mi caj i tilelob cab_Λl ch'oyolo' b_Λ ti' pasibal q'uin yic'ot ti' b_Λjlilal q'uin yic'ot ti norte yic'ot ti sur. Mi caj i bucht_Λlob ti' t'ejl mesa ya' ti' yum_Λntel Dios.

30 Awilan, an wi'ilobix b_Λ mu' b_Λ caj i c'axelob majlel ti ñaxan. An ñaxaño' b_Λ mu' b_Λ caj i c_Λyt_Λlob ti wi'ipac, che'en Jesús.

Tsi' subeyob Jesús chuqui yom i cha'len Herodes

(Mt. 23.37-39)

31 Ti jini jach b_Λ q'uin tsa' tiliyob fariseojob. Tsi' subeyob Jesús: Cucu, loq'uen w_Λ'i come Herodes yom i ts_Λnsañet, che'ob.

32 Jesús tsi' subeyob: Cucula, subenla jini wax: “Awilan, mic choc loq'uel xibajob. Mic cha'len lajmesaya w_Λle yic'ot ijc'_Λl. Ti yuxp'ejlel q'uin mi cujtesan que'tel”. Che'_Λch yom ma' suben.

33 Wersa mic cha'len x_Λmbal w_Λle, yic'ot ijc'_Λl, yic'ot chabi come mach mejlic ti ts_Λns_Λntel x'altan ti yamb_Λ tejclum, ya' jach ti Jerusalén.

34 Jerusalén, Jerusalén, mu' b_Λ a ts_Λnsan x'alt'añob, mi la' jul ti xajlel jini chocbilo' b_Λ tilel ba' añetla. Anix jayyajl com c tempa la' walobilob che' bajche' mi' luts' i yal jini ña'a mut, pero mach la' womic.

35 La' wilan, jocholix tsa' c_Λle la' wotot. Mic subeñetla ma'aníc mi caj la' q'uelon jinto mi' tilel i yorajlel che' mi caj la' w_Λl: “La' subjic i ñucllel jini woli b_Λ i tilel ti' c'aba' lac Yum”. Che'_Λch mi caj la' w_Λl, che'en Jesús.

14

Jesús tsi' lajmesa winic sijt'em b_Λ i b_Λc'tal

¹ Ti jump'ejl i q'uiñilel c'aj o che' b_Λ tsa' ochi Jesús ti c'ux waj ti' yotot fariseo am b_Λ i ye'tel ti yum_Λ, jini winicob tsi' ch_Λc_Λ q'ueleyob.

² Awilan, ya'an juntiquil winic ti' tojel Jesús, sijt'em i b_Λc'tal.

³ Jesús tsi' sube fariseojob yic'ot x_Cantesa mandarob: ¿Chuqui mi' y_Λl mandar? ¿Tic'bil ba lajmesaya che' ti' yorajlel c'aj o? che'en.

⁴ Ma'anic tsi' jac'ayob. Jesús tsi' p_Λy_Λ tilel jini winic. Tsi' lajmesa. Tsi' sube majlel.

⁵ Jesús tsi' pejayob. Tsi' subeyob: Mi an la' walobil, o mi an la' cha'an tat wacax, mi tsa' yajli ti ch'en, ¿mach ba muq'ueic la' b_Λc' chuc loq'uel anquese i yorajlel c'aj o? che'en.

⁶ Ma'anic tsa' mejli i jac'beñob i t'an.

Jini p_Λy_Λbilo' b_Λ ti mel q'uin

⁷ Che' b_Λ tsi' q'uele wolix i yajcañob ñaxan b_Λ buchlib_Λl ti mesa jini p_Λy_Λbilo' b_Λ ti q'uiñijel, Jesús tsa' caji i subeñob ti lajiya:

⁸ Che' p_Λy_Λbilet majlel ti c'ux waj ba' woliyob ti q'uinijel cha'an ñujpuñijel, mach ma' bucht_Λl ti ñaxan b_Λ buchlib_Λl. Ma'tica an yamb_Λ p_Λy_Λbil b_Λ ñumen ñuc bajche'et.

⁹ Che' mi' tilel i yum q'uin tsa' b_Λ i p_Λy_Λyetla tilel ti la' cha'ticlel, mi caj i subeñet cha'an ma' w_Λq'uen a buchlib ili winic. Che' jini quisintic mi caj a wubin che' ma' majlel ti bucht_Λl ti jini cojix b_Λ buchlib_Λl.

¹⁰ Che' p_Λy_Λbilet majlel ti q'uiñijel, cucu, buchi' ti wi'ilix b_Λ buchlib_Λl. Che' julemix jini tsa' b_Λ i p_Λy_Λyet tilel ti q'uiñijel tic'Λl mi' subeñet: “Queran, la' ti bucht_Λl ti ñumen uts'at b_Λ buchlib_Λl”, che'en. Che' jini, ñuc mi caj a q'uejlel ti' wut jini buchulo' b_Λ ti' t'ejl mesa.

¹¹ Majqui jach chan mi' mel i b_Λ mi caj i peq'ues_Λntel. Majqui pec' mi' mel i b_Λ mi caj i chañ'es_Λntel. Che' tsi' y_Λl_Λ Jesús.

¹² Jesús tsi' sube ja'el jini winic tsa' b_Λ i p_Λy_Λ tilel ti q'uiñijel: Che' ma' mel q'uin, mach ma' p_Λy tilel a c_Λñ_Λyo' b_Λ, mi a wi-jts'iñob, mi a pi'lob, mi jini wen chumulo' b_Λ, ame i cha' p_Λy_Λetob majlel ti q'uiñijel. Che' jini ma' cha' q'uext_Λbentel.

¹³ Che' ma' mel q'uin, p_Λy_Λ tilel jini mach b_Λ añobic i chub_Λ'an, yic'ot mach b_Λ weñobic i c'Λb, yic'ot mach b_Λ weñobic i yoc yic'ot xpots'ob.

¹⁴ Mi caj a taj i tijicñ_Λyel a pusic'al come mach mejlic i cha' q'uext_Λbeñet. Mi caj a q'uext_Λbentel che' mi' cha' ch'ojoyelob jini tojo' b_Λ, che'en Jesús.

Lajiya cha'an winic tsa' b_Λ i mele colem q'uin

(Mt. 22.1-10)

¹⁵ Che' b_Λ tsi' yubi juntiquil buchul b_Λ ti' t'ejl mesa ba'an Jesús, tsi' sube: Tijicña jini mu' b_Λ i c'ux waj ti' yum_Λntel panchan, che'en.

¹⁶ Jesús tsi' sube: Juntiquil winic tsi' mele colem q'uin. Tsi' p_Λy_Λ tilel cab_Λlob.

¹⁷ Ti' yorajlel q'uin tsi' choco majlel x'e'tel i cha'an cha'an mi' suben jini p_Λy_Λbilo' b_Λ: “La'ix cula. Laj chajp_Λbilix”, che'en.

¹⁸ Tsa' cajiyoj ti t'an cha'an mach yomobich majlel. Jini ñaxan b_Λ tsi' y_Λl_Λ: “Tsac mañ_Λ lum. Wersa mic majlel j q'uel c lum. Awocolic mach mejlicon ti majlel j q'uel q'uin”, che'en.

¹⁹ Yamb_Λ tsi' y_Λl_Λ: “Tsac mañ_Λ lujuncojt tat wacax. Sami j q'uel mi wen yujil e'tel. Awocolic mach mejlicon”, che'en.

²⁰ Yamb_Λ tsi' y_Λl_Λ: “Tsa' ujtiyon ti ñujpuñel. Jini cha'an mach mejlicon ti majlel j q'uel q'uin”, che'en.

²¹ Tsa' sujti jini x'e'tel. Tsi' laj sube i yum bajche' tsa' ujtí. Mich'ix i yum otot, tsi' sube x'e'tel i cha'an: “Cucu ti ora ti choñ_Λñib_Λl yic'ot ti calle ya' ti tejclum. P_Λy_Λ tilel jini mach b_Λ añobic i chub_Λ'an, yic'ot mach b_Λ weñobic i c'Λb, yic'ot mach b_Λ weñobic i yoc, yic'ot xpots'ob”, che'en.

²² Jini x'e'tel tsi' sube i yum: “Che'Λch tsac cha'le bajche' tsa' subeyon. An to jochol b_Λ buchlib_Λl tac”, che'en.

²³ I yum tsi' sube: “Cucu ti colem bij yic'ot ti mucu bij. Yom ma' wersa p_Λyob tilel cha'an mi' bujt'el cotot.

²⁴ Come jini ñaxan p_Λy_Λbilo' b_Λ tilel ti q'uiñijel ma'anic mi caj i wis c'uxob jini we'el_Λl tsa' b_Λ c mele, mi juntiquilic”, che'en. Che' tsi' y_Λl_Λ Jesús.

Jini mu' b_Λ i ch'Λm i cruz i tsajcan Jesús
(Mt. 10.37-38)

²⁵ Motocñayob tsa' majliyob yic'ot Jesús. Tsi' sutq'ui i b_Λ Jesús i q'uelob. Tsi' subeyob:

²⁶ Mi an majqui mi' ñochtañon mach b_Λ anic mi' ts'a'len i tat, i ña', i yijñam, i yalobilob, i yijts'iñob, i y_Λscuñob, i chichob, yic'ot i cuxt_Λlel ja'el, mach mejlic ti ochel ti xc_Λnt'an c cha'an.

²⁷ Jini mach b_Λ anic mi' ch'Λm i cruz i tsajcañon, mach mejlic ti ochel ti xc_Λnt'an c cha'an.

²⁸ Mi an majqui yom i mel chan b_Λ q'ueloñib, ¿mach ba ñaxanic mi' buchtal i tsicben i tojol cha'an mi' ña'tan mi jasal i taq'uin cha'an mi' yujtel i mel?

²⁹ Mi tsi' mele i c'Λclib pero mi ma'anic tsa' mejli i yujtesan, mi caj i wajleñob pejtelel mu' b_Λ i q'uelob.

³⁰ Mi caj i y_Λlob: “Jini winic tsa' caji i wa'chocon chan b_Λ q'ueloñib, pero ma'anic tsa' mejli i yujtesan”, che'ob.

³¹ Che' ja'el mi an juntiquil rey mu' b_Λ i majlel ti guerra ti' contra yamb_Λ rey, ¿mach ba ñaxanic mi' buchtal i ña'tan mi jasal lujump'ejl mil soldadojob cha'an mi' contra-jin junc'al mil mu' b_Λ i tilelob ti' contra?

³² Mi tsi' ña'ta mach mejlic i cha'an, mi' choc majlel winic ba'an i contrajob che' ñajt to añob. Mi' c'ajtibebob ti wocol t'an cha'an ma'anic mi' techob guerra.

³³ Che' ja'el, mi an juntiquil mach b_Λ yomic i len c_Λy pejtelel i chub_Λ'an, mach mejlic ti ochel ti xc_Λnt'an c cha'an.

Mi tsa' sajti i tsajel ats'am

(Mt. 5.13; Mr. 9.49-50)

³⁴ Uts'at ats'am. Mi tsa' sajti i tsajel ats'am, ¿bajche' mi caj i cha' tsaj'esantel?

³⁵ Mi tsa' sajti i tsajel ma'anic i c'Λjñibal cha'an lum, mi cha'anic mi' x_Λbob yic'ot i ta' al_Λc'Λl. Winicob mi' chocob. Jini am b_Λ i chiquin cha'an mi' yubin, la' i yubin. Che' tsi' y_ΛΛ Jesús.

15

Sajtem b_Λ tiñame'

(Mt. 18.10-14)

¹ Tsa' caji i tilelob pejtelel xch'Λm tojoñelob yic'ot xmulilob ba'an Jesús cha'an mi yubibeñob i t'an.

² Jini fariseojob yic'ot sts'ijbayajob tsa' cajijob ti wulwul a'leya. Tsi' y_ΛΛyob: Jesús

mi' p_Λy tilel xmulilob. Mi' c'ux waj yic'otob, che'ob.

³ Jesús, tsi' subeyob ili t'an ti lajiya:

⁴ Mi an juntiquil winic am b_Λ jo'c'al i tiñame', mi tsa' sajti juncojt, ¿mach ba muq'uc i c_Λy bolonlujuncojt i jo'c'al ti jochol b_Λ lum cha'an mi' majlel i sajcan jini sajtem b_Λ jinto mi' taj?

⁵ Che' b_Λ tsa'ix i taja, tijicña i pusic'al mi' y_Λc' ti' quejlab.

⁶ Che' mi' c'otel ti' yotot, mi' p_Λy tilel i c_Λñayo' b_Λ yic'ot i pi'lob ti chumt_Λ. Mi' subebob: “Yom tijicñayetla quic'ot, come tsac taja c tiñame' tsa' b_Λ sajti”, che'en.

⁷ Mic subebob, ñumen tijicñayob i pusic'al mi' yubiñob jini año' b_Λ ti panchan che' mi' c_Λy i mul juntiquil xmulil. Ts'ita jach mi' yubiñob cha'an bolonlujuntiquil i jo'c'al tojo' b_Λ mach b_Λ añob i mul.

Lajiya cha'an sajtem b_Λ taq'uin

⁸ Mi tsi' s_Λt_Λ jump'ejl dracma juntiquil x'ixic anquese lujump'ejl dracma i cha'an, ¿mach ba anic mi' tsuc' c'ajc? ¿Mach ba anic mi' misun otot? ¿Mach ba anic mi' wen s_Λclan jinto mi' taj?

⁹ Che' b_Λ tsa'ix i taja mi' p_Λy tilel i c_Λñayo' b_Λ yic'ot i pi'lob ti chumt_Λ. Mi' subebob: “Yom tem tijicñayetla quic'ot, come tsac taja jini taq'uin tsa' b_Λ c s_Λt_Λ”, che'en.

¹⁰ Che' ja'el mic subebob, tijicñayob i yángelob Dios cha'an juntiquil xmulil mu' b_Λ i c_Λy i mul. Che' tsi' y_ΛΛ Jesús.

Ch'iton tsa' b_Λ majli ti ñajtal

¹¹ Tsi' y_ΛΛ ja'el: Juntiquil winic an cha'tiquil i yalobil.

¹² Jini ijts'iñal b_Λ tsi' sube i tat: “C tat, aq'ueñon a chub_Λ'an che' bajche' c'amel yom mic ch'Λm”, che'en. I tat tsi' t'oxbeyob i chub_Λ'an.

¹³ Che' ñumenix cha'p'ejl uxp'ejl q'uin, jini ijts'iñal b_Λ i yalobil tsi' ch'ΛmΛ pejtelel i chub_Λ'an. Tsa' majli ti ñajt b_Λ lum. Ya' i tsi' lon jisa pejtelel i chub_Λ'an. Tsi' to'o ñusa q'uin ti mulil.

¹⁴ Che' lu' jilemix i taq'uin tsa' tejchi cabal wi'ñal ti jini lum. Tsa' caji i yubin wi'ñal.

¹⁵ Tsa' majli ti e'tel ba'an juntiquil winic ti jini lum. Jini winic tsi' choco majlel ti jamil cha'an mi' buc'san chitam.

16 Jini ch'iton yom i c'uxben i buc'bal chitam, come ma'anic majqui tsi' yal'ue i bal i ñac'.

17 Che' b_Λ tsa' caji i ña'tan pañimil tsi' yal_Λ: “An x'e'telob ya' ti' yotot c tat año' b_Λ cab_Λ i waj. Pero joñon wolic ch_Λmel ti wi'ñal.

18 Mi caj c ch'ojoyel. Muq'uix c majlel ba'an c tat. Mi caj c suben c tat: Tsac cha'le mulil ti' contra jini am b_Λ ti panchan yic'ot ti a tojlel.

19 Mach uts'aticon cha'an mic pejc_Λntel ti a walobil. Otsañon ti x'e'tel a cha'an”. Che' tsi' ña'ta i suben i tat.

20 Tsa' ch'ojoyi. Tsa' majli ba'an i tat. Che' ñajt to i tilel, i tat tsi' q'uele. Tsi' p'unta. Ti ajñel tsa' majli i taj i yalobil. Tsi' meq'ue. Tsi' ts'ujts'u.

21 I yalobil tsi' sube: “C tat, tsac cha'le mulil ti' contra jini am b_Λ ti panchan yic'ot ti a tojlel. Mach uts'aticon cha'an mic pejc_Λntel ti a walobil”, che'en.

22 I tat tsi' sube x'e'telob i cha'an: “Ch'_Λm_Λla tilel jini ñumen uts'at b_Λ bujcal. Xojbenla. Ots_Λbenla m_Λtc'_Λb_Λl ti' c'_Λb yic'ot x_Λñ_Λb_Λl ti' yoc.

23 P_Λy_Λla tilel jini jujp'em b_Λ al_Λ tat wacax. Ts_Λnsanla. La' laj c'ux. La' lac mel q'uin.

24 Come ili calobil ch_Λmen yubil ti yamb_Λ ora, pero w_Λle tsa'ix cha' cuxtiyi yubil. Jini sajtem b_Λ tsa'ix cha' tajle”, che'en. Tsa' caji i yubiñob i tijicñayel i pusic'al.

25 Ya'an jini ascuña_Λl b_Λ i yalobil ti jamil. Che' b_Λ wolix i tilel ti' yotot che' lac'_Λlix an, tsi' yubi música yic'ot son.

26 Tsi' p_Λy_Λ juntiquil x'e'tel. Tsi' c'ajtib_e chuqui woli ti ujt_el.

27 Jini x'e'tel tsi' sube: “Tsa'ix juli a wijs'in. Tsa'ix i ts_Λnsa jujp'em b_Λ al_Λ wacax a tat come c'oc' tsi' cha' taja a wijts'in”, che'en.

28 Jini ascuña_Λl b_Λ tsa' caji ti mich'ajel. Mach yomic ochel. Jini cha'an tsa' loq'ui tilel i tat. Tsi' sube ti wocol t'an cha'an mi' yochel.

29 Jini ascuña_Λl b_Λ tsi' sube i tat: “Awilan cab_Λl jab tsac melbeyet a we'tel. Ma'anic tsac ñus_Λbeyet a t'an. Ma'anic ba' tsa' w_Λq'ueyon mi jinic jach al_Λ chivo cha'an mic mel q'uin quic'ot c pi'_Λlob.

30 Che' b_Λ tsa' tili a walobil tsa' b_Λ i jis_Λbeyet a chub_Λ'an ti' ts'i'lel yic'ot i yixicob, tsa' ts_Λns_Λbe jini jujp'em b_Λ al_Λ wacax”, che'en.

31 I tat tsi' sube: “Calobil, ti pejtelel q'uin w_Λ'añet quic'ot. Pejtelel c chub_Λ'an a cha'añ_Λch.

32 Yom mi lac mel q'uin. Yom mi la cubin i tijicñayel lac pusic'al, come ch_Λmen yubil a wijts'in ti yamb_Λ ora. W_Λle cha' cuxulix yubil. Jini sajtem b_Λ tsa'ix cha' tajle”, che'en. Che' tsi' yal_Λ Jesús.

16

Jontol b_Λ i yaj choñoñel (Mt. 6.24)

1 Jesús tsi' sube x_Λant'añob i cha'an ja'el: An wen chumul b_Λ winic am b_Λ i cha'an juntiquil xq'uel e'tel. Tsa' subenti i yum cha'an woli jach i to'o asin i chub_Λ'an i yum.

2 Jini i yum tsi' p_Λy_Λ tilel jini i yaj choñoñel. Tsi' sube: “¿Chuqui woli a mel? Subeñon bajche' tsa' c'_Λñ_Λ jini tsa' b_Λ cotsa ti a wenta come mach ch_Λn mejlic a cha'libeñon que'tel”, che'en.

3 Jini i yaj choñoñel tsa' caji i yal ti' pusic'al: “¿Chuqui mi caj c mel? C yum mi caj i loc'sañon ti que'tel. Mach mejlicon ti top' lum, mij quisñin j c'ajtin taq'uin.

4 Cujil chuqui mi caj c mel cha'an mi' p_Λy_Λñob ochel ti' yotot c pi'_Λlob ba' ora loq'ueumonix ti que'tel”, che'en jini xchoñoñel ti' pusic'al.

5 Tsi' p_Λy_Λ tilel pejtelel winicob año' b_Λ i bet yic'ot i yum. Tsi' sube ñaxan b_Λ winic: “¿Bajche' c'amel an a bet yic'ot c yum?” che'en.

6 Jini winic tsi' jac'be: “An c bet jo'c'al barril aceite”, che'en. Jini xchoñoñel tsi' sube: “Ch'_Λm_Λ i juñilel a bet. Buchi' ti ora. Yom ma' cha' ts'ijban ti lujump'ejl i yuxc'al”, che'en.

7 Ti wi'il tsi' sube yamb_Λ: “Jixcu jatet, ¿bajche' c'amel an a bet?” che'en. Tsi' jac'_Λ: “An c bet jo'c'al ti p'is jini trigo”, che'en. Jini xchoñoñel tsi' sube: “Ch'_Λm_Λ i juñilel a bet. Cha' ts'ijban ti ch_Λnc'al”, che'en.

8 I yum tsa' caji i sub i ñucl_el jini jontol b_Λ i yaj choñoñel, come maña jax bajche' tsi' mele. Come i cha'año' b_Λ pañimil ñumen

maña i melbal ti' tojlel i pi'lob bajche' i cha'año' b_Λ i saclel pañimil.

⁹ Mic subeñetla: C'añ_Λ la' chub_Λ'an ti pañimil cha'an mi' p'ojlelob la' cañayo' b_Λ ya' ti panchan, cha'an mi' p_Λyetla ochel ti' yotot tac mach b_Λ anic mi' jilel che' b_Λ tsa'ix jili la' chub_Λ'an.

¹⁰ Jini mu' b_Λ i c'Λ_Λ i chub_Λ'an ti xuc'ul che' ts'ita', xuc'ul mi' caj i c'Λ_Λ che' cab_Λ. Jini mach b_Λ tojic mi' c'Λ_Λ che' ts'ita', mach tojic mi' caj i c'Λ_Λ cab_Λ.

¹¹ Mi mach xuc'ulic mi' la' c'Λ_Λ i chub_Λ'an pañimil, ¿majqui mi' caj i y_Λq'ueñetla jini mero isujm b_Λ chub_Λ'añ_Λ?

¹² Mi mach xuc'ulic mi' la' c'Λ_Λmben i chub_Λ'an yamb_Λ winic, ¿majqui mi' caj i y_Λq'ueñetla la' bajñel cha'an b_Λ?

¹³ Ma'anic x'e'tel mu' b_Λ mejlel i yuman cha'tiquil yum_Λ. Mi' ts'a'len juntiquil, mi' c'uxbin yamb_Λ. Mi' jac'ben i t'an juntiquil, mi' ñus_Λben i t'an yamb_Λ. Mach mejlic la' yuman Dios che' woli la' yuman chub_Λ'añ_Λ. Che' tsi' y_ΛΛ Jesús.

Yamb_Λ i cantesa Jesús

(Mt. 11.12-13; 5.31-32; 19.1-12; Mr. 10.1-12)

¹⁴ Jini farisejob ja'el mu' b_Λ i mulañob taq'uin tsi' yubiyob pejtelel jini t'an. Tsa' caji i wajleñob.

¹⁵ Jesús tsi' subeyob: Jatetla, la' wom la' q'uejlel ti' toj cha'an winicob. Dios mi' c_ΛΛ la' pusic'al. Chuqui tac mi' q'uelob ti' ñuc winicob x'ixicob, ts'a' mi' q'uel Dios, che'en.

¹⁶ Tsa' sujbi mandar yic'ot i t'an tac x'alt'añob jinto tsa' tili Juan. W_Λle wolix i sujbel i yum_Λntel Dios. Pejtelel winicob x'ixicob mi' cha'leñob wersa cha'an mi' yochelob.

¹⁷ Mi' mejlel ti' jilel panchan yic'ot pañimil, pero mach mejlic ti' jilel i c'Λ_Λjñibal mandar mi' jump'ejlic punto.

¹⁸ Majqui jach mi' to'o c_Λy i yijñam cha'an mi' p_Λy yamb_Λ woli' cha'len i ts'i'lel. Majqui jach mi' p_Λy c_Λybil b_Λ x'ixic woli' cha'len i ts'i'lel yic'ot.

Wen chumul b_Λ winic yic'ot Lázaro

¹⁹ An wen chumul b_Λ winic, l_Λp_Λ b_Λ i cha'an ch_Λcojan b_Λ i pislel, wen uts'at b_Λ. Ti' jujump'ejl q'uin tsi' mele ñuc b_Λ q'uiñijel.

²⁰ An ja'el juntiquil xc'ajtiya taq'uin i c'aba' Lázaro tsa' b_Λ ajq'ui ti' ti' i yotot jini wen chumul b_Λ. Cab_Λ jax i tsoy.

²¹ Yom i y_Λq'uentel i colobal waj tsa' b_Λ yajli ti' mesa jini wen chumul b_Λ. Tsa' tili cab_Λ ts'i' i lemben i tsoy tac.

²² Ti' wi'il tsa' ch_Λmi jini xc'ajtiya taq'uin. Jini ángelob tsi' p_Λy_Λyob majlel Lázaro ya' ti' tajn Abraham. Tsa' ch_Λmi ja'el jini wen chumul b_Λ winic. Tsa' mujqui.

²³ Ya' ti' yajñib ch_Λmeño' b_Λ c'ax cab_Λ i wocol. Tsi' letsa i wut. Tsi' q'uele Abraham ti' ñajtl_Λ yic'ot Lázaro ya' ti' tajn Abraham.

²⁴ Tsi' yota. Tsi' sube: “Tat Abraham, p'untañon. Choco tilel Lázaro cha'an mi' ts'aj i ñi' i yal i c'Λ_Λ b_Λ ti' ja' cha'an mi' ts_Λñes_Λbeñon cac' come tic'l_Λbilon ti' wocol ti' ili c'ajc”, che'en.

²⁵ Abraham tsi' sube: “Calobil, ña'tan bajche' tsa' taja chuqui tac wen che' cuxulet to ti' pañimil. Lázaro tsi' yubi wocol. W_Λle ñuq'ues_Λbil i pusic'al ilayi. Jatet tic'l_Λbilet ti' wocol.

²⁶ Awilan, an colem jajp ch'en mu' b_Λ i t'oxonla cha'an ma'anic mi' mejlel ti' ñumel majlel ya' ba' añet jini yomo' b_Λ loq'uel ilayi. Jatetla ja'el mach mejliquetla ti' c'axel tilel”, che'en.

²⁷ Jini wen chumul b_Λ tsi' y_ΛΛ: “Awocolic, tat, choco majlel Lázaro ti' yotot c tat.

²⁸ An jo'tiquil quijs'iñob. La' i subeñob ame tilicob ja'el quijs'iñob w_Λ ba' añon ti' wocol”, che'en jini wen chumul b_Λ winic.

²⁹ Abraham tsi' sube: “An i cha'añob i jun Moisés yic'ot x'alt'añob. La' i yubibeñob i t'an”, che'en.

³⁰ Jini winic tsi' y_ΛΛ: “Mach jas_Λlic, tat Abraham, pero mi' tsa' majli juntiquil loq'uem b_Λ ba'an ch_Λmeño' b_Λ cha'an mi' pejcañob, mux caj i c_Λyob i mul”, che'en.

³¹ Abraham tsi' sube: “Mi ma'anic mi' jac'beñob i t'an Moisés yic'ot x'alt'añob, mach muq'uic i ñopob ja'el anquese mi' ch'ojoyel loq'uel juntiquil ba'an ch_Λmeño' b_Λ”, che'en. Che' tsi' y_ΛΛ Jesús.

17

Jini mu' b_Λ i y_Λsañonla ti' mulil

(Mt. 18.6-7, 21-22; Mr. 9.42)

¹ Jesús tsa' caji i suben xc_Λnt'añob i cha'an: Wersa mi' tilelob jini mu' b_Λ i

y_Λsañob ti mulil winicob x'ixicob. Pero mi caj i tajob wocol.

² Uts'at tsa'ic ñaxan c_Λjchi ña'tun ti' bic' cha'an mi' chojq_Λochel ti ch_Λmel ti ñajb majqui jach mi' y_Λsan ti mulil juntiquil ch'o'ch'oc b_Λ.

³ Ch_Λc_Λ q'uele la' b_Λ. Mi tsi' cha'le mulil ti a contra a wermano, tiq'ui. Mi' tsi' c_Λy_Λ i mul, ñus_Λben i mul.

⁴ Anquese wucyajl ti jujump'ejl q'uin mi' cha'len mulil ti a contra, ñus_Λben i mul mi' ti jujunyajl mi' cha' tilel ba' añet cha'an mi' subeñet tsa'ix i mele i pusic'al. Che' tsi' y_ΛΛ_Λ Jesús.

Coltañon lojon cha'an xuc'ul mic ñop lojon

⁵ Jini apóstolob tsi' subeyob lac Yum: Coltañon lojon cha'an xuc'ul mic ñopet lojon, che'ob.

⁶ Lac Yum tsi' y_ΛΛ_Λ: Muq'ueic la' ñop ti la' pusic'al, mi che' jach ya wist_Λl bajche' i b_Λc' mostaza, mi mejlel la' suben ili sicómoro te': "La' bojquiet. La' p_Λjq'uiquet ti colem ñajb". Mi caj i jac'beñet la' t'an.

Jini am b_Λ ti' wenta xe'tel

⁷ Mi an juntiquil x'e'tel a cha'an, mi xtop' lum o mi xc_Λanta tiñame', mi tsa' sujti ti otot che' loq'uemix ti jambil, ¿mu' ba a b_Λc' suben: "La' ti buchtal. C'uxu a waj?" ¿Che' ba ma' suben?

⁸ ¿Mach ba muq'ueic a suben: "Chajp_Λbeñon i b_Λl c' ñ_Λc'. Chajpan a b_Λ. Aq'ueñon c we'el yic'ot chuqui mic jap. Jintó mi cujtel, mi caj a cha'len we'el uch'el ja'el". Che'ach ma' suben x'e'tel a cha'an.

⁹ ¿Mu' ba a suben x'e'tel a cha'an wocolix i y_ΛΛ_Λ, che' mi' yujtel i mel chuqui tsa' sube? Mi c_Λl, ma'anic.

¹⁰ Che' ja'el jatetla, che' b_Λ tsa'ix la' mele pejtelel chuqui tsac subeyetla, subula: "X'e'telon lojon jach. Mach cab_Λlic j c'ajñibal. Tsa jach c mele lojon jini am b_Λ tic wenta cha'an mic mel lojon". Che'ach yom mi la' w_Λl, che'en Jesús.

Tsi' lajmesa lujuntiquil año' b_Λ leco b_Λ i tsoy

¹¹ Che' woli' majlel Jesús ti Jerusalén, tsa' ñumi majlel ti yojlil Samaria yic'ot ti Galilea.

¹² Che' b_Λ tsa' ochi ti jump'ejl tejclum, awilan tsa' tili i tajob Jesús lujuntiquil winicob año' b_Λ leco b_Λ i tsoy. Ñajt to tsa' wa'leyob.

¹³ C'am tsi' y_ΛΛ_Λyob: Jesús, Maestro, p'untañon lojon, che'ob.

¹⁴ Jesús tsi' q'ueleyob. Tsi' subeyob: Cucula, p_Λs_Λ la' b_Λ ba'an motomajob, che'en. Che' woliyob ti majlel tsa' lames_Λntiyob.

¹⁵ Juntiquil tsa' cha' tili ba'an Jesús che' b_Λ tsi' q'uele lajmenix i tsoy. C'am tsi' subu i ñuclel Dios.

¹⁶ Tsi' p_Λcchoco i b_Λ ti' tojel Jesús. Tsi' sube wocolix i y_ΛΛ_Λ. Ch'oyol ti Samaria ili winic.

¹⁷ Jesús tsi' y_ΛΛ_Λ: ¿Mach ba lujuntiquilic tsa' b_Λ lajmes_Λntiyob? Jixcu jini bolontiquil, ¿baqui añob?

¹⁸ Ma'anic majqui tsa' cha' tili i sub i ñuclel Dios, cojach jini juntiquil ch'oyol b_Λ ti yamb_Λ lum.

¹⁹ Jesús tsi' sube: Ch'ojyen. Cucu. Tsa' colt_Λntiyet cha'an tsa' ñopoyon, che'en.

Che' mi' tilel i yum_Λntel Dios

(Mt. 24.23-28, 36-41; Mr. 13.21-23)

²⁰ Jini fariseojob tsi' c'ajtibeyob Jesús baqui ora mi caj i tilel i yum_Λntel Dios. Jesús tsi' subeyob: Mach tsiquilic mi caj i tilel i yum_Λntel Dios.

²¹ Ma'anic mi caj i y_Λlob: "Q'uele ya'an ya'i", mi "q'uele w_Λ'an ilayi", come awilan, w_Λ'ach an ti la' tojlel i yum_Λntel Dios, che'en Jesús.

²² Tsi' sube xc_Λnt'añob: Tal to i yorajlel che' mi caj la' pijtan jump'ejl i q'uiñilel i Yalobil Winic, pero ma'anic mi caj la' q'uel.

²³ Winicob mi caj i subeñetla: "Q'uele w_Λ'an ilayi, q'uele ya'an ya'i", che'ob. Mach mi la' majlel. Mach la' tsajcañob.

²⁴ Come che' bache' mi' tsictiyel i c'ac'al chajc c'Λ_Λl ti junwejl panchan c'Λ_Λl ti yamb_Λ junwejl, che' ja'el mi' caj ti tsictiyel i Yalobil Winic che' ti' q'uiñilel.

²⁵ Wersa mi' ñaxan ubin cab_Λl wocol i Yalobil Winic. Wersa mi' ts'a'lentel cha'an winicob x'ixicob año' b_Λ ti pañimil w_Λle.

²⁶ Che' bajche' tsa' ujt_Λ ti' yorajlel Noé, che' ja'el mi caj i yujtel ti' yorajlel i Yalobil Winic.

²⁷ Tsi' cha'leyob we'el. Tsi' cha'leyob uch'el. Tsi' cha'leyob ñujpuñijel. Tsi' sijiyob

i yalobilob c'ʌʌl ti jini q'uin che' bʌ tsa' ochi Noé ti barco. Tsa' tili but'ja'. Tsi' lu' jisayob.

²⁸ Che' ja'el tsa' ujtí ti' yorajlel Lot. Tsi' cha'leyob we'el uch'el. Tsi' cha'leyob mañoñel. Tsi' cha'leyob choñoñel. Tsi' cha'leyob pac'. Tsi' wa'chocoyob i yotot.

²⁹ Ti jini jach bʌ q'uin che' bʌ tsa' loq'ui Lot ti Sodoma, tsa' loq'ui tilel c'ajc yic'ot azufre ti panchan. Tsi' laj jisayob.

³⁰ Che' ja'el mi' caj ti ujtél ti jini q'uin che' mi' tsictiyel i Yalobil Winic.

³¹ Ti jini jach bʌ q'uin jini am bʌ ti' jol otot mach jubic cha'an mi' loc' i chubʌ'an am bʌ ti' mal otot. Che' ja'el mach sujtic jini am bʌ ti' cholel.

³² Ña'tanla i yijñam Lot.

³³ Majqui jach mi' ñop i bajñel cantan i cuxtʌlel mi' caj i sat i ch'ujlel. Majqui jach mi' yʌc' i cuxtʌlel cha'añoñ ma'aníc mi' caj i sat i ch'ujlel.

³⁴ Mi' cajelob ti wʌyel cha'tiquil winicob ti jump'ejl wʌyibʌl ti jim bʌ ac'ʌlel. Mi' caj i pʌjyel majlel juntiquil, yambʌ mi' caj i cʌytʌl.

³⁵ Temel mi' cajelob ti juch'bal cha'tiquil x'ixicob. Juntiquil mi' caj i pʌjyel majlel, yambʌ mi' caj i cʌytʌl.

³⁶ Cha'tiquil winicob mi' caj i yajñelob ti cholel. Juntiquil mi' caj i pʌjyel majlel, yambʌ mi' caj i cʌytʌl. Che' tsi' yʌʌ Jesús.

³⁷ Jini xcant'añoñ tsi' c'ajtibeyob Jesús: ¿Baqui mi' caj i yujtel, c Yum? che'ob. Jesús tsi' subeyob: Baqui jach an i bʌc'tʌl chʌmen bʌ ya' mi' caj i tempañoñ i bʌ xta'jol, che'en.

18

Lajiya cha'an meba' x'ixic yic'ot jontol bʌ xmel mulil

¹ Jesús tsi' sube xcant'añoñ jini lajiya ti cantesa cha'an mi' cha'leñoñ oración ti pejtélel ora. Mach yomic mi' lujb'añoñ.

² Tsi' yʌʌ: An xmel mulil ti jump'ejl tejclum. Ma'aníc tsi' bʌc'ña Dios. Ma'aníc tsi' c'uxbi winicob.

³ Ya'an juntiquil meba' x'ixic ja'el ti jini tejclum. Tsa' tili ba'an jini xmel mulil. Tsi' yʌʌ: “Coltañoñ. Melbeñoñ i mul jini woli bʌ i contrajiñoñ”, che'en.

⁴ Tsa' ñumi cabʌl ora cha'an mach yomic i coltan jini x'ixic. Ti wi'il tsa' caji i bajñel

al ti' pusic'al: “Ma'aníc mic bʌc'ñan Dios. Ma'aníc mij c'uxbin winicob.

⁵ Pero jini meba' x'ixic cabʌl woli' mʌctʌbeñoñ q'uin. Jini cha'an mux caj c melben i mul i contra ame chʌn tilic jini x'ixic i lujbesañoñ”, che'en jini xmel mulil.

⁶ Tsi' yʌʌ lac Yum: Ubinla chuqui mi' yʌl jini mach bʌ tojic bʌ xmel mulil.

⁷ Jixcu Dios, ζmach ba muq'uec i melben i mul jini mu' bʌ i contrajin jini yajcʌbilo' bʌ i cha'an, mu' bʌ i chʌn pejcañoñ ti q'uiñil yic'ot ti ac'ʌlel? ¿Jal ba mi' jac'beñoñ?

⁸ Mic subeñoñtla, ti ora mi' caj i melbeñoñ i mul i contra. Che' mi' tilel i Yalobil Winic, ζmu' ba caj i taj ti pañimil jini mu' bʌ i ñopob? Che' tsi' yʌʌ lac Yum.

Tsi' cha'leyob oración fariseo yic'ot xch'ʌm tojoñel

⁹ Jesús tsi' subeyob ili t'an ti lajiya jini tsa' bʌ i ña'tayob toj i pusic'al cha'an ti' bajñel p'ʌtʌlel. Pero tsi' lon ña'tayob mach tojic i pusic'al yaño' bʌ.

¹⁰ Jesús tsi' yʌʌ: Cha'tiquil winicob tsa' letsiyob majlel ti Templo ti oración. Juntiquil fariseo, yambʌ xch'ʌm tojoñel.

¹¹ Wa'al jini fariseo woli ti oración ti' bajñelil. Tsi' yʌʌ: “Wocolix a wʌʌ Dios, come mach lajalonic bajche' yaño' bʌ. Xujch'ob, mach tojic i pusic'al. Mi' cha'leñoñ i ts'i'lel. Mach lajalonic ja'el bajche' jini xch'ʌm tojoñel.

¹² Cha'yajl ti semana mic cha'len ch'ajb. Mi' cʌq'uen Dios i diezmojllel pejtél c chubʌ'an mu' bʌ c taj”. Che' tsi' yʌʌ jini fariseo.

¹³ Jini xch'ʌm tojoñel ñajt to an. Mach yomic i letsan i wut ti panchan. Tsi' jats'ʌ i tajn. Tsi' yʌʌ: “Dios, p'untañoñ, xmulilon”, che'en.

¹⁴ Mic subeñoñtla: Dios tsi' q'uele ti toj ili winic che' bʌ tsa' jubi majlel ti' yotot. Pero ma'aníc tsi' q'uele ti toj jini yambʌ. Come majqui jach chan mi' mel i bʌ mi' caj i peq'uesʌntel. Majqui jach pec' mi' mel i bʌ, mi' caj i chan'esʌntel, che'en Jesús.

Jesús tsi' yʌc'ʌ i c'ʌb ti alobob (Mt. 19.13-15; Mr. 10.13-16)

¹⁵ Tsi' pʌyʌyob tilel alʌlob ba'an Jesús cha'an mi' yʌc' i c'ʌb ti' jol. Jini xcant'añoñ tsi' tiq'uiyob che' bʌ tsi' q'ueleyob.

¹⁶ Jesús tsi' p_ΛΛyob tilel. Tsi' subeyob: La' tilicob al_Λlob ba' añon. Mach mi la' tic'ob come pejtelel mu' b_Λ i tilelob che' bajche' al_Λ mi caj i yochelob ti' yum_Λntel Dios.

¹⁷ Ti isujm mic subeñetla, jini mach b_Λ anic mi' yochel ti' yum_Λntel Dios che' ba' jche' al_Λ, ma'anic mi caj i yochel, che'en.

Jini wen chumul b_Λ yum_Λ
(Mt. 19.16-30; Mr. 10.17-31)

¹⁸ Juntiquil yum_Λ tsi' c'ajtibe: Wem b_Λ Maestro, ¿chuqui yom mic cha'len cha'an mic taj j cuxtilel mach b_Λ anic mi' jilel? che'en.

¹⁹ Jesús tsi' sube: ¿Chucoch ma' w_Λl weñon? Ma'anic majch wen, jini jach Dios.

²⁰ A c_Λñ_Λy_Λch mandar: “Mach a cha'len ts_Λnsa. Mach a cha'len ts'i'lel. Mach a cha'len xujch'. Mach a cha'len jop't'an. Q'uele ti ñuc a tat a ña'”, che'en Jesús.

²¹ Jini yum_Λ tsi' jac'Λ: Ti pejtelel jini mandar tsac jac'Λ c'Λ_Λ che' alobon to, che'en.

²² Che' b_Λ tsi' yubi jini t'an, Jesús tsi' sube: An to yom ma' mel yamb_Λ junchajp. Choño pejtelel a chub_Λ'an. Aq'uen jini mach b_Λ añobic i chub_Λ'an. Che' jini, mi caj a taj cab_Λ a chub_Λ'an ti panchan. La' tsajcañon, che'en.

²³ Che' b_Λ tsi' yubi ili t'an jini yum_Λ, wen ch'ijiyem i pusic'al, come wen cab_Λ i chub_Λ'an.

²⁴ Che' b_Λ tsi' q'uele Jesús ch'ijiyem i pusic'al jini yum_Λ, tsi' y_ΛΛ: Wocol mi yochelob ti' yum_Λntel Dios jini wen chumulo' b_Λ.

²⁵ Wocol mi' ñumel camello ti' yarcayo- jlel acuxan. Ñumen wocol mi' yochel ti' yum_Λntel Dios jini wen chumul b_Λ, che'en Jesús.

²⁶ Jini tsa' b_Λ i yubiyob tsi' c'ajtibeyob: ¿Majqui mi mejlel i colt_Λntel, che' jini? che'ob.

²⁷ Jesús tsi' subeyob: Jini mach b_Λ anic mi mejlel i mel winicob mi mejlel i mel Dios, che'en.

²⁸ Pedro tsa' caji i suben: Awilan, tsaj c_Λy_Λ lojon c chub_Λ'an. Tsac tsajcayet lojon, che'en Pedro.

²⁹ Jesús tsi' subeyob: Isujm mic subeñetla: majqui jach mi' c_Λy i yotot, mi i tat, mi i ña', mi i y_Λscuñob, mi i yijts'iñob, mi

i yijñam, mi i yalobilob cha'an i yum_Λntel Dios,

³⁰ mi caj i taj ñumen cab_Λ ti ili ora yic'ot i cuxt_Λlel mach b_Λ anic mi' jilel ti jini ora mu' b_Λ caj i tilel, che'en.

Jesús tsi' cha' al_Λ bajche' mi caj i chamel
(Mt. 20.17-19; Mr. 10.32-34)

³¹ Jesús tsi' p_ΛΛy_Λ tilel jini lajch_Λntiquil. Tsi' subeyob: Awilan, woli lac letsel majlel ti Jerusalén. Mi caj i ts'Λctiyel pejtelel chuqui tac ts'ijbubil i cha'an x'alt'añob cha'an i Yalobil Winic.

³² Come mi caj i y_Λj_q'uel ti' c'Λb gentilob. Mi caj i wajlentel. Leco mi caj i tic'Λntel. Mi caj i tujb_Λntel.

³³ Che' mi' yujtel i jats'ob ti asiyal mi caj i ts_Λnsañob. Pero ti yuxp'ejlel q'uin mi caj i cha' ch'ojyel, che'en Jesús.

³⁴ Ma'anic tsi' ch'Λmbeyob isujm ili t'an mi ts'ita'ic. Ma'anic tsa' aq'uentiyob i ña'tan i sujmllel. Ma'anic tsi' ch'Λmbeyob isujm chuqui tac tsi' subeyob Jesús.

Tsa' c'oti i wut xpots' ya ti Jericó
(Mt. 20.29-34; Mr. 10.46-52)

³⁵ Che' l_Λc'Λlix an Jesús ti Jericó, ya'an juntiquil xpots' buchul ti' ti' bij. Woli' c'ajtin taq'uin.

³⁶ Jini xpots' che' b_Λ tsi' yubi woliyob ti ñumel cab_Λ winicob x'ixicob, tsi' c'ajtibeyob chuqui woli' yujtel.

³⁷ Tsi' subeyob: Wolix ti ñumel Jesús ch'oyol b_Λ ti Nazaret, che'ob.

³⁸ C'am tsi' cha'le t'an jini xpots'. Tsi' y_ΛΛ: Jesús, i Yalobilet b_Λ David, p'untañon, che'en.

³⁹ Jini woli b_Λ i majlelob ti ñaxan tsi' tiq'uiyob. Tsa' utsi caji ti c'am b_Λ t'an jini xpots': I Yalobilet b_Λ David, p'untañon, che'en.

⁴⁰ Jesús tsi' sube i pi'Λlob cha'an mi' p_Λyob tilel. Che' b_Λ tsa' c'oti xpots', Jesús tsi' c'ajtibe:

⁴¹ ¿Chuqui a wom mic tumbleñet? che'en. Tsi' jac'Λ xpots': C Yum, com mi' cha' c'otel c wut, che'en.

⁴² Jesús tsi' sube: La' c'otic a wut. Tsa' colt_Λntiyet cha'an tsa' ñopoyon, che'en.

⁴³ Tsa' b_Λc' c'oti i wut. Tsi' tsajca majlel Jesús. Tsi' tsictesa i ñuclel Dios. Pejtelel tsa' b_Λ i q'ueleyob, tsi' subuyob i ñuclel Dios.

19

Jesús yic'ot Zaqueo

¹ Tsa' ochi Jesús ti Jericó. Ñumel jach woli.

² Awilan, ya'an winic i c'aba' Zaqueo. I yumach jini xch'am tojoñelob. Wen chumul.

³ Tsi' ñopo i q'uel Jesús cha'an mi' c'an. Ma'anic tsa' mejli come joyol ti cabal winicob x'ixicob. Pec'atax Zaqueo.

⁴ Ti ajñel tsa' majli ti ñaxan. Tsa' letsi ti sicómoro te' cha'an mi' q'uel Jesús ya' ba' mi' caj ti ñumel Jesús ti bij.

⁵ Che' b_Λ tsa' c'oti Jesús ba'an Zaqueo, tsi' letsa i wut, tsi' q'uele. Tsi' sube: Zaqueo, juben ti ora come wersa mic jijlel ti a wotot wale, che'en.

⁶ Ora jach tsa' jubi Zaqueo. Tijicña i pusic'al tsi' p_Λy_Λ majlel Jesús ti' yotot.

⁷ Pejtel tsa' b_Λ i q'ueleyob tsa' cajiyoob ti wulwul a'leya. Tsi' y_Λl_Λyob: Tsa'ix majli ti jijlel ba'an xmulil, che'ob.

⁸ Che' wa'al Zaqueo ba'an lac Yum, tsi' sube: Awilan, c Yum, mi caj c_Λq'ueñob ojli c chub_Λ'an jini mach b_Λ añobic i chub_Λ'an. Mi tsac chilbe i chub_Λ'an winic mi caj c cha' sutq'uiben uxyajl i ñumel, che'en Zaqueo.

⁹ Jesús tsi' sube: Wale tsa'ix juli i colt_Λntel jini año' b_Λ ti ili otot, come jiñach i yalobil Abraham ja'el, che'en.

¹⁰ Come i Yalobil Winic tsa' tili i s_Λclan jini sajtem b_Λ. Tsa' tili i coltan, che'en.

Lajiya cha'an x'e'telob tsa' b_Λ i c'ambeyob i taq'uin i yum

(Mt. 25.14-30)

¹¹ Che' b_Λ tsi' yubibeyob i t'an Jesús che' l_Λc'ali_Λ an ti Jerusalén, Jesús tsa' caji i subeñob lajiya, come tsi' lon ña'tayob mux caj i tsictiyel i yum_Λntel Dios ti ora.

¹² Jini cha'an Jesús tsi' y_Λl_Λ: Juntiquil yum_Λl tsa' majli ti ñajt b_Λ lum cha'an ya' mi' ch'Λm i ye'tel ti yum_Λl. Tsi' ña'ta sujt_Λl che' ujt_Λl i ch'Λm.

¹³ Tsi' p_Λy_Λl tilel lujuntiquil x'e'telob i cha'an. Tsi' t'oxbeyob taq'uin. Tsi' subeyob: "C'Λñala ti ganar jini taq'uin jinto mic cha' tilel", che'en.

¹⁴ Jini xchumt_Λlob ti' lumal jini yum_Λl tsi' ts'a'leyob. Tsi' chocoyob majlel winicob ti' pat jini yum_Λl cha'an mi' subob: "Mach la comic lac yuman ili winic", che'ob.

¹⁵ Che' b_Λ tsa' ujti i ch'Λm i ye'tel ti yum_Λl, tsa' cha' sujti ti' yotot. Tsi' y_Λc'Λ mandar cha'an mi' p_Λjyelob tilel jini x'e'telob tsa' b_Λ aq'uentiyob taq'uin, cha'an mi' q'uel bajche tsi' c'Λñayob ti ganar ti jujuntiquil.

¹⁶ Tsa' tili jini ñaxan b_Λ. Tsi' y_Λl_Λ: "C yum tsa c_Λc'Λ a taq'uin ti ganar. Tsac taja yamb_Λ lujump'ejl", che'en.

¹⁷ I yum tsi' sube: "Uts'at bajche' tsa' cha'le, xuc'ul b_Λ x'e'telet. Xuc'ul tsa' mele che' an ts'ita' ti a wenta. Mi caj cots_Λbeñet ti a wenta lujump'ejl tejclum".

¹⁸ Tsa' tili yamb_Λ x'e'tel. Tsi' sube: "C yum, tsaj c'Λñ_Λ a taq'uin ti ganar. Tsac taja yamb_Λ jo'p'ejl", che'en.

¹⁹ I yum tsi' sube jini x'e'tel ja'el: "Jatet ja'el, mi caj c_Λc' ti a wenta jo'p'ejl tejclum", che'en.

²⁰ Tsa' tili yamb_Λ x'e'tel. Tsi' sube: "C yum, w_Λ'_Λch an a taq'uin tsa' b_Λ c pixi ti jump'ejl pisil.

²¹ Come tsac b_Λc'ñayet, come b_Λc'ñabilet. Ma' ch'Λm chuqui tac ma'anic tsa' p_Λc'Λ. Ma' tsep jini jam ba' ma'anic tsa' wejch'u pac", che'en jini x'e'tel.

²² I yum tsi' sube: "Jontol b_Λ x'e'telet, mi caj c melet cha'an ti a t'an tsa' b_Λ a w_Λl_Λ. A wujil b_Λc'ñabilon. Awujil mic ch'Λm chuqui tac ma'anic tsac p_Λc'Λ. Awujil mic tsep jam ba' ma'anic tsac wejch'u.

²³ ¿Chucoch che' jini, ma'anic tsa' w_Λc'Λ c taq'uin ba' mi' c'Λjñel ti ganar? Che'ic jini tsa' mejli c cha' ch'Λm c taq'uin yic'ot i jol che' b_Λ tsa' juliyon", che'en.

²⁴ I yum tsi' subeyob jini ya' b_Λ añob: "Chilbenla jini taq'uin. Aq'uenla jini am b_Λ i cha'an lujump'ejl", che'en.

²⁵ Tsi' subeyob: "C yum, anix i cha'an lujump'ejl", che'ob.

²⁶ Jini yum_Λl tsi' subeyob: "Joñon mic subeñetla: Majqui jach an i cha'an mi caj i y_Λq'uentel yamb_Λ. Majqui jach ma'anic i cha'an mi caj i lu' chilbentel chuqui an i cha'an.

²⁷ P_Λy_Λl_Λ tilel jini mu' b_Λ i contrajiñoñob mach b_Λ yomobic i yumañoñob. Tsansañoob w_Λ' tic tojel", che'en. Che' tsi' y_Λl_Λ. Jesús.

I subentel i ñucl_Λl che' b_Λ tsa' ochi ti Jerusalén

(Mt. 21.1-11; Mr. 11.1-11; Jn. 12.12-19)

28 Jesús tsa' ujti i sub ili t'an. Tsa' caji ti letsel majlel ti ñaxan ti Jerusalén.

29 Che' b_Λ lac'Λ_Λ an ti Betfagé yic'ot ti Betania ti Olivo wits, tsi' choco majlel cha'tiquil xcant'añob i cha'an.

30 Tsi' y_{ΛΛ}: Cucula ti tejclum ya' ti' tojel la' wut. Che' mi la' wochel, ya' c_Λch_Λ mi caj la' taj tsiji' burro maxto b_Λ anic majqui tsi' c'achta. Jitila, chucula tilel.

31 Mi an majqui mi' c'ajtibañetla: “¿Chucoch woli la' jit?” mi che'en, yom mi la' suben: “Yom i c'Λ_Λ lac Yum”, che'etla. Che' tsi' y_{ΛΛ} Jesús.

32 Tsa' majliyob. Tsi' tajayob che' bajche' tsi' y_{ΛΛ} Jesús.

33 Che' b_Λ tsi' jitiyob jini burro, i yum tsa' caji i subeñob: ¿Chucoch mi la' jit jini burro? che'en.

34 Jini xcant'añob tsi' y_{ΛΛ}yob: Come yom i c'Λ_Λ lac Yum, che'ob.

35 Tsi' p_Λy_Λyob tilel ba'an Jesús. Tsi' tasibeyob i pat burro ti' pislelob. Tsi' c'achchocoyob Jesús ti' pam jini pisil.

36 Che' b_Λ woli ti majlel Jesús tsi' tasiyob majlel jini bij ti' pislelob.

37 Che' lac'Λ_Λ añob ya' ti yebal Olivo wits, tijicñayob i pusic'al pejtelel jini motocña b_Λ xcant'añob. Tsa' caji i subeñob i ñucllel Dios ti c'am b_Λ t'an cha'an ñuc pejtelel i melbal Jesús tsa' b_Λ i q'ueleyob.

38 Tsi' y_{ΛΛ}yob: La' subjic a ñucllel, Reyet mu' b_Λ a tilel ti' c'aba' lac Yum. Ñ_Λch'Λ_Λ i pusic'al jini am b_Λ ti panchan. Ñuc jini am b_Λ ti chan, che'ob.

39 Cha'tiquil uxtiquil fariseojob ya' b_Λ añob ti' tojlelob tsi' subeyob Jesús: Maestro, tiq'ui jini xcant'añob a cha'an, che'ob.

40 Jesús tsi' subeyob: Mic subeñetla, mi tsa' ñ_Λjch'iyob mi' caj ti c'am b_Λ t'an jini xajlel tac, che'en.

41 Che' lac'Λ_Λlix an, che' wolix i q'uel jini tejclum, Jesús tsi' cha'le uq'uel.

42 Tsi' y_{ΛΛ}: Uts'at tsa'ic la' ña'ta bajche' tsa' mejli la' taj i ñ_Λch'tilel la' pusic'al ti jini jach b_Λ ora. Pero ma'anic tsa' la' ña'ta.

43 Mi caj i tajetla yan tac b_Λ q'uin che' mi caj i top'ob lum ti la' joytilel la' contrajob. Mi caj i joyetla. Mi caj i ma_Λctañetla ti jujunwejl.

44 Mi caj i choquetla jubel ti lum yic'ot la' walobilob año' b_Λ ti tejclum. Ma'anic

mi caj la' c_Λybentel mi jump'ejlic xajlel ti' pam yamb_Λ, come ma'anic tsa' la' ña'ta che' i yorajlelix la' colt_Λntel ti Dios. Che' tsi' y_{ΛΛ} Jesús.

Jesús tsi' chocoyob loq'uel ti templo

(Mt. 21.12-17; Mr. 11.15-19; Jn. 2.13-22)

45 Tsa' ochi Jesús ti Templo. Tsa' caji i choc loq'uel ti Templo pejtelel jini woliyo' b_Λ ti choñañel yic'ot mañañel.

46 Jesús tsi' subeyob: Ts'ijbubil: “Mi' caj ti ajlel cotot ti' yotlel oración. Pero jatetla tsa'ix la' sutq'ui ti' ch'eñal xujch”, che'en.

47 Ti jujump'ejl q'uin tsi' cha'le c_Λntesa Jesús ti Templo. Jini ñuc b_Λ motomajob yic'ot sts'ijbayajob yic'ot jini ñuco' b_Λ i ye'tel yomob i ts_Λnsan Jesús.

48 Ma'anic tsa' mejliyob come ti pejtelel tejclum tsi' wen ñich't_Λbeyob i t'an Jesús.

20

Tsi' c'ajtibeyob Jesús baqui tsi' taja iye'tel

(Mt. 21.23-27; Mr. 11.27-33)

1 Ti jump'ejl q'uin Jesús woli' c_Λntesan jini winicob x'ixicob ti Templo. Che' woli' sub jini wen t'an, tsa' c'otiyob ñuc b_Λ motomajob yic'ot sts'ijbayajob yic'ot xñoxob año' b_Λ i ye'tel.

2 Tsa' caji i pejcañob Jesús: Tsi' y_{ΛΛ}yob: Subeñon lojon, ¿baqui tsa' taja a we'tel cha'an chuqui ma' mel? ¿Majqui tsi' y_Λq'ueyet a we'tel? che'ob.

3 Jesús tsi' subeyob: An chuqui mij c'ajtibañetla ja'el. Subeñonla.

4 ¿Baqui ch'oyol i ye'tel Juan cha'an mi' y_Λc' ch'Λ_Λmja'? ¿Ch'oyol ba ti panchan o ch'oyol ba ti winicob? che'en.

5 Tsa' caji i bajñel pejcañob i b_Λ. Tsi' y_{ΛΛ}yob: Mi tsa' lac sube: “Ch'oyol ti panchan”, mi cho'onla, muq'ui x i cha' c'ajtibañonla: “¿Chucoch ma'anic tsa' la' ñopbe i t'an?”

6 Mi tsa' lac sube: “Ch'oyol ti winicob”, mi cho'onla, pejtelel winicob mi caj i julonla ti xajlel, come mi' ña'tañob ti isujm x'alt'añ_Λch jini Juan, che'ob.

7 Tsi' y_{ΛΛ}yob: Mach cujilic lojon baqui ch'oyol i ye'tel Juan.

8 Jesús tsi' subeyob: Joñon ja'el, ma'anic mic subeñetla baqui tsac taja que'tel cha'an jini mu' b_Λ c mel, che'en.

*Lajiya cha'an jontol b_Λxcanta ts'usubilob
(Mt. 21.33-44; Mr. 12.1-11)*

⁹ Jesús tsa' caji i suben winicob x'ixicob ili lajiya: Juntiquil winic tsi' p_Λc'Λ ts'usubil. Tsi' y_Λc'Λ ti' wenta xcanta ts'usubilob. Tsa' majli ti yamb_Λ lum. Jal tsa' c_Λle ya'i.

¹⁰ Che' b_Λ tsa' tili i yorajlel, tsi' choco majlel juntiquil x'e'tel i cha'an ba'an xcanta ts'usubilob cha'an mi' ch'Λm lamital i wut ts'usubil. Pero jini xcanta ts'usubilob tsi' lowoyob jini x'e'tel. To'o che jach tsi' cha' chocoyob sujtel.

¹¹ I yum tsi' cha' choco majlel yamb_Λ x'e'tel. Jini xcanta ts'usubilob tsi' lowoyob ja'el. Leco tsi' tic'layob. To'o che jach tsi' cha' chocoyob sujtel.

¹² I yum tsi' cha' choco majlel i yuxticlel. Jini xcanta ts'usubilob tsi' lowoyob ja'el. Tsi' chocoyob loq'uel.

¹³ I yum ts'usubil tsi' y_ΛΛ: “¿Chuqui yom mic mel? Mi caj c choc majlel c'uxbibil b_Λ calobil. Tic'Λl che' mi' q'uelob calobil mi caj i q'uelob ti ñuc”, che'en.

¹⁴ Jini xcanta ts'usubilob che' b_Λ tsi' q'ueleyob i yalobil jini yumΛ, tsi' pejcayob i b_Λ. Tsi' y_ΛΛyob: “Jiñach mu' b_Λ caj i yochel ti yumΛ. La' lac tsansan. Che' jini, mux caj la cochel ti' yum pejtelel i chub_Λ'an”, che'ob.

¹⁵ Tsi' chocoyob loq'uel ti ts'usubil. Tsi' tsansayob. ¿Chuqui mi caj i tumbeñob xcanta ts'usubilob jini i yum?

¹⁶ Mi caj i tilel. Mi caj i wersa jisan jini xcanta ts'usubilob. Mi caj i y_Λc' i ts'usubil ti' c'Λb yaño' b_Λ. Che' tsi' y_ΛΛ Jesús. Che' b_Λ tsi' yubiyob ili t'an tsi' y_ΛΛyob: Mach i sujmic mi caj cujtel lojon, che'ob.

¹⁷ Jesús tsi' q'ueleyob. Tsi' subeyob: ¿Chuqui i sujmlél ili ts'ijbubil b_Λ che' jini? “Jini jach b_Λ xajlel tsa' b_Λ i chocoyob xmel ototob tsa'ix otsanti ti ñaxan b_Λ i xujc otot”. Che'Λch ts'ijbubil.

¹⁸ Jujuntiquil mu' b_Λ i yajlel ti' pam ili xajlel mi caj i c'Λscujel. Jini mu' b_Λ i tejñel ti jini xajlel mi caj i lu' bic'tiyel, che'en Jesús.

*C'ajtibal cha'an tojoñel
(Mt. 22.15-22; Mr. 12.12-17)*

¹⁹ Ti jim b_Λ ora jini ñuc b_Λ motomajob yic'ot sts'ijbayob tsa' caji i ña'tañob bajche' mi mejlel i chucob Jesús, come yujilob

tsi' cha'le jini t'an ti lajiya ti' contrajob. Pero tsi' b_Λc'ñayob winicob.

²⁰ Tsi' ch_Λc_Λ q'ueleyob Jesús. Tsi' chocoyob majlel xñich'ta t'añoob tsa' b_Λ i lon p_Λs_Λyob i b_Λ ti toj. Tsi' chocoyob majlel cha'an mi' y_Λquiñoob ti' t'an cha'an mi' y_Λc'ob ti melol ti' tojlel jini gobernador.

²¹ Jini xñich'ta t'añoob tsi' subeyob Jesús: Maestro, cujil lojon ma' w_Λl chuqui uts'at, ma' cantesan chuqui uts'at ja'el. Junlajal jach ma' q'uel winicob. Wola' cantesañon lojon ti' bijlel Dios ti isujm.

²² ¿Mu' ba i y_Λl ti mandar yom mi la c_Λq'uen César jini tojoñel o ma'anic? che'ob.

²³ Jesús tsi' ña'ta maya jax i t'an. Tsi' subeyob: ¿Chucoch mi la' wil_Λbeñon c pusic'al?

²⁴ P_Λsbeñon jini taq'uin. ¿Majqui i cha'an i yejtal yic'ot i ts'ijbal ti' pam? che'en. Tsi' jac'beyob: I cha'an César, che'ob.

²⁵ Jesús tsi' subeyob: Jini cha'an, aq'uenla César chuqui i cha'an César. Aq'uenla Dios chuqui i cha'an Dios, che'en Jesús.

²⁶ Ma'anic tsa' mejli i tajbeñoob i mul Jesús, come toj i t'an ti' tojlel winicob x'ixicob. Tsa' toj sajtiyob i pusic'al cha'an uts'at tsi' jac'Λ Jesús. Ñach'Λl tsa' c_Λleyob.

*C'ajtibal cha'an che' mi' tejchelob
ch'ojoyel*

(Mt. 22.23-33; Mr. 12.18-27)

²⁷ Tsa' tiliyob saducejob ba'an Jesús. Jiñoobach mu' b_Λ i y_Λlob ma'anic mi' cha' ch'ojoyelob ch_Λmeño' b_Λ.

²⁸ Tsi' c'ajtibeyob Jesús: Maestro, Moisés tsi' ts'ijbubeyonla: “Mi tsa' ch_Λmi juntiquil ascuña_Λ b_Λ am b_Λ i yijñam mach b_Λ anic i yalobil, che' jini an ti' wenta jini ijts'in_Λ b_Λ cha'an mi' p_Λyben i yijñam i y_Λscun cha'an mi' techben i p'olbal i y_Λscun”.

²⁹ An wuctiquil winicob i yerañoob i b_Λ. Jini ñaxan b_Λ tsi' p_Λy_Λ i yijñam. Tsa' ch_Λmi jini winic. Ma'anic i yalobil.

³⁰ Jini i cha'ticlel winic tsi' p_Λy_Λ jini x'ixic. Tsa' ch_Λmi ja'el. Ma'anic i yalobil.

³¹ I yuxticlel winic tsi' p_Λy_Λ. Che' ja'el, tsa' lu' ujtuyob jini wuctiquilob. Tsa' laj ch_Λmiyob. Ma'añoob i yalobil.

³² Ti wi'il tsa' ch_Λmi jini x'ixic ja'el.

33 Ti' yorajlel che' mi' cha' ch'ojoyelob, ¿baqui bΛ winic i ñoxi'al jini x'ixic? Come ti' wucticlelob tsi' pΛyΛyob cha'an i yijñam, che'ob.

34 Jesús tsi' subeyob: Jini cuxulo' bΛ ti ili ora mi' pΛyob i pi'Λl. Mi' sijintelob.

35 Pero jini mu' bΛ i q'uejlelob ti uts'at cha'an mi' tajob i cuxtalel ti jini yambΛ ora yic'ot cha'an mi' cha' ch'ojoyelob ba'an chΛmeño' bΛ ma'anic mi' pΛyob i pi'Λl. Ma'anic mi' sijintelob.

36 Mach chΛn mejlobix ti chΛmel, come lajalob bajche' ángelob. IyalobilobΛch Dios. Mi tejchelob ch'ojoyel ba'an chΛmeño' bΛ.

37 Jini chΛmeño' bΛ mi' caj i cha' ch'ojoyelob. Che' tsi' yΛΛΛ Moisés che' bΛ tsi' tsictesa chuqui tsa' ujt i alΛ te'. Tsi' pejca lac Yum ti' Dios Abraham, i Dios Isaac, i Dios Jacob.

38 Come Dios mach i Diosic chΛmeño' bΛ, pero i DiosΛch cuxulo' bΛ, come laj cuxulob cha'an mi' ñuq'uesañoob Dios, che'en Jesús.

39 Cha'tiquil uxtiquil sts'ijbayajob tsi' subeyob: Maestro, tsa'ix a subu chuqui isujm, che'ob.

40 Ti wi'il ma'anic majch tsi' chΛn ñopo i c'ajtiben yan tac bΛ cha'an bΛq'uen.

Cristo i yalobil David

(Mt. 22.41-46; Mr. 12. 35-37)

41 Jesús tsi' subeyob: ¿Chucoch mi la' wΛl i YalobilΛch David jini Cristo?

42 Jini David tsi' yΛΛΛ ti' juñilel Salmos: "Lac Yum tsi' sube c Yum, buchi' tic ñoj

43 jinto mi cΛq'ueñet a t'uchtan a contra-job". Che' tsi' yΛΛΛ David, che'en Jesús.

44 Tsi' pejca Cristo ti' yum jini David. ¿Bajche' isujm che' jini mi i yalobil David jini Cristo? che'en Jesús.

Jesús tsi' tiq'ui sts'ijbayajob

(Mt. 23.1-36; Mr. 12.38-40; Lc. 11.37-54)

45 Jesús tsi' sube xcΛnt'añoob i cha'an ili t'an ba' tsa' mejli i yubiñoob pejtelel winicob x'ixicob:

46 ChΛcΛ q'uele la' bΛ cha'an sts'ijbayajob mu' bΛ i mulañoob i lapob pΛl bΛ i bujc. Mi' mulañoob i yΛq'uentelob cortesía ba'an choñoñibal tac. Mi' mulañoob jini ñaxan bΛ buchlibΛl ti sinagoga tac, yic'ot ñaxan bΛ buchlibΛl ti q'uiñijel.

47 Mi' chilbeñoob i yotot meba' x'ixicob. Mi' melob tam bΛ oración cha'an mi' lon q'uejlelob ti uts'at.

21

Iyofrenda meba' x'ixic

(Mr. 12.41-44)

1 Jesús tsi' ts'ita' letsa i wut. Tsi' q'uele jini wen chumulo' bΛ che' bΛ tsi' chocoyob ochel ofrenda ti' yajñib.

2 Tsi' q'uele juntiquil meba' x'ixic mach bΛ anic i chubΛ'an tsa' bΛ i choco ochel cha'pejl taq'uin.

3 Jesús tsi' yΛΛΛ: Ti isujm mic subeñetla, jini meba' x'ixic mach bΛ anic i chubΛ'an tsa'ix i choco ochel ñumen cabΛl bajche' pejtelel yaño' bΛ.

4 Come ti pejtelelob tsi' yΛq'ueyob Dios ofrenda loq'uem bΛ ti' yonlel i chubΛ'an. Jini meba' x'ixic mach bΛ anic i chubΛ'an tsi' choco ochel pejtelel i taq'uin, i tojol i bΛl i ñΛc'. Che' tsi' yΛΛΛ Jesús.

Jesús tsi' wΛn alΛ mi caj i jilel Templo

(Mt. 24.1-2; Mr. 13.1-2)

5 Cha'tiquil uxtiquil tsa' cajiyob ti t'an cha'an wen i t'ojol jax jini xajlel tac am bΛ ti templo yic'ot i ch'Λjlib tsa' bΛ i yΛc'Λyob winicob x'ixicob.

6 Tsi' yΛΛΛ Jesús: Ti pejtelel ili woli bΛ la' q'uel mi caj i jilel. Tal jini q'uin che' ma'anic mi caj i cΛytΛl mi jump'ejlic xajlel ti' pam yambΛ mach bΛ anic mi caj i chojquel jubel, che'en.

Iyejtal tac i jilibal

(Mt. 24.3-22; Mr. 13.3-20)

7 Tsi' c'ajtibeyob Jesús: Maestro, ¿baqui ora mi caj i yujtel pejtelel jini? ¿Chuqui mi' caj ti pΛstΛl che' yom ujtel? che'ob.

8 Jesús tsi' yΛΛΛ: ChΛcΛ q'uele la' bΛ ame anic majqui mi' soquetla, come talob cabΛl tij c'aba' mu' bΛ caj i cuyob i bΛ ti Cristo. Mi' caj i yΛlob lΛc'Λlix i yumΛntel. Jini cha'an mach mi la' tsajcañoob majlel.

9 Ba' ora mi la' wubin an cabΛl guerra yic'ot leto, mach mi la' cha'len bΛq'uen. Come wersa mi' ñaxan ujtel pejtelel jini, pero maxto i jilibalic.

10 Jesús tsi' subeyob: Jini año' bΛ ti jump'ejl lum mi caj i techob guerra ti' contra jini año' bΛ ti yambΛ lum. Jini

año' b_Λ ti' wenta juntiquil yum_Λ mi caj i techob guerra ti' contra jini año' b_Λ ti' wenta yamb_Λ.

11 Tal p'_Λt_Λl b_Λ i yujquel lum. Tal wi'ñal ti cab_Λl lum yic'ot c'am_Λjel mu' b_Λ i pam pujquel. Tal b_Λb_Λq'uen tac b_Λ yic'ot chuqui tac ñuc mu' b_Λ caj i p_Λst_Λl ti panchan.

12 Che' maxto ujtemic ili tac winicob mi caj i chuquetla. Mi caj i tic'lañetla. Mi caj i p_Λy_Λetla majlel ti sinagoga yic'ot ti cárc_Λl. Muq'ui_Λ la' p_Λy_Λel majlel ti' wut reyob yic'ot ti' wut gobernadoro cha'an tij c'aba'.

13 Ti jim b_Λ ora mi mejlel la' wen ac'on ti c_Λjñel.

14 Ch_Λn ña'tanla mach yomic mi la' w_Λn mel la' pusic'al cha'an bajche' mi caj la' jac' cha'an mi la' coltan la' b_Λ.

15 Come joñon mi caj c_Λq'ueñetla t'an mu' b_Λ caj la' sub yic'ot la' ña't_Λbal mach b_Λ mejlic i contrajintel.

16 La' tat, la' w_Λscuñob, la' chichob, la' wijts'iñob, la' pi'_Λlob, la' c_Λñ_Λyo' b_Λ mi caj i y_Λq'uetla ti' c'_Λb la' contra. Lamitaletla mi caj la' ts_Λns_Λntel.

17 Mi caj la' ts'a'lentel cha'an pejtelel winicob x'ixicob cha'an tij c'aba.

18 Pero ma'anic mi caj i sajtel mi junt'ujmic i tsutsel la' jol.

19 Che' xuc'ul la' pusic'al ti wocol ma'anic mi caj i sajtel la' ch'ujlel.

20 Che' mi la' q'uel Jerusalén joyol b_Λ ti soldadojob, ña'tanla che' jini, l_Λc'_Λlix i yora-jlel i jis_Λntel.

21 Ti jim b_Λ ora, la' puts'icob majlel ti wits jini año' b_Λ ti Judea. La' loq'ucob jini año' b_Λ ti Jerusalén. Jini año' b_Λ ti jamil mach ch_Λn sujticob ti Jerusalén.

22 Jiñ_Λch q'uin tac che' mi caj i q'uext_Λbentelob i jontolil, cha'an mi' yujtel ti pejtelel che' bajche' ts'ijbubil.

23 Ti jim b_Λ ora obolob jax i b_Λ jini c_Λnt_Λbilo' b_Λ i cha'an al_Λl yic'ot jini woli b_Λ i tsu'sañob al_Λl. Tal cab_Λl wocol ti pañimil yic'ot i mich'lel Dios ti' tojlel ili winicob x'ixicob.

24 Mi caj i yajlelob cha'an ti' yej machit. Mi caj i chujquelob majlel ti pejtelel lum. Jerusalén mi caj i t'ucht_Λntel cha'an gentilob c'_Λl_Λl mi' ts'_Λctiyel i yorajlel gentilob.

Che' mi' tilel i Yalobil Winic
(Mt. 24.29-35, 42-44; Mr. 13.24-37)

25 An chuqui tac mi' caj ti p_Λst_Λl ti q'uin, yic'ot ti uw, yic'ot ti ec'. Jini winicob x'ixicob ti pañimil cab_Λl mi caj i tsicob i pusic'al. Mi caj i s_Λc sojquelob i pusic'al cha'an ju'ucña jini colem ñajb, w_Λl_Λcña jini ja'.

26 Mi caj i c_Λn ch_Λmelob winicob cha'an b_Λq'uen yic'ot pensar cha'an chuqui mi' caj ti ujt_Λl ti pañimil. Jini p'_Λt_Λl tac b_Λ ti panchan mi caj i wersa ñijc_Λntel.

27 Ti jim b_Λ ora mi caj i q'uelob i Yalobil Winic che' mi' tilel ti tocal yic'ot i p'_Λt_Λl_Λl yic'ot cab_Λl i ñucl_Λl.

28 Che' mi' cajel ti ujt_Λl ili tac, letsan la' wut, letsan la' jol, come l_Λc'_Λlix la' colt_Λntel. Che' tsi' y_Λl_Λ Jesús.

29 Jesús tsi' subeyob jini t'an ti lajiya: Q'uelela jini higuera te' yic'ot pejtelel te' tac.

30 Che' mi la' q'uel woli' p_Λsel i yopol te' mi la' ña'tan l_Λc'_Λlix i yorajlel ticwal.

31 Che' ja'el, che' mi la' q'uel woli ti ujt_Λl ili tac, ña'tanla l_Λc'_Λlix i yum_Λntel Dios.

32 Isujm mic subeñetla, ti pejtelel mi' caj ti ujt_Λl che' w_Λ' to añob ti pañimil jini winicob x'ixicob año' b_Λ w_Λle.

33 Mi' caj ti jilel panchan yic'ot pañimil. Pero mach jilic c' t'an.

34 Ch_Λc_Λ q'uele la' b_Λ ame tsats'ac la' pusic'al cha'an la' wo'lel yic'ot y_Λc'_Λjel che' mi la' c'ojo'tan chuqui tac an ti pañimil, ame i b_Λc' tajetla ili q'uin.

35 Ili q'uin che' bajche yac mi caj i taj pejtelel winicob x'ixicob chumulo' b_Λ ti' petol pañimil.

36 Yom y_Λx_Λl la' wo che' jini. Ch_Λn cha'lenla oración ti pejtelel ora, cha'an mi la' q'uejlel ti uts'at, cha'an ma'anic mi' tajetla ili wocol mu' b_Λ caj ti ujt_Λl, cha'an uts'at mi la' wa't_Λl ti' tojel i Yalobil Winic, che'en Jesús.

37 Ti q'uiñil tsi' cha'le c_Λntesa Jesús ti Templo. Ti ac'_Λlel tsa' majli ti wits i c'aba' Olivo.

38 Che' ti s_Λc'ajel tsa' tiliyob pejtelel winicob x'ixicob ba'an Jesús ti Templo cha'an mi yubibeñob i t'an.

22

Judas tsi' yac'la i t'an ti' contra Jesús
(Mt. 26.1-5, 14-16; Mr. 14.1-2, 10-11;
Jn. 11.45-53)

¹ Lac'lix i q'uiñilel Pascua che' mi' c'uxob caxlan waj mach b_Λ anic i levadurajlel.

² Jini ñuc b_Λ motomajob yic'ot sts'ijbayajob tsi' temeyob i t'an cha'an mi' mucul tsansañoob Jesús, come tsi' b_Λc'ñayob winicob x'ixicob.

³ Tsa' ochi Satanás ti Judas, am b_Λ i cha'chajplel i c'aba' Iscariote, i pi'alach jini junlujuntiquil.

⁴ Tsa' majli Judas i pejcan jini ñuc b_Λ motomajob yic'ot xcanta Templojob cha'an mi' yac' Jesús ti' c'abob.

⁵ Tijicñayob i pusic'al che' b_Λ tsi' yubiyob. Tsi' cha'leyob trato cha'an mi' y_Λq'ueñoob taq'uin Judas.

⁶ Judas tsi' yac'la i t'an. Tsa' caji i w_Λn ña'tan baqui ora mi caj i yac' Jesús ti' c'ab motomajob che' mach ña'tabilic i cha'an winicob x'ixicob.

Jesús tsi' c'uxu Pascua yic'ot xcant'añoob
(Mt. 26.17-19; Mr. 14.12-16; Jn. 13.21-30)

⁷ Tsa' c'oti ili q'uin che' mi' c'uxob caxlan waj mach b_Λ anic i levadurajlel. Jiñach i q'uiñilel Pascua che' mi' tsansañoob tiñame'.

⁸ Jesús tsi' choco majlel Pedro yic'ot Juan. Tsi' subeyob: Cucula. Chajpanla jini we'elal cha'an Pascua cha'an mi' laj c'ux.

⁹ Tsi' c'ajtibeyob Jesús: ¿Baqui a wom mic chajpan lojon? che'ob.

¹⁰ Jesús tsi' subeyob: Awilan, che' ochemetixla ti tejclum, mi caj i tajetla winic woli b_Λ i q'uech majlel uc'um but'ul b_Λ ti ja'. Tsajcanla che' mi' yochel ti otot.

¹¹ Subenla i yum otot: "Jini Maestro mi' c'ajtibeñet: ¿Baqui an jump'ejl i mal otot ba' mi mejlel j c'ux we'elal cha'an Pascua yic'ot xcant'añoob c cha'an?" Che' yom mi la' suben, che'en Jesús.

¹² Mi caj i pasbeñet colem b_Λ i mal otot ti chan am b_Λ i b_Λl. Chajpanla ya' chuqui tac yom, che'en Jesús.

¹³ Tsa' majliyob. Tsi' tajayob jini otot che' bajche' tsi' subeyob Jesús. Tsi' chajpayob jini we'elal cha'an Pascua.

Jini Ch'ujul b_Λ Waj

(Mt. 26.20-29; Mr. 14.17-26; 1 Co. 11.23-26)

¹⁴ Che' i yorajlelix, Jesús tsa' buchle ti' t'ejl mesa yic'ot jini lajch_Λntiquil.

¹⁵ Jesús tsi' subeyob: Ti pejtelel c pusic'al com j c'ux jini we'elal cha'an Pascua quic'otetla che' maxto anic woli cubin wocol.

¹⁶ Come mic subeñetla, ma'anix mi caj c ch_Λn c'ux jinto mi lac cha' c'ux ti' yum_Λntel Dios.

¹⁷ Jesús tsi' ch'ama vaso. Tsi' sube wocolix i y_Λla Dios. Tsi' y_Λla: Ch'ama. Aq'uen la' b_Λ.

¹⁸ Come mic subeñetla ma'anix mic ch_Λn jap i ya'lel ts'usub jinto mi' tilel i yum_Λntel Dios, che'en.

¹⁹ Jesús tsi' ch'ama waj. Tsi' sube wocolix i y_Λla Dios. Tsi' xet'e. Tsi' y_Λq'ueyob. Tsi' y_Λla: Jiñach c b_Λc'tal, mu' b_Λ c_Λc' cha'añetla. Che'ach yom mi la' mel cha'an c ña'tantel, che'en.

²⁰ Che' ja'el tsi' ch'ama jini vaso che' b_Λ tsa' ujtiyob ti we'el. Tsi' y_Λla: Jini vaso jiñach tsiji' b_Λ trato cha'an c ch'ich'el mu' b_Λ i bejq'uel cha'añetla.

²¹ Awilan, w_Λach an quic'ot ti mesa jini mu' b_Λ i yac'on ti' c'ab j contra.

²² Ti isujm, i Yalobil Winic mi caj i majlel che' bajche' w_Λn ña'tabil. Pero cabal mi caj i taj wocol jini winic mu' b_Λ i yac' i Yalobil Winic ti' c'ab i contra, che'en.

²³ Tsa' caji i c'ajtibeñoob i b_Λ majqui mi caj i yac'.

Tsi' pejcajob i b_Λ cha'an majqui ñumen ñuc

²⁴ Tsa' caji i c_Λlax pejcañoob i b_Λ cha'an woli' bajñel yajcañoob majqui ñumen ñuc ti' tojlelob.

²⁵ Jesús tsi' subeyob: I yumob jini tejclumob c'ax ñuc mi' pasob i b_Λ ti' tojlelob. Jini año' b_Λ i ye'tel ti' tojlelob mi' pejc_Λntelob ti xcanta pañimilob.

²⁶ Mach che'ic yom mi la' mel. Jini ñumen ñuc b_Λ ti la' tojlel la' i mel i b_Λ bajche' alob. Jini am b_Λ i ye'tel la' i mel i b_Λ ti x'e'tel la' cha'an.

²⁷ Come ¿majqui ñumen ñuc ma' w_Λl? ¿Jim ba mu' b_Λ i buchtal ti c'ux waj, o jim ba x'e'tel mu' b_Λ i ñusaben waj? Pero joñon

che'ach añon ti la' tojlel bajche' x'e'tel la' cha'an.

²⁸ Jatetla, tsa' ch_{AN} ajniyetla quic'ot che' ti' yorajlel i yil_{AB}entel c pusic'al.

²⁹ Joñon mi caj c_{AQ}'ueñetla la' yum_{ANT}el che' bajche c tat tsi' y_{AQ}'ueyon c yum_{ANT}el.

³⁰ Che' jini mi mejlel la' cha'len we'el uch'el tic mesa tic yum_{ANT}el. Mi caj la' buchtal ti la' we'tel cha'an mi la' mel jini lajch_{AN}mojt i p'olbal Israel. Che' tsi' y_{ALA} Jesús.

Mi caj i yal Pedro mach i cañayic Jesús
(Mt. 26.31-35; Mr. 14.27-31; Jn. 13.36-38)

³¹ Lac Yum tsi' y_{ALA} ja'el: Simón, Simón, awilan, Satanás tsi' c'ajtiyetla cha'an mi' chijcañetla che' bajche' mi' chijcañob loq'uel i sujl trigo.

³² Joñon tsac tajayet ti oración ame a c_{AY} a ñopon. Che' ma' cha' sutq'uin a b_A, p'atesan a wermanojob, che'en Jesús.

³³ Pedro tsi' sube: C Yum chajp_{AB}ilonix cha'an mic majlel quic'otet, anquese ma' majlel ti m_{AJ}quib_{AL}, anquese mic ch_{AM}el awic'ot.

³⁴ Jesús tsi' sube: Pedro, mic subeñet, che' maxto anic mi' cha'len uq'uel jini tat mut ti ili ac'alel, uxyajl mi caj a w_{AL} mach a cañayonic.

I yajñib taq'uin yic'ot chim yic'ot espada

³⁵ Jesús tsi' subeyob: Che' b_A tsac chocoyetla majlel ma'anic i yajñib la' taq'uin, ma'anic la' chim, ma'anic la' x_{AÑ}ab. ¿Mach ba anic tsa' la' taja pejtelel chuqui yom la' cha'an? che'en Jesús. Tsi' y_{ALAY}ob: Tsa' cu, che'ob.

³⁶ Jesús tsi' subeyob: W_{AL}e jini am b_A i yajñib i taq'uin la' i ch'lam majlel yic'ot i chim. Jini mach b_A anic i yespada, la' i chon i chaqueta cha'an mi' m_{AN}.

³⁷ Come mic subeñetla. Wersa mi caj cujtel bajche' mi yal ti' ts'ijbujel Dios. Mi y_{AL}: "Tsa' tsijqui yic'ot xmulilob". Che'ach ts'ijbubil. Ts'ac_{AL} mi' caj ti ujt_{el} chuqui tac ts'ijbubil cha'añon, che'en Jesús.

³⁸ Jini x_{CANT}'añob tsi' y_{ALAY}ob: C Yum, awilan w_A'an cha'ts'ijt espada, che'ob. Jesús tsi' subeyob: Jasal jini, che'en.

Jesús tsi' cha'le oración ti p_{AC}'abal
(Mt. 26.30, 36-46; Mr. 14.26, 32-42; Jn. 18.1)

³⁹ Jesús tsa' loq'ui ti tejclum. Tsa' majli ti Olivo wits come i tilel che' mi' mel. X_{CANT}'añob i cha'an tsa' caji i tsajcañob majlel ja'el.

⁴⁰ Che' b_A tsa' c'oti Jesús ya' ba' yom ajñel, Jesús tsi' subeyob: Cha'lenla oración cha'an ma'anic mi la' jac' la' p_{AY}ol ti mulil.

⁴¹ Tsi' ts'ita' x_{AÑ}al majlel che' i ñajt_{el} bajche' mi' chojquel xajlel. Tsa' ñocle. Tsi' cha'le oración.

⁴² Tsi' y_{ALA}: C Tat, mi a wom, loc's_{AB}eñon jini vaso i yejtal b_A wocol. La' mejlic bajche' yom a pusic'al, mach che'ic bajche' com, che'en.

⁴³ Tsa' tili ángel ch'oyol b_A ti panchan cha'an mi' p'atesan Jesús.

⁴⁴ Che' b_A woli ti wocol Jesús, ñumen wersa tsa' caji i pejcan Dios. Tsa' caji ti bu'lich. Lajal bajche' ch'ich' tsa' ch_{AC}' p'ajti ti lum.

⁴⁵ Che' b_A tsa' ujt_i ti oración tsa' ch'ojyi. Tsa' cha' tili ba'an x_{CANT}'añob i cha'an. Tsi' tajayob w_{ALAY}lob cha'an i ch'ijiyemlel i pusic'al.

⁴⁶ Jesús tsi' c'ajtibeyob: ¿Chucoch w_{ALAY}letla? Ch'ojyenla. Cha'lenla oración cha'an ma'anic mi la' jac' la' p_{AY}ol ti mulil, che'en.

Tsa' chujqui Jesús

(Mt. 26.47-56; Mr. 14.43-50; Jn. 18.2-11)

⁴⁷ Che' woli to ti t'an Jesús, awilan tsa' tiliyob cab_{AL} winicob yic'ot Judas, i pi'ál jini junlujuntiquil. Ñaxan woli' tilel Judas. Tsa' c'oti i ts'ujts'un Jesús.

⁴⁸ Jesús tsi' sube: Judas, ¿mu' ba a w_{AC}' i Yalobil Winic yic'ot ts'ujts'uya? che'en.

⁴⁹ Jini año' b_A yic'ot Jesús che' b_A tsi' ña'tayob chuqui mi' caj ti ujt_{el} tsi' subeyob: C Yum, ¿a wom ba mic bajben lojon ti espada? che'ob.

⁵⁰ Juntiquil x_{CANT}'an tsi' lowo jini x'e'tel i cha'an jini c'ax ñuc b_A motomaj. Tsi' wel tsepbe loq'uel jini ñoj b_A i chiquin.

⁵¹ Jesús tsi' y_{ALA}: La' to ajnic. C_{AY}ax, che'en. Tsi' t_{AL}be i chiquin. Tsi' lajmesa.

⁵² Jesús tsi' sube jini ñuc b_A motomajob yic'ot x_{CANTA} templojob yic'ot xñoxob año' b_A i ye'tel tsa' b_A tiliyob ti' contra: ¿Tsa' ba

tiliyetla cha'an mi la' chucon yic'ot espada yic'ot te' che' bajche' mi la' chuc xujch'?

⁵³ Che' ya' añon quic'otetla jujump'ejl q'uin ti Templo ma'anic tsa' la' chucuyon. Wale la' cha'añach ili ora. I yorajlelix mi' p'astal i p'atlel ic'ch'ipan bΛ pañimil. Che' tsi' yalΛ Jesús.

Pedro tsi' yalΛ mach i cañayic Jesús

(Mt. 26.57-58, 69-75; Mr. 14.53-54, 66-72; Jn. 18.12-18, 25-27)

⁵⁴ Tsi' chucuyob Jesús. Tsi' p'ayayob majlel ti' yotot jini ñuc bΛ motomaj. Pedro tsi' ñajti tsajca majlel.

⁵⁵ Jini ya' bΛ añob tsi' xiq'uiyob c'ajc ti' pam otot. Tsa' buchleyob ti' joytilel c'ajc ti' pejtelelob. Pedro tsa' buchle yic'otob.

⁵⁶ Juntiquil xch'oc tsi' q'uele Pedro che' buchul ti' t'ejl c'ajc. Tsi' ch'ujch'u q'uele. Tsi' yalΛ: Ili winic ja'el tsi' pi'le ñumel Jesús, che'en.

⁵⁷ Pedro tsi' yalΛ: Mach isujmic. X'ixic, mach j cañayic jini winic, che'en.

⁵⁸ Ti jumuc' an yambΛ tsa' bΛ i q'uele Pedro. Tsi' yalΛ: Jatet ja'el i pi'let ili winicob, che'en. Pedro tsi' yalΛ: Winic, mach i pi'lonic, che'en.

⁵⁹ Ñumenix jump'ejl ora yambΛ winic tsi' yalΛ: Isujmach jini winic ja'el tsi' pi'le ñumel Jesús, come ch'oyol ti Galilea, che'en.

⁶⁰ Pedro tsi' yalΛ: Winic, mach kujilic chuqui wola' wal, che'en. Ti ora che' woli to ti t'an Pedro, tsi' cha'le uq'uel tat mut.

⁶¹ Che' bΛ tsi' sutq'ui i bΛ lac Yum, tsi' q'uele Pedro. Tsa' c'ajtiyi ti' pusic'al Pedro i t'an lac Yum tsa' bΛ i wΛn sube: "Che' maxto anic mi' cha'len uq'uel tat mut, uxyajl mi caj a wal mach a cañayonic".

⁶² Pedro tsa' loq'ui majlel. Tsats tsa' caji ti uq'uel.

Tsi' ts'a'leyob Jesús. Tsi' jats'ayob

(Mt. 26.67-68; Mr. 14.65)

⁶³ Jini winicob woli bΛ i cantañob Jesús tsi' wajleyob. Tsi' jats'ayob.

⁶⁴ Tsi' mac cΛchbeyob i wut. Tsi' poch'iyob. Tsi' c'ajtibeyob: Subeñon lojon, ¿majqui tsi' jats'ayet? che'ob.

⁶⁵ Anto cabΛ chuqui tsi' yalΛyob ti p'ajoñel jini winicob ti' contra Jesús.

Jesús ti' tojlel jini año' bΛ i ye'tel

(Mt. 26.59-66; Mr. 14.55-64; Jn. 18.19-24)

⁶⁶ Che' bΛ tsa' sac'a pañimil tsi' tempayob i bΛ xñoxob año' bΛ i ye'tel ti' tojlel i pi'lob yic'ot ñuc bΛ motomajob yic'ot sts'ijbayajob. Tsi' p'ayayob majlel Jesús ba'an jini año' bΛ i ye'tel.

⁶⁷ Tsi' c'ajtibeyob: ¿Cristojet ba, yajcΛbilet ba? Subeñon lojon, che'ob. Jesús tsi' subeyob: Mi tsac subeyetla, mach muq'ueic la' ñop.

⁶⁸ Che' ja'el mi an chuqui mij c'ajtibeñetla, ma'anic mi la' jac'beñon.

⁶⁹ Wale yic'ot ti pejtelel ora mi' caj ti buchtal i Yalobil Winic ti' ñoj jini P'atΛ bΛ Dios, che'en Jesús.

⁷⁰ Ti pejtelelob tsi' subeyob: ¿Jatet ba i Yalobilet Dios? che'ob. Jesús tsi' subeyob: Joñoñach che' bajche' woli la' wal, che'en.

⁷¹ Tsi' c'ajtibeyob i bΛ: ¿Mach ba jasalic ili t'an cha'an mi' tsictiyel i mul? Tsa'ix la cubibe i t'an tsa' bΛ i subu, che'ob.

23

Jesús ti' tojlel Pilato

(Mt. 27.1-2, 11-14; Mr. 15.1-5; Jn. 18.28-38)

¹ Tsa' tejchiyob pejtelel jini tempΛbilo' bΛ winicob. Tsi' p'ayayob majlel Jesús ba'an Pilato.

² Tsa' caji i jop'beñob i mul. Tsi' yalΛyob: Tsac taja lojon ili winic mu' bΛ i soc pejtelel winicob x'ixicob ti lac lumal. Mi' tic'ob winicob cha'an ma'anic mi yΛq'ueñob César tojoñel. Mi' sub i bΛ ti Cristo. Mi' sub i bΛ ti rey, che'ob.

³ Pilato tsi' c'ajtibe Jesús: ¿Jatet ba i Reyet judíojob? che'en. Jesús tsi' jac'be: Joñon cu, che'en.

⁴ Pilato tsi' sube jini ñuc bΛ motomaj yic'ot jini winicob: Joñon mi cal ma'anic i mul jini winic, che'en.

⁵ Ñumen tsats tsi' yalΛyob: Woli' ñijcan winicob x'ixicob ti cabΛ t'an. Mi' cha'len cantesa ti pejtelel Judea c'ΛlΛ ti Galilea c'ΛlΛ ilayi, che'ob.

Jesús ti' tojlel Herodes

⁶ Che' bΛ tsi' yubi Pilato woli' tajibob ti t'an Galilea tsi' c'ajtibeyob mi ya' ch'oyol Jesús ti Galilea.

7 Che' b_Λ tsi' ña'ta isujm ya' ch'oyol Jesús ba' woli ti yum_Λtel Herodes, Pilato tsi' choco majlel ba'an Herodes. Ya'an Herodes ja'el ti Jerusalén ti jim b_Λ ora.

8 Wen tijicña Herodes che' b_Λ tsi' q'uele Jesús, come anix ora yom i q'uel come tsa'ix i yubi t'an cha'an Jesús. Yom i q'uel i yejtal i p'_Λtlal Jesús.

9 An cab_Λl chuqui tsi' c'ajtibe Jesús jini Herodes. Ma'anic chuqui tsi' jac'_Λ Jesús.

10 Ya' wa'alob ñuc b_Λ motomajob yic'ot sts'ijbajob. Ti wersa tsi' jop'beyob i mul Jesús.

11 Herodes yic'ot i soldadojob tsi' p'ajayob. Tsi' wajleyob. Tsi' l_Λp_Λbeyob wen i t'ojol b_Λ i pislel. Herodes tsi' cha' choco majlel ba'an Pilato.

12 Ti jini jach b_Λ q'uin Pilato yic'ot Herodes tsa' caji i cha' uts'esañob i b_Λ, come ti yamb_Λ ora ts'a' woli' q'uelob i b_Λ.

Jesús o Barrabás

(Mt. 27.15-26; Mr. 15.6-15; Jn. 18.38-40)

13 Pilato tsi' tempa tilel jini ñuc b_Λ motomajob yic'ot jini yum_Λlob yic'ot winicob x'ixicob.

14 Tsi' subeyob: Tsa'ix la' p_Λy_Λ tilel ili winic ba' añon, come mi la' w_Λl woli' soc winicob x'ixicob. Awilan, joñon tsa'ix j c'ajtibe ti' la' tojlel chuqui tac tsi' mele. Tsac ña'ta ma'anic mi junchajpic i mul woli b_Λ la' w_Λl ti' contra ili winic.

15 Che' ja'el Herodes, come tsa'ix i cha' choco tilel ili winic. Awilan, ma'anic chuqui tsi' mele ili winic cha'an mi' y_Λjq'uel ti ch_Λmel.

16 Jini cha'an che' mic jats' ti asiyal mi caj j col, che'en Pilato.

17 Come wersa mi' y_Λc' ti coel juntiquil xñujp'el ti jujunyajl che' mi' melob q'uin.

18 Pejtelel jini winicob x'ixicob junlajal tsi' y_Λl_Λyob ti c'am b_Λ t'an: La' ch_Λmic ili winic. Ac'_Λ ti coel Barrabás, che'ob.

19 (Jini Barrabás jiñ_Λch tsa' b_Λ ñujp'i ti cárcel, come tsi' ñijca i pi'_Λlob ti' contra gobierno. Tsi' cha'le ts_Λnsa ja'el.)

20 Pilato tsi' cha' pejcayob come yom i col Jesús.

21 Jini winicob tsi' cha' cha'leyob c'am b_Λ t'an: Ch'iji ti cruz, ch'iji ti cruz, che'ob.

22 Ti' yuxyajlel Pilato tsi' c'ajtibeyob: ¿Chucoc? ¿Chuqui ti jontolil tsi' cha'le ili winic? Tsaj q'uele ma'anic i mul cha'an mi' y_Λjq'uel ti ch_Λmel. Mi caj c jats' ti asiyal. Mi caj c_Λc' ti coel, che'en Pilato.

23 Tsi' wersa c'ajtibeyob ti c'am b_Λ t'an cha'an mi' ch'ijtal ti cruz. Tsa' m_Λlijyob i cha'an winicob yic'ot ñuc b_Λ motomajob.

24 Pilato tsi' y_Λc'_Λ i t'an cha'an mi' yujtel bajche' tsi' c'ajtiyob winicob.

25 Tsi' y_Λc'_Λ ti coel jini c'ajtibil b_Λ i cha'añob, tsa' b_Λ ñujp'i ti cárcel cha'an tsi' ñijca winicob ti' contra gobierno. Tsi' cha'le ts_Λnsa ja'el. Pilato tsi' y_Λc'_Λ Jesús ti' c'_Λb winicob cha'an mi' melbeñob bajche' yomob.

Tsa' ch'ijle ti cruz Jesús

(Mt. 27.32-44; Mr. 15.21-32; Jn. 19.16-27)

26 Che' b_Λ tsi' p_Λy_Λyob majlel tsi' chucuyob winic i c'aba' Simón ch'oyol b_Λ ti Cirene. Loq'uem ti xchumtal woli' tilel ti tejclum. Tsi' y_Λq'ueyob i q'uech majlel cruz ti' pat Jesús.

27 Cab_Λl winicob x'ixicob tsi' tsajcayob. X'ixicob woli yuc'tañob, ch'ijiyemob i pusic'al.

28 Jesús tsi' sutq'ui i b_Λ cha'an mi' q'uelob. Tsi' subeyob: X'ixicob añet b_Λ la' ti Jerusalén, mach mi la' wuc'tañon. Uc'tan la' b_Λ. Uc'tan la' walobilob ja'el.

29 Come awilan, tal jini q'uin tac che' mi caj i y_Λlob: “Tijicñayob jini to'ol wa'al jach b_Λ x'ixic yic'ot jini mach b_Λ anic tsi' c_Λntayob i yalobil yic'ot jini mach b_Λ anic tsi' tsu'sayob alal”.

30 Ti jim b_Λ ora mi caj i pejcañob wits: “Yajlen ti joñon lojon”, che'ob. Mi caj i subeñob bujtal: “Mujlañon lojon”, che'ob.

31 Mi che'_Λch mi la' tic'lañon che' ma'anic c mul, ñumen mi caj la' tic'_Λntel, che'en Jesús.

32 Tsi' p_Λy_Λyob majlel ja'el cha'tiquil xjontolilob yic'ot Jesús cha'an mi' ts_Λnsañob.

33 Che' b_Λ tsa' c'otiyob ti jini bujtal i c'aba' I B_Λquel Jol_Λl, ya' tsi' ch'ijiyob ti cruz Jesús yic'ot jini xjontolilob, juntiquil ti' ñoj, yamb_Λ ti' ts'ej.

34 Jesús tsi' y_Λl_Λ: C Tat ñusabeñob i mul come mach yujilobic chuqui woli'

cha'leñob, che'en. Tsi' pucbeyob i b_Λ i pislel Jesús che' b_Λ tsi' cha'leyob yajcaya ti alas.

³⁵ Jini winicob x'ixicob woli' q'uelob. Jini yum_Λlob tsi' wajleyob Jesús. Tsi' y_Λlayob: Tsi' colta yaño' b_Λ. La' i coltan i b_Λ mi jiñach Cristo, jini Yajc_Λbil b_Λ i cha'an Dios, che'ob.

³⁶ Jini soldadojob ja'el tsi' wajleyob. Tsa' tili i y_Λq'ueñob vinagre che' tiquin i ti'.

³⁷ Jini soldadojob tsi' y_Λlayob: Mi i Reyet judíojob coltan a b_Λ, che'ob.

³⁸ An ti' chañelal i jol Jesús ili t'an ts'ijbubil b_Λ: JIÑACH I REY JUDIOJOB.

³⁹ Juntiquil xjontolil tsa' b_Λ ch'ijle ti cruz yic'ot Jesús tsi' wajle. Tsi' y_Λla: Mi Cristojet, coltan a b_Λ. Coltañon lojon ja'el, che'en.

⁴⁰ Jini yamb_Λ xjontolil tsi' tiq'ui. Tsi' y_Λla: ¿Mach ba anic ma' b_Λc'ñan Dios? Come junlajal woli lac ch_Λmel ti cruz.

⁴¹ Ti isujm che'ach yom mi lac ch_Λmel cha'an jontol lac melbal. Pero ili winic ma'anic chuqui jontol tsi' cha'le, che'en.

⁴² Jini winic tsi' sube Jesús: C Yum ña'tañon che' ma' tilel ti a yum_Λtel, che'en.

⁴³ Jesús tsi' sube: Ti isujm mic subeñet: W_Λle mux caj a wochel quic'ot ti paraíso, che'en.

Tsa' ch_Λmi Jesús

(Mt. 27.45-56; Mr. 15.33-41; Jn. 19.28-30)

⁴⁴ Che' ti xinq'uiñil tsa' ic'a pejtelel pañimil c'Λ_Λl ti och'ajel q'uin.

⁴⁵ Come tsa' wen m_Λjqui q'uin. Jini pisil joc'ol b_Λ ti Templo tsa' tsijli ti ojli.

⁴⁶ Jesús wen c'am tsi' cha'le t'an. Tsi' y_Λla: C Tat, mi c_Λq'ueñet c ch'ujlel ti a c'Λ_b, che'en. Che' ujtemix i y_Λl, tsa' ch_Λmi.

⁴⁷ Che' b_Λ tsi' q'uele chuqui tsa' ujti i yaj capitán jo'c'al soldadojob, tsi' subu i ñucler Dios. Tsi' y_Λla: Isujm toj_Λch ili winic, che'en.

⁴⁸ Che' b_Λ tsi' q'ueleyob pejtelel winicob x'ixicob ya' b_Λ temp_Λbilob, ch'ijiyemob i pusic'al cha'an chuqui tsa' ujti. Tsa' sujtiyob.

⁴⁹ Pejtelel i c_Λñ_Λy_o' b_Λ Jesús yic'ot x'ixicob tsa' b_Λ i tsajcayob tilel c'Λ_Λl che' b_Λ tsa' loq'uiyob ti Galilea, ñajt wa'alob woli' q'uelob.

Tsi' yotsayob ti mucoñibal

(Mt. 27.57-61; Mr. 15.42-47; Jn. 19.38-42)

⁵⁰ Ya'an José ch'oyol b_Λ ti colem tejclum ti Judea i c'aba' Arimatea. An ñuc b_Λ i ye'tel ti' tojlel i pi'Λ_{lob}. Weñach jini winic. Toj i pusic'al.

⁵¹ Woli' pijtan i yum_Λtel Dios. Ma'anic tsi' teme i t'an yic'ot jini año' b_Λ i ye'tel tsa' b_Λ i contrajiyob Jesús.

⁵² Tsa' majli José ba'an Pilato. Tsi' c'ajtibe i b_Λc'tal Jesús.

⁵³ Tsi' ju's_Λbe i b_Λc'tal ti cruz. Tsi' b_Λc'Λ ti wen b_Λ i b_Λj_q'uil. Tsi' ñolchoco ti' yotlel ch'ujlel_Λ, tocbil b_Λ i mal xajlel ba' maxto ac'bilic ch'ujlel_Λ.

⁵⁴ Tsa' ujti i mucob ti' q'uiñilel chajpaya che' yomix cajel i q'uiñilel caj o.

⁵⁵ Jini x'ixicob ja'el tsa' b_Λ i tsajcayob majlel Jesús c'Λ_Λl che' b_Λ tsa' loq'ui ti Galilea tsi' q'ueleyob bajche' tsa' ñolchoconti i b_Λc'tal Jesús ti' yotlel ch'ujlel_Λ.

⁵⁶ Tsa' sujtiyob. Tsi' chajpayob xojocña b_Λ perfume yic'ot c'o'ol b_Λ ts'ac. Tsi' c'ajayob i yo ti' q'uiñilel c'aj o che' bajche' mi y_Λl mandar.

24

Tsa' cha' ch'ojyi Jesús

(Mt. 28.1-10; Mr. 16.1-8; Jn. 20.1-10)

¹ Ti ñaxan b_Λ q'uin ti semana che' woli' s_Λc'an, tsa majliyob x'ixicob ti mucoñibal. Tsi' ch'Λ_Λyob majlel xojocña b_Λ perfume tsa' b_Λ i chajpayob.

² Che' b_Λ tsa' c'otiyob, selc'ublix loq'uel jini xajlel ti' ti' i yotlel ch'ujlel_Λ.

³ Tsa' ochiyob ti mal. Ma'anic tsi' tajbeyob i b_Λc'tal lac Yum Jesús.

⁴ Tsa' caji i melob i pusic'al cha'an ma'anic tsiquil. Awilan ya' ti' t'ejl tsa' wa'leyob cha'tiquil winicob ts'Λ_ylaw b_Λ i pislel.

⁵ Jini x'ixicob tsi' ju'sayob i wut ti lum cha'an b_Λq'uen. Jini winicob tsi' subeyob: ¿Chucoch mi la' sajcan jini cuxul b_Λ ba'an chameño' b_Λ?

⁶ Mach w_Λ'ix an. Tsa'ix ch'ojyi. Ña'tanla chuqui tsi' subeyetla Jesús che' ya'to an ti Galilea:

⁷ “Wersa mi' y_Λj_q'uel i Yalobil Winic ti' c'Λ_b jontol b_Λ winicob. Wersa mi' ch'ijtal ti cruz. Wersa mi' cha' ch'ojyel ti' yuxp'ejlel q'uin”, che'ob.

8 Tsa' cha' c'ajtiyi i cha'añob i t'an Jesús.

9 Tsi' cʌyʌyob mucuñibʌl. Tsa' majli i laj subeñob jini junlujuntiquil yic'ot pejteli i pi'ʌlob.

10 Jiñobʌch María, ch'oyol bʌ ti Magdala, yic'ot Juana, yic'ot María i ña' Jacobo, yic'ot yambʌ x'ixicob tsa' bʌ i subeyob jini apóstolob chuqui tsa' ujtí.

11 Jini junlujuntiquil tonto jax tsi' yubibeyob i t'an. Ma'anic tsi' ñopbeyob.

12 Tsa' wa'le Pedro. Ajñel tsa' majli ti mucuñibʌl. Che' bʌ tsi' q'uele i mal, cojach tsi' q'uelbe i bajq'uil Jesús. Tsa' cha' majli ti yotot. Tsa' toj sajti i pusic'al cha'an jini tsa' bʌ ujtí.

*Ti' bijlel Emaús
(Mr. 16.12-13)*

13 Awilan, ti jini jach bʌ q'uin woli' majlelob cha'tiquil xʌnt'añob ti jump'ejl tejclum i c'aba' Emaús, che' bajche' uxp'ejl legua i ñajteli ti Jerusalén.

14 Che' woli' majlelob tsi' pejcayob i bʌ cha'an pejtelel chuqui tac tsa' ujtí.

15 Che' woliyob ti t'an, che' woli' pejcañob i bʌ, Jesús tsi' ʌc'tesa i bʌ. Tsi' pi'leyob majlel.

16 Ma'anic tsa' aq'uentiyob i cañob Jesús che' bʌ tsi' q'ueleyob.

17 Jesús tsi' c'ajtibeyob: ¿Chuqui ti t'an woli' la' wʌl che' woliyetla ti xʌmbal majlel? ¿Chucoch ch'ijiyemetla? che'en.

18 Juntiquil i c'aba' Cleofas tsi' c'ajtibe: ¿Xjula'et jach ba ti Jerusalén? ¿Mach ba anic tsa' wubi chuqui tsa' ujtí ya'i ti jini q'uin tac? che'en.

19 Jesús tsi' yʌʌ: ¿Chuqui jini tsa' bʌ ujtí? che'en. Jini xʌnt'añob tsi' subeyob: ¿Mach ba anic tsa' wubi bajche' tsa' ujtí Jesús ch'oyol bʌ ti Nazaret? X'alt'añach jini Jesús. Tsi' pʌsʌ i p'ʌtʌlel ti wen bʌ i melbal yic'ot ti t'an ti' wut Dios yic'ot ti' wut pejtelel winicob x'ixicob.

20 ¿Mach ba anic tsa' wubi? Jini ñuc bʌ motomajob yic'ot jini yumʌlob lac cha'an tsi' yʌc'ʌyob ti' c'ʌb yaño' bʌ cha'an mi' yʌjq'uel ti chamel. Tsi' ch'ijiyob ti cruz.

21 Tsa' cʌʌ lojon jiñach mu' bʌ caj i coltan israelob. Mach cojic jach, pero wʌle i yuxp'ejlelix q'uin.

22 An x'ixic bʌ c pi'ʌlob lojon tsa' bʌ i yʌc'ʌ ti toj sajtel c pusic'al lojon. Ti sʌc'ajel tsa' majliyob ti mucuñibʌl.

23 Ma'anic tsi' tajbeyob i bʌc'tal Jesús. Tsa' cha' tili i subeñon lojon tsi' q'ueleyob ángelob tsa' bʌ i yʌʌyob cuxul Jesús.

24 Cha'tiquil uxtiquil c pi'ʌlob lojon tsa' majliyob ti mucuñibʌl. Che'ʌch tsi' tajayob bajche' tsi' yʌʌyob x'ixicob. Pero ma'anic tsi' q'ueleyob Jesús, che'ob.

25 Jesús tsi' subeyob: Tontojetla, jal mi la' ñop ti la' pusic'al pejtelel chuqui tsi' yʌʌyob x'alt'añob.

26 ¿Mach ba wersajic tsi' ñaxan ubi ili wocol jini Cristo cha'an mi yochel ti' ñuclé? che'en.

27 Jesús tsa' caji i subeñob i sujmllel pejtelel i Ts'ijbujel Dios ba' tsa' tajle ti t'an c'ʌʌʌ ti' jun Moisés c'ʌʌʌ ti' jun pejtelel x'alt'añob.

28 Tsa' c'otiyob ti aʌ tejclum ba' woli' majlelob. Che' bajche' yom to i xʌn majlel tsi' mele Jesús.

29 Pero tsi' wersa subeyob cʌytʌ. Tsi' yʌʌyob: Cʌlejen quic'ot lojon come yomix ic'an. Wolix i bʌjlel q'uin, che'ob. Tsa' ochi ti jijlel yic'otob.

30 Che' bʌ buchul yic'otob ti' t'ejl mesa Jesús tsi' ch'ʌmʌ waj. Tsi' sube wocolix i yʌʌ Dios. Tsi' xut'u jini waj. Tsi' yʌq'ueyob.

31 Ti ora tsa' aq'uentiyob i wen cʌn Jesús. Pero Jesús tsi' bʌc' sʌtʌ i bʌ ti' wutob.

32 Tsi' subeyob i bʌ: ¿Mach ba uts'atic jax lac pusic'al tsa' la cubi che' bʌ tsi' pejcayonla Jesús ti bij, che' bʌ tsi' subeyonla i sujmllel i Ts'ijbujel Dios? che'ob.

33 Tsa' ch'ojyiyob ti jini jach bʌ ora. Tsa' cha' majliyob ti Jerusalén ba' tsi' tajayob jini junlujuntiquil tsa' bʌ i tempayob i bʌ yic'ot yaño' bʌ.

34 Tsi' yʌʌyob: Isujmach tsa'ix cha' ch'ojyi lac Yum. Tsa'ix i pʌsʌ i bʌ ba'an Simón, che'ob.

35 Jini cha'tiquil tsi' subeyob chuqui tsa' ujtí ti bij. Tsa' caji i yʌlob bajche' tsi' cañayob Jesús che' bʌ tsi' xut'u waj.

*Jesús tsa' wa'le ti yojlil jini junlujuntiquil
(Mt. 28.16-20; Mr. 16.14-18; Jn. 20.19-23;
Hch. 1.6-8)*

³⁶ Che' woliyob ti t'an cha'an chuqui tsa' ujti, tsa' wa'le Jesús ti ojilil ba' añob. Tsi' subeyob: La' ñach'lec la' pusic'al, che'en.

³⁷ Tsa' toj sajtiyob i pusic'al xcant'añob. Tsi' cha'leyob b'q'uen. Tsi' lon ña'tayob woli' q'uelob espíritu.

³⁸ Jesús tsi' subeyob: ¿Chucoch woli la' mel la' pusic'al? ¿Chucoch woli ti t'an la' pusic'al?

³⁹ Q'uelela j c'ab yic'ot coc. Awilan, joñoñach. T'alyon. Q'ueleyon. Come ma'anic i b'ac'tal ma'anic i b'ac'quel espíritu che' bajche' woli la' q'uelon, che'en Jesús.

⁴⁰ Che' b' tsa' ujti i sub jini t'an, tsi' p'asbeyob i c'ab i yoc.

⁴¹ Maxto anic tsa' mejli i ñopob mi isujm cha'an i tijicñayel i pusic'al. Tsi' c'ajtibeyob i b' bajche' isujm. Jesús tsi' c'ajtibeyob: ¿Am ba chuqui mi laj c'ux? che'en.

⁴² Jini xcant'añob tsi' y'ac'ueyob ts'ita' p'opobil b' ch'ay yic'ot chab.

⁴³ Jesús tsi' ch'amal. Tsi' c'uxu ti' tojel i wut.

⁴⁴ Jesús tsi' subeyob: Jiñach tsa' b' c subeyetla che' añon to quic'otetla cha'an wersa mi' yujtel pejtelel chuqui tac ts'ijbubil cha'añon ti' mandar Moisés yic'ot ti' jun x'alt'añob yic'ot ti' Salmos, che'en.

⁴⁵ Che' jini tsi' y'ac'ueyob i ña'tabal cha'an mi' ch'ambeñob isujm i Ts'ijbujel Dios.

⁴⁶ Tsi' subeyob: Wersa mi' yubin wocol jini Cristo. Wersa mi' cha' ch'ojyel ba'an ch'ameño' b' ti yuxp'ejlel q'uin che' bajche' ts'ijbubil.

⁴⁷ Wersa mi' subentelob winicob x'ixicob ti pejtelel lum cha'an mi' c'ayob i mul ti' c'aba' Cristo cha'an mi' ñusabentelob i mul. Ya' ti Jerusalén mi' caj i tejchel ti' sujbel jini t'an.

⁴⁸ Jatetla mi' caj la' sub chuqui tac tsa' la' q'uele.

⁴⁹ Awilan, mi' caj c' chocbeñetla tilel chuqui subebiletla i cha'an c' Tat mu' b' caj i y'ac'ueñetla. Jalijenla w' ti Jerusalén jinto mi' la' w'ac'uentel la' p'at'lel ch'oyol b' ti chan, che'en.

*Tsa' p'ajyi letsel ti panchan Jesús
(Mr. 16.19-20)*

⁵⁰ Jesús tsi' p'ayayob majlel c'alal ti Betania. Tsi' letsa i c'ab. Tsi' y'ac'ueyob i yutslal i t'an.

⁵¹ Che' b' tsa' ujti i y'ac'ueñob i yutslal i t'an tsi' c'ayayob. Tsa' p'ajyi letsel ti panchan.

⁵² Jini xcant'añob tsi' ch'ujutesayob. Tsa' cha' majliyob ti Jerusalén, wen tijicñayob i pusic'al.

⁵³ Tsa' ch'an majliyob ti Templo. Tsi' subuyob i ñuelal Dios. Tsi' y'ac'ayob uts'at Dios.

JUAN

Jini T'an tsi' ch'amΛ i bac'tal

¹ Ti' cajibal pañimil an jini T'an. Añach jini T'an yic'ot Dios. Jini T'an Diosach.

² An yic'ot Dios ti' cajibal pañimil.

³ Jini T'an tsi' mele pejtelel chuqui tac an. Ma'anic chuqui mach melbilic i cha'an.

⁴ An i p'atΛlel cha'an mi' yΛq'ueñob winicob x'ixicob i cuxtΛlel. I cuxtΛlel mi' yΛq'ueñob i yajñel ti' saclel pañimil.

⁵ I saclel pañimil mi' pas i bΛ ti ic'ch'ipan bΛ pañimil. Jini ic'ch'ipan bΛ pañimil ma'anic tsi' yapbe i saclel.

⁶ An winic chocbil bΛ tilel i cha'an Dios. I c'aba' Juan.

⁷ Tsa' tili Juan i sub chuqui isujm. Tsa' tili i yΛc' ti cΛjñel i saclel pañimil cha'an mi' ñopob pejtelel winicob x'ixicob cha'an ti' t'an.

⁸ Mach jinic i saclel pañimil Juan. Tsa' jach chojqui tilel cha'an mi' yΛc' ti cΛjñel i saclel pañimil.

⁹ I saclel pañimil jiñach Cristo ti isujm. Tsa' tili ti pañimil i yΛq'ueñob i saclel pañimil pejtelel winicob x'ixicob.

¹⁰ Cristo tsa' ajni ti pañimil. Jini pañimil i melbalach. Jini año' bΛ ti pañimil ma'anic tsi' cΛñayob.

¹¹ Tsa' tili ti' tejclum. I pi'Λlob ma'anic tsi' ñopoyob.

¹² Pejtelel tsa' bΛ i ñopoyob tsa' aq'uentiyob i p'atΛlel ti Cristo ti jujuntiquil cha'an mi' yochelob ti' yalobilob Dios. Jiñobach tsa' bΛ i ñopbeyob i c'aba' Cristo.

¹³ Tsi' cha' ilayob pañimil, come che' yom Dios. Ma'anic tsi' cha' ilayob pañimil cha'an ti' tat i ña', mi cha'an yomob i tat i ña', mi cha'an che'ach yomob ti' bajñel pusic'al.

¹⁴ Jini T'an tsi' ch'amΛ i bac'tal. Tsa' chumle la quic'ot, but'ul ti' yutsllel i pusic'al yic'ot i sujmllel. Tsaj q'uele lojon i ñuclel tilem bΛ ti' Tat. Jiñach i ñuclel cojach bΛ i Yalobil Dios.

¹⁵ Juan tsa' tili i yΛc' ti cΛjñel Cristo. C'am tsi' cha'le t'an. Tsi' yΛΛ: Jiñach mu' bΛ i tilel tic pat che bajche' tsac subeyetla. Ñumen ñuc bajche' joñon come an ti ñaxan, che'en.

¹⁶ Ti pejtelonla an chuqui tsa' aq'uentiyonla ti' bujt'emal Cristo. Jiñach i yutsllel mu' bΛ i p'ojlesΛbeñonla.

¹⁷ Come tsa' c'oti jini mandar ti' tojlel Moisés. Pero ti' caj Jesucristo tsa' tili i yutsllel i pusic'al Dios yic'ot i sujmllel.

¹⁸ Ma'anic majqui tsi' q'uele Dios ti pejtelel ora, jini jach cojach bΛ i Yalobil am bΛ ti' t'ejl i Tat. Jini tsi' yΛc'Λ ti cΛjñel i Tat.

I subal Juan tsa' bΛ i yΛc'Λ ch'amja' (Mt. 3.11-12; Mr. 1.1-8; Lc. 3.1-18)

¹⁹ Jiñach i t'an Juan tsa' bΛ i subu ti isujm che' bΛ tsa' tiliyob motomajob yic'ot levíjob ba'an. Jini motomajob yic'ot levíjob tsa' chojquiyob majlel cha'an judíojob ya' ti Jerusalén. Tsi' c'ajtibeyob: ¿Majquiyet? che'ob.

²⁰ Juan tsi' subu i bΛ. Ma'anic tsi' mucu i sujmllel. Tsi' subeyob ti isujm: Mach Cristojonc, che'en.

²¹ Tsi' c'ajtibeyob: ¿Majquiyet, che' jini? ¿Jatet ba Elías? che'ob. Juan tsi' yΛΛ: Mach joñonic, che'en. ¿Jatet ba jini x'alt'an? che'ob. Juan tsi' subeyob: Ma'anic.

²² Tsi' c'ajtibeyob: Subu a bΛ: ¿Majquiyet, che' jini? cha'an mi mejlel c suben lojon jini tsa' bΛ i chocoyoñob tilel, che'ob.

²³ Juan tsi' yΛΛ: Joñonach mu' bΛ c cha'len c'am bΛ t'an ti jochol bΛ lum. "P'atΛla majlel i bijlel lac Yum", cho'on, che' bajche' tsi' yΛΛ jini x'alt'an Isaías, che'en.

²⁴ Jini winicob tsa' chojquiyob tilel cha'an fariseojob.

²⁵ Tsi' c'ajtibeyob: ¿Chucoch ma' wΛc' ch'amja' che' jini, mi mach Cristojetic, mi mach Elíasetic, mi mach x'alt'añetic? che'ob.

²⁶ Juan tsi' jac'beyob: Joñon mi cΛc' ch'amja' ti ja'. An juntiquil wa'al bΛ ba' añetla mach bΛ anic mi la' cΛn.

²⁷ Jiñach am bΛ ti ñaxan mu' bΛ i tilel tic pat. Mach yoque ñuconic cha'an mic tichen i ch'ajñal i xΛñΛb, che'en.

²⁸ Tsa' ujti iliyi ti Betania ti junwejl Jordán ja' ya' ba' tsi' yΛc'Λ ch'amja' Juan.

I Tiñame' Dios

²⁹ Ti yijc'Λlal Juan tsi' q'uele wolix i tilel Jesús. Tsi' yΛΛ: Awilan, jiñach i Tiñame Dios mu' bΛ i ch'Λm majlel i mul pejtelpañimil.

³⁰ Jiñach tsa' b_Λ c ña'ta che' b_Λ tsac subu: "Tal tic pat juntiquil winic ñumen ñuc b_Λ bajche' joñon come an ti ñaxan", cho'on.

³¹ Joñon ma'anic tsaj c_Λñ_Λ. Tsa' tili c_Λc' ch'Λmja' cha'an mi c_Λq'ueñob i c_Λn jini winic jini israelob, che'en.

³² Juan tsi' subu ti isujm chuqui tsi' q'uele. Tsi' y_ΛΛ: Tsaj q'uele che' b_Λ tsa' jubi tilel Espiritu che' bajche' x'ujcuts loq'uem b_Λ ti panchan. Tsa' c_Λle yic'ot.

³³ Joñon ma'anic tsaj c_Λñ_Λ, che'en Juan. Jini tsa' b_Λ i chocoyon tilel cha'an mi c_Λc' ch'Λmja' tsi' subeyon: "Mi caj a c_Λn che' ma' q'uel Espiritu che' mi' jubel tilel ti' jol. Jini mu' b_Λ i c_Λy_Λl Espiritu ti' jol jiñach mu' b_Λ i y_Λq'ueñetla la' ch'Λm Ch'ujul b_Λ Espiritu", che'en.

³⁴ Joñon tsaj q'uele. Tsac subu che' bajche' tsaj q'uele. Jiñach i Yalobil Dios. Che' tsi' y_ΛΛ Juan.

Ñaxan b_Λ xcant'añob

³⁵ Ti yijc'Λlal cha' ya'an Juan yic'ot cha'tiquil xcant'añob i cha'an.

³⁶ Juan tsi' q'uele Jesús woli b_Λ ti x_Λmbal ñumel ti l_Λc'Λl. Tsi' y_ΛΛ: Q'uelela i Tiñame' Dios, che'en.

³⁷ Jini cha'tiquil xcant'añob tsi' yubibeyob i t'an Juan. Tsi' tsajcayob majlel Jesús.

³⁸ Jesús tsi' sutq'ui i b_Λ. Tsi' q'uele woli' tsajcañob majlel. Tsi' subeyob: ¿Chuqui woli la' sajcan? che'en. Tsi' subeyob: Rabí, ¿baqui jijlemet? che'ob. (Rabí mi' y_Λl ti lac t'an, Maestro.)

³⁹ Jesús tsi' subeyob: La' q'uelela, che'en. Tsa' tiliyob. Tsi' q'ueleyob baqui jijlem. Tsa' ajniyob yic'ot ti jini q'uin, come och'ajelix q'uin.

⁴⁰ Juntiquil tsa' b_Λ i yubibe i t'an Juan, i c'aba' Andrés, tsi' tsajca majlel Jesús. Andrés jiñach i yijts'in Simón Pedro.

⁴¹ Andrés tsi' ñaxan taja i y_Λscun i c'aba' Simón. Tsi' sube: Tsac taja lojon jini Mesías, che'en. (Mi' y_Λl ti lac t'an, jini Cristo, jini Yajc_Λbil b_Λ.)

⁴² Andrés tsi' p_Λy_Λ tilel Simón ba'an Jesús. Che' b_Λ tsi' q'uele Jesús, tsi' sube: Jatet, Simón, i yalobilet Juan. Mi caj a wots_Λbentel a c'aba' ti Cefas, che'en. (Mi' y_Λl ti lac t'an, xajlel.)

Jesús tsi' p_Λy_Λ Felipe yic'ot Natanael

⁴³ Ti yijc'Λlal Jesús yom majlel ti Galilea. Tsi' taja Felipe. Tsi' sube: Tsajcañon, che'en.

⁴⁴ Ya' ch'oyol Felipe ti Betsaida ti jini tejclum ba' ch'oyolob Andrés yic'ot Pedro.

⁴⁵ Felipe tsi' taja Natanael. Tsi' sube: Tsa'ix c taja lojon jini Cristo, ña't_Λbil b_Λ ti jini mandar tsa' b_Λ i ts'ijba Moisés, yic'ot ti' ts'ijbujel jini x'alt'añob. Jiñach Jesús ch'oyol b_Λ ti Nazaret, i yalobil José, che'en.

⁴⁶ Natanael tsi' sube: ¿Am ba chuqui wen ch'oyol b_Λ ti Nazaret? che'en. Felipe tsi' sube: La' q'uele, che'en.

⁴⁷ Jesús tsi' q'uele Natanael che' wolix i tilel ba'an. Tsi' subu: Awilan, isujm jiñach juntiquil israel mach b_Λ yujilic lot, che'en Jesús.

⁴⁸ Natanael tsi' sube: ¿Bajche' ma' c_Λñon? che'en. Jesús tsi' jac'be: Tsaj q'ueleyet che' maxto anic tsi' p_Λy_Λyet Felipe, che' ya'to añet ti yebal higuera te', che'en.

⁴⁹ Natanael tsi' jac'be: Maestro, i Yalobilet Dios, i Reyet Israel, che'en.

⁵⁰ Jesús tsi' jac'be: Woli a ñopon come tsac subeyet tsaj q'ueleyet ti yebal higuera te'. Mu' to caj a q'uel ñumen ñuc tac b_Λ bajche' jini, che'en.

⁵¹ Jesús tsi' sube Natanael: Isujm, isujm mic subeñetla, mi caj la' q'uel che' jajmenix panchan. Mi caj la' q'uel i yánelob Dios che' mi' letselob che' mi' jubelob ti' tojlel i Yalobil Winic.

2

Ñujpuñijel ya' ti Caná

¹ Ti yuxp'ejlel q'uin woli' melob q'uiñijel cha'an ñujpuñijel ya' ti Caná ti Galilea. Ya'an i ña' Jesús.

² Tsa' p_Λjyi majlel Jesús ja'el yic'ot xcant'añob i cha'an ba' woli' melob q'uiñijel.

³ Che' b_Λ tsa' jili jini vino, i ña' Jesús tsi' sube i yalobil: Ma'anix i cha'añob vino, che'en.

⁴ Jesús tsi' sube: X'ixic, ¿chuqui i ye'tel ma' tilel ba' añon? Max to i yorajlelic que'tel, che'en.

⁵ I ña' tsi' sube xñusa vinojob: Laj melela chuqui mi' subeñetla, che'en.

⁶ Ya'an w_Λcp'ejl colem b_Λ i yajñib ja' melbil b_Λ ti xajlel, come i tilel_Λch judíojob mi'

c'añob ti pocoñel. Mi' yochel i bΛ cha'p'ejl uxp'ejl uc'um ti jujump'ejl.

⁷ Jesús tsi' subeyob: Laj but'ula ti ja' jini wΛcp'ejl i yajñib ja', che'en. Tsi' but'uyob jinto che' laj pampaña tsa' cΛle.

⁸ Tsi' subeyob: Luchuxla wΛle. Ch'ΛmΛla majlel ba'an xcΛntaya q'uin, che'en. Tsi' ch'ΛmΛyob majlel.

⁹ Jini xcΛntaya q'uin tsi' mits'ti'a jini ja' tsa' bΛ pΛntΛyi ti vino. Mach yujilic baqui ch'oyol. Jini jach xñusa vinojob yujilob, come tsi' luchuyob ja'. Jini xcΛntaya q'uin tsi' pΛyΛ tilel jini winic woli bΛ ti ñujpuñijel.

¹⁰ Tsi' sube: I tilel mi' yΛc'ob wen bΛ vino ti ñaxan. Ti wi'il che' ñajobix xq'uiñijelob, mi' yΛq'ueñob jini mach bΛ yoque sumuquic. Pero jatet mach che'iqui tsa' cha'le. Tsa' loto jini wem bΛ. Wola' wΛc' ti wi'il, che'en.

¹¹ Jesús tsi' mele jini ñaxan bΛ i yejtal i p'Λtlal ya' ti Caná ti Galilea. Tsi' pΛsΛ i ñuclel. Jini xcΛnt'añob i cha'an tsi' ñopoyob Jesús.

¹² Tsa' jubi tilel ti Capernaum Jesús yic'ot i ña' yic'ot i yijts'iñob yic'ot xcΛnt'añob i cha'an. Ya' tsa' jijliyob cha'p'ejl uxp'ejl q'uin.

Jesús tsi' chocoyob loq'uel ti Templo

(Mt. 21.12-13; Mr. 11.15-18; Lc. 19.45-46)

¹³ LΛc'Λlix i q'uiñilel Pascua mu' bΛ i melob judíojob. Jesús tsa' letsi majlel ti Jerusalén.

¹⁴ Tsi' taja xq'uex taq'uiñob yic'ot xchoñoñelob buchulob ya' ti Templo. Woli' choñob tat wacax yic'ot tiñame' yic'ot x'ujcuts.

¹⁵ Che' bΛ tsa' ujti i pΛculan lazo cha'an asiyal, Jesús tsi' chocoyob loq'uel ti Templo ti pejtelelob yic'ot tiñame' yic'ot tat wacax. Tsi' wejch'ubeyob i taq'uin xq'uex taq'uiñob. Tsi' ch'a' chocobeyob i mesa tac.

¹⁶ Jesús tsi' sube jini woli bΛ i choñob x'ujcuts: Ch'ΛmΛla majlel. Mach mi la' sutq'uin ti choñoñibal i yotot c Tat, che'en.

¹⁷ Jini xcΛnt'añob i cha'an tsi' cha' ña'tayob jini ts'ijbubil bΛ mu' bΛ i yΛ: "Mi caj c jisΛntel cha'an c bΛxlel ti a a wotot". Che'Λch ts'ijbubil.

¹⁸ Jini judíojob tsi' c'ajtibeyob: ¿Chuqui i yejtal a p'Λtlal mu' bΛ caj a pΛsbeñon lojon cha'an jini e'tel woli bΛ a mel? che'ob.

¹⁹ Jesús tsi' jac'beyob: Jemela jini templo. Ti uxp'ejl q'uin mi caj c cha' wa'chocon, che'en.

²⁰ Jini judíojob tsi' yΛΛyob: Ti wΛcp'ejl i yuxc'al (46) jab tsa' mejli jini Templo. ¿Mu' ba caj a cha' wa'chocon ti uxp'ejl q'uin? che'ob.

²¹ Jesús tsi' laji i bΛc'tal che' bajche' Templo.

²² Jini cha'an che' bΛ tsa' tejchi ch'ojyel Jesús ba'an chΛmeño' bΛ, jini xcΛnt'añob i cha'an tsi' ña'tayob jini t'an tsa' bΛ i yΛΛ Jesús. Tsi' ñopoyob i Ts'ijbujel Dios yic'ot i t'an Jesús tsa' bΛ i yΛΛ.

Yujil Jesús chuqui an ti' pusic'al winicob x'ixicob

²³ Che' ya'an Jesús ti Jerusalén ti' q'uiñilel Pascua, cabΛl winicob x'ixicob tsi' ñopbeyob i c'aba' che' bΛ tsi' q'ueleyob i yejtal i p'Λtlal tsa' bΛ i pΛsΛ.

²⁴ Jesús ma'anic tsi' q'uele ti ñuc winicob x'ixicob, come tsi' laj cΛmbeyob i pusic'al.

²⁵ Mach wersajic mi' subentel Jesús chuqui an ti' pusic'al winicob x'ixicob, come yujilΛch.

3

Jesús yic'ot Nicodemo

¹ An juntiquil fariseo, i c'aba' Nicodemo, i yum judíojob.

² Nicodemo tsa' tili ba'an Jesús ti ac'Λlel. Tsi' sube: Rabí, cujil lojon maestrojet, chocbilet tilel i cha'an Dios. Come ma'anic majqui mi mejlel i pΛs i yejtal i p'Λtlal che' bajche' jatet mi ma'anic Dios yic'ot, che'en.

³ Jesús tsi' jac'be Nicodemo: Isujm, isujm mic subeñet, jini mach bΛ anic mi' cha' ilan pañimil, mach mejlic i q'uel i yumΛntel Dios, che'en.

⁴ Nicodemo tsi' sube: ¿Bajche' mi mejlel i cha' ilan pañimil winic che' ñoxix? ¿Mejl ba i cha' ochel ti' ñΛc' i ña' cha'an mi' yilan pañimil? che'en.

⁵ Jesús tsi' yΛΛ: Isujm, isujm mic subeñet, jini mach bΛ anic mi' yilan pañimil yic'ot ja' yic'ot jini Espiritu mach mejlic ti ochel ti' yumΛntel Dios.

⁶ Jini mu' bΛ i yilan pañimil ti' ña', mi' yΛq'uentel i bΛc'tal. Jini mu' bΛ i yilan

pañimil ti Espíritu, mi' y^Λq'uentel i cuxt^Λlel ti' ch'ujlel.

7 Mach yomic mi' toj sajtel a pusic'al cha'an tsac subeyet: Wersa yom mi' la' cha' ilan pañimil.

8 Jini ic' mi' ñumel majlel baqui jach yom. Jatet ma' wubin ic', mach a wujilic baqui ch'oyol mi' baqui mi' majlel. Che'^Λch ja'el jini Espíritu ti jujuntiquil mu' b^Λ i cha' ilan pañimil. Che' tsi' y^ΛΛ Jesús.

9 Nicodemo tsi' c'ajtibe Jesús: ¿Bajche' mi' mejlel jini? che'en.

10 Jesús tsi' jac'^Λ: Jatet maestrojet ti Israel. ¿Mach ba anic ma' ch'^Λmben isujm?

11 Isujm, isujm mic subeñet, mic cha'len lojon t'an cha'an chuqui tac kujil lojon. Mic sub lojon ti toj chuqui tsaj q'uele lojon. Ma'anic mi' la' jac'beñon lojon c t'an.

12 Mi ma'anic mi' la' ñop che' mic subeñetla chuqui tac an ti pañimil, ¿bajche' mi' caj la' ñop che' mic subeñetla chuqui tac an ti panchan?

13 Ma'anic majch tsa' letsi ti panchan, co-jach jini tsa' b^Λ jubi tilel ti panchan, jiñ^Λch i Yalobil Winic am b^Λ ti panchan.

14 Che' bajche' Moisés tsi' joc'choco lum cum ti te' ti jochol b^Λ lum, che' ja'el mi' caj i wersa lets^Λntel i Yalobil Winic,

15 cha'an ma'anic mi' sajtel majqui jach mi' ñop. Mi' taj i cuxt^Λlel mach b^Λ anic mi' jilel.

Dios tsi' c'uxbi jini año' b^Λ ti pañimil

16 Come che' i tsi' wen c'uxbi jini año' b^Λ ti pañimil Dios. Tsi' y^Λc'^Λ cojach b^Λ i Yalobil. Majqui jach mi' ñop i Yalobil, ma'anic mi' sajtel. Mi' taj i cuxt^Λlel mach b^Λ anic mi' jilel.

17 Come Dios ma'anic tsi' choco tilel i Yalobil ti pañimil cha'an mi' yotsan ti tojmulil. Tsi' choco tilel cha'an mi' taj i colt^Λntel ti' Yalobil.

18 Jini mu' b^Λ i ñop ma'anic mi' yochel ti tojmulil. Jini mach b^Λ anic mi' ñop, ochemix ti tojmulil, come ma'anic tsi' ñopbe i c'aba' jini cojach b^Λ i Yalobil Dios.

19 Jiñ^Λch i mul winicob. Tsa' tili i s^Λc^Λlel pañimil pero winicob tsi' c'uxbiyob ic'ch'ipan b^Λ pañimil. Ma'anic tsi' c'uxbiyob i s^Λc^Λlel pañimil, come jontol i melbalob.

20 Come pejtelel mu' b^Λ i cha'leñob jontolil ts'a' mi' q'uelob i s^Λc^Λlel pañimil. Ma'anic mi' tilelob ba'an i s^Λc^Λlel pañimil ame tsic-tiyic i melbal.

21 Jini mu' b^Λ i mel chuqui isujm, mi' ñochtan i s^Λc^Λlel pañimil cha'an mi' tsic-tiyel i melbal come mi' mel ti' p'^Λt^Λlel Dios.

Jesús yic'ot Juan

22 Che' b^Λ tsa' ujti ti t'an, tsa' tili Jesús yic'ot xc^Λnt'añob i cha'an ti Judea ba' tsa' jale yic'otob. Tsi' y^Λc'^Λ ch'^Λmja'.

23 Juan ja'el woli' y^Λc' ch'^Λmja' ya' ti Enón l^Λc'^Λl ti Salim, come ya'an cab^Λl ja'. Tsa' tiliyob winicob x'ixicob i ch'^Λmob ja'.

24 Come maxto ots^Λbilic Juan ti majquib^Λ.

25 Tsa' caji i pejcañob i b^Λ judíojob yic'ot xc^Λnt'añob i cha'an Juan. Ti chajp ti chajp woliyob ti t'an cha'an bajche' yom mi' pocob i b^Λ.

26 Tsa' tiliyob ba'an Juan. Tsi' subeyob: Maestro, woli' y^Λc' ch'^Λmja' jini tsa' b^Λ tili ba' añet ti junwejl Jordán ja', jini tsa' b^Λ a w^Λc'^Λ ti c^Λjñel che' b^Λ tsa' cha'le subt'an. Pejtelel winicob x'ixicob mi' tsaj-cañob, che'ob.

27 Juan tsi' jac'^Λ: Ma'anic chuqui mi' tajob winicob, cojach mu' b^Λ i tilel ti Dios am b^Λ ti panchan.

28 Jatetla tsa'ix la' wubi c t'an. La' wujil tsac subu mach Cristojonc. Tsa' jach chojquiyon tilel ti ñaxan ti' wut Cristo jini Yajc^Λbil b^Λ.

29 Jini mu' b^Λ i p^Λy i yijñam, jiñ^Λch xñujpuñijel. Wen tijicña i pusic'al i c^Λñ^Λ b^Λ che' an ti' t'ejl jini xñujpuñijel che' mi' yubiben i t'an. Che' jini woli' ts'actiyel i tijicñ^Λyel c pusic'al ti' tojlel Cristo.

30 Wersa mi' ñuq'ues^Λntel Cristo. Wersa mic ch'o'ch'oc^Λyel, che'en Juan.

Jini ch'oyol b^Λ ti chan

31 Jini ch'oyol b^Λ ti chan i Yum^Λch pejtelel chuqui an. Jini ch'oyol b^Λ ti pañimil mu' jach i ña'tan chuqui an ti pañimil. Jini ch'oyol b^Λ ti panchan lac Yum^Λch ti lac pejtelel.

32 Mi' sub chuqui tac tsi' q'uele yic'ot chuqui tac tsi' yubi. Ma'anic majqui mi' ñopben i t'an.

³³ Jini mu' b_Λ i ñopben i t'an mi' sub isujm_Λch Dios.

³⁴ Come jini tsa' b_Λ chojq_Λuilel cha'an Dios mi' sub i t'an Dios. Ma'anic i p'isol bajche' mi' y_Λc' i yEspíritu.

³⁵ Lac Tat mi' c'uxbin i Yalobil. Tsa'ix i y_Λc'_Λ ti' wenta i Yalobil pejtelel chuqui tac an.

³⁶ Jini mu' b_Λ i ñop i Yalobil Dios, an i cha'an i cuxt_Λlel mach b_Λ anic mi' jilel. Jini mach b_Λ anic mi' ñop i Yalobil Dios mach mejlic i y_Λq'uentel i cuxt_Λlel. Mi' yajñel ti' mich'lel Dios.

4

Jesús yic'ot jini x'ixic ch'oyol b_Λ ti Samaria

¹ Lac Yum tsi' yubi chuqui tsi' y_ΛΛyob fariseojob. Tsi' y_ΛΛyob: Ñumen woli' yotsan winicob ti xcant'añob Jesús bajche' Juan. Ñumen woli' y_Λc' ch'Λmja' Jesús bajche' Juan, che'ob.

² (Anquese ma'anic tsi' y_Λc'_Λ ch'Λmja' Jesús. Jini xcant'añob i cha'an tsi' y_Λc'_Λyob ch'Λmja'.)

³ Jini cha'an Jesús tsi' c_Λy_Λ Judea. Tsa' cha' majli ti Galilea.

⁴ Ya' tsa' caji ti ñumel majlel ti Samaria.

⁵ Tsa' tili ti jump'ejl tejclum ti Samaria, i c'aba' Sicar, l_Λc'_Λl ti' lum Jacob tsa' b_Λ i y_Λq'ue i yalobil, i c'aba' José.

⁶ Ya'an pozo tsa' b_Λ i mele Jacob. Lujbeñix Jesús ti x_Λmbal. Jini cha'an tsa' buchle ti' ti' pozo. Xinq'uiñilix.

⁷ Tsa' tili x'ixic ch'oyol b_Λ ti Samaria cha'an mi' luch ja'. Jesús tsi' sube: Aq'ueñon cha'an mic jap, che'en.

⁸ Come majlemobix xcant'añob i cha'an ti tejclum cha'an mi' mañob i b_Λ i ñ_Λc'.

⁹ Jini x'ixic ch'oyol b_Λ ti Samaria tsi' sube Jesús: Jatet judíojet. ¿Chucoch ma' c'ajtibeñon ja'? come samaritanojon. Judíojob ts'a' mi q'uelob samaritanojob, che'en.

¹⁰ Jesús tsi' jac'be: Tsa'ic a c_Λñ_Λ a majtan ch'oyol b_Λ ti Dios, tsa'ic a c_Λñ_Λ jini woli' b_Λ i c'ajtibeñet ja', tsa'ix a c'ajtibeyon ja' cha'an mi c_Λq'ueñet cuxul b_Λ ja', che'en.

¹¹ Jini x'ixic tsi' sube: Maestro, ma'anic a lucho' ja'. Tam i ch'eñal ja'. ¿Baqui ma' taj jini cuxul b_Λ ja'? che'en.

¹² ¿Ñumen ñuquet ba bajche' lac tat Jacob tsa' b_Λ i y_Λq'ueyonla jini pozo? W_Λ' tsi' jap_Λ ja' Jacob yic'ot i yalobilob yic'ot pejtelel i y_Λlac', che'en jini x'ixic.

¹³ Jesús tsi' jac'be: Majqui jach mi' jap jini ja' mi caj i cha' tiquin i ti'.

¹⁴ Majqui jach mi' jap ja' mu' b_Λ c_Λq'uen, ma'anix mi caj i ch_Λn tiquin i ti', come jini ja' mu' b_Λ c_Λq'uen mi' caj ti ajñel ti' pusic'al che' bajche' bulux ja' cha'an mi' y_Λq'uen i cuxt_Λlel mach b_Λ anic mi' jilel. Che' tsi' y_ΛΛ Jesús.

¹⁵ Jini x'ixic tsi' sube: Maestro, aq'ueñon jini ja' cha'an ma'anic mi' ch_Λn tiquin c ti', cha'an mach mic ch_Λn tilel ti luch ja' ilayi, che'en.

¹⁶ Jesús tsi' sube: Cucu, p_Λy_Λ tilel a ñoxi'al, che'en.

¹⁷ Jini x'ixic tsi' jac'be: Ma'anic c ñoxi'al, che'en. Jesús tsi' sube: Melel chuqui ma' w_Λl, ma'anic a ñoxi'al.

¹⁸ Come tsa'ix ajniyob a wic'ot jo'tiquil a ñoxi'al. Jini winic am b_Λ a wic'ot w_Λle mach a ñoxi'alic. Isujm bajche' tsa' w_Λl_Λ, che'en.

¹⁹ Jini x'ixic tsi' sube: Maestro, mic ña'tan x'alt'añet.

²⁰ C tat lojon tsi' ch'ujutesayob Dios ila ti wits. Jatetla mi la' w_Λl ya' yom mi lac ch'ujutesan Dios ti Jerusalén, che'en.

²¹ Jesús tsi' sube: X'ixic, ñopoyon. Tal jini ora che' mach w_Λ'ic ti wits mi ya'ic ti Jerusalén mi caj la' ch'ujutesan lac Tat.

²² Jatetla mach la' wujilic chuqui mi la' ch'ujutesan. Joñon lojon cujil chuqui mic ch'ujutesan lojon, come ch'oyol i col_Λntel winicob x'ixicob ti judíojob.

²³ Tal i yorajlel, i yorajlelix w_Λle, che' mi caj i ch'ujutesañob lac Tat ti' Espiritu che' ja'el ti isujm jini mero xch'ujutesayajob. Come lac Tat ja'el mi' sajcan jini mu' b_Λ i ch'ujutesañob che' bajche' jini.

²⁴ Dios Espirituj_Λch. Jini mu' b_Λ i ch'ujutesañob Dios, wersa mi' ch'ujutesañob ti espíritu ti isujm. Che' tsi' y_ΛΛ Jesús.

²⁵ Jini x'ixic tsi' sube: Cujil tal jini Mesías, jiñ_Λch jini Cristo, jini Yajcabil b_Λ. Che' tilemix mi caj i subeñonla pejtelel chuqui tac an, che'en.

²⁶ Jesús tsi' sube: Joñoñ_Λch woli b_Λ c pejcañet, che'en.

27 Tsa' tiliyob x_Cant'añob i cha'an. Tsa' toj sajtiyob i pusic'al x_Cant'añob cha'an woli ti t'an Jesús yic'ot jini x'ixic. Ma'anic majch tsi' c'ajtibe: ¿Chuqui wola' c'ajtiben? ¿Chucoch woliyet ti t'an yic'ot?

28 Jini x'ixic tsi' c_Λya i yuc'um. Tsa' majli ti tejclum. Tsi' sube winicob x'ixicob:

29 La' cu la. Q'uelela winic tsa' b_Λ i subeyon pejtél chuqui tac tsac mele ti pejtelel q'uin. ¿Mach ba jinic jini Cristo, jini Yajc_Λbil b_Λ? che'en.

30 Tsa' cajiyoj ti loq'uel majlel ti tejclum. Tsa' tiliyob ba'an Jesús.

31 Che' woli' tilelob, jini x_Cant'añob tsi' subeyob Jesús ti wocol t'an: Maestro, cha'len we'el, che'ob.

32 Jesús tsi' subeyob: An c we'el mach b_Λ anic mi la' c_Λñe', che'en.

33 Jini cha'an jini x_Cant'añob tsi' subeyob i b_Λ: ¿Am ba majch tsi' ch'ambbe tilel chuqui mi' c'ux? che'ob.

34 Jesús tsi' subeyob: Jiñach c we'el che' mic mel chuqui yom c Tat tsa' b_Λ i chocoyon tilel. Jiñach c we'el che' ts'acal mic melben i ye'tel.

35 ¿Mach ba anic mi la' w_Λ: “Anto yom ch_Λmp'ejl uw cha'an mi' cajel c'ajbal?” che'etla. Awilan, mic subeñetla: Letsan la' wut, q'uelela jini cholel. Come tiquinix. C'ajolix yom.

36 Jini mu' b_Λ i cha'len c'ajbal mi' taj i tojol. Mi' tempan i chobejt_Λbal cha'an i cuxt_Λlel mach b_Λ anic mi' jilel. Che' jini junlajal tijicña mi' yubin jini mu' b_Λ i cha'len pac' yic'ot jini mu' b_Λ i cha'len c'ajbal.

37 I' sujm bajche' mi' y_Λlob winicob: “Juntiquil mi' cha'len pac', yamb_Λ mi' cha'len c'ajbal”.

38 Tsa'ix c chocoyetla majlel cha'an mi la' c'aj ba' ma'anic tsa' la' cha'le e'tel. Yaño' b_Λ tsi' cha'leyob e'tel. Jatetla wolix la' c'ajben i ye'tel. Che' tsi' y_Λla Jesús.

39 Cab_Λ samaritanojob ya' ti Sicar tsi' ñopoyob Jesús cha'an i subal jini x'ixic che' b_Λ tsi' y_Λla: “Jini Winic tsi' subeyon pejtelel chuqui tsac mele ti pejtelel q'uin”, che'en.

40 Che' tilemobix samaritanojob ba'an Jesús, tsi' c'ajtibeyob ti wocol t'an cha'an mi' jalijel yic'otob. Ya' tsa' c_Λle Jesús cha'p'ejl q'uin.

41 An to cab_Λlob tsa' b_Λ i ñopoyob Jesús cha'an ti' t'an.

42 Tsi' subeyob jini x'ixic: W_Λle mic ñop lojon, mach cha'anic jach tsa' subeyon lojon, pero cha'an tsa' cubi lojon i t'an ja'el. Cujil lojon ti isujm jiñach jini Cristo, jini Yajc_Λbil b_Λ, i yaj Coltaya winicob x'ixicob año' b_Λ ti pañimil, che'ob.

Jesús tsi' lajmes_Λbe i yalobil jini am b_Λ i ye'tel

(Mt. 8.5-13; Lc. 7.1-10)

43 Ñumenix cha'p'ejl q'uin tsa' loq'ui Jesús ya'i. Tsa' majli ti Galilea.

44 Come Jesús tsi' y_Λla ma'anic mi' c'uxbintel x'alt'an ti lumal.

45 Che' b_Λ tsa' tili Jesús ti Galilea, jini galileojob tsi' p_Λy_Λyob ochel, come tsi' q'ueleyob pejtél i melbal Jesús ti Jerusalén che' woli' q'uiñijel, come tsajniyob ja'el i q'uel q'uiñijel.

46 Tsa' cha' tili Jesús ti Caná ti Galilea, ya' ba' tsi' p_Λntesa ja' ti vino. Ya' ti Capernaum an juntiquil winic am b_Λ i ye'tel. C'am i yalobil jini winic.

47 Che' b_Λ tsi' yubi loq'uem Jesús ti Judea woli' tilel ti Galilea, tsa' majli ba'an Jesús. Tsi' c'ajtibe ti wocol t'an cha'an mi' tilel i lajmesan i yalobil, come yomix ch_Λmel.

48 Jesús tsi' sube: Mi ma'anic mi la' q'uel i yejtal c p'at_Λlel, ma'anic mi caj la' ñop, che'en.

49 Jini am b_Λ i ye'tel tsi' sube: C Yum, conla ti ora ame ch_Λmic calobil, che'en.

50 Jesús tsi' sube: Sujtenix. Cha' c'oq'uix a walobil, che'en. Jini winic tsi' ñopbe i t'an Jesús. Tsa' sujti majlel.

51 Che' woli ti sujtel, tsa' tili i tajoj i winicob ti bij. Tsi' subeyob cha' c'oq'uix i yalobil.

52 Jini am b_Λ i ye'tel tsi' c'ajtibeyob baqui ora tsa' caji ti c'oc'an. Tsi' subeyob: Ac'bi che' ts'ita' ñumen ti xinq'uiñil, tsa' lajmi jini c'ajc, che'ob.

53 Tsa' caji i ña'tan i tat cha'an tsa' c'oc'a i yalobil ti jini jach b_Λ ora che' b_Λ tsi' sube Jesús: “Cha' cuxul a walobil”. Tsi' ñopo Jesús jini winic yic'ot pejtelel año' b_Λ ti' yotot.

54 Jiñach i cha'yajlel i yejtal i p'at_Λlel Jesús tsa' b_Λ i p_Λs_Λ ti Galilea che' loq'uemix ti Judea.

5

Jesús tsi' lajmesa xc'amajel ti' t'ejl ts'amibal

¹ Ti wi'il tsa' caji i melob q'uin judíojob. Jesús tsa' letsi majlel ti Jerusalén.

² LAC'al ti' yochib tiñame' ti Jerusalén an ts'amibal i c'aba' Betesda ti' t'an hebreojob. An jo'p'ejl corredor ti' joytilel ts'amibal.

³ Ya' ñololob cabal xc'amajelob, xpots'ob yic'ot mach bΛ weñobic i yoc, yic'ot jini tiquin bΛ i c'Λb. Woli' pijtañob i ñijcAntel ja'.

⁴ Come i tilel mi' jubel ochel ángel ti ts'amibal cha'an mi' ñijcan ja'. Maqui ñaxan mi' yochel che' mi' yujtel i ñijcan, mi' lajmel pejtelel i chΛmel.

⁵ Ya'an juntiquil winic am bΛ i c'amajel waxΛclujump'ejl i cha'c'al (38) jab.

⁶ Jesús tsi' q'uele jini xc'amajel. Tsi' ña'ta anix cabal ora ya' ñolol. Tsi' sube: ¿A wom ba ma' c'oc'an? che'en.

⁷ Jini xc'amajel tsi' sube: C Yum, ma'anic majch mi' yotsañon ti ts'amibal che' ñijcΛbil ja'. Che' woli to c ñochtan ja', mi' bΛc' ochel yambΛ, che'en.

⁸ Jesús tsi' sube: Ch'ojyen, q'ueche a wΛyib, cha'len xΛmbal, che'en.

⁹ Ti ora jini winic tsa' c'oq'uesanti. Tsi' q'ueche i wΛyib. Tsi' cha'le xΛmbal. Jiñach jini q'uin che' mi' c'ajob i yo judíojob.

¹⁰ Jini cha'an jini judíojob tsi' subeyob jini tsa' bΛ lajmesanti: Jiñach i q'uiñilel c'aj o. Tic'bil ti mandar cha'an ma' q'uech majlel a wΛyib, che'ob.

¹¹ Tsi' jac'beyob: Jini winic tsa' bΛ i c'oq'uesayon tsi' subeyon: "Q'ueche a wΛyib, cha'len xΛmbal". Che' tsi' subeyon, che'en.

¹² Tsi' c'ajtibeyob: ¿Majqui jini winic tsa' bΛ i subeyet: "Q'ueche a wΛyib, cha'len xΛmbal"? che'ob.

¹³ Jini tsa' bΛ lajmesanti mach yujilic majqui, come Jesús tsi' tats'Λ i bΛ ba' tempΛbilob winicob x'ixicob.

¹⁴ Ti wi'il Jesús tsi' taja jini winic ti Templo. Tsi' sube: Awilan, c'oq'uetix. Mach a chΛn cha'len mulil ame mi' cha' tajeñ ñumen wocol bΛ, che'en.

¹⁵ Tsa' majli jini winic. Tsi' sube judíojob cha'an jiñach Jesús tsa' bΛ i c'oq'uesa.

¹⁶ Jini cha'an jini judíojob tsi' tic'layob Jesús. Yomob i tsΛnsan, come tsi' cha'le lajmesaya ti' q'uiñilel c'aj o.

¹⁷ Jesús tsi' subeyob: C'ΛΛΛ wΛle mi' cha'len e'tel c Tat. Joñon ja'el mic cha'len e'tel, che'en.

¹⁸ Jini cha'an judíojob ñumen cabal tsa' caji i ña'tañob i tsΛnsan Jesús, come mach cojic jach tsi' ñusa i q'uiñilel c'aj o Jesús, pero tsi' pejca Dios ti' tat ja'el. Che' jini tsi' laji i bΛ bajche' Dios.

Iye'tel i Yalobil Dios

¹⁹ Jesús tsa' caji i subeñob: Isujm, isujm mic subeñetla: Ma'anic chuqui mi' mejlel i bajñel mel i Yalobil Dios. Mi' q'uel chuqui tac woli' mel i Tat, jiñach chuqui mi' mel ja'el. Pejtelel chuqui tac mi' mel i Tat, mi' mel i Yalobil.

²⁰ Come c Tat mi' c'uxbin i Yalobil. Mi' pasbeñon pejtelel chuqui tac mi' mel. Mu' to caj i pasbeñon ñumen ñuc bΛ i ye'tel cha'an mi' toj sajtel la' pusic'al.

²¹ Come che' bajche' mi' tech ch'ojyel Dios jini chΛmeño' bΛ, che' bajche' mi' yΛq'ueñob i cuxtΛlel, che' ja'el i Yalobil mi' yΛq'uen i cuxtΛlel majqui yom i yΛq'uen.

²² C Tat ma'anic mi' mel winicob. Tsi' yΛq'ue i Yalobil i p'ΛtΛlel ti meloñel cha'an mi' melob,

²³ cha'an mi' q'uelob ti ñuc i Yalobil Dios pejtet winicob x'ixicob che' bajche' mi' q'uelob ti ñuc c Tat. Jini mach bΛ anic mi' q'uel ti ñuc i Yalobil Dios mach ñuquic mi' q'uel c Tat tsa' bΛ i chocoyon tilel.

²⁴ Isujm, isujm mic subeñetla: Jini mu' bΛ i yubin c t'an, mu' bΛ i ñop jini tsa' bΛ i chocoyon tilel, anix i cuxtΛlel mach bΛ anic mi' jilel. Ma'anic mi' yΛjq'uel ti tojmulil, come mach chΛn chΛmenix. Tsa'ix aq'uenti i cuxtΛlel.

²⁵ Isujm, isujm mic subeñetla: Tal i yorajlel, i yorajlelix wΛle, che' mi' caj i yubibeñob i t'an i Yalobil Dios jini chΛmeño' bΛ. Pejtelel mu' bΛ i yubiñob mi' caj i yΛq'uentelob i cuxtΛlel.

²⁶ Come an i p'ΛtΛlel c Tat cha'an mi' yΛq'ueñob i cuxtΛlel. Che' ja'el tsi' yΛq'ue i p'ΛtΛlel i Yalobil cha'an mi' yΛq'ueñob i cuxtΛlel.

²⁷ Dios tsi' yΛq'ue ja'el i p'ΛtΛlel ti meloñel come i Yalobilach Winic.

28 Mach yomic mi' toj sajtel la' pusic'al cha'an jini c t'an, come tal i yorajlel che' mi caj i yubibeñob i t'an i Yalobil Winic jini año' b_Λ ti mucoñib_Λl.

29 Jini tsa' b_Λ i cha'leyob chuqui wen mi caj i ch'ojoyelob loq'uel ti mucoñib_Λl cha'an mi' yochelob ti' cuxt_Λlel. Jini tsa' b_Λ i cha'leyob jontolil mi caj i ch'ojoyelob loq'uel ti mucoñib_Λl cha'an mi' yochelob ti tojmulil.

An testigo mu' b_Λ i y_Λc' ti c_Λjñel Jesús

30 Tic bajñelil ma'anic chuqui mi mejlel c mel. Che' bajche' mi cubin, che'i mic cha'len meloñel. Toj_Λch c meloñel, come ma'anic mic mel chuqui com tic bajñelil. Mic mel chuqui yom c Tat tsa' b_Λ i chocoyon tilel.

31 Mi tsac bajñel subu c b_Λ, mach isujmic c t'an.

32 An yamb_Λ mu' b_Λ i y_Λc'on ti c_Λjñel. Cujil isujm i t'an jini mu' b_Λ i y_Λc'on ti c_Λjñel.

33 Jatetla tsa' la' choco majlel winicob ba'an Juan. Tsi' y_Λc'ayon ti c_Λjñel.

34 Mach comic j colt_Λntel ti winicob. Cojach cha'an mi la' colt_Λntel mic subeñetla.

35 Lajal_Λch Juan bajche' jump'ejl c'ajc woli b_Λ ti lejmel mu' b_Λ i y_Λc' i s_Λclel. Poj tijicñayetla che' b_Λ tsa' la' q'uele i s_Λclel.

36 Anto yan tac b_Λ mu' b_Λ i y_Λc'on ti c_Λjñel. Ñumen ñuc jini bajche' i t'an Juan. Jiñ_Λch que'tel tsa' b_Λ i y_Λq'ueyon c Tat cha'an mic mel ti ts'_Λc_Λl. Jini que'tel mu' b_Λ c cha'len, mi' y_Λc'on ti c_Λjñel cha'an mi la' ña'tan tsi' chocoyon tilel c Tat.

37 C Tat ja'el tsa' b_Λ i chocoyon tilel tsa'ix i y_Λc'ayon ti c_Λjñel. Jatetla ma'anic tsa' la' wis ubibe i t'an ti pejtelel ora. Ma'anic tsa' la' q'uele bajche' yilal Dios.

38 Ma'anic mi' yajñel i t'an ti la' pusic'al, come ma'anic mi la' ñopon anquese chocobilon tilel i cha'an.

39 Cab_Λl woli la' lon q'uel i Ts'ijbujel Dios, come ya' mi la' ña'tan la' taj la' cuxt_Λlel mach b_Λ anic mi' jilel. Pero wen q'uelela come jiñ_Λch mu' b_Λ i y_Λc'on ti c_Λjñel.

40 Jatetla mach la' womic la' tilel ba' año_n cha'an mi la' taj la' cuxt_Λlel.

41 Mach ti winiquic ch'oyol c ñuclél.

42 Mij c_Λñetla. Ma'anic mi la' c'uxbin Dios ti la' pusic'al.

43 Joñon tsa' tiliyon ti' c'aba' c Tat. Ma'anic mi la' ñopon. Mi tsa' tili yamb_Λ tij c'aba', jini mi caj la' ñop.

44 ¿Bajche' mi mejlel la' ñop? Mi la' taj la' ñuclél ti winicob. Ma'anic mi la' sajcan la' ñuclél ch'oyol b_Λ ti jini cojach b_Λ Dios.

45 Mach mi la' w_Λl ti la' pusic'al mi joñon mi caj c sub la' mul ti' tojlel c Tat. Jini Moisés, mu' b_Λ la' ñop, jiñ_Λch mu' b_Λ caj i sub la' mul.

46 Tsa'ic la' ñopo Moisés, tsa' la' ñopoyon ja'el, come tsi' tajayon ti t'an ti' ts'ijbujel.

47 Mi ma'anic mi la' ñop chuqui tsi' ts'ijba Moisés, ¿bajche' mi caj la' ñop c t'an? Che' tsi' y_Λl_Λ Jesús.

6

Tsa' we'santiyob jo'p'ejl mil

(Mt. 14.13-21; Mr. 6.30-44; Lc. 9.10-17)

1 Ti wi'il Jesús tsa' c'axi ti Galilea ñajb, i c'aba' ja'el Tiberias.

2 Cab_Λlob tsi' tsajcayob majlel Jesús, come tsi' q'ueleyob i yejtal i p'_Λt_Λlel tsa' b_Λ i p_Λs_Λ ti xc'am_Λjelob.

3 Jesús tsa' letsi majlel ti wits. Ya' i tsa' buchle yic'ot xc_Λnt'año_b i cha'an.

4 L_Λc'_Λlix i q'uiñilel jini Pascua mu' b_Λ i melob judíojob.

5 Jesús tsi' ts'ita' letsa i wut. Tsi' q'uele cab_Λl winicob x'ixicob woli b_Λ i tilelob ba'an. Jesús tsi' sube Felipe: ¿Baqui mi mejlel lac m_Λn waj cha'an mi' c'uxob? che'en.

6 Tsi' sube jini t'an cha'an yom i q'uelben i pusic'al Felipe, come yujil Jesús ti' bajñelil chuqui yom i mel.

7 Felipe tsi' jac'be: Mach jas_Λlic lujunc'al denario cha'an mic m_Λn lojon waj cha'an mi' ts'ita' c'uxob ti jujuntiquil, che'en.

8 Juntiquil xc_Λnt'an i c'aba' Andrés, i yijts'in Simón Pedro, tsi' sube:

9 W_Λ'an juntiquil ch'iton am b_Λ i cha'an jo'q'uejl waj melbil b_Λ ti cebada yic'ot cha'cojt ch_Λy. ¿Jas_Λl ba che' cab_Λlonla? che'en.

10 Jesús tsi' sube: Subenla bucht_Λl winicob x'ixicob, che'en. Ya'an jam. Tsa' buchleyob ti pejtelelob. Año_b che' bajche' jo'p'ejl mil winicob.

11 Jesús tsi' ch'_Λm_Λ jini waj. Che' b_Λ tsi' sube wocolix i y_Λl Dios, tsi' xet'e. Tsi'

yΛq'ueyob xCANT'añob. Jini xCANT'añob tsi' pucbeyob jini buchulo' bΛ. Che' ja'el jini chΛy. Tsi' c'uxuyob bajche' c'amel yomob.

¹² Che' ñajobix, Jesús tsi' sube xCANT'añob i cha'an: Laj tempanla i xujt'il tac tsa' bΛ colobaji cha'an ma'anic mi' sajtel mi ts'ita'ic.

¹³ Jini cha'an tsi' tempayob. Tsi' bujt'esayob lajchΛmp'ejl chiquib i xujt'il tac jini jo'q'uejl waj tsa' bΛ colobaji che' bΛ tsa' ujti i c'uxob.

¹⁴ Jini winicob tsa' bΛ i q'ueleyob i yejtal i p'Λtlal tsa' bΛ i pΛSΛ Jesús, tsi' yΛΛayob: Isujm jiñach jini x'alt'an mu' bΛ i tilel ti pañimil, che'ob.

¹⁵ Che' bΛ tsi' ña'ta Jesús woli' tilel i chucob ti wersa cha'an mi' yotsañob ti rey, tsa' cha' majli ti wits ti' bajñel.

*Tsi' cha'le xΛmbal Jesús ti pam ñajb
(Mt. 14.22-27; Mr. 6.45-52)*

¹⁶ Che' wolix i yic'an, tsa' jubiyob majlel xCANT'añob i cha'an c'ΛlΛl ti ñajb.

¹⁷ Tsa' ochiyob ti barco. Tsa' ñumiyob ti colem ñajb cha'an yomob majlel ti Capernaum. Che' iq'uix, maxto tilemic Jesús ba' añob.

¹⁸ Tsa' caji i cabΛ ñijcan i bΛ ñajb come cabΛ ic' tsi' wec'ula ja'.

¹⁹ Che' bΛ tsa'ix i ñijcayob majlel barco tic'Λl mi jump'ejl legua, jini xCANT'añob tsi' q'ueleyob Jesús. Woli' cha'len xΛmbal ti pam ja'. Wolix i ñochtan tilel barco. Tsi' cha'leyob bΛq'uen.

²⁰ Jesús tsi' subeyob: Joñoñach. Mach la' cha'len bΛq'uen, che'en.

²¹ Jini cha'an tijicñayob xCANT'añob tsi' pΛyΛyob ochel ti barco. Ti ora tsa' c'oti barco ti lum ba' yomob majlel.

Winicob x'ixicob tsi' sajcajob Jesús

²² Ti yijc'ΛlΛl ya' to an winicob x'ixicob ti junwejl colem ñajb ba' tsi' c'uxuyob waj. Yujilob an jump'ejl jach barco ba' tsa' bajñel ochiyob jini xCANT'añob, come ma'anic tsa' ochi Jesús yic'otob. I bajñelob jach tsa' majliyob xCANT'añob.

²³ Tsa' tili barco tac ch'oyol bΛ ti Tiberias, lac'Λl ba' tsi' c'uxuyob waj che' bΛ tsa' ujti i suben wocolix i yΛΛ lac Yum.

²⁴ Che' bΛ tsi' q'ueleyob winicob mach ya'ic an Jesús, mach ya'ic añob xCANT'añob i

cha'an ja'el, tsa' ochiyob ti barco tac. Tsa' tiliyob ti Capernaum cha'an mi' sajcañob Jesús.

*Jesús jini Waj mu' bΛ i yΛq'ueñonla laj
cuxtΛlel*

²⁵ Che' bΛ tsi' tajayob Jesús ti junwejl colem ñajb, tsi' c'ajtibeyob: Maestro, ¿baqui ora tsa' juliyet wΛ'i? che'ob.

²⁶ Jesús tsi' jac'beyob: Isujm, isujm mic subeñetla, mi la' sajcañon cha'an jach tsa' ñaj'ayetla ti waj, mach cha'anic tsa' la' q'uele i yejtal c p'Λtlal.

²⁷ Mach mi la' cha'len e'tel cha'an jini we'elΛl mu' bΛ i jilel. Cha'lenla e'tel cha'an jini we'elΛl mu' bΛ i jalijel cha'an mi la' taj la' cuxtΛlel mach bΛ anic mi' jilel. I Yalobil Winic mi caj i yΛq'ueñetla jini we'elΛl, come Dios c Tat tsa'ix i yΛq'ueyon c p'Λtlal cha'an ili e'tel. Che' tsi' yΛΛΛ Jesús.

²⁸ Jini tempΛbilo' bΛ tsi' c'ajtibeyob: ¿Chuqui yom mic cha'len lojon cha'an mic mel lojon i ye'tel Dios? che'ob.

²⁹ Jesús tsi' jac'beyob: Jiñach i ye'tel Dios, che' mi la' ñop i Yalobil tsa' bΛ i choco tilel, che'en.

³⁰ Tsi' c'ajtibeyob: ¿Chuqui i yejtal a p'Λtlal ma' pΛS cha'an mij q'uel lojon, cha'an mic ñopet lojon? ¿Chuqui a we'tel mu' bΛ a cha'len?

³¹ Lac ñojte'el tsi' c'uxuyob maná ti colem bΛ i tiquiñal lum che' bajche' ts'ijbubil: “Dios tsi' yΛq'ueyob waj ch'oyol bΛ ti panchan cha'an mi' c'uxob”, che'ob.

³² Jesús tsi' subeyob: Isujm, isujm mic subeñetla: Jini tsa' bΛ i yΛq'ueyetla jini waj ch'oyol bΛ ti panchan mach jinic Moisés. C Tat mi' yΛq'ueñetla jini isujm bΛ waj ch'oyol bΛ ti panchan.

³³ Come jini Waj ch'oyol bΛ ti Dios, jiñach tsa' bΛ jubi tilel ti panchan mu' bΛ i yΛq'ueñob i cuxtΛlel jini año' bΛ ti pañimil, che'en Jesús.

³⁴ Tsi' subeyob: C Yum, aq'ueñon lojon jini waj ti pejtelel ora, che'ob.

³⁵ Jesús tsi' subeyob: Joñon Wajon mu' bΛ i yΛq'ueñetla la' cuxtΛlel. Jini mu' bΛ i tsajcañon ma'anic ba' ora mi caj i yubin wi'ñal. Jini mu' bΛ i ñopon ma'anic ba' ora mi caj i tiquin i ti'.

36 Pero jatetla, che' bajche' tsac subeyetla, ma'anic mi la' ñopon anquese tsa' la' q'ueleyon.

37 Pejtelel winicob x'ixicob mu' b_Λ i y_Λq'ueñon c Tat mi caj i tilelob ba' añon. Majqui jach mi' tilel ma'anic mi caj c choc sujtel.

38 Come tsa' jubiyon tilel ti panchan cha'an mic mel chuqui yom c Tat tsa' b_Λ i chocoyon tilel. Ma'anic tsa' tili c mel chuqui com tic bajñel pusic'al.

39 Jiñach chuqui yom c Tat tsa' b_Λ i chocoyon tilel. Yom mic techob ch'ojoyel ti jini cojix b_Λ q'uin pejtelel winicob x'ixicob tsa' b_Λ i y_Λq'ueyon Dios. Mach yomic mi' sajtel mi juntiquilic.

40 Jiñach chuqui yom c Tat tsa' b_Λ i chocoyon tilel. Yom mi' tajob i cuxtalel mach b_Λ anic mi' jilel pejtelel mu' b_Λ i q'uelob i Yalobil, mu' b_Λ i ñopob. Joñon mi caj c techob ch'ojoyel ti jini cojix b_Λ q'uin, che'en Jesús.

41 Jini judíojob tsa' cajiyojob ti wulwul a'leya come tsi' y_Λl_Λ Jesús: "Joñon jini Wajon tsa' b_Λ jubi tilel ti panchan".

42 Tsi' y_Λl_Λyob: ¿Mach ba jinic Jesús? ¿Mach ba i yalobilic José? C_Λmbil lac cha'an i tat i ña'. ¿Bajche' mi' y_Λl: "Tsa' jubiyon tilel ti panchan"? che'ob.

43 Jini cha'an Jesús tsi' jac'beyob: C_Λy_Λx la' pejcan la' b_Λ ti wulwul a'leya.

44 Ma'anic majch mi mejlel i tilel ba' añon, jini jach mu' b_Λ i wersa p_Λjyel tilel cha'an c Tat tsa' b_Λ i chocoyon tilel. Joñon mi caj c tech ch'ojoyel ti jini cojix b_Λ q'uin mu' b_Λ caj i tilel.

45 Ts'ijbubil ti' jun x'alt'añob: "Dios mi caj i c_Λntesan pejtelel winicob x'ixicob". Che'ach ts'ijbubil. Che' jini mi' tilelob ba' añon pejtel tsa' b_Λ i yubibeyob i t'an c Tat, tsa' b_Λ i ñopbeyob i c_Λntesabal.

46 Ma'anic majch tsi' q'uele c Tat mi juntiquilic, jini jach jini ch'oyol b_Λ ti Dios. Jini tsa'ix i q'uele c Tat.

47 Isujm, isujm mic subeñetla, jini mu' b_Λ i ñopon, anix i cuxtalel mach b_Λ anic mi' jilel.

48 Joñon jini Wajon mu' b_Λ c_Λq'ueñetla la' cuxtalel.

49 La' ñojte'el tsi' c'uxuyob maná ti jochol b_Λ lum pero tsa' ch_Λmiyob.

50 Yamb_Λy_Λch jini Waj mu' b_Λ i jubel tilel ti panchan cha'an mi' c'uxob winicob x'ixicob cha'an ma'anic mi' ch_Λmel majqui jach mi' c'ux.

51 Joñon cuxul b_Λ Wajon tsa' b_Λ jubiyon tilel ti panchan. Mi an majqui mi' c'ux jini Waj, ch_Λn cuxul ti pejtelel ora. Jini Waj mu' b_Λ c_Λc' jiñach c b_Λc'tal mu' b_Λ c_Λc' cha'an i cuxtalel jini año' b_Λ ti pañimil. Che' tsi' y_Λl_Λ Jesús.

52 Jini cha'an judíojob c_Λl_Λx jax tsi' pejcayob i b_Λ. Tsi' y_Λl_Λyob: ¿Bajche' mi mejlel i y_Λq'ueñonla i b_Λc'tal cha'an mi laj c'ux? che'ob.

53 Jesús tsi' subeyob: Isujm, isujm mic subeñetla, mi ma'anic mi la' c'uxben i b_Λc'tal i Yalobil Winic, mi ma'anic mi la' jap i ch'ich'el, ma'anic la' cuxtalel.

54 Jini mu' b_Λ i c'ux c b_Λc'tal, mu' b_Λ i jap c ch'ich'el anix i cuxtalel mach b_Λ anic mi' jilel. Joñon mi caj c tech ch'ojoyel ti jini cojix b_Λ q'uin.

55 Come c b_Λc'tal jiñach mero we'el_Λ, c ch'ich'el jiñach mero japbil b_Λ.

56 Jini mu' b_Λ i c'ux c b_Λc'tal, mu' b_Λ i jap c ch'ich'el, mi' yajñel ti joñon. Joñon ja'el mi cajñel ti' pusic'al.

57 Che' bajche' cuxul c Tat tsa' b_Λ i chocoyon tilel, che' bajche' an j cuxtalel tic Tat, che' ja'el jini mu' b_Λ i c'uxon mi caj i taj i cuxtalel ti joñon.

58 Jiñach Waj tsa' b_Λ jubi tilel ti panchan. Mach che'ic jini maná tsa' b_Λ i c'uxuyob la' ñojte'el tsa' b_Λ ch_Λmiyob. Jini mu' b_Λ i c'uxob jini Waj mu' b_Λ c_Λq'ueñob, ch_Λn cuxul mi' yajñelob ti pejtelel ora, che'en.

59 Che'ach tsi' cha'le c_Λntesa Jesús ti sinagoga ya' ti Capernaum.

T'an cha'an laj cuxtalel mach b_Λ anic mi' jilel

60 Cab_Λl x_Λnt'añob i cha'an, che' b_Λ tsi' yubiyob jini t'an, tsi' y_Λl_Λyob: Leco i c_Λntesabal. ¿Majqui mi mejlel i ch_Λn ubin? che'ob.

61 Yujil Jesús ti' bajñelil woliyob ti wulwul t'an x_Λnt'añob i cha'an cha'an i c_Λntesa. Tsi' c'ajtibeyob: ¿Tile bixel jax ba la' pusic'al cha'an c t'an?

62 ¿Chuqui mi caj la' w_Λl, che' jini, mi tsa' la' q'uele i Yalobil Winic che' mi' letsel majlel ya' ba' tsa' chumle ti ñaxan?

⁶³ Jini Espiritu mi' yalq'ueñonla laj cuxtalel. Lac b'ac'tal ma'anic chuqui mi' yalq'ueñonla. Jini c t'an tsa' b'ac c subeyetla i cha'añach la' ch'ujlel. Mi' yalq'ueñetla la' cuxtalel.

⁶⁴ Lamitaletla ma'anic mi la' ñopon, che'en. Come c'ala' ti' cajibal yujil Jesús jini mach b'ac anic tsi' ñopoyob. Yujil majqui mi caj i yac' ti' c'ab i contra.

⁶⁵ Tsi' yala': Jini cha'an tsac subeyetla, ma'anic majch mi mejlel i tilel ba' añon mi ma'anic tsa' aq'uenti i p'atlel tic Tat, che'en.

⁶⁶ Cabal x'ant'añob i cha'an tsa' caji i tats'ob i b'ac. Ma'anix tsi' chan cha'leyob x'ambal yic'ot Jesús.

⁶⁷ Jesús tsi' c'ajtibeyob jini lajch'antiquil: ¿Jatetla la' wom ba la' c'ayon ja'el? che'en.

⁶⁸ Simón Pedro tsi' jac'a': C Yum, ¿am ba yamb'ac mu' b'ac mejlel i coltañon lojon? Ma'anic. Come jatet jach ma' sub jini t'an cha'an mic taj lojon j cuxtalel mach b'ac anic mi' jilel.

⁶⁹ Mic ñopet lojon. Cujil lojon jatetach jini Ch'ujul b'ac tilem b'ac ti Dios, che'en Pedro.

⁷⁰ Jesús tsi' jac'be: ¿Mach ba tsa'ic c yajcayetla? Lajch'antiquiletla. Juntiquil i cha'añach xiba, che'en.

⁷¹ Jesús tsi' taja ti t'an Judas Iscariote, i yalobil Simón. Come jiñach Judas tsa' b'ac i yac'a Jesús ti' c'ab i contra. Jini Judas i pi'alach jini junlujuntiquil.

7

Iyijts'iñob Jesús ma'anic tsi' ñopoyob

¹ Ti wi'il Jesús tsa' caji ti x'ambal ti Galilea. Tsi' c'ayal i x'ambal ti Judea, come judíojob woli' ña'tañob i chuc cha'an mi' tsansañob.

² Lac'alix i yorajlel che' mi' melob q'uin judíojob che' mi' melob lejchempat tac.

³ Jini cha'an i yijts'iñob Jesús tsi' subeyob: Loq'uen w'a'i. Cucux ti Judea cha'an mi' q'uelob a melbal x'ant'añob a cha'an.

⁴ Ma'anic majch mi' cha'len i ye'tel ti mucul che' yom i yac' i b'ac ti cajñel. Mi wolix a mel ili e'tel, pas'a b'ac ti' wut jini añob b'ac ti pañimil, che'ob.

⁵ Come i yijts'iñob ja'el ma'anic tsi' ñopoyob.

⁶ Jesús tsi' subeyob: Maxto c'otemic i yorajlel cha'an mic majlel. Jatetla ti pejtellel ora mi la' mel bajche' jach la' wom.

⁷ Winicob x'ixicob i cha'año b'ac pañimil mach mejlic i ts'a'leñetla. Mi' ts'a'leñoñob come mic tsictesabeñob jontol b'ac i melbal.

⁸ Jatetla cucuxla ti letsel ba' woli' melob q'uin. Joñon maxto anic mic letsel majlel come maxto i yorajlelic, che'en Jesús.

⁹ Che' b'ac tsa' ujt i yal jini t'an, tsa' c'ale Jesús ti Galilea.

Tsa' majli Jesús ba' woli' melob q'uin

¹⁰ Che' majlemobix i yijts'iñob, tsa' letsi majlel Jesús ja'el ba' woli' melob q'uin. Mucul jach tsa' majli. Ma'anic tsi' pas'a i b'ac.

¹¹ Judíojob tsi' sajcyob Jesús ba' woli' melob q'uin. Tsi' c'ajtibeyob i b'ac: ¿Baqui an jini Jesús? che'ob.

¹² Cabal tsi' cha'leyob wulwul t'an cha'an Jesús, come cabal tsi' yalayob: Uts'at i pusic'al, che'ob. Yañob b'ac tsi' yalayob: Mach uts'atic, come woli' soc winicob x'ixicob, che'ob.

¹³ Mucul jach tsi' tajayob ti t'an Jesús come tsi' b'ac'ñayob judíojob.

¹⁴ Che' ojilil to jini q'uiñijel, tsa' letsi majlel Jesús ti Templo. Tsa' caji ti cantesa.

¹⁵ Tsa' toj sajtiyob i pusic'al judíojob. Tsi' yalayob: ¿Bajche' tsi' ñopo jun jini winic che' mach cabalic tsa' cantesanti? che'ob.

¹⁶ Jesús tsi' jac'beyob: Jini j cantesabal mach c cha'anic. I cha'añach c Tat tsa' b'ac i chocoyon tilel.

¹⁷ Majqui jach yom i mel chuqui yom c Tat, mi caj i ña'tan mi ch'oyol j cantesabal ti Dios, o mi ch'oyol tic bajñel pusic'al.

¹⁸ Jini mu' b'ac i cha'len t'an ch'oyol b'ac ti' bajñel pusic'al mi' sac'lan i bajñel ñuclel. Jini mu' b'ac i tsictesan i ñuclel c Tat tsa' b'ac i chocoyon tilel, jiñach isujm b'ac. Ma'anic chuqui mach tojic ti' pusic'al.

¹⁹ ¿Mach ba anic tsi' yalq'ueyetla mandar Moisés? Pero ma'anic mi la' jac' jini mandar mi juntiquiletla. ¿Chucoch la' wom la' tsansañoñob? Che' tsi' yala Jesús.

²⁰ Tsi' jac'beyob: An a xibajlel. ¿Majqui yom i tsansañoñob? che'ob.

²¹ Jesús tsi' yala: Tsa'ix c cha'le junchajp que'tel. Mi' toj sajtel la' pusic'al ti la' pejtellel.

22 Isujm, Moisés tsi' y_Λq'ueyetla tsep p_Λch_Λlel. Mach ch'oyolic ti Moisés, ch'oyol ti la' ñojte'el. Mi la' w_Λc' tsep p_Λch_Λlel ti q'uiñilel c'aj o.

23 Mi uts'at mi' tsep bentel i p_Λch_Λlel winic ti' q'uiñilel c'aj o cha'an ma'anic mi' ñus_Λntel i mandar Moisés, ¿chucoch mi la' mich'leñon cha'an tsac lajmesa winic ti pejtelel i ch_Λmel ti' q'uiñilel c'aj o?

24 Mach mi la' lon ña'tan woli la' c_Λmbeñob i pusic'al la' pi'lob cha'an chuqui jach mi la' q'uel. Ña'tanla ti toj chuqui mi la' ña'tan, che'en.

¿Mach ba jinic Cristo?

25 Ya' añob ti Jerusalén winicob tsa' b_Λ i y_Λl_Λyob: ¿Mach ba jinic Jesús? ¿Mach ba yomobic i ts_Λnsan Jesús jini judíojob?

26 Awilan, ya' woli ti t'an Jesús ti' wut pejtelel winicob. Ma'anic chuqui mi' subeñob. Tic'al woli' y_Λlob jini yum_Λlob jiñ_Λch Cristo ti isujm.

27 Pero la kujil baqui ch'oyol jini winic. Che' mi' tilel jini mero Cristo ma'anic majqui yujil baqui ch'oyol, che'ob.

28 C'am tsa' caji ti t'an Jesús ti Templo. Tsi' cha'le c_Λntesa. Tsi' y_Λl_Λ: Mi woli la' c_Λñon, la' wujil ja'el baqui ch'oyolon. Ma'anic tsac bajñel ña'ta tilel. Jini tsa' b_Λ i chocoyon tilel isujm Dios_Λch. Pero ma'anic mi la' c_Λn.

29 Joñon mij c_Λn come ch'oyolon ya' ba'an. Tsi' chocoyon tilel, che'en.

30 Jini cha'an tsi' ña'tayob i ñup' Jesús. Ma'anic majch tsi' chucu come maxto c'otemic i yorajlel.

31 Cab_Λl winicob x'ixicob tsi' ñopoyob. Tsi' y_Λl_Λyob: Jini mero Cristo mu' b_Λ i tilel, ¿mejl ba i p_Λs ñumen ñuc b_Λ i yejtal i p'_Λt_Λlel bajche' tsi' p_Λs_Λ Jesús? che'ob.

Tsi' chocoyob tilel i winicob cha'an mi' ñup'ob Jesús

32 Fariseojob tsi' yubiyob jini t'an tsa' b_Λ i y_Λl_Λyob winicob. Jini cha'an jini ñuc b_Λ motomajob yic'ot fariseojob tsi' chocoyob tilel i winicob cha'an mi' ñup'ob Jesús.

33 Jesús tsi' y_Λl_Λ: Jumuc' jax w_Λ' añon la' wic'ot. Mic cha' majlel ya' ba'an jini tsa' b_Λ i chocoyon tilel.

34 Mi caj la' sajcañon, ma'anic mi caj la' tajon. Ya' ba' mic majlel, ma'anic mi mejlel la' c'otel, che'en Jesús.

35 Jini cha'an jini judíojob tsi' subeyob i b_Λ: ¿Baqui sami jini winic ba' ma'anic mi caj lac taj, mi' y_Λl? ¿Mu' ba caj i majlel ba'an lac pi'lob ti' lumal griegojob cha'an mi' c_Λntesan griegojob?

36 ¿Chuqui i sujmllel jini t'an tsa' b_Λ i y_Λl_Λ Jesús?: “Mi caj la' s_Λclañon, ma'anic mi caj la' tajon. Ya' ba' mic majlel, ma'anic mi mejlel la' c'otel”, che'ob.

Cuxul b_Λ ja'

37 Che' ti' xojt'ibal q'uin, ti jini ñuc b_Λ q'uin, Jesús tsa' wa'le. C'am tsi' cha'le t'an. Tsi' y_Λl_Λ: Mi an majqui an i tiquin ti', la' ba' añon, la' i jap.

38 Jini mu' b_Λ i ñopon, che' bajche' mi' y_Λl i Ts'ijbujel Dios, on mi' caj ti w_Λjlel loq'uel cuxul b_Λ ja' ti' pusic'al, che'en.

39 (Jini ja' jiñ_Λch jini Espíritu mu' b_Λ caj i y_Λq'uentelob jini mu' b_Λ i ñopob, come maxto anic tsa' aq'uentiyob Ch'ujul b_Λ Espíritu, come maxto anic tsa' aq'uenti i ñuclel Jesús.)

Cha'chajp tsa' cajiyob ti t'an winicob

40 Cab_Λl winicob che' b_Λ tsi' yubibeyob i t'an, tsi' y_Λl_Λyob: Isujm, jiñ_Λch jini x'alt'an, che'ob.

41 Yaño' b_Λ tsi' y_Λl_Λyob: Jiñ_Λch jini Cristo, jini Yajc_Λbil b_Λ, che'ob. Yaño' b_Λ tsi' y_Λl_Λyob: ¿Ch'oyol ba jini Cristo ti Galilea?

42 ¿Mach ba anic tsi' y_Λl_Λ i Ts'ijbujel Dios tal jini Cristo ti' p'olbal David ya' ti Belén, jini tejclum ba' tsa' ajni David? che'ob.

43 Che' jini, cha'chajp tsa' cajiyob ti' t'an cha'an Jesús.

44 Lamital yomob i chuc pero ma'anic majch tsi' chucu, mi juntiquilic.

Ma'anic winic ti pejtelel ora tsa' b_Λ i cha'le t'an che' bajche' jini winic

45 Jini xc_Λntayajob i cha'an ñuc b_Λ motomajob yic'ot fariseojob tsa' tiliyob ba'an i yumob. Jini yum_Λlob tsi' c'ajtibeyob: ¿Chucoch ma'anic tsa' la' p_Λy_Λ tilel Jesús? che'ob.

46 Jini xc_Λntayajob tsi' jac'beyob: Ma'anic winic ti pejtelel ora mu' b_Λ i cha'len t'an che' bajche' jini winic, che'ob.

47 Jini fariseojob tsi' subeyob: ¿Tsa' ba la' ñopo lot jatetla ja'el?

48 ¿Am ba juntiquil yumal mi juntiquil fariseo tsa' bΛ i ñopo Jesús?

49 Jini jach mi' ñopob Jesús jini winicob mach bΛ cΛntesΛbilobic ti mandar. Chocbilobix ti Dios, che'ob fariseojob.

50 Juntiquil yumal i c'aba' Nicodemo, jiñΛch tsajni bΛ i pejcan Jesús ti ac'Λlel, tsa' caji i subeñob:

51 ¿Chuqui mi' yΛl jini mandar? ¿Mejl ba mi lac sub mi an i mul winic, che' maxto ubibilic i t'an jini winic, che' maxto ña'tΛbilic chuqui tsi' cha'le? che'en.

52 Jini fariseojob tsi' c'ajtibeyob: ¿Jatet ch'oyolet ba ti Galilea ja'el? Q'uele ti uts'at jini ts'ijbubil bΛ. Ma'anic x'alt'an ch'oyol bΛ ti Galilea, che'ob.

53 Tsa' sujtiyob ti' yotot tac ti jujuntiquil.

8

X'ixic tsa' bΛ tajle ti' ts'i'lel

1 Jesús tsa' majli ti Olivo wits.

2 Ti sΛc'ajel tsa' cha' majli ti Templo. Pejtelel winicob x'ixicob tsa' tiliyob ba'an. Tsa' buchle Jesús. Tsa' caji i cΛntesañob.

3 Jini sts'ijbayajob yic'ot fariseojob tsi' pΛyΛyob tilel juntiquil x'ixic tsa' bΛ tajle ti' ts'i'lel. Tsi' yΛc'Λyob jini x'ixic ti ojilil ba' añob.

4 Tsi' subeyob: Maestro, jini x'ixic tsa' tajle ti mulil che' woli' mel i ts'i'lel.

5 Moisés tsi' subeyonla ti mandar cha'an mi lac jul ti xajlel juntiquil am bΛ i mul che' bajche' jini. ¿Bajche' ma' wΛl jatet?

6 Che'i tsi' cha'leyob t'an cha'an mi' q'uelob bajche' mi caj i jac' Jesús cha'an mi' tajbeñob i mul. Jesús tsa' wutsle ti lum. Tsa' caji i ts'ijban lum ti' yal i c'Λb.

7 Che' bΛ tsi' chΛn c'ajtibeyob Jesús jini winicob, tsa' wa'le Jesús. Tsi' subeyob: Jini mach bΛ anic i mul, la' i ñaxan jul ti xajlel, che'en.

8 Tsa' cha' wutsle Jesús. Tsa' cha' caji i ts'ijban lum ti' yal i c'Λb.

9 Che' bΛ tsi' yubibeyob i t'an Jesús, tsa' loq'uiyob majlel ti jujuntiquil, ñaxan jini ñoxobix bΛ, ti wi'il jini ch'iton winicob jinto tsa' laj majliyob. Jesús tsa' cΛle ti' bajñel yic'ot jini x'ixic tsa' bΛ wa'le ti ojilil.

10 Jesús tsa' cha' wa'le. Che' bΛ tsi' q'uele i bajñel ya'an jini x'ixic, tsi' c'ajtibe: X'ixic, ¿baqui an jini tsa' bΛ i subuyob a mul? ¿Mach ba anic majch yom i julet cha'an a mul? che'en.

11 Jini x'ixic tsi' sube: C Yum, ma'anic mi juntiquilic, che'en. Jesús tsi' sube: Joñon ja'el ma'anic mic julet cha'an a mul. Cucux. Mach ma' chΛn cha'len mulil, che'en.

Jesús i sΛclel Pañimil

12 Jesús tsi' cha' subeyob: Joñon i sΛclelon pañimil. Jini mu' bΛ i tsajcañon ma'anic mi' caj ti xΛmbal ti ic'ch'ipan bΛ pañimil. An i cha'an i sΛclel pañimil cha'an i cuxtΛlel, che'en.

13 Jini fariseojob tsi' subeyob: Ti a bajñel t'an jach wola' sub a bΛ. Mach isujmic chuqui wola' wΛl, che'ob.

14 Jesús tsi' jac'beyob: Anquese mic bajñel sub c bΛ, isujmach c t'an, come kujil baqui ch'oyolon, kujil baqui mic majlel. Jatetla mach la' wujilic baqui ch'oyolon, mi baqui mic majlel.

15 Jatetla mi la' to'ol ña'tΛbeñon c pusic'al cha'an chuqui jach mi la' q'uel. Joñon ma'anic majch mic to'ol ña'tΛben i pusic'al.

16 Che' mic ña'tΛbeñob i pusic'al winicob x'ixicob, mij cΛñob ti isujm, come mach tic bajñelic mic ña'tΛbeñob i pusic'al, come jump'ejl jach c pusic'al quic'ot c Tat tsa' bΛ i chocoyon tilel.

17 Ts'ijbubil ti la' mandar ja'el: "Isujmach jini t'an mu' bΛ i yΛlob cha'tiquilob". Che'Λch ts'ijbubil.

18 Joñon mic sub c bΛ cha'an mi la' cΛñon. C Tat ja'el tsa' bΛ i chocoyon tilel mi' yΛc'on ti cΛjñel, che'en.

19 Tsi' c'ajtibeyob: ¿Baqui an a Tat? che'ob. Jesús tsi' jac'beyob: Ma'anic mi la' cΛñon. Ma'anic mi la' cΛn c Tat ja'el. Tsa'ic la' cΛñΛyon tsa' la' cΛñΛ c Tat ja'el, che'en.

20 Jesús tsi' cha'le jini t'an ya' ba' mi' yot-sañob taq'uin ti Templo. Tsi' cha'le cΛntesa ti Templo. Ma'anic majch tsi' chucu come maxto tilemic i yorajlel.

Ya' ba' mic majlel mach mejliquetla ti majlel

21 Jesús tsi' cha' subeyob fariseojob: Mic majlel. Mi caj la' sΛcΛañon. Mi caj la' chΛmel

che' añet to la ti la' mul. Ya' ba' mic majlel, mach mejliquetla ti majlel jatetla, che'en.

²² Judíojob tsa' caji' c'ajtibeñob i b_Λ: ¿Mu' ba caj i ts_Λnsan i b_Λ? come mi' y_Λ: “Baqui mic majlel mach mejliquetla ti majlel”. Che' mi' y_Λ, che'ob.

²³ Jesús tsi' subeyob: Jatetla ch'oyoletla ti yebal. Joñon ch'oyolon ti chan. I cha'añetla jini pañimil. Joñon mach i cha'añonic jini pañimil.

²⁴ Jini cha'an mic subeñetla mi caj la' ch_Λmel che' añet to la ti la' mul. Mi ma'anic mi la' ñopon, mi caj la' ch_Λmel che' añet to la ti la' mul, che'en Jesús.

²⁵ Judíojob tsi' c'ajtibeyob: ¿Majquiyet? che'ob. Jesús tsi' subeyob: Joñoñach jini mero tsa' b_Λ c subeyetla ti ñaxan.

²⁶ An to cab_Λl chuqui tac mi caj c subeñetla cha'an mic tsictesan la' melbal. Jini tsa' b_Λ i chocoyon tilel isujm Dios_Λch. Joñon mic subeñob ti pañimil chuqui tac tsi' subeyon c Tat, che'en Jesús.

²⁷ Ma'anic tsi' ch'ambeyob isujm mi woli' taj ti t'an i Tat am b_Λ ti panchan.

²⁸ Jini cha'an Jesús tsi' subeyob: Che' b_Λ tsa'ix la' letsa i Yalobil Winic, mi caj la' ch'amben isujm majquiyon. Mi caj la' ch'amben isujm ma'anic chuqui mic cha'len tic bajñelil. Chuqui tac tsi' c_Λntesayon c Tat, jini jach mic sub.

²⁹ Jini tsa' b_Λ i chocoyon tilel an quic'ot. Ma'anic tsi' c_Λy_Λyon c Tat tic bajñelil come ti pejtelel ora mic mel chuqui tac mi' mulan, che'en Jesús.

³⁰ Che' b_Λ tsi' subu jini t'an cab_Λl tsi' ñopoyob.

I sujmllel c t'an mi caj i y_Λq'uetla ti colel

³¹ Jini cha'an Jesús tsi' subeyob judíojob tsa' b_Λ i ñopoyob: Mi ma'anic mi la' c_Λy c t'an, mero x_Λnt'añetla c cha'an.

³² Mi caj la' c_Λn i sujmllel c t'an. I sujmllel c t'an mi caj i y_Λq'uetla ti colel, che'en.

³³ Tsi' jac'beyob: I p'olbalon lojon Abraham. Ma'anic ba' tsa' chojñiyon lojon ti e'tel. ¿Chucoch ma' w_Λl mi caj c_Λjq'uel lojon ti colel? che'ob.

³⁴ Jesús tsi' jac'beyob: Isujm, isujm mic subeñetla, pejtelel mu' b_Λ i cha'leñob mulil, chombilobix ti mulil.

³⁵ Jini winic chombilix b_Λ ti e'tel mach ti pejtelic ora mi' yajñel ti' yotot i yum. Jini i yalobil yum_Λl mi' yajñel ti pejtelel ora.

³⁶ Che' jini, mi tsi' y_Λc'ayetla ti colel i Yalobil Dios, colbiletla ti isujm.

³⁷ Cujil i p'olbaletla Abraham. Anquese i p'olbaletla, woli la' ña'tan la' ts_Λnsañon come ma'anic mi' yochel c t'an ti la' pusic'al.

³⁸ Joñon mic sub chuqui tac tsaj q'uele quic'ot c Tat. Jatetla mi la' cha'len chuqui tac tsa' la' wubi ti la' tat, che'en.

Jatetla i cha'añetla xiba

³⁹ Jini judíojob tsi' jac'beyob: C tat lojon jiñach Abraham, che'ob. Jesús tsi' subeyob: I yalobileticla Abraham, mux la' tsajc_Λben i melbal Abraham.

⁴⁰ Woli la' ña'tan la' ts_Λnsañon, joñon tsa' b_Λ c subeyetla chuqui isujm che' bajche' tsi' subeyon Dios. Mach che'ic tsi' mele Abraham.

⁴¹ Mi la' cha'len i melbal la' tat, che'en Jesús. Jini judíojob tsa' caji i subeñob: Joñon lojon mach lajalonic lojon bajche' jini tsa' b_Λ i yilayob pañimil cha'an ti' ts'i'lel winicob. Juntiquil jach c tat lojon, jiñach Dios, che'ob.

⁴² Jesús tsi' subeyob: La' tatic Dios, mux la' c'uxbiñon. Come ch'oyolon ti Dios. Ma'anic tsa' tiliyon tic bajñel pusic'al. Dios tsi' chocoyon tilel.

⁴³ ¿Chucoch ma'anic mi la' ch'amben isujm c t'an? Cha'an mach la' womic la' wubin c t'an.

⁴⁴ Jatetla i cha'añetla xiba. Jiñach la' tat. La' wom la' mel chuqui yom la' tat. Sts_Λnsayajach jini xiba c'Λ_Λl ti' cajibal. Ma'anic tsa' ch_Λn ajni ti' sujmllel Dios, come ma'anic chuqui isujm ti' pusic'al xiba. Che' mi' cha'len lot i tilel_Λch come xlot. Ya' ch'oyol ti xiba pejtelel lot.

⁴⁵ Joñon mic subeñetla chuqui isujm. Jini cha'an ma'anic mi la' ñopon.

⁴⁶ ¿Am ba juntiquil mu' b_Λ mejlel i sub an c mul? ¿Chucoch ma'anic mi la' ñopon mi tsac subeyetla chuqui isujm?

⁴⁷ Jini i cha'an b_Λ Dios mi' yubiben i t'an Dios. Jini cha'an ma'anic mi la' wubin come mach i cha'añeticla Dios, che'en.

Che' max to anic Abraham, añon

⁴⁸ Jini judíojob tsi' jac'beyob: ¿Mach ba isujmic tsa' b_Λ c subu lojon, samaritanojet? An a xib_Λjlel, che'ob.

⁴⁹ Jesús tsi' jac'beyob: Ma'anic c xib_Λjlel. Joñon mic sub i ñucl_Λ c Tat. Jatetla ts'a' mi la' q'uelon.

⁵⁰ Ma'anic mic bajñel s_Λclan c ñucl_Λ. An juntiquil mu' b_Λ i y_Λq'ueñon c ñucl_Λ, mu' b_Λ caj i tsictesan. Jini mi' ña'tan ñucon.

⁵¹ Isujm, isujm mic subeñetla, mi an majqui mi' ch'ujbibeñon c t'an, ma'anic mi' caj ti ch_Λmel ti pejtelel ora, che'en.

⁵² Jini judíojob tsi' subeyob: W_Λle kujilix lojon an a xib_Λjlel. Abraham tsa' ch_Λmi, che' ja'el x'alt'añob. Jatet wola' w_Λl mi an majqui mi' ch'ujbibeñet a t'an, ma'anic mi' caj ti ch_Λmel ti pejtelel ora.

⁵³ ¿Ñumen ñuquet ba bajche' lac tat Abraham tsa' b_Λ ch_Λmi, yic'ot x'alt'añob ja'el tsa' b_Λ ch_Λmiyob? ¿Majquiyet ma' w_Λl? che'ob.

⁵⁴ Jesús tsi' jac'beyob: Mi tsac bajñel subu c b_Λ ti ñuc, ma'anic c ñucl_Λ. C Tat mi' tsictesan c ñucl_Λ. Jiñ_Λch c Tat mu' b_Λ la' pejcan ti la' Dios.

⁵⁵ Mach c_Λmbilic la' cha'an. Joñon mij c_Λn. Mi tsac subeyetla ma'anic mij c_Λn Dios, che'ic jini xloton, lajalon jach bajche'etla. Joñon mij c_Λn Dios. Mic jac'ben i t'an.

⁵⁶ Tijicña la' tat Abraham che' b_Λ tsi' ña'ta j q'uiñilel ti pañimil. Abraham tsi' ch'amb_Λe isujm. Tijicña tsi' yubi, che'en.

⁵⁷ Jini judíojob tsi' subeyob: Maxto anic lujump'ejl i yuxc'al (50) a jabilel. ¿Tsa' ba a q'uele Abraham? che'ob.

⁵⁸ Jesús tsi' subeyob: Isujm, isujm mic subeñetla, che' maxto anic Abraham añoñix, che'en.

⁵⁹ Jini cha'an tsi' lotoyob xajlel cha'an mi' julob. Jesús tsi' m_Λc_Λ i b_Λ. Tsa' loq'ui ti Templo. Che' b_Λ tsa' ñumi ti ojilil ba' añob tsa' majli.

9

Jesús tsi' lajmesa xpots'

¹ Che' b_Λ tsa' majli Jesús tsi' q'uele winic. Xpots' jini winic c'Λ_Λl che' b_Λ tsi' yila pañimil.

² Jini x_Λant'añob i cha'añob tsi' c'ajtibeyob: Maestro, ¿chucoch xpots' jini

winic che' b_Λ tsi' yila pañimil? ¿Majqui tsi' cha'le mulil? ¿Jim ba jini winic? ¿Jim ba i tat i ña'? che'ob.

³ Jesús tsi' jac'beyob: Ma'anic tsi' cha'le mulil jini winic, mi i tat, mi i ña'. Xpots'Λch cha'an mi' tsictiyel i ye'tel Dios ti' b_Λc'tal.

⁴ Wersa mic cha'len i ye'tel jini tsa' b_Λ i chocoyon tilel che' q'uiñil to, come tal ac'Λlel che' ma'anic majch mi mejlel i cha'len e'tel.

⁵ Che' w_Λ'to añon ti pañimil i s_Λclelon pañimil cha'an mi' q'uelob jini año' b_Λ ti pañimil, che'en Jesús.

⁶ Che' b_Λ tsa' ujt_i i sub jini t'an, tsi' tujba lum. Tsi' mele oc'ol yic'ot i tujb. Tsi' bombe i wut xpots' ti jini oc'ol.

⁷ Tsi' sube: Cucu poco a wut ti ts'Λmib_Λl i c'aba' Siloé, che'en. (Jini Siloé mi' y_Λl ti lac t'an, chocbil majlel.) Jini cha'an tsa' majli xpots'. Tsi' poco i wut. Che' c'otemix i wut tsa' cha' tili.

⁸ I pi'Λlob ti chumt_Λl yic'ot jini tsa' b_Λ i c_Λñ_Λyob che' xpots' to tsa' caji i y_Λlob: ¿Mach ba jinic tsa' b_Λ i c'ajti taq'uin ya' ba' buchul? che'ob.

⁹ Lamital tsi' y_Λl_Λyob: Jincuyi, che'ob. Año' b_Λ tsi' y_Λl_Λyob: Mach jiniqui pero ts'ita' lajal i wut yic'ot, che'ob. Jini xpots' tsi' subeyob: Joñoñ_Λch, che'en.

¹⁰ Jini cha'an jini winicob tsi' c'ajtibeyob: ¿Bajche' tsa' cajni a wut? che'ob.

¹¹ Tsi' jac'beyob: Juntiquil winic i c'aba' Jesús tsi' mele oc'ol. Tsi' bombeyon tic wut. Tsi' subeyon majlel cha'an mic poc ti ts'Λmib_Λl i c'aba' Siloé. Tsa'ix majli c poc c wut. W_Λle cañalix, che'en.

¹² Tsi' c'ajtibeyob: ¿Baqui an jini winic? che'ob. Tsi' subeyob: Mach kujilic, che'en.

Fariseojob tsi' c'ajtibeyob xpots' bajche' tsa' c'oti i wut

¹³ Tsi' p_Λy_Λyob majlel ba'an fariseojob jini mach b_Λ anic tsa' c'oti i wut ti yamb_Λ ora.

¹⁴ I q'uiñilel_Λch c'aj o che' b_Λ tsi' mele oc'ol Jesús, che' b_Λ tsi' cambe i wut jini xpots'.

¹⁵ Jini fariseojob tsi' cha' c'ajtibeyob jini xpots' bajche' tsa' c'oti i wut. Jini xpots' tsi' subeyob: Tsi' bombeyon c wut ti oc'ol. Tsac poco. W_Λle mi' c'otel c wut, che'en.

¹⁶ Jini cha'an jini fariseojob tsi' y_Λl_Λyob: Jini Jesús mach chocbilic tilel ti Dios,

come ma'anic mi' ch'ujbin i q'uiñilel c'aj o, che'ob. Yaño' b_Λ tsi' y_ΛΛyob: Anic i mul Jesús, ¿mej_Λ ba i p_ΛS i yejtal i p'_ΛΛlel che' bajche' mi' p_ΛS? che'ob. Cha'chajp tsi' cha'leyob t'an jini winicob.

¹⁷ Tsi' cha' subeyob xpots': ¿Chuqui ma' w_ΛΛ jatet? ¿Majqui jini tsa' b_Λ i cambeyet a wut? che'ob. Jini xpots' tsi' subu: Jiñach x'alt'an, che'en.

¹⁸ Jini judíojob ma'anic tsi' ñopoyob mi xpots'ach che' b_Λ tsa' tili Jesús i camben i wut jinto tsi' p_Λy_Λyob tilel i tat i ña' jini winic tsa' b_Λ c'oti i wut.

¹⁹ Tsi' c'ajtibeyob: ¿Jim ba la' walobil, xpots' b_Λ tsi' yila pañimil? ¿Bajche' tsa' cajni i wut? che'ob.

²⁰ I tat i ña' tsi' subeyob: Cujil lojon jiñach calobil xpots' b_Λ tsi' yila pañimil.

²¹ Mach kujilic lojon bajche' tsa' caji ti c'otel i wut. Mach kujilic lojon majqui tsi' cambe i wut. Winiquix calobil. C'ajtibenla. Mi mejlel i bajñel sub, che'ob.

²² Che'i tsi' cha'leyob t'an i tat i ña' come tsi' b_Λc'ñayob judíojob. Come jini judíojob tsi' y_ΛΛyob wersa mi' chojqelob loq'uel winicob x'ixicob ti sinagoga mi tsi' subuyob Cristojach jini Jesús.

²³ Jini cha'an tsi' y_ΛΛyob i tat i ña': "Winiquix. C'ajtibenla".

²⁴ Jini cha'an jini judíojob tsi' cha' p_Λy_Λyob tilel jini mach b_Λ anic tsa' c'oti i wut ti yamb_Λ ora. Tsi' subeyob: Subu i ñucler Dios. Cujil lojon xmulilach jini Jesús, che'ob.

²⁵ Jini winic tsi' subeyob: Mach kujilic mi xmulil. Cujil ti isujm xpots'on ti yamb_Λ ora, w_Λle c'otemix c wut, che'en.

²⁶ Tsi' cha' c'ajtibeyob: ¿Chuqui tsi' tum-beyet? ¿Bajche' tsi' cambeyet a wut? che'ob.

²⁷ Jini winic tsi' jac'beyob: Tsa'ix c subeyetla. Ma'anic tsa' la' wubi. ¿Chococh la' wom la' cha' ubin? ¿La' wom ba la' sutq'uin la' b_Λ ti xcant'an i cha'an ja'el? che'en.

²⁸ Tsa' caji i wajleñob. Tsi' subeyob: Jatet xcant'añet i cha'an. Joñon lojon xcant'añon lojon i cha'an Moisés.

²⁹ Cujil lojon, Dios tsi' pejca Moisés. Mach kujilic lojon baqui ch'oyol jini Jesús, che'ob.

³⁰ Jini winic tsi' jac'beyob: ¿Bajche' isujm jini? ¿Chucoch mach la' wujilic baqui

ch'oyol Jesús? Come jini tsi' cambeyon c wut.

³¹ La kujil ma'anic mi' yubiben i t'an xmulilob Dios. Mi an winic mu' b_Λ i b_Λc'nan Dios, mu' b_Λ i cha'len chuqui yom Dios, Dios mi' yubiben i t'an jini winic.

³² C'_ΛΛ ti' cajibal pañimil ma'anic majch tsa' mejli i camben i wut xpots' che' xpots' tsi' yila pañimil.

³³ Machic chocbil tilel ti Dios jini winic, ma'anic chuqui mi mejlel i mel. Che' tsi' y_ΛΛ jini tsa' b_Λ c'oti i wut.

³⁴ Jini judíojob tsi' jac'beyob: Jatet cab_Λl jax a mul tsa' wila pañimil. ¿Mu' ba a cantesañon lojon? che'ob. Tsi' chocoyob loq'uel.

Xpots'ob ti' pusic'al

³⁵ Tsi' yubi Jesús chocbilix loq'uel jini winic. Tsa' majli i taj. Tsi' sube: ¿Mu' ba a ñop i Yalobil Dios? che'en.

³⁶ Jini winic tsi' y_ΛΛ: Maestro, ¿majqui jini, cha'an mic ñop? che'en.

³⁷ Jesús tsi' sube: Tsa'ix a q'uele. Jiñach woli b_Λ i pejcañet, che'en.

³⁸ Jini winic tsi' y_ΛΛ: Mic ñopet, c Yum, che'en. Tsi' ch'ujutesa Jesús.

³⁹ Jesús tsi' sube: Tsa' tiliyon ti melojel ti pañimil cha'an mi' c'otelob i wut jini mach b_Λ weñobic i wut, yic'ot cha'an mi' yochelob ti xpots' jini weño' b_Λ i wut, che'en Jesús.

⁴⁰ Ya' año_Λ fariseojob yic'ot Jesús. Tsi' yubibeyob i t'an. Tsi' subeyob: ¿Xpots'on ba lojon ja'el? che'ob.

⁴¹ Jesús tsi' subeyob: Xpots'eticla, ma'anic la' mul. Pero mi la' lon al woli' c'otel la' wut. Jini cha'an ch_Λn an la' mul, che'en.

10

Lajiya cha'an corral ba'an tiñame'

¹ Isujm, isujm mic subeñetla: Jini mach b_Λ anic mi' yochel ti' ti' corral ba'an tiñame', jini mu' b_Λ i letsel ochel ti pam corral jiñach xujch', jiñach xchiloñel.

² Jini mu' b_Λ i yochel ti' ti' corral jiñach xcanta tiñame'.

³ Jini xcanta corral mi' jamben jini xcanta tiñame'. Jini tiñame' mi' yubiben i t'an i yaj cantaya. Mi' pejcan i tiñame' ti' c'aba'. Mi' p_Λy loq'uel.

4 Che' mi' yujtel i p_{ay} loq'uel mi' majlel ti ñaxan. Jini tiñame' mi' tsajcan jini xcanta tiñame' come mi' camben i t'an.

5 Ma'anic mi' tsajcan yamb_Λ winic. Mi' puts'tan, come ma'anic mi' camben i t'an.

6 Che' tsi' cha'le t'an Jesús ti lajiya. Jini fariseojob ma'anic tsi' ch'ambeyob isujm i t'an.

Jesús jini wen b_Λ Xcanta tiñame'

7 Jini cha'an Jesús tsi' cha' subeyob: Isujm, isujm mic subeñetla: Joñon i Ti'on ba' mi' yochel tiñame'.

8 Pejtelel tsa' b_Λ tiliyob ti ñaxan xujch'ob, xchiloñelob. Jini tiñame' ma'anic tsi' jac'beyob.

9 Joñon i Ti'on ba' mi' yochel tiñame'. Jini mu' b_Λ i yochel ti joñon mi' caj i colantel. Mi' caj ti ochel. Mi' caj ti loq'uel. Mi' caj i taj wen b_Λ jam.

10 Mi' tilel xujch' cha'an mi' xujch'in. Mi' tilel i tsansan. Mi' tilel i jisan. Joñon tsa' tiliyon cha'an mi' tajob i cuxtalel, cha'an on mi' tajob pejtelel chuqui wen.

11 Joñon jini wen b_Λ Xcanta tiñame'on. Jini wen b_Λ Xcanta tiñame' mi' yac' i b_Λ ti chamel cha'an i tiñame'.

12 Jini mu' b_Λ i cantan tiñame' cha'an ganar mach i yumic tiñame'. Ma'anic mi' cantan. Che' mi' q'uel bate'el ts'i' mu' b_Λ i tilel, mi' c_{ay} tiñame', mi' cha'len puts'el. Jini bate'el ts'i' mi' chuc. Mi' pam puc.

13 Jini mu' b_Λ i cha'len ganar mi' puts'el come woli jach ti ganar. Ma'anic mi' c'uxbin tiñame'.

14 Joñon jini wen b_Λ Xcanta tiñame'on. Mij can c tiñame'. C tiñame' mi' cañon.

15 Che' ja'el mi' cañon c Tat. Mij can c Tat. Mi' cac' c b_Λ ti chamel cha'an jini tiñame'.

16 Anto yamb_Λ c tiñame' mach b_Λ ochemic ti jini corral. Wersa mic p_{ay} tilel ja'el. Mi' caj i yubin c t'an. Junmojt jach mi' caj i lu' ajñelob yic'ot juntiquil Xcanta tiñame'.

17 Jini cha'an c Tat mi' c'uxbiñon come mi' cac' c b_Λ ti chamel cha'an mic cha' cuxtiyel.

18 Ma'anic majch mi' yac'on ti chamel. Mic bajñel ac' c b_Λ ti chamel. An c p'at_Λlel cha'an mi' cac' c b_Λ, an ja'el c p'at_Λlel cha'an mic cha' cuxtiyel. Jiñach que'tel tsa' b_Λ aq'uentiyon cha'an c Tat, che'en Jesús.

19 Cha'chajp tsa' cha' cajiyob ti t'an cha'an i t'an Jesús.

20 Cab_Λl winicob tsi' y_Λayob: An i xibajlel. Sojquem i jol. ¿Chucoch mi' la' ch_Λn ubin? che'ob.

21 Yaño' b_Λ tsi' y_Λayob: Mach che'ic mi' cha'len t'an winic am b_Λ i xibajlel. ¿Mejl ba i camben i wut xpots' jini xiba? che'ob.

Judíojob tsi' ts'a'leyob Jesús

22 Woli' melob i q'uiñilel Templo ya' ti Jerusalén. I yorajlelix tsañal.

23 Jesús tsa' ñumi ti Templo. Tsa' tili ti corredor i melbal b_Λ Salomón.

24 Jini judíojob tsi' joyoyob Jesús. Tsi' c'ajtibeyob: ¿Jayp'ejl to ora mi' caj la w_Λc'on lojon ti tsic pusic'al? Mi' Cristojet, jini Yajc_Λbil b_Λ, subeñon lojon ti jam_Λ, che'ob.

25 Jesús tsi' jac'beyob: Tsa'ix c subeyetla. Ma'anic mi' la' ñop. Que'tel mu' b_Λ c cha'len ti' c'aba' c Tat mi' y_Λc'on ti c_Λjñel cha'an mi' la' ña'tan majquiyon.

26 Ma'anic mi' la' ñop, come jatetla mach c tiñame'eticla che' bajche' tsac subeyetla.

27 C tiñame'ob mi' yubibeñon c t'an. Joñon mij cañob. Mi' tsajcañoñob.

28 Mi' c_Λq'ueñob i cuxtalel mach b_Λ anic mi' jilel. Ma'anic mi' caj i jilelob ti pejtelel ora. Ma'anic majch mi' caj i chilbeñoñob tij c'ab.

29 Ma'anic majch ñumen ñuc bajche' c Tat tsa' b_Λ i y_Λq'ueyoñob. Ma'anic majch mi' mejlel i chil c tiñame' ti' c'ab c Tat.

30 Joñon quic'ot c Tat junlajalon lojon, che'en Jesús.

31 Jini cha'an jini judíojob tsi' cha' lotoyob xajlel cha'an mi' julob.

32 Jesús tsi' subeyob: Tsac pasbeyetla cab_Λl wen b_Λ c melbal ch'oyol b_Λ tic Tat. ¿Cha'an ba jini wen b_Λ c melbal la' wom la' julon? che'en.

33 Jini judíojob tsi' jac'beyob: Ma'anic mic julel lojon ti xajlel cha'an wen b_Λ a melbal, pero cha'an tsa' cha'le p'ajoñel. Come ma' cuy a b_Λ ti Dios che' winiquet jach, che'ob.

34 Jesús tsi' subeyob: ¿Mach ba ts'ijbubilic ti la' mandar: "Tsac subu: Jatetla diosetla"?

35 Dios tsi' pejca ti diosob jini winicob tsa' b_Λ i yubibeyob i t'an Dios. Melel_Λch mach mejlic ti jejmel i Ts'ijbujel Dios.

³⁶ Mi che'ach tsi' pejca winicob Dios, ¿chucoch, che' jini, mi la' w_Λ tsac cha'le p'ajoñel cha'an tsac subeyetla i Yalobilon Dios? Chocbilon tilel i cha'an c Tat. Tsi' yajcayon.

³⁷ Mi ma'anic mic melben i ye'tel c Tat, mach mi la' ñopon.

³⁸ Mi wolic melben i ye'tel c Tat, anquese ma'anic mi la' ñopon, ñopola que'tel cha'an mi la' c_Λñon, cha'an mi la' ña'tan ti isujm c Tat an ti joñon, joñon añon tic Tat, che'en.

³⁹ Jini judíojob tsi' cha' ñopoyob i chuc, pero tsa' puts'i loq'uel ti' tojlelob.

⁴⁰ Tsa' cha' majli ti junwejl Jordán ja' ba' tsa' caji i y_Λc' ch'Amja' Juan. Tsa' jale Jesús ya'i.

⁴¹ Cab_Λl winicob x'ixicob tsa' tiliyob ba'an. Tsi' y_Λlyob: Isujm ma'anic tsi' p_Λs_Λ i yejtal i p'at_Λlel Juan mi junyajlic. Pejtelel chuqui tac tsi' subu Juan cha'an Jesús puro isujm, che'ob.

⁴² Cab_Λl tsi' ñopoyob Jesús ya'i.

11

Tsa' ch_Λmi Lázaro

¹ C'am juntiquil winic i c'aba' Lázaro. Ya'an ti Betania, ti' tejclum María yic'ot Marta, i chich María.

² (Jiñ_Λch María tsa' b_Λ i boño lac Yum ti perfume, tsa' b_Λ i sujcube i yoc ti' tsutsel i jol. C'am i y_Λscun.)

³ Jini cha'an i yijti'añob Lázaro tsi' chocoyob majlel winic ba'an Jesús. Tsi' subeyob: C Yum awilan, c'am jini mu' b_Λ a c'uxbin, che'ob.

⁴ Che' b_Λ tsi' yubi Jesús, tsi' y_ΛΛ: Tsa' c'am'a cha'an mi' tsictiyel i ñuclel Dios, mach cha'anic mi' ch_Λmel. Cha'añ_Λch mi' tsictiyel i ñuclel i Yalobil Dios ti' c'am_Λjel Lázaro, che'en.

⁵ Jesús tsi' c'uxbi Marta yic'ot i yijts'in yic'ot Lázaro.

⁶ Che' b_Λ tsi' yubi c'am Lázaro, tsa' to jale Jesús yamb_Λ cha'p'ejl q'uin ya' ba'an.

⁷ Ti wi'il Jesús tsi' sube x_Λant'añob: Cha' conla ya' ti Judea, che'en.

⁸ Jini x_Λant'añob tsi' subeyob: Maestro, maxto jali tsi' ñopo i julelob ti xajlel. ¿Mu' ba a cha' majlel ya'i? che'ob.

⁹ Jesús tsi' jac'beyob: ¿Mach ba anic la-jch_Λmp'ejl ora ti jump'ejl q'uin? Jini mu'

b_Λ i cha'len x_Λmbal ti q'uiñil ma'anic mi' yajlel, come mi' q'uel i saclel pañimil.

¹⁰ Jini mu' b_Λ i cha'len x_Λmbal ti ac'alel mi' yajlel, come ma'anic woli' yajñel ti' saclel pañimil, che'en Jesús.

¹¹ Che' b_Λ tsa' ujti i sub jini t'an tsi' subeyob: W_Λy_Λlix lac pi'Λl Lázaro. Mic majlel c ñijcan cha'an mi' ch'oyjel ti w_Λyel, che'en.

¹² Jini x_Λant'añob i cha'an tsi' subeyob: C Yum, mi w_Λy_Λlix mi' caj ti lajmel i ch_Λmel, che'ob.

¹³ Jesús tsi' cha'le lajiya che' b_Λ tsi' y_ΛΛ w_Λy_Λl Lázaro che' ch_Λmenix. Jini x_Λant'añob tsi' lon ña'tayob ti' pusic'al wolix i c'aj i yo Lázaro ti w_Λyel.

¹⁴ Jini cha'an Jesús tsi' subeyob ti toj cha'an mi' ch'Ambeñob isujm: Ch_Λmenix Lázaro, che'en.

¹⁵ Tijicñayon cha'an mach ya'ic añon, come che' jini mi caj la' ñop. Conixla ya' ba'an, che'en.

¹⁶ Tomás, mu' b_Λ i pejc_Λntel ti xloj cha'an i pi'lob, tsa' caji i subeñob: Conla ja'el cha'an mi lac ch_Λmel yic'ot, che'en.

Jesús Xtech Ch'ujlel_Λl

¹⁷ Che' b_Λ tsa' c'oti Jesús, tsi' subeyob ch_Λmp'ejl_Λix q'uin mucul Lázaro.

¹⁸ L_Λc'Λl Betania ti Jerusalén, che' bajche' jump'ejl legua.

¹⁹ An cab_Λl judíojob tsa' b_Λ tiliyob ba'an Marta yic'ot María cha'an mi' ñuq'ues_Λbeñob i pusic'al che' ch_Λmenix Lázaro.

²⁰ Che' b_Λ tsi' yubi Marta woli' tilel Jesús, tsa' loq'ui majlel i taj. Buchul tsa' c_Λle María ti' yotot.

²¹ Marta tsi' sube Jesús: C Yum, w_Λ'ic añet ma'anic tsa' ch_Λmi c_Λscun.

²² Pero cujil mi caj i y_Λq'ueñet Dios pejtelel mu' b_Λ a c'ajtiben, che'en.

²³ Jesús tsi' sube: Mi caj i cha' ch'oyjel a w_Λscun, che'en.

²⁴ Marta tsi' sube: Cujil mi caj i cha' ch'oyjel ti jini cojix b_Λ q'uin, che'en.

²⁵ Jesús tsi' sube: Joñon Xtech Ch'ujlel_Λlon, i cuxt_Λlelon jini año' b_Λ ti pañimil. Jini mu' b_Λ i ñopon, anquese mi' ch_Λmel, mi caj i cha' cuxtiyel.

²⁶ Pejtelel año' b_Λ i cuxt_Λlel mu' b_Λ i ñopoñob, ma'anic mi' cajelob ti ch_Λmel ti

pejtelel ora. ¿Mu' ba a ñop jini? che'en Jesús.

²⁷ Marta tsi' sube: Mu' cu, c Yum. Tsa'ix c ñopo Cristojet, i Yalobilet Dios tsa' b_Λ tiliyet ti pañimil, che'en.

Tsi' cha'le uq'uel Jesús ya' ba' mucul Lázaro

²⁸ Tsa' ujtí ti t'an Marta, tsa' majli. Tsi' mucul p_Λy_Λ majlel María i yijts'in. Tsi' sube: W_Λ'an lac Maestro. Woli' p_Λyet, che'en.

²⁹ Che' b_Λ tsi' yubi María, tsa' ch'ojyi ti ora. Tsa' majli ba'an Jesús.

³⁰ Maxto ochemic Jesús ti tejclum. Ya'to an ba' tsi' taja Marta.

³¹ Jini judíojob woli b_Λ i ñuq'ues_Λbeñob i pusic'al María ya' ti' yotot tsi' q'ueleyob che' b_Λ tsa' b_Λc' ch'ojyi María, che' b_Λ tsa' loq'ui majlel. Tsa' caji i tsajcañob majlel come tsi' y_ΛΛyob: Mi' caj ti uq'uel ya' ti mucuñib_Λ, che'ob.

³² María tsa' c'oti ba'an Jesús. Che' b_Λ tsi' q'uele, tsi' ñocchoco i b_Λ ti' tojel Jesús. Tsi' sube: C Yum, w_Λ'ic añet ma'anic tsa' ch_Λmi c_Λscun, che'en.

³³ Jesús tsi' q'uele woli ti uq'uel María, woliyob ti uq'uel judíojob ja'el tsa' b_Λ tiliyob yic'ot. Tsi' p'unta ti' pusic'al. Tsi' mele i pusic'al.

³⁴ Jesús tsi' c'ajtibeyob: ¿Baqui tsa' la' w_Λc'Λ? che'en. Tsi' subeyob: C Yum, la' q'uele, che'ob.

³⁵ Tsi' cha'le uq'uel Jesús.

³⁶ Jini judíojob tsi' y_ΛΛyob: La' wilan c'uxatax tsi' yubi, che'ob.

³⁷ Lamital tsi' y_ΛΛyob: Jini tsa' b_Λ i cambe i wut xpots', ¿mach ba anic tsa' mejli i coltan Lázaro cha'an ma'anic mi' ch_Λmel? che'ob.

Tsa' ch'ojyi Lázaro

³⁸ Jesús tsi' cha' mele i pusic'al. Tsa' tili ti mucuñib_Λ. Ch'en jini mucuñib_Λ. An jump'ejl xajlel ñ_Λc_Λl ti' ti'.

³⁹ Jesús tsi' y_ΛΛ: Loc'sanla jini xajlel, che'en. Marta, i yijti'an jini tsa' b_Λ ch_Λmi tsi' sube: C Yum, tuwix, come ch_Λmp'ejlix q'uin mucul, che'en.

⁴⁰ Jesús tsi' sube: ¿Mach ba anic tsac subeyet mu' to caj a q'uel i ñucllel Dios mi wola' ñop? che'en.

⁴¹ Tsi' loc'sayob xajlel ti' ti' ba' tsa' ajq'ui ch_Λmen b_Λ. Jesús tsi' letsa i wut ti chan. Tsi' subu: Wocolix a w_ΛΛ c Tat, come tsa' wubibeyon c t'an.

⁴² Cujil ma' wubibeñon c t'an ti pejtelel ora. Tsa' jach c subeyet jini t'an cha'an mi' yubiñob jini año' b_Λ tic joytilel, cha'an mi' ñopob tsa' chocoyon tilel, che'en Jesús.

⁴³ Che' b_Λ tsa'ix ujtí i sub, c'am tsi' cha'le t'an Jesús: Lázaro, la' ti loq'uel, che'en.

⁴⁴ Jini tsa' b_Λ ch_Λmi tsa' loq'ui tilel, b_Λc'Λl i c'Λb i yoc ti pisil. Mosol i wut ti pisil. Jesús tsi' subeyob: Tiquila. La' majlic, che'en.

Tsi' temeyob i t'an cha'an mi' chucob Jesús

(Mt. 26.1-5; Mr. 14.1-2; Lc. 22.1-2)

⁴⁵ Cab_Λl judíojob tsa' b_Λ tiliyob ba'an María tsi' q'ueleyob chuqui tsi' cha'le Jesús. Tsi' ñopoyob.

⁴⁶ Lamital tsa' majli i subeñob fariseojob chuqui tsi' mele Jesús.

⁴⁷ Jini cha'an tsi' tempayob i b_Λ ñuc b_Λ motomajob yic'ot fariseojob. Tsi' y_ΛΛyob: ¿Chuqui yom mi lac mel? che'ob. Come cab_Λl mi' p_Λs i yejtal i p'Λt_Λlel jini winic.

⁴⁸ Mi ma'anic mi lac tic', mi caj i ñopob pejtelel winicob x'ixicob. Mi caj i tilelob romanojob, mi caj i chilob la que'tel yic'ot lac lumal, che'ob.

⁴⁹ Juntiquil motomaj i c'aba' Caifás, tsa' b_Λ i cha'le i ye'tel ti c'ax ñuc b_Λ motomaj ti jini jach b_Λ jabil, tsi' subeyob: Ma'anic chuqui la' wujil jatetla.

⁵⁰ Ma'anic mi la' ña'tan uts'at mi' ch_Λmel juntiquil winic cha'an i q'uexol pejtelel winicob x'ixicob cha'an ma'anic mi lac laj jilel ti lac lumal, che'en.

⁵¹ Mach tilemic jini t'an ti' bajñel pusic'al. Pero cha'an tsi' cha'le i ye'tel ti ñuc b_Λ motomaj ti jini jabil, jini cha'an tsi' y_ΛΛ mi caj i ch_Λmel Jesús cha'an i q'uexol winicob x'ixicob ti' lumal.

⁵² Come wersa mi' ch_Λmel Jesús, mach cha'anic jach jini año' b_Λ ti' lumal, pero cha'an mi' tempañob ti junmojt i yalobilob Dios tsa' b_Λ pam pujquiyob.

⁵³ Ti jini jach b_Λ ora tsa' caji i comol pejcañob i b_Λ ti jujump'ejl q'uin cha'an mi' ña'tañob bajche' mi mejlel i ts_Λsañob Jesús.

⁵⁴ Jini cha'an Jesús ma'anic tsi' chΛn cha'le xΛmbal ya' ba'an judíojob. Tsa' loq'ui ya'i. Tsa' majli ti tejclum i c'aba' Efraín lac'Al ti jochol bΛ lum. Ya'i tsa' ajni yic'ot xcΛnt'añob i cha'an.

⁵⁵ Lac'Alix i q'uiñilel Pascua mu' bΛ i melob judíojob. Che' maxto tilemic jini Pascua, bajc'Al winicob x'ixicob tsa' loq'uuyob ti' lumal ba' chumulob cha'an mi' majlelob ti Jerusalén, cha'an mi' pocob i bΛ cha'an Pascua.

⁵⁶ Jini judíojob tsa' caji i saclañob Jesús. Tsi' pejcayob i bΛ che' wa'alob ti Templo: ¿Chuqui mi la' wAl? ¿Mach ba anic mi caj i tilel Jesús i q'uel q'uin? che'ob.

⁵⁷ Jini ñuc bΛ motomajob yic'ot fariseojob tsi' yac'ayob mandar cha'an mi' tilel winic i subeñob mi an majch yujil baqui an Jesús, come yomob i ñup'.

12

Tsi' mulu ts'ac ti Jesús ya' ti Betania (Mt. 26.6-13; Mr. 14.3-9)

¹ Che' yom to wAcpejl q'uin cha'an mi' cajel i q'uiñilel Pascua, Jesús tsa' tili ti Betania ba'an jini Lázaro tsa' bΛ chΛmi, tsa' bΛ cha' tejchi ch'ojoyel ba'an chΛmeño' bΛ.

² Ya'i tsi' melbeyob q'uin. Marta tsi' we'sayob. Ya' buchul Lázaro yic'ot Jesús yic'ot yaño' bΛ ti' t'ejl mesa.

³ María tsi' ch'ΛmΛ ojilil kilo perfume i c'aba' nardo wen letsem bΛ i tojol. Tsi' bombe i yoc Jesús. Tsi' sujcube i yoc ti' tsutsel i jol. Tsa' wen pujqui i yujts'il perfume ti pejtelel i mal otot.

⁴ Juntiquil xcΛnt'an i cha'an Jesús, i c'aba' Judas Iscariote, i yalobil Simón, jiñach mu' bΛ caj i yac' Jesús ti' c'Ab i contra, tsi' yAlΛ:

⁵ ¿Chucoch ma'anic tsa' chojni jini perfume ti jo'lujunc'al denario cha'an mi la cΛq'uen taq'uin jini mach bΛ añobic i chubΛ'an? che'en.

⁶ Che' tsi' yAlΛ Judas. Pero ma'anic tsi' p'unta jini mach bΛ añobic i chubΛ'an. Che' jach tsi' yAlΛ come xujch'. CΛntabil i cha'an jini bolsa ba' tsi' yotsayob taq'uin. Tsi' bajñel c'ΛñΛ lamital.

⁷ Jesús tsi' sube: Mach a tic' jini x'ixic. Lotol i cha'an jini perfume cha'an i yorajlel che' mic mujquel.

⁸ Come ti pejtelel ora añob la' wic'ot jini mach bΛ añobic i chubΛ'an. Joñon mach ti pejtelelic ora wΛ' añon la' wic'ot, che'en.

⁹ CabΛl judíojob tsi' yubiyob ya'ach an Jesús. Tsa' tiliyob, mach cha'anic jach mi' q'uelob Jesús pero cha'an mi' q'uelob Lázaro ja'el tsa' bΛ i teche ch'ojoyel ba'an chΛmeño' bΛ.

¹⁰ Jini ñuc bΛ motomajob tsi' comol pejcayob i bΛ cha'an yomob i tsΛnsan Lázaro ja'el.

¹¹ Come cabΛl judíojob tsa' bΛ i q'ueleyob Lázaro tsi' cΛyΛ i tsajcañob jini motomajob. Tsi' ñopoyob Jesús.

I subentel i ñuclel che' bΛ tsa' ochi ti Jerusalén

(Mt. 21.1-11; Mr. 11.1-11; Lc. 19.28-40)

¹² Ti yijc'Alal cabΛlob tsa' tiliyob ti q'uiñijel. Tsi' yubiyob wolix i tilel Jesús ti Jerusalén.

¹³ Tsi' ch'ΛmΛyob i yopol ch'ib. Tsa' majli i tajob tilel Jesús. C'am tsi' cha'leyob t'an: Cotañet. La' sujbic a ñuclel, jatet mu' bΛ a tilel ti' c'aba' lac Yum, i Rey et Israel, che'ob.

¹⁴ Jesús tsi' taja tsiji' bΛ burro. C'achal tsa' tili che' bajche' ts'ijbubil:

¹⁵ “Mach mi la' cha'len bΛq'uen, x'ixicob ya' bΛ añetla ti Sion. Awilan, tal la' Rey c'achal ti tsiji' burro”. Che'ach ts'ijbubil.

¹⁶ Jini xcΛnt'añob i cha'an ma'anic tsi' ñaxan ch'Λmbeyob isujm chuqui woli' yujtel. Ti wi'il che' bΛ tsa' aq'uenti i ñuclel Jesús, tsi' ña'tayob chuqui tac ts'ijbubil cha'an Jesús yic'ot chuqui tac tsa' tumbenti ti pañimil.

¹⁷ CabΛl winicob tsa' bΛ i pi'leyob majlel Jesús che' bΛ tsi' pΛyΛ loq'uel Lázaro ti mucoñibal che' bΛ tsi' teche ch'ojoyel ba'an chΛmeño' bΛ, tsa' caji i subob chuqui tsi' q'ueleyob.

¹⁸ Jini cha'an cabΛl tsa' majliyob i taj tilel Jesús ti bij, come tsi' yubiyob bajche' tsi' pΛsΛ i yejtal i p'Atalel.

¹⁹ Jini fariseojob tsa' caji i subeñob i bΛ: La' wilan, ma'anic chuqui tsa' mejli lac cha'an. Ti pejtelel pañimil woli' tsajcañob Jesús, che'ob.

Yomob i q'uel Jesús

²⁰ An griegojob ja'el tsa' bΛ tiliyob ti q'uiñijel cha'an mi' cha'leñob ch'ujutesaya.

21 Tsa' tiliyob ba'an Felipe ch'oyol bΛ ti Betsaida ya' ti Galilea. Tsi' subeyob: Maestro, com j q'uel lojon Jesús, che'ob.

22 Tsa' majli Felipe i suben Andrés. Andrés yic'ot Felipe tsa' majli i subeñob Jesús.

23 Jesús tsi' jac'beyob: I yorajlelix mi caj i yΛq'uentel i ñuclel i Yalobil Winic.

24 Isujm, isujm mic subeñetla: Mi ma'anic mi' yajlel ti lum i bΛc' trigo, mi ma'anic mi' pΛjq'uel, to'ol che' jach mi' yajñel. Mi tsa' mΛjcuyi ti lum, mi' pasel. Mi' yΛc' cabΛ i wut.

25 Jini mu' bΛ i bajñel c'uxbin i cuxtΛlel mi caj i sΛt. Jini mu' bΛ i ts'a'len i cuxtΛlel ti pañimil woli' cΛntan i cuxtΛlel mach bΛ anic mi' jilel.

26 Majqui jach yom i cha'libeñon que'tel, la' i tsajcañon. Ya' ba' añon mi caj i yajñel c winic ja'el. Mi an majch mi' cha'libeñon que'tel, ñuc mi caj i q'uejlel cha'an c Tat.

27 Wen ch'ijiyem jax woli cubin tic pusic'al wΛle. ¿Chuqui yom mic sub? ¿Yom ba mic sub: “C Tat coltañon cha'an ma'anic chuqui mi' yujtel ti ili ora”? Mach che'iqui come tsa' tiliyon cha'an mic chΛmel ti ili ora.

28 C Tat, pΛsΛ i ñuclel a c'aba', che'en Jesús. Jini cha'an tsa' tili t'an ch'oyol bΛ ti panchan. Tsi' yΛΛ: Tsa'ix c pΛsΛ i ñuclel j c'aba'. Mi caj c cha' pΛs, che'en.

29 Jini año' bΛ yic'ot Jesús tsi' yubiyob t'an. Tsi' yΛΛyob: I t'añach chajc, che'ob. Año' bΛ tsi' yΛΛyob: Juntiquil ángel tsi' pejca Jesús, che'ob.

30 Jesús tsi' subeyob: Ma'anic tsa' tili jini t'an cha'añon, pero tsa' tili cha'añetla.

31 WΛle mi caj i mejlelob winicob x'ixicob ti pañimil cha'an i mul. WΛle mi caj i chojq'uel loq'uel i yum jini pañimil.

32 Joñon che' mic letsΛntel ti pañimil, mi caj c pΛy tilel pejtelel winicob x'ixicob ba' añon.

33 Tsi' subeyob jini t'an cha'an mi' ch'Λmbeñob isujm bajche' mi' caj ti chΛmel.

34 Jini ya' bΛ añob tsi' jac'beyob: Tsa cubi lojon mi caj i yajñel jini Cristo ti pejtelel ora. ¿Chucoch ma' wΛl wersa yom mi' letsΛntel i Yalobil Winic? ¿Majqui jini i Yalobil Winic? che'ob.

35 Jesús tsi' subeyob: Mach jalix wΛ'an i sΛclel pañimil la' wic'ot. Cha'lenla xΛmbal

che' anto i sΛclel pañimil la' wic'ot ame mi' tajet ic'ch'ipan bΛ pañimil, come jini mu' bΛ i cha'len xΛmbal ti ic'ch'ipam bΛ pañimil mach yujlic baqui mi' majlel.

36 Che' anto i sΛclel pañimil la' wic'ot, ñopola i sΛclel pañimil. Che' jini, i yalobiletla i sΛclel pañimil. Tsa' ujt i t'an Jesús. Tsa' majli. Tsi' mΛcΛ i bΛ.

Jini judíojob mach yomobic i ñop

37 Anquese cabΛlix i yejtal i p'ΛtΛlel tsa' bΛ i pΛsΛ ti' wutob, ma'anic tsi' ñopoyob.

38 Che' jini, tsa' ts'actiyi jini t'an subil bΛ i cha'an jini x'alt'an Isaías: “C Yum, ¿majqui tsi' ñopo lac t'an? ¿Majqui tsi' q'uelbe i p'ΛtΛlel lac Yum?” che'en.

39 Jini cha'an ma'anic tsa' mejli i ñopob, come Isaías tsi' subu:

40 “Lac Yum tsi' yotsayob ti xpots'. Tsi' tsΛts'esΛbeyob i pusic'al, ame i q'uelob ti' wut, ame i ch'Λmbeñob isujm ti' pusic'al, cha'an mi' sutq'uiñob i bΛ, cha'an mic la-jmesañob”.

41 Che' i tsi' cha'le t'an Isaías cha'an tsi' wΛn q'uelbe i ñuclel Jesús.

42 An yumΛlob ja'el tsa' bΛ i ñopoyob Jesús. Ma'anic tsi' subuyob i bΛ ame chojq'icob loq'uel ti sinagoga, come tsi' bΛc'ñayob fariseojob.

43 Come tsa' jach i mulayob i ñuclel ti' tojlel winicob. Ma'anic tsi' mulayob i ñuclel ti Dios.

44 C'am tsi' cha'le t'an Jesús: Jini mu' bΛ i ñopon, mach cojic jach mi' ñopon. Mi' ñop c Tat tsa' bΛ i chocoyon tilel.

45 Jini mu' bΛ i q'uelon mi' q'uel c Tat tsa' bΛ i chocoyon tilel.

46 Joñon i sΛclelon pañimil. Tsa' tiliyon ti pañimil cha'an ma'anic mi' cΛytΛl ti ic'ch'ipan bΛ pañimil jini mu' bΛ i ñopon.

47 Ma'anic mic mel jini mu' bΛ i yubibeñon c t'an mach bΛ anic mi' jac'. Ma'anic tsa' tiliyon cha'an mic mel jini año' bΛ ti pañimil. Tsa' tiliyon cha'an mij coltañob.

48 Jini mach bΛ yomic i ñopon, mach bΛ anic mi' jac'beñon c t'an, mi caj i toj. Jiñach c t'an mu' bΛ caj i tsictesΛben i mul ti jini cojix bΛ q'uin.

49 Come mach tilemic c t'an tic bajñel pusic'al. C Tat tsa' bΛ i chocoyon tilel tsi'

y_Λq'ueyon mandar cha'an chuqui yom mic sub.

⁵⁰ Cujil jiñach i mandar Dios cha'an mi c_Λq'ueñob winicob x'ixicob i cuxt_Λlel mach b_Λ anic mi' jilel. Jini cha'an che'ach mic sub che' bajche' tsi' subeyon c Tat, che'en Jesús.

13

Jesús tsi' pocbeyob i yoc xcant'añob

¹ Che' maxto tilemic i q'uiñilel Pascua, yujilix Jesús tsa'ix tili i yorajlel cha'an mi' c_Λy pañimil, cha'an mi' majlel ba'an i Tat. Tsi' c'uxbi i cha'año' b_Λ ti pañimil. Ma'anic tsi' c_Λy_Λ i c'uxbiñob.

² Tsa' ujtuyob ti we'el. Jini xiba tsi' ñijcabe i pusic'al Judas, i yalobil Simón Iscariote, cha'an mi' y_Λc' Jesús ti' c'ab i contra.

³ Yujil Jesús anix ti' wenta pejtelel chuqui tac an come i Tat tsi' y_Λq'ue. Yujil ja'el tsa' tili ti Dios, yujil ya' mi' cha' majlel ba'an Dios.

⁴ Tsa' ch'ojoyi ti mesa. Tsi' jocho i bujc. Tsi' wel c_Λch_Λ sujco' c'ab_Λl ti' ñac'.

⁵ Tsi' jebe ja' ti poc'. Tsa' caji i pocbenob i yoc xcant'añob. Tsi' sujcbeyob ti jini pisil tsa' b_Λ i c_Λch_Λ ti' ñac'.

⁶ Tsa' tili Jesús ba'an Simón Pedro. Pedro tsi' sube: C Yum, ¿mu' ba' caj a pocbeñon coc? che'en.

⁷ Jesús tsi' sube: Jini mu' b_Λ c cha'len, ma'anic ma' ch'amben isujm w_Λle. Ti wi'il mi caj a ch'amben isujm, che'en.

⁸ Pedro tsi' sube: Ma'anic mi caj a pocbeñon coc ti pejtelel ora, che'en. Jesús tsi' sube: Mi ma'anic mic poquet, mach c cha'añetic, che'en.

⁹ Simón Pedro tsi' sube: C Yum, mach jinic jach coc yom ma' poc. Poco ja'el j c'ab yic'ot c jol, che'en.

¹⁰ Jesús tsi' sube: Jasal mi' pocbentel i yoc jini pocbilix b_Λ. Che' jini, s_Λquix ti pejtelel. Jatetla s_Λquetla, pero mach pejteleticla, che'en Jesús.

¹¹ Come yujil Jesús majqui mi caj i y_Λc' ti' c'ab i contra. Jini cha'an tsi' subu: “Mach pejteleticla”.

¹² Che' b_Λ tsa' ujt i pocbeñob i yoc, tsi' cha' ch'ama i bujc. Tsa' cha' buchle. Tsi' c'ajtibeyob: ¿La' wujil ba chuqui tsac melbeyetla?

¹³ Mi la' pejcañon ti la' Maestro yic'ot ti la' Yum. Uts'at chuqui mi la' w_Λl, come isujm joñonach.

¹⁴ Mi tsa'ix c pocbeyet la' woc joñon, la' Yumon, la' Maestrojon, che'ach yom mi la' pocben la' b_Λ la' woc.

¹⁵ Tsac pasbeyetla chuqui wen cha'an che'ach yom mi la' mel jatetla ja'el che' bajche' tsac melbeyetla.

¹⁶ Isujm, isujm mic subeñetla: Jini mu' b_Λ i melben i ye'tel i yum, mach ñumen ñuquic bajche' i yum. Jini chocbil b_Λ majlel mach ñumen ñuquic bajche' jini tsa' b_Λ i choco majlel.

¹⁷ Mi la' wujilach chuqui tsac subeyetla, tijicñayetla che' mi la' mel.

¹⁸ Ma'anic mic pejcañetla ti la' pejtelel. Cujil majqui tsac yajca cha'an mi' ts'actiyel i Ts'ijbujel Dios mu' b_Λ i y_Λl: “Jini tsa' b_Λ i c'uxu waj quic'ot tsi' contrajiyon”. Che'ach ts'ijbubil.

¹⁹ Tsa'ix c subeyetla che' maxto ujtemic. Che' mi' yujtel mi caj la' ñop Cristojon.

²⁰ Isujm, isujm mic subeñetla: Jini mu' b_Λ i p_Λy ochel c winic mu' b_Λ c choc majlel, woli' p_Λyon ochel ja'el. Jini mu' b_Λ i p_Λyon ochel woli' p_Λy ochel c Tat ja'el tsa' b_Λ i chocoyon tilel, che'en.

Jesús tsi' w_Λn ala bajche' mi caj i y_Λjq'uel ti' c'ab i contra

(Mt. 26.21-25; Mr. 14.17-21; Lc. 22.21-23)

²¹ Che' b_Λ tsa' ujt i sub jini t'an Jesús, wen ch'ijiyem tsa' caji i yubin ti' pusic'al. Tsi' subu: Isujm, isujm mic subeñetla, juntiquil w_Λ' b_Λ an la' wic'ot mi caj i y_Λc'on ti' c'ab j contra, che'en.

²² Jini xcant'añob tsi' q'ueleyob i b_Λ. Mach yujilobic majqui.

²³ Jesús c'uxatax tsi' yubi juntiquil xcant'an i cha'an ya' b_Λ buchul, l_Λc'Al ti' t'ejl.

²⁴ Simón Pedro tsi' pasbe i c'ab jini xcant'an buchul b_Λ ti' t'ejl Jesús cha'an mi' c'ajtiben majqui jini mu' b_Λ caj i y_Λc' ti' c'ab i contra.

²⁵ Jini ya' b_Λ buchul ti' t'ejl Jesús tsi' sube: C Yum, ¿majqui? che'en.

²⁶ Jesús tsi' jac'be: Jiñach mu' b_Λ c_Λq'uen ts'ajbil b_Λ waj, che'en. Che' b_Λ tsa' ujt i ts'aj waj, tsi' y_Λq'ue Judas i yalobil Simón Iscariote.

27 Che' b_Λ tsi' ch'Λm_Λ jini ts'ajbil b_Λ waj Judas, tsa' ochi Satanás ti' pusic'al. Jesús tsi' sube: Jini mu' b_Λ caj a cha'len, cha'len ti ora, che'en.

28 Jini año' b_Λ ti' t'ejl mesa mi juntiquilic tsi' ch'Λmbe isujm chucoch tsi' sube jini t'an.

29 Come ojilil tsi' y_ΛΛyob ti' pusic'al, tic'Λl mi Jesús tsi' sube Judas i m_Λn chuqui tac yom cha'an q'uin, come jini Judas woli' c_Λntan jini bolsa. Tsi' cha' ña'tayob, tic'Λl mi tsi' sube i y_Λq'uen taq'uin jini mach b_Λ anic i chub_Λ'an. Che' tsi' y_ΛΛyob ti' pusic'al.

30 Che' b_Λ tsa' ujti i ch'Λm ts'ajbil b_Λ waj Judas, tsa' loq'ui ti ora. Ac'Λlelix.

Tsiji' b_Λ mandar

31 Che' loq'uemix Judas, Jesús tsi' y_ΛΛ: W_Λle tsa'ix aq'uenti i ñucl*e*l i Yalobil Winic. Tsa'ix p_Λsle i ñucl*e*l Dios ti' Yalobil.

32 Mi tsa'ix p_Λsle i ñucl*e*l Dios ti' Yalobil, mi caj i p_Λst_Λl i ñucl*e*l i Yalobil ti Dios. Dios mi' caj i b_Λc' tsictesan i ñucl*e*l i Yalobil.

33 Calobilob, jumuc' jach w_Λ' año*n* la' wic'ot. Mi caj la' sajcaño*n*. Che' bajche' tsac sube judío*job*, che' ja'el mic subeñetla: Ya' ba' mic majlel, mach mejlic la' majlel.

34 Mi c_Λq'ueñetla tsijib mandar: C'uxbin la' b_Λ. Che' bajche' tsaj c'uxbiyetla, che' yom mi' la' c'uxbin la' b_Λ.

35 Che' jini, pejtelel winicob mi caj i ña'tañob x_Λant'añetla c cha'an che' mi la' c'uxbin la' b_Λ, che'en Jesús.

Pedro mi caj i y_Λl mach i c_Λñ_Λyic Jesús

(Mt. 26.31-35; Mr. 14.27-31; Lc. 22.31-34)

36 Simón Pedro tsi' c'ajtibe: C Yum, ¿baqui ma' majlel? che'en. Jesús tsi' jac'be: Ya' ba' mic majlel maxto anic mi mejlel a tsajcaño*n* majlel, che'en.

37 Pedro tsi' sube: C Yum, ¿chucoch maxto mejlic c tsajcañet majlel? Mi caj c_Λc' c b_Λ ti chamel cha'añet, che'en.

38 Jesús tsi' sube: ¿Mu' ba a w_Λc' a b_Λ ti chamel cha'año*n*? Isujm, isujm mic subeñet, che' maxto anic tsi' cha'le uq'uel tat mut, uxyajl mi caj a sub mach a c_Λñ_Λyonic, che'en.

14

Jesús yic'ot i Tat

1 Mach la' mel la' pusic'al. Mi la' ñop Dios. Ñopoyon ja'el.

2 Ti' yotot c Tat an cab_Λl chumlib_Λl. Machic an chumlib_Λl, tsac subeyetla, come mic majlel c chajp_Λbeñetla la' wajñib.

3 Mi tsa'ix majli c chajpan la' wajñib, cha' talon c p_Λyetla majlel ba' año*n*, cha'an ya' ba' año*n*, ya' añetla ja'el.

4 La' wujil baqui mic majlel. C_Λñ_Λl la' cha'an i bijlel, che'en.

5 Tomás tsi' sube: C Yum, mach kujilic lojon baqui ma' majlel. ¿Bajche' mi mejlel j c_Λn lojon i bijlel? che'en.

6 Jesús tsi' sube: Joño*n* i bijlelon isujm-lelon, i cuxt_Λlelon. Ma'anic majch mi' c'otel ba'an c Tat, jini jach am b_Λ tic wenta.

7 Tsa'ic la' c_Λñ_Λyon, tsa' la' c_Λñ_Λ c Tat ja'el. W_Λle c_Λñ_Λlix la' cha'an c Tat. Tsa'ix la' q'uele, che'en.

8 Felipe tsi' sube: C Yum, p_Λsbeño*n* lojon a Tat. Jas_Λl mi tsa' p_Λs_Λ, che'en.

9 Jesús tsi' sube: Cab_Λlix ora w_Λ' año*n* la' wic'ot. ¿Mach ba anic tsa' c_Λñ_Λyon, Felipe? Jini tsa' b_Λ i q'ueleyon, tsa'ix i q'uele c Tat. ¿Chucoch ma' w_Λl, che' jini: “P_Λsbeño*n* lojon a Tat”? che'et.

10 ¿Mach ba anic ma' ñop año*n* tic Tat, c Tat an ti joño*n*? Jini t'an mu' b_Λ c subeñetla, ma'anic mic sub tic bajñelil. C Tat mu' b_Λ i yajñel ti joño*n* woli' mel jini e'tel quic'ot.

11 Ñopoyon, año*n* tic Tat, c Tat an ti joño*n*. Mi ma'anic mi la' ñop c t'an, ñopoyon cha'an que'tel.

12 Isujm, isujm mic subeñetla, jini mu' b_Λ i ñopon, mi caj i cha'len jini e'tel mu' b_Λ c cha'len ja'el. Ñumen ñuc bajche' tsac cha'le mi caj i cha'len, come mic majlel ba'an c Tat.

13 Pejtelel chuqui tac mi la' c'ajtiben c Tat tij c'aba', mi caj c cha'len cha'an mi' tsictiyel i ñucl*e*l c Tat ti' Yalobil.

14 Mi an chuqui mi la' c'ajtin tij c'aba', joño*n* mi caj c jac'.

Jini Ch'ujul b_Λ Espíritu

15 Mi c'ux mi la' wubiño*n*, mi caj la' jac'beño*n* c mandar.

16 Joño*n* mi caj j c'ajtiben c Tat. Mi caj i y_Λq'ueñetla yamb_Λ la' waj Pi'leya, cha'an mi' yajñel la' wic'ot ti pejtelel ora.

17 Jiñach jini Espiritu mu' b_A i p_{AS} i sujmllel Dios. Jini i cha'año' b_A pañimil mach mejlic i y_{AQ}'uentelob, come ma'anic mi' q'uelob, ma'anic mi' c_{AÑ}ob ja'el. Jatetla mi la' c_{AN}, come mi' yajñel la' wic'ot. Mi caj i yajñel ti la' pusic'al.

18 Ma'anic mi caj j c_{AY}etla ti meba'. Cha' talon ba' añetla.

19 Jumuc' jach, ma'anic mi caj i c_{AN} q'ueloñob jini año' b_A ti pañimil. Jatetla mi la' q'uelon. Cha'an cuxulon, mi caj la' taj la' cuxt_{AL}el ja'el.

20 Ti jini jach b_A q'uin mi caj la' ña'tan añoñ tic Tat, añetla ti joñon, añoñ ti jatetla.

21 Jini mu' b_A i c_{AN} c mandar, mu' b_A i jac', jiñach mu' b_A i c'uxbiñon. Jini mu' b_A i c'uxbiñon, mi caj i c'uxbintel cha'an c Tat. Joñon mi caj j c'uxbin ja'el. Mi caj c_{AQ}'ueñetla la' wen c_{AÑ}on. Che' tsi' y_{ALA} Jesús.

22 Yañach b_A Judas, mach jinic Judas Iscariote, tsi' sube: C Yum, ¿chucoch mi caj a w_{AQ}'ueñoñ lojon c wen c_{AÑ}et, che' ma'anic ma' w_{AQ}'ueñoñob i c_{AÑ}et jini i cha'año' b_A pañimil? che'en Judas.

23 Jesús tsi' sube: Jini mu' b_A i c'uxbiñon mi caj i jac'beñoñ c t'an. Mi caj i c'uxbintel cha'an c Tat. Mi caj c tilel lojon ba'an. Mi caj c cha'len lojon chumt_{AL} quic'ot.

24 Jini mach b_A anic mi' c'uxbiñon ma'anic mi' jac'beñoñ c t'an. Jini t'an tsa' b_A la' wubi mach c cha'anic. I cha'añach c Tat tsa' b_A i chocoyon tilel.

25 Tsac subeyetla jini t'an che' w_A'to añoñ la' wic'ot.

26 C Tat mi caj i choc tilel la' waj Pi'leya tij c'aba'. Jiñach Ch'ujul b_A Espiritu. Jini mi caj i c_{ANT}esañetla pejtelel chuqui an. Mi caj i y_{AQ}'ueñetla la' cha' ña'tan pejtelel chuqui tsac subeyetla.

27 Mic ñach'chocobeñetla la' pusic'al. Jiñach i ñach'tilel c pusic'al mu' b_A c_{AQ}'ueñetla. Mach lajalic bajche' mi la' taj ti pañimil. Mach la' mel la' pusic'al. Mach la' cha'len b_{AQ}'uen.

28 Tsa' la' wubi chuqui tsac subeyetla: "Mic majlel, pero mic cha' tilel ba' añetla". Tsa'ic la' wen c'uxbiyon, tijicña la' pusic'al cha'an tsac subeyetla mic majlel ba'an c Tat, come ñumen ñuc c Tat bajche' joñon.

29 W_{AL}e tsa'ix c subeyetla che' maxto anic tsa' ujtí, cha'an mi la' ñopon ba' ora mi' yujtel.

30 Mach c_{AN} cab_{AL}ix mic pejcañetla, come tal i yum pañimil. Ma'anic i p'_{AT}lel tij contra.

31 Mic cha'len che' bajche' tsi' subeyon c Tat ti mandar cha'an mi' ña'tañoñ ti pejtelel pañimil, c'ux mi cubin c Tat. Ch'ojyenla. Conla.

15

Jesús jini Isujm b_A Ac'

1 Joñon jini Isujm b_A Ac'on. C Tat jiñach Xpora.

2 Jini mi' tsep loq'uel pejtelel j c'_{AB} mach b_A anic mi' y_{AC}' i wut. Pejtelel mu' b_A i y_{AC}' i wut, mi caj i porajin cha'an ñumen cab_{AL} mi' y_{AC}' i wut.

3 S_{AQ}uetixla cha'an jini t'an tsa' b_A c subeyetla.

4 Ajñenla ti joñon. Joñon ja'el mi caj cajñel ti jatetla. I c'_{AB} ac' ma'anic mi mejlel i y_{AC}' i wut ti' bajñelil, che' ma'anic mi' yajñel ti' y_{AQ}'uil. Che' ja'el jatetla mach mejlic la' w_{AC}' la' wut, che' ma'anic mi la' wajñel ti joñon.

5 Joñon jini Ac'on, jatetla j c'_{AB}etla. Jini mu' b_A i yajñel ti joñon che' woli cajñel ti jini winic, jiñach mu' b_A i y_{AC}' cab_{AL} i wut. Ma'anic chuqui mi mejlel la' mel mi ma'anic mi la' wajñel ti joñon.

6 Jini mach b_A anic mi' yajñel ti joñon, mi caj i chojquel loq'uel che' bajche' mach b_A wenic b_A i c'_{AB} ac'. Mi' tiquin. Mi caj i temp_{AY}el cha'an mi' chojquel ti c'ajc.

7 Mi woli la' wajñel ti joñon, mi woli' yajñel c t'an ti jatetla, c'ajtinla chuqui tac jach la' wom, mi caj la' jac'bentel.

8 Mi' caj ti p_{AST}al i ñucl_{EL} c Tat, che' mi la' w_{AC}' cab_{AL} la' wut. Che' jini, x_{CANT}'añetla c cha'an.

9 Che' bajche' tsi' c'uxbiyon c Tat, che' ja'el tsaj c'uxbiyetla. C_{AN} ajñenla tij c'uxbiya.

10 Mi woli la' jac'beñoñ c mandar, mi caj c c_{AN} c'uxbiñetla. Che' ja'el tsac jac'be i mandar c Tat. Wolic c_{AN} c'uxbintel tic Tat.

11 Jini t'an tsac subeyetla cha'an mi' yajñel ti la' pusic'al i tijicñ_{AY}el c pusic'al, cha'an mi' ts'_{ACT}iyel i tijicñ_{AY}el la' pusic'al.

12 Jiñach c mandar: C'uxbin la' b_Λ che' bajche' tsaj c'uxbiyetla.

13 Jiñach ñuc b_Λ c'uxbiya che' an majch mi' y_Λc' i b_Λ ti ch_Λmel cha'an i pi'lob. Ma'anic majch ñumen cab_Λl i c'uxbiya bajche' jini.

14 Jatetla c pi'letla che' mi la' cha'len chuqui mic subeñetla.

15 Ma'anic mic ch_Λn pejcañetla tic winic, come jini winic am b_Λ ti' yum mach yujlic chuqui mi' cha'len i yum. Mic pejcañetla tic pi'lob, come pejtelel chuqui tsa cubi tic Tat, tsa'ix c_Λq'ueyetla la' ñop.

16 Jatetla ma'anic tsa' la yajcayon. Joñon tsac yajcayetla. Tsa c_Λq'ueyetla la' we'tel cha'an mi la' majlel la' w_Λc' la' wut mu' b_Λ caj i jalijel, cha'an mi' y_Λq'ueñetla c Tat pejtelel chuqui mi la' c'ajtiben tij c'aba'.

17 Jiñach c mandar cha'an mi la' ch_Λn c'uxbin la' b_Λ.

Jini año' b_Λ ti pañimil mi' ts'a'leñetla

18 Mi ts'a' mi' q'ueletla jini i cha'año' b_Λ pañimil, ña'tanla ts'a' tsi' q'ueleyoñob ti ñaxan.

19 I cha'año' b_Λ pañimil mi' c'uxbiñob i b_Λ. I cha'añeticla pañimil, mi' c'uxbiñetla. Mach i cha'añeticla pañimil, come tsac yajcayetla. Jini cha'an jini año' b_Λ ti pañimil mi' ts'a'leñetla.

20 Ña'tanla jini t'an tsa' b_Λ c subeyetla: "Jini mu' b_Λ i melben i ye'tel i yum mach ñumen ñuquic bajche' i yum". Mi tsi' tic'layoñob, mi caj i tic'lañetla ja'el. Mi tsi' jac'ayob c t'an, mi caj i jac'ob la' t'an ja'el.

21 Che'ach mi caj i melbeñetla i cha'año' b_Λ pañimil cha'an ti' caj j c'aba', come ma'anic mi' c_Λñob jini tsa' b_Λ i chocoyon tilel.

22 Machic tsa' tiliyon, machic tsac pejcayob, ma'año'bic i mul. W_Λle año' i mul. Mach mejlic i subob ma'año'bic i mul.

23 Jini mu' b_Λ i ts'a'leño'n, mi' ts'a'len c Tat ja'el.

24 Ma'anic majch tsi' mele ñuc b_Λ i ye'tel che' bajche' tsac mele ti' tojlelob. Machic tsac mele, ma'año'bic i mul. W_Λle tsa'ix i q'ueleyob. Mi' ts'a'leño'ñob quic'ot c Tat ja'el.

25 Che' jini, mi' ts'actiyel jini t'an ts'ijbubil b_Λ ti mandar: "Tsi' ts'a'leyoñob cha'an jach yomob".

26 Mi caj c chocheñetla tilel la' waj Pi'leya ch'oyol b_Λ tic Tat. Jiñach jini Espíritu ch'oyol b_Λ tic Tat mu' b_Λ i ts'actesan i sujmllel c t'an. Che' mi' tilel mi caj i y_Λc'on ti c_Λjñel.

27 Jatetla ja'el mi caj la' w_Λc'on ti c_Λjñel, come añetla quic'ot c'ala' ti' cajibal j c_Λntesa.

16

1 Tsac subeyetla jini t'an cha'an ma'anic mi' tejchel tile bixel b_Λ la' pusic'al.

2 Jini judíojob mi caj i choquetla loq'uel ti sinagoga. Mi caj i c'otel i yorajlel che' mi caj i lon ña'taño'b uts'at woli' melbeño'b i ye'tel Dios che' mi' ts'ansaño'etla.

3 Che'ach mi caj i cha'leño'b, come mach i c_Λñayobic c Tat. Ma'anic tsi' c_Λñayoño'b ja'el.

Iye'tel Ch'ujul b_Λ Espíritu

4 Tsac subeyetla chuqui tac tal cha'an mi la' ña'tan ba' ora mi' yujtel, jiñach tsa' b_Λ c w_Λn subeyetla. Ma'anic tsac subeyetla che' ti' cajibal, come w_Λ' to año'n la' wic'ot.

5 W_Λle mic majlel ba'an jini tsa' b_Λ i chocoyon tilel. Mi juntiquileticla woli' c'ajtibeño'n baqui mic majlel.

6 Pero wen ch'ijyem jax la' pusic'al cha'an c t'an tsa' b_Λ c subeyetla.

7 Mic subeñetla ti isujm: Ñumen uts'at cha'añetla mi tsa' majliyon. Mi ma'anic mic majlel, mach talic la' waj Pi'leya ba' añetla. Che' majlemonix mi caj c chocheñetla tilel.

8 Che' julemix la' waj Pi'leya, mi caj i jec'beño'b i pusic'al winicob x'ixicob ti pañimil cha'an mi' tsictesabeño'b i mul yic'ot toj b_Λ c pusic'al yic'ot tojmulil.

9 Mi caj i ña'taño'b año'b i mul cha'an ma'anic tsi' ñopoyoño'b.

10 Mi caj i ña'taño'b toj c pusic'al, come mic majlel ba'an c Tat. Ma'anix mi caj la' ch_Λn q'uelon.

11 Mi caj i ña'taño'b an tojmulil, come ots_Λbilix ti tojmulil i yum pañimil.

12 An to cab_Λl chuqui com c subeñetla. Maxto mejlic la' lu' ch'amben i sujmllel.

13 Che' julemix jini Espíritu mu' b_Λ i p_Λs i sujmllel, mi caj i y_Λq'ueñetla la' c_Λn pejtelel i sujmllel. Come ma'anic mi' c'Λ'n i bajñel pusic'al i tsictesan chuqui tac mi' sub. Mi'

sub pejtelel chuqui tac mi' yubin. Mi' caj i subeñetla chuqui tac tal.

¹⁴ Mi caj i p_{AS} c ñucl_{el}, come mi caj i lu' ch'_{AM} ti' wenta. Mi caj i y_{AQ}'ueñetla la' c_{AN}.

¹⁵ Pejtelel chuqui an i cha'an c Tat, c cha'añ_{ACH}. Jini cha'an tsac subeyetla mi caj i lu' ch'_{AM} ti' wenta. Mi caj i y_{AQ}'ueñetla la' c_{AN}.

Mi caj i q'uestiyel i ch'ijiyemlel la' pusic'al ti' tijicñayel

¹⁶ Jumuc' jax ma'anix mi caj la' q'uelon. Ti yamb_A jumuc' to mi caj la' cha' q'uelon, come mic majlel ba'an c Tat, che'en.

¹⁷ Jini cha'an jini xc_{ANT}'añob i cha'an tsa' caji i c'ajtibeñob i b_A: ¿Chuqui jini mu' b_A i subeñonla Jesús? “Jumuc' jax”, che'en, “ma'anic mi caj la' q'uelon. Ti yamb_A jumuc' to mi caj la' cha' q'uelon, come mic majlel ba'an c Tat”.

¹⁸ Jini cha'an tsi' y_{ALAYOB}: ¿Chuqui i sujml_{el} che' mi' y_{AL} Jesús, jumuc' to? Ma'anic mi lac ch'_{AMBEN} isujm chuqui mi' y_{AL}, che'ob.

¹⁹ Tsi' ña'ta Jesús chuqui yom i c'ajtibeñob. Tsi' subeyob: ¿Mu' ba la' c'ajtiben la' b_A chuqui i sujml_{el} c t'an tsa' b_A c_{ALA}: “Jumuc' ma'anic mi caj la' q'uelon. Ti yamb_A jumuc' to mi caj la' cha' q'uelon?”

²⁰ Isujm, isujm mic subeñetla: Jatetla mi caj la' cha'len uq'uel, mi caj la' mel la' pusic'al. Jini año' b_A ti pañimil tijicña mi caj i yubiñob. Jatetla ch'ijiyem jax mi caj la' wubin. Ti wi'il mi caj i q'uestiyel i ch'ijiyemlel la' pusic'al ti' tijicñayel.

²¹ Che' i yorajlelix mi caj i yilan pañimil al_{AL}, mi' yubin wocol i ña' cha'an bajq'uel. Ti wi'il, che' tsa'ix i meq'ue al_{AL}, ma'anix ch_{AN} c'ajal i cha'an i wocol, come tijicñayix i pusic'al cha'an tsi' yila pañimil i yalobil.

²² Jatetla ja'el wocol mi la' wubin w_{ALE}. Joñon mi caj c cha' q'ueletla. Tijicña mi caj la' wubin. Ma'anic majch mi mejlel i y_{AC}' ti jilel i tijicñayel la' pusic'al.

²³ Ti jini q'uin ma'anic mi caj la' c'ajtibeñon i sujml_{el} c t'an. Isujm, isujm mic subeñetla, pejtelel chuqui mi la' c'ajtiben c Tat tij c'aba', mi caj i y_{AQ}'ueñetla.

²⁴ C'_{ALAL} w_{ALE} ma'anic chuqui tsa' la' c'ajti tij c'aba'. C'ajtinla. Mi caj la' w_{AQ}'uentel cha'an mi' ts'_{ACTIYEL} i tijicñayel la' pusic'al.

Tsac t'uchta i p'_{ATLAL} pañimil

²⁵ Jini t'an tsac subeyetla ti lajiya. Tal i yorajlel che' ma'anic mic ch_{AN} pejcañetla ti lajiya. Mi caj c subeñetla i sujml_{el} c Tat ti wen tsiquil b_A t'an.

²⁶ Ti jini q'uin mi caj la' cha'len c'ajtiya tij c'aba'. Ma'anic wolic subeñetla mi caj j c'ajtiben lac Tat cha'añetla.

²⁷ Come c Tat ja'el mi' c'uxbiñetla, come jatetla mi la' c'uxbiñon. Tsa'ix la' ñopo tilemon ti Dios.

²⁸ Tsa' loq'uiyon tilel ba'an c Tat. Tsa' tiliyon ti pañimil. Ti yamb_A ora mi caj j c_{AY} pañimil. Mi caj c cha' majlel ba'an c Tat, che'en.

²⁹ Jini xc_{ANT}'añob i cha'an tsi' subeyob: Awilan, tsiquil_{ACH} i sujml_{el} a t'an w_{ALE}. Mach ti lajiyajic woliyet ti t'an.

³⁰ Cujilix lojon a wujil_{ACH} pejtelel chuqui tac an. Mach yomic ma' c_{ANTESANTEL} ti winicob. Jini cha'an mic ñop lojon tilemet ti Dios, che'ob.

³¹ Jesús tsi' c'ajtibeñob: ¿Mu' ba la' ñop w_{ALE}?

³² Awilan, tal i yorajlel, i yorajel_{ELIX} w_{ALE}, mi caj la' pam pujquel. Ti jujuntiquiletla mi caj la' sujt_{el} ti la' wotot. Mi caj la' c_{AYON} tic bajñelil. Pero mach c bajñelic, come an quic'ot c Tat.

³³ Tsac subeyetla jini t'an cha'an mi la' taj i ñ_{ACH}'tilel la' pusic'al ti joñon. Ti pañimil mi caj la' taj wocol. La' ñuc'ac la' pusic'al, come tsac jis_{ABE} i yum_{ANTEL} pañimil, che'en.

17

Jesús tsi' taja ti oración xc_{ANT}'añob i cha'an

¹ Jesús tsi' subeyob jini t'an. Tsi' letsa i wut ti panchan. Tsi' y_{ALAL}: C Tat, i yorajlelix w_{ALE}. P_{ASA} i ñucl_{el} a Walobil, cha'an mi' p_{AS} a ñucl_{el} a Walobil ja'el.

² Come tsa' wotsa pejtelel winicob x'ixicob tic p'_{ATLAL} cha'an mi c_{AQ}'ueñob i cuxtalel mach b_A anic mi' jilel ti pejtelelob tsa' b_A a w_{AQ}'ueyon.

³ Jiñ_{ACH} i cuxtalel mach b_A anic mi' jilel, che' mi' c_{AÑETOB} jini mero Dios, jini cojach b_A, yic'ot Jesucristo, tsa' b_A a choco tilel.

⁴ Tsac p_{ASA} a ñucl_{el} ila ti pañimil. Tsa'ix c ts'_{ACTESA} jini e'tel tsa' b_A a w_{AQ}'ueyon cha'an mic mel.

⁵ WΛle, c Tat, pΛsΛ c ñuclcl che' bajche' an c cha'an quic'otet che' maxto anic pañimil.

⁶ Tsac tsictesΛbeyob a c'aba' jini winicob tsa' bΛ a wΛq'ueyon ti pañimil. A cha'añob, tsa' wΛq'ueyoñob. Tsi' jac'Λyob a t'an.

⁷ Yujilobix ya' ch'oyol ba' añet pejtelel tsa' bΛ a wΛq'ueyon.

⁸ Come tsa cΛq'ueyob ili t'an tsa' bΛ a wΛq'ueyon. Tsi' ñopoyob. Yujilobix, isujm tsa' loq'uiyon tilel ba' añet. Tsi' ñopoyob chocbilon tilel a cha'an.

⁹ Mij c'ajtibeñet i wenlel. Ma'anic mij c'ajtibeñet i wenlel i cha'año' bΛ pañimil. Pero mij c'ajtibeñet i wenlel jini winicob tsa' bΛ a wΛq'ueyon, come a cha'añob.

¹⁰ A cha'añobΛch pejtelel c cha'año' bΛ. C cha'añobΛch pejtelel a cha'año' bΛ ja'el. Woli' tsictiyel c ñuclcl ti jini xñopt'añob.

¹¹ Mach chΛn añonix ti pañimil pero añob to ti pañimil. Joñon cha' talon ba' añet. C Ch'ujutat, cΛntañob ti a c'aba' jini xñopt'añob tsa' bΛ a wΛq'ueyon cha'an mi' yajñelob ti jump'ejl jach i pusic'al che' bajche' joñonla.

¹² Che' wΛ'to añon quic'otob ti pañimil, tsaj cΛntayob ti a c'aba'. Tsaj cΛnta jini xñopt'añob tsa' bΛ a wΛq'ueyon. Ma'anic tsa' sajti mi juntiquilic, jini jach mu' bΛ i majlel ti tojmulil cha'an mi' ts'actiyel i Ts'ijbujel Dios.

¹³ WΛle talon ba' añet. Wolic sub jini t'an ti pañimil cha'an mi' ts'actiyel i tijicñΛyel i pusic'al che' bajche' i tijicñΛyel c pusic'al.

¹⁴ Tsa cΛq'ueyob a t'an. Jini i cha'año' bΛ pañimil tsi' ts'a'leyob c cha'año' bΛ, come mach i cha'añobic pañimil che' bajche' joñon ja'el mach i cha'añonic pañimil.

¹⁵ Ma'anic mij c'ajtibeñet cha'an ma' pΛyob loq'uel ti pañimil. Mij c'ajtibeñet cha'an ma' chΛcΛ q'uelob ame yajlicob ti jontolil.

¹⁶ Mach i cha'añobic pañimil che' bajche' joñon mach i cha'añonic pañimil ja'el.

¹⁷ SΛq'uesañoob ti a sujmlcl. IsujmΛch jini a t'an.

¹⁸ Che' bajche' tsa' chocoyon tilel ti pañimil, che' ja'el tsac chocoyob majlel ti pejtelel pañimil.

¹⁹ Mi cΛq'ueñet c bΛ cha'an mi' yΛq'ueñetob i bΛ ja'el cha'an ti' sujmlcl a t'an.

²⁰ Mach cojic jach ili winicob x'ixicob mic tajob ti oración, pero ti pejtelelob mu' bΛ caj i ñopoñob cha'an ti' t'an ili wΛ' bΛ añob,

²¹ cha'an mi' yajñelob ti jump'ejl jach i pusic'al pejtelel xñopt'añob. Che' bajche' añet ti joñon, c Tat, añon ja'el ti jatet, la' ajñicob ja'el ti joñonla cha'an mi' ñopob jini año' bΛ ti pañimil jatet tsa' chocoyon tilel.

²² Joñon tsa cΛq'ueyob c ñuclcl tsa' bΛ a wΛq'ueyon cha'an mi' yajñelob ti jump'ejl jach i pusic'al, che' bajche' jump'ejl lac pusic'al ja'el.

²³ Añon ti' tojlelob, añet ti joñon, cha'an mero jump'ejlob jach i pusic'al. Che' jini, jini año' bΛ ti pañimil mi' caj i ña'tañob jatet tsa' chocoyon tilel. Mi mejlel i ña'tañob ja'el c'ux tsa' wubiyob, che' bajche' c'ux tsa' wubiyon.

²⁴ C Tat, ya' ba' añon com temel mi' yajñelob jini tsa' bΛ a wΛq'ueyon cha'an mi' q'uelob c ñuclcl tsa' bΛ a wΛq'ueyon, come c'ux tsa' wubiyon che' maxto melbilic pañimil.

²⁵ Toj bΛ c Tat, ma'anic tsi' cΛñΛyet año' bΛ ti pañimil. Joñon tsaj cΛñΛyet. Yujilob xñopt'añob ja'el tsa' chocoyon tilel.

²⁶ Tsa cΛq'ueyob i cΛn a c'aba'. Mu' to caj c chΛn ac' ti cΛjñel cha'an lajal mi' c'uxbiñoñob che' bajche' tsa' c'uxbiyon, cha'an mi' cajñel ti' pusic'alob.

18

Tsa' chujqui Jesús

(Mt. 26.47-56; Mr. 14.43-50; Lc. 22.47-53)

¹ Che' bΛ tsa' ujti ti t'an Jesús, tsa' c'axi yic'ot xcΛnt'añob i cha'an ti junwejl pa' i c'aba' Cedrón ba'an pΛc'ΛbΛl. Ya' tsa' ochi yic'ot xcΛnt'añob i cha'an.

² CΛmbil jini pΛc'ΛbΛl i cha'an Judas ja'el, jini tsa' bΛ i yΛc'Λ Jesús ti' c'Λb i contra, come cabΛl tsa' ajni ya' i Jesús yic'ot xcΛnt'añob i cha'an.

³ Judas tsi' pΛyΛ tilel junmojt soldado-job yic'ot xcΛntayajob i cha'an motomajob yic'ot fariseojob. Tsa' tiliyob yic'ot c'ajc yic'ot taj yic'ot espada.

⁴ Ña'tΛbilix i cha'an Jesús pejtelel chuqui tac mi' caj i tumbentel. Tsa' majli ba' añob. Tsi' c'ajtibeñet: ¿Majqui woli la' sajcan? che'en.

⁵ Tsi' jac'beyob: Jesús, jini ch'oyol ba ti Nazaret, che'ob. Jesús tsi' subeyob: Joñoñach, che'en. Ya'an Judas ja'el yic'otob. Jiñach tsa' ba i yac'la Jesús ti' c'ab i contra.

⁶ Che' ba tsi' subeyob: “Joñoñach”, wala pat tsi' chocoyob majlel i ba. Tsa' yajliyob ti lum.

⁷ Jesús tsi' cha' c'ajtibeyob: ¿Majqui woli la' sajcan? che'en. Tsi' subeyob: Jesús, jini ch'oyol ba ti Nazaret, che'ob.

⁸ Tsi' jac'la Jesús: Tsa'ix c subeyetla joñoñach. Mi woli la' sajcañon, la' sujticob ili xcant'añob c cha'an, che'en.

⁹ Che'ach tsa' ujti cha'an mi' ts'actiyel jini t'an tsa' ba i yala Jesús: “Ma'anic tsa' sajti mi juntiquilic xcant'an tsa' ba a walaq'ueyon”.

¹⁰ Wale Simón Pedro tsi' bots'o i yespada. Tsi' wel tsepbe loq'uel ñoj ba i chiquin i winic jini ñuc ba motomaj. I c'aba' jini winic Malco.

¹¹ Jesús tsi' sube: Pedro, otsan a wespada ti' yotot. ¿Mach ba yomic mic laj ñusan ili wocol tsa' ba i yalaq'ueyon c Tat? che'en.

Jesús ti' tojlel ñuc ba motomaj

(Mt. 26.57-68; Mr. 14.53-68; Lc. 22.54-57)

¹² Jini soldadojob yic'ot i capitán yic'ot xcantayajob i cha'an judíojob tsi' chucuyob Jesús. Tsi' c'achayob.

¹³ Tsi' ñaxan payayob majlel ba'an Anás, i ñij'al Caifás, jini ñuc ba motomaj ti jini jabil.

¹⁴ (Jiñach Caifás tsa' ba i sube judíojob uts'at mi' chamel juntiquil winic cha'an i q'uexol winicob x'ixicob.)

¹⁵ Simón Pedro tsi' tsajca majlel Jesús yic'ot yamba xcant'an. Jini yamba xcant'an cambilach i cha'an jini ñuc ba motomaj. Tsa' ochi yic'ot Jesús ya' ti' pam i yotot jini ñuc ba motomaj.

¹⁶ Pedro tsa' cale ti jumpat, wa'al ti' ti' otot. Jini cha'an jini yamba xcant'an, cambil ba i cha'an jini ñuc ba motomaj, tsi' pejca jini xch'oc tsa' ba i canta i ti' otot. Jini xch'oc tsi' paya ochel Pedro.

¹⁷ Jini xch'oc tsa' ba i canta i ti' otot tsi' c'ajtibe Pedro: ¿Mach ba xcant'añetic i cha'an ja'el? che'en. Pedro tsi' yala: Mach joñoñic, che'en.

¹⁸ Wa'alob x'e'telob yic'ot xcantayajob ya' ba' tsi' meleyob c'ajc come an tsañal. Woli'

q'uixñesañob i ba. Ya' wa'al Pedro ja'el yic'otob. Woli' q'uixñesan i ba.

¹⁹ Jini ñuc ba motomaj tsa' caji i c'ajtiben Jesús: ¿Majqui xcant'añob a cha'an? ¿Chuqui a cantesa? che'en.

²⁰ Jesús tsi' jac'be: Joñon tsac pejayob ti jamal jini año' ba ti pañimil. C tilelach mic cha'len cantesa ti sinagoga yic'ot ti Templo ba' mi' tempañob i ba pejtelel judíojob. Ma'anic tsac subu t'an ti mucul jach.

²¹ ¿Chucoch wola' c'ajtibeñon, che' jini? C'ajtibeñob jini tsa' ba i yubiyob chuqui tsac subeyob. Yujilob chuqui tsac subu, che'en Jesús.

²² Che' ba tsa' ujti i sub jini t'an, juntiquil winic wa'al ba ti' t'ejl tsi' poch'i Jesús. Tsi' yala: ¿Mu' ba a jac'ben i t'an jini ñuc ba motomaj che' bajche' jini? che'en.

²³ Jesús tsi' jac'be: Mi jontol chuqui tsac subu, tsictesan c jontolil. Mi weñach chuqui tsac subu, ¿chucoch ma' poch'iñon? che'en.

²⁴ Che' c'achal to Jesús, Anás tsi' choco majlel ba'an Caifás jini ñuc ba motomaj.

Pedro tsi' yala mach i cañayic Jesús

(Mt. 26.71-75; Mr. 14.69-72; Lc. 22.58-62)

²⁵ Wa'al to Simón Pedro, woli' q'uixñesan i ba. Tsi' c'ajtibeyob: ¿Jatet ba ja'el xcant'añet i cha'an? che'en. Pedro tsi' yala: Mach joñoñic, che'en.

²⁶ Juntiquil i winic jini c'ax ñuc ba motomaj, i pi'alach jini tsa' ba tsepenti loq'uel i chiquin, tsi' yala: ¿Mach ba tsa'ic j q'ueleyet ya' ti' pac'abal a wic'ot jini Jesús? che'en.

²⁷ Pedro tsi' cha' ala mach i cañayic Jesús. Ti ora jini tat mut tsi' cha'le uq'uel.

Jesús ti' tojlel Pilato

(Mt. 27.1-2, 11-14; Mr. 15.1-5; Lc. 23.1-5, 13-25)

²⁸ Tsa' caji i payob loq'uel Jesús ti' yotot Caifás. Tsi' payayob majlel ti meloñibal. Wolix i sac'an pañimil. Ma'anic tsa' ochiyob ti meloñibal judíojob ame bib'acob, come yom i cha'leñob we'el che' ti Pascua.

²⁹ Jini cha'an Pilato tsa' loq'ui i pejcañob. Tsi' c'ajtibeyob: ¿Chuqui i mul jini winic? Subula, che'en.

³⁰ Tsi' jac'beyob: Machic xjontolil jini winic, ma'anic tsa cac'Λ lojon ti a c'Λb, che'ob.

³¹ Pilato tsi' subeyob: Παυλα majlel jatetla. Melela che' bajche' ts'ijbubil ti la' mandar, che'en. Jini judíojob tsi' γαλαyob: Tic'bilon lojon ti mandar cha'an mach yomic mic tsansan lojon winic, che'ob.

³² Che'i tsi' γαλαyob judíojob cha'an mi' ts'actiyel i t'an Jesús tsa' bΛ i γαλα bajche' mi' caj ti chamel.

³³ Jini cha'an Pilato tsa' cha' ochi ti meloñibal. Tsi' παυλα tilel Jesús. Tsi' c'ajtibe: ¿Jatet ba i Reyet judíojob? che'en.

³⁴ Jesús tsi' jac'Λ: ¿Tilem ba jini t'an ti a bajñel pusic'al, o am ba majch tsi' ñaxan subeyet? che'en.

³⁵ Pilato tsi' jac'Λ: ¿Judíojon ba? A pi'Λlob ti a lumal yic'ot ñuc bΛ motomajob tsi' γαλαyob tij c'Λb. ¿Chuqui tsa' cha'le? che'en.

³⁶ Jesús tsi' jac'Λ: Mach wΛ'ic ch'oyol c yumantel ti pañimil. WΛ'ic ch'oyol tsa'Λch i cha'leyob guerra c winicob cha'an ma'anic mi cΛjq'uel ti' c'Λb judíojob. Pero mach wΛ'ic ch'oyol c yumantel, che'en Jesús.

³⁷ Jini cha'an Pilato tsi' c'ajtibe: ¿Reyet ba che' jini? che'en. Jesús tsi' jac'Λ: Reyon cu, che' bajche' wola' wΛ. Jini cha'an tsa quila pañimil. Jini cha'an tsa' tiliyon ti pañimil cha'an mi cac' ti cΛjñel i sujmllel Dios. Pejtelel majqui mi' ñop i sujmllel mi' yubin c t'an, che'en.

³⁸ Pilato tsi' sube: ¿Chuqui i sujmllel? che'en. Che' bΛ tsa' ujti i sub jini t'an, tsa' cha' loq'ui i pejcan judíojob. Tsi' subeyob: Tsaj q'uele ma'anic i mul jini winic.

³⁹ C tilelΛch che' ti' yorajlel Pascua mi cac' ti coled juntiquil xñujp'el. ¿La' wom ba mi cac' ti coled i Rey judíojob? che'en Pilato.

⁴⁰ Jini cha'an tsi' cha' cha'leyob c'am bΛ t'an. Tsi' γαλαyob: Mach jiniqui. La' colic Barrabás, che'ob. Xujch' jini Barrabás.

19

¹ Jini cha'an Pilato tsi' chucu majlel Jesús. Tsi' jats'Λ ti asiyal.

² Jini soldadojob tsi' xot jalayob ch'ix. Tsi' joy ñet'beyob ti' jol Jesús. Tsi' lapbeyob chaccojan bΛ pal bΛ bujcal.

³ Tsi' subeyob: Cotañet, i Reyet judíojob, che'ob. Tsi' poch'iyob.

⁴ Pilato tsa' cha' loq'ui i pejcañob. Tsi' subeyob: La' wilan wolic παυβεñetla tilel jini winic cha'an mi la' ña'tan ma'anic i mul che'en.

⁵ Tsa' loq'ui tilel Jesús ñet'el ti' jol jini xotol bΛ ch'ix. Λαπαλ i cha'an chaccojan bΛ pal bΛ bujcal. Pilato tsi' subeyob: Q'uelela jini winic, che'en.

⁶ Jini ñuc bΛ motomajob yic'ot jini xcantayajob che' bΛ tsi' q'ueleyob, c'am tsi' γαλαyob: Ch'iji ti cruz, ch'iji ti cruz, che'ob. Pilato tsi' subeyob: Παυλα majlel jatetla. Ch'ijila ti cruz. Mi cal ma'anic i mul jini winic, che'en.

⁷ Jini judíojob tsi' jac'ayob: An lojon c mandar. Ts'ijbubil tic mandar wersa mi' chamel, come tsi' subu i bΛ ti' Yalobil Dios, che'ob.

⁸ Ñumen cabal tsi' cha'le baq'uen Pilato che' bΛ tsi' yubi jini t'an.

⁹ Tsa' cha' ochi Pilato ti meloñibal. Tsi' c'ajtibe Jesús: ¿Baqui ch'oyolet? che'en. Jesús ma'anic tsi' jac'be.

¹⁰ Pilato tsi' sube: ¿Mach ba anic ma' jac'beñon c t'an? ¿Mach ba a wujlic an c p'ΛtΛel cha'an mic ch'ijet ti cruz? An c p'ΛtΛel ja'el cha'an mi cΛq'uet ti coled, che'en.

¹¹ Jesús tsi' jac'Λ: Machic tsi' γαλαyob a p'ΛtΛel jini am bΛ ti chan, ma'anic a p'ΛtΛel cha'an ma' contrajñon. Jini cha'an jini tsa' bΛ i γαλαyob ti a c'Λb ñumen an i mul, che'en.

¹² Jini cha'an Pilato tsi' ñopo i col. Jini judíojob c'am tsi' γαλαyob: Mi tsa' colo Jesús, mach i pi'Λletic César. Jini mu' bΛ i sub i bΛ ti Rey, mi' contrajin César, che'ob.

¹³ Che' bΛ tsi' yubi jini t'an Pilato, tsi' παυλα tilel Jesús. Tsa' buchle ti' buchlib cha'an meloñel, ac'bil bΛ ya' ti ts'ajc i c'aba' Gabata ti' t'an hebreo.

¹⁴ I q'uiñilelix chajpaya che' mi caj i melob Pascua. Che' bajche' ti xinq'uiñil. Pilato tsi' sube judíojob: Q'uele la' Rey, che'en.

¹⁵ Wen c'am tsi' cha'leyob t'an: ¡La' chamic, la' chamic, ch'iji ti cruz! che'ob. Pilato tsi' c'ajtibeyob: ¿Yom ba mic ch'ij ti cruz la' Rey? che'en. Jini ñuc bΛ motomajob

tsi' jac'ayob: Ma'anic lojon c rey, jini jach César, che'ob.

¹⁶ Jini cha'an Pilato tsi' yac'Λ Jesús cha'an mi' ch'ijtal ti cruz. Tsi' chucuyob majlel Jesús.

Tsa' ch'ijle ti cruz Jesús

(Mt. 27.32-44; Mr. 15.21-32; Lc. 23.26-43)

¹⁷ Tsi' q'ueche majlel i cruz. Tsa' c'oti ti bujtal i c'aba' Calavera. Ti' t'an hebreojob jiñach Gólgota.

¹⁸ Ya' i tsi' ch'ijiyob ti cruz yic'ot cha'tiquil, jujuntiquil ti jujunwejl. Xinlαpαl Jesús.

¹⁹ Pilato tsi' cha'le ts'ijb. Tsi' yac'Λ ti' jol cruz. Jiñach jini ts'ijbubil bΛ: JESUS CH'OYOL BA TI NAZARET, I REY JUDIOJOB.

²⁰ Cabal judíojob tsi' q'ueleyob jini ts'ijbubil bΛ, come jini bujtal ba' tsa' ch'ijle ti cruz Jesús lac'al jach an ti tejclum. Ts'ijbubil ti' t'an hebreo, yic'ot ti t'an griego, yic'ot ti' t'an latín.

²¹ Jini ñuc bΛ motomajob cha'an judíojob tsi' subeyob Pilato: Mach a ts'ijban jini t'an, "I Rey judíojob". Ts'ijban, "Tsi' subu i bΛ ti' Rey judíojob", che'ob.

²² Pilato tsi' jac'beyob: Jini tsa' bΛ c ts'ijba, ts'ijbubilix, che'en.

²³ Che' bΛ tsa' ujtí i ch'ijob Jesús ti cruz, jini soldadojob tsi' ch'ambeyob i pislel. Tsi' t'oxoyob ti ch'amp'ejl, jujump'ejl cha'an jujuntiquil soldado. Tsi' ch'amayob ja'el pαl bΛ i bujc Jesús. Mach ts'isbilic. Jalbil jach ti pejtelel.

²⁴ Tsi' subeyob i bΛ: Mach yomic mi lac tsil. La' lac cha'len yajcaya ti alas cha'an mi lac ña'tan majqui mi caj i ch'Λm, che'ob. Che'ach tsi' yalayob cha'an mi' ts'actiyel i Ts'ijbujel Dios mu' bΛ i yal: "Tsi' pucbeyob i bΛ c pislel. Tsi' cha'leyob yajcaya ti alas cha'an c bujc". Che'i tsi' meleyob soldadojob.

²⁵ Ya' wa'alob ti' t'ejl cruz i ña' Jesús yic'ot i yijts'in i ña', yic'ot i yijñam Cleofas, i c'aba' María, yic'ot María ch'oyol bΛ ti Magdala.

²⁶ Jesús che' bΛ tsi' q'uele i ña' yic'ot jini xcant'an c'uxbibil bΛ i cha'an, tsi' sube i ña': X'ixic, q'uele a walobil, che'en.

²⁷ Ti wi'il tsi' sube jini xcant'an: Q'uele a ña', che'en. Ti jini jach bΛ ora jini xcant'an tsi' pαyα majlel i ña' Jesús ti' yotot.

Tsa' chami Jesús

(Mt. 27.45-56; Mr. 15.33-41; Lc. 23.44-49)

²⁸ Yujilix Jesús ts'actiyemix ti pejtelel. Tsi' yalΛ cha'an mi' ts'actiyel i Ts'ijbujel Dios: Tiquinix c ti', che'en.

²⁹ Ya'an jump'ejl tsuma but'ul ti vina-gre. Tsi' ts'ajayob ch'ayo'ja' ti vinagre. Tsi' yac'ayob ti' ñi' te' i c'aba' hisopo. Tsi' yaq'ueyob ti' yej.

³⁰ Che' bΛ tsa'ix i ch'αmα jini vinagre Jesús, tsi' yalΛ: Tsa'ix ts'actiyi, che'en. Tsi' ju'sa i jol. Tsi' yac'Λ ti loq'uel i ch'ujlel.

³¹ I q'uiñilelix chajpaya che' woli' melob Pascua. Jini cha'an mach yomobic judíojob mi' cαytal i bac'tal jini chameño' bΛ ti cruz che' ti' q'uiñilel c'aj o, come jiñach ñuc bΛ q'uin. Jini cha'an tsi' c'ajtibeyob Pilato cha'an mi' yac' ti c'Λsbentelob i ya' cha'an mi' ch'ajmelob majlel.

³² Tsa' tiliyob soldadojob. Tsi' c'Λsbeyob i ya' jini ñaxan bΛ, yic'ot i ya' yambΛ winic ch'ijbil bΛ ti cruz yic'ot Jesús.

³³ Che' bΛ tsa' tiliyob ba'an Jesús, tsi' q'ueleyob ch'amenix. Jini cha'an ma'anic tsi' c'Λsbeyob i ya'.

³⁴ Juntiquil soldado tsi' jeq'ue ti yebal i ch'i'lat yic'ot i lanza. Ti ora jach tsa' loq'ui i ch'ich'el yic'ot ja'.

³⁵ Jini tsa' bΛ i q'uele woli' cha' sub. Isujmach i t'an. Yujil isujm chuqui mi' yal cha'an mi la' ñop jatetla ja'el.

³⁶ Tsa' ujtí ti pejtelel cha'an mi' ts'actiyel i Ts'ijbujel Dios: "Ma'anic mi caj i c'ascujel mi junts'ijtic i bΛquel". Che'ach ts'ijbubil.

³⁷ I Ts'ijbujel Dios mi' yal ja'el: "Jini tsa' bΛ i jeq'ueyob mi caj i cha' q'uelob".

Tsi' yotsayob ti mucoñibΛ

(Mt. 27.57-61; Mr. 15.42-47; Lc. 23.50-56)

³⁸ Juntiquil xcant'an i cha'an Jesús, i c'aba' José ch'oyol bΛ ti Arimatea, tsi' ñopo Jesús ti mucul jach, come tsi' bac'ña judíojob. Che' bΛ tsa' ujtí ili tac, José tsi' c'ajtibe Pilato i bac'tal Jesús. Pilato tsi' yac'Λ i t'an. Tsa' majli José. Tsi' ch'αmα majlel i bac'tal Jesús.

³⁹ Tsa' tili Nicodemo ja'el, tsa' bΛ tili ba'an Jesús ti ac'alel. Tsi' ch'αmα tilel mirra xαbαl yic'ot álœes, che' bajche' juncujch.

⁴⁰ Tsi' ch'amayob majlel i bac'tal Jesús. Tsi' bac'ayob ti wen bΛ pisil yic'ot xojocña

b_Λ ts'ac, come i tilel che'ach mi' cha'leñob mucoñel judíojob.

⁴¹ Ya' ba' tsa' ch'ijle ti cruz Jesús an p_Λc'ab_Λl. Ya' ti p_Λc'ab_Λl an tsiji' b_Λ i yotlel ch'ujlel_Λl ba' maxto ac'bilic winic.

⁴² I yorajlelix chajpaya che' mi' melob Pascua judíojob. L_Λc'Al jach an i yotlel ch'ujlel_Λl, jini cha'an ya' tsi' ñolchocoyob Jesús.

20

Tsa' cha' ch'ojoyi Jesús

(Mt. 28.1-10; Mr. 16.1-8; Lc. 24.1-12)

¹ Ti ñaxan b_Λ q'uin ti semana che' ic' to, tsa' tili María ch'oyol b_Λ ti Magdala ti' yotlel ch'ujlel_Λl. Tsi' q'uele loc's_Λbilix xajlel ti' yotlel ch'ujlel_Λl.

² Tsa' majli ti ajñel. Tsa' tili ba'an Simón Pedro yic'ot yamb_Λ xc_Λnt'an, jini c'uxbibil b_Λ ti Jesús. María tsi' subeyob: Tsa'ix i ch'amb_Λyob loq'uel lac Yum ti' yotlel ch'ujlel_Λl. Mach cujilic lojon baqui tsi' y_Λc'ayob, che'en.

³ Tsa' loq'ui majlel Pedro yic'ot jini yamb_Λ xc_Λnt'an. Tsa' majliyob ti' yotlel ch'ujlel_Λl.

⁴ Temel tsi' cha'leyob ajñel. Jini yamb_Λ xc_Λnt'an tsi' ñusa Pedro ti ajñel. Tsa' c'oti ti ñaxan ba'an i yotlel ch'ujlel_Λl.

⁵ Tsi' c'uchchoco i b_Λ cha'an mi' q'uel. Tsi' q'uele ya' ac'bil jini wen b_Λ i pislel Jesús. Ma'anic tsa' ochi.

⁶ Ti ora tsa' c'oti Simón Pedro ti wi'ipat. Tsa' ochi ti' yotlel ch'ujlel_Λl. Tsi' q'uele ya' ac'bil jini wen b_Λ i pislel Jesús

⁷ yic'ot i tejp'il i jol. Mach ya'ic an i tejp'il i jol yic'ot i pislel. Parteja_Λch an. B_Λlbil.

⁸ Tsa' ochi jini yamb_Λ xc_Λnt'an ja'el, tsa' b_Λ c'oti ti ñaxan ti' yotlel ch'ujlel_Λl. Tsi' q'uele, tsi' ñopo.

⁹ Come maxto anic tsi' ch'ambeyob isujm i Ts'ijbujel Dios cha'an wersa mi' cha' ch'ojoyel loq'uel Jesús ba'an ch_Λmeño' b_Λ.

¹⁰ Jini xc_Λnt'añob tsa' cha' sujtuyob ti' yotot.

Jesús tsa' tsictiyi ti' wut María ch'oyol ba ti Magdala

(Mt. 28.9-10; Mr. 16.9-11)

¹¹ Ya' wa'al María ti jumpat ti' yotlel ch'ujlel_Λl, woli ti uq'uel. Tsi' c'uchchoco i b_Λ cha'an mi' q'uel i mal i yotlel ch'ujlel_Λl.

¹² Tsi' q'uele cha'tiquil ángelob l_Λp_Λl i cha'añob s_Λs_Λc b_Λ i pislel. Juntiquil buchul ti' jol, yamb_Λ buchul ti' yoc baqui tsa' ajq'ui i b_Λc'tal Jesús.

¹³ Jini ángelob tsi' subeyob: X'ixic, ¿chucoch woliyet ti uq'uel? che'ob. María tsi' subeyob: Cha'an tsi' ch'amb_Λyob majlel c Yum. Mach cujilic baqui tsi' y_Λc'ayob, che'en.

¹⁴ Che' b_Λ tsa' ujt i sub jini t'an, tsi' sutq'ui i b_Λ María. Tsi' q'uele Jesús. Ya' wa'al. Mach yujilic María mi jiñach Jesús.

¹⁵ Jesús tsi' sube: X'ixic, ¿chucoch woliyet ti uq'uel? ¿Majqui wola' sajcan? che'en. María tsi' y_Λl_Λ ti' pusic'al, tic'al mi jiñach x'e'tel cha'an p_Λc'ab_Λl. Tsi' sube: Mi tsa' ch'amb_Λ majlel, subeñoñ baqui tsa' w_Λc'Λ cha'an mic ch'amb_Λ majlel, che'en.

¹⁶ Jesús tsi' y_Λl_Λ: María, che'en. Tsi' sutq'ui i b_Λ i q'uel. Tsi' sube: Raboni, che'en. (Jini mi' yal ti lac t'an, Maestro.)

¹⁷ Jesús tsi' sube: Mach a ch_Λn chucon, come maxto anic tsa' letsiyon majlel ba'an c Tat. Cucu ba'an quermanojob. Subeñoñ: “Mic letsel majlel ba'an c Tat, jiñach la' Tat ja'el. Mic letsel majlel ba'an c Dios, jiñach la' Dios ja'el”, che'en.

¹⁸ María ch'oyol b_Λ ti Magdala tsa' majli i subeñoñ xc_Λnt'añob cha'an tsa'ix i q'uele lac Yum. Tsi' subeyob chuqui tsi' y_Λl_Λ lac Yum.

Jesús tsa' wa'le ti yojlil jini junlujuntiquil
(Mt. 28.16-20; Mr. 16.14-18; Lc. 24.36-49)

¹⁹ Che' wolix i yic'an ti ñaxan b_Λ q'uin ti semana, tsa' tili Jesús ba'an xc_Λnt'añob. Ñup'ul i ti' otot ba' temel añob xc_Λnt'añob, come woli' b_Λc'ñañob judíojob. Tsa' c'oti Jesús. Ya' wa'al ti yojlilob, tsi' subeyob: La' ñach'lec la' pusic'al, che'en.

²⁰ Che' b_Λ tsa' ujt i sub jini t'an, tsi' p_Λsbeyob i c'Λb yic'ot i yebal i ch'i'lat. Ti-jicña tsi' yubiyob xc_Λnt'añob che' b_Λ tsi' q'ueleyob lac Yum.

²¹ Jesús tsi' cha' subeyob: La' ñach'lec la' pusic'al. Che' bajche' c Tat tsi' chocoyon tilel, che' ja'el mic choquetla majlel, che'en.

22 Che' b_Λ tsa' ujti i sub jini t'an, tsi' wu-jtayob. Tsi' subeyob: Ch'ΛmΛla jini Ch'ujul b_Λ Espíritu.

23 Majqui jach mi la' ñusΛben i mul, ñusΛbilΛch. Majqui jach ma'anic mi la' ñusΛben i mul, mach ñusΛbilic, che'en.

Ma'anic tsi' ñopo Tomás

24 Che' b_Λ tsa' tili Jesús, mach ya'ic an Tomás yic'otob. Tomás, i pi'Λl jini junlujun-tiquil. Mi' pejcΛntel ti xloj.

25 Jini cha'an tsi' subeyob yambΛ xcΛnt'añob: Tsa'ix j q'uele lojon lac Yum, che'ob. Tomás tsi' subeyob: Mi ma'anic mij q'uel i yejtal lawux ti' c'Λb, mi ma'anic mi cotsan i yal j c'Λb ti' yejtal lawux, mi ma'anic mi cotsan j c'Λb ti' yebal i ch'i'lat, ma'anic mi caj c ñop, che'en.

26 Tsa' ñumi waxΛcp'ejl q'uin. Cha' ya'ix añob xcΛnt'añob i cha'an ti' mal otot, ya'an Tomás yic'otob. Tsa' ochi Jesús che' ñup'ul i ti' otot. Ya' tsa' wa'le ti yojlilob. Jesús tsi' subeyob: La' ñΛch'lec la' pusic'al, che'en.

27 Jesús tsi' sube Tomás: Otsan i yal a c'Λb ilayi. Q'uele j c'Λb. Sats'Λ a c'Λb, otsan ti' yebal c ch'i'lat. Mach yomic tsats a pusic'al. Ñopoyon, che'en.

28 Tomás tsi' jac'be: C Yum, c Dios, che'en.

29 Jesús tsi' sube: Cha'an jach tsa' q'ueleyon, tsa' ñopoyon. Tijicñayob jini tsa' b_Λ i ñopoyoñob che' maxto anic tsi' q'ueleyoñob, che'en.

Chucoch tsa' ts'ijbunti jini jun

30 An to cabΛl i yejtal i p'ΛtΛlel tsa' b_Λ i pΛsΛ Jesús ti' tojlel xcΛnt'añob i cha'an. Mach ts'ijbubilic ti jini jun.

31 Tsa' ts'ijbunti ili i yejtal tac i p'ΛtΛlel cha'an mi la' ñop CristojΛch jini Jesús. I YalobilΛch Dios. Tsa' ts'ijbunti cha'an, mi la' wΛq'uentel la' cuxtalel ti' c'aba' che' mi la' ñop.

21

Jesús tsi' pΛsΛ i bΛ ti' wut wuctiquil xcΛnt'añob

1 Ti wi'il Jesús tsi' cha' pΛsΛ i bΛ ti' wut xcΛnt'añob i cha'an ti' ñajb ya' ti Tiberias. Che'Λch tsi' pΛsΛ i bΛ bajche' wolic ts'ijbubeñetla.

2 Temelobix Simón Pedro yic'ot Tomás, jini mu' b_Λ i pejcΛntel ti xloj, yic'ot Natanael, jini ch'oyol b_Λ ti Caná ya' ti Galilea, yic'ot i yalobilob Zebedeo yic'ot yambΛ cha'tiquil xcΛnt'añob i cha'an.

3 Simón tsi' subeyob: Mic majlel ti chuc chΛy, che'en. I pi'Λlob Simón tsi' subeyob: Mic majlel lojon quic'otet ja'el, che'ob. Tsa' majliyob. Tsa' ochiyob ti barco. Ti pejtelel ac'Λlel ma'anic chuqui tsi' chucuyob.

4 Che' b_Λ tsa' sΛc'a, tsa' wa'le Jesús ti' ti' ja'. Jini xcΛnt'añob mach yujilobic mi jiñΛch Jesús.

5 Jesús tsi' subeyob: Calobilob, ¿am ba chuqui mi laj c'ux? che'en. Tsi' jac'beyob: Ma'anic, che'ob.

6 Jesús tsi' subeyob: Chocla ochel la' chim ti la' ñoj ti' ts'ejtΛlel barco. Ya' i mi caj la' taj, che'en. Ti ora tsi' chocoyob ochel. Ma'anic tsa' mejli i cha' chucob loq'uel, come wen cabΛl jini chΛy.

7 Jini xcΛnt'an c'uxbibil b_Λ i cha'an Jesús, tsi' sube Pedro: JiñΛch lac Yum, che'en. Simón Pedro che' b_Λ tsi' yubi ya'an i Yum, tsi' lΛpΛ i bujc, come jochol i cha'an. Tsi' choco ochel i b_Λ ti ñajb.

8 YambΛ xcΛnt'añob tsa' tiliyob ti barco, come mach ñajtic añob ti' ti' ñajb. Tic'Λl mi an uxc'al jach ti jajl. Woli' tujc'añob tilel jini chim but'ul ti chΛy.

9 Che' b_Λ tsa' c'otiyob ti' ti' ñajb, tsi' q'ueleyob xic'bilix c'ajc. Ya' c'ΛcΛl chΛy yic'ot waj.

10 Jesús tsi' subeyob: Ch'ΛmΛla tilel lamital jini chΛy tsa' b_Λ ujti la' chuc, che'en.

11 Tsa' ochi ti barco Simón Pedro. Tsi' tujc'a loq'uel chim ti' ti' ñajb. But'ul jini chim ti colem chΛy, uxlujuncojt i waxΛcc'al (153). Anquese wen on, ma'anic tsa' ts'ojqui jini chim.

12 Jesús tsi' subeyob: La' cu la ti we'el, che'en. Jini xcΛnt'añob ma'anic tsi' c'ajtibeyob: ¿Majquiyet? come yujilobix jiñΛch lac Yum.

13 Tsa' tili Jesús. Tsi' ch'ΛmΛ waj. Tsi' yΛq'ueyob. Che' ja'el chΛy.

14 JiñΛch i yuxyajlel tsi' pΛsΛ i bΛ Jesús ti' wut xcΛnt'añob i cha'an che' ch'ojyemix loq'uel ba'an chΛmeño' bΛ.

Jesús yic'ot Pedro

15 Che' b_Λ tsa' ujtuyob ti we'el, Jesús tsi' sube Simón Pedro: Simón, i yalobilet b_Λ Juan, ¿ñumen c'ux ba ma' wubiñon bajche' jini? Pedro tsi' sube: Ñumen cu, c Yum, a wujil mij c'uxbiñet. Jesús tsi' sube: Aq'uen i buc'bal cal_Λ tiñ_Λme', che'en.

16 Jesús tsi' cha' c'ajtibe Simón ti' cha'yajlel: Simón, i yalobilet b_Λ Juan, ¿c'ux ba ma' wubiñon? che'en. Tsi' jac'be: C'ux cu, c Yum. A wujil mij c'uxbiñet, che'en. Tsi' cha' sube: C_Λntan c tiñ_Λme' che'en.

17 Jesús tsi' cha' c'ajtibe ti' yuxyajlel: Simón, i yalobilet b_Λ Juan, ¿mu' ba a c'uxbiñon? che'en. Pedro tsa' caji i mel i pusic'al come tsi' c'ajtibe ti' yuxyajlel: “¿Mu' ba a c'uxbiñon?” Tsi' sube: C Yum, a wujil pejtelel chuqui tac an. A wujil mij c'uxbiñet. Jesús tsi' sube: Aq'uen i buc'bal c tiñ_Λme'.

18 Isujm, isujm mic subeñet: Che' b_Λ ch'itoñet to, tsa' l_Λp_Λ a bujc, tsa' majliyet baqui jach yom a pusic'al. Che' ñoxetix mi caj a s_Λt_s' a c'_Λb. Yamb_Λ mi caj i l_Λpbeñet a bujc. Mi caj i p_Λy_et majlel ba' mach a womic majlel, che'en.

19 (Jesús tsi' sube jini t'an cha'an mi' ch'_Λmben isujm bajche' mi caj i p_Λs i ñuclel Dios Pedro che' mi' ch_Λmel.) Subilix jini t'an, Jesús tsi' cha' sube: Tsajcañon, che'en.

Jini c'uxbibil b_Λ xc_Λnt'an

20 Tsi' sutq'ui i b_Λ Pedro. Tsi' q'uele jini xc_Λnt'an woli b_Λ i tsajcañob, jini c'uxbibil b_Λ i cha'an Jesús tsa' b_Λ buchle ti' t'ejl Jesús che' b_Λ tsi' c'uxuyob waj. Jiñ_Λch tsa' b_Λ i sube: “C Yum, ¿majqui mi caj i y_Λq'uet ti' c'_Λb a contra?” che'en.

21 Che' b_Λ tsi' q'uele jini xc_Λnt'an, Pedro tsi' sube Jesús: C Yum, ¿jixcu jini winic chuqui mi caj i yubin? che'en.

22 Jesús tsi' sube: Mi com mi' c_Λy_tl ili winic jinto mic cha' tilel, mach a wentajic. Tsajcañon, che'en.

23 Jini cha'an tsa' caji i y_Λlob i pi'_Λlob, ma'anic mi' cajel ti ch_Λmel jini xc_Λnt'an. Pero Jesús ma'anic tsi' sube jini xc_Λnt'an ma'anic mi' cajel ti ch_Λmel. Tsa' jach i y_Λl_Λ: “Mi com mi' c_Λy_tl jinto mic cha' tilel, mach a wentajic”, che'en.

24 Jiñ_Λch jini xc_Λnt'an woli b_Λ i tsictesan ili tac. Tsi' ts'ijba pejtelel ili tac. La kujil isujm i t'an mu' b_Λ i sub.

25 An to cab_Λl chuqui tsi' cha'le Jesús. Mi tsa' laj ts'ijbunti ti pejtelel i melbal, mi c_Λl mach ochic w_Λ' ti pañimil pejtelel jini jun mu' b_Λ i ts'ijbuntel.

HECHOS I melbal jini chocbilo' bΛ majlel ti subt'an

Tsa' pΛjyi letsel ti panchan Jesús

¹ Ti yambΛ jun, Teófilo, tsac ts'ijbubeyet pejtelel chuqui tac tsa' caji i mel Jesús, yic'ot chuqui tsa' caji i cΛntesan

² c'ΛΛΛ ti jini q'uin che' bΛ tsa' pΛjyi letsel. Che' bΛ tsa' ujti i yΛq'ueñob mandar jini apóstolob yajcΛbilo' bΛ i cha'an, Jesús tsi' yΛq'ueyob mandar ti' p'ΛtΛlel jini Ch'ujul bΛ Espíritu.

³ Che' cha' cuxulix Jesús, che' bΛ tsa' ujti i yubin wocol, tsi' cha' pΛsΛ i bΛ ti' tojlel jini chocbilo' bΛ majlel ti subt'an. Wen tsiquil i sujmllel. Cha'c'al q'uin tsi' pΛsΛ i bΛ ti' tojlel ili winicob. Tsi' subeyob bajche' an i yumΛntel Dios.

⁴ Che' temel añob tsi' subeyob: Mach yomic mi la' loq'uel ti Jerusalén. Yom ya'i mi la' pijtan jini subil bΛ i cha'an lac Tat mu' bΛ caji i yΛq'ueñetla. Joñon tsac subeyetla ja'el.

⁵ Juan tsi' yΛq'ueyetla ch'Λmja'. Pero Dios mach jalix mi caji i yΛq'ueñetla la' ch'Λm Ch'ujul bΛ Espíritu, che'en.

⁶ Jini cha'an jini tempΛbilo' bΛ tsi' c'ajtibeyob: C Yum, ¿mu' ba caji a cha' wa'chocon i yumΛntel Israel ti ili ora? che'ob.

⁷ Jesús tsi' subeyob: Mach la' wentajic baqui bΛ ora mi baqui bΛ q'uin mi caji i yujtel jini, come lac Tat tsi' yotsa ti' bajñel wenta.

⁸ Pero mi caji la' wΛq'uentel la' p'ΛtΛlel che' mi' yochel jini Ch'ujul bΛ Espíritu ti la' pusic'al. Ya' ti Jerusalén yic'ot ti pejtelel Judea yic'ot ti Samaria c'ΛΛΛ ti ñajt bΛ pañimil mi caji la' sub chuqui tsa' la' q'uele, che'en Jesús.

⁹ Che' bΛ tsa' ujti i sub jini t'an Jesús, che' woli to i q'uelob, tsa' pΛjyi letsel. Tsa' mΛjqui ti total.

¹⁰ Che' woli' chΛn q'uelob panchan, che' woli ti letsel Jesús, tsa' wa'leyob ti lac'Λl cha'tiquil winicob sΛsΛc bΛ i pislel.

¹¹ Tsi' subeyob: Winicob, ch'oyolet bΛ la ti Galilea, ¿chucoch woli la' chΛn q'uel panchan? Jini Jesús, tsa' bΛ pΛjyi letsel ti panchan loq'uem bΛ ti la' tojlel, mi caji i cha' tilel che' bajche' tsa' la' q'uele che' bΛ tsa' majli ti panchan, che'ob.

Tsa' yajcΛnti Matías cha'an mi' ch'Λmben iye'tel Judas

¹² Tsa' sujtiyob winicob ti Jerusalén. Tsi' cΛyΛyob wits i c'aba' Olivos lac'Λl ti Jerusalén. Che'Λch i ñajtlel bajche' ojli legua.

¹³ Che' ochemobix ti otot, tsa' letsiyob ti yambΛ junlajm i mal otot ti chan ba' woli' jijlelob Pedro yic'ot Jacobo, Juan, Andrés, Felipe, Tomás, Bartolomé, Mateo, Jacobo i yalobil Alfeo, yic'ot Simón Zelotes, yic'ot Judas i yijts'in Jacobo.

¹⁴ Ti pejtelelob ti jump'ejl jach i pusic'al woli' chΛn pejcañob Dios yic'ot x'ixicob yic'ot María, i ña' Jesús, yic'ot i yijts'iñob Jesús.

¹⁵ Ti jim bΛ ora Pedro tsa' wa'le ti ojli ba'an hermanojob. (Tic'Λl mi wΛcc'alob ya' añob.) Pedro tsi' subu:

¹⁶ Quermanojob, wersa mi' ts'Λctiyel i Ts'ijbujel Dios che' bajche' tsi' yΛΛΛ jini Ch'ujul bΛ Espíritu ti wajali ti' yej David cha'an Judas. JiñΛch Judas tsa' bΛ i toj'esa majlel winicob tsa' bΛ i chucuyob Jesús.

¹⁷ Come jini Judas tsa' tsijqui quic'ot lojon. Tsa' aq'uenti i ye'tel ja'el.

¹⁸ Tsa' mΛjñi jamil yic'ot i tojol i mul. Xitil tsa' yajli. Tsa' tojmi i ñΛc', tsa' loq'ui i soyta'.

¹⁹ Pejtelel año' bΛ ti Jerusalén tsi' yubiyob chuqui tsa' ujti. Jini cha'an jini jamil tsa' otsΛbenti i c'aba' Acéldama, jiñΛch jamil mΛmbil bΛ ti' tojol i ch'ich'el winic.

²⁰ Come ts'ijbubil ti' juñilel Salmo tac: "La' jochtiyic i chumlib, mach mi' chΛn ajñel winic ya'i". Ts'ijbubil ja'el: "Jini i ye'tel la' to i ch'Λm yambΛ winic". Che'Λch ts'ijbubil.

²¹ Yom wa'chocontic juntiquil tsa' bΛ i pi'leyonla ti xΛmbal c'ΛΛΛ che' bΛ tsa' ochi lac Yum Jesús ti lac tojlel c'ΛΛΛ che' bΛ tsa' loq'ui ti lac tojlel,

²² juntiquil tsa' bΛ i pi'leyonla ti xΛmbal c'ΛΛΛ che' bΛ tsi' yΛc'Λ ch'Λmja' Juan, c'ΛΛΛ ti jini q'uin che' bΛ tsa' pΛjyi letsel Jesús ti

lac tojlel. Juntiquil ili w_Λ' b_Λ an la quic'ot wersa mi' y_Λq'uentel i ye'tel testigo quic'ot lojon cha'an mi' sub ti isujm tsa' cha' ch'ojoyi Jesús. Che' tsi' y_ΛΛ Pedro.

²³ Tsi' yajcayob cha'tiquil: José yic'ot Matías. I cha'chajplel i c'aba' José jiñach Justo. I jol i c'aba' jiñach Barsabás.

²⁴ Tsi' pejcayob Dios. Tsi' y_ΛΛyob: Jatet, c Yum, ma' c_Λmben i pusic'al pejtelel winicob. W_Λ'an cha'tiquil. P_ΛS_Λ baqui b_Λ ma' yajcan

²⁵ cha'an mi' ch'Λm i ye'tel ti apóstol tsa' b_Λ i c_Λy_Λ Judas cha'an i mul cha'an mi' majlel ti' yajñib, che'ob.

²⁶ Tsi' cha'leyob yajcaya ti alas. Tsa' yajc_Λnti Matías. Jini cha'an tsa' tsijqui yic'ot jini junlujuntiquil chocbilo' b_Λ majlel ti subt'an.

2

Tsa' tili Ch'ujul b_Λ Espíritu che' ti' q'uiñilel Pentecostés

¹ Che' i yorajlelix i q'uiñilel Pentecostés, temel añob ti pejtelel ti jump'ejl jach ajñibal.

² Ti ora jach tsa' loq'ui t'an ti panchan che' bajche' ju'ucña b_Λ ic'. Tsa' ubinti ti pejtelel jini otot ba' buchulob.

³ Ya' ti' tojlel tsa' tsictiyi cab_Λl pujquem b_Λ a_Λ c'ajc. Che' yilal bajche' la cac'. Tsa' c'oti ti' pamob i jol ti jujuntiquil.

⁴ Tsa' laj bujt'iyob ti Ch'ujul b_Λ Espíritu. Tsa' cajiyo' b_Λ t'an ti yan tac b_Λ t'an che' bajche' tsi' y_Λq'ueyob t'an jini Espíritu.

⁵ Ya' añob ti Jerusalén judíojob mu' b_Λ i ch'ujutesañob Dios. Ch'oyolob ti jujump'ejl lum tac ti yebal panchan.

⁶ Che' b_Λ tsi' yubiyob jini ju'ucña b_Λ t'an, cab_Λl winicob x'ixicob tsi' tempayob i b_Λ. Ma'anic tsi' ña'tayob chuqui woli' yujtel, come ti jujuntiquilob tsi' yubiyob i bajñel t'an.

⁷ Tsa' toj sajtiyob i pusic'al. Tsi' y_ΛΛyob: Awilan, ¿mach ba ch'oyolobic ti Galilea pejtelel ili winicob woliyo' b_Λ ti t'an?

⁸ ¿Bajche' che' jini ti jujuntiquilonla woli la cubin lac t'an tsa' b_Λ lac ñopo ti lac ñojte'el?

⁹ Ch'oyolonla ti Partia, yic'ot ti Media, yic'ot ti Elam, yic'ot ti Mesopotamia, yic'ot ti Judea, yic'ot ti Capadocia, ti Ponto, ti Asia,

¹⁰ ti Frigia, ti Panfilia, ti Egipto, ya' ti yan tac b_Λ pañimil ti Africa ti yamb_Λ junwejl Cirene. W_Λ' añob ja'el romanojob ti lac tojlel. Lamital tsi' q'ueleyob pañimil tic lumal lojon. Yaño' b_Λ tsi' sutq'uiyob i b_Λ ti judíojob.

¹¹ W_Λ' añob ja'el tilemo' b_Λ ti Creta yic'ot ti Arabia. Ti pejtelelonla mi la cubin ti lac t'an jini ñuc b_Λ i ye'tel Dios, che'ob.

¹² Tsa' toj sajtiyob i pusic'al. Ma'anic tsi' ch'Λmbeyob isujm chuqui woli' yujtel. Tsa' caji i c'ajtibebñob i b_Λ: ¿Chuqui i sujmllel jini? che'ob.

¹³ Yaño' b_Λ tsi' wajleyob: Y_Λcobix ti lembal, che'ob.

I subt'an Pedro

¹⁴ Pedro tsa' wa'le yic'ot jini junlujuntiquil. C'am tsi' chale t'an. Tsi' subeyob: Winicob israelob yic'ot pejtelel añet b_Λ la ti Jerusalén, ubinla c t'an, ñopola.

¹⁵ Come ili winicob mach y_Λcobic che' bajche' mi la' ña'tan ti la' pusic'al, come bolomp'ejl jax to ora.

¹⁶ Jiñach chuqui tsi' subu jini x'alt'an Joel:

¹⁷ “Dios mi' y_Λl: Ti jini cojix b_Λ q'uin tac mi caj c_Λq'ueñob quEspíritu pejtelel winicob x'ixicob. La' walobilob mi caj i cha'leñob alt'an. Ch'iton winicob mi caj i q'uelob chuqui mi' p_Λs bentelob ti espíritu. Xñoxob la' cha'an mi caj i ñajleñob chuqui tac tal.

¹⁸ Isujm ti jim b_Λ ora mi caj c_Λq'ueñob quEspíritu c winicob. Mi caj i cha'leñob alt'an.

¹⁹ Mi caj c p_Λs b_Λb_Λq'uen tac b_Λ ti panchan yic'ot i yejtal tac c p'Λt_Λlel ti pañimil, ch'ich' yic'ot c'ajc yic'ot but's'.

²⁰ Jini q'uin mi cajel i yiq'ues_Λntel, jini uw mi caj i ch_Λc'an che' bajche' ch'ich', che' maxto tilemic i q'uiñilel lac Yum, jini ñuc b_Λ q'uin mu' b_Λ caj i tilel.

²¹ Mi caj i yujtel che' an majqui mi' pejcan lac Yum ti' c'aba, mi caj i colt_Λntel”, che'en.

²² Winicob ti Israel, ubinla jini t'an. Dios tsi' p_Λs beyetla uts'at jini Jesús ch'oyol b_Λ ti Nazaret. Come Dios tsi' c'Λñ_Λ cha'an mi' cha'len ñuc b_Λ i melbal yic'ot b_Λb_Λq'uen tac b_Λ yic'ot i yejtal tac i p'Λt_Λlel ti la' tojlel che' bajche' la' wujil.

23 Jini Jesús tsa' ajq'ui ti' c'ab winicob che' bajche' tsi' yalal Dios ti wajali. Dios tsi' wan ña'ta chuqui mi' caj ti ujtél. Jatetla tsa'ix la' xic'be xñusa mandarob cha'an mi' chucob Jesús. Tsi' ch'ijiyob ti cruz. Tsi' tsansayob.

24 Che' chamenix Jesús, Dios tsi' teche ch'ojoyel, come ma'anic tsa' mejli ti c'aytal ba'an chameño' b_Λ.

25 Come David tsi' yalal jini t'an cha'an Jesús: "Tsay q'uele c Yum ti pejtelel ora ti' tojel c wut, come an tic ñoj cha'an xuc'ul mi cajñel.

26 Jini cha'an tijicña c pusical tsa cubi, tijicña mic cha'len t'an. C bac'tal mi caj i yajñel ti pijtaya,

27 come ma'anic mi caj a c'ay c ch'ujlel ba'an chameño' b_Λ, ma'anic mi caj a wac' ti oc'mal jini Ch'ujul B_Λ a cha'an.

28 Tsa'ix a pasbeyon i bijlel j cuxtalel. Mi caj a ñuq'uesan c pusical cha'an añet quic'ot", che'en.

29 Winicob c pi'lob, mic subeñetla ti isujm, lac tat David tsa' chami. Tsa' mujqui ti' yotlel ch'ujlelal. C'adal wale w_Λ'an la quic'ot i yotlel ba' tsa' mujqui.

30 David tsi' subu jini t'an come x'alt'añach. Tsi' ña'ta isujm i t'an Dios tsa' b_Λ i sube cha'an juntiquil i p'olbal, come loq'uem ti' p'olbal David jini Cristo mu' b_Λ caj i buchchocontel ti' yumantel.

31 David tsi' wan ña'ta mi caj i cha' ch'ojoyel Cristo. Tsi' wan ña'ta ma'anic mi caj i c'aytal Cristo ba'an chameño' b_Λ. Ma'anic mi caj i yoc'mal i bac'tal ja'el. Jini cha'an David tsi' subu pejtelel jini.

32 Dios tsi' teche ch'ojoyel Jesús. Tic pejtelel lojon testigojon lojon, tsa'ix j q'uele lojon.

33 Tsa'ix aq'uenti Jesús i ñuclél ti' ñoj Dios. Tsa' tsactiyi i t'an i Tat tsa' b_Λ subenti Jesús cha'an mi caj i yac' Ch'ujul b_Λ Espiritu. Tsa'ix i yac' che' bajche' woli la' q'uel woli la' wubin.

34 Ma'anic tsa' letsí majlel David ti panchan. Pero tsi' yalal: "Jini lac Yum tsi' sube c Yum: Buchi' tic ñoj

35 jinto mi c'aq'ueñet a t'uchtan a contrajob", che'en.

36 Che' jini, la' i ñopob ti isujm pejtelel winicob ti Israel, Dios tsi' yotsa Jesús ti lac Yum. Jiñach Cristo, jini yajcabil b_Λ, jini

Jesús tsa' b_Λ la' ch'iji ti cruz. Che' tsi' yalal Pedro.

37 Che' b_Λ tsa'ix ujti i yubiñob jini t'an, ch'ijiyem i pusical tsa' c'aleyob. Tsi' c'ajtibeyob Pedro yic'ot yamb_Λ apóstolob: Winicob, c pi'lob, ¿chuqui yom mic cha'len lojon? che'ob.

38 Pedro tsi' subeyob: C'ayal la' mul, ch'amala ja' ti jujuntiquiletla ti' c'aba' Jesucristo, cha'an mi' ñusantel la' mul. Che' i mi caj la' wac'uentel Ch'ujul b_Λ Espiritu ti la' majtan.

39 Albilix, mi caj la' wac'uentel jini Espiritu jatetla yic'ot la' walobilob yic'ot año' b_Λ ti ñajtal, che' bajche' jaytiquil mi' p'ajyelob tilel cha'an lac Yum Dios, che'en.

40 Anto cabal t'an tsa' b_Λ i subu Pedro. Tsi' xic'beyob. Tsi' subeyob: Taja la' coltantel cha'an mi la' c'ay la' mel che' bajche' sajtemo' b_Λ, che'en.

41 Jini tsa' b_Λ i jac'beyob i t'an tsi' ch'amayob ja'. Ti jini jach b_Λ q'uin tsa' ochiyob che' bajche' uxp'ejl mil winicob x'ixicob.

Pejtelel tsa' b_Λ i ñopoyob temel añoob

42 Tsi' chan ubibeyob i cantesabal jini apóstolob. Tsi' wen c'uxbiyob i b_Λ. Tsi' chan xet'eyob waj. Tsi' chan pejcayob Dios.

43 Tsa' cajiyob ti bac'uen ti jujuntiquil. Cabal ñuc tac b_Λ i ye'tel tsi' meleyob jini apóstolob. Tsi' pasayob cabal i yejtal tac i p'atlel.

44 Pejtelel tsa' b_Λ i ñopoyob, temel añoob. Pejtelel i chub_Λ'an i tem cha'añoob jach.

45 Tsi' choñoyob i chub_Λ'an yic'ot i lum. Tsi' t'oxbeyob i b_Λ cha'an mi' yac'uentelob jini mach b_Λ añobic i chub_Λ'an.

46 Temel tsa' chan ajniyob ti Templo ti jujump'ejl q'uin. Tsi' xet'eyob waj ti' yotot tac. Temel tsi' cha'leyob we'el. Tijicña i pusical ti jujuntiquil. Jump'ejlob jach i pusical.

47 Tsi' subuyob i ñuclél Dios. Ti pejtelel tejclum uts'at tsi' q'ueleyob winicob x'ixicob. Ti jujump'ejl q'uin lac Yum tsi' p'ojlesa xñopt'añoob woli b_Λ i coltantelob.

3

Tsa' lajmi winic mach b_Λ wenic i yoc

1 Temel tsa' letsiyob majlel Pedro yic'ot Juan ti Templo ti' yorajlel oración ti och'ajel q'uin.

2 Juntiquil winic mach b_Λ wenic i yoc c'ΛΛ_Λ che' b_Λ tsi' yila pañimil tsa' p_Λjyi tilel. Ti jujump'ejl q'uin tsi' y_Λc'Λyob ti' ti' Templo, i c'aba' I T'ojol B_Λ, cha'an mi' c'ajtibebob taq'uin jini mu' b_Λ i yochelob ti Templo.

3 Jini winic, che' b_Λ tsi' q'uele Pedro yic'ot Juan woli b_Λ i yochelob ti Templo, tsi' c'ajtibeyob taq'uin.

4 Pedro yic'ot Juan tsi' q'ueleyob. Pedro tsi' sube: Q'ueleyon lojon, che'en.

5 Jini winic tsa' caji i wen q'uelob. Woli' pijtan mi an chuqui mi caj i y_Λq'uentel.

6 Pero Pedro tsi' sube: Ma'anic c taq'uin. Ma'anic c cha'an oro. Jini jach mi c_Λq'ueñet chuqui an c cha'an. Ti' c'aba' Jesucristo, jini ch'oyol b_Λ ti Nazaret, ch'ojyen, cha'len x_Λmbal, che'en.

7 Pedro tsi' chucbe ñoj b_Λ i c'Λb. Tsi' teche ch'ojyel. Ti ora jach tsa' p'Λt'a i yoc yic'ot i bic' i yoc.

8 Tsa' xijt'i ch'ojyel. Tsa' wa'le. Tsa' caji ti x_Λmbal. Tsa' ochi ti Templo yic'otob. Tsi' cha'le x_Λmbal, tsi' cha'le tijp'el. Tsi' subu i ñuclél Dios.

9 Pejtelel winicob x'ixicob tsi' q'ueleyob wolix ti x_Λmbal jini winic. Woli' sub i ñuclél Dios.

10 Tsi' c_Λñayob jiñach tsa' b_Λ buchle i c'ajtin taq'uin ya' ti' ti' Templo, i c'aba' I T'ojol B_Λ. Tsa' toj sajtiyob i pusic'al. Tsi' cha'leyob b_Λq'uen cha'an jini tsa' b_Λ melbenti jini winic.

I subal Pedro ti' corredor Templo

11 Che' chucbil Juan yic'ot Pedro i cha'an jini winic tsa' b_Λ lajmes_Λnti, ti ajñel tsa' tiliyob pejtelel winicob x'ixicob ya' b_Λ añob ti corredor i cha'an Salomón. Tsa' toj sajtiyob i pusic'al.

12 Pedro che' b_Λ tsi' q'ueleyob tsi' subeyob: Winicob ti Israel, ¿chucob mi' toj sajtel la' pusic'al cha'an tsa'ix p'Λt'a i yoc jini winic? ¿Chucob mi' la' ch'ujch'uj q'uelon lojon che' bajche' mi tic bajñel p'Λt_Λlel, tic bajñel uts'atlel, tsa c_Λq'ue lojon i p'Λt_Λlel ti x_Λmbal ili winic?

13 I Dios Abraham, i Dios Isaac, i Dios Jacob, i Dios lac ñojte'el tsa'ix i sicitesa i

ñuclél i Yalobil, jiñach Jesús. Jatetla tsa'ix la' w_Λc'Λ ti' c'Λb i contra. Tsa' la' ts'a'le ti' tojlel Pilato, che' b_Λ tsi' ña'ta i y_Λc' ti colel.

14 Jatetla tsa' la' ts'a'le jini Ch'ujul B_Λ, jini Toj B_Λ. Tsa' la' c'ajtibebob Pilato cha'an mi' y_Λc' ti colel sts_Λnsa.

15 Tsa' la' ts_Λnsa jini mu' b_Λ i y_Λq'ueñonla laj cuxt_Λlel. Testigojon lojon, Dios tsi' teche loq'uel ba'an ch_Λmeño' b_Λ.

16 Cha'an ti' c'aba' Jesús mu' b_Λ c ñop lojon tsi' taja i p'Λt_Λlel jini winic mu' b_Λ la' q'uel mu' b_Λ la' c_Λn. Jesús tsi' y_Λq'ueyonla lac ñop. Jini cha'an tsa' c'oq'ues_Λnti jini winic ti la' tojlel.

17 W_Λle c pi'Λlob, cujil tsa' la' ts_Λnsa Jesús cha'an i tontojlel la' pusic'al che' bajche' la' yumob.

18 Pero Dios tsi' ts'actesa i t'an tsa' b_Λ i w_Λn subu ti' yej pejtelel x'alt'añob i cha'an, cha'an wersa mi' yubin wocol Cristo.

19-20 Jini cha'an c_Λy_Λ la' mul. Sutq'uin la' b_Λ cha'an mi' yajpel la' mul, cha'an mi' la' taj la' p'Λt_Λlel ti Espiritu yic'ot ti-jicña b_Λ la' pusic'al ti lac Yum. Dios mi' caj i chocheñetla tilel Jesús jini Cristo wa'chocobil b_Λ i cha'an.

21 Come isujm mi' wersa ajñel Jesucristo ti panchan c'ΛΛ_Λ ti' yorajlel che' mi' cha' mel pejtelel chuqui tac an, che' bajche' tsi' subu Dios yic'ot ch'ujul b_Λ x'alt'añob i cha'an ti wajali.

22 Come Moisés tsi' subeyob la' ñojte'el: “La' Yum Dios mi' caj i techbeñetla juntiquil x'alt'an che' bajche' joñon loq'uem b_Λ ti la' pi'Λlob. Mi' caj la' jac'ben pejtelel chuqui tac mi' subeñetla.

23 Majqui jach mi' ñus_Λben i t'an jini x'alt'an, mi' caj i chojquel loq'uel ti' tojlel i pi'Λlob cha'an mi' jilel”, che'en.

24 Ti pejtelel x'alt'añob, c'ΛΛ_Λ ti Samuel yic'ot jini tsa' b_Λ tiliyob ti wi'ipac che' bajche' jaytiquil tsi' cha'leyob t'an, tsi' w_Λn subuyob chuqui woli' yujtel ti ili q'uin tac.

25 Jatetla i yalobiletla x'alt'añob. I cha'añetla jini trato b_Λ t'an subebilo' b_Λ lac ñojte'el cha'an Dios che' b_Λ tsi' sube Abraham: “Ti pejtelel añob' b_Λ ti pañimil mi' caj i tajibob i wenlel cha'an a p'olbal”, che'en.

26 Dios tsi' teche ch'ojyel i Yalobil. Tsi' ñaxan choco tilel ba' añetla cha'an mi' y_Λq'ueñetla la' wenlel cha'an mi' ñijcañetla

la' c_{AY} la' mul ti jujuntiquiletla. Che' tsi' y_{AL} Pedro.

4

Pedro yic'ot Juan ti' tojlel jini año' b_Λ i ye'tel

1 Che' woli' pejcañob winicob x'ixicob Pedro yic'ot Juan, tsa' tiliyob motomajob yic'ot saduceojob, yic'ot i yaj capitán jini xc_{ANTAYAJOB} ti Templo.

2 Ts_{AYTSAYÑAYOB} i pusic'al come woli' c_{ANTESAÑOB} winicob x'ixicob, come Pedro woli' subeñob mi caj i tech ch'o_{JYEL} chameño' b_Λ jini Jesús.

3 Tsi' chucuyob. Tsi' yotsayob ti ma_{JQUIBAL} c'_{ALAL} ti yijc'_{ALAL} come ic'ajelix.

4 Cab_Λ tsa' b_Λ i yubiyob jini t'an tsi' ñopoyob. An che' bajche' jo'p'ejl mil winicob.

5 Ti' yijc'_{ALAL} tsi' tempayob i b_Λ ti Jerusalén jini yum_{LOB} yic'ot xñoxob año' b_Λ i ye'tel yic'ot sts'ijbayajob.

6 Ya'an ja'el Anás jini ñuc b_Λ motomaj yic'ot Caifás yic'ot Juan yic'ot Alejandro yic'ot yamb_Λ i pi'_{LOB} jini ñuc b_Λ motomaj.

7 Che' b_Λ tsa'ix i y_{AC'AYOB} Pedro ti ojilil, tsi' c'ajtibeyob: ¿Baqui tsa' la' taja la' p'_{ATALEL}? ¿Majqui tsi' subeyetla cha'an mi la' mel jini? che'ob.

8 Che' jini Pedro, but'ul ti Ch'ujul b_Λ Espíritu, tsi' subeyob: Jatetla yum_{LET}la, anix b_Λ la' jabilel yic'ot la' we'tel ti Israel,

9 mi woli' la' c'ajtibeñon lojon cha'an jini wen b_Λ e'tel tsa' b_Λ c melbe lojon ili winic, ubinla bajche' tsa' mejli ti p'_{AT'ESANTEL}.

10 Ña'tanla ti la' pejtelel. La' i ñopob ja'el pejtelel winicob x'ixicob ti Israel. Tsa'ix lajmi cha'an i c'aba' Jesucristo, jini ch'oyol b_Λ ti Nazaret, jini tsa' b_Λ la' ch'iji ti cruz, pero Dios tsi' teche ch'o_{JYEL} ba'an chameño' b_Λ. Cha'an i p'_{ATALEL} Jesucristo tsa'ix p'_{AT'A} i yoc jini winic am b_Λ ti la' tojlel.

11 Jesús jiñach jini Xajlel tsa' b_Λ la' choco, xm_{EL} ototet b_Λ la. Tsa' ots_{ANTI} ti ñaxan b_Λ i xujc otot.

12 Ma'anic laj col_{ANTEL} ti yamb_Λ, cojach ti' c'aba' Jesús. Ma'anic yamb_Λ ti yebal panchan aq'uebilo' b_Λ winicob mu' b_Λ mejlel i coltañonla. Che' tsi' y_{AL} Pedro.

13 Che' b_Λ tsi' q'uelbeyob i ch'e_{JLEL} i pusic'al Pedro yic'ot Juan, tsa' toj sajtiyob i pusic'al winicob x'ixicob come yujilob mach c_{ANTESABILOBIC} ti jun, ma'añobic i ye'tel. Tsi' ña'tayob i pi'_{LOBACH} Jesús jini Pedro yic'ot Juan.

14 Che' b_Λ tsi' q'ueleyob lajmenix jini winic wa'al b_Λ yic'otob, ma'anic chuqui tsa' mejli i subob ti' contra.

15 Tsi' subeyob loq'uel ti' tojlelob. Tsa' caji i pejcañob i b_Λ jini año' b_Λ i ye'tel.

16 Tsi' y_{ALAYOB}: ¿Chuqui mi caj lac tumben jini winicob? Come c_{AMBIL} i cha'an pejt_{EL} chumulo' b_Λ ti Jerusalén, tsi' p_{ASAYOB} ñuc b_Λ i yejtal i p'_{ATALEL} ti isujm. Mach mejlic la c_{AL} mach isujmic.

17 Ame ch_{AN} p'o_{JLIC} jini t'an ti lac tejclum, la' lac tic' jini winicob cha'an mach mi' ch_{AN} cha'leñob t'an ti' c'aba' Jesús, che'ob.

18 Tsi' p_{AYAYOB} tilel Pedro yic'ot Juan. Tsi' tiq'uiyob cha'an ma'anic mi' ch_{AN} cha'leñob t'an yic'ot c_{ANTESA} ti' c'aba' Jesús.

19 Pedro yic'ot Juan tsi' jac'beyob: Subula jatetla mi toj ti' wut Dios mi tsac ñus_{ΛBE} lojon i t'an Dios cha'an mic jac'beñetla.

20 Mach mejlic mij c_{AY} lojon ili t'an. Wersa mic sub lojon chuqui tsaj q'uele lojon yic'ot chuqui tsa cubi lojon, che'ob.

21 Jini yum_{LOB} che' b_Λ tsa' u_{JTI} i subeñob chuqui mi' caj ti ujt_{EL} mi ma'anic tsi' jac'_{AYOB}, tsi' chocoyob sujtel. Ma'anic tsi' y_{AC'UEYOB} i toj i mul, come tsi' b_{AC'ÑAYOB} winicob x'ixicob. Ti pejtelelob woli' subob i ñucl_{EL} Dios cha'an jini tsa' b_Λ u_{JTI}.

22 Come ñumenix ti cha'c'al i jabilel jini winic tsa' b_Λ p'_{AT'ESANTI} cha'an ñuc b_Λ i p'_{ATALEL} Dios.

Tsi' c'ajtiyob i ch'e_{JLEL} i pusic'al

23 Che' b_Λ tsa' ajq'uiyob ti colel Pedro yic'ot Juan, tsa' majliyob ba'an i pi'_{LOB}. Tsi' subeyob pejtelel chuqui tsi' y_{ALAYOB} ñuc b_Λ motomajob yic'ot xñoxob año' b_Λ i ye'tel.

24 Che' b_Λ tsa'ix u_{JTI} i yubiñob jini t'an, ti pejtelelob tsi' tem pejcayob Dios. Tsi' subeyob: C Yum, jatet Dioset tsa' b_Λ a mele panchan yic'ot pañimil yic'ot colem ñajb yic'ot pejtelel i b_Λ.

25 Tsi' cha'le t'an jini Ch'ujul b_Λ Espíritu ti' yej David jini a winic. Tsi' y_{ALA}: “¿Chu-coch tsi' cha'leyob mich'ajel ti mojt ti mojt?

¿Chucoch to'ol lolom jach chuqui tac tsi' ña'tayob ti' pusic'al?

²⁶ Jini reyob ti pañimil tsi' chajpayob i b_Λ, jini yum_Λlob tsi' tempayob i b_Λ cha'an mi' contrajiñob lac Yum yic'ot Cristo, jini yajc_Λbil b_Λ i cha'an Dios", che'en.

²⁷ Isujm ti jini tejclum, tsi' tempayob i b_Λ Herodes yic'ot Poncio Pilato yic'ot jini gentilob yic'ot israelob ti' contra Jesús, jini ch'ujul b_Λ a Walobil, jini yajc_Λbil b_Λ a cha'an.

²⁸ Tsi' tempayob i b_Λ cha'an mi' cha'leñob pejtelel chuqui tsa' w_Λn ña'ta mi' caj ti ujtel.

²⁹ W_Λle, c Yum, q'uele bajche' mi' y_Λleñon lojon. A winicon lojon. Aq'ueñon lojon i ch'ejlel c pusic'al cha'an mic sub lojon a t'an.

³⁰ Ac'Λ a c'Λb ti lajmesaya cha'an mi' p_Λstal i yejtal a p'Λtal_Λlel yic'ot ñuc tac b_Λ a melbal ti' c'aba' a Walobil Jesús, jini Ch'ujul B_Λ. Che' tsi' cha'le oración.

³¹ Che' b_Λ tsa' ujti i pejcañob Dios, tsa' ñijc_Λanti jini otot ba' tsi' tempayob i b_Λ. Ti pejtelelob but'ulob ti Ch'ujul b_Λ Espíritu. Tsi' subuyob i t'an Dios ti' ch'ejlel i pusic'al.

I tem cha'añob jach i chub_Λ'an

³² Jump'ejlob jach i pusic'al, junchajpob jach i ña't_Λbal jini bajc'Λl winicob x'ixicob tsa' b_Λ i ñopoyob. Ma'anic majqui tsi' y_ΛΛa mi i bajñel cha'añach i chub_Λ'an. I tem cha'añob jach pejtelel i chub_Λ'an.

³³ Testigojob jini apóstolob. Ti cab_Λl i p'Λtal_Λlel tsi' subuyob tsa' cha' ch'ojyi lac Yum Jesús. Pejtelel jini xñopt'añob tsa' aq'uentiyob i yutslel i pusic'al Dios.

³⁴ Laj añob i chub_Λ'an, come jini año' b_Λ i lum yic'ot i yotot tsi' choñoyob. Tsi' ch'Λm_Λyob tilel i tojol jini tsa' b_Λ chojni.

³⁵ Tsi' p'ulchocoyob lac'Λl ti' yoc jini apóstolob. Tsa' t'oxbentiyob xñopt'añob, majqui jach anto yom i cha'an.

³⁶ José, juntiquil leví ch'oyol b_Λ ti Chipre, tsa' aq'uenti yamb_Λ i c'aba' cha'an jini apóstolob. Jiñach Bernabé. (Mi' y_Λl ti lac t'an, jini mu' b_Λ i ñuq'uesan lac pusic'al.)

³⁷ An i lum jini Bernabé. Tsi' choño. Tsi' ch'Λm_Λ tilel i tojol. Tsi' p'ulchoco lac'Λl ti' yoc jini apóstolob.

5

Ananías yic'ot Safira

¹ Juntiquil winic, i c'aba' Ananías yic'ot i yijñam, i c'aba' Safira, tsi' choño jumpejt lum.

² Tsi' loto lamital i tojol. Yujil ja'el i yijñam. Tsi' ch'Λm_Λ tilel lamital, tsi' p'ulchoco lac'Λl ti' yoc jini apóstolob.

³ Pedro tsi' sube Ananías: ¿Chucoch but'ul a pusic'al ti Satanás? Tsa' loti jini Ch'ujul b_Λ Espíritu che' b_Λ tsa' loto lamital i tojol a lum.

⁴ Che' b_Λ maxto anic tsa' choño, ¿mach ba a cha'anic? Che' b_Λ tsa'ix a choño, ¿mach ba a wentajic jini i tojol? ¿Chucoch tsa' tejchi lot ti a pusic'al? Ma'anic tsa' loti winicob, tsa' loti Dios, che'en.

⁵ Che' b_Λ tsi' yubi jini t'an Ananías, tsa' ya- jli. Tsa' ch_Λmi. Tsi' wen cha'leyob b_Λq'uen pejtelel jini tsa' b_Λ i yubiyob.

⁶ Ch'iton winicob tsa' ch'ojyiyob. Tsi' b_Λc'Λyob. Che' b_Λ tsi' ch'Λm_Λyob loq'uel, tsi' mucuyob.

⁷ Tsa' ñumi che' bajche' uxp'ejl ora, tsa' ochi tilel i yijñam Ananías. Maxto yujilic chuqui tsa' ujti.

⁸ Pedro tsi' sube: Subeñon mi che' i tsa' ch'Λm_Λ i tojol a lum che' b_Λ tsa' la' choño, che'en. Tsi' sube: Che'cuyi tsac ch'Λm_Λ lojon i tojol, che'en.

⁹ Pedro tsi' sube: ¿Bajche' tsa' la' teme la' t'an cha'an mi la' wil_Λben i pusic'al i yEspíritu lac Yum? Awilan, jini tsa' b_Λ i mucuyob a ñoxi'al añob ti' ti' otot. Mi caj i ch'Λmetob loq'uel ja'el, che'en.

¹⁰ Ti ora tsa' yajli lac'Λl ti' yoc Pedro. Tsa' ch_Λmi. Che' b_Λ tsa' ochiyob ch'iton winicob, ch_Λmenix tsi' tajayob. Tsi' ch'Λm_Λyob loq'uel. Tsi' mucuyob ti' t'ejl i ñoxi'al.

¹¹ Tsi' wen cha'leyob b_Λq'uen pejtelel jini xñopt'añob, yic'ot pejtelel tsa' b_Λ i yubiyob chuqui tsa' ujti.

Cab_Λl i yejtal i p'Λtal_Λlel jini apóstolob

¹² Jini apóstolob tsi' meleyob cab_Λl ñuc tac b_Λ i melbal. Tsi' p_Λs_Λyob i yejtal i p'Λtal_Λlel ti' tojlel winicob x'ixicob. Ti pejtelelob ya' añob ti jump'ejl i pusic'al ti' corredor Salomón.

¹³ Yaño' b_Λ ma'anic tsi' ñopo i lac'tesañob i b_Λ cha'an b_Λq'uen. Pero jini xñopt'añob tsi' q'ueleyob ti ñuc.

14 Cabal tsa' p'ojliyob jini tsa' b_A i ñopoyob lac Yum, winicob yic'ot x'ixicob.

15 Tsi' ch'amayob majlel xc'amajelob ti bij. Tsi' ñolchocoyob ti' wayib yic'ot poj p tac cha'an mi' tajob anquese jinic jach i y_Axñalel Pedro che' woli' ñumel majlel.

16 Cabalob tsi' tempayob i b_A ti Jerusalén ch'oyolo' b_A ti yamb_A tejclum tac ti' joytilel. Tsi' payayob tilel xc'amajelob yic'ot jini tic'labilo' b_A cha'an xibajob. Tsa' lajmesantiyob ti pejtelelob.

Tsa' tic'lantiyob Pedro yic'ot Juan

17 Tsa' tili jini ñuc b_A motomaj yic'ot pejtelel jini saducejob. Tsaytsayñayob jax i pusic'al cha'an jini tsa' b_A ujtí.

18 Tsi' chucuyob jini apóstolob. Tsi' yotsayob ti majquibal yic'ot jini woli b_A i tojob i mul.

19 Ti ac'alel i yángel lac Yum tsi' jambeyob i ti' jini majquibal. Tsi' loc'sayob. Tsi' subeyob:

20 Cucula ti wa'tal ti Templo. Suben winicob x'ixicob bajche' yom mi' tajob i cuxtilel, che'en.

21 Che' b_A tsi' yubiyob jini t'an, tsa' ochiyob ti Templo ti sac'ajel. Tsi' cha'leyob cantesa.

Tsa' tili jini ñuc b_A motomaj yic'ot yaño' b_A. Tsi' payayob tilel jini año' b_A i ye'tel yic'ot jini ñoxobix b_A israelob. Tsi' choco majlel i winicob cha'an mi' payob tilel Pedro yic'ot Juan.

22 Che' b_A tsa' c'otiyob i winicob, ma'anic tsi' tajayob ti majquibal. Tsa' cha' sujtiyob i sub.

23 Tsi' yalayob: Isujmach, wen machbil tsac taja lojon jini majquibal. Ya' año' jini xcantayajob ti' ti'. Che' b_A tsac jam_A lojon, ma'anic majqui tsac taja lojon, che'ob.

24 Che' b_A tsi' yubiyob jini t'an, jini ñuc b_A motomaj yic'ot i capitán jini Templo yic'ot ñuc b_A motomajob mach yujilobic chuqui mi' caj ti ujtel mi tsa' tsictiyi jini.

25 Tsa' tili juntiquil. Tsi' subeyob: Awilan, ya' wa'alob ti Templo jini winicob tsa' b_A la' ñup'u. Woli' cha' cantesaño' winicob x'ixicob, che'ob.

26 Jini cha'an tsa' majli jini capitán yic'ot i winicob. Tsi' payayob tilel Pedro yic'ot Juan. Pero utsob jax come woliyob ti

b_Aq'uen ame jujlicob ti xajlel cha'an winicob.

27 Che' b_A tsa'ix i payayob tilel, tsi' yac'ayob ba'an jini año' b_A i ye'tel. Jini ñuc b_A motomaj tsi' subeyob:

28 ¿Mach ba tsa'ic c tiq'uiyetla cha'an ma'anic mi la' ch_An cha'len cantesa ti' c'aba' Jesús? Awilan, tsa'ix ubinti la' cantesa ti pejtelel Jerusalén. La' wom la' tsictesan lojon c mul cha'an tsac bec'be lojon i ch'ich'el jini winic, che'en.

29 Pedro yic'ot jini apóstolob tsi' jac'beyob: Wersa mic jac'ben lojon i mandar Dios anquese mi' ñusantel i mandar winicob.

30 I Dios lac ñojte'el tsi' teche ch'ojyel Jesús, tsa' b_A la' tsansa che' b_A tsa' la' ch'iji ti te'.

31 Dios tsi' y_Aq'ue i ñuclél ya' ti' ñoj. Colem yumalach, Xcoltayajach. Mi' y_Aq'ueño' i c_Ay i mul jini israelob cha'an mi' ñusabeño' i mul.

32 Mic sub lojon jini tsa' b_A ujtí. Jini Ch'ujul b_A Espíritu mi' sub ja'el, come Dios mi' y_Aq'ueño' i yEspíritu jini mu' b_A i jac'beño' i t'an, che'ob.

33 Tsa' wen mich'ayob che' b_A tsi' yubibeyob i t'an. Yomob i tsansan jini apóstolob.

34 Tsa' ch'ojyi juntiquil fariseo am b_A i ye'tel, i c'aba' Gamaliel. Jiñach mu' b_A i cantesan winicob ti mandar. Ti pejtelelob tsi' q'ueleyob ti ñuc. Tsi' yac'la mandar cha'an mi' poj payyob loq'uel jini apóstolob.

35 Che' majlemobix, Gamaliel tsi' sube i pi'lob: Israelob, ch_Aca q'uele la' b_A cha'an chuqui tac mi la' tumben jini winicob.

36 Come wajalix tsa' tili Teudas. Tsi' lon subu i b_A ti ñuc. Tsi' tsajcayob che' bajche' jumbajc' winicob, pero tsa' tsansanti. Tsa' pujquiyob jini tsa' b_A i tsajcayob. Che' jach tsa' lajmi.

37 Ti wi'il tsa' tili Judas ch'oyol b_A ti Galilea. Che' ti' yorajlel censo, jini Judas tsi' paya majlel cabal winicob. Tsa' tsansanti ja'el. Tsa' pam pujquiyob pejtelel tsa' b_A i tsajcayob.

38 Wale mic subeñetla, ch_Aca q'uele la' b_A cha'an ma'anic mi la' tic'lan jini winicob. Mi ch'oyol ti' bajñel pusic'al jini t'an yic'ot jini e'tel, mi' caj ti jilel.

³⁹ Mi ch'oyolach ti Dios, mach mejlic la' jisaben i ye'tel ame che'ic mi la' contrajin Dios. Che' tsi' yalal Gamaliel.

⁴⁰ Tsi' jac'beyob i t'an. Che' bala tsi' palayob ochel jini apóstolob, tsi' bajbeyob. Tsi' subeyob cha'an ma'anic mi' chan cha'leñob t'an ti' c'aba' Jesús. Tsi' coloyob.

⁴¹ Che' bala tsa'ix loq'uiyob ti' tojlel año' bala i ye'tel, tijicñayob jax i pusic'al, come Dios tsi' yalq'ueyob i xuc'tilel i pusic'al cha'an mi' ñusañob i ts'a'lentel ti' c'aba' Jesús.

⁴² Ti jujump'ejl q'uin tsi' chan cha'leyob cantesa ti Templo yic'ot ti jujump'ejl otot. Tsi' chan subuyob i t'an Jesucristo.

6

Tsi' yajcayob wuctiquil

¹ Che' woli' p'ojlelob xcant'añob, jini griegojob tsi' yal'eyob hebreojob, come jini meba' x'ixicob i cha'añob ma'anic tsa' aq'uentiyob chuqui anto yom i cha'an ti jujump'ejl q'uin.

² Jini cha'an jini lajchantiquil tsi' tempayob pejtelel jini xcant'añob. Tsi' subeyob: Mach wenic mij cly lojon c sub i t'an Dios cha'an mic puc lojon waj.

³ Jini cha'an hermanojob, yajcanla wuctiquil winicob uts'at bala i pusic'al but'ulob ti Ch'ujul bala Espíritu, yic'ot wen bala i ña'tabal, cha'an mi la' wa'chocoñob cha'an jini e'tel.

⁴ Joñon lojon mi caj c chan pejcan lojon Dios. Mi caj c chan cha'len lojon subt'an, che'ob.

⁵ Uts'at tsi' yubibeyob i t'an ti pejtelelob. Tsi' yajcayob Esteban, ñopol bala i cha'an i t'an Dios ti jump'ejl i pusic'al, but'ul bala ti Ch'ujul bala Espíritu. Tsi' yajcayob Felipe ja'el yic'ot Prócoro yic'ot Nicanor yic'ot Timón yic'ot Parmenas yic'ot Nicolás, jini tsa' bala ochi i ñop ti Antioquía.

⁶ Tsi' palayob ba'an jini apóstolob. Che' bala tsa'ix ujt i pejcañob Dios, tsi' yal'ayob i c'ab ti' jol.

⁷ Tsa' pujqui i t'an lac Yum. Wen cabal tsa' p'ojliyob xcant'añob ti Jerusalén. Cabal motomajob ja'el tsi' jac'beyob i t'an Dios.

Tsi' chucuyob Esteban

⁸ Esteban, but'ul ti' yutslal i pusic'al yic'ot i p'atlel, tsi' palsa ñuc tac bala i yejtal i p'atlel

yic'ot ñuc tac bala i ye'tel ti' tojlel winicob x'ixicob.

⁹ Jini cha'an tsa' tiliyob winicob mu' bala i yajñelob ti sinagoga. Tsa' caji i yal'leñob Esteban. Jini winicob i c'aba' librejo' bala yic'ot cirenejob, yic'ot alejandriajob, yic'ot judíojob ch'oyolo' bala ti Cilicia yic'ot ti Asia tsa' caji' contrajiñob Esteban.

¹⁰ Ma'anic tsa' mejli i contrajiñob i ña'tabal yic'ot jini Espíritu tsiquil bala ti' t'an.

¹¹ Tsi' xic'beyob winicob ti mucul jach cha'an mi' jop'beñob i mul. Tsi' yal'ayob: Tsa'ix cubibe lojon i t'an che' bala tsi' cha'le p'ajoñel ti' contra Moisés yic'ot ti' contra Dios, che'ob.

¹² Tsi' ñijcayob winicob x'ixicob yic'ot xñoxob año' bala i ye'tel yic'ot sts'ijbayajob. Tsa' tiliyob, tsi' chucuyob Esteban. Tsi' palayob majlel ba'an jini año' bala i ye'tel.

¹³ Tsi' wa'chocoyob xjop't'añob tsa' bala i yal'ayob: Jini winic mi' cha'len p'ajoñel ti pejtelel ora. Mi' p'aj jini Ch'ujul bala Ajñibal yic'ot jini mandar.

¹⁴ Come tsa'ix cubi lojon che' bala tsi' yalal jini Esteban: “Jini Jesús ch'oyol bala ti Nazaret mi caj i jisan jini Ajñibal. Mi caj i q'uextan i cantesabal Moisés tsa' bala lac ñopo ti lac tat”, che'ob.

¹⁵ Pejtelel jini buchulo' bala año' bala i ye'tel tsi' q'uelbeyob i wut Esteban lajal bajche' i wut ángel.

7

I subt'an Esteban

¹ Jini ñuc bala motomaj tsi' c'ajtibe: ¿Isujm ba jini? che'en.

² Esteban tsi' yalal: Winicob c pi'alob, ñich'tanla. Jini Dios am bala i ñuclal tsa' tsictiyi ti' wut lac tat Abraham che' ya'to an ti Mesopotamia che' maxto anic tsa' majli ti Harán.

³ Dios tsi' sube: “Loq'uen ti a lumal ba'an a pi'alob. Cucu ti ochel ti lum mu' bala caj c pasbeñet”, che'en.

⁴ Tsa' loq'ui ti' lumal caldeojob. Tsa' caji ti chumtal ti Harán. Che' bala tsa' chami i tat Abraham, Dios tsi' c'axtesa ti yambal lum wala' ba' chumulonla wale.

⁵ Dios ma'anic chuqui tsi' yalq'ue Abraham ilayi, mi ts'ita'ic lum, pero tsi' yalq'ue i t'an. Tsi' sube mi caj i yotsan ti' yum jini

lum yic'ot i p'olbal ja'el anquese maxto anic i yalobil.

⁶ Dios tsi' sube Abraham ja'el: "Mi caj i majlel ti chumtal a p'olbal ti yamb^Λ lum mach b^Λ i cha'añobic, ba' mi caj i y^Λj^q'uelob ti to'ol e'tel. Jumbajc' jab mi caj i cha'leñob majtan e'tel yic'ot wocol.

⁷ Mi caj c^Λq'ueñob i toj i mul jini winicob x'ixicob mu' b^Λ i yotsañob ti to'o e'tel. Ti wi'il mi caj i loq'uelob tilel a p'olbal. Mi caj i ch'ujutesañob ilayi", che'en.

⁸ Dios tsi' y^Λq'ue Abraham jini xuc'ul b^Λ t'an cha'an tsep p^Λch^Λlel. I yalobil Abraham jiñach Isaac. Abraham tsi' tsepbe i p^Λch^Λlel che' wax^Λcp'ejl jax to i q'uiñilel Isaac. I yalobil Isaac jiñach Jacob. I yalobilob Jacob jiñobach lajch^Λantiquil lac ñojte'el.

⁹ Ts^Λyts^Λyñayob jax i pusic'al jini lac ñojte'el cha'an José. Jini cha'an tsi' choñoyob cha'an mi' p^Λjyel majlel ti Egipto pero ya'an Dios yic'ot.

¹⁰ Dios tsi' loc'sa ti pejtelel i wocol. Tsi' ñijc^Λbe i pusic'al Faraón cha'an mi' q'uel José ti uts'at. Dios tsi' y^Λq'ue José i ña't^Λbal ti' tojlel jini rey Faraón ya' ti Egipto. Dios tsi' y^Λq'ue i ye'tel ti yum^Λ ti' tojlel egiptojob yic'ot ti' yotot Faraón ja'el.

¹¹ Tsa' caji wi'ñal ti' lumal egiptojob yic'ot ti Canaán ja'el. An cab^Λl wocol. Lac ñojte'el ma'anic tsi' tajayob i b^Λl i ñac'.

¹² Che' b^Λ tsi' yubi Jacob an trigo ya' ti Egipto, tsi' choco majlel lac ñojte'elob che' ti' cajibal wi'ñal.

¹³ Che' b^Λ tsa' majliyob ti' cha'yajlel, José tsi' y^Λc'Λ i b^Λ ti c^Λjñel ti' tojlel i y^Λscuñob. Tsi' y^Λc'Λ i pi'lob ti c^Λjñel ti' tojlel Faraón.

¹⁴ José tsi' chocoyob majlel cha'an mi' p^Λyob tilel Jacob, i tat, yic'ot pejtelel i pi'lob, jo'lujantiquil i ch^Λnc'al (75).

¹⁵ Tsa' jubi majlel Jacob ya' ti Egipto. Ya' tsa' ch^Λmi yic'ot lac ñojte'elob.

¹⁶ Tsa' q'uejchiyob majlel c'Λ^Λ ti Siquem ba' tsa' mujquiyob ti' yotlel ch'ujlel^Λ m^Λmbil b^Λ i cha'an Abraham. Abraham tsi' tojbeyob ti taq'uin i yalobilob Hamor ya' ti Siquem.

¹⁷ Che' b^Λ yomix c'otel i yorajlel cha'an mi' ts'actiyel i t'an Dios che' bajche' tsi' sube

Abraham, tsa' wen p'ojli i p'olbal Abraham ya' ti Egipto

¹⁸ jinto tsa' wa'choconti yamb^Λ rey ti Egipto mach b^Λ anic tsi' c^Λñ^Λ José.

¹⁹ Mach tojic chuqui tsi' tumbe lac pi'lob jini rey. Tsi' tic'la lac ñojte'elob cha'an mi' wersa ac'ob i yalobilob ti ch^Λmel cha'an mi' jilel i p'olbal Israel.

²⁰ Ti jim b^Λ ora che' woli to i tic'lañob, tsi' yila pañimil Moisés. Wen uts'atax tsi' q'uele Dios. Tsa' tsu's^Λnti uxp'ejl uw ti' yotot i tat.

²¹ Che' b^Λ tsa' ajq'ui Moisés ba' b^Λb^Λq'uen mi' ch^Λmel, tsa' tili i yalobil Faraón. Tsi' loto. Tsi' cosa che' bajche' i yalobil.

²² Tsa' c^Λntes^Λnti Moisés ti pejtelel i ña't^Λbal egiptojob. Wen ch'ejl ti t'an yic'ot ti e'tel.

²³ Che' cha'c'alix i jabilel, Moisés tsi' ña'ta ti' pusic'al yom majlel i jula'tan i pi'lob, jiñobach i yalobilob Israel.

²⁴ Che' b^Λ tsi' q'uele woli' tic'lantel juntiquil i pi'Λ, Moisés tsi' colta jini woli b^Λ i tic'lantel. Tsi' q'uext^Λbe i jontolil jini egipto. Tsi' jats'Λ.

²⁵ Come Moisés tsi' lon ña'ta woli' ch'Λmbeñob isujm i pi'lob, cha'an jiñach yajc^Λbil b^Λ ti Dios cha'an mi' coltañob. Pero ma'anic tsi' ch'Λmbeyob isujm.

²⁶ Ti yijc'Λ^Λl Moisés tsi' p^Λs^Λ i b^Λ ba'an i pi'lob che' woliyob ti leto. Yom i lajmesan leto. Tsi' y^ΛΛ: "Winicob, la' pi'Λ la' b^Λ. ¿Chucoch mi la' tic'lan la' b^Λ?" che'en.

²⁷ Jini tsa' b^Λ i tic'la i pi'Λ tsi' t^Λj^cΛx choco majlel Moisés. Tsi' sube: "¿Majqui tsi' y^Λq'ueyet a we'tel ti yum^Λ cha'an ma' melon lojon?"

²⁸ ¿A wom ba a ts^Λnsañon che' bajche' tsa' ts^Λnsa jini egipto ac'bi?" che'en.

²⁹ Che' b^Λ tsi' yubi jini t'an, tsa' puts'i majlel Moisés. Tsa' majli ti chumtal ti yamb^Λ lum i c'aba' Madián. Ya' i tsi' yilayob pañimil cha'tiquil ch'iton b^Λ i yalobil.

³⁰ Che' ñumenix cha'c'al jab, tsa' tsictiyi juntiquil ángel ti colem b^Λ i tiquiñal pañimil l^Λc'Λ^Λ ti Sinaí wits. Tsa' tsictiyi ti c'ajc woli b^Λ ti lejmel ti al^Λte'.

³¹ Che' b^Λ tsi' q'uele Moisés, tsa' toj sajti i pusic'al cha'an jini tsa' b^Λ i q'uele. Che' b^Λ tsa' majli i q'uel jini al^Λte', tsa' tili i t'an lac Yum:

³² “Joñon i Dioson a ñojte'el, i Dioson Abraham, i Dioson Isaac, i Dioson Jacob”, che'en Dios. Mach yomic i chan q'uel Moisés, come tsiltsilña jax ti baq'uen.

³³ Lac Yum tsi' sube: “Loc'san a xañab ti a woc come ch'ujul jini lum ba' wa'alet.

³⁴ Isujm, tsa'ix j q'uele i tic'lantel c cha'año' bΛ ya' ti Egipto. Tsa'ix cubibeyob i yuq'uel. Tsa'ix jubiyon tilel cha'an mic loc'sañob. La'ix cu, che' jini. Mi caj c choquet majlel ti Egipto”, che'en.

³⁵ Jini Moisés tsa' ts'a'lenti cha'an i pi'lob. Tsi' yalayob i pi'lob: “¿Majqui tsi' yalq'ueyet a we'tel ti yumal yic'ot ti meloñel?” che'ob. Jini Moisés ts'a'lebil bΛ i cha'año', Dios tsi' choco tilel. Jini ángel tsa' bΛ tsictiyi ti alate' tsi' yalq'ue i ye'tel ti yumal yic'ot ti xcoltaya.

³⁶ Moisés tsi' palya loq'uel i yalobilob Israel che' bΛ tsa' ujti i pas bΛbaq'uen tac bΛ yic'ot i yejtal i p'atlel cha'c'al jab ya' ti Egipto yic'ot ti Chachac bΛ Ñajb yic'ot ti jochol bΛ lum.

³⁷ Jiñach Moisés tsa' bΛ i sube i yalobilob Israel: “Lac Yum Dios mi caj i techbeñetla juntiquil x'alt'an che' bajche' joñon loq'uem bΛ ti la' pi'lob. Jini mi caj la' wubin”, che'en.

³⁸ Jiñach Moisés am bΛ yic'ot jini tempabilo' bΛ ti jochol bΛ lum. Jini ángel tsi' pejca ya' ti Sinaí wits yic'ot lac ñojte'el. Tsi' yubi jini t'an cha'an laj cuxtalel cha'an mi' cha' aq'ueñonla.

³⁹ Lac ñojte'el ma'anic tsi' jac'beyob Moisés. Tsi' ts'a'leyob. Tsi' chan ña'tayob i cha' sujtel ti Egipto.

⁴⁰ Tsi' subeyob Aarón: “Mele lac dios tac cha'an ñaxan mi' majlel ti lac tojlel. Come ma'anic mi lac ña'tan chuqui tsa' tumbenti jini Moisés tsa' bΛ i palyayonla loq'uel ti Egipto”, che'ob.

⁴¹ Che' jini tsi' meleyob alΛ wacax. Tsi' tsansabeyob i majtan jini dios taq'uin. Tsa' ñuc'ayob i pusic'al cha'an jini dios tsa' bΛ i meleyob ti' c'ab.

⁴² Jini cha'an Dios tsi' calayob cha'an mi' ch'ujutesañob jini q'uin yic'ot uw yic'ot ec'. Ts'ijbubil ti' jun x'alt'año' ja'el: “Jatetla israelob, ¿tsa' ba la' tsansabeyon la' walac

cha'c'al jab ti jochol bΛ lum? ¿Tsa' ba la' pulbeyon c majtan?

⁴³ Tsa'ix la' q'uechbe pisil bΛ i yotlel Moloc, yic'ot jini ec', i yejtal bΛ a dios Renfán. Tsa' la' mele cha'an mi' la' ch'ujultesan. Joñon mi caj j c'axtesañetla ti junwejl Babilonia”, che'en.

⁴⁴ An i cha'an lac ñojte'elob jini pisil bΛ otot ti jochol bΛ lum ba' tsa' pasle i sujmllel Dios. Come che' bΛ tsi' yac'Λ mandar Dios, tsi' sube Moisés cha'an mi' mel otot che' bajche' tsa' pasbenti.

⁴⁵ Che' bΛ tsa' ujti i ch'ambeño' i lum gentilob lac ñojte'el yic'ot Josué, tsi' q'uecheyob ochel jini pisil bΛ otot ti' lumal. Come Dios tsi' choco loq'uel jini gentilob ti' tojel i wutob lac ñojte'el c'Alal ti' yorajlel David.

⁴⁶ Dios tsi' pasbe David i yutslel. Jini David yom i melben i chumlib Dios tsa' bΛ i ñopo Jacob.

⁴⁷ Pero tsi' mele Salomón.

⁴⁸ Jini C'ax Ñuc BΛ ma'anic mi' chumtal ti templo tac melbil bΛ ti c'abΛ. Che' ja'el tsi' yalΛ jini x'alt'an:

⁴⁹ “Jini panchan c buchlib, jini pañimil i yajñib coc. ¿Chuqui ti otot la' wom la' melbeño' che'en lac Yum. ¿Chuqui jini cajñib ba' mij c'aj co?

⁵⁰ ¿Mach ba c melbalic pejtelel ili tac?” che'en.

⁵¹ Tsatsatax la' pusic'al. Mach saq'uesablic la' pusic'al. Macal la' chiquin. Ti pejtelel ora jatetla mi' la' mactan jini Ch'ujul bΛ Espíritu. Che' bajche' tsi' mele la' ñojte'el, che' ja'el mi' la' mel jatetla.

⁵² Ma'anic mi juntiquilic x'alt'an mach bΛ anic tsa' tic'lanti cha'an la' ñojte'el. Tsi' tsansayob jini tsa' bΛ i wan subuyob tal jini Toj bΛ. Wale jatetla tsa'ix la' wac'Λ jini Toj bΛ ti' c'ab i contra. Tsa'ix la' tsansa.

⁵³ Jini ángelob tsi' yalq'ueyetla i mandar Dios. Jatetla ma'anic tsa' la' jac'Λ. Che' tsi' yalΛ Esteban.

Tsi' juluyob Esteban ti xajlel

⁵⁴ Che' bΛ tsi' yubiyob ili t'an tsa' wen mich'ayob. Quech'ecñayob i baquel i yej tsi' meleyob cha'an mich' tsi' q'ueleyob.

⁵⁵ But'ul Esteban ti Ch'ujul bΛ Espíritu. Tsi' letsa i wut ti panchan. Tsi' q'uele i ñuel Dios. Tsi' q'uele Jesús ya' wa'al ti' ñoj Dios.

⁵⁶ Tsi' y_ΛΛ: Awilan, wolij q'uel calal jini panchan. Ya' wa'al i Yalobil Winic ti' ñoj Dios, che'en.

⁵⁷ Tsi' cha'leyob c'am b_Λ t'an. Tsi' ma_ΛΛyob i chiquin. Temel tsa' majliyob ti ajñel cha'an mi' chucob Esteban.

⁵⁸ Tsi' chocoyob loq'uel ti colem tejclum. Tsi' juluyob ti xajlel. Jini tsa' b_Λ i yubibeyob i t'an Esteban tsi' chocoyob jubel i bujc tac ti' yoc juntiquil winic i c'aba' Saulo.

⁵⁹ Che' b_Λ tsi' juluyob ti xajlel, Esteban tsi' pejca Dios. Tsi' y_ΛΛ: C Yum Jesús, ch'Λmbeñon c ch'ujlel, che'en.

⁶⁰ Tsa' ñocle. C'am tsi' cha'le t'an: C Yum, mach a w_Λq'ueñob ti' wenta ili i mul, che'en. Che' b_Λ tsa' ujt i sub jini t'an tsa' ch_Λmi.

8

¹ Saulo uts'at tsi' yubi che' b_Λ tsi' ts_Λnsayob.

Saulo tsi' tic'la xñopt'añob

Ti jim b_Λ ora tsa' tejchi cab_Λl tic'laya ti' contra jini xñopt'añob tsa' b_Λ i tempayob i b_Λ ti Jerusalén. Ti pejtelelob tsa' pam pujquiyob ti pejtelel Judea yic'ot ti Samaria. Cojach jini apóstolob ma'anic tsa' pujquiyob.

² Winicob mu' b_Λ i ch'ujutesañob Dios tsi' q'uecheyob majlel Esteban cha'an mi' mucob. Cab_Λl tsi' yuc'tayob.

³ Saulo tsi' ñopo i jisan jini xñopt'añob. Tsa' ochi ti jujump'ejl otot. Tsi' wersa chucu majlel winicob x'ixicob. Tsi' yot-sayob ti majquibal.

Felipe tsa' majli ti subt'an ti Samaria

⁴ Jini tsa' b_Λ pujquiyob, tsa' pam ñumiyob ti subt'an.

⁵ Felipe tsa' caji' jubel majlel ti tejclum i c'aba' Samaria. Ya' tsi' subu i t'an Cristo.

⁶ Bajc'Λl winicob x'ixicob ti jump'ejlob jach i pusic'al tsi' jac'beyob i t'an Felipe che' b_Λ tsi' yubiyob, che' b_Λ tsi' q'ueleyob i yejtal i p'ΛtΛlel tsa' b_Λ i p_Λsa.

⁷ Come cab_Λl tsa' loq'uiyob i xib_Λjlel. Wen c'am tsi' cha'leyob t'an jini xiba-job che' b_Λ tsa' loq'uiyob. Cab_Λl tsa' la-jmes_Λntiyob jini mach b_Λ weñobic i yoc i c'Λb.

⁸ Jini cha'an wen tijicña tsa' caji i yubiñob ya' ti jini tejclum.

⁹ Juntiquil winic i c'aba' Simón, tsa' b_Λ i cha'le wujt ti yamb_Λ ora, cab_Λl tsi' loti tejclumob ti Samaria. Tsi' subu i b_Λ ti ñuc.

¹⁰ Ti pejtelelob tsi' wen ubibeyob i t'an, jini ch'o'ch'oco' b_Λ yic'ot jini ñuco' b_Λ. Tsi' y_ΛΛyob: Jiñ_Λch jini ñuc b_Λ i p'ΛtΛlel Dios, lon che'ob.

¹¹ Tsi' wen jac'beyob come c'ΛlΛl ti wajali tsa' toj sajtiyob i pusic'al cha'an leco tac b_Λ i melbal.

¹² Tsa' caji i ñopbeñob i t'an Felipe che' b_Λ tsi' subeyob jini wen t'an cha'an i yum_Λntel Dios ti' c'aba' Jesucristo. W_Λle cab_Λl winicob x'ixicob tsi' ch'Λm_Λyob ja'.

¹³ Simón tsi' ñopo ja'el. Che' b_Λ tsa'ix i ch'Λm_Λ ja', tsa' jale yic'ot Felipe. Tsa' toj sajti i pusic'al che' b_Λ tsi' q'uele i yejtal i p'ΛtΛlel yic'ot ñuc b_Λ i melbal tsa' b_Λ i cha'le Felipe.

¹⁴ Jini apóstolob añob ti Jerusalén. Che' yujilobix wolix i ñopob i t'an Dios ya' ti Samaria, tsi' chocoyob majlel Pedro yic'ot Juan ya' ba' añob.

¹⁵ Che' b_Λ tsa' c'otiyob ti Samaria, tsi' c'ajtibeyob Dios ti oración cha'an mi' y_Λq'uen winicob x'ixicob jini Ch'ujul b_Λ Espíritu.

¹⁶ Come maxto anic tsa' aq'uentiyob Ch'ujul b_Λ Espíritu jini año' b_Λ ti Samaria. Cojax to tsi' ch'Λm_Λyob ja' ti' c'aba' Jesús.

¹⁷ Pedro yic'ot Juan tsi' y_Λc'Λyob i c'Λb ti' jol. Tsa' aq'uentiyob Ch'ujul b_Λ Espíritu.

¹⁸ Che' b_Λ tsi' q'uele Simón aq'uebilobix Ch'ujul b_Λ Espíritu cha'an tsi' y_Λq'ueyob i c'Λb jini apóstolob, Simón tsi' p_Λsbeyob taq'uin.

¹⁹ Tsi' subeyob: Aq'ueñon ja'el a p'ΛtΛlel cha'an mi' c_Λq'uen Ch'ujul b_Λ Espíritu majqui jach com che' mi' c_Λq'ueñob j c'Λb ti' jol, che'en.

²⁰ Pedro tsi' sube: La' jilic a taq'uin a wic'ot, come wola' lon ña'tan ti a pusic'al mi' mejlel a m_Λn yic'ot taq'uin a majtan ch'oyol b_Λ ti Dios.

²¹ Maxto ochemetic ti jini e'tel. Mach a cha'anic. Come mach tojic a pusic'al ti' wut Dios.

²² C_Λy_Λ a jontolil. C'ajtiben Dios cha'an mi' ñus_Λbeñet jini tsa' b_Λ a ña'ta ti a pusic'al.

²³ Come mij q'uel an ch'aj b_Λ i ts_Λyts_Λyñayel a pusic'al. Chucbilet ti

jontolil, che'en Pedro.

²⁴ Simón tsi' jac'Λ: C'ajtiben lac Yum cha'an ma'anic mi' wis tajon jini tsa' bΛ a wΛΛ, che'en.

²⁵ Pedro yic'ot Juan, che' bΛ tsi' subeyob i t'an lac Yum yic'ot chuqui tac tsi' q'ueleyob ti' tojlel lac Yum, tsa' sujtiyob ti Jerusalén. Tsi' subuyob jini wen t'an ti cabΛ tejclum tac ya' ti Samaria.

Felipe yic'ot jini ch'oyol bΛ ti Etiopía

²⁶ I yángel lac Yum tsi' pejca Felipe. Tsi' sube: Ch'ojyen, cucu ti sur ba'an colem bΛ i tiquiñal pañimil ti' bijlel Gaza mu' bΛ i jubel loq'uel ti Jerusalén, che'en.

²⁷ Tsa' ch'ojyi Felipe, tsa' majli. Awilan, ya'an juntiquil eunuco ch'oyol bΛ ti Etiopía. An ñuc bΛ i ye'tel cha'an x'ixic bΛ yumΛ ti Etiopía i c'aba' Candace. Jini winic tsi' cΛntabe pejtelel i chubΛ'an. Tsajni jini winic ti Jerusalén cha'an mi' ch'ujutesan Dios.

²⁸ Wolix ti cha' sujtél, buchul ti carreta mu' bΛ i tujc'antel majlel. Woli' q'uel i jun jini x'alt'an Isaías.

²⁹ Jini Espíritu tsi' sube Felipe: Cucu ba'an jini carreta. Yom ma' majlel yic'ot, che'en.

³⁰ Felipe tsa' majli ti lac'Λl. Tsi' yubibe i t'an jini winic che' bΛ woli' pejcan i jun jini x'alt'an Isaías. Felipe tsi' sube: ¿Mu' ba a ch'amben isujm jini t'an woli bΛ a q'uel? che'en.

³¹ Jini winic tsi' yΛΛ: ¿Bajche' mi mejlel c ch'amben isujm mi ma'anic majqui mi' cΛntesañon? che'en. Tsi' sube letsel Felipe cha'an mi' buchtal yic'ot.

³² Ya' ba' woli' q'uel i Ts'ijbujel Dios an jini t'an: "Tsa' pΛjyi majlel cha'an mi' chΛmel che' bajche' tiñΛme'. Che' bajche' alΛ tat tiñΛme' ñach'Λl bΛ ti' tojlel jini mu' bΛ i tsepben i tsutsel, ma'anic tsi' cha'le t'an jini winic.

³³ Pec' tsi' mele i bΛ. Jini año' bΛ i ye'tel ma'anic tsi' meleyob ti toj. ¿Majqui mi mejlel i tsichen i yalobilob jini winic? Come tsa' tsΛnsΛnti ila ti pañimil", che'en.

³⁴ Jini eunuco tsi' c'ajtibe Felipe: Awocolic subeñon, ¿majqui jini tsa' bΛ ña'tΛnti ti' t'an jini x'alt'an? ¿Jim ba jini x'alt'an Isaías o jim ba yambΛ winic? che'en.

³⁵ Felipe tsa' caji ti t'an. Tsa' caji i suben jini wen t'an cha'an Jesús che' bajche' ts'ijbubil i cha'an Isaías.

³⁶ Che' woli' majlelob ti bij, tsa' c'otiyob ba'an ja'. Jini eunuco tsi' sube: Q'uele, wΛ'an ja'. ¿Am ba chuqui mi' mΛctañon cha'an mic ch'Λm ja? che'en.

³⁷ Felipe tsi' sube: Mi wola' ñop ti pejtelel a pusic'al, mi mejlel a ch'Λm ja', che'en. Jini eunuco tsi' jac'be: Mic ñop i YalobilΛch Dios jini Jesucristo, che'en.

³⁸ Jini eunuco tsi' yΛc'Λ mandar cha'an mi' cΛy i xΛmbal jini carreta. Tsa' jubiyob ti ja' ti' cha'ticlelob, Felipe yic'ot jini eunuco. Felipe tsi' yΛq'ue ch'Λmja'.

³⁹ Che' bΛ tsa' loq'uiyob ti ja', i yEspíritu lac Yum tsi' jΛm chucu majlel Felipe. Jini eunuco ma'anix tsi' chΛn q'uele. Tijicña i pusic'al tsa' majli ti bij.

⁴⁰ Ya' tsa' tajle Felipe ti Azoto. Che' bΛ tsa' ñumi majlel, tsi' subu jini wen t'an ti pejtelel tejclum tac c'ΛΛl ti Cesarea.

9

Saulo tsi' ñopo lac Yum

(Hch. 22.6-16; 26.12-18)

¹ Saulo woli to ti a'leya ti' contra xcΛnt'añob i cha'an lac Yum. Yom i tsΛnsañob. Tsa' tili ba'an ñuc bΛ motomaj.

² Tsi' c'ajtibe jun cha'an mi' pΛs ti sinagoga tac ya' ti Damasco. Jini jun tsi' yΛq'ue i ye'tel cha'an cΛchbil mi' pΛyob majlel ti Jerusalén pejtelel woli bΛ i ñopbeñob i bijlel Cristo, mi tsi' tajayob.

³ Che' woli' majlel ti bij, che' yomix c'otel ti Damasco, ora jach tsa' tili i saclel c'ajc ch'oyol bΛ ti panchan ti' joytilel Saulo.

⁴ Tsa' yajli ti lum. Tsi' yubi t'an tsa' bΛ i sube: Saulo, Saulo, ¿chucoch ma' tic'lañon? che'en.

⁵ Saulo tsi' yΛΛ: ¿Majquiyet c Yum? che'en. Tsi' sube: JoñoñΛch Jesús woli bΛ a tic'lan, che'en.

⁶ Saulo, tsiltsilña ti bΛq'uen, tsi' sube: C Yum, ¿chuqui a wom mic cha'len? che'en. Lac Yum tsi' sube: Ch'ojyen. Ochen ti tejclum. Mi caj a subentel chuqui yom ma' cha'len, che'en.

⁷ Winicob woli bΛ i pi'leñob Saulo ti xΛmbal ñΛch'Λl tsa' cΛleyob cha'an bΛq'uen.

Come ti isujm tsi' yubiyob t'an, pero ma'anic tsi' q'ueleyob majqui woli ti t'an.

⁸ Saulo tsa' ch'ojyi ti lum. Che' cañalix i wut, ma'anic chuqui tsa' mejli i q'uel. Jini i pi'lob tsi' toj'esayob majlel ti' c'ab. Tsi' p'ayayob majlel ti Damasco.

⁹ Uxp'ejl q'uin tsa' c'ale ti xpots'. Ma'anic chuqui tsi' c'uxu. Ma'anic chuqui tsi' jap.

Saulo ya' ti Damasco

(Hch. 22.12-16)

¹⁰ An juntiquil xcant'an ti Damasco, i c'aba' Ananías. Tsi' q'uele chuqui tsa' pasbenti ti lac Yum. Lac Yum tsi' sube: Ananías, che'en. Ananías tsi' jac'la: W'añon c Yum, che'en.

¹¹ Lac Yum tsi' sube: Ch'ojyen. Cucu ti bij, i c'aba' Toj. Ya' ti' yotot Judas, sajcan juntiquil winic i c'aba' Saulo, ch'oyol b' ti Tarso. Awilan, woli' pejcan Dios.

¹² Saulo tsa'ix i q'ueleyet che' bajche' ti ñajal, Ananías. Tsi' q'uele tsa' wac'la a c'ab ti' jol cha'an mi' cha' c'otel i wut, che'en.

¹³ Ananías tsi' jac'la: C Yum, cabal tsa cubi t'an cha'an jini winic. Cabal i jontolil tsa' b' i cha'le ti' contra a cha'año' b' ti Jerusalén.

¹⁴ An i ye'tel ilayi aq'uebil cha'an ñuc b' motomajob cha'an mi' c'ach pejtelel mu' b' i pejcañob a c'aba', che'en Ananías.

¹⁵ Lac Yum tsi' sube: Cucu, come yajcabilach c cha'an, cha'an mi' sub majlel j c'aba' ti' tojlel gentilob yic'ot reyob yic'ot israelob.

¹⁶ Come mi caj c pasben bajche' c'amel mi caj i yubin wocol cha'an tij c'aba', che'en.

¹⁷ Ananías tsa' majli. Tsa' ochi ti otot. Che' b' tsi' yac'la i c'ab ti' jol Saulo, tsi' yala: Hermano Saulo, c Yum Jesús tsa' b' tsictiyi ti bij che' b' tsa' tiliyet, tsi' chocoyon tilel cha'an mi' cha' c'otel a wut, cha'an ma' bujt'el ti Ch'ujul b' Espiritu, che'en.

¹⁸ Ti ora jach tsa' c'ajli loq'uel i sujl i wut. Tsa' cha' c'oti i wut. Tsa' ch'ojyi Saulo. Tsi' ch'amaj'.

¹⁹ Che' ujtemix ti we'el tsi' cha' taja i p'atlel.

Cha'p'ejl uxpejl q'uin tsa' jale Saulo yic'ot xcant'añoob ti Damasco.

²⁰ Tsi' bac' subu t'an cha'an Cristo ti sinagoga tac. Tsi' yala: I Yalobilach Dios jini Cristo, che'en.

²¹ Tsa' toj sajtiyob i pusic'al pejtelel tsa' b' i yubiyob. Tsi' yalayob: ¿Mach ba jinic tsa' b' i tic'la jini mu' b' i pejcañob i c'aba' Cristo ya' ti Jerusalén? Jini cha'an tsa' tili w' i cha'an c'achbil mi' p'ayob majlel ti' tojlel ñuc b' motomajob, che'ob.

²² Ñumen cabal tsa' p'ojli i p'atlel Saulo. Ma'anic chuqui tsa' mejli i jac'ob jini judíojob chumulo' b' ti Damasco, come Saulo tsi' wen tsictesabeyob Cristoj'ach jini Jesús.

²³ Che' b' tsa' ñumi cabal q'uin, jini judíojob tsi' comol pejyob i b'. Tsi' ña'tayob bajche' mi caj i tsansañoob Saulo.

²⁴ Ubibilix i cha'an Saulo che' woli' chijtañoob. Ti q'uiñil ti ac'alel tsi' chijtayob ya' ti' ti' tac tejclum cha'an mi' tsansañoob.

²⁵ Jini cha'an jini xcant'añoob tsi' p'ayayob majlel ti ac'alel. Tsi' ju'sayob ti colem chiquib ti' ñac' jini chan b' ts'ajc.

Saulo ya' ti Jerusalén

²⁶ Che' b' tsa' c'oti Saulo ti Jerusalén, tsi' ñopo i tem ajñel yic'ot xcant'añoob. Ti pejtelel tsi' bac'ñayob. Ma'anic tsi' ñopoyob mi' xcant'an Saulo.

²⁷ Bernabé tsi' taja. Tsi' p'ayal majlel ba'an jini apóstolob. Tsi' subeyob: Jiñach Saulo. Tsi' q'uele lac Yum ti bij. Lac Yum tsi' pejca. Ya' ti Damasco ch'ejl i pusic'al tsi' cha'le subt'an ti' c'aba' Jesús, che'en.

²⁸ Jini cha'an temel tsa' ajni Saulo yic'otob ti Jerusalén.

²⁹ Ch'ejl i pusic'al tsi' cha'le subt'an ti' c'aba' lac Yum. Tsi' subeyob jini griegojob jini wen t'an. Tsi' contrajiyob i b' ti t'an. Jini griegojob yomob i tsansan Saulo.

³⁰ Che' yujilobix jini hermanojob, tsi' p'ayayob majlel ti Cesarea. Tsi' chocoyob majlel ti Tarso.

³¹ Tsa' ñajch'i i tic'lantel jini xñopt'añoob ti pejtelel Judea yic'ot ti Galilea yic'ot ti Samaria. Tsa' p'atesantiyob. Tsi' chan bac'ñayob lac Yum. Tsa' ñuc'ayob i pusic'al cha'an Ch'ujul b' Espiritu. Tsa' wen p'ojliyob.

Eneas yic'ot Tabita

³² Che' b' tsa' ñumi majlel Pedro ti pejtelel lum, tsa' c'oti i jula'tan i cha'año' b' lac Yum ya' b' chumulob ti Lida.

³³ Ya' tsi' taja juntiquil winic, i c'aba' Eneas. Ñolol ti' w_Λyib w_Λx_Λc_p'ejl jab. Mach wenic i yoc i c'Λb.

³⁴ Pedro tsi' sube: Eneas, Jesucristo woli' lajmesañet. Ch'ojyen. Teche a w_Λyib, che'en. Ti ora jach tsa' ch'ojyi.

³⁵ Pejtelel jini ya' b_Λ chumulob ti Lida yic'ot ti Sarón tsi' q'ueleyob. Tsi' sutq'uiyob i b_Λ cha'an mi' ñopob lac Yum.

³⁶ Ya' ti Jope an x_cant'an i c'aba' Tabita, jiñach Dorcas. Jini x'ixic b_Λxatax ti wen b_Λ i ye'tel tsa' b_Λ i cha'le. Tsi' y_Λq'ueyob i chub_Λ'an jini mach b_Λ añob i cha'an.

³⁷ Ti jini jach b_Λ semana tsa' c'am'a. Tsa' ch_Λmi. Che' b_Λ tsa'ix ujti i pocob, tsi' y_Λc'Λyob ti jump'ejl i mal otot.

³⁸ L_Λc'Λl an Lida ti Jope. Jini x_cant'añob che' b_Λ tsi' yubiyob ya'an Pedro ti Jope, tsi' chocoyob majlel cha'tiquil winicob ba'an. Tsi' subeyob: Awocolic mach ma' ch_Λn jalijel ilayi. La' ti ora ba' añon lojon, che'ob.

³⁹ Jini cha'an Pedro tsa' ch'ojyi, tsa' majli yic'otob. Che' b_Λ tsa' c'oti, tsi' p_Λy_Λyob ochel. Ya' wa'alob pejtelel jini meba' x'ixicob ti' joytilel Pedro, woliyob ti uq'uel. Tsi' p_Λsbe_yob cab_Λl chaqueta yic'ot buj_cΛl tsa' b_Λ i mele Dorcas che' anto yic'otob.

⁴⁰ Pedro tsi' subeyob cha'an mi' loq'uelob ti pejtelelob. Tsa' ñocle. Tsi' pejca Dios. Ti wi'il tsi' sutq'ui i b_Λ cha'an mi' q'uel jini ch'ujlel_Λ. Tsi' sube: Ch'ojyen, Tabita, che'en. Tsa' cajni i wut. Che' b_Λ tsi' q'uele Pedro, tsa' buchle.

⁴¹ Pedro tsi' y_Λq'ue i c'Λb. Tsi' teche. Che' b_Λ tsa'ix i cha' p_Λy_Λ ochel i cha'año' b_Λ lac Yum yic'ot jini meba' x'ixicob, tsi' p_Λsbe_yob cha' cuxulix Dorcas.

⁴² Tsa' caji ti c_Λjñel ti pejtelel Jope. Cab_Λl tsi' ñopoyob lac Yum.

⁴³ Ya' tsa' jale Pedro cab_Λl q'uin ti Jope ti' yotot Simón, jini sts'aj p_Λchi.

10

Cornelio tsi' p_Λy_Λ Pedro

¹ Ya'an winic ti Cesarea, i c'aba' Cornelio. An ti' wenta Cornelio jo'c'al soldadojob i c'aba' Italiana.

² Tsi' ch'ujutesa Dios jini winic. Tsi' b_Λc'ña Dios yic'ot pejtelel año' b_Λ ti' yotot. Tsi' y_Λq'ueyob cab_Λl i majtan jini

p'ump'uño' b_Λ. Pejtelel ora tsi' pejca Dios ti oración.

³ Che' ti och'ajel q'uin an chuqui tsi' q'uele tilem b_Λ ti panchan. Juntiquil i yángel Dios tsa' ochi ba'an. Jini ángel tsi' pejca: Cornelio, che'en.

⁴ Cornelio tsi' cha'le b_Λq'uen che' b_Λ tsi' q'uele jini ángel. Tsi' sube: ¿Chuqui a wom c Yum? che'en.

Jini ángel tsi' sube: A woración yic'ot i majtan tac p'ump'uño' b_Λ mu' b_Λ a w_Λq'ueñob woli' ña't_Λntel ti Dios.

⁵ Choco majlel winicob ti Jope. P_Λy_Λ tilel Simón, jini am b_Λ i cha'chajplel i c'aba' Pedro.

⁶ Ya' jijlem Pedro ti' yotot Simón, jini sts'aj p_Λchi. L_Λc'Λl an i yotot ti' ti' colem ñajb. Pedro mi caj i subeñet chuqui yom ma' cha'len, che'en jini ángel.

⁷ Che' majlemix jini ángel tsa' b_Λ i pejca, Cornelio tsi' p_Λy_Λ tilel cha'tiquil i winicob yic'ot juntiquil soldado tsa' b_Λ i coltayob ti' ye'tel. Jini soldado tsi' ch'ujutesa Dios.

⁸ Che' b_Λ tsi' subeyob chuqui tsa' ujti, Cornelio tsi' chocoyob majlel ti Jope.

Jini tsa' b_Λ i q'uele Pedro

⁹ Ti yijc'Λl_Λ, che' woliyob ti x_Λmbal majlel ti bij, che' l_Λc'Λlix añob ti tejclum, Pedro tsa' letsi ti' jol otot cha'an mi' pejcan Dios. Ts'ita jax yom i taj xinq'uiñil.

¹⁰ Anix cab_Λl i wi'ñal. Yomix i cha'len we'el. Che' woli to i chajpañob we'el_Λ an chuqui tsi' q'uele Pedro ti espíritu.

¹¹ Tsi' q'uele calal jini panchan. Woli' jubel tilel che' bajche' colem pisil c_Λchbil ti ch_Λmpejlel i xujc. Tsa' ju's_Λnti c'Λl_Λ ti lum.

¹² Ya' ti mal jini pisil an cab_Λl a_Λc'Λl, yic'ot b_Λte'el ti chajp ti chajp, yic'ot jini j_ΛΛc'ña b_Λ, yic'ot te'lemut.

¹³ Tsa' c'oti t'an, tsi' sube: Ch'ojyen, Pedro. Ts_Λnsan. C'uxu, che'en.

¹⁴ Pedro tsi' sube: Mach che'iqui c Yum, come ma'anic ba' ora tsaj c'uxu chuqui tac tic'bil mi chuqui tac bibi', che'en.

¹⁵ Ti' cha'yajlel tsa' c'oti jini t'an ba'an Pedro: Mach a ts'a'len jatet, chuqui tac tsa'ix i s_Λq'uesa Dios, che'en.

¹⁶ Uxyajl tsa' c'oti jini t'an. Ti wi'il jini pisil tsa' cha' chujqui letsel ti panchan.

17 Che' woli' ch_Λn ña'tan Pedro chuqui i sujmllel jini tsa' b_Λ ujti i q'uel, awilan, tsa' tiliyob jini winicob chocbilo' b_Λ tilel i cha'an Cornelio. Tsi' c'ajtibeyob baqui an i yotot Simón. Tsa' c'otiyob ti' ti'.

18 Che' b_Λ tsi' cha'leyob p_Λy_oñel, tsi' c'ajtibeyob mi ya' jijlem Simón jini am b_Λ i cha'chajplel i c'aba' Pedro.

19 Che' woli to i ña'tan Pedro chuqui i sujmllel jini tsa' b_Λ ujti i q'uel, jini Espíritu tsi' sube: Awilan, uxtiquil winicob woli' sajcañetob.

20 Ch'ojyen, che' jini. Juben. Cucu yic'otob. Mach yomic tile bixel a pusic'al, come joñon tsac chocoyob tilel, che'en.

21 Pedro tsa' jubi majlel ba'an jini winicob chocbilo' b_Λ tilel i cha'an Cornelio. Tsi' subeyob: Awilan joñoñ_Λch, woli la' sajcañon. ¿Chucoch tsa' tiliyetla? che'en.

22 Tsi' subeyob: Jini Cornelio, i yaj capitán jo'c'al soldadojob, jini wen toj b_Λ, mi' b_Λc'ñan Dios. C_Λmbil i cha'an pejtelel israelob weñ_Λch i melbal. Juntiquil ch'ujul b_Λ ángel tsi' sube Cornelio cha'an mi' p_Λy_et majlel ti' yotot cha'an mi' yubin chuqui ti t'an ma' sub, che'ob.

23 Pedro tsi' subeyob ochel. Tsi' we'sayob.

Ti yijc'_Λlal tsa' ch'ojyi, tsa' majli yic'otob. Lamital jini hermanojob ti Jope tsi' pi'leyob majlel.

Pedro ya' ti' yotot Cornelio

24 Ti yijc'_Λlal tsa' ochiyob ti Cesarea. Cornelio wolix i pijtañob. Tsa'ix i tempa cab_Λl i pi'_Λlob yic'ot i c_Λñ_Λy_o' b_Λ.

25 Che' b_Λ tsa' ochi Pedro ti otot, tsa' tili Cornelio i taj. Cornelio tsi' ñocchoco i b_Λ ti' tojel. Tsa' caji i ch'ujutesan.

26 Pedro tsi' teche ch'ojyel. Tsi' sube: Ch'ojyen. Winicon ja'el, che'en.

27 Che' b_Λ woli' pejcañob i b_Λ, tsa' ochi Pedro ti' mal otot. Tsi' taja cab_Λl temp_Λbilo' b_Λ.

28 Tsi' subeyob: La' wujil tic'bil ti mandar mi' yajñel judío yic'ot winic ch'oyol b_Λ ti yamb_Λ lum. Tic'bil mi' jula'tan. Dios tsi' p_Λsbeyon mach wenic mic ts'a'len winicob mi juntiquilic. Mach mejlic c bi'leñob.

29 Jini cha'an tsa' tiliyon che' b_Λ tsa' p_Λy_Λyon tilel. Ma'anic tsac ñusa c p_Λy_ol.

Jini cha'an mij c'ajtibeñetla, ¿chucoch tsa' la' p_Λy_Λyon tilel? che'en.

30 Cornelio tsi' sube: Anix ch_Λmp'ejl q'uin che' bajche' ti ili ora woliyon ti oración. Che' ti och'ajel q'uin, awilan juntiquil winic tsa' wa'le ti' tojel c wut. Wen s_Λc_Λxowan i bujc.

31 Jini winic tsi' subeyon: “Cornelio, ubibilix a woración i cha'an Dios. Ña't_Λbil i cha'an Dios, tsa'ix a w_Λq'ue i majtan jini p'ump'uño' b_Λ.

32 Jini cha'an, choco majlel winicob c'_Λl_Λl ti Jope. P_Λy_Λ tilel Simón, jini am b_Λ i cha'chajplel i c'aba' Pedro. Ya jijlem ti' yotot Simón jini sts'aj p_Λchi l_Λc'_Λl b_Λ ti' ti' colem ñajb. Che' tilemix mi caj i pejcañet”, che'en.

33 Jini cha'an ti ora jach tsac chocoyob majlel ba' añet. Uts'at tsa' tiliyet. W_Λle w_Λ' temel añon lojon ti' wut Dios tic pejtelel lojon cha'an mi cubin lojon pejtelel chuqui tsi' subeyet Dios. Che' tsi' y_Λl_Λ Cornelio.

I subt'an Pedro

34 Pedro tsa' caji ti t'an. Tsi' y_Λl_Λ: Mic ña'tan ti isujm, junlajal mi' q'uel winicob Dios.

35 Ti pejtelel lum Dios mi' q'uel ti uts'at jini mu' b_Λ i b_Λc'ñañob, mu' b_Λ i cha'leñob chuqui toj.

36 Dios tsi' choco tilel i t'an ba'an israelob. Tsi' subeyob jini wen t'an cha'an mi' tajob i ñ_Λch'tilel i pusic'al ti Jesucristo, jiñ_Λch i Yum pejtelel winicob.

37 Ubibil la' cha'an jini t'an tsa' b_Λ pujqui ti pejtelel Judea. Ya' tsa' tejchi ti Galilea che' b_Λ tsi' subu Juan cha'an mi' ch'_Λm_ob ja'.

38 Dios tsi' yajca Jesús, jini loq'uem b_Λ ti Nazaret. Tsi' y_Λq'ue Ch'ujul b_Λ Espíritu yic'ot i p'_Λt_Λlel. Baqui jach tsa' ñumi tsi' cha'le uts'at b_Λ i ye'tel. Tsi' lajmesa pejtelel jini tic'l_Λbilo' b_Λ cha'an xiba, come an Dios yic'ot.

39 Joñon lojon tsaj q'uele lojon pejtelel chuqui tsi' mele Jesús ti Judea yic'ot ti Jerusalén. Jini judíojob tsi' tsansayob. Tsi' ch'ijiyob ti te'.

40 Dios tsi' teche ch'ojyel ti' yuxp'ejlel q'uin. Tsi' y_Λc'_Λ ti q'uejlel.

41 Mach ti' wutic pejtelel winicob x'ixicob, cojach tic wut lojon tsa' b_Λ c

cha'le lojon we'el, uch'el yic'ot Jesús che' ch'ojyemix loq'uel ba'an ch_Λmeño' b_Λ. Dios tsi' wa'chocoyon lojon ti testigo cha'an mic laj sub chuqui tsaj q'uele lojon.

⁴² Jesús tsi' y_Λq'ueyon lojon mandar cha'an mic subeño' winicob x'ixicob jiñ_Λch Jesús jini yajc_Λbil b_Λ i cha'an Dios mu' b_Λ caj i cha'len meloñel. Mi caj i mel jini cuxulo' b_Λ yic'ot ch_Λmeño' b_Λ.

⁴³ Pejtel x'alt'año' tsi' y_Λl_Λyob mi caj i ñ_us_Λbentelob i mul ti' c'aba' Jesús pejtelel mu' b_Λ i ñopob. Che' tsi' y_Λl_Λ Pedro.

⁴⁴ Che' woli to i sub jini t'an Pedro, tsa' aq'uentiyob Ch'ujul b_Λ Espíritu pejtelel tsa' b_Λ i yubibeyob i t'an.

⁴⁵ Jini hermanojob tsepbilo' b_Λ i p_Λch_Λlel, tsa' b_Λ i pi'leyob majlel Pedro, tsa' toj sajtiyob i pusic'al, come tsa' aq'uentiyob gentilob ja'el jini Ch'ujul b_Λ Espíritu ti' majtan jach.

⁴⁶ Come tsi' yubiyob woliyob ti t'an ti yan tac b_Λ t'an. Woli' subob i ñ_ucl_Λl Dios.

⁴⁷ Pedro tsi' c'ajtibeyob: ¿Mejl ba mi lac tic'ob ti ch'Λmja' jini tsa' b_Λ aq'uentiyob jini Ch'ujul b_Λ Espíritu che' bajche' tsa' aq'uentiyonla? che'en.

⁴⁸ Tsi' subeyob cha'an mi' ch'Λmob ja' ti' c'aba' Jesucristo. Jini gentilob tsi' subeyob Pedro ti wocol t'an cha'an mi' jalijel yic'otob cha'p'ejl uxp'ejl q'uin.

11

Pedro tsi' pejca xñopt'año' ya' ti Jerusalén

¹ Jini apóstolob yic'ot jini hermanojob año' b_Λ ti Judea tsi' yubiyob tsa'ix i jac'beyob i t'an Dios jini gentilob ja'el.

² Che' b_Λ tsa' tili Pedro ti Jerusalén, jini woli b_Λ i ñopob tsep p_Λch_Λlel tsi' y_Λleyob.

³ Tsi' subeyob: ¿Chucoch tsa' ochiyet ti' yotot winicob mach b_Λ tsepbilob i p_Λch_Λlel? ¿Chucoch tsa' cha'le we'el yic'otob? che'ob.

⁴ Quepecña tsa' caji i sub Pedro chuqui tsa' ujt_i. Tsi' y_Λl_Λ:

⁵ Che' ya' año' ti tejclum i c'aba' Jope che' wolic pejcan Dios, an chuqui tsaj q'uele tilem b_Λ ti panchan. Tsa' jubi tilel ti panchan che' bajche' colem pisil ju's_Λbil ti ch_Λmp'ejl_Λ i xujc. Tsa' c'oti ba' año'.

⁶ Che' b_Λ tsac wen q'uele, ya'an alac'Λl, yic'ot jontol tac b_Λ b_Λte'el, yic'ot lucum yic'ot te'lemut.

⁷ Tsa cubi t'an. Tsi' subeyon: “Ch'ojyen, Pedro. Ts_Λnsan, c'uxu”, che'en.

⁸ Tsac subu: “Ma'anic, c Yum, come ma'anic ba' ora tsa' ochi ti quej chuqui tac tic'bil, mi chuqui tac bibi”, cho'on tsac sube.

⁹ Jini t'an ch'oyol b_Λ ti panchan tsi' jac'beyon ti' cha'yajle: “Mach a ts'al_Λn chuqui tac tsa'ix i s_Λq'uesa Dios”, che'en.

¹⁰ Uxyajl tsa' c'oti jini t'an. Ti wi'il tsa' cha' chujqui letsel ti panchan ti pejtelel.

¹¹ Awilan, tsa' b_Λc' tiliyob uxtiquil winicob ti jini otot ba' año' Chocbilob tilel ti Cesarea tsa' tiliyob ba' año'.

¹² Jini Espíritu tsi' subeyon mach yomic tile bixel c pusic'al. Yom abi mic majlel ti ora yic'otob. Ili w_Λctiquil hermanojob tsa' majliyob quic'ot ja'el. Tsa' ochiyon lojon ti' yotot Cornelio.

¹³ Tsi' subeyon lojon bajche' tsi' q'uele juntiquil ángel wa'al ti' yotot. Jini ángel tsi' sube: “Choco majlel winicob ti Jope. P_Λy_Λ tilel Simón, jini am b_Λ i cha'chajplel i c'aba' Pedro.

¹⁴ Mi caj i subeñet t'an cha'an mi la' colt_Λntel, jatet yic'ot pejtelel año' b_Λ ti a wotot”, che'en.

¹⁵ Che' b_Λ tsa' cajiyon ti t'an, tsa' aq'uentiyob Ch'ujul b_Λ Espíritu ja'el che' bajche' tsa' aq'uentiyonla ti ñaxan.

¹⁶ Tsac ña'ta i t'an lac Yum tsa' b_Λ i y_Λl_Λ: “Isujm, Juan tsi' y_Λq'ueyetla ch'Λmja' ti ja', pero mi caj la' w_Λq'uentel la' ch'Λm Ch'ujul b_Λ Espíritu”, che'en.

¹⁷ Dios tsi' y_Λq'ueyob i majtan che' bajche' tsi' y_Λq'ueyonla che' b_Λ tsa' lac jac'be i t'an lac Yum Jesucristo. Mi che'Λch tsi' mele Dios, ¿mejl ba mic tic' joñon? Che' tsi' y_Λl_Λ Pedro.

¹⁸ Che' b_Λ tsi' yubibeyob i t'an, ñ_Λch'Λl tsa' c_Λleyob. Tsi' subuyob i ñ_ucl_Λl Dios. Tsi' y_Λl_Λyob: Dios tsa'ix i y_Λq'ueyob gentilob ja'el i c_Λyob i mul cha'an mi' tajob i cuxt_Λlel, che'ob.

Xñopt'año' ya' ti Antioquía

¹⁹ Che' b_Λ tsa' ch_Λmi Esteban tsa' tejchi cab_Λl tic'laya. Jini winicob tsa' b_Λ pam pujquiyob cha'an i tic'lantel tsa' majliyob

c'Alal ti Fenicia yic'ot ti Chipre, yic'ot ti Antioquía. Jini jach judíjob tsa' subentiyob jini wen t'an.

²⁰ An ja'el winicob ch'oyolo' b_Λ ti Chipre yic'ot ti Cirene tsa' b_Λ ochiyob ti Antioquía. Tsi' pejcayob griegojob ja'el. Tsi' subeyob jini wen t'an cha'an lac Yum Jesús.

²¹ An i p'Atalel lac Yum yic'otob. Wen cabal tsi' sutq'uiyob i b_Λ cha'an mi' ñopob lac Yum.

²² Jini xñopt'añob mu' b_Λ i tempañob i b_Λ ti Jerusalén tsi' yubiyob chuqui tsa' ujtí. Tsi' chocoyob majlel Bernabé c'Alal ti Antioquía.

²³ Che' b_Λ tsa' c'oti Bernabé ya' ti Antioquía, tijicña i pusic'al come tsi' q'uele añob ti' yutslé i pusic'al Dios. Tsi' xic'beyob ti pejtelelob cha'an mi' chan ñopob lac Yum ti' xuc'tilé i pusic'al.

²⁴ Uts'at i pusic'al Bernabé. But'ul ti Ch'ujul b_Λ Espíritu. Ñopol i cha'an i t'an Dios ti jump'ejl i pusic'al. Cabal winicob x'ixicob tsi' ñopoyob lac Yum.

²⁵ Ti wi'il tsa' majli Bernabé ti Tarso cha'an mi' saclan Saulo.

²⁶ Che' b_Λ tsi' taja, tsi' p_Λay_Λ majlel ti Antioquía. Jump'ejl jab tsa' tem ajniyob ya' i yic'ot jini xñopt'añob mu' b_Λ i tempañob i b_Λ. Tsi' cantesayob cabal winicob x'ixicob. Ya' ti Antioquía tsa' tejchi i pejcantelob ti cristianojob jini xcant'añob cha'an tsi' tsajcayob Cristo.

²⁷ Tsa' cajiyojob ti jubel majlel ti Antioquía x'alt'añob ch'oyolo' b_Λ ti Jerusalén.

²⁸ Tsa' wa'le juntiquil i c'aba' Agabo. Ti' p'Atalel jini Espíritu tsi' subeyob tal wi'ñal ti pejtelel pañimil. Jini wi'ñal tsa' caji che' ochemix Claudio ti' ye'tel.

²⁹ Jini xcant'añob tsi' ña'ta i chocbeñob majlel i majtan jini hermanojob año' b_Λ ti Judea che' bajche' c'amel tsa' mejli i yac'ob ti jujuntiquil.

³⁰ Che' i tsi' cha'leyob. Tsi' chocoyob majlel ti' c'Ab Bernabé yic'ot Saulo cha'an mi' y_Λq'ueñob jini ancianojob.

¹ Ti jini jach b_Λ ora jini rey Herodes tsa' caji i wersa tic'lan lamital jini xñopt'añob mu' b_Λ i tempañob i b_Λ.

² Tsi' set' t'ojbe loq'uel i bic' Jacobo, i y_Λscun Juan.

³ Che' b_Λ tsi' q'uele Herodes tijicñayob judíjob cha'an tsi' tsansa Jacobo, tsa' caji i chuc Pedro ja'el. I q'uiñilelix caxlan waj mach b_Λ anic i levadurajlel.

⁴ Che' b_Λ tsa'ix i chucu Pedro, tsi' yotsa ti m_Λjquibal. Tsi' y_Λc'Λ ti c_Λnt_Λntel cha'an w_Λclujuntiquil (16) soldadojob. Ti ch_Λnch_Λntiquilob tsi' c_Λntayob. Herodes tsi' ña'ta i loc'san Pedro che' ñumenix Pascua cha'an mi' mel ti' wut xtejclumob.

⁵ Jini cha'an c_Λnt_Λbil Pedro ti m_Λjquibal. Jini xñopt'añob mu' b_Λ i tempañob i b_Λ tsi' c'ajtibeyob Dios ti oración ti pejtelel ora cha'an Pedro.

Lac Yum tsi' loc'sa Pedro ti m_Λjquibal

⁶ Ti jini jach b_Λ ac'alel che' yomix Herodes i p_Λy loq'uel Pedro, ya'an Pedro xinl_Λp_Λ i cha'an cha'tiquil soldadojob, c_Λch_Λ ti cha't'ujm cadena. Jini xc_Λntayajob woli' c_Λntañob i ti' m_Λjquibal ti jumpat.

⁷ Awilan, tsa' tili i yángel lac Yum ba'an Pedro. Tsa' tsictiyi c'ajc ti m_Λjquibal. Jini ángel tsi' ñijca Pedro ti' ts'ejt_Λ. Tsi' sube: Ch'ojyen ti ora, che'en. Tsa' tujq'ui jini cadena am b_Λ ti' c'Ab.

⁸ Jini ángel tsi' sube: C_Λch_Λ a b_Λ ti a c_Λjchiñ_Λc'. L_Λp_Λ a x_Λñ_Λb, che'en. Che' i tsi' mele Pedro. Jini ángel tsi' cha' sube: L_Λp_Λ p_Λ b_Λ a bujc. La' tsajcañon, che'en.

⁹ Pedro tsi' tsajca loq'uel jini ángel. Mach yujilic Pedro mi' isujm chuqui tsi' cha'le jini ángel. Woli jach ti ñajal tsi' lon ña'ta ti' pusic'al.

¹⁰ Che' b_Λ tsa'ix i ñusayob jini ñaxan b_Λ xc_Λntaya yic'ot jini wi'il b_Λ tsa' tiliyob ba'an colem b_Λ i ti' cárcel melbil b_Λ ti tsucul taq'uin, ya' ba' mi' loq'uelob majlel ti tejclum. Yilol jach tsa' jajmi ti' wutob. Che' b_Λ tsa' loq'uiyob ti m_Λjquibal, che' b_Λ tsi' x_Λñ_Λyob majlel calle, tsi' b_Λc' s_Λt_Λ i b_Λ jini ángel.

¹¹ Tsa' toj juli i pusic'al Pedro. Tsi' y_Λl_Λ: W_Λle mic ña'tan isujm_Λch. Jini c Yum tsi' choco tilel i yángel. Tsi' coloyon ti' c'Ab Herodes yic'ot ti' c'Ab pejtelel judíjob tsa'

12

Yamb_Λ i tic'l_Λntelob

b_Λ i chijtayofñob. Che' tsi' y_ΛΛ ti' pusic'al Pedro.

¹² Che' b_Λ tsa'ix i ña'ta, tsa' c'oti ti' yotot María, i ña' Juan, jini x_Λant'an am b_Λ i cha'chajplel i c'aba' Marcos. Ya' temel añob cab_Λl xñopt'añob. Woli' pejcañob Dios.

¹³ Pedro tsi' jats'_Λ i ti' corredor. Tsa' majli juntiquil xch'oc i c'aba' Rode i yubin majqui ya'an.

¹⁴ Che' b_Λ tsi' c_Λambe i t'an Pedro, tijicña jax tsi' yubi. Ma'anic tsi' jambe i ti' corredor. Ajñel tsa' cha' ochi ti' mal otot. Tsi' subeyob: Ixix wa'al Pedro ti' ti' corredor, che'en.

¹⁵ Tsi' subeyob: Sojquem a jol, che'ob. Rode tsi' ch_Λn subeyob: Ix_Λch an, che'en. Tsi' y_ΛΛyob: Jiñ_Λch i yángel, che'ob.

¹⁶ Pedro tsa' to i ch_Λn jats'_Λ i ti' corredor. Che' b_Λ tsi' jambeyob tsi' q'ueleyob. Tsa' toj sajtiyob i pusic'al.

¹⁷ Pedro tsi' p_Λsbeyob ti' c'_Λb cha'an mi' c_Λyob i t'an. Tsi' tsictes_Λbeyob bajche' lac Yum tsi' loc'sa ti' m_Λjquib_Λ. Tsi' subeyob: Subenla Jacobo yic'ot jini hermanojob chuqui tsa' ujtí, che'en. Tsa' loq'ui majlel. Tsa' majli ti' yamb_Λ tejclum.

¹⁸ Che' b_Λ tsa' s_Λc'a, cab_Λl tsi' cha'leyob t'an soldadojob cha'an mach tsiquilix Pedro.

¹⁹ Herodes tsi' s_Λcla Pedro. Tsi' c'ajtibeyob x_Λantayajob baqui an. Che' ma'anic tsi' tajayob tsi' y_Λc'_Λ mandar cha'an mi' ts_Λns_Λantelob. Pedro tsa' loq'ui ti' Judea. Tsa' jubi majlel ti' Cesarea. Ya' tsa' jale ya'i.

Tsa' ch_Λmi Herodes

²⁰ Herodes tsa' caji i mich'len winicob año' b_Λ ti Tiro yic'ot ti Sidón. Tsa' tiliyob jini winicob ba'an Herodes. Tsi' ñaxan mucul pejcajob Blasto, jini i yaj q'uel w_Λyib Herodes. Tsi' c'ajtibeyob ti wocol t'an cha'an mi' c_Λy i mich'leñob, come ya' woli' tajob i b_Λl i ñ_Λc' ti' lumal Herodes.

²¹ Che' b_Λ tsa' c'oti i yorajlel, tsa' buchle Herodes ti' buchlib ti meloñel. L_Λp_Λl i cha'an i pislel rey.

²² Winicob tsi' cha'leyob c'am b_Λ t'an: ¡jiñ_Λch Dios woli b_Λ ti t'an! ¡Mach winiquic woli b_Λ ti t'an! che'ob.

²³ Ti ora i yángel lac Yum tsi' yots_Λbe i ch_Λmel, come ma'anic tsi' y_Λc'_Λ ti ñuc Dios. Tsa' c'uxle ti motso'. Tsa' ch_Λmi.

²⁴ Tsa' ñojpi i t'an Dios, tsa' pujqui.

²⁵ Bernabé yic'ot Saulo tsa' loq'uiyob ti Jerusalén che' b_Λ tsa' ujtí i ye'tel. Tsi' p_Λy_Λyob majlel Juan yic'otob, jini am b_Λ i cha'chajplel i c'aba' Marcos.

13

Bernabé yic'ot Saulo tsa' caji i majlelob ti subt'an

¹ Ya' añob x'alt'añob yic'ot x_Λantesajob ti' tojlel jini xñopt'añob mu' b_Λ i tempañob i b_Λ ti Antioquía: i c'aba'ob Bernabé, yic'ot Simón, jini am b_Λ i cha'chajplel i c'aba' Niger, yic'ot Lucio ch'oyol b_Λ ti Cirene, yic'ot Saulo, yic'ot Manaén, jini tsa' b_Λ tem coli yic'ot jini yum_Λl Herodes.

² Che' woli' ch'ujutesañob lac Yum, che' woliyob ti ch'ajb, jini Ch'ujul b_Λ Espíritu tsi' subeyob: Wa'choconla Bernabé yic'ot Saulo cha'an mi' melob jini e'tel tsa' b_Λ c chajp_Λbeyob, che'en.

³ Che' b_Λ tsa' ujtíyob ti ch'ajb yic'ot oración, tsi' y_Λc'_Λyob i c'_Λb ti' jol. Tsi' subeyob majlel.

Tsi' subuyob i t'an Dios ya' ti Chipre

⁴ Jini cha'an tsa' majliyob ti Seleucia, come chocbilob majlel cha'an Ch'ujul b_Λ Espíritu. Ya' i tsa' ochiyob ti barco cha'an mi' majlelob ti Chipre.

⁵ Che' b_Λ tsa' c'otiyob ti Salamina tsa' caji i subob i t'an Dios ti' sinagoga tac judíojob. Juan ja'el tsi' pi'leyob majlel cha'an mi' coltañob ti' ye'tel.

⁶ Che' b_Λ tsa'ix i x_Λñ_Λyob ñumel ti pejtelel Chipre, jini lum joyol b_Λ ti ja', tsa' c'otiyob ti Pafos ti Chipre ba' tsi' tajayob juntiquil xwujt. Jiñ_Λch lot b_Λ x'alt'an i c'aba' Barjesús, judío_Λch.

⁷ Ya'an Barjesús yic'ot Sergio am b_Λ i jol i c'aba' Paulo. An i ye'tel ti gobierno jini Sergio Paulo. Wen p'ip' i pusic'al. Tsi' p_Λy_Λ tilel Bernabé yic'ot Saulo come yom i yubin i t'an Dios.

⁸ Jini xwujt Elimas (come jiñ_Λch i c'aba' ti yamb_Λ t'an) tsi' contrajiyob. Woli' m_Λc_Λtan i t'an Dios ame i ñop jini am b_Λ i ye'tel.

⁹ Jini cha'an Saulo, i c'aba'ach Pablo ja'el, but'ul ti Ch'ujul b_Λ Espíritu, tsi' ch'ujch'uj q'uele.

¹⁰ Tsi' sube: But'ulet ti cab_Λ lot yic'ot cab_Λ jontolil. I yalobilet xiba. I contrajet pejtelel chuqui tac toj. ¿A wom to ba a cha_Λ xoyben jini toj b_Λ i bijlel lac Yum?

¹¹ W_Λle mi' cajel i contrajiñet lac Yum. Awilan mi caj a wochel ti xpots'. Cab_Λ ora ma'anic mi caj a q'uel i c'ac'al q'uin, che'en Pablo. Ti ora tsa' yajpi i wut, tsa' ochi ti ac'alel yilal. Tsa' majli i sajcan majqui mi' toj'esan majlel ti' c'ab.

¹² Jini am b_Λ i ye'tel, che' b_Λ tsi' q'uele chuqui tsa' ujtí, tsi' ñopo i t'an Dios. Tsa' toj sajti i pusic'al cha'an i c_Λntesa lac Yum.

Pablo yic'ot Bernabé ya' ti Antioquía

¹³ Che' b_Λ tsa' loq'uiyob ti Pafos, Pablo yic'ot i pi'lob tsa' majliyob ti barco c'alel ti Perge ti Panfilia. Juan tsi' c_Λyayob. Tsa' cha' sujti ti Jerusalén.

¹⁴ Pablo yic'ot i pi'lob tsa' ñumiyob ti Perge. Tsa' c'otiyob ti Antioquía ti Pisidia. Ya' i tsa' ochiyob ti sinagoga che' ti' q'uiñilel c'aj o. Tsa' buchleyob.

¹⁵ Che' b_Λ tsa' ujtí i q'uelob jini ts'ijbubil b_Λ mandar yic'ot i ts'ijbujel x'alt'añob, jini yum_Λlob ti sinagoga tsi' chocoyob majlel winicob ba' añob. Tsi' subeyob: Winicob, c pi'lob, mi an chuqui la' wom la' subeñob winicob x'ixicob cha'an mi la' ñuq'ues_Λbeyob i pusic'al, subula, che'ob.

¹⁶ Jini cha'an Pablo tsa' wa'le. Ñaxan tsi' p_Λsbeyob i c'ab cha'an mi' ñajch'elob. Tsi' y_Λla: Winicob, israelob, yic'ot pejtél mu' b_Λ la' b_Λc'ñan Dios, ñich'tanla.

¹⁷ I Dios israelob tsi' yajca lac ñojte'el. Tsi' y_Λq'ueyob i ñuclél che' ya' añob ti' lumal Egipto mach b_Λ i cha'añobic. Tsi' p_Λyayob loq'uel ti Egipto ti' p'atlel i c'ab.

¹⁸ Cha'c'al jab Dios tsi' cha_Λ cuchbeyob i sajtemal ya' ti jochol b_Λ lum.

¹⁹ Tsi' jis_Λbeyob i p'atlel wuctiquil yum_Λlob ya' ti' lumal Canaán. Dios tsi' t'oxbeyob lac ñojte'el i lumal Canaán.

²⁰ Ti wi'il tsi' y_Λq'ueyob cab_Λ juezob lujump'ejl i yuxc'al i cha'bajc' (450) jab c'alel ti' yorajlel jini x'alt'an Samuel.

²¹ Ti wi'il, tsi' c'ajtiyob i rey. Dios tsi' wa'chocobeyob Saúl cha'c'al jab. Jini Saúl

i yalobil_Λch Cis, loq'uem b_Λ ti' p'olbal Benjamín.

²² Dios tsi' choco loq'uel ti' ye'tel. Tsi' wa'choco David ti' rey israelob. Dios tsi' y_Λc'la ti c_Λjñel David che' b_Λ tsi' y_Λla: “Jini David, i yalobil Isaí, jiñ_Λch mu' b_Λ j q'uel ti uts'at. Mi caj i mel pejtelel chuqui com”, che'en.

²³ Dios tsi' ts'actesa i t'an che' b_Λ tsi' choco tilel ti Israel juntiquil xcoltaya, loq'uem b_Λ ti' p'olbal David, jiñ_Λch Jesús.

²⁴ Che' maxto tilemic Jesús, Juan tsi' subeyob pejtelel israelob cha'an mi' c_Λyob i mul cha'an mi' ch'ambob ja'.

²⁵ Che' wolix i ts'actiyel i ye'tel, Juan tsi' y_Λla: “¿Majquiyon mi la' w_Λl? Mach joñonic jini tal b_Λ. Tal to juntiquil tic pat. Mach uts'atonic cha'an mic ticben i x_Λñab am b_Λ ti' yoc”, che'en.

²⁶ Winicob, c pi'lob, i p'olbalet b_Λ la Abraham, jatetla, mu' b_Λ la' b_Λc'ñan Dios, tsa' chocbentiyetla tilel jini t'an cha'an mi la' col_Λntel.

²⁷ Jini chumulo' b_Λ ti Jerusalén yic'ot i yumob ma'anic tsi' c_Λñayob Jesús. Ma'anic tsi' ch'ambeyob isujm i t'an jini x'altañob mu b_Λ i q'uejlel ti jujump'ejl i q'uiñilel c'aj o. Tsi' ts'actes_Λbeyob i t'an x'alt'añob che' b_Λ tsi' y_Λc'ayob ti ch_Λmel Jesús.

²⁸ Ma'anic chuqui tsi' wis tajayob ti' contra cha'an mi' ts_Λansañob, pero tsi' c'ajtibeyob Pilato cha'an mi' y_Λc' ti ch_Λmel.

²⁹ Che' b_Λ tsa'ix i ts'actesayob pejtelel chuqui ts'ijbubil, tsi' ju'sayob ti te', tsi' y_Λc'ayob ti' yotlel ch'ujlel_Λ.

³⁰ Dios tsi' teche ch'ojyel ba'an ch_Λmeño' b_Λ.

³¹ Cab_Λ q'uin tsi' q'ueleyob Jesús jini tsa' b_Λ i pi'leyob majlel ti bij ti Galilea c'alel ti Jerusalén. Testigojob jini tsa' b_Λ i q'ueleyob.

³² Joñon lojon ja'el mic subeñet lojon jini wen t'an tsa' b_Λ w_Λn subentiyob lac ñojte'el che' b_Λ tsi' y_Λc'la i t'an Dios.

³³ Jini jach b_Λ t'an Dios tsi' ts'actes_Λbeyonla, i yalobilon b_Λ la Israel che' b_Λ tsi' cha' teche Jesús. Che'ach tsi'ijbubil ja'el ti' cha'p'ejlel salmo: “Jatet calobilet. Sajmal tsac techeyet calobil”, che'en.

³⁴ Dios tsi' teche ch'ojyel ba'an ch_Λmeño' b_Λ. Ma'anic tsi' y_Λc'la ti oc'mal. Tsi' y_Λla: “Mi

caj c p_{AS}beñetla i yutslel c pusic'al mach b_Λ mejlic ti q'uextiyel che' bajche' tsac p_{AS}be David", che'en.

³⁵ Jini cha'an mi' y_Λl ja'el ti yamb_Λ salmo: "Ma'anic mi caj a w_Λc' ti oc'm_Λl Ch'ujul b_Λ a Walobil", che'en.

³⁶ Che' b_Λ tsa' ujt_i i coltan i pi'lob che' bajche' yom Dios, meles tsa' ch_Λmi David. Tsa' mujqui ba' mucul i ñojte'el. Tsa' oc'mi.

³⁷ Pero ma'anic tsa' oc'mi jini tsa' b_Λ i teche ch'ojyel Dios.

³⁸ Ña'tanla, che' jini, winicob c pi'lob, cha'añ_Λch ti' ye'tel Jesús mi' ñ_{US}antel lac mul che' bajche' wolic subeñetla.

³⁹ Cha'an ti' ye'tel Jesucristo, pejtelel mu' b_Λ i ñopob mi' ch'ajmelob ti' wenta Dios che' ñ_{US}abilix i mul. Ma'anic tsa' mejli la' ch'ajmel ti' wenta cha'an ti' jac'ol i mandar Moisés.

⁴⁰ Ch_Λc_Λ q'uele la' b_Λ, che' jini, ame mi' tajetla jini ts'ijbubil b_Λ ti' jun x'alt'añob.

⁴¹ Mi' y_Λl: "Q'uelela sts'a'leyajet b_Λ la. La' toj sajtic la' pusic'al. La' jiliquetla. Come joñon wolic mel junchajp e'tel ti a wut, mach b_Λ anic mi caj la' ñop anquese an majqui mi' subeñetla". Che' ts'ijbubil, che'en Pablo.

⁴² Che' woli' loq'uelob ti sinagoga Pablo yic'ot Bernabé, jini gentilob tsi' c'ajtibeyob cha'an mi' cha' subeñob jini t'an ti yamb_Λ semana.

⁴³ Che' b_Λ tsa' loq'uiyob jini temp_Λbilo' b_Λ, cab_Λl judíojob yic'ot jini tsa' b_Λ i ñopbeyob i t'an, mu' b_Λ i ch'ujutesañob Dios, tsi' tsajcayob majlel. Pablo yic'ot Bernabé tsi' pejcayob. Tsi' xic'beyob cha'an mi' ch_Λn ajñelob ti' yutslel i pusic'al Dios.

⁴⁴ Che' b_Λ tsa' cha' c'oti i q'uiñilel c'aj o, colel i lu' tempañob i b_Λ pejtelel jini winicob x'ixicob ti jini tejclum cha'an mi' yubibeñob i t'an lac Yum.

⁴⁵ Ts_Λyts_Λyñayob jini judíojob che' b_Λ tsi' q'ueleyob motocñayob winicob x'ixicob. Tsi' cha'leyob t'an ti' contra i c_Λntesa Pablo. Tsi' p'ajbeyob i bijlel lac Yum.

⁴⁶ Ch'ejl i pusic'al Pablo yic'ot Bernabé, tsi' subuyob: Wersa tsa' ñaxan subentiyetla i t'an Dios. Tsa'ix la' to'ol juch'teq'ue jini t'an. Woli la' ñusan la' cuxt_Λlel mach b_Λ anic mi' jilel. Jini cha'an mic majlel lojon ba'an gentilob.

⁴⁷ Come che'ach tsi' y_Λq'ueyon lojon mandar lac Yum. Tsi' y_Λl_Λ: "Tsa'ix c wa'chocoyet cha'an ma' p_{AS}beñob i s_Λclel pañimil jini gentilob, cha'an mi' tajob i col_Λntel c'_Λl_Λl ti' petol pañimil". Che' tsi' subeyon lojon lac Yum, che'ob Pablo yic'ot Bernabé.

⁴⁸ Tijicñayob gentilob che' b_Λ tsi' yubiyob jini t'an. Tsi' subuyob wen ñuc i t'an lac Yum. Jini tsa' b_Λ yajc_Λntiyob cha'an mi' tajob i cuxt_Λlel mach b_Λ anic mi' jilel, tsi' laj ñopoyob.

⁴⁹ Tsa' pujqui i t'an lac Yum ti pejtelel jini lum.

⁵⁰ Judíojob tsi' xic'beyob jini x'ixicob mu' b_Λ i ch'ujutesañob Dios, mu' b_Λ i q'uejlelob ti ñuc, yic'ot jini ñuco' b_Λ ti tejclum cha'an mi' tic'lañob Pablo yic'ot Bernabé. Tsi' chocoyob loq'uel ti' lumal.

⁵¹ Che' b_Λ tsi' tijcayob loq'uel i ts'ubeñal i yoc ti' contra, tsa' majliyob ti Iconio.

⁵² Jini xc_Λnt'añob wen tijicñayob i pusic'al. But'ulob ti Ch'ujul b_Λ Espiritu.

14

Pablo yic'ot Bernabé ya' ti Iconio

¹ Temel tsa' ochiyob ti' sinagoga judíojob ya' ti Iconio. Tsi' wen cha'leyob subt'an. Jini cha'an wen cab_Λl tsi' ñopoyob judíojob yic'ot griegojob.

² Jini judíojob mach b_Λ anic tsi' ñopoyob tsi' xic'beyob gentilob ti' contra jini hermanoyob. Tsi' socbeyob i pusic'al jini gentilob.

³ Jini cha'an tsa' jal'ayob ya'i. Ch'ejlob i pusic'al tsi' cha'leyob t'an come xuc'ulob ti lac Yum. Lac Yum tsi' y_Λq'ueyob i p_{AS} i yejtal i p'_Λt_Λlel yic'ot b_Λb_Λq'uen tac b_Λ cha'an mi' tsictesan i sujmllel i t'an Dios yic'ot i yutslel Dios.

⁴ Jini tejclumob tsi' t'oxoyob i b_Λ. Ojlil tsi' jac'beyob i t'an judíojob. Ojlil tsi' jac'beyob i t'an jini apóstolob.

⁵ Tsi' chajpayob i b_Λ gentilob yic'ot judíojob yic'ot yum_Λlob i cha'an, cha'an mi' tic'lañob yic'ot cha'an mi' julob ti xajlel.

⁶ Che' ña't_Λbilix i cha'an Pablo yic'ot Bernabé tsa' puts'iyob majlel ti Listra yic'ot ti Derbe, cha'p'ejl tejclum ya' ti Licaonia, yic'ot pejtelel jini lum ti' joytilel.

⁷ Ya' i tsi' subuyob majlel jini wen t'an.

Listra yic'ot Derbe

8 Ya' buchul ti Listra an winic mach b_Λ wenic i yoc c'_Λl_Λl che' b_Λ tsi' yila pañimil. Ma'anic ba' ora tsa' mejli ti x_Λmbal.

9 Jini winic tsi' yubibe i t'an Pablo. Pablo tsi' ch'ujch'uj q'uele. Tsi' ña'ta ñopol i cha'an jini winic mi caj i c'oc'an.

10 Wen c'am i t'an tsi' sube: Ch'ojoyen. Wa'i', che'en. Jini winic tsa' tijp'i. Tsi' cha'le x_Λmbal.

11 Che' b_Λ tsi' q'ueleyob winicob x'ixicob chuqui tsi' cha'le Pablo, c'am tsi' cha'leyob t'an. Tsi' y_Λl_Λyob ti' t'an licaoniajob: Tsa'ix jubiyob tilel diosob ti lac tojlel che' bajche' winicob, che'ob.

12 Tsi' pejcajob Bernabé ti Júpiter. Tsi' pejcajob Pablo ti Mercurio, come jiñach Pablo tsa' b_Λ i subu t'an.

13 Jini motomaj ya' ti' yotlel jini dios i c'aba' Júpiter am b_Λ ti' yochib tejclum, tsi' ch'_Λmbeyob tilel ti' ti' tejclum tat wacax yic'ot i ch'_Λjlil i jol. Jini motomaj yic'ot winicob x'ixicob yomob i ts_Λns_Λbeñob i majtan Pablo yic'ot Bernabé.

14 Jini apóstolob, Bernabé yic'ot Pablo, tsi' tsiliyob i pislel che' b_Λ tsi' yubiyob. Ti ajñel tsa' ñumiyob ba' motocñayob. Wen c'am tsi' cha'leyob t'an.

15 Tsi' y_Λl_Λyob: Winicob, ¿chucoch mi la' cha'len che' bajche' jini? Joñon lojon winicon lojon ja'el che' bajche'etla. Mic subeñetla yom mi la' c_Λy jini lolom jach b_Λ cha'an mi la' ñop jini cuxul b_Λ Dios tsa' b_Λ i mele panchan yic'ot pañimil yic'ot colem ñajb yic'ot pejtelel i b_Λ.

16 Ti yamb_Λ ora Dios tsi' y_Λq'ueyob gentilob i melob bajche' jach yomob.

17 Ma'anic tsi' c_Λy_Λ i tsictesan i b_Λ ti wen b_Λ i ye'tel. Tsi' y_Λq'ueyonla ja'al tilem b_Λ ti panchan yic'ot c'ajbal cha'an mi lac ñaj'an. Tsi' tijicñes_Λbeyonla lac pusic'al. Che' tsi' y_Λl_Λ Pablo yic'ot Bernabé.

18 Pero colel ma'anic tsa' mejli i tic'ob jini winicob x'ixicob cha'an ma'anic mi' ts_Λns_Λbeñob i majtan.

19 Tsa' tiliyob judíojob ch'oyolo' b_Λ ti Antioquía yic'ot ti Iconio. Tsi' xic'beyob winicob x'ixicob ti' contra. Tsi' juluyob Pablo ti xajlel. Tsi' tujc'ayob loq'uel ti tejclum come tsi' lon ña'tayob ch_Λmenix.

20 Che' b_Λ tsa' tiliyob x_Λant'añob ti' joytilel, tsa' ch'ojoyi Pablo, tsa' ochi ti tejclum. Ti yijc'_Λl_Λl tsa' majli yic'ot Bernabé ti Derbe.

Tsa' cha' sujtiyob majlel ti Antioquía ya' ti Siria

21 Che' b_Λ tsa'ix i subuyob jini wen t'an ya' ti Derbe ba' tsi' c_Λntesayob cab_Λl winicob x'ixicob, tsa' cha' majliyob ti Listra yic'ot ti Iconio yic'ot ti Antioquía.

22 Tsi' xuc'chocobeyob i pusic'al x_Λant'añob. Tsi' xic'beyob cha'an mi' ch_Λn ñopob i t'an Dios. Tsi' subeyob: Che' b_Λ tsa'ix lac ñusa cab_Λl wocol, mi caj la cochel ti' yum_Λntel Dios, che'ob.

23 Tsi' wa'chocoyob ancianojob ti jump'ejl tejclum ba'an xñopt'añob. Tsi' cha'leyob oración yic'ot ch'ajb. Tsi' y_Λc'_Λyob ti' c'_Λb lac Yum jini tsa' b_Λ i ñopoyob.

24 Tsa' ñumiyob majlel ti Pisidia, tsa' c'otiyob ti Panfilia.

25 Che' b_Λ tsa'ix i subuyob jini t'an ya' ti Perge, tsa' jubiyob tilel ti Atalia.

26 Ya'i tsa' ochiyob ti barco cha'an mi' cha' sujtelob ti Antioquía ba' tsa' tejchi i ye'tel che' ti' cajibal. Come ya' ti Antioquía jini hermanojob tsi' w_Λn c'ajtibeyob i yut-slel i pusic'al Dios cha'an jini e'tel tsa' b_Λ ujt i melob Pablo yic'ot Bernabé.

27 Che' b_Λ tsa' c'otiyob, tsi' tempayob i b_Λ xñopt'añob. Pablo tsi' subeyob pejtelel chuqui tac wen ñuc tsi' cha'le Dios yic'otob, che' b_Λ tsi' jambeyob gentilob i ti' otot cha'an mi' yochelob i ñop.

28 Jal tsa' ajniyob Pablo yic'ot Bernabé yic'ot x_Λant'añob ya'i.

15

Tsi' tempayob i b_Λ ya' ti Jerusalén

1 Tsa' jubiyob tilel winicob ch'oyolo' b_Λ ti Judea. Tsa' caji i c_Λntesañob jini hermanojob ya' ti Antioquía. Tsi' subeyob: Mi ma'anic mi la' ch'_Λm tsep p_Λch_Λlel che' bajche' tsi' y_Λl_Λ Moisés, mach mejlic mi la' colt_Λntel, che'ob.

2 Pablo yic'ot Bernabé tsa' caji i c_Λl_Λx pejcañob i b_Λ yic'ot judíojob. Tsi' contrajiyob i b_Λ ti t'an. Jini cha'an jini hermanojob tsi' wa'chocoyob Pablo yic'ot Bernabé

yic'ot cha'tiquil uxtiquil yaño' b_Λ cha'an mi' majlelob ti Jerusalén cha'an mi' c'ajtibebñob i sujmllel tsep p_Λch_Λlel jini apóstolob yic'ot jini ancianojob.

³ Jini xñopt'añoob tsa' majli i c_Λyob ti bij. Pablo yic'ot Bernabé tsa' ñumiyob majlel ti Fenicia yic'ot ti Samaria. Tsi' subuyob bajche' tsi' sutq'uiyob i b_Λ gentilob. Tsi' wen ñuq'ues_Λbeyob i pusic'al pejtelel hermanojob.

⁴ Che' c'otemobix ti Jerusalén, tsa' p_Λjyiyob ochel ti' tojlel jini apóstolob yic'ot ancianojob yic'ot jini xñopt'añoob. Tsi' subeyob pejtelel chuqui tac tsi' cha'le Dios yic'otob.

⁵ Lamital jini xñopt'añoob woli b_Λ i jac'beñoob i t'an fariseojob tsa' ch'ojyiyob. Tsi' y_Λlayob: Wersa yom mi' ch'Λmob tsep p_Λch_Λlel. Wersa yom mi' subentelob cha'an mi' jac'beñoob i mandar Moisés, che'ob.

⁶ Jini apóstolob yic'ot ancianojob tsi' tempayob i b_Λ cha'an mi' wen ña'tañoob bajche' yom.

⁷ Che' b_Λ tsa'ix i cha'leyob cab_Λl t'an tsa' ch'ojyi Pedro. Tsi' subeyob: Hermanojob, la' wujil anix ora Dios tsi' yajcayon cha'an mic subenob gentilob jini wen t'an cha'an mi' ñopob.

⁸ Dios mu' b_Λ i c_Λmben i pusic'al winic tsi' p_Λyayob ti' yalobil ti isujm che' b_Λ tsi' y_Λq'ueyob Ch'ujul b_Λ Espíritu che' bajche' tsi' y_Λq'ueyonla.

⁹ Lajal tsi' q'ueleyob che' bajche' tsi' q'ueleyonla. Tsi' s_Λq'ues_Λbeyob i pusic'al che' b_Λ tsi' ñopoyob.

¹⁰ ¿Chucoch che' jini, woli la' wil_Λben i pusic'al Dios? ¿Chucoch mi la' w_Λq'ueñoob jini xc_Λnt'añoob i cuch jini wocol tac b_Λ? Ma'anic tsa' mejli lac lat' joñoonla mi lac ñojte'el.

¹¹ Pero mi lac ñop mi caj laj colt_Λntel cha'an i yutslel i pusic'al lac Yum Jesús. Che' ja'el mi caj i colt_Λntelob jini gentilob. Che' tsi' y_Λl_Λ Pedro.

¹² Ñ_Λch'Λl tsa' c_Λleyob ti pejtelelob. Tsi' yubibeyob i t'an Bernabé yic'ot Pablo che' b_Λ tsi' subeyob chuqui tac ñuc tsi' mele Dios ti' c'Λb come tsi' p_Λs_Λ i yejtal tac i p'Λt_Λlel yic'ot b_Λb_Λq'uen tac b_Λ ti' tojlel gentilob.

¹³ Che' b_Λ tsa' ujtiyob ti t'an, Jacobo tsi' y_Λl_Λ: Winicob hermanojob, ñich't_Λb_Λebñon c t'an.

¹⁴ Simón tsa' ujti i subebñetla bajche' Dios tsa' caji i p_Λs_Λb_Λebñob gentilob i yutslel i pusic'al che' b_Λ tsi' yajca winicob x'ixicob cha'an mi' tsictesan i ñucl_Λel i c'aba'.

¹⁵ Che' ja'el mi' y_Λlob x'alt'añoob, che' bajche' ts'ijbubil:

¹⁶ “Ti wi'il mi caj c cha' tilel, che'en Dios. Mi caj c wa'chocon i yotot David tsa' b_Λ yajli. Mi caj c cha' mel jini p'ulul b_Λ tsa' b_Λ c_Λle. Mi caj c cha' wa'chocon

¹⁷ cha'an mi' s_Λclañob lac Yum i colojbal winicob yic'ot pejtelel gentilob mu' b_Λ i yubiñoob j c'aba'”.

¹⁸ Che' woli' y_Λl lac Yum tsa' b_Λ i laj ac'Λ ti c_Λjñel c'Λl_Λ ti wajali.

¹⁹ Jini cha'an mi c_Λl mach wenic mi' tic'Λntelob gentilob mu' b_Λ i sutq'uiñoob i b_Λ cha'an mi' ñopob Dios.

²⁰ Cojach yom mi la' ts'ijbubeñoob ti jun cha'an mi' c_Λyob i c'ux chuqui tac aq'uebil dioste', yic'ot chuqui tac milbil yic'ot i ch'ich'el, cha'an mi' c_Λyob i ts'i'lel ja'el.

²¹ Come c'Λl_Λ ti wajali an ti jujump'ejl tejclum jini mu' b_Λ i subob i t'an Moisés ti sinagoga ba' mi' q'uejlel i jun Moisés ti jujump'ejl i q'uiñilel c'aj o. Che' tsi' y_Λl_Λ Jacobo.

Jini carta cha'an gentilob

²² Jini cha'an jini apóstolob yic'ot ancianojob yic'ot pejtelel jini xñopt'añoob mu' b_Λ i tempañob i b_Λ, tsi' ña'tayob uts'at mi' yajcañoob winicob ti' tojlel hermanojob cha'an mi' chocob majlel ti Antioquía yic'ot Pablo yic'ot Bernabé. Tsi' yajcayob Silas yic'ot Judas, jini am b_Λ i cha'chajplel i c'aba' Barsabás, ñuc b_Λ winicob ti' tojlel hermanojob.

²³ Tsi' meleyob carta. Tsi' y_Λl_Λyob: “Joñoon lojon apóstolon lojon quic'ot ancianojob quic'ot hermanojob, wolic melbebñetla jini jun hermanojob, gentilet b_Λ la ya' ti Antioquía yic'ot ti Siria yic'ot ti Cilicia. Cotañetla.

²⁴ Tsa'ix cubi lojon an winicob tsa' b_Λ loq'uiyob tic tojlel lojon tsa' b_Λ i tic'layetla ti' t'an. Tsi' socbeyetla la' pusic'al, come tsi' y_Λl_Λyob wersa mi la' ch'Λm tsep p_Λch_Λlel,

wersa mi la' jac' jini mandar. Mach che'iqui tsac subeyob lojon.

²⁵ Jini cha'an che' temp^Λabilon lojon tsac ña'ta lojon uts'at mic yajcan lojon winicob cha'an mic chocob majlel ba' añetla yic'ot Bernabé yic'ot Pablo mu' b^Λ j c'uxbin lojon.

²⁶ Ili winicob tsi' y^Λc'ayob i b^Λ ba' b^Λb^Λq'uen mi' ch^Λmelob cha'an ti' c'aba' lac Yum Jesucristo.

²⁷ Jini cha'an wolic choc lojon majlel Judas yic'ot Silas ja'el mu' b^Λ caj i subeñetla jini jach b^Λ t'an.

²⁸ Come joñon lojon quic'ot jini Ch'ujul b^Λ Espíritu tsac ña'ta lojon mach yomic mi c^Λq'ueñetla la' cuch chuqui tac wocol ti' jac'ol. Cojach jini yom:

²⁹ C^Λy^Λ la' c'ux jini ts^Λns^Λbil b^Λ i majtan dioste' yic'ot i ch'ich'el yic'ot jini milbil b^Λ. Mach mi la' cha'len ts'i'lel. Mi uts'at mi la' c^Λntan la' b^Λ cha'an pejtelel jini, uts'at mi la' mel. Ajñenla ti la' wenlel". Che'ach tsi' ts'ijbayob.

³⁰ Che' jini tsi' chocoyob majlel ti Antioquía. Che' b^Λ tsi' tempayob i b^Λ jini xñopt'añob, jini apóstolob tsi' y^Λq'ueyob jini jun.

³¹ Che' b^Λ tsa' ujt i q'uelob, tijicña tsi' yubiyob come tsa' ñuq'ues^Λbentiyob i pusic'al.

³² Judas yic'ot Silas, x'alt'añob ja'el, tsi' ñuq'ues^Λbeyob i pusic'al jini hermanojob ti c^Λntesa. Tsi' xuc'chocobeyob i pusic'al.

³³ Tsa' jaleyob ya'i. Ti' wi'il jini hermanojob ñ^Λch'lob i pusic'al tsi' chocoyob sujtel ba'an i pi'lob tsa' b^Λ i y^Λq'ueyob i ye'tel.

³⁴ Silas tsi' ña'ta uts'at mi' c^Λy^Λ ya'i.

³⁵ Pablo yic'ot Bernabé tsa' c^Λleyob ti Antioquía. Tsi' ch^Λn c^Λntesayob ti' t'an lac Yum. Tsi' subeyob jini wen t'an. Cab^Λ winicob tsi' pi'leyob majlel ti subt'an.

Pablo yic'ot Bernabé mi' t'oxob i b^Λ

³⁶ Che' ñumenix cha'p'ejl uxp'ejl q'uin, Pablo tsi' sube Bernabé: Conla c jula'tan la quermanojob ti pejtelel tejclum ba' tsa' lac subeyob i t'an lac Yum cha'an mi laj q'uel bajche' yilalob, che'en.

³⁷ Bernabé yom i p^Λy majlel Juan, jini am b^Λ i cha'chajplel i c'aba' Marcos.

³⁸ Pablo mach yomic i p^Λy majlel yic'otob, come Marcos tsi' c^Λy^Λyob ya'

ti Panfilia che' ma'anic tsa' majli ti e'tel yic'otob.

³⁹ Cha'chajp i pensar. Jini cha'an tsi' t'oxoyob i b^Λ. Bernabé tsi' p^Λy^Λ majlel Marcos ti barco. Tsa' majli ti Chipre.

⁴⁰ Pablo tsi' yajca Silas, tsi' p^Λy^Λ majlel. Jini hermanojob tsi' y^Λc'ayob ti' c'ab lac Yum cha'an mi' yajñelob ti' yutslel i pusic'al lac Yum.

⁴¹ Pablo tsa' ñumi majlel ya' ti Siria yic'ot ti Cilicia. Tsi' xuc'choco xñopt'añob baqui jach tsi' tempayob i b^Λ.

16

Timoteo tsi' pi'le majlel Pablo yic'ot Silas

¹ Ti wi'il tsa' c'oti ti Derbe yic'ot ti Listra. Awilan, ya'an x^Λant'an i c'aba' Timoteo. Judía i ña', hermanajach ti Cristo. Griegojach i tat.

² Jini hermanojob ti Listra yic'ot ti Iconio uts'at tsi' tajayob ti t'an Timoteo.

³ Pablo yom i p^Λy majlel Timoteo. Tsi' p^Λy^Λ i tsepben i p^Λch^Λlel come ti pejtelel judíjob ya' b^Λ añob yujilob griego i tat.

⁴ Che' b^Λ tsa' ñumiyob ti tejclum tac, tsi' subeyob cha'an mi' jac'ob jini mandar tsa' b^Λ i comol ña'tayob jini apóstolob yic'ot ancianojob año' b^Λ ti Jerusalén.

⁵ Jini cha'an tsa' p'ates^Λantiyob ti' t'an Dios jini xñopt'añob tsa' b^Λ i tempayob i b^Λ. Tsa' p'ojliyob ti jujump'ejl q'uin.

Pablo tsi' q'uele winic ch'oyol b^Λ ti Macedonia

⁶ Tsa' ñumiyob majlel ti Frigia yic'ot ti jini lum Galacia. Tic'bilob cha'an Ch'ujul b^Λ Espíritu ma'anic tsi' subuyob t'an ya' ti Asia.

⁷ Che' b^Λ tsa' c'otiyob ti Misia tsi' ñopoyob majlel ti Bitinia. Pero jini i yEspíritu Jesús tsi' tiq'uiyob.

⁸ Che' b^Λ tsa' ñumiyob ti Misia tsa' jubiyob majlel ti Troas.

⁹ Ti ac'lel an chuqui tsi' q'uele Pablo. Juntiquil winic ya' ti Macedonia tsa' wa'le ti' tojel. Tsi' c'ajtibe ti wocol t'an: La' ti Macedonia. Coltañon lojon, che'en.

¹⁰ Che' q'uelbilix i cha'an Pablo, ti ora tsac chajpa lojon c b^Λ cha'an mic majlel lojon ti Macedonia, come tsac ña'ta lojon isujm tsi' p^Λy^Λyon lojon Dios cha'an mic subeñob lojon jini wen t'an.

Lidia ya' ti Filipos

11 Jini cha'an tsa' ochiyon lojon ti barco ti Troas. Toj tsa' majliyon lojon c'ʌlʌl ti Samotracia, ti yijc'ʌlʌl c'ʌlʌl ti Neápolis.

12 Ti wi'il tsa' majliyon lojon ti Filipos, jini ñuc bʌ tejclum ti' lumal Macedonia, jump'ejl colonia cha'an Roma. Ya' añon lojon waxʌcp'ejl q'uin ti jini tejclum.

13 Ti' q'uiñilel c'aj o tsa' loq'uiyon lojon ti' ti' tejclum. Tsajniyon lojon ti' ti' colem ja' ba' i tilel mi' pejcañob Dios. Tsa' buchleyon lojon. Tsac pejca lojon x'ixicob tsa' bʌ i tempayob i bʌ.

14 Ya'an x'ixic i c'aba' Lidia, mu' bʌ i chon chʌccojan bʌ pisil. Ch'oyol ti tejclum i c'aba' Tiatira. Lidia tsi' bʌc'ña Dios. Che' bʌ tsi' ñich'ta Pablo, lac Yum tsi' jambe i pusic'al cha'an mi' jac'ben i t'an.

15 Che' bʌ tsa' ujt i ch'ʌm ja' yic'ot jini año' bʌ ti yotot, tsi' subeyon lojon: Conla ti cotot mi' tsa' la' q'uele xuc'ulon quic'ot lac Yum. Jijlenla ya' ti cotot, che'en. Tsi' wersa pʌyʌyon lojon ochel.

Pablo yic'ot Silas ti mʌjquibʌl

16 Ti yambʌ q'uin che' tsajniyon lojon ba' mi' cha'leñob oración, juntiquil xch'oc am bʌ i xibʌjlel tsa' bʌ mejli i subeñob winicob chuqui tac tal, tsi' tajayon lojon ti bij. I yumob tsi' wen cha'leyob ganar cha'an i ye'tel.

17 Jini xch'oc tsi' tsajcayon lojon quic'ot Pablo. Tsi' cha'le c'am bʌ t'an. Tsi' yʌʌ: Jiñobʌch i winicob Dios am bʌ ti chan. Mi' subeñetob i bijlel la' coltʌntel, che'en.

18 Che'ʌch tsi' cha'le t'an cabʌl q'uin. Pablo mach chʌn yomix i cuchben. Tsi' sutq'ui i bʌ i pejcan. Tsi' sube i xibʌjlel: Mic subeñet ti' c'aba' Jesucristo, loq'uen ti' pusic'al, che'en. Ti jini jach bʌ ora tsa' loq'ui.

19 Che' bʌ tsi' ña'tayob i yumob jini xch'oc mach chʌn mejlobix i c'ʌñob ti ganar, tsi' chucuyob Pablo yic'ot Silas. Tsi' chucuyob majlel ba'an choñonibʌl ti' tojlel año' bʌ i ye'tel.

20 Tsa' caji' jop'beñob i mul ti' tojlel año' bʌ i ye'tel. Tsi' yʌʌyob: Jini judíojob cabʌl mi' ñijcañob ti t'an jini chumulo' bʌ ti lac tejclum.

21 Mi' subeñob yom mi lac mel chuqui tac tic'bebilonla come romanojonla. Tic'bil mi lac ñop come mach che'ic yom mi lac mel, che'ob.

22 Jini winicob x'ixicob tsa' caji i yotsañob i bʌ ti' contra. Jini año' bʌ i ye'tel tsi' tsilbeyob i pislel Pablo yic'ot Silas. Tsi' yʌc'ʌyob mandar cha'an mi' jajtse'lob ti asiyal.

23 Che' cabʌl tsi' jats'ʌyob, tsi' yotsayob ti mʌjquibʌl. Tsi' subeyob xcʌntaya cha'an mi' wen cʌntañob.

24 Che' bʌ tsa' aq'uenti jini mandar jini xcʌntaya tsi' yotsayob ya' ti cojix bʌ i mal mʌjquibʌl. Tsi' ñet'beyob i yoc ti tocol bʌ te'.

Tsi' ñopo lac Yum xcʌnta cárcel ya' ti Filipos

25 Ti ojilil ac'ʌlel woli' pejcañob Dios Pablo yic'ot Silas. Woli' c'ʌyiñob Dios. Jini xñujp'elob woli' yubiñob.

26 Ti ora tsa' ñumi i yujquel lum. I c'ʌclib jini mʌjquibʌl tsi' ñijca i bʌ. Ti ora tsa' lu' jajmi i ti' tac mʌjquibʌl. Tsa' jijti i cʌjchil pejtél jini xñujp'elob.

27 Che' bʌ tsa' cajni i wut jini xcʌntaya, tsi' q'uele jajmenix i ti' tac mʌjquibʌl. Tsi' bots'o i yespada cha'an mi' tsʌnsan i bʌ, come tsi' lon ña'ta puts'emobix jini xñujp'elob.

28 C'am tsi' cha'le t'an Pablo. Tsi' sube: Mach a tic'lan a bʌ. Umba'añon lojon tic pejtelel lojon che'en.

29 Jini xcʌntaya tsi' c'ajti c'ajc. Tsa' ochi ti mal. Tsiltsilña ti bʌq'uen tsi' ñocchoco i bʌ ti' tojel Pablo yic'ot Silas.

30 Tsi' pʌyʌyob loq'uel. Tsi' c'ajtibeyob: Winicob, ¿chuqui yom mic cha'len cha'an mij coltʌntel? che'en.

31 Pablo yic'ot Silas tsi' subeyob: Ñopo lac Yum Jesucristo. Che' jini mi caj a coltʌntel, jatet yic'ot jini año' bʌ ti a wotot, che'ob.

32 Tsi' subeyob i t'an lac Yum yic'ot pejtelel año' bʌ ti' yotot.

33 Jini xcʌntaya tsi' pʌyʌyob ti jini jach bʌ ora ti ac'ʌlel. Tsi' pocbeyob i lojwel tac. Tsi' bʌc' ch'ʌmʌ ja' yic'ot pejtelel jini año' bʌ ti' yotot.

34 Tsi' pʌyʌyob ochel ti' yotot. Tsi' we'sayob. Wen tijicña i pusic'al yic'ot pejtelel año' bʌ ti' yotot come tsi' ñopoyob Dios.

³⁵ Che' b_Λ tsa' s_{AC}'a, jini año' b_Λ i ye'tel tsi' chocoyob majlel wasilob tsa' b_Λ i subeyob x_{CANT}aya: Ac'Λ ti colel jini winicob, che'ob.

³⁶ Jini x_{CANT}aya tsi' sube Pablo: Jini año' b_Λ i ye'tel tsi' chocoyob tilel mandar cha'an mi c_{ΛQ}'uetla ti colel. Loq'uenixla, che' jini. Cucuxla ti' ñ_Λch'tilel la' pusic'al, che'en.

³⁷ Pablo tsi' subeyob: Romanojon lojon. Ti' wutob winicob x'ixicob tsi' jats'_Λyon lojon che' maxto melbilonic lojon. Tsi' chocoyon lojon ochel ti m_Λjquib_Λ. ¿Mu' ba caj i chocon lojon loq'uel ti mucul jach? Isujm mach che'ic yom. La' tilicob i p_Λyon lojon loq'uel, che'en Pablo.

³⁸ Jini wasilob tsa' cha' majliyob ba'an año' b_Λ i ye'tel cha'an mi' cha' subeñob. Jini año' b_Λ i ye'tel tsi' cha'leyob b_{ΛQ}'uen che' b_Λ tsi' yubiyob romanojob.

³⁹ Tsa' tiliyob ba'an Pablo yic'ot Silas. Tsi' pejcayob ti wocol t'an. Tsi' p_Λy_Λyob loq'uel ti m_Λjquib_Λ. Tsi' subeyob cha'an mi' loq'uelob ti jini tejclum.

⁴⁰ Che' loq'uemobix ti m_Λjquib_Λ tsi' jula'tayob Lidia. Che' b_Λ tsi' q'ueleyob jini hermanojob, tsi' ñuq'ues_Λbeyob i pusic'al. Tsa' loq'uiyob majlel.

17

Pablo yic'ot Silas ya' ti Tesalónica

¹ Che' b_Λ tsa' ñumiyob ti Anfípolis yic'ot ti Apolonia, tsa' c'otiyob ti Tesalónica ya' ba'an i sinagoga judíojob.

² Tsa' ochi Pablo yic'otob che' bajche' i tilel_Λch che' ti' q'uiñilel c'aj o. Uxp'ejl q'uin tsi' tsictes_Λbeyob i Ts'ijbujel Dios.

³ Tsiquil wersa mi' yubin wocol jini Cristo. Wersa mi' tejchel loq'uel ba'an ch_Λmeño' b_Λ. Tsi' y_ΛΛ: Jiñ_Λch Cristo, jini Jesús mu' b_Λ c subeñetla, che'en.

⁴ Lamital tsi' ñopoyob. Tsi' tempayob i b_Λ yic'ot Pablo yic'ot Silas, che' ja'el griegojob tsa' b_Λ i ch'ujutesayob Dios, yic'ot cab_Λl x'ixicob tsa' b_Λ q'uejliyob ti ñuc.

⁵ Ts_Λyts_Λyñayob i pusic'al jini judíojob mach b_Λ anic tsi' ñopoyob. Tsi' p_Λy_Λyob cha'tiquil uxtiquil jontolo' b_Λ winicob. Tsi' tempayob cab_Λl winicob. Tsi' ñijcayob ti cab_Λl t'an pejtelel año' b_Λ ti tejclum. Ti ajñel tsa' majliyob ti' yotot Jasón cha'an mi'

loc'sañob Pablo yic'ot Silas ti' wut winicob x'ixicob.

⁶ Che' ma'anic tsi' tajayob tsi' chucuyob majlel Jasón yic'ot yaño' b_Λ hermanojob ba'an jini año' b_Λ i ye'tel ti tejclum. C'am tsi' y_ΛΛyob: Jini winicob tsa' b_Λ i socoyob winicob x'ixicob ti pejtelel pañimil, w_Λ' tsa' tiliyob ja'el.

⁷ Jini Jasón tsi' p_Λy_Λyob ochel ti' yotot. Ti pejtelelob woli' contrajiñob i t'an César come mi' y_Λlob an yamb_Λ rey, i c'aba' Jesús, che'ob. Che' tsi' jop'beyob i mul.

⁸ Che' b_Λ tsi' yubiyob winicob x'ixicob yic'ot año' b_Λ i ye'tel tsa' cajiyojob ti cab_Λl t'an.

⁹ Che' b_Λ tsi' ch'_Λm_Λyob multa ti' c'_Λb Jasón yic'ot i pi'_Λlob, tsi' coloyob.

Pablo yic'ot Silas ya' ti Berea

¹⁰ Jini hermanojob tsi' b_{ΛC}' chocoyob majlel Pablo yic'ot Silas ti ac'_Λlel c'_Λl_Λl ti Berea. Che' b_Λ tsa' c'otiyob ya'i, tsa' ochiyob ti' sinagoga judíojob.

¹¹ Jini año' b_Λ ti Berea ñumen weñob bajche' jini año' b_Λ ti Tesalónica come ti jump'ejl jach i pusic'al tsi' jac'_Λyob jini t'an. Ti jujump'ejl q'uin tsi' wen q'ueleyob i Ts'ijbujel Dios cha'an mi' ña'tañob mi isujm chuqui tsa' subentiyob.

¹² Jini cha'an cab_Λl judíojob tsi' ñopoyob yic'ot cab_Λl griegojob, yic'ot x'ixicob tsa' b_Λ q'uejliyob ti ñuc.

¹³ Che' b_Λ tsi' ña'tayob judíojob ya' ti Tesalónica wolix i pujquel i t'an Dios ya' ti Berea ja'el cha'an Pablo, ya' tsa' majliyob ja'el. Tsi' ñijcayob winicob x'ixicob ti' contra.

¹⁴ Jini hermanojob tsi' b_{ΛC}' chocoyob majlel Pablo c'_Λl_Λl ti colem ñajb. Silas yic'ot Timoteo tsa' c_Λleyob ya' ti Berea.

¹⁵ Jini hermanojob tsi' pi'leyob majlel Pablo c'_Λl_Λl ti Atenas. Tsa' cha' juliyojob i subeñob majlel Silas yic'ot Timoteo ti ora ba'an Pablo.

Pablo ya' ti Atenas

¹⁶ Che' b_Λ tsi' pijtayob ya' ti Atenas wen ch'ijiyem i pusic'al Pablo, come tsi' q'uele but'ul jini tejclum ti dioste'.

¹⁷ Jini cha'an ya' ti sinagoga tsi' pejcayob i b_Λ Pablo yic'ot judíojob yic'ot gentilob tsa' b_Λ i ch'ujutesayob Dios. Ti jujump'ejl

q'uin tsi' pejcayob jini tsa' b_Λ ajniyob ti choñoñib_Λ.

¹⁸ Ya'an epicúreojob yic'ot estoicojob mu' b_Λ i s_Λclañob i sujmllel tac pañimil. Tsi' pejcayob i b_Λ yic'ot Pablo. Lamital tsi' y_ΛΛyob: To'ol t'an jach mi' cha'len, che'ob. Lamital tsi' y_ΛΛyob: Woli' sub yamb_Λ dios yilal, che'ob. Come Pablo tsi' subu Jesús tsa' b_Λ cha' ch'ojyi ba'an ch_Λmeño' b_Λ.

¹⁹ Tsi' chucuyob. Tsi' p_Λy_Λyob tilel ti Areópago. Tsi' y_ΛΛyob: Com cubin lojon jini tsijib c_Λntesa mu' b_Λ a sub.

²⁰ Come jini woli b_Λ a sub maxto ubibilic c cha'an lojon. Com c ña'tan lojon i sujmllel jini t'an, che'ob.

²¹ (Come ti pejtelel jini chumulo' b_Λ ti Atenas yic'ot jini tilemo' b_Λ ti yamb_Λ lum tsa' jach i ñusayob q'uin ti t'an. Chuqui tac tsijib ubibil i cha'añoob mi' cha' subob.)

²² Che' ya' wa'al Pablo ti ojilil Areópago, tsi' y_ΛΛ_Λ: Winicob w_Λ ti Atenas mij q'uel cab_Λ la' dios mu' b_Λ la' ch'ujutesan.

²³ Come che' b_Λ tsa' ñumiyon ba' tsaj q'uele i yotlel tac diosob, tsac taja jump'ejl pul_Λntib ba' ts'ijbubil jini t'an: JINI DIOS MACH BA CAMBILIC. Jini cha'an mi caj c tsictes_Λbeñetla jini Dios mach b_Λ cambilic la' cha'an mu' b_Λ la' ch'ujutesan.

²⁴ Jini Dios tsa' b_Λ i mele pañimil yic'ot pejtelel i b_Λ, jiñ_Λch i Yum Panchan yic'ot Pañimil. Ma'anic mi' chumt_Λ ti templo tac melbil b_Λ ti c'ab_Λ.

²⁵ Dios ma'anic mi' taj i colt_Λntel ti winicob, come ma'anic chuqui anto yom i cha'an. Mi' y_Λq'ueño_Λ laj cuxt_Λlel yic'ot la quiq'uilel yic'ot pejtelel lac chub_Λ'an.

²⁶ Loq'uem jach ti juntiquil winic Dios tsi' laj mele winicob ti jujunchajp cha'an mi' pam chumt_Λlob ti pejtelel pañimil. Tsi' y_Λq'ueyob i yorajlel. Tsi' melbeyob i cayaonlel i lumal.

²⁷ Tsi' meleyonla cha'an mi lac sajcan cha'an mi lac taj ti isujm che' mi lac ñop, come mach ñajt_{ic} an Dios ti lac tojlel ti jujuntiquilonla.

²⁸ Come tilem ti Dios laj cuxt_Λlel yic'ot lac p'_Λt_Λlel ti x_Λmbal. Ti' p'_Λt_Λlel Dios año_Λla. Che' bajche' tsi' y_ΛΛyob ja'el jini sts'ijbayajob la' cha'an: "Come joño_Λla ja'el i p'olbalonla", che'ob.

²⁹ I p'olbalonla. Jini cha'an mach yomic mi la c_Λl lajal_Λch Dios bajche' oro mi plata, mi xajlel mu' b_Λ i melob winicob ti' bajñel pusic'al i wenta i yejtal Dios.

³⁰ Dios tsi' ñus_Λbeyob i sajtemal winicob ti yamb_Λ ora che' ma'año_{ic} i ña't_Λbal. Wale mi' subeñoob pejtelel winicob x'ixicob baqui jach añoob cha'an mi' c_Λyob i mul.

³¹ Tsa'ix i w_Λn ña'ta jini q'uin che' mi caj i cha'len meloñel ti toj. Tsa'ix i wa'choco jini winic mu' b_Λ caj i mel año' b_Λ ti pañimil che' bajche' tsi' tsictes_Λbeyonla che' b_Λ tsi' teche ch'ojyel Jesús ba'an ch_Λmeño' b_Λ cha'an mi lac ñop. Che' tsi' y_ΛΛ Pablo.

³² Che' b_Λ tsi' yubiyob mi' cha' ch'ojyelob ch_Λmeño' b_Λ, lamital tsi' wajleyob. Año' b_Λ tsi' y_ΛΛyob: Ti yanto b_Λ ora mi caj cubin lojon a t'an, che'ob.

³³ Jini cha'an tsa' loq'ui majlel Pablo ti tojlelob.

³⁴ Cha'tiquil uxtiquil tsi' tsajcayob Pablo. Tsi' ñopoyob Dionisio ch'oyol b_Λ ti Areópago, yic'ot x'ixic i c'aba' Dámaris yic'ot yaño' b_Λ.

18

Pablo ya' ti Corinto

¹ Ti yamb_Λ ora Pablo tsa' loq'ui majlel ti Atenas. Tsa' c'oti ti Corinto.

² Tsi' taja judío i c'aba' Aquila, ch'oyol b_Λ ti Ponto. Maxto anic cab_Λl ora i loq'uel ti Italia yic'ot Priscila i yijñam, come Claudio tsi' y_Λc'Λ mandar cha'an mi' loq'uelob pejtelel judíojob ti Roma. Tsa' majli Pablo i c_Λñoob.

³ Cha'an lajalob i ye'tel, tsa' chumle yic'otob. Temel tsi' cha'leyob e'tel come xmel pisil b_Λ ototob.

⁴ Pablo tsi' cha'le t'an ti sinagoga ti jujump'ejl i q'uiñilel c'aj o. Tsi' cha'le wersa cha'an mi' ñopob judíojob yic'ot griegojob.

⁵ Che' b_Λ tsa' c'otiyob Silas yic'ot Timoteo, loq'uemo' b_Λ ti Macedonia, Pablo woli' cha'len wersa subt'an ti Corinto. Tsi' ch_Λn sube judíojob Cristoj_Λch jini Jesús.

⁶ Jini judíojob tsi' contrajiyob Pablo. Tsi' p'ajayob. Jini cha'an tsi' tijca i pislel, tsi' subeyob: Anix ti la' bajñel wenta la' cuxtalel. Mach c wentajetixla. Mux c majlel ba'an gentilob, che'en Pablo.

7 Tsa' loq'ui ya'i. Tsa' ochi ti' yotot juntiquil winic, i c'aba' Tito Justo, tsa' b_Λ i b_Λc'ña Dios. An i yotot ti' t'ejl sinagoga.

8 Crispo, i yum sinagoga, tsi' ñopo lac Yum yic'ot pejtelel año' b_Λ ti' yotot. Cab_Λ corintiojob che' b_Λ tsi' yubibeyob i t'an Pablo tsi' ñopoyob. Tsi' ch'Λm_Λyob ja'.

9 Lac Yum tsi' sube Pablo ti ac'Λlel: Mach a cha'len b_Λq'uen. Ch_Λn cha'len t'an. Mach yomic ma' ñ_Λjch'el.

10 Come añoñ quic'otet. Ma'anic majch mi mejlel i tic'lañet, come an cab_Λ c cha'año' b_Λ ti jini tejclum, che'en.

11 Ya'i tsa' jale ojilil i cha'p'ejl jab. Tsi' c_Λntesayob ti' t'an Dios.

12 Che' woli ti yum_Λ Galión ya' ti Acaya, jini judíojob tsi' tem chucuyob Pablo. Tsi' p_Λy_Λyob majlel ba'an melob_Λj_Λ.

13 Tsi' y_ΛΛyob: Jini winic mi' bajñel suben tejclumob bajche' yom mi' ch'ujutesañob Dios. Mach che'ic bajche' ts'ijbubil ti mandar mi' subeñoob, che'ob.

14 Che' yomix cajel ti t'an Pablo, jini Galión tsi' sube judíojob: Mi an i mul, mi an chuqui jontol tsi' cha'le, wersa mic ñich't_Λbeñetla la' t'an, judíojet b_Λ la.

15 Pero woliyetla ti' a'leya cha'an to'o t'an jach yic'ot cha'an i c'aba' tac winicob yic'ot cha'an la' mandar. Jini cha'an la' wentajach jatetla. Joñoñ mach comic c cha'len meloñel cha'an i t'an. Che' tsi' y_ΛΛ jini yum_Λ.

16 Tsi' chocoyob loq'uel ti melob_Λj_Λ.

17 Jini griegojob tsi' chucuyob Sóstenes, i yum sinagoga. Tsi' jats'Λyob ti' tojel melob_Λj_Λ. Galión ma'anic chuqui tsi' y_ΛΛ.

Tsa' cha' sujti ti Antioquía Pablo

18 Ya' to tsa' jale Pablo cab_Λ q'uin. Ti wi'il tsi' subeyob hermanojob adiós. Ti barco tsa' majli ti Siria. Priscila yic'ot Aquila tsi' pi'leyob majlel. Ya' ti Cencrea, Pablo tsi' laj loc'sa i jol come tsi' sube Dios chuqui mi caj i wersa mel.

19 Tsa' c'oti ti Efeso ba' tsi' c_Λy_Λ Priscila yic'ot Aquila. I bajñel tsa' ochi ti sinagoga Pablo. Tsi' pejcayob i b_Λ Pablo yic'ot judíojob.

20 Che' b_Λ tsi' c'ajtibeyob Pablo cha'an mi' jalijel yic'otob, ma'anic tsi' jac'beyob.

21 Che' b_Λ tsi' c_Λy_Λyob i b_Λ Pablo tsi' y_ΛΛ: Wersa mic majlel ti Jerusalén cha'an mic mel jini q'uin che' mi' cajel. Mu' to c cha' tilel ba' añetla mi che' yom Dios, che'en Pablo. Tsa' loq'ui ti Efeso ti barco.

22 Che' b_Λ tsa' c'oti ti lum ya' ti Cesarea, tsa' letsij majlel i y_Λq'ueñoob cortesía jini xñopt'añoob mu' b_Λ i tempañob i b_Λ ti Jerusalén. Ti wi'il tsa' jubi majlel ti Antioquía.

23 Che' b_Λ tsa' ts'ita' jale ya'i tsa' cha' majli. Tsa' ñumi ti pejtelel lum ti Galacia yic'ot ti Frigia. Tsi' xuc'choco pejtelel jini xc_Λnt'añoob.

Apolos ya' ti Efeso yic'ot ti Corinto

24 Tsa' c'oti ti Efeso juntiquil judío, i c'aba' Apolos, ch'oyol b_Λ ti Alejandría. Wen yujil t'an. Wen c_Λñ_Λ i cha'an i Ts'ijbujel Dios.

25 C_Λntes_Λbilix Apolos ti' bijlel lac Yum. Ch'ejl i pusic'al. Tsi' cha'le t'an cha'an mi' ñopob lac Yum. Anquese jini jach c_Λmbil i cha'an jini ch'Λmja' tsa' b_Λ i y_Λc'Λ Juan, tsi' cha'le c_Λntesa.

26 Ch'ejl i pusic'al tsa' caji ti sub t'an ti sinagoga. Che' b_Λ tsi' yubiyob Priscila yic'ot Aquila, tsi' p_Λy_Λyob cha'an mi' tsictes_Λbeñoob i bijlel Dios ti toj.

27 Che' yomix majlel Apolos ti Acaya, jini hermanojob tsi' coltayob ti majlel. Tsi' ts'ijbubeyob xc_Λnt'añoob cha'an mi' p_Λyob ochel. Tsa' c'oti Apolos ya'i. Tsi' wen colta jini tsa' b_Λ i ñopoyob cha'an ti' yutslel i pusic'al Dios.

28 Tsi' p_Λsbeyob judíojob ti' Ts'ijbujel Dios Cristojach jini Jesús. Ti cab_Λ i p'Λt_Λlel tsi' subu ti' wutob winicob x'ixicob. Ma'anic tsa' mejli i jac'ob jini judíojob.

19

Pablo ya' ti Efeso

1 Che' ya'to an Apolos ti Corinto, Pablo tsa' ñumi ba'an wits. Tsa' c'oti ti Efeso. Tsi' taja cha'tiquil uxtiquil xc_Λnt'añoob ya'i.

2 Tsi' c'ajtibeyob: ¿Tsa' ba aq'uentiyetla Ch'ujul b_Λ Espíritu che' b_Λ tsa' la' ñopo? che'en. Tsi' subeyob: Maxto anic tsa cubi lojon mi an Ch'ujul b_Λ Espíritu, che'ob.

3 Pablo tsi' subeyob: ¿Chuqui ti ch'Λmja' tsa' aq'uentiyetla? che'en. Tsi' subeyob: Jini tsa' b_Λ i y_Λc'Λ Juan, che'ob.

⁴ Pablo tsi' subeyob: Juan tsi' y_Λq'ueyob ch'_Λmja' jini tsa' b_Λ i c_Λy_Λyob i mul. Tsi' subeyob winicob x'ixicob cha'an mi' ñopob jini tal b_Λ ti' pat, jiñ_Λch Jesús jini Cristo, che'en.

⁵ Che' b_Λ tsi' yubiyob jini t'an, tsi' ch'_Λm_Λyob ja' ti' c'aba' lac Yum Jesús.

⁶ Che' b_Λ tsi' y_Λc'_Λ i c'_Λb Pablo ti' jol winicob x'ixicob, tsa' ochi jini Ch'ujul b_Λ Espíritu ti' pusic'al. Tsa' cajiyob ti yan tac b_Λ t'an. Tsi' cha'leyob alt'an.

⁷ Añob che' bajche' lajch_Λntiquil winicob ti pejtelel.

⁸ Tsa' ochi Pablo ti sinagoga. Ch'ejl i pusic'al, tsi' cha'le t'an uxp'ejl uw. Tsi' pejcayob i b_Λ. Tsi' xic'beyob cha'an mi' ñopob i sujmllel i yum_Λntel Dios.

⁹ Tsa' tsats'a i pusic'al lamital winicob. Ma'anic tsi' ñopoyob. Tsi' p'ajayob i bijlel Dios ti' tojlel winicob x'ixicob. Jini cha'an Pablo tsa' loq'ui ya' ba' añob. Tsi' p_Λy_Λ majlel xc_Λnt'añob ja'el. Tsi' c_Λntesayob ti jujump'ejl q'uin ti escuela i cha'an Tiranno.

¹⁰ Tsi' cha'le c_Λntesa cha'p'ejl jab. Jini cha'an tsi' yubibeyob i t'an lac Yum Jesús pejtelel jini chumulo' b_Λ ti Asia, judíojob yic'ot griegojob.

¹¹ Dios tsi' c'_Λmbe i c'_Λb Pablo cha'an mi' p_Λs wen ñuc tac b_Λ i melbal.

¹² Jini cha'an tsi' ch'_Λm_Λyob majlel ba'an xc'am_Λjelob jini pañuelo tac yic'ot welñ_Λc'_Λl tac tsa' b_Λ i t_ΛΛ Pablo. Tsa' lajmi i chamel xc'am_Λjelob. Tsa' loq'uiyob i xib_Λjlel.

¹³ Jini x_Λn pañimil b_Λ judíojob tsa' b_Λ i cha'leyob wujt tsi' lon ñopo i c'_Λmben i c'aba' lac Yum Jesús cha'an mi' chocob loq'uel xibajob. Tsi' y_Λl_Λyob: Mic subeñet loq'uel ti' c'aba' jini Jesús mu' b_Λ i sub Pablo, che'ob.

¹⁴ Che' lajal tsi' meleyob wuctiquil winicob, i yalobilob juntiquil judío, i c'aba' Esceva. I yum motomajob jini Esceva.

¹⁵ I xib_Λjlel jini winic tsi' jac'beyob: Mij c_Λn Jesús. Mij c_Λn Pablo ja'el. Pero jatetla, ¿majquiyetla? che'en.

¹⁶ Jini winic am b_Λ i xib_Λjlel tsa' tijp'i i chuc jini xwujtob. Tsi' ñolch'iyob ti pejtelel. Tsa' m_Λjli i cha'an jini am b_Λ i xib_Λjlel. Tsa' puts'iyob loq'uel ti otot, pits'ilobix, lojwemobix.

¹⁷ Tsa' caji i yubiñob pejtelel judíojob yic'ot griegojob chumulo' b_Λ ti Efeso. Ti pejtelel tsi' cha'leyob b_Λq'uen. Tsa' ñuq'ues_Λnti i c'aba' lac Yum Jesús.

¹⁸ Cab_Λl tsa' b_Λ i ñopoyob tsa' tili i subob i mul. Tsi' bajñel tsictesayob i b_Λ cha'an chuqui tac tsi' cha'leyob.

¹⁹ Cab_Λl tsa' b_Λ i cha'leyob wujt tsi' tempayob i jun. Tsi' puluyob ti' wut winicob x'ixicob. Tsi' tsicbeyob i tojol, lujump'ejl i yuxc'al mil s_Λs_Λc taq'uin.

²⁰ Jini cha'an cab_Λl tsa' ñojpi i t'an Dios. Tsa' wen tsictiyi i p'_Λt_Λlel.

²¹ Che' b_Λ tsa' ujti pejtelel jini, Pablo tsi' ña'ta ti Espíritu yom ñumel ti Macedonia yic'ot ti Acaya cha'an mi' majlel ti Jerusalén. Tsi' y_Λl_Λ: Wersa yom mic majlel ti Roma ja'el che' b_Λ ñumeñonix ti Jerusalén, che'en.

²² Jini cha'an tsi' choco majlel ti Macedonia cha'tiquil tsa' b_Λ i coltayob ti' ye'tel, jiñob_Λch Timoteo yic'ot Erasto. I bajñel tsa' jale ts'ita ya' ti Asia.

Tsi' cha'leyob cab_Λl t'an ya' ti Efeso

²³ Jini efesojob tsa' cajiyob ti cab_Λl t'an cha'an i bijlel Dios.

²⁴ Come an juntiquil xten plata, i c'aba' Demetrio, tsa' b_Λ i melbe ti s_Λs_Λc taq'uin i yotot tac jini dios i c'aba' Diana. Cab_Λl tsi' cha'leyob ganar i yaj e'telob.

²⁵ Demetrio tsi' tempa jini x'e'telob yic'ot yaño' b_Λ lajal b_Λ i ye'tel. Tsi' subeyob: Winicob, la' wujil cab_Λl mi lac cha'len ganar cha'an la que'tel.

²⁶ La' wujil chuqui woli' mel Pablo, come tsa'ix la' q'uele. Tsa'ix la' wubibe i t'an. Tsa'ix i xic'beyob cab_Λl winicob x'ixicob cha'an mi' c_Λyob Diana, mach w_Λ'ic jach ti Efeso, pero colel i ñumel ti pejtelel Asia ja'el. Mi' y_Λl mach diosic jini melbil tac b_Λ ti c'_Λb_Λl.

²⁷ Jini cha'an b_Λb_Λq'uen mi' jilel la que'tel yic'ot i yotlel jini x'ixic dios, Diana, jini ñuc b_Λ. B_Λb_Λq'uen mi' jis_Λntel i ñucel jini dios mu' b_Λ i ch'ujutesañob pejtelel año' b_Λ ti Asia yic'ot ti pejtelel pañimil, che'en.

²⁸ Che' b_Λ tsa'ix i yubiyob jini t'an cab_Λl tsa' mich'ayob. Tsi' cha'leyob c'am b_Λ t'an. Tsi' y_Λl_Λyob: ¡Ñuc lac dios Diana w_Λ' ti Efeso! che'ob.

29 Wen ju'ucñayob ti pejtelel tejclum. Ti ajñel tsi' tempayob i bΛ ti parque, chuculo-bix i cha'an Gayo yic'ot Aristarco ch'oyolo' bΛ ti Macedonia, i pi'Λlob Pablo ti xΛmbal.

30 Pablo yom ochel ba' añob pero jini xcΛnt'añob tsi' tiq'uiyob.

31 Cha'tiquil uxtiquil winicob año' bΛ i ye'tel ti Asia, i cΛñayo' bΛ Pablo, tsi' chocbeyob majlel winicob cha'an mi' subeñob ti wocol t'an mach yomic mi' yochel ti parque.

32 Jelchojc jax i t'an jini tempΛbilo' bΛ ti parque. Ju'ucñayob jax ti t'an. CabΛlob mach yujilobic chucoch tsi' tempayob i bΛ.

33 Jini judíojob tsi' pΛyΛyob loq'uel Alejandro ba' p'ululob winicob x'ixicob cha'an mi' pejcañob. Alejandro tsi' pasbeyob i c'Λb cha'an mi' ñΛjch'elob, come yom i yΛq'ueñob i ch'Λmben isujm.

34 Che' yujilobix judíojob ch' jini Alejandro, cha'p'ejl ora tsi' chΛn cha'leyob c'am bΛ t'an ti pejtelelob. C'am tsi' yΛΛyob: ¡Ñuc lac dios Diana wΛ' ti Efeso! che'ob.

35 Jini sts'ijbaya cha'an tejclum tsi' ñΛch'tesayob. Tsi' subeyob: Winicob, ¿baqui an juntiquil winic mach bΛ yujilic mi' ti pejtelel lac tejclum Efeso mi' cΛntΛbentel i yotlel jini x'ixic dios Diana yic'ot i yejtal tsa' bΛ i choco jubel Júpiter?

36 Actan, che' jini, ma'anic majch mi' mejlel i contrajin jini t'an. Jini cha'an yom mi' la' ñΛjch'el. Yom mi' la' ch'Λmben isujm chuqui yom mi' la' mel.

37 Come jini winicob tsa' bΛ la' pΛyΛ tilel ma'anic mi' xujch'iñob jini templo. Ma'anic mi' p'ajob la' dios.

38 La' tilicob Demetrio yic'ot i pi'Λlob ti e'tel mi' an chuqui yom i yΛlob ti' contra juntiquil winic. An melobΛjΛl, an xmeloñelob. La' i melob i bΛ cha'an i mul.

39 Mi' anto chuqui woli la' ña'tan, jini año' bΛ i ye'tel mi' mejlel i yubiñob che' mi' tempañob i bΛ.

40 Come bΛbΛq'uen mi' caj ti sujbel lac mul cha'an jini leto tsa' bΛ ujtí sajmΛl. Ma'anic mi' mejlel lac sub chucoch tsa' tejchi jini ju'ucña bΛ t'an, che'en.

41 Che' bΛ tsa' ujtí ti t'an, tsi' subeyob sujtel jini tempΛbilo' bΛ.

20

Tsa' majli Pablo ti Macedonia yic'ot Grecia

1 Che' bΛ tsa'ix lajmi jini ju'ucña bΛ t'an, Pablo tsi' pΛyΛ tilel xcΛnt'añob. Tsi' xic'beyob ti jini wen t'an. Tsi' lajlaj jats'beyob i pat. Tsi' subeyob i bΛ adiós. Pablo tsa' loq'ui cha'an mi' majlel ti Macedonia.

2 Che' bΛ woli' ñumel majlel ti' bijlel Grecia tsi' wen xic'beyob ti jini wen t'an. Tsa' c'oti ti Grecia.

3 Ya'i tsa' jale uxp'ejl uw. Che' bΛ yomix majlel ti Siria ti barco, woli' chijtañob judíojob. Tsa' caji i ña'tan uts'at mi' cha' ñumel ti Macedonia.

4 Tsi' pi'leyob majlel c'ΛΛl ti Asia jini Sópater ch'oyol bΛ ti Berea, yic'ot Aristarco yic'ot Segundo ch'oyol bΛ ti Tesalónica, yic'ot Gayo ch'oyol bΛ ti Derbe, yic'ot Timoteo, yic'ot Tíquico, yic'ot Trófimo ch'oyolo' bΛ ti Asia.

5 Jiñob tsa' ñaxan majliyob i pijtañon lojon ti Troas.

6 Che' bΛ tsa' ñumi i q'uiñilel caxlan waj mach bΛ anic i levadurajlel, tsa' ochiyon lojon ti barco ya' ti Filipos. Jo'p'ejl q'uin tsac xΛñΛ lojon majlel. Ya' ti Troas tsac cha' taja lojon c bΛ. Ya' i tsa' jaleyon lojon wucp'ejl q'uin.

Pablo tsi' jula'tayob ya' ti Troas

7 Ti ñaxan bΛ q'uin ti semana che' bΛ tsi' tempayob i bΛ xcΛnt'añob cha'an mi' xet'ob waj, Pablo tsi' cΛntesayob. Come yomix majlel ti yijc'ΛlΛl, tsa' jale ti t'an c'ΛΛl ti ojilil ac'Λlel.

8 Ya'an cabΛl lámpara ti' mal otot ti cha' lajmlel otot ba' tsi' tempayob i bΛ.

9 Juntiquil ch'iton, i c'aba' Eutico, buchul ti q'ueloñibΛl, woli ti wen wΛyel. Tsa' ñucle ti wΛyel come jal woli ti cΛntesa Pablo. Tsa' yajli ti lum. ChΛmenix tsi' lotoyob.

10 Pablo tsa' jubi majlel. Tsa' bac' c'oti i mec'. Tsi' yΛΛ: Mach la' mel la' pusic'al. Cuxul to, che'en.

11 Che' bΛ tsa'ix cha' letsí Pablo, tsi' xet'eyob waj, tsi' c'uxuyob. Jalto tsi' cha'le t'an c'ΛΛl tsa' sac'a. Tsa' majli.

12 Cuxul tsi' pΛyΛyob majlel jini ch'iton. Jini cha'an tsa' ñuq'uesΛbentiyob i pusic'al jini hermanojob.

Pablo tsi' pejca ancianojob loq'uemó' ba ti Efeso ti Mileto

13 Tsa' ochiyon lojon ti barco. Tsa' majliyon lojon ti Asón ba' com lojon c p_{AY} ochel Pablo, che' bajche' tsi' subeyon lojon. Come ti' yoc tsa' majli che' bajche' tsi' ña'ta.

14 Che' b_Λ tsi' tajayon lojon ti Asón, tsac p_{AY} lojon ochel ti barco. Tsa' c'otiyon lojon ti Mitilene.

15 Tsa' cha' majliyon lojon ti barco. Ti yijc'Λl_Λ tsa' c'otiyon lojon ti' tojel Quío. Ti' cha'p'ejlel q'uin tsa' c'otiyon lojon ti Samos. Tsac ñusa lojon ac'Λlel ti Trogilio. Ti' yuxp'ejlel q'uin tsa' c'otiyon lojon ti Mileto.

16 Pablo mach yomic majlel ti Efeso, come mach yomic jalijel ya' ti Asia. Woli' se'ñun i b_Λ, come yom c'otel ti Jerusalén cha'an i q'uiñilel Pentecostés mi muc'Λch i mejlel.

17 Che' anto ti Mileto, Pablo tsi' choco majlel winicob ti Efeso. Tsi' p_{AY}Λ tilel jini ancianojob año' b_Λ i ye'tel ti' tojlel xñopt'añob ya' ti Efeso.

18 Che' b_Λ tsa' c'otiyob, Pablo tsi' subeyob: La' wujil bajche' añoñ la' wic'ot ti pejtelel ora c'Λl_Λ ti ñaxan b_Λ q'uin che' b_Λ tsa' ochiyon ti Asia.

19 Tsac mele c b_Λ ti pec' che' b_Λ tsac melbe i ye'tel lac Yum. Tsi' tajayon cab_Λl wocol. Tsac cha'le uq'uel cha'an judíojob tsa' b_Λ i chijtayoñob.

20 Ma'anic tsac b_Λc'ña c subeñetla jini am b_Λ i c'Λñibal la' cha'an. Tsaj c_Λntesayetla ti' wut winicob x'ixicob yic'ot ti jujump'ejl la' wotot.

21 Tsa'ix c subeyob judíojob yic'ot gentilob cha'an mi' c_Λyob i mul cha'an mi' ñopob Dios. Tsac subeyob cha'an mi' ñopob lac Yum Jesucristo.

22 Awilan, samiyonix ti Jerusalén come p_{AY}bilonix majlel cha'an jini Espíritu. Mach kujilic chuqui mi caj c tumbentel ya'i.

23 Pero jini Ch'ujul b_Λ Espíritu mi' subeñon ti jujump'ejl tejclum, mi caj i tajon wocol. Mi caj cochel ti m_Λjquib_Λ.

24 Ma'anic mij q'uel j cuxt_Λlel ti ñuc. Anquese mi c_Λj'q'uel ti ch_Λmel, tijicña c pusic'al mi uts'at mic ts'Λctesan que'tel tsa' b_Λ aq'uentiyon ti lac Yum Jesús cha'an mic

sub jini wen t'an cha'an i yutslel i pusic'al Dios.

25 Awilan, tsa'ix c subu i yum_Λntel Dios ti la' tojlel. W_Λle kujil ma'anix mi caj la' ch_Λn q'uel c wut.

26 Jini cha'an mic subeñetla ti jini jach b_Λ ora, mach ch_Λn c wentajix la' cuxt_Λlel ti la' pejtelel.

27 Ma'anic tsac cha'le b_Λq'uen, pero ts'Λc_Λl tsac subeyetla i t'an Dios.

28 Ch_Λc_Λ q'uele la' b_Λ che' jini. C_Λntanla pejtelel jini tiñame', come jini Ch'ujul b_Λ Espíritu tsi' y_Λq'ueyetla la' we'tel ti x_Λntaya cha'an mi la' we'san jini xñopt'añob i cha'año' b_Λ Dios tsa' b_Λ i m_Λña ti' bajñel ch'ich'el.

29 Come kujil che' majlemonix mi caj i yochelob ti la' tojlel jontol b_Λ b_Λte'el ts'i'. Ma'anic mi caj i p'untan tiñame'.

30 Mi caj i wa't_Λlob winicob ti la' tojlel mu' b_Λ i y_Λlob sojquem b_Λ t'an cha'an mi' p_{AY}yob x_Λnt'añob cha'an mi' tsajcañob.

31 Yom y_Λx_Λl la' wo che' jini. Ña'tanla, uxp'ejl jab ma'anic tsaj c_Λy_Λ c xic'beñetla ti jujuntiquiletla ti q'uiñil yic'ot ti ac'Λlel. Tsac cha'le uq'uel.

32 W_Λle, hermanojob, mi c_Λq'uetla ti' c'Λb Dios yic'ot ti' wenta jini t'an mu' b_Λ i tsicte-san i yutslel i pusic'al. An i p'Λt_Λlel jini t'an cha'an mi' xuc'chocon la' pusic'al, cha'an mi la' w_Λq'uentel chuqui tac la' tem cha'an jach la' wic'ot pejtelel jini s_Λq'ues_Λbilo' b_Λ.

33 Ma'anic tsac mul_Λbeyetla chuqui an la' cha'an, mi plata, mi oro, mi pisil.

34 La' wujil, tsac cha'le e'tel tij c'Λb cha'an i b_Λl c ñ_Λc'. Tsac we'sa c pi'Λlob ja'el año' b_Λ quic'ot.

35 Ti pejtelel tsa' b_Λ c mele tsac p_Λsbeyetla bajche' yom mi lac cha'len e'tel cha'an mi laj coltan jini mach b_Λ p'Λt_Λlobic. Yom mi la' ña'tan i t'an lac Yum Jesús tsa' b_Λ i y_ΛΛ: "Ñumen tijicña jini mu' b_Λ i y_Λc' majtañal bajche' jini mu' b_Λ i ch'Λm i majtan". Che' tsi' y_ΛΛ Pablo.

36 Che' b_Λ tsa' ujti ti jini t'an tsa' ñocle. Pablo tsi' como pejca Dios yic'otob.

37 Ti pejtelelob tsi' cha'leyob cab_Λl uq'uel. Tsi' meq'ueyob Pablo. Tsi' ts'ujts'uyob.

38 Wen ch'ijiyem tsi' yubiyob cha'an tsi' subeyob ma'anix mi caj i ch_Λn q'uelbeñob i

wut. Tsi' pi'leyob majlel c'ΛΛΛ ti barco.

21

Tsa' majli ti Jerusalén Pablo

¹ Che' bΛ tsaj cΛYΛyob lojon tsa' ochiyon lojon ti barco. Toj tsa' majliyon lojon ti Cos, ti yijc'ΛΛΛ c'ΛΛΛ ti Rodas, ti wi'il c'ΛΛΛ ti Pátara.

² Ya' tsac taja lojon barco woli bΛ i majlel ti Fenicia. Tsa' ochiyon lojon. Tsa' majliyon lojon.

³ Che' bΛ tsaj q'uele lojon Chipre, tsaj cΛYΛ lojon tic ts'ej. Tsa' ñumiyon lojon majlel c'ΛΛΛ ti Siria. Tsa' c'otiyon lojon ti Tiro, come ya' yom i cΛY i cuch jini barco.

⁴ Che' bΛ tsac taja lojon xcΛnt'añob tsa' jaleyon lojon ya'i wucp'ejl q'uin. Tsi' subeyob Pablo ti jini Espíritu mach yomic mi' letsel majlel ti Jerusalén.

⁵ Che' ñumenix jump'ejl semana tsa' majliyon lojon. Ti pejtelelob tsi' pi'leyon lojon majlel yic'ot x'ixicob yic'ot i yalobilob, c'ΛΛΛ che' bΛ tsa' loq'uiyon lojon ti tejclum. Ya' ti' ti' ja' tsa' cajiyon lojon ti ñoctΛ, tsac pejca lojon Dios.

⁶ Che' bΛ tsa'ix j cΛYΛ lojon c bΛ, tsa' ochiyon lojon ti barco. Jini xcΛnt'añob tsa' sujtiyob ti' yotot.

⁷ Che' loq'ueumonix lojon ti Tiro ti barco, tsa' c'otiyon lojon ti Tolemaida. Ya' tsa cΛq'ue lojon cortesía hermanojob. Tsa' jaleyon lojon jump'ejl q'uin yic'otob.

⁸ Ti yijc'ΛΛΛ che' bΛ tsa' majliyon lojon, tsa' c'otiyon lojon ti Cesarea. Ya' tsa' ochiyon lojon ti' yotot Felipe, jini subt'an, jini tsa' bΛ aq'uenti i ye'tel yic'ot jini wΛctiquil. Tsa' jijliyon lojon quic'ot.

⁹ An chΛntiquil i yixic'al mach bΛ anic i ñoxi'al. Tsi' cha'leyob alt'an.

¹⁰ Che' bΛ tsa' jaleyon lojon ya' cha'p'ejl uxp'ejl q'uin, tsa' jubi tilel juntiquil x'alt'an loq'uem bΛ ti Judea, i c'aba' Agabo.

¹¹ Che' bΛ tsa' c'oti ba' añon lojon, tsi' ch'Λmbe i cajchiñΛc' Pablo. Tsi' bajñel cΛcha i yoc i c'Λb. Tsi' subu: Jini Ch'ujul bΛ Espíritu mi' yΛ: "Che'i mi caj i cΛchob i yum jini cajchiñΛc'al jini judíojob año' bΛ ti Jerusalén. Mi caj i yΛc'ob ti' c'Λb gentilob". Che' mi' yΛ Ch'ujul bΛ Espíritu, che'en Agabo.

¹² Che' bΛ tsa'ix cubi lojon jini t'an, joñon lojon quic'ot jini ya' bΛ añob tsac sube lojon Pablo ti wocol t'an cha'an ma'anic mi' letsel majlel ti Jerusalén.

¹³ Pablo tsi' subeyon lojon: ¿Chucoch mi la' cha'len uq'uel? ¿Chucoch mi la' wΛq'ueñon i ch'ijiyemlel c pusic'al? Joñon chajpΛbilon, mach cojic jach cha'an mij cΛjchel, pero cha'an mic chΛmel ja'el ti Jerusalén cha'an ti' c'aba' lac Yum Jesús, che'en.

¹⁴ Che' bΛ ma'anic tsi' jac'beyon lojon c t'an, tsaj cΛYΛ lojon c suben. Tsac sube lojon: La' mejlic chuqui yom lac Yum, cho'on lojon.

¹⁵ Ti wi'il tsac chajpa lojon c chubΛ'an. Tsa' letsiyon lojon majlel ti Jerusalén.

¹⁶ Cha'tiquil uxtiquil xcΛnt'añob ch'oyolo' bΛ ti Cesarea tsi' pi'leyon lojon majlel. Tsi' pΛYΛyon lojon majlel ti' yotot juntiquil xcΛnt'an i c'aba' Mnasón, ch'oyol bΛ ti Chipre. Jini Mnasón wajalix tsi' ñopo. Ya' tsa' jijliyon lojon quic'ot.

Pablo tsi' julata Jacobo

¹⁷ Che' bΛ tsa' c'otiyon lojon ti Jerusalén, tijicñayob i pusic'al jini hermanojob, tsi' pΛYΛyon lojon ochel.

¹⁸ Ti yijc'ΛΛΛ tsa' ochi Pablo quic'ot lojon ba'an Jacobo. Tsi' tempayob i bΛ pejtelel jini ancianojob.

¹⁹ Che' bΛ tsi' yΛq'ueyob i bΛ cortesía, Pablo quepecña tsa' caji i subeñob pejtelel chuqui tac tsi' cha'le Dios ti' tojlel gentilob ya' ba' tsi' cha'le subt'an.

²⁰ Che' bΛ tsi' yubiyob, tsi' subuyob i ñuelcl Dios. Jini ancianojob tsi' subeyob Pablo: Hermano, tsa'ix a wubi jayp'ejl mil judíojob tsi' ñopoyob. Ti pejtelelob wen bΛxob cha'an jini mandar.

²¹ Tsa'ix lon subentiyob jini wΛ' bΛ añob, wola' cΛntesan judíojob ya' ti' tojlel gentilob cha'an mi' cΛyob i mandar Moisés. Wola' sub mach yomic mi' tsepbeñob i pΛchΛlel i yalobilob, yic'ot mach yomic mi' cha'leñob che' bajche' i tilel judíojob.

²² Jini cha'an, ¿chuqui yom mi lac cha'len? Mi caj i yubiñob tsa'ix tiliyet. Isujm, mi caj i tempañob i bΛ cabΛl winicob x'ixicob.

23 Jini cha'an, mele chuqui mic subeñet lojon. WΛ' añob chΛntiquil winicob tsa' bΛ i subeyob Dios chuqui mi caj i wersa melob.

24 PΛyΛyob majlel. SΛq'uesan a bΛ yic'otob. Tojbeñob chuqui yom cha'an mi' set'bentelob i jol. Che'i mi caj i ña'tañob ti pejtelelob mach isujmic jini tsa' bΛ subentiyob, come mach che'ic wola' mel. Mi caj i ña'tañob jatet ja'el wolix a jac' jini mandar.

25 Jixcu jini gentilob tsa' bΛ i ñopoyob, tsa'ix c ts'ijbubeyob lojon chuqui tsac ña'ta lojon. Tsac subeyob lojon cha'an mi' cΛyob i c'ux jini tsΛnsΛbil bΛ i majtan dioste' yic'ot i ch'ich'el yic'ot milbil tac bΛ. Tsac sube lojon cha'an ma'anic mi' cha'leñob ts'i'lel. Che' tsi' subeyob Pablo jini ancianojob.

26 Pablo tsi' pΛyΛyob jini winicob. Ti yijc'Λlal tsi' sΛq'uesa i bΛ yic'otob. Tsa' ochi ti Templo cha'an mi' subeñob baqui bΛ q'uin mi caj i yujtel i sΛq'uesañob i bΛ, yic'ot baqui bΛ q'uin mi caj i yΛq'uentel i majtan Dios am bΛ ti' wenta ti jujuntiquil.

Tsi' chucuyob Pablo ti Templo

27 Che' yomix ts'actiyel jini wucp'ejl q'uin, cha'tiquil uxtiquil judíojob ch'oyolo' bΛ ti Asia tsi' q'ueleyob Pablo ti Templo. Tsi' ñijcayob winicob cha'an mi' chucob Pablo.

28 Jini winicob c'am tsi' yΛΛyob: Winicob israelob la'la ti coltaya. Umba'an jini winic mu' bΛ i cha'len cΛntesa ti' contra i cha'año' bΛ Dios yic'ot ti' contra jini mandar yic'ot ti' contra jini Templo. Che'Λch woli' pam cΛntesan winicob x'ixicob. Mach cojic jach jini, pero tsa'ix i pΛyΛ ochel griegojob ja'el ti' mal Templo. Tsa'ix i bibesa jini Ch'ujul bΛ Ajñibal, che'ob.

29 Come tsi' lon ña'tayob tsa'ix i pΛyΛ ochel ti' mal Templo juntiquil winic ch'oyol bΛ ti Efeso, i c'aba' Trófimo, come anix ora tsi' q'ueleyob yic'ot Pablo.

30 Jini cha'an tsa' tejchiyob ti a'leya pejtelel winicob año' bΛ ti jini tejclum. Ti ajñel tsi' tempayob i bΛ. Tsi' chucuyob Pablo. Tsi' tujc'ayob loq'uel ti Templo. Ti ora tsa' ñujp'i i ti' Templo.

31 Che' bΛ woli' ñopob i tsΛnsan Pablo, tsa' subenti jini am bΛ ñuc bΛ i ye'tel ti' tojlel jump'ejl mil soldadojob cha'an woliyob ti leto pejtelel winicob ti Jerusalén.

32 Jini am bΛ i ye'tel tsi' pΛyΛ majlel soldadojob yic'ot i yaj capitañob. Ti ajñel tsa' majliyob ba' añob. Jini winicob tsi' cΛyΛyob i jats' Pablo che' bΛ tsi' q'ueleyob jini am bΛ ñuc bΛ i ye'tel yic'ot soldadojob.

33 Tsa' c'oti jini am bΛ ñuc bΛ i ye'tel. Tsi' chucu Pablo. Tsi' yΛc'Λ mandar cha'an mi' cΛjchel ti cha't'ujm cadena. Tsi' c'ajtibe i c'aba' yic'ot chuqui tsi' cha'le.

34 Ti pejtelelob woliyob ti c'am bΛ t'an. Jelchojc jax chuqui tsi' yΛΛyob. Ma'anic tsa' mejli i ch'Λmben isujm chuqui tsa' ujtí come ju'ucñayob ti cabal t'an. Jini cha'an tsi' yΛq'ueyob mandar cha'an mi' pΛyob majlel Pablo ti' yotot soldadojob.

35 Che' bΛ tsa' c'otiyob ba' quejpractic ts'ajc, jini soldadojob tsi' ch'uyuyob majlel Pablo, come wen mich'ob winicob.

36 Woli' tsajcañob majlel. C'am tsi' yΛΛyob: TsΛnsanla, che'ob.

Pablo tsi' pejca winicob x'ixicob (Hch. 9.1-19; 26.12-18)

37 Che' bΛ tsa' caji i pΛyob ochel Pablo ti' yotot soldadojob, Pablo tsi' sube jini ñuc bΛ i ye'tel: ¿Mejl ba c pejcañet? che'en. Jini ñuc bΛ i ye'tel tsi' sube: ¿A cΛñΛ ba i t'an griegojob?

38 ¿Mach ba jatetic jini egipto tsa' bΛ i teche leto ti' contra gobierno maxto jali? ¿Mach ba jatetic tsa' pΛyΛ majlel ti jochol bΛ lum lujumbajc' stsΛnsajob? che'en.

39 Pablo tsi' sube: Mach joñonic. Mero judíojon. Ch'oyolon ti Tarso ya' ti Cilicia. Ya' chucbil j c'aba' ti ñuc bΛ tejclum. Awocolic, la' c pejcan jini winicob, che'en.

40 Che' bΛ tsi' yΛc'Λ i t'an, che' wa'alix Pablo ba' quejpractic, tsi' pasbeyob i c'Λb jini winicob. Che' bΛ tsa' wen ñajch'iyob, Pablo tsa' caji i pejcañob ti' t'an hebreojob.

22

1 Pablo tsi' yΛΛ: Winicob c pi'Λlob, ñich'tanla chuqui mic subeñetla wΛle, che'en.

2 Che' bΛ tsi' yubiyob woli' pejcañob ti' t'an hebreojob, tsa' wen ñajch'iyob.

3 Pablo tsi' subeyob: Isujm judíojon. Tsa quila pañimil ti Tarso ya' ti Cilicia. WΛ' tsa' coliyon ilayi ti ili tejclum. CΛntesΛbilon i

cha'an Gamaliel. Tsa' cantesantiyon ti' sujmllel jini mandar che' bajche' tsi' ñopoyob lac ñojte'el. Wen baxon cha'an Dios che' bajche'etla ti la' pejtelel wale.

⁴ Tsac tic'la jini año' b_A ti' bijlel Dios. Tsa caca'yob ti chamel. Tsac chucu winicob yic'ot x'ixicob. Tsa cotsayob ti majquibal.

⁵ Jini ñuc b_A motomaj ja'el yic'ot pejtelel xñoxob año' b_A i ye'tel yujilob isujm c t'an, come tsi' yalq'ueyoñob jun cha'an mic pasbeñob lac pi'lob. Ya' tsa' majliyon ti Damasco cha'an mic chuc jini ya' b_A año' cha'an cachel mic payob tilel ti Jerusalén cha'an mi' tojob i mul.

*Pablo tsi' subu bajche' tsa' coltanti
(Hch. 9.1-19; 26.12-18)*

⁶ Che' b_A woliyon ti xambal majlel, che' lac'alix año' ti Damasco ti xinq'uiñil, tsa' bac' tsictiyi tic joytilel i c'ac'al c'ajc ch'oyol b_A ti panchan.

⁷ Tsa' yajliyon ti lum. Tsa cubi t'an. Tsi' subeyon: “¿Saulo, Saulo, cucoch wola' tic'lañon?” che'en.

⁸ Tsac jac'la: “C Yum, ¿majquiyet?” cho'on. Tsi' subeyon: “Joñon Jesús ch'oyolon b_A ti Nazaret. Woli a tic'lañon”, che'en.

⁹ Jini año' b_A quic'ot, ti isujm tsi' q'ueleyob i c'ac'al c'ajc. Tsi' cha'leyob baq'uen. Ma'anic tsi' yubibeyob chuqui woli' yal jini tsa' b_A i pejcayon.

¹⁰ Tsac sube: “¿Chuqui yom mic cha'len c Yum?” cho'on. Lac Yum tsi' subeyon: “Ch'ojyen. Cucu ti Damasco. Ya'i mi caj a subentel pejtelel chuqui wan ña'tabil c cha'an mu' b_A caj a mel”, che'en.

¹¹ Che' b_A ma'anic tsa' c'oti c wut cha'an i saclel jini c'ajc, tsi' tojesayoñob majlel tij c'ab jini ya' b_A año' quic'ot. Tsa' c'otiyon ti Damasco.

¹² Ya' an winic, i c'aba' Ananías, mu' b_A i ch'ujutesan Dios, che' bajche' cantesabilonla ti mandar. Wen uts'at tsa' q'uejli cha'an pejtelel judíojob ya' b_A chumulob.

¹³ Tsa' tili ba' año' ti. Tsa' wa'le tic t'ejl. Tsi' subeyon: “Hermano Saulo, la' c'otic a wut”, che'en Ananías. Ti jini jach b_A ora tsa' c'oti c wut. Tsaj q'uele Ananías.

¹⁴ Tsi' subeyon: “I Dios lac ñojte'el tsi' yajcayet cha'an ma' can chuqui yom i pusic'al Dios. Tsi' yajcayet cha'an ma' q'uel jini Toj

b_A, yic'ot cha'an ma' wubiben i t'an che' mi' pejcañet.

¹⁵ Come mi caj a wac' ti cajñel Cristo ti' tojlel pejtelel winicob x'ixicob. Mi caj a subeñob chuqui tac tsa' q'uele yic'ot chuqui tsa' wubi.

¹⁶ Wale, ¿chucoch woliyet ti pijt? Ch'ojyen. Pejcan Dios ti' c'aba' Jesús. Ch'am_A ja', la' pojquic loq'uel a mul”. Che' tsi' subeyon Ananías.

I payol Pablo cha'an mi' cha'len subt'an

¹⁷ Che' b_A tsa' cha' tiliyon ti Jerusalén, woliyon ti oración ti Templo. An chuqui tsa' caji j q'uel ti espíritu.

¹⁸ Tsaj q'uele Jesús tsa' b_A i subeyon: “Se'ñun a b_A, loq'uen ti Jerusalén ti ora come ma'anic mi caj i jac'ob chuqui wola' subeñob cha'añon”, che'en.

¹⁹ Tsac sube: “C Yum, yujlilob joñon tsa cotsa ti majquibal jini tsa' b_A i ñopoyet. Tsac bajbeyob ti sinagoga tac.

²⁰ Che' b_A tsa' bejq'ui i ch'ich'el Esteban, jini subt'an a cha'an, ya' lac'al wa'alon ja'el. Ma'anic tsac tiq'uiyob. Tsaj cantabeyob i pislel jini tsa' b_A i tsansayob”, cho'on tsac sube.

²¹ Jesús tsi' subeyon: “Cucu come joñon mi caj c choquet majlel ti ñajtal ba'an gentilob”. Che' tsi' subeyon Jesús, che'en Pablo.

²² Tsi' ñich'tayob judíojob jinto tsa' ujti i sub jini t'an. Jini winicob tsa' cajiyob ti c'am b_A t'an. Tsi' yalayob: “La' chamic jini winic. Mach uts'atic che' chan cuxul”, che'ob.

²³ Wen c'am tsi' cha'leyob t'an. Tsi' tijcayob i bujc. Tsi' wejch'uyob letsel ts'ubejn.

²⁴ Jini ñuc b_A i ye'tel tsi' yac'la mandar cha'an mi' pajyel ochel Pablo ti' yotot soldadojob. Tsi' yac'la mandar cha'an mi' jajts'el ti asiyal cha'an mi' tsictesan i mul, come yom i ña'tan chucoch tsi' cha'leyob cabal t'an ti' contra.

²⁵ Che' b_A tsa'ix i cachelayob Pablo ti pachi, Pablo tsi' c'ajtibe i yaj capitán soldadojob wa'al b_A ti' t'ejl: ¿Mach ba tic'bilic ti mandar mi' jajts'el ti asiyal juntiquil winic chucbil b_A i c'aba' ya' ti Roma, che' maxto ña'tabilic mi an i mul? che'en Pablo.

²⁶ Che' b_A tsi' yubibe i t'an Pablo, i yaj capitán soldadojob tsa' majli ba'an jini ñuc

bΛ i ye'tel. Tsi' sube: ¿Chuqui mi caj a cha'len? Chucbil i c'aba' jini winic ya' ti Roma, che'en.

²⁷ Jini ñuc bΛ i ye'tel tsa' tili ba'an Pablo. Tsi' sube: Subeñon, ¿chucbil ba a c'aba' ya' ti Roma? che'en. Pablo tsi' jac'Λ: Chucbil cu, che'en.

²⁸ Jini ñuc bΛ i ye'tel tsi' yΛΛ: CabΛ taq'uin tsac jisa cha'an mi' chujquel j c'aba' ya' ti Roma, che'en. Pablo tsi' sube: Pero tsa' chujqui j c'aba' ya' ti Roma che' bΛ tsa quila pañimil, che'en.

²⁹ Jini cha'an jini yomo' bΛ i jats' Pablo cha'an mi' tsictesan i mul tsi' bΛC' cΛyΛyob. Che' bΛ tsi' ña'ta ya' chucul i c'aba' Pablo ti Roma, jini ñuc bΛ i ye'tel tsi' cha'le bΛq'uen ja'el, come an i mul cha'an tsi' cΛchΛ.

Pablo ti' tojlel jini año' bΛ i ye'tel

³⁰ Ti yijc'Λlal yom i ñop ti isujm chucoch tsi' cha'leyob t'an jini judíojob ti' contra Pablo. Tsi' jiti. Tsi' subeyob tilel pejtelel ñuc bΛ motomajob yic'ot jini año' bΛ i ye'tel. Tsi' pΛyΛ tilel Pablo.

23

¹ Pablo tsi' wen q'uele jini año bΛ i ye'tel. Tsi' yΛΛ: Winicob, c pi'lob, ti pejtelel chuqui tac tsac mele, Dios tsi' q'uele. C'ΛΛΛ wΛle ma'anic mi' tejchel t'an tic pusic'al cha'an uts'at pejtelel chuqui tsac cha'le ti' wut Dios, che'en.

² Jini c'ax ñuc bΛ motomaj, i c'aba' Ananías, tsi' sube jini wa'alo' bΛ ti' t'ejl cha'an mi' jats'beñob i yej Pablo.

³ Pablo tsi' sube: Mi caj i jats'et Dios. Pajq'uet bombil bΛ ti tan. Buchulet cha'an ma' c'Λn jini mandar a melon, pero wola' ñusan mandar che' ma' wΛc'on ti jajts'el, che'en.

⁴ Jini wa'alo' bΛ tsi' yΛΛyob: ¿Mu' ba a p'aj jini ñuc bΛ motomaj i cha'an Dios? che'ob.

⁵ Pablo tsi' yΛΛ: C pi'lob, ma'anic tsaj cΛñΛ mi' jiñach ñuc bΛ motomaj. Come ts'ijbubil: “Mach a p'aj jini yumΛ am bΛ i ye'tel ti la' tojlel”, che'en Pablo.

⁶ Pablo tsi' ña'ta ya' añob cha'chajp winicob, saducejob yic'ot farisejob. Jini cha'an c'am tsi' cha'le t'an ba'an jini año' bΛ i ye'tel. Tsi' yΛΛ: Winicob c pi'lob, farisejob, i yalobilon fariseo. Mic ñop an i pijtaya jini chameño' bΛ come mi' cha' ch'ojyelob

chameño' bΛ. Jini cha'an pΛybilonix tilel cha'an mi' la' melon, che'en Pablo.

⁷ Che' bΛ tsa' ujt i sub jini t'an, tsa' caji i cΛΛX pejcañob i bΛ farisejob yic'ot saducejob. Cha'chajp tsa' caji yob ti t'an.

⁸ Come jini saducejob mi' yΛlob ma'anic mi' lac cha' ch'ojyel, ma'anic ángel, ma'anic espíritu. Pero mach che'ic mi' yΛlob jini farisejob.

⁹ Wen ju'ucña tsa' caji yob ti t'an. Jini sts'ijbayajob i cha'an farisejob tsa' wa'leyob. Tsi' wersa aΛyob: Mi cΛ lojon ma'anic i mul jini winic. Tic'Λl mi' tsi' pejca Pablo juntiquil espíritu o juntiquil ángel. Mach yomic mi' laj contrajin Dios, che'ob.

¹⁰ Che' wen mich'ob woli' cΛΛX pejcañob i bΛ, jini ñuc bΛ i ye'tel tsi' cha'le bΛq'uen ame mi' tsansaño Pablo. Tsi' cha'le mandar cha'an mi' tilelob soldadojob cha'an mi' wersa chucob loq'uel Pablo ba' año, cha'an mi' pΛyob ochel ti' yotot soldadojob.

¹¹ Ti jini ac'Λlel lac Yum tsa' wa'le ti' t'ejl Pablo. Tsi' sube: Xuc'chocon a pusic'al Pablo. Che' bajche' tsa' wΛc'Λyon ti cΛjñel ti Jerusalén, che' ja'el mi' caj a wΛc'on ti cΛjñel ya' ti Roma, che'en.

Tsi' temeyob i t'an cha'an mi' tsansaño Pablo

¹² Ti sΛc'ajel cabΛ judíojob tsi' tempayob i bΛ. Tsi' temeyob i t'an cha'an mi' tsansaño Pablo. Tsi' bajñel ch'ΛcΛyob i bΛ cha'an ma'anic chuqui mi' caj i c'uxob, ma'anic chuqui mi' caj i japob jinto mi' tsansaño Pablo.

¹³ Ñumen ti cha'c'al tsa' bΛ i temeyob i t'an.

¹⁴ Tsa' majliyob ba'an i yumob motomajob yic'ot xñojob año' bΛ i ye'tel. Tsi' yΛΛyob: Tsa'ix c wersa wa'choco lojon c t'an che' bΛ tsac bajñel ch'ΛcΛ lojon c bΛ. Ma'anic mi' caj c wis c'ux lojon i bΛ lojon c ñΛc' jinto mic tsansan lojon Pablo.

¹⁵ Jatetla, che' jini, yic'ot jini año' bΛ i ye'tel, c'ajtibenla jini am bΛ ñuc bΛ i ye'tel cha'an ijc'Λl mi' cha' pΛy tilel Pablo ba' añetla. Subenla an chuqui la' wom la' cha' c'ajtiben. ChajpΛbilon lojon cha'an mic tsansan lojon che' maxto c'otemic ba' añetla, che'ob.

16 Che' b_Λ tsi' yubi i yichac' Pablo bajche' mi caj i chijtañob, tsa' majli, tsa' ochi ti' yotot soldadojob. Tsi' sube Pablo.

17 Pablo tsi' p_Λy_Λ tilel juntiquil i yaj capitán soldadojob. Tsi' y_ΛΛ: P_Λy_Λ majlel jini ch'iton ba'an jini ñuc b_Λ i ye'tel, come an chuqui yom i suben, che'en.

18 I yaj capitán soldadojob tsi' p_Λy_Λ majlel. Tsa' majliyob ba'an jini ñuc b_Λ i ye'tel. Tsi' sube: Tsi' p_Λy_Λy_Λon jini xñujp'el Pablo. Tsi' c'ajtibeyon cha'an mic p_Λy tilel jini ch'iton ba' añet come an chuqui yom i subeñet, che'en.

19 Jini ñuc b_Λ i ye'tel tsi' chucbe i c'Λb jini ch'iton. Tsi' mucu p_Λy_Λ majlel. Tsi' c'ajtibe: ¿Chuqui a wom a subeñon? che'en.

20 Tsi' sube: Tsa'ix i tempayob i b_Λ judíojob cha'an mi' c'ajtibeñet cha'an ma' p_Λy jubel Pablo ijc'Λl ba'an jini año' b_Λ i ye'tel. Mi caj i lon alob an chuqui yomob i cha' c'ajtiben Pablo.

21 Mach a jac'beñob i t'an, come ñumen ti cha'c'al winicob woli' chijtañob. Tsi' bajñel ch'Λc_Λyob i b_Λ cha'an ma'anic chuqui mi caj i c'uxob, ma'anic chuqui mi caj i japob jinto mi' tsansañoob Pablo. Tsa'ix i chajpayob i b_Λ. Woli jach i pijtañob a t'an, che'en jini ch'iton.

22 Jini ñuc b_Λ i ye'tel tsi' sube majlel jini ch'iton. Tsi' tiq'ui ame i suben yamba chuqui tsa'ix i tsictesΛbe.

Tsa' chojqui majlel Pablo ba'an Félix

23 Tsi' p_Λy_Λ tilel cha'tiquil i yaj capitán soldadojob. Tsi' subeyob cha'an mi' chajpañoob lujunc'al soldadojob cha'an mi' majlelob ti Cesarea ti bolomp'ejl ora i yic'an yic'ot lujuntiquil i ch_Λnc'al (70) c'Λch_Λlo' b_Λ yic'ot lujunc'al año' b_Λ i lanza.

24 Tsi' subeyob cha'an mi' chajp_Λbeñob i c'Λchlib Pablo ja'el cha'an c'Λch_Λl mi' p_Λyob majlel ti uts'at ba'an Félix, jini gobernador.

25 Tsi' ts'ijba jun. Tsi' y_ΛΛ:

26 “Joñon Claudio Lisiason. Mic chocheñet tilel cortesía, c'ax uts'at b_Λ gobernador Félix.

27 Jini winic tsa' chujqui cha'an judíojob. Colelix i tsansañoob. Tsa' majliy_Λon quic'ot soldadojob cha'an mij coltan, come tsac ña'ta chuchil i c'aba' ya' ti Roma.

28 Che' b_Λ tsaj c'ajtibeyob chuqui i mul woli' subob ti' contra Pablo, tsac p_Λy_Λ majlel Pablo ba' tsi' tempayob i b_Λ jini judíojob año' b_Λ i ye'tel.

29 Tsaj q'uele woli' tajtal i mul cha'an jach i mandar judíojob. Tsac ña'ta ma'anic i mul cha'an mi' ts_Λns_Λntel, mi cha'an mi' yochel ti majquib_Λ.

30 Che' b_Λ tsa cubi woli' chijtañob jini winic jini judíojob, tsac b_Λc' choco majlel ba' añet. Tsac subeyob i contrajob cha'an mi' majlelob i subeñet i mul. Cojach mic subeñet jini”. Che' tsi' ts'ijba jini Claudio Lisias.

31 Ti ac'Λlel jini soldadojob tsi' p_Λy_Λyob majlel Pablo ti Antípatris che' bajche' tsa' subentiyob.

32 Ti yijc'Λlal tsa' sujtiyob ti' yotot. Pero jini c'Λch_Λlo' b_Λ tsa' majliyob yic'ot Pablo.

33 Che' b_Λ tsa' c'otiyob ya' ti Cesarea, tsi' y_Λq'ueyob jun jini gobernador. Tsi' p_Λy_Λyob majlel Pablo ba'an.

34 Che' b_Λ tsa' ujti i q'uel jini jun jini gobernador, tsi' c'ajtibe baqui ch'oyol. Tsa' subenti ya' ch'oyol ti Cilicia.

35 Jini gobernador tsi' sube: Che' mi' julelob a contrajob mi caj cubin a t'an, che'en. Tsi' y_Λc'Λ mandar cha'an mi' c_Λnt_Λntel Pablo ya' ti' yotot Herodes.

24

Pablo tsi' subu i b_Λ ti' tojlel Félix

1 Che' b_Λ tsa' ñumi jo'p'ejl q'uin, tsa' jubi majlel jini ñuc b_Λ motomaj i c'aba' Ananías yic'ot cha'tiquil uxtiquil xñoxob año' b_Λ i ye'tel yic'ot juntiquil i c'aba' Tértulo wen yujil b_Λ t'an. Tsa' majli i pejcañoob jini gobernador ti' contra Pablo.

2 Che' b_Λ tsa' p_Λjyi tilel Pablo ba' añoob, Tértulo tsa' caji i jop'ben i mul Pablo. Tsi' y_ΛΛ: Cha'an ti a we'tel ti yum_Λl ñ_Λch'Λl añoon lojon tic lumal. Cha'an ti a ña't_Λbal uts'at woli' c_Λnt_Λntelob c pi'Λlob tic lumal.

3 Uts'atet Félix, ti pejtelel ora uts'at mij q'uel lojon a melbal ti pejtelel c lumal. Mic subeñet lojon wocolix a w_ΛΛ.

4 Mach comic c jalitesañet ti cab_Λl t'an. Jini cha'an mic subeñet poj ubibeñon lojon ts'ita' c t'an ti' yutslal a pusic'al.

5 Come tsa'ix j q'uele lojon cabal woli' tic'lañon lojon jini winic. Mi' tech leto ti pejtelel pañimil baqui jach an judíojob. Jini winic ñumen ch'ejl mi' mel i b_Λ bajche' yaño' b_Λ tsa' b_Λ i tsajc_Λbeyob i c_Λntes_Λbal jini winic ch'oyol b_Λ ti Nazaret.

6 Tsa'ix i ñopo i bib'esan jini Templo ja'el, pero tsac chucu lojon. Tsac ña'ta c mel lojon che' bajche' mi' y_Λl tic mandar lojon,

7 pero tsa' tili jini Lisias am b_Λ ñuc b_Λ i ye'tel. Wersa tsi' chili loq'uel Pablo tij c'Λb lojon.

8 Jini Lisias tsi' subeyob i contrajob Pablo cha'an mi' tilelob ba' añet. Che' ma' c'ajtiben jini winic mi' mejlel a ña'tan isujm pejtelel i mul tsa' b_Λ c subeyet lojon. Che' tsi' y_Λl jini Tértulo.

9 Lajal tsi' cha'leyob t'an judíojob ja'el. Che' tsi' y_Λl_Λyob ti pejtelelob.

10 Che' b_Λ tsi' p_Λs_Λ i c'Λb jini gobernador cha'an mi' cha'len t'an, Pablo tsi' y_Λl_Λ: Cabal jab gobernadore tic lumal. Jini cha'an tijicña mic sub c b_Λ ti a tojlel.

11 Majqui jach ma' pejcan mi' mejlel i subeñet an jaxto lajch_Λmp'ejl q'uin tsa' letsiyon majlel ti Jerusalén cha'an mic ch'ujutesan Dios.

12 Tsi' q'ueleyoñob. Ma'anic majqui woli j c_Λl_Λx pejcan mi' ti Templo, mi' ti sinagoga mi' ti jini tejclum. Ma'anic tsac xic'beyob winicob x'ixicob cha'an mi' tempañob i b_Λ.

13 Ma'anic mi' mejlel i tsictesañob ti isujm i t'an woli b_Λ i jop'ob tij contra w_Λle.

14 Mic subeñet ti isujm, mic ñop i bijlel Dios. Mi' y_Λlob sojquem bajche' mic ch'ujutesan jini Dios tsa' b_Λ i ñopoyob c ñojte'el. Mic ñop pejtelel mu' b_Λ i y_Λl jini mandar yic'ot chuqui tac ts'ijbubil ti' t'an x'alt'añob.

15 Añ_Λch c pijtaya ti Dios, jini jach mu' b_Λ i ñopob ja'el, come tal i yorajlel che' mi' caj i ch'ojyelob jini ch_Λmeño' b_Λ, jini tojo' b_Λ yic'ot jini mach b_Λ tojobic.

16 Jini cha'an mic ch_Λn cha'len wersa c mel chuqui toj ti' wutob winicob yic'ot ti' wut Dios cha'an ma'anic mi' cajel ti t'an c pusic'al.

17 Che' b_Λ tsa' ñumi cha'p'ejl uxp'ejl jab, tsa' tiliyon cha'an mi' c_Λq'ueñob taq'uin jini p'umpuño' b_Λ tic lumal, cha'an mi' c_Λq'uen Dios i majtan ja'el.

18 Che' b_Λ woli c_Λq'uen Dios i majtan, cha'tiquil uxtiquil judíojob ch'oyolo' b_Λ ti Asia tsi' tajayoñob ti Templo. S_Λq'ues_Λbilon. Ma'anic cabal winicob quic'ot lojon. Ma'anic woliyon lojon ti cabal t'an.

19 ¿Chucoch mach w_Λ'ic añob ti a tojlel cha'an mi' subob c mul, mi' an chuqui mi' y_Λlob tij contra?

20 Mi' an c mul la' i subob jini w_Λ' b_Λ añob che' wa'alon ba' tsi' tempayob i b_Λ jini año' b_Λ i ye'tel.

21 Cojach jini t'an tsac subeyob che' ya' wa'alon ti' tojlelob: “P_Λy_Λbilon cha'an mic mel c b_Λ w_Λle ti la' tojlel, come mic ñop mi' cha' ch'ojyelob ch_Λmeño' b_Λ”, cho'on jach tsac subeyob, che'en Pablo.

22 Che' b_Λ tsi' yubi jini t'an Félix mach yomic i b_Λc' mel jini Pablo, come subebilix i sujmllel i bijlel Dios. Tsi' y_Λl_Λ: Jinto che' mi' jubel tilel Lisias, jini ñuc b_Λ i ye'tel, mi' caj c melet, che'en.

23 Tsi' sube i yaj capitán soldadojob cha'an mi' c_Λntan Pablo, pero mach mi' junyajlel ñup'. Tsi' sube uts'at mi' tilelob i pi'Λlob Pablo cha'an mi' y_Λq'ueñob chuqui yom.

24 Che' b_Λ tsa' ñumi cha'p'ejl uxp'ejl q'uin tsa' tili Félix yic'ot i yijñam i c'aba' Drusila. Judía jini Drusila. Félix tsi' p_Λy_Λ tilel Pablo. Tsi' yubibe i t'an che' b_Λ tsi' sube bajche' yom mi' lac ñop Jesucristo.

25 Tsi' sube bajche' yom mi' lac taj toj b_Λ lac pusic'al yic'ot bajche' yom mi' lac bajñel tic' lac pusic'al yic'ot bajche' mi' caj i melonla Dios. Félix tsi' cha'le b_Λq'uen. Tsi' sube: Cucux. Che' mic tajben i q'uiñilel, mi' caj c cha' p_Λy_Λ tilel, che'en.

26 Félix tsi' lon ña'ta ja'el mi' caj i y_Λq'uentel taq'uin cha'an mi' y_Λc' ti colel. Jini cha'an cabal tsi' p_Λy_Λ tilel. Tsi' cha'le t'an yic'ot.

27 Che' ñumenix cha'p'ejl jab tsa' ochi Porcio Festo ti' ye'tel Félix. Félix tsi' c_Λy_Λ Pablo ti m_Λjquib_Λ come yom q'uejlel ti uts'at cha'an judíojob.

25

Pablo ti' tojlel Festo

¹ Tsa' caji i cha'len yumal Festo ti jini lum am b_Λ ti' wenta. Che' b_Λ tsa' ñumi uxp'ejl q'uin, tsa' loq'ui ti Cesarea. Tsa' letsi majlel ti Jerusalén.

² Jini ñuc b_Λ motomajob yic'ot jini ñuco' b_Λ judíojob tsa' tiliyob ba'an Festo. Tsi' cha'leyob t'an ti' contra Pablo. Tsi' c'ajtibeyob wocol t'an

³ cha'an mi' mel bajche' yomob ti' contra Pablo. Tsi' cajtibeyob cha'an mi' yac' ti pajyel tilel ti Jerusalén. Tsi' ña'tayob i chijtan cha'an mi' tsansañoob ti bij.

⁴ Festo tsi' subeyob ya' woli' cantantel Pablo ti Cesarea. Mach jalic mi' majlel ya' i ja'el.

⁵ Tsi' yal_Λ: Majqui jach wa'chocobil, la' jubic majlel quic'ot cha'an mi' sub i mul mi an chuqui jontol tsi' mele jini winic, che'en.

⁶ Ya'to tsa' jale yicot judíojob tic'al mi waxacp'ejl o lujump'ejl q'uin. Ti wi'il tsa' jubi majlel ti Cesarea. Ti yijc'alal che' buchul Festo ya' ti melobajal tsi' yac'Λ mandar cha'an mi' pajyel tilel Pablo.

⁷ Che' b_Λ tsa' c'oti Pablo, jini judíojob tsa' b_Λ jubiyob tilel loq'uemo' b_Λ ti Jerusalén tsa' wa'leyob ti' joytilel. Cabal tsi' jop'beyob ñuc b_Λ i mul Pablo. Ma'anic tsa' mejli i tsictesañoob ti isujm.

⁸ Pablo tsa' caji i coltan i b_Λ. Tsi' yal_Λ: Ma'anic chuqui tsac wis cha'le ti' contra i mandar judíojob, mi ti' contra jini Templo, mi ti' contra César, che'en.

⁹ Festo yom q'uejlel ti uts'at cha'an judíojob. Jini cha'an tsi' sube Pablo: ¿A wom ba letsel majlel ti Jerusalén cha'an mic melet ya'i? che'en.

¹⁰ Pablo tsi' yal_Λ: Wa'alon ti melobajal i cha'an César ba' yom mic mel c b_Λ. Ma'anic chuqui tsac cha'le ti' contra judíojob. Wen a wujil.

¹¹ Mi xñusa mandaron, mi an chuqui tsac cha'le cha'an mi c_Λj'q'uel ti ch_Λmel, la' ch_Λmicon, pero mi mach isujmic chuqui woli' yalob tij contra, ma'anic majch mi mejlel i yac'on ti' c'ab.

¹² La' c mel c b_Λ ya' ba'an César, che'en Pablo. Festo tsi' pejca jini año' b_Λ i ye'tel. Ti wi'il tsi' sube Pablo: Tsa'ix a c'ajtibeyon cha'an ma' mel a b_Λ ba'an César. Ya' mi caj a majlel ba'an César, che'en Festo.

Pablo ti' tojlel Agripa yic'ot Berenice

¹³ Che' ñumenix cha'p'ejl uxp'ejl q'uin, tsa' tili ti Cesarea jini rey Agripa yic'ot Berenice i yijñam cha'an mi' yalq'ueñoob i yutsllel i t'an Festo.

¹⁴ Che' cabal q'uin tsa' jaleyob ya'i, Festo tsi' sube jini yumal bajche' woli' mel i b_Λ Pablo. Tsi' sube: W_Λ'an juntiquil winic tsa' b_Λ c_Λle ti majquib_Λ ti' wenta Felix.

¹⁵ Che' ya' añoon ti Jerusalén, jini ñuc b_Λ motomajob yic'ot jini xñoob año b_Λ i ye'tel cha'an judíojob tsa' c'otiyob ba' añoon. Tsi' c'ajtibeyoñoob cha'an mi c_Λq'uen i toj i mul.

¹⁶ Tsac subeyob ma'anic mi' to'ol ac'ob ti ch_Λmel winic jini romanojob. Ñaxan mi' tilelob i contrajob cha'an mi' subob i mul ya' ti' wut cha'an mi mejlel i coltan i b_Λ che' an chuqui mi' subob ti' contra.

¹⁷ Che' temel tsa' tiliyob w_Λ'i, mach jalic tsac teche meloñel. Ti yijc'alal tsa' buchleyon ya' ti melobajal. Tsa c_Λc'Λ mandar cha'an mi' pajyel tilel jini winic.

¹⁸ Che' ya' añoob i contrajob, mach che'ic tsi' subuyob i mul bajche' tsac lon ña'ta.

¹⁹ Jini jach tsi' contrajiyob Pablo cha'an chuqui woli' ñopob. Tsi' tajayob ti t'an juntiquil i c'aba' Jesús tsa' b_Λ ch_Λmi. Pero Pablo mi' yal cha' cuxul.

²⁰ Ma'anic tsac ña'ta bajche' yom mic mel jini winic. Jini cha'an tsaj c'ajtibe Pablo mi yom majlel ti Jerusalén cha'an ya' mi' mel i b_Λ.

²¹ Che' b_Λ tsi' c'ajtibeyon Pablo cha'an mi majlel i mel i b_Λ ba'an Augusto, tsa c_Λc'Λ mandar cha'an mi' cantantel jinto mi mejlel c choc majlel ba'an César. Che' tsi' yal_Λ Festo.

²² Agripa tsi' sube: Joñon ja'el com cubiben i t'an jini winic, che'en. Festo tsi' sube: Ijc'al mi caj a wubin, che'en.

²³ Ti yijc'alal wen ch'Albil tsa' tiliyob Agripa yic'ot Berenice. Tsa' ochiyob ba' mi' yubiñoob t'an yic'ot jini año' b_Λ ñuc b_Λ i ye'tel yic'ot jini ñuco' b_Λ winicob ti tejclum. Tsa' pajyi tilel Pablo cha'an ti' mandar Festo.

²⁴ Festo tsi' yal_Λ: Rey Agripa yic'ot pejtelel winicob tempabilob quic'ot lojon, wolix la' q'uel jini winic. Pejtelel judíojob tsi' wersa subeyoñoob ti c'am b_Λ t'an ya' ti Jerusalén

yic'ot w^Λi cha'an mach yomic che' ch^Λn cuxul.

²⁵ Tsac ña'ta ma'anic chuqui tsi' cha'le cha'an mi' ch^Λmel. Che' b^Λ tsi' bajñel ña'ta i mel i b^Λ ba'an Augusto, tsac sube mi caj c choc majlel.

²⁶ Pero ma'anic chuqui mi mejlel c ts'ijbuben jini c yum ti' contra Pablo. Jini cha'an tsac p^Λy^Λ tilel ti la' tojlel yic'ot ti a tojlel ja'el, rey Agripa, cha'an ma' subeñon chuqui mi mejlel c ts'ijbuben jini c yum, che' b^Λ tsa'ix a c'ajti tac chuqui tsa' ujtí.

²⁷ Come mi c^Λl mach yomic mic choc majlel xñujp'el mi ma'anic chuqui mi mejlel c sub ti' contra, che'en Festo.

26

*Pablo tsi' cha'le t'an ti' tojlel Agripa
(Hch. 8.1-3; 9.1-9; 22.6-11)*

¹ Agripa tsi' sube Pablo: Mi c^Λc' c t'an cha'an ma' coltan a b^Λ ti a t'an, che'en. Pablo tsi' p^Λs^Λ i c'Λb. Tsa' caji ti t'an cha'an mi' coltan i b^Λ.

² Tsi' y^ΛΛ: Rey Agripa, tijicña mi cubin, come wolic sub c b^Λ w^Λle ti a tojlel cha'an pejtelel chuqui tac tsi' subuyob judíojob tij contra.

³ Come wen a wujil bajche' mi' melob judíojob yic'ot pejtelel chuqui mi' y^Λlob. Jini cha'an mij c'ajtibeñet a wocolic ubibeñon c t'an ti' yutslel a pusic'al.

⁴ Pejtelel jini judíojob yujilob chuqui tsac cha'le ya' tic lumal yic'ot ti Jerusalén, c'Λ^Λ che' ch'itoñon to.

⁵ Mi yomob, mi mejlel i subob come ña'tabil i cha'añob, fariseojon c'Λ^Λ ti wa-jali. Che' bajche' mi' wersa melob fariseojob, che'Λch tsac mele ja'el.

⁶ Wolix c mel c b^Λ cha'an tsa'ix c ñopbe i t'an Dios tsa' b^Λ i sube c ñojte'el lojon.

⁷ Che'Λch mi' ñopob ja'el jini lajch^Λnmojt i p'olbal Israel mu' b^Λ i ch'ujutesañob Dios ti jump'ejl i pusic'al ti q'uiñil yic'ot ti ac'Λlel. Rey Agripa, che'Λch wolic ñop ja'el. Jini cha'an jini judíojob woli' jop'beñoñob c mul.

⁸ ¿Mu' ba la' lon ña'tan wocol mi' tech ch'ojyel jini ch^Λmeño' b^Λ Dios?

⁹ Isujm, joñon tsac lon ña'ta j contrajin i c'aba' Jesús ch'oyol b^Λ ti Nazaret.

¹⁰ Che'Λch tsac mele ti Jerusalén. Tsac m^Λc^Λ ti ñujp'ib^Λl cab^Λl i cha'año' b^Λ Dios che'

b^Λ tsac ch'Λm^Λ que'tel ti' tojlel jini ñuc b^Λ motomajob. Che' b^Λ tsa' ts^Λnsantiyob tsa c^Λc'Λ c t'an ti' contrajob.

¹¹ Cab^Λl tsac bajbeyob ti pejtelel sinagoga. Tsac wersa xic'beyob cha'an mi' p'ajob Dios. Tsac wen mich'leyob. Tsac tic'layob c'Λ^Λl ti yan tac b^Λ tejclum.

¹² Che'Λch wolic mel che' b^Λ tsa' majliyon ti Damasco, che' chocbilon majlel cha'an jini ñuc b^Λ motomajob.

¹³ Ti xinq'uiñil, c rey, tsaj q'uele i s^Λclel c'ajc ti bij, ch'oyol b^Λ ti panchan. Ñumen i s^Λclel bajche' q'uin. Tsi' y^Λc'Λ i s^Λclel tic joytilel yic'ot ti' joytilel jini tsa' b^Λ i cha'leyob x^Λmbal quic'ot.

¹⁴ Che' b^Λ tsa' yajliyon lojon ti lum tic pejtelel lojon, tsa cubi t'an woli b^Λ i pejcañon. Tsi' subeyon ti' t'an hebreojob: “Saulo, Saulo, ¿chucoch wola' tic'lañon? Wola' l^Λl^Λp tec' jini jay b^Λ i ñi' te' cha'an ma' low a b^Λ”, che'en.

¹⁵ Tsac sube: “¿Majquiyet, c Yum?” cho'on. Jini lac Yum tsi' y^ΛΛ: “Joñon Jesús, woli b^Λ a tic'lan.

¹⁶ Ch'ojyen, wa'i', come tsa' tsictiyiyon ti a wut cha'an mic wa'chocoñet cha'an ma' melbeñon que'tel. Mi caj a w^Λc' ti c^Λjñel jini tsa' b^Λ a q'uele yic'ot jini mu' b^Λ caj a q'uel che' mic tsictiyel ti a wut.

¹⁷ Come mi caj j coltañet loq'uel ti' c'Λb a pi'Λlob yic'ot ti' c'Λb gentilob. Ya' wolic choquet majlel w^Λle

¹⁸ cha'an ma' cambeñob i wut, cha'an mi' sutq'uiñoob i b^Λ ti ic'yoch'an b^Λ pañimil, cha'an mi' yajñelob ti' s^Λclel pañimil. Mic choquet majlel cha'an mi' loq'uelob ti' p'Λt^Λlel Satanás, cha'an mi' yochelob ti' p'Λt^Λlel Dios, cha'an mi' ñus^Λbentelob i mul che' mi' ñopoñoob, cha'an i ten cha'añoob jach jini mu' b^Λ caj i y^Λq'uentelob yic'ot jini s^Λq'ues^Λbilo' b^Λ”. Che' tsi' subeyon Jesús.

¹⁹ Jini cha'an, mic subeñet, rey Agripa, ma'anic tsac ñusa jini tsa' b^Λ p^Λs^Λbentiyon ch'oyol b^Λ ti panchan.

²⁰ Ñaxan tsac subeyob jini año' b^Λ ti Damasco yic'ot ti Jerusalén yic'ot ti pejtelel Judea, yic'ot gentilob cha'an mi' c^Λyob i mul cha'an mi' sutq'uiñoob i b^Λ cha'an mi' ñopob Dios. Tsac subeyob cha'an mi' cha'leñoob chuqui wen, cha'an mi' tsictiyel tsa'ix i c^Λy^Λyob i mul.

21 Jini cha'an jini judíojob tsi' chucuyoñoob ti Templo. Tsi' ñopo i tsansañoñoob.

22 Tsa' coltantiyon ti Dios. Jini cha'an c'ala wale mic ch'an subeñoob ch'och'oco' b_Λ yic'ot ñuco' b_Λ jini jach b_Λ t'an tsa' b_Λ i w_Λn alayob x'alt'añoob yic'ot Moisés, come tsa' ujtí che' bajche' tsi' y_Λayob.

23 X'alt'añoob yic'ot Moisés tsi' y_Λayob wersa mi caj i yubin wocol Cristo. Tsi' y_Λayob Cristo mi caj i ñaxan ch'ojoyel loq'uel ba'an chameño' b_Λ, mi caj i subeñoob israelob yic'ot gentilob i sujmllel i saclel pañimil. Che' tsi' y_Λal Pablo.

24 Che' woli to ti t'an Pablo, c'am tsi' cha'le t'an Festo. Tsi' y_Λal: Pablo, sojquem a jol. Wolix i sojquel a jol cha'an ti' q'uelol cabal jun, che'en.

25 Pablo tsi' y_Λal: Mach sojquemic c jol, weñet b_Λ Festo. Mic cha'len t'an ti isujm yic'ot ti toj.

26 Come jini rey yujil pejtelel jini. Ma'anic mic b_Λc'ñan c sub c b_Λ ti' tojlel ja'el. Come mi c_Λl yujil pejtelel chuqui tsa' ujtí, come mach muculic tsa' ujtí.

27 Rey Agripa, ¿mu' ba a ñopben i t'an x'alt'añoob? Cujil ma' ñop, che'en Pablo.

28 Agripa tsi' sube Pablo: Colel ma' w_Λq'ueñoob c ñop Cristo, che'en.

29 Pablo tsi' y_Λal: Uts'at mi ti junyajlel ma' ñop che' bajche'on. Mach cojic jach jatet, pero pejtelel mu' b_Λ i yubiñoob c t'an wale. Uts'at mi lajaletla quic'ot pero mach ti cadenajic, che'en Pablo.

30 Che' b_Λ tsa' ujtí ti t'an Pablo, tsa' ch'ojoyi jini rey yic'ot jini gobernador yic'ot Berenice yic'ot yaño' b_Λ ya' b_Λ buchulob.

31 Che' b_Λ tsi' tats'ayob i b_Λ, tsi' pejcayob i b_Λ. Tsi' y_Λayob: Ma'anic chuqui tsi' cha'le jini winic cha'an mi' ch_Λmel mi cha'an mi' ñujp'el, che'ob.

32 Agripa tsi' sube Festo: Machic tsi' c'ajti i mel i b_Λ ba'an César, tsa' mejli ti coel jini winic, che'en.

27

Tsi' p_Λyayob majlel Pablo ti Roma

1 Che' b_Λ tsi' ña'tayob wersa mic majlel lojon ti barco ti Italia, jini año' b_Λ i ye'tel tsi' y_Λc'ayob Pablo yic'ot yaño' b_Λ xñujp'elob ti

c'ab i yaj capitán soldadojob i c'aba' Julio, i winic Augusto.

2 Tsa' ochiyon lojon ti barco ch'oyol b_Λ ti Adramitio woli b_Λ i majlel ti tejclum tac am b_Λ ti' ti' ñajb ya' ti Asia. Tsa' ochiyon lojon quic'ot Aristarco jini ch'oyol b_Λ ti Tesalónica ya' ti Macedonia. Tsa' majliyon lojon.

3 Ti yijc'ala tsa' c'otiyon lojon ti Sidón. Uts'at chuqui tsi' melbe Pablo jini Julio. Tsi' y_Λc'ala i t'an cha'an mi' majlel ti jula' ba'an i cañayo' b_Λ, cha'an mi' poj jijlel yic'otob.

4 Che' b_Λ tsa' loq'uiyon lojon ya'i, tsa' majliyon lojon lac'ala ti Chipre ba' ma'anic cabal ic', come jini ic' yom i cha' chocon lojon sujtél.

5 Che' b_Λ tsa' ñumiyon lojon ti colem ñajb ba'an Cilicia yic'ot Panfilia, tsa' c'otiyon ti Mira, jini tejclum ti Licia.

6 Ya'i i yaj capitán soldadojob tsi' taja jump'ejl barco ch'oyol b_Λ ti Alejandría woli b_Λ i majlel ti Italia. Tsi' yotsayon lojon.

7 Cabal q'uin c'unte' jach tsac xañal lojon majlel. Wocol tsa' c'otiyon lojon ya' ti Gnido. Jini ic' yom i cha' chocon lojon sujtél. Jini cha'an tsa' majliyon lojon ya' ti Creta lac'ala ti Salmón ba' ma'anic cabal ic'.

8 Wocol jach tsaj c'unte' xañal lojon majlel ya' ti' t'ejl Creta. Tsa' c'otiyon lojon ti tejclum i c'aba' Wen B_Λ i Jijlib Barco lac'ala ti jini tejclum i c'aba' Lasea.

9 Tsa' sajti cabal q'uin. B_Λb_Λq'uen mi lac ch'an cha'len xambal ti barco, come ñumenix i q'uiñilel ch'ajb. Jini cha'an Pablo tsi' tiq'uiyob.

10 Tsi' subeyob: Winicob, mic ña'tan che' mi lac majlel ti barco mi caj lac taj cabal wocol. Cabal mi caj i jilel lac chub'an, mach cojic jach jini barco yic'ot i cuch pero joñoonla ja'el, che'en.

11 Jini i yaj capitán soldadojob ma'anic tsi' jac'be i t'an Pablo. Tsi' jac'be i t'an jini xtoj'esa barco yic'ot i yum jini barco.

12 Mach abi wenic i jijlib barco ya' ba' añoob. Wocol abi mi' ñusañoob i yorajlel tsañal ya'i. Jini cha'an ñumen cabalob jini yomob' b_Λ loq'uel ya' ba' jijlemob. Yomob c'otel c'ala ti Fenice ba' uts'at i jijlib barco cha'an ya'i mi' ñusañoob i yorajlel tsañal mi tsa' mejliyob. Jini Fenice jump'ejl tejclum ya' ti

Creta am b_Λ ti' tojel nordeste yic'ot ti' tojel sudeste.

Tsa' tejchi p'at_Λl b_Λ ic' ya' ti ñajb

13 Che' b_Λ tsa' tejchi c'unte' b_Λ ic' ch'oyol b_Λ ti sur, tsi' lon ña'tayob uts'at mi' majlelob. Tsi' lets_Δbeyob i pislel barco. Tsa' cajiyob ti x_Λmbal majlel l_Δc'Al ti' ti' ñajb ya' ti Creta.

14 Mach jalic tsa' tejchi wen p'at_Λl b_Λ ñuqui ic' i c'aba' Euroclidón.

15 Tsi' jats'_Λ jini barco. Ma'anic tsa' mejli ti x_Λmbal jini barco cha'an ic'. Tsaj c_Λy_Λ lojon c toj'esan majlel barco. Tsi' wersa chocoyon lojon majlel jini ic'.

16 Che' b_Λ tsa' c'otiyon lojon ba' ma'anic cab_Λ ic' l_Δc'Al ti' t'ejl ch'o'ch'oc b_Λ lum joyol b_Λ ti ja' i c'aba' Claudia, wocol tsa' mejli j c_Λch lojon jini ch'o'ch'oc b_Λ barco.

17 Tsa' ujti i ch'uyob jini ch'o'ch'oc b_Λ barco, tsi' b_Δn c_Λch_Δyob jini colem barco. Tsi' b_Δc'ñayob i cujob i b_Λ ti bulul b_Λ lum i c'aba' Sirte am b_Λ ti' mal ñajb. Tsi' ju's_Δbeyob i pislel barco. Tsa' wersa chojquiyob sujt_Λl cha'an ic'.

18 C'ax cab_Λ tsi' jats'_Λ barco jini ñuqui ic'. Ti yijc'_Λl_Λl tsa' caji i sejb'esañob barco.

19 Ti' yuxp'ejlel q'uin tsac bajñel choco lojon loq'uel i b_Λl jini barco.

20 Cab_Λl q'uin ma'anic tsiquil mi q'uin mi ec'. C'ax p'at_Λl to jini ic'. Tsac ña'ta lojon ma'anic mi caj c ch_Δn coled lojon.

21 Cab_Λl q'uin ma'anic tsaj c'uxu lojon waj. Jini cha'an Pablo tsa' wa'le ti yojlil ba' añob. Tsi' y_ΛΛ: Winicob, uts'at tsa'ic la' jac'beyon c t'an. Uts'at machic tsa' loq'uiyetla ti Creta. Che' jini ma'anic tsa' sajti la' chub_Δ'an. Ma'anic tsa' la' wubi wocol.

22 W_Δle mic wen subeñetla, tijicñesan la' pusic'al come ma'anic majch mi caj i ch_Δmel mi juntiquileticla. Cojach mi caj i jilel jini barco.

23 Come sajmal ti ac'alel tsa' wa'le i yángel Dios ba' añon. I cha'añon jini Dios. Mic cha'liben i ye'tel.

24 Tsi' y_ΛΛ: "Mach ma' cha'len b_Δq'uen Pablo. Wersa mi caj a wa't_Λl ti' tojlel César. Awilan, Dios tsa'ix i y_Δq'ueyet pejt_Λlel woliyo' b_Λ ti x_Λmbal a wic'ot che' bajche' tsa' c'ajtib_Λ", che'en.

25 Jini cha'an, winicob, tijicñesan la' pusic'al come mic ñop mi caj i yujtel che' bajche' tsi' subeyon Dios.

26 Wersa mi caj lac chojq_Λl majlel ti jump'ejl lum joyol b_Λ ti ja'. Che' tsi' y_ΛΛ Pablo.

27 Che' ti' ch_Δnlujump'ejlel (14) ac'alel che' b_Λ tsa' ñijc_Δntiyon lojon majlel ti colem ñajb i c'aba' Adriático, ti ojilil ac'alel tsi' ña'tayob jini x'e'telob ti barco l_Δc'Al_Δix añon lojon ti' ti' ñajb.

28 Tsi' p'isiyob i tamlel ja'. An junc'al ti jajl. Ti yamb_Λ jumuc' tsi' cha' p'isiyob. An jax jo'lujunjajl.

29 Tsi' cha'leyob b_Δq'uen ame mi' cuj i b_Λ barco ti xajlel tac am b_Λ ti' mal ja'. Tsi' chocoyob ti ja' ch_Δmp'ejl i c_Λlib barco ti' yebal barco. Wocol tsi' ñusayob ac'alel.

30 Jini x'e'telob ti barco tsi' ñopoyob puts'el majlel yic'ot ch'o'ch'oc b_Λ barco. Tsi' ju'sayob ti colem ñajb. Tsi' meleyob che' bajche' mi yomob i choc jubel i c_Λlib barco ya' ti' ñi'.

31 Pablo tsi' sube i yaj capitán soldadojob yic'ot pejt_Λlel soldadojob: Mi ma'anic mi' yajñelob ti' mal barco jini x'e'telob, ma'anic mi mejlel la' coled jatetla, che'en.

32 Jini cha'an jini soldadojob tsi' tsepbe-yob i lazojlel jini ch'o'ch'oc b_Λ barco cha'an mi' y_Δc' ti sajtel.

33 Che' b_Λ wolix i s_Δc'an, Pablo tsi' sube-yob cha'an mi' c'uxob i b_Λl i ñ_Δc' ti pejt_Λlelob. Tsi' y_ΛΛ: I lajch_Δmp'ejlelix q'uin woli la' ñusan wocol. Woliyetla ti ch'ajb. Ma'anic chuqui tsa' la' c'uxu.

34 Jini cha'an mic subeñetla ti wocol t'an yom mi la' cha'len we'el cha'an mi la' p'at'an. Ma'anic mi caj i sajtel mi junt'ujmic i tsutsel la' jol mi ti juntiquileticla, che'en Pablo.

35 Che' b_Λ tsa' ujti i sub jini t'an, tsi' ch'_Δma_Λ waj. Tsi' sube Dios wocolix i y_ΛΛ ti' tojlel pejt_Λlel winicob. Tsi' xet'e. Tsa' caji i c'ux.

36 Tsa' ñuc'ayob i pusic'al ti pejt_Λlelob. Tsa' cajiyob ti we'el ja'el.

37 Añon lojon lujunc'al yic'ot w_Δclujuntiquil i ch_Δnc'al (276) ti' mal barco.

38 Che' ñajobix tsi' sejb'esayob jini barco. Tsi' chocoyob ochel c'uxbil b_Λ i wut jam ti colem ñajb.

Tsa' jejmi barco

³⁹ Che' b_Λ tsa' s_{AC}'a ma'anic tsi' c_Λñ_Λyob jini lum. Tsi' q'ueleyob junx_Λjc' ñajb ba' tsa' ochi ti lum. Ya' yomob i ñijcan majlel barco ti' ti' i x_Λc' ñajb, mi tsa' mejliyob.

⁴⁰ Jini cha'an tsi' tsepbeyob i lazojlel i c_Λlib tac barco. Ya' tsi' c_Λy_Λyob ti colem ñajb. Tsi' jitiyob lazo tsa' b_Λ i chucu i toj'es_Λjib barco. Tsi' letsayob i pislel i ñi' barco cha'an mi' chuc ic'. Tsi' ñopoyob majlel ti' ti' ñajb.

⁴¹ Tsa' tiliyob ba' t'oxbil jini ñajb cha'an bulul b_Λ lum. Ya' tsa' c_Λle ba' jay jini ja'. Tsa' ts'Λjpi i ñi' barco ti lum. Ma'anic tsa' mejli i ñijcañob. I yit jini barco tsa' caji ti xujlel cha'an cab_Λl tsi' jats'Λ ja'.

⁴² Jini soldadojob yomob i ts_Λnsan xñujp'elob cha'an ma'anic mi' puts'elob ti ñuxijel.

⁴³ I yaj capitán soldadojob tsi' tiq'uiyob come yom i coltan Pablo. Tsi' subeyob cha'an mi' chocob ochel i b_Λ che' bajche' jaytiquil yujilo' b_Λ ñuxijel cha'an mi' c'otelob ñaxan ti lum.

⁴⁴ Jini tsa' b_Λ c_Λleyob tsi' c'Λñ_Λyob tabla, ojilil tsi' c'Λñ_Λyob i xujt'il tac jini barco. Che' jini, uts'at tsa' c'otiyob ti lum ti pejtelelob.

28*Pablo ya' ti lum i c'aba' Malta joyol b_Λ ti ja'*

¹ Che' uts'at tsa' c'otiyon lojon ti' ti' ñajb, tsac ña'ta lojon Malta i c'aba' jini lum joyol b_Λ ti ja'.

² Jini chumulo' b_Λ ya'i tsi' wen p'untayon lojon. Tsi' xiq'uiyob c'ajc. Tsi' p_Λy_Λyon lojon ochel tic pejtelel lojon cha'an woli to ja'al. Ts_Λwan jax pañimil.

³ Pablo tsi' tempa junsejt si'. Che' b_Λ tsi' yotsa ti c'ajc, tsa' loq'ui tsunte'chan cha'an i ticw_Λlel c'ajc. Tsa' ts'uyle ti' c'Λb Pablo.

⁴ Jini chumulo' b_Λ ya'i che' b_Λ tsi' q'ueleyob ts'uyul lucum ti' c'Λb, tsi' subeyob i b_Λ: Isujm, sts_Λnsa jini winic. Anquese uts'at tsa' loq'ui ti ja', w_Λle mux caj i ch_Λmel cha'an i mul, che'ob.

⁵ Pablo tsi' pajq'ui ochel ti c'ajc jini tsunte'chan. Ma'anic chuqui tsi' tumbe.

⁶ Tsi' ña'tayob jini winicob mux i sijt'el o mux i b_Λc' wa'al ch_Λmel. Che' jal tsi'

pijtayob tsa' caji i q'uelob ma'anic chuqui tsi' tumbe. Tsi' q'uextayob i pusic'al. Tsa' caj i y_Λlob jiñ_Λch juntiquil dios.

⁷ An juntiquil i c'aba' Publio am b_Λ i ye'tel ti jini lum joyol b_Λ ti ja'. L_Λc'Λl jach an i lum. Tsi' p_Λy_Λyon lojon ochel ti' yotot. Uxp'ejl q'uin tsi' we'sayon lojon ti' yuts'atlel i pusic'al.

⁸ Ñolol i tat ti' w_Λyib, woli ti c'ajc yic'ot ta'. Tsa' majli Pablo i q'uel. Che' b_Λ tsi' pejca Dios, tsi' y_Λc'Λ i c'Λb ti' jol. Tsi' lajmesa.

⁹ Che' c_Λmbil chuqui tsa' ujtí, tsa' tiliyob ja'el yaño' b_Λ xc'am_Λjelob loq'uemo' b_Λ ti pejtelel jini lum joyol b_Λ ti ja'. Tsa' lajmes_Λntiyob.

¹⁰ Tsi' y_Λq'ueyoñob cab_Λl c majtan lojon. Che' b_Λ tsa' cha' majliyon lojon, tsi' yots_Λbeyon lojon ti barco chuqui tac yom c cha'an lojon.

Tsa' c'oti Pablo ti Roma

¹¹ Che' ñumenix uxp'ejl uw, tsa' majliyon lojon ti barco ch'oyol b_Λ ti Alejandria. Ya jach tsi' ñusa i yorajlel ts_Λñal ti jini lum joyol b_Λ ti ja'. An i yejtal jini Cástor yic'ot Pólux bombil ti' pat jini barco.

¹² Che' b_Λ tsa' c'otiyon lojon ti Siracusa, ya' tsa' jaleyon lojon uxp'ejl q'uin.

¹³ Che' b_Λ tsa' loq'uiyon lojon ya'i, tsac cha'le lojon joyocña b_Λ x_Λmbal c'Λ_Λl ti Regio. Ñumenix jump'ejl q'uin, tsa' tejchi ic' loq'uem b_Λ ti sur. Ti' cha'p'ejlel q'uin tsa' c'otiyon lojon ti Puteoli.

¹⁴ Ya'i tsac taja lojon hermanojob. Tsi' c'ajtibeyon lojon cha'an mij c_Λy_Λl lojon yic'otob wucp'ejl q'uin. Ti wi'il tsa' c'otiyon lojon ti Roma.

¹⁵ Che' b_Λ tsi' yubiyob ya' ti Roma c'otemonix lojon, jini hermanojob tsa' tiliyob i tajon lojon ya' ba'an choñoñibal tac ti Apio. Yaño' b_Λ tsi' tajayon lojon ya' ti Tres Tabernas. Tsa' ñuc'a i pusic'al Pablo che' b_Λ tsi' q'ueleyob. Tsi' sube Dios wocolix i y_ΛΛ.

¹⁶ Che' b_Λ tsa' c'otiyon lojon ti Roma tsa' aq'uenti permiso Pablo cha'an mi' chumt_Λl ti' bajñel otot yic'ot jini soldado tsa' b_Λ i c_Λnta.

Pablo tsi' subu i t'an Dios ya' ti Roma

¹⁷ Che' ñumenix uxp'ejl q'uin, Pablo tsi' p_Λy_Λ tilel jini ñuco' b_Λ judíojob. Che' b_Λ tsi'

tempayob i b_Λ, Pablo tsi' subeyob: Wini-cob c pi'Λlob, ma'anic chuqui tsac cha'le ti' contra lac pi'Λlob. Ma'anic tsaj contraji i t'an lac ñojte'el, pero tsa' ajq'uiyon ti' c'Λb romanojob tsa' b_Λ i ñup'uyoñob ya' ti Jerusalén.

¹⁸ Che' b_Λ tsi' meleyoñob yomob i y_Λc'on ti colel, come ma'anic c mul cha'an mic ch_Λmel.

¹⁹ Jini judíojob tsi' wersa subeyob cha'an ma'anic mi' y_Λc'on ti colel. Jini cha'an tsac wersa c'ajti c mel c b_Λ ba'an César anquese ma'anic chuqui mic sub ti' contra c pi'Λlob tic lumal.

²⁰ Jini cha'an tsac p_Λy_Λyetla tilel cha'an mij q'ueletla, cha'an mic pejcanetla, come c_Λch_Λlon ti cadena cha'an wolic ñop jini mu' b_Λ i ñopob winicob x'ixicob ti Israel, che'en Pablo.

²¹ Jini judíojob tsi' subeyob: Jini año' b_Λ ti Judea ma'anic tsi' chocbeyoñob tilel jun cha'an mi' subob a mul. Ma'anic tsi' sub-uyob a mul mi juntiquilic lac pi'Λlob tsa' b_Λ juliob. Ma'anic chuqui tsi' y_ΛΛyob ti a contra.

²² Com cubin lojon chuqui wola' ñop, come kujil lojon ti pejtelel lum woli' contrajintelob jini mu' b_Λ i ñopob che' bajche' jatet. Che' tsi' y_ΛΛyob judíojob.

²³ Jini judíojob tsi' w_Λn ña'tayob baqui ora mi' caj i cha' tilelob. Cab_Λl tsa' c'otiyob ya' ba' chumul. Pablo tsi' wen subeyob jini wen t'an cha'an i yum_Λntel Dios. C'Λ_Λl ti s_Λc'ajel c'Λ_Λl ti ic'ajel tsi' wen tsictes_Λbeyob i sujmllel Jesús che' bajche' ts'ijbubil ti mandar Moisés yic'ot ti' jun jini x'alt'añob.

²⁴ Ojlil tsi' ñopoyob chuqui tsi' subeyob. Ojlil ma'anic tsi' ñopoyob.

²⁵ Tsi' t'oxoyob i b_Λ ti t'an. Che' b_Λ tsa' majliyob, Pablo tsi' subeyob: Isujm chuqui tsi' y_ΛΛ jini Ch'ujul b_Λ Espíritu che' b_Λ tsi' c'ambe i yej jini x'alt'an Isaías che' b_Λ tsi' pejca lac ñojte'el.

²⁶ Tsi' y_ΛΛ: “Cucu ba'an jini winicob x'ixicob. Subeñob: Mi caj la' wubin t'an, ma'anic mi caj la' ch'Λmben isujm. Mi caj la' q'uel, pero ma'anic mi caj i c'otel la' wut.

²⁷ Come tsa' ochi ti tonto i pusic'al jini winicob x'ixicob. Mach yomobic i yubiñob. Tsi' muts'uyob i wut, ame i q'uelob ti' wut, ame i yubiñob ti' chiquin, ame i

ch'Λmbeñob isujm ti' pusic'al, ame i cha' sutq'uiñob i b_Λ cha'an mic lajmesañob”, che'en.

²⁸ Ña'tanla, che' jini, wolix i sujbel ba'an gentilob laj colt_Λntel ch'oyol b_Λ ti Dios. Jini gentilob mi caj i ñich'tañob, che'en Pablo.

²⁹ Che' b_Λ tsa' ujtí ti t'an, tsa' majliyob judíojob. Tsi' contrajiyob i b_Λ ti cab_Λl t'an.

³⁰ Cha'p'ejl jab tsa' ajni Pablo ti' yotot tsa' b_Λ i majña. Tsi' p_Λy_Λ ochel pejtelel tsa' b_Λ tiliyob.

³¹ Tsi' subu i sujmllel cha'an i yum_Λntel Dios. Ti ch'ejlel i pusic'al tsi' c_Λntesayob i sujmllel lac Yum Jesucristo. Ma'anic majch tsi' tiq'ui.

ROMANOS

Jun cha'an jini año' bΛ ti Roma

¹ Pablojon i winicon Cristo Jesús. PΛybilon cha'an mic majlel ti subt'an. Dios tsi' yΛq'ueyon que'tel ti' t'an.

² Jiñach jini wen t'an tsa' bΛ i wΛn subu Dios ti ch'ujul bΛ i Ts'ijbujel, ts'ijbubil bΛ i cha'an x'alt'añob.

³ Jiñach jini wen t'an mu' bΛ i tsictesan i Yalobil Dios tsa' bΛ i yila pañimil tilem bΛ ti' p'olbal David.

⁴ Tsa' wen tsictiyi i Yalobilach Dios ti' p'ΛtΛlel yic'ot ti' yEspíritu Dios che' bΛ tsa' tejchi loq'uel ba'an chΛmeño' bΛ lac Yum Jesucristo.

⁵ Tsi' yΛq'ueyon lojon i yutslel i pusic'al che' bΛ tsi' pΛyayon lojon ti apóstol ti' tojlel winicob x'ixicob ti pejtelel pañimil cha'an mi' ñopob Jesucristo, cha'an mi' jac'beñob i t'an.

⁶ Jatetla ja'el pΛybiletla i cha'an Jesucristo lajal bajche' año' bΛ. I cha'añetla.

⁷ Wolic ts'ijbubeñetla jini jun pejteletla añet bΛ la ti Roma. C'uxbiletla i cha'an Dios tsa' bΛ i pΛyayetla cha'an mi' la' wochel ti ch'ujul. La' i yΛq'ueñetla Dios yic'ot lac Yum Jesucristo i yutslel yic'ot i ñach'tilel i pusic'al.

Pablo yom majlel ti Roma

⁸ Ñaxan mic suben Dios wocolix i yΛΛ ti Jesucristo cha'an pejteletla, come woli ti ajlel ti pejtelel pañimil bajche' tsa' la' ñopo Cristo.

⁹ Yujil Dios wolic chΛn ña'tañetla ti pejtelel ora che' mic pejcan. Mic melben i ye'tel Dios ti pejtelel c pusic'al ti jini wen t'an mu' bΛ i tsictesan i Yalobil Dios.

¹⁰ Anix ora woli c'ajtiben Dios j coltΛntel cha'an mic majlel ba' añetla mi' che' yom Dios.

¹¹ Com j q'ueletla cha'an mi' cΛq'ueñetla la' cΛn la' majtan ch'oyol bΛ ti Espiritu, cha'an mi' la' xuc'chocontel.

¹² Com j q'ueletla cha'an mi' lac tem ñuq'uesΛben lac bΛ lac pusic'al, come ti jump'ejl lac pusic'al woli lac ñop.

¹³ Come yom mi' la' ña'tan, hermanojob, anix ora wolic ña'tan tilel ba' añetla. C'ΛΛΛ

wΛle an chuqui tsi' mΛctayon. Com tilel cha'an mi' p'ojlel xñopt'añob ti la' tojlel che' bajche' ti' tojlel año' bΛ gentilob.

¹⁴ Come an tic wenta jini wen t'an cha'an mic subeñob griegojob yic'ot mach bΛ griegojobic, jini cΛntesΛbilo' bΛ yic'ot jini mach bΛ cΛntesΛbilobic.

¹⁵ Jini cha'an ti pejtelel c pusic'al comix c subeñetla jini wen t'an añet bΛ la ti Roma.

¹⁶ Ma'anic mic cha'len quisin cha'an jini wen t'an, come jiñach i p'ΛtΛlel Dios cha'an mi' coltan pejtelel mu' bΛ i ñopob, ñaxan jini israelob, wi'il jini griegojob.

¹⁷ Ti jini wen t'an mi' tsictiyel toj bΛ i pusic'al Dios mu' bΛ i yΛq'ueñonla che' mi' lac ñop, cha'an chΛn xuc'ul mi' lac ñop che' bajche' ts'ijbubil: "Jini mu' bΛ i q'uejlel ti toj cha'an tsi' ñopo Dios chΛn cuxul mi' caj i yajñel come xuc'ul Dios".

Woli' tsictiyel i mich'ajel Dios ti' contra winicob

¹⁸ Come woli' tsictiyel i mich'ajel Dios ya' ti panchan. Woli' jubel ti' contra pejtelel i jontolil yic'ot i mul winicob x'ixicob, mu' bΛ i mΛctañoob i sujmllel yic'ot i jontolil.

¹⁹ Come mi' mejlel i cΛñob chuqui tac pasbebilob ti Dios ila ti pañimil, come Dios tsi' tsictesΛbeyob.

²⁰ C'ΛΛΛ ti' tejchibal pañimil tsiquil añach Dios, come tsiquil i melbal. Anquese ma'anic mi' laj q'uel ti lac wut, tsiquil i p'ΛtΛlel yic'ot i ña'tibal mach bΛ anic mi' jilel. Jini cha'an bajobach i bΛ che' ma'anic mi' ñopob.

²¹ Anquese tsi' cΛñayob Dios, ma'anic tsi' ch'ujutesayob. Ma'anic tsi' subeyob wocolix i yΛΛ. Tsa' lon tejchi i bajñel ña'tΛbal. Utsilix tsa' p'ojli tonto bΛ i pusic'al.

²² Che' bΛ tsi' lon ña'tayob cabΛlach i pusic'al tsa' ochiyob ti tonto.

²³ Tsi' cΛyayob jini ñuc bΛ Dios mach bΛ yujilic jilel. Tsi' diosiyob i yejtal winic mu' bΛ i jilel, yic'ot i yejtal te'lemut, yic'ot i yejtal jini cotal bΛ, yic'ot i yejtal jini jΛΛcña bΛ.

²⁴ Jini cha'an Dios tsi' cΛyayob ti' ts'i'lel, come wo'atax i pusic'alob ti mulil. Quisintic jax bajche' tsi' c'Λñayob i bac'tal.

²⁵ Tsi' cΛyayob i sujmllel Dios cha'an mi' ñopob lot. Tsi' ch'ujutesayob jini melbil tac bΛ. Tsi' melbeyob i q'uiñilel. Ma'anic tsi'

ch'ujutesayob Dios tsa' b_Λ i mele pejtelel chuqui tac an, jini yom b_Λ mi lac sub ti ñuc ti pejtelel ora. Amén.

²⁶ Jini cha'an Dios tsi' c_Λy_Λyob come woli' melob quisintic jax b_Λ i colosojlel i pusic'al. Come jini x'ixicob i cha'año' b_Λ tsi' c_Λy_Λyob i c'ajñibal winicob. Tsi' laj b_Λ pi'leyob i b_Λ.

²⁷ Che' ja'el winicob tsi' c_Λy_Λyob i c'ajñibal x'ixicob. Tsi' w_Λlac pi'leyob i b_Λ. Wo'ob jax ti' ts'i'lel. Quisintic jax bajche' tsi' meleyob laj b_Λ winicob. Tsa' aq'uentiyob i tojol i mul che' bajche' an i jontolil.

²⁸ Mach yomobic i wis ña'tan Dios. Jini cha'an Dios tsi' c_Λy_Λyob cha'an mi' ña'tañob chuqui tac bibi' yic'ot cha'an mi' cha'leñob chuqui tac mach wenic.

²⁹ But'ulob ti jujunchajp jontolil, yic'ot i ts'i'lel, yic'ot i mul_Λntel chub_Λ'añal, yic'ot ts'a'leya. But'ulob i pusic'al ti' ts_Λyts_Λyñ_Λyel cha'an i wenlel i pi'lob, yic'ot ts_Λansa, yic'ot leto, yic'ot lotiya, yic'ot a'leya, yic'ot u'yaj t'an.

³⁰ Mi' cha'leñob wulwul t'an yic'ot jop't'an. Mi' ts'a'leñob Dios. Mi' p'ajob i pi'lob. C'ax ñuc mi' p'isob i b_Λ. Mi' ña'tañob i melob jontolil. Mi' ñus_Λbeñob i t'an i tat i ña'.

³¹ Tontojob, mach xuc'ulobic i pusic'al. Mach yujilobic c'uxbiya, mi p'untaya, mi ts'ita'ic.

³² Anquese ña't_Λabil i cha'año' tsa'ix i y_Λc'Λ mandar Dios cha'an mi' ch_Λmel jini mu' b_Λ i mel bajche' jini, mi' ch_Λn melob. Mi' c'uxbiño' ja'el jini mu' b_Λ i melob jontolil lajal bajche'ob.

2

Dios mi' cha'len meloñel ti toj

¹ Jini cha'an mi wola' q'uel ti xmulil a pi'lob, an a mul come mach a wentajic cha'an ma' melob. Come majqui jach mi' sub i mul i pi'lob woli' bajñel tsictesan i mul, come lajal_Λch i mul yic'ot.

² La kujil Dios mi' cha'len meloñel ti toj ti' contra jini mu' b_Λ i cha'leñob mulil.

³ Jatet mu' b_Λ a sub i mul a pi'lob che' lajal wola' cha'len mulil, ¿mu' ba a lon ña'tan mi caj a loq'uel ti uts'at che' mi' melet Dios?

⁴ ¿Mu' ba a lon ñus_Λben on b_Λ i yutslel i pusic'al Dios? ¿Mu' ba a lon ñusan che' jal

woli' cuchbeñet a mul ti' yutslel i pusic'al? ¿Mach ba a wujilic, Dios mi' p_Λsbeñet i yutslel i pusic'al cha'an ma' c_Λy a mul?

⁵ Ts_Λtsatax a pusic'al. Ma'anic ma' c_Λy a mul. Che' jini wola' w_Λc' ti temp_Λyel i mich'ajel Dios cha'an i q'uiñilel mich'ajel che' mi' caj ti tsictiyel bajche' mi' cha'len meloñel Dios ti toj.

⁶ Dios mi caj i y_Λq'ueñob i chobejt_Λbal che' bajche' an i melbal ti jujuntiquil.

⁷ Jini mu' b_Λ i ch_Λn cha'leñob chuqui uts'at cha'an yomob i ñucllel yic'ot i c'uxbintel yic'ot i cuxt_Λlel mach b_Λ anic mi' jilel, mi caj i y_Λq'uentelob i cuxt_Λlel mach b_Λ anic mi' jilel.

⁸ Pero jini mu' b_Λ i melob che' bajche' yom i bajñel pusic'al mach b_Λ anic mi' ñopob chuqui isujm, jini mu' b_Λ i cha'leñob jontolil, mi caj i tajbeñob i mich'ajel Dios. Dios mi caj i y_Λ'leñob.

⁹ Mi caj i tajib cab_Λl wocol yic'ot tsic pusic'al pejtet mu' b_Λ i cha'leñob jontolil, ñaxan jini israelob, ti wi'il jini griegojob.

¹⁰ Mi caj i taj i ñucllel yic'ot i c'uxbintel yic'ot i ñach'tilel i pusic'al jini mu' b_Λ i cha'len chuqui uts'at, ñaxan jini israelob, ti wi'il jini griegojob.

¹¹ Come Dios mach jelchojq_Λic jach mi' c'uxbin winicob x'ixicob.

¹² Jini mach b_Λ anic tsi' yubiyob mandar mi caj i jilelob cha'an i mul. Ma'anic mi caj i c'Λn mandar Dios cha'an mi' melob. Pero jini tsa' b_Λ i yubiyob mandar, tsa' b_Λ i ñusayob, Dios mi caj i c'Λn jini mandar cha'an mi' melob.

¹³ Come mach tojobic ti' wut Dios jini mu' b_Λ i lon ubiño' mandar, cojach jini mu' b_Λ i jac'ob jini mandar mi' ch'ajmelob ti' wenta.

¹⁴ Come jini gentilob mach b_Λ anic i cha'año' jini ts'ijbubil b_Λ mandar, an i cha'año' i mandar Dios ti' pusic'al che' mi' bajñel melob che' bajche' ts'ijbubil, anquese mach i c_Λñ_Λyobic jini ts'ijbubil b_Λ.

¹⁵ Mi' tsictesaño' jini mandar ts'ijbubil b_Λ ti' pusic'alob. Mi' bajñel ña'tañob ti' pusic'al mi toj woli' melob o mi mach tojic.

¹⁶ Ti' q'uiñilel meloñel, Dios mi caj i c'Λn Jesucristo cha'an mi' mel winicob x'ixicob cha'an jini mucul tac b_Λ tsa' b_Λ i meleyob che' bajche' mi' y_Λl jini wen t'an mu' b_Λ c sub.

Israelob mu' bΛ i ñopob jini ts'ijbubil bΛ mandar

¹⁷ Jatet israellet bΛ ma' ñop jini ts'ijbubil bΛ mandar. Ñuc ma' lon q'uel a bΛ cha'an wola' ñop Dios.

¹⁸ Cambil a cha'an chuqui yom Dios. Ma' ña'tan chuqui wen uts'at, come cΛntesΛbilet ti jini mandar.

¹⁹ Ma' lon ña'tan xtoj'esayajet cha'an xpots'ob. Ma' lon ña'tan i sΛclelet pañimil cha'an jini año' bΛ ti ac'Λlel.

²⁰ Ma' lon ña'tan maestrojet cha'an jini tontojob, xcΛntesajet cha'an alobob. Ma' lon ña'tan cabΛΛch a ña'tΛbal ti jini mandar yic'ot i sujmllel.

²¹ Jatet ma' cΛntesan a pi'Λlob. ¿Chucoch ma'anic ma' bajñel cΛntesan a bΛ? Ma' sub mach wenic xujch'. ¿Mu' ba a cha'len xujch'?

²² Ma' wΛl mach wenic ts'i'lel. ¿Mu' ba a cha'len ts'i'lel? Ma' ts'a'len dios tac. ¿Mu' ba a xujch'iben i chubΛ'an jini templo tac?

²³ Ñuc ma' lon sub a bΛ cha'an jini mandar. ¿Mach ba wolic a ts'a'len Dios che' ma' ñusΛben i mandar?

²⁴ Come jini gentilob mi' p'ajbeñob i c'aba' Dios cha'an ti la' melbal che' bajche' ts'ijbubil.

²⁵ Come an i c'Λjñibal tsep pΛchΛlel mi wola' jac' jini mandar, pero mi wola' ñusan mandar, lolom jach tsepbil a pΛchΛlel.

²⁶ Jini mach bΛ tsepbilic i pΛchΛlel mi tsi' mele chuqui tac toj mu' bΛ i yΛl jini mandar, ¿mach ba tsepbilic i pΛchΛlel yilal ti' tojlel Dios?

²⁷ Mi ts'ΛcΛl tsi' jac'Λ jini mandar jini mach bΛ tsepbilic i pΛchΛlel, ¿mach ba muq'uic i tsictesan a mul? come wola' ñusan mandar che' an a cha'an jini ts'ijbubil bΛ mandar yic'ot tsep pΛchΛlel.

²⁸ Come mach mero israelobic pejtet i p'olbal Israel. Jini mero tsep pΛchΛlel ja'el mach jinic am bΛ ti lac bΛc'tal.

²⁹ Mero israelonla che' tojonla ti' wut Dios. Mero tsep pΛchΛlel jini am bΛ ti lac pusic'al, mach ti lac bΛc'talic, i melbalΛch jini Espiritu. Jini mero israel mi' taj i ñuclel ti Dios, mach ti winicobic.

3

Xuc'ul Dios

¹ ¿Am ba chuqui ñumen uts'at i cha'añob israelob bajche' gentilob? ¿Chuqui mi' taj jini tsepbilo' bΛ i pΛchΛlel?

² CabΛl, come jiñobΛch tsa' bΛ aq'uentiyob i t'an Dios ti ñaxan.

³ Isujm, ma'anic tsi' ñopoyob lamital, pero ¿tsa' ba jili i xuc'tilel i pusic'al Dios cha'an ma'anic tsi' ñopoyob?

⁴ Ma'anic. Anquese xlotob pejtelel winicob, mach yujilic lot Dios. Che' bajche' ts'ijbubil ti Salmos: “TojΛch chuqui mi' yΛl Dios ti pejtelel ora. Ma'anic majqui mi mejlel i yΛl mach tojic Dios”, che'en.

⁵ Lac jontolil ja'el mi' tsictesan toj bΛ i pusic'al Dios. ¿Chuqui mi la cΛl, che' jini? ¿Yom ba mi la cΛl mach tojic Dios che' mi' yΛc'onla ti tojmulil? Che'Λch mi' lon alob winicob.

⁶ Mach che'ic yom. Mi mach tojic Dios, ¿bajche' mi mejlel i mel pejtelel winicob x'ixicob año' bΛ ti pañimil?

⁷ Mi' yΛlob: Mi woli lac tsictesan i sujmllel Dios yic'ot lac lot, mi woli la cΛc' ti cΛjñel i ñuclel Dios, ¿chucoch mi' q'uelonla ti xmulil che' jini? lon che'ob.

⁸ ¿Yom ba mi la cΛl: La' lac cha'len jontolil cha'an mi' p'ojlel chuqui tac uts'at? Mach yomic. Woliyob ti lot mu' bΛ i yΛlob che'Λch wolic sub lojon. Mi caj i yΛjq'uelob ti tojmulil che' bajche' yom.

Ma'anic majqui toj

⁹ Jixcu jini judíojob, ¿mu' ba i lon ña'tañob tojob? ¿Mach ba lajalobic bajche' jini gentilob? Lajalob cu, come tsa'ix c subu lojon an i mul israelob yic'ot gentilob, come ti pejtelonla chuculonla ti' p'Λtal mulil.

¹⁰ Che' bajche' ts'ijbubil: “Ma'anic majqui toj, mi juntiquilic.

¹¹ Ma'anic majqui mi' ch'Λmben isujm. Ma'anic majqui yom i ñop Dios.

¹² Ti pejtelonla tsa' sajtiyonla ti bij. Ma'anic laj c'Λjñibal. Ma'anic majqui mi' cha'len chuqui wen, mi juntiquilic.

¹³ Lajal i yej winicob bajche' i ti' mucoñibal. Mi' cha'leñob lot. An i venenojlel lucum ti' mal i yej.

¹⁴ Mi' cha'leñob p'ajoñel yic'ot wajleya.

¹⁵ Ajñel mi' majlelob i tsΛnsañob i pi'Λlob.

¹⁶ Baqui jach mi' majlelob mi' techob wocol yic'ot jisaya.

17 Mach i c'ñayobic jini bij ba' ñach'al lac pusic'al.

18 Ma'anic mi' wis bac'ñañob Dios". Che'ach ts'ijbubil.

19 La kujil an ti' wenta jini mu' b_Λ i yubiñob mandar cha'an mi' jac'ob ti pejtelel. Aq'uebilob cha'an mi' ñajch'elob yic'ot pejtél winicob x'ixicob ti pañimil che' mi' melob i b_Λ ti' tojlel Dios.

20 Jini cha'an mach cha'anic i jac'ol mandar mi' ñusabeñonla lac mul Dios che' mi' yotsañonla ti' wenta. Come jini mandar mi' y_Λq'ueñonla lac ña'tan lac mul.

Dios mi' y_Λq'uen toj b_Λ i pusic'al jini mu' b_Λ i ñop

21 W_Λle tsa'ix tsictiyi toj b_Λ i pusic'al Dios mu' b_Λ i y_Λq'uen winicob x'ixicob mach b_Λ anic tsi' jac'ayob jini mandar. I juñilel mandar yic'ot i juñilel x'alt'añob tsi' y_Λc'Λ ti c'ajñel toj b_Λ i pusic'al Dios.

22 Jiñach toj b_Λ i pusic'al mu' b_Λ i y_Λq'uentelob pejtél mu' b_Λ i ñopob Jesucristo, come Dios mach jelchojq'uc mi' q'uelob.

23 Come ti pejtelelob tsa'ix i cha'leyob mulil. Mach i tajayobix i ñuclél Dios.

24 Dios mi' yotsañob ti' wenta cha'an jach i yutslel i pusic'al. Mi' ñusabeñob i mul ti' majtan jach, come Cristo Jesús tsi' mañayob cha'an mi' y_Λc'ob ti coel.

25 Come Dios tsi' wa'choco Cristo cha'an mi' tojbeñob i mul yic'ot i ch'ich'el, cha'an mi' lajmel i mich'ajel ti' tojlel pejtél mu' b_Λ i ñopob. Che' jini tsiquil tojach Dios tsa' b_Λ i to'ol q'uelbeyob i mul winicob x'ixicob ti yamb_Λ ora che' woli to i cuchbeñob i mul.

26 La kujil tojach mi' mel xmulilob. Tojach Dios mu' b_Λ i yotsañob ti' wenta che' mi' ñusabeñob i mul pejtél mu' b_Λ i ñopob Jesús.

27 ¿Mu' ba lac ch_Λn sub lac b_Λ ti ñuc? Ma'anic. ¿Chucoch? ¿Mach ba anic lac ñuclél cha'an ti' jac'ol jini mandar? Ma'anic. Come mach cha'anic i jac'ol mandar mi' ñusabeñonla lac mul Dios che' mi' yotsañonla ti' wenta, pero cha'an jach tsa' lac ñopo Jesús.

28 Tsiquil che' jini, Dios mi' ñusan lac mul. Mi' yotsañonla ti' wenta cha'an tsa' lac ñopo Jesús, mach cha'anic i jac'ol mandar.

29 Lac Dios ¿i cha'an jach ba israelob? ¿Mach ba i cha'anic gentilob ja'el? I cha'an cu ja'el.

30 Come juntiquil jach Dios. Mi caj i yotsan ti' wenta pejtél mu' b_Λ i ñopob, jini tsepbil b_Λ i p_Λch_Λlel yic'ot ja'el jini mach b_Λ tsepbilic i p_Λch_Λlel.

31 ¿Mu' ba lac jisan i c'ajñibal mandar che' mi lac ñop Jesús? Ma'anic. Mi lac ch_Λn ña't_Λben i c'ajñibal mandar.

4

Abraham tsi' ñopo Dios

1 ¿Chuqui yom mi la c_Λl che' jini? ¿Chuqui tsi' taja Abraham jini lac ñojte'el?

2 Dios tsi' ñusabe i mul Abraham. Tsi' yotsa ti' wenta, pero mach cha'anic wen b_Λ i melbal. Tsa'ic i ch'Λm_Λ ti' wenta cha'an wen b_Λ i melbal, tsa' mejli i sub i b_Λ ti ñuc, pero mach ti' tojlelic Dios.

3 ¿Chuqui mi' y_Λl i Ts'ijbujel Dios? “Abraham tsi' ñopo Dios. Jini cha'an Dios tsi' q'uele ti toj”, che'en.

4 Come jini mu' b_Λ i cha'len e'tel ti ganar mi' ch'Λm i tojol. Mach i majtanic. I ganar_Λch.

5 Pero Dios mi' ñusabeñob i mul jini mach b_Λ tojobic mu' b_Λ i ñopob. Mi' yotsañob ti' wenta. Dios mi' q'uelob ti toj cha'an jach tsi' ñopoyob, mach cha'anic ti wen b_Λ i melbal.

6 David ja'el tsi' subu bajche' an i tijicñayel i pusic'al jini winic mu' b_Λ i q'uejlel ti toj ti Dios anquese ma'anic wen b_Λ i melbal.

7 David tsi' y_Λl_Λ: “Tijicñayob jini ñusabilo' b_Λ i jontolil, yic'ot jini mach b_Λ ch_Λn ña't_Λbilic i mul ti Dios.

8 Tijicña jini winic mach b_Λ anic mi' ña'tibentel i mul ti lac Yum”. Che'tsi' y_Λl_Λ David.

9 ¿Cojach ba tijicñayob jini tsepbilo' b_Λ i p_Λch_Λlel? ¿Mach ba tijicñayobic ja'el jini mach b_Λ tsepbilobic i p_Λch_Λlel? Mic sub lojon tsa' q'uejli ti toj Abraham cha'an tsi' ñopo Dios.

10 ¿Baqui ora tsa' q'uejli ti toj? ¿Tsa' ba q'uejli ti toj che' tsepbilic i p_Λch_Λlel o che' maxto tsepbilic? Tsa' q'uejli ti toj che' maxto tsepbilic i p_Λch_Λlel.

11 Ti wi'il tsa' tsepbenti i p_{ACH}lel Abraham cha'an i yejtal yic'ot i sellojlel toj b_A i pusic'al tsa' b_A aq'uenti cha'an tsi' ñopo Dios che' maxto tsepbilic i p_{ACH}lel. Jini cha'an tsa' ochi Abraham ti' tat pejtelelob mu' b_A i ñopob Dios anquese mach tsepbilic i p_{ACH}lel, cha'an mi' q'uejlelob ti toj ja'el.

12 I tatach ja'el jini tsepbilo' b_A i p_{ACH}lel mu' b_A i ñopob. Mach cojic jach tsi' ch'amayob tsep p_{ACH}lel, pero tsi' ñopoyob. Che' jini woli' tsajcañob lac tat Abraham tsa' b_A i ñopo Dios che' maxto tsepbilic i p_{ACH}lel.

An chuqui mi'y_{AQ}'uentel che' mi' ñop Dios

13 Tsa' q'uejli ti toj Abraham cha'an tsi' ñopo Dios. Jini cha'an Dios tsi' y_{AQ}'ue i t'an. Mach cha'anic ti' jac'ol jini mandar, pero cha'an ti' ñopol Dios tsa' subenti Abraham yic'ot i p'olbal mux i y_{AQ}'uentelob jini pañimil ti' wenta.

14 Mi wersa mi lac jac' jini mandar cha'an mi la c_{AQ}'uentel, che' jini lolom jach mi lac ñop, lolom jach tsi' y_{AC}'_A i t'an Dios.

15 I ñus_{ANTEL} mandar mi' tech mich'ajel, pero che' ma'anic mandar ma'anic mi' ñus_{ANTEL}.

16 Jini cha'an mi lac taj jini albil b_A ti' yutslel i pusic'al Dios cha'an tsa' lac ñopo Dios. Che' jini mi' ts'actiyel jini t'an ti' tojlel pejtél i p'olbal Abraham mu' b_A i ñopob Dios, mach cojic jach mu' b_A i ñopob mandar, pero yaño' b_A ja'el mu' b_A i ñopob Dios che' bajche'Abraham. Jiñach lac tat ti lac pejtelel.

17 Che' bajche' ts'ijbubil: “Dios tsi' yotsa Abraham ti' tat winicob x'ixicob ti cab_{AL} lum tac”, che'en. Dios_{ACH} mu' b_A i y_{AQ}'ueño_B i cuxtílel ch_{AMEÑO}' b_A, mu' b_A i mel ti' p'_{AT}lel jach i t'an jini tsiquil tac b_A mach b_A anic ti yamb_A ora.

18 Anquese ma'anic tsi' ña'ta Abraham bajche' mi' caj ti ts'actiyel jini t'an, tsi' ch_{AN} ñopo ti' xuc'tílel i pusic'al, isujm mi caj i yochel ti' tat cab_{AL} winicob x'ixicob ti cab_{AL} lum, come tsa' subenti: “Che'i mi' caj ti ajñel a p'olbal”.

19 Ma'anic tsa' lujb'a i ñop anquese tsi' ña'ta ma'anix i yorajlel cha'an mi' yajñel i

yalobil, come ts'ita' yom mi' ts'actiyel jo'c'al i jabil. Che' ja'el xñejep'ix jini Sara.

20 Ma'anic tsi' wis c_{AY}_A i ñop. Ma'anic tsa' tejchi tile bixel b_A i pusic'al cha'an jini t'an tsa' b_A subenti ti Dios. Tsa' p'_{AT}'a i pusic'al ti jini tsa' b_A i ñopo. Tsi' subu i ñuclél Dios.

21 Ti jump'ejl i pusic'al yujil an i p'_{AT}lel Dios cha'an mi' mel chuqui tsi' y_{AL}_A.

22 Jini cha'an tsa' q'uejli ti toj cha'an tsi' ñopo Dios.

23 Mach cha'anic jach Abraham, tsa' ts'ijbunti jini t'an “Tsa' q'uejli ti toj”.

24 Pero cha'añonla ja'el mu' b_A lac ñop Dios, tsa' b_A i teche ch'o_{JYEL} lac Yum Jesús ba'an ch_{AMEÑO}' b_A. Joñonla ja'el mi laj q'uejlel ti toj.

25 Come Jesús tsa' ajq'ui ti ch_{AMEL} cha'an mi' toj lac mul. Tsa' tejchi cha'an mi laj q'uejlel ti toj.

5

I ñach't_{LEL} lac pusic'al yic'ot i tijicñ_{AYEL}

1 Dios tsa'ix i ñus_{ABEYONLA} lac mul. Tsa'ix i yotsayonla ti' wenta cha'an tsa' lac ñopo Cristo. Ma'anix woli laj contrajin Dios, come tsi' yuts'esayonla lac Yum Jesucristo.

2 Cha'an Jesucristo mu' b_A lac ñop, ochemonixla ja'el ti' yutslel i pusic'al. Jini cha'an xuc'ulonla. Tijicñayonla cha'an mi caj lac taj i ñuclél Dios.

3 Mach cojic jach jini. Tijicñayonla ja'el cha'an jini wocol mu' b_A la cubin, come la cujil jini wocol mi' y_{AQ}'ueño_{LA} lac p'_{AT}lel ti pijt.

4 Che' an chuqui mi lac ch_{AN} pijtan, mi' xuc'chocontel lac pusic'al. Jini i xuc'tílel lac pusic'al mi' c_{ANTESAÑO}la tal lac wenlel ti Dios.

5 Mach lolomic jach woli lac pijtan, come la cujil Dios tsa'ix i y_{AQ}'ueyonla jini Ch'ujul b_A Espíritu cha'an mi' but'beño_{LA} lac pusic'al ti' c'uxbiya.

6 Che' ma'anic tsa' mejli laj coltan lac b_A, tsa' ch_{AMI} Cristo cha'añonla tsa' b_A lac ñusa Dios.

7 Ma'anic mi la c_{AC}' lac b_A cha'an i coltan_{TEL} juntiquil toj b_A, anquese tic'_{AL} mi an majch mi' y_{AC}' i b_A ti ch_{AMEL} cha'an mi' coltan juntiquil uts b_A.

⁸ Pero tsa' chami Cristo cha'añonla che' xmulilon tola. Che' jini, Dios tsi' pasbeyonla c'ux mi' yubiñonla.

⁹ Ñusabilix lac mul, añonixla ti' wenta Dios cha'an ti' ch'ich'el Cristo. Jini cha'an ñumen mi caj laj coltanel ti Cristo che'mi' tsictiyel i mich'ajel Dios.

¹⁰ Che' i contrajonla Dios, tsa' chami i Yalobil cha'an mi' yutsesan lac pusic'al yic'ot Dios. Wale che' lac pi'alix lac ba la quic'ot Dios, ñumen mi caj laj coltanel cha'an tsiji' ba i cuxtilel Cristo.

¹¹ Mach cojic jach jini, pero tijicñayonla ti Dios cha'an lac Yum Jesucristo, come tsi' yuts'esa lac pusic'al yic'ot Dios.

Adán yic'ot Cristo

¹² Tsa' ochi mulil ti pañimil cha'an ti' mul juntiquil winic i c'aba' Adán. Jini mulil tsi' yal'la ti chamel pejtél winicob x'ixicob. Jini cha'an mi lac chamel ti lac pejtelel, come tsa' lac cha'le mulil ti lac pejtelel.

¹³ Che' maxto ts'ijbubilic jini mandar, anix mulil ti pañimil. Pero che' maxto anic mandar, maxto anic mulil ti' wenta winicob x'ixicob.

¹⁴ Melel tsa' laj chamiyob c'alal ti Adán c'alal ti Moisés, yic'ot ja'el jini mach ba lajalobic i mul bajche' Adán. Jini Adán mach lajalic che' bajche' Cristo tsa' ba tili ti wi'il.

¹⁵ Mach mejlic ti lajintel lac majtan yic'ot lac mul. Cha'an ti' mul juntiquil winic, Adán, cabal tsa' chamiyob. Pero tsa' utsi p'ojli i yutslel i pusic'al Dios yic'ot i majtan ti' tojlel cabalob cha'an ti' yutslel i pusic'al juntiquil winic, jiñach Jesucristo.

¹⁶ Jini lac majtan mach lajalic bajche' jini wocol mu' ba lac taj cha'an ti' mul Adán. Come cha'an ti jump'ejl mulil tsa' tejchi meloñel yic'ot tojmulil. Pero ti lac majtan jach mi laj q'uejlel ti toj anquese cabal lac mul.

¹⁷ Cha'an ti' mul jini juntiquil winic wersa mi' chamelob pejtél winicob x'ixicob, pero cha'an ti' yutslel juntiquil, jiñach Jesucristo, cuxul mi' yajñelob jini mu' ba i ch'amob ñuc ba i yutslel i pusic'al Dios yic'ot toj ba i pusic'al mu' ba i yalq'uentelob ti' majtan jach. Che' jini mi caj i maljel i cha'añob.

¹⁸ Cha'an ti' mul Adán sajtemob pejtelel winicob x'ixicob, pero cha'an ti toj ba i melbal Cristo mi' q'uejlelob ti toj pejtelel winicob x'ixicob, cha'an cuxul mi' yajñelob.

¹⁹ Come cabalob tsa' q'uejliyob ti mulil cha'an tsi' ñusa mandar Adán. Che' ja'el cabalob mi' q'uejlelob ti toj cha'an tsi' jac'la mandar Cristo.

²⁰ Tsa' tili mandar ja'el cha'an mi' tsictiyel woli' p'ojlel lac mul, pero che' ba tsa' p'ojli mulil, ñumen cabal tsa' p'ojli i yutslel i pusic'al Dios.

²¹ Tsiquil che' jini, tsa' chamiyob cabalob ti' yumantel mulil, pero cha'an ti' yutslel i pusic'al Dios anix laj cuxtilel mach ba anic mi' jilel, cha'an tsa' aq'uentiyonla toj ba lac pusic'al ti Jesucristo lac Yum.

6

Chameñonixla ti' tojlel mulil, pero cuxulonla ti Cristo

¹ ¿Chuqui yom mi lac sub, che' jini? ¿Yom ba mi lac chan cha'len mulil cha'an mi' p'ojlel i yutslel i pusic'al Dios?

² Mach yomic. Jilemix i p'atlel mulil ti lac tojlel. ¿Bajche', che' jini, mi mejlel lac chan cha'len mulil?

³ ¿Mach ba la' wujilic? Pejtelonla tsa' ba ochiyonla ti Cristo Jesús che' bajche' ti ch'amja', tsa' chamiyonla yic'ot.

⁴ Che' bajche' ti ch'amja' tsa' tem mujquiyonla yic'ot Cristo che' ba tsa' chami. Jini cha'an tsa' tejchi loq'uel Cristo ba'an chameño' ba cha'an ti' ñucel lac Tat, cha'an mi lac cha'len xambal ti tsiji' ba laj cuxtilel.

⁵ Come mi temel tsa' chamiyonla yic'ot Cristo che' bajche' tsa' chami, che' ja'el temel mi lac tejchel ch'ojyel che' bajche' tsa' tejchi ch'ojyel.

⁶ Come la kujil tsa' ch'ijle ti cruz lac tsucul pusic'al yic'ot Cristo cha'an mi' jisantel i p'atlel mulil ti lac pusic'al, cha'an ma'anix mi lac chan yuman mulil.

⁷ Come jini tsa'ix ba chami, colbilix ti' p'atlel mulil.

⁸ Mi tsa' chamiyonla yic'ot Cristo, la kujil ja'el cuxul mi caj la cajñel yic'ot.

⁹ Come la kujil tejchemix ch'ojyel Cristo, mach mejlix ti cha' chamel. Mach mejlix i cha' tsansantel.

10 Come che' b_Λ tsa' ch_Λmi Jesús, jas_Λ jach junyajl tsa' ch_Λmi. Ma'anix mi' ch_Λn ch_Λmel cha'an i tojol mulil. Cuxul w_Λle cha'an mi' ñuq'uesan Dios.

11 Che' ja'el jatetla, ña'tanla jilemix i p'_Λt_Λlel mulil ti la' tojlel, pero cuxuletla cha'an mi la' ñuq'uesan Dios ti Cristo Jesús.

12 Jini cha'an mach mi la' yuman mulil ti la' b_Λc'tal yujil b_Λ ch_Λmel, ame la' jac'ben i colosojlel la' pusic'al.

13 Mach mi la' w_Λc' la' b_Λc'tal cha'an mi' cha'len jontolil. Aq'u'en la' b_Λ Dios, come tejchemetixla ch'ojoyel ti ch_Λmel cha'an mi' c'ajñel la' b_Λc'tal ti' melol chuqui toj cha'an mi la' ñuq'uesan Dios.

14 Come mach ch_Λn añetixla ti' p'_Λt_Λlel mulil cha'an mi la' jac'. Mach añetixla ti' wenta jini mandar, come añetixla ti' yutslel i pusic'al Dios.

I winicob Dios mi' jac'ob chuqui toj

15 ¿Chuqui yom mi lac mel che' jini che' mach añonixla ti' wenta jini mandar, pero añonixla ti' yutslel i pusic'al Dios? ¿Yom ba mi lac ch_Λn cha'len mulil? Mach yomic.

16 ¿Mach ba la' wujilic? Che' mi la' wotsan la' b_Λ ti' ye'tel ti' tojlel yamb_Λ winic, i winiquetla che' woli la' jac'ben. Jini mu' b_Λ i jac' mulil mi' ch_Λmel. Jini mu' b_Λ i jac' Dios mi' taj toj b_Λ i pusic'al.

17 Ti wajali chucbiletla ti' p'_Λt_Λlel mulil. W_Λle wocolix i y_Λl_Λ Dios, tsa'ix la' jac'_Λ ti jump'ejl la' pusic'al jini c_Λntesa tsa' b_Λ aq'uentiyetla tsa' b_Λ la' ñopo.

18 Tsa'ix loc's_Λntiyetla ti mulil. Ochemetixla ti' winic Dios cha'an mi la' jac' chuqui toj.

19 Wocol mi la' ch'_Λm_{ben} isujm come winiquetla. Jini cha'an mic cha'len t'an ti lajiya. Che' bajche' tsa' la' w_Λc'_Λ la' b_Λc'tal cha'an mi la' cha'len chuqui tac bibi' yic'ot chuqui tac jontol, che' yom mi la' w_Λc' la' b_Λc'tal w_Λle cha'an mi la' jac' chuqui toj cha'an mi la' wochel ti ch'ujul.

20 Come che' chuculetla ti mulil, ma'anic la' p'_Λt_Λlel cha'an mi la' jac' chuqui toj.

21 ¿Chuqui tsa' la' taja ti mulil, che' jini? W_Λle che' mi la' cha' ña'tan la' mul, mi la' cha'len quisin, come la' wujilix mi' ch_Λmelob jini mu' b_Λ i cha'leñob mulil che' bajche' jini.

22 W_Λle loc's_Λbiletixla ti' p'_Λt_Λlel mulil. I winiquetixla Dios. Woli la' taj la' s_Λq'ues_Λntel yic'ot la' cuxtilel mach b_Λ anic mi' jilel.

23 An i tojol mulil. Jini mu' b_Λ i cha'leñob mulil wersa mi' ch_Λmelob, jiñ_Λch i tojol. Pero lac majtan ch'oyol b_Λ ti Dios jiñ_Λch laj cuxtilel mach b_Λ anic mi' jilel ti lac Yum Cristo Jesús.

7

Lajiya yic'ot x'ixic am b_Λ i ñoxi'al

1 C pi'_Λlob mu' b_Λ la' c_Λn jini mandar, ¿mach ba la' wujilic che' añonla ti' wenta mandar, wersa mi lac jac' jini mandar che' cuxulon tola?

2 Come jini x'ixic am b_Λ i ñoxi'al an ti' wenta cha'an mi' jac' jini mandar mu' b_Λ i y_Λl wersa mi' yajñel yic'ot i ñoxi'al che' cuxul to. Mi tsa' ch_Λmi i ñoxi'al, librejix. Ma'anix mi' ch_Λn jac' chuqui mi' y_Λl jini mandar cha'an i ñoxi'al.

3 Jini cha'an mi tsi' pi'le yamb_Λ winic che' cuxul to i ñoxi'al, i ts'i'lel_Λch, pero mi tsa'ix ch_Λmi i ñoxi'al, librejix. Ma'anix mi' jac' jini mandar. Che' jini, mach i ts'i'lelic jini x'ixic mi tsa' cha' ñujpuñi yic'ot yamb_Λ winic.

4 Che' ja'el quermanojob, jilemix i p'_Λt_Λlel jini mandar ti la' tojlel come tsa' ch_Λmiyetla yic'ot Cristo cha'an mi la' loq'uel ti' wenta jini mandar, cha'an mi la' taj yamb_Λ la' yum. Jini lac Yum jiñ_Λch Cristo tsa' b_Λ tejchi loq'uel ba'an ch_Λmeño' b_Λ cha'an mi lac melben i ye'tel Dios.

5 Che' b_Λ tsa' lac jac'be lac tsucul pusic'al, jini i colosojlel lac pusic'al, ñijc_Λbil cha'an mandar, tsi' nijcayonla ti mulil cha'an mi' y_Λc'onla ti ch_Λmel.

6 W_Λle tsa'ix loq'uiyonla ti' wenta jini mandar. Tsa'ix ch_Λmiyonla quic'ot Cristo. Librejonixla cha'an ma'anix mi lac jac'ben jini tsa' b_Λ i c_Λch_Λyonla. Jini cha'an mi lac jac'ben Dios ti' p'_Λt_Λlel jini Espiritu ti tsiji' b_Λ laj cuxtilel, mach ti' p'_Λt_Λlelic jini ts'ijbubil b_Λ mandar ba' c_Λch_Λlonla wajali.

Mulil am b_Λ ti lac pusic'al

7 ¿Chuqui yom mi c_Λl, che' jini? ¿Mulil ba jini mandar? Mach mulilic. Machic an mandar, ma'anic tsaj c_Λñ_Λ mulil. Machic tsi' subu mandar: "Mach a ts_Λgyuben i

chubΛ'an a pi'Δlob", ma'anic tsac ña'ta mulilΛch che' bΛ tsac tsΔjyube i chubΛ'an c pi'Δlob.

⁸ Jini mandar tsi' yΛq'ueyon j cΛn mach tojic i tsΔjyuntel chubΛ'añΛ, pero cha'an tic mul tsa' caji c tsΔjyun. Che' ma'anic mandar ma'anic mi lac ña'tan lac jontolil.

⁹ Che' bΛ maxto anic tsa cubi mandar, tsac lon ña'ta cuxulon. Che' bΛ tsa cubi mandar, tsa' tejchi c jontolil. Tsac ña'ta chΛmeñon ti mulil.

¹⁰ Tsa' aq'uentiyon jini mandar cha'an mic taj j cuxtielel, pero tsi' yΛc'Δyon ti chΛmel cha'an c mul.

¹¹ Cha'an tic jontolil tsa' lotintiyon. Jini cha'an chΛmeñon ti mulil cha'an jini mandar.

¹² Ch'ujul jini mandar, che' jini. Ch'ujul i subal Dios. TojΛch. Uts'atΛch.

¹³ ¿Am ba i mul jini mandar cha'an tsi' yΛc'Δyon ti chΛmel? Ma'anic. JiñΛch mulil am bΛ tic pusic'al tsa' bΛ i chucuyon ti' p'ΔtΛlel cha'an mi' tsictiyel mulilΛch. Jini mulil tsi' c'ΛñΛ chuqui uts'at, jiñΛch mandar, cha'an mi' yΛc'on ti chΛmel, cha'an mi' tsictiyel c'ax jontol mulil.

¹⁴ La kujil tilem ti Espiritu jini mandar, pero winicon, tsucul c pusic'al. Chuculon ti' p'ΔtΛlel mulil.

¹⁵ Ma'anic mic ch'Λmben isujm jini mu' bΛ c mel. Come ma'anic mic mel chuqui com. Mu' jach c mel chuqui mic ts'a'len.

¹⁶ Che' mic mel jini mach bΛ comic c mel, mic ña'tan uts'atΛch jini mandar.

¹⁷ Mach tilemic tic pusic'al che' mic mel che' bajche' jini. JiñΛch mulil am bΛ tic pusic'al.

¹⁸ Che' jini kujil ma'anic chuqui wen tic pusic'al, come tsucul c pusic'al. Com c mel chuqui uts'at, pero mach mejlic c mel.

¹⁹ Ma'anic mic mel jini uts'at tac bΛ com bΛ c mel. Jini jontolil mach bΛ comic c mel jiñΛch mu' bΛ c mel.

²⁰ Jini cha'an che' mic mel jini mach bΛ comic c mel, mach joñonix wolic mel, jiñΛch mulil am bΛ tic pusic'al.

²¹ Che' jini mic ña'tan an c pΔyol ti mulil, come che' com c mel chuqui uts'at, an jontolil tic pusic'al.

²² Come tic pusic'al mic wen mulan i mandar Dios.

²³ Pero mic ña'tan an yambΛ c pΔyol tic bΛc'tal mu' bΛ i contrajin jini com bΛ c mel tic pusic'al. Mi' yΛc'on ti chujquel ti' p'ΔtΛlel mulil am bΛ tic bΛc'tal.

²⁴ P'ump'un jax c bΛ. ¿Majqui mi caj i loc'sañon ti' p'ΔtΛlel jini tsucul bΛ c pusic'al mu' bΛ i yΛc'on ti chΛmel?

²⁵ Wocolix i yΛΛ Dios, Jesucristo lac Yum mi' yΛc'on ti coel. Che' jini, joñon ti tsiji' bΛ c pusic'al mic jac'ben i mandar Dios. Ti tsucul bΛ c pusic'al mic jac'ben i p'ΔtΛlel mulil.

8

Cuxulonla ti Espiritu

¹ Jini cha'an ma'anix mi' yΔjq'uelob ti tojmulil jini año' bΛ ti Cristo Jesús.

² Come i p'ΔtΛlel jini Espiritu mu' bΛ i yΛq'ueñonla laj cuxtalel ti Cristo Jesús tsi' coloyonla ti' p'ΔtΛlel mulil mu' bΛ i yΛc'onla ti chΛmel.

³ Jini mandar ma'anic tsa' mejli i coltañonla, come c'uñonla cha'an lac tsucul pusic'al, pero tsa' mejli i coltañonla Dios che' bΛ tsi' choco tilel i Yalobil cha'an mi' toj lac mul. I Yalobil Dios tsi' ch'ΛmΛ i bΛc'tal lajal bajche' lac cha'an am bΛ i pΔyol ti mulil. Tsi' yΛc'Λ i bΛ ti chΛmel cha'an mi' toj lac mul, cha'an mi' jilel i p'ΔtΛlel mulil am bΛ ti lac bΛc'tal.

⁴ Tsa' chΛmi cha'an mi' yΛq'ueñonla lac mel chuqui tac toj che' bajche' yom jini mandar. JiñΛch mu' bΛ lac mel che' mi lac cha'len xΛmbal che' bajche' yom jini Espiritu, mach che'ic bajche' yom lac tsucul pusic'al.

⁵ Come jini mu' bΛ i jac'beñob i tsucul pusic'al mi' chΛn ña'tañob chuqui yom i tsucul pusic'al. Jini mu' bΛ i jac'beñob jini Espiritu mi' chΛn ña'tañob chuqui yom jini Espiritu.

⁶ Come jini mu' bΛ i chΛn jac' i tsucul pusic'al mi' yΔjq'uel ti chΛmel. Jini mu' bΛ i chΛn jac' jini Espiritu mi' yΛq'uentel i cuxtalel yic'ot i ñΛch'tilel i pusic'al.

⁷ Jini cha'an jini mu' bΛ i chΛn ña'tan chuqui yom i tsucul pusic'al woli' contrajin Dios. Ma'anic mi' jac'ben i mandar Dios. Mach mejlic i jac'ben.

⁸ Come jini mu' b_Λ i jac'ob i tsucul pusic'al mach mejlic i melob chuqui uts'at ti' wut Dios.

⁹ Jatetla mach ch_Λn añetixla ti' p'at_Λlel la' tsucul pusic'al. Añetla ti' wenta Espíritu mi woli' yajñel i yEspíritu Dios ti la' pusic'al. Jini mach b_Λ anic i cha'an i yEspíritu Cristo, mach i cha'anic Dios.

¹⁰ Mi an Cristo ti la' pusic'al, anquese mi' ch_Λmel la' b_Λc'tal cha'an mulil, jini Espíritu mi' y_Λq'ueñetla la' cuxt_Λlel cha'an tsa' q'uejliyetla ti toj.

¹¹ Mi ya' chumul ti jatetla i yEspíritu Dios tsa' b_Λ i teche ch'o_yyel Jesús, jini Dios tsa' b_Λ i teche ch'o_yyel Cristo Jesús mi caj i y_Λq'uen i cuxt_Λlel la' b_Λc'tal cha'an ti' yEspíritu chumul b_Λ ti la' pusic'al.

¹² Actan che' jini hermanojob, an ti lac wenta cha'an mi lac jac'ben lac Yum, pero mach yomic mi lac jac' lac tsucul pusic'al cha'an mi lac mel chuqui yom.

¹³ Mi woli la' mel bajche' yom la' tsucul pusic'al, wersa mi caj la' ch_Λmel. Pero mi ti' p'at_Λlel Espíritu mi la' w_Λc' ti ch_Λmel i melbal la' tsucul pusic'al, cuxul mi caj la' wajñel.

¹⁴ Pejtelelob mu' b_Λ i toj'es_Λntelob majlel cha'an i yEspíritu Dios jiñob_Λch i yalobilob Dios.

¹⁵ Dios tsi' y_Λq'ueyetla i yEspíritu. Ma'anic tsi' yotsayetla ti mozo cha'an mi la' mel to'ol e'tel yic'ot b_Λq'uen. Mi' y_Λq'ueñetla la' ña'tan ochemetla ti' yalobil Dios. Jini cha'an mi la' c_Λl: Papa, c Tat, cho'onla.

¹⁶ Jini Espíritu mi' subeñonla i yalobilonla Dios. Che' _Λch mi' y_Λl lac pusic'al ja'el.

¹⁷ Mi i yalobilonla Dios, an chuqui mi caj la' c_Λq'uentel ti Dios. Mi tsa' la cubi wocol temel yic'ot Cristo, lac ten cha'an jach la quic'ot Cristo chuqui mi caj la' c_Λq'uentel, cha'an temel mi lac taj lac ñuclél yic'ot Cristo.

¹⁸ Mi c_Λl, mach mejlic ti lajintel jini wocol am b_Λ w_Λle yic'ot i ñuclél Cristo mu' b_Λ caj i tsictiyel ti joñonla.

¹⁹ Come pejtél melbil tac b_Λ ti pañimil woli ti pijt jinto mi' p_Λst_Λlob i yalobilob Dios.

²⁰ Come tsa' asiyi yic'ot wocol pejtél melbil tac b_Λ, mach cha'anic bajñel yom, pero

che' _Λch yom Dios cha'an mi' wersa pijtan jini ñumen uts'at tac b_Λ mu' b_Λ caj i tilel.

²¹ Pejtél jini melbil tac b_Λ mi caj i y_Λq'uel ti coel ti' p'at_Λlel ch_Λmel. Mi caj i yochel ti libre cha'an tijicña mi' yajñel yic'ot i ñuclél i yalobilob Dios.

²² Come la' cujil temel woli ti ajacniyel pejtelel jini pañimil. Woli ti bajq'uel yilal c'at_Λl w_Λle.

²³ Mach cojic jach jini melbil tac b_Λ woli ti ajacniyel, pero joñonla ja'el. Tsa'ix aq'uentiyonla ñaxan b_Λ lac majtan, jiñ_Λch jini Espíritu. Woliyonla ti ajacniyel ti lac pusic'al, come woliyonla ti pijt jinto mi' tsictiyel i yalobilonla Dios che' mi la' c_Λq'uentel tsiji' b_Λ lac b_Λc'tal.

²⁴ Come che' b_Λ tsa' colt_Λntiyonla, tsa' caji lac pijtan. Mi tsa'ix laj q'uele jini woli b_Λ lac pijtan, ma'anix woli lac ch_Λn pijtan. Ma'anic majch mi' ch_Λn pijtan jini woli b_Λ i q'uel.

²⁵ Mi woli lac pijtan jini mach b_Λ laj q'ueleyic, la' lac pijtan ti' xuc'tilel lac pusic'al.

²⁶ Che' ja'el jini Espíritu mi' coltañonla che' c'uñaonla, come mach la' cujilic bajche' yom mi lac pejcan Dios. Jini Espíritu mi' c'ajtiben Dios ti wocol t'an chuqui yom ti lac tojlel che' woliyonla ti ajc_Λn.

²⁷ Dios mu' b_Λ i wen q'uel lac pusic'al yujil chuqui yom jini Espíritu, come mi' c'ajtiben Dios ti wocol t'an cha'an mi' coltan i cha'año' b_Λ che' bajche' yom Dios.

Mi' wen majlel lac cha'an

²⁸ La' cujil mi' c'Λn Dios pejtelel chuqui tac mi' yujtel cha'an i wenlel jini mu' b_Λ i c'uxbiñob Dios, jini p_Λy_Λbilo' b_Λ i cha'an che' bajche' tsi' w_Λn ña'ta.

²⁹ Come Dios tsi' w_Λn yajca i cha'año' b_Λ. Tsi' w_Λn wa'chocoyob cha'an mi' y_Λq'uentelob i pusic'al lajal bajche' i pusic'al i Yalobil cha'an mi' taj cab_Λl i yijts'iñob jini ascuña_Λl b_Λ.

³⁰ Dios tsi' p_Λy_Λja'el jini w_Λn wa'chocobilo' b_Λ i cha'an. Tsi' yotsa jini p_Λy_Λbilo' b_Λ i cha'an ti' wenta. Tsi' y_Λq'ueyob i ñuclél jini tsa' b_Λ i q'ueleyob ti toj.

³¹ ¿Chuqui yom mi lac sub, che' jini? Mi woli' coltañonla Dios, ¿majqui mi mejlel i contrajiñonla?

³² Dios ma'anic tsi' p'unta i Yalobil, pero tsi' yac'la ti chamel cha'añonla ti lac pejtelel. ¿Mach ba muq'uic i yac'ueñonla yic'ot Cristo pejtelel chuqui yom lac cha'an?

³³ ¿Majqui mi mejlel i sub i mul jini yajcabilo' ba i cha'an Dios? Ma'anic majqui. Jini mu' ba i ñusabeñonla lac mul, mu' ba i yotsañonla ti' wenta jiñach Dios.

³⁴ Cristo Jesús tsa' chami cha'añonla. Tsa' tejchi ch'ojyel ba'an chameño' ba. An ti' ñoj Dios ba' woli' c'ajtiben Dios laj coltantel. Jini cha'an ma'anic majqui mi mejlel i yac'onla ti tojmulil.

³⁵ ¿Am ba chuqui mi mejlel i mactaben i c'uxbiya Cristo ti lac tojlel? ¿Mejl ba lac wocol, mi laj c'ojol, mi lac tic'lantel, mi lac wiñal, mi che' ma'anic lac pislel, mi babaq'uen ba, mi espada? Ma'anic.

³⁶ Come ts'ijbubil: “Cha'añetla wolic tsansantel lojon ti pejtelel ora. Mic chujquel lojon che' bajche' tiñame' cha'an mic tsansantel lojon”, che'en.

³⁷ Ti pejtelel ili wocol mi' wen majlel lac cha'an, cha'an ti' p'atlel Jesús tsa' ba i c'uxbiyonla.

³⁸⁻³⁹ Come kujil ma'anic chuqui mi mejlel i mactan i c'uxbiya Dios che' mi lac chamel o che' cuxulon tola, mi ángelob, mi yumalob, mi jini p'atlo' ba, mi jinic mu' ba i yujtel wale, mi jinic mu' ba caj ti ujtel, mi chan tac ba, mi jinic am ba ti yebal, mi yan tac ba melbil tac ba. Ma'anic chuqui mi mejlel i mactan i c'uxbiya Dios mu' ba lac taj ti lac Yum Cristo Jesús.

9

Mu' ba i yajcantel ti Dios

¹ Mic sub chuqui isujm ti Cristo. Ma'anic mic cha'len lot. Che'ach mi' subeñon c'pusic'al cantesabil ba cha'an jini Ch'ujul ba Espíritu.

² Wen ch'ijiyem c'pusic'al. Cabal mic cha'len pensar ti pejtelel ora.

³ Uts'at muq'uic c'chojquel ti tojmulil cha'an mij coltan c'pi'alob, come c'ux mi cubiñob, come c'pi'al lojon c'ba, junlajal c'ñojte'el lojon.

⁴ Israelobach. Tsa' pajyiyob cha'an mi' yochelob ti' yalobil Dios. Tsa' tsictiyi i ñuel Dios ti' tojlelob. Tsi' yubiyob jini trato ba

t'an. Tsa' aq'uentiyob jini mandar. Tsa' pasbentiyob bajche' yom mi' ch'ujutesañob Dios. Tsa' subentiyob chuqui mi caj i yac'uentelob.

⁵ Abraham yic'ot Isaac yic'ot Jacob jiñobach i ñojte'elob. I ñojte'elob Cristo ja'el. Jini cha'an i pi'alob i ba yic'ot Cristo, come tsi'q'uele pañimil Cristo ti' tojlelob. Cristo jiñach lac Dios am ba ti' wenta pejtelel chuqui tac an. La' subjic ti' uts'at ti' pejtelel ora. Amén.

⁶ Puru isujm i t'an Dios. Mach lolomic tsi' yac'la i t'an, anquese mach i cha'añob Dios pejtelel i p'olbal Israel.

⁷ Che' ja'el mach mero i yalobilob Abraham pejtelel i p'olbal Abraham. Come ts'ijbubil: “I p'olbal Isaac jiñobach a walobilob”.

⁸ Tsiquil che' jini: Mach i yalobilob Dios pejtelel i p'olbal Abraham. Jini jach i yalobilob Abraham tsa' ba tiliyob cha'an ti' t'an Dios jiñobach mero i yalobilob.

⁹ Come jiñach jini t'an tsa' ba subenti Abraham: “Ti yambal jab cha' talon. Mi caj i yac' ti pañimil ch'iton ba i yalobil Sara”, che'en.

¹⁰ Mach cojic jach jini, pero Rebeca ja'el, che' ba tsa' caji i cantaben i yalobil Isaac lac ñojte'el,

¹¹ che' cantabilob to i yalobilob, che' maxto anic tsi' cha'leyob chuqui wen mi chuqui jontol, Dios tsi' sube Rebeca mi caj i yujtel che' bajche' tsi' walan ña'ta Dios mu' ba i yajcan majqui yom. Mach cha'anic wen ba lac melbal mi' yajcañonla, pero cha'an yom i payonla.

¹² Jini cha'an tsa' subenti Rebeca: “Jini ascuñal ba, i c'aba' Esaú, mi caj i melben i ye'tel jini ijts'iñal ba, i c'aba' Jacob”, che'en.

¹³ Come ts'ijbubil: “Tsaj c'uxbi Jacob, tsac ts'a'le Esaú”, che'en.

¹⁴ ¿Chuqui yom mi lac sub, che' jini? ¿Mach ba tojic Dios? Toj cu.

¹⁵ Come Dios tsi' sube Moisés: Mi caj c'p'untan jini com ba c'p'untan. Mi caj c'pasben i yutslel c'pusic'al jini com ba c'pasben, che'en.

¹⁶ Tsiquil che' jini, Dios mi' p'untan jini yajcabil ba i cha'an, mach cha'anic che' yom i pusic'al winic, mi cha'anic woli'

wersa sajcan i p'untantel. Mi' p'untantel cha'an che'ach yom Dios.

17 I Ts'ijbujel Dios mi' yal chuqui tsa' subenti Faraón: “Tsac wa'chocoyet ti rey cha'an mic p'as c p'at'alel ti a tojel, cha'an mi' pujquel j c'aba' ti pejtelel pañimil”, che'en Dios.

18 Tsiquil che' jini, Dios mi' p'untan majqui yom i p'untan. Mi' tsats'esaben i pusic'al majqui yom i tsats'esaben i pusic'al.

19 Jini cha'an mi caj a c'ajtibeñon: ¿Chucoch mi' chan ña'tan lac mul, che' jini? Come ¿majqui mi mejlel i tic' chuqui yom Dios? che'et.

20 ¿Chucoch che' ma' cha'len t'an? ¿Majquiyet mu' b' a letsan a t'an ti' contra Dios? Jini melbil tac b' a, ¿yom ba mi' suben xmeloñel: ¿Chucoch che' tsa' meleyon?

21 Jini xmel uc'um, ¿mach ba mejlic i c' an jini oc'ol bajche' yom? Ti junc'ojl oc'ol mi' mel jump'ejl uc'um mu' b' a i c'ajñel cha'an chuqui uts'at. Mi' mel yamb' uc'um mu' b' a i c'ajñel cha'an jini mach b' a wenic.

22 ¿Chuqui che' jini? Anquese yom Dios i p'as i mich'ajel yic'ot i p'at'alel, wen jal tsi' cuchbeyob i mul jini tsa' b' a i techbeyob i mich'ajel mu' b' a caj i jisantelob.

23 Wen jal tsi' cuchbeyob i mul cha'an mi' yac' ti tsictiyel pejtelel i ñucllel ti' tojlel jini p'untab'ilo' b' a i cha'an, yajc'ab'ilo' b' a cha'an mi' tajob i ñucllel.

24 I pi'alonla come p'aybilonla i cha'an ja'el. Mach jinic jach israelob p'aybilob, pero jini gentilob ja'el.

25 Che' ja'el tsi' yal' ti' jun Oseas: “Mi caj c pejcañob tic cha'an jini mach b' a c cha'añob i yamb' ora. Mi caj c pejcan ti c'uxbibil b' a c cha'an jini mach b' a c'uxbibilic ti yamb' ora.

26 Mi caj i yujtel ya' ba' tsa' subentiyob mach i cha'añob Dios, ya' i mi caj i pejcantelob ti' yalobil jini cuxul b' a Dios”, che'en.

27 Isaías ja'el tsi' yal' cha'an Israelob: “Anquese lajal ti' tsicol i yalobilob Israel bajche' i ji'il colem ñajb, lamital jach mi caj i coltantelob.

28 Ti ora jach lac Yum mi caj i junyajlel cha'len meloñel ti pejtelel pañimil”, che'en.

29 Che' bajche' tsi' w' an al' Isaías: “Machic tsi' c'aybeyonla la calobilob jini lac Yum,

jiñach i Yum cab'lob, lajal tsa' jisantiyonla bajche' jini año' b' a ti Sodoma yic'ot ti Gomorra”, che'en.

Aq'uebilob toj b' a i pusic'al cha'an tsi' ñopoyob

30 ¿Chuqui yom mi lac sub, che' jini? Jini gentilob mach b' a anic tsi' sac'layob toj b' a i pusic'al tsa' aq'uentiyob. Jiñach toj b' a i pusic'al aq'uebilob cha'an tsi' ñopoyob.

31 Pero jini israelob tsa' b' a i ñopo i tajob toj b' a i pusic'al cha'an ti' jac'ol mandar ma'anic tsa' mejli i jac'ob jini mandar ti ts'ac'al.

32 ¿Chucoch? Come tsi' sac'layob toj b' a i pusic'al cha'an ti' jac'ol mandar. Ma'anic tsi' sac'layob toj b' a i pusic'al mu' b' a i yal'q'uentelob jini mu' b' a i ñopob. Tsa' yajliyob ti jini xajlel ba' mi' jats'ob i yoc.

33 Che' bajche' ts'ijbubil: “Awilan, mi cac' ti Sion jump'ejl Xajlel ba' mi' jats'ob i yoc winicob, jump'ejl Xajlel mu' b' a i yac'ob ti yajlel. Jini mu' b' a i ñop jini Xajlel ma'anic mi caj i yubin quisin”, che'en.

10

1 Quermanojob, mij c'ajtiben Dios ti oración cha'an mi' coltantelob israelob. Jiñach com b' a ti pejtelel c pusic'al.

2 Come mic sub ti isujm, anquese ch'ejlob cha'an Dios, mach yujilobic chuqui yom Dios.

3 Come mach yujilobic bajche' mi lac taj toj b' a lac pusic'al ti Dios. Jini cha'an woli' ñopob i bajñel wa'chocoñob i b' a ti toj. Ma'anic tsi' peq'uesayob i b' a cha'an mi' ch'amob ti' wenta i coltantel chajpabil b' a i cha'an Dios.

4 Come ti Cristo tsa' ts'actiyi i c'ajñibal mandar, come mi' yal'q'uentel toj b' a i pusic'al majqui jach mi' ñop.

5 Moisés tsi' yal' bajche' mi' tajob toj b' a i pusic'al cha'an ti' jac'ol jini mandar. Tsi' yal': “Jini winic mu' b' a i jac' ti ts'ac'al jini mandar cuxul mi caj i yajñel”, che'en.

6 Pero yamb'ayach i sujmllel jini toj b' a lac pusic'al mu' b' a la cac'uentel che' mi lac ñop. Mi' yal': Mach a w' al ti a pusic'al: “¿Majqui mi caj i letsel majlel ti panchan?” (cha'an mi' p'ay jubel Cristo).

⁷ Mach a w_Λ: “¿Majqui mi caj i jubel ochel ti' yajñib chameño' b_Λ?” (cha'an mi' p_Λy loq'uel Cristo ba'an chameño' b_Λ).

⁸ Pero mi' y_Λ: “L_Λc'Λ_Λ an jini t'an ba' añet. An ti a wej, an ti a pusic'al ja'el”. Jiñach jini wen t'an mu' b_Λ lac sub cha'an mi la' ñop.

⁹ Mi tsa' subu ti a wej a Yum_Λch Jesús, mi tsa' ñopo ti a pusic'al tsa'ix i teche loq'uel Dios ba'an chameño' b_Λ, mi caj a coltantel.

¹⁰ Come ti lac pusic'al mi lac ñop. Che' jini, mi la c_Λq'uentel toj b_Λ lac pusic'al. Ti la quej mi lac sub che' ñopol lac cha'an. Che' jini, mi laj coltantel.

¹¹ Come i Ts'ijbujel Dios mi' y_Λ: “Jini mu' b_Λ i ñop lac Yum Jesús ma'anic mi caj i yubin quisin”, che'en.

¹² Come junlajalob_Λch judíojob yic'ot griegojob come juntiquil jach lac Yum. Jiñach i Yum pejtelel winicob. Mi y_Λq'ueño_b i yutslel i pusic'al pejtelel mu' b_Λ i pejcaño_b.

¹³ Come majqui jach mi' pejcan lac Yum ti' c'aba' mi taj i coltantel.

¹⁴ ¿Bajche' mi mejlel i pejcaño_b lac Yum winicob x'ixicob che' maxto anic tsi' ñopoyob? ¿Bajche' mi mejlel i ñopob lac Yum che' max to anic tsi' yubibeyob i t'an? ¿Bajche' mi mejlel i yubiño_b mi ma'anic majqui mi' subeño_b?

¹⁵ ¿Bajche' mi mejlel i cha'leño_b subt'an mi mach chochilobic majlel? Come ts'ijbubil: “¡Wen i t'ojol jax i yoc jini mu' b_Λ i subob jini wen t'an mu' b_Λ i y_Λq'ueño_nla i ñach'tilel lac pusic'al!” che'en.

¹⁶ Mach ti pejtelobic tsi' jac'Λyob jini wen t'an, come Isaías tsi' y_Λ: “C Yum, ¿majqui tsi' ñopo jini tsa' b_Λ c subeyob lojon?” che'en.

¹⁷ Mi lac ñop chuqui mi la cubin. Mi la cubin i t'an Cristo che' mi lac subentel.

¹⁸ Mij c'ajtibeñetla: ¿Mach ba tsa'ic i yubiyob? Tsa' cu. Tsa' pam pujqui i t'an ti pejtelel pañimil. C'ΛΛ_Λ ba' jax_Λ i lum tsa' pam pujqui i t'año_b.

¹⁹ Mic cha' c'ajtibeñetla: ¿Mach ba anic tsi' ch'ambeyob isujm jini israelob? Ñaxan Moisés tsi' subu jini tsa' b_Λ i y_ΛΛ Dios: “Mi caj j coltan yaño' b_Λ mach b_Λ c cha'año_bic cha'an mic techbeñetla ts_Λyts_Λyña b_Λ la' pusic'al. Mi caj j coltan jini mach b_Λ año_bic i ña't_Λbal cha'an mic techbeñetla

la' mich'ajel”. Che' tsi' y_ΛΛ Dios, che'en Moisés.

²⁰ Ch'ejl i pusic'al Isaías tsi' subu i t'an Dios ja'el. Tsi' y_Λ: “Tsa' tajleyon cha'an winicob x'ixicob mach b_Λ anic tsi' saj-cayoño_b. Tsa c_Λc'Λ c b_Λ ti c_Λjñel cha'an jini mach b_Λ anic tsi' ña'tayob i c_Λñon”, che'en Dios.

²¹ Pero cha'an israelob tsi' y_Λ: “Ti pejtelel q'uin wolic p_Λyob tij c'Λ_b winicob x'ixicob mach b_Λ yujilobic i jac'ol. Mi' contrajiño_b c t'an”, che'en.

11

A ñob to Israelob yajc_Λbilo' b_Λ i cha'an Dios

¹ Mij c'ajtibeñetla, che' jini: ¿Tsa' ba chojquiyob ti Dios jini winicob x'ixicob i cha'año' b_Λ Dios? Ma'anic. Come joñon i p'olbalon Israel ja'el, i p'olbalon Abraham, i p'olbalon Benjamín.

² Dios ma'anic tsi' c_Λy_Λ i winicob tsa' b_Λ i w_Λn c_Λñayob. ¿Mach ba la' wujilic chuqui tsi' y_ΛΛ i Ts'ijbujel Dios cha'an Elías? Tsi' c'ajtibe Dios ti wocol t'an cha'an mi' contrajin israelob.

³ Tsi' y_Λ: “C Yum, tsa'ix i tsansayob x'alt'año_b a cha'an. Tsa'ix i jemeyob i yajñib tac ba' ma' w_Λq'uentel a majtan. C bajñel jax tsa' c_Λleyon. Yom i tsansañoño_b”, che'en Elías.

⁴ ¿Bajche' tsi' jac'be Dios? Tsi' y_Λ: “Wolij c_Λntan ojlil i wax_Λclujumbajc' (7000) winicob mach b_Λ anic tsi' ñocchocoyob i b_Λ ba'an Baal”, che'en.

⁵ Che' ja'el c'ΛΛ_Λ w_Λle año_b to israelob yajc_Λbilo' b_Λ i cha'an Dios ti' yutslel i pusic'al.

⁶ Dios tsi' yajcayob ti' yutslel i pusic'al, mach cha'anic wen b_Λ i melbalob. Tsa'ic i yajcayob cha'an wen b_Λ i melbalob, jiñach i tojol i ye'tel, mach i majtanic.

⁷ Ña'tan, che' jini, jini israelob ma'anic tsi' tajayob chuqui tsi' sajcayob. Jini yajc_Λbilo' b_Λ tsi' tajayob. Tsa' ts_Λts'es_Λbentiyob i pusic'al yaño' b_Λ.

⁸ Che' bajche' ts'ijbubil: “Dios tsi' yotsayob ti tonto c'ΛΛ_Λ w_Λle, cha'an ma'anic mi' c'otelob i wut, cha'an ma'anic mi' yubiño_b t'an ti' chiquin”, che'en.

⁹ David ja'el tsi' y_ΛΛ: “La' p_Λntiyic ti yac yilal jini wen tac b_Λ i cha'añob cha'an mi' chujquelob, cha'an mi' yajlelob, cha'an mi' tajob i q'uexol i mul.

¹⁰ La' yajpic i wut cha'an ma'anic mi' c'otel. C'uchchocobeñob i pat ti pejtelel ora”, che'en.

Tsi' tajayob i colt_Λntel gentilob

¹¹ Mij c'ajtibañetla, che' jini. ¿Tsa' ba i jats'ayob i yoc cha'an mi' junyajlel yajlelob? Ma'anic. Pero cha'an tsi' jats'ayob i yoc israelob tsi' tajayob i colt_Λntel gentilob. Jini cha'an tsa' techbentiyob ts_Λyts_Λyña jax b_Λ i pusic'al israelob cha'an tsa' colt_Λntiyob gentilob, come yomob i colt_Λntel ja'el.

¹² Mi tsi' tajayob chuqui wen pejtelel año' b_Λ ti pañimil cha'an tsi' jats'ayob i yoc israelob, mi tsi' tajayob chuqui wen jini gentilob ja'el cha'an tsi' s_Λtayob chuqui wen jini israelob, c'ax cab_Λl mi caj i tajob chuqui wen che' mi' cha' ochelob.

¹³ Mic pejcañetla gentilet b_Λ la, come chobilon majlel ti subt'an ti' tojlel gentilob. Mic ña'tan wen ñuc que'tel.

¹⁴ Come ti pejtelel c pusic'al com c techbeñob ts_Λyts_Λyña b_Λ i pusic'al c pi'lob cha'an mij coltan lamital cha'an mi' tajob i wenlel ti Dios.

¹⁵ Mi cab_Λl tsi' tajayob i colt_Λntel ti Dios jini gentilob che' b_Λ tsi' t_Λt_Λ'ayob i b_Λ jini israelob, ¿chuqui mi caj i yujtel che' mi' cha' melob i b_Λ yic'ot Dios jini israelob? Mi caj i cha' cuxtayelob jini chameño' b_Λ.

¹⁶ Come jini Abraham yic'ot jini x'alt'anob, i cha'añob_Λch Dios. Che' ja'el i p'olbalob, come mi ch'ujul i wi' te', che' ja'el i c'ab tac.

¹⁷ Tsa' jajqui loq'uel lamital i c'ab te'. Jatet i c'ab_Λbet yamb_Λ olivo te' mach b_Λ anic i c'ajñibal, yilol jach b_Λ tsa' coli ti mate'el. Tsa' ots_Λntiyet ba' tsa' jajqui loq'uel i c'ab. Tsa' taja a p'at_Λlel ti' wi' yic'ot ti' yetsel jini wen b_Λ olivo te'.

¹⁸ Mach a sub a b_Λ ti ñuc ti' contra i c'ab te' tsa' b_Λ jajqui loq'uel. Mi tsa' subu a b_Λ ti ñuc, ña'tan ma'anic wola' w_Λq'uen i p'at_Λlel i wi' tac jini te'. Jini i wi' tac mi' y_Λq'ueñet a p'at_Λlel.

¹⁹ Mi caj a w_Λl: Tsa' jajqui loq'uel lamital i c'ab tac cha'an mi mejlel cots_Λntel, che'et.

²⁰ Melel_Λch. Tsa' jajqui loq'uel come ma'anic tsi' ñopoyob. Jatet ma' c_Λy_Λl ba' ochemet cha'an jach tsa' ñopo. Mach a q'uel a b_Λ ti ñuc. Cha'len b_Λq'uen.

²¹ Dios tsi' jac_Λ loq'uel lamital jini mero i c'ab te'. Mach to'o che'ic jach tsi' q'uele. Mach to'o che'ic jach mi caj i q'uelet ja'el.

²² Ña'tan, che' jini, i yutslel i pusic'al Dios yic'ot i mich'ajel. Ña'tan i mich'ajel ti' tojlel jini tsa' b_Λ yajliyob. Ña'tan i yutslel i pusic'al ti a tojlel mi xuc'ul ma' wajñel ti' yutslel i pusic'al. Machic jini, jatet ja'el mi caj a tsejpel loq'uel.

²³ Jini tsa' b_Λ jajqui loq'uel mi caj i cha' ots_Λntelob mi tsi' sutq'uiyob i b_Λ cha'an mi' ñopob Dios, come Dios mi mejlel i cha' otsañob.

²⁴ Jatetla tsa' ots_Λntiyetla ti jini wen b_Λ olivo te' anquese tsa' tsejpiyetla loq'uel ti juntej_c olivo te' mach b_Λ anic i c'ajñibal, yilol jach b_Λ tsa' coli ti mate'el. Mi tsa' mejliyetla ti ochel che' mach i c'ab_Λbeticla, isujm mi mejlel ti cha' ochel jini mero i c'ab olivo te' tsa' b_Λ jajqui tac loq'uel.

Mi caj i colt_Λntelob Israelob

²⁵ Hermanojob, yom mi la' ña'tan jini t'an mach b_Λ tsictiyemic ti yamb_Λ ora, ame ñuquic mi la' lon q'uel la' b_Λ ti la' bajñel pusic'al. Tsa' ts_Λsayob i pusic'al lamital israelob jinto ts'ac_Λl mi' yochelob jini gentilob.

²⁶ Che' jini, pejtelel israelob mi caj i colt_Λntelob che' bajche' ts'ijbubil: “Tal juntiquil xColtaya loq'uem b_Λ ti Sion. Mi caj i jis_Λben i jontolil i p'olbal Jacob.

²⁷ Jiñ_Λch xuc'ul b_Λ c t'an tsa' b_Λ c subeyob mu' b_Λ caj i ts'actiyel che' mic loc's_Λbeñob i mul”, che'en Dios.

²⁸ W_Λle jini israelob woli' contrajiñob Dios cha'an jini wen t'an cha'an mi' tajob i colt_Λntel jini gentilob, pero c'uxbibilob ti Dios, come i p'olbalob Jacob.

²⁹ Dios ma'anic mi' q'uextan i pusic'al che' mi' y_Λq'ueñonla lac majtan. Ma'anic mi' q'uextan i pusic'al che' mi' p_Λyonla.

³⁰ Ti yamb_Λ ora jatetla ja'el tsa' la' ñusa Dios. W_Λle tsa'ix p'unt_Λntiyetla cha'an ma'anic tsi' ñopoyob israelob.

31 Pero wale jini israelob tsa' b_Λ i ñusayob Dios mi mejlel i cha' p'untantelob che' bajche' tsa' p'untantiyetla.

32 Dios tsi' c_Λy_Λyob ti mulil pejtel winicob x'ixicob cha'an mi' p_Λsbeñob i yutsllel i pusic'al ti pejtelelob.

33 Wen cab_Λl i yutsllel i pusic'al Dios. Ma'anic i p'isol i ña't_Λbal yic'ot i pusic'al. Mach mejlic laj c_Λmben i ña't_Λbal. Mach mejlic lac ch'_Λmben isujm jini mu' b_Λ i mel.

34 ¿Am ba majch tsi' c_Λambe i pusic'al Dios? ¿Am ba majch tsi' c_Λntesa?

35 ¿Am ba majch tsi' y_Λq'ue Dios i majtan cha'an mi' cha' ch'_Λm i q'uexol?

36 Come ch'oyol ti Dios pejtelel chuqui tac an. Ti pejtelel c_Λntabil i cha'an Dios. I cha'añach Dios ti pejtelel. La' subjic i ñucllel Dios ti pejtelel ora. Amén.

12

La' la c_Λq'uen lac b_Λ Dios

1 Jini cha'an hermanojob, a wolic mic subeñetla cha'an tsi' p'untayetla Dios, aq'uenla Dios la' b_Λc'tal che' bajche' ts_Λns_Λabil b_Λ i majtan Dios anquese cuxulel to la. Jiñach ch'ujul b_Λ i majtan Dios, uts'at b_Λ mi' q'uel. Jiñach i ch'ujutes_Λntel Dios ti isujm.

2 Mach mi la' mel bajche' mi' melob jini año' b_Λ ti pañimil. La' q'uextiyic la' pusic'al ti tsijib cha'an mi la' c_Λn chuqui yom Dios. Jiñach wen tac b_Λ yic'ot ts'_Λc_Λl tac b_Λ mu' b_Λ i mulan.

3 Ti' yutsllel i pusic'al Dios tsa' b_Λ aq'uentiyon, mic subeñetla ti jujuntiquiletla: Mach a lon ña'tan ti a pusic'al ñumen an a ñucllel bajche' an. Ti' p'isol jach bajche' tsi' y_Λq'ueyet a ñop Dios, ña'tan ti toj a ñucllel ti jujuntiquiletla.

4 Ti lac b_Λc'tal an cab_Λl chucbil tac b_Λ. Mach junchajpic jach i c'_Λjñibal jini chucbil tac b_Λ.

5 Che' ja'el joñonla anquese cab_Λlonla, jump'ejl jach lac b_Λc'tal ti Cristo. Lac tem cha'añach lac b_Λ.

6 Mach junchajpic jach laj c'_Λjñibal tsa' b_Λ aq'uentiyonla ti' yutsllel i pusic'al. Mi an laj c'_Λjñibal cha'an mi lac sub t'an, la' lac sub ti pejtelel lac pusic'al che' bajche' tsi' y_Λq'ueyonla lac ñop Dios.

7 Mi cha'añach mi laj coltan lac pi'_Λlob, la' laj coltañob. Jini yujil b_Λ c_Λntesa, la' i cha'len c_Λntesa.

8 Jini mu' b_Λ i ñuq'ues_Λben i pusic'al i pi'_Λlob, la' i ñuq'ues_Λbeñob. Jini mu' b_Λ i y_Λc' i chub_Λ'an la' i y_Λc' ti pejtelel i pusic'al. Jini am b_Λ i ye'tel la' i wen mel i ye'tel. Jini mu' b_Λ i cha'len p'untaya la' i cha'len ti' tijicñ_Λyel i pusic'al.

C'uxbiya

9 Cha'lenla c'uxbiya ti isujm. Ts'a'lenla jontolil. Mach mi la' c_Λy i melol chuqui tac wen.

10 C'uxbin la' b_Λ come la' pi'_Λl la' b_Λ, i yijts'iñetla Cristo. Yom ñumen ñuc mi la' q'uel la' pi'_Λlob bajche' mi la' bajñel q'uel la' b_Λ.

11 Mach yomic ts'ubetla. Yom ch'ejetla ti jini Espiritu. Cha'lenla i ye'tel lac Yum.

12 Yom tijicñayetla ti la' pijtaya. Yom xuc'uletla ti la' wocol. Pejcanla Dios ti pejtelel ora.

13 Coltanla i cha'año' b_Λ Dios ti pejtelel chuqui tac anto yom i cha'año. We'saño ti la' wotot.

14 Aq'ueñob i yutsllel la' t'an jini mu' b_Λ i tic'lañetla. Ac'_Λla i yutsllel la' t'an, mach mi la' cha'len p'ajoñel.

15 Yom tijicñayetla yic'ot jini tijicñayo' b_Λ. Cha'lenla uq'uel yic'ot jini mu' b_Λ i cha'leñob uq'uel.

16 Ajñenla ti jump'ejl la' pusic'al yic'ot la' pi'_Λlob. Mach mi la' q'uel la' b_Λ ti ñuc. Ajñenla yic'ot jini utso' b_Λ. Mach mi la' lon ña'tan cab_Λl la' bajñel pusic'al.

17 Mach mi la' q'uextan jontolil. Ña'tan la' mel chuqui toj ti' wut pejtelel winicob x'ixicob.

18 Cha'lenla wersa cha'an ñ_Λch'_Λl mi la' wajñel yic'ot pejtelel winicob x'ixicob.

19 C'uxbibilet b_Λ la, mach mi la' bajñel q'uext_Λben jontol b_Λ i melbal la' pi'_Λlob. La' i q'uext_Λbeñob Dios ti' mich'ajel. Come ts'ijbubil: "Joñon mij q'uextan jontolil. Joñon mi c_Λq'ueñob i tojol i mul", che'en lac Yum.

20 Jini cha'an m_Λc'lan la' contra mi an i wi'ñal. Aq'uen chuqui mi' jap mi an i tiquin ti'. Che'_Λch mi caj a wen techben i quisin.

21 Mach a w_Λc' a b_Λ ti' jac'ol jontolil. Mele chuqui wen cha'an mi' m_Λjlel a cha'an.

13

Jac'benla año' b_Λ i ye'tel

¹ Ti pejteleletla jac'benla i t'an jini año' b_Λ i ye'tel ti pañimil, come ch'oyolach jini e'tel ti Dios. Dios tsi' wa'choco jini año' b_Λ i ye'tel.

² Jini cha'an, jini mu' b_Λ i ñus_Λbeñob i t'an año' b_Λ i ye'tel, mi' ñusan jini wa'chocobilo' b_Λ i cha'an Dios. Jini mu' b_Λ i ñusañob t'an mi caj i tojob i mul.

³ Jini mu' b_Λ i cha'len chuqui wen ma'anic mi' cajel ti b_Λq'uen ti' tojlel año' b_Λ i ye'tel, jini jach mu' b_Λ i cha'len jontolil. Mi mach a womic mi' tejchel a b_Λq'uen ti' tojlel am b_Λ i ye'tel ch_Λn mele chuqui wen. Che' jini, uts'at mi caj i q'uelet.

⁴ Come jini am b_Λ i ye'tel i winic_Λch Dios cha'an mi' c_Λntañet. Mi wola' mel jontolil, cha'len b_Λq'uen come mach lolomic jach an i yespada. An i ye'tel, aq'uebil b_Λ i cha'an Dios, cha'an mi y_Λq'uen i toj i mul jini mu' b_Λ i cha'len jontolil.

⁵ Jini cha'an yom mi lac jac'ben i mandar, mach cojic jach cha'an mach mi' tajonla i mich'ajel Dios, pero cha'an ma'anic mi' cajel ti t'an lac pusic'al.

⁶ Jini cha'an mi la' w_Λc' tojoñel ja'el come jini año' b_Λ i ye'tel, i winicob_Λch Dios che mi' ch_Λn melob jini e'tel.

⁷ Aq'ueñob ti pejtelelob chuqui an ti la' wenta. Aq'uenla tojoñel ti chajp ti chajp jini mu' b_Λ i ch'Λmob tojoñel. B_Λc'ñanla jini yom b_Λ mi la' b_Λc'ñan. Q'uelela ti ñuc jini yom b_Λ mi la' q'uel ti ñuc.

Yom c'uxbiya come lac'lix i yorajlel

⁸ Tojo la' bet ti pejtelel. Pero an yamb_Λ junchajp b_Λ la' bet cha'an mi la' ch_Λn c'uxbin la' b_Λ, come jini mu' b_Λ i c'uxbin i pi'lob ts'Λc_Λl mi' jac' jini mandar.

⁹ Come mi' y_Λl jini mandar: "Mach a cha'len ts'i'lel, mach a cha'len ts_Λnsa, mach a cha'len xujch', mach a ts_Λjyun chub_Λ'an_Λl", che'en. Jini mandar tac yic'ot pejtelel yan tac b_Λ mandar mi' ts'actiyel che' mi lac jac' ili jump'ejl mandar: "C'uxbin a pi'lob che' bajche' ma' bajñel c'uxbin a b_Λ".

¹⁰ Jini mu' b_Λ i c'uxbin i pi'lob ma'anic chuqui mi' cha'len ti' contrajob. Jini cha'an

che' mi lac cha'len c'uxbiya ts'Λc_Λl mi lac jac' jini mandar.

¹¹ Melela jini. Come la' wujil i yorajlelix w_Λle. Yomix mi lac ch'ojoyel ti w_Λyel come c'ax l_Λc'Λlix laj colt_Λntel come anix ora tsa' caji lac ñop.

¹² Yomax ñumel jini ac'Λlel. Talix jini q'uin. La' laj c_Λy i ye'tel ic'yoch'an b_Λ pañimil. La' lac l_Λpben i sac_Λlel pañimil i wenta lac m_Λctijib.

¹³ La' lac cha'len x_Λmbal ti uts'at che' bajche' ti q'uiñil. Mach yomic leco b_Λ q'uiñijel, mi y_Λc'ajel, mi ts'i'lel, mi jontolil, mi leto. Mach yomic ts_Λyts_Λyña b_Λ lac pusic'al cha'an i wenlel lac pi'lob.

¹⁴ C'ajtibenla lac Yum Jesucristo cha'an uts'at mi la' wajñel. Mach yomic mi la' ch_Λn ña'tan chuqui yom la' tsucul pusic'al cha'an mi la' jac'ben i colosojlel.

14

Jini mach b_Λ wolic i ñop ti pejtelel i pusic'al

¹ Jini mach b_Λ wolic i ñop ti pejtelel i pusic'al p_Λy_Λla ochel ti la' wotot. Mach mi la' p_Λy ochel cha'an mi la' c_Λl_Λx pejcan la' b_Λ cha'an chuqui woli la' bajñel ña'tan ti la' pusic'al.

² Juntiquil winic mi' ña'tan uts'at mi laj c'ux pejtelel chuqui an. Yamb_Λ maxto b_Λ c_Λntes_Λbilic mi' lon ñop an tic'bil tac b_Λ i b_Λl ñ_Λc'Λl.

³ Jini mu' b_Λ i c'ux pejtelel chuqui an, mach i ts'a'len jini mach b_Λ anic mi' c'ux. Jini mach b_Λ anic mi' c'ux mach mi' lon al ti' pusic'al an i mul jini mu' b_Λ i c'ux, come ochem ti Dios.

⁴ ¿A wenta ba cha'an ma' melben i winic yamb_Λ yum_Λl? I wentaj_Λch i yum cha'an mi' q'uel mi xuc'ul o mi mach xuc'ulic. Lac Yum mi caj i q'uel ti xuc'ul i winic come an i p'Λt_Λlel lac Yum cha'an mi' xuc'chocon.

⁵ An winic ñumen ñuc b_Λ mi' q'uel jump'ejl q'uin bajche' yamb_Λ. Yamb_Λ winic junlajal mi' q'uel pejtelel q'uin. Ti jujuntiquil la' i ña'tan ti jump'ejl i pusic'al bajche' yom.

⁶ Jini mu' b_Λ i mel q'uin mi' mel q'uin cha'an mi' ñuq'uesan lac Yum. Jini mach b_Λ anic mi' mel q'uin mi' nuq'uesan lac Yum ja'el che' ma'anic mi' mel q'uin. Jini mu' b_Λ

i cha'len we'el mi' cha'len we'el cha'an mi' ñuq'uesan lac Yum. Mi' suben Dios wocolix i yΛΛ. Jini mach bΛ anic mi' cha'len we'el mi' ñuq'uesan lac Yum che' ma'anic mi' cha'len we'el. Mi' suben Dios wocolix i yΛΛ.

7 Ma'anic majch cuxul cha'an i bajñel jach yom. Ma'anic majch mi' chΛmel cha'an i bajñel jach yom.

8 Mi cuxulonla, cuxulonla cha'an mi' q'uejlel ti ñuc lac Yum. Mi woli lac chΛmel, woli lac chΛmel cha'an mi' q'uejlel ti ñuc lac Yum. Jini cha'an mi cuxulonla, o mi woli lac chΛmel, i cha'añonla lac Yum.

9 Tsa' chΛmi Cristo, tsa' cha' ch'ojoyi. Cuxul tsa' cha' ajni cha'an mi' yochel ti' yum jini chΛmeño' bΛ yic'ot jini cuxulo' bΛ.

10 Jatet ¿chucoch wola' q'uel ti xmulil a wermano? Come ti lac pejtelel mi caj lac wa'tΛl ba' mi' melonla Dios.

11 Come ts'ijbubil: “Cha'an tic bajñel p'ΛtΛlel, che'en lac Yum, ti pejtelel winicob x'ixicob mi caj i ñocchocoñob i bΛ tic tojel. Ti pejtelelob mi caj i subob i ñuclel Dios”, che'en.

12 Jini cha'an ti jujuntiquilonla mi caj lac sub lac bΛ ti' tojel Dios.

13 Che' jini, mach yomix mi lac chΛn q'uel ti xmulil lac pi'Λlob. La' laj q'uel lac bΛ cha'an ma'anic mi lac yΛsan ti mulil lac pi'Λlob.

14 Ma'anic chuqui bibi' ti' bajñelil. Cujil, come tsa' pΛsbentiyon ti lac Yum Jesús. Bibi' jach ti' wut jini winic mu' bΛ i q'uel ti bibi'.

15 Mi wola' techben i ch'ijiyemlel i pusic'al a wermano cha'an chuqui tac ma' c'ux, ma'anic wola' c'uxbin bajche yom. Tsa' chΛmi Cristo cha'an a wermano. Mach a wΛc' ti jilel cha'an chuqui tac ma' c'ux.

16 Wen ña'tan bajche' yom ma' mel ame q'uejlic ti jontolil chuqui tac ma' q'uel ti uts'at.

17 Come ti' yumΛntel Dios ma'anic mi coltañonla we'elΛl yic'ot uch'el. Mi' coltañonla toj bΛ lac pusic'al yic'ot i ñach'tilel yic'ot i tijicñayel lac pusic'al ch'oyol bΛ ti Ch'ujul bΛ Espíritu.

18 Jini mu' bΛ i taj i c'Λjñibal ti Espíritu cha'an mi' melben i ye'tel Cristo, mi' q'uejlel ti uts'at ti' wut Dios yic'ot ti' wut winicob.

19 La' lac ña'tan chuqui tac yom cha'an ñach'Λl mi la cajñel cha'an mi lac p'ΛtesΛben lac bΛ lac pusic'al.

20 Mach a jisΛben i ye'tel Dios cha'an chuqui tac jach ma' c'ux. Melel, sΛc pejtelel chuqui tac an. Jiñach jontolil mi an winic mu' bΛ i yΛc' ti yajlel i yermano cha'an chuqui tac jach mi' c'ux.

21 Mach ma' mel chuqui tac mi' yΛsan ti mulil a wermano. Mach ma' techben tile bixel bΛ i pusic'al o mi yambΛ wocol. Uts'at ma' cΛy a c'ux we'elΛl o mi vino o mi yan tac bΛ mu' bΛ i jisΛben i xuc'tilel i pusic'al.

22 Mi an chuqui wola' ñop, ñopo ti' xuc'tilel a pusic'al ti' wut Dios. Tijicña jini mach bΛ anic mi' tejchel tile bixel bΛ i pusic'al cha'an i melbal mu' bΛ i q'uel ti uts'at.

23 Jini am bΛ tile bixel bΛ i pusic'al cha'an we'elΛl mi' taj i mul mi tsi' c'uxu, come mach ti jump'ejlic i pusic'al tsi' c'uxu. Chuqui jach mi lac mel che' mach ti jump'ejlic lac pusic'al, jiñach mulil.

15

1 Mi p'ΛtΛlonla yom mi laj cuchbeñob i sajtemal jini tile bixelo' bΛ i pusic'al. Mach yomic mi lac mel chuqui yom lac bajñel pusic'al.

2 Ti jujuntiquilonla la' lac mel chuqui mi' mulañob lac pi'Λlob cha'an mi' p'Λt'añob, cha'an mi' tajob i wenlel.

3 Come Cristo ma'anic tsi' mele chuqui yom i bajñel pusic'al, che' bajche' ts'ijbubil: “Che' bΛ tsi' yΛ'leyetob, tsi' yΛ'leyoñob”, che'en.

4 Jini ts'ijbubil bΛ ti wajali tsa' ts'ijbunti cha'an mi laj cΛntesΛntel. I Ts'ijbujel Dios mi yΛq'ueñonla i xuc'tilel yic'ot i ñuq'uesΛntel lac pusic'al cha'an mi lac pij-tan jini tal to bΛ.

5 Jini Dios mu' bΛ i yΛq'ueñonla i xuc'tilel yic'ot i ñuq'uesΛntel lac pusic'al la' i yΛq'ueñetla la' tem ajñel ti jump'ejl jach la' pusic'al che' bajche' yom Cristo Jesús.

6 Che' jini, ti jump'ejl la' pusic'al mi mejlel la' tem tsictesan i ñuclel Dios, i Tat lac Yum Jesucristo.

Jini wen t'an ti' tojlel gentilob

7 Jini cha'an p'untan la' b_Λ che' bajche' Cristo tsi' p'untayetla cha'an mi' ñuq'ues_Δntel Dios.

8 Come mic subeñetla tsa' tili Cristo Jesús i coltan jini tsepbilo' b_Λ i p_Δch_Δlel cha'an mi y_Δc' ti tsictiyel isujm_Δch Dios, cha'an ja'el mi' ts'_Δctesan jini t'an tsa' b_Λ subentiyob lac ñojte'el,

9 cha'an ja'el mi' tsictes_Δbeñob i ñucl_Δel Dios jini gentilob tsa' b_Λ p'unt_Δntiyob ti Dios, che' bajche' ts'ijbubil: "Jini cha'an mi caj c sub a ñucl_Δel ti' tojlel gentilob mi caj j c'_Δyibeñet a c'aba'", che'en Cristo.

10 Ts'ijbubil ja'el: "Tijicñesan la' pusic'al gentilet b_Λ la yic'ot i cha'año' b_Λ Dios".

11 Ts'ijbubil ja'el: "Subula i ñucl_Δel lac Yum pejtelel gentilet b_Λ la. La' i subob i ñucl_Δel ti pejtelel lum".

12 Tsi' y_Δl_Δ Isaías ja'el: "Mi caj i tilel i p'olbal Isaí. Mi caj i tech i yum_Δntel ti' tojlel gentilob mu' b_Λ caj i pijtañob", che'en.

13 Jini Dios mu' b_Λ i y_Δq'ueñonla lac pijtaya che' mi lac ñop, la' i bujt'esan la' pusic'al ti' tijicñ_Δyel yic'ot i ñ_Δch'tilel cha'an mi la' wen pijtan ti' p'_Δt_Δlel Ch'ujul b_Δ Espíritu.

14 Quermanojob cujil ti isujm, an cab_Δl i yutslel la' pusic'al yic'ot la' ña't_Δbal. La' wujil bajche' yom mi la' xic'ben la' b_Λ ti uts'at.

15 Ch'ejl c pusic'al tsac ts'ijbubeyetla chuqui yom mi la' cha' ña'tan. Ch'ejlon cha'an tsa' aq'uentiyon que'tel ti Dios

16 yic'ot i yutslel i pusic'al cha'an mic sub Cristo Jesús ti' tojlel gentilob. Mic subeñob i wen t'an Dios cha'an mi c_Δq'uen Dios jini gentilob cha'an i majtan. Jiñ_Δch yom b_Λ i ch'_Δm Dios, jini s_Δq'ues_Δbilo' b_Λ ti Ch'ujul b_Δ Espíritu.

17 Ti Cristo Jesús mij q'uel c b_Λ ti ñuc cha'an que'tel aq'uebilon ti Dios.

18 Come ma'anic chuqui com c tsictesan, cojach jini tsa' b_Λ i mele Cristo che' b_Λ tsi' c'_Δñ_Δ c t'an yic'ot c melbal cha'an mi' jac'ob gentilob.

19 Tsi' p_Δs_Δ ñuc b_Λ i yejtal i p'_Δt_Δlel yic'ot b_Δb_Δq'uen tac b_Λ ti' p'_Δt_Δlel Ch'ujul b_Δ Espíritu. Che' jini, tsa'ix c laj subu i wen t'an Cristo c'_Δl_Δl ti Jerusalén, c'_Δl_Δl ti Ilírico.

20 Che'_Δch tsac cha'le wersa c sub jini wen t'an ba' maxto subilic i c'aba' Cristo ame wolic c cha' sub ba' tsi' ñaxan subu yamb_Δ winic.

21 Come ts'ijbubil: "Mi caj i c'otel i wut winicob mach b_Λ anic tsa' subentiyob i sujml_Δel Cristo. Winicob maxto b_Λ anic tsi' yubiyob mi caj i ch'_Δmbeñob isujm", che'en.

Pablo yom majlel ti Roma

22 Jini cha'an cab_Δl tsa' tijq'uiyon che' b_Λ tsac ña'ta majlel ba' añetla.

23 W_Δle ma'anix que'tel ilayi ti ili lum tac. Anix cab_Δl jab com majlel ba' añetla.

24 Baqui ora mic majlel ti España com j q'ueletla che' mic ñumel ba' añetla. Com ja'el mi la' pi'leñon majlel ba' samiyon che' b_Λ tsa'ix c jula'tayetla.

25 W_Δle mic majlel ti Jerusalén cha'an mic ch'_Δmbeñob majlel i colt_Δntel i cha'año' b_Λ Dios.

26 Come jini año' b_Λ ti Macedonia yic'ot ti Acaya tsi' y_Δc'_Δyob ofrenda ti' yutslel i pusic'al cha'an i cha'año' b_Λ Dios ti Jerusalén mach b_Λ añobic i chub_Δ'an.

27 Come yomob i y_Δc', come añob i bet ti' tojlel israelob. Come jini gentilob tsa' tem aq'uentiyob i wenlel ti Dios yic'otob. Jini cha'an an ti' wenta cha'an mi' coltañob jini hermanojob ti Jerusalén ti' chub_Δ'an.

28 Ba' ora mi cujtel ti jini e'tel, che' b_Λ tsa'ix c_Δq'ueyob i majtan, mi caj c ñumel ba' añetla che' mic majlel ti España.

29 Cujil che' mij c'otel ba' añetla, Cristo mi caj i y_Δq'ueñonla cab_Δl lac wenlel yic'ot lac tijicñ_Δyel ti jini wen t'an.

30 W_Δle mic subeñetla, la' wocolic hermanojob cha'an ti lac Yum Jesucristo, yic'ot cha'an ti' yEspíritu mu' b_Λ i y_Δq'ueñonla laj c'uxbin lac b_Λ, cha'lenla wersa quic'ot ti oración. Pejcanla Dios cha'año,

31 cha'an ma'anic mic chujquel ti' c'_Δb jini mach b_Λ anic mi' ñopob ya' ti Judea, cha'an uts'at mi' ch'_Δmob i majtan mu' b_Λ caj c_Δq'ueñob i cha'año' b_Λ Dios ya' ti Jerusalén,

32 cha'an tijicña mij c'otel ba' añetla che' bajche' yom Dios cha'an mi' cha' ñuq'ues_Δntel lac pusic'al.

³³ Jini Dios mu' b_Λ i y_Λq'ueñonla i ñ_Λch'tilel lac pusic'al la' ajnic la' wic'ot ti la' pejtelel. Amén.

16

Cortesía tac

¹ Com mi la' c_Λn la quermana Febe am b_Λ i ye'tel che' bajche' diácono ti' tojlel xñopt'añob mu' b_Λ i tempañob i b_Λ ya' ti Cencrea.

² Come añetla ti lac Yum, jini cha'an p_Λy_Λla ochel ti la' wotot che' bajche' yom mi' melob jini i cha'año' b_Λ Dios. Coltanla mi an chuqui yom come cab_Λlix tsi' colta hermanojob. Tsi' coltayan ja'el.

³ Aq'ueñob cortesía Priscila yic'ot Aquila, come tsi' cha'leyob e'tel quic'ot ti Cristo Jesús.

⁴ Colel tsa' y_ΛΛ ts_Λns_Λntelob cha'an tsi' coltayoñob. Mach joñonic jach mic subeñob wocolix i y_ΛΛ Priscila yic'ot Aquila, pero che'Λch mi' melob ja'el pejtelel jini gentilob baqui jach mi' tempañob i b_Λ.

⁵ Aq'uenla cortesía ja'el xñopt'añob mu' b_Λ i tempañob i b_Λ ya' ti' yotot Aquila. Aq'uenla cortesía Epeneto ja'el mu' b_Λ j c'uxbin, tsa' b_Λ i ñaxan ñopo Cristo ya' ti Acaya.

⁶ Aq'uenla cortesía María tsa' b_Λ i cha'le cab_Λl e'tel cha'an mi' coltañetla.

⁷ Aq'uenla cortesía Andrónico yic'ot Junias, jini c pi'Λlob ti ñujp'el. Ñuc mi' q'uejlelob cha'an jini apóstolob. Ñaxan tsa' ochiyob ti Cristo, wi'ilix joñon.

⁸ Aq'uenla cortesía Amplias mu' b_Λ j c'uxbin ti lac Yum.

⁹ Aq'uenla cortesía Urbano ja'el woli b_Λ ti e'tel la quic'ot ti Cristo, yic'ot Estaquis mu' b_Λ j c'uxbin.

¹⁰ Aq'uenla cortesía Apeles tsa' b_Λ i chucu wocol ti' ye'tel Cristo. Aq'uenla cortesía jini año' b_Λ ti' yotot Aristóbulo.

¹¹ Aq'uenla cortesía c pi'Λl Herodión. Aq'uenla cortesía jini año' b_Λ ti' yotot Narciso año' b_Λ ti lac Yum.

¹² Aq'uenla cortesía la quermanajob Trifena yic'ot Trifosa mu' b_Λ i cha'leñob e'tel ti lac Yum. Aq'uenla cortesía la quermana Pérsida, jini c'uxbibil b_Λ tsa' b_Λ i cha'le cab_Λl e'tel ti lac Yum.

¹³ Aq'uenla cortesía Rufo, wen ñuc b_Λ ti lac Yum, yic'ot i ña' tsa' b_Λ i c'uxbiyon che' bajche' c ña'.

¹⁴ Aq'uenla cortesía Asíncrito yic'ot Flegonte yic'ot Hermas yic'ot Patrobas yic'ot Hermes yic'ot yamb_Λ hermanojob ya' b_Λ añob.

¹⁵ Aq'uenla cortesía Filólogo yic'ot Julia yic'ot Nereo yic'ot i yijti'an yic'ot Olimpás yic'ot pejtelel i cha'año' b_Λ Dios ya' b_Λ añob.

¹⁶ Aq'uen la' b_Λ cortesía. Ts'ujts'un la' b_Λ ti uts'at. Pejtelel jini año' b_Λ ti Cristo baqui jach mi' tempañob i b_Λ mi' y_Λq'ueñetla cortesía.

¹⁷ Hermanojob mic subeñetla ti wocol t'an ña'tanla majqui woli' y_Λsañetla ti mulil, mu' b_Λ i t'oxetla ti t'an ti' contra la' c_Λntes_Λntel. T_Λts'Λ la' b_Λ ba' añob.

¹⁸ Come jini mu' b_Λ i cha'leñob bajche' jini ma'anic mi' jac'ob chuqui yom lac Yum Jesucristo. Jini jach mi' jac'ob chuqui yom i tsucul pusic'al. Ti maña jax b_Λ t'an yic'ot ti uts b_Λ t'an mi' lotiñob jini mach b_Λ añobic i ña't_Λbal.

¹⁹ Yujilob pejtél winicob uts'at bajche' mi la' jac'. Jini cha'an tijicñayon cha'añetla. Com mi la' wen c_Λn chuqui tac uts'at cha'an mi la' mel. Mach comic mi la' ñop jontolil.

²⁰ Jini Dios mu' b_Λ i y_Λq'ueñonla i ñ_Λch'tilel lac pusic'al mach jalix mi caj i y_Λq'ueñetla la' t'uchtan Satanás. La' ajnic la' wic'ot i yutslel i pusic'al lac Yum Jesús.

²¹ Mi' y_Λq'ueñetla cortesía Timoteo jini c pi'Λl ti e'tel, che' ja'el Lucio yic'ot Jasón yic'ot Sosípater jini c pi'Λlob.

²² Joñon Tercio mu' b_Λ c ts'ijban jini jun, mi c_Λq'ueñetla cortesía ti lac Yum.

²³ Mi' y_Λq'ueñetla cortesía Gayo i yum jini otot ba' jillemon yic'ot pejtelel xñopt'añob mu' b_Λ i tempañob i b_Λ ti' yotot. Mi' y_Λq'ueñetla cortesía Erasto jini tesoroero cha'an tejclum. Mi' y_Λq'ueñetla cortesía la quermano Cuarto.

²⁴ La' ajnic i yutslel i pusic'al lac Yum Jesucristo la' wic'ot ti la' pejtelel. Amén.

La' tsictiyic i ñuclél Dios

²⁵ Dios mi mejlel i p'Λtesañetla che' bajche' mi' y_Λl jini wen t'an mu' b_Λ c sub, mu' b_Λ i y_Λc' ti c_Λjñel Jesucristo. Come tsi' tsictesa jini mucul tac b_Λ mach b_Λ tsiquilic ti yamb_Λ ora c'Λ_Λl ti' cajibal pañimil.

²⁶ Tsictiyemix jini t'an w_Λle, ts'ijbubil i cha'an x'alt'añob cha'an ti' mandar jini Dios am b_Λ ti pejtelel ora. Tsi' y_Λc'_Λ ti c_Λjñel ti pejtelel lum cha'an mi' jac'ob jini mu' b_Λ i ñopob.

²⁷ Jini cojach b_Λ Dios am b_Λ i ña't_Λbal la' tsictiyic i ñuclel ti pejtelel ora ti Jesucristo. Amén.

1 CORINTIOS

¹ Pablojon quic'ot la quermano Sóstenes, p̄aybilon ti apóstol i cha'an Jesucristo che' bajche' yom Dios.

² Wolic ts'ijbubeñetla ili jun, xñopt'añet b̄a la i cha'an Dios ya' ti Corinto. Tsa'ix ajq'uiyetla ti' wenta Dios. P̄aybiletla cha'an mi la' wochel ti Cristo Jesús la' wic'ot pejtrel mu' b̄a i pejcañob lac Yum Jesucristo ti' c'aba', baqui jach añob. Jini lac Yum i yumach ja'el.

³ La' aq'uentiquetla i yutslal i pusic'al Dios yic'ot i ñach'talal la' pusic'al ch'oyol b̄a ti Dios lac Tat yic'ot ti lac Yum Jesucristo.

Wocolix i yalā Dios

⁴ Ti pejtelel ora mic suben c Dios wocolix i yalā cha'añetla, come aq'uebiletla i yutslal i pusic'al Dios ti Cristo Jesús.

⁵ Ti Cristo tsa' p'ojli la' wenlel ti pejtelel chuqui tac uts'at. Jini cha'an wen la' wujil t'an, wen an la' ña'tabal.

⁶ Come woli' tsictiyel i ye'tel Cristo ti la' tojlel che' bajche' tsac subeyetla.

⁷ Che' jini ma'anic chuqui anto yom la' cha'an, come wen chajp̄abiletla woli la' pijtan lac Yum Jesucristo mu' b̄a caj i tsictiyel.

⁸ Mi caj i ch̄an xuc'chocoñetla c'alal ti' jilibal cha'an ma'anic la' mul che' ti' q'uiñilel lac Yum Jesucristo.

⁹ Xuc'ul Dios tsa' b̄a i p̄ayayetla cha'an mi la' tem ajñel yic'ot i Yalobil, jiñach Jesucristo lac Yum.

¿T'oxol ba Cristo?

¹⁰ Hermanojob, mic subeñetla ti wocol t'an ti' c'aba' lac Yum Jesucristo, yom junlajal mi la' cha'len t'an. Mach mi la' t'ox la' b̄a ti leto. Tem ajñenla ti uts'at ti jump'ejl la' pusic'al ti jump'ejl la' ña'tabal.

¹¹ Come jini año' b̄a ti' yotot Cloé tsi' subeyoñob woli la' w̄a'len la' b̄a, quermanojob.

¹² Mi cal isujm, come ti chajp ti chajp mi la' cha'len t'an ti jujuntiquiletla. Juntiquil mi' yal: Joñon i cha'añon Pablo. Yamba mi' yal: Joñon i cha'añon Apolos. Yamba mi' yal: Joñon i cha'añon Cefas. Yamba mi' yal: Joñon i cha'añon Cristo. Che'ach mi la' cha'len t'an.

¹³ ¿T'oxol ba Cristo? ¿Tsa' ba ch'ijle ti cruz Pablo cha'añetla? ¿Tsa' ba la' ch'ama ja' ti' c'aba' Pablo?

¹⁴ Mic suben Dios wocolix i yalā come ma'anic tsa c̄aq'ueyetla ch'amja'. Cojach tsa c̄aq'ueyob ch'amja' Crispo yic'ot Gayo,

¹⁵ ame anic majch mi' lon al tsa' aq'uentiyetla ch'amja' tij c'aba'.

¹⁶ Tsa c̄aq'ue ch'amja' Estéfanos ja'el yic'ot jini año' b̄a ti' yotot. Mach kujilic mi tsa c̄aq'ue ch'amja' yamba.

¹⁷ Come Cristo ma'anic tsi' chocoyon majlel cha'an mi c̄ac' ch'amja'. Tsi' chocoyon majlel cha'an mic sub jini wen t'an. Mach ti' ña'tabalic jini pañimil mic sub ame sajtic i sujmlal i cruz Cristo.

Cristo, i p'at̄alal yic'ot i ña'tabal Dios

¹⁸ Jini sajtemo' b̄a mi' yalob tonto jax i sujmlal jini cruz. Pero joñonla colt̄abilon b̄a la, la kujil jiñach i p'at̄alal Dios.

¹⁹ Come ts'ijbubil: "Mi caj c jisabeñob i ña'tabal jini cabal b̄a i ña'tabal. Mi caj c socheñob i pusic'al jini año' b̄a cabal i pusic'al", che'en Dios.

²⁰ ¿Bacan jini cabal b̄a i ña'tabal? ¿Bacan jini sts'ijbaya? ¿Bacan jini mu' b̄a i ña'tan i sujmlal jini pañimil am b̄a wale? Dios tsa'ix i p̄asa sojqum jax i ña'tabal jini pañimil.

²¹ Che' bajche' tsi' w̄an ña'ta Dios, jini año' b̄a ti pañimil ma'anic mi' c̄añob Dios cha'an ti' bajñel ña'tabal, come Dios mi' c'an jini t'an mu' b̄a i yaljel ti tonto cha'an mi' coltan jini mu' b̄a i ñopob, come che' yom i pusic'al.

²² Jini judíojob mi' wersa c'ajtibebob i yejtal tac i p'at̄alal. Jini griegojob mi' sajcañob i ña'tabal pañimil.

²³ Pero joñonla mi lac sub Cristo tsa' b̄a ch'ijle ti cruz. Jini t'an mi' yac' ti yajlel judíojob. Tonto jax jini t'an mi' yalob gentilob.

²⁴ Pero jini p̄aybilo' b̄a, mi judíojob, mi griegojob, mi' ña'tañob jini Cristo i p'at̄alalch Dios, i ña'tabalch Dios ja'el.

²⁵ I ña'tabal Dios mu' b̄a i yaljel ti tonto mach sojqumic che' bajche' i ña'tabal winicob. I melbal Dios mach b̄a anic i p'at̄alal mi' lon q'uelob winicob, ñumen p'at̄alalch bajche' i p'at̄alal winicob.

²⁶ Come ña'tanla, hermanojob, bajche' tsa' p̄ajiyetla. Ma'anic cabal ñuco' b̄a am

b_Λ cab_Λ i ña't_Λbal ti la' tojlel. Ma'anic cab_Λ p'_Λt_Λlo' b_Λ, mi cab_Λ yum_Λlob.

²⁷ Jini mu' b_Λ i q'uejlel ti tonto w_Λ' ti pañimil Dios tsi' yajca cha'an mi' y_Λc' ti quisin jini cab_Λ b_Λ i ña't_Λbal. Tsi' yajca jini mach b_Λ p'_Λt_Λlic ti pañimil cha'an mi' y_Λc' ti quisin jini p'_Λt_Λlo' b_Λ.

²⁸ Dios tsi' yajca jini mach b_Λ ñuquic ti pañimil yic'ot jini ts'a'lebil b_Λ yic'ot jini mach b_Λ anic i c'_Λjñibal cha'an mi' jisan jini am b_Λ i c'_Λjñibal ti' tojlel winicob.

²⁹ Che' jini ma'anic majqui mi mejlel i chañ'esan i b_Λ ti' tojlel Dios.

³⁰ Come Dios tsi' y_Λq'ueyetla la' wajñel ti Cristo Jesús. Dios tsi' y_Λq'ueyonla Cristo. Jiñach lac ña't_Λbal tilem b_Λ ti Dios. Jiñach tsa' b_Λ i y_Λc'_Λyonla ti' wenta Dios, tsa' b_Λ i q'ueleyonla ti' toj. Jiñach tsa' b_Λ i y_Λc'onla ti libre.

³¹ Jini cha'an, che' bajche' ts'ijbubil: “Jini yom b_Λ i sub chuqui ñuc, la' i tsictesan i ñucel lac Yum”.

2

Cristo tsa' b_Λ ch'ijle ti cruz

¹ Hermanojob, che' b_Λ tsa' c'otiyon ba' añetla ma'anic tsac pejcayetla ti to'ol ch'ejl jach b_Λ t'an yic'ot c' bajñel ña't_Λbal che' b_Λ tsac subeyetla i t'an Dios.

² Come tsa c_ΛΛ tic pusic'al ma'anic chuqui mi caj c' ña'tan ti la' tojlel, cojach Jesucristo tsa' b_Λ ch'ijle ti cruz.

³ Che' b_Λ ya' añon quic'otetla wen c'uñon, cab_Λ c' b_Λq'uen, tsiltsilñayon.

⁴ Che' b_Λ tsac pejcayetla, che' b_Λ tsac cha'le sub t'an cha'an mic xiq'uetla, tsiquil mach tilemic c' t'an tic bajñel pusic'al pero tilem ti' p'_Λt_Λlel Espíritu,

⁵ cha'an wen xuc'ul mi la' ñop. Come jiñach i ye'tel Dios yic'ot i p'_Λt_Λlel, mach i ye'telic winicob cab_Λ b_Λ i ña't_Λbal.

I tsictes_Λbal i yEspíritu Dios

⁶ Mic sub lojon i ña't_Λbal Dios ti' tojlel jini xuc'ul b_Λ xñopt'añob. Ma'anic mic sub lojon i ña't_Λbal pañimil, mi i ña't_Λbal yum_Λlob mu' b_Λ i jilelob.

⁷ Mic sub lojon i ña't_Λbal Dios mach b_Λ tsictiyemic ti yamb_Λ ora, jini mucul b_Λ i ña't_Λbal tsa' b_Λ i w_Λn wa'choco Dios che' b_Λ

maxto anic pañimil, cha'an mi' y_Λq'ueñonla lac ñucel.

⁸ Jini yum_Λlob ti pañimil ma'anic tsi' c_Λñ_Λyob i ña't_Λbal Dios mi juntiquilic. Tsa'ic i c_Λñ_Λyob, ma'anic tsi' ch'ijiyob ti cruz lac Yum am b_Λ i yum_Λntel ti chan.

⁹ Come ts'ijbubil: “Jini mach b_Λ q'uelbilic ti' wut winicob, jini mach b_Λ ubibilic ti' chiquin winicob, jini mach b_Λ anic tsi' ña'tayob winicob ti' pusic'al, jiñach tsa' b_Λ i chajpa Dios cha'an mi' y_Λq'ueñob jini mu' b_Λ i c'uxbiñob Dios”, che'en.

¹⁰ Dios tsi' laj tsictes_Λbeyonla ti' p'_Λt_Λlel jini Espíritu, come jini Espíritu mi' ch'_Λm_Λben isujm pejtelel chuqui tac an yic'ot i sujmllel Dios wocol b_Λ ti c_Λñol.

¹¹ ¿Am ba juntiquil winic mu' b_Λ mejlel i c_Λm_Λben i pusic'al yamb_Λ winic? Ma'anic. Cojach i ch'ujlel jini winic mi' ña'tan chuqui an ti' bajñel pusic'al. Che' ja'el ma'anic majch mi' c_Λm_Λben i ña't_Λbal Dios, cojach i yEspíritu Dios.

¹² Ma'anic tsa' aq'uentiyonla i ña't_Λbal pañimil. Tsa' aq'uentiyonla jini Espíritu ch'oyol b_Λ ti Dios cha'an mi' laj c_Λn chuqui woli' y_Λq'ueñonla Dios.

¹³ Jiñach mu' b_Λ c' sub lojon. Jini t'an mu' b_Λ c' sub lojon mach tilemic ti winicob cab_Λ b_Λ i pusic'al ti pañimil, pero jini Espíritu tsi' c_Λntesayon lojon. Mi' y_Λq'ueñon lojon jini t'an cha'an mic tsictes_Λbeñob jini mu' b_Λ i jac'beñob jini Espíritu.

¹⁴ Jini mach b_Λ anic Espíritu yic'ot, ma'anic mi' ch'_Λm_Λben isujm jini ch'oyol b_Λ ti' yEspíritu Dios, come mi' y_Λl tonto jax. Mach mejlic i ch'_Λm_Λben isujm, come cojach jini Espíritu mi' y_Λq'ueñonla lac ch'_Λm_Λben isujm.

¹⁵ Jini am b_Λ i cha'an jini Espíritu mux i mejlel i laj ch'_Λm_Λben isujm. Ma'anic majch mi' c_Λm_Λben i pusic'al jini winic.

¹⁶ Come ¿majqui tsi' c_Λmbe i pusic'al lac Yum? ¿Majqui tsi' c_Λntesa? Pero an lac cha'an i ña't_Λbal Cristo.

3

X'e'telonla yic'ot Dios

¹ Che' jini hermanojob, ma'anic tsa' mejli c' pejcañetla che' bajche' mic pejcan jini mu' b_Λ i jac'ob i yEspíritu Dios, come mi

la' jac'ben jini tsucul b_Λ la' pusic'al, come al_Λlet to la ti Cristo.

² Tsa c_Λq'ueyetla la' jap leche. Ma'anic tsa c_Λq'ueyetla we'el_Λ, come maxto mejlic la' c'ux. C'Λ_Λ w_Λle mach mejliquetla.

³ Come woli to la' jac'ben i tsuculel la' pusic'al. Woli la' ts_Λjyuben la' b_Λ la' wenlel. Woliyetla ti leto. Woli la' t'ox la' b_Λ ti t'an. Che' jini ¿mach ba wolic la' jac'ben i tsuculel la' pusic'al? ¿Mach ba lajalic woli la' cha'len che' bajche' i cha'año' b_Λ pañimil?

⁴ Come juntiquil mi' y_Λ: Ti isujm i cha'añoñ Pablo, che'en. Yamb_Λ mi' y_Λ: I cha'añoñ Apolos, che'en. ¿Mach ba wolic la' jac'ben i tsuculel la' pusic'al?

⁵ ¿Majqui jini Pablo che' jini? ¿Majqui jini Apolos? X'e'telon lojon tsa' b_Λ c_Λq'ueyet la' ñop Dios cha'an ti' p'Λ_Λlel lac Yum tsa' b_Λ i y_Λq'ueyon lojon ti jujuntiquilon lojon.

⁶ Joñoñ tsac cha'le pac'. Apolos tsi' mulu. Dios tsi' y_Λc'Λ ti coel.

⁷ Che' jini mach ñuquic jini mu' b_Λ i cha'len pac' yic'ot jini mu' b_Λ i mul. Cojach ñuc Dios mu' b_Λ i y_Λc' ti coel.

⁸ Jini mu' b_Λ i cha'len pac' yic'ot jini mu' b_Λ i mul junlajalob. Ti jujuntiquil mi caj i y_Λq'uentelob i chobejt_Λbal che' bajche' an i ye'tel.

⁹ Come joñoñ lojon x'e'telon lojon yic'ot Dios. Jatetla i choletla Dios, i yototetla Dios.

¹⁰ Joñoñ che' bajche' tsa' aq'uentiyon i yutslel i pusic'al Dios, tsac ts'ajquibe i c'Λclib otot che' bajche' juntiquil wen yujil b_Λ i wa'chocontel otot. Yamb_Λ mi' wa'chocon i ye'tel ti' pam i c'Λclib. Ti jujuntiquil la' i q'uel bajche' mi' wa'chocon i ye'tel ti' pam.

¹¹ Come ma'anic majqui mi mejlel i y_Λq'uen yamb_Λ i c'Λclib otot. Jini laj c'Λclib jiñ_Λch Jesucristo.

¹² Mi an majch mi' c'Λn oro, mi tsucul taq'uin, mi c'ax wen b_Λ xajlel, mi te', mi jam, mi tiquin pimel cha'an mi' wa'chocon otot ti' pam jini c'Λclib,

¹³ mi caj i tsictiyel bajche' yilal i ye'tel jujuntiquil winic ti jini q'uin che' mi' y_Λjq'uel ti tsictiyel. Mi caj i tsictiyel ti c'ajc mi weñ_Λch i ye'tel jujuntiquil winic.

¹⁴ Mi ma'anic tsa' jili ti c'ajc i ye'tel tsa' b_Λ i wa'choco ti' pam, mi caj i y_Λq'uentel i

chobejt_Λbal.

¹⁵ Mi tsa' puli i ye'tel ma'anix i chobejt_Λbal, come sajtem i ye'tel, pero mi caj i colt_Λntel jini winic che' bajche' juntiquil tsa' b_Λ i y_ΛΛ_Λ pulel ti c'ajc.

¹⁶ ¿Mach ba la' wujilic? Jatetla i templo-jetla Dios. I yEspíritu Dios mi' chumt_Λl la' wic'ot.

¹⁷ Mi an majch mi' jis_Λben i templo Dios, Dios mi caj i jisan jini winic, come ch'ujul i Templo Dios. Jatetla i templojetla.

¹⁸ Mach a jac' a lotintel. Mi an majch mi lon al ti' pusic'al an cab_Λl i ña't_Λbal ti jini pañimil, la' i q'uel i b_Λ ti tonto cha'an mi mejlel i taj wen b_Λ i ña't_Λbal.

¹⁹ Come Dios mi' q'uel ti tonto i ña't_Λbal jini pañimil che' bajche' ts'ijbubil: "Dios mi' tsictesan lolom jach jini año' b_Λ cab_Λl i ña't_Λbal che' maya jax woli' melob", che'en.

²⁰ Ts'ijbubil ja'el: "Lac Yum yujil lolom jach chuqui mi' y_Λlob ti' bajñel pusic'al jini año' b_Λ cab_Λl i ña't_Λbal", che'en.

²¹ Jini cha'an mach yomix mi la' t'ox la' b_Λ cha'an mi la' tsajcan winicob. Come la' cha'añ_Λch pejtelel chuqui tac an,

²² yic'ot pejtel winicob, mi Pablo, mi Apolos, mi Pedro, mi jini pañimil yic'ot chuqui woli' yujtel w_Λle yic'ot chuqui mi' caj ti ujt_Λl che' cuxuletla yic'ot che' mi la' ch_Λmel.

²³ Jatetla i cha'añetla Cristo. Cristo i cha'añ_Λch Dios.

4

Apóstolob i cha'an Cristo

¹ La' i ña'tañob winicob x'e'telon lojon i cha'an Cristo. Xc_Λntayajon lojon cha'an i sujml_Λl Dios mach b_Λ tsictiyemic ti yamb_Λ ora.

² Jini xc_Λntaya wersa yom xuc'ul mi' p_Λs i b_Λ ti' ye'tel i yum.

³ Ma'anic mic mel c pusic'al cha'an chuqui mi' y_Λlob winicob, mi jatetla mi yaño' b_Λ, mi woli la' w_Λl uts'aton o mach uts'atonic.

⁴ Anquese ma'anic woli ti t'an c pusic'al, ma'anic mic sub c b_Λ ti uts'at. Jini mu' b_Λ i q'uelon, mu' b_Λ caj i melon, jiñ_Λch lac Yum.

⁵ Jini cha'an mach mi la' sub mi uts'at o mi mach uts'atobic winicob x'ixicob che' maxto i yorajlelic, che' maxto tilemic lac Yum. Come lac Yum mi caj i tsictesan jini

mucul tac b_Λ mach b_Λ tsictiyemic. Mi caj i y_Λc' ti tsictiyel chuqui woli lac ña'tan ti lac pusic'al. Che' jini Dios mi caj i tsictes_Λbeñob i ñucel winicob ti jujuntiquil.

6 C'ux mi cubiñetla hermanojob. Jini cha'an tsa'ix c tajbe i c'aba' Apolos yic'ot j c'aba' cha'an mij c_Λntesañetla bajche' yom mi la' cha'len. Com mi la' q'uel ti joñon lojon bajche' yom mi la' wajñel che' bajche' ts'ijbubil. Mach mi la' sub ti ñuc juntiquil cha'an mi la' ts'a'len yamb_Λ.

7 Come ¿majqui tsi' y_Λq'ueyetla la' c'ajñibal ti chajp ti chajp? ¿Mach ba aq'uebileticla ti la' majtan jach? Mi tsa' aq'uentiyetla, ¿chucoch ñuc mi la' q'uel la' b_Λ che' bajche' mach aq'uebiletic la ti la' majtan?

8 Mi la' lon al jas_Λlix la' c_Λntes_Λntel ti Dios, cab_Λlix la' ña't_Λbal. Che' mach ya'ic añon lojon la' wic'ot mi la' lon mel la' b_Λ che' bajche' reyetla. Uts'at, aja reyeticla cha'an temel mi lac cha'len rey.

9 Apóstolon lojon. Mi c_Λl Dios tsi' y_Λc'ayon lojon ti q'uejlel ti wi'il pat che' bajche' chucbil b_Λ winicob mu' b_Λ caj i ts_Λns_Λntelob, come tsi' y_Λc'ayon lojon ti pañimil ba' mi' q'ueloñob jini ángelob yic'ot winicob x'ixicob.

10 Tonto mij q'uejlel lojon cha'an c'ux mi cubin lojon Cristo, pero cab_Λl la' ña't_Λbal ti Cristo. C'uñon lojon, pero p'_Λt_Λletla. An la' ñucel, pero ts'a'lebilon lojon.

11 C'_Λl_Λ w_Λle mi cubin lojon wi'ñal yic'ot tiquin ti'. Pits'ilon lojon, lojwemon lojon ti asiyal. Ma'anic cotot lojon ba' mic chumt_Λ.

12 Mic cha'len lojon wersa e'tel tij c'_Λb. Che' mi' p'ajoñob mic pejcañob ti wen b_Λ t'an. Che' mi' tic'lañoñob, mij cuchben lojon.

13 Che' mi' yu'yajiñoñob, mic pejcañob ti uts b_Λ t'an. Mij q'uejlel lojon c'_Λl_Λ w_Λle che' bajche' misujel_Λ, che' bajche' i bibi'lel pejtel chuqui mi' chojquel.

14 Mach cha'anic mij quisnitesañetla wolic ts'ijban jini t'an, pero cha'an mic xic'beñetla ti uts'at come c'uxbibil b_Λ calobiletla.

15 Anic la' cha'an lujump'ejl mil xc_Λntesajob ti Cristo, juntiquil jach la' tat. Come ti Cristo Jesús joñon tsac techeyetla ti jini wen t'an.

16 Jini cha'an la' wocolic mic subeñetla, melela che' bajche' mic mel.

17 Jini cha'an tsac choco majlel Timoteo ba' añetla. Jiñach c'uxbibil b_Λ calobil. Xuc'ul i pusic'al ti lac Yum. Mi caj i y_Λq'ueñetla la' cha' ña'tan chuqui mic cha'len ti Cristo. Che' bajche' mij c_Λntesan xñopt'añob ti pejtelel pañimil baqui jach mi' tempañob i b_Λ, che'_Λch mic mel ja'el.

18 Lamitaletla ñuc mi la' q'uel la' b_Λ cha'an woli la' lon al ma'anix mic ch_Λn tilel ba' añetla.

19 Pero mach jalix mi caj j c'otel ba' añetla mi yom lac Yum. Mi caj j q'uel mi an i p'_Λt_Λlel jini mu' b_Λ i lon q'uelob i b_Λ ti ñuc o mi to'ol t'an jach woliyob.

20 Come mach to'ol t'anic jach i yum_Λntel Dios pero an cab_Λl i p'_Λt_Λlel.

21 ¿Chuqui la' wom? ¿La' wom ba mic ch'_Λm tilel asiyal ba' añetla o la' wom ba mic tilel ti c'uxbiya yic'ot i yutslel c pusic'al?

5

Juntiquil tsa' b_Λ i taja i ts'i'lel

1 Isujm woli' y_Λlob an juntiquil ti la' tojlel woli b_Λ i taj i ts'i'lel, ñumen leco bajche' mi' melob jini sajtemo' b_Λ, come jini winic wolix i yajñel yic'ot i majaña'.

2 Jatetla chan mi la' lon mel la' b_Λ. ¿Mach ba yomic mi la' wuc't_Λben i mul? ¿Mach ba yomic mi la' choc loq'uel ti la' tojlel jini tsa' b_Λ i mele bajche' jini?

3 Isujm mach ya'ic añon la' wic'ot tic b_Λc'tal, pero ya' añon ti espíritu. Tsa'ix c ña'ta bajche' yom mi' mejlel jini am b_Λ i mul.

4 Che' temel añetla ya'_Λch añon quic'otetla yubil, come ya'an i p'_Λt_Λlel lac Yum Jesucristo. Ti' c'aba' lac Yum Jesucristo mic subeñetla,

5 la' poj chojquic loq'uel ti la' tojlel jini winic cha'an mi' yajñel ti' wenta Satanás, cha'an mi' yubin wocol, cha'an mi' jis_Λntel i tsucul pusic'al, cha'an mi' colt_Λntel i ch'ujlel ti' q'uiñilel lac Yum.

6 Mach wenic mi la' q'uel la' b_Λ ti ñuc. ¿Mach ba la' wujilic mi' p'ojlel majlel mulil che' bajche' ts'ita' jach levadura mi' laj xaxan ti' junc'ojlel caxlan waj?

7 Choclo loq'uel jini tsucul b_Λ la' melbal come tsijib melbiletix la. Come jini lac

Tiñame' cha'an Pascua jiñach Cristo tsa' bΛ ajq'ui ti chΛmel cha'añonla.

⁸ Jini cha'an la' lac mel q'uin ti uts'at. Mach yomic tsucul bΛ levadura, jiñach jontolil yic'ot mulil. Yom jini isujm bΛ waj mach bΛ anic i levadurajlel, jiñach i saclel lac pusic'al.

⁹ Tsac ts'ijbubeyetla tic jun cha'an mach yomic mi la' wajñel yic'ot jini mu' bΛ i tajob i ts'i'lel.

¹⁰ Isujm, mach mejlic la' junyajlel loq'uel ti' tojlel i cha'año' bΛ pañimil mu' bΛ i tajob i ts'i'lel, mu' bΛ i chΛcleñob i chubΛ'an, mu' bΛ i cha'leñob xujch', mu' bΛ i c'uxbiñob dioste' tac. Muq'uec la' junyajlel loq'uel ti' tojlelob, actan che' jini, ma'añetixla ti pañimil.

¹¹ Mic ts'ijbubeñetla wΛle, mach mi la' ñochtan mi juntiquilic, anquese mi' sub i bΛ ti hermano, mi woli' taj i ts'i'lel, mi an i chΛclel, mi woli' c'uxbin dioste' tac, mi woli' cha'len p'ajoñel, mi woli' ti yΛc'Λjel, mi woli' ti xujch'. Mach mi la' cha'len we'el yic'ot.

¹² ¿Am ba que'tel cha'an mic mel jini mach bΛ ochemobic? ¿Mach ba la' wentajic mi la' mel jini ochemo' bΛ?

¹³ Come Dios mi caj i mel jini mach bΛ ochemobic. Chocola loq'uel ti la' tojlel jini xjontolil.

6

Che' mi' melob i bΛ jini xñopt'añob

¹ Jixcu jatetla che' mi la' contrajin la' bΛ ti meloñel, ¿yom ba mi la' majlel la' mel la' bΛ ba'an jini am bΛ i ye'tel mach bΛ i cΛñΛyic Dios? ¿Mach ba yomic mi la' mel la' bΛ ti' tojlel i cha'año' bΛ Dios?

² ¿Mach ba la' wujilic? I cha'año' bΛ Dios mi caj i melob i cha'año' bΛ pañimil. Mi wersa mi caj la' mel i cha'año' bΛ pañimil, ¿mach ba mejlic la' mel jini mu' bΛ i cha'leñob leto ti la' tojlel?

³ ¿Mach ba la' wujilic mi caj lac mel ángelob? Jini cha'an ñumen mi mejlel lac mel winicob ila ti pañimil.

⁴ Mi an ti la' wenta cha'an mi la' melob cha'an chuqui tac woli ti ujtet ti ili ora, ¿chucoch mi la' chocob majlel ba'an winicob mach bΛ hermanojob cha'an mi' melob?

⁵ Yom mi la' cha'len quisin. ¿Mach ba anic mi juntiquilic hermano yujil bΛ meloñel ti la' tojlel?

⁶ Jini hermanojob mi' contrajiñob i bΛ. Mi' majlelob ti meloñel ti' tojlel jini mach bΛ anic mi' ñopob Dios.

⁷ Anix la' sajtemal che' jini, come woli la' contrajin la' bΛ ti' tojlel jini sajtemo' bΛ. ¿Chucoch ma'anic mi la' cuchben i mul la' wermano che' mi' techbeñetla wocol? ¿Chucoch ma'anic mi la' ñusΛben che' mi' chilbeñet la' chubΛ'an?

⁸ Jatetla mi la' mel chuqui mach tojic. Mi la' cha'len chiloñel, mi la' contrajin la' wermanojob.

⁹ ¿Mach ba la' wujilic? Ma'anic mi caj i yochelob ti' yumΛntel Dios jini mach bΛ tojobic. Mach mi la' ñop lot. Ma'anic mi caj i yochelob ti' yumΛntel Dios jini mu' bΛ i tajob i ts'i'lel, mi jinic mu' bΛ i c'uxbiñob dioste' tac, mi jinic mu' bΛ i tajob i yixic, mi jinic mach bΛ anic mi' tic'ob i colosojlel i pusic'al, mi jinic winicob mu' bΛ i wΛΛc pi'leñob i bΛ.

¹⁰ Jini xchiloñelob, jini xchΛclelob, jini xyΛc'ajelob, jini xp'ajoñelob, jini xujch'ob ma'anic mi caj i yochelob ti' yumΛntel Dios.

¹¹ Lamitaletla che'Λch tsa' la' mele, pero wΛle pocbiletixla ti' c'aba' lac Yum Jesucristo cha'an ti' yEspíritu lac Dios. Tsa'ix ajq'uiyetla ti' wenta Dios. Wolix la' q'uejlel ti toj.

Tsictesanla i ñucler Dios ti la' bΛc'tal

¹² Mi mejlel c mel pejtet chuqui com, mach tic'bilonic, pero mach uts'atic mi tsac mele ti pejtelel. Chuqui jach com c mel, mi mejlel c mel, pero ma'anic mi caj c mel ame ñΛm'ac c pusic'al.

¹³ Uts'at we'elΛl cha'an lac ñΛc'. Jini lac ñΛc' i yajñibach we'elΛl. Pero Dios mi caj i jisan lac ñΛc' yic'ot we'elΛl. Jini lac bΛc'tal mach cha'anic ts'i'lel, i cha'añach lac Yum. Lac Yum mi caj i coltan lac bΛc'tal.

¹⁴ Dios tsa' bΛ i teche ch'ojoyel lac Yum mi caj i techonla ch'ojoyel ja'el ti' p'ΛtΛel.

¹⁵ ¿Mach ba la' wujilic i cha'añach Cristo la' bΛc'tal? ¿Yom ba mij c'Λn c bΛc'tal che' i cha'anix Cristo, cha'an mi cΛq'uen ts'i'lel bΛ x'ixic? Mach yomic.

¹⁶ ¿Mach ba la' wujilic? Jini mu' bΛ i pi'len juntiquil moja, jump'ejl jach mi' majlel i

bac'tal yic'ot. Come Dios mi' yal: "Jini cha'tiquil mi' yochelob ti juntiquil jach", che'en.

¹⁷ Jini mu' b_Λ i yajñel yic'ot lac Yum mi' yochel ti jump'ejl i pusic'al yic'ot lac Yum.

¹⁸ Puts'tanla ts'i'lel. Jini mu' b_Λ i cha'len ts'i'lel ñumen mi' tic'lan i bac'tal bajche' jini mu' b_Λ i cha'len yan tac b_Λ mulil.

¹⁹ ¿Mach ba la' wujilic? La' bac'tal i templojach jini Ch'ujul b_Λ Espíritu tsa' b_Λ i yalq'ueyetla Dios mu' b_Λ i yajñel ti la' pusic'al. Mach la' bajñel wentajic la' b_Λ.

²⁰ Come tsa' malñiyetla, tojbiletla. Tsicte-sanla i ñuclcl Dios ti la' bac'tal yic'ot ti la' ch'ujlel, come i cha'añach Dios.

7

Bajche' yom mi' yajñelob winicob x'ixicob

¹ Wolic ña'tan chuqui tsa' la' ts'ijbubeyon. Uts'at mi ma'anic mi' p_Λy x'ixic winic.

² Pero an cab_Λl mu' b_Λ i tajob i yixic. Jini cha'an la' i p_Λy i yijñam jujuntiquil winic. La' i taj i ñoxi'al jujuntiquil x'ixic.

³ Jini winic la' i pi'len i yijñam ti uts'at, che' ja'el i yijñam la' i pi'len i ñoxi'al ti uts'at.

⁴ Jini x'ixic mach i bajñel cha'anic i bac'tal, come mi' yuman i ñoxi'al. Che' ja'el i ñoxi'al mach i bajñel cha'anic i bac'tal, come mi' yuman i yijñam.

⁵ Mach la' c_Λy la' pi'len la' b_Λ, cojach mi la' wom ti la' cha'ticel cha'an mi la' w_Λc' la' b_Λ ti oración. Che' mi' yujtel oración yom mi la' cha' pi'len la' b_Λ ame i p_Λy_Λetla ti mulil Satanás che' ma'anic i p'_Λt_Λlel la' pusic'al.

⁶ Che'ach mic sub cha'an mij coltañetla. Mach ti madaric wolic sub.

⁷ Come mi c_Λl uts'at mi lajalob pejtcl winicob che' bajche' joñon. Pero ti jujuntiquil an i c'_Λjñibal aq'uebil b_Λ i cha'an Dios. Juntiquil an junchajp i c'_Λjñibal, yamb_Λ an yamb_Λ i c'_Λjñibal.

⁸ Mic suben jini i bajñel jax to b_Λ añob yic'ot ja'el jini xmeba ixicob cha'an uts'at mi' ch_Λn ajñelob che' bajche' joñon.

⁹ Mi mach mejlicob i bajñel ajñelob ti uts'at, la' i cha'leñob ñujpuñel. Uts'at mi' cha'leñob ñujpuñel. Mach uts'atic mi' jac'ob i colosojlel i pusic'al.

¹⁰ Mic subeñob jini ñujpuñemo' b_Λ, pero mach c mandaric wolic sub. I mandarach lac Yum: Jini x'ixic mach i lon c_Λy i ñoxi'al.

¹¹ Mi tsi' c_Λy_Λ i ñoxi'al x'ixic la' ajnic ti' bajñelil. Mi mach yomic ajñel ti' bajñelil, la' i mel i b_Λ ti uts'at yic'ot i ñoxi'al. Che' ja'el winic, mach i choc loq'uel i yijñam.

¹² Jiñach mu' b_Λ c sub joñon. Ma'anic tsi' subu lac Yum: Mi ma'anic mi' ñop lac Yum i yijñam juntiquil hermano, mach i choc loq'uel i yijñam che' yom to ajñel jini x'ixic yic'ot.

¹³ Mi ma'anic mi' ñop lac Yum i ñoxi'al juntiquil hermana, mach i c_Λy i ñoxi'al che' yom to ajñel jini winic yic'ot.

¹⁴ Come jini winic mach b_Λ anic mi' ñop lac Yum, mi' poj q'uejlel ti s_Λc ti Dios che' woli' yajñel yic'ot i yijñam mu' b_Λ i ñop lac Yum. Jini x'ixic mach b_Λ anic mi' ñop lac Yum, mi' poj q'uejlel ti s_Λc ti Dios che' woli' yajñel yic'ot i ñoxi'al mu' b_Λ i ñop. Mi mach che'iqui, mach s_Λquic mi' q'uejlel la' walobilob. W_Λle ch'ujulob mi' q'uejlelob.

¹⁵ Mi yom loq'uel majlel jini mach b_Λ anic mi' ñop lac Yum, la' loq'ueic. Che' jini juntiquil hermano mi winic mi x'ixic mach ch_Λn anix ti' p'_Λt_Λlel i pi'ál mi tsa' loq'ui i pi'ál. Tsa'ix i p_Λy_Λyonla Dios cha'an ñach'ál mi la cajñel.

¹⁶ Hermana, ¿mach ba a wujilic? Tic'ál mi mejlel a coltan a ñoxi'al cha'an mi' ñop. Hermano, ¿mach ba a wujilic? Tic'ál mi mejlel a coltan a wijñam cha'an mi' ñop.

¹⁷ Ti jujuntiquil winic la' ajnic che' bajche' tsa' aq'uenti i c'_Λjñibal ti lac Yum che' bajche' Dios tsi' p_Λy_Λ ti jujuntiquil. Che' i mij c_Λntesan xñopt'añob baqui jach mi' tempañob i b_Λ.

¹⁸ Mi an majch mi' p_Λjyel ti Dios che' tsepbilix i p_Λch_Λlel, che'ach yom mi' yajñel. Mi an majch mi' p_Λjyel che' mach tsepbilic i p_Λch_Λlel, mach i y_Λc' ti tsepol.

¹⁹ Come ma'anic chuqui mi' cha'len mi tsepbil o mi mach tsepbilic lac p_Λch_Λlel. Pero yom Dios mi lac jac'ben i mandar.

²⁰ Ti jujuntiquil la' ajnic che' bajche' tsi' taja Dios che' b_Λ tsi' p_Λy_Λ.

²¹ ¿Tsa' ba p_Λjyiyet che' añet ti a yum? Mach a mel a pusic'al. Pero mi tsa' mejliyeyet ti loq'uel ñumen uts'at.

²² Come lac Yum tsa' b_Λ i p_Λy_Λ jini am b_Λ ti' yum, tsa'ix i y_Λc' ti libre. Pero jini tsa'

b_Λ p_Λy_i che' libre an, tsa'ix ochi ti' wenta cha'an mi' yuman Cristo.

²³ Tsa' m_Λj_niyetla. Tojbiletla. Ña'tanla mach ch_Λn i cha'añetixla winicob.

²⁴ Hermanojob, bajche' jach añetla che' b_Λ tsi' p_Λy_Λyetla Dios, che'ach yom mi la' wajñel ti Dios ti jujuntiquiletla.

²⁵ Ma'anic tsa' aq'uentiyon mandar ti lac Yum cha'an mic subeñob xch'oc tacob. Cojach mic sub chuqui wolic ña'tan tic pusic'al, come lac Yum ti' yutslal i pusic'al tsi' y_Λc'ayon ti ajñel ti xuc'ul.

²⁶ An cab_Λl wocol ti ili ora. Jini cha'an mi c_Λl uts'at mi che' jach mi' yajñelob winicob che' bajche' añob.

²⁷ Mi an a wijñam, mach a ñop a c_Λy. Mi ma'anic a wijñam, mach a sajcan a wijñam.

²⁸ Mi tsa' p_Λy_Λ a wijñam, mach mulilic. Che' ja'el jini xch'oc mi tsi' taja i ñoxi'al, mach mulilic. Pero jini mu' b_Λ i p_Λyob i b_Λ, wersa mi caj i yubiñob wocol ti pañimil. Mach comic mi la' taj jini wocol.

²⁹ Mic subeñetla hermanojob, jumuc' w_Λ' añonla. Jini año' b_Λ i yijñam la' i melbeñob i ye'tel lac Yum che' bajche' jini mach b_Λ añobic i yijñam.

³⁰ Jini mu' b_Λ i cha'leñob uq'uel che'ach mi caj i yajñelob bajche' jini mach b_Λ anic mi' cha'leñob uq'uel. Jini tijicñayo' b_Λ che'ach mi caj i yajñelob bajche' jini mach b_Λ tijicñayobic. Jini mu' b_Λ i cha'leñob m_Λñoñel che'ach mi caj i yajñelob bajche' jini mach b_Λ añobic i chub_Λ'an.

³¹ Jini mu' b_Λ i c'añob chuqui tac an ti pañimil che'ach mi caj i yajñelob bajche' jini mach b_Λ anic mi' c'añob, come pejtal chuqui mi laj q'uel ti pañimil, jilel jach woli.

³² Mach comic mi la' mel la' pusic'al. Jini mach b_Λ anic i yijñam mi' ch_Λn ña'tan lac Yum cha'an mi' mel chuqui mi' mulan lac Yum.

³³ Jini am b_Λ i yijñam mi' ch_Λn ña'tan i ye'tel ti pañimil cha'an tijicña mi' q'uel i yijñam.

³⁴ Che' ja'el mach lajalic x'ixic am b_Λ i ñoxi'al yic'ot xch'oc mach b_Λ anic i ñoxi'al. Jini mach b_Λ anic i ñoxi'al mi' ch_Λn ña'tan lac Yum cha'an s_Λc mi' yajñel i b_Λc'tal yic'ot i ch'ujlel. Jini x'ixic am b_Λ i ñoxi'al mi' ña'tan i ye'tel ti pañimil cha'an tijicña mi' yubin i ñoxi'al.

³⁵ Mic sub jini t'an cha'an mij coltañetla, mach cha'anic mi la' chujquel ti yac, pero cha'an mi la' mel chuqui wen yic'ot chuqui toj, cha'an ma'anic chuqui mi' m_Λctañetla la' wen tsajcan lac Yum.

³⁶ Mi an winic mu' b_Λ i ña'tan mach uts'atic woli' cha'len che' ma'anic mi' sijin i yalobil c'Λ_Λl mi' ñejp'an, mi wersa yom i sijin, la' i y_Λc' ti ñujpuñel i yalobil che' bajche' yom i pusic'al. Mach mulilic.

³⁷ Pero jini xuc'ul b_Λ i pusic'al mach b_Λ yomic i sijin i yalobil, come tsi' ña'ta i c_Λntan i yalobil che' mach wersajic mi' sijin, uts'at mi' mel che' ma'anic mi' y_Λc' ti ñujpuñel.

³⁸ Jini mu' b_Λ i sijin i yalobil uts'at mi' mel. Jini mach b_Λ anic mi' sijin ñumen uts'at mi' mel.

³⁹ Jini x'ixic an ti' wenta i ñoxi'al che' cuxul to i ñoxi'al. Mi tsa' ch_Λmi i ñoxi'al mi mejlel i cha' cha'len ñujpuñel mi yom, pero yom yic'ot winic ochem b_Λ ti lac Yum.

⁴⁰ Mi c_Λl, ñumen tijicña jini x'ixic mi che' jach ti' bajñelil mi' yajñel. Cujil ja'el, añach quic'ot i yEspíritu Dios.

8

We'el_Λl aq'uebil b_Λ dios te' tac

¹ W_Λle, cha'an we'el_Λl aq'uebil b_Λ dioste' tac ti' majtan, la' cujil an lac ña't_Λbal ti lac pejtelel. Lac ña't_Λbal mi' y_Λq'ueñonla lac lon q'uel lac b_Λ ti ñuc, pero laj c'uxbiya mi' ñijcañonla ti coltaya.

² Mi an majch mi' lon ña'tan cab_Λl_Λch i pusic'al, maxto yujilic chuqui yom mi' ña'tan.

³ Mi an majch mi' c'uxbin Dios, c_Λmbil jini winic ti Dios.

⁴ ¿Yom ba mi laj c'ux we'el_Λl aq'uebil b_Λ dioste' tac ti' majtan? La' cujil ma'anic i c'Λ_jñibal dioste' tac ti pañimil, come ma'anic yamb_Λ Dios, juntiquil jach.

⁵ Mi' lon alob an cab_Λl dios ti panchan yic'ot ti pañimil, come an cab_Λl i diosob che' ja'el cab_Λl yum_Λlob,

⁶ pero ti lac tojlel an juntiquil jach Dios, jiñach lac Tat. Ya' ch'oyol pejtelel chuqui tac an. Tsi' meleyonla cha'an mi lac ñuq'uesan. An juntiquil jach lac Yum, jiñach Jesucristo. Ti' p'Λ_Λlel tsa' mejli pejtal

chuqui tac an. Joñonla ja'el añonla cha'an Cristo.

⁷ Mach laj yujilobic i sujmllel jini t'an. Lamital mi' ch_{AN} ña'tañob dioste' tac c'_{AL} w_Λle che' mi' c'uxob we'el_Λ aq'uebil b_Λ dioste' tac. Come tile bixelob i pusic'al, mi' sojqelob che' mi' c'uxob.

⁸ Mach cha'anic we'el_Λ mi' q'uelonla ti uts'at Dios. Mi woli lac tic' lac b_Λ ti' c'uxol, o mi woli laj c'ux, ma'anic mi' y_Λq'ueñonla lac wenlel ti' tojlel Dios.

⁹ Ch_{ACA} q'uele la' b_Λ ame la' w_{AC}' ti yajlel jini mach b_Λ xuc'ulic i pusic'al che' an chuqui mi la' mel che' libre añetla.

¹⁰ Come mi tsi' q'ueleyet jini mach b_Λ xuc'ulic i pusic'al che' buchulet ti mesa ya' ti' templo dioste' tac, come a wujil uts'at jini we'el_Λ, mi caj i ñijc_{AY}el i pusic'al jini mach b_Λ xuc'ulic cha'an mi' c'ux chuqui tac aq'uebil dioste' tac, anquese mi' lon ña'tan mach uts'atic.

¹¹ Che' jini cha'an ti a ña't_Λbal mi caj i sajtel jini winic. Cristo tsa' ch_Λmi cha'an jini winic.

¹² Che' jini ma' cha'len mulil ti' contra jini hermanojob. Che' ma' w_{AC}' ti asiyel i pusic'al jini mach b_Λ xuc'ulic i pusic'al, ma' cha'len mulil ti' contra Cristo.

¹³ Mi cha'an jach we'el_Λ mi' y_Λjq'uel ti yajlel quermano, ma'anic mi caj j c'ux we'el_Λ ti pejtelel ora ame mi c_Λ' ti yajlel quermano.

9

Jini mu' b_Λ mejlel i c'ajtin apóstol

¹ ¿Mach ba apóstolonic? ¿Mach ba librejonic? ¿Mach ba tsa'ic j q'uele Jesús lac Yum? ¿Mach ba jateticla que'tel ti lac Yum?

² Mi an majch mi' y_Λlob mach apóstolonic, mach che'ic jatetla come i sellojleletla que'tel ti lac Yum.

³ Mic subeñob jini mu' b_Λ i c'ajtibeñoñob:

⁴ ¿Mach ba mejlic c_Λq'uentel lojon chuqui mij c'ux lojon yic'ot chuqui mic jap lojon?

⁵ Che' an quijñam lojon, ¿mach ba mejlic c p_{AY} lojon majlel quic'ot che' bajche' mi' melob yaño' b_Λ apóstolob yic'ot i yijts'iñob lac Yum yic'ot Pedro?

⁶ Cojach joñon quic'ot Bernabé, ¿mach ba mejlic j c_{AY} lojon c mel yamb_Λ e'tel che' woliyon lojon ti subt'an?

⁷ ¿Am ba juntiquil soldado mu' b_Λ i cha'len e'tel ti' bajñel taq'uin? Jini mu' b_Λ i p_{AC}' ts'usubil, ¿mach ba anic mi' c'uxben i wut? Jini mu' b_Λ i c_{ANTAN} i y_Λlac', ¿mach ba anic mi' japben i leche?

⁸ ¿Jim ba i t'an jach winicob mu' b_Λ c sub? ¿Mach ba che'ic mi' y_Λl jini mandar ja'el?

⁹ Come ts'ijbubil ti' mandar Moisés: “Mach a c_{ACH}ben i yej tat wacax mu' b_Λ i t'ucht_Λben loq'uel i wut trigo”. ¿Cojach ba tat wacax mi' c_{ANTAN} Dios?

¹⁰ ¿Mach ba wolic i c_{ANTAÑONLA}? Jini cha'an tsa' ts'ijbubentiyonla ili t'an: “Jini mu' b_Λ i top' lum, la' i pijtan jini mu' b_Λ caj ti colel. Jini mu' b_Λ i jats' loq'uel i wut trigo an i pijtaya cha'an mi caj i y_Λq'uentel lamital i wut”.

¹¹ Mi tsa'ix j c_{ANTESAYETLA} cha'an mi la' p'_Λt'an, ¿mach ba yomic mi la' w_Λq'ueñon lojon ts'ita' la' chub_Λ'an?

¹² Mi tsa' la' w_Λq'ueyob yaño' b_Λ ¿mach ba ñumen la' wentajic cha'an mi la' w_Λq'ueñon lojon? Ma'anic tsaj c'ajtibeyet lojon, come mij cuch lojon chuqui tac wocol ame mic m_{ACT}ben lojon i wen t'an Cristo.

¹³ ¿Mach ba la' wujilic? Jini mu' b_Λ i cha'leñob e'tel ti templo mi' c'uxob jini ac'bil b_Λ ti templo. Jini mu' b_Λ i y_Λq'ueñob i majtan Dios ya' ti pul_{ANTIB} mi' c'uxob chuqui ac'bil ya'i.

¹⁴ Che' ja'el tsi' y_Λc_Λ mandar lac Yum cha'an mi' y_Λq'uentelob jini subt'añob pejtelel chuqui tac yom cha'an i b_Λc'tal, come mi' subob jini wen t'an.

¹⁵ Pero ma'anic tsaj c'ajtibeyetla chuqui yom tic tojlel anquese an que'tel. Ma'anic mic ts'ijban jini jun cha'an mi la' w_Λq'ueñon chuqui yom cha'an c b_Λc'tal, ame jilic c ñucllel ti jini wen t'an. Ñumen uts'at mi tsa' ch_Λmiyon.

¹⁶ Anquese mic sub jini wen t'an, mach mejlic c sub c b_Λ ti ñuc, come wersa ñijc_Λbil c pusic'al cha'an mic sub jini wen t'an. Mi caj c taj wocol mi ma'anic mic sub.

¹⁷ Mi ti pejtelel c pusic'al mic sub, an c chobejt_Λbal. Mi mach comic c sub jiñ_{ACH} c sajtemal, come tsa' aq'uentiyon jini e'tel.

¹⁸ ¿Chuqui c chobejt_Λbal che' jini? Che' mic sub jini wen t'an, jiñ_{ACH} c chobejt_Λbal che' mic sub i t'an Cristo ti chejachi. Jini

cha'an ma'anic mij c'ajtin c tojol cha'an jini wen t'an.

¹⁹ Jini cha'an ma'anic winic mu' b_Λ c yuman. Tic bajñel pusic'al tsa'ix c_Λc'Λ c b_Λ ti x'e'tel i cha'an pejtelel winicob cha'an mi' ñopob cab_Λlob.

²⁰ Ti' tojlel israelob lajal mic mel c b_Λ bajche' israelob cha'an mi' ñopob. Ti' tojlel gentilob mu' b_Λ i jac'ob mandar (anquese mach ch_Λn c_Λch_Λlonix ti jini mandar), lajal mic mel c b_Λ bajche' jini mu' b_Λ i jac'ob mandar, cha'an mi' ñopob.

²¹ Ti' tojlel winicob mach b_Λ anic mi' c_Λñob Dios lajal mic mel c b_Λ bajche' jini mach b_Λ anic mi' c_Λñob Dios, cha'an mi' ñopob. (Pero ti pejtelel c pusic'al wolic jac'ben i mandar Cristo.)

²² Ti' tojlel winicob mach b_Λ xuc'ulic mi' ñopob, mi cajñel bajche' juntiquil mach b_Λ p'Λtalic cha'an mi' ñopob jini mach b_Λ añobic i p'Λtal. Lajal mic mel c b_Λ bajche' pejtelel winicob cha'an mij coltañob che' bajche' jaytiquil mi' mejlel.

²³ Che'Λch mic mel cha'an mi' c_Λñob jini wen t'an, cha'an mic taj c wenlel ja'el ti jini wen t'an quic'ot jini mu' b_Λ i ñopob.

²⁴ ¿Mach ba la' wujilic? Jini mu' b_Λ i cha'leñob ajñel ti' tojlel xq'uelojelob mi' cha'leñob ajñel ti pejtelelob, pero cojach juntiquil mi' taj i majtan. Cha'lenla ajñel jatetla che' bajche' jini mu' b_Λ i taj i majtan.

²⁵ Pejtelel mu' b_Λ i cha'leñob ajñel mi' bajñel c_Λntañob i b_Λ cha'an mi' y_Λq'uentelob i corona mu' b_Λ i jilel. Joñonla mi laj c_Λntan lac b_Λ cha'an mi la c_Λq'uentel corona mach b_Λ anic mi' jilel.

²⁶ Jini cha'an mic cha'len ajñel che' bajche' juntiquil yujil b_Λ baqui mi' majlel. Ma'anic mic cha'len cujoñel che' bajche' winic t'uchlaw bexlaw i c'Λb.

²⁷ Mic tic' c b_Λc'tal cha'an mi' wersa jac'beñon, ame mic chilbentel j c'Λjñibal che' b_Λ tsa'ix c subeyob winicob jini wen t'an.

10

Tic'ojel cha'an i ch'ujutes_Λntel dioste'

¹ Hermanojob, mach comic mi' ñaj_Λyel ti la' pusic'al bajche' tsa' ajniyob pejtelel lac ñojte'el che' b_Λ tsi' toj'esayob majlel Dios ti

tocal. Ti pejtelelob tsa' ñumiyob majlel ti ojilil colem ñajb.

² Ti pejtelelob tsa' aq'uentiyob ch'Λmja' yilal ti tocal yic'ot ti colem ñajb che' b_Λ tsi' y_Λc'Λyob i b_Λ ti' wenta Moisés.

³⁻⁴ Ti pejtelelob tsi' c'uxuyob jini jach b_Λ we'el_Λl yic'ot ja' aq'uebilo' b_Λ ti Dios. Tsa' loq'ui i ya'al ti jini Xajlel ac'bil b_Λ ti Dios. Jini Xajlel tsa' b_Λ i pi'leyob majlel jiñ_Λch Cristo.

⁵ Pero cab_Λlac ñojte'el mach uts'atobic ti' wut Dios. Jini cha'an tsa' jis_Λntiyob ti colem b_Λ i tiquiñal pañimil.

⁶ Che'Λch tsa' ujti cha'an lac tic'ol cha'an ma'anic mi lac mulan jontolil che' bajche' tsi' mulayob.

⁷ Mach la' ch'ujutesan dioste' tac che' bajche' yaño' b_Λ, come ts'ijbubil: "Jini winicob x'ixicob tsa' buchleyob cha'an mi' cha'leñob we'el uch'el. Tsa' ch'ojyiyob ti son", che'en.

⁸ Mach yomic mi la' cha'len ts'i'lel che' bajche' tsi' cha'leyob lamital. Tsa' ch_Λmiyob uxp'ejl i cha'c'al ti mil ti jump'ejl jach q'uin.

⁹ Mach yomic mi la' quil_Λben i pusic'al lac Yum che' bajche' tsi' cha'leyob lamital. Tsa' jis_Λntiyob ti lucum tac.

¹⁰ Mach la' cha'len wulwul t'an ti la' pusic'al che' bajche' tsi' cha'leyob jini tsa' b_Λ jis_Λntiyob cha'an jini Angel yujil b_Λ ts_Λnsa.

¹¹ Che'Λch tsa' ujtiyob cha'an laj c_Λntes_Λntel. Tsa' ts'ijbunti cha'an lac tic'ol joñonla cuxulonto b_Λ la ti ili ora che' l_Λc'Λlix i jilibal.

¹² Jini cha'an jini mu' b_Λ i q'uel i b_Λ ti xuc'ul, la' i c_Λntan i b_Λ ame yajlic.

¹³ Ma'anic mi junchajpic la' p_Λyol ti mulil mach b_Λ anic tsi' yubiyob yaño' b_Λ. Xuc'ul i pusic'al Dios. Ma'anic mi' y_Λq'ueñetla la' taj la' p_Λyol ti mulil mach b_Λ mejlic la' cuch. Che' mi la' p_Λyel ti mulil, Dios mi' y_Λq'ueñetla la' p'Λtal_Λlel cha'an mi la' cuch. Che' jini mi mejlel la' loq'uel ba' p_Λybilet ti mulil.

Jini ch'ujul b_Λ waj

¹⁴ Jini cha'an c'uxbibilet b_Λ la, mach yomic mi la' ch'ujutesan dioste' tac.

15 Che'ach mic pejcañetla, come mi la' ña'tan pañimil. Ña'tanla bajche' yom mi la' jac'.

16 Che' mi lac tem ch'am jini vaso che' mi lac suben Dios wocolix i yalal, ¿mach ba wolic lac tem taj lac wenlel ti' ch'ich'el Cristo? Che' mi lac tem c'ux jini waj mu' b^Λ lac xut', ¿mach ba wolic lac tem taj lac wenlel ti' b^Λc'tal Cristo?

17 Anquese cabalonla, lajalonla bajche' junq'uejl waj. Jump'ejl i b^Λc'talonla Cristo, come ti pejtelelonla mi laj c'ux jini junq'uejl waj.

18 Ña'tanla bajche' mi' melob israelob. Jini mu' b^Λ i c'uxob jini we'elal mu' b^Λ i yalq'ueñob Dios ti' majtan, ¿mach ba muq'ueic i tem tajob i wenlel ti' tojlel pulantib?

19 ¿Chuqui i sujmllel c t'an, che' jini? ¿Am ba i c'ajñibal dioste' tac? ¿Am ba i c'ajñibal jini aq'uebil b^Λ dioste' tac? Ma'anic.

20 Pero jini sajtemo' b^Λ, che' mi' yalob i majtan ti pulantib, woli' yalq'ueñob xibajob. Ma'anic mi' yalq'ueñob Dios. Mach comic mi la' tem ajñel yic'ot xibajob.

21 Mach mejlic mi la' jap ti' vaso lac Yum mi woli la' jap ti' vaso xibajob. Mach mejlic la' c'ux waj ti' mesa lac Yum mi woli la' c'ux waj ti' mesa xibajob.

22 ¿Mu' ba lac techben i mich'ajel lac Yum? ¿Ñumen p'atlon ba la bajche' lac Yum?

Melela chuqui tac wen cha'an mi' tsictiyel i ñucllel Dios

23 Pejtelel jini la com b^Λ lac mel mi mejlel lac mel, pero mach uts'atic mi tsa' lac mele ti pejtelel. Come ma'anic i c'ajñibal ti pejtelel cha'an mi' xuc'chocoñonla.

24 Mach i lon saclan i bajñel wenlel mi juntiquilic. La' i ña'tan i wenlel yaño' b^Λ.

25 C'uxula jini mu' b^Λ i choñob ti choño' we'elal. Mach la' c'ajtibeñob mi aq'uebilix dioste' tac ame tejchic t'an ti la' pusic'al.

26 Come i cha'an lac Yum jini lum yic'ot pejtelel i b^Λ.

27 Mi tsi' palayetla ti' yotot jini mach b^Λ wolic i ñop Dios, cucula mi la' wom majlel. C'uxula chuqui tac mi' yalq'ueñetla. Mach la' c'ajtiben mi aq'uebil dioste' tac ame tejchic t'an ti la' pusic'al.

28 Mi an majch mi' subeñetla: Tsa'ix aq'uenti dioste' tac, mi che'en, mach mi la' c'ux ame tejchic t'an ti' pusic'al jini tsa' b^Λ i subeyetla,

29 ame cajic ti t'an i pusic'al, mach a pusic'alic. ¿Chucococh mi' q'uejlel ti mulil jini mu' b^Λ c mel ti jump'ejl c pusic'al che' woli ti t'an i pusic'al yamb^Λ?

30 Mi tsaj c'uxu ti' yutslel c pusic'al, ¿chucococh mij q'uejlel ti xmulil cha'an jini tsa' b^Λ j c'uxu che' b^Λ tsac sube Dios wocolix i yalal?

31 Mi an chuqui mi la' c'ux, che' jini, mi an chuqui mi la' jap, mi an yamb^Λ chuqui mi la' cha'len, cha'lenla ti pejtelel cha'an mi' tsictiyel i ñucllel Dios.

32 Mach mi la' wac' ti yajlel judíojob, mi gentilob, mi xñopt'añob i cha'año' b^Λ Dios.

33 Joñon ja'el wolic ñop c mel chuqui uts'at ti' wut pejtelel winicob ti pejtelel chuqui mic mel. Ma'anic mic saclan c bajñel wenlel. Mic saclan i wenlel yaño' b^Λ cha'an mi' coltantelob cabalob.

11

Uts'at b^Λ ti' tojlel x'ixicob

1 Melela che' bajche'on. Joñon ja'el mic mel che' bajche' Cristo.

2 Hermanojob mic sub uts'at woli la' mel, come c'ajalon la' cha'an. Woli la' chan jac' jini cantesa che' bajche' tsaj cantesayetla.

3 Com mi la' ña'tan, i Yum pejtelel winicob jiñach Cristo. I yum x'ixic jiñach winic. I yum Cristo jiñach Dios.

4 Mi mosol i jol winic che' mi' pejcan Dios o che' mi' cha'len subt'an, woli' ts'a'len i yum.

5 Che' mach mosolic i jol x'ixic woli b^Λ ti oración yic'ot subt'an mi' ts'a'len i yum, come lajal yilal mi tsa' jujchinti i jol.

6 Mi ma'anic mi' mos i jol x'ixic, la' laj sejt'ic i jol. Mi quisintic mi' yubin che' set'bil i jol yic'ot che' jujchibil, la' i mos i jol.

7 Mach wenic mi tsi' moso i jol winic, come jiñach i yejtal Dios yic'ot i ñucllel Dios. Jini x'ixic i ñucllelch winic.

8 Come mach loq'uemic winic ti x'ixic, pero loq'uem x'ixic ti winic.

9 Come Dios ma'anic tsi' mele winic cha'an i wenlel x'ixic. Tsi' mele x'ixic cha'an i wenlel winic.

10 Jini cha'an la' tsictiyic ti' jol x'ixic i yejtal i p'at'alel winic, come woli' q'uelob jini ángelob.

11 Ti lac Yum c'ayal x'ixic ti winic, c'ayal winic ti x'ixic.

12 Come loq'uem x'ixic ti winic, che' ja'el winic tilem ti x'ixic. Ti' cha'ticlelob tilemob ti Dios.

13 Ña'tanla jatetla bajche' yom. ¿I t'ojol ba mi' pejcan Dios x'ixic che' mach mosolic i jol?

14 ¿Mach ba anic mi' c'antesañetla la' bajñel pusic'al, mach i t'ojolic che' tam i jol winic?

15 Mach che'ic x'ixic. Mi tam i jol i t'ojol jax, come aq'uebil i tsutsel i jol cha'an i mosil.

16 Mi an majch mi' tech cabal t'an mach che'ic mic mellojon. Mach che'ic mi' melob xñopt'añob i cha'año' b' Dios.

I Cena lac Yum

(Mt. 26.26-29; Mr. 14.22-25; Lc. 22.14-20)

17 Pero mic subeñetla mach wenic woli la' mel. Ma'anic mij q'ueletla ti uts'at. Come che' mi la' tempan la' b' ma'anic la' wenlel, pero leco mi la' wajñel.

18 Ñaxan tsa cubi woli la' t'ox la' b' ti a'leya che' mi la' tempan la' b'. Mi cal isujm.

19 ¿Yom ba mi la' t'ox la' b' ti a'leya cha'an mi' tsictiyel majqui wen ti la' tojlel?

20 Che' mi la' tempan la' b', mach jinic i Cena lac Yum mu' b' la' c'ux.

21 Come che' mi la' c'ux ti jujuntiquiletla, mi la' se'ñun la' b' cha'an mi la' bajñel ch'am la' waj. Juntiquil an i wi'ñal, yamb' yac.

22 ¿Mach ba anic la' wotot cha'an ya' i mi la' cha'len we'el uch'el? ¿Mu' ba la' ts'a'len jini xñopt'añob mu' b' i tempañob i b'? ¿Mu' ba la' wac' ti quisin jini mach b' añobic i b' i ñac'? ¿Chuqui yom mic subeñetla? ¿Yom ba mic sub uts'at woli la' mel? Mach yomic. Mach uts'atic.

23 Come tsa'ix aq'uentiyon c sub i sujmllel i Cena lac Yum che' bajche' tsaj c'antesayetla. Lac Yum Jesús tsi' ch'am'aj waj ti jini jach b' ac'alel che' b' tsa' ajq'ui ti' c'ab i contra.

24 Che' b' tsa' ujt i suben wocolix i yal' Dios, tsi' xut'u. Tsi' yal': "Ch'am'aj, c'uxula, jiñach c b'ac'tal mu' b' i xuj'tel

cha'añetla. Che'ach yom mi la' cha'len cha'an mi la' ña'tañon". Che' tsi' yal'.

25 Che' ja'el, tsi' ch'am'aj vaso che' b' tsa' ujt i we'el. Tsi' yal': "Jini vaso jiñach i yejtal jini tsijib xuc'ul b' t'an wa'chocobil b' tic ch'ich'el. Che'ach yom mi la' cha'len ti jujunyajl che' mi la' jap cha'an mi la' ña'tañon", che'en.

26 Come ti jujunyajl che' mi la' c'ux jini waj, che' mi la' jap ti jini vaso, mi la' wac' ti tsictiyel bajche' tsa' ch'am'aj lac Yum c'al' mi' cha' tilel.

27 Jini cha'an jini mach b' wenic bajche' mi' c'ux jini waj yic'ot bajche' mi' jap ti vaso lac Yum, an i mul, come mi' ts'a'len i b'ac'tal yic'ot i ch'ich'el lac Yum.

28 Ti jujuntiquil la' i bajñel ña'tan bajche' an i pusic'al. Che' jini, la' i c'ux jini waj, la' i jap ti jini vaso.

29 Come jini mach b' wenic mi' c'ux mi' jap, woli' p'aj i wocol come ma'anic mi' ña'tan i b'ac'tal lac Yum che' mi' c'ux che' mi' jap.

30 Jini cha'an an cabal c'amo' b' ba' añetla, cabal c'uño' b'. Lamital ch'am'eñob.

31 Tsa'ic lac ñaxan mele lac b', ma'anic tsa' aq'uentiyonla wocol.

32 Pero che' mi la' c'ac'quentel wocol, lac Yum woli' ju'sabeñonla lac pusic'al cha'an ma'anic mi la' cochel ti toj mulil yic'ot i cha'año' b' pañimil.

33 Jini cha'an quermanojob, che' mi la' tempan la' b' cha'an mi la' c'ux waj, pijtan la' b'.

34 Mi an i wi'ñal juntiquil, la' i c'ux i waj ti' yotot, cha'an ma'anic mi la' wac'quentel wocol cha'an chuqui woli la' mel che' mi la' tempan la' b'. Mi an yamb' wocol ti la' tojlel mi caj c subeñetla bajche' yom mi la' toj'esan ba' ora mij c'otel.

12

Laj c'ajñibal mu' b' i yal'queñonla jini Espiritu

1 Hermanojob, com mi la' ña'tan i sujmlel laj c'ajñibal tsa' b' aq'uentiyonla ti jini Espiritu.

2 La' wujil che' sajtemetla tsa' p'ajiyetla majlel ba'an x'uma' dios tac, bajche' jach tsa' ñijc'antiyetla.

3 Jini cha'an mic subeñetla mach cantesabilic ti' yEspíritu Dios majqui jach mi' yal chocol ti Dios jini Jesús. Cojach jini cantesabil b_Λ ti Ch'ujul b_Λ Espiritu mi mejlel i pejcan Jesús ti' Yum.

4 Ti chajp ti chajp an laj c'ajñibal tsa' b_Λ aq'uentiyonla, pero juntiquil jach Espiritu.

5 Ti chajp ti chajp an la que'tel, pero juntiquil jach lac Yum.

6 Ti chajp ti chajp an lac melbal, pero juntiquil jach Dios mu' b_Λ i ñijcañonla ti lac pejtelel.

7 Ti jujuntiquilonla aq'uebilonla laj c'ajñibal ti jini Espiritu cha'an i wenlel pejtelelob.

8 Come juntiquil mi' yalq'uentel cabal i ña'tabal cha'an jini Espiritu cha'an mi' sub i sujmllel jini t'an. Yamb_Λ mi' yalq'uentel cabal i ña'tabal cha'an jini jach b_Λ Espiritu cha'an mi' cha'len cantesa.

9 Yamb_Λ mi' yalq'uentel i ñop Dios ti wen xuc'ul cha'an jini jach b_Λ Espiritu. Yamb_Λ mi' yalq'uentel i c'ajñibal ti lajmesaya cha'an jini jach b_Λ Espiritu.

10 Yamb_Λ mi' yalq'uentel i pas i yejtal i p'atlel Dios. Yamb_Λ mi' yalq'uentel i c'ajñibal ti subt'an. Yamb_Λ mi' yalq'uentel i can mi wen o mi jontol jini espíritujob. Yamb_Λ mi' yalq'uentel i cha'len t'an ti yan tac b_Λ t'an. Yamb_Λ mi' yalq'uentel i ñusan i sujmllel yan tac b_Λ t'an.

11 Jini juntiquil jach b_Λ Espiritu mi' yalq'ueñonla lac mel pejtelel ili tac. Ti chajp ti chajp mi' yalq'ueñob i c'ajñibal winicob x'ixicob ti jujuntiquil che' bajche' yom Dios.

I b_Λc'tal Cristo

12 An cabal chucbil tac b_Λ ti lac b_Λc'tal, pero jump'ejl jach lac b_Λc'tal. Che'ach ja'el i b_Λc'tal Cristo yic'ot xñopt'añob.

13 Come juntiquil jach jini Espiritu. Che' bajche' ti ch'amja' tsi' tem otsayonla ti jump'ejl jach i b_Λc'tal Cristo, mi judío, mi griego, mi jini am b_Λ ti' yum, mi jini mach b_Λ anic ti' yum. Tsa' aq'uentiyonla lac ch'am jini jach b_Λ Espiritu.

14 Come jini lac b_Λc'tal mach junchajpic jach chuqui chucbil pero cabalach.

15 Jini la coc, mi tsi' yal_Λ mach i cha'anic lac b_Λc'tal come mach c'abalic, ¿mach ba i cha'anic lac b_Λc'tal che' jini?

16 Jini lac chiquin, mi tsi' yal_Λ mach i cha'anic lac b_Λc'tal come mach wutalic, ¿mach ba i cha'anic lac b_Λc'tal che' jini?

17 Mi ti pejtelel lac b_Λc'tal to'o lac wut jach an, ¿bajche' mi la cubin t'an che' jini? Mi ti pejtelel lac b_Λc'tal to'o lac chiquin jach an, ¿bajche' mi mejlel lac sic'?

18 Ti chajp ti chajp tsi' tempa Dios jini chucul tac b_Λ ti lac b_Λc'tal che' bajche' yom i pusic'al.

19 Mi to'ol c'ab_Λ jach pejtelel lac b_Λc'tal, ¿bajche' an lac b_Λc'tal che' jini?

20 Pero isujm an cabal chucul tac b_Λ ti lac b_Λc'tal anquese jump'ejl jach lac b_Λc'tal.

21 Jini lac wut mach mejlic i suben laj c'ab ma'anic i c'ajñibal. Che' ja'el lac jol mach mejlic i suben la coc ma'anic i c'ajñibal.

22 Pero jini chucul tac b_Λ ti lac b_Λc'tal mach b_Λ p'atlic yilal, ñumen an i c'ajñibal.

23 Jini chucul tac b_Λ ti lac b_Λc'tal mach b_Λ yoque uts'atic mi laj q'uel, ñumen mi la calq'uen i t'ojlawib. Jini mach b_Λ i t'ojolic ti q'uelol mi lac mos ti pisil.

24 Jini i t'ojol b_Λ ti q'uelol ma'anic chuqui yom mi' yalq'uentel. Che' b_Λ tsi' tempa lac b_Λc'tal Dios, tsi' yalq'ue ñumen i c'ajñibal jini mach b_Λ ñuquic ti q'uelol.

25 Che' jini, ma'anic mi' contrajiñob i b_Λ jini chucul tac b_Λ ti lac b_Λc'tal. Mi' tem cantañob i b_Λ.

26 Mi tsi' taja wocol jump'ejl chucul b_Λ ti lac b_Λc'tal, mi la cubin ti pejtelel lac b_Λc'tal. Mi tsi' taja i ñuclel, tijicña mi la cubin ti pejtelel lac b_Λc'tal.

27 Jatetla i b_Λc'taletla Cristo. Jatetla miembrojetla ti' b_Λc'tal Cristo.

28 Dios tsi' wa'chocoyonla ti' tojlel xñopt'añob, ñaxan jini apóstolob, wi'il subt'añob, wi'il xcantesajob, wi'il jini mu' b_Λ i pasob i yejtal i p'atlel Dios, yic'ot jini am b_Λ i c'ajñibal ti ts'acaya, yic'ot jini am b_Λ i c'ajñibal ti coltaya, yic'ot jini am b_Λ i ye'tel ti yumal, yic'ot jini mu' b_Λ i cha'leñob t'an ti yan tac b_Λ t'an.

29 ¿Apóstolob ba ti pejtelel? ¿Subt'añob ba ti pejtelelob? ¿Xcantesajob ba ti pejtelelob?

¿Mu' ba i pasob i yejtal i p'at'alel Dios ti pejtelelob?

³⁰ ¿Am ba i c'ajñibal ti ts'acaya ti pejtelelob? ¿Mu' ba i cha'leñob t'an ti yan tac b_Λ t'an ti pejtelelob? ¿Mu' ba i ñusañob i sujmllel yan tac b_Λ t'an ti pejtelelob?

³¹ Pero cha'lenla wersa la' taj jini ñumen wen b_Λ la' c'ajñibal. Mi caj c pasbeñetla w_Λle chuqui ñumen uts'at.

13

C'uxbiya

¹ Muq'uc c cha'len t'an ti' t'an tac winicob yic'ot ti' t'an ángelob, mi ma'anic j c'uxbiya, tsintsiñayon bajche' tsucu taq'uin. Lajalon bajche' tsucu taq'uin mu' b_Λ i cujtal.

² Anic j c'ajñibal ti subt'an yic'ot c ña'tabal ti pejtelel i sujmllel mach b_Λ tsictiyemic ti yamb_Λ ora, yic'ot pejtelel chuqui tac ña'tabil ti pañimil, muq'uc c ñop Dios ti xuc'ul b_Λ c pusic'al cha'an mic tats' wits, pero mi ma'anic j c'uxbiya, ma'anic j c'ajñibal.

³ Muq'uc c laj pucbeñob c chub_Λ'an cha'an mic we'san jini mach b_Λ añobic i bal i ñac', muq'uc c_Λc' c b_Λ ti pullel cha'an mij coltañob, mi ma'anic j c'uxbiya, ma'anic chuqui mic taj.

⁴ Jini yujil b_Λ c'uxbiya jal mi' cuchben i mul yañob' b_Λ, wen uts i pusic'al. Jini yujil b_Λ c'uxbiya mach tsaytsayñayic i pusic'al che' mi' q'uel i wenlel i pi'lob. Ma'anic mi' sub i b_Λ ti ñuc. Ma'anic mi' mel i b_Λ ti chan ti' tojlel i pi'lob.

⁵ Jini yujil b_Λ c'uxbiya mach lecojic i melbal. Ma'anic mi' sajcan chuqui yom ti' bajñel pusic'al. Ma'anic mi' b_Λc' mich'an, ma'anic mi' lot ti' pusic'al i contrajintel.

⁶ Mach tijicñayic mi' yubin che' mi' tic'lantel jini toj b_Λ. Tijicña mi' yubin che' uts'at mi' loq'uel jini toj b_Λ.

⁷ Mi' ñusan pejtél wocol, mi' ñop pejtelel chuqui tac isujm, mi' cha'len pijtaya ti' xuc'talel i pusic'al, mi' ñusan ti uts'at pejtelel chuqui tac mi' yujtel.

⁸ Mach jilic i c'uxbiya ti pejtelel ora. Mi' caj ti ujtél i c'ajñibal subt'an. Mi' caj ti jilel yan tac b_Λ t'an. Mi' caj i jilel i ña'tabal pañimil.

⁹ Come mach laj cambilic lac cha'an. Mach ts'ac_Λlic mi lac tsictesan ti subt'an.

¹⁰ Che' mi' tilel jini ts'ac_Λl b_Λ, mi' caj ti jilel jini mach b_Λ ts'ac_Λlic.

¹¹ Che' alobon to tsac cha'le t'an che' bajche' alob. Tsac ña'ta che' bajche' alob. Tsac ch'ambe isujm che' bajche' alob. Che' b_Λ tsa' ochiyon ti winic, tsaj c_Λy_Λ c mel che' bajche' alob.

¹² Come w_Λle mi lac y_Λxña q'uel Cristo che' bajche' ti espejo. Pero che' mi' tilel mi caj laj q'uelben i wut. W_Λle wolic y_Λxña c_Λn, pero ti wi'il b_Λ ora mi caj c wen c_Λn che' bajche' Dios mi' c_Λñon.

¹³ W_Λle anto lac cha'an uxchajp: lac ñopbal, lac pijtaya yic'ot laj c'uxbiya. Pero jini ñumen ñuc b_Λ jiñach c'uxbiya.

14

Jini mu' b_Λ i cha'len t'an ti yan tac b_Λ t'an

¹ Ch_Λn cha'lenla c'uxbiya. Cha'lenla wersa cha'an mi la' taj la' c'ajñibal ti jini Espíritu. Jini ñumen uts'at b_Λ jiñach la' c'ajñibal ti subt'an.

² Come jini mu' b_Λ i cha'len t'an ti yan tac b_Λ t'an ma'anic mi' pejcan i pi'lob, cojach mi' pejcan Dios. Ma'anic mi' ch'ambeñob isujm winicob. Mi' sub i sujmllel Dios ti yamb_Λ t'an ti Espíritu.

³ Jini mu' b_Λ i cha'len subt'an mi' xuc'chocobeñob i pusic'al winicob. Mi' xic'ob ti' melol chuqui uts'at. Mi' ñuq'ues_Λbeñob i pusic'al.

⁴ Jini mu' b_Λ i cha'len t'an ti yan tac b_Λ t'an mi' bajñel xuc'chocon i pusic'al. Jini mu' b_Λ i cha'len subt'an mi' xuc'chocobeñob i pusic'al xñopt'añob mu' b_Λ i tempañob i b_Λ.

⁵ Uts'at mi' ti pejteletla an la' c'ajñibal ti yan tac b_Λ t'an. Pero ñumen uts'at mi' la' cha'len subt'an ti la' bajñel t'an. Come lolom jach yan tac b_Λ t'an mi' ma'anic majch mi' ñus_Λbeñob i sujmllel cha'an mi' xuc'chocobeñob i pusic'al xñopt'añob. Che' jini ñumen an i c'ajñibal jini mu' b_Λ i cha'len subt'an bajche' jini mu' b_Λ i cha'len t'an ti yan tac b_Λ t'an.

⁶ W_Λle hermanojob, mi woliyon ti t'an ti yan tac b_Λ t'an che' mic tilel ba' añetla, ¿chuqui i c'ajñibal la' cha'an? Cojach an i c'ajñibal mi tsac subeyetla ti la' t'an jini tsa'

bΛ pasbentiyon, mi jini ña'tΛbil bΛ c cha'an, mi jini wen t'an, o mi cantesa.

7 Jini música tac ja'el, che' bajche' amay yic'ot guitarra mach bΛ cuxulic, mi mach yΛñΛlic mi' loq'uel i t'an, ¿bajche' che' jini, mi' caj ti cΛjñel chuqui woli ti wustΛl ti amay yic'ot chuqui woli ti ñijcΛntel ti guitarras?

8 Mi mach uts'atic mi' loq'uel i t'an trompeta, ¿majqui mi caj i chajpan i bΛ cha'an guerra?

9 Che' ja'el jatetla, che' mi la' cha'len t'an ti yambΛ t'an mach bΛ anic mi' ch'Λmbeñob isujm, ¿bajche' che' jini mi caj i ña'tañob chuqui mi la' wΛl? Che' jini to'ol t'an jach woliyetla.

10 Isujm an cabΛl yan tac bΛ t'an ti pañimil. Ti jujunchajp an i sujmllel.

11 Mi ma'anic mic ch'Λmben isujm junchajp t'an, che'Λch mi' q'uelon jini mu' bΛ ti t'an bajche' juntiquil ch'oyol bΛ ti yambΛ lum. Joñon ja'el mij q'uel jini winic mu' bΛ ti t'an che' bajche' juntiquil ch'oyol bΛ ti yambΛ lum.

12 Che' ja'el jatetla, come la' wom la' c'Λjñibal mu' bΛ i yΛc' jini Espíritu, cha'lenla wera la' taj cabΛl la' c'Λjñibal cha'an mi la' xuc'chocon jini xñopt'añob mu' bΛ i tempañob i bΛ.

13 Jini cha'an jini mu' bΛ i cha'len t'an ti yambΛ t'an la' i c'ajtiben Dios i ña'tΛbal cha'an mi' ñusan i sujmllel.

14 Mi wolic pejcan Dios ti yambΛ t'an mach bΛ j cΛñΛyic, wolic pejcan tic ch'ujlel jach, mach tic ña'tΛbalic.

15 ¿Bajche' yom che' jini? Mi caj c pejcan Dios tic ch'ujlel, mi caj c pejcan tic ña'tΛbal ja'el. Mi caj c cha'len c'ay tic ch'ujlel, mi caj c cha'len c'ay tic ña'tΛbal ja'el.

16 Come mi ti a ch'ujlel jach ma' ch'ujutesan Dios ti' tojlel jini mu' bΛ i tilel i ñich'tan, ¿bajche' mi caj i yΛl amén che' ma' suben Dios wocolix i yΛΛ, mi ma'anic mi' ch'Λmben isujm chuqui wola' wΛl?

17 Isujm jatet ma' suben Dios wocolix i yΛΛ ti uts'at, pero ma'anic mi' xuc'chocontel i pusic'al yambΛ.

18 Mic suben Dios wocolix i yΛΛ, come ñumen mic cha'len t'an ti yan tac bΛ t'an bajche' jatetla.

19 Uts'at mi cΛl che' mic cha'len jo'p'ejl t'an yic'ot c ña'tΛbal cha'an mij cantesan yaño' bΛ. Mach uts'atic lujump'ejl mil t'an ti yambΛ t'an mach bΛ yujilobic.

20 Hermanojob, mach yomic lajal la' ña'tΛbal bajche' i ña'tΛbal alobob. Mach yomic jontoletla. Yom lajaletla bajche' allob. Yom lajal la' ña'tΛbal bajche' winicob año' bΛ cabΛl i pusic'al.

21 Ts'ijbubil: "Mi caj j c'Λmben i yej yaño' bΛ yic'ot yan tac bΛ t'an cha'an mic pejcan ili winicob x'ixicob. Pero anquese che'Λch mic pejcañob mach yomobic i yubibeñon c t'an", che'en lac Yum.

22 Jini t'an tac mach bΛ cΛmbilic jiñΛch i yejtal i p'ΛtΛlel Dios ti' tojlel jini mach bΛ anic mi' ñopob Dios, mach ti' tojlelic jini mu' bΛ i ñopob. Pero che' an majch mi' cha'len alt'an, an i c'Λjñibal i cha'an jini mu' bΛ i ñopob. Ma'anic i c'Λjñibal i cha'an jini mach bΛ anic mi' ñopob.

23 Che' mi la' tempan la' bΛ xñopt'añet bΛ la, mi ti jujuntiquiletla mi la' cha'len t'an ti yan tac bΛ t'an, ¿chuqui mi caj i yΛlob jini mach bΛ cantesΛbilobic yic'ot jini mach bΛ anic mi' ñopob? ¿Mach ba muq'uic caj i yΛlob sojquem la' jol?

24 Che' mi' yochel juntiquil mach bΛ anic mi' ñop, o mi juntiquil mach bΛ cantesΛbilic, mi ti pejteletla mi la' cha'len subt'an, che' jini mi' jec'bentel i pusic'al cha'an la' t'an ti la' pejtelel. Mi caj i ña'tan xmulilΛch.

25 Mi' caj ti tsictiyel jini mucul tac bΛ ti' pusic'al. Jini cha'an mi caj i pΛcchocon i bΛ cha'an mi' ch'ujutesan Dios. Mi caj i yΛl: Ya'an Dios la' wic'ot ti isujm, che'en.

Tojyom jini ch'ujutesaya

26 ¿Bajche' yom, che' jini, hermanojob? Che' mi la' tempan la' bΛ, juntiquil an i salmo, yambΛ an i cantesΛbal, yambΛ mi' cha'len t'an ti yambΛ t'an, yambΛ mi' yΛq'uentel chuqui mi' pas, yambΛ mi' ñusan i sujmllel jini yan tac bΛ t'an. La' mejlic ti pejtelel cha'an mi la' xuc'chocon la' bΛ.

27 Mi an mu' bΛ i cha'leñob t'an ti yan tac bΛ t'an jasΛl cha'tiquil uxtiquil. Mach yomic i ñumel ti uxtiquil. Belecña yom mi' subob. La' i ñusan i sujmllel juntiquil.

²⁸ Mi ma'anic majch mi mejlel i ñusan i sujmllel jini t'an, mach i cha'len t'an ti yambΛ t'an ba' mi' tempañob i bΛ. La' i bajñel pejcan Dios.

²⁹ Che' ja'el la' i cha'leñob subt'an cha'tiquil uxtiquil jach. Jini yaño' bΛ la' i yubiñob mi toj.

³⁰ Mi an juntiquil buchul bΛ mu' bΛ i yΛq'uentel chuqui mi caj i sub, la' i cΛy i t'an jini ñaxan bΛ.

³¹ Come ti pejteletla mi mejlel la' q'uex la' bΛ ti subt'an cha'an mi la' cΛntesan la' bΛ ti pejtelel yic'ot cha'an mi la' xic' la' bΛ ti uts'at.

³² Jini aq'uebil bΛ jump'ejl t'an ti Dios mi mejlel i yujtesan i sub, o mi mejlel i poj cΛy cha'an mi' sub yambΛ.

³³ Come Dios ma'anic mi' mulan jini ju'ucña bΛ, cojach ñΛch'Λl bΛ baqui jach mi' tempañob i bΛ i cha'año' bΛ Dios.

³⁴ La' ajnicob ti ñΛch'Λl jini x'ixicob che' mi' tempañob i bΛ xñopt'añob. Come tic'bilob ti t'an. Yom mi' jac'ob i cΛntesΛntel che' bajche' mi' yΛl jini mandar.

³⁵ Mi an chuqui yomob i ñop jini x'ixicob, la' i c'ajtibeñob i ñoxi'al ti' yotot. Come quisintic jax che' mi' cha'leñob t'an x'ixicob ba' mi' tempañob i bΛ xñopt'añob.

³⁶ CΛxti mi ya'ic tsa' tejchi i t'an Dios ba' añetla. CΛxti mi ya'ic jach tsa' c'oti i t'an ya' ba' añetla.

³⁷ Mi an majch mi' sub i bΛ ti subt'an mu' bΛ i jac'ben jini Espíritu, la' i ña'tan jiñach i mandar lac Yum tsa' bΛ c ts'ijbubeyetla.

³⁸ Mi an juntiquil mach bΛ yomic i jac', mach la' jac'ben i t'an ja'el.

³⁹ Jini cha'an hermanojob, cha'lenla wersa la' taj la' c'Λjñibal ti subt'an. Mach la' tic' jini mu' bΛ i cha'leñob t'an ti yan tac bΛ t'an.

⁴⁰ Ti pejtelel chuqui tac mi la' cha'len, tem melela che' bajche' yom.

15

Tsa' tejchi ch'ojoyel Cristo

¹ Mic subeñetla ja'el hermanojob, jiñach jini wen t'an tsa' bΛ c subeyetla, tsa'ix bΛ la' ñopo, woli bΛ la' chΛn ñop.

² Mi woli la' chΛn ña'tan jini t'an tsa' bΛ c subeyetla, coltΛbiletixla, mi isujm tsa' la' ñopo che' bΛ tsa' la' subu la' bΛ ti hermano.

³ Come tsaj cΛntesayetla jini jach bΛ t'an tsa' bΛ aq'uentiyon. Tsa' chΛmi Cristo cha'an lac mul, che' bajche' mi' yΛl ti' Ts'ijbujel Dios.

⁴ Tsa' mujqui. Ti yuxp'ejlel q'uin tsa' cha' ch'ojoyi che' bajche' mi' yΛl ti' Ts'ijbujel Dios.

⁵ Tsa' tsictiyi ti' wut Pedro, wi'il ti' wut jini lajchΛntiquil.

⁶ Wi'il tsa' tsictiyi ti' wut ñumen ti jo'c'al i cha'bajc' hermanojob che' temel añob. Cuxulob to cabΛl jini hermanojob, ojilil tsa' chΛmiyob.

⁷ Wi'il tsa' tsictiyi ti' wut Jacobo, wi'il ti' wut pejtelel apóstolob.

⁸ Wi'ilix tsa' tsictiyi tic wut ja'el. Che'Λch añon bajche' juntiquil tsa' bΛ i yila pañimil che' ñumenix i yorajlel.

⁹ Come joñon mach lajalic c ñucllel yic'ot yaño' bΛ apóstolob. Mach uts'atonic che' bΛ tsa' pΛjyiyon ti apóstol, come tsac tic'la xñopt'añob i cha'an Dios.

¹⁰ Pero wΛle apóstolon cha'an ti' yutslel i pusic'al Dios. Mach lolomic jach tsa' aq'uentiyon i yutslel i pusic'al Dios. Ñumen cabΛl tsac cha'le e'tel bajche' pejtelel yaño' bΛ, pero mach joñonic, jiñach i yutslel i pusic'al Dios am bΛ quic'ot.

¹¹ Tic pejtelel lojon, mi joñon o mi yaño' bΛ, mic sub lojon jini wen t'an, jini jach bΛ tsa' bΛ la' ñopo.

Mi caj i tejchelob ch'ojoyel chΛmeño' bΛ

¹² Mi wolic sub lojon tsa'ix tejchi ch'ojoyel Cristo, ¿chucoc mi' lon alob cha'tiquil uxtiquil ya' ba' añetla ma'anic mi' ch'ojoyelob jini chΛmeño' bΛ?

¹³ Mi ma'anic mi' cha' ch'ojoyel jini chΛmeño' bΛ, che' jini, ma'anic tsa' ch'ojoyi Cristo ja'el.

¹⁴ Mi ma'anic tsa' ch'ojoyi Cristo lolom jach mic cha'len lojon subt'an. Lolom jach mi lac ñop ja'el.

¹⁵ Che'ic jini, lot jach mu' bΛ c sub lojon, come tsa'ix c subu lojon: Dios tsi' teche ch'ojoyel Cristo. Pero mach isujmic lac t'an mi ma'anic mi' ch'ojoyelob jini chΛmeño' bΛ, come che' jini, Dios ma'anic tsi' teche ch'ojoyel Cristo.

¹⁶ Come mi ma'anic mi' tejchelob ch'ojoyel, ma'anic tsa' tejchi Cristo ja'el.

17 Mi ma'anic tsa' tejchi ch'ojoyel Cristo lolom jach mi la' ñop. Che'ic jini, añet tola ti la' mul.

18 Sajtemob ja'el jini chameño' bΛ tsa' bΛ i ñopoyob Cristo.

19 Mi wΛ' jach ti pañimil mi' poj coltañonla Cristo, ñumen p'ump'uñonla bajche' yaño' bΛ winicob.

20 Pero isujm tsa'ix tejchi ch'ojoyel Cristo ba'an chameño' bΛ. Jiñach ñaxan bΛ tsa' bΛ ch'ojoyi.

21 Come cha'an ti' caj juntiquil winic mi' chamelob pejtelel winicob, che' ja'el cha'an ti' caj juntiquil winic mi' tejchelob ch'ojoyel jini chameño' bΛ.

22 Come che' bajche' mi' chamelob pejtelel i p'olbal Adán, che' ja'el mi' caj i cha' cuxtayelob pejtelel año' bΛ ti' Cristo.

23 Ti jujuntiquil mi' cha' tejchelob che' bajche' yom. Ñaxan tsa' ch'ojoyi Cristo, ti wi'il mi' cha' ch'ojoyel i cha'año' bΛ Cristo che' mi' cha' tilel.

24 Wi'il talix i jilibal ba' ora Cristo mi' caj i yΛq'uen i yumantel Dios i Tat che' mi' yujtel i jisabeño' i yumantel yic'ot i p'Λtal lel pejtelel i contrajob.

25 Come wersa mi' cha'len yumal Cristo jinto mi' t'uchtan pejtelel i contrajob.

26 Mi' caj i jisan ja'el jini cojix bΛ laj contra mu' bΛ i yΛc' ti' chamel lac bΛc'tal.

27 Come Dios tsi' yΛc'Λ ti' wenta Jesús pejtelel chuqui tac an. Che' mi' yΛ aq'uebil ti' wenta pejtelel chuqui tac an, tsiquilach ma'anic tsi' yΛc'Λ i bΛ Dios ti' wenta Cristo che' bΛ tsi' yΛq'ue pejtelel chuqui tac an.

28 Che' mi' yujtel i ch'Λm ti' wenta i Yalobil Dios, mi' caj i yΛc' i bΛ ti' wenta Dios tsa' bΛ i yΛc'Λ ti' wenta pejtelel chuqui tac an. Che' jini Dios i ñuclelach pejtelel chuqui tac an.

29 Mi' ma'anic mi' cha' ch'ojoyelob jini chameño' bΛ, ¿chuqui i ye'tel mi' ch'Λmob ja' jini cuxulo' bΛ ti' wenta jini tsa'ix bΛ chamiyob? ¿Chucoch che' jini mi' ch'Λmob ja' cha'an jini chameño' bΛ?

30 ¿Chucoch che' jini mi' cΛc' lojon c bΛ ti' jujump'ejl q'uin ba' bΛbΛq'uen mic chamel lojon?

31 Mic subeñetla hermanojob, isujm ñuc c pusic'al mij q'ueletla ti' lac Yum Jesucristo. Isujm ja'el bΛbΛq'uen mic chamel ti' jujump'ejl q'uin.

32 Machic tsac ña'ta mi' cha' ch'ojoyelob chameño' bΛ, ¿chuqui to i ye'tel tsaj contraji jini jontolo' bΛ ti' Efeso? Mi' ma'anic mi' cha' ch'ojoyelob jini chameño' bΛ, la' lac cha'len we'el uch'el, come mach jalix mi' caj lac chamel.

33 Mach yomic mi' la' jac' la' lotintel. Jini jontolo' bΛ lac pi'Λlob mi' bib'esaño' lac pusic'al.

34 Yom yΛxΛl la' wo bajche' yom. Mach la' cha'len mulil. Come an winicob x'ixicob mach bΛ anic mi' cΛño' Dios. Jini mic sub cha'an mij quisñitesañetla.

Bajche' yilal jini tsiji' bΛ lac bΛc'tal

35 Pero an majqui mi' caj i yΛ: ¿Bajche' mi' tejchelob ch'ojoyel jini chameño' bΛ? ¿Bajche' yilal i cuctal? che'en.

36 Tontojet mu' bΛ a wΛl jini. Jini mu' bΛ a pac' ma'anic mi' colel mi' ma'anic mi' ñaxan mujquel.

37 Jini mu' bΛ a pac' mach lajalic ti' q'uelol bajche' jini mu' bΛ i pasel. Jini mu' bΛ a pac' to'ol pac' jach, mi' trigo, o mi' yambΛ.

38 Dios mi' yΛq'uen i wut jini pac' bajche' yom. Ti' jujunchajp pac' mi' yΛq'uentel i wut ti' chajp ti' chajp.

39 Che' ja'el mach junlajalic bΛc'talΛ. Isujm junchajp i bΛc'tal winicob, yambΛ i bΛc'tal bΛte'el, yambΛ i bΛc'tal chΛy, yambΛ i bΛc'tal te'lemut.

40 An junchajp i bΛc'tal jini año' bΛ ti' panchan, yambΛ i bΛc'tal jini año' bΛ ti' pañimil. Junchajp i ñuclel jini año' bΛ ti' panchan, yambΛ i ñuclel jini año' bΛ ti' pañimil.

41 Junchajp i ñuclel jini q'uin, yambΛ i ñuclel jini uw, yambΛ i ñuclel jini ec', come i ñuclel jump'ejl ec' mach lajalic bajche' i ñuclel yambΛ ec'.

42 Che'Λch ja'el che' mi' cha' ch'ojoyelob jini chameño' bΛ. Jini mu' bΛ i mujquel mi' yoc'mΛ. Jini mu' bΛ i cha' ch'ojoyel mach yujilic oc'mΛ.

43 Ma'anic i ñuclel che' mi' mujquel. An i ñuclel che' mi' cha' ch'ojoyel. Ma'anic i p'Λtal lel che' mi' mujquel. An i p'Λtal lel che' mi' cha' ch'ojoyel.

44 Ch'oyol ti' lum lac bΛc'tal mu' bΛ i mujquel, ch'oyol ti' Espiritu lac bΛc'tal mu' bΛ i tejchel ch'ojoyel.

An lac bꝰc'tal ch'oyol bꝰ ti lum, an lac bꝰc'tal ch'oyol bꝰ ti Espíritu.

⁴⁵ Che'ꝰch ts'ijbubil: “Jini ñaxan bꝰ winic, i c'aba' Adán, tsa' aq'uenti i ch'ujlel. Pero Cristo an i yEspíritu cha'an mi' yꝰq'ueñonla laj cuxtlal”.

⁴⁶ Ñaxan mi la cꝰq'uentel lac bꝰc'tal ch'oyol bꝰ ti lum, wi'ilix lac bꝰc'tal ch'oyol bꝰ ti Espíritu.

⁴⁷ Jini ñaxan bꝰ winic Adán melbil ti lum. Pero Cristo, i cha'ticel bꝰ winic, ch'oyol ti panchan.

⁴⁸ Jini año' bꝰ i bꝰc'tal ch'oyol bꝰ ti lum lajalob bajche' Adán ch'oyol bꝰ ti lum. Jini mu' bꝰ i yꝰq'uentelob i bꝰc'tal ch'oyol bꝰ ti panchan lajalob bajche' Cristo ch'oyol bꝰ ti panchan.

⁴⁹ Wꝰle lajalonla ti q'uelol bajche' Adán. Pero lajal mi caj la cajñel che' bajche' Cristo.

⁵⁰ Mic subeñetla, hermanojob, lac bꝰc'tal yic'ot lac ch'ich'el yujil bꝰ oc'mꝰl mach ochic ti' yumꝰntel Dios ba' ma'anic chuqui yujil oc'mꝰl.

⁵¹ La' wilan, mic subeñetla jini mach bꝰ tsictiyemic ti yambꝰ ora: Mach ti pejtelonica mi caj lac chamel, pero ti pejtelonla mi caj lac yꝰjñel.

⁵² Che' mi' wustꝰl jini cojix bꝰ trompeta, ti ora jach mi caj lac yꝰjñel che' bajche' ora jach mi' mujts'el mi' cajñel lac wut. Come mi' caj ti wustꝰl jini trompeta, mi caj i tejchelob ch'ojyel jini chꝰmeño' bꝰ. Ma'anix mi' chꝰn chꝰmelob. Joñonla ja'el mi caj lac yꝰjñel.

⁵³ Come jini yujil bꝰ oc'mꝰl wersa mi caj i pꝰntiyel ti jini mach bꝰ yujilic oc'mꝰl. Jini yujil bꝰ chamel wersa mi caj i pꝰntiyel ti jini mach bꝰ yujilic chamel.

⁵⁴ Che' bꝰ tsa'ix pꝰntiyi jini yujil bꝰ oc'mꝰl ti jini mach bꝰ yujilic oc'mꝰl, che' bꝰ tsa'ix pꝰntiyi jini yujil bꝰ chamel ti jini mach bꝰ yujilic chamel, che' jini mi caj i ts'actiyel jini ts'ijbubil bꝰ t'an mu' bꝰ i yꝰl: “Lac Yum mi caj i junyajlel jisꝰben i pꝰꝰtlal chamel.

⁵⁵ ¿Bacan i c'uxel che' mi lac chamel? ¿Bacan mi' mꝰjlel i cha'an jini mucoñibꝰl?” che'en.

⁵⁶ Jini c'ux bꝰ, jiñꝰch mulil mu' bꝰ i yꝰc'onla ti chamel. Jini mulil mi' taj i pꝰꝰtlal cha'an jini mandar.

⁵⁷ Wocolix i yꝰꝰꝰ Dios mu' bꝰ i yꝰq'ueñonla lac pꝰꝰtlal ti lac Yum Jesucristo cha'an mi' mꝰjlel lac cha'an.

⁵⁸ Jini cha'an, c'uxbibil bꝰ quermanojob, chꝰn ajñenla ti xuc'ul. Mach yomic tile bixel la' pusic'al. Yom bꝰxetla che' mi la' cha'liben i ye'tel lac Yum, come la' wujil mach lolomic jach la' we'tel ti lac Yum.

16

Ofrenda cha'an i colꝰntel i cha'año' bꝰ Dios

¹ Cha'an ofrenda mu' bꝰ la' tempꝰn cha'an i colꝰntel i cha'año' bꝰ Dios, ac'ꝰla jatetla che' bajche' tsac sube jini xñopt'añoob mu' bꝰ i tempañob i bꝰ ya' ti Galacia.

² Ti jini ñaxan bꝰ q'uin ti jujump'ejl semana, ti jujuntiquiletla, parte yom mi la' wꝰc' lamital la' taq'uin. Lotola bajche' c'amel mi mejlel la' wꝰc' cha'an tempꝰbilix che' mij c'otel ba' añetla.

³ Che' c'otemon mi caj c choc majlel winicob año' bꝰ i cha'an carta ba' mi' tsictiyel yajcꝰbilob cha'an mi' ch'ꝰmob majlel jini ofrenda ti Jerusalén.

⁴ Mi yomꝰch mic majlel ja'el, mi mejlel c pi'leñoob majlel ti Jerusalén.

Baqui tsi' ña'ta majlel jini Pablo

⁵ Ya' talon ba' añetla che' ñumeñonix ti Macedonia, come com ñumel ti Macedonia.

⁶ Tic'ꝰl ya' mic poj cꝰytꝰl ba' añetla cha'an mic ñusan i yorajlel tsꝰñal ja'el, cha'an mi la' pi'leñoob majlel ya' ba' mic majlel.

⁷ Come mach ñumelic jach com j q'ueletla. Com poj jalijel quic'otetla mi che' yom lac Yum.

⁸ Mi caj j cꝰytꝰl ti Efeso c'ꝰꝰꝰl ti' yorajlel Pentecostés.

⁹ Come tsa' jambentiyon colem puerta ba' mi mejlel c wen cha'len e'tel anquese cabꝰlob j contra.

¹⁰ Mi tsa' c'oti Timoteo, q'uelela cha'an mi' yajñel ti uts'at ba' añetla, come mi' cha'len i ye'tel lac Yum lajal bajche'on.

¹¹ Jini cha'an mach mi la' ts'a'len mi juntiquileticla. Cha' pi'lenla sujtel ti' ñꝰch'tilel la' pusic'al cha'an mi mejlel i cha' tilel ba' añoob, come wolic pijtan yic'ot yaño' bꝰ hermanojob.

¹² Jixcu la quermano Apolos, cabal tsac sube ti wocol t'an cha'an mi' majlel yic'ot hermanojob ba' añetla. Maxto yomic majlel. Che' mi' tajben i q'uiñilel mi caj i majlel ba' añetla.

Cortesía tac

¹³ Yom y_ΛX_Λ la' wo. Yom xuc'ul la' pusic'al mi la' ñop. Yom ch'ejetla. Yom p'_Λt_Λletla.

¹⁴ Ti pejtelel chuqui tac mi la' mel, melela yic'ot c'uxbiya.

¹⁵ La' wujil hermanojob, jini ñaxaño' b_Λ tsa' b_Λ i ñopoyob Dios ya' ti Acaya, jiñob_Λch Estéfanos yic'ot jini año' b_Λ ti' yotot, tsa'ix i y_ΛC'_Λyob i b_Λ cha'an mi' coltañob i cha'año' b_Λ Dios.

¹⁶ Mic subeñetla ti wocol t'an, jac'benla hermanojob mu' b_Λ i melob che' bajche' jini, yic'ot pejtlob mu' b_Λ i cha'leñob e'tel cha'an mi' coltañob i cha'año' b_Λ Dios.

¹⁷ Tijicñayon cha'an tsa' tili Estéfanos yic'ot Fortunato yic'ot Acaico, come uts'at che' w_Λ' año' jini uxtiquil anquese mach w_Λ'ic añetla.

¹⁸ Come tsi' ñuq'ues_Λbeyoñob c pusic'al yic'ot la' pusic'al ja'el. Q'uelela ti ñuc winicob mu' b_Λ i melob che' bajche' jini.

¹⁹ Jini xñopt'año' mu' b_Λ i tempañob i b_Λ ti Asia mi' y_Λq'ueñetla cortesía. Che' ja'el Aquila yic'ot Priscila yic'ot jini xñopt'año' mu' b_Λ i tempañob i b_Λ ti' yotot, cabal mi' y_Λq'ueñetla cortesía ti lac Yum.

²⁰ Ti pejtelel jini hermanojob mi' y_Λq'ueñetla cortesía. Che' mi la' w_Λq'uen la' b_Λ cortesía ts'ujts'un la' b_Λ ti c'uxbiya.

²¹ Joñon Pablojon mic ts'ijbubeñetla cortesía tij c'ab.

²² Jini mach b_Λ anic mi' c'uxbin lac Yum Jesucristo la' chojquc ti Dios. Tal lac Yum.

²³ La' ajñic i yutslal i pusic'al lac Yum Jesús la' wic'ot.

²⁴ Mij c'uxbiñetla ti la' pejtelel ti Cristo Jesús.

2 CORINTIOS

¹ Pablon, apóstolon i cha'an Cristo Jesús cha'an che' yom Dios. W^Λ'an la quermano Timoteo quic'ot. Wolic ts'ijbubeñetla xñopt'añet b^Λ la i cha'an Dios ya' ti Corinto yic'ot ti pejtelel Acaya.

² La' aq'uentiquetla i yutslel i pusic'al Dios yic'ot i ñ^Λch'talel la' pusic'al ch'oyol b^Λ ti Dios lac Tat yic'ot ti lac Yum Jesucristo.

I wocol Pablo

³ La' subjic i ñuclel Dios i Tat lac Yum Jesucristo. Jiñ^Λch lac Tat ja'el mu' b^Λ i p'untañonla, mu' b^Λ i ñuq'uesan lac pusic'al ti pejtelel wocol.

⁴ Dios mi' ñuq'uesan lac pusic'al ti pejtelel lac wocol cha'an mi lac ñuq'uesabeñob i pusic'al yaño' b^Λ ti pejtelel i wocol. Che' jini, mi lac ñuq'uesabeñob i pusic'al che' bajche' Dios tsi' ñuq'uesabeyonla lac pusic'al.

⁵ Come che' bajche' lac ten cha'an jach i wocol Cristo, che' ja'el lac ten cha'an jach i ñuq'uesantel lac pusic'al yic'ot Cristo.

⁶ Che' mi cubin lojon wocol, an i c'ajñibal cha'an mic ñuq'uesabeñetla la' pusic'al cha'an mi la' colt^Λantel. Che' mi' ñuq'uesabeñon lojon c pusic'al Dios, mi mejlel c ñuq'uesabeñetla la' pusic'al. Che'^Λch mi' yujtel che' mi la' cuch wocol lajal bajche' joñon lojon.

⁷ Cujil lojon ti' xuc'talel c pusic'al an chuqui mi caj la' taj. Come woli la' ñusan wocol che' bajche' joñon lojon. Jini cha'an woli la' taj i ñuq'uesantel la' pusic'al ja'el che' bajche' joñon lojon.

⁸ Quermanojob, com mi la' ña'tan tsa cubi lojon cab^Λl wocol ya' ti Asia. Mach kujchic c cha'an lojon yubil come wen wocol jax. Mach colicon lojon tsac ña'ta lojon.

⁹ Pero tsa' ajq'uiyon lojon ti ch^Λamel yubil cha'an ma'anic mic xuc'chocon lojon c pusic'al tic bajñel p'^Λtal^Λel, cojach ti Dios mu' b^Λ i tech ch'ojyel jini ch^Λameño' b^Λ.

¹⁰ Dios tsi' y^Λc'^Λyon lojon ti colel che' b^Λ tsa c^Λl^Λ lojon ch^Λamel. Woli' ch^Λan ac'on lojon ti colel. Cujil lojon tic pusic'al Dios mi caj i ch^Λan ac'on lojon ti colel.

¹¹ Jatetla ja'el mi la' coltañon lojon che' mi la' pejc^Λabeñon lojon Dios. Che' jini cab^Λlob

mi caj i subeñob Dios wocolix i y^Λl^Λ cha'an c wenlel lojon mu' b^Λ c taj lojon cha'an i yoración.

Ma'anic tsa' mejli ti majlel Pablo

¹² Ñ^Λch'^Λal lojon c pusic'al come ti' p'^Λtal^Λel Dios tsac mele lojon chuqui isujm yic'ot chuqui toj. Jiñ^Λch c ñuclel lojon. Tsa' ajniyon lojon ti jump'ejl lojon c pusic'al aq'uebilon lojon ti Dios. Che'^Λch tsac p^Λs^Λ lojon c b^Λ w^Λ' ti pañimil. Ñumen tsac mele lojon chuqui uts'at ti la' tojlel, mach che'ic bajche' mi' ña'tañob ti pañimil, pero yic'ot i yutslel i pusic'al Dios.

¹³ Jini woli b^Λ c ts'ijbubeñetla mi mejlel la' q'uel, mi mejlel la' ch'^Λmben isujm. Com mi la' ch'^Λmben isujm c'^Λl^Λ ti' cajibal.

¹⁴ Come lamitaletla tsa'ix la' ch'^Λmbe isujm, la' ñuclelon lojon che' bajche' jatetla ja'el c ñuclelet lojon ba' ora mi' cha' tilel lac Yum Jesús.

¹⁵ Cujil xuc'ul la' pusic'al quic'ot. Jini cha'an tsac ña'ta tilel ñaxan ba' añetla cha'an ti' cha'yajlel tijicñayetla.

¹⁶ Com ñumel ba' añetla che' mic majlel ti Macedonia. Che' loq'uemon ti Macedonia com cha' ñumel ba' añetla cha'an mi la' coltañon sujtel ti Judea.

¹⁷ Che' b^Λ tsac ña'ta majlel ba' añetla, ¿to'ol t'an jach ba tsac cha'le? ¿Mu' ba c bajñel ña'tan chuqui com c mel? ¿Mu' ba c subeñetla ya' talon che' mach talonic?

¹⁸ Che' bajche' xuc'ul i pusic'al Dios ma'anic mic subeñetla ti cha'chajp. Ma'anic mic subeñetla ya' talon che' mach talonic.

¹⁹ Come mach cha'chajpic i t'an Jesucristo i Yalobil Dios tsa' b^Λ c subeyetla joñon quic'ot Silvano yic'ot Timoteo. Junsujm jach i t'an Jesucristo.

²⁰ Pejtelel chuqui mi' subeñonla Dios mi caj i ts'^Λctiyel ti Cristo. Jini cha'an ti Cristo mi lac sub "Amén" cha'an mi lac tsictes^Λben i ñuclel Dios.

²¹ Dios^Λch mu' b^Λ i tem xuc'chocoñonla ti Cristo. Dios^Λch tsa' b^Λ i yajcayonla cha'an i ye'tel.

²² Tsi' yots^Λbeyonla i sello. Tsi' y^Λq'ueyonla jini Espíritu ti lac pusic'al, i tejchibal jach i ye'tel.

²³ La' i q'uel c pusic'al Dios come isujm maxto anic tsa' tiliyon ti Corinto ba' añetla come mach comic c tsats pejcañetla.

²⁴ Mach la' yumonic lojon cha'an mic wersa subeñetla chuqui yom mi la' ñop. Wolij coltañetla cha'an mi la' taj i tijicñayel la' pusic'al, come xuc'uletla cha'an tsa' la' ñopo Cristo.

2

¹ Tsac ña'ta tic pusic'al ma'anix mic majlel ba' añetla che' ch'ijiyem c pusic'al.

² Mi tsac techbeyetla i ch'ijiyemlel la' pusic'al, ¿majqui mi caj i cha' ñuq'uesan c pusic'al? Cojach jatetla, pero mach mejliquetla mi ch'ijiyemetla cha'an c t'an.

³ Tsac ts'ijbubeyetla cha'an yom mi la' mel la' b_Λ cha'an mi la' ñuq'uesabeñon c pusic'al che' mij c'otel ba' añetla, ame tejchic i ch'ijiyemlel c pusic'al ti' tojlel jini año' b_Λ i mul. Cujil i tijicñayel c pusic'al jiñach i tijicñayel la' pusic'al ti la' pejtelel.

⁴ Wocol tsa cubi che' b_Λ tsac ts'ijbubeyetla jun, come cab_Λ tsac cha'le pensar ame c techbeñetla i ch'ijiyemlel la' pusic'al. Cab_Λ tsa cubi wocol. Tsac cha'le uq'uel. Pero wersa tsac ts'ijbu cha'an mi la' ña'tan mic wen c'uxbiñetla.

Ñusaben la' b_Λ la' mul

⁵ Jini winic tsa' b_Λ i techbeyon i ch'ijiyemlel c pusic'al tsi' techbeyetla la' ch'ijiyemlel lamitaletla.

⁶ Jas_Λlix tsi' yubi wocol jini am b_Λ i mul. Come cab_Λ tsi' tiq'uiyob hermanojob.

⁷ Yomix mi la' ñusaben i mul. Yomix mi la' cha' ñuq'uesaben i pusic'al ame junyajlel ochic i ch'ijiyemlel.

⁸ Jini cha'an mic subeñetla ti wocol t'an, p_Λsbenla c'uxbiya.

⁹ Jini cha'an tsac ts'ijbubeyetla cha'an com c ña'tan mi woli la' jac'beñon c t'an ti pejtelel.

¹⁰ Majqui jach mi la' ñusaben i mul, joñon ja'el mic ñusaben i mul. Come jini mulil tsa' b_Λ c ñusabe, mi an i mul, tsac ñusabe ti' tojlel Cristo cha'an mi la' taj la' wenlel,

¹¹ ame p'_Λtac Satanás ti la' contra. Come la' cujil maña jax bajche' mi' mel i ye'tel xiba.

Ministrojob cha'an jini Tsiji Xuc' ul b_Λ T'an

¹² Che' b_Λ tsa' c'otiyon ti Troas cha'an mic sub i wen t'an Cristo, tsa' jambentiyon jump'ejl puerta yilal cha'an i ye'tel lac Yum.

¹³ Pero ma'anic tsa' ñajch'i c pusic'al, come ma'anic tsac taja quermano Tito. Jini cha'an tsa' loq'uiyon. Tsa' majliyon ti Macedonia.

¹⁴ Wocolix i y_ΛΛ Dios come ti Cristo Jesús tsa'ix m_Λjli i cha'an ti lac tojlel. Jini cha'an mi' c'añonla ja'el ti' pucol jini xojocña b_Λ che' mi la' c_Λc' ti c_Λjñel Cristo ti pejtelel lum.

¹⁵ Come xojocña mi' yubiñonla Dios cha'an woli' yajñel Cristo ti lac pusic'al. Xojocña i yutsllel Cristo ti' tojlel jini woli b_Λ i colt_Λntelob yic'ot jini woliyo' b_Λ ti sajtel.

¹⁶ Che' mi' yubiñob jini sajtemo', mi' ña'tañob woli' majlelob ti toj mulil. Che' mi' yubiñob jini año' b_Λ i cuxtalel, mi' ña'tañob añach i cuxtalel. ¿Majqui an i p'_Λlalel cha'an mi' bajñel mel jini e'tel?

¹⁷ Come mach lajalonic lojon bajche' cab_Λlob mu' b_Λ i c'añob i t'an Dios cha'an yomob ganar che' bajche' xchoñoñelob. Come Dios tsi' chocoyon lojon tilel. Jini cha'an mic cha'len lojon subt'an ti isujm yic'ot i p'_Λlalel Cristo ti jump'ejl lojon c pusic'al ti' wut Dios.

3

¹ ¿Woli ba c cha' sub lojon c b_Λ ti uts'at? ¿Yom ba mic cha'len lojon che' bajche' mi' cha'leñob yaño' b_Λ mu' b_Λ i p_Λsob majlel jun ba' mi' y_Λc'ob i b_Λ ti c_Λjñel? ¿Yom ba mij c'ajtibeñetla jun mu' b_Λ i y_Λc'on lojon ti c_Λjñel?

² I wentajetla jun mu' b_Λ i y_Λc'on ti c_Λjñel. Ts'ijbubiletla tic pusic'al lojon. C_Λmbiletla i cha'an pejtelel winicob x'ixicob. Mi la' q'uejlel ti' tojlel pejtelelob che' bajche' jun.

³ Come tsiquil i juñetla Cristo tsa' b_Λ c ts'ijba lojon. Mach ti tintajic ts'ijbubiletla, pero yic'ot i yEspíritu jini cuxul b_Λ Dios, mach ti xajlelic pero ti la' pusic'al.

⁴ Xuc'ulon lojon ti Dios cha'an ti' p'_Λlalel Cristo,

⁵ come ma'anic c bajñel p'_Λlalel lojon cha'an mic ña'tan lojon bajche' yom. Pero ch'oyolach ti Dios c p'_Λlalel lojon.

⁶ Dios tsi' y^Λq'ueyon lojon c p'^Λt^Λlel ti' ye'tel ti jini tsiji' b^Λ t'an. Ma'anic mic sub lojon jini ts'ijbubil b^Λ mandar mach b^Λ mejlic i coltan winicob x'ixicob. Mic sub lojon laj cuxt^Λlel mu' b^Λ i y^Λq'ueñonla jini Ch'ujul b^Λ Espíritu. Come jini ts'ijbubil b^Λ mandar mi' ts^Λansañonla yilal, pero jini Espíritu mi' y^Λq'ueñonla laj cuxt^Λlel.

I ñuclel jini Tsijib Xuc'ul b^Λ T'an

⁷ Wen ñuc jini mandar mu' b^Λ i y^Λc'onla ti ch^Λmel, ts'ijbubil b^Λ ti xajlel. Che' b^Λ tsa' aq'uentiyob israelob, ma'anic tsa' mejli i q'uelbeñob i wut Moisés cha'an tsa' wen tsictiyi i s^Λclel Dios ti' wut, anquese ora jach tsa' caji ti yajpel.

⁸ ¿Mach ba ñumen ñuquic i ye'tel jini Espíritu?

⁹ Mi ñuc jini mandar mu' b^Λ i y^Λc'onla ti toj mulil, ñumen ñuc jini t'an mu' b^Λ i y^Λc'onla ti q'uejlel ti toj.

¹⁰ Jini cha'an jini ñuc b^Λ ti yamb^Λ ora mach ch^Λn ñuquix w^Λle che' bajche' jini c'ax ñuc b^Λ.

¹¹ Mi an i ñuclel jini tsa' b^Λ jili, ñumen cab^Λ i ñuclel jini mu' b^Λ i coltañonla, come mach yujilic jilel.

¹² Che'^Λch jini c pijtaya lojon, jini cha'an ch'ejl mic cha'len lojon t'an, come añ^Λch c pijtaya lojon.

¹³ Mach che'ic bajche' Moisés, come tsi' moso i wut ti pisil ti' tojlel jini israelob ame q'uelbentic i wut che' b^Λ wolix ti yajpel i s^Λclel.

¹⁴ Tsa' ts^Λts'ayob i pusic'al jini israelob, come c'^Λl^Λ w^Λle anto pisil yilal ti' wut che' mi' q'uelob jini oñiyi b^Λ trato, come ma'anic mi' ch'^Λambeñob isujm. Mi' loc's^Λbentelob che' mi' ñopob Cristo.

¹⁵ C'^Λl^Λ w^Λle che' mi' q'uejlel i ts'ijbujel Moisés, mosbil i pusic'al ti pisil yilal.

¹⁶ Pero che' mi' sutq'uiñob i b^Λ cha'an mi' ñopob lac Yum, mi caj i loc's^Λbentelob jini pisil.

¹⁷ Come lac Yum jiñ^Λch Espíritu. Jini am b^Λ i cha'an i yEspíritu lac Yum librejix. Mach ch^Λn c^Λch^Λlix ti mandar.

¹⁸ Che' jini hermanojob, mach ch^Λn mosolix lac wut yilal. Che' mi laj q'uelben i ñuclel lac Yum che' bajche' ti espejo, mi lac utsi tsictesan i ñuclel. Mi laj q'uext^Λyel

majlel ti' yejtal Cristo che' mi' mel i ye'tel i yEspíritu lac Yum ti lac pusic'al.

4

Tsiquil i ñuclel Dios ti p'ejt yilal

¹ Jini cha'an ma'anic mic lujb'an lojon, come Dios tsi' p'untayon lojon che' b^Λ tsi' y^Λq'ueyon lojon que'tel.

² Ma'anic chuqui mic mel lojon ti mucul mi jinic quisintic b^Λ. Ma'anic mic lotin lojon winicob. Ma'anic mic socben lojon i t'an Dios. Mic sub lojon i sujmllel jini wen t'an ti' tojlel Dios. Yujilob pejtelel winicob x'ixicob tojon lojon.

³ Mi mucul jini wen t'an, mucul ti' tojlel jini woliyo' b^Λ ti sajtel.

⁴ Satanás, jiñ^Λch i dios jini jontolo' b^Λ ti pañimil. Tsa'ix i y^Λp^Λbeyob i wut jini mach b^Λ anic mi' ñopob Cristo, ame i q'uelob i s^Λclel jini wen t'an ba' tsiquil i ñuclel Cristo i yejtal b^Λ Dios.

⁵ Ma'anic mic bajñel sub lojon c b^Λ che' mic cha'len lojon subt'an. Mic sub lojon Jesucristo, come jiñ^Λch lac Yum. Joñon lojon la' winicon lojon cha'an tsi' coltayon lojon Jesús.

⁶ Come Dios tsa' b^Λ i y^Λc'^Λ mandar cha'an mi' tsictiyel i s^Λclel pañimil ti ic'ch'ipan b^Λ tsi' y^Λc'^Λ ti tsictiyel i s^Λclel ti lac pusic'al cha'an mi lac ch'^Λmben isujm woli' p^Λs i ñuclel Cristo.

⁷ Uts'at^Λch i s^Λclel Cristo am b^Λ ti lac pusic'al. Che' yilal bajche' c'ax letsem tac b^Λ i tojol lotol b^Λ ti uc'um, come melbilonla ti lum che' bajche' uc'um. Tsiquil mach ch'oyolic ti joñonla jini ñuc b^Λ lac p'^Λt^Λlel, pero ch'oyol ti Dios.

⁸ Joy ñet'bilon lojon ti wocol, pero an bajche' mi caj c loq'uel lojon. Mach cujilic lojon bajche' mi' caj ti ujt^Λel, pero ch^Λn xuc'ul mic ñop lojon.

⁹ Tic'^Λl^Λbilon lojon pero mach c^Λy^Λbilonic lojon. Mic jajts'el lojon pero ma'anic mic jis^Λntel lojon.

¹⁰ Ti pejtelel ora tsiquil tic b^Λc'tal lojon wolic ch^Λmel lojon che' bajche' tsa' ch^Λmi Jesús cha'an mi' tsictiyel cuxul Jesús tic b^Λc'tal lojon.

¹¹ Come joñon lojon cuxulon b^Λ lojon mi c^Λj^Λq'uel ti ch^Λmel ti pejtelel ora ti' ye'tel

Jesús, cha'an mi' tsictiyel i cuxtalel Jesús tic bʌc'tal lojon yujil bʌ chʌmel.

¹² Che' mic sub lojon jini wen t'an, wolic chʌmel lojon, pero ti' caj jini t'an woli la' taj la' cuxtalel.

¹³ Lajal mic ñop lojon tic pusic'al bajche' jini tsa' bʌ i ts'ijbu jini t'an: "Tsac ñopo. Jini cha'an tsac cha'le t'an", che'en. Joñon lojon ja'el mic ñop lojon. Jini cha'an mic cha'len lojon t'an.

¹⁴ Come cujil lojon ti isujm, Dios tsi' teche ch'ojoyel lac Yum Jesús. Mi caj i techon lojon ch'ojoyel ja'el quic'ot Jesús. Dios mi caj i tempañon lojon yic'otetla ti' tojlel Jesús.

¹⁵ Come mi cubin lojon pejtelel ili wocol cha'an mi la' taj la' wenlel. Che' mi' tajbeñob i yutslel i pusic'al Dios cabʌlob mi caj i subeñob Dios wocolix i yʌʌ cha'an mi' yutsi tsictiyel i ñuclél Dios.

La' lac chʌn ñop Dios ti xuc'ul

¹⁶ Jini cha'an ma'anic mic lujb'an lojon. Woli' p'ʌt'an majlel lac pusic'al ti jujump'ejl q'uin, anquese woli ti chʌmel lac bʌc'tal.

¹⁷ Come sejb lac wocol mu' bʌ la cubin. Poj jumuc' jach mi' ñumel. Wolix i p'ojlesʌbeñonla c'ax on bʌ lac ñuclél mach bʌ anic mi' jilel ti pejtelel ora.

¹⁸ Come ma'anic mi lac xuc'chocon lac pusic'al ti chuqui tac mi laj q'uel ti pañimil, pero mi lac xuc'chocon ti jini mach bʌ tsiquilic am bʌ ti panchan. Come jini tsiquil tac bʌ ñumel jach woli. Jini mach bʌ tsiquilic ma'anic mi' jilel ti pejtelel ora.

5

An lac chumlib mach bʌ melbilic ti c'ʌbʌl

¹ Mi tsa' jisʌnti lac bʌc'tal ba' woli ti chumtʌl lac ch'ujlel, la cujil mi caj la cʌq'uentel lac bʌc'tal ti panchan aq'uebilon bʌ la ti Dios. Mach melbilic ti c'ʌbʌl jini otot am bʌ ti panchan. Mach yujilic jilel.

² Jini cha'an mi lac cha'len ajcʌn che' añon to la ti lac bʌc'tal. La comix lac bʌc'tal am bʌ ti panchan mu' bʌ caj lac lʌp che' bajche' bujcal.

³ Come ma'anic mi caj la cajñel che' bajche' espíritu mach bʌ anic i bʌc'tal.

⁴ Che' wʌ'to añonla ti lac bʌc'tal ila ti pañimil mi lac cha'len ajcʌn yic'ot tsic pusic'al. Mach la comic lac chilbentel, pero la

comix chumtʌl ti tsiji' bʌ lac bʌc'tal cha'an mi' pʌntʌyel jini yujil bʌ chʌmel ti jini mach bʌ yujilic chʌmel, cha'an cuxul mi la cajñel ti pejtelel ora.

⁵ Jini cha'an Dios tsi' meleyonla cha'an che'ʌch yom mi la cajñel. Tsi' yʌq'ueyonla jini Espíritu i tejchibal bʌ i ye'tel ti lac pusic'al.

⁶ Jini cha'an mi lac chʌn xuc'chocon lac pusic'al, come la cujil maxto ya'ic añonla la quic'ot lac Yum che' wʌ'to añonla ti lac bʌc'tal.

⁷ Come xuc'ul mi la cajñel cha'an jini mu' bʌ lac ñop, mach cha'anic chuqui mi laj q'uel.

⁸ Añʌch lac pijtaya. La com laj cʌy lac bʌc'tal cha'an mi la cajñel yic'ot lac Yum.

⁹ Jini cha'an mi lac cha'len wersa ja'el cha'an mi' q'uelonla ti uts'at lac Yum mi wʌ'to añonla ti lac bʌc'tal o mi mach wʌ'ix añonla.

¹⁰ Come ti pejtelonla wersa mi caj lac pʌs lac bʌ ti melobʌjal i cha'an Cristo cha'an mi la cʌq'uentel lac tojol ti jujuntiquilonla, cha'an lac melbal tsa' bʌ lac mele ti lac bʌc'tal, mi wen o mi jontol.

Jini t'an mu' bʌ i yuts'esañonla

¹¹ Jini cha'an mi lac xic'ben winicob x'ixicob ti uts'at, come mi lac wen bʌc'ñan lac Yum. Cʌmbil i cha'an Dios c pusic'al lojon. Mi cʌl cʌñʌl la' cha'an ja'el i winicon lojon ti isujm.

¹² Ma'anic wolic cha' subeñet cha'an mi la' q'uelon ti uts'at, pero cha'an mi la' taj la' ñuclél tic tojlel lojon. Che' jini an chuqui mi mejlel la' suben jini winicob mu' bʌ i lon q'uelob i bʌ ti ñuc che' leco i pusic'al.

¹³ Mi tonto mi' q'uelon lojon winicob, com jach c tsictesan lojon i ñuclél Dios. Mi uts'at mi' q'uelob c ña'tabal lojon, woli jach c sʌclan lojon la' wenlel.

¹⁴ Come i c'uxbiya Cristo mi' wersa xic'beñon lojon, come mic ña'tan lojon mi tsa' chʌmi juntiquil winic cha'an pejtelel winicob x'ixicob, actan che' jini, ti Cristo tsa' laj chʌmionla cha'an mi' jilel i p'ʌtʌlel mulil ti lac tojlel.

¹⁵ Tsa' chʌmi Cristo cha'an pejtelel winicob x'ixicob, cha'an mach yomic mi lac sʌclan lac bajñel wenlel joñonla tsa' bʌ aq'uentiyonla laj cuxtalel. Pero yom mi lac

ñuq'uesan Cristo tsa' b_Λ ch_Λmi cha'añonla, tsa' b_Λ cha' ch'ojoyi.

16 Jini cha'an ma'anix mi lac ch_Λn q'uel lac b_Λ che' bajche' ti yamb_Λ ora che' sajtemon tola. Mi tsa' laj cañ_Λ Cristo che' bajche' winic che' b_Λ tsa' ñumi ti pañimil, mach ch_Λn che'ix mi laj c_Λn.

17 Jini cha'an majqui jach an ti Cristo tsijib melbilix. Tsa'ix jili jini tsucul tac b_Λ. Awilan tsijib melbil ti pejtelel.

18 Ch'oyol ti Dios jini tsijib tac b_Λ. Dios tsa'ix i yuts'esa lac pusic'al la quic'ot cha'an tsi' mañ_Λyonla Jesucristo. Tsa'ix i y_Λq'ueyon lojon que'tel ti jini t'an mu' b_Λ i yuts'es_Λbeñonla lac pusic'al yic'ot Dios.

19 Mic sub lojon ili t'an. Dios tsi' p_Λsa i b_Λ ti Cristo che' b_Λ tsi' yuts'es_Λbeyob i pusic'al jini año' b_Λ ti pañimil. Tsi' cuchbeyob i mul. Tsi' y_Λq'ueyon lojon tic wenta jini t'an mu' b_Λ i yuts'es_Λbeñonla lac pusic'al yic'ot Dios.

20 Jini cha'an chocbilon lojon majlel ti' q'uexol Cristo, come Dios woli' pejcañetla tic tojlel lojon. Mic subeñet lojon ti wocol t'an che' bajche' Cristo: La' uts'es_Λntic la' pusic'al yic'ot Dios.

21 Come Cristo ma'anic tsi' wis ñop_o mulil, pero Dios tsi' y_Λq'ue i cuch pejtelel lac mul ti' b_Λc'tal ya' ti cruz cha'an mi' y_Λq'ueñonla toj b_Λ lac pusic'al ti Cristo.

6

Tsi' p_Λsa i b_Λ ti uts'at jini Pablo

1 Joñon lojon xtem e'telon lojon yic'ot Dios. Mic xic'beñetla ti uts'at ame lolomic jach mi la' ch'amben i yutslel i pusic'al Dios.

2 Come Dios tsi' y_Λl_Λ: “Tsa'ix c ñich't_Λbeyetla la' t'an ti jim b_Λ ora che' woli ti sujbel la' colt_Λntel. Tsa'ix j coltayetla ti' yorajlel coltaya”. Che' tsi' y_Λl_Λ Dios. Awilan, w_Λle i yorajlelix mi la cochel. W_Λle i yorajlelix mi laj colt_Λntel.

3 Mic mel lojon chuqui toj ame anic mach mi c_Λc' lojon ti yajlel, ame wajlentic que'tel lojon.

4 Ti pejtelel que'tel lojon tsiquil x'e'telon lojon i cha'an Dios, che' mic cha'len lojon pijt ti' xuc't_Λlel c pusic'al lojon, che' mic ñusan lojon wocol, che' anto chuqui yom c cha'an lojon, che' an lojon j c'oj'ol,

5 che' mi cubin lojon asiyal, che' año_n lojon ti ma_Λjquibal, che' mij contrajintel lojon, che' mic cha'len lojon wocol e'tel, che' ma'anic mic w_Λyel lojon, che' mi cubin lojon wi'ñal.

6 Ti' s_Λclel lojon c pusic'al yic'ot c ña't_Λbal lojon mij cuchben lojon i mul winicob x'ixicob yic'ot cutslel lojon, cha'an ti jini Ch'ujul b_Λ Espíritu. Mij c'uxbin lojon winicob ti isujm,

7 yic'ot jini isujm b_Λ t'an, yic'ot i p'_Λt_Λlel Dios, yic'ot toj b_Λ c melbal lojon, i wentajach e'tijib_Λ tac cha'an guerra cha'an mic ma_Λctan lojon j contra yic'ot cha'an mic puts'tesan.

8 Mic p_Λs lojon c b_Λ ti uts'at che' mic ts'a'lentel lojon yic'ot che' mi c_Λ'lentel lojon yic'ot che' mic sujbel lojon ti uts'at. Mic sujbel lojon ti xlot pero isujm chuqui mic sub lojon.

9 Mi' lon alob mach c_Λmbilonic lojon che' wen c_Λmbilon lojon. Woliyon lojon ti ch_Λmel pero cuxulon lojon. Mi c_Λj_q'uel lojon ti wocol pero ma'anic mic ts_Λns_Λntel lojon.

10 Ch'ijiyem lojon c pusic'al pero ch_Λn tijicñayon lojon. Ma'anic c chub_Λ'an lojon, pero wen chumulob yaño' b_Λ cha'an que'tel ti subt'an. Ma'anic mi ts'ita'ic c chub_Λ'an lojon, pero c cha'añ_Λch lojon pejtelel chuqui tac an.

11 Hermanojob ti Corinto, wolic laj subeñetla chuqui wolic ña'tan tic pusic'al lojon. But'ul c pusic'al lojon ti c'uxbiya.

12 Cab_Λl mij c'uxbiñet lojon, pero woli la' ñup'beñon la' pusic'al.

13 Yom mi la' q'uext_Λbeñon lojon j c'uxbiya che' bajche' yom. Wolic pejcañetla che' bajche' calobiletla. Jambeñon lojon la' pusic'al.

I templojonla jini cuxul b_Λ Dios

14 Mach mi la' cha'len ñujpuñel yic'ot jini mach b_Λ anic mi' ñop Dios. Come ¿bajche' mi mejlel i tem ajñel chuqui toj yic'ot chuqui mach tojic? ¿Bajche' mi mejlel i tem ajñel i s_Λclel pañimil yic'ot ac'alel?

15 ¿Bajche' mi' caj ti ajñel ti ñach'ál Cristo yic'ot jini xiba? ¿Lajal ba chuqui mi' ña'tañob jini mu' b_Λ i ñopob Cristo yic'ot jini mach b_Λ anic mi' ñopob?

¹⁶ I templo Dios ¿jim ba i pi'ál jini dios tac? Joñonla i templojonla jini cuxul bΛ Dios che' bajche' tsi' yΛΛ Dios: “Mi caj c chumtΛl ti' tojlelob. Ya' mij caj ti ajñel. Mi caj cochel ti' Dios. Mi caj cotsañob tic cha'an”. Che' tsi' yΛΛ Dios.

¹⁷ “Jini cha'an loq'uenla ti' tojlel mach bΛ anic mi' ñopob. TΛts'Λ la' bΛ ba' añob”, che'en lac Yum. “Mach mi la' ñochtan chuqui tac bibi'. Mi caj c pΛyetla tilel ba' añon.

¹⁸ Mi caj cochel ti la' Tat. Mi caj la' wochel ti calobil”, che'en lac Yum mach bΛ anic i p'isol i p'ΛtΛlel.

7

Tijicña Pablo cha'an tsi' cΛyΛyob i mul

¹ C'uxbibilo' bΛ hermanojob, lac cha'añach jini albil bΛ i t'an Dios. Jini cha'an la' lac poc loq'uel pejtelel bibi' tac bΛ am bΛ ti lac bΛc'tal yic'ot lac pusic'al. La' lac bΛc'ñan Dios cha'an ch'ujul mi la cajñel ti' tojlel.

² Jambañon lojon la' pusic'al. Ma'anic majch tsac chilbe lojon i chubΛ'an, mi juntiquilic. Ma'anic majch tsac soco lojon. Ma'anic majch tsac loti lojon.

³ Ma'anic mic subeñetla jini t'an cha'an mi cΛ'leñetla, come tsa'ix c subeyetla añetla tic pusic'al lojon cha'an mic tem ajñel quic'otetla yic'ot cha'an temel mi lac chΛmel.

⁴ Cujil mi la' wajñel ti xuc'ul. An cabΛl c ñuclel cha'añetla. Tsa' la' wen ñuq'uesΛbeyon c pusic'al. CabΛl jax i tijicñayel c pusic'al ti pejtelel c wocol lojon.

⁵ Che' bΛ tsa' tiliyon lojon ti Macedonia, ma'anic tsac wis c'aja lojon co. Tsac taja lojon wocol yic'ot cabΛl leto baqui jach añon lojon. Tic pusic'al tsac cha'le lojon bΛq'uen.

⁶ Pero Dios mu' bΛ i ñuq'uesΛbeñob i pusic'al jini ch'ijiyemo' bΛ tsi' ñuq'uesΛbeyon lojon c pusic'al che' bΛ tsa' tili Tito.

⁷ Ñuc lojon c pusic'al cha'an tsa' tili Tito yic'ot cha'an tsa' la' ñuq'uesΛbe i pusic'al. Tsi' subeyon lojon uts'at woli la' c'uxbiñon lojon. Tsa' la' cha'le uq'uel. Tsa' bΛx'ayetla cha'an mij q'ueletla ti uts'at. Jini cha'an tsa' utsi p'ojli i tijicñayel c pusic'al.

⁸ Ma'anix mic chΛn mel c pusic'al, anquese tsac mele c pusic'al cha'an tsa

cΛq'ueyetla i ch'ijiyemlel la' pusic'al cha'an ti jini jun. Come isujm tsi' yΛq'ueyetla i ch'ijiyemlel la' pusic'al pero cha'pejl uxp'ejl jach q'uin.

⁹ WΛle tijicñayon, mach cha'anic ch'ijiyem tsa' la' wubi, pero cha'an tsa' la' cΛyΛ la' mul. Come Dios tsi' c'ΛñΛ i ch'ijiyemlel la' pusic'al cha'an mi' toj'esañetla. Che' jini ma'anic tsa' la' taja wocol cha'añon lojon.

¹⁰ Come i ch'ijiyemlel lac pusic'al ch'oyol bΛ ti Dios mi' yΛq'ueñonla laj cΛy lac mul cha'an mi laj coltΛntel. Tijicñayonla che' an i ch'ijiyemlel lac pusic'al ch'oyol bΛ ti Dios, pero i ch'ijiyemlel tilem bΛ ti pañimil mi' yΛc' ti chΛmel.

¹¹ La' wilan, uts'at tsa' ujtietla cha'an ti' ch'ijiyemlel la' pusic'al ch'oyol bΛ ti Dios. Tsa' la' toj'esa la' bΛ ti jump'ejl la' pusic'al. Tsa' caji la' ts'a'len mulil. Tsa' la' cha'le bΛq'uen. CabΛl tsa' caji la' cha' c'uxbiñon. Tsa' bΛx'ayetla. Tsa' la' ju'sΛbeyob i pusic'al jini año' bΛ i mul. Ti pejtelel tsa' bΛ la' cha'le tsa' la' pΛsΛ la' bΛ ti toj.

¹² Jini cha'an tsac ts'ijbubeyetla, mach cha'anic jach jini am bΛ i mul yic'ot jini tsa' bΛ contrajinti, pero cha'an mi la' pΛsbeñon lojon c'ux mi la' wubiñon lojon ti lac Yum.

¹³ Jini cha'an tsa' ñuc'a lojon c pusic'al, come tsa' ñuc'a la' pusic'al.

Ñumen cabΛl i tijicñayel lojon c pusic'al cha'an tsa' la' ñuq'uesΛbe i pusic'al Tito.

¹⁴ Come tsac sube Tito bajche' mi caj la' jac' ti uts'at. Ma'anic mic cha'len quisin, come che'Λch tsa' la' mele. Isujm pejtelel chuqui tsac subeyet lojon, che' ja'el isujmΛch chuqui tsac sube Tito cha'añetla.

¹⁵ WΛle cabΛl woli' c'uxbiñetla Tito, come woli' chΛn ña'tan bajche' tsa' la' jac'be i t'an ti la' pejtelel. Tsiltsilñayetla ti bΛq'uen tsa' la' pΛyΛ ochel ba' añetla.

¹⁶ Tijicñayon come kujilix uts'at woli la' wajñel.

8

On tsi' yΛc'Λyob ofrenda

¹ Com mi la' ña'tan ja'el hermanojob, Dios tsi' yΛq'ueyob i yutsllel i pusic'al jini xñopt'añob ya' ti Macedonia.

² Che' b_Λ tsa' il_Λbentiyob i pusic'al ti cab_Λl wocol, tsa' wen p'ojli i p'ewlel yic'ot i tijicñ_Λyel i pusic'al anquese c'ax pobrejob.

³ Testigojon cha'an ti' bajñel pusic'al tsi' ña'tayob i y_Λc' ofrenda che' bajche' tsa' mejliyob. Ñumen on tsi' y_Λc'ayob che' bajche' tsa' mejliyob.

⁴ Cab_Λl tsi' c'ajtibeyon lojon ti wocol t'an cha'an mic ch'_Λm majlel jini ofrenda ti Jerusalén cha'an mi' colt_Λntelob i cha'año' b_Λ Dios ya'i.

⁵ Mach che'ic jach tsi' cha'leyob, pero ñaxan tsi' y_Λc'ayob i b_Λ ti' wenta lac Yum, wi'il tic tojlel lojon, cha'an mi' melob chuqui yom Dios.

⁶ Jini cha'an tsac xic'be lojon Tito cha'an mi' majlel i tempan jini ofrenda tsa' b_Λ i teche ti yamb_Λ ora, cha'an mi' yujtel jini wen b_Λ e'tel ti' yutsllel la' pusic'al.

⁷ Come woli la' wen p_Λs la' b_Λ ti' uts'at ti' xuc'talel la' pusic'al, yic'ot ti' la' t'an, yic'ot ti' la' ña't_Λbal. Wen b_Λxetla. C'ux mi' la' wubiñon lojon. Che'ach yom mi' la' wen p_Λs i yutsllel la' pusic'al yic'ot la' wofrenda ja'el.

⁸ Ma'anic mi' c_Λq'ueñetla mandar, pero mic subeñetla bajche' mi' melob yaño' b_Λ, cha'an mi' la' p_Λs la' c'uxbiya ti isujm.

⁹ Come c_Λñ_Λlix la' cha'an i yutsllel i pusic'al lac Yum Jesucristo. Jini wen chumul b_Λ tsa' ochi ti' pobre, come c'ux tsi' yubiyetla. Tsa' ochi ti' pobre cha'an wen chumul mi' la' wajñel.

¹⁰ Jini cha'an mic subeñetla bajche' yom mi' la' mel, come jatetla ti yamb_Λ jab tsa' la' ña'ta la' tempan jini taq'uin. Tsa' caji la' tempan ja'el.

¹¹ W_Λle yom mi' la' wujtesan la' tempan che' bajche' tsa' la' ña'ta. Che' bajche' tsa' la' ña'ta ti jump'ejl la' pusic'al, yom ja'el ti jump'ejl la' pusic'al mi' la' wujtesan che' bajche' c'amel an la' cha'an.

¹² Mi an majqui yom i y_Λc' majtañ_Λl, la' i y_Λc' loq'uem b_Λ ti' chub_Λ'an, mi on o mi mach onic. Mach mejlic i y_Λc' chuqui mach i cha'anic.

¹³ Anquese che'ach wolic subeñetla jini t'an, mach comic mi' la' taj wocol cha'an mi' colt_Λntelob yaño' b_Λ.

¹⁴ Pero com junlajal mi' la' coltan la' b_Λ. Che' an i ñumel la' chub_Λ'an, yom mi' la'

w_Λq'ueñob yaño' b_Λ chuqui anto yom i cha'año'b. Che'ach yom mi' y_Λq'ueñetla i chub_Λ'an che' anto yom la' cha'an. Mach yomic jelchojc jach mi' la' wajñel.

¹⁵ Che' bajche' ts'ijbubil: "Jini tsa' b_Λ i tempa cab_Λl i chub_Λ'an, ma'anic i ñumel. Jini tsa' b_Λ i tempa ts'ita', jas_Λl_Λch i cha'an ja'el".

Tsa' chojqui majlel Tito ti Corinto

¹⁶ Wocolix i y_Λl_Λ Dios come tsi' y_Λc'ayetla ti' pusic'al Tito che' bajche' tic pusic'al.

¹⁷ Isujm Tito tsi' wen jac'beyon c' t'an che' b_Λ tsac sube majlel, come cab_Λl mi' ña'tañetla ja'el. Jini cha'an tsi' c'_Λñ_Λ i pusic'al ja'el cha'an mi' majlel ba' añetla.

¹⁸ Tsa'ix c' choco lojon majlel Tito cha'an i ye'tel ti' jini wen t'an yic'ot yamb_Λ hermano mu' b_Λ i q'uejlel ti' ñuc i cha'an pejtelel xñopt'año'b mu' b_Λ i tempañob i b_Λ.

¹⁹ Tsa' yajc_Λnti jini hermano ti' tojlel xñopt'año'b cha'an mi' pi'leñon lojon majlel ti' x_Λmbal, cha'an mi' cha' ch'_Λm tilel jini taq'uin. Che' sujtemix yic'ot jini taq'uin mi' caj c' puc lojon cha'an mi' wen tsictyel i ñucllel lac Yum yic'ot la' wutsllel cha'an tsa' la' w_Λc' _Λ ti' jump'ejl la' pusic'al.

²⁰ Temel mic majlel lojon cha'an mi' wen tsictiyel uts'at bajche' mic puc lojon, ame anic majch mi' y_Λ'leñon lojon cha'an cab_Λl ili taq'uin woli b_Λ la' w_Λc'.

²¹ Com c' mel lojon chuqui toj, mach cojic jach ti' wut lac Yum, pero ti' wut winicob x'ixicob ja'el.

²² Wolic choc lojon majlel yamb_Λ hermano ja'el, come tsa'ix j' q'uele lojon wen b_Λx ti' pejtelel i ye'tel. Ñumen b_Λx w_Λle come yujil mi' caj la' w_Λc' jini ofrenda che' bajche' tsa' la' ña'ta.

²³ Tito jiñ_Λch c' pi'_Λl mu' b_Λ i coltañon ti' jini e'tel ti' la' tojlel. Pejtel ili la' quer-manjob tsa' b_Λ chojquiyob majlel i cha'an xñopt'año'b mu' b_Λ i tempañob i b_Λ, mi' tsictesaño'b i ñucllel Cristo.

²⁴ P_Λsbeño'b la' c'uxbiya. Melbenla che' bajche' tsac subeyob ti' tojlel pejtelel jini xñopt'año'b, cha'an mi' ña'tañob mach lolomic mi' ñuc'an c' pusic'al ti' la' tojlel.

9

1 Mach wersajic mic ts'ijbubeñetla bajche' yom mi la' w_Λq'ueñob ofrenda i cha'año' b_Λ Dios.

2 Come cujil la' wom la' coltañob ti jump'ejl la' pusic'al che' bajche' tsac subeyob jini año' b_Λ ti Macedonia. Come tsac subeyob anix jump'ejl jab tsa' caji la' chajpan la' pusic'al añet b_Λ la ti Acaya. Cab_Λ ti Macedonia tsa' nijc_Λntiyob i pusic'al che' b_Λ tsi' yubiyob chuqui tsa' la' ña'ta.

3 Wolic choc majlel ili hermanojob ame to'o lolomic jach c t'an tsa' b_Λ c subeyob año' b_Λ ti Macedonia. Yom chajp_Λbiletla che' bajche' tsac subeyob.

4 Mi tsa' c'otiyon yic'ot jini ch'oyolo' b_Λ ti Macedonia che' mach chajp_Λbileticla, quisintic jax mi caj cubin lojon. Quisintic jax mi caj la' wubin ja'el, come tsac subeyob uts'at woli la' mel.

5 Jini cha'an tsac ña'ta wersa yom mic xic'ben jini hermanojob cha'an mi' ñaxan majlelob ba' añetla. Mi caj i q'uelob bajche' woli la' tempan jini ofrenda ña't_Λbil b_Λ la' cha'an. Yom chajp_Λbil jini ofrenda che' mi' c'otelob. Ac'ala ti' yutsllel la' pusic'al, mach cha'anic xic'biletla.

On yom mi lac pac'

6 Mic subeñetla jini t'an. Jini ts'ita' jach b_Λ mi' pac', ts'ita' jach mi' c'aj. Jini on b_Λ mi' pac', on mi' c'aj.

7 Ti jujuntiquil la' i y_Λc' che' bajche' tsi' ña'ta ti' pusic'al, mach ti' ch'ijiyemlelic, mach cha'anic xic'bebil jach. Dios mi' c'uxbin jini mu' b_Λ i y_Λc' ti' tijicñayel i pusic'al.

8 An i p'_Λtal_Λ Dios cha'an mi' cha' aq'ueñetla pejtelel chuqui tac yom cha'an jas_Λ la' cha'an ti pejtelel ora cha'an mi la' coltan la' b_Λ ti pejtelel chuqui wen.

9 Che' bajche' ts'ijbubil: "Dios mi' puc ma-jtañal. Mi' y_Λq'ueñob jini mach b_Λ añobic i cha'an. Toj i pusic'al ti pejtelel ora", che'en.

10 Dios mi' y_Λq'uen pac' jini xp_Λc'oñel. Mi' y_Λq'ueñetla la' waj cha'an mi la' c'ux. Mi caj i yutsi aq'ueñetla pac' yic'ot waj cha'an mi la' w_Λq'ueñob yaño' b_Λ ti' yutsllel la' pusic'al. Mi caj i p'ojles_Λbeñetla la' chobejt_Λbal.

11 Che' jini Dios mi caj i y_Λq'ueñetla pejtelel chuqui tac yom cha'an mi la' p'ewbeñob la' chub_Λ'an jini mach b_Λ añobic

i cha'an, cha'an mi' subeñob wocolix i y_Λl_Λ Dios che' mic pucbeñob i majtan.

12 Come che' mi la' coltan i cha'año' b_Λ Dios, mi' tajob chuqui anto yom i cha'año'b. Che' jini cab_Λ mi caj i subeñob wocolix i y_Λl_Λ Dios.

13 Che' b_Λ tsa'ix la' colta i cha'año' b_Λ Dios yic'ot yaño' b_Λ, cab_Λlob mi caj i subob i ñucl_Λ Dios cha'an tsa' la' jac'be i t'an Cristo woli b_Λ la' ñop. Tsa' la' p'ewbeyob la' chub_Λ'an.

14 Mi caj i tajetla ti oración ja'el, come c'ux mi' yubiñetla cha'an ñuc b_Λ i yutsllel i pusic'al Dios woli b_Λ la' tsictesan.

15 Wocolix i y_Λl_Λ Dios cha'an tsi' y_Λq'ueñonla lac majtan c'ax letsem b_Λ i tojol.

10

Pablo tsi' subeyob bajche' tsi' mele iye'tel

1 Joñon Pablojon, wolic pejcañetla che' bajche' Cristo ti uts b_Λ t'an. An mu' b_Λ i y_Λlob lijicñayon jach che' ya' añoñ ti la' tojlel, pero ch'ejl abi mic pejcañetla ti jun che' mach ya'ic añoñ la' wic'ot.

2 Mij c'ajtib_Λeñetla ti wocol t'an mach mi la' nijcañoñ ame ch'ejlic mic mel c b_Λ che' ya' añoñ la' wic'ot. Wolic ña'tan ch'ejl mi caj c mel c b_Λ ti' tojlel jini mu' b_Λ i lon alob wolic mel lojon che' bajche' yom c bajñel pusic'al lojon.

3 Añoñ lojon tic b_Λc'tal pero mach tic bajñel p'_Λtal_Λelic lojon woliyon lojon ti guerra.

4 Come jini que'tijib mu' b_Λ j c'_Λan lojon ti guerra mach melbilic ti winicob. Cab_Λl_Λch i p'_Λtal_Λel tilem b_Λ ti Dios cha'an mic jemben lojon i ye'tel xiba.

5 Mic l_Λmben lojon pejtel lolom jach b_Λ i t'an winicob, yic'ot pejtel i ña't_Λbal mu' b_Λ i m_Λc_Λtan yaño' b_Λ ti' cañoñ i sujml_Λel Dios. Mic tic' lojon pejtelel chuqui mi' lon tejchel tic bajñel pusic'al lojon cha'an mic jac'ben lojon i t'an Cristo.

6 Chajp_Λbilon lojon cha'an mic mel lojon pejtelel mu' b_Λ i ñus_Λbeñob i t'an Cristo che' ts'_Λc_Λal tsa'ix la' jac'be i t'an.

7 Woli la' q'uelon che' bajche' i tilel winicob ti pañimil. Mi an majch mi' ña'tan ochem ti Cristo, la' i ña'tan ochemon lojon ti Cristo ja'el.

8 Ma'anic mic cha'len lojon quisin mi tsac subu lojon c b_Λ ti ñuc cha'an c p'at_Λlel lojon tsa' b_Λ i y_Λq'ueyon lojon lac Yum, come aq'uebilon lojon cha'an mic xuc'chocoñetla, mach cha'anic mic jisañetla.

9 Com mi la' ña'tan ma'anic wolic lon b_Λc'tesañetla tic jun tac.

10 Come an mu' b_Λ i y_Λlob: Isujm, wen tsats, wen p'at_Λl i t'an jini jun tac. Pero mach p'at_Λlic Pablo ti lac tojlel. Mach ch'ejlic mu' ti t'an, che'ob.

11 La' i ña'tañob ili winicob: che'ach bajche' mic cha'len lojon t'an tic jun che' mach ya'ic añon lojon, che' ja'el mi caj c p_Λs lojon c b_Λ tic melbal che' ya' añon lojon.

12 Mach comic c laj lojon c b_Λ yic'ot jini mu' b_Λ i bajñel subob i ñucl_Λ. Mach lajalon_Λ lojon yic'otob. Mi' bajñel p'isob i b_Λ ti ñuc yic'ot i pi'lob. Mi' bajñel lajob i b_Λ yic'ot i pi'lob. Tonto jax bajche' mi' melob.

13 Pero joñon lojon ma'anic mic bajñel sub lojon c b_Λ ti ñuc. Wolic ñop lojon c mel chuqui yom Dios che' bajche' mi' p_Λsbeñon lojon. Cujil tsi' p_Λy_Λyon lojon c melben i ye'tel c'at_Λl ba' añetla. Tsi' y_Λq'ueyon lojon c p'at_Λlel cha'an mij c_Λntesañetla.

14 Ma'anic wolic bajñel ñuq'uesan majlel lojon que'tel aq'uebilon b_Λ lojon ti la' tojlel. Come ñaxan tsa' c'oti c subeñet lojon i wen t'an Cristo.

15 Ma'anic woliq'uel lojon c b_Λ ti ñuc cha'an i ye'tel yañon' b_Λ. Com lojon xuc'ul mi la' ñop Dios. Che' jini mi caj i ñuc'an majlel que'tel ti la' tojlel che' bajche' tsi' p'isbeyon lojon Dios.

16 Che'ach yom mic sub lojon jini wen t'an ja'el ti yamb_Λ lum tac ti la' junwejlel, mach ya'ic ba' woli ti e'tel yamb_Λ, ame mij q'uel c b_Λ ti ñuc cha'an chuqui tac melbil i cha'an.

17 Jini yom b_Λ i sub chuqui ñuc, la' i sub i ñucl_Λ lac Yum.

18 Come mach jinic mi' q'uejlel ti uts'at mu' b_Λ i bajñel sub i b_Λ ti ñuc, cojach jini mu' b_Λ i subjel ti ñuc ti Dios.

11

Pablo yic'ot jini payxo apóstol

1 Yom mi la' ts'ita' cuchbeñon c t'an, anquese tonto yubil.

2 Com mi la' taj la' wenlel che' bajche' yom Dios. Come tsa'ix c sijiyetla cha'an mi la' taj juntiquil jach la' ñoxi'al. Com c_Λq'uetla ti' wenta Cristo che' bajche' tsiji' b_Λxch'oc.

3 Mic cha'len b_Λq'uen ame cajic ti sojquel la' ña't_Λbal cha'an lot che' bajche' jini lucum tsi' loti Eva cha'an mach ch_Λn xuc'uleticla yic'ot Cristo.

4 Che' mi' tilel winic cha'an mi' subeñetla yamb_Λ Jesús mach b_Λ tsa'ic c subeyet lojon, o mi tsa' aq'uentiyetla yamb_Λ espíritu mach jinic tsa' b_Λ aq'uentiyetla, o mi yamb_Λ wen t'an mach jinic tsa' b_Λ la' ñopo, tsiquil woli la' jac'beñob ti ora.

5 Mi c_Λl mach ñumen ñucobic che' bajche'on jini yañon' b_Λ mu' b_Λ i lon cuyob i b_Λ ti ñuc b_Λ apóstolob.

6 Anquese mach ch'ejlonic ti t'an, cab_Λach c ña't_Λbal che' bajche' tsa' wen tsictiyi ti pejtelel c melbal ya' ti la' tojlel.

7 ¿Tsa' ba c cha'le mulil che' b_Λ tsac mele c b_Λ ti pec' cha'an mi la' taj la' ñucl_Λ, che' b_Λ tsac subeyetla i wen t'an Dios ti la' majtan jach?

8 Tsac chilbeyob i yofrenda yamb_Λ xñopt'añob yubil che' b_Λ tsi' coltayoñob cha'an mij coltañetla.

9 Che' ya' añon quic'otetla che' anto chuqui yom c cha'an, ma'anic chuqui tsaj c'ajtibeyetla. Come jini hermanojob tilemo' b_Λ ti Macedonia tsi' y_Λq'ueyoñob chuqui anto yom c cha'an. Che'ach tsac ñusa wocol ame mi la' wubin wocol cha'añon. Che'ach mi caj c ch_Λn cha'len.

10 Mic subeñetla cha'an ti' sujml_Λel Cristo am b_Λ tic pusic'al, ma'anic majch mi caj i tic'on ti' subol ti pejtelel Acaya.

11 ¿Chucoch? ¿Cha'an ba ma'anic woliq' c'uxbiñetla? Yujil Dios c'ux mi cubiñetla.

12 Che' bajche' wolic mel mi caj c ch_Λn mel, cha'an mic tsictes_Λbeñob i lotob mu' b_Λ i bajñel subob i b_Λ ti ñuc. Come jini winicob mi' lon alob lajal woliyob ti e'tel bajche'on lojon.

13 Xlotob mu' b_Λ i subob i b_Λ ti apóstolob, x'e'telob mu' b_Λ i cha'leñob lotiya. Mi' lon subob i b_Λ ti apóstol i cha'an Cristo.

14 I tilel che'ach mi' melob, come Satanás ja'el mi' cuy i b_Λ ti ángel mu' b_Λ i p_Λs i c'ac'al.

15 I tilel che'ach mi' melob i winicob ja'el. Mi' lon cuyob i b_Λ ti toj b_Λ x'e'telob, pero mi caj i jilelob cha'an leco i melbal.

I wocol Pablo ti' ye'tel lac Yum

16 Mic cha' subeñetla: Mach mi la' q'uelon ti tonto. Pero mi tontojon, p_Λy_Λyon che' bajche' mi la' p_Λy juntiquil tonto b_Λ cha'an mic ts'ita' sub c ñucl_Λ ja'el.

17 Mach tilemic ti lac Yum chuqui wolic sub, pero wolic sub che' bajche' juntiquil tonto b_Λ mu' b_Λ i sub i bajñel ñucl_Λ.

18 An cab_Λlob mu' b_Λ i subob i b_Λ ti ñuc cha'an chuqui tac mi' tajob ti pañimil. Joñon ja'el mi caj c sub c ñucl_Λ.

19 Come tijicña mi la' wubibeñob i t'an jini tontojo' b_Λ. Wen an la' ña't_Λbal mi la' w_Λ.

20 Mi la' cuchben che' an majch mi' yot-sañetla ti majtan e'tel yic'ot che' an majch mi' jis_Λbeñetla la' chub_Λ'an, che' an majch mi' lotiñetla, che' an majch mi' chañ'esan i b_Λ, che' an majch mi' poch'iñetla.

21 Mic cha'len lojon quisin che' mic subeñetla, ¡mach ch'ejlonic lojon che' bajche' jini yaño' b_Λ!

Mi an i p'_Λt_Λlel yamb_Λ winic cha'an mi' sub i b_Λ ti ñuc, an c p'_Λt_Λlel ja'el cha'an mic sub c b_Λ ti ñuc. Mic sub jini t'an che' bajche' juntiquil tonto b_Λ.

22 ¿Hebreojo' ba ili winicob? Hebreojon ja'el. ¿Loq'uem_Λ ba ti' p'olbal Israel? Joñon ja'el. ¿I p'olbal_Λ ba Abraham? Joñon ja'el.

23 ¿X'e'telo' ba i cha'an Cristo? Joñon ja'el. (Mic cha'len t'an che' bajche' tonto b_Λ.) Ñumen cab_Λl tsac cha'le e'tel. Ñumen cab_Λl tsa cubi asiyal. Ñumen cab_Λl tsa' ñujp'iyon. Colel tsa' c_Λl_Λ ch_Λmel.

24 Jo'yajl jini judíojob tsi' y_Λc'_Λy_Λoñob ti jajts'el. Junyajl jax yom cha'an cha'c'al tsi' jats'_Λy_Λoñob ti jujunyajl.

25 Uxyajl tsa' jajts'iyon ti te'. Junyajl tsa' jujliyon ti xajlel. Uxyajl colel c ch_Λmel ya' ti colem ñajb che' b_Λ tsa' jejmi barco. Tsac ñusa jump'ejl ac'_Λlel yic'ot jump'ejl q'uin ti ojliñ ñajb.

26 Cab_Λl tsac cha'le ñajt b_Λ x_Λmbal. Tsa cubi b_Λb_Λq'uen tac b_Λ ti ja' yic'ot ti' tojlel xujch' yic'ot ti' tojlel c pi'_Λlob yic'ot ti' tojlel jini gentilob ti tejclum yic'ot ti' jochol b_Λ lum, yic'ot ti' colem ñajb, yic'ot ti' tojlel jini mu' b_Λ i cuyob i b_Λ ti hermanojob.

27 Tsac cha'le e'tel, tsa' lujb'ayon. Cab_Λl ac'_Λlel ma'anic tsa' w_Λyiyon. Tsa cubi wi'ñal yic'ot tiquin ti', tsac cha'le ch'ajb, tsa cubi ts_Λñal, pits'ilon.

28 Mach cojic jach tsa cubi jini, pero ti jujump'ejl q'uin mic ch_Λn ña'tan i c_Λn_Λntel pejtelel xñopt'año_Λ año' b_Λ tic wenta.

29 Che' an hermano c'un b_Λ mi' yubin pañimil, ¿mach ba c'unic mi cubin ja'el? ¿Mach ba ch'ijiyemic c pusic'al che' an majch mi' y_Λs_Λntel ti mulil?

30 Mi wersa yom mic sub c b_Λ ti ñuc, mic sub ti ñuc j c'unlel.

31 Yujil Dios ma'anic woliyon ti lot. Jini Dios i Tatach lac Yum Jesucristo, mu' b_Λ i sujbel ti uts'at ti pejtelel ora.

32 Ya' ti Damasco jini gobernador am b_Λ i ye'tel ti' yum_Λntel jini rey Aretas, tsi' y_Λc'_Λ ti c_Λn_Λntel jini colem tejclum cha'an mi' chucon.

33 Jini hermanojob tsi' loc'sayoñob ti ventana. Tsi' jich'iy_Λoñob jubel ti colem chiquib ti' ñ_Λc' jini chan b_Λ ts'ajc. Che' jini, tsac puts'ta jini año' b_Λ i ye'tel woli b_Λ i chij-tañoñob.

12

Pablo tsi' q'uele paraíso

1 Isujm wersa yom mic sub c b_Λ ti ñuc anquese ma'anic chuqui mic taj. Mi caj c sub chuqui tac tsaj q'uele ti espíritu yic'ot chuqui tsa' p_Λs_Λbentiyon ti lac Yum.

2 Mij c_Λn juntiquil winic ti Cristo. Anix ch_Λnlujump'ejl (14) jab tsa' chujqui letsel c'_Λl_Λl ti' yuxlajmlel panchan —mi yic'ot i b_Λc'tal o mi loq'uem ti' b_Λc'tal mach kujilic, Dios yujil.

3 Mij c_Λn jini winic— mi yic'ot i b_Λc'tal o mi loq'uem ti' b_Λc'tal mach kujilic. Yujil Dios.

4 Tsa' ch'ujyi letsel c'_Λl_Λl ti paraíso ba' tsi' yubi t'an mucul b_Λ i sujmllel mach b_Λ aq'uebilic i cha' sub.

5 Mic sub i ñucl_Λ ili winic. Ma'anic mic sub c bajñel ñucl_Λ. Jini jach j c'unlel mij q'uel ti ñuc.

6 Muq'ueic c sub c b_Λ ti ñuc mach ton-tonjonc, come jini jach mic sub chuqui isujm. Pero mach comic c sub c ñucl_Λ ame muq'ueic i lon ña'taño_Λ winicob ñumen

ñucon bajche' mi' tsictiyel tic melbal yic'ot tic t'an.

⁷ C'ax uts'atax chuqui tsa' p'asbentiyon. Jini cha'an tsa' aq'uentiyon wocol tic b'ac'tal. Ch'oyol ti Satanás cha'an mi' tic'lañon ame ñumen ñuquic mij q'uel c b'ajche' yom.

⁸ Uxyajl tsaj c'ajtibe lac Yum ti wocol t'an cha'an mi' lajmesabeñon c wocol.

⁹ Lac Yum tsi' subeyon: Jasal i yutslel c pusic'al ti a tojlel, come mi' ts'actiyel c p'at'alel ti' c'unlel winic, che'en. Jini cha'an ti pejtelel c pusic'al mij q'uel ti ñuc j c'unlel cha'an mi' yajñel i p'at'alel Cristo tic pusic'al.

¹⁰ Jini cha'an tijicñayon che' an j c'unlel yic'ot c ts'a'lentel yic'ot che' anto chuqui yom c cha'an yic'ot c tic'lantel yic'ot wocol mu' b'aj cubin cha'an ti' c'uxbintel Cristo, come che' ba' ora c'uñon p'at'alon.

Pablo mi' c'uxbin jini año' b'aj ti Corinto

¹¹ Tsac subu c ñucler che' bajche' tonto b'aj. Jatetla tsa' la' ñijcayon c sub. Mach che'ic yom. Yom mi' la' sub c ñucler jatetla, anquese ma'anic c bajñel ñucler, come mach ñucobic bajche'on jini mu' b'aj i lon cuyob i b'aj ti ñuc b'aj apóstolob.

¹² Che' ya' añoñon ti la' tojlel tsa' wen tsictiyi apóstolon ti isujm ti pejtelel ñuc b'aj c melbal yic'ot c p'at'alel ti' cuchol wocol. Dios tsi' tsictesa yic'ot i yejtal tac i p'at'alel yic'ot b'ajb'aj'uen tac b'aj.

¹³ Junlajal mij c'uxbiñetla che' bajche' mij c'uxbin yamb'aj xñopt'añoñob mu' b'aj i tempañob i b'aj. ¿Am ba c mul ti la' tojlel? Ma'tica anic c mul come ma'anic chuqui tsaj c'ajtibeyetla. Ñusabeñon ili c mul.

¹⁴ La' wilan i yuxyajlelix tsac chajpa c b'aj cha'an mic tilel ba' añetla. Ma'anic chuqui mi' caj j c'ajtibeñetla, come ma'anic wolic ña'tan c ch'am chuqui an la' cha'an pero mic ña'tañetla. Come mach i wentajic la calobilob cha'an mi' tempabeñoñob i chub'aj'an i tat i ña'. I wentajach i tat i ña' cha'an mi' tempabeñoñob i chub'aj'an i yalobilob.

¹⁵ Mi' caj c'ac' c b'aj yic'ot pejtelel c pusic'al yic'ot pejtelel c chub'aj'an cha'an mi' la' taj la' wenlel, come cabal jax wolic c chan c'uxbiñetla, anquese ma'anic woli la' c'uxbiñon che' bajche' ti ñaxan.

¹⁶ Ña't'abil la' cha'an ma'anic chuqui tsaj c'ajtibeyetla. Pero mi' la' w'al maya jax tsac lotiyetla.

¹⁷ ¿Tsa' ba i chilbeyetla la' chub'aj'an jini winicob tsa' b'aj c choco majlel ba' añetla?

¹⁸ Ti wocol t'an tsac sube majlel Tito. Tsac choco majlel juntiquil hermano yic'ot. ¿Tsa' ba i chilbeyetla la' chub'aj'an Tito? Wen la' wujil jump'ejl lojon c pusic'al yic'ot jini Espiritu. Junlajal bajche' mic mel lojon que'tel.

¹⁹ ¿Mu' ba la' lon al wolic sub lojon c b'aj ti toj cha'an jach mi' la' q'uelon ti uts'at? Mic cha'len lojon t'an ti Cristo ti' tojlel Dios. C'uxbibilet b'aj la, tsa'ix c subu lojon ti pejtelel cha'an mic xuc'chocoñetla.

²⁰ Mic cha'len b'ajq'uen ame mach che'ic mic tajetla bajche' com j q'ueletla che' mic tilel ba' añetla, ame mach che'ic mi' la' q'uelon ja'el bajche' la' wom. Tic'al mi' woliyetla ti leto, tsaytsayña la' pusic'al cha'an i wenlel la' pi'ajlob. Tic'al mi' an la' mich'ajel, o woli la' t'ox la' b'aj ti leto, o woliyetla ti u'ya t'an yic'ot wulwul t'an, o c'ax ñuc woli la' p'as la' b'aj, o woli la' contrajin la' b'aj.

²¹ Cabal mic cha'len b'ajq'uen ame mi' yac'on ti quisin Dios ti la' tojlel che' mic cha' tilel ba' añetla, ame mi' cuct'an jini tsa' b'aj i cha'leyob mulil mi' ma'anic tsi' c'ayayob i bibi'lel yic'ot i ts'i'lel yic'ot i colosojlel.

13

Cojix b'aj tic'ojel

¹ I yuxyajlelix talon ba' añetla. Cha'an ti' t'an cha'tiquil uxtiquil testigojob mi' caj i tsictiyel mi' an i mul winic.

² Ti pejteletla yic'ot jini tsa' b'aj i cha'leyob mulil mic cha' subeñetla che' bajche' tsac subeyetla ti yamb'aj ora: Che' mic cha' tilel ba' añetla, tsats mi' caj c tiq'uetla. Anquese mach ya'ic añoñon wolic ts'ijbubeñetla che' bajche' ya'ach añoñon.

³ Come la' wom la' ña'tan mi' Cristo woli' c'ambeñon quej ti isujm, come wen toj mi' cha'len meloñel Cristo. P'at'al Cristo ti la' tojlel.

⁴ Anquese an i c'unlel Cristo che' b'aj tsa' ch'ijle ti cruz, cuxul w'ale cha'an ti' p'at'alel Dios. Joñon lojon ja'el c'uñon lojon ti Cristo.

Pero cuxulon lojon yic'ot Cristo. An lojon c p'atlel ti Dios cha'an mic meletla.

⁵ Ña'tan la' b Δ mi woli la' ñop Cristo ti isujm. Ña'tanla bajche' añetla. ¿Mach ba la' wujilic? Woli' yajñel Jesucristo ti jatetla mi isujm woli la' ñop. Mi ma'anic, chocbiletla ti Dios.

⁶ Mi c Δ la' wujil i winicon lojon Dios ti isujm. Mach chocbilonic lojon i cha'an.

⁷ Mij c'ajtiben lojon Dios ti oración cha'an ma'anic mi la' mel chuqui jontol. Com lojon mi la' mel chuqui uts'at, pero mach cha'anic mij q'uejlel lojon ti uts'at cha'an winicob. Melela chuqui uts'at anquese mi la' lon ña'tan chocbilon lojon ti Dios.

⁸ Melel mach mejlic laj contrajin i sujmllel Dios, jini jach mi mejlel lac tsictesan.

⁹ Jini cha'an tijicñayon lojon mi p'atletla anquese c'uñon lojon. Mij c'ajtiben lojon Dios cha'an mi' ts'actiyel la' wenlel.

¹⁰ Jini cha'an mic ts'ijbubeñetla ili t'an che' mach ya'ic añon, come mach comic c Δ 'leñetla che' mic tilel yic'ot c p'atlel tsa' b Δ i y Δ q'ueyon Dios. Com jach j c' Δ n c p'atlel cha'an mic xuc'chocoñetla, mach cha'anic mic jisañetla.

Cortesía

¹¹ W Δ le hermanojob, ajñenla ti' tijicñayel la' pusic'al. La' ts'actiyic la' wenlel, la' ñuq'uesantic la' pusic'al. Ajñenla ti ñach' Δ l ti jump'ejl jach la' pusic'al. Che' jini, Dios mi caj i yajñel la' wic'ot, jini Dios mu' b Δ i c'uxbiñonla, mu' b Δ i y Δ q'ueñonla i ñach'talel lac pusic'al.

¹² Aq'uen la' b Δ cortesía. Ts'ujts'un la' b Δ ti uts'at. Pejtelel i cha'año' b Δ Dios mi' y Δ q'ueñetla cortesía.

¹³ La' ajnic ti la' tojlel ti la' pejtelel i yutslel i pusic'al lac Yum Jesucristo yic'ot i c'uxbiya Dios yic'ot jini Ch'ujul b Δ Espíritu, la caj Pi'leya.

GALATAS

¹ Pablojon, apóstolon. Mach chocbilonic majlel i cha'an winicob mi ti' p'atlelic winic. Chocbilon majlel i cha'an Jesucristo yic'ot Dios lac Tat tsa' b_Λ i teche ch'ojyel Jesús ba'an ch_Λmeño' b_Λ.

² Joñon quic'ot pejtelel hermanojob w_Λ' b_Λ añoob wolic ña'tañet lojon xñopt'añet b_Λ la mu' b_Λ la' tempan la' b_Λ ya' ti Galacia.

³ La' aq'uentiquetla i yutslel yic'ot i ñach'talel la' pusic'al ch'oyol b_Λ ti Dios lac Tat yic'ot ti lac Yum Jesucristo.

⁴ Tsi' y_Λc'Λ i b_Λ ti ch_Λmel cha'an lac mul che' bajche' yom Dios lac Tat cha'an mi' loc'sañonla ti' p'atlel jontolil am b_Λ ti pañimil w_Λle.

⁵ La' subjic i ñucler ti pejtelel ora. Amén.

Ma'anic yamb_Λ Wen T'an

⁶ Woli' toj sajtel c pusic'al come maxto anic ora tsa' la' ñopo, pero w_Λle wolix la' c_Λy Dios tsa' b_Λ i p_Λy_Λyetla ti' yutslel i pusic'al Cristo. Woli la' cha' sutq'uin la' b_Λ cha'an mi la' ñop yamb_Λ t'an.

⁷ Ma'anic yamb_Λ wen t'an. An winicob woli b_Λ i tic'lañetla cha'an yomob i socben i wen t'an Cristo.

⁸ La' junyajlel chojqwic ti Dios majqui jach mi' sub yamb_Λ t'an mach b_Λ lajalic bajche' jini wen t'an tsa' b_Λ c subu lojon, mi ángel tilem b_Λ ti panchan o mi joñon lojon mu' b_Λ c sub yamb_Λ t'an, la' chojqwicon lojon.

⁹ Che' bajche' tsac subeyet lojon ti yamb_Λ ora wolic cha' subeñetla. Mi an majch mi' subeñetla yamb_Λ wen t'an yilal mach b_Λ jinic tsa' b_Λ lac ñopo, la' chojqwic jini winic ti Dios.

¹⁰ ¿Woli ba c sajcan c ñucler ti' tojlel winicob, o ti' tojlel Dios? ¿Woli ba c cha'len chuqui uts'at cha'an mi' q'ueloñob ti ñuc winicob? Muq'uc c mel chuqui uts'at cha'an mi' q'ueloñob ti ñuc winicob, mach i winiconic Cristo.

Iye'tel Pablo cha'an jini Wen T'an

¹¹ Com c subeñetla hermanojob, mach ch'oyolic ti winicob jini wen t'an tsa' b_Λ c subu.

¹² Ma'anic tsi' y_Λq'ueyoñob winicob. Mach c_Λntes_Λbilonic i cha'an winicob. Jesucristo tsi' p_Λsbejon i sujmler.

¹³ Tsa'ix la' wubi bajche' tsac ñopbeyob i costumbre israelob. Ma'anic i p'isol bajche' tsac tic'la i cha'año' b_Λ Dios mu' b_Λ i tempañob i b_Λ. Tsac ñopo c jisañoob.

¹⁴ Ti pejtelel i costumbre israelob ñumen b_Λxon bajche' c pi'lob. Ñumen b_Λxon ti' subol i t'an c ñojte'elob.

¹⁵ Dios tsi' yajcayon che' maxto anic tsa quila pañimil. Tsi' p_Λy_Λyon ti' yutslel i pusic'al

¹⁶ che' b_Λ tsi' p_Λsbejon i Yalobil. Tsi' y_Λc'Λ ti tsictiyel i Yalobil ti joñon che' bajche' yom i pusic'al cha'an mic sub Cristo ti' tojlel jini mach b_Λ i c_Λñ_Λyobic Dios. Che' jini ma'anic tsaj c'ajtibe winicob i sujmler jini wen t'an.

¹⁷ Ma'anic tsa' majliyon ti Jerusalén ba'an jini ñaxan b_Λ apóstolob, pero tsa' majliyon ti Arabia. Tsa' cha' tiliyon ti Damasco.

¹⁸ Che' ñumenix uxp'ejl jab, tsa' letsiyon majlel ti Jerusalén cha'an mij c_Λn Pedro. Ya' tsa' jaleyon jo'lujump'ejl (15) q'uin yic'ot Pedro.

¹⁹ Ma'anic tsaj q'uele yamb_Λ apóstol, co-jach Jacobo i yijts'in lac Yum.

²⁰ Awilan, ti' tojlel Dios mach c lotic jini woli b_Λ c ts'ijbubeñetla.

²¹ Ti wi'il tsajniyon ti tejclum tac ya' ti Siria yic'ot ti Cilicia.

²² Ti jim b_Λ ora maxto c_Λmbilonic i cha'an año' b_Λ ti Cristo mu' b_Λ i tempañob i b_Λ ya' ti Judea.

²³ Tsa' jach i yubiyob chuqui woli' y_Λlob yaño' b_Λ: Jini tsa' b_Λ i tic'layonla ti yamb_Λ ora wolix i sub jini wen t'an tsa' b_Λ i lon ñopo i jisan, che'ob.

²⁴ Tsi' q'ueleyob i ñucler Dios ti joñon.

2

Jini xcant'añoob tsi' ch'Λmayob ti wenta Pablo

¹ Che' ñumenix ch_Λnlujump'ejl (14) jab, tsa' cha' letsiyon majlel ti Jerusalén quic'ot Bernabé. Tsac p_Λy_Λ majlel Tito ja'el.

² C_Λntes_Λbilon ti Dios tsa' majliyon cha'an mic tsictes_Λbeñoob jini wen t'an mu' b_Λ c subeñoob gentilob. Tic bajñel lojon yic'ot jini hermanojob año' b_Λ i ye'tel tsac

subeyob pejtél chuqui tsac cha'le yic'ot pejtél j cantesa, cha'an uts'at mi' yujtel que'tel ti' tojlelob che' junlajal lac pusic'al.

³ Uts'at tsi' pejcayonob yic'ot Tito am b_Λ quic'ot, anquese griego. Ma'anic tsi' xic'beyob cha'an mi' ch'Λm tsep p_Λch_Λlel,

⁴ anquese ya' añob payxo hermanojob ti mucul tsa' b_Λ ochiyob i yojch'oñon lojon cha'an libre añonla ti Cristo Jesús. Mi' y_Λlob wersa mi lac ch_Λn jac' jini mandar cha'an mi laj colt_Λntel.

⁵ Ma'anic tsac wis jac'beyob lojon come com lojon mi' ch_Λn ajñel i sujmlél jini wen t'an ti la' tojlel.

⁶ Jixcu jini wen c_Λmbilo' b_Λ año' b_Λ i ye'tel ti' tojlel xñopt'añob, ma'anic chuqui tsa' cantes_Λntiyon ti' tojlelob. Mi' ñucob ti' tojlel winicob ma'anic chuqui mi' cha'len, come junlajalonla ti' wut Dios.

⁷ Pero tsi' ña'tayob aq'uebilon tic wenta cha'an mic sub jini wen t'an ti' tojlel gentilob che' bajche' aq'uebil Pedro cha'an mi' sub ti' tojlel israelob.

⁸ Che' bajche' lac Yum tsi' wa'choco Pedro cha'an mi' majlel ba'an israelob, tsi' wa'chocoyon ja'el cha'an mic majlel ba'an gentilob.

⁹ Jacobo yic'ot Pedro yic'ot Juan, mu' b_Λ i q'uejlelob che' bajche' oy cha'an ñuc i ye'tel, tsi' ña'tayob aq'uebilon i yutslel i pusic'al Dios. Che' jini tsi' y_Λq'ueyoñob cortesía quic'ot Bernabé ti' ñoj b_Λ i c'Λb cha'an mic majlel lojon ba'an gentilob. Jini uxtiquil tsa' majliyob ba'an israelob.

¹⁰ Tsi' subeyon lojon yom jach mic ña'tan lojon jini p'ump'uño' b_Λ che' bajche' tsac bajñel ña'ta c mel ti pejtelel c pusic'al.

Pablo tsi' tiq'ui Pedro

¹¹ Che' b_Λ tsa' c'oti Pedro ti Antioquía, tsac tiq'ui come an i sojquemal.

¹² Come che' maxto c'otemobic i pi'Λlob Jacobo, temel tsi' c'uxu waj Pedro yic'ot gentilob. Ti wi'il che' b_Λ tsa' tiliyob jini winicob, tsi' t_Λt_Λ'Λ i b_Λ Pedro ba'an gentilob. Ma'anix tsi' ch_Λn pejcayob, come tsi' b_Λc'ña jini mu' b_Λ i cantesañob tsep p_Λch_Λlel.

¹³ Yaño' b_Λ judíojob ja'el cha'chajp tsi' meleyob i pusic'al lajal bajche' Pedro. Che'Λch tsi' mele ja'el Bernabé.

¹⁴ Che' b_Λ tsaj q'uele mach tojic woli' yajñelob ti' sujmlél jini wen t'an, tsac sube Pedro che' temel añob: Jatet anquese israelob, wola' mel bajche' jini gentilob. Mi ma'anix wola' mel bajche' israelob, ¿chucoch che' jini, ma' lon xic'beñob gentilob cha'an mi' melob lajal bajche' israelob? cho'on tsac sube.

¹⁵ Joñonla tsa' b_Λ la quila pañimil ti Israel, mach i pi'Λlonicla jini xmulilob, gentilob.

¹⁶ Pero la cujil che' mi' ñopob Cristo mi' ñus_Λbentelob i mul. Dios mi' yotsañob ti' wenta cha'an tsi' ñopoyob, mach cha'anic i jac'ol mandar. Mi' yotsañonla ti' wenta ja'el che' mi lac ñop Cristo. Mi' ñus_Λbeñonla lac mul cha'an tsa' lac ñopo, mach cha'anic i jac'ol mandar.

¹⁷ Pero che' woli lac ñop Cristo cha'an mi' yotsañonla ti' wenta, mi lajal mi lac taj lac mul bajche' jini mach b_Λ i c_Λñ_Λyobic mandar, ¿jim ba i mul Cristo? Ma'anic.

¹⁸ Mi tsa' cha' caji c ñop jini mandar che' b_Λ tsa'ix j c_Λy_Λ, tsiquil xñusa mandaron. Che' jini an c sajtemal, come tsaj cantesayetla mi laj q'uejlel ti toj cha'an ti' ñopol Cristo, mach cha'anic ti' jac'ol jini mandar.

¹⁹ Che' b_Λ tsac ñopo j coltan c b_Λ ti' jac'ol mandar, tsi' ts_Λnsayon jini mandar yilal. Ch_Λmeñonix ti' tojlel jini mandar cha'an mic taj j cuxt_Λlel ti Dios.

²⁰ Isujm tsa' ch'ijleyon ti cruz yic'ot Cristo. Mach ch_Λn cuxulonix joñon, pero cuxul Cristo tic pusic'al. W_Λle che' cuxulon tic b_Λc'tal ti pañimil, wolic taj j cuxt_Λlel ti' ñopol i Yalobil Dios tsa' b_Λ i c'uxbiyon, tsa' b_Λ i y_Λc'Λ i b_Λ ti ch_Λmel cha'añon.

²¹ Ma'anic mic ñus_Λben i yutslel i pusic'al Dios. Muq'uc laj q'uejlel ti toj cha'an i jac'ol mandar, lolom jach tsa' ch_Λmi Cristo.

3

Tsa' aq'uentiyob Espiritu che' b_Λ tsi' ñopoyob

¹ ¡Sojquemetla añet b_Λ la ti Galacia! ¿Majqui tsi' socoyetla cha'an mi la' c_Λy la' jac'ben i sujmlél jini wen t'an tsa' b_Λ wen subentiyetla cha'an tsa' ch'ijle ti cruz Jesucristo?

² Cojach com j c'ajtibeñetla: ¿Tsa' ba aq'uentiyetla jini Espiritu cha'an ti' jac'ol i

mandar Moisés? ¿Mach ba cha'anic tsa' la' ñopo jini wen t'an che' b_Λ tsa' la' wubi?

³ ¿Chucoch sojquem la' pusic'al? Tsa' caji la' ñop Cristo ti' p'at_Λlel jini Espíritu. W_Λle, ¿mu' ba mejlel la' taj la' wenlel ti la' bajñel wersa?

⁴ Tsa' la' ñusa cab_Λl wocol cha'an jini wen t'an. Mach to'olic jach.

⁵ Dios_Λch mu' b_Λ i y_Λq'ueñetla jini Espíritu. Mi' cha'len ñuc b_Λ i ye'tel ba' añetla. ¿Cha'an ba tsa' la' jac'Λ jini mandar? ¿Mach ba cha'anic tsa' la' ñopo che' b_Λ tsa' la' wubi?

⁶ Abraham ja'el tsi' ñopo Dios. Jini cha'an Dios tsi' yots_Λbe ti' wenta. Tsi' q'uele ti toj.

⁷ Ña'tanla che' jini, pejtél mu' b_Λ i ñopob Dios i yalobilob_Λch Abraham.

⁸ W_Λn ts'ijbubil ti' t'an Dios, mi caj i ñus_Λbeñob i mul. Mi caj i yotsañob jini gentilob ti' wenta che' mi' ñopob Dios. Jini cha'an tsa' w_Λn subenti Abraham jini wen t'an: "Ti a tojlel mi caj i tajob i wenlel pejtél tejclumob".

⁹ Jini cha'an, majqui jach mi' ñop Dios mi' taj i wenlel yic'ot Abraham tsa' b_Λ i ñopo Dios.

¹⁰ Come pejtelel mu' b_Λ i ñopob i coltañob i b_Λ ti' jac'ol jini mandar mi caj i chojquelob ti Dios. Come ts'ijbubil: "Mux i chojquelob ti Dios pejtelel mu' b_Λ i wis c_Λyob i mel ti ts'ac_Λl chuqui tac ts'ijbubil ti' juñilel jini mandar".

¹¹ Tsiquil che' jini, Dios ma'anic mi' ñus_Λben i mul, ma'anic mi' yotsan ti' wenta mi juntiquilic cha'an ti' jac'ol jini mandar. Come mi' y_Λl: "Jini ots_Λbilix b_Λ ti' wenta Dios cha'an tsi' ñopo Dios, cuxul mi' yajñel", che'en.

¹² Mach lajalic i jac'ol mandar bajche' i ñopol Cristo, come mi' y_Λl: "Jini mu' b_Λ i jac' jini mandar ti ts'ac_Λl mi' taj i cuxt_Λlel", che'en.

¹³ Pero ya' ti cruz Cristo tsi' m_Λñayonla loq'uel ti' p'at_Λlel jini mandar mu' b_Λ i y_Λc'onla ti chojquel, come tsa' chojqui ti Dios cha'añonla, come ts'ijbubil: "Chocbil ti Dios majqui jach mi' joc'chocontel ti te".

¹⁴ Che'ach tsa' ujti cha'an mi' tajob i wenlel gentilob ja'el ti Cristo Jesús, che' bajche' Dios tsi' w_Λn sube Abraham, cha'an mi lac laj aq'uentel jini Espíritu che' mi lac ñop.

Jini Mandar yic'ot jini Albil b_Λ t'an

¹⁵ Mic cha'len lajiya hermanojob. W_Λ' ti pañimil che' mi lac ts'ijban ti jun bajche' mi' caj ti t'ox_Λl lac chub_Λ'an che' mi lac ch_Λmel, ma'anic majch mi mejlel i jem. Ma'anic majch mi mejlel i x_Λ' ts'ijban yamb_Λ t'an che' anix i sellojlel.

¹⁶ Dios tsi' y_Λq'ue Abraham yic'ot juntiquil i p'olbal jini albil b_Λ t'an. Ma'anic tsi' y_Λl i p'olbalob, pero i p'olbal, come juntiquil jach, jiñach Cristo.

¹⁷ Jiñach i sujmllel woli b_Λ c sub: Dios tsi' w_Λn subu cha'an mi caj i tilel Cristo. Che' ñumenix jumbajc' yic'ot lujump'ejl i cha'c'al (430) jab, tsi' y_Λc'Λ jini mandar. Jini mandar tsa' b_Λ tili ti wi'il ma'anic tsi' jeme jini t'an tsa' b_Λ i ñaxan a_Λ.

¹⁸ Mi cha'an_Λch jini mandar mi laj colt_Λntel, che' jini mach cha'anic jini albil b_Λ t'an. Pero Dios ti' yutslel i pusic'al tsi' colta Abraham che' b_Λ tsi' y_Λq'ue jini albil b_Λ i t'an.

¹⁹ ¿Chuqui i ye'tel jini mandar che' jini? Dios tsi' y_Λq'ueyonla jini mandar cha'an mi' tsictes_Λbeñonla lac mul. Pero ma'anix i c'Λjñibal jini mandar che' tilemix i P'olbal che' bajche' w_Λn albil. Dios tsi' c'Λñ_Λ i yángelob i y_Λq'uen mandar Moisés i wenta xñusa t'an.

²⁰ Che' an juntiquil jach mach wersajic yom xñusa t'an. Pero Dios, che' b_Λ tsi' lac'Λ i t'an cha'an mi' coltan winicob x'ixicob, tsi' bajñel wa'choco.

²¹ Jixcu jini mandar, ¿i contra ba jini t'an albil b_Λ i cha'an Dios? Mach i contrajic. Actan tsa'ic aq'uentiyonla laj cuxt_Λlel cha'an ti' jac'ol jini mandar, che' jini, isujm_Λch mi laj q'uejlel ti toj cha'an ti' jac'ol jini mandar.

²² Pero i t'an Dios mi' y_Λl woli' yajñelob ti' p'at_Λlel mulil pejtelel año' b_Λ ti pañimil cha'an mi la c_Λq'uentel jini albil b_Λ ti Dios che' mi lac ñop Jesucristo, come majqui jach mi' ñop mi' colt_Λntel.

²³ Che' maxto tilemic jini wen t'an mu' b_Λ lac ñop, año_n to la ti' wenta jini mandar. Ñup'ulonla jinto tsa' tsictes_Λbentiyonla jini wen t'an mu' b_Λ lac ñop.

²⁴ Jini mandar tsi' c_Λntesayonla cha'an mi lac ñop Cristo, cha'an mi laj q'uejlel ti toj che' mi lac ñop.

25 Wale tilemix jini wen t'an mu' b_Λ lac ñop. Mach ch_Λn añonixla ti' wenta jini mandar.

26 I yalobiletla Dios ti la' pejtelel cha'an tsa' la' ñopo Cristo Jesús.

27 Ti pejteletla tsa' b_Λ ochiyetla ti Cristo ti Espíritu, tsa'ix la' xojo Cristo.

28 Mi judíojet, mi griegojet, mi añet ti a yum, mi to'ol che' jach añet, mi winiquet, mi x'ixiquet, ma'anic chuqui mi' cha'len, come juntiquilet jach la ti Cristo Jesús.

29 Mi i cha'añetla Cristo, mero i p'olbaletla Abraham. Mi caj la' taj chuqui mi la' w_Λq'uentel che' bajche' albil i cha'an Dios.

4

1 Yom mi la' ña'tan ja'el: Che' al_Λl to jini mu' b_Λ caj i y_Λq'uentel i chub_Λ'an i tat, lajal jach bajche' x'e'tel, anquese i yum_Λch jini chub_Λ'añal.

2 Anto ti' wenta xc_Λntesajob yic'ot xc_Λntayajob jinto mi' c'otel i q'uiñilel i jabil tsa' b_Λ i w_Λn al_Λ i tat.

3 Che' ja'el joñonla che' alobon to la, mozojonla yilal. Tsa' lac jac'be i c_Λntes_Λbal lac ñojte'el che' bajche' i tilel mi' ñojpel ti pañimil.

4 Pero Dios tsi' choco tilel i Yalobil che' b_Λ tsa' c'oti i yorajlel. Tsi' yila pañimil ti x'ixic. Tsa' ochi ti' wenta mandar

5 cha'an mi' mañonla loq'uel ti' wenta jini mandar, cha'an mi la cochel ti' yalobil.

6 I yalobiletla. Dios tsi' choco tilel ti lac pusic'al i yEspíritu i Yalobil mu' b_Λ i y_Λ: Papa, c Tat, che'en.

7 Che' jini mach ch_Λn mozojetix la, pero i yalobiletix la. Mi i yalobiletla an chuqui mi caj la' w_Λq'uentel ti Dios yic'ot Cristo.

Mach yomic mi la' cha' ñop yamb_Λ c_Λntesa

8 Ti yamb_Λ ora, che' maxto anic tsa' la' ñopo Dios, tsa' la' cha'le to'ol e'tel ti' wenta jini mach b_Λ mero diosic.

9 Wale mi la' c_Λn Dios, pero ñumen mi' c_Λñetla. ¿Chucoch woli la' cha' mulan i c_Λntes_Λbal lac ñojte'el mach b_Λ anic i p'_Λt_Λlel cha'an mi' coltañetla? ¿La' wom ba la' cha' chujquel ti to'ol e'tel?

10 Mi la' mel q'uin ti' q'uiñilel tac, ti' yuwilel tac, ti' yorajlel tac, ti' jabilel tac.

11 Woli la' w_Λc'on ti tsic pusic'al, ame lolomic jach tsac cha'le e'tel ti la' tojlel.

12 Quermanojob, ti wocol t'an mic subeñetla. Ajñenla ti libre che' bajche'on, come ti yamb_Λ ora junlajal lac pusic'al. Ma'anic tsa' la' ts'a'leyon.

13 La' wujil tsac subeyetla ili wen t'an che' ti ñaxan che' ya' añon ba' añetla cha'an ti' caj tsi' tajayon c'am_Λjel.

14 Anquese leco tsa' la' q'uele jini am b_Λ tic b_Λc'tal, ma'anic tsa' la' bi'leyon. Ma'anic tsa' la' ts'a'leyon. Tsa' la' p_Λy_Λyon ochel che' bajche' juntiquil ángel ch'oyol b_Λ ti Dios, che' bajche' Cristo Jesús.

15 ¿Baqui tsa' majli i tijicñayel la' pusic'al? Come mic ña'tan, tsa'ic mejli la' loc'san la' wut cha'an mi la' w_Λq'ueñon, tsa' la' loc'sa.

16 ¿Tsa' ba ochiyon ti la' contra cha'an tsac subeyetla i sujmllel?

17 Jini yaño' b_Λ b_Λx mi' melob i b_Λ cha'an mi la' c'uxbiñob. Pero mach uts'atic bajche' mi' melob. Yomob i t_Λt_Λ'etla loq'uel tic tojlel lojon cha'an mi la' c'uxbiñob.

18 Uts'at mi b_Λx mi' melob i b_Λ ti chuqui uts'at ti pejtelel ora, mach cojic jach che' ya' añon la' wic'ot.

19 Calobilob, che' bajche' x'ixic woli b_Λ ti bajq'uel, che'ach wolic cha' ubin wocol cha'añetla jinto mi' tsictiyel Cristo ti la' pusic'al.

20 Uts'at ya'ic añon la' wic'ot cha'an mic wen pejcañetla, come cabal woliyon ti tsic pusic'al cha'an mach cujilic bajche' añetla.

Lajiya cha'an Sara yic'ot Agar

21 Mi la' wom la' wajñel ti' wenta jini mandar, ¿mach ba anic mi la' ch'_Λmben isujm jini mandar? Subeñonla.

22 Come ts'ijbubil an cha'tiquil i yalobil Abraham, juntiquil i yalobil_Λch criada, yamb_Λ i yalobil_Λch jini libre b_Λ mach b_Λ criadajic.

23 I yalobil jini criada tsi' yila pañimil che' bajche' i tilel mi' yilañob pañimil allob. I yalobil jini mero i yijñam b_Λ tsa' tili cha'an albil b_Λ i t'an Dios.

24 An i sujmllel ili lajiya. Jini cha'tiquil x'ixic i yejtal_Λch cha'chajp trato. Agar, jini criada, i yejtal_Λch jini trato ch'oyol b_Λ ti wits i c'aba' Sinaí. Tsi' q'uele pañimil i yalobil che' chucul ti to'ol e'tel.

²⁵ Jini Agar i yejtalach wits ya' ti Arabia i c'aba' Sinaí yic'ot jini tejclum Jerusalén ba chuculob ti to'ol e'tel jini ya' b_Λ chumulob mu' b_Λ i ñopob i taj i colt_Λntel ti' jac'ol mandar.

²⁶ Pero libre jini Jerusalén am b_Λ ti chan. Jiñach lac ña' ti lac pejtelel.

²⁷ Come ts'ijbubil: “Tijicñesan a pusic'al, jochol b_Λ x'ixic, mach b_Λ anic a walobil. C'am yom ma' cha'len t'an, jatet mach b_Λ anic a bajq'uel. Come ñumen cab_Λ i yalobil jini bajñel b_Λ x'ixic bajche' jini am b_Λ i ñoxi'al”. Che'ach ts'ijbubil.

²⁸ Joñonla, hermanojob, tsa' la quila pañimil che' bajche' Isaac cha'an albil b_Λ i t'an Dios.

²⁹ Che' bajche' tsa' ujti ti' yorajlel Isaac che'ach mi' yujtel w_Λle. Jini mu' b_Λ i cha' ilañob pañimil ti Espíritu woli' tic'l_Λntelob ti' tojlel jini yom b_Λ i y_Λc'ob ti' jac'ol mandar.

³⁰ ¿Chuqui mi' y_Λ i Ts'ijbujel Dios?: “Choco loq'uel jini criada yic'ot i yalobil, come i yalobil criada ma'anic mi' tem ch'Λm i chub_Λ'an i tat yic'ot i yalobil jini mero i yijñam b_Λ”.

³¹ Jini cha'an hermanojob, mach i yalobilonla criada. I yalobilonla jini libre b_Λ x'ixic.

5

Librejonixla ti Cristo

¹ Librejonla. Cristo tsi' y_Λc'Λyonla ti coel ba' chuculonla. Jini cha'an yom libre mi la' ch_Λn ajñel. Mach mi la' cha' ac' la' b_Λ ti chujquel ti to'ol e'tel.

² Awilan joñon, Pablo, mic subeñetla, mi woli la' ch'Λm tsep p_Λch_Λlel, ma'anic i c'Λjñibal Cristo ti la' tojlel.

³ Mic cha' subeñetla, majqui jach mi' ch'Λm tsep p_Λch_Λlel, wersa mi' jac' pejtelel i mandar Moisés.

⁴ Ti pejtelel mu' b_Λ la' lon ña'tan woli la' ch'Λjmel ti' wenta Dios cha'an i jac'ol jini mandar, chocbiletixla ti Cristo. Mach c_Λy_Λletixla ti' yutsllel i pusic'al Dios.

⁵ Joñonla tsa' b_Λ lac ñopo Dios woli lac pijtan laj colt_Λntel ti' p'Λ_Λlel jini Espíritu cha'an mi laj q'uejlel ti toj.

⁶ Come ti Cristo Jesús ma'anic chuqui mi' cha'len mi tsepbil lac p_Λch_Λlel, o mi mach tsepbilic lac p_Λch_Λlel. Pero jiñach mero

ganar che' ñopolix lac cha'an jini wen t'an mu' b_Λ i y_Λq'ueñonla laj c'uxbin lac b_Λ.

⁷ Ti yamb_Λ ora tsa' la' jac'Λ ti uts'at jini wen t'an. ¿Majqui tsi' m_Λc'tayetla cha'an mi la' c_Λy la' ch'ujbin i sujmllel?

⁸ Mach tilemic ti Dios mu' b_Λ i p_Λy_Λetla.

⁹ Jas_Λl ts'ita' levadura cha'an mi' laj xaxan caxlan waj.

¹⁰ C_Λy_Λlon ti lac Yum wolij c'ajtiben cha'an mi' c_Λntañetla ame mi la' jac' yamb_Λ t'an. Dios mi caj i y_Λq'uen i toj i mul majqui jach mi' tic'lañetla.

¹¹ Come ma'anic i tic'l_Λntel jini mu' b_Λ i sub tsep p_Λch_Λlel, pero joñon wolic sub jini wen t'an cha'an jini cruz. Jini cha'an wolic tic'l_Λntel.

¹² Uts'at muq'ueic i junyajlel tsepob i b_Λ cha'an mi' loq'uelob ti la' tojlel jini woli b_Λ i tic'lañetla.

¹³ Hermanojob, tsa' p_Λjyiyetla cha'an libre mi la' wajñel. W_Λle, mach la' jac'ben i tsuculel la' pusic'al che' libre añetla. Ti la' c'uxbiya coltan la' pi'Λlob.

¹⁴ Come uts'at woli la' jac' jini mandar ti pejtelel che' mi la' jac' ili t'an: “C'uxbin a pi'Λlob che' bajche' ma' c'uxbin a b_Λ”, che'en.

¹⁵ Pero mi woli la' c'ux la' b_Λ yilal, mi woli la' jach' la' b_Λ yilal, tsajiletla ame la' jisan la' b_Λ.

I y_Λc'bal jini Espíritu

¹⁶ Mic subeñetla: Cha'lenla x_Λmbal ti jini Espíritu cha'an ma'anic mi la' jac' i colosojlel la' pusic'al.

¹⁷ Come i colosojlel lac pusic'al mi' contrajin jini Espíritu. Jini Espíritu mi' contrajin lac tsucul pusic'al. Jini cha'an mach mejlic la' mel jini la' wom b_Λ la' mel.

¹⁸ Mi' woli' toj'esañetla majlel jini Espíritu, mach ch_Λn añetixla ti' wenta jini mandar.

¹⁹ Tsiquil i mul lac tsucul pusic'al. Jini mu' b_Λ i jac'ob mi' tajib i yixic, mi' cha'leñob ts'i'lel, mi' melob chuqui bibi'.

²⁰ Mi' ch'ujutesañob dios tac, mi' cha'leñob wujt, yujilob ts'a'leya yic'ot leto. Ts_Λyts_Λyña jax i pusic'al cha'an chub_Λ'añ_Λ. Yujilob mich'ajel yic'ot a'leya. Mi' t'oxob i b_Λ ti leto yic'ot ti yamb_Λ i ñopbal.

²¹ Ts_Λyts_Λyña i pusic'al cha'an i wellel yaño' b_Λ. Mi' cha'leñob jontolil, yic'ot

yac'ajel, yic'ot leco b_Λ q'uiñijel yic'ot yan tac b_Λ mach b_Λ wenic. Mic cha' subeñetla che' bajche' tsac subeyetla ti yamb_Λ ora, jini mu' b_Λ i cha'len che' bajche' jini, ma'anic mi caj i yochel ti' yum_Λntel Dios.

²² Pero i yac'bal jini Espíritu jiñach laj c'uxbiya, i tijicñayel lac pusic'al, i ñach'talel lac pusic'al, lac p'at_Λlel ti' cuchol wocol, yic'ot p'untaya, coltaya, i xuc'talel lac pusic'al,

²³ la cutslel, yic'ot i tic'ol lac pusic'al. Mach tic'bilic jini mu' b_Λ i mel bajche' iliyi.

²⁴ Pejtelel i cha'año' b_Λ Cristo tsa'ix i ch'ijiyob ti cruz i tsucul pusic'al yic'ot pejtelel i colosojlel yic'ot chuqui mi' mulan.

²⁵ Mi cuxulonla cha'an jini Espíritu, la' lac cha'len chuqui yom Dios ti' p'at_Λlel jini Espíritu.

²⁶ La' laj c_Λy lac chañ'esan lac b_Λ. Mach yomic mi lac techbeñob i mich'ajel lac pi'lob. Mach yomic tsaytsayña lac pusic'al cha'an i wenlel lac pi'lob.

6

¹ Hermanojob, mi tsa' yajli ti mulil juntiquil winic, jatetla woli b_Λ la' wajñel ti jini Espíritu, cha' toj'esanla ti' yutslel la' pusic'al. Q'uele la' b_Λ ame p_Λjyiquetla ti mulil ja'el.

² Coltán la' b_Λ ti' cuchol wocol. Che' jini mi la' jac'ben i mandar Cristo.

³ Come mi an majqui mi' lon ña'tan an i bajñel wenlel, woli jach i bajñel lotin i b_Λ.

⁴ Ti jujuntiquiletla bajñel c_Λñ_Λ la' b_Λ. Q'uele mi uts'at a melbal. Tijicñesan a pusic'al mi wen melbil, pero mach ma' chañ'esan a b_Λ ti' tojlel yaño' b_Λ cha'an a melbal.

⁵ Come an ti lac wenta lac melbal ti jujuntiquilonla.

⁶ Jini woli b_Λ ti c_Λntes_Λntel ti' t'an Dios, la' i coltan i yaj c_Λntesa yic'ot i chub_Λ'an.

⁷ Mach mi la' wac' la' b_Λ ti lotintel. Mach mejlic ti wajlentel Dios. Pejtelel chuqui jach mi' pac' winic mi caj i c'aj.

⁸ Jini mu' b_Λ i pac' chuqui tilem b_Λ ti' tsucul pusic'al, mi caj i c'aj toj mulil. Pero jini mu' b_Λ i cha'len pac' ti jini Espíritu, mi caj i c'aj i cuxtalel mach b_Λ anic mi' jilel.

⁹ Mach yomic mi lac lujban ti' melol chuqui uts'at, come tal i yorajlel mi caj lac

cha'len c'ajbal mi ma'anic mi' lujban lac pusic'al.

¹⁰ Jini cha'an la' laj coltan pejtelel winicob che' i yorajlel to. Pero ñumen yom mi laj coltan jini mu' b_Λ i ñopob Cristo.

Pablo mi' sub i ñuclél i cruz Cristo

¹¹ Q'uelela tsac ts'ibubeyetla ili jun ti colem b_Λ letra tac tij c'ab.

¹² Pejtelel yomo' b_Λ q'uejlel ti ñuc mi' wersa xic'beñetla cha'an mi la' ch'Λm tsep p_Λch_Λlel, come mach yomobic i yubin wocol cha'an i cruz Cristo.

¹³ Pero jini woli b_Λ i ch'Λmob tsep p_Λch_Λlel mach ts'ac_Λlic woli' jac'ob jini mandar. Yomob jach mi la' ch'Λm tsep p_Λch_Λlel cha'an mi' q'uelob i b_Λ ti ñuc cha'an i sellojlel ti' la' bac'tal.

¹⁴ Pero ma'anic mic s_Λclan c ñuclél ti la' tojlel, cojach mi cac' ti ñuc i cruz lac Yum Jesucristo, come ya' ti cruz tsa' jili i p'at_Λlel pañimil tic tojlel. Tsa' ch'ijleyon ti cruz cha'an ma'anic mic ch_Λn mulan i cha'an b_Λ pañimil.

¹⁵ Come ti Cristo Jesús ma'anic chuqui mi' cha'len mi tsepbil lac p_Λch_Λlel o mi mach tsepbilic lac p_Λch_Λlel. Pero mi cha' melbilonla ti tsijib jiñach yom b_Λ.

¹⁶ La' aq'uenticob i ñach'talel yic'ot i p'unt_Λntel ti Dios pejtelel mu' b_Λ i melob che' bajche' wolic subeñetla yic'ot pejtel jini mero i cha'año' b_Λ Dios.

¹⁷ Mach i ch_Λn tic'lañon majqui jach an tij contra, come tsiquil i yejtal tac c lojwel cha'an i winicon Jesús.

¹⁸ Hermanojob, la' ajnic ti la' pusic'al i yutslel lac Yum Jesucristo. Amén.

EFESIOS

¹ Pablojon, apóstolon i cha'an Jesucristo cha'an che' yom Dios. Mi c'aq'ueñetla cortesia i cha'añet b'a la Dios ya' ti Efeso mu' b'a la ñop Cristo Jesús.

² La' aq'uentiquetla i yutslel yic'ot i ñach'tilel la' pusic'al ch'oyol b'a ti Dios lac Tat yic'ot ti lac Yum Jesucristo.

An lac wenlel ti Cristo

³ La' subjic i ñuclél Dios, i Tat lac Yum Jesucristo tsa' b'a i y'aq'ueyonla ti lac majtan ya' ti panchan pejtél chuqui uts'at ti Cristo.

⁴ Come tsi' yajcayonla ti Cristo che' maxto melbilic pañimil cha'an mi la cajñel ti ch'ujul ti' tojlel, s'aq'uesablonixla ti pejtél lac mul.

⁵ Come tsi' w'an ña'ta i yotsañonla ti' yalobil ti' wenta Jesucristo cha'an c'ux tsi' yubiyonla. Che'ach tsi' mele come che'ach yom i pusic'al.

⁶ La' lac sub i ñuclél Dios cha'an i yutslel i pusic'al tsa' b'a i y'aq'ueyonla ti lac majtan ti' tojlel c'uxbibil b'a i Yalobil.

⁷ Che' b'a tsa' ch'ami Cristo, tsi' y'aq'ueyonla ti coel cha'an ti' ch'ich'el. Tsi' ñusabeyonla lac mul come wen on i yutslel.

⁸ Mach p'isbilic tsi' y'aq'ueyonla i yutslel che' b'a tsi' ts'actesa chuqui w'an ña'tabil i cha'an ti cabal i ña'tabal.

⁹ Tsi' mele ti pejtél che' bajche' yom i pusic'al. Tsi' tsictesabeyonla chuqui w'an ña'tabil i cha'an mach b'a tsictiyemic ti yamb'a ora tsa' b'a i bajñel ña'ta i yujtesan ti Cristo.

¹⁰ Mi caj i y'aq'ueñob i yuman Cristo pejtél chuqui an ti panchan yic'ot ti pañimil che' tilemix i yorajlel.

¹¹ Tsi' yajcayonla ti Cristo che' bajche' tsi' w'an ña'ta i mel, come Dios mi' lu' mel che' bajche' yom i pusic'al.

¹² Yom mi lac tsictesan i ñuclél, joñonla tsa' b'a lac ñaxan taja lac pijtaya ti Cristo.

¹³ Jatetla ja'el che' b'a tsa' la' wubi jini wen t'an, jini isujm b'a, cha'an mi la' colt'antel, tsa' la' ñopo Cristo. Tsa' otsabentiyetla jini Ch'ujul b'a Espiritu, jiñach la' sellojlel yilal tsa' b'a tili che' bajche' w'an albil.

¹⁴ Aq'uebilonla jini Espiritu cha'an mi lac ña'tan ts'acal mi caj lac ch'am ti pejtél chuqui w'an albil i cha'an Dios. Mi caj i y'aq'ueñob i cha'año' b'a cha'an mi lac tsictesan i ñuclél Dios.

Oración cha'an mi' y'aq'uentelob cabal i pusic'al

¹⁵ Tsa cubi tsa'ix la' ñopo lac Yum Jesús. C'ux mi la' wubin pejtél i cha'año' b'a Dios.

¹⁶ Jini cha'an ma'aníc mij c'ay c suben Dios wocolix i y'al'a cha'añetla che' mic tajetla ti oración.

¹⁷ Mij c'ajtiben i Dios lac Yum Jesucristo cha'an mi' y'aq'ueñetla cabal la' ña'tabal yic'ot i y'Espiritu cha'an mi la' wen ch'amben isujm chuqui woli la' p'asbentel, cha'an mi la' wen c'an lac Tat am b'a ti panchan.

¹⁸ La' i y'aq'ueñet la' ch'amben isujm chuqui woli la' pijtan, come jini cha'an tsi' p'ayayetla cha'an mi la' c'an jini uts'at tac b'a mu' b'a caj i y'aq'ueñob i cha'año' b'a.

¹⁹ Come mach p'isbilic jini ñuc b'a i p'at'alel Dios woli b'a ti e'tel ti lac pusic'al mu' b'a lac ñop. Tsi' c'aññal ti lac tojlel jini jach b'a i p'at'alel

²⁰ tsa' b'a i c'aññal i tech ch'ojoyel Cristo ba'an chameño' b'a, che' b'a tsi' buchchoco ti' ñoj ya' ti panchan.

²¹ Ñumen ñuc Cristo bajche' pejtél i yum'antel tac pañimil yic'ot ñuco' b'a i ye'tel año' b'a i p'at'alel yic'ot i yum'antel. Ñumen ñuc i ye'tel bajche' pejtél wa'chocobilo' b'a, mach cojic jach ti ili ora pero ti tal to b'a ora ja'el.

²² Dios tsi' yotsabe ti' wenta Cristo pejtél chuqui tac an. Tsi' yotsa Cristo ti' yum pejtél x'nopt'año' cha'an mi lac jac'ben ti pejtél chuqui yom.

²³ I b'ac'talonla Cristo. Mi' yajñel ti joñonla mu' b'a lac ñop. Mi' ts'actiyel i tijicñayel ti joñonla. Pejtél chuqui an mi' taj i c'ajñibal ti lac Yum.

2

Cuxulonixla ti Cristo

¹ Dios tsi' y'aq'ueyetla la' cuxtal'el che' chameñetla ti la' jontolil yic'ot ti la' mul.

² Ti yamb'a ora tsa' ajniyetla ti jontolil che' bajche' i tilel i cha'año' b'a pañimil. Tsa'

la' jac'be Satanás i yum pañimil mu' b_Λ i yumañob xibajob, jini espíritu woli b_Λ ti e'tel ti' pusic'al xñusa mandarob.

³ Ti yamb_Λ ora lajal tsa' ajniyonla che' bajche' yaño' b_Λ. Tsa' lac cha'le bajche' yom lac tsucul pusic'al yic'ot lac b_Λc'tal yic'ot lac tsucul ña't_Λbal. Tsa' lac techbe i mich'ajel Dios lajal bajche' yaño' b_Λ.

⁴ Pero cab_Λ tsi' p'untayonla Dios, cab_Λ tsi' c'uxbiyonla.

⁵ Tsi' tem aq'ueyonla laj cuxt_Λlel la quic'ot Cristo che' ch_Λmeñonla ti mulil. Colt_Λbiletla ti' yutslel i pusic'al Dios.

⁶ Tsi' techeyonla ch'ojoyel temel la quic'ot Cristo. Tsi' buchchocoyonla ti panchan la quic'ot Cristo Jesús

⁷ cha'an mi' p_Λs ti pejtelel ora bajche' tsi' p'untayonla ti on b_Λ i yutslel i pusic'al, che' b_Λ tsi' p_Λs beyonla i c'uxbiya ti Cristo Jesús.

⁸ Come colt_Λbiletla ti' yutslel i pusic'al Dios cha'an tsa' la' ñopo. Ma'anic tsa' la' bajñel colta la' b_Λ. La' majtan jach tilem b_Λ ti Dios.

⁹ Mach cha'anic wen b_Λ la' melbal, ame anic majqui mi' lon chañ'esan i b_Λ.

¹⁰ Come i melbalonla Dios. Tsi' cha' meleyonla ti Cristo Jesús cha'an mi lac mel chuqui wen. Dios tsi' w_Λn chajp_Λbeyonla la que'tel yom b_Λ mi lac mel.

Ochemonla ti junmojt ti Cristo

¹¹ Ña'tanla bajche' añetla ti yamb_Λ ora gentilet b_Λ la. Jini tsepbilo' b_Λ i p_Λch_Λlel tsi' bajñel subuyob i b_Λ ti ñuc cha'an tsepbil i p_Λch_Λlel ti c'ab winicob. Tsi' ts'a'leyetla cha'an mach tsepbilic la' p_Λch_Λlel.

¹² Ti yamb_Λ ora ma'anic Cristo la' wic'ot, mach la' pi'lobic jini israelob, mach la' cha'anic jini xuc'ul b_Λ t'an albil b_Λ i cha'an Dios, ma'anic la' pijtaya. Ma'anic la' Dios w_Λ' ti pañimil.

¹³ Pero w_Λle añetla ti Cristo Jesús, jatetla ñajt b_Λ añetla ti yamb_Λ ora. Tsa' p_Λjyiyetla ti l_Λc'Λl cha'an ti' ch'ich'el Cristo.

¹⁴ Come Cristo tsi' lajmes_Λbeyonla lac ts'a'leya che' b_Λ tsi' mele ti junmojt jini cha'mojt tejclumob, gentilob yic'ot israelob. Tsi' jeme jubel jini tsal_Λ tsa' b_Λ i t'oxoyonla.

¹⁵ Che' b_Λ tsa' ch_Λmi, tsi' jisa jini mandar yic'ot tic'oñel tsa' b_Λ i t'oxoyonla. I bajñel

tsi' mele jump'ejl tsiji' b_Λ tejclum p_Λybil b_Λ loq'uel ti cha'mojt, cha'an ñ_Λch'Λl mi la cajñel la quic'ot.

¹⁶ Ya' ti cruz, Cristo tsi' yuts'es_Λbeyonla lac pusic'al yic'ot Dios. Tsi' mele jini cha'mojt winicob ti junmojt che' b_Λ tsi' jis_Λbeyonla lac ts'a'leya.

¹⁷ Tsa' tili i subeñob jini ñajt b_Λ añob yic'ot jini l_Λc'Λl b_Λ añob cha'an ñ_Λch'Λl mi la cajñel.

¹⁸ Come ti pejtelonla tsa' b_Λ lac ñopo Cristo mi lac l_Λc'tesan lac b_Λ ba'an lac Tat ti juntiquil jach b_Λ Espíritu.

¹⁹ Jini cha'an mach ch_Λn yamb_Λyix mij q'ueletla. Añix la' wajñib quic'ot lojon. Ochemetixla yic'ot i cha'año' b_Λ Dios. Lac pi'Λlix lac b_Λ ti Dios.

²⁰ Wa'chocobiletla quic'ot lojon che' bajche' xajlel ti jump'ejl jach b_Λ otot c'acchocobil ti' pam i c'aclib tsa' b_Λ i ts'ajquiyob jini apóstolob yic'ot x'alt'añob. Jesucristo jiñ_Λch Ñuc b_Λ Xajlel ti' xujc otot.

²¹ Wen xojñibil pejtél jini otot ti Cristo Jesús. Woli ti chañ'an majlel jinto mi' yujtel ti melol jini ch'ujul b_Λ Templo i cha'an lac Yum.

²² Ti lac Yum wa'chocobiletla ja'el ti jump'ejl chumlib_Λ ba' mi' ch_Λmt_Λ Dios ti Espíritu.

3

Tsa' aq'uenti Pablo i ye'tel ti' tojlel gentilob

¹ Joñon Pablojon, xñujp'elon i cha'an Cristo Jesús cha'añetla gentilet b_Λ la.

² Mi c_Λl, tsa'ix la' wubi bajche' tsa' aq'uentiyon que'tel cha'an mi c_Λq'ueñetla la' c_Λn i yutslel i pusic'al Dios.

³ La' wujil tsa' p_Λs bentiyon i sujmlél mach b_Λ tsictiyemic ti yamb_Λ ora, che' bajche' tsac ts'ita' ts'ijbubeyetla.

⁴ Che' mi la' q'uel jini jun, mi mejlel la' ch'amben isujm jini mucul tac b_Λ tsa' b_Λ i c_Λntesayon Cristo.

⁵ Mach c_Λmbilic i cha'an winicob ti yamb_Λ ora, pero w_Λle jini Espíritu tsa'ix i tsictes_Λbeyob jini ch'ujul b_Λ apóstolob yic'ot x'alt'añob i cha'an.

⁶ Jiñ_Λch i sujmlél cha'an lajal mi caj i y_Λq'uentelob i wenlel gentilob yic'ot israelob, come jump'ejlobix i b_Λc'tal yic'ot

Cristo Jesús. Mi caj i tem aq'uentelob ti Cristo chuqui albil i cha'an Dios ti' yutslel i pusic'al.

⁷ Che' b_Λ tsi' wa'chocoyon Dios ti' yutslel i pusic'al, tsi' y_Λq'ueyon que'tel ti jini wen t'an. Tsi' tsictesa i p'at_Λlel tic tojlel.

⁸ Anquese mach ñuconic che' bajche' yaño' b_Λ i cha'año' b_Λ Dios, tsa' aq'uentiyon que'tel cha'an mic subeñoob gentilob jini wen t'an yic'ot i yutslel Cristo, cha'an mi' c_Λñoob i ñucllel Cristo mach b_Λ lu' c_Λmbilic lac cha'an.

⁹ Mic tsictes_Λbeñoob pejtelel winicob x'ixicob jini mach b_Λ tsictiyemic c'at_Λl ti' cajibal pañimil che' b_Λ tsi' mele Dios pejtelel chuqui tac an.

¹⁰ Come Dios tsi' w_Λn ña'ta i c'an jini xñopt'añoob cha'an mi' y_Λc' ti' c_Λjñel jini ñuc b_Λ i ña't_Λbal ti' tojlel yum_Λlob yic'ot ángelob año' b_Λ i ye'tel ti panchan.

¹¹ Che'ach tsi' w_Λn ña'ta i mel Dios che' maxto anic pañimil. Tsa'ix i y_Λc'at_Λ ti' ts'actiyel ti Cristo Jesús lac Yum.

¹² Ti lac Yum ch'ejl lac pusic'al mi mejlel la cochel ti' tojlel Dios cha'an tsa' lac ñopo Cristo.

¹³ Jini cha'an mic subeñetla ti wocol t'an, mach mi la' w_Λc' ti' lujb'an la' pusic'al cha'an ili wocol woli b_Λ j cuch, come an i c'ajñibal cha'an mi la' taj la' wenlel.

Oración cha'an mi' c_Λmbeñoob i c'uxbiya Cristo

¹⁴ Jini cha'an mic ñocchocon c b_Λ ti' tojlel lac Tat

¹⁵ tsa' b_Λ i y_Λq'ueyob i c'aba' jujunchajp winicob x'ixicob ti panchan yic'ot ti pañimil.

¹⁶ Mij c'ajtiben Dios, i Yum pejtelel chuqui an, cha'an mi' p'ates_Λbeñetla la' pusic'al yic'ot jini Espiritu,

¹⁷ cha'an mi' chumt_Λl Cristo ti la' pusic'al cha'an woli la' ñop. Che' jini mi caj i tam'an la' wi' che' tsats c_Λy_Λletla ti Cristo, che' c'ux mi la' wubin.

¹⁸ Com mi la' ch'amben isujm yic'ot pejtelel i cha'año' b_Λ Dios bajche' c'amel an i c'uxbiya Jesús, yic'ot bajche' an i jawtilel, yic'ot i ñajtlet, yic'ot i chanlel, yic'ot i tamlel.

¹⁹ Com mi la' c_Λmben i c'uxbiya Cristo, anquese mach lac lu' c_Λñayic, cha'an mi la' taj pejtelel jini yom b_Λ i y_Λq'ueño_Λla Dios.

²⁰ Wen cab_Λl i p'at_Λlel woli b_Λ ti e'tel ti lac pusic'al cha'an mi' mel ñumen ñuc b_Λ i ye'tel bajche' pejtelel chuqui mi laj c'ajtiben yic'ot pejtelel mu' b_Λ lac ña'tan.

²¹ La' tsictiyic i ñucllel Dios ti' tojlel jini mu' b_Λ i tempañob i b_Λ ti Cristo Jesús ti pejtelel ora. Amén.

4

Jump'ejlach i b_Λc'tal Cristo

¹ Joñon xñujp'elon cha'an lac Yum. Ti wocol t'an mic subeñetla cha'an mi la' wajñel che' bajche' yom Dios, come jini cha'an tsi' p_Λy_Λyetla.

² Ajñenla ti pec' ti' yutslel la' pusic'al. Ch_Λn cuchbeñoob i sajtemal la' pi'at_Λlob ti la' c'uxbiya.

³ Cha'lenla wersa cha'an ñ_Λch'at_Λl mi la' wajñel ti jump'ejl jach la' pusic'al ti jini Espiritu.

⁴ Jump'ejlach i b_Λc'tal Cristo ba' ochemonla. Juntiquil Espiritu. P_Λy_Λbiletla cha'an mi la' wajñel ti junsujm jach la' pijtaya come jini cha'an tsi' p_Λy_Λyetla Dios.

⁵ Juntiquil lac Yum, junsujm jach woli b_Λ lac ñop, junsujm jach ch'at_Λmja'.

⁶ Juntiquil jach Dios, lac Tat ti lac pejtelel. I yum_Λch winicob. Mi' cha'len i ye'tel ti' tojlel pejtelel winicob x'ixicob. Mi' yajñel ti la' pusic'al ti la' pejtelel.

⁷ Dios tsi' y_Λq'ueyonla ti jujuntiquilonla i yutslel i pusic'al che' bajche' lac majtan tsa' b_Λ i t'oxbeyonla Cristo.

⁸ Jini cha'an tsi' y_Λat_Λ ti salmo: "Che' b_Λ tsa' letsi majlel ti panchan Cristo, tsi' p_Λy_Λ majlel cab_Λl tsa' b_Λ c_Λjchiyob ti yamb_Λ ora. Tsi' y_Λq'ueyob i majtan tac winicob x'ixicob".

⁹ Jini tsa' b_Λ letsi majlel ti panchan, ¿mach ba' ñaxanic tsajni ti yebal lum?

¹⁰ Jini tsa' b_Λ jubi tilel, jiñ_Λch tsa' b_Λ letsi majlel ti' chañelal tac panchan cha'an mi' laj but' pejtet panchan yic'ot pañimil.

¹¹ Tsi' y_Λq'ueyob i ye'tel winicob: ñaxan apóstolob, wi'ilix x'alt'añoob, yic'ot subt'añoob, yic'ot xc_Λntayajob, yic'ot xc_Λntesajob.

¹² Laj wa'chocobilob cha'an mi' c_Λntesañoob i cha'año' b_Λ Dios cha'an mi' cha'libeñoob i ye'tel, cha'an che' jini mi' p'at'an majlel i b_Λc'tal Cristo,

13 jinto mi lac ñop ti jump'ejl jach lac pusic'al cha'an mi laj çan i Yalobil Dios ti pejtelonla, jinto mi lac taj laj coel ti Cristo cha'an mi lac tsictesan i ñucllel che' junlajalonla yic'ot.

14 Mach yomic alobon to la. Mach yomic mi lac çan ñijçayel cha'an i çantesa winicob che' bajche' i yopol te' mu' b_Λ i ñijçan ic'. Maya jax mi' melob i bajñel sojqumal cha'an mi' lotiñonla.

15 Pero joñonla mi lac sub i sujmllel yic'ot c'uxbiya. Mi lac taj laj coel ti Cristo ti pejtelel chuqui yom. Jiñach lac jol.

16 Pejtelel i b_Λc'tal Cristo mi' taj i p'at_Λlel ti' jol. Che' mi' jac'ben i jol pejtel chuchil tac b_Λ ti' b_Λc'tal, tsuyul mi' yajñel yic'ot i p'aquel. Che' uts'at mi' mel i ye'tel, mi' wen coel yic'ot cab_Λ i p'at_Λlel yic'ot cab_Λ c'uxbiya che' bajche' yom.

Tsiji' b_Λ lac pusic'al cha'an Cristo

17 Jini cha'an mic subeñetla ti lac Yum, mach yomic mi la' çan ajñel che' bajche' yaño' b_Λ gentilob, sojqum b_Λ i ña't_Λbal.

18 Añob ti ac'alel yilal. Ma'anic mi' ch'ambañob isujm, come ma'añobic i cuxt_Λlel ch'oyol b_Λ ti Dios. Mach i çañayobic come ts_Λsatax i pusic'al.

19 Tsa' ñam'ayob i pusic'al ti mulil. Tsa'ix i junyajlel ac'ayob i b_Λ ti jontolil. Añob i wo'lel ti jujunchajp i bibi'lel.

20 Pero Cristo mach che'ic tsi' çantesayetla.

21 Tsa'ix la' wubibe i t'an ti isujm, come çantes_Λbiletla ti Jesús bajche' yom mi la' wajñel.

22 Yom mi la' çay i tsuculel la' pusic'al tsa' b_Λ i lotiyetla che' b_Λ tsa' la' jac'la ti yamb_Λ ora, come tuwix yubil cha'an i colosojlel.

23 La' mejlic la' pusic'al ti tsijib yic'ot la' ña't_Λbal.

24 Yom mi la' ch'am tsiji' b_Λ la' pusic'al melbil b_Λ ti toj ti isujm cha'an ch'ujul mi la' wajñel che' bajche' Dios.

25 Jini cha'an çay_Λla lot. Cha'lenla t'an ti isujm ti jujuntiquiletla yic'ot la' pi'lob, come lac pi'lob_Λch lac b_Λ.

26 Mi tsa' tejchi la' mich'ajel, mach la' cha'len mulil. Mach yomic çan mich'etla che' mi' b_Λjlel q'uin.

27 Mach yomic mi la' wis jamben la' pusic'al xiba.

28 Jini tsa' b_Λ i cha'le xujch' mach i çan cha'len. La' i cha'len e'tel. La' i c'lan i c'ab cha'an wen b_Λ i ye'tel. Che' jini mi mejlel i y_Λq'uen i chub_Λ'an jini anto b_Λ yom i cha'an.

29 Mach yomic mi la' c'lan la' wej ti jontol b_Λ t'an. Yom jach mi la' sub chuqui uts'at cha'an mi la' p'atesan jini mu' b_Λ i yubiñob, cha'an mi la' w_Λq'ueñob i yutslel i pusic'al.

30 Mach la' w_Λq'uen i ch'ijiyemlel i pusic'al jini Ch'ujul b_Λ Espiritu tsa' b_Λ la' taja ti Dios, come jiñach la' sellojlel ti jini tal to b_Λ q'uin che' mi caj i tsictiyel majqui i cha'añetla.

31 Çay_Λla ti junyajlel: ts'a'leya, mich'ajel, a'leya, mich' b_Λ t'an, u'yaj t'an, yic'ot pejtelel jontolil.

32 Yom mi la' coltan la' pi'lob ti' yutslel la' pusic'al. P'untan la' pi'lob. Ñus_Λben la' b_Λ la' mul che' bajche' Dios tsi' ñus_Λbeyetla la' mul ti Cristo.

5

Ajñenla che' bajche' yom

1 Tsajcanla i melbal Dios, come c'uxbibil b_Λ i yalobiletla.

2 Ti pejtelel chuqui mi la' mel c'uxbin la' b_Λ che' bajche' tsi' c'uxbiyonla Cristo. Tsi' y_Λc'la i b_Λ ti çamel cha'añonla che' bajche' ts_Λns_Λbil b_Λ i majtan Dios, che' bajche' ofrenda xojocña b_Λ i yujts'il.

3 Mach yomic mi la' taj la' wixic. Mach la' cha'len chuqui bibi'. Mach la' ts_Λjyun chub_Λ'añal. Che' leco chuqui mi' yujtel ti la' tojlel, mach yomic mi la' çan al, come mach i t'ojolic ti' tojlel i cha'año' b_Λ Dios.

4 Mach yomic bibi' la' t'an, mi sojqum, mi alas t'an, pero yom mi la' suben Dios wocolix i y_Λla.

5 Come la' wujil ti isujm, ma'anic mi caj i yochel ti' yum_Λntel Cristo yic'ot Dios jini mu' b_Λ i cha'len ts'i'lel mi jini am b_Λ i bibi'lel i pusic'al, mi jini ts_Λyts_Λyña b_Λ i pusic'al cha'an chub_Λ'añal. Come i ts_Λyts_Λnyiel lac pusic'al cha'an chub_Λ'añal lajalach bajche' i c'uxbintel dioste'.

6 Mach yomic mi la' jac' lot yic'ot lolom jach b_Λ t'an, come jini cha'an tal i mich'ajel Dios ti' contra xñusa mandarob.

7 Mach mi la' çan majlel yic'otob.

8 Ti yambΛ ora añetla ti ic'ch'ipan bΛ pañimil. WΛle añetla ti' sΛclel pañimil yic'ot lac Yum. Ajñenla che' bajche' jini año' bΛ ti' sΛclel pañimil.

9 Come i yΛc'bal jini Espíritu jiñach pejtelel chuqui uts'at yic'ot pejtelel chuqui toj yic'ot pejtelel chuqui isujm.

10 Cha'lenla wersa la' mel jini mu' bΛ i mulan lac Yum.

11 Mach mi la' mel lolom jach bΛ che' bajche' jini año' bΛ ti ic'ch'ipan bΛ pañimil. Yom mi la' tsictesΛbeñob i mul.

12 Come quisintic jax ti' yΛlol chuqui mi' mucul melob.

13 Che' mi lac lu' ac' ti' sΛclel pañimil, mi caj i tsictesan mi wen o mi jontol.

14 Jini cha'an albilix: “Caña a wut woliyet bΛ ti wΛyel. Ch'ojyen loq'uel ti ic'ch'ipan bΛ pañimil ba'an chΛmeño' bΛ. Cristo mi caj i yΛq'uet ti ajñel ti' sΛclel pañimil”.

15 Yom yΛxΛl la' wo che' bajche' jini año' bΛ i pusic'al. Tsajaletla ame mi la' ñusan q'uin che' bajche' jini tontojo' bΛ.

16 Ti pejtelel q'uin pΛsΛ la' bΛ ti uts'at, come cabΛ woli' p'ojlel jontolil ti ili ora.

17 Jini cha'an mach la' mel la' bΛ ti tonto, pero ña'tanla chuqui yom lac Yum.

18 Mach yomic mi la' yΛc'an ti vino, come jiñach la' wo'lel yujil bΛ jisaya, pero yom but'uletla ti jini Espíritu.

19 Pejcan la' bΛ ti salmo tac, yic'ot himno, yic'ot c'ay i cha'an Dios. C'Λyin lac Yum ti la' pusic'al, subula i ñuclel.

20 Pejtelel ora subenla Dios lac Tat wocolix i yΛΛ ti' c'aba' lac Yum Jesucristo cha'an pejtelel chuqui jach mi' yujtel.

Jac'ben la' pi'Λlob ti uts'at

21 Ti jujuntiquiletla jac'ben la' pi'Λlob ti uts'at cha'an woli la' bΛc'ñan Dios.

22 X'ixicob, ac'Λ la' bΛ ti utsat ti' wenta la' ñoxi'al che' bajche' mi la' jac'ben lac Yum.

23 Come jini winic i yumΛch x'ixic che' bajche' Cristo i yumΛch xñopt'añob. Come jiñobach i bΛc'tal Cristo jini xñopt'añob mu' bΛ i tempañob i bΛ. Cristo jiñach la caj Coltaya.

24 Jini cha'an la' i jac'beñob i t'an i ñoxi'al x'ixicob ti pejtelel chuqui mi' melob che' bajche' mi' jac'beñob i t'an Cristo xñopt'añob.

25 Winicob, c'uxbin la' wijñam che' bajche' Cristo tsi' c'uxbi i cha'año' bΛ. Tsi' yΛc'Λ i bΛ ti chΛmel cha'año

26 cha'an mi' yotsañob ti ch'ujul, cha'an mi' sΛq'uesañob ti' t'an che' bajche' ti ja'.

27 Cristo mi caj i cΛntan i cha'año' bΛ cha'an i t'ojol jax mi' q'uejlelob ya' ti' tojlel che' ma'anic i pΛjq'uemal tac mi i sojwic'lel tac mi i mul mi yambΛ i bibi'lel, che' ch'ujulob.

28 Yom mi' c'uxbiñob i yijñam winicob che' bajche' mi' bajñel c'uxbiñob i bΛc'tal. Jini mu' bΛ i c'uxbin i yijñam woli' bajñel c'uxbin i bΛ.

29 Ma'anic winic mu' bΛ i ts'a'len i bΛc'tal. Mi' we'esan, mi' cΛntan ti uts'at che' bajche' Cristo mi' cΛntan i cha'año' bΛ.

30 Come i bΛc'talonla Cristo. CΛyΛlonla ti' tojlel.

31 Jini cha'an mi' cΛy i tat i ña' winic cha'an mi' yajñel yic'ot i yijñam. Jini cha'tiquil mi' yochelob ti juntiquil jach.

32 Jiñach ñuc bΛ i sujmllel mach bΛ tsic-tiyemic ti yambΛ ora. Wolice subeñetla ti lajiya cha'an mi la' ña'tan bajche' mi' yajñel Cristo yic'ot xñopt'añob mu' bΛ i tempañob i bΛ.

33 Jini cha'an ti jujuntiquiletla yom mi la' c'uxbin la' wijñam che' bajche' mi la' bajñel c'uxbin la' bΛ. Jini x'ixic la' i q'uel ti ñuc i ñoxi'al.

6

Allob yic'ot tatalob

1 Alobob, ch'ujbiben i t'an la' tat la' ña', come che'Λch yom lac Yum tsa' bΛ i yot-sayetla ti' wenta.

2-3 Q'uele ti ñuc a tat a ña' cha'an ma' taj a wenlel yic'ot cabΛ a jabilel ti pañimil. Dios tsi' yΛq'ueyonla ili mandar cha'an mi lac taj chuqui albil i cha'an.

4 Tatalob, mach yomic mi la' techbeñob i mich'ajel la' walobilob. Ju'sΛbeñob i pusic'al che' woliyob ti colel. CΛntesañob ti lac Yum.

X'e'telob yic'ot yumΛlob

5 X'e'telob jac'ben la' yum ti pañimil ti bΛq'uen yic'ot ti' pec'lel la' pusic'al che' bajche' ti' tojlel Cristo.

6 Mach cha'anic jach mi la' q'uejlel ti uts'at ti winicob, pero yic'ot pejtelel la' pusic'al, che' bajche' x'e'telob i cha'an Cristo, cha'lenla che' bajche' yom Dios.

7 Cha'libenla i ye'tel la' yum ti pañimil che' bajche' ti' tojlel lac Yum, mach ti' wutic jach winicob.

8 La' wujil, chuqui jach mi lac mel ti jujuntiquilonla, mi caj lac ch'Λm lac chobejtΛbal ch'oyol bΛ ti lac Yum. Lajal mi' ch'Λmob jini año' bΛ ti' yum yic'ot mach bΛ año'bic ti' yum.

9 YumΛlob, yom mi la' c'uxbin x'e'telob la' cha'an. CΛyΛ la' bΛc'tesañob, come ña'tΛbil la' cha'an an juntiquil YumΛl ti panchan, la' Yum, jiñach i Yum ja'el. Dios mach jelchojquic jach mi' c'uxbin winicob.

Xojo pejtel a mactijib mu' bΛ i yΛq'ueñet Dios

10 Che' ja'el, quermanojob, p'Λtesan la' bΛ ti lac Yum come cabΛ i p'ΛtΛlel mu' bΛ i yΛq'ueñetla.

11 Xojola pejtelel la' mactijib mu' bΛ i yΛq'ueñetla Dios cha'an mi la' wajñel ti uts'at ame i lotiñetla xiba.

12 Ma'anic woli laj contrajin winicob año' bΛ i bΛc'tal yic'ot i ch'ich'el. Pero woli laj contrajin xibajob año' bΛ i ye'tel yic'ot i p'ΛtΛlel, woli bΛ i melob i yumΛntel ti ic'ch'ipan bΛ pañimil, yic'ot jontol bΛ espíritujob ti pañimil.

13 Jini cha'an ch'ΛmΛla pejtelel la' mactajib mu' bΛ i yΛq'ueñetla Dios cha'an xuc'ul mi la' wajñel che' mi' tajetla wocol. Che' bΛ tsa'ix ñumi la' cha'an ti pejtelel, yom chΛn xuc'uletla.

14 Yom chajpΛbiletla che' bajche' soldado yic'ot isujmlel i t'an Dios, i wenta la' cajchiñac', cha'an uts'at mi la' cha'len xΛmbal. LΛpΛla toj bΛ la' pusic'al i wenta la' bujc.

15 Yom chajpΛbil la' woc cha'an mi la' majlel yic'ot jini wen t'an mu' bΛ i yuts'esan lac pusic'al yic'ot Dios.

16 Che' ja'el, chucu la' mactajib ti la' c'Λb cha'an mi la' yΛpben i jalΛjb xiba woli bΛ ti lejmel i ñi'. Jini lac mactajib chucul bΛ ti la' c'Λb, jiñach i ñopol Dios.

17 C'ΛcΛla i mactajib la' jol, jiñach la' coltΛntel. Chucula jini espada mu' bΛ i c'Λn

Espíritu cha'an mi' mel i ye'tel, jiñach i t'an Dios.

18 Cha'lenla oración ti pejtelel ora ti jini Espiritu. Yom mi la' chΛn c'ajtiben chuqui anto yom la' cha'an. Yom yΛxΛl la' wo cha'an mi la' chΛn taj ti oración pejtelel i cha'año' bΛ Dios.

19 Cha'lenla oración cha'año' ja'el, cha'an mi cΛq'uentel t'an ba' ora com c sub, cha'an ch'ejl mi cΛc' ti cΛjñel jini wen t'an mach bΛ tsictiyemic ti yambΛ ora.

20 Come chocbilon tilel cha'an mic sub i t'an Dios. Jini cha'an cΛchΛlon ti cadena. C'ajtiben Dios cha'an ch'ejl mic sub jini wen t'an che' bajche' yom.

Iyutslel i t'an

21 La quermano Tíquico, c'uxbibil bΛ hermano, xuc'ul bΛ x'e'tel i cha'an lac Yum, mi caj i laj subeñetla cha'an mi la' ña'tan bajche' año' yic'ot chuqui wolic mel.

22 Jini cha'an mic choc tilel ba' añetla cha'an mi la' ña'tan bajche' año' lojon cha'an mi' ñuq'uesΛbeñetla la' pusic'al.

23 La' aq'uenticob la quermanojob i ñach'tilel i pusic'al, yic'ot c'uxbiya, yic'ot i xuc'tilel i pusic'al ch'oyol bΛ ti Dios lac Tat yic'ot ti lac Yum Jesucristo.

24 La' aq'uenticob i yutslel i pusic'al pejtelelob mu' bΛ i c'uxbiñob lac Yum Jesucristo ti pejtelel ora.

FILIPENSES

¹ Pablojon quic'ot Timoteo, i winicon lojon Jesucristo. Wolic ts'ijbubeñet lojon ili jun, pejtelel i cha'añet b_Λ la Cristo Jesús ya' ti Filipos, yic'ot xc_Λantayajob yic'ot diáconojob.

² La' aq'uentiquetla i yutslel yic'ot i ñ_Λch't_Λlel la' pusic'al ch'oyol b_Λ ti Dios lac Tat yic'ot lac Yum Jesucristo.

Pablo tsi' cha'le oración cha'an xñopt'añob ya' ti Filipos

³ Ti jujunyajl che' mic ña'tañetla, mic suben c Yum Dios wocolix i y_ΛΛ.

⁴ Ti pejtelel ora che' mic tajetla ti oración, mij c'ajtiben Dios la' wenlel ti' tijicñ_Λyel c pusic'al.

⁵ Mic suben wocolix i y_ΛΛ, come c'Λ_Λ ti' cajibal che' b_Λ tsa' caji la' ñop c'Λ_Λ w_Λle, woli la' coltañon ti' pucol jini wen t'an.

⁶ Cujil Dios mi caj i ts'actesan majlel jini wen b_Λ e'tel tsa' b_Λ i teche ti la' pusic'al c'Λ_Λ ti' q'uiñilel Jesucristo.

⁷ Che'Λch yom mic ch_Λñ ña'tañetla ti la' pejtelel ti pejtelel ora, come añetla tic pusic'al. Jini cha'an woli la' tajben i yutslel i pusic'al Dios quic'ot, come ch_Λñ xuc'ulon ti jini wen t'an w_Λ' ba' ñup'ulon. Wolic ch_Λñ tsictesan i sujmllel.

⁸ Yujil Dios ti pejtelel c pusic'al mic wen c'uxbiñetla ti la' pejtelel yic'ot i c'uxbiya Jesucristo.

⁹ Mij c'ajtiben ti oración cha'an mi' ch_Λñ p'ojlel la' c'uxbiya yic'ot la' ña't_Λbal yic'ot cab_Λ la' pusic'al,

¹⁰ cha'an mi la' yajcan chuqui ñumen wen, cha'an mi la' wajñel, ti' s_Λc_Λlel la' pusic'al ti' tojlel la' pi'Λlob c'Λ_Λ ti' q'uiñilel Cristo,

¹¹ cha'an cab_Λ mi' y_Λc' i wut toj b_Λ la' pusic'al ti' tojlel Jesucristo. Che' jini, mi caj i tsictiyel i ñucllel Dios. Mi caj i subentel wocolix i y_ΛΛ.

Che' cuxulon to w_Λ'to mic ch_Λñ ajñel cha'an Cristo

¹² Com mi la' ña'tan hermanojob, jini wocol tsa' b_Λ cubi tsi' y_Λc'Λ ti utsi pujquel jini wen t'an

¹³ ti' tojlel pejtelel i soldadojob César woliyo' b_Λ ti c_Λntaya, yic'ot yañob' b_Λ ja'el. Laj yujilob ñup'ulon cha'an Cristo.

¹⁴ Tsa' ch'ejl'ayob ti lac Yum cab_Λ la quermanojob cha'an ñup'ulon. Ñumen ch'ejl woli' subob jini wen t'an. Ma'añobix i b_Λq'uen.

¹⁵ Isujm an winicob mu' b_Λ i subob i t'an Cristo yic'ot i ts_Λyts_Λyñ_Λyel i pusic'al tic tojlel, cha'an mi' t'oxob hermanojob. Pero yañob' b_Λ mi' subob i t'an Cristo cha'an yomob i mel chuqui uts'at.

¹⁶⁻¹⁷ Woliyob ti subt'an come woli' c'uxbiñob. Ña't_Λbil i cha'añob wa'chocobilon ti Dios cha'an mic tsictesan i sujmllel jini wen t'an. Pero yañob' b_Λ mi' cha'leñob subt'an, come yomob i yots_Λbeñon i ts_Λyts_Λyñ_Λyel c pusic'al. Yomob i p'ojles_Λbeñon c wocol ilayi ti m_Λjquib_Λ.

¹⁸ ¿Chuqui mi c_Λ, che' jini? Mi woli' subob i t'an Cristo cha'an yomob i bajñel chañ'esan i b_Λ, o mi woli' subob ti jump'ejl i pusic'al, tijicñayon cha'an woli ti sujbel. Ch_Λñ tijicña mi cubin.

¹⁹ Come cujil mi caj c_Λj_q'uel ti colel cha'an la' woración yic'ot i ye'tel i yEspíritu Jesucristo.

²⁰ Come che'Λch com ja'el ti pejtelel c pusic'al. Mi c_Λ ma'anic mi caj c_Λj_q'uel ti quisin mi ts'ita'ic, pero ti pejtelel c ch'ejllel che' bajche' ti yamb_Λ ora, che' ja'el w_Λle, mi caj i p_Λst_Λ i ñucllel Cristo tic tojlel mi cuxul to mi cajñel, o mi mux c ch_Λmel.

²¹ Come cuxul Cristo tic pusic'al. Jiñ_Λch j cuxtalel. Mi tsa' ch_Λmiyon ñumen tijicñayon ti' tojlel.

²² Pero mi anto j c'Λjñibal w_Λ' ti pañimil ti' tojlel xñopt'añob, mach cujilic baqui b_Λ yom mic yajcan.

²³ Come woli ti ch_Λñ q'uext_Λyel c pusic'al cha'an cha'chajp wolic ña'tan. Comix ch_Λmel cha'an mi cajñel yic'ot Cristo. Jiñ_Λch c'ax uts'at b_Λ.

²⁴ Pero yom to mic ch_Λñ ajñel quic'otetla cha'an mij c_Λntesañetla.

²⁵ Che'Λch wolic ña'tan. Jini cha'an cujil mu' to cajñel quic'otetla, cha'an mi' p'ojlel la' wenlel yic'ot i tijicñ_Λyel la' pusic'al ti' ñopol Cristo.

26 Che' jini mi caj i p'ojlel i ñucllel la' pusic'al ti Cristo Jesús cha'añon che' mic cha' c'otel ba' añetla.

27 Yom jach mi la' wajñel ti uts'at che' bajche' mi' cantesañonla i wen t'an Cristo. Che' jini mi tsaj q'ueleyetla, o mi ma'anic tsaj q'ueleyetla, mi caj cubin xuc'uletla ti jump'ejl la' pusic'al, che' temel mi la' cha'len wersa cha'an mi' ñojpel jini wen t'an.

28 Mach yomic mi la' wis bac'ñan la' contrajob. Che' jini tsiquil ti' tojlelob mi caj i jisantelob, pero mi caj la' coltantel cha'an Dios.

29 Come aq'uebiletla la' c'ajñibal ti Cristo, mach cojic jach cha'an mi la' ñop, pero cha'an ja'el mi la' wubin wocol cha'an Cristo.

30 Lajal woli' yujtel wocol ti la' tojlel che' bajche' tic tojlel come wolic ñusan wocol che bajche' tsa' la' wubi.

2

Cristo tsi' peq'uesa i ba

1 An i ñuq'uesantel lac pusic'al ti Cristo yic'ot c'uxbiya. Mi lac wen can lac ba' ti jini Espiritu. Mi laj c'uxbin lac ba, mi lac p'untan lac ba.

2 Jini cha'an ts'actesabeñon i tijicñayel c pusic'al. Yom junlajal la' ña'tabal yic'ot la' c'uxbiya yic'ot la' t'an. Yom jump'ejl jach la' pusic'al.

3 Mach yomic chuqui mi la' wis mel ti' tsaytsayñayel la' pusic'al cha'an mi la' chañ'esan la' ba. Pero yom pec' mi la' mel la' ba. Yom ñumen ñuc mi la' q'uel la' pi'lob che' bajche' mi la' bajñel q'uel la' ba.

4 Mach jinic jach la' bajñel wenlel yom mi la' ña'tan pero i wenlel la' pi'lob ja'el.

5 Yom lajal la' ña'tabal che' bajche' i ña'tabal Cristo Jesús.

6 Che' junlajal Jesús yic'ot Dios, ma'anic tsi' wersa ña'ta i yajñel che' bajche' Dios.

7 Pero tsi' wen peq'uesa i ba. Tsa' ajni che' bajche' juntiquil am ba' ti' yum. Tsi' yila pañimil che' bajche' winic.

8 Che' ba' tsa' ajni bajche' winic, tsi' peq'uesa i ba. Tsi' wen jac'be Dios c'alal tsi' yac'la i ba' ti chamel ya' ti cruz.

9 Jini cha'an Dios tsi' yaq'ue c'ax cabal i ñucllel ya' ti' tojlel. Tsi' yaq'ue ñumen ñuc ba

i c'aba' che' bajche' pejtelel ñuco' ba' am ba' i ye'tel.

10 Cha'an ti' c'aba' Jesús mi caj i ñocchocoñob i ba' pejtelel año' ba' ti panchan yic'ot ti pañimil yic'ot ti' mal lum.

11 Ti pejtelelob mi caj i yalob Yumalach Jesucristo cha'an mi' tsictesañob i ñucllel Dios lac Tat.

La' tsictiyic la' saclel ti pañimil

12 Jini cha'an hermanojob, c'uxbibil ba' c cha'an, che' bajche' tsa' la' jac'beyon che' ya' to añon la' wic'ot, ñumen wen woli la' jac' wale che' mach ya'ic añon. Ti' tsiltsilñayel la' pusic'al yic'ot ba'q'uen yom mi la' chan cha'len chuqui uts'at cha'an mi' tsictiyel woli la' coltantel.

13 Come Dios woli' mel i ye'tel ti la' pusic'al cha'an mi la' mulan yic'ot cha'an mi la' mel chuqui yom Dios.

14 Melela ti pejtelel la' pusic'al. Mach yomic mi la' cha'len wulwul t'an mi a'leya.

15 Che' jini toj mi caj la' wajñel ti jump'ejl la' pusic'al, i yalobiletla Dios. Che' jini ma'anic la' bibi'lel anquese joyoletla ti jini mach ba' tojobic i pusic'al, jini sojquemob jax ba. Mi' tsictiyel la' saclel ti' tojlelob che' bajche' ec'

16 che' woli la' pas jini cuxul ba' t'an. Che' jini, tijicña mi caj cubin ti' q'uiñilel Cristo cha'an mach lolomic jach que'tel.

17 Tsa'ix la' ñopo Cristo tsa' ba' i yac'la i ba' i wenta tsansabil ba' i majtan Dios. Mi che'ach yom mic chamel ja'el cha'an xuc'ul mi la' ñop, tijicñayon mi tsa' mejli c ñuq'uesabeñetla la' pusic'al.

18 Jini cha'an yom tijicñayetla. Yom mi la' ñuq'uesabeñon c pusic'al ja'el.

Timoteo yic'ot Epafrodito

19 Mi cal mach jalic mi caj i coltañon lac Yum Jesús, cha'an mic choc tilel Timoteo ba' añetla, cha'an mi' ñuc'an c pusic'al che' mi cubin bajche' añetla.

20 Come ma'anic yamba' c pi'al ilayi lajal bajche' Timoteo mu' ba' i ña'tan la' wenlel ti jump'ejl i pusic'al.

21 Ti pejtelelob mi' ña'tañob i bajñel wenlel. Ma'anic mi' ña'tañob chuqui yom Cristo Jesús.

22 La' wujil an cabal i c'ajñibal Timoteo. Che' bajche' ch'iton mi' coltan i tat ti e'tel, tsi' coltayon Timoteo ti' pucol jini wen t'an.

23 Jini cha'an com c choc majlel ya' ba' añetla che' mic ña'tan chuqui anto yom tic tojlel.

24 Mi cal mach jalix mi caj i coltañon lac Yum cha'an mic tilel ja'el ba' añetla.

25 Tsac ña'ta ja'el yom mic choc majlel ba' añetla quermano Epafrodito, c pi'al ti e'tel ti jini wen ba' guerra. Chocbil tilel la' cha'an, tsi' wen coltayon.

26 Wersa yom i q'ueletla ti la' pejtelel, come tsi' wen mele i pusic'al cha'an tsa' la' wubi c'am.

27 Isujm tsa' wen c'am'a Epafrodito. Colel tsi' yala chamel. Pero Dios tsi' p'unta. Mach jinic jach tsi' p'unta Epafrodito, tsi' p'untayon ja'el, ame p'ojlic i ch'ijiyemlel c pusic'al.

28 Jini cha'an com c bac' choc majlel ba' añetla, cha'an cha' tijicña mi la' wubin che' mi la' q'uel, cha'an che' jini mi' lajmel jini c tsic pusic'al ja'el.

29 Palyala ochel ti lac Yum ti' tijicñayel la' pusic'al. Q'uelela ti ñuc pejtél mu' ba' i melob che' bajche' Epafrodito.

30 Come cha'an ti' ye'tel Cristo colel tsi' yala chamel. Tsi' yac'la i ba' ba' bablaq'uen mi' chamel cha'an mi' ts'actesabeñetla chuqui anto yom melol tic tojlel.

3

Wolic cha'len ajñel cha'an mij c'otel ya' ba' jaxal c bijlel

1 Hermanojob, anto yom mi la' tijicñesan la' pusic'al ti lac Yum. Isujm, ma'anic mic lujban c cha' ts'ijbubeñetla jini jach ba' t'an. Che'ach yom cha'an mi la' wen jac'.

2 Tsajiletla come an winicob lajalo' ba' bajche' ts'i'. Chaca q'uele la' ba' ti' tojlel jini mu' ba' i cha'leñob jontolil. Chaca q'uele la' ba' ti' tojlel jini woli ba' i subob wersa mi' tsejpel lac pachalel cha'an mi laj coltantel.

3 Tsepbil lac pachalel ti isujm, joñonla mu' ba' lac ch'ujutesan Dios ti Espíritu. Mi' ñuc'an lac pusic'al ti Cristo Jesús. La cujil mach mejlic lac bajñel coltan lac ba'.

4 Mi an majqui tsi' lon ña'ta i bajñel coltan i ba, che' ja'el joñon. Mi an majqui mi mejlel i pas i ba ti ñuc ti' tojlel Dios, ñumen joñon.

5 Come tsac ch'ama tsep pachalel che' waxacp'ejl jaxto j q'uiñilel. Loq'uemon ti' p'olbal israelob, ti' p'olbal Benjamín. Hebreojon come puro hebreojob c ñojte'el. Fariseojon cha'an ti' jac'ol mandar.

6 Cabal tsac tic'la xñopt'añob mu' ba' i tempañob i ba. Ma'anic c mul ti' tojlel jini mandar.

7 Pero lolom jach pejtél c bajñel ñucel. Tsac ña'ta la'ix sajtic cha'an mij c'uxbintel ti Cristo.

8 Isujm, ma'anic i c'ajñibal jini tsa' ba' c ñaxan q'uele ti ñuc come ñumen ñuc i cañol Cristo Jesús, c Yum. Cha'an Cristo wolij q'uel bajche' misujelal pejtelel tsa' ba' j q'uele ti ñuc ti yamba ora cha'an mic taj c wenlel ti Cristo,

9 cha'an mi cajñel ti' tojlel. Mach cha'anic ti' jac'ol mandar wolic taj, pero cha'an wolic ñop Cristo, come Dios mi' yaq'ueñonla toj ba' lac pusic'al che' mi lac ñop.

10 Com jach j can Cristo yic'ot i p'atlel Dios tsa' ba' i teche ch'ojyel. Com camben i wocol cha'an mic chamel lajal bajche' tsa' chami,

11 cha'an mic cha' ch'ojyel ja'el ti' tojlel chameño' ba, bajche' jach mi' yujtel, cha'an mi cajñel ti tsiji' ba' j cuxtalel.

Yom mi lac cha'len wersa

12 Maxto anic tsac taja pejtelel jini. Maxto ts'actiyemic c wenlel. Wolic cha'len wersa cha'an ts'acal mic taj chuqui yom i yaq'ueñon Cristo Jesús tsa' ba' i tajayon.

13 Hermanojob, ma'anic wolic ña'tan mi ts'acal tsac taja, pero junsujm jach wolic ña'tan: Wolic ñajatesan jini am ba' tic pat. Wolic cha'len wersa cha'an mic taj jini am ba' ti' tojel c wut.

14 Wolic cha'len wersa che' bajche' x'ajñel cha'an mij c'otel ya' ba' jaxal c bijlel cha'an mic taj jini c'ax uts'at ba. Dios woli' payon ti chan ti Cristo Jesús, jiñach jini c'ax uts'at ba.

15 Jini cha'an, ti pejtelelonla tsa' ba' lac taja laj colel, che'ach yom mi lac ña'tan ti lac pusic'al. Mi tilel bixel la' pusic'al, Dios mi caj i pasbeñetla.

16 Mi an chuqui tsa' lac taja ti Cristo, la' lac ch_{AN} tsajcan ti jump'ejl lac pusic'al che' bajche' c_{ANTES}abilonla, che' bajche' tsa' lac mele c'_{AL}l_{AL} w_{AL}le.

17 Hermanojob, melela che' bajche' wolic mel. Wen q'uelela jini mu' b_A i melob che' bajche' joñon lojon.

18 Come woli' yujtel che' bajche' tsac w_{AN} subeyetla. Cab_{LOB} ti la' tojlel woli' contrajiñob i cruz Cristo. Wolic cha' subeñetla yic'ot i ya'lel c wut.

19 Mi caj i jis_{AN}telob come woli' diosiñob chuqui yom i b_{AC}'tal. Mi' lon q'uelob i b_A ti ñuc cha'an i melbalob anquese quisintic. Mi' y_{AC}'ob ti' pusic'al chuqui jach an ti pañimil.

20 Pero joñonla an lac lumal ya' ti panchan ba' mi caj lac taj la caj Coltaya, lac Yum Jesucristo woli b_A lac pijtan.

21 Jini mi caj i q'ux_{TA}beñonla lac b_{AC}'tal am b_A i tsuculel cha'an lajal mi' yajñel bajche' i b_{AC}'tal lac Yum am b_A i ñuclel, come an i p'_{AT}lalel cha'an mi' ch'_{AM} ti' wenta pejtelel chuqui tac an.

4

Tijicñesan la' pusic'al ti lac Yum Jesucristo ti pejtelel ora

1 C'uxbibil b_A quermanojob, com j q'ueletla. Mic taj c tijicñ_{AY}el yic'ot c ñuclel ti jatetla. Jini cha'an ajñenla ti xuc'ul ti lac Yum, c'uxbibilet b_A la.

2 Ti wocol t'an mic subeñet Evodia yic'ot Síntique, yom jump'ejl la' pusic'al ti lac Yum.

3 Che' ja'el ti wocol t'an mic subeñetla, mero c pi'_{LET} b_A la ti e'tel, coltan jini x'ixicob tsa' b_A i cha'leyob e'tel quic'ot ti jini wen t'an, yic'ot ja'el Clemente, yic'ot yaño' b_A c pi'_{LOB} ti e'tel chucbilo' b_A i c'aba' ti' jun Dios yic'ot pejtela año' b_A i cuxtalel.

4 Tijicñesan la' pusic'al ti lac Yum ti pejtelel ora. Mic cha' subeñetla: Tijicñesan la' pusic'al.

5 P_{AS}beñob i yutslel la' pusic'al pejtelel winicob. L_{AC}'alix an lac Yum.

6 Mach mi la' cha'len tsic pusic'al pero ti pejtelel chuqui tac mi' yujtel subenla Dios chuqui tac yom ti oración. Ch_{AN} c'ajtibenla. Subenla wocolix i y_{AL}.

7 Che' jini, i ñ_{ACH}'t_{LEL} la' pusic'al ch'oyol b_A ti Dios mi caj i c_{ANTAN} la' pusic'al yic'ot la' ña't_{ABAL} ti Cristo Jesús. Ma'anic i p'isol i ñ_{ACH}'t_{LEL} lac pusic'al mu' b_A i y_{ALQ}'ueñonla.

Ña'tanla pejtelel jini

8 Che' ja'el hermanojob yom mi la' ña'tan chuqui tac isujm, chuqui tac toj, chuqui tac uts'at, chuqui tac s_{AC}, chuqui tac i t'ojol, chuqui tac wen. Mi an chuqui c'ax wen, mi an chuqui yom sujbel ti ñuc, ña'tanla.

9 Melela ti pejtelel che' bajche' c_{ANTES}abiletla, che' bajche' tsa' la' ñopo, che' bajche' tsa' la' wubi ti joñon, che' bajche' tsa' la' q'uele ti joñon. Che' jini mux i yajñel Dios la' wic'ot. Jiñ_{ACH} mu' b_A i y_{ALQ}'ueñonla i ñ_{ACH}'t_{LEL} lac pusic'al.

Tsa' aq'uenti i majtan Pablo

10 C'ax tijicña c pusic'al ti lac Yum w_{AL}e come tsa' cha' caji la' coltañon. Anix ora la' wom, pero ma'anic tsa' mejli la' taj bajche' mi la' coltañon.

11 Ma'anic woli c_{AL} mi an to chuqui yom c cha'an. Come kujil ajñel ti tijicña bajche' jach añon.

12 Cujil c ñusan wocol che' ma'anic c chub_A'an. Cujil wen chumt_{AL} ja'el che' cab_{AL} c chub_A'an. C_{ANTES}abilon cha'an mi cajñel ti tijicña bajche' jach añon, chuqui jach mi' yujtel, mi ñajon, mi wi'ñayon, mi an cab_{AL} c chub_A'an, o mi anto yom c chub_A'an.

13 Ti Cristo mu' b_A i p'_{ATESA}ñon mi mejlel c mel pejtelel chuqui yom.

14 Wen uts'at tsa' la' mele che' b_A tsa' la' coltayan tic wocol.

15 Che' ti' cajibal jini wen t'an, che' b_A tsa' loq'uiyon ti Macedonia, ma'anic tsi' coltayoñob. La' wujil ma'anic chuqui tsi' y_{ALQ}'ueyoñob yamb_A xñopt'añob, cojach jatetla añet b_A la ti Filipos.

16 Che' ya' añon ti Tesalónica ja'el cha'yajl tsa' la' chocebeyon tilel chuqui anto yom c cha'an.

17 Ma'anic wolij c'ajtin c majtan, pero com mi' p'ojlel wen b_A la' melbal cha'an ñumen cab_{AL} mi la' taj la' chobejt_{ABAL}.

18 Tsa'ix la' w_{ALQ}'ueyon pejtelel chuqui yom. An i ñumel. Jas_{ALIX}. Epafrodito tsi' ch'_{AMB}eyon tilel ti pejtelel. La' wofrenda, xojocña i yujts'il yilal, lajal bajche' pulbil b_A

i majtan Dios mu' b Δ i mulan, uts'at b Δ mi' q'uel.

¹⁹ Lac Yum Dios mi caj i y Δ q'ueñetla pejtelel chuqui anto yom la' cha'an che' bajche' c'amel an i cha'an Cristo Jesús ya' ti panchan.

²⁰ La' subjic i ñuel Dios lac Tat ti pejtelel ora. Amén.

Cortesía tac

²¹ Aq'uenla cortesía pejtelel i cha'año' b Δ Dios ti Cristo Jesús. Pejtelel la quermanojob año' b Δ quic'ot mi' y Δ q'ueñetla cortesía.

²² Pejtelel i cha'año' b Δ Dios mi' y Δ q'ueñetla cortesía, cojcoj jini año' b Δ ti yotot César.

²³ La' ajnic ti la' pusic'al i yutslal i pusic'al lac Yum Jesucristo.

COLOSENSES

¹ Pablojon apóstolon i cha'an Jesucristo cha'an che'ach yom Dios. Añon quic'ot la quermano Timoteo.

² Wolic ts'ijbubeñetla ili jun i cha'añet b_Λ la Dios, xuc'ul b_Λ hermanojob ti Cristo añet b_Λ la ti Colosas. La' aq'uentiquetla i yutslel yic'ot i ñ_Λch't_Λlel la' pusic'al ch'oyol b_Λ ti Dios lac Tat yic'ot ti lac Yum Jesucristo.

Wocolix i y_ΛΛ Dios

³ Ti pejtelel ora mic suben lojon wocolix i y_ΛΛ Dios i tat lac Yum Jesucristo che' mic tajet lojon ti oración.

⁴ Come tsa cubi lojon ñopol la' cha'an Cristo Jesús. Mi la' c'uxbin pejtelel i cha'año' b_Λ Dios.

⁵ Come woli la' pijtan chuqui tac lotbilet b_Λ la ya' ti panchan che' bajche' tsa' la' wubi ti isujm ti jini wen t'an

⁶ tsa' b_Λ c'oti ti la' tojlel yic'ot ti pejtelel pañimil. Woli' ch_Λn pujquel ti la' tojlel. Woli' ch_Λn ac' i wut che' bajche' ti jini q'uin che' b_Λ tsa' caji la' wubin che' b_Λ tsa' la' ch'Λmbe i sujmllel i yutslel i pusic'al Dios.

⁷ Tsi' c_Λntesayetla Epafras, jini c'uxbibil b_Λ c'pi'Λl lojon ti e'tel, jini xuc'ul b_Λ i yaj e'tel Cristo ti la' tojlel.

⁸ Epafras tsi' subeyon lojon an cab_Λl la' c'uxbiya ti jini Espíritu.

⁹ Jini cha'an joñon lojon ja'el, che' b_Λ tsa cubi lojon c'Λl_Λ w_Λle, ma'anic mij c_Λy lojon c' mel oración cha'añetla. Mij c'ajtiben lojon Dios cha'an mi' bujt'esañetla ti wen b_Λ la' ña't_Λbal ch'oyol b_Λ ti Espíritu cha'an mi la' ch'Λmben isujm ti pejtelel la' pusic'al chuqui yom Dios,

¹⁰ cha'an che' jini mi mejlel la' wajñel bajche' yom lac Yum, cha'an tijicña mi' q'ueletla. Che' jini mi caj la' w_Λc' la' wut ti wen b_Λ la' melbal. Mi caj i p'ojlel la' ña't_Λbal ti Dios cha'an mi la' wen c_Λn.

¹¹ Mij c'ajtiben lojon jini p'Λt_Λl b_Λ Dios am b_Λ i ñucllel cha'an mi' p'Λtesañetla yic'ot pejtelel i p'Λt_Λlel cha'an mi la' cuch pejtelel wocol ti' xuc't_Λlel la' pusic'al yic'ot cha'an mi la' cuchben i mul la' pi'Λlob.

¹² Ti' tijicñayel la' pusic'al subenla wocolix i y_ΛΛ lac Tat, come tsi' cha'

meleyonla ti uts'at cha'an mi lac taj lac wenlel yic'ot i cha'año' b_Λ Dios woli b_Λ i yajñelob ti' s_Λc_Λlel pañimil.

¹³ Dios tsi' loc'sayonla ti' yum_Λntel ic'ch'ipan b_Λ pañimil. Tsi' yotsayonla ti' yum_Λntel jini c'uxbibil b_Λ i Yalobil

¹⁴ tsa' b_Λ i y_Λc'Λyonla ti coled che' b_Λ tsi' ñus_Λbeyonla lac mul ti' ch'ich'el.

Wen ñuc Cristo

¹⁵ Come Jesús tsi' tsictesa Dios mach b_Λ mejlic laj q'uel. Jiñ_Λch y_Λx al_Λ b_Λ i cha'an che' maxto anic melbil tac b_Λ.

¹⁶ Melbil i cha'an Jesús pejtelel chuqui tac an ti panchan yic'ot ti pañimil, jini tsiquil tac b_Λ yic'ot jini mach b_Λ tsiquilic, mi reyob, mi yum_Λlob, mi gobierno, mi i p'Λt_Λlel año' b_Λ i ye'tel. Pejtelel chuqui an, melbil_Λch i cha'an Jesús cha'an mi' q'uejlel ti ñuc lac Yum.

¹⁷ Añ_Λch Jesús che' maxto anic chuqui an. Ti' p'Λt_Λlel Jesús xuc'ul mi' yajñel ti pejtelel.

¹⁸ Jesús i Yum_Λch pejtelel mu' b_Λ i ñopol. Jiñ_Λch lac jol, joñonla i b_Λc'talonla. Mi' y_Λq'ueñob i cuxt_Λlel pejtelel xñopt'añob. Jiñ_Λch ñaxan b_Λ tsa' b_Λ ch'ojyi ba'an ch_Λmeño' b_Λ cha'an i bajñel mi' q'uejlel ti ñuc ti' tojlel pejtelel chuqui tac an.

¹⁹ Come Dios yom cha'an mi' yajñel pejt_Λl i bujt'emal ti' Yalobil.

²⁰ Cha'an ti' caj i ye'tel Cristo, Dios tsi' yuts'esa pejtelel chuqui an ti pañimil yic'ot panchan. Cristo tsi' ñ_Λch'choco pejtelel mu' b_Λ i contrajin Dios che' b_Λ tsa' bejq'ui i ch'ich'el ti cruz.

²¹⁻²² Ti yamb_Λ ora ñajt añetla ti Dios. Tsa' la' contraji Dios ti la' pusic'al yic'ot ti jontol b_Λ la' melbal. Pero Dios tsi' y_Λc'Λ ti ch_Λmel i Yalobil. Che' jini tsi' cha' uts'esayetla cha'an ch'ujul mi' p_Λy_Λetla ochel ti' tojlel. S_Λq'ues_Λbiletla ti pejtelel la' bibi'lel yic'ot la' mul

²³ mi ch_Λn xuc'uletla ti isujm, mi p'Λt_Λletla ti jini mu' b_Λ la' ñop. Mach mi la' c_Λy la' pijtaya tsa' b_Λ la' wubi ti jini t'an woli b_Λ i sujbel ti pejtelel pañimil ti yebal panchan. Joñon, Pablo, aq'uebilon que'tel cha'an jini wen t'an.

Iye'tel Pablo cha'an gentilob

24 Tijicñayonix wale cha'an wolic ñusan wocol cha'añetla. Wolic ts'actesan i wocol Cristo anto b_Λ yom ti' tojlel jini xñopt'añob mu' b_Λ i tempañob i b_Λ, jiñobach i b_Λc'tal Cristo.

25 I yaj e'telon jini xñopt'añob che' bajche' tsi' ña'ta Dios. Tsi' y_Λq'ueyon que'tel ti la' tojlel cha'an ts'acal mij cantesañetla ti' t'an Dios.

26 Jiñach i sujmllel mach b_Λ tsictiyemic ti yamb_Λ ora, pero wale tsa'ix tsictesabentiyob i cha'año' b_Λ Dios.

27 Dios yom i yac' ti c_Λjñel ti' tojlel pejtelel winicob x'ixicob jini c'ax ñuc b_Λ i sujmllel mach b_Λ tsictiyemic ti yamb_Λ ora. Jini ñuc b_Λ ti c_Λñol jiñach Cristo woli b_Λ i yajñel ti la' pusic'al. Jiñach mu' b_Λ i y_Λq'ueñetla la' pijtan la' ñucel.

28 Mic sub lojon majlel Cristo. Mic xic'ben lojon pejtelel winicob. Mij cantesañob lojon cha'an mi' ch'ambañob isujm ti jujuntiquil cha'an chajpabilob ti Cristo Jesús.

29 Jini cha'an wersa mic cha'len e'tel ti pejtelel c p'atlel tilem b_Λ ti Cristo woli b_Λ ti e'tel tic pusic'al.

2

1 Com mi la' ña'tan bajche' wolic cha'len wersa e'tel cha'añetla yic'ot año' b_Λ ti Laodicea yic'ot pejtelo maxto b_Λ anic tsi' q'ueleyob c wut,

2 cha'an mi' cha' ñuq'uesantel la' pusic'al, cha'an mi la' c'uxbin la' b_Λ ti jump'ejl la' pusic'al. Com mi la' lu' ch'amben isujm pejtelel jini c'ax ñuc tac b_Λ i sujmllel maxto b_Λ tsictiyemic ti yamb_Λ ora, cha'an mi la' c_Λn i sujmllel Dios lac Tat yic'ot Cristo.

3 C'ax ñuc i ña'tabal Cristo. Laj c_Λñalach i cha'an. Mi' pasbeñonla jini mucul tac b_Λ i cha'an Dios.

4 Wolic w_Λn subeñetla ame anic majqui yom i lotiñetla ti maña jax b_Λ t'an.

5 Isujm mach ya'ic añon quic'otetla pero tic pusic'al wolic ña'tañetla che' bajche' ya' añon. Tijicñayon che' mi cubin woli la' wajñel ti jump'ejl la' pusic'al, che' xuc'ul woli la' ñop Cristo.

Lac bujt'emal ti Cristo

6 Jini cha'an che' bajche' tsa' la' ñopo lac Yum Jesucristo, che' ja'el ch_Λn ajñenla ti Cristo.

7 Yom an la' wi' ti Cristo, come wa'chocobiletla i cha'an. Yom ch_Λn xuc'uletla ti jini tsa' b_Λ la' ñopo che' bajche' tsa' cantesantiyetla. Ch_Λn subenla Dios wocolix i y_Λl_Λ.

8 Ch_Λc_Λ q'uele la' b_Λ ame anic majch mi' soquetla yic'ot i ña'tabal ch'oyol b_Λ ti pañimil yic'ot i sajtemal loq'uem b_Λ ti bajñel pusic'al, che' bajche' i tilel i melbal lac ñojte'el woli b_Λ i ñojpel ti pañimil, mach b_Λ cantesabilob i Cristo.

9 Ti' b_Λc'tal Cristo mi' yajñel pejtelel i bujt'emal Dios.

10 Bujt'emetla ti Cristo. Jiñach i Yum pejtelel yum_Λlob año' b_Λ i ye'tel yic'ot i p'atlel.

11 Ti Cristo ja'el tsa' tsejpi la' p_Λchalel yilal che' b_Λ tsa' la' choco i tsuculel la' pusic'al am b_Λ ti la' b_Λc'tal. Jiñach mero tsep p_Λchalel, mach melbilic ti c'ab_Λ, i ye'telach Cristo.

12 Tsa' tem mujquiyetla la' wic'ot Jesús ti ch'am ja'. Che' ja'el tsa' tejchiyetla ch'ojyel la' wic'ot Jesús cha'an tsa' la' ñopo i p'atlel Dios tsa' b_Λ i teche ch'ojyel Jesús ba'an chameño' b_Λ.

13 Ti yamb_Λ ora che' chameñetla ti mulil, che' mach tsepilic la' p_Λchalel, Dios tsi' y_Λq'ueyetla la' cuxtalel yic'ot Cristo. Tsi' ñusabeyetla pejtelel la' mul.

14 Cristo tsi' jisabe i p'atlel jini mandar am b_Λ ti laj contra. Tsi' y_Λp_Λ jini jun ba' ts'ijbubil jini mandar mu' b_Λ i tsictesan lac mul. Tsi' ch'iji ti cruz.

15 Tsi' jisabe i p'atlel xiba yic'ot i yaj e'telob yic'ot i yum_Λntel. Tsi' quisnitesayob ti' wut pejtelo. Tsa' m_Λjli i cha'an Cristo ya' ti cruz.

16 Jini cha'an mach yomix mi la' lon q'uejlel ti xmulil cha'an chuqui tac mi la' c'ux, mi cha'an chuqui tac mi la' jap, mi cha'an q'uiñijel, mi che' woli ti pasel uw, mi che' ti' yorajlel c'aj o.

17 Pejtelel jini, i yejtalach jini mero isujm b_Λ mu' to b_Λ i tilel. Pero jini mero isujm b_Λ mi' tajtal ti Cristo.

18 Jini mu' b_Λ caj la' w_Λq'uentel mach mi la' w_Λc' ti chijlel cha'an jini mu' b_Λ i lon

pʌsob i bʌ ti pec', mu' bʌ i ch'ujutesañob ángelob. Mi' lon alob an chuqui tsi' q'ueleyob ti espíritu. Mi' lon chañ'esañob i bʌ cha'an i bajñel ña'tʌbal.

¹⁹ Pero ma'anic mi' yumañob Cristo. Mach chuculobic ti' bʌc'tal Cristo ba' mi' tajob i p'ʌtʌlel i cha'año' bʌ Cristo. Pejtelel i bʌc'tal Cristo tsuyulʌch ti' p'aquel tac yic'ot ti' chijil tac. Mi' taj i colel ti' p'ʌtʌlel Dios.

Tsiji' bʌ laj cuxtʌlel ti Cristo

²⁰ Mi tsa'ix chʌmiyetla la' wic'ot Cristo yomix mi la' cʌy la' jac'ben i cʌntesa pañimil. ¿Chucoch woli la' wotsan la' bʌ ti' wenta jini mandar tac che' bajche' i cha'año' bʌ pañimil?

²¹ Mi' yʌlob: Mach la' chuc jini. Mach la' c'ux jini. Mach la' tʌl yambʌ, che'ob,

²² che' bajche' i tilel mi' cha'leñob cʌntesa yic'ot tic'oñel i cha'año' bʌ pañimil. Pejtel chuqui tac tic'bil mi' jilel i c'ʌjñibal.

²³ Isujm, lon an i ña'tʌbal yilal jini mu' bʌ i jac'beñob i mandar che' mi' cha'leñob ch'ujutesaya bajche' jach yomob, che' mi' lon melob i bʌ ti pec', che' mi' yilol ac'ob i bʌc'tal ti wocol. Pero ma'anic i c'ʌjñibal cha'an mi' tic'ob i tsucul pusic'al.

3

¹ Mi tsa'ix cha' tejchiyetla la' wic'ot Cristo, sajcanla chuqui an ti chan ba' buchul Cristo ti' ñoj Dios.

² Chʌn ña'tanla chuqui an ti chan, mach jinic am bʌ ti pañimil.

³ Come tsa' chʌmiyetla yic'ot Cristo. Cʌntʌbil la' cuxtʌlel yic'ot Cristo ti Dios.

⁴ Che' mi' tsictiyel Cristo jatetla ja'el mi caj la' tsictiyel la' wic'ot ti' ñuclel come la' cuxtʌlelʌch Cristo.

Jini tsucul bʌ winic yic'ot jini tsiji' bʌ winic

⁵ Jini cha'an ti junyajlel chocola pejtelel i cha'an bʌ pañimil am bʌ ti la' pusic'al: la' ts'i'lel, la' bibi'lel, la' jontolil, i colosojlel la' pusic'al, yic'ot i ts'i'lel la' wut, come lajal i ts'i'lel lac wut bajche' i ch'ujutesʌntel dioste'.

⁶ Jini cha'an tal i mich'ajel Dios ti' tojlel jini mu' bʌ i ñusañob mandar.

⁷ Ti yambʌ ora jatetla ja'el tsa' la' ñusa Dios che' bʌ tsa' ajniyetla ti mulil.

⁸ Pero wʌle cʌyʌla pejtelel jini: mich'ajel, a'leya, u'yaj t'an, jop' t'an, yic'ot bibi' t'an mu' bʌ i loq'uel ti la' wej.

⁹ Mach mi la' lotin la' pi'ʌlob, come tsa'ix la' choco jini tsucul bʌ la' pusic'al yic'ot i melbal.

¹⁰ Tsa'ix la' xojo jini tsiji' bʌ la' pusic'al tsa' bʌ i mele Dios cha'an mi la' q'uextʌyel majlel ti' yejtal Dios yic'ot tsiji' bʌ la' ña'tʌbal.

¹¹ Ti Cristo mach jelchojquc mi' q'uejlelob winicob x'ixicob mi griego, mi judío, mi tsepbil i pʌchʌlel, mi mach tsepbilic i pʌchʌlel, mi ñajt ch'oyolob, mi mach yujilic jun, mi an ti' yum, o mi ma'anic i yum, pero Cristo i Yumʌch pejtelel winicob yic'ot pejtelel chuqui tac an.

¹² Yajcʌbiletla i cha'an Dios, ch'ujuletla, c'uxbibiletla. Jini cha'an lʌpʌla tsiji' bʌ la' pusic'al yujil bʌ p'untaya yic'ot c'uxbiya. Q'uele la' bʌ ti pec'. Yom uts la' pusic'al. Cuchula wocol.

¹³ Cuchben la' bʌ la' sajtemal. Ñusʌben la' bʌ la' mul mi an la' contrajintel. Che' bajche' tsi' ñusʌbeyetla la' mul Cristo, che'ʌch yom mi la' mel jatetla.

¹⁴ Jini ñumen yom bʌ jiñʌch c'uxbiya, come mi' yʌq'uetla ti tem ajñel ti jump'ejl la' pusic'al.

¹⁵ La' tsictiyic i ñʌch'tʌlel la' pusic'al ch'oyol bʌ ti Dios. Jini cha'an, tsa' tem pʌjjiyetla ti jump'ejl la' bʌc'tal. Subenla Dios wocolix i yʌʌ.

¹⁶ Wen ñopola i t'an Cristo cha'an mi' yʌc' i wut ti la' pusic'al. Cʌntesan la' bʌ. Toj'esan la' bʌ yic'ot wen bʌ la' ña'tʌbal. C'ʌyiben lac Yum salmo tac, yic'ot himno tac, yic'ot c'ay ti' yutslal la' pusic'al. Subenla wocolix i yʌʌ Dios.

¹⁷ Pejtel chuqui mi la' mel, mi t'an, mi e'tel, melela ti' c'aba' lac Yum Jesús. Subenla wocolix i yʌʌ Dios lac Tat ti Jesús.

¹⁸ X'ixicob ac'ʌ la' bʌ ti uts'at ti' wenta la' ñoxi'al, come che'ʌch yom lac Yum.

¹⁹ Winicob c'uxbin la' wijñam. Mach tsʌtsic yom mi la' pejcan.

Bajche' yom mi' yajñelob xñopt'añob

²⁰ Alobob, jac'benla la' tat la' ña' ti pejtelel chuqui mi' subeñetla, come che'ʌch mi' mulan lac Yum.

²¹ Tat^llob, mach mi la' lon techben i mich'ajel la' walobilob ame lijicña mi' melob i b^l.

²² X'e'telob, jac'benla la' yum ti pañimil ti pejtelel chuqui mi' subeñetla, mach cha'anic uts'at mi' q'ueletla winicob pero ti jump'ejl la' pusic'al cha'an woli la' c'uxbin Dios.

²³ Pejtelel chuqui jach mi la' mel cha'lenla ti jump'ejl la' pusic'al ti' tojlel lac Yum che' bajche' i ye'tel lac Yum, mach che'ic bajche' i ye'tel winicob.

²⁴ Come ña't^lbil la' cha'an, lac Yum mi caj i y^lq'ueñetla la' chobejt^lbal ti panchan. Come woli la' cha'liben i ye'tel Cristo lac Yum.

²⁵ Jini mu' b^l i cha'len jontolil, mux i ch'^lm i tojol cha'an i jontolil. Ti jujuntiquil mi caj i y^lq'uentel bajche' an i melbal.

4

¹ Yum^llob, melbenla chuqui uts'at yic'ot chuqui toj jini x'e'telob la' cha'an. Come ña't^lbil la' cha'an an la' Yum ja'el ya' ti panchan.

² Ch^ln cha'lenla oración ti' xuc't^lalel la' pusic'al. Yom ch'ejetla ti oración. Subenla Dios wocolix i y^ll^l.

³ Tajayon lojon ti oración ja'el come ñup'ulon cha'an jini wen t'an. C'ajtibenla Dios cha'an mi' chajp^lbeñon lojon ba' mic sub lojon majlel jini wen t'an yic'ot i sujmllel Cristo mach b^l tsictiyemic ti yamb^l ora,

⁴ cha'an mic tsictesan majlel che' bajche' yom.

⁵ Ajñenla ti uts'at ti' tojlel jini mach b^l ochemobic ti' t'an Dios. C'^lñ^lla ti ts'^lal jujump'ejl q'uin ti' tojlel Dios.

⁶ Ti pejtelel ora cha'lenla uts b^l t'an am b^l i y^lts'mil yubil. Ña'tanla bajche' yom mi la' jac'ben i t'an jujuntiquil.

Cortesía tac

⁷ Jini c'uxbibil b^l la quermano Tíquico mi caj i subeñetla pejtél chuqui wolic mel. Jiñ^lch xuc'ul b^l x'e'tel, c pi'^l ti e'tel ti lac Yum.

⁸ Jini cha'an wolic choc tilel ba' añetla cha'an mi' ña'tan bajche' añetla yic'ot cha'an mi' ñuq'ues^lbeñetla la' pusic'al.

⁹ Mi' tilel yic'ot Onésimo jini xuc'ul b^l quermano, c'uxbibil b^l lac cha'an, loq'uem

b^l ba' añetla. Mi caj i subeñetla pejtelel woli b^l ti ujtél ilayi.

¹⁰ Aristarco, c pi'^l ti ñujp'el, mi' y^lq'ueñetla cortesía yic'ot Marcos i yalobil i yumijel Bernabé. Che' bajche' tsac subeyetla ti yamb^l ora, yom mi la' p^ly ochel Marcos mi tsa' c'oti ba' añetla.

¹¹ Mi' y^lq'ueñetla cortesía Jesús, jini am b^l i cha'p'ejlel i c'aba' Justo. Ti pejtelel jini israelob cojach cha'tiquil uxtiquil woli' coltañoñob ti e'tel cha'an i yum^lantel Dios. Cab^l tsi' ñuq'ues^lbeyoñob c pusic'al.

¹² Mi' y^lq'ueñetla cortesía Epafras x'e'tel i cha'an Cristo tsa' b^l loq'ui ba' añetla. Ti pejtél ora woli' ch^ln cha'len wersa oración cha'an xuc'ul mi la' wajñel, cha'an ts'^lal mi la' lu' ña'tan pejtelel chuqui yom Dios.

¹³ Come mic subeñetla, cab^l woli' ch^ln ña'tañetla Epafras. Woli' ña'tan ja'el pejtelel ya' b^l añob ti Laodicea yic'ot ti Hierápolis.

¹⁴ Lucas jini c'uxbibil b^l sts'^lcaya, mi' y^lq'ueñetla cortesía. Che' ja'el Demas.

¹⁵ Aq'uenla cortesía la quermanojob ya' b^l añob ti Laodicea yic'ot Ninfa yic'ot xñopt'añob mu' b^l i tempañob i b^l ti' yotot Ninfa.

¹⁶ Che' mi' yujtel ti q'uejlel ili jun ba' añetla, aq'uenla i q'uelob ja'el xñopt'añob mu' b^l i tempañob i b^l ya' ti Laodicea. Yom mi la' q'uel ja'el jini jun tsa' b^l chojqui majlel ya' ti Laodicea.

¹⁷ Subenla Arquipo: "Ch^lca q'uele a b^l cha'an ts'^lal ma' mel a we'tel tsa' b^l i y^lq'ueyet lac Yum". Che' yom mi la' suben.

¹⁸ Joñon, Pablo, tsac ts'ijba ili cortesía tij c'^lb. Ña'tanla c^lch^llon ti cadena. La' ajnic la' wic'ot i yutslel i pusic'al Dios.

1 TESALONICENSES

¹ Pablojon quic'ot Silvano, quic'ot Timoteo. Wolic ts'ijbubeñet lojon ili jun xñopt'añet b_Λ la mu' b_Λ la' tempan la' b_Λ ya' ti Tesalónica, ochemet b_Λ la ti Dios lac Tat yic'ot ti lac Yum Jesucristo. La' aq'uentiquetla i yutslel yic'ot i ñach't_Λlel la' pusic'al ch'oyol b_Λ ti Dios lac Tat yic'ot ti lac Yum Jesucristo.

Xpasoñelob jini año' b_Λ ti Tesalónica

² Wolic ch_Λn suben lojon wocolix i y_ΛΛ Dios cha'añetla ti la' pejtelel. Wolic tajet lojon ti oración.

³ Ti' tojlel Dios lac Tat wolic ch_Λn ña'tan lojon bajche' tsa' la' ñopo Dios, yic'ot bajche' woli la' c'uxbin, yic'ot bajche' woli la' pijtan lac Yum Jesucristo. Wen tsiquil la' xuc'tilel ti la' melbal, come woli la' wen cha'liben i ye'tel cha'an c'ux mi la' wubin.

⁴ Cujil lojon, hermanojob, c'uxbibiletla i cha'an Dios tsa' b_Λ i yajcayetla.

⁵ Come mach to'ol t'anic jach jini wen t'an tsa' b_Λ c subeyet lojon. Tsa' tili ba' añetla yic'ot i p'_Λt_Λlel Dios yic'ot i p'_Λt_Λlel jini Ch'ujul b_Λ Espíritu. Tsa' wen tsictes_Λbentiyetla ti isujm. La' wujil bajche' tsa' ajniyon lojon ti la' tojlel cha'an la' wenlel.

⁶ Tsa' caji la' tsajcan lac Yum che' bajche' tsa' la' tsajcayon lojon. Anquese cab_Λl tsa' la' taja la' tic'_Λntel, tsa' la' ñopo jini t'an yic'ot i tijicñayel la' pusic'al ch'oyol b_Λ ti Ch'ujul b_Λ Espíritu.

⁷ Che'_Λch woli la' p_Λs bajche' yom mi' melob pejtelel xñopt'añob ti Macedonia yic'ot ti Acaya.

⁸ Come mach jinic jach año' b_Λ ti Macedonia yic'ot ti Acaya tsi' yubibeyob i t'an lac Yum tsa' b_Λ la' pucu. Pero ti jujumpejt lum tsa'ix ubinti bajche' tsa' la' ñopo Dios. Ti pejtelel yujilob, jini cha'an mach wersajic mic sub lojon.

⁹ Come woli' subob bajche' tsa' la' p_Λy_Λyon lojon ochel ba' añetla yic'ot bajche' tsa' la' c_Λy_Λ dios tac cha'an mi la' ñop jini mero Dios, cha'an mi la' cha'liben i ye'tel jini cuxul b_Λ Dios,

¹⁰ cha'an ja'el mi la' pijtan i Yalobil Dios mu' b_Λ caj i tilel ti panchan. Jiñ_Λch Jesús tsa' b_Λ tejchi ch'ojoyel ba'an ch_Λmeño' b_Λ, mu' b_Λ i coltañonla cha'an ma'anic mi' tajonla i mich'ajel Dios mu' b_Λ caj i tilel.

2

Iye'tel Pablo ya' ti Tesalónica

¹ Come la' wujil hermanojob, mach lolomic jach tsac jula'tayet lojon.

² Anquese tsac ñaxan ubi lojon wocol yic'ot c tic'_Λntel ya' ti Filipos, ch'ejlon lojon ti Dios, tsac subeyetla i wen t'an Dios anquese an cab_Λl j contrajintel lojon.

³ Che' b_Λ tsac xic'beyet lojon, mach sojquemic c t'an lojon, mach bibi'ic, mach c lotic lojon.

⁴ Dios uts'at tsi' q'ueleyon lojon che' b_Λ tsi' y_Λq'ueyon lojon que'tel cha'an jini wen t'an. Jini cha'an mic sub lojon. Ma'anic wolic s_Λclan lojon j c'uxbintel ti' tojlel winicob, pero ti' tojlel Dios, come jiñ_Λch mu' b_Λ i q'uelbeñon lojon c pusic'al.

⁵ Come ña't_Λbil la' cha'an ma'anic tsac pejcayetla ti' t'ojol b_Λ t'an cha'an mic taj lojon c wenlel ti la' tojlel. Ma'anic tsac wis ts_Λjyu lojon chub_Λañ_Λl. Testigoj_Λch Dios tsa' b_Λ i q'uelbeyon c melbal lojon.

⁶ Ma'anic tsac s_Λcla lojon i subentel c ñucl_Λl ti winicob, mi ti la' tojlel, mi ti' tojlel yaño' b_Λ, anquese muc'_Λch mejlel j c'ajtin lojon chuqui com lojon, come apóstolon lojon chocbilon lojon majlel ti sub't'an i cha'an Cristo.

⁷ Pero uts tsa' ajniyon lojon ti la' tojlel che' bajche' x'ixic mu' b_Λ i c'uxbin i yalobilob.

⁸ Che'_Λch tsac wen c'uxbiyet lojon che' b_Λ tsac subeyet lojon i wen t'an Dios. Mach c_Λjic jach jini, pero chajp_Λbilon lojon cha'an mic ts_Λns_Λntel lojon cha'añetla, come wen c'uxbibiletla c cha'an lojon.

⁹ C'ajal to la' cha'an, hermanojob, tsac cha'le lojon wocol e'tel ti q'uiñil ti ac'_Λlel, cha'an ma'anic mi' c'ojoyel la' m_Λc'lañon lojon che' b_Λ tsac subeyet lojon i wen t'an Dios.

¹⁰ Testigojetla bajche' tsac mele lojon. Testigoj_Λch Dios ja'el. Xuc'ul c melbal lojon, toj ja'el. Ma'anic c mul lojon ti la' tojlel mu' b_Λ la' ñop.

11 La' wujil tsa' ajniyon lojon ti la' tojlel che' bajche' la' tat mu' b_Λ i c_Λntan i yalobilob. Tsac xic'beyet lojon. Tsac ñuq'ues_Λbeyetla la' pusic'al ti jujun-tiquiletla.

12 Tsac subeyet lojon ti mandar cha'an mi la' wajñel ti uts'at che' bajche' yom Dios tsa' b_Λ i p_Λy_Λyetla ochel ti' yum_Λntel ti pan-chan.

13 Jini cha'an joñon lojon ja'el wolic ch_Λn suben lojon Dios wocolix i y_Λl_Λ. Come che' b_Λ tsa' la' ñopo i t'an Dios, tsa' b_Λ la' wubi tic tojlel lojon, tsa' la' ñopo mach i t'anic winicob, pero i t'añ_Λch Dios woli b_Λ i mel i ye'tel ti la' pusic'al xñopt'añet b_Λ la'.

14 Jatetla, hermanojob, tsa' caji la' tsajcan jini xñopt'añob ti Cristo Jesús, i cha'año' b_Λ Dios, mu' b_Λ i tempañob i b_Λ ti Judea. Come lajal tsa' la' wubi wocol ti' c'ab la' pi'lob che' bajche' jini hermanojob ti Judea ti' c'abob judíojob

15 tsa' b_Λ i ts_Λnsayob lac Yum Jesús yic'ot x'alt'añoob i cha'an. Tsi' chocoyoñoob loq'uel. Ma'anic mi' melob mu' b_Λ i mulan Dios. Woli' contrajiñoob pejtelel winicob.

16 Jini judíojob woli' tic'on lojon ti subt'an ti' tojlel jini gentilob ame colt_Λnticob. Tsa'ix ñumi ti p'is i mulob. Jini cha'an wolic i yubiñoob i mich'ajel Dios mach b_Λ yujilic lajmel.

Pablo yom i q'uel jini tesalónicajob

17 Hermanojob, mach jalix mi caj lac cha' q'uel lac b_Λ. Anquese mach ya'ic añoon lojon quic'otetla, pero añetla tic pusic'al lojon. Tsa c_Λl_Λ lojon tilel, come wersa com j q'ueletla.

18 Jini cha'an com lojon majlel ba' añetla. Joñon Pablojon, isujm junyajl cha'yajl tsac ñopo tilel ba' añetla, pero Satanás tsi' m_Λctayon lojon.

19 Come ¿chuqui c pijt lojon? ¿Chuqui jini c tijicñ_Λyel lojon? ¿Chuqui jini c ñuclel lojon? ¿Mach ba jateticla ti' tojlel lac Yum Jesucristo che' mi' tilel?

20 Come c ñuclelet lojon, c tijicñ_Λyelet lojon.

3

1 Cab_Λl tsac mele c pusic'al cha'an com cubin bajche' añetla. Jini cha'an tsac ña'ta

j c_Λy_Λt_Λl tic bajñelil ya' ti Atenas.

2 Tsac choco majlel la quermano Timoteo, x'e'tel i cha'an Dios, c pi'ál lojon ti e'tel cha'an i wen t'an Cristo. Tsac choco majlel cha'an mi' xic'beñetla, yic'ot cha'an mi' xuc'chocoñetla ti jini tsa' b_Λ la' ñopo,

3 ame anic majqui mi' cajel ti wulwul t'an ti' pusic'al cha'an jini wocol woli b_Λ la' ñusan. Jatetla la' wujil lac tilel mi la cubin wocol che' bajche' tsi' w_Λn ña'ta Dios.

4 Che' ya' añoon lojon la' wic'ot tsac w_Λn subeyet lojon wersa mi caj lac ñusan wocol. Che'ach tsa' ujtí bajche' tsa c_Λl_Λ lojon. Ña't_Λabil la' cha'an.

5 Jini cha'an ma'anic tsa' mejli c ch_Λn pijtan t'an. Tsac choco majlel juntiquil cha'an mi cubin mi xuc'ul woli la' ñop, ame tsa'ic i xiq'uiyetla ti mulil jini xiba, ame lon sajtic que'tel lojon ti la' tojlel.

I t'an Timoteo

6 Che' b_Λ tsa' cha' juli Timoteo, che' b_Λ tsajni ba' añetla, tsi' subeyon lojon xuc'ul woli la' ñop. Woli la' c'uxbin la' b_Λ. Woli la' ch_Λn ña'tañoon lojon ti uts'at. La' womix la' cha' q'uelon lojon che' bajche' com c cha' q'uelet lojon ja'el.

7 Jini cha'an, hermanojob, anquese an c wocol lojon yic'ot c tic'lantel lojon, tsa' tili i ñuclel c pusic'al lojon che' b_Λ tsa cubi xuc'ul woli la' ñop.

8 W_Λle tijicñayon lojon come xuc'ul woli la' wajñel ti lac Yum.

9 Jini cha'an cab_Λl mic suben lojon Dios wocolix i y_Λl_Λ cha'añetla, come tsa'ix ñumi ti p'is i tijicñ_Λyel lojon c pusic'al woli b_Λ cubin lojon cha'añetla ti' tojlel Dios.

10 Wolic ch_Λn cha'len lojon oración ti q'uiñil yic'ot ti ac'alel ti jump'ejl c pusic'al cha'an mi mejlel c cha' tilel j q'uelet lojon, cha'an mij c_Λntesañet lojon chuqui tac anto yom mi la' ñop.

11 W_Λle la' i chajp_Λbeñoon lojon c bijlel Dios lac Tat yic'ot lac Yum Jesucristo cha'an mic tilel lojon ba' añetla.

12 La' i p'ojlesañetla lac Yum. La' i p'ojlesañet la' c'uxbiya cha'an mi la' wen c'uxbin la' b_Λ yic'ot cha'an mi la' c'uxbin yaño' b_Λ ja'el che' bajche' woli j c'uxbiñet lojon.

¹³ Che' jini, lac Yum mi caj i xuc'chocon la' pusic'al cha'an ma'anic mi' tajtal mulil ti la' tojlel, cha'an ch'ujul mi la' wajñel ti' tojlel Dios lac Tat che' mi' tilel lac Yum Jesucristo yic'ot pejtelel i cha'año' bΛ Dios.

4

Yom mi la' wajñel che' bajche' yom Dios

¹ WΛle, hermanojob, mic subeñetla ti wocol t'an cha'an mi la' wajñel che' bajche' tsaj cantesayetla che' bajche' yom Dios. Mic xic'beñetla ti lac Yum Jesús cha'an mi la' chΛn cha'len wersa la' mel che' bajche' woli la' mel wΛle.

² Come la' wujilix bajche' yom mi la' wajñel che' bajche' tsac subeyet lojon ti lac Yum Jesús.

³ Yom Dios mi la' saq'uesΛntel. Mach yomic mi la' taj la' ts'i'lel.

⁴ Ti jujuntiquiletla yom mi la' ña'tan bajche' yom mi la' pΛy la' wijñam ti' saclel la' pusic'al yic'ot c'uxbiya.

⁵ Mach yomic i colosojlel la' pusic'al che' bajche' jini sajtemo' bΛ mach bΛ anic mi' ñopob Dios.

⁶ Mach yomic mi la' lotin la' pi'Λl. Mach yomic mi la' contrajin ti mulil, come lac Yum mi' yΛq'ueñob i toj i mul pejtelel mu' bΛ i melob bajche' jini. Tsa'ix c subeyet lojon.

⁷ Ma'anic tsi' pΛyΛyonla Dios cha'an mi la' cajñel ti lac bibi'lel. Tsi' pΛyΛyonla cha'an mi lac saq'uesΛntel.

⁸ Jini cha'an, majqui jach mi' ñusan ili mandar mach winiquic woli' ts'a'len. Woli' ts'a'len Dios mu' bΛ i yΛq'ueñonla Ch'ujul bΛ Espíritu.

⁹ Mach wersajic mic ts'ijbubeñetla bajche' yom mi la' c'uxbin la' bΛ, come cantesΛbiletla i cha'an Dios cha'an mi la' c'uxbin la' bΛ.

¹⁰ Che'Λch, woli la' c'uxbin ja'el jini hermanojob ti pejtelel Macedonia. Pero ti wocol t'an mic subeñet lojon, hermanojob, la' chΛn p'ojlic la' c'uxbiya.

¹¹ Cha'lenla wersa cha'an ñach'Λl mi la' wajñel. Yom bΛxetla ti la' we'tel ti jujuntiquiletla. Cha'lenla e'tel ti la' c'Λb che' bajche' tsac subeyet lojon

¹² cha'an toj mi la' wajñel ti' wut yaño' bΛ, cha'an ma'anic chuqui anto yom la' cha'an.

Che' mi' cha' tilel lac Yum

¹³ Hermanojob, com lojon mi la' ña'tan i sujmllel jini chΛmeño' bΛ cha'an mach mi la' mel la' pusic'al che' bajche' yaño' bΛ mach bΛ añobic i pijtaya.

¹⁴ Come mi tsa'ix lac ñopo Jesús tsa' bΛ chΛmi, tsa' bΛ cha' ch'o'jyi, ña'tanla ja'el Dios mi caj i cha' pΛy tilel yic'ot Jesús jini tsa' bΛ chΛmiyob ti Jesús.

¹⁵ Jini cha'an wolic subeñet lojon yic'ot i t'an lac Yum: Joñonla cuxulon to bΛ la, mi wΛ'to añonla che' mi' cha' tilel lac Yum, mach ñaxañonla mi caj lac letsel majlel ti' tojel i wut jini chΛmeño' bΛ.

¹⁶ Come jini lac Yum mi caj i jubel tilel ti panchan. Mi caj i cha'len mandar. Jini ñuc bΛ ángel mi' caj ti t'an yic'ot ja'el i trompeta Dios. Ñaxan mi' cajelob ti ch'o'jyel jini chΛmeño' bΛ i cha'año' bΛ Cristo.

¹⁷ Ti wi'il joñonla cuxulon to bΛ la wΛ' ti pañimil mi caj lac tem letsel majlel la quic'ot jini tsa' bΛ chΛmiyob. Ya' ti total ti panchan mi caj lac taj lac Yum. Che' jini mi caj la cajñel yic'ot lac Yum ti pejtelel ora.

¹⁸ Jini cha'an ñuq'uesΛben la' bΛ la' pusic'al yic'ot ili t'an.

5

¹ Pero hermanojob, mach mejlic c ts'ijbubeñetla baqui bΛ ora, baqui bΛ q'uin mi' caj ti ujtel.

² La' wujil mi caj i tilel i q'uiñilel lac Yum che' bajche' xujch' ti ac'Λlel.

³ Ba' ora mi' yΛlob ñach'Λlix pañimil, ba' ora mi' yΛlob ma'anic tsiquil bΛbΛq'uen bΛ, che' jini mi caj i bΛc' jisΛntelob che' bajche' mi' bΛc' cajel ti bajq'uel x'ixic che' mi' yilan pañimil i yalobil. Mach mejlicob ti puts'el.

⁴ Jatetla, hermanojob, ma'añetixla ti ac'Λlel. Jini cha'an, mach mejlic i tajetla i q'uiñilel lac Yum che' bajche' xujch'.

⁵ Come ti pejteletla añetla ti' saclel pañimil, i cha'añetla i saclel. Ma'añetixla ti ac'Λlel yic'ot ic'yoch'an bΛ pañimil.

⁶ Jini cha'an, mach yomic mi la' cha'len wΛyel che' bajche' yaño' bΛ. Yom ch'ejlonla. Yom c'ajal la co.

⁷ Come jini muc'o' bΛ ti wΛyel mi' cha'leñob wΛyel ti ac'Λlel. Jini muc'o' bΛ ti yΛc'Λjel mi' yΛc'añob ti ac'Λlel.

8 Pero ñumenix ac'alel. Añonixla ti q'uiñil. Jini cha'an yom c'ajal la co. La' lac xuc'chocon lac pusic'al ti jini woli b_Λ lac ñop yic'ot c'uxbiya ame i tajonla laj contra. La' lac p'is ti wenta laj colantel woli b_Λ lac pijtan ame cajiconla ti tsic pusic'al.

9 Come Dios ma'anic tsi' yajcayonla cha'an mi' yotsañonla ti' mich'ajel. Pero tsi' yajcayonla cha'an mi' y_Λq'ueñonla laj colantel ti lac Yum Jesucristo.

10 Jesús tsa' ch_Λmi cha'añonla cha'an mi lac tem ajñel yic'ot, mi cuxulon to la, o mi ch_Λmeñonixla.

11 Jini cha'an ñuq'ues_Λben la' b_Λ la' pusic'al. P'ates_Λben la' b_Λ la' pusic'al ti uts'at che' bajche' woli la' mel.

Mi' subentelob chuqui yom mi' melob

12 Ti wocol t'an mic subeñet lojon hermanojob, q'uelela ti ñuc jini mu' b_Λ i cha'leñob i ye'tel lac Yum ti la' tojlel, mu' b_Λ i cantañetla ti lac Yum, mu' b_Λ i tiq'uetla.

13 Yom wen ñuc mi la' ch_Λn q'uelob yic'ot la' c'uxbiya, come woli' cha'libeñob i ye'tel lac Yum. Ñach'alel yom mi la' wajñel.

14 Mic subeñet lojon ja'el, hermanojob, tiq'uila jini mu' b_Λ i to'ol ñusañob q'uin ti t'an. Ñuq'ues_Λbeñob i pusic'al jini c'uño' b_Λ. Coltanla jini mach b_Λ añobic i p'at_Λlel. Cuchbenla i sajtemal pejtelel winicob.

15 Q'uele la' b_Λ cha'an ma'anic mi la' q'uxextan jontolil. Yom mi la' ch_Λn mel chuqui uts'at yic'ot pejtelel la' pi'lob yic'ot pejtelel winicob.

16 Ch_Λn tijicñesan la' pusic'al.

17 Ch_Λn cha'lenla oración.

18 Subenla Dios wocolix i y_Λla ti pejtelel chuqui jach mi' yujtel. Come che' yom Dios ti Cristo Jesús.

19 Mach la' y_Λp jini Espíritu.

20 Mach la' ts'a'len chuqui mi' subob jini x'alt'añob.

21 Yom mi la' wen ña'tan mi jiñach mero isujm b_Λ woli b_Λ ti sujbel. Ts'ijbanla c_Λy_Λla ti la' pusic'al chuqui uts'at.

22 Mach la' ñop jontolil mi junchajpic.

23 Jini Dios mu' b_Λ i y_Λq'ueñonla i ñach'tilel lac pusic'al la' i lu' s_Λq'uesañetla. La' cantantic la' ch'ujlel yic'ot la' pusic'al yic'ot la' b_Λc'tal cha'an ma'anic la' mul che' mi' tilel lac Yum Jesucristo.

24 Jini woli b_Λ i p_Λy_Λetla xuc'ulach. Mi caj i mel che' bajche' mi' y_Λl.

25 Hermanojob, cha'lenla oración cha'añon lojon.

26 Aq'uenla cortesía pejtelel hermanojob. Ts'ujts'uñob ja'el ti s_Λc b_Λ la' pusic'al.

27 Mic xic'beñetla ti lac Yum cha'an mi la' pejc_Λbeñob ili jun pejtelel hermanojob i cha'año' b_Λ Dios.

28 La' ajnic la' wic'ot i yutslel i pusic'al lac Yum Jesucristo.

2 TESALONICENSES

¹ Pablojon quic'ot Silvano quic'ot Timoteo, wolic ts'ijbubeñet lojon ili jun xñopt'añet b_Λ la mu' b_Λ la' tempan la' b_Λ ya' ti Tesalónica, ochemet b_Λ la ti Dios lac Tat yic'ot ti lac Yum Jesucristo.

² La' aq'uentiquetla i yutslel yic'ot i ñ_Λch'tilel la' pusic'al ch'oyol b_Λ ti Dios lac Tat yic'ot ti lac Yum Jesucristo.

Wocolix i y_{ΛΛ} Dios yic'ot oración

³ Yom mic ch_{ΛN} suben lojon Dios wocolix i y_{ΛΛ} cha'añetla, hermanojob, come ñumen xuc'ul woli la' ñop, ñumen cab_Λl woli la' c'uxbin la' b_Λ ti jujuntiquiletla.

⁴ Jini cha'an wolic tsictesañetla ti ñuc ti' tojlel xñopt'añob mu' b_Λ i tempañob i b_Λ. Come ch_{ΛN} xuc'ul woli la' ñop. Ti' p'_Λtlalel la' pusic'al woli la' cuch la' tic'_Λntel yic'ot wocol.

⁵ Che' mi la' cuch wocol ti uts'at, woli la' tsictesan toj b_Λ i meloñel Dios, come mi caj la' q'uejlel ti uts'at che' mi' tilel i yum_Λntel Dios. Jini cha'an woli la' cuch cab_Λl wocol.

⁶ Come Dios mi caj i melob ti toj. Mi caj i y_Λq'ueñob wocol jini woli b_Λ i y_Λq'ueñetla wocol.

⁷ Mi caj i y_Λq'ueñetla la' c'aj la' wo quic'ot lojon che' mi' p'_Λst_Λl lac Yum Jesús ti panchan yic'ot jini ángelob am b_Λ i p'_Λtlalel.

⁸ Mi caj i tilel yic'ot c'ajc cha'an mi' q'ux_Λbeñob i jontolil jini mach b_Λ anic mi' c_Λñob Dios yic'ot jini mach b_Λ anic mi' ch'ujbibeñob i wen t'an lac Yum Jesucristo.

⁹ Mi caj i tojob i mul ti c'ajc ti pejtelel ora. Ma'anic mi caj i ch_{ΛN} q'uelob lac Yum mi i ñuclelic i p'_Λtlalel.

¹⁰ Ti jim b_Λ q'uin mi caj i tilel lac Yum cha'an mi' sujbel ti ñuc ti' tojlel i cha'año' b_Λ. Mi caj i q'uejlel ti ñuc lac Yum ti' tojlel pejtelel tsa' b_Λ i ñopoyob yic'ot ti la' tojlel. Come tsa'ix la' ñopo c t'an lojon che' b_Λ tsac subeyetla.

¹¹ Jini cha'an wolic ch_{ΛN} ña'tañet lojon ti oración cha'an uts'at mi la' q'uejlel ti Dios tsa' b_Λ i p'_Λγ_Λyetla. Mij c'ajtiben Dios cha'an mi' yujtes_Λbeñetla pejtelel jini wen b_Λ e'tel ti la' tojlel che' bajche' la' wom. La' i

coltañetla yic'ot i p'_Λtlalel cha'an mi' laj ujtet che' bajche' woli la' ñop.

¹² Che' jini mi caj i ñuq'ues_Λntel i c'aba' lac Yum Jesucristo ti jatetla. Jatetla ja'el mi caj la' ñuq'ues_Λntel ti Jesús cha'an ti' yutslel i pusic'al Dios yic'ot lac Yum Jesucristo.

2

Mi' tsictiyel jini winic but'ul b_Λ ti jontolil

¹ Cha' tal lac Yum Jesucristo. Mi caj lac temp_Λyel majlel ya' ba'an. Jini cha'an la' wocolic, hermanojob,

² mach yomic mi' b_Λc' tejchel tile bixel b_Λ la' pusic'al. Mach la' tsic la' pusic'al. Mach la' jac'ben espíritu, mi t'an, mi jun mu' b_Λ i y_Λl tsa'ix tili i q'uiñilel lac Yum. Mi' lon alob che' _Λch tsac ts'ijba lojon.

³ Mach la' w_Λc' la' b_Λ ti lotintel mi ts'ita'ic. Come maxto talic i q'uiñilel jinto mi' cha' c_Λyob jini wen t'an, jinto mi' tsictiyel ja'el jini winic but'ul b_Λ ti jontolil, jini winic mu' b_Λ i majlel ti c'ajc.

⁴ Jiñ_Λch i contra Dios mu' b_Λ i chañ'esan i b_Λ ti' contra pejtelel chuqui tac mi' diosintel, yic'ot pejtelel chuqui tac mi' c'uxbintel ti ch'ujyijel. Mi' caj ti bucht_Λl ti' Templo Dios che' bajche' Dios. Mi caj i cuy i b_Λ ti Dios.

⁵ ¿Mach ba c'ajalic la' cha'an tsac subeyetla ili t'an che' ya'to añon la' wic'ot?

⁶ W_Λle la' wujil chuqui woli' tic' jini winic cha'an ma'anic mi' tsictiyel jinto che' i yorajlelix.

⁷ Come wolic ti p'ojlel i p'_Λtlalel jontolil mach b_Λ tsictiyemic ti yamb_Λ ora. Pero jini woli b_Λ i m_Λctan mu'to caj i ch_{ΛN} m_Λctan jinto che' mi' tats' i b_Λ.

⁸ Che' jini mi' caj ti tsictiyel jini xjontolil. Lac Yum Jesús mi caj i ts_Λnsan ti' yiq'uilel jach i yej. Mi caj i jisan jini winic ti' s_Λclel che' mi' tilel.

⁹ Mi' tilel jini xjontolil yic'ot i p'_Λtlalel Satanás cha'an mi' melben i ye'tel. Mi' cajel ti lot yic'ot i yejtal tac i p'_Λtlalel yic'ot b_Λb_Λq'uen tac b_Λ i melbal,

¹⁰ yic'ot pejtelel jontol b_Λ lo'loya ti' tojlel jini woli b_Λ i sajtelob, come mach yomobic i c'uxbin i sujmllel cha'an mi' colt_Λntelob.

¹¹ Jini cha'an Dios mi' y_Λc'ob ba' mi' wen tajob i sojquemal cha'an mi' ñopob lot,

12 cha'an mi' yochelob ti tojmulil pejtelel mach b_Λ anic tsi' ñopbeyob i sujmllel, tsa' b_Λ i mulayob jontolil.

Dios tsi' yajcayetla cha'an mi la' colt_Λntel

13 Hermanojob, c'uxbibilet b_Λ la i cha'an lac Yum, yom mic ch_Λn suben lojon Dios wocolix i y_ΛΛ cha'añetla. Come ti' cajibal pañimil Dios tsi' yajcayetla cha'an mi la' colt_Λntel. Ti' p'_Λt_Λlel jini Espiritu woli' yot-sañetla ti ch'ujul, come woli la' ñopben i sujmllel Dios.

14 Jini cha'an tsi' p_Λy_Λyetla yic'ot jini wen t'an mu' b_Λ c sub lojon, cha'an mi la' taj i ñucllel lac Yum Jesucristo.

15 Jini cha'an, hermanojob, yom mi la' xuc'chocon la' b_Λ. Wen ac'_Λla ti la' pusic'al jini t'an tsa' b_Λ la' wubi mi tic t'an lojon, o mi tic jun lojon.

16 Jini lac Yum Jesucristo, yic'ot Dios lac Tat tsa' b_Λ i c'uxbiyonla, jini tsa' b_Λ i y_Λq'ueyonla i ñucllel lac pusic'al mach b_Λ anic mi' jilel yic'ot wen b_Λ lac pijtaya ti' yutslel i pusic'al,

17 la' i ñuq'ues_Λbeñetla la' pusic'al. La' i xuc'chocoñetla ti pejtelel wen b_Λ t'an yic'ot ti pejtelel wen b_Λ e'tel.

3

Pablo tsi' c'ajti oración

1 W_Λle, hermanojob, cha'lenla oración cha'añon lojon, cha'an ora mi' p'ojlel i t'an lac Yum, cha'an mi' q'uejlel ti ñuc ti' tojlel yaño' b_Λ che' bajche' ti la' tojlel.

2 Cha'lenla oración cha'an ma'anic chuqui mi' tumbleñon lojon winicob but'ulo' b_Λ ti jontolil yic'ot i sajtemal, come mach ti pejtelelobic mi' ñopob Dios.

3 Pero xuc'ul lac Yum mu' b_Λ caj i xuc'chocoñetla. Mi caj i c_Λntañetla ba' ora mi' yil_Λbeñet la' pusic'al jini xiba.

4 Cujil lojon ti lac Yum, woli la' jac'beñon lojon c mandar. Cujil lojon mi caj la' ch_Λn jac'.

5 La' ñijc_Λntic la' pusic'al ti lac Yum cha'an mi la' c'uxbin Dios yic'ot cha'an mi la' cuch wocol che' bajche' Cristo.

Mach mi la' to'ol ñusan q'uin

6 W_Λle, hermanojob, mic subeñet lojon ti mandar ti' c'aba' lac Yum Jesucristo, mach

la' ñocht_Λn jini hermanojob to'o che' jach b_Λ mi' ñusañob q'uin, jini mach b_Λ anic mi' yajñelob bajche' tsaj c_Λntesayet lojon.

7 Come la' wujil bajche' yom mi la' tsaj-cañon lojon. Mach to'ol che'ic jach tsac ñusa lojon q'uin ya' ba' añetla.

8 Ma'anic tsaj c'uxu lojon waj tic majtan jach. Tsa' lujb'ayon lojon ti wocol e'tel ti q'uiñil yic'ot ti ac'_Λlel cha'an ma'anic mi' c'ojyel la' m_Λc'lañon lojon.

9 Machic tsac p'untayet lojon tsa' mejli j c'ajtin lojon j colt_Λntel, pero tsac ña'ta lojon c p_Λsbeñetla tic melbal lojon bajche' yom mi la' cha'len e'tel, cha'an mi la' tsajcañon lojon.

10 Come che' ya'to añon lojon la' wic'ot tsac subeyetla ti mandar: Mi an majqui mach yomic e'tel, mach i to'ol c'ux waj, cho'on lojon.

11 Come woli cubin lojon che' jach woli' to'ol ñusañob q'uin lamital. Ma'anic mi' cha'leñob e'tel. Mi' to'ol bajñel otsañob i b_Λ ba' mach i wentajic.

12 Jini woli b_Λ i melob che' bajche' jini, mic subeñob lojon ti mandar, mic xic'beñob lojon ti lac Yum Jesucristo cha'an ñ_Λch'_Λl mi' ch_Λn cha'leñob i ye'tel cha'an mi' c'uxob i bajñel waj.

13 Hermanojob, mach la' lujb'an ti' melol chuqui uts'at.

14 Mi an majqui mach yomic i ch'ujbin chuqui wolic subeñet lojon ti ili jun, q'uelela jini winic. T_Λt_Λ'_Λx la' b_Λ ba'an cha'an che' jini, mi' cajel ti quisin.

15 Pero mach la' q'uele' che' bajche' la' contra. Yom mi la' xic'ben ti uts'at bajche' hermano.

Cortesía

16 Lac Yum mu' b_Λ i y_Λq'ueñonla i ñ_Λch'tilel lac pusic'al, la' i y_Λq'ueñetla i ñ_Λch'tilel la' pusic'al ti pejtelel ora bajche' jach añetla. La' ajnic lac Yum la' wic'ot ti la' pejtelel.

17 Joñon Pablojon mic ts'ijbubeñetla ili cortesía tij c'_Λb. Jiñ_Λch i marcajlel pejtelel c jun tac. Jiñ_Λch bajche' yilal c ts'ijb.

18 La' ajnic la' wic'ot ti la' pejtelel i yutslel lac Yum Jesucristo.

1 TIMOTEO

¹ Pablojon, apóstolon i cha'an Jesucristo cha'an ti mandar Dios la caj Coltaya yic'ot lac Yum Jesucristo, lac pijtaya.

² Mic ts'ijbubeñet ili jun, Timoteo, mero calobilet ti' t'an Dios. La' aq'uentiquet i yutslel a pusic'al ch'oyol b_Λ ti Dios lac Tat yic'ot ti Cristo Jesús lac Yum.

Tsajaletme cha'an leco b_Λ c_Λntesa

³ Che' b_Λ tsa' cajiyan ti majlel ya' ti Macedonia, tsac subeyet ti wocol t'an cha'an ma' c_Λy_Λt_Λ ti Efeso. Tsac subeyet cha'an ma' tic' jini woli b_Λ i techob leco b_Λ c_Λntesa.

⁴ Subeñob cha'an ma'anic mi' ch_Λn ñopob i sajtemal i ñojte'elob yic'ot i juñilel i c'aba' tac i ñojte'elob mu' b_Λ i y_Λc'ob ti c_Λl_Λx t'an. Mach mejlic i wis coltañob cha'an mi' tajob i bijlel Dios ba' mi' colt_Λntel jini mu' b_Λ i ñopob.

⁵ Che' _Λch wolic sub cha'an com mi' ñopob c'uxbiya mu' b_Λ i p'ojlel che' s_Λc lac pusic'al che' ma'anic woli ti t'an, che' woli lac ñop Dios ti jump'ejl lac pusic'al.

⁶ Pero lamital tsi' c_Λy_Λyob chuqui wen cha'an mi' cha' ñopob lolom jach b_Λ t'an.

⁷ Yomob i cha'len c_Λntesa ti jini mandar, pero ma'anic mi' ch' _Λmbeñob isujm chuqui woli' y_Λlob mi chuqui woli' wersa c_Λntesañob.

⁸ La kujil uts'at_Λch jini mandar mi woli' c' _Λjñel ti toj.

⁹ La kujil ma'anic tsa' ts'ijbunti jini mandar cha'an mi' tijq'uelob jini toj b_Λ winicob, pero cha'an mi' tijq'uelob jini xñusa mandarob, yic'ot xñusa t'añob, yic'ot xñusa Diosob, yic'ot xmulilob, yic'ot xjontolilob, yic'ot xp'ajoñelob, jini mu' b_Λ i ts_Λnsañob i tat, i ña', i pi' _Λlob.

¹⁰ Tsa' ts'ijbunti cha'an mi' tijq'uelob jini mu' b_Λ i cha'leñob ts'i'lel, yic'ot jini mu' b_Λ i w_Λl_Λc pi'leñob i b_Λ, yic'ot jini mu' b_Λ i xujch'iñob winicob, yic'ot xlotob, yic'ot xjop't'añob, yic'ot yaño' b_Λ bajche' jach mi' ñusañob toj b_Λ c_Λntesa.

¹¹ Che' _Λch mi' y_Λl ti jini wen t'an tsa' b_Λ aq'uentiyon tic wenta, ch'oyol b_Λ ti Dios am b_Λ i yutslel.

Iyutslel i pusic'al Dios ti' tojlel Pablo

¹² Mic suben wocolix i y_Λl_Λ Cristo Jesús lac Yum, come tsi' wa'chocoyon ti' ye'tel. Tsi' p' _Λtesayon, come tsi' w_Λn ña'ta xuc'ul mi caj cajñel.

¹³ Ti yamb_Λ ora tsac cha'le p'ajoñel yic'ot tic'laya yic'ot ts'a'leya. Tsa' p'unt_Λntiyon come tsac mele c tontojlel che' maxto anic tsac ñopo Cristo.

¹⁴ C'ax cab_Λl tsa' ajni i yutslel i pusic'al lac Yum tic tojlel come che' b_Λ tsi' y_Λq'ueyon c ñop, tsi' y_Λq'ueyon j c'uxbiya ti Cristo Jesús.

¹⁵ Cristo Jesús tsa' tili w_Λ' ti pañimil cha'an mi' coltan xmulilob. Isujm ili t'an. Uts'at mi' ñojpel ti pejtelel pañimil. Joñon ñumen xmulilon bajche' yaño' b_Λ.

¹⁶ Jini cha'an Jesucristo tsi' p'untayon anquese ñumen xmulilon, cha'an mi' p_Λs i p'untaya ti' tojlel jini mu' b_Λ caj i ñopob Jesús cha'an mi' tajob i cuxt_Λlel mach b_Λ anic mi' jilel.

¹⁷ La' q'uejlic ti ñuc jini Rey am b_Λ ti pejtelel ora, mach b_Λ yujilic ch_Λmel, mach b_Λ tsiquilic ti lac wut. Jiñ_Λch cojach b_Λ Dios am b_Λ i ña't_Λbal. La' tsictiyic i ñucler ti pejtelel ora. Amén.

¹⁸ Calobil Timoteo, che' _Λch wolic subeñet cha'an ma' cha'len wen b_Λ guerra, cha'an mi' ts' _Λctiyel chuqui tsa' w_Λn ajli ti a tojlel.

¹⁹ Ch_Λn ñopo lac Yum. Jac' _Λ jini toj b_Λ t'an am b_Λ ti a pusic'al. Lamital ma'anic tsi' jac' _Λyob i tic'ol i pusic'al. Jini cha'an tsi' c_Λy_Λ i ñopob. Tsa' sajtiyob.

²⁰ Che' tsi' cha'leyob Himeneo yic'ot Alejandro. Tsa'ix cotsayob ti' wenta Satanás, come woli' y_Λc'ob ti p'aj_Λl i c'aba' Cristo.

2

Bajche' yom mi' cha'leñob oración

¹ Ñaxan mic xic'beñetla: c'ajtibenla Dios chuqui yom la' cha'an, cha'lenla oración, pejc_Λbenla Dios winicob x'ixicob, subenla Dios wocolix i y_Λl_Λ cha'an pejtelo.

² Melela oración cha'an yum_Λlob yic'ot pejtelo año' b_Λ i ye'tel cha'an ñach' _Λl mi la cajñel ti' tijic' _Λyel lac pusic'al, ti wen ch'ujul yic'ot ti wen toj.

³ Come jiñ_Λch uts'at b_Λ. Che' _Λch yom Dios, la Caj Coltaya.

4 Yom mi' coltan pejtelel winicob x'ixicob. Yom mi' cañob i sujmllel.

5 Come juntiquil jach Dios yic'ot juntiquil jach la caj ñusa t'an ti' tojlel Dios, jiñach jini winic Cristo Jesús.

6 Tsi' yac'la i ba cha'an mi' man pejtelel año' ba ti pañimil. Jiñach i ye'tel tsa' ba ajq'ui ti cajñel che' ti' yorajlel.

7 Jini cha'an tsa' wa'chocontiyon ti subt'an. Chocbilon majlel ti subt'an. (Isujm chuqui wolic sub come añoñon ti Cristo. Mach c lotic.) Xcantesajon ti' tojlel jini gentilob cha'an mi' cañob i sujmllel, cha'an mi' ñopob Dios.

8 Com mi' melob oración winicob baqui jach añoñob. La' i letsañob i c'ab ti' xuc'talel i pusic'al. Mach yomic mich'ajel mi leto.

9 Jini x'ixicob ja'el la' i xojob i pislel bajche' yom, mach cha'anic mi' q'uejlelob ti winicob. I p'isol jach yom mi' ch'lob i ba. Mach yomic ñumen ti p'is mi' ch'lob i jol. Mach yomic ñumen ti p'is mi' ch'lob i ba ti oro, mi ti c'ax letsem ba i tojol ujal, mi ti c'ax letsem ba i tojol pisil.

10 Pero la' i pasob wen ba i melbal che' bajche' yom, come jiñach mero i ch'ajlil x'ixicob mu' ba i yalob ochemob ti Dios.

11 Jini x'ixicob la' i yubiñob i cantesantel ti ñach'al. La' i melob i ba ti pec'.

12 Come mach comic mi' cha'leñob cantesa x'ixicob. Mach yomic mi' yumantelob i cha'an winicob. Ñach'al yom mi' yajñelob x'ixicob.

13 Come ñaxan tsa' mejli Adán, wi'il Eva.

14 Adán ma'anic tsa' lotinti, pero jini x'ixic tsa' lotinti che' ba tsi' ñusabe i t'an lac Dios.

15 Pero mi caj i coltantelob x'ixicob cha'an ti' yac'ol allob ti pañimil mi xuc'ul mi' chan ñopob, mi xuc'ulob ti c'uxbiya, mi ch'ujulob, mi ma'anic mi' chañ'esañob i ba.

3

Jini mu' ba i cha'leñob i ye'tel ti xcantaya

1 Xuc'ul ili t'an: Mi an majch yom i cha'len i ye'tel ti xcantaya, woli' mulan wen ba e'tel.

2 Mach yomic mi' cha'len mulil jini xcantaya. Yom juntiquil jach i yijñam. Yom mi' wen ña'tan pañimil. Yom mi' tic' i ba.

Yom mi' mel chuqui toj. Yom mi' cha'len p'untaya. Yom mi' wen cha'len cantesa.

3 Mach yomic mi' mulan vino. Mach yomic mi' jats' i pi'lob. Mach yomic mi' mulan taq'uin. Yom uts i pusic'al. Mach yomic mi' cha'len leto. Mach yomic i ts'i'lel i wut cha'an chub'añal.

4 Yom mi' cantan ti' uts'at jini año' ba ti' yotot. Yom mi' ju'sabeñob i pusic'al i yalobilob cha'an mi' yajñelob ti toj, cha'an mi' p'isob ti' wenta i tat.

5 Come jini mach ba yujilic i cantan ti' uts'at jini año' ba ti' yotot, ¿bajche' mi mejlel i cantan xñopt'añoñob i cha'an ba Dios?

6 Mach yomic mi' yochel tsiji' ba hermano ti xcantaya ame i taj i mul che' bajche' tsi' taja i mul xiba che' ba tsi' chañ'esa i ba.

7 Che' ja'el yom mi' pas i ba ti toj ti' tojlel jini mach ba ochemobic ame cajic i ya'lentel, ame chujquic ti' yac xiba.

Jini diáconojob

8 Che' ja'el, jini mu' ba i cha'leñob i ye'tel ti' tojlel xñopt'añoñob, yom toj i melbal, mach yomic cha'chajp i t'an. Mach yomic mi' mulañoñob cabal vino. Mach yomic i ts'i'lelob i wut cha'an ganar.

9 Yom ti' saclel i pusic'al mi' cantañoñob i sujmllel mach ba tsictiyemic ti yamba ora woli ba lac ñop.

10 Yom ñaxan mi' q'uejlel mi xuc'ulob. Mi ma'anic i mul, la' i cha'leñob i ye'tel ti' tojlel xñopt'añoñob.

11 Che' ja'el i yijñamob, yom mi' yajñelob ti toj. Mach yomic mi' cha'leñob jop't'an. Yom mi' bajñel wen tic'ob i pusic'al. Yom xuc'ulob ti pejtelel i melbal.

12 Yom juntiquil jach i yijñam jini mu' ba i cha'leñob i ye'tel ti' tojlel xñopt'añoñob. La' i cantan i yalobilob yic'ot i yotot ti' uts'at.

13 Come jini mu' ba i cha'leñob i ye'tel ti' uts'at, cabal mi' chobejtañoñob i ñuellel. Che' ja'el mi' yutsi p'ojlel i xuc'talel i pusic'al yic'ot jini t'an mu' ba lac ñop ti Cristo Jesús.

I ña'tabal Dios mach ba tsictiyemic ti yamba ora

14 Mach jalic com tilel ba' añet. Wolic ts'ijbubeñet ili t'an.

15 Mi tsa' jaleyon, mi mejlel a ña'tan bajche' yom ma' mel ti' yotot Dios ti' tojlel jini xñopt'añob mu' b_Λ i tempañob i b_Λ, i cha'año' b_Λ jini cuxul b_Λ Dios. Jini xñopt'añob jiñach i cucujlel yic'ot i yoyel i yotot Dios ba' mi' tsictesantel i sujmllel.

16 Isujm wen ñuc laj cantesantel ti Dios mach b_Λ tsictiyemic ti yamb_Λ ora. Tsi' pas_Λ i b_Λ Dios ti' bac'tal winic. Tsa' pasle ti toj cha'an jini Espíritu. Tsa' q'uejli ti' wut ángelob. Tsa' sujbi i c'aba' ti' tojlel gentilob. Tsa' ñojpi ti pañimil. Tsa' pajyi letsel ti panchan.

4

I cantesantel Timoteo

1 Jini Espíritu mi' wen cantesañonla an mu' b_Λ caj i cay i ñopob jini wen t'an ti wi'il b_Λ q'uin. Mi caj i jac'beñob espíritujob mu' b_Λ i cha'leñob lot yic'ot i cantesa xibajob.

2 Xlot jini winicob mu' b_Λ i cantesañob. Chamen i pusic'al cha'an mulil.

3 Mi' lon tic'ob ñujpuñijel yic'ot ja'el i c'uxol we'elal tsa' b_Λ i mele Dios cha'an mi' c'uxob jini xñopt'añob mu' b_Λ i cañob i sujmllel, mu' b_Λ i subeñob Dios wocolix i yal_Λ.

4 Come uts'atach pejtelel tsa' b_Λ i mele Dios. Mach yomic mi lac ch'ajban. Yom tijicña mi laj c'ux mi tsa'ix lac sube Dios wocolix i yal_Λ.

5 Come saq'uesabilix che' mi lac ch'am yic'ot i t'an Dios yic'ot oración.

6 Mi wola' subeñob hermanojob ili cantesa, che' jini xuc'ul b_Λ x'e'telet i cha'an Jesucristo, mac'lablet ti jini t'an tsa' b_Λ a ñopo yic'ot wen b_Λ cantesa tsa' b_Λ a wersa tsajca.

7 Mach ma' ñopben i sajtemalla' ñojte'elob, yic'ot i tsucul t'an, come sojquem jax. Chajpan a pusic'al cha'an ch'ujul ma' wajñel.

8 Mi lac taj ts'ita' lac wenlel che' mi laj cantan lac bac'tal. Pero cabal mi lac taj che' ch'ujul mi la cajñel. Come mi' coltañonla wale ti ili ora yic'ot ti jini tal to b_Λ ora.

9 Xuc'ul ili t'an. Yom mi' ñojpel ti pejtelelob.

10 Jini cha'an woliyonla ti wersa e'tel yic'ot wocol come woli lac chan ñop jini

cuxul b_Λ Dios, i Yaj Coltaya pejtelel winicob, pero mero i cha'añob jini mu' b_Λ i ñopob.

11 Cha' cantesan ti mandar jini woli b_Λ c subeñet.

12 Mach a wac' a b_Λ ti ts'a'lentel ti tojlel winicob cha'an ch'iton winiquet to. Pasbeñob ti a melbal bajche' yom mi' cha'leñob t'an xñopt'añob, yic'ot bajche' yom mi' yajñelob ti uts'at yic'ot c'uxbiya ti jump'ejl jach i pusic'al, yic'ot i xuc'talel i pusic'al ti Cristo, yic'ot i saclel i pusic'al.

13 Pejcañob i ts'ijbujel Dios. Cha'len subt'an yic'ot cantesa jinto mij c'otel.

14 Wen cantan a c'ajñibal tsa' b_Λ aq'uentiyet yic'ot a we'tel ti subt'an, che' b_Λ tsi' yac'ayob i c'ab ti a jol jini ancianojob.

15 Chan mele a we'tel. Yom baxet ti melol cha'an mi' laj q'uelob uts'at wola' wajñel.

16 Cantan a b_Λ. Chan cha'len cantesa ti toj. Chan ajñen ti' sujmllel, come che' jini mi caj a coltan a b_Λ yic'ot jini mu' b_Λ i yubiñob a t'an.

5

Yom p'untaya

1 Mach a w_Λlen ñoxix b_Λ. Yom ma' xic'ben ti uts'at che' bajche' mi lac pejcan lac tat. Xic'beñob ch'iton winicob che' bajche' la quijs'iñob.

2 Xic'beñob jini ñoxix b_Λ x'ixicob che' bajche' lac ña', yic'ot jini xch'ocob che' bajche' la quijs'iñob yic'ot pejtelel i saclel a pusic'al.

3 Q'uele ti ñuc meba' x'ixicob mi mero meba'ob.

4 Pero mi an juntiquil meba' x'ixic am b_Λ i yalobil mi i buts, la' i ña'tañob i wentajach cha'an mi' cantesañob i ña'. La' i q'uextañob i wenlel jini tsa' b_Λ i cosayob. Come che'ach yom Dios. Uts'at mi' q'uel.

5 Coltanla jini mero meba' x'ixic tsa' b_Λ cale ti' bajñelil woli b_Λ i pijtan chuqui mi caj i taj ti Dios, woli b_Λ i chan cha'len oración ti q'uiñil yic'ot ti ac'alel.

6 Pero jini meba' x'ixic mu' b_Λ i mel bajche' jach yom i bajñel pusic'al, chamenix yilal che' cuxul to.

7 Subeñob ili t'an ti mandar cha'an mi' yajñelob ti toj.

8 Mi an juntiquil mach bΛ anic mi' cΛntan jini mero i pi'Λlob yic'ot jini año' bΛ ti' yotot, tsa'ix i cΛyΛ i ñop. Ñumen lecojΛch bajche' juntiquil mach bΛ anic mi' ñop Dios.

9 Mach ma' chucben i c'aba' ti jun jini meba' x'ixic maxto bΛ anic uxc'al i jabilel. Yom jini tsa' bΛ ajni yic'ot i ñoxi'al ti xuc'ul.

10 Yom mi' tsictiyel ti' tojlel i pi'Λlob mi an wen bΛ i melbal, mi tsi' cosa i yalobilob, mi tsi' cha'le p'untaya, mi tsi' pocbeyob i yoc i cha'año' bΛ Dios, mi tsi' colta jini tsa' bΛ i tajayob wocol, mi tsi' yΛc'Λ i bΛ ti pejtelel wen bΛ i melbal.

11 Pero mach a chucben i c'aba' ti jun jini xch'oc to bΛ meba' x'ixicob, come che' mi' jac'ob chuqui yomob i pusic'al, mi' tΛts'ob i bΛ ti Cristo. Mi caj i mulañoob i cha'yajlel ñujpuñijel.

12 Che' jini mi' tajob i mul che' mi' jemob i t'an tsa' bΛ i subuyob ti' tojlel Cristo.

13 Yic'ot ja'el mi' ñΛm'añoob ti buchtΛl. Mi' pam ñumelob ti jula'. Mach cojic jach mi' ñΛm'añoob ti buchtΛl, pero mi' cha'leñoob jop't'an ja'el. Mi' yotsañob i bΛ ba' mach i wentajobic. Mi' cha' alob chuqui mach yomix chΛn alol.

14 Jini cha'an yom mi' cha' cha'leñoob ñujpuñijel jini xch'oc to bΛ meba' x'ixicob. La' i cha'leñoob albΛl, la' i cΛntañob i yotot. Che' jini, mach mejlic i wis wajleñoonla laj contra.

15 Come lamital tsa'ix i cha' sutq'uiyob i bΛ i tsajcañoob Satanás.

16 Mi an meba' x'ixic ti' wenta xñopt'an, la' i coltan. Che' jini ma'anic mi' yochel ti' wenta pejtél jini xñopt'añoob mu' bΛ i tempañob i bΛ, come jasΛl che' mi' coltañoob jini mero meba' x'ixicob.

17 Jini ancianojob mu' bΛ i wen cha'leñoob i ye'tel, yom mi' q'uejlelob ti ñuc. Pero ñumen ñuc jini mu' bΛ i cha'leñoob e'tel ti subt'an yic'ot ti cΛntesa.

18 Come i Ts'ijbujel Dios mi' yΛl: "Mach ma' cΛchben i yej tat wacax che' woli' t'uchtΛben loq'uel i wut trigo". Mi' yΛl ja'el: "Yom mi' yΛq'uentel i tojol jini x'e'tel", che'en.

19 Mach a ñop t'an ti' contra anciano, cojach che' an cha'tiquil uxtiquil testigojob.

20 Jini mu' bΛ i cha'leñoob mulil, tiq'uiyob ti' tojlel pejtelel hermanojob cha'an mi' cajelob ti bΛq'uen jini año' bΛ.

21 Ti' tojlel Dios yic'ot lac Yum Jesucristo, yic'ot yajcΛbilo' bΛ i yángelob, mic subeñet ti mandar cha'an ma' jac' ili cΛntesa ti toj. Mach yomic jelchojc ma' cha'len c'uxbiya.

22 Mach a bΛc' wa'chocon winic ti' ye'tel lac Yum. Mach a wotsan a bΛ ba' woli' cha'leñoob mulil año' bΛ. ChΛcΛ q'uele a bΛ cha'an chΛn sΛquet.

23 Mach cojic jach ja' yom ma' chΛn jap, pero japΛ ts'ita' vino cha'an a ñΛc', come cabΛl mi' tajet c'amΛjel.

24 An mu' bΛ i pΛjyelob ti meloñel come tsiquil i mul ti' wut pejtél. Año' bΛ mach bΛ tsiquilic i mul mi' caj i tojob ti wi'il bΛ q'uin.

25 Che' ja'el, jini wen bΛ lac melbal ora mi' tsictiyel. Jini mach bΛ mi' bΛc' tsictiyel, mach ti pejtelic ora mi' mujquel.

6

1 Pejtelel x'e'telob año' bΛ ti' yum, la' i wen q'uelob ti ñuc i yum, ame p'ajlec i c'aba' Dios yic'ot i cΛntesa.

2 Jini año' bΛ ti' wenta i yum mu' bΛ i ñop Dios, mach yomic mi' ñusabeñoob i t'an cha'an laj bΛ hermanojob, pero ñumen uts'at yom mi' melbeñoob i ye'tel, come c'uxbibil bΛ hermano jini woli bΛ i coltΛntel. CΛntesañoob ti ili t'an. Xic'beñoob cha'an mi' jac'ob.

Mero ganar che' contento añoonla ti Dios

3 Mi an majqui mi' cha'len yambΛ cΛntesa cha'an mach yomic i ñop toj bΛ i t'an lac Yum Jesucristo yic'ot i cΛntesΛntel cha'an ch'ujul mi' yajñel, c'ax ñuc woli' pΛs i bΛ che' jini.

4 Sojquem i ña'tabal. Mi' cΛlΛx pejcan i pi'Λlob. Mi' contrajiñoob yic'ot i t'an cha'an mi' techbeñoob tsΛytsΛyña bΛ i pusic'al yic'ot leto, yic'ot jop't'an. Mi' sΛclΛbeñoob i mul.

5 Mi' tech cabΛl a'leya ti' tojlel winicob año' bΛ i bibi'lel, tsa' bΛ i cΛyΛyob i sujmllel. Mi' lon ch'ujutesan Dios cha'an jach ganar. Mach ma' tsajcan mu' bΛ i melob bajche' jini.

6 Che' mi' lac jac'ben i t'an Dios ti' ti-jicñayel lac pusic'al, jiñΛch mero ganar.

⁷ Come ma'anic chuqui tsa' lac ch'ama tilel ila ti pañimil. Isujm ma'anic chuqui mi mejlel lac ch'am majlel.

⁸ Jini cha'an che' an lac waj yic'ot lac pislel, yom tijicñayonla che' jini.

⁹ Jini yomo' b_Λ i taj cab_Λ i chub_Λ'an mi' jac'ob i p_Λyol ti mulil. Mi' yochelob ti yac, ñijc_Λbilob cha'an i colosojlel i pusic'al mu' b_Λ i y_Λc'ob ti wocol. Mi' s_Λtob i b_Λ. Mi caj i jis_Λntelob.

¹⁰ Come i mul_Λntel taq'uin mi' tech pejtelel jontolil. Jini mu'o' b_Λ i mulan cab_Λ taq'uin tsa'ix i c_Λy_Λyob i ñop lac Yum. Tsi' yotsayob i b_Λ ti cab_Λ wocol.

Cha'len wen b_Λ guerra cha'an jini tsa' b_Λ a ñopo

¹¹ Jatet i winiquet b_Λ Dios, puts'tan pejtelel mulil. Ch_Λn tsajcan chuqui toj yic'ot chuqui ch'ujul. Ch_Λn ñopo Dios ti xuc'ul yic'ot c'uxbiya, yic'ot i cuchol wocol ti uts'at, yic'ot uts b_Λ a pusic'al.

¹² Cha'len jini wen b_Λ guerra cha'an ch_Λn xuc'ul ma' ñop. Ch'ama ti a wenta a cuxtalel mach b_Λ anic mi' jilel come jini cha'an tsa' p_Λjiyet. Tsa' subu a b_Λ ti Cristo ti' tojlel cab_Λlob.

¹³ Wersa mic subeñet ti' wut Dios mu' b_Λ i y_Λq'uen i cuxtalel pejtelel chuqui an, yic'ot ti' wut Jesucristo tsa' b_Λ i subu i b_Λ ti Dios ti' tojlel Poncio Pilato:

¹⁴ Wen c_Λntan jini mandar c'_Λl_Λl jinto mi' tsictiyel lac Yum Jesucristo, cha'an ma'anic mi' bib'an jini mandar, cha'an ma'anic mi' ts'a'lentel.

¹⁵ Dios mi caj i y_Λc' ti tsictiyel Cristo che' ti' yorajlel. Jiñach tijicña b_Λ Yum_Λ, jini cojach b_Λ am b_Λ i p'_Λtalel, i Rey jini reyob, i Yum jini yum_Λlob,

¹⁶ jini cojach b_Λ mach b_Λ anic mi' ch_Λmel, jini chumul b_Λ ti' s_Λclel ba' mach mejlic lac lac'tesan lac b_Λ, jini mach b_Λ q'uelbilic i cha'an winicob mi' juntiquilic, mach b_Λ mejlic laj q'uel ja'el. La' q'uejlic ti ñuc. La' yum_Λntic ti pejtelel ora. Amén.

¹⁷ Jixcu jini am b_Λ cab_Λ i chub_Λ'an ti pañimil, ts_Λts ma' subeñob cha'an ma'anic mi' chañ'esañob i b_Λ, cha'an ma'anic mi' y_Λc'ob ti' pusic'al i chub_Λ'an yujil b_Λ jilel. Subeñob cha'an mi' ch_Λn ñopob jini cuxul b_Λ Dios mu' b_Λ i wen aq'ueñonla pejtelel

chuqui tac yom cha'an mi la cubin lac tijicñayel.

¹⁸ Subeñob cha'an mi' melob chuqui uts'at, cha'an mi' p'ojlel wen b_Λ i melbal. Mach yomic ch_Λcob. Yom mi' coltañob yaño' b_Λ yic'ot i chub_Λ'an.

¹⁹ Che' jini woli' y_Λc'ob ti temp_Λyel i chub_Λ'an cha'an jini tal to b_Λ q'uin. Woli' wen ac'ob ti' pusic'al i cuxtalel mach b_Λ yujilic jilel.

²⁰ Timoteo, wen c_Λntan pejtelel chuqui tac aq'uebilet ti a wenta. Mach a ñich'tan lolom jach b_Λ i t'an pañimil ti' tojlel jini mu' b_Λ i c_Λl_Λx pejcañob i b_Λ, mu' b_Λ i lon ña'tañob cab_Λl_Λch i ña't_Λbal.

²¹ Lamital tsa'ix i cha' c_Λy_Λyob jini tsa' b_Λ i ñopoyob cha'an mi' jac'beñob i t'an pañimil. La' ajnic a wic'ot i yutslel i pusic'al Dios.

2 TIMOTEO

¹ Pablojon, apóstolon i cha'an Cristo Jesús che' bajche' yom Dios, cha'an mic pam puc chuqui tsi' yalal Dios mu' bala i yalq'ueñonla laj cuxtalal ti Cristo Jesús.

² Mic ts'ijbubeñet ili jun, Timoteo, c'uxbibil bala calobil. La' i yalq'ueñet i yutslel i pusic'al yic'ot a p'untantel yic'ot i ñach'talal a pusic'al Dios lac Tat yic'ot Jesucristo lac Yum.

Xuc'ul yom ma' ñop jini wen t'an

³ Mic suben Dios wocolix i yalal, come wolic cha'liben i ye'tel ti' sacelal c pusic'al che' bajche' c ñojte'elob. Mic chan ña'tañet che' mic pejcan Dios, ti q'uiñil ti ac'lal.

⁴ Mic ña'tabeñet a wuq'uel. Comix j q'uelet cha'an mi' cha' ñuc'an c pusic'al.

⁵ Wolic ña'tan bajche' tsa' ñopo Dios ti isujm che' bajche' ti ñaxan tsi' ñopo a chu'chu' Loida yic'ot a ña' Eunice. Wale cujil wola' ñop ja'el.

⁶ Jini cha'an mij c'ajtesabeñet cha'an ma' chan p'atesan a c'ajñibal ti Dios tsa' bala aq'uentiyet che' bala tsa' c'aj j c'ab ti a jol.

⁷ Yom ch'ejlonla come Dios ma'anic mi' yal'onla ti balaq'uen. Tsi' yalq'ueyonla lac p'atalal yic'ot laj c'uxbiya. Tsi' yalq'ueyonla lac tic' lac pusic'al.

⁸ Jini cha'an mach a cha'len quisin che' ma' wac' ti caljñel lac Yum. Mach yomic ma' wubin quisin cha'an xñujp'elon i cha'an lac Yum. Ti' p'atalal Dios, ñusan wocol quic'ot cha'an jini wen t'an.

⁹ Dios tsi' coltasyonla. Tsi' p'alyayonla cha'an ch'ujul mi' la cajñel ti' tojlel. Mach cha'anic wen bala lac melbal, pero cha'an che' yom i pusic'al tsi' p'alyayonla ti' yonlel i yutslel tsa' bala i yalq'ueyonla ti oñiyi yic'ot Cristo Jesús.

¹⁰ Tsiquilix i yutslel wale cha'an tsa' tili Cristo Jesús, la caj Coltaya tsa' bala i jisabe i p'atalal lac mul mu' bala i yal'onla ti chamel. Tsi' ch'ambeyonla laj cuxtalal mach bala yujilic chamel, che' bajche' mi' tsictesabeñonla ti jini wen t'an.

¹¹ Wa'chocobilon cha'an mic subeñob gentilob jini wen t'an. Chocbilon majlel ti subt'an yic'ot cantesa ti' tojlelob.

¹² Jini cha'an woli cubin wocol, pero ma'anic woliyon ti quisin. Come calal c cha'an Dios tsa' bala c ñopo. Cujil an i p'atalal cha'an mi' cantan jini tsa' bala c'aj ti' wenta c'alal ti jini wi'il bala q'uin.

¹³ Ti' xuc'tilel a pusic'al yic'ot ti a c'uxbiya ti Cristo Jesús, chan lajin a cantesa yic'ot toj bala c t'an tsa' bala a wubi.

¹⁴ Cantan jini uts'at tac bala tsa' bala i yal'onla ti a wenta jini Ch'ujul bala Espiritu chumul bala ti lac pusic'al.

¹⁵ Ña'tabil a cha'an, tsa'ix i calyayonob Figelo yic'ot Hermógenes yic'ot pejtelel yaño' bala ti Asia.

¹⁶ La' p'untanticob ti lac Yum jini año' bala ti' yotot Onesíforo, come cabal tsi' ñuq'uesabeyon c pusic'al. Ma'anic tsi' quisñiyon anquese calhalon ti cadena.

¹⁷ Pero che' bala tsa' juli ti Roma tsi' wersa saclayon, tsi' tajayon.

¹⁸ La' i taj i p'untantel ti Dios ti' tojlel lac Yum ti jini tal to bala q'uin. Wen calal a cha'an bajche' tsi' coltasyonla Onesíforo ya' ti Efeso.

2

Xuc'ul bala soldado i cha'an Jesucristo

¹ Jini cha'an, calobil, la' chan p'at'aquelet ti' yutslel i pusic'al Cristo Jesús.

² Jini t'an tsa' bala c subeyet ti' tojlel cabalob, aq'ueñob ti' wenta xuc'ul bala winicob mu' bala caj i cantesañob yaño' bala.

³ Ñusan wocol che' bajche' xuc'ul bala soldado i cha'an Jesucristo.

⁴ Jini soldado woli bala ti guerra, ma'anic mi' mel i ye'tel ti' yotot come woli' melben i ye'tel jini tsa' bala i yotsa ti soldado.

⁵ Che' ja'el jini x'alas ma'anic mi' yal'uentel corona mi' ma'anic tsi' cha'le alas ti toj.

⁶ Jini xpac' wersa mi' ñaxan cha'len e'tel ti lum cha'an mi' ch'amben i wut.

⁷ Ña'tan ti a pusic'al chuqui wolic sub. Lac Yum mi' caj i yalq'ueñet a ch'amben isujm ti pejtelel.

8 Ña'tan Jesucristo loq'uem bΛ ti' p'olbal David. Tsa' ch'o'jyi loq'uel ba'an chΛmeño' bΛ che' bajche' mic sub ti jini wen t'an.

9 Woliyon ti wocol. CΛchΛlon che' bajche' xjontolil. Pero mach cΛchΛlic i t'an Dios.

10 Jini cha'an wolic lat' pejtelel jini wocol, come c'ux mi cubin jini yajcΛbilo' bΛ, cha'an com mi' tajob i coltanel ti Cristo Jesús yic'ot i ñucler mach bΛ anic mi' jilel.

11 Xuc'ulach ili t'an: Mi tsa' chΛmiyonla yic'ot Cristo Jesús, cuxul mi caj la cajñel yic'ot.

12 Mi woli lac lat' wocol, mux caj lac tem cha'len yumal la quic'ot. Mi tsa' la cΛΛ mach laj cΛñayic, ma'anic mi caj i cΛñonla ja'el.

13 Mi xuc'ulonla o mach xuc'ulonicla, pero xuc'ul Cristo Jesús yic'ot i t'an. Mach yujilic lot.

X'e'tel mach bΛ anic chuqui mi' quisñin

14 C'ajtesΛbeño' ili t'an. Wersa subeño' ti' wut lac Yum cha'an ma'anic mi' cΛΛX pejcaño' i bΛ ti to'ol t'an jach mach bΛ anic i c'Λjñibal. Che' jini mi' sojquelob jini mu' bΛ i yubiño'.

15 Cha'len wersa cha'an ma' pas a bΛ ti uts'at ti' wut Dios che' bajche' x'e'tel mach bΛ añic chuqui mi' quisñin, mu' bΛ i c'Λn ti uts'at jini isujm bΛ t'an.

16 Mach ma' majlel ba' ma' wubin lolom jach bΛ i t'an pañimil, come mi' yutsi p'ojlesan i jontolil winicob.

17 Come mi' p'ojlel majlel i t'an che' bajche' leco bΛ tsoy. Che'Λch yilal i cΛntesa jini Himeneo yic'ot Fileto.

18 Come tsi' tΛts'Λyob i bΛ ti jini isujm bΛ t'an. Woli' socbeño' i pusic'al xñopt'año', come mi' lon alob tsa'ix ñumi i yorajlel mi caj lac tejchel ch'o'jyel. Mi' yΛlob ma'anix lac pijtaya.

19 Pero tsΛts chuculonla mu' bΛ lac ñop Dios. Tsi' yΛq'ueyonla lac marcajlel ba' ts'ijbubil: "Lac Yum mi' cΛn i cha'año' bΛ". Jini cha'an la' i cΛy i jontolil jujuntiquil mu' bΛ i pejcΛben i c'aba' Cristo.

20 Ti mal colem otot an latu tac melbil bΛ ti oro yic'ot ti sasac taq'uin yic'ot yambΛ melbil bΛ ti te' yic'ot ti lum. Ti chajp ti chajp an i c'Λjñibal. Lamital mi' c'uxbintel, lamital mi' ts'a'lentel.

21 Mi an majqui mi' cΛy chuqui tac mach wenic, mi' saq'uesan i bΛ. Che' jini an i c'uxbintel, ch'ujul, cabΛ i c'Λjñibal ti lac Yum. ChajpΛbil i pusic'al cha'an mi' mel pejtelel chuqui wen.

22 Mach ma' jac'ben i colosojlel a pusic'al che' bajche' yambΛ ch'iton winicob. Tsajcan chuqui toj, yic'ot c'uxbiya, yic'ot i ñach'talel a pusic'al. ChΛn ñopo Dios yic'ot pejtelel mu' bΛ i pejcaño' lac Yum ti' saclelob i pusic'al.

23 Mach ma' ñich'tabeño' i t'an jini sajtemo' bΛ mu' bΛ i cΛΛX pejcaño' i bΛ ti lolom t'an mach bΛ anic i sujmler. Sojquem jax i t'an. A wujil mi' tech leto.

24 Mach yomic mi' bac' letsan i t'an ti leto jini x'e'tel i cha'an lac Yum. Yom uts mi' pejcan pejtelel i pi'Λlob. Yom ch'e'jl i pusic'al ti cΛntesa. Yom mi' ñusΛbeño' i sajtemal yaño' bΛ.

25 Yom mi' toj'esan i contrajob yic'ot uts bΛ t'an. Tic'Λl mi Dios mi caj i yΛq'ueño' i cΛy i mul cha'an mi' ñopob chuqui isujm,

26 cha'an mi' puts'elob ti' yac jini xiba, tsa' bΛ i chucuyob cha'an mi' wersa jac'beño' i mandar.

3

Jontol winicob che' ti wi'il bΛ q'uin

1 Yom ma' ch'Λmben isujm: Ti cojix bΛ q'uin tac tal i yorajlel bΛbΛq'uen tac bΛ.

2 Come jujuntiquil mi caj i bajñel c'uxbin i bΛ. Mi caj i mulaño' taq'uin, mi caj i chañ'esano' i bΛ, ñuc mi caj i q'uelob i bΛ. Mi caj i cha'leño' p'ajoñel. Mi caj i ñusΛbeño' i t'an i tat i ña'. Ma'anic mi' subeño' Dios wocolix i yΛΛ. Mach i cΛñayobic Dios.

3 Mach yujilobic c'uxbiya mi p'untaya. X'u'yajob. Ma'anic mi' tic'ob i pusic'al. Wen jontolob. Mi' ts'a'leño' chuqui uts'at.

4 Mi' yΛc'ob i pi'Λlob ti' c'Λb i contra. BΛbΛq'uen jax i melbalob. C'ax ñuc mi' pasob i bΛ. Mi' mulaño' pejtel chuqui tac yom i pusic'al. Ma'anic mi' c'uxbiño' Dios.

5 An bajche' mi' lon ch'ujutesano' Dios, pero ma'anic mi' cambeño' i p'ΛtΛlel. TΛts'Λ a bΛ ti' tojlel winicob mu' bΛ i melob che' bajche' jini.

6 Come ti maya jax yic'ot leco bΛ cΛntesa mi' socbeño' i pusic'al tonto bΛ x'ixicob

teñelo' bΛ ti mulil, mu' jach bΛ i jac'beñob i colosojlel i pusic'al.

⁷ Pejtelel ora woli' ñich'tañob i cΛntesΛntel, pero ma'anic mi ñopob jini mero isujm bΛ.

⁸ Che' bajche' tsi' contrajiyob Moisés jini Janes yic'ot Jambres, che' ja'el jini winicob mi' contrajiñob i sujmllel. Jontol chuqui mi' ña'tañob ti' pusic'al. Tsi' junyajlel cΛyΛyob jini woli bΛ lac ñop.

⁹ Pero mach ti pejtelelic ora mi caj i melob, come mi' caj ti cΛjñel i tontojlel i cha'an pejtelelob che' bajche' tsa' cΛjni i tontojlel jini cha'tiquil.

T'an cha'an jini yom bΛ i mel Timoteo

¹⁰ Pero jatet tsa'ix a ñopo j cΛntesa yic'ot c melbal, yic'ot jini com bΛ c mel, yic'ot c ñopbal, yic'ot bajche' mij cuchben i mul yaño' bΛ, yic'ot j c'uxbiya, yic'ot i xuc'talel c pusic'al ti pijt,

¹¹ yic'ot c tic'Λntel, yic'ot c wocol, yic'ot jini tsa' bΛ c ñusa ya' ti Antioquía yic'ot ti Iconio, yic'ot ti Listra. Tsaj cuchu pejtelel c tic'Λntel. Lac Yum tsi' coltayon loq'uel ti pejtelel.

¹² Majqui jach yom i yajñel ti ch'ujul ti Cristo Jesús, mux i tic'Λntel ja'el.

¹³ Pero jini jontolo' bΛ yic'ot xlotiyajob, utsi utsijax mi' chΛn melob i jontolil. Mi caj i lotiñob yaño' bΛ. Mi caj i lotintelob ja'el.

¹⁴ Jixcu jatet, ajñen che' bajche' tsa' cΛntesΛntiyet come tsa' wen ch'Λmbe isujm. A wujil ja'el majqui tsi' cΛntesayet.

¹⁵ C'ΛlΛl che' alΛlet to, cΛmbilix a cha'an jini Ch'ujul bΛ i Ts'ijbujel Dios, mu' bΛ i cΛntesañet cha'an ma' ñop Cristo Jesús cha'an ma' coltΛntel.

¹⁶ Ch'oyol ti Dios pejtelel i Ts'ijbujel. An i c'Λjñibal ti cΛntesa cha'an lac tic'ol, yic'ot cha'an lac toj'esΛntel, cha'an mi lac mel chuqui toj,

¹⁷ cha'an chajpΛbil i winic Dios ti pejtelel chuqui wen, cha'an uts'at mi' mel i ye'tel ti pejtelel.

4

¹ Jini cha'an mic subeñet ti' tojlel Dios yic'ot lac Yum Jesucristo mu' bΛ caj i tilel i mel jini cuxulo' bΛ yic'ot jini chΛmeño' bΛ che' mi' wa'chocon i yumΛntel:

² Subu jini wen t'an. Yom chajpΛbilet ti' yorajlel subt'an yic'ot che' mach i yorajlelic. Xic'beñob i ñop. Subeñob i mul. Xic'beñob ti uts'at ti' yutslel a pusic'al yic'ot i cΛntesa Dios.

³ Come tal i yorajlel che' ma'anic mi caj i mulañob toj bΛ cΛntesa. Mi caj i mulañob i yubin yambΛ t'an. Mi caj i pΛyob cabΛl i maestrojob mu' bΛ i subob chuqui mi' mulañob.

⁴ Mi caj i cΛyob i yubin chuqui tac i sujm. Mi caj i jac'beñob i sajtemal i ñojte'elob.

⁵ Ti pejtelel chuqui tac mi' yujtel chΛcΛ q'uele a bΛ. Cuchu wocol. Cha'len e'tel ti subt'an. Ts'ΛcΛl yom ma' mel a we'tel.

⁶ Come mach jalix mi caj cΛjq'uel ti' majtan Dios. Lac'Λlix i yorajlel cha'an mij cΛy pañimil.

⁷ Tsac cha'le wen bΛ guerra. WΛle, c'otemonix ba'jaxΛl c bijlel. Tsac wen cΛnta jini mu' bΛ lac ñop.

⁸ Jixcu jini mu' bΛ caj i yujtel, wolic pijtan jini corona mu' bΛ caj i tsictesan toj bΛ lac pusic'al. Lac Yum jini toj bΛ melo' mulil, mi caj i yΛq'ueñon ti jini tal to bΛ q'uin, mach cojic jach joñon pero pejtelel yomo' bΛ i q'uel lac Yum che' mi' tilel.

⁹ Cha'len wensa cha'an ma' tilel ti ora wΛ' ba' añon.

¹⁰ Come Demas tsi' cΛyΛyon cha'an tsi' mula pañimil. Tsa' majli ti Tesalónica. Tsa' majli Crescente ti Galacia. Tsa' majli Tito ti Dalmacia.

¹¹ Jini jach Lucas wΛ'an quic'ot. PΛyΛ tilel Marcos a wic'ot, come an i c'Λjñibal cha'an mi' coltañon.

¹² Tsac choco majlel Tíquico ti Efeso.

¹³ Che' ma' tilel ch'ΛmΛ tilel jini pΛl bΛ chaqueta tsa' bΛ j cΛyΛ ti' yotot Carpo ya' ti Troas, yic'ot jini jun tac. Wensa yom ja'el jini jun ba' mic cha'len ts'ijb.

¹⁴ Alejandro, jini xten taq'uin, cabΛl tsi' cha'le jontolil tij contra. La' i yΛq'uen lac Yum i tojol che' bajche' an i melbal.

¹⁵ ChΛcΛ q'uele a bΛ ti' tojlel Alejandro come cabΛl tsi' contraji lac t'an.

¹⁶ Ma'anic majqui tsi' coltayon che' bΛ tsac ñaxan mele c bΛ. Ti pejtelelob tsi' cΛyΛyoñob. La' ñusΛbenticob i mul.

¹⁷ Pero lac Yum tsa' wa'le tic t'ejl. Tsi' yΛq'ueyon c p'ΛtΛlel cha'an ts'ΛcΛl mic sub

jini wen t'an, cha'an mi' yubiñob pejtelel gentilob. Tsi' coltayon loq'uel ti' yej colem bajlum yilal.

¹⁸ Lac Yum mi caj i coltañon loq'uel ti pejtelel jontolil. Mi caj i c_Λantañon c'_Λl_Λl mi cochel ti' yum_Λantel panchan. La' tsictiyic i ñuclal lac Yum ti pejtelel ora. Amén.

Cortesía

¹⁹ Aq'uen cortesía Prisca yic'ot Aquila yic'ot jini año' b_Λ ti' yotot Onesíforo.

²⁰ Tsa' c_Λle Erasto ya' ti Corinto. C'am tsaj c_Λy_Λ Trófimo ya' ti Mileto.

²¹ Cha'len wersa cha'an ma' tilel che' maxto i yorajlelic ts_Λñal. Mi' y_Λq'ueñet cortesía Eubulo yic'ot Pudente, yic'ot Lino, yic'ot Claudia, yic'ot pejtelel la quermano-job.

²² La' ajnic ti a pusic'al lac Yum Jesucristo. La' ajnic la' wic'ot i yutslel i pusic'al Dios.

TITO

¹ Pablojon, i winicon Dios, apóstolon i cha'an Jesucristo cha'an mi' ñopob jini yajcabilo' b_Λ i cha'an Dios, cha'an mi' c_Λñob i sujmllel mu' b_Λ i y_Λc'onla ti ajñel ti ch'ujul,

² yic'ot cha'an mi' tajob i cuxtalel mach b_Λ anic mi' jilel, woli b_Λ lac pijtan. Come Dios, mach b_Λ yujilic lot, tsi' w_Λn ac'Λ i t'an che' maxto anic pañimil.

³ Che' ti' yorajlel w_Λn ña't_Λbal i cha'an Dios, tsi' tsictesa jini t'an. Dios la caj Coltaya tsi' y_Λq'ueyon que'tel cha'an mic sub.

⁴ Mic ts'ijbubeñet ili jun Tito, mero calobilet ti jini t'an mu' b_Λ laj comol ñop. Ch'Λm_Λ i yutslel yic'ot i ñach't_Λlel a pusic'al yic'ot a p'unt_Λtel ti Dios lac Tat, yic'ot ti lac Yum Jesucristo Xcoltaya lac cha'an.

Iye'tel Tito ya' ti Creta

⁵ Tsaj c_Λy_Λyet ya' ti Creta cha'an ma' toj'es_Λntel yic'ot cha'an ma' wa'chocon ancianojob ti jujump'ejl tejclum che' bajche' tsac subeyet.

⁶ Yom winic mach b_Λ anic i mul ti' tojlel i pi'Λlob, juntiquil jach i yijñam am b_Λ i yalobilob mu' b_Λ i ñopob i t'an Dios. Mach yomic jini sajtemo' b_Λ i yalobilob come an ti' wenta mi mach yujilic i tic'ob che' mi' ñusañob mandar.

⁷ Wersa yom mi' wa'chocontel x_Λntaya mach b_Λ anic i mul cha'an mi' c_Λntan i cha'año' b_Λ Dios. Mach yomic mi' chañ'es_Λn i b_Λ, mach yomic ora mi' mich'an, mach yomic mi' mulan vino, mach yomic mi' jats' i pi'Λlob, mach yomic mi' mulan taq'uin.

⁸ Yom mi' p_Λy ochel i pi'Λlob ti' yotot, yom mi' mulan i melol chuqui uts'at yic'ot chuqui toj yic'ot ch'ujul. Yom mi' ña'tan pañimil, yom mi' tic' i pusic'al.

⁹ Yom xuc'ul mi' yajñel ti jini toj b_Λ t'an che' bajche' c_Λntes_Λbil, cha'an mi' xic'beñob ti toj b_Λ c_Λntesa jini woli b_Λ i con-trajñob jini wen t'an, cha'an mi' sutq'uiñob i b_Λ.

¹⁰ Come an cab_Λl xñusa mandarob. Mi' cha'leñob lolom jach b_Λ t'an, xlotiyajob. Cojcoj jini woliyo' b_Λ ti c_Λntesa cha'an tsep p_Λch_Λlel, mi' socbeñob i pusic'al yaño' b_Λ.

¹¹ Yom mi' tijq'uelob come ti' caj i t'an woli' laj c_Λyob jini wen t'an ti cab_Λl otot. Woli' c_Λntesañob chuqui mach tojic cha'an mi' tajob taq'uin.

¹² Juntiquil x'alt'an loq'uem b_Λ ti' tojlelob tsi' y_ΛΛ: "Xlotob ti pejtelel ora jini año' b_Λ ti Creta. Lajalob bajche' jontol b_Λ b_Λte'el. Sts'u'lel, xwo'lelob", che'en.

¹³ Isujm tsa' b_Λ i y_ΛΛ. Jini cha'an yom ts_Λts ma' tic'ob cha'an mi' wen xuc'chocoñob i pusic'al ti jini mu' b_Λ lac ñop.

¹⁴ Mach yomic mi' ch_Λn jac'beñob sojquem b_Λ i subal judíojob yic'ot i mandar winicob mu' b_Λ i c_Λyob i sujmllel.

¹⁵ Jini s_Λco' b_Λ i pusic'al mi' q'uelob ti uts'at pejtelel chuqui an. Jini bibi'o' b_Λ mach b_Λ yomobic i ñop lac Yum, ma'anic chuqui mi' q'uelob ti uts'at. Bibi' i ña't_Λbal, mach yujilic i tic'ob i b_Λ.

¹⁶ Mi' lon alob añoob ti Dios, pero leco i melbal. Sojquemob. Xñusa t'añoob. Ma'añoobix i c'Λjñibal cha'an i melol chuqui uts'at.

2

Toj b_Λ c_Λntesa

¹ Pero jatet, yom uts'at ma' cha'len t'an yic'ot toj b_Λ c_Λntesa cha'an mi' yajñelob ti uts'at.

² Subeñob jini ñoxix b_Λ winicob cha'an mi' tic'ob i pusic'al, cha'an mi' wen ña'tañob chuqui wen yic'ot chuqui mach wenic. Yom mi' yajñelob ti toj ti jini mu' b_Λ lac ñop yic'ot i c'uxbiya yic'ot i xuc't_Λlel i pusic'al.

³ Che' ja'el subeñob ñoxix b_Λ x'ixicob cha'an uts'at mi' yajñelob yic'ot i pi'Λlob. Mach yomic mi' cha'leñob jop't'an. Mach yomic mi' mulañob cab_Λl vino. Yom mi' c_Λntesañob chuqui uts'at.

⁴ Yom mi' c_Λntesañob xch'oc to b_Λ x'ixicob cha'an mi' c'uxbiñob i ñoxi'al yic'ot i yalobilob,

⁵ cha'an mi' tic'ob i pusic'al, cha'an s_Λc mi' yajñelob, cha'an mi' wen cha'leñob i ye'tel ti' yotot. Yom uts'at mi' p_Λsob i b_Λ ti' wenta i ñoxi'al cha'an ma'anic mi' wajlentel i t'an Dios.

⁶ Che' ja'el suben ch'iton winicob cha'an mi' ña'tañob pañimil.

⁷ Ti pejtelel a melbal p_{AS}A a b_Λ ti uts'at ti tojlelob. Cha'len c_{ANT}esa ti toj, ti jump'ejl a pusic'al.

⁸ Yom toj a t'an ti pejtelel cha'an mi' yubin quisin a contra che' ma'anic chuqui mi' taj ti a tojlel.

⁹ Suben x'e'telob cha'an mi' jac'beñob i t'an i yumob, cha'an uts'at mi' q'uejlelob ti pejtelel i melbal, cha'an ma'anic mi' let-sañob i t'an.

¹⁰ Mach yomic mi' cha'leñob xujch'. Ti pejtelel i melbal yom mi' p_{AS}ob i b_Λ ti xuc'ul ti' tojlel i yumob cha'an uts'at mi' yubiñob i c_{ANT}esa Dios, Xcoltaya lac cha'an.

¹¹ Come tsa'ix tsictiyi i yutslel i pusic'al Dios ti coltaya ti' tojlel pejtelel winicob x'ixicob.

¹² Mi' c_{ANT}esañonla cha'an mi' laj c_{AY} pejtelel chuqui mach tojic, yic'ot i colosojlel lac pusic'al yic'ot i cha'an b_Λ pañimil, cha'an mi' lac wen ña'tan chuqui yom, cha'an toj mi' la cajñel ti ili ora che' bajche' i cha'año' b_Λ Dios.

¹³ Yom mi' lac pijtan jini c'ax uts'at b_Λ mu' b_Λ caj laj q'uel che' mi' p_{AS} i ñucl jini ñuc b_Λ Dios Jesucristo, Xcoltaya lac cha'an.

¹⁴ Tsi' y_{AC}'A i b_Λ ti chamel cha'añonla cha'an mi' mañonla loq'uel ti pejtelel lac jontolil, cha'an mi' s_Λq'uesañonla, cha'an mi' yotsañonla ti' cha'an, cha'an mi' lac b_ΛX'an ti' melol pejtelel chuqui wen.

¹⁵ Subeñob ili t'an, xic'beñob. Ti pejtelel a p'_{AT}alel ti ili e'tel tiq'ui jini año' b_Λ i mul. Mach i ts'a'leñet mi' juntiquilic.

3

Yom toj b_Λ lac melbal

¹ Suben xñopt'añob cha'an uts'at mi' yajñelob ti' wenta yum_Λlob yic'ot año' b_Λ i ye'tel ti gobierno. La' i jac'beñob ti uts'at ti pejtelel i pusic'al yujil b_Λ i melol pejtelel chuqui wen.

² Suben xñopt'añob cha'an ma'anic mi' cha'leñob u'yaj, cha'an ma'anic mi' cha'leñob leto, cha'an utsob jach mi' p_{AS}beñob pejtelel winicob i yutslel i pusic'al.

³ Come joñonla ja'el ti yamb_Λ ora ma'anic lac pusic'al, xñusa t'añonla, lotibilonla. Tsa'

jach lac jac'be pejtelel i colosojlel lac pusic'al yic'ot yan tac b_Λ yom b_Λ lac pusic'al. Tsa' lac lon ñusa q'uin ti ts'a'leya yic'ot ti' ts_{AY}ts_{AY}ñ_{AY}el lac pusic'al. Tsa' ts'a'lentiyonla. Tsa' lac ts'a'le lac b_Λ.

⁴ Pero che' b_Λ tsa' tsictiyi i yutslel yic'ot i c'uxbiya Dios la caj Coltaya ti' tojlel winicob x'ixicob,

⁵ tsi' coltayonla. Mach cha'anic toj b_Λ lac melbal pero cha'an ti' p'untaya tsi' coltayonla. Tsi' pocoyonla cha'an mi' la c_Λq'uentel tsiji' b_Λ laj cuxtalel. Tsi' cha' meleyonla ti' p'_{AT}alel Ch'ujul b_Λ Espíritu.

⁶ Dios tsi' wen aq'ueyonla Ch'ujul b_Λ Espíritu ti Jesucristo, la caj Coltaya,

⁷ cha'an mi' lac ch'_Λjmel ti' wenta cha'an ti' yutslel i pusic'al. Tsi' yotsayonla ti' yalobil cha'an mi' la c_Λq'uentel i yum_Λntel yic'ot laj cuxtalel woli b_Λ lac pijtan.

⁸ Isujmach ili t'an. Wen subeñob tsa' b_Λ i ñopoyob Dios cha'an xuc'ul mi' y_{AC}'ob i b_Λ ti wen b_Λ i melbal. Come jiñach yom b_Λ, añach i c'_Λjñibal ti' tojlel pejtelel winicob x'ixicob.

⁹ Mach a wotsan a b_Λ ba' woli' c_Λlax pejcañob i b_Λ ti lolom t'an, yic'ot cab_Λl t'an cha'an i c'aba' tac i ñojte'el. Yujilob a'leya, yic'ot c_Λlax t'an cha'an jini mandar. Come lolom jach pejtelel iliyi. Ma'anic i c'_Λjñibal.

¹⁰ Tiq'ui jini woli b_Λ i t'ox hermanojob. Mi ma'anic mi' jac' i tic'ol che' ti cha'yajlel mach ma' ch_Λn q'uel che' bajche' hermano.

¹¹ Come ña't_Λbil a cha'an sojquem jini winic. Woli ti mulil. Bajach i b_Λ woli' bajñel ac' i b_Λ ti toj mulil.

T'an cha'an jini yom b_Λ i mel Tito

¹² Che' mic chocbeñet tilel juntiquil hermano, mi Artemas, o mi jini Tíquico, yom ma' cha'len wersa cha'an ma' tilel ba' añoñ ti Nicópolis. Come ya' com ñusan i yorajlel ts_Λñal.

¹³ Wen coltan Zenas jini xc_{ANT}esa mandar, yic'ot Apolos cha'an uts'at mi' majlelob. Q'uele cha'an ma'anic chuqui anto yom i cha'añob.

¹⁴ Lac pi'_Λlob ja'el la' i melob chuqui wen. La' i coltañob jini anto b_Λ yom i cha'añob, cha'an mach lolomic mi' ñusañob q'uin.

¹⁵ Pejtelel hermanojob w_Λ' b_Λ añoñ quic'ot yomob i y_Λq'ueñet cortesia.

Aq'ueñob cortesía pejtelel mu' i c'uxbiñon
lojon cha'an jini wen t'an mu' b^Λ lac ñop.
La' ajnic la' wic'ot i yutslel i pusic'al Dios ti
la' pejtelel.

FILEMON

1 Pablojon xñujp'elon i cha'an Jesucristo, quic'ot la quermano Timoteo. Mic ts'ijbubeñet ili jun Filemón, c'uxbibilet b_Λ c pi'Λ lojon ti e'tel,

2 yic'ot ja'el c'uxbibil b_Λ la quermana Apia yic'ot Arquipo, tem soldado quic'ot lojon, yic'ot jini xñopt'añob mu' b_Λ i tempañob i b_Λ ti a wotot.

3 La' aq'uentiquetla i yutslel yic'ot i ñach'talel la' pusic'al ch'oyol b_Λ ti Dios lac Tat yic'ot lac Yum Jesucristo.

Filemón mi' c'uxbin lac Yum

4 Ti pejtelel ora mic suben c Dios wocolix i y_ΛΛ che' mic ña'tañet ti oración.

5 Come tsa'ix cubi uts'at wola' ñop lac Yum Jesús yic'ot pejtelel i cha'año' b_Λ Dios.

6 La' i coltañet Dios ti' subol jini woli b_Λ lac ñop cha'an mi' tajob i cuxt_Λlel yaño' b_Λ ja'el che' mi' c_Λñob pejtelel chuqui wen am b_Λ ti lac pusic'al cha'an Cristo Jesús.

7 Wen tijicñayon lojon, hermano, come wen a wujil c'uxbiya. Tsa' ñuq'ues_Λbeyon lojon c pusic'al che' bajche' tsa' ñuq'ues_Λbeyob i pusic'al i cha'año' b_Λ Dios.

Wocol t'an cha'an Onésimo

8 Ti Cristo mi mejlel c subeñet ti mandar bajche' yom ma' mel.

9 Pero c'ux mi cubiñet, jini cha'an mij c'ajtibeñet ti wocol t'an. Pablojon, ñoxonix, xñujp'elon i cha'an Jesucristo.

10 Mij c'ajtibeñet ti wocol t'an, p_Λy_Λ ochel Onésimo, calobil ti jini wen t'an tsa' b_Λ j c_Λntesa ti m_Λjquib_Λ.

11 Ti yamb_Λ ora ma'anic i c'Λjnibal a cha'an. W_Λle anix i c'Λjnibal cha'añet yic'ot cha'año.

12 Wolix c cha' chocbeñet tilel. P_Λy_Λ ochel che' jini che' bajche' ma' p_Λyon.

13 Tsac ña'ta uts'at mi' c_Λy_Λl quic'ot cha'an mi' coltaño ti a wenta che' w_Λ' ñup'ulon cha'an jini wen t'an.

14 Pero ma'anic chuqui com c mel jinto ma' subeño bajche' yom a pusic'al, come mach comic c xic'beñet cha'an ma' coltaño.

15 Tic'Λl mi tsi' poj c_Λy_Λyet Onésimo cha'an ma' junyajlel p_Λy ochel ti pejtelel ora.

16 Mach jinic jach a winic w_Λle pero ñumen an i c'Λjnibal, come c'uxbibil b_Λ hermanojix ti Cristo. Mic wen c'uxbin, pero ñumen yom ma' c'uxbin jatet come a waj e'tel_Λch. A wermanojix ti lac Yum ja'el.

17 Mi a pi'Λlon ma' w_Λl, p_Λy_Λ che' bajche' ma' p_Λyon.

18 Mi an chuqui tsi' mele ti a contra, mi an i bet a wic'ot, ac'Λ tic wenta.

19 Joño, Pablo, wolic ts'ijban tij c'Λb, mi caj c tojbeñet anquese wen a wujil an a bet quic'ot come tsa' ñopo Cristo tic tojlel.

20 Hermano, p_Λsbeño i yutslel a pusic'al ti lac Yum. Ñuq'ues_Λbeño c pusic'al ti Cristo.

21 Mic ts'ijbubeñet ili jun come kujil mi caj a jac'beño. Kujil ñumen mi caj a mel bajche' mic subeñet.

22 Yom ja'el ma' chajp_Λbeño cajñib ba' mic jijlel. Come mi c_Λl Dios mi caj i jac'beñetla la' woración cha'an mic cha' tilel.

23 Mi' y_Λq'ueñet cortesía Epafras c pi'Λl ti m_Λjquel cha'an Cristo Jesús.

24 Che' ja'el Marcos yic'ot Aristarco yic'ot Demas yic'ot Lucas, c pi'Λlob ti e'tel.

25 La' ajnic ti la' pusic'al i yutslel i pusic'al lac Yum Jesucristo.

HEBREOJOB

¹ Ti oñiyi Dios tsi' c'aññ jini x'alt'añob cha'an mi' pejcan lac ñojte'el. Cabal tsi' pejcayob ti chajp ti chajp che' bajche' yom ti jujunyajl.

² Wale, ti ili cojix ba q'uin tac tsa'ix i c'aññ i Yalobil i pejcañonla. Tsi' wa'choco cha'an mi' yaq'uentel pejtelel chuqui tac an. Tsi' c'aññ ti' melol pejtel chuqui tac an.

³ Mi' wen ac' ti tsictiyel i ñuclel i Tat. Mero Diosach ajñel. I tsictiyemlelach i Tat. Ti' p'atlel i t'an mi' cantan pejtel chuqui tac an. Che' ba tsa' ujt i bajñel poc lac mul, tsa' buchle ti' ñoj jini C'ax Ñuc Ba am ba ti chan.

⁴ Ñumen ñuc bajche' jini ángelob, come ñumen ñuc tsa' otsabenti i c'aba' bajche' ángelob.

Ñumen ñuc i Yalobil Dios bajche' ángelob

⁵ Come Dios ma'anic ba' ora tsi' sube ángel mi juntiquilic: “Jatet Calobilet. Wale tsa' ochiyon ti a Tat”. Ma'anic ba' ora tsi' sube ángel: “A Taton, calobilet”. Mach che'ic tsi' yala.

⁶ Che' ba tsi' choco tilel ti pañimil yalal ba i Yalobil, Dios tsi' yala: “La' i ch'ujutesañob Calobil pejtelel ángelob”, che'en.

⁷ Dios tsi' yala cha'an jini ángelob: “Ora jach mi' majlelob i yángelob che' bajche' ic'. Lajalob jini x'e'telob i cha'an bajche' c'ajc mu' ba ti lejmel”, che'en.

⁸ Pero che' ba tsi' pejca i Yalobil tsi' yala: “Buchulet Dios ti a yumantel, ti pejtelel ora. Ti a yumantel mi caj a mel chuqui toj.

⁹ Tsa' mula chuqui toj. Tsa' ts'a'le jontolil. Jini cha'an joñon, a Dios, tsa'ix c ñumen aq'ueyet i tijicñayel a pusic'al bajche' yaño' ba”, che'en.

¹⁰ Tsi' yala ja'el: “Jatet yumantel, ti' cajibal tsa' wa'choco jini pañimil. Jini cha'an i melbalach a c'ab.

¹¹ Mi' caj ti jilel jini pañimil yic'ot panchan, pero mi caj a chan ajñel. Mi' caj ti tsuculiyel jini pañimil yic'ot panchan che' bajche' bujcal.

¹² Mi' caj a bal che' bajche' mi' bajlel tsuts. Mi' caj ti q'uextiyel. Pero chan junlajalet ti

pejtelel ora. Ma'anic mi caj i jilel a jabilel”, che'en.

¹³ Dios ma'anic ba' ora tsi' sube ángel: “Buch'i tic ñoj jinto mi caq'ueñet a jisan a contrajob”. Mach che'ic.

¹⁴ Pejtelel jini ángelob, ¿mach ba espíritujobic mu' ba i cha'leñob e'tel? ¿Mach ba chocbilobitilel cha'an mi' cantañob jini mu' ba caj i coltantelob?

2

Jini ñuc ba laj coltantel

¹ Jini cha'an wera yom mi lac wen ac' ti lac pusic'al jini t'an tsa' ba la cubi ame laj cay mi mach yalalic la co.

² Isujm i t'an jini ángelob. Majqui jach tsi' ñusabeyob i t'an tsi' wera tojoyob i mul, come ma'anic tsi' jac'ayob.

³ ¿Bajche' mi mejlel lac puts'el joñonla mi woli lac ñusan jini ñuc ba laj coltantel? Lac Yum tsi' teche i subol laj coltantel. Jini tsa' ba i yubibeyob i t'an, tsi' cha' subeyonla ti isujm.

⁴ Dios tsi' teme i t'an yic'otob che' ba tsi' pasal i sujmllel i t'an, yic'ot cabal i yejtal tac i p'atlel, yic'ot bablaq'uen tac ba, yic'ot ñuc tac ba i melbal. Tsi' yaq'ueyob i c'ajñibal ti chajp ti chajp yic'ot jini Ch'ujul ba Espiritu che' bajche' yom i pusic'al.

I Yaj Coltaya winicob

⁵ Come Dios ma'anic tsi' yac'a ti' wenta ángelob jini tal to ba pañimil mu' ba lac sub.

⁶ Ts'ijbubil chuqui tsi' yala David ti salmo: “¿Chucoch ma' wac' ti a pusic'al winicob x'ixicob? Yic'ot i Yalobil Winic, ¿chucoch ma' c'uxbin?

⁷ Tsa' poj ac'a ti chumtal ti pañimil ba' mach i tajayic i ñuclel ángelob. Tsa' wlaq'ue i ñuclel yic'ot i c'uxbintel ti' tojlel pejtelel chuqui tac an.

⁸ Tsa' wlaq'ue i yumantel ti' tojlel pejtel chuqui tac an”, che'en. Che' ba tsi' yotsa ti' wenta pejtelel chuqui tac an, ma'anic tsa' cale chuqui mach aq'uebilic ti' wenta. Wale maxto añic woli laj q'uelben i yumantel.

⁹ Pero mi laj q'uel Jesús, tsa' ba poj peq'uesanti ba' mach i tajayic i ñuclel ángelob, tsa'ix cha' aq'uenti i ñuclel yic'ot i c'uxbintel, cha'an tsi' yac'a i ba ti chamel,

come ti' yutsllel i pusic'al Dios tsa' chami cha'an pejtelelonla.

¹⁰ Dios tsi' mele pejtel chuqui tac an. Woli' cantan cha'an mi' tsictesan i ñucllel. Yom mi' yalq'ueñob i ñucllel pejtel i yalobilob. Jini cha'an tsi' ts'actesa i ye'tel ti Jesucristo la caj Coltaya che' b_Λ tsi' yal'Λ ti wocol cha'an mi' coltañonla cha'an mi lac taj lac ñucllel ti' tojlel.

¹¹ Jini mu' b_Λ i salq'uesan winicob x'ixicob yic'ot jini mu' b_Λ i salq'uesantelob an jach juntiquil i Tat ti pejtelob. Jini cha'an ma'anic mi' cha'len quisin Jesús che' mi' yermanojiñob.

¹² Tsi' yal_Λ: “Mi caj c tsictesabeñob a c'aba'. Ti' tojlel jini temp_Λbilob' b_Λ mi caj j c'ayin a ñucllel”, che'en.

¹³ Tsi' yal_Λ ja'el: “Mi caj c wen ñop Dios”. Tsi' cha' al_Λ: “W_Λ añon quic'ot calobilob tsa' b_Λ i yalq'ueyon Dios”, che'en.

¹⁴ An i bac'tal yic'ot i ch'ich'el i yalobilob. Jini cha'an Jesús tsi' taja i bac'tal yic'ot i ch'ich'el ja'el cha'an mi' yal'Λ i b_Λ ti chamel. Che' b_Λ tsa' chami tsi' jisa jini am b_Λ i p'at_Λlel cha'an mi' yal'Λ ti chamel winicob x'ixicob, jiñach xiba.

¹⁵ Che' jini tsi' jiti pejtelel jini c_Λch_Λlo' b_Λ ti xiba, mu' b_Λ i cha'leñob b_Λq'uen come mi' cajelob ti chamel.

¹⁶ Melel ma'anic mi' coltan ángelob. Mi' coltan i p'olbal Abraham.

¹⁷ Jini cha'an wersa tsi' ch'ama i bac'tal Jesús lajal bajche' i bac'tal i yermanojob cha'an mi' yochel ti c'ax ñuc b_Λ motomaj yujil b_Λ p'untaya. Xuc'ul i pusic'al ti' ye'tel Dios cha'an mi' tojbeñob i mul pejtelel winicob x'ixicob.

¹⁸ Tsi' yubi wocol che' b_Λ tsa' p_Λjyi ti mulil. Jini cha'an mi' mejlel i coltan jini woli b_Λ i p_Λjyelob ti mulil.

3

Ñumen ñuc Jesús bajche' Moisés

¹ Jini cha'an ch'ujul b_Λ hermanojob, jatetla woli b_Λ la' p_Λjyel ti Dios, q'uelela Cristo Jesús, jini chocbil b_Λ tilel. Jiñach c'ax ñuc b_Λ motomaj lac cha'an mu' b_Λ lac ñop.

² Xuc'ul tsi' melbe i ye'tel Dios tsa' b_Λ i wa'choco, che' bajche' xuc'ul tsi' mele i ye'tel Moisés ti' tojlel i cha'año' b_Λ Dios.

³ Jini xmel otot ñumen an i ñucllel bajche' i yotot. Che' ja'el ñumen yom mi' laj c'uxbin Jesús bajche' Moisés come ñumen ñuc.

⁴ Ti jujump'ejl otot añach majqui tsi' mele. Pero jini tsa' b_Λ i mele pejtelel chuqui tac an, jiñach Dios.

⁵ Moisés xuc'ul tsi' melbe i ye'tel Dios ti' tojlel i cha'año' b_Λ Dios. I winicach. Tsi' w_Λn tsictesa jini tsa' b_Λ tili ti wi'il.

⁶ Pero Cristo i Yalobilach Dios. Mi' cantan ti xuc'ul i cha'año' b_Λ Dios. Tsi' quil che' jini, i cha'año' la Dios mi' c'Λ_Λ ti' jilibal ch_Λn lotol ti lac pusic'al chuqui tsa' lac ñopo, mi' xuc'ul mi lac pijtan ti' tijicñayel lac pusic'al.

P_Λybilob cha'an mi' c'ajob i yo

⁷ Jini cha'an, che' bajche' mi' yal jini Ch'ujul b_Λ Espíritu: “Mi woli la' wubiben i t'an Dios,

⁸ mach mi la' w_Λc' ti tsats'an la' pusic'al che' bajche' tsi' cha'leyob la' tatob che' b_Λ tsi' contrajiyob ya' ti colem b_Λ i tiquiñal lum che' b_Λ tsi' yil_Λbeyob c pusic'al.

⁹ Tsi' yil_Λbeyob c pusic'al. Tsi' ñusayob c t'an. Cha'c'al jab tsi' q'ueleyob c melbal.

¹⁰ Che' jini tsi' techbeyob c mich'ajel jini año' b_Λ ti yamb_Λ ora. Tsac subu: Ti pejtelel ora an i sajtemal come leco chuqui tsi' ña'tayob ti' pusic'al. Ma'anic tsi' ñopoyob c bijlel.

¹¹ Jini cha'an mich' tsac subu ti isujm: Ma'anic mi' caj c_Λq'ueñob i c'aj i yo”. Che' mi' yal jini Ch'ujul b_Λ Espíritu.

¹² Jini cha'an hermanojob, ch_Λc_Λ q'uele la' b_Λ ame tejchic jontolil ti la' pusic'al, ame mi la' c_Λy jini cuxul b_Λ Dios mi mach xuc'ulic mi la' ñop.

¹³ Pero yom mi la' xic'ben la' b_Λ ti uts'at ti jujump'ejl q'uin che' woli to i p_Λyonla, ame tsats'ac la' pusic'al ti mulil yujil b_Λ lotiya.

¹⁴ Lac tem cha'añach i yutsllel i pusic'al Dios la quic'ot Cristo mi' c'Λ_Λ ti' jilibal mi lac ch_Λn ñop che' bajche' ti ñaxan ti' xuc'tilel lac pusic'al.

¹⁵ I t'an Dios mi' subeñonla: “Mi woli la' wubiben i t'an Dios, mach mi la' w_Λc' ti tsats'an la' pusic'al che' bajche' tsi' cha'leyob che' b_Λ tsi' contrajiyob”. Che' mi' yal.

16 ¿Majqui tsi' contrajiyob che' b_Λ tsi' yu-bibeyob i t'an? ¿Mach ba pejtelobc tsa' b_Λ loq'uiyob ti Egipto yic'ot Moisés?

17 Cha'c'al jab tsi' techbeyob i mich'ajel. Dios tsi' mich'le jini tsa' b_Λ i cha' leyob mulil. Tsa' yajliyob i b_Λc'tal ya' ti jochol b_Λ lum.

18 Dios tsi' tajayob ti t'an che' b_Λ tsi' y_ΛΛ ti isujm: “Ma'anic mi caj c_Λq'ueñob i c'aj i yo”, che'en. Jiñob_Λch tsa' b_Λ i ñ_US_Λbeyob i t'an.

19 Tsiquil che' jini, ma'anic tsa' mejliyob ti ochel, come ma'anic tsi' ñopoyob.

4

1 Woli to i p_Λyonla Dios cha'an mi' y_Λq'ueñonla laj c'aj la co. Jini cha'an yom tsajilonla ame anic ti la' tojlel majqui ma'anic mi' c'aj i yo ti lac Yum.

2 Come tsa'ix subentiyonla jini Wen T'an lajal bajche' tsa' subentiyob. Pero ma'anic chuqui tsi' tajayob che' b_Λ tsi' yubiyob come ma'anic tsi' ñopoyob.

3 Pero joñonla mu' b_Λ lac ñop Dios, ochemonla ba' mi laj c'aj la co, che' bajche' tsi' y_ΛΛ: “Mich'on tsac subu ti isujm: Ma'anic mi caj c_Λq'ueñob i c'aj i yo quic'ot”. Che' tsi' y_ΛΛ Dios, anquese ujtemix i melbal c'Λ_Λ ti' tejchibal pañimil.

4 Come an ba' ts'ijbubil jini t'an cha'an i wucp'ejlel q'uin: “Ti' wucp'ejlel q'uin Dios tsi' c'aja i yo che' ujtemix pejteli ye'tel”. Che'Λch ts'ijbubil.

5 Ts'ijbubil ja'el: “Ma'anic mi caj i yoche-lob ti c'aj o”, che'en.

6 Tsiquil mi caj i c'ajob i yo yaño' b_Λ, come ma'anic tsi' c'ajayob i yo jini tsa' b_Λ subentiyob jini Wen T'an ti ñaxan, come xñusa t'añob.

7 Tsi' cha' taja ti t'an i yorajlel c'aj o che' b_Λ tsa' ñumi cab_Λl jab. Tsi' subu ti' jun David jini jach b_Λ t'an: “Mi woli la' wubiben i t'an w_Λle, mach mi la' w_Λc' ti tsats'an la' pusic'al”. Che' tsi' y_ΛΛ.

8 Tsa'ic i y_Λq'ueyob i c'aj i yo jini Josué, ma'anic tsi' cha' a_Λ Dios ti wi'il.

9 Tsiquil che' jini, an yamb_Λ c'aj o woli b_Λ i pijtañob i cha'año' b_Λ Dios.

10 Come majqui jach mi' c'aj i yo ti Dios, mi' c_Λy i mel i ye'tel che' bajche' Dios tsi' c'aja i yo che' ujtemix i ye'tel.

11 La' lac cha'len wersa cha'an mi laj c'aj la co, ame anic majch mi' yajlel ti mulil che' bajche' la' tatob tsa' b_Λ i ñ_US_Λbeyob i t'an.

12 Come cuxul i t'an Dios. Wen p'Λ_Λ. Ñumen jay bajche' espada am b_Λ i yej ti' cha'wejlel. Mi' s_Λl jec' lac pusic'al yic'ot lac ch'ujlel. Mi' tsictesan chuqui woli' y_Λ lac pusic'al yic'ot chuqui yom lac pusic'al.

13 Ma'anic mucul tac b_Λ ti' wut Dios. Jam_Λl ti' wut pejteli chuqui tac an. Wersa mi caj lac mel lac b_Λ ti' tojlel jini mu' b_Λ i lu' q'uel.

Jesús jini c'ax ñuc b_Λ la caj motomaj

14 An c'ax ñuc b_Λ la caj motomaj tsa' b_Λ ochi ti panchan ti' tojlel Dios. Jiñ_Λch Jesús, i Yalobil Dios. Jini cha'an la' lac ch_Λn ac' ti lac pusic'al jini tsa' b_Λ lac ñopo mu' b_Λ lac sub.

15 C'ax ñuc la caj motomaj. Yujil i p'untañonla, come yujil c'uñonla. Tsa' p_Λy_i ti chajp ti chajp b_Λ mulil ja'el, che' bajche' mi lac p_Λj_yel ti mulil. Pero ma'anic tsi' jac'Λ.

16 Jini cha'an yom ch'ejl lac pusic'al mi lac l_Λc'tesan lac b_Λ ba'an i buchlib Dios ba' mi' p_Λsbeñonla i yutslel i pusic'al. Ya' i mi caj lac p'unt_Λntel. Mi caj laj col_Λntel ti' yutslel i pusic'al che' an wocol ti lac tojlel.

5

1 Pejteli ñuc b_Λ motomaj yajc_Λbil b_Λ ti' tojlel winicob, an ti' wenta cha'an mi' melben i ye'tel Dios cha'an i wenlel winicob. Mi' y_Λq'uen Dios ofrenda yic'ot ts_Λn_Λs_Λbil b_Λ i majtan cha'an mulil.

2 Mi mejlel i p'untan jini mach b_Λ anic i ña't_Λbal yic'ot jini woli b_Λ ti sajtel, come winic ja'el.

3 Jini cha'an wersa yom mi' y_Λq'uen i majtan Dios cha'an i bajñel mul, che' bajche' mi' y_Λq'uen i majtan cha'an i mul yaño' b_Λ.

4 Ma'anic majch mi' bajñel ch'Λm jini ñuc b_Λ e'tel, cojach jini mu' b_Λ i p_Λj_yel ti Dios che' bajche' tsa' p_Λy_i Aarón.

5 Cristo ja'el ma'anic tsi' bajñel ñuq'uesa i b_Λ cha'an mi' bajñel otsan i b_Λ ti c'ax ñuc b_Λ motomaj. Tsa' subenti: “Jatet Calobilet. W_Λle tsa' ochiyon ti a Tat”, che'en. Jini tsa' b_Λ i sube ili t'an tsi' wa'choco.

6 Tsi' y_ΛΛ ti yamb_Λ salmo ja'el: “Jatet motomajet ti pejtelel ora. Wa'chocobilet ti' motomajil Melquisedec”, che'en.

⁷ Che' w_Λ'to chumul Jesús ti pañimil, tsi' pejca Dios am b_Λ i p'_Λt_Λlel cha'an mi' y_Λc' ti colel ame ch_Λmic. Tsi' c'ajtibé ti wocol t'an. C'am tsi' cha'le uq'uel. Tsa' tili i ya'lel i wut. Dios tsi' yubibe i t'an i Yalobil come uts'at tsi' jac'Λ ti pejtelel ora.

⁸ Pero anquese i Yalobil_Λch, ti' caj i wocol tsi' wen ñopo ch'ujbiya.

⁹ Che' b_Λ tsa' ts'_Λctiyi i chajp_Λntel yic'ot i ñuclél Jesús, tsa' ochi ti la caj Coltaya ti pejtelel ora. Mi' coltan pejtelel mu' b_Λ i jac'beñob i t'an.

¹⁰ Dios tsi' subu ti c'ax ñuc b_Λ motomaj wa'chocobil b_Λ ti' motomajil Melquisedec.

Jini mu' b_Λ i c_Λyob Dios

¹¹ Anto chuqui com c subeñet lojon, come cab_Λl i sujmlél ili motomajil. Wocol mi la' ch'_Λmben isujm come m_Λc_Λl la' chiquin yubil.

¹² Anix ora tsa' la' wubi jini t'an. Anquese i yorajlelix mi la' wochel ti x_cantesajob, anto yom majqui mi' cha' c_Λntesañetla c'_Λl_Λl ti' cajibal i sujmlél i t'an Dios. La' wom to la' chu' yilal. Maxto mejlic la' c'ux waj.

¹³ Come majqui jach woli to ti chu', maxto wen yujilic bajche' yom mi' yajñel ti toj, come a_Λl to.

¹⁴ Pero mi laj c'ux waj che' tsa'ix lac taja laj colel, che' c'_Λñ_Λlix lac cha'an chuqui wen yic'ot chuqui mach wenic.

6

¹ Jini cha'an mach yomix mi lac ch_Λn jal'an ti' ñopol i cajibal i sujmlél Cristo. La' wen sojlic ti lac pusic'al pejtelel i sujmlél, mach jinic jach i tejchibal c_Λntesa. Yom mi lac junyajlel c_Λy jini lolom jach b_Λ lac melbal cha'an mi lac ñop Dios.

² Jas_Λl_Λch la' c_Λntes_Λntel ti ch'_Λmja' yic'ot ti y_Λc'ol c'_Λb_Λl ti la' jol. Tsa'ix la' wubi mi' tejchelob ch'o_yel ch_Λmeño' b_Λ. Tsa'ix la' wubi i sujmlél toj mulil mach b_Λ yujilic jilel. Jas_Λl la' c_Λntes_Λntel ti ili tac.

³ Pero anto yom mi la' taj la' colel ti Cristo. La' lac ñop ti pejtelel che' bajche' yom Dios.

⁴ Jini mu' b_Λ i junyajlel c_Λyob Dios, ¿bajche' mi caj i cha' ñopob? Tsa'ix i c_Λn q'ueleyob i s_Λc_Λlel. Tsa'ix i c_Λn tajayob i wenlel ti Dios yic'ot ti Ch'ujul b_Λ Espíritu.

⁵ Tsi' ña'tayob uts'at i t'an Dios. Tsi' yu-biyob i p'_Λt_Λlel i yum_Λntel mu' b_Λ caj i tilel.

⁶ Pero tsi' t_Λt_Λs'_Λyob i b_Λ. Mach mejlix lac ch_Λn ñijc_Λbeñob i pusic'al cha'an mi' cha' sutq'uiñob i b_Λ, come woli' cha' ch'ijob ti cruz i Yalobil Dios yilal. Woli' y_Λc'ob ti wajlentel.

⁷ Dios mi' y_Λq'uen i bendición jini lum mu' b_Λ i ch_Λn japja'al che' mi' choc tilel. Mi' y_Λc' ti colel uts'at tac b_Λ lac p_Λc'bal.

⁸ Pero mi woli jach i y_Λc' ti colel pimel am b_Λ i ch'ixal, ma'anic i c'_Λjñibal jini lum. Pujch'emix. I yum mi caj i c_Λy. Mi' caj ti pulel.

⁹ C'uxbibilo' b_Λ, anquese che'_Λch wolic subeñet lojon, cujil lojon uts'at añetla. Woli la' w_Λc' la' wut ti uts'at come coltabiletla.

¹⁰ Come mach jontolic Dios. Mach ñaj_Λyic i cha'an la' melbal yic'ot la' c'uxbiya, come ti' c'aba' Dios tsa' la' colta i cha'año' b_Λ. Woli to la' coltañob.

¹¹ Pero com lojon ch_Λn b_Λxetla ti jujuntiquiletla c'_Λl_Λl mi la' ch_Λmel, cha'an mi la' taj pejtel woli b_Λ la' pijtan.

¹² Mach comic lojon mi la' lij la' b_Λ. Tsajcanla majlel jini woli b_Λ i y_Λq'uentelob pejtelel jini albil b_Λ i cha'an Dios, come mi' ch_Λn cha'leñob pijt ti' xuc't_Λlel i pusic'al woli b_Λ i ñopob.

¹³ Dios che' b_Λ tsi' y_Λq'ue Abraham i t'an, tsi' bajñel xuc'choco i t'an. Come ma'anic yamb_Λ ñuc b_Λ bajche' Dios tsa' b_Λ mejli i xuc'chocon.

¹⁴ Tsi' sube Abraham: "Ti isujm cab_Λl mi caj c_Λq'ueñet bendición. Mi caj c wen p'o_jles_Λbeñet a p'olbal". Che' tsi' y_Λl_Λ Dios.

¹⁵ Che' jal tsi' pijta Abraham ti' xuc't_Λlel i pusic'al, tsi' taja chuqui albil i cha'an Dios.

¹⁶ Ti isujm, winicob mi' tajbeñob i c'aba' jini ñumen ñuc b_Λ cha'an mi' xuc'chocoñob i t'an. Che' mi' xuc'chocoñob ti' c'aba' yamb_Λ, ma'anix majch mi mejlel i jem.

¹⁷ Dios ja'el yom i wen tsictes_Λbeñonla mach mejlic ti jejmél i t'an. Pejtel mu' b_Λ i ñopob mi caj i y_Λq'uentelob chuqui albil i cha'an. Jini cha'an tsi' bajñel taja i c'aba' cha'an mi' xuc'chocon i t'an.

¹⁸ Dios mach mejlic i cha'len lot. An cha'chajp mach b_Λ yujilic q'uext_Λyel. Jiñ_Λch i xuc't_Λlel i pusic'al yic'ot albil b_Λ i t'an. Jini cha'an joñonla tsa' b_Λ lac taja laj

colt'antel ti Dios, mi lac taj i ñuq'ues'antel lac pusic'al cha'an mi lac ch'an pijtan chuqui subebilonla.

¹⁹⁻²⁰ Jini lac pijtaya, jiñ'ach mu' b' i ts'ats xuc'chocoñonla. Mi' yac'onla ti ochel ti junwejl pisil b' tsal'al yilal ya' ti panchan ba' tsa' ñaxan ochi Jesús cha'añonla. Tsa' ochi ti c'ax ñuc b' motomaj ti pejtelel ora wa'chocobil ti' motomajil Melquisedec.

7

I motomajil Melquisedec

¹ Che' b' tsi' m'al' Abraham ti' tojlel jini reyob, tsa' tili Melquisedec cha'an mi' taj che' wolix ti sujtel. Melquisedec jiñ'ach i rey Salem, i motomaj jini Nuc b' Dios. Melquisedec tsi' y'ac'ue Abraham i yutslel i t'an.

² Abraham tsi' y'ac'ue i diezmojllel pejteli chub'an. An i sujmllel i c'aba' Melquisedec ti lac t'an, jiñ'ach Toj b' Rey am b' ti Salem. Jiñ'ach Rey yujil b' N'ach'chocoya.

³ Ma'anic i tat i ña'. Ma'anic tsa' tajle i c'aba' i ñojte'el. Ma'anic i cajibal, ma'anic i jilibal. Lajal'ach bajche' i Yalobil Dios. Motomaj ti pejtelel ora.

⁴ Ña'tanla i ñucllel jini Melquisedec. Abraham lac p'ac'uil tsi' y'ac'ue i diezmojllel pejteli chuqui tsi' taja ti guerra.

⁵ Isujm, ts'ijbubil ti jini mandar an ti wenta i p'olbal Leví mu' b' i yochelob ti motomajil cha'an mi' ch'ambeñob i diezmojllel i chub'an i pi'lob. Anquese laj i p'olbalob Abraham ti pejtelelob, pero che'ach yom mi' y'ac'ueñob i chub'an i pi'lob.

⁶ Pero jini Melquisedec mach b' i p'olbalic Leví, tsi' ch'ambe i diezmojllel i chub'an Abraham. Tsi' y'ac'ue i yutslel i t'an jini am b' i cha'an jini albil b' t'an.

⁷ Isujm, jini ñuc b' mi' y'ac'uen i yutslel i t'an jini mach b' yoque ñuquic.

⁸ Isujm, mi' ch'amob diezmo i p'olbalob Leví yujilo' b' ch'amel. Pero mi' subeñonla i Ts'ijbujel Dios ch'an cuxul Melquisedec.

⁹ Mi mejlel la cal: Jini Leví (i ñojte'el jini mu' b' i ch'amob diezmo) anto ti Abraham ba' ora tsi' y'ac'ue Melquisedec i diezmojllel i chub'an.

¹⁰ Come jini Leví i p'olbal'ach Abraham. Ya'to an Leví ti' b'ac'tal Abraham che' b' tsi' taja Melquisedec.

¹¹ Dios tsi' y'ac'ueyob israelob jini ts'ijbubil b' mandar ti' wenta i p'olbal Leví. Tsi' wa'choco motomajob tilemo' b' ti Aarón, i yalobil b' Leví. Tsa'ic mejli i coltañonla i p'olbal Leví, ma'anic tsi' wersa choco tilel yamb' motomaj wa'chocobil b' ti' motomajil Melquisedec. Come parte jini Melquisedec, mach tilemic ti Aarón.

¹² Che' b' tsa' loq'ui ti' motomajil i p'olbal Aarón, wersa tsa' q'uext'ayi jini mandar.

¹³ Come mach tilemic ti Leví Cristo tsa' b' ochi ti motomaj, pero tilem ti Judá, jini yamb' junmojt israelob ba' ma'anic mi juntiquilic tsa' b' i cha'le i ye'tel ti motomaj ti' t'ejl i pul'antib i majtan Dios.

¹⁴ Come ña'tabil lac cha'an tsa' tili lac Yum ti' p'olbal Judá, pero Moisés ma'anic tsi' y'al' mi tal motomaj ti' p'olbal Judá.

¹⁵ Tsiquil che' jini tsa'ix tejchi yamb' motomaj che' bajche' Melquisedec.

¹⁶ Che' b' tsa' ochi ti motomaj, mach wa'chocobilic i cha'an winicob che' bajche' ts'ijbubil ti mandar. Pero wa'chocobil ti motomaj yic'ot i p'at'alel i cux'alel mach b' yujilic jilel.

¹⁷ Jump'ejl salmo tsi' taja ti t'an Cristo che' b' tsi' y'al': "Motomajet ti pejtelel ora. Wa'chocobilet ti' motomajil Melquisedec", che'en.

¹⁸ Isujm tsa' q'uext'iyi jini ñaxan b' mandar come ma'anic i p'at'alel. Ma'anic i c'ajñibal.

¹⁹ Come jini mandar ma'anic tsa' mejli i y'ac'ueñonla lac p'at'alel cha'an ts'ac'al mi lac jac'. Pero tsa' tili wen uts'at b' lac pijtaya yic'ot Cristo. Jini cha'an mi mejlel lac lac'tesan lac b' ba'an Dios.

²⁰ Dios tsi' y'ac' i t'an che' b' tsa' ochi Cristo ti motomaj.

²¹ Mach che'ic tsi' mele ti' tojlel yamb' motomajob che' b' tsa' cajiyob ti' ye'tel. Pero Dios tsi' y'ac' i t'an ti' tojlel Jesús. Tsi' sube: "A Yum Dios tsa'ix i y'ac' i t'an. Ma'anic mi' q'uextan i pusic'al. Jatet motomajet ti pejtelel ora", che'en.

²² Jini cha'an la cujil ñumen wen jini tsiji' b' trato, come mi' xuc'chocontel ti Jesús.

²³ Ti yambΛ ora wersa tsa' wa'chocontiyob cabΛ motomajob. Mach jalic tsa' ajniyob ti' ye'tel, come tsa' chΛmiyob ti jujuntiquil.

²⁴ Pero Cristo mi' yajñel ti pejtelel ora. Ma'anic mi' q'uextΛyel i motomajil.

²⁵ Jini cha'an mi mejlel i junyajlel coltan pejtel mu' bΛ i lac'tesañob i bΛ ba'an Dios ti' tojlel Jesús. Come chΛn cuxul ti pejtelel ora. Woli' chΛn tajib ti oración ti' tojlel Dios.

²⁶ Jesús jiñach c'ax ñuc bΛ la caj motomaj che' bajche' yom lac cha'an. Come ch'ujulach, ma'anic i jontolil, sac i pusic'al, mach xmulilic. Tsa'ix aq'uenti i ñuclel ti panchan.

²⁷ Mach wersajic mi' tsΛnsΛben i majtan Dios ti jujump'ejl q'uin che' bajche' yambΛ motomajob. Ñaxan tsi' tsΛnsΛbeyob i majtan Dios cha'an i bajñel mul, ti wi'il cha'an i mul i pi'lob. Pero Jesús tsi' tojo lac mul che' bΛ tsi' yac'Λ i bΛ ti chΛmel che' bajche' tsΛnsΛbil bΛ i majtan Dios. Jasal junyajl tsa' chΛmi.

²⁸ Jini mandar mi' wa'chocon ti ñuc bΛ motomaj winicob am bΛ i c'unlel i pusic'al. Pero Dios tsi' wa'choco i Yalobil tsa' bΛ ts'actiyi i p'atlel yic'ot i ñuclel ti pejtelel ora.

8

Jesús tsi' yΛq'ueyonla ñumen wen bΛ trato

¹ An ñuc bΛ i sujmllel jini woli bΛ c sub lojon. Jiñach iliyi: An c'ax ñuc bΛ la caj motomaj tsa' bΛ buchle ti' ñoj jini C'ax Ñuc bΛ woli bΛ ti yumΛntel ya' ti panchan.

² Woli' mel i ye'tel motomaj ya' ti jini C'ax Ch'ujul bΛ Ajñibal, jini mero isujm bΛ otot tsa' bΛ i wa'choco lac Yum. Mach jinic pisil bΛ otot tsa' bΛ i wa'chocoyob winicob.

³ Come ti pejtelel ñuc bΛ motomajob añob i ye'tel cha'an mi' yΛq'ueñob Dios ofrenda yic'ot tsΛnsΛbil bΛ i majtan. Jini cha'an wersa an chuqui mi' yac' ja'el jini ñuc bΛ motomaj lac cha'an.

⁴ WΛ'ic an ti pañimil Jesús, mach motomajic, come an motomajob mu' bΛ i yΛq'ueñob i majtan che' bajche' ts'ijbubil ti mandar.

⁵ Pero jini motomajob woli' pΛsob i yejtal jach chuqui an ti panchan, i yΛxñalel jach yilal. Come che' bΛ tsa' subenti Moisés bajche' yom mi' mel jini tabernáculo, Dios tsi' sube: "Yom ma' wen q'uel cha'an lajal ma'

mel ti pejtelel che' bajche' tsac pΛsbeyet ya' ti wits", che'en.

⁶ Pero Jesús tsa'ix i taja ñumen ñuc bΛ i ye'tel come tsi' yΛq'ueyonla ñumen wen bΛ trato ti' tojlel Dios cha'an mi lac pijtan chuqui tac uts'at, albil bΛ i cha'an Dios.

⁷ Come tsa'ic mejli i coltañonla jini ñaxan bΛ trato ma'anic tsa' ajq'ui yambΛ ti' q'uexol.

⁸ Tsi' ña'ta Dios quepel jini t'an che' bΛ tsi' yΛΛ: "Awilan, tal i yorajlel, mi caj c wa'chocon tsijib xuc'ul bΛ t'an yic'ot i p'olbal Israel yic'ot i p'olbal Judá.

⁹ Mach lajalic bajche' jini xuc'ul bΛ t'an tsa' bΛ c mele yic'ot i ñojte'elob, che' bΛ tsac chucbeyob i c'Λb cha'an mic pΛyob loq'uel ti' lumal Egipto. Ma'anic tsi' wen jac'Λyob. Jini cha'an tsac tats'Λ c bΛ.

¹⁰ Mi caj c mel yambΛ xuc'ul bΛ t'an yic'ot jini israelob che' ñumenix cabΛ q'uin. Jiñach iliyi: Mi caj cΛq'ueñob i ña'tan c mandar ti' pusic'al. Mi caj i c'uxbiñoñob come i Dioson. Mi caj c cha'aniñob.

¹¹ Mach wersajix mi caj i cΛntesan i pi'lob, mi i yerañob. Ma'anic mi caj i yΛlob: Ñopo lac Yum, come ti pejtelelob mi caj i ñopoñob, jini allob yic'ot jini ñoxobix bΛ,

¹² come mi caj c ñusΛbeñob i mul. Ma'anic mi caj c chΛn ña'tΛbeñob i jontolil". Che' tsi' yΛΛ Dios.

¹³ Che' bΛ tsi' yΛΛ tsijib jini pacto tsi' tsictesa ma'anix i c'Λjñibal jini ofñiyix bΛ. Chuqui tac mach tsijibic woli bΛ ti tsuculiyel mach jalix mi' sac jilel.

9

¹ Dios tsi' yΛq'ueyonla mandar yic'ot jini ñaxan bΛ trato. Tsi' cΛntesayonla bajche' yom mi lac ch'ujutesan yic'ot bajche' yom mi' yujtel i ye'tel ti ch'ujul bΛ ajñibal ila ti pañimil.

² Tsa' mejli pisil bΛ otot. Ya' ti ñaxan bΛ i mal i c'aba' Ch'ujul bΛ Ajñibal an lámpara yic'ot mesa, yic'ot waj tsa' bΛ ajq'ui ti mesa.

³ An yambΛ i mal ti' pat jini cha'wejllel bΛ pisil i c'aba' C'ax Ch'ujul bΛ Ajñibal.

⁴ Ya'an i pulantib pom melbil bΛ ti oro yic'ot caxate' laj tep'bil bΛ ti oro ba' lotol jini xuc'ul bΛ t'an. Ya' ti mal caxate' an p'ejt melbil bΛ ti oro ba' lotol maná. Ya'an ja'el i

barate' Aarón tsa' b_Λ i cha'le nich yic'ot jini xajlel ba' ts'ijbubil jini lujump'ejl mandar.

⁵ Ya' ti' pam jini caxate' an i yejtal querubiñob mu' b_Λ i ñuq'uesañob Dios. I y_Λxñ_Λlel i wich' tsa' c'oti ti' pam i majc caxate' ba' tsa' ñus_Λbentiyob i mul winicob. W_Λle mach yomic mic laj tsictes_Λbeñetla i sujmler i b_Λ jini otot.

⁶ Chajp_Λbilix jini otot, mi' yochelob jini motomajob ti ñaxan b_Λ i mal cha'an mi' melob i ye'tel ti jujump'ejl q'uin.

⁷ Pero ti cha'tsajlel i mal, cojach mi' yochel jini ñuc b_Λ motomaj junyajl jach ti jump'ejl jab. Wersa mi' ch'_Λm ochel ch'ich' mu' b_Λ i y_Λc' cha'an i bajñel mul yic'ot i mul winicob x'ixicob che' mach tsajilobic i cha'an.

⁸ Che' bajche' jini, jini Ch'ujul b_Λ Espíritu mi' y_Λq'ueñonla lac ña'tan maxto tsic-tiyemic bajche' mi la cochel ti jini C'ax Ch'ujul b_Λ Ajñibal che' wa'al to jini ñaxan b_Λ otot.

⁹ Jini pisil b_Λ otot, jiñ_Λch i yejtal jini isujm b_Λ otot mu' b_Λ i y_Λq'ueñonla Cristo w_Λle. Ti jini pisil b_Λ otot tsa' aq'uenti Dios ofrenda tac yic'ot ts_Λns_Λabil b_Λ i majtan mach b_Λ mejlic i junyajlel ñ_Λch'chocobeñob i pusic'al jini mu' b_Λ i cha'leñob ch'ujutesaya.

¹⁰ Come i melbal jach winicob ili waj yic'ot ili japbil b_Λ. Mi' pocob ti ja'. I yejtal jach jini mero isujm b_Λ. Che' mi' tilel jini isujm b_Λ, mi' jilel i c'_Λjñibal yamb_Λ.

¹¹ W_Λle tsa'ix tili Cristo, jini c'ax ñuc b_Λ motomaj mu' b_Λ i y_Λq'ueñonla jini uts'at b_Λ. Come an ñumen ñuc b_Λ otot wen melbil b_Λ, jiñ_Λch mero i chumlib Dios. Mach melbilic ti c'_Λb_Λal che' bajche' jini melbil b_Λ ti pañimil.

¹² Tsa' junyajlel ochi Cristo ya' ti Ch'ujul b_Λ Ajñibal. Mach i ch'ich'elic al_Λ chivo mi al_Λ tat wacax, pero yic'ot i bajñel ch'ich'el tsa' ochi ti jini Ch'ujul b_Λ Ajñibal ti chan, come tsi' mañ_Λyonla cha'an mi la cajñel yic'ot ti pejtelel ora.

¹³ I ch'ich'el tat wacax yic'ot i ch'ich'el al_Λ chivo yic'ot i t_Λñil al_Λ ña' wacax tsa' mejli i poj s_Λq'ues_Λbeñob i b_Λc'tal jini bibi'o b_Λ che' tsijc_Λabil ti' pam.

¹⁴ Ñumen i c'_Λjñibal i ch'ich'el Cristo. Come mi' poc loq'uel ti lac pusic'al jini tsucul b_Λ lac melbal cha'an mi lac melben i ye'tel jini cuxul b_Λ Dios. Ti' p'_Λt_Λlel jini Espíritu mach

b_Λ ajnic mi' jilel, Cristo tsi' y_Λc'_Λ i b_Λ che' bajche' ch'ujul b_Λ i majtan Dios mach b_Λ anic i mul.

¹⁵ Jini cha'an Cristo tsi' mele jini tsijib xuc'ul b_Λ t'an cha'an mi' y_Λq'uentelob jini p_Λybilo' b_Λ ti Dios jini bendición tsa' b_Λ i w_Λn ña'ta. An i p'_Λt_Λlel Cristo cha'an mi' mel iliyi, come tsa' ch'_Λmi cha'an mi' ñus_Λbeñob i mul jini añob to b_Λ ti wenta ñaxan b_Λ trato.

¹⁶ Che' an majqui mi' ch'_Λmel, mi tsi' w_Λn mele ts'ijbubil b_Λ jun ba' mi' y_Λl woli' t'ox i chub_Λ'an, ma'anic majch mi mejlel i ch'_Λm jinto ch'_Λmenix i yum.

¹⁷ Che' ch'_Λmenix mi' yujtel che' bajche' ts'ijbubil. Ma'anic mi' yujtel che' cuxul to i yum tsa' b_Λ i ts'ijba.

¹⁸ Jini ñaxan b_Λ trato ja'el ma'anic i p'_Λt_Λlel jinto tsa' bejq'ui ch'ich'.

¹⁹ Moisés che' b_Λ tsa' ujtí i subeñob pejtelel winicob pejtelel i mandar Dios tsi' ch'_Λm_Λ i ch'ich'el al_Λ wacax yic'ot i ch'ich'el chivo yic'ot ja', yic'ot ch'_Λch_Λc b_Λ i tsut-sel tiñ_Λme', yic'ot pimel cha'an mi' tsijcan i juñilel mandar yic'ot pejtelel winicob x'ixicob.

²⁰ Tsi' y_Λl_Λ: “Jiñ_Λch i ch'ich'el al_Λc'al cha'an mi' ts'_Λctiyel jini trato che' bajche' Dios tsi' y_Λq'ueyetla mandar”, che'en.

²¹ Che' ja'el tsi' tsijca ti ch'ich' jini pisil b_Λ otot yic'ot pejtelel i b_Λl mu' b_Λ i c'_Λjñel ti' ye'tel Dios.

²² Che' bajche' mi' y_Λl jini mandar, cojach yic'ot ch'ich' mi' s_Λq'ues_Λantel ti pejtelel. Machic mi' bejq'uel i ch'ich'el i majtan Dios, ma'anic i ñus_Λantel mulil.

An i ñus_Λantel mulil come Cristo tsi' y_Λc'_Λ i b_Λ ti ts_Λns_Λantel

²³ Che' jini tsa' wersa s_Λq'ues_Λanti jini Tabernáculo yic'ot i b_Λl, jiñ_Λch i yejtal jach chuqui tac an ti panchan. Pero tsa' s_Λq'ues_Λanti i cha'año' b_Λ Dios yic'ot yamb_Λ ts_Λns_Λabil b_Λ i majtan Dios, ñumen wen b_Λ.

²⁴ Come Cristo ma'anic tsa' ochi ti Ch'ujul b_Λ Ajñibal melbil b_Λ ti c'_Λb_Λal, i yejtal jach b_Λ panchan. Tsa' ochi ti panchan, jini mero Ch'ujul b_Λ Ajñibal ba' woli' p_Λs i b_Λ ti' tojlel Dios cha'an mi' coltañonla.

²⁵ Junyajl jach tsa' ochi ti panchan cha'an mi' y_Λc' i b_Λ. Mach che'ic bajche' jini ñuc b_Λ motomaj mu' b_Λ i yochel ti jujump'ejl jab ti

C'ax Ch'ujul b_Λ Ajñibal yic'ot ch'ich', mach b_Λ i ch'ich'elic.

²⁶ Che'ic jini, wersa tsa' cha' ch_Λmi Cristo ti jujumuc' c'Λ_Λl ti' tejchibal pañimil. Pero mach che'ic. Jas_Λl junyajl tsa' tsictiyi Cristo che' l_Λc'Λ_Λix jini cojix b_Λ q'uin tac. Tsi' y_Λc'Λ i b_Λ ti ts_Λns_Λntel cha'an mi' jis_Λbeñonla lac mul.

²⁷ I tilel junyajl jach mi' ch_Λmelob winicob x'ixicob. Mi' yujtelob ti ch_Λmel, mi' melob i b_Λ.

²⁸ Che' ja'el, Cristo junyajl jach tsa' ajq'ui cha'an mi' cuchbeñob i mul cab_Λlob. Mi caj i tsictiyel ti' cha'yajlel cha'an mi' coltan jini woli b_Λ i pijtañob, pero ma'anix mi caj i ch_Λn cuch mulil.

10

¹ Jini mandar mi' p_Λsbeñonla i yejtal jach jini mero isujm b_Λ mu' b_Λ caj i tilel. Mi' y_Λxñal p_Λs. Ti jujump'ejl jab mi' ch_Λn ts_Λns_Λbeñob i majtan Dios che' mi' ch'ujutesañob che' bajche' mi' y_Λl jini mandar. Pero jini mandar mach mejlic i ts'actes_Λbeñob i wenlel i pusic'al.

² Tsa'ic mejli i s_Λq'uesan jini mu' b_Λ i ch'ujutesañob Dios, jas_Λl junyajl tsi' ts_Λns_Λbeyob i majtan. Che'ic jini tsa' junyajlel ñus_Λbentiyob i mul.

³ Pero che' mi' ch_Λn ts_Λns_Λbeñob i majtan ti jujump'ejl jab, ch_Λn añix i ña't_Λntel mulil.

⁴ Come i ch'ich'el tat wacax yic'ot i ch'ich'el tat chivo mach mejlic i jisan mulil.

⁵ Jini cha'an, che' b_Λ tsa' tili ti pañimil Cristo, tsi' y_Λl_Λ: “Mach a womic ts_Λns_Λbil b_Λ a majtan yic'ot ofrenda. Pero tsa' chajp_Λbeyon c b_Λc'tal.

⁶ Ma'anic ma' mulan pulbil b_Λ a majtan yic'ot yan tac b_Λ mu' b_Λ i y_Λq'ueñetob cha'an ma' ñus_Λbeñob i mul.

⁷ Jini cha'an tsa c_Λl_Λ: Awilan, tsa'ix tiliyon cha'an mic mel chuqui a wom, Dios, che' bajche' ts'ijbubil ti b_Λbil b_Λ jun”. Che' tsi' y_Λl_Λ Cristo.

⁸ Ti ñaxan tsi' y_Λl_Λ: “Mach a womic ts_Λns_Λbil b_Λ a majtan, yic'ot ofrenda mu' b_Λ i y_Λq'ueñetob, yic'ot pulbil b_Λ a majtan, yic'ot yan tac b_Λ cha'an ma' ñus_Λbeñob i mul. Mach che'ic ma' mulan”. Che' tsi' y_Λl_Λ anquese ti pejtelel ili majtañal mi' y_Λc'ob che' bajche' mi' y_Λl jini mandar.

⁹ Ti wi'il tsi' y_Λl_Λ: “Awilan, tsa' tiliyon cha'an mic mel chuqui a wom, Dios”, che'en. Che' bajche' jini, tsi' jisa jini ñaxan b_Λ cha'an mi' wa'chocon jini wi'il b_Λ.

¹⁰ W_Λle s_Λq'ues_Λbilonixla che' bajche' yom Dios cha'an tsi' y_Λc'Λ i b_Λc'tal Jesucristo che' junyajl jach tsa' ch_Λmi cha'añonla.

¹¹ Pejtel motomaj mi' wa'tal ti jujump'ejl q'uin cha'an mi' cha' mel i ye'tel. Cab_Λl mi' ch_Λn ts_Λns_Λben i majtan Dios mach b_Λ mejlic i wis jisan mulil.

¹² Pero Cristo junyajl tsi' y_Λc'Λ i b_Λ ti' majtan Dios cha'an mi' toj lac mul ti pejtelel ora. Che' b_Λ tsa' ujt i y_Λc' i b_Λ, tsa' buchle ya' ti' ñoj Dios.

¹³ Ya' buchul woli ti pijt jinto mi' t'ucht_Λntel pejtelel i contra.

¹⁴ Come ti jump'ejl jach b_Λ i majtan Dios, tsa'ix i junyajlel weñ'esayob i pusic'al jini s_Λq'ues_Λbilo' b_Λ.

¹⁵ Che'ach mi' subeñonla ja'el jini Ch'ujul b_Λ Espíritu. Ñaxan tsi' y_Λl_Λ:

¹⁶ “Jiñach xuc'ul b_Λ c t'an mu' b_Λ caj c mel yic'otob che' ñumenix cab_Λl q'uin. Mi caj cotsan c mandar ti' pusic'al”, che'en lac Yum.

¹⁷ Tsi' cha' al_Λ: “Ma'anic mi caj c ch_Λn ña't_Λbeñob i mul yic'ot i jontolil”, che'en.

¹⁸ Che' ñus_Λbilix lac mul, mach ch_Λn yomix i majtan Dios cha'an mulil.

La' lac ñochtan lac b_Λ ba'an Dios

¹⁹ Jini cha'an, hermanojob, yom ch'ejl lac pusic'al mi lac toj ochel ti jini C'ax Ch'ujul b_Λ Ajñibal cha'an ti' ch'ich'el Jesús.

²⁰ Ti jini tsiji' b_Λ bij, jini cuxul b_Λ tsa' b_Λ i jambeyonla Jesús, mi laj c'axel ti junwejl pisil, jiñach i b_Λc'tal.

²¹ An lac cha'an c'ax ñuc b_Λ motomaj mu' b_Λ i c_Λntan i cha'año' b_Λ Dios.

²² Jini cha'an la' lac l_Λc'tesan lac b_Λ ba'an Dios ti jump'ejl lac pusic'al. Mach yomic tile bixel lac pusic'al che' mi lac ñop. Yom s_Λq'ues_Λbil lac pusic'al. Yom pocbil lac b_Λc'tal ti y_Λx b_Λ ja'.

²³ La' lac ch_Λn ac' ti lac pusic'al chuqui ñopol lac cha'an woli b_Λ lac pijtan. Come xuc'ul jini tsa' b_Λ i y_Λc'Λ i t'an.

²⁴ La' laj coltan lac b_Λ ti pejtelel chuqui wen, cha'an mi laj c'uxbin lac b_Λ bajche' yom yic'ot wen b_Λ lac melbal.

²⁵ Mach yomic mi laj c_Λy lac tempan lac b_Λ che' bajche' mi' bixel melob lamital. La' lac ch'ejl'esan lac b_Λ. Cojcoj w_Λle che' woli ti lac'tiyel jini cojix b_Λ q'uin che' bajche' woli la' q'uel.

Mi woli lac cha'len mulil cha'an jach la com

²⁶ Mi an majch mi' ch_Λn cha'len mulil cha'an jach yom i pusic'al che' c_Λñ_Λlix i cha'an i sujmllel, wolix i ñusan Cristo tsa' b_Λ i tojbe i mul. Ma'anix majch mi caj i ch_Λn tojben i mul.

²⁷ An jach b_Λb_Λq'uen b_Λ mu' b_Λ i pijtan che' mi caj i tojob i mul ti' c'ac'al i mich'ajel Dios pejtél i contrajob.

²⁸ Majqui jach tsi' ñus_Λbe i mandar Moisés tsa' ts_Λns_Λanti che' b_Λ tsi' tsictesayob cha'tiquil uxtiquil testigojob. Ma'anic majch tsi' p'unta.

²⁹ ¿Mach ba ñumeniquix mi caj i toj i mul jini mu' b_Λ i ts'a'len i Yalobil Dios? Che' mi' ñusan jini xuc'ul b_Λ t'an yic'ot i ch'ich'el mu' b_Λ i saq'uesañonla woli' ts'a'len jini Espíritu woli b_Λ i p_Λyonla ti' yutslel i pusic'al. Ña'tanla cab_Λlix i mul jini winic. Cab_Λ mi caj i taj wocol che' mi' toj i mul.

³⁰ La cujil jiñ_Λch lac Yum tsa' b_Λ i y_Λl_Λ: "Joñon mij q'uextan jontolil. Joñon mi caj c_Λq'uen i toj". Tsi' cha' al_Λ: "Lac Yum mi caj i mel i cha'año' b_Λ".

³¹ B_Λb_Λq'uen jax muq'ueic i y_Λq'ueñonla lac toj lac mul jini cuxul b_Λ Dios.

³² Cha' ña'tanla bajche' tsa' la' mele ti yamb_Λ ora. Che' b_Λ tsa' la' ch'Ambe isujm, ch_Λn xuc'uletla yic'ot lac Yum anquese cab_Λ jax tsa' la' ñusa wocol.

³³ Tsa' wajlentiyetla, tsa' tic'l_Λantiyetla ti' wut la' pi'lob. Yaño' b_Λ ti la' tojlel tsi' coltayob jini tic'l_Λbilo' b_Λ.

³⁴ Come tsa' la' p'unta jini tsa' b_Λ m_Λjquiyob. Che' b_Λ tsa' xujch'inti la' chub_Λ'an tsa' la' cuchu yic'ot i tijicñ_Λyel la' pusic'al. Come la' wujil an ñumen wen b_Λ la' chub_Λ'an ti panchan mach b_Λ yujilic jilel.

³⁵ Jini cha'an mach mi la' s_Λt i ch'ejlel la' pusic'al, come añ_Λch ñuc b_Λ la' chobejt_Λbal woli b_Λ la' pijtan.

³⁶ Yom ch_Λn xuc'uletla ti' cuchol wocol cha'an mi la' taj chuqui tac albil i cha'an Dios che' b_Λ tsa'ix la' mele chuqui yom Dios:

³⁷ "Come jumuc' to mi caj i tilel jini tal b_Λ. Mach jalix mi caj i tilel.

³⁸ Jini toj b_Λ i pusic'al mi caj i taj i cuxt_Λlel cha'an tsi' ñopo Dios. Pero mi tsi' c_Λy_Λ i ñopon mach tijicñ_Λayic mi caj j q'uel", che'en.

³⁹ Pero mach lajalonicla bajche' jini mu' b_Λ i cha' c_Λy i ñopob, mu' b_Λ i majlelob ti c'ajc. Joñonla mi lac ñop Dios mu' b_Λ i coltan lac ch'ujlel.

11

Che' mi lac ñop Dios

¹ Jini mu' b_Λ i ñop Dios, xuc'ul i pusic'al mi' pijtan. Mi' ñop ti isujm tal jini mach b_Λ tsiquilic.

² Che'ach tsi' ñopoyob Dios jini winicob ti oñiyi. Jini cha'an Dios tsi' q'ueleyob ti uts'at.

³ Cha'an tsa'ix lac ñopo Dios, la cujil tsa' mejli pañimil ti' p'at_Λlel jach i t'an Dios. Dios ma'anic tsi' c'ñ_Λ chuqui tac tsiquil cha'an mi' mel jini pañimil woli b_Λ laj q'uel.

⁴ Cha'an tsi' ñopo Dios, Abel tsi' y_Λq'ue ñumen wen b_Λ i majtan bajche' Caín. Jini cha'an Dios tsi' q'uele ti toj. Tsi' subu uts'at i majtan tsa' b_Λ i y_Λc'Λ Abel. Anquese tsa' ch_Λmi Abel woli to i c_Λntesañonla cha'an tsi' ñopo Dios.

⁵ Cha'an tsi' ñopo Dios Enoc ma'anic tsa' ch_Λmi. Cuxul tsa' p_Λjyi letsel ti panchan. Ma'anix majch tsa' mejli i ch_Λn q'uel, come Dios tsi' p_Λy_Λ letsel. Ts'ijbubiliix uts'at tsa' ajni Enoc yic'ot Dios w_Λ' ti pañimil. Tsi' tijicñ_Λes_Λbe i pusic'al.

⁶ Mi ma'anic mi lac ñop Dios, mach mejlic i q'uelonla ti uts'at. Come majqui jach yom i c_Λn Dios, wersa mi' ñop mi an Dios, come jiñ_Λch mu' b_Λ i y_Λq'uen i chobejt_Λbal majqui jach mi' tsajcan.

⁷ Noé tsi' ñopo Dios. Jini cha'an tsi' jac'be i t'an ba' ora Dios tsi' sube chuqui mi' caj ti ujtél che' maxto tsiquilic. Tsi' mele jini colem barco cha'an mi' coltan pejtelel año' b_Λ ti' yotot. Cha'an tsi' ñopo Dios, Noé tsi' tsictes_Λbeyob i mul pejtelel año' b_Λ ti pañimil. Tsa' aq'uenti toj b_Λ i pusic'al

cha'an mi' yochel ti' cha'an b_Λ Dios yic'ot pejtél mu' b_Λ i ñopob.

8 Abraham tsi' ñopo Dios. Jini cha'an tsi' jac'Λ i p_Λyol. Tsa' majli i taj i lum tsa' b_Λ subenti mi caj i y_Λq'uentel. Tsa' loq'ui anquese mach ña't_Λb_Λilic i cha'an baqui woli' majlel.

9 Cha'an tsi' ñopo Dios, Abraham tsa' chumle ya' ti jini yajc_Λbil b_Λ lum che' bajche' tsi' sube lac Yum. Ya' tsa' chumle ti' lumal yamb_Λ yum_Λlob. Tsa' chumle ti pisil b_Λ otot che' bajche' Isaac yic'ot Jacob tsa' b_Λ aq'uentiyob jini jach b_Λ t'an albil b_Λ cha'an Dios.

10 Come Abraham tsi' pijta jini tejclum am b_Λ i c'Λclib, chajp_Λbil b_Λ i cha'an Dios, melbil b_Λ i cha'an.

11 Abraham tsi' ñopo Dios. Jini cha'an tsa' mejli i tech i yalobil, anquese cab_Λlix i jabilel. Xñejep'ix Sara ja'el. Pero Abraham tsi' ñopo mi caj i ts'actiyel i t'an Dios che' bajche' tsa' subenti.

12 Jini cha'an anquese wen ñoxix Abraham, tsa' ochi ti' tat cab_Λ i p'olbal che' bajche' jini ec' am b_Λ ti panchan, yic'ot i ji'il i ti' colem ñajb mach b_Λ mejlic ti tsijquel.

13 Ti pejtelelob xuc'ul to tsi' ñopoyob Dios c'Λ_Λal che' b_Λ tsa' ch_Λmiyob. Ma'anic tsa' aq'uentiyob chuqui tsa' subentiyob. Tsa' jach i ñajti q'ueleyob cha'an jini albil b_Λ t'an. Tsi' ñopoyob. Tsi' pijtayob. Tsi' y_Λl_Λyob mach i lumalic ili pañimil. Xñumelob jach.

14 Pejtél mu' b_Λ i y_Λlob yamb_Λy_Λch i lumal mi' tsictesañob i b_Λ, come woli' s_Λclañob mero i lumal.

15 Tsa'ic i ña'tayob jiñ_Λch i lumal tsa' b_Λ i c_Λy_Λyob, isujm tsa' mejliyob ti cha' sujtél.

16 Pero tsi' pijtayob jini ñumen wen b_Λ i lumal am b_Λ ti panchan. Jini cha'an ma'anic mi' cha'len quisin Dios che' mi' diosiñob, come tsa'ix i melbeyob i tejclum.

17 Cha'an tsi' ñopo Dios Abraham, tsi' y_Λc'Λ Isaac cha'an i majtan Dios che' b_Λ tsa' il_Λbenti i pusic'al. Jini tsa' b_Λ aq'uenti jini albil b_Λ t'an tsi' y_Λq'ue Dios cojach b_Λ i yalobil ti' majtan.

18 Tsa' subenti Abraham: "Loq'uem ti Isaac mi caj i tilel mero a p'olbal".

19 Abraham tsi' ña'ta an i p'at_Λlel Dios cha'an mi' cha' tech loq'uel ba'an ch_Λmeño'

b_Λ. Che' b_Λ tsi' y_Λc'Λ i yalobil, che'Λch tsa' ujti yilal. Tsi' cha' p_Λy_Λ sujtél.

20 Cha'an tsi' ñopo Dios Isaac, tsi' y_Λq'ueyob i yutslel i t'an Jacob yic'ot Esaú. Tsi' subeyob chuqui tac mi' caj ti ujtél.

21 Cha'an tsi' ñopo Dios Jacob, tsi' y_Λq'ueyob i yutslel i t'an i yalobilob José che' yomix ch_Λmel. Tsi' c'uchchoco i b_Λ i ch'ujutesan Dios che' chucul i cha'an i x_Λmbal te'.

22 Cha'an tsi' ñopo Dios José, tsi' y_Λc'Λ mandar che' yomix ch_Λmel cha'an mi' mucob ti' lumal, come tsi' w_Λn ña'ta mi caj i loq'uelob ti Egipto.

23 Cha'an tsi' ñopoyob Dios i tat i ña' Moisés, tsi' mucuyob uxp'ejl uw che' b_Λ tsi' yila pañimil i yalobil, come wen uts'at tsi' q'ueleyob. Ma'anic tsi' b_Λc'ñayob i mandar rey.

24 Cha'an tsi' ñopo Dios Moisés, che' winiquix, ma'anix tsi' ch_Λn pejca ti' ña' i yixic'al jini Faraón.

25 Tsi' y_Λc'Λ i b_Λ i yubin i tic'Λntel yic'ot i cha'año' b_Λ Dios. Ma'anic tsi' yajca cha'an mi' poj tijicñesan i pusic'al jumuc' ti mulil.

26 Tsi' ña'ta ti' pusic'al ñumen an i c'Λjñibal lac tic'Λntel cha'an Cristo bajche' pejtelel chub_Λañal ti Egipto. Come xuc'ul tsi' pijta i chobejt_Λbal.

27 Cha'an tsi' ñopo Dios, tsa' loq'ui Moisés ti Egipto. Ma'anic tsi' b_Λc'ñabe i mich'ajel rey. Xuc'ul jach tsa' ajni come woli' q'uel yilal jini mach b_Λ mejlic laj q'uel.

28 Cha'an tsi' ñopo Dios, tsi' teche Pascua. Tsi' subeyob i pi'Λlob cha'an mi' tsansañob tiñame' cha'an mi' tsijcañob ch'ich' ti' ti' i yotot cha'an mi' colt_Λntelob jini y_Λx al_Λlob ba' ora tsa' ñumi i jisañob jini ángel.

29 Cha'an tsi' ñopoyob Dios, tsa' c'axiyob ti jini Ch_Λch_Λc Ñajb che' bajche' ti tiquin lum. Jini egiptojob tsa' ch_Λmiyob ti ja' che' b_Λ tsi' lon ñopoyob c'axel.

30 Cha'an tsi' ñopoyob Dios, tsa' yajli ts'ajc ti' joytilel Jericó che' ujtemix i joyojtañob wucp'ejl q'uin.

31 Cha'an tsi' ñopo Dios Rahab, am b_Λ cab_Λ i yixic, ma'anic tsa' jili yic'ot jini xñusa t'añob, come tsi' p_Λy_Λ ochel jini stsajiyajob cha'an mi' coltañob.

³² ¿Chuqui to yom mic sub? Ma'anic i yorajlel cha'an mic sub chuqui tsi' meleyob Gedeón, Barac, Sansón, Jefté, David, Samuel, yic'ot x'alt'añob.

³³ Cha'an tsi' ñopoyob Dios, tsa' mΔjli i cha'añob ti' contra reyob, tsi' cha'leyob chuqui toj, tsi' tajayob chuqui tac albil, tsi' mΔcbeyob i yej bajlum,

³⁴ tsi' yΔpΔyob ts'Δplaw bΔ c'ajc, tsi' puts'tayob i yej espada. Che' c'uñob tsa' p'Δt'esΔntiyob. Tsa' p'Δtayob ti guerra. Che' motocñayob i contrajob ch'oyolo' bΔ ti yambΔ lum, tsi' yajñesayob.

³⁵ An meba' x'ixicob tsa' bΔ i cha' pΔyΔyob jini chΔmeño' bΔ i cha'añob tsa' bΔ cha' ch'ojoyob. Yaño' bΔ tsa' p'ump'un tic'lΔntiyob. Pero ma'anic tsi' jac'Δyob coel, come yomob i taj jini ñumen uts'at bΔ mu' bΔ caj i yΔq'uentelob ba' ora mi' cha' ch'ojoyelob jini chΔmeño' bΔ.

³⁶ Yaño' bΔ tsa' wajlentiyob. Tsa' bajbentiyob ti asiyal. Yaño' bΔ tsa' cΔjchiyob ti cadena. Tsa' mΔjquiyob.

³⁷ Tsa' jujliyob ti xajlel. Tsa' setuntiyob ti sierra. Tsa' tsΔnsΔntiyob ti espada. LΔpΔl i cha'añob i pΔchΔlel tiñame' yic'ot chivo, tsa' pam ñumiyob ti xΔmbal. Ma'añobic i chubΔ'an. Tic'lΔbilob. CabΔl i wocol.

³⁸ Pero wen uts i pusic'al ti' tojlel jini jon-tolo' bΔ. Tsiquil mach i lumalic ili pañimil. Tsa' pam ñumiyob ti tiquin lum yic'ot ti wits. Tsa' chumleyob ti ch'en tac yic'ot ti yebal xajlel.

³⁹ Ti pejtelelob tsa' q'uejliyob ti uts'at cha'an tsi' ñopoyob Dios. Pero ma'anic tsa' aq'uentiyob ti pañimil chuqui tsi' pijtayob.

⁴⁰ Come Dios tsi' ña'ta uts'at mi' pijtañob chuqui ñumen ñuc mu' bΔ caj i tajob yic'otonla che' temel mi la cΔq'uentel lac wenlel yic'otob ba' ora mi' ts'Δctiyel i t'an.

12

Toj yom mi lac tsajcan majlel Jesús

¹ Joyolonla ti cabΔl testigojob che' bajche' colem total. Jini cha'an la' lac junyajlel cΔy pejtelel mu' bΔ i mΔctañoñla yic'ot pejtelel mulil mu' bΔ i yΔc'onla ti cΔytlΔl. La' lac chΔn cha'len wersa che' bajche' jini wen yujil bΔ ajñel cha'an mi lac taj jini woli bΔ lac pijtan.

² Toj jach yom mi lac tsajcan majlel Jesús mu' bΔ i yΔq'ueñoñla lac ñop. Mi caj i ts'ΔctesΔbeñoñla ja'el chuqui mi lac ñop. Jesús ma'anic tsi' xoyo i bijlel ti' tojlel wocol, come tsi' q'uele jini tijicña bΔ woli bΔ i pijtan. Jini cha'an tsi' yΔc'Δ i bΔ ti quisin che' bΔ tsa' chΔmi ti cruz. Tsa' buchle ti' ñoj Dios ya' ti' yumΔntel.

³ Na'tanla bajche' tsi' ñusa wocol che' ts'a'lebil i cha'an xmulilob, ame lujb'aquetla ti wocol ame mi la' lij la' bΔ.

⁴ Come maxto anic tsa' la' wΔc'Δ la' bΔ ti tsΔnsΔntel ti' cuchol wocol cha'an mi la' contrajin mulil.

⁵ Tsa'ix ñajΔyi la' cha'an bajche' tsi' xic'beyetla Dios che' bajche' mi lac xic'ben la calobil. Tsi' yΔlΔ: "Calobil, mach a ts'a'len i ju'sΔntel a pusic'al ti lac Yum. Mach a lij a bΔ che' mi' tiq'uet lac Yum.

⁶ Come lac Yum mi' ju'sΔben i pusic'al majqui jach mi' c'uxbin. Mi' toj'esan pejtelel mu' bΔ i yotsan ti' yalobil", che'en.

⁷ Mi woli la' cuch ti uts'at i ju'sΔntel la' pusic'al, Dios woli' q'ueletla che' bajche' i yalobil. Come wersa mi' ju'sΔbentel i pusic'al pejtelel alΔl c'uxbibil bΔ i cha'an i tat.

⁸ Mi ma'anic mi' ju'sΔbeñet la' pusic'al, che' bajche' lac tilel ti' tojlel lac tat, mach i yalobileticla. Yañach bΔ la' tat.

⁹ Come lac tatob ti pañimil tsi' ju'sΔbeyonla lac pusic'al. Tsa' lac chΔn q'ueleyob ti ñuc. ¿Mach ba yomic ñumen mi lac ch'ujbiben i t'an lac Tat ti panchan cha'an cuxul mi la cajñel?

¹⁰ Isujm ya cha'p'ejl uxp'ejl jach jab lac tat tsi' ju'sayob lac pusic'al che' bajche' tsi' bajñel ña'tayob ila ti pañimil. Pero Dios mi' ju'san lac pusic'al cha'an mi la cochel ti ch'ujul che' bajche' ch'ujul Dios, cha'an mi lac taj lac wenlel.

¹¹ Isujm mach tijicñayic mi la cubin che' an majqui mi' ju'sΔbeñoñla lac pusic'al. Poj ch'ijiyem mi la cubin. Pero ti wi'il mi' yΔc' ti p'ojlel toj bΔ lac pusic'al yic'ot i ñach'tΔlel lac pusic'al che' bΔ tsa'ix lac jac'Δ ti uts'at.

CΔntan la' bΔ cha'an ma'anic majch mi' cΔy i yutslel i pusic'al Dios

¹² Jini cha'an p'Δtesan c'un bΔ la' c'Δb. P'Δtesan c'un bΔ la' pix.

¹³ P_ΛT_Λ toj b_Λ bij ame yajlic jini q'uichq'uichña b_Λ mi' cha'len x_Λmbal. La'p'_Λta_c.

¹⁴ Ch_Λn cha'lenla wersa cha'an mi la' wajñel ti ñ_Λch'_Λl yic'ot pejtelel winicob x'ixicob. Ñopola ajñel ti ch'ujul, come jini mach b_Λ ch'ujulic ma'anic mi caj i q'uel lac Yum.

¹⁵ Tsajiletla ame anic juntiquil ti la' tojlel mu' b_Λ i ñ_{us}aben i yutslel i pusic'al Dios. C_Λntan la' b_Λ ame anic jini ch'aj b_Λ mu' b_Λ i tech mich'ajel ti la' pusic'al ame i bib'es_Λbeñob i pusic'al cab_Λlob.

¹⁶ Tsajiletla ame anic majch mi' taj i yixic, ame anic majch mi' ts'a'len jini albil b_Λ i cha'an Dios che' bajche' Esaú. Tsi' choño i y_Λscuñil che' an i wi'ñal cha'an mi' poj taj i b_Λl i ñ_Λc'.

¹⁷ Come la' wujil, che' yom i ch'_Λm bendición ti wi'il, ma'anic tsa' mejli. Anquese tsi' mele i pusic'al ti uq'uel, ma'anix tsa' mejli i mel i b_Λ.

¹⁸ Come mach p_Λybileticla ti wits che' bajche' israelob ba' mi la' wubin c'ajc, yic'ot sutujt ic', yic'ot ic'yoch'an b_Λ pañimil, yic'ot b_Λb_Λq'uen b_Λ ja'al,

¹⁹ yic'ot i t'an trompeta, yic'ot i t'an Dios. Jini tsa' b_Λ i yubiyob jini t'an tsi' c'ajtibeyob Moisés ti wocol t'an cha'an ma'anic mi' ch_Λn pejcañob Dios.

²⁰ Come mach kujchic i cha'añob che' b_Λ tsa' subentiyob wersa mi caj i jujlel ti xajlel majqui jach mi' t_Λl jini wits, mi winic mi a_Λc'_Λl.

²¹ C'ax b_Λb_Λq'uen chuqui tsi' q'ueleyob. Moisés tsi' y_Λl_Λ: “Woli' toj sajtel c pusic'al. Tsi' silñayon ti b_Λq'uen”, che'en.

²² Pero jatetla tsa'ix c'otiyetla ti wits i c'aba' Sion, i tejclum jini cuxul b_Λ Dios, jini Jerusalén am b_Λ ti panchan ba' temp_Λbilob bajc'_Λl ángelob.

²³ Tsa'ix c'otiyetla ba' temp_Λbilob y_Λx a_Λl b_Λ i yalobilob Dios ts'ijbubil b_Λ i c'aba' ti panchan. Ya'an Dios mu' b_Λ i mel pejtelel winicob. Ya' añob i ch'ujlel toj b_Λ winicob tsa' b_Λ cha' mejliyob ti uts'at.

²⁴ Tsa'ix c'otiyetla ba'an Jesús, jini tsa' b_Λ i y_Λq'ueyonla jini tsijib xuc'ul b_Λ t'an ba' tsijc_Λbil i ch'ich'el cha'an mi' ñ_{us}antel lac mul. Ñumen uts'at i ch'ich'el come ma'anic

mi' c'ajtin i q'uexol che' bajche' i ch'ich'el Abel.

²⁵ Tsajiletla ame la' ñ_{us}an lac Yum woli b_Λ ti t'an. Come tsi' wersa tojoyob i mul jini israelob che' b_Λ tsi' ñ_{us}abeyob i t'an Moisés i winic Dios w_Λ' ti pañimil. Ñumen mi caj lac toj joñonla mi woli lac ñ_{us}an Dios mu' b_Λ i pejcañonla ya'ti panchan.

²⁶ Che' b_Λ tsi' cha'le t'an Dios ya' ti wits tsi' ñijca pañimil ti' t'an. Pero w_Λle che' b_Λ tsi' y_Λq'ueyonla i t'an tsi' y_Λl_Λ: “Junyajl to mi caj c ñijcan pañimil yic'ot panchan, mach jinic jach pañimil”. Che' tsi' y_Λl_Λ.

²⁷ Che' b_Λ tsi' y_Λl_Λ: “Junyajl to”, tsi' y_Λq'ueyonla lac ña'tan mi' caj ti q'uext_Λyel jini melbil tac b_Λ yujil b_Λ ñijc_Λyel, cha'an mi' jalijel chuqui tac mach yujilic ñijc_Λyel.

²⁸ La' lac ch_Λn suben Dios wocolix i y_Λl_Λ cha'an woli la cochel ti' yum_Λntel mach b_Λ yujilic ñijc_Λyel. La' lac ch'ujutesan Dios ti uts'at yic'ot pejt_Λel lac pusic'al yic'ot b_Λq'uen.

²⁹ Come Dios yujil jisaya che' bajche' c'ajc.

13

Bajche' yom mi' yajñelob hermanojob

¹ Ch_Λn c'uxbin la' b_Λ, come hermanojetla ti Cristo.

² Mach ñaj_Λyic ti la' pusic'al la' p'untan jini xñumelob mach b_Λ c_Λñ_Λlobic la' cha'an. An i tajol tsi' m_Λc'layob ángelob lac tatob che' mach c_Λmbilob i cha'añob.

³ Coltanla jini x_Λm_Λjquelob. P'untañob che' bajche' la' wom p'un_Λntel ya'ic añetla ti m_Λjquib_Λl. Ña'tanla jini woliyo' b_Λ ti wocol che' bajche' jatet_Λchla woli b_Λ la' wubin wocol.

⁴ Ña'tanla uts'at ñujpuñel, uts'at mi' p_Λy i yijñam winic. Yom xuc'ul mi' pi'leñob i b_Λ. Come majqui jach mi' taj i yixic, mi an i yijñam, o mi ma'anic i yijñam, Dios mi caj i mel.

⁵ Mach mi la' tsajyun taq'uin. Yom tijicña mi la' wajñel yic'ot chuqui tac an la' cha'an. Come Dios tsi' y_Λl_Λ: “Ma'anic mi caj a c_Λy_Λl ti meba'. Ma'anic mi caj j c_Λy_Λt”, che'en.

⁶ Jini cha'an, yom ch'ejl lac pusic'al mi lac sub: “Lac Yum jiñach caj Coltaya. Ma'anic mi caj c b_Λc'ñan chuqui mi' tumbleñon winicob”, cho'onla.

7 Ña'tanla jini xcantayajob la' cha'an tsa' bΛ i subeyetla i t'an Dios. Ña'tanla jaytiquil la' pi'lob tsa' bΛ i tajayob i wenlel ti chajp ti chajp ti' tojlelob. Ñopola Dios che' bajche' tsi' ñopoyob.

8 Jesucristo junlajalΛch ac'bi yic'ot wΛle yic'ot ti pejtelel ora.

9 Mach mi la' wΛc' la' bΛ cha'an mi la' jac' yambΛ cΛntesa am bΛ i sajtemal ti chajp ti chajp. Come mi lac taj i xuc'tΛlel lac pusic'al cha'an i yutslel i pusic'al Dios, mach cha'anic we'elΛ. Mi woli laj c'ux we'elΛ o mi ma'anic woli laj c'ux, ma'anic mi' coltañonla ti tojlel Dios. Tsa' jiliyob jini tsa' bΛ i jac'Λyob ili cΛntesa cha'an i bΛ ñΛc'Λl.

10 An pulantib lac cha'an, jiñΛch i cruz Cristo ba' mach mejlic i coltΛntel jini mu' bΛ i chΛn ñop i coltan i bΛ ti' jac'ol jini mandar.

11 Jini c'ax ñuc bΛ motomaj tsi' ch'ΛmΛ ochel i ch'ich'el alΛc'Λl ti Ch'ujul bΛ AjñibΛ cha'an i ñusΛntel mulil. Tsi' puluyob i bΛc'tal alΛc'Λl ti junwejl i ti' tejclum.

12 Che' ja'el Jesús tsi' yubi wocol ti junwejl i ti' tejclum cha'an mi' sΛq'uesañonla ti' bajñel ch'ich'el.

13 Jini cha'an la' lac lac'tesan lac bΛ ba'an Jesús ti junwejl i ti' tejclum. La' laj cuch lac ts'a'lentel che' bajche' Jesús.

14 Mach wΛ'ic an lac tejclum. Pero woli lac sajcan jini tal to bΛ tejclum yujil bΛ jalijel.

15 Jini cha'an che' coltΛbilonla cha'an Jesús, la' lac chΛn sub i ñucllel Dios ti' tojlel winicob. JiñΛch mero i majtan.

16 Mach yomic mi' ñajΛyel ti la' pusic'al i melol chuqui uts'at cha'an mi la' coltan la' pi'lob, come jiñΛch i majtan Dios uts'at bΛ mi' q'uel.

17 Jac'benla i t'an xcantayajob la' cha'an. Otsan la' bΛ ti' wenta come añob i ye'tel cha'an mi' wen pasbeñetla i bijlel la' coltΛntel. Wersa mi caj i subob i bΛ ti' tojlel Dios. Mi uts'at mi la' jac'ob tijicña mi caj i subob. Pero mi wola' wΛq'ueñob i ch'ijiyemlel i pusic'al mach che'ic mi la' taj la' wenlel.

18 Yom mi la' tajon lojon ti oración. Cujil lojon ma'anic c mul lojon ti la' tojlel. Come ti pejtelel lojon c pusic'al com c mel lojon chuqui uts'at.

19 La' wocolic cha'lenla oración cha'an mach chΛn jalix mic cha' tilel ba' añetla.

Cortesía tac

20 DiosΛch mu' bΛ i ñΛch'chocoñonla. Tsi' teche loq'uel lac Yum Jesucristo ba'an chΛmeño' bΛ. JiñΛch ñuc bΛ Xcanta tiñΛme'. Tsi' beq'ue i ch'ich'el cha'an i sellojlel jini xuc'ul bΛ t'an mach bΛ anic mi' jilel.

21 La' i yΛq'ueñetla pejtelel chuqui anto yom la' cha'an, cha'an mi la' mel ti pejtelel ora chuqui yom Dios. La' i mel i ye'tel Dios ti jatetla ti'p'ΛtΛlel Cristo che' bajche' mi' mulan. La' tsictiyic i ñucllel Cristo ti pejtelel ora. Amén.

22 A wocolic hermanojob, yom uts'at mi la' jac' la' xic'bentel, come ts'ita jach tsac ts'ijbubeyetla.

23 Ña'tanla librejix la quermano Timoteo. Mi mach jalix mi' julel ilayi, ya' talon ti jula' quic'ot.

24 Aq'uenla cortesía pejtelel xcantayajob la' cha'an, yic'ot pejtelel i cha'año' bΛ Dios. Mi' yΛq'ueñetla cortesía jini ch'oyolo' bΛ ti Italia.

25 La' ajnic i yutslel i pusic'al Dios la' wic'ot ti la' pejtelel.

SANTIAGO

1 Santiagojon, x'e'telon i cha'an Dios yic'ot lac Yum Jesucristo. Mic ts'ijbubeñetla ili jun i p'olbalet bΛ la jini lajchΛntiquil i yalobil Israel, pujquemet bΛ la ti pejtelel pañimil. Mi cΛq'ueñetla cortesía.

IyilΛbentel lac pusic'al

2 Quermanojob, ña'tanla jiñΛch wen tijicña bΛ che' mi' tilel wocol ti chajp ti chajp cha'an mi' yilΛbeñetla la' pusic'al.

3 Come la' wujil, mi xuc'ul mi la' ñop Dios che' mi la' ñusan wocol, mi' yΛc' ti p'ojlel i p'ΛtΛlel la' pusic'al ti pijt.

4 La' ts'ΛctΛyic i p'ΛtΛlel la' pusic'al ti pijt cha'an uts'at mi la' wajñel, cha'an mi' ts'Λctiyel i wenlel la' pusic'al. Che' jini ma'anic chuqui anto yom la' cha'an.

5 Mi anto yom la' ña'tΛbal c'ajtibenla Dios mu' bΛ i p'ewbeñob pejtelel winicob. Che' mi la' c'ajtiben mi caj i yΛq'ueñetla ti' yonlel i ña'tΛbal come mach yujilic a'leya.

6 Ñopola mi caj la' wΛq'uentel che' mi la' c'ajtiben. Mach yomic tile bixel la' pusic'al ame lajaleticla bajche' wΛΛcña bΛ ja' mu' bΛ i ñijcan ic'. Mi' jats' tac i bΛ ya' ti colem ñajb.

7 Mi tile bixel la' pusic'al mach ti jump'ejlic la' pusic'al woli la' c'ajtiben. Che' jini ma'anic chuqui mi caj la' wΛq'uentel ti lac Yum.

8 Come jini cha'p'ejax bΛ i pusic'al mi' cha'len cajcaj xΛmbal ti pejtelel i bijlel.

9 Jini hermano mach bΛ anic i chubΛ'an ti pañimil la' ñuc'ac i pusic'al cha'an i ñuclel Dios.

10 Jini wen chumul bΛ winic la' ñuc'ac i pusic'al cha'an peq'uesΛbil ti' tojlel Dios, come mi' caj ti jilel che' bajche' i nich pimel.

11 Che' c'ux q'uin mi' tiquesan jam. Mi' p'ajtel i nich pimel. Mi' jilel i t'ojΛwel. Che' ja'el mi caj i chΛmel jini wen chumul bΛ. Quepel mi' cΛy i ye'tel.

12 Tijicña jini mu' bΛ i cuch wocol ti uts'at, come che' ñumenix i yilΛbentel i pusic'al, mi caj i yΛq'uentel i cuxtΛlel i wenta corona che' bajche' albil i cha'an Dios. Dios mi caj i yΛq'ueñob pejtelel mu' bΛ i c'uxbiñob.

13 Che' an majqui woli' pΛjyel ti mulil, ña'tanla mach pΛybilic i cha'an Dios. Come Dios mach mejlic i pΛjyel ti mulil. Ma'anic ba' ora mi' pΛy ti mulil winicob.

14 Che' an majqui woli' pΛjyel ti mulil, jiñΛch i colosojlel i pusic'al mu' bΛ i pΛy, mu' bΛ i xic'.

15 I colosojlel i pusic'al mi' colel ti' pusic'al. Mi' ñijcan ti mulil. Che' tsa'ix p'ojli mulil mi' yΛc' ti chΛmel.

16 C'uxbibilo' bΛ quermanojob, mach mi la' jac' la' lotintel.

17 Pejtelel wen bΛ lac majtan yic'ot pejtelel uts'at bΛ lac majtan mi' tilel ti Dios. Mi' jubel tilel ti lac Tat, tsa' bΛ i mele ec' ti pejtelel. Ma'anic mi' q'uextiyel i pusic'al. Ma'anic mi' yΛjñel mi ts'ita'ic.

18 Tsi' yΛq'ueyonla lac ñop i sujmllel i t'an cha'an mi lac cha' ilan pañimil che' bajche' yom i pusic'al. Tsi' cha' meleyonla ti yΛx alΛ bΛ i yalobil ti' tojlel yaño' bΛ mu' bΛ caj i ñopob.

ChΛn melela chuqui mi' yΛl jini wen t'an

19 Jini cha'an c'uxbibil bΛ quermanojob, yom p'ip'etla che' mi la' ñich'tan t'an. Mach yomic ora mi la' cha'len t'an. Mach yomic mi la' bΛc' mich'an.

20 Come i mich'ajel winicob ma'anic mi' coltañonla lac mel chuqui toj che' bajche' yom Dios.

21 Jini cha'an cΛyΛla pejtelel chuqui tac bibi' yic'ot pejtelel jontolil. Ti' yutslel la' pusic'al ch'ujbinla jini t'an tsa' bΛ ochi ti la' pusic'al che' bajche' pac' mu' bΛ mejlel i coltan la' ch'ujlel.

22 ChΛn melela chuqui mi' yΛl jini wen t'an. Mach yomic to'o che' jach mi la' wubin. Mach mi la' lon ña'tan woli la' ñop mi ma'anic woli la' jac'.

23 Come jini mu' bΛ i ñich'tan jini wen t'an, mi ma'anic mi' jac', lajalΛch bajche' juntiquil mu' bΛ i q'uel i wut ti espejo.

24 Mi' yujtel i q'uel i wut, mi' majlel. Mi' bΛc' ñajΛyel ti' pusic'al bajche' yilal i wut.

25 Mach che'ic jini mu' bΛ i wen q'uel jini wen bΛ mandar, come jini mandar mi' yΛc' ti colel jini ñup'ulo' bΛ. Majqui jach mi' wen q'uel, ma'anic mi' ñajΛyel ti' pusic'al chuqui tsi' yubi, pero mi' jac' che' bajche'

yom. Jini winic mi' taj i wenlel ti Dios ti pejtelel chuqui mi' mel.

²⁶ Jini mu' b_A i lon ña'tan uts'at woli' ch'ujutesan Dios che' ma'anic mi' tic' i yac', woli jach i ñop lot. Tontoj_Ach. Mi' lon sub i b_A ti hermano.

²⁷ Jini mu' b_A i ch'ujutesan Dios ti isujm, mach b_A anic i bibi'lel ti' tojlel Dios lac Tat, jiñ_Ach mu' b_A i coltan meba' alobob yic'ot meba' x'ixicob. Mi' ch_Aca q'uel i b_A ame i ñopben i sojqemal pañimil.

2

Mach yomic jelchojc mi la' c'uxbin la' b_A

¹ Quermanojob, jatetla mu' b_A la' ñop lac Yum Jesucristo i Yum Panchan, mach yomic jelchojc jach mi la' c'uxbin la' pi'lob.

² Ya' ba' mi la' tempan la' b_A, mi tsa' ochi wen chumul b_A winic l_Ap_Al b_A i cha'an i m_At c'ab melbil b_A ti oro yic'ot wen b_A i pislel, mi tsa' ochi ja'el yamb_A mach b_A anic i chub_A'an l_Ap_Al b_A i cha'an tsuculix b_A i pislel,

³ mach wenic che' ñumen mi la' c'uxbin jini wen b_A i pislel. Mi tsa' la' sube bucht_Al ba' wen uts'at, pero mi tsa' la' sube jini mach b_A anic i chub_A'an: Wa'i ya'i o, mi mach a womic wa't_Al, buchi' ti lum lac' al ti coc, mi che'etla,

⁴ an la' mul che' jini. Jelchojc jach woli la' c'uxbin winicob. Jontol bajche' woli la' bajñel ña'tan.

⁵ C'uxbibilo' b_A quermanojob, ubinla. Dios tsi' yajca jini mach b_A añobic i chub_A'an ti pañimil cha'an mi' wen chumt_Alob cha'an jini mu' b_A lac ñop, come mi caj i yajñelob ti' yum_Antel Dios yic'ot pejt_Al mu' b_A i c'uxbiñob Dios che' bajche' albil i cha'an.

⁶ Pero jatetla woli la' ts'a'len jini mach b_A anic i chub_A'an. ¿Majqui mi' tic'lañetla? ¿Majqui mi' p_Ay_Atla majlel ti melob_Aj_Al? Jiñob_Ach wen chumulo' b_A.

⁷ Jini wen chumulo' b_A mi' p'ajbeñob i c'aba' Cristo ba' mi lac taj lac wenlel.

⁸ Yom mi la' jac' ti isujm ili c'ax ñuc b_A mandar ti' Ts'ijbujel Dios: "C'uxbin a pi'lob che' bajche' ma' bajñel c'uxbin a b_A", che'en. Mi woli la' jac' jini mandar toj woli la' mel.

⁹ Pero an la' mul mi jelchojc jach woli la' c'uxbin la' pi'lob. Che' jini xñusa mandaretla ti' tojlel ili mandar.

¹⁰ Majqui jach mi' ts'ita' ñusan jump'ejl mandar anquese mi' lu' jac' jini yan tac b_A, an i mul ti' tojlel pejtelel jini mandar cha'an tsi' ñusa jump'ejl.

¹¹ Come jini tsa' b_A i y_Al_A: "Mach ma' cha'len ts'i'lel", tsi' y_Al_A ja'el: "Mach ma' cha'len ts_Ansa", che'en. Mi ma'anic tsa' cha'le ts'i'lel pero mi tsa' cha'le ts_Ansa, xñusa mandaret che' jini.

¹² Ti pejtelel chuqui mi la' cha'len yic'ot chuqui mi la' w_Al, ña'tanla mi caj la' mel la' b_A ti' tojlel Cristo tsa' b_A i y_Ac'ayonla ti colel cha'an mi lac jac'ben i mandar.

¹³ Jini mach b_A yujilic p'untaya, ma'anic mi caj i p'unt_Antel ti' yorajlel meloñel. Jini yujil b_A p'untaya tijicña mi caj i yubin che' ti' yorajlel meloñel.

P_As_A wen b_A a melbal mi tsa' ñopo Dios

¹⁴ Quermanojob, mi an majch mi' lon ña'tan woli' ñop Dios che' ma'anic mi' mel chuqui wen, ¿woli ba i ñop ti isujm? Mi che'ach woli' ñop Dios, ¿woli ba i taj i colt_Antel?

¹⁵ Mi a cañ_Ay_Ach juntiquil p'ump'un b_A mach b_A anic i pislel mi i b_Al i ñac',

¹⁶ mi tsa' sube: Cucu ti' ñach'talel a pusic'al, q'uixñesan a b_A, la' ñaj'aquet, mi che'et, ¿woli ba a coltan che' jini, che' ma'anic ma' w_Aq'uen chuqui anto yom i cha'an?

¹⁷ Che' jini ma'anic woli la' ñop Dios ti isujm come to'ol t'an jach mi ma'anic wen b_A la' melbal.

¹⁸ An majqui mi caj i subeñet: Jatet wola' ñop Dios cha'an ma' taj a colt_Antel, pero joñon wolic p_As wen b_A c melbal. ¿Bajche' mi caj a p_Asbeñon ti isujm mi wola' ñop che' ma'anic wen b_A a melbal? Pero wen tsiquil wolic ñop Dios che' mic p_Asbeñet wen b_A c melbal, che'en.

¹⁹ ¿Am ba ti la' tojlel mu' b_A i lon ña'tan jas_Al mi lac to'ol ñop juntiquil jach jini mero Dios? Isujm juntiquil jach, pero mach jas_Alic mi lac to'ol ñop, come jini xibajob ja'el mi' ñopob, che' tsiltsilñayob ti b_Aq'uen.

²⁰ Tontojet. ¿Mach ba a wujilic lolom jach mi lac to'ol ñop Dios che' ma'anic wen b_A lac melbal?

21 ¿Mach ba anic tsa' q'uejli ti toj lac tat Abraham cha'an ti wen b_Λ i melbal che' b_Λ tsi' y_{ΛC}'_Λ ti ch_Λmel i yalobil i c'aba' Isaac ya' ti' pul_Λntib i majtan Dios?

22 Ña'tan che' jini, mach cojic jach tsi' ñopo Dios pero tsi' mele chuqui wen. Tsiquil uts'at tsi' ñopo Dios come tsi' p_{ΛSΛ} i ñopbal yic'ot wen b_Λ i melbal.

23 Tsa' ujtí che' bajche' tsi' y_{ΛΛ} i ts'ijbujel Dios: "Abraham tsi' ñopo Dios. Jini cha'an tsa' q'uejli ti toj", che'en. Dios tsi' pejca ti' pi'Λl.

24 Ña'tanla che' jini, mi lac ch'Δjmel ti' wenta Dios che' mi lac mel chuqui wen, mach cojic jach che' mi lac to'ol ñop Dios.

25 Che' ja'el jini Rahab, am b_Λ cab_Λ i yixic, tsa' ch'Δjmi ti' wenta Dios che' b_Λ tsi' p_{ΛYΛ} ochel jini xmucu stsajiyajob, che' b_Λ tsi' chocoyob sujtel ti yamb_Λ bij.

26 Che' loq'uemix lac ch'ujlel ti lac b_{ΛC}'tal ch_Λmeñonixla. Che' ja'el mi to'ol t'an jach woli lac ñop Dios che' ma'anic wen b_Λ lac melbal, ch_Λmeñonixla yubil come ma'anic mi lac ñop ti isujm.

3

La cac'

1 Quermano, mach yomic ma' b_{ΛC}' ochel ti xc_Λntesa, come la' wujil ñumen mi caj lac toj lac mul bajche' yaño' b_Λ hermanojob che' xc_Λntesajonla.

2 Ti lac pejtelel cab_Λl mi lac taj lac sajtemal ti' tojlel lac pi'Λlob. Majqui jach puro uts'at i t'an ti' tojlel yaño' b_Λ, uts'at_Λch i pusic'al jini winic. Yujil i tic' i b_Λ ti pejtelel chuqui mi' mel.

3 La' wujil mi la cots_Λben i taq'uiñal i yej caballo cha'an mi' jac'beñonla. Che' jini mi' yumañonla ti pejtelel i cuctal.

4 Ña'tanla wen colem barco, pero che' ñijc_Λbil i cha'an p'Λtal b_Λ ic', mi' toj'es_Λntel majlel cha'an biq'uit b_Λ i toj'es_Λjib baqui jach yom majlel jini xñijca barco.

5 Che' ja'el la cac', anquese biq'uit jax ti lac b_{ΛC}'tal, wen ch'ejl mi' p_{ΛS} i b_Λ ti' subol ñuc tac b_Λ. Anquese che' jach ya wist_Λl i nich c'ajc, mi tsi' chucu colem te'el mi' laj pulel.

6 Jini la cac' lajal_Λch bajche' c'ajc. Wen yujil jontolil. Mi' bib'esan pejtelel lac

b_{ΛC}'tal. Ch'oyol ti infierno i jontolil la cac'. Mi mejlel i xic'beñonla jontolil cha'an mi' jisañonla ti c'ajc.

7 Mi mejlel la cuts'esan i b_Λl mate'el, mut, lucum, yic'ot i ch_Λñil ñajb come ti chajp ti chajp tsa' uts'es_Λnti cha'an winicob.

8 Pero mach che'ic la cac'. Ma'anic winic mu' b_Λ mejlel i yuts'esan i yac'. Jontol la cac'. Mach yujilic tijq'uel. An i venenojlel yujil b_Λ tsansa.

9 Ti la cac' mi lac ch'ujutesan Dios lac Tat. Ti la cac' mi lac p'aj winicob x'ixicob melbilo' b_Λ ti' yejtal Dios.

10 Ti' yej winic mi' loq'uel uts b_Λ t'an yic'ot p'ajoñel. Quermanojob, mach che'ic yom.

11 Ti jump'ejl jach i loq'uib ja', ¿mu' ba i loq'uel y_{ΛX} b_Λ ja' yic'ot ch'aj b_Λ?

12 Quermanojob, ¿mu' ba lac tuc' olivo ti higuera te'? ¿Mu' ba lac tuc' higo ti ac'? Che' ja'el, ma'anic i loq'uib ja' mu' b_Λ i y_{ΛC}' y_{ΛX} b_Λ ja' yic'ot tsaj b_Λ.

Jini lac ña't_Λbal mu' b_Λ i jubel tilel ti chan

13 Majqui jach an cab_Λl i pusic'al yic'ot cab_Λl i ña't_Λbal, la' i tsictesan ti wen b_Λ i melbal. Yom pec' mi' mel i pusic'al che' mi' mel chuqui wen yic'ot wen b_Λ i ña't_Λbal.

14 Mi ts_{ΛY}ts_{ΛY}ña la' pusic'al cha'an i wellel la' pi'Λlob, mi la' wujil a'leya ti la' pusic'al, mach la' chañ'esan la' b_Λ. Mach la' cha'len lot ti' contra i sujmllel.

15 Come mach tilemic ti chan i tsuculel lac pusic'al, pero tilem ti pañimil, tilem ti' colosojlel lac pusic'al yic'ot ti xiba.

16 Ya' ba' ts_{ΛY}ts_{ΛY}ñayob i pusic'al winicob, ba' ñijc_Λbilob i cha'an i ts'i'lel i wut, ya' mi' t'oxob i b_Λ ti leto yic'ot jujunchajp jontolil.

17 Pero jini wen b_Λ lac ña't_Λbal ch'oyol b_Λ ti chan ñaxan mi' p_{ΛS} i b_Λ ti' s_{ΛC}lel lac pusic'al yic'ot i yutsl_Λl lac t'an. Mi' y_{ΛC}' ti bujt'el lac pusic'al ti p'untaya cha'an mi lac mel pejt_Λl chuqui wen ti pejtelel lac pusic'al. Mach yujilic lo'loya.

18 Jini mu' b_Λ i lajmesañob leto ti' ñach't_Λlel i pusic'al woli' wejch'uñob majlel pac' yilal mu' b_Λ caj i y_{ΛC}' i wut cha'an toj mi la cajñel.

4

Jini mu' b_Λ i c'uxbin i cha'an b_Λ pañimil

¹ ¿Chucoch woli la' t'ox la' b_Λ ti a'leya? ¿Mach ba xic'bileticla cha'an i colosojlel la' pusic'al? Come mi' tejchel guerra ti la' pusic'al che' cha'p'ejl jax la' ña't_Λbal.

² An i ts'i'lel la' wut cha'an chub_Λañ_Λ. Mi la' cha'len ts_Λnsa cha'an mi la' taj. Ts_Λyts_Λyña la' pusic'al cha'an i wenlel la' pi'lob pero ma'anic mi la' taj. Jini cha'an mi la' cha'len leto yic'ot guerra. Ma'anic mi la' taj chuqui la' wom come ma'anic mi la' c'ajtiben Dios.

³ An chuqui tac mi la' c'ajtiben pero ma'anic mi la' taj, come sajtem bajche' mi la' c'ajtin. La' wom jach la' jisan cha'an i colosojlel la' pusic'al.

⁴ Lajaletla bajche' x'ixic mu' b_Λ i c_Λy i ñoxi'al cha'an mi' c'uxbiben i contra. ¿Mach ba la' wujilic? Jini mu' b_Λ i c'uxbin i cha'an b_Λ pañimil, mi' contrajin Dios. Jini yom b_Λ i c'uxbintel ti pañimil, woli' yotsan i b_Λ ti' contra Dios.

⁵ Ña'tanla isujm mi' subeñonla i Ts'ijbujel: “Dios tsi' chumchoco ti lac pusic'al jini Espíritu mu' b_Λ i c_Λntañonla ame so-jquiconla”.

⁶ Cab_Λ mi' y_Λq'ueñonla lac p'_Λt_Λlel cha'an mi' m_Λjlel lac cha'an. Jini cha'an mi' y_Λ: “Dios mi' contrajin jini mu' b_Λ i chañ'esañob i b_Λ, pero mi' p'_Λt'esan jini mu' b_Λ i peq'uesañob i b_Λ”, che'en.

⁷ Aq'uen la' b_Λ Dios. P_Λs_Λ la' b_Λ ti' contra xiba. Che' jini mi caj i puts'tañetla.

⁸ L_Λc'tesan la' b_Λ ba'an Dios. Che' jini mi caj i l_Λc'tesan i b_Λ ba' añetla. Xmulilob, poco la' c'_Λb. Jatetla cha'chajp jax b_Λ la' pusic'al s_Λq'uesan la' b_Λ.

⁹ Mele la' pusic'al. Cha'lenla uq'uel. Uc'tan la' mul. La' ujtiquetla ti tse'ñal. La' p_Λnt_Λyic ti uq'uel. La' jilic i tijicñayel la' pusic'al. La' p_Λnt_Λyic ti la' ch'ijiyemlel.

¹⁰ Mele la' b_Λ ti pec' ti' wut lac Yum. Che' jini mi caj i chañ'esañetla.

¹¹ Quermanojob, mach yomic mi la' p_Λc' ti jontolil la' pi'lob. Jini mu' b_Λ i p_Λc' ti jontolil i pi'lob yic'ot jini mu' b_Λ i bajñel melob ti' pusic'al woli' contrajin jini mandar. Woli' y_Λ ti' pusic'al mach uts'atic jini mandar. Pero mi wola' w_Λ ti a pusic'al mach uts'atic jini mandar, mach tojetic ti' tojlel. Wola' bajñel wa'chocon a b_Λ ti meloñel ti' tojlel.

¹² An juntiquil jach x'ac' mandar am b_Λ i p'_Λt_Λlel cha'an mi' coltañonla cha'an mi' jisañonla. ¿Chuqui i ye'tel ma' bajñel otsan a b_Λ a mel a pi'Λ ti a bajñel pusic'al?

Mach la' wujilic chuqui mi' caj ti ujtcl ijc'Λ

¹³ Ubinla jatetla mu' b_Λ la' w_Λ: W_Λle o mi ijc'Λ mi caj lac majlel ti tejclum. Ya' i mi caj lac jalijel jump'ejl jab cha'an mi lac cha'len m_Λñoñel yic'ot choñoñel. Mi caj laj ganarin cab_Λ taq'uin, lon che'etla.

¹⁴ Mach la' wujilic chuqui mi' caj ti ujtcl ijc'Λ mi bajche' mi caj la' wujtel. Isujm, lajal la' cuxt_Λlel bajche' i yowix ja'. Poj tsiquil jumuc'. Ti wi'il mach tsiquilix.

¹⁵ Jini cha'an yom mi la' w_Λ: Mi che'Λch yom lac Yum, che'Λch mi caj la' cajñel, che'Λch mi caj lac mel, che'etla.

¹⁶ Pero che' mi la' bajñel ña'tan chuqui mi caj la' mel, woli la' chañ'esan la' b_Λ. Che' mi la' bajñel sub la' b_Λ ti ñuc, an la' mul.

¹⁷ Majqui jach mi' ña'tan chuqui yom melol pero mach che'ic mi' mel, añ_Λch i mul.

5

T'an cha'an wen chumul b_Λ winic

¹ Ubinla wen chumulet b_Λ la. Cha'lenla uq'uel, cha'lenla oñel cha'an jini wocol mu' b_Λ caj i tajetla.

² Oc'benix la' chub_Λ'an, c'uxbilix la' pislel ti' ch_Λñil.

³ Jini oro yic'ot plata ta'ajemix. I ta' mi' y_Λc' ti tsictiyel la' mul. Mi caj i jisan la' b_Λc'tal che' bajche' c'ajc. Tsa' la' bajñel loto la' chub_Λ'an ti ili cojix b_Λ q'uin tac.

⁴ La' wilan c'am woli ti t'an jini taq'uin, come ma'anic tsa' la' tojo x'e'telob la' cha'an tsa' b_Λ i tsepbeyetla la' jamil. Tsa' c'oti i t'an la' waj tsep jamob ti' chiquin lac Yum, jiñ_Λch i Yum panchan yic'ot pañimil.

⁵ Wen chumuletla w_Λ ti pañimil. Tijicña tsa' la' ñusa q'uin. Ma'anic tsa' la' tiq'ui la' b_Λ. Tsa' la' jujp'esa la' pusic'al cha'an jini q'uin che' mi caj la' ts_Λns_Λntel.

⁶ Tsa' la' jop'be i mul jini toj b_Λ. Tsa' la' ts_Λnsa. Ma'anic tsi' letsa i t'an ti la' tojlel.

Cha'lenla pijt

⁷ Jini cha'an hermanojob, cha'lenla pijt ti' ñ_Λch't_Λlel la' pusic'al jinto mi' tilel lac

Yum. Ña'tanla jini xpac'. Jal mi' pijtan i yac'bal i lum. Ti' ñach'talel i pusic'al mi' pijtan jini ñaxan bΛ ja'al yic'ot jini wi'il bΛ cha'an mi' coel i pac'bal.

⁸ Che'ach yom mi la' cha'len pijt ti' ñach'talel la' pusic'al. Xuc'chocon la' pusic'al come lac'alix jini q'uin che' mi' tilel lac Yum.

⁹ Quermanojob, mach la' cha'len wulwul t'an ti' contra la' pi'lob ame pΛjyiquetla cha'an mi la' mel la' bΛ. La' wilan wa'alix ti' ti' otot la Caj mel mulil.

¹⁰ Quermanojob, ña'tanla jini x'alt'añob tsa' bΛ i subuyob t'an ti' c'aba' lac Yum. Tsi' pasbeyetla bajche' yom mi la' ñusan wocol. Tsi' cha'leyob pijt ti' ñach'talel i pusic'al. Tsi' ñusayob i tic'lantel.

¹¹ La cujil tijicñayobix cha'an tsi' cuchuyob wocol. Tsa'ix la' wubi bajche' tsi'uchu wocol ti' uts'at jini Job. Tsa'ix la' wubi chuqui tsi' cha'le lac Yum ti' tojlel Job che' ti' yujtibal, come uts i pusic'al lac Yum. Wen yujil p'untaya.

¹² Quermanojob, jiñach ñumen uts'at bΛ che' ma'anic mi la' lon taj ti' t'an panchan mi pañimil mi yambΛ t'an cha'an mi la' wa'chocon la' subal. Jasal jach mi la' wΛ che'ach yom o mach che'ic yom ame la' taj la' mul ti' tojlel Dios. Mi mach isujmic, mach i sujmic, che'etla, cha'an ma'anic mi la' pΛjyel la' mel la' bΛ.

Cha'lenla oración ti' xuc'talel la' pusic'al

¹³ ¿Am ba majqui woli' yubin wocol? La' i pejcan Dios. ¿Am ba majqui woli' yubin tijicña? La' i c'ayin Dios.

¹⁴ ¿Am ba majqui woli' ti' c'amajel? La' i pΛy jini wa'chocobilo' bΛ ti' tojlel xñopt'añob mu' bΛ i tempañob i bΛ. Mi caj i pejcabebñob Dios. Mi caj i boñob ti' aceite ti' c'aba' lac Yum.

¹⁵ Mi woli lac ñop ti' lac pusic'al che' mi lac pejcan Dios, mi caj i coltan jini xc'amajel. Lac Yum mi caj i lajmesan. Mi tsi' cha'le mulil, mux i ñusabentel.

¹⁶ Subu la' bΛ che' an la' mul ti' tojlel la' pi'lob. Taja la' bΛ ti' oración cha'an mi la' lajmesantel. An cabΛ i c'Λjñibal i yoración jini tojo' bΛ. CabΛach i p'atalel.

¹⁷ Winich Elías lajal bajche'onla. Ti' jump'ejl i pusic'al tsi' pejca Dios cha'an

ma'anic mi' tilel ja'al. Ojlil i champ'ejl jab ma'anic tsa' yajli ja'al ti lum.

¹⁸ Tsi' cha' pejca Dios. Tsi' choco tilel ja'al. Jini lum tsi' cha' ac'Λ ti' coel pac'abΛ.

¹⁹ Hermanojob, mi an juntiquil ti' la' tojlel tsa' bΛ i cΛyΛ i sujmllel Dios, yom mi' cha' toj'esan yambΛ.

²⁰ Come jini mu' bΛ i toj'esan xmulil am bΛ i sajtemal woli' coltan cha'an mi' taj i cuxtalel cha'an ma'anic mi' jilel. Woli' yac' ti' ñusantel cabΛ mulil.

1 PEDRO

¹ Pedrojon, apóstolon i cha'an Jesucristo. Mic ts'ijbubeñetla ili jun, xñumelet jach b_Λ la, pujquemet b_Λ la ti Ponto, ti Galacia, ti Capadocia, ti Asia yic'ot ti Bitinia.

² Yajc_Λbiletla che' bajche' tsi' w_Λn ña'ta Dios lac Tat. Jini Espíritu woli' s_Λq'uesañetla cha'an mi la' jac'ben Jesucristo, yic'ot ja'el cha'an mi la' mujlel ti' ch'ich'el Jesucristo. La' p'ojles_Λtic i yutslel yic'ot i ñach't_Λlel la' pusic'al.

An cuxul b_Λ lac pijtaya

³ La' subjic i ñuclél Dios i Tat lac Yum Jesucristo, come cab_Λl tsi' p'untayonla che' b_Λ tsi' y_Λq'ueyonla lac cha' ilan pañimil. Jini cha'an an cuxul b_Λ lac pijtaya, cha'an tsa' cha' tejchi ch'ojyel Jesucristo ba'an ch_Λmeño' b_Λ.

⁴ Come Dios mi caj i y_Λq'ueñonla jini lot-bebilon b_Λ la ti panchan ba' ma'anic mi' jilel, ba' ma'anic mi' bib'an, ma'anic mi' tsuculiyel. Mi caj la' w_Λq'uentel ya' ti panchan.

⁵ Come Dios woli' c_Λntañetla ti ñuc b_Λ i p'_Λt_Λlel pejteletla mu' b_Λ la' ñop, c'_Λl_Λl ti jini cojix b_Λ q'uin che' mi caj i tsictiyel la' colt_Λntel tsa' b_Λ i w_Λn chajp_Λbeyetla.

⁶ Jini cha'an tijicñayetla, anquese poj jumuc' jach mi la' wubin jujunchajp wocol mi che'_Λch yom Dios,

⁷ cha'an mi' tsictiyel mi xuc'ul woli la' ñop. Ñumen uts'at i xuc't_Λlel la' pusic'al ti Cristo bajche' oro mu' b_Λ i jilel. Wolix la' ñusan wocol che' bajche' mi' ñumel oro ti c'ajc cha'an mi' q'uejlel mi mero oro. Che' ja'el che' ñumenix la' wocol, mi caj i subjel la' ñuclél, mi caj la' c'uxbintel, mi caj la' q'uejlel ti ñuc che' mi' tsictiyel Jesucristo.

⁸ Ma'anic tsa' la' q'uele Jesús, pero mi la' c'uxbin. Ma'anic woli la' q'uel w_Λle, pero woli la' ñop. Jini cha'an ma'anic i p'isol i tijicñayel la' pusic'al tilem b_Λ ti panchan,

⁹ come woli la' taj la' colt_Λntel cha'an tsa' la' ñopo.

¹⁰ Che' bajche' tsi' w_Λn subuyob jini x'alt'añob, mi caj la' taj i yutslel i pusic'al Dios. Tsi' ñopoyob i ch'_Λmben isujm bajche' mi caj i ujtél la' colt_Λntel.

¹¹ Tsi' saj cayob ti jun cha'an mi' ña'tañob baqui b_Λ ora mi' caj ti ujtél jini tsa' b_Λ i y_Λl_Λ i yEspíritu Cristo am b_Λ ti' pusic'alob. Come i yEspíritu Cristo tsi' w_Λn subeyob i wocol Cristo, yic'ot i ñuclél mu' b_Λ caj i taj che' ujtemix wocol.

¹² Tsa' p_Λs_Λbentiyob mach cha'anic i bajñel c'_Λjñibal tsi' cha'leyob t'an, pero cha'an mi' c_Λntes_Λntel yaño' b_Λ. W_Λle tsa'ix la' wubi jini jach b_Λ t'an tic tojlel lojon. Tsac subeyetla jini wen t'an yic'ot jini Ch'ujul b_Λ Espíritu chocbil b_Λ tilel ti panchan. Jini ángelob wersa yomob i ch'_Λmben isujm.

Yom ch'ujuletla ti pejtelel la' melbal

¹³ Jini cha'an, chajpan la' pusic'al. Yom y_Λx_Λl la' wo. Junyajlel xuc'chocon la' b_Λ ti pijtaya, come mi caj la' w_Λq'uentel i yutslel la' pusic'al che' mi' p_Λs_Λl Jesucristo.

¹⁴ Yom lajaletla bajche' alobob mu' b_Λ i wen jac'ob t'an. Mach mi la' ch_Λn mel che' bajche' ti yamb_Λ ora che' maxto anic la' ña't_Λbal, che' b_Λ tsa' la' jac'_Λ i colosojlel la' pusic'al.

¹⁵ Ch'ujul jini tsa' b_Λ i p_Λy_Λyetla, jini cha'an yom ch'ujuletla ja'el ti pejtelel la' melbal.

¹⁶ Come ts'ijbubil: "Ajñenla ti ch'ujul, come ch'ujulon", che'en lac Yum.

¹⁷ Mi woli la' pejcan ti la' Tat jini mu' b_Λ i mel pejtél winicob ti toj, mu' b_Λ caj i meletla ti jujuntiquil che' bajche' an la' melbal, ajñenla ti b_Λq'uen che' w_Λ'to añetla ba' mach mero la' lumalic.

¹⁸ Come ña't_Λbil la' cha'an, m_Λmbiletla cha'an ma'anic mi la' ch_Λn ñop jini lolom jach b_Λ tsa' b_Λ la' ñopo ti la' ñojte'el. Mach m_Λmbileticla ti jini yujil tac b_Λ jilel che' bajche' oro yic'ot s_Λs_Λc taq'uin.

¹⁹ Pero m_Λmbiletla ti' ch'ich'el Cristo, letsem b_Λ i tojol, che' bajche' juncojt al_Λ tat tiñ_Λme' mach b_Λ anic i ch_Λmel mi i bibi'lel.

²⁰ Tsa' wa'choconti Jesús che' maxto anic tsa' mejli pañimil, pero tsa' poj tsictiyi ti jini cojix b_Λ q'uin tac am b_Λ w_Λle cha'an mi' coltañetla.

²¹ Cha'an ti' caj Jesús mi la' ñop Dios tsa' b_Λ i teche ch'ojyel Jesús ba'an ch_Λmeño' b_Λ. Tsi' y_Λq'ue i ñuclél. Jini cha'an c_Λy_Λletla ti Dios. An la' pijtaya ti Dios.

²² Tsa'ix la' s_Λq'uesa la' pusic'al ti' jac'ol i sujmlél. Jini cha'an mi la' c'uxbin la'

wermanojob ti isujm. Wen c'uxbin la' b_Λ ti jump'ejl la' pusic'al.

²³ Come ma'anic tsa' la' cha' ila pañimil ti pac' yujil b_Λ jilel, pero ti pac' mach b_Λ yujilic jilel, jini cuxul b_Λ i t'an Dios mu' b_Λ i yajñel ti pejtelel ora.

²⁴ Come ts'ijbubil: “Pejtelel winicob lajalob bajche' pimel. Pejtelel i ñucllel winicob lajalach bajche' i nich pimel. Mi' tiquin pimel, mi' yajlel jubel i nich,

²⁵ pero i t'an lac Yum mi' yajñel ti pejtelel ora”, che'en. Che'ach mi' yal jini wen t'an tsa' b_Λ c subeyetla.

2

¹ Jini cha'an c_Λy_Λla pejtelel la' jontolil yic'ot lotiya yic'ot i cha'chajplel la' pusic'al, yic'ot ts_Λyts_Λyña b_Λ la' pusic'al cha'an i wenlel la' pi'lob, yic'ot pejtelel u'yaj t'an.

² Yom lajaletla bajche' alal, poj ujt_Λel b_Λ i yilan pañimil, mu' b_Λ i c'ajtin i chu'. Che'ach yom mi la' c'ajtin la' chu' ti Espíritu mu' b_Λ i we'san la' pusic'al ti' sujml_Λel, cha'an mi la' colel majlel ti la' colt_Λntel,

³ mi sumuc tsa' la' wubi i yutsl_Λel lac Yum.

Jini cuxul b_Λ Xajlel

⁴ La'la ba'an Jesús, jini cuxul b_Λ Xajlel. Winicob tsi' chocoyob ti isujm, pero Dios tsi' yajca come uts'atax mi' q'uel.

⁵ Jatetla ja'el lajaletla bajche' cuxul b_Λ xajlel. Woli la' wa'chocontel ti' yotot Dios. Yom ch'ujul b_Λ motomajetla i cha'an Jesucristo cha'an mi la' w_Λq'uen ch'ujul b_Λ i majtan Dios mu' b_Λ i mulan.

⁶ Come ts'ijbubil: “Awilan, woli c_Λc' ti Sion jump'ejl uts'at b_Λ Xajlel, yajc_Λbil b_Λ cha'an i xujc otot. Jini mu' b_Λ i ñop ma'anic mi' cajel ti quisin”, che'en.

⁷ Jatetla mu' b_Λ la' ñop, c'ux mi la' wubin Jesús. Pero ti' tojlel jini mach b_Λ anic mi' ñopob, jiñach Xajlel chocbil b_Λ cha'an jini xmel ototob. Pero Dios tsi' yotsa ti' xujc otot.

⁸ Ts'ijbubil ja'el: “Jiñach Xajlel ba' mi' jats'ob i yoc winicob. Jiñach Ñuc b_Λ Xajlel mu' b_Λ i y_Λc'ob ti yajlel. Come tsi' jats'ayob i yoc cha'an ma'anic tsi' jac'ayob jini wen t'an”. Che'ach tsi' meleyob bajche' tsi' w_Λn ña'ta Dios.

X'e'teletla i cha'an Dios

⁹ Pero i yalobiletla, yajc_Λbiletla. Ñuc b_Λ motomajetla ti' tojlel jini Rey. Ch'ujul b_Λ tejclumetla. I cha'añetla Dios cha'an mi la' sub majlel jini ñuc tac b_Λ i melbal Dios, tsa' b_Λ i p_Λy_Λyetla loq'uel ti ic'yoch'an b_Λ pañimil. Tsi' yotsayetla ti' s_Λc_Λlel i yum_Λntel.

¹⁰ Ti yamb_Λ ora mach i cha'añeticla Dios, pero w_Λle i cha'añetla. Ti yamb_Λ ora ma'anic majch tsi' p'untayetla, pero w_Λle tsa'ix i p'untayetla.

¹¹ C'uxbibilet b_Λ la, xñumeletla ti pañimil, yañach b_Λ la' lumal. Ti wocol t'an mic subeñetla mach yomic mi la' jac'ben i colosojlel la' pusic'al mu' b_Λ i cha'len guerra ti' contra la' ch'ujlel.

¹² P_Λs_Λ la' b_Λ ti uts'at ti' tojlel jini gentilob. Che' jini anquese mi' p_Λq'uetla ti jontolil, mi caj i ña'tañob wen b_Λ la' melbal che' mi' tsictiyel lac melbal ti lac pejtelel. Mi caj i subob i ñucllel Dios.

Ac'la la' b_Λ ti' wenta año' b_Λ i ye'tel

¹³ Añetla ti lac Yum, jini cha'an ac'la la' b_Λ ti uts'at ti' wenta pejtelel año' b_Λ i ye'tel ti la' tojlel, jini c'ax ñuc b_Λ yum_Λ

¹⁴ yic'ot winicob wa'chocobilo' b_Λ i cha'an, cha'an mi' y_Λq'ueñob i toj i mul xjontolilob, yic'ot cha'an mi' subeñob i ñucllel jini mu' b_Λ i melob chuqui wen.

¹⁵ Come yom Dios mi la' mel chuqui wen cha'an mi la' ñach'tes_Λbeñob i tontojlel jini winicob mach b_Λ añob_Λ i ña'tabal.

¹⁶ Libre añetla cha'an mi la' mel chuqui uts'at, mach cha'anic mi la' cha'len mulil, come x'e'teletla i cha'an Dios.

¹⁷ Q'uelela ti ñuc pejtelel winicob x'ixicob. C'uxbin la' wermanojob. B_Λc'ñanla Dios. Q'uelela ti ñuc jini yum_Λlob.

¹⁸ X'e'telob, jac'benla i t'an la' yum, mach cojic jach jini uts'ato' b_Λ mu' b_Λ i c'uxbiñetla pero jini tsatso' b_Λ i t'an ja'el.

¹⁹ Come uts'at mi' q'uelonla Dios mi uts'at mi laj cuch wocol che' tic'bilonla cha'an i melol chuqui uts'at, che' ma'anic lac mul.

²⁰ Mi woli la' jajts'el cha'an la' jontolil, çam ba la' ñucllel che' mi la' cuch jini wocol? Pero mi woli la' cuch wocol cha'an i melol chuqui uts'at, Dios mi caj i q'ueletla ti uts'at.

²¹ Come p_Λy_Λbiletla cha'an mi la' wubin wocol. Come Cristo ja'el tsi' yubi wocol

cha'añonla. Tsi' pasbeyonla bajche' yom mi lac mel. Tsajcanla majlel.

²² Ma'anic tsi' cha'le mulil, ma'anic tsi' cha'le lot.

²³ Che' b_Λ tsa' a'lenti, ma'anic tsi' q'uexta a'leya. Che' b_Λ tsa' aq'uenti wocol, ma'anic tsi' cha'le b_Λc'tesaya. Che' jach tsi' y_Λc'Λ i b_Λ ti' wenta jini mu' b_Λ i cha'len meloñel ti toj.

²⁴ I bajñel jach tsi' cuchu lac mul ti' b_Λc'tal che' b_Λ tsa' ch_Λmi ti te', cha'an mi' jilel i p'at_Λlel mulil ti lac tojlel. Cuxulonixla cha'an yom mi lac mel chuqui toj. La-jmes_Λbiletla cha'an tsa' lojwi lac Yum.

²⁵ Ti yamb_Λ ora tsa' sajtiyetla che' bajche' tiñame', pero tsa' la' sutq'ui la' b_Λ cha'an mi la' tsajcan majlel jini Xc_Λanta tiñame', jini Xc_Λantaya mu' b_Λ i coltan la' ch'ujlel.

3

Ajñenla ti uts'at yic'ot la' pi'Λ

¹ X'ixicob, yom mi la' w_Λc' la' b_Λ ti uts'at ti' wenta la' ñoxi'al. Che' jini, mi ma'anic mi' ñopob la' ñoxi'al, mi caj i ñopob cha'an uts'at b_Λ la' melbal, mach cha'anic la' t'an.

² Mi caj i q'uelob toj b_Λ la' melbal che' mi la' jac'beñob ti uts'at.

³ Mach mero la' ch'Λjlilic che' mi la' jal la' jol mi che' mi la' ch'Λl la' b_Λ ti oro yic'ot wen b_Λ la' pislel.

⁴ Pero yom i ch'Λjlil la' pusic'al mach b_Λ anic mi' jilel, jiñach i yutslel yic'ot i ñach'talel la' pusic'al. Jiñach c'ax uts'at b_Λ ti' wut Dios.

⁵ Come che' ja'el ti oñiyi jini ch'ujul b_Λ x'ixicob tsa' b_Λ i pijtayob i wenlel ti Dios tsi' ch'Λ_Λyob i b_Λ ja'el. Tsi' y_Λc'Λyob i b_Λ ti uts'at ti' wenta i ñoxi'al.

⁶ Che'Λch tsi' mele Sara. Tsi' ch'ujbibe i t'an Abraham, tsi' pejca ti' yum. Jatetla i yalobiletla Sara, mi toj mi la' mel, mi ma'anic mi la' b_Λc'ñan chuqui mi' yujtel.

⁷ Che' ja'el winicob, ajñenla ti uts'at yic'ot la' wijñam. Q'uelela ti ñuc jini x'ixic anquese ñumen c'un bajche'etla, pero temel mi la' w_Λq'uentel la' cuxt_Λlel ti' yutslel i pusic'al Dios. Che'Λch yom mi la' mel ame mact_Λntic la' woración.

La' wocol cha'an wen b_Λ la' melbal

⁸ Ti pejteletla yom junlajal la' pusic'al mi la' cha'len p'untaya. C'uxbin la' b_Λ che' bajche' la' wijts'in la' b_Λ. Yom uts la' pusic'al. Yom mi la' mel la' b_Λ ti pec'.

⁹ Mach yomic mi la' q'uextan jontolil, mi a'leya. Yom mi la' w_Λq'ueñob i yutslel la' t'an la' pi'Λlob, come ña't_Λbil la' cha'an p_Λybiletla cha'an mi la' w_Λq'uentel la' wenlel.

¹⁰ Come ts'ijbubil: "Majqui yom ajñel ti' tijicñ_Λyel i pusic'al, cha'an uts'at mi' ñusan q'uin, la' i tic' i yac' ti jontolil, la' i tic' i yej ti lot.

¹¹ La' i c_Λy jontolil. La' i mel chuqui uts'at. La' i s_Λc_Λlan i wenlel i pi'Λlob cha'an ñach'Λl mi' yajñel yic'otob.

¹² Come lac Yum woli' wen q'uel jini tojo' b_Λ. Mi' yubibeñob i yoración. Pero mi' contrajin jini mu' b_Λ i melob jontolil".

¹³ Mi b_Λxetla ti' melol chuqui uts'at, ¿am ba majqui mi caj i tic'lañetla?

¹⁴ Pero mi woli la' tic'Λntel cha'an ti' melol chuqui toj, tijicñ_Λyetla. Jini cha'an mach la' cha'len b_Λq'uen che' mi' cha'leñob b_Λc'tesaya. Mach la' mel la' pusic'al.

¹⁵ Pero ch_Λn yumanla Cristo ti la' pusic'al. Yom chajp_Λbil la' pusic'al ti pejtelel ora cha'an mi la' suben la' pi'Λlob baqui tilem la' pijtaya che' mi' c'ajtibeñetla. Subenla ti uts b_Λ t'an yic'ot c'uxbiya.

¹⁶ Ajñenla ti uts'at cha'an ma'anic mi' tejchel t'an ti la' pusic'al. Che' jini mi caj i yubiñob quisin la' contrajob mu' b_Λ i p_Λq'uetla ti jontolil, che' mi' q'uelob wen b_Λ la' melbal ti Cristo.

¹⁷ Mi yom Dios mi la' cubin wocol, ña'tanla uts'at mi la' cubin cha'an wen b_Λ lac melbal, mach cha'anic jontolil.

¹⁸ Come Cristo ja'el ti junyajlel tsi' yubi wocol cha'an mulil. Jini Toj b_Λ tsi' y_Λc'Λ i b_Λ ti ch_Λmel cha'an jini mach b_Λ tojobic, cha'an mi' p_Λyonla ti' tojlel Dios. Isujmach tsa' ts_Λns_Λnti ti' b_Λc'tal, pero tsa' cha' cuxtiyi ti jini espíritu.

¹⁹ Yic'ot i yespíritu tsa' majli Cristo i subeñob t'an jini ch'ujlel_Λlob ya' ti' yajñib ch_Λmeño' b_Λ.

²⁰ Jiñob_Λch sajtemo' b_Λ mach b_Λ anic tsi' jac'Λyob ti yamb_Λ ora, che' jal tsi' cha'le pijt Dios ti' yorajlel Noé che' b_Λ woli to i mel colem barco. Waxactiquil jach tsa' coliyob

ti ja'.

²¹ Jiñach i yejtal bajche' mi laj coltanel wale ti ch'am ja'. Ma'anic mi' poc loq'uel i lumil lac pachalel, pero mi' pasonla ti sac ti' wut Dios che' ñach'al lac pusic'al cha'an tsa' lac subu lac ba' ti' tojlel Dios. Tsa'ix tejchionla ch'ojoyel yic'ot Jesucristo.

²² Tsa'ix majli ti panchan ya' ti' ñoj Dios. Jini ángelob yic'ot yumalob, yic'ot año' ba' i p'atlalel, mi' yumañob Jesús.

4

Ts'acal yom mi la' pas i yutslal i pusic'al Dios

¹ Cristo tsi' ñusa wocol ti' bac'tal cha'añonla. Jini cha'an yom chajpabil la' pusic'al cha'an mi la' ñusan wocol ja'el che' bajche' Cristo. Come majqui jach tsi' ñusa wocol ti' bac'tal tsa'ix i cala i mul.

² Ma'anix mi' chan jac' i colosojlel i pusic'al che' bajche' año' ba'. Mi' cala tsucul ba' i pusic'al cha'an mi' mel bajche' yom Dios ti pejtelel i jabil.

³ Come jasalix jini q'uin tac tsa' ba' la' ñusa ti' melol mulil che' bajche' jini sajtemo' ba' mu' ba' i jac'ob i colosojlel i pusic'al yic'ot i ts'i'lel. Mi' cha'leñob chuqui jisil yic'ot yac'ajel yic'ot leco ba' q'uiñijel, yic'ot lemoñel. Mi' melob leco ba' i q'uiñilel dios tac.

⁴ Mi' toj sajtelob i pusic'al cha'an ma'anix woli la' tsajcañob ti jontolil. Mi' p'ajetla.

⁵ Pero mi caj i tojob yic'ot Dios mu' ba' caj i mel jini cuxulo' ba' yic'ot jini chameño' ba'.

⁶ Jini cha'an ti wajali tsa' subentiyob jini wen t'an jini tsa' ba' chamiyob. Tsa' jisantiyob i bac'tal che' bajche' mi' chamelob pejtelel winicob x'ixicob, cha'an cuxul mi' yajñelob ti espíritu che' bajche' Dios.

⁷ Lac'alix i jilibal pejtelel chuqui tac an. Jini cha'an yom mi la' wen ña'tan pañimil. Chaca q'uele la' ba', cha'lenla oración.

⁸ Yom mi la' wen c'uxbin la' ba'. Jiñach ñumen ñuc ba', come che' mi laj c'uxbin lac pi'alob mi laj cuch cabal mulil.

⁹ Mac'lan la' pi'alob. Mach yomic mi la' caj ti wulwul t'an.

¹⁰ Dios tsi' yac'ueyetla la' c'ajñibal ti jujuntiquiletla ti' yutslal i pusic'al cha'an mi

la' coltan la' pi'alob, cha'an mi' tajob i wenlel ti Dios ja'el yic'ot i c'ajñibal ti chajp ti chajp.

¹¹ Majqui jach mi' cha'len t'an, la' i cha'len t'an che' bajche' cantesabil ti' t'an Dios. Majqui jach mi' coltan i pi'alob, la' i coltañob yic'ot i p'atlalel mu' ba' i yac'uen Dios, cha'an mi' tsictiyel i ñucel Dios ti Jesucristo ti pejtelel chuqui mi' yujtel. La' tsictiyic i ñucel yic'ot i p'atlalel ti pejtelel ora. Amén.

La' i cuchob wocol xñopt'añob

¹² C'uxbibilet ba' la, mach yomic mi' toj sajtel la' pusic'al che' mi' tilel i yilabentel la' pusic'al che' bajche' c'ajc. Mach yomic leco mi la' q'uel.

¹³ Tijicñesan la' pusic'al come woli la' taj wocol che' bajche' Cristo, cha'an c'ax tijicña mi la' wubin che' mi' tsictiyel i ñucel Cristo.

¹⁴ Mi woli la' w'alentel cha'an i c'aba' Cristo, tijicñayetla, come woli' yajñel ti la' pusic'al i yEspíritu Dios am ba' i ñucel. Isujm woli' ts'a'leñob Dios jini winicob pero jatetla woli la' ñuq'uesan.

¹⁵ Che' jini, mach yomic mi la' lon taj wocol ti' melol mulil, mi tsansa, mi xujch' mi i ñusantel mandar, mi yambal jontolil. Mach yomic mi la' wotsan la' ba' ba' mach la' wentajic.

¹⁶ Mi an majch mi' yubin wocol cha'an ti' ñopol Cristo, mach i cha'len quisin. La' i sub ti ñuc Dios cha'an woli' coltanel ti Cristo.

¹⁷ Come i yorajlelix mi' melob i ba' i cha'año' ba' Dios. Mi ñaxan mi' melonla, ¿bajche' mi caj i yujtelob jini mach ba' anic mi' jac'ob i wen t'an Dios?

¹⁸ Mi wocol mi' coltanelob jini toj ba' winicob, ¿bajche' mi caj i yujtelob jini xñusa t'añob yic'ot xmulilob?

¹⁹ Jini cha'an, la' i melob chuqui uts'at jini mu' ba' i yubiñob wocol che' bajche' yom Dios. La' i yac'ob i ba' ti' c'ab Dios, jini xuc'ul ba' Xmel pañimil.

5

Cantanla i cha'año' ba' Dios

¹ Testigojon cha'an tsi' ñusa wocol Cristo. Mi caj cac'uentel c ñucel yic'ot Cristo che' mi' tsictiyel. Ti wocol t'an mic subeñob

ancianojob ti la' tojlel, come ancianojon ja'el:

² C_Λantanla i tiñ_Λame' Dios año' b_Λ ti la' wenta. Mach cha'an_{ic} xic'bebiletla, pero ti pejtelel la' pusic'al che' bajche' yom Dios. Mach cha'an_{ic} ganar, pero cha'an che' yom la' pusic'al.

³ Mach yomic mi la' chañ'esan la' b_Λ ti' tojlel jini tiñ_Λame' año' b_Λ ti la' wenta. P_Λsbeñob ti la' melbal bajche' yom mi' melob.

⁴ Che' mi' tsictiyel jini ñ_{uc} b_Λ X_canta tiñ_Λame', mi caj la' w_Λq'uentel corona i yejtal b_Λ la' ñ_{uc}lel mach b_Λ anic mi' jilel.

⁵ Che' ja'el, ch'iton winicob, ac'Λ la' b_Λ ti' wenta ancianojob. Ti la' pejtelel ch_Λn mele la' b_Λ ti pec' ti' tojlel la' pi'Λlob, come Dios mi' contrajin jini mu' b_Λ i chañ'esan i b_Λ. Mi' y_Λq'uen i yutsllel i pusic'al jini mu' b_Λ i peq'uesan i b_Λ.

⁶ Ac'Λ la' b_Λ ti pec' ti' p'ΛtΛl b_Λ i c'Λb Dios, cha'an mi' y_Λq'ueñetla la' ñ_{uc}lel che' ti' yora-jlel.

⁷ Ac'Λ ti' wenta Dios pejtelel la' c'oj'ol, come woli' c_Λantañetla.

⁸ Ña'tanla pañimil. Ch_Λc_Λ q'uele la' b_Λ, come jini xiba, jini la' contra, woli ti pam ñ_{um}el che' bajche' colem bajlum woli b_Λ ti jujuj t'an. Woli' chijtān i colojm cha'an mi' c'ux.

⁹ Cha'lenla wersa ti' contra xiba. Xuc'ul yom la' pusic'al ti Dios. Ña'tanla lajal woli' yubiñob wocol la' wermanojob ti pejtelel pañimil.

¹⁰ Dios am b_Λ cab_Λl i yutsllel i pusic'al tsi' p_Λy_Λyetla cha'an temel mi la' wajñel yic'ot Cristo ti' ñ_{uc}lel i yum_Λntel mach b_Λ anic mi' jilel. Che' b_Λ tsa'ix la' jumuc' ñ_usa wocol, mi caj i ñ_uq'uesan la' pusic'al ya' ti' tojlel. Mi caj i xuc'chocoñetla, mi caj i p'Λt'esañetla.

¹¹ La' tsictiyic i ñ_{uc}lel yic'ot i p'Λt_Λlel ti pejtelel ora. Amén.

Cortesía tac

¹² Tsac mele al_Λ jun cha'añetla ti' c'Λb la quermano Silvano, xuc'ul b_Λ mij q'uel. Tsac ts'ijba jun cha'an mic xic'beñetla, yic'ot ja'el cha'an mi c_Λc' ti c_Λjñel jini isujm b_Λ i yutsllel i pusic'al Dios ba' c_Λy_Λletla.

¹³ Jini xñopt'añob mu' b_Λ i tempañob i b_Λ ya' ti Babilonia, tem yajc_Λbilob' b_Λ la' wic'ot,

mi' y_Λq'ueñetla cortesía, yic'ot ja'el calobil Marcos.

¹⁴ Aq'uen la' b_Λ cortesía. C'uxbin la' b_Λ ti uts'at. La' aq'uentiquetla i ñ_Λch't_Λlel la' pusic'al pejtēl añet b_Λ la ti Cristo.

2 PEDRO

¹ Simón Pedrojon, i winicon Jesucristo, apóstolon i cha'an. Mic ts'ijbubeñetla ili jun come junlajal tsa' aq'uentiyetla la' ñop Cristo quic'ot lojon. Come toj la caj Coltaya Dios, i c'aba' Jesucristo. Yom mi lac wen c'uxbin jini wen t'an woli b_Λ lac ñop.

² La' p'ojlic i yutslel yic'ot i ñach'talel la' pusic'al come la' cañayach Dios yic'ot lac Yum Jesús.

Tsa' aq'uentiyonla lac pusic'al lajal b_Λ bajche' i cha'an Dios

³ Ti ñuc b_Λ i p'atlel Dios tsi' y_Λq'ueyonla pejtelel chuqui anto yom lac cha'an che' b_Λ tsi' y_Λq'ueyonla laj c_Λn lac Yum Jesús cha'an mi la cajñel ti ch'ujul. Tsi' p_Λy_Λyonla cha'an mi laj c_Λmben i ñucllel yic'ot i yutslel.

⁴ Jini cha'an tsi' y_Λq'ueyonla jini albil b_Λ t'an, wen ñuc b_Λ, c'ax uts'at b_Λ. Che' mi la' ñopben i t'an mi' y_Λq'uetla ti colel ba' chuculetla ti' colosojlel la' pusic'al ti' wenta pañimil cha'an mi la' taj la' cuxtalel ch'oyol b_Λ ti Dios.

⁵ Jini cha'an yom mi la' cha'len wersa cha'an mi la' p_Λs la' b_Λ ti uts, come tsa'ix la' ñopo Dios. Che' utsetla yom wen b_Λ la' ña'tabal.

⁶ Che' an la' ña'tabal yom mi la' tic' la' pusic'al. Che' mi la' tic' la' pusic'al yom mi la' cuch wocol ti xuc'ul. Che' mi la' cuch wocol ti xuc'ul yom mi la' tsictesan Dios.

⁷ Che' mi la' tsictesan Dios yom mi la' p'untan la' pi'lob. Che' mi la' p'untañob yom mi la' c'uxbiñob.

⁸ Mi che'ach mi la' mel mi caj la' p'at'an majlel. Mi caj i yutsi p'ojlel la' c'ajñibal. Che' jini mach lolomic jach tsa' la' cañalac lac Yum Jesucristo.

⁹ Jini mach b_Λ anic mi' mel che' bajche' jini, xpots' yilal. Ma'anic mi' c'otel i wut. Mach c'ajalix i cha'an mi tsa'ix pochenti i mul tsa' b_Λ i mele ti yamb_Λ ora.

¹⁰ Jini cha'an hermanojob, cha'lenla wersa cha'an mi' wen tsictiyel p_Λy_Λbiletla, yajc_Λbiletla. Mi che'ach mi la' mel, ma'anic mi caj la' yajlel. Ma'anic mi caj la' c_Λy la' ñop.

¹¹ Che' jini mi caj la' p_Λjyel ochel ti' yum_Λntel Dios mach b_Λ anic mi' jilel, yic'ot lac Yum Jesucristo, Xcoltaya lac cha'an.

¹² Jini cha'an mi caj c_Λn c'ajtes_Λbeñetla pejtelel jini t'an, anquese ña'tabilix la' cha'an, anquese xuc'chocobiletla ti' sujmllel woli b_Λ la' ñop.

¹³ Che' cuxulon to tic b_Λc'tal mi c_Λl uts'at mic c_Λn xic'beñetla. Yom mic c_Λn c'ajtes_Λbeñetla bajche' yom mi la' mel.

¹⁴ Come kujil mach jalix mi caj j c_Λy c b_Λc'tal che' mic c_Λmel, che' bajche' tsi' subeyon lac Yum Jesucristo.

¹⁵ Jini cha'an mic cha'len wersa ti la' tojlel cha'an mi la' c_Λn ña'tan jini t'an ti pejtelel ora che' chameñonix.

Tsi' q'ueleyob i ñucllel Cristo ti' wutob

¹⁶ Ma'anic tsac jop'o lojon maña jax b_Λ t'an che' b_Λ tsac subeyet lojon i p'atlel lac Yum Jesucristo mu' b_Λ caj i cha' tilel ti' ñucllel i yum_Λntel, pero tsac subeyetla chuqui tsaj q'uele lojon yic'ot c wut.

¹⁷ Ya' añon lojon ba' ora Dios tsi' y_Λq'ue i ñucllel i Yalobil. Tsa' y_Λjñi i wut ti' ñucllel Dios i Tat. Tsa cubibe i t'an Dios loq'uem b_Λ ti' yum_Λntel ti panchan che' b_Λ tsi' y_Λl_Λ: "Jiñach c'uxbibil b_Λ Calobil. Tijicña mij q'uel", che'en.

¹⁸ Tsa cubi lojon jini t'an ch'oyol b_Λ ti panchan che' ya' añon lojon yic'ot Jesús ya' ti ch'ujul b_Λ wits.

¹⁹ Jini cha'an ñumen xuc'ulonla cha'an ti' t'an x'alt'añob, come woli ti ts'actiyel ti' tojel lac wut. Yom mi la' wen p'is ti wenta i t'an, come lajalach i c'ajñibal bajche' lámpara mu' b_Λ i p_Λsbeñonla i s_Λc_Λlel ti ac'alel jinto mi' s_Λc'an pañimil, jinto mi' tsictiyel Cristo che' bajche' Ñoj Ec' ti la' pusic'al.

²⁰ Ñaxan yom mi la' ch'amben isujm, ma'anic t'an ti' Ts'ijbujel Dios tsa' b_Λ i bajñel ña'tayob jini x'alt'añob. Come jiñach Ch'ujul b_Λ Espiritu tsa' b_Λ i y_Λq'ueyob jini isujm b_Λ i t'an Dios.

²¹ Come c'alel ti' cajibal ma'anic tsi' bajñel cha'leyob t'an winicob ti' bajñel pusic'al, pero jini ch'ujul b_Λ winicob ñijc_Λbilo' b_Λ i cha'an Ch'ujul b_Λ Espiritu tsi' cha' subuyob chuqui tsi' yubiyob ti Dios.

2

*Lot b_Λ x'alt'año*b* yic'ot lot b_Λ xcantesajob (Judas 4-13)*

¹ Pero tsa' tejchi lot b_Λ x'alt'año*b* ti' tojlel israelob. Che' ja'el mi caj i tejchel lot b_Λ xcantesajob ti la' tojlel. Ti muculjach mi caj i yotsañob jini sojqum b_Λ cantesa mu' b_Λ i y_Λq'uetla ti sajtel. Woli' ñusaño*b* lac Yum tsa' b_Λ i mañ_Λyob. Woli' b_Λc' p_Λyob tilel i wocol mu' b_Λ caj i jisaño*b*.

² An cab_Λlob mu' b_Λ caj i jac'ob. Lajal mi' melob i ts'i'lel ti' colosojlel i pusic'al. Mi' y_Λc'ob ti p'aj_Λl jini isujm b_Λ bij.

³ Wo'ob ti taq'uin jini xcantesajob, jini cha'an mi caj i lotiñetla cha'an mi' chilbeñetla la' chub_Λ'an. C'Λ_Λl ti wajali c'Λ_Λl wale ña't_Λbil mi caj i tojob i mul. Chajp_Λabilix ba' mi caj i jilelob.

⁴ Dios ma'anic tsi' ñus_Λbeyob i mul ángelob tsa' b_Λ i cha'leyob mulil. Tsi' chocoyob ochel ti c'ajc cha'an c_Λch_Λl mi' c_Λyt_Λlob ya' ti ic'ch'ipan b_Λ pañimil c'Λ_Λl ti' yorajlel toj mulil.

⁵ Dios ma'anic tsi' p'unta jini pañimil ti oñiyi. Cojach tsi' colta Noé tsa' b_Λ i subu i sujmllel ili t'an ti toj, yic'ot wuctiquil yaño' b_Λ, che' b_Λ tsi' choco tilel but'ja' cha'an mi' jisan xñusa Diosob ti pañimil.

⁶ Tsi' junyajlel pulu Sodoma yic'ot Gomorra. Tsi' y_Λc'Λ ti jis_Λntel cha'an mi lac ña'tan ti pejtelelonla che'Λch mi' yujtelob jini mach b_Λ anic mi' b_Λc'ñaño*b* Dios.

⁷ Pero tsi' colta loq'uel Lot jini toj b_Λ winic tsa' b_Λ i wen mele i pusic'al cha'an i bibi'lel yic'ot i jontolil jini xñusa Diosob.

⁸ Come an chuqui tsi' q'uele, an chuqui tsi' yubi jini toj b_Λ winic che' ya' chumul yic'otob. Jini cha'an tsi' wen mele i pusic'al ti jujump'ejl q'uin cha'an i melbal jini mach b_Λ tojobic.

⁹ Che' ja'el lac Yum yujil i coltan jini ch'ujulo' b_Λ che' woli' yil_Λbentelob i pusic'al. Yujil ja'el i y_Λc'ob ti toj mulil jini mach b_Λ tojobic che' ti' yorajlel meloñel.

¹⁰ Cojco jini mu' b_Λ i jac'beño*b* i colosojlel i pusic'al yic'ot i bibi'lel, mu' b_Λ i ts'a'leño*b* año' b_Λ i ye'tel.

Ch'ejl mi' melob i b_Λ. Mi' melob bajche' jach yomob ti' bajñel pusic'al. Ma'anic mi'

b_Λc'ñaño*b* i cha'len t'an ti' contra jini año' b_Λ i ñucllel ti panchan.

¹¹ Jini ángelob am b_Λ ñumen ñuc b_Λ i p'Λ_Λlel yic'ot i ye'tel, ma'anic mi' cha'leño*b* t'an ti' contra jini jontolo' b_Λ ti' tojlel lac Yum.

¹² Pero ili winicob mi' cha'leño*b* t'an ti' contra jini mach b_Λ anic mi' ch'Λ_Λmbeño*b* isujm. Tontojob che' bajche' b_Λte'el mu' b_Λ i yilan pañimil cha'an mi' y_Λjquel, cha'an mi' ts_Λns_Λntel. Mi caj i jilelob yic'ot i bibi'lel.

¹³ Mi caj i q'ux_Λbentelob i jontolil. Ti-jicña mi' yubiño*b* che' woliyob ti leco b_Λ q'uiñijel ti jujump'ejl q'uin. Bibi'ob jax. Año*b* i yoc'beñal. Wen tijicña mi' yubiño*b* cha'an i sajtemal che' mi' c'uxob waj la' wic'ot.

¹⁴ But'ulob i pusic'al ti' ts'i'lel. Mach mejlic i c_Λyob i mul. Mi' p_Λyob ti mulil jini mach b_Λ xuc'ulobic i pusic'al. Ñ_Λm_Λlobix i mel i ts'i'lel i wut. Chocbilobix ti Dios.

¹⁵ Tsa'ix i c_Λy_Λyob jini toj b_Λ bij. Sajtemob. Tsi' tsajc_Λbeyob majlel i bijlel Balaam, i yalobil Beor tsa' b_Λ i mul_Λbe i chobejt_Λbal jontolil.

¹⁶ Jini burro mach b_Λ yujilic t'an tsa' caji ti t'an che' bajche' winic. Tsi' tic'be i tontojlel jini x'alt'an.

¹⁷ Lajalob ili winicob bajche' tiquin b_Λ i jol ja'. Lajalob bajche' tocal ñijc_Λbil b_Λ ti colem sutujt ic'. C_Λybilobix ti c'ax i'ic' b_Λ ac'Λ_Λlel ti pejtelel ora.

¹⁸ Mi' to'ol chañ'esaño*b* i b_Λ ti lolom jach b_Λ. Ti bibi' b_Λ i colosojlel i pusic'al mi' p_Λyob ti mulil jini mu' b_Λ cajel i ñopob Cristo, maxto b_Λ jali tsi' c_Λy_Λ i tsajcaño*b* i sajtemal i pi'Λ_Λlob.

¹⁹ Che' chujquemob ti' mul mu' b_Λ caj i jisaño*b*, mi' lon subeño*b* yaño' b_Λ bajche' mi' caj i y_Λc'ob ti colel. Come majqui jach mi' cha'len mulil chucul_Λch ti' p'Λ_Λlel mulil ti' wenta xiba.

²⁰ Che' mi' puts'elob loq'uel winicob ti' bibi'lel jini pañimil, che' mi' c_Λño*b* lac Yum Jesucristo la caj Coltaya, mi tsa' cha' chujquiyob ti' bibi'lel, mi tsa' cha' yajliyob ti mulil, ñumen leco mi' yajñelob ti wi'il bajche' ti ñaxan.

²¹ Uts'at machic tsi' c_Λñ_Λyob jini toj b_Λ bij, come che' b_Λ tsi' c_Λñ_Λyob, tsi' cha' c_Λy_Λyob jini ch'ujul b_Λ t'an tsa' b_Λ aq'uentiyob.

²² Tsi' cha'leyob che' bajche' mi' yal jini proverbio ti isujm: "Jini ts'i' mi' sutq'uin i b_Λ cha'an mi' cha' m_{ΛC}' i xej. Che' pocbilix jini chitam mi' cha' jujc'un i b_Λ ti oc'ol", che'en.

3

I q'uiñilel lac Yum

¹ C'uxbibilet b_Λ la, jiñach i cha'q'uejlel carta tsa' b_Λ c melbeyetla. Cha'yajl tsac ch_{ΛN} xic'beyetla cha'an mi' la' cha' ña'tan chuqui s_{ΛC}.

² Yom c'ajal la' cha'an i t'an jini ch'ujul b_Λ x'alt'añob ti oñiyi yic'ot i mandar lac Yum la caj Coltaya che' bajche' tsi' subeyetla jini apóstolob.

³ Ñaxan yom mi' la' ña'tan talob xwajleya-job ti wi'il b_Λ q'uin tac. Mi caj i cha'leñob x_{ΛMBAL} ñumel ti pañimil ti' colosojlel i pusic'al.

⁴ Mi caj i y_{ΛLOB}: ¿Bacan tsiquil woli' cha' tilel che' bajche' tsi' y_{ΛΛ}? C'ΛΛ che' b_Λ tsa' ch_{ΛMIYOB} lac ñojte'el c'ΛΛ w_{ΛLE}, lajal woli' ch_{ΛN} ajñel pejtelel chuqui tac an che' bajche' ti' cajibal pañimil, che'ob.

⁵ Mach yomobic i p'is ti' wenta bajche' tsa' ajni panchan ti wajali. Ti' t'an jach Dios tsi' mele pañimil. Jini lum tsa' loq'ui ti ja', joyolach ti ja'.

⁶ Yic'ot ja' tsa' jejmi jini pañimil am b_Λ ti oñiyi ti' yorajlel but'ja'.

⁷ Ti jini jach b_Λ i t'an Dios woli' c_{ΛNT}antel jini panchan yic'ot pañimil am b_Λ w_{ΛLE} cha'an mi' pulel ti c'ajc ti' q'uiñilel melo' mulil, che' mi' tojob i mul jini winicob x'ixicob mu' b_Λ i ñusañob Dios.

⁸ C'uxbibilet b_Λ la, ña'tanla junlajal mi' q'uel jump'ejl q'uin lac Yum bajche' ojilil i yuxbajc' (1000) jab. Che' ja'el, junlajal mi' q'uel ojilil i yuxbajc' jab bajche' jump'ejl q'uin.

⁹ Lac Yum ma'anic mi' jalitesan i mel chuqui albil i cha'an che' bajche' mi' lon alob cha'tiquil uxtiquil. Woli' pijtañonla come mach yomic mi' sajtel mi' junti quilic. Yom mi' laj c_{ΛY} lac mul ti lac pejtelel.

¹⁰ Mi caj i tilel i q'uiñilel lac Yum che' bajche' xujch' ti ac'Λlel. Ti c'am b_Λ i t'an mi' caj ti jilel panchan. Mi' caj ti ulm_{ΛL} ti c'ajc pejtelel chuqui tac an. Mi' caj ti laj

pulel pañimil yic'ot pejtelel melbil tac b_Λ ti pañimil.

¹¹ Mi che'ach mi' caj ti ulm_{ΛL} ti pejtelel, ¿bajche' yom mi' la' wajñel che' jini? Yom ch'ujuletla. Yom toj la' melbal.

¹² Yom ch'ejl la' pusic'al mi' la' pijtan i q'uiñilel Dios. Yom b_{ΛXETLA} ti' ye'tel Dios cha'an mi' b_{ΛC}' tilel jini q'uin. Jiñach jini q'uin che' mi' caj ti ulm_{ΛL} panchan ti c'ajc. Pejtelel chuqui tac an mi' caj ti ulm_{ΛL} che' mi' pulel ti c'ajc.

¹³ Woli lac pijtan tsiji' b_Λ panchan yic'ot tsiji' b_Λ pañimil ba' mi' mejlel chuqui toj che' bajche' albil i cha'an Dios.

¹⁴ Jini cha'an c'uxbibilet b_Λ la, che' woli la' pijtan jini q'uin, yom mi' la' cha'len wersa cha'an mi' la' wajñel ti ch'ujul cha'an s_{ΛQUETLA}, cha'an ñach'Λ la' pusic'al che' mi' tajetla Jesús.

¹⁵ Ña'tanla woli ti pijt lac Yum jinto mi' col_{ΛNTELOB} winicob x'ixicob. Che'ach tsi' ts'ijbubeyetla ja'el jini c'uxbibil b_Λ la quermano Pablo che' bajche' Dios tsi' c_{ΛNTESA}.

¹⁶ Che'ach tsi' ts'ijba Pablo ti pejtelel i jun. An wocol tac b_Λ mach b_Λ wen tsiquilic i sujmllel mach b_Λ orajic mi' lac ch'Λmben isujm. Jini mach b_Λ añobic i ña'tabal yic'ot jini mach b_Λ xuc'ulobic mi' socbeñob i sujmllel che' bajche' mi' socbeñob yamb_Λ i Ts'ijbujel Dios. Woli' bajñel chocob i b_Λ ti toj mulil.

¹⁷ Jini cha'an c'uxbibilet b_Λ la, come tsa'ix la' wubi tal toj mulil, tsajiletla ame lotintiquetla ame la' ñopben i sojquemal jini xjontolilob, ame la' c_{ΛY} la' ñop chuqui isujm.

¹⁸ Yom mi' la' taj la' coel ti Cristo che' mi' la' c_{ΛMBEN} i yutslel i pusic'al yic'ot i ña'tabal lac Yum Jesucristo la caj Coltaya. La' subentic i ñucllel w_{ΛLE} yic'ot ti pejtelel ora. Amén.

1 JUAN

¹ Jini t'an am b_Λ ti' cajibal jiñ_Λch tsa' b_Λ cubi lojon, tsa' b_Λ j q'uele lojon, jini tsajibil b_Λ c cha'an lojon, jini t_Λl_Λl b_Λ c cha'an lojon. Jiñ_Λch jini t'an am b_Λ i cuxt_Λlel.

² Tsa' tsictiyi i cuxt_Λlel. Tsaj q'uele lojon. Wolic sub lojon chuqui tsaj q'uele lojon. Wolic subeñet lojon laj cuxt_Λlel mach b_Λ anic mi' jilel. Ya'an yic'ot lac Tat. Tsa' p_Λs_Λbentiyon lojon.

³ Jini q'uelel b_Λ c cha'an lojon, jini ñich't_Λabil b_Λ c cha'an lojon, jiñ_Λch mu' b_Λ c subeñet lojon cha'an mi la' tem ochel quic'ot lojon ti' ñopol lac Tat yic'ot Jesucristo i Yalobil Dios.

⁴ Wolic ts'ijban lojon ili jun cha'an mi' ts'_Λactiyel i tijicñ_Λyel lac pusic'al.

I s_Λclel pañimil

⁵ Jiñ_Λch tsa' b_Λ cubi lojon ti' tojlel Jesús woli b_Λ c subeñet lojon: Dios i s_Λclel_Λch pañimil. Ma'anic i yi'ic'lel mi ts'ita'ic.

⁶ Mi woli lac lon al tem ochemonla ti' ñopol Dios, lac lot_Λch mi woliyonla ti x_Λambal ti ic'yoch'an b_Λ pañimil, come che' jini ma'anic woli lac jac'ben i sujmllel.

⁷ Pero mi woliyonla ti x_Λambal ti' s_Λclel pañimil, che' bajche' mi' yajñel Dios ti' s_Λclel pañimil, che' jini mi lac wen c_Λn lac b_Λ. I ch'ich'el Jesús i Yalobil Dios woli' s_Λq'uesañonla ti pejtelel mulil.

⁸ Mi woli la c_Λl ma'anic lac mul, woli lac lotin lac b_Λ ti lac pusic'al. Che' jini ma'anic i sujmllel ti lac pusic'al.

⁹ Mi woli lac suben lac mul Dios mu' b_Λ i melonla ti toj, an i xuc't_Λlel i pusic'al che' mi' ñus_Λbeñonla lac mul. Mi' pocbeñonla loq'uel pejtelel lac jontolil.

¹⁰ Mi woli la c_Λl ma'anic tsa' lac cha'le mulil, woli laj cuy Dios ti xlot. Che' jini mach ochemic i t'an ti lac pusic'al.

2

Tsiji b_Λ mandar

¹ Calobilob, wolic ts'ijbubeñetla ili jun cha'an mach mi la' cha'len mulil. Mi an majqui tsi' cha'le mulil, an la caj pejcaya ti' tojlel lac Tat, jiñ_Λch Jesucristo, jini Toj B_Λ.

² Jiñ_Λch tsa' b_Λ i yubi i mich'ajel Dios ti' caj lac mul, mach jinic jach lac mul pero i mul ja'el pejtelel año' b_Λ ti pañimil.

³ Mi woli lac ch'ujbiben i mandar, la cujil c_Λñ_Λlix lac cha'an Jesús.

⁴ Jini mu' b_Λ i y_Λl: J c_Λñ_Λy_Λch Jesús, che'en, woli ti lot mi ma'anic mi' ch'ujbiben i mandar. Ma'anic i sujmllel ti' pusic'al jini winic.

⁵ Jini mu' b_Λ i ch'ujbiben i t'an Jesús, woli' wen c'uxbin Dios. Che' jini la cujil añonla ti Jesús.

⁶ Jini mu' b_Λ i y_Λl woli' yajñel ti Jesús la' ajnic che' bajche' tsa' ajni Jesús.

⁷ Hermanojob, mach tsijbic ili mandar woli b_Λ c ts'ijbubeñetla, pero jiñ_Λch oñiyix b_Λ mandar tsa' b_Λ subentiyetla ti' cajibal. Jini oñiyix b_Λ mandar jiñ_Λch jini t'an tsa' b_Λ la' wubi c'_Λl_Λl ti' cajibal.

⁸ Anquese oñiyix pero tsijb_Λch jini mandar woli b_Λ c ts'ijbubeñetla. Tsiquil i sujmllel ti Jesús yic'ot ti jatetla. Come wolix ti ñumel ic'yoch'an b_Λ pañimil. Wolix ti wen tsictiyel i s_Λclel pañimil, jini isujm b_Λ.

⁹ Jini mu' b_Λ i lon al woli' yajñel ti' s_Λclel pañimil che' woli' ts'a'len i yermano, anto ti ic'yoch'an b_Λ pañimil.

¹⁰ Jini mu' b_Λ i c'uxbin i yermano, anix ti' s_Λclel pañimil. Ma'anic mi' y_Λsan i yermano ti mulil.

¹¹ Jini mu' b_Λ i ts'a'len i yermano an ti ic'yoch'an b_Λ pañimil. Mi' cha'len x_Λambal ti ic'yoch'an b_Λ pañimil. Mach yujilic baqui mi' majlel, come ma'anic mi' c'otel i wut cha'an i yi'ic'lel pañimil.

¹² Wolic ts'ijbubeñetla alobob, come ñus_Λbilix la' mul cha'an i c'aba' Jesús.

¹³ Wolic ts'ijbubeñetla tat_Λlet b_Λ la, come c_Λmbilix la' cha'an jini am b_Λ ti' cajibal pañimil. Wolic ts'ijbubeñetla ch'itoñob, come t'ucht_Λbilix la' cha'an jini xjontolil. Wolic ts'ijbubeñetla alobob, come c_Λmbilix la' cha'an lac Tat.

¹⁴ Tsa'ix c ts'ijbubeyetla tat_Λlob, come c_Λmbil la' cha'an jini am b_Λ ti' cajibal pañimil. Tsa'ix c ts'ijbubeyetla ch'itoñob come p'_Λt_Λletla. I t'an Dios woli' yajñel ti la' pusic'al. T'ucht_Λbilix la' cha'an jini xjontolil.

¹⁵ Mach la' c'uxbin i cha'an b_Λ pañimil mi chuqui an ti pañimil. Come jini mu' b_Λ

i c'uxbin i cha'an b_Λ pañimil, ma'anic mi' c'uxbin lac Tat.

¹⁶ Come pejtelel chuqui an ti pañimil, i colosojlel lac pusic'al yic'ot i ts'i'lel lac wut, yic'ot i chañ'es_Δantel lac b_Λ mach ch'oyolic ti lac Tat pero ch'oyol ti pañimil.

¹⁷ I cha'año' b_Λ pañimil mi caj i jilelob yic'ot i colosojlel i pusic'al, pero mi' yajñel ti pejtelel ora jini mu' b_Λ i cha'len che' bajche' yom Dios.

Xcontra Cristo

¹⁸ Alobob, jiñach cojix b_Λ q'uin tac. Tsa' la' wubi tal jini xcontra Cristo. W_Λle añobix cab_Λ mu' b_Λ i contrajiñob Cristo. Jini cha'an la cujil añonixla ti cojix b_Λ q'uin tac.

¹⁹ Tsa' loq'uiyob majlel ti lac tojlel, come mach lac cha'añobic. Lac cha'añobic, w_Λ'to añob la quic'ot c'_Λl_Λ w_Λle. Pero tsa' loq'uiyob cha'an mi' tsictiyel mach lac cha'añobic.

²⁰ Pero tsa'ix tili jini Ch'ujul b_Λ Espíritu ti la' tojlel. Jini cha'an mi la' c_Δmben i sujmllel ti la' pejtelel.

²¹ Ma'anic mic ts'ijbubeñetla che' bajche' jini mach b_Λ c_Δntes_Δbiloboc ti' sujmllel, come c_Δntes_Δbiletixla. La' wujil chuqui isujm yic'ot chuqui mach isujmic. Mach tilemic lot ti jini Isujm b_Λ.

²² ¿Majqui xlot? ¿Mach ba jinic mu' b_Λ i y_Λ mach Cristojic jini Jesús? Jiñach xcontra Cristo mu' b_Λ i y_Λ mach i Tatic Cristo jini Dios, yic'ot mach i Yalobilic Dios jini Cristo.

²³ Jini mu' b_Λ i y_Λ mach i Yalobilic Dios jini Cristo mach i cha'anic lac Tat. I cha'añach lac Tat jini mu' b_Λ i sub i Yalobilach Dios Jesús.

²⁴ La' c_Δlec ti la' pusic'al jini tsa' b_Λ la' ñich'ta c'_Δl_Λ ti' cajibal. Mi woli' c_Δytal ti la' pusic'al jini tsa' b_Λ la' ñich'ta c'_Δl_Λ ti' cajibal, che' jini, mi caj la' ch_Δn ajñel ti lac Tat yic'ot ti' Yalobil.

²⁵ Dios mi' y_Δq'ueñonla laj cuxtalel mach b_Λ anic mi' jilel che' bajche' albil i cha'an.

²⁶ Wolic ts'ijbubeñetla ili t'an cha'an mach mi la' jac' jini yomo' b_Λ i lotiñetla.

²⁷ Tsa'ix aq'uentiyetla jini Ch'ujul b_Λ Espíritu woli b_Λ i ch_Δn ajñel ti jatetla. Jini cha'an mach wersajic mi' c_Δntesañetla yamb_Λ, come c_Δntes_Δbiletla ti Espíritu ti pejtelel chuqui yom. Isujmach i c_Δntesa,

mach lotic. Che' bajche' tsi' c_Δntesayetla, che'_Λch yom mi la' ch_Δn ajñel ti Jesús.

²⁸ W_Λle, alobob, ch_Δn ajñenla ti Cristo. Che' jini ch'ejl lac pusic'al mi caj laj q'uel che' mi' tsictiyel. Aja machiqui mi' tejchel t'an ti lac pusic'al cha'an mi lac t_Δt' lac b_Λ ti quisin che' mi' tilel.

²⁹ La' wujil toj_Δch Cristo. La' wujil ja'el tsa'ix i yilayob pañimil ti Dios pejtelel mu' b_Λ i cha'leñob chuqui toj.

3

Iyalobilonia Dios

¹ Cab_Δl tsi' c'uxbiyonla lac Tat. Jini cha'an mi lac pejc_Δntel ti' yalobil Dios. Melel i yalobilonla. Jini cha'an ma'anic mi' c_Δñonla i cha'año' b_Λ pañimil, come mach i c_Δñayobic Dios.

² C'uxbibilo' b_Λ, i yalobilonixla Dios. Maxto tsictiyemic bajche' mi caj la cujtél. Pero la cujil che' mi' tsictiyel Cristo mi caj la cajñel lajal bajche' Cristo, come mi caj laj q'uel che' bajche' an.

³ Jini mu' b_Λ i pijtan chuqui mi' caj ti ujtél che' mi' tilel Cristo, mi' s_Δq'uesan i pusic'al cha'an s_Δc mi' yajñel che' bajche' Jesús.

⁴ Majqui jach mi' cha'len mulil, woli' ñusan mandar. Mulil jiñach i ñus_Δntel mandar.

⁵ La' wujil tsa' tsictiyi Cristo cha'an mi' ch'_Δm majlel lac mul. I bajñel ma'anic i mul.

⁶ Jini mu' b_Λ i ch_Δn ajñel ti Cristo, ma'anic mi' cha'len mulil. Jini mu' b_Λ i cha'len mulil, ma'anic tsi' q'uele Cristo, mach i c_Δñayic ja'el.

⁷ Alobob, mach mi la' jac'beñob i lot wini-cob mi juntiquilic. Jini mu' b_Λ i cha'len chuqui toj, toj_Δch che' bajche' toj Cristo.

⁸ Jini mu' b_Λ i cha'len mulil i cha'añach xiba, come jini xiba woli' ch_Δn cha'len mulil c'_Δl_Λ ti' cajibal. Jini cha'an tsa' tsictiyi i Yalobil Dios cha'an mi' jis_Δben i ye'tel xiba.

⁹ Jini tsa' b_Λ i yila pañimil ti Dios ma'anic mi' ch_Δn cha'len mulil, come woli' yajñel i yEspíritu Dios ti' pusic'al. Mach mejlic i ch_Δn cha'len mulil, come tsa'ix i yila pañimil ti Dios.

¹⁰ Che' jini, tsiquil majqui i yalobilob Dios yic'ot majqui i yalobilob xiba. Jini

mach b_Λ anic mi' cha'len chuqui toj, mach i cha'anic Dios. Che' ja'el jini mach b_Λ anic mi' c'uxbin i yermano, mach i cha'anic Dios.

Yom mi laj c'uxbin lac b_Λ

¹¹ Jini t'an tsa' b_Λ la' wubi c'ΛΛ ti' cajibal, jiñach iliyi: Yom mi laj c'uxbin lac b_Λ ti lac pejtelel.

¹² Mach yomic lajalonla bajche' Caín tsa' b_Λ i tsansa i yijts'in. ¿Chucoch tsi' tsansa? Caín i cha'añach jini xjontolil. Jontol i melbal pero toj i melbal i yijts'in.

¹³ Quermanojob, mach toj sajtic la' pusic'al mi ts'a' mi' q'ueletla i cha'año' b_Λ pañimil.

¹⁴ Anquese chameñonla ti yamb_Λ ora, pero la cujil anix laj cuxtalel come woli laj c'uxbin la quermanojob. Jini mach b_Λ anic mi' c'uxbin i yermano chamen to mi' yajñel.

¹⁵ Majqui jach mi' ts'a'len i yermano, stsansajach. La' wujil ma'anic i cha'an stsansa laj cuxtalel mach b_Λ anic mi' jilel.

¹⁶ Jesús tsi' yac'Λ i b_Λ ti chamel cha'añonla. Che' jini, mi laj camben i c'uxbiya. Che'ach yom mi la cac' lac b_Λ ti chamel cha'an la quermanojob.

¹⁷ Jini am b_Λ i chub_Λan ti pañimil, mach b_Λ anic mi' p'untan i yermano che' mi' q'uel anto chuqui yom i cha'an, ¿bajche' mi' yajñel i c'uxbiya Dios ti' pusic'al?

¹⁸ Calobilob, mach yomic mi lac cha'len c'uxbiya ti lac t'an jach mi ti lac subal jach. La' lac cha'len c'uxbiya ti isujm ti lac melbal.

¹⁹⁻²⁰ Che' jini mi lac ña'tan añonla ti' sujmllel, xuc'ul lac pusic'al ti' tojlel Dios che' ma'anic mi' tic'onla lac pusic'al. Pero mi woli' tic'onla lac pusic'al, ñumen ñuc Dios bajche' lac pusic'al. Yujil pejtelel chuqui an.

²¹ C'uxbibilo' b_Λ, mi ma'anic woli' tic'onla, ch'ejlonla ti Dios.

²² Che' jini mi la cac'uentel ti Dios chuqui jach mi laj c'ajtiben, come woli lac ch'ujbiben i mandar. Woli lac mel chuqui mi' mulan Dios.

²³ Jiñach i mandar: Yom mi lac ñopben i c'aba' Jesucristo i Yalobil Dios. Yom mi laj c'uxbin lac b_Λ ti lac pejtelel, che' bajche' tsi' yac'ueyonla mandar.

²⁴ Jini mu' b_Λ i ch'ujbiben i mandar mi' yajñel ti Dios. Dios mi' yajñel ti jini winic ja'el. Cantesablonla cha'an jini Espiritu tsa' b_Λ i yac'ueyonla, la cujil woli' yajñel Dios ti joñonla.

4

IyEspiritu Dios yic'ot i yespíritu jini xcontra Cristo

¹ C'uxbibilet b_Λ la, mach yomic mi la' ñop pejtelel espíritujob. Ña'tanla mi ch'oyolob ti Dios. Come tsa'ix i pucuyob i b_Λ ti pañimil cabal xlot b_Λ x'alt'añob.

² Yom mi la' camben i yEspiritu Dios. Ch'oyol ti Dios pejtél espíritu mu' b_Λ i yal tilem Jesucristo ti' bac'tal.

³ Pejtél espíritu mach b_Λ anic mi' sub ti ñuc Jesús, mach ch'oyolic ti Dios. Jiñach xcontra Cristo. Tsa' la' wubi mi caj i tilel. Wale anix ti pañimil.

⁴ Calobilob, i cha'añetla Dios. Tsa'ix la' t'uchtayob come ñumen ñuc jini am b_Λ ti a pusic'al bajche' jini am b_Λ ti pañimil.

⁵ Yaño' b_Λ i cha'añobach pañimil. Jini cha'an i t'an jach pañimil mi' yalob. Jini i cha'año' b_Λ pañimil mi' ñich'tabeñob i t'an.

⁶ Joñonla i cha'añonla Dios. Jini mu' b_Λ i can Dios mi' yubin lac t'an. Jini mach b_Λ anic mi' can Dios ma'anic mi' yubin lac t'an. Che' jini mi laj can jini Espiritu mu' b_Λ i sub i sujmllel yic'ot jini espíritu mu' b_Λ i cha'len lot.

Xc'uxbiyajach Dios

⁷ C'uxbibilet b_Λ la, la' laj c'uxbin lac b_Λ ti lac pejtelel, come ch'oyol ti Dios jini c'uxbiya. Majqui mi' cha'len c'uxbiya, tsa'ix i yila pañimil ti Dios, i canñayach Dios.

⁸ Jini mach b_Λ yujilic c'uxbiya mach i canñayic Dios. Come c'uxbiyajach Dios.

⁹ Tsi' pasbeyonla i c'uxbiya Dios che' b_Λ tsi' choco tilel ti pañimil cojach b_Λ i Yalobil cha'an mi lac taj laj cuxtalel ti Jesús.

¹⁰ Jiñach mero c'uxbiya. Mach joñonla tsa' laj c'uxbi Dios pero jini tsi' c'uxbiyonla. Tsi' choco tilel i Yalobil cha'an mi' toj lac mul, cha'an mi' lajmel i mich'ajel ti lac tojlel.

¹¹ C'uxbibilet b_Λ la, mi che'ach tsi' c'uxbiyonla Dios, che' yom mi laj c'uxbin lac b_Λ ti lac pejtelel.

¹² Maxto anic majch tsi' q'uele Dios ti pejtelel ora. Che' woli laj c'uxbin lac b_Λ, Dios mi' yajñel ti joñonla. Che' jini wolix i ts'actayel majlel i c'uxbiya ti lac pusic'al.

¹³ Che' jini, la kujil woli la cajñel ti Dios, la kujil woli' yajñel Dios ti joñonla, come tsa'ix i y_Λq'ueyonla i yEspíritu.

¹⁴ Lac Tat tsi' choco tilel i Yalobil, i yaj Coltaya pañimil. Tsa'ix j q'uele lojon. Che'ach mic sub lojon ja'el.

¹⁵ Majqui jach mi' sub i Yalobilach Dios jini Jesús, Dios mi' yajñel ti' pusic'al. Jini winic mi' yajñel ti Dios ja'el.

¹⁶ Tsa'ix laj cambe i c'uxbiya Dios. Tsa'ix lac ñopo ja'el xc'uxbiyajach Dios. Jini yujil b_Λ c'uxbiya mi' yajñel ti Dios. Dios mi' yajñel ti jini winic.

¹⁷ Wen la kujilix c'uxbiya che' ma'anic mi lac b_Λc'ñaben i q'uiñilel toj mulil, come w_Λ' ti pañimil lajalonla bajche' Jesús.

¹⁸ Ma'anic b_Λq'uen che' an c'uxbiya. Che' ts'acal laj c'uxbiya mi' laj loq'uel lac b_Λq'uen. An cabal i wocol jini mu' b_Λ i b_Λc'ñan toj mulil. Jini mu' b_Λ ti b_Λq'uen, maxto wen yujilic c'uxbiya.

¹⁹ Jini cha'an mi laj c'uxbin Dios, come ñaxan tsi' c'uxbiyonla.

²⁰ Che' an mu' b_Λ i y_Λ: Wolij c'uxbin Dios, che'en, mi woli' ts'a'len i yermano, xlotach. Come mi mach c'uxic mi' yubin i yermano tsa' b_Λ i q'uele, ¿bajche' mi mejlel i c'uxbin Dios mach b_Λ anic tsi' q'uele?

²¹ Dios tsi' y_Λq'ueyonla ili mandar: Jini mu' b_Λ i c'uxbin Dios, la' i c'uxbin i yermano ja'el.

5

Jini mu' b_Λ i ñop i Yalobil Dios

¹ Pejtel mu' b_Λ i ñop Cristojach jini Jesús, tsa'ix i yila pañimil ti Dios. Majqui jach mi' c'uxbin lac Tat tsa' b_Λ i y_Λq'ueyonla lac cha' ilan pañimil mi' c'uxbin ja'el i yalobilob.

² La kujil woli laj c'uxbin i yalobilob che' mi laj c'uxbin Dios, che' mi lac ch'ujbiben i mandar ja'el.

³ Come i c'uxbintel Dios jiñach i ch'ujbibentel i mandar. Mach wocolic i mandar.

⁴ Come jini tsa' b_Λ i yila pañimil ti Dios, mi' t'uchtan i cha'an b_Λ pañimil. Jiñach i t'uchtantel pañimil che' mi lac ñop Dios.

⁵ ¿Majqui jini mu' b_Λ i t'uchtan jini pañimil? Jiñach woli b_Λ i ñop i Yalobilach Dios jini Jesús.

I tsictesantel Jesucristo

⁶ Jiñach Jesucristo tsa' b_Λ tili. Dios tsi' tsictesa che' b_Λ tsi' ch'ama ja' yic'ot che' b_Λ tsi' y_Λc'Λ i ch'ich'el. Mach ti ja'ic jach tsi' tsictesa, pero yic'ot ja' yic'ot i ch'ich'el. Testigojach jini Espiritu ja'el, come i sujmlach jini Espiritu.

⁷ An uxchajp mu' b_Λ i tsictesañob i sujmlach:

⁸ jini Espiritu yic'ot jini ja' yic'ot i ch'ich'el Jesús. Junsujm jach chuqui mi' y_Λc' ti tsictiyel ili uxchajp.

⁹ Mi lac ñop chuqui mi' y_Λlob winicob. Ñumen yom mi lac ñop chuqui tsi' y_ΛΛ Dios, come tsi' y_ΛΛ cha'an mi' y_Λc' ti cajñel i Yalobil.

¹⁰ Majqui jach mi' ñop i Yalobil Dios yujil ti' pusic'al isujmach ili t'an. Jini mach b_Λ anic mi' ñop Dios tsa'ix i cuyu ti xlot, come ma'anic tsi' ñopo jini t'an tsa' b_Λ i y_ΛΛ Dios cha'an mi laj camben i Yalobil.

¹¹ Jini t'an tsa' b_Λ i y_ΛΛ Dios jiñach iliyi: Dios tsi' y_Λq'ueyonla laj cuxtalel mach b_Λ anic mi' jilel. Ili laj cuxtalel an ti' Yalobil Dios.

¹² Jini ochem b_Λ ti' Yalobil Dios, an i cuxtalel. Jini mach b_Λ anic i cha'an i Yalobil Dios, ma'anic i cuxtalel.

Laj cuxtalel mach b_Λ anic mi' jilel

¹³ Jini cha'an tsac ts'ijbubeyetla ili t'an, jatetla tsa' b_Λ la' ñopbe i c'aba' i Yalobil Dios, cha'an mi la' ña'tan anix la' cuxtalel mach b_Λ anic mi' jilel.

¹⁴ Ch'ejl lac pusic'al ti' tojlel Dios, come la kujil mi' yubibeñonla chuqui jach mi laj c'atiben che' bajche' yom i pusic'al.

¹⁵ Che' mi lac ña'tan woli' yubibeñonla chuqui jach mi laj c'ajtiben, la kujil tsa'ix lac taja chuqui tsa' laj c'ajtibe.

¹⁶ Mi an majch mi' q'uel i yermano che' woli' taj i mul mach b_Λ anic mi' y_Λc' ti chamel, la i c'ajtiben Dios cha'an mi' ñusabentel i mul i yermano. Dios mi caj i y_Λq'uen i cuxtalel jini am b_Λ i mul mach b_Λ

anic mi' yac' ti chamel. An mulil mu' bΛ i yac'onla ti chamel. Ma'anic wolic subeñetla mi yom mi la' cha'len oración cha'an mi' ñusabentel.

¹⁷ Pejtelel lac melbal mach bΛ tojic, jiñach mulil. An mulil mach bΛ anic mi' yac'onla ti chamel.

¹⁸ La cujil ma'anic mi' chΛn cha'len mulil jini tsa' bΛ i yila pañimil ti Dios. Jini xjontolil mach mejlix i chΛn taj. Come i Yalobil Dios mi' cantan.

¹⁹ La cujil i cha'añonla Dios. Pejtelel i cha'año' bΛ pañimil añob ti' c'Λb jini xjontolil.

²⁰ La cujil tsa'ix tili i Yalobil Dios. Tsa'ix i yac'ueyonla lac ña'tabal cha'an mi laj cΛn jini mero isujm bΛ. Añonla ti jini mero isujm bΛ jiñach Jesucristo, i Yalobil Dios. Jiñach mero Dios yic'ot laj cuxtalel mach bΛ anic mi' jilel.

²¹ Alobob, cantan la' bΛ. Mach mi la' ch'ujutesan dios tac.

2 JUAN

¹ Ancianojon. Mic ts'ijbubeñet ili jun, yajcΛbilet bΛ x'ixic yic'ot a walobilob. Mij c'uxbiñetla ti isujm. Mach joñonic jach pero che' ja'el pejtelel jini tsa' bΛ i cΛñΛyob i sujmllel.

² Mij c'uxbiñetla cha'an i sujmllel, mu' bΛ i yajñel ti joñonla, mu' bΛ i yajñel la quic'ot ti pejtelel ora.

³ La' i yΛq'ueñonla Dios i yutslel i pusic'al, yic'ot lac p'untΛntel, yic'ot i ñΛch'tilel lac pusic'al, che' mi la cajñel ti' sujmllel yic'ot c'uxbiya, ch'oyol bΛ ti Dios lac Tat yic'ot ti Jesucristo i Yalobil lac Tat.

Ajñen ti' cantesa Cristo

⁴ Wen tijicñayon cha'an tsac taja cha'tiquil uxtiquil a walobilob woliyo' bΛ ti xΛmbal ti' sujmllel Dios, che' bajche' tsi' yΛq'ueyonla mandar lac Tat.

⁵ WΛle, x'ixic, mic subeñet ti wocol t'an cha'an yom mi laj c'uxbin lac bΛ ti lac pejtelel. Mach tsijib mandaric wolic ts'ijbubeñet, pero jiñΛch mandar tsa' bΛ aq'uentiyonla c'ΛΛΛ ti' cajibal.

⁶ JiñΛch laj c'uxbiya che' mi lac cha'len xΛmbal che' bajche' mi' yΛ i mandar. Tsa' la' wubi jini mandar c'ΛΛΛ ti' cajibal: Yom mi laj c'uxbin lac bΛ.

⁷ Come an cabΛΛ xlotiya ti pañimil. Mi' yΛlob ma'anic tsa' tili Jesucristo. Ma'anic i bΛc'tal, che'ob. Majqui mi' sub bajche' jini, xlotiyajΛch, xcontraj CristojΛch.

⁸ ChΛcΛ q'uele la' bΛ cha'an ma'anic mi la' sΛt i chobejtΛbal la' we'tel. Yom ts'ΛcΛΛ mi la' taj la' chobejtΛbal.

⁹ Jini mu' bΛ i cha'len mulil mach bΛ anic mi' yajñel ti' cantesa Cristo, mach i cha'anic Dios. Jini mu' bΛ i yajñel ti' cantesa Cristo, i cha'añΛch lac Tat yic'ot i Yalobil.

¹⁰ Mi an majch mi' c'otel i subeñetla yambΛ cantesa, mach mi la' wotsan ti la' wotot. Mach mi la' wΛq'uen cortesía.

¹¹ Come jini mu' bΛ i yΛq'uen cortesía, i pi'ΛΛch ti jontol bΛ i melbal.

¹² Anto cabΛΛ chuqui com c ts'ijbubeñetla. Mach comic c pejcañetla ti jun. Wolic ña'tan c jula'tañetla cha'an mi lac pejcan lac bΛ

che' temel añonla cha'an mi la cubin i tijicñΛyel lac pusic'al.

¹³ I yalobilob a chich, jini yajcΛbil bΛ ti Dios, mi' yΛq'ueñet cortesía.

3 JUAN

¹ Ancianojon, mic ts'ijbubeñet ili jun c'uxbibilet b_Λ Gayo mu' b_Λ j c'uxbiñet ti isujm.

² C'uxbibilet b_Λ, mic pejc_Λbeñet Dios cha'an puro uts'at ma' ñusan q'uin, cha'an ch_Λn c'oq'uet che' bajche' an i c'oc'lel a ch'ujlel.

³ Wen tijicña tsa cubi che' b_Λ tsa' juliyoj la quermanojob i subeñon cha'an xuc'ulet ti isujm. Woliyet ti x_Λmbal ti' sujmllel Dios.

⁴ Che' mi cubin woliyob ti x_Λmbal ti' sujmllel jini calobilob, wen tijicñayon. Ma'anic chuqui mi' ñumen tijicñesañon.

Uts'at woli' mel Gayo che' mi' p_Λyob ochel

⁵ C'uxbibil b_Λ, xuc'ul wola' mel che' ma' p'untan la quermanojob yic'ot jini mach b_Λ c_Λmbilobic a cha'an.

⁶ Woli' pam subob ti' tojlel xñopt'añob bajche' an a c'uxbiya. Uts'at wola' mel che' ma' coltañob majlel che' bajche' yom cha'an i ye'tel Dios.

⁷ Come tsa'ix loq'uiyob majlel cha'an Jesús. Ma'anic chuqui tsi' ch'ambeyob ti' c'ab jini sajtemo' b_Λ.

⁸ Jini cha'an, yom mi lac p_Λyob ochel cha'an che' jini tem x'e'telonla yic'otob ti' sujmllel.

Jini Diótreres woli' contrañob

⁹ Tsa'ix c ts'ijbubeyob jini mu' b_Λ i tempañob i b_Λ. Pero jini Diótreres mu' b_Λ i mulan i wa'chocon i b_Λ che' bajche' yum_Λl ti' tojlelob, ma'anic mi' p'ison lojon ti' wenta.

¹⁰ Jini cha'an che' mic tilel, mi caj c cha' c'ajtes_Λbeñob chuqui woli' mel Diótreres. Woli' cha'len jop't'an ti laj contra. Mach cojic jach jini. Mach yomic i p_Λy ochel la quermanojob ja'el. Mi' tic' ja'el jini yomo' b_Λ i p_Λyob ochel. Mi' chocob loq'uel ti templo.

Uts' at bajche' woli' mel jini Demetrio

¹¹ C'uxbibilet b_Λ, mach a tsajcan jontolil. Tsajcan chuqui uts'at. Jini mu' b_Λ i cha'len chuqui uts'at i cha'añ_Λch Dios. Jini mu' b_Λ i cha'len jontolil, ma'anic tsi' q'uele Dios.

¹² Uts'at bajche' woli' mel jini Demetrio. Pejtelel winicob mi' y_Λlob uts'at mi' mel che' bajche' c_Λntes_Λbil cha'an i sujmllel Dios. Che'ach mic sub lojon ja'el. A wujil isujm_Λch chuqui mic sub lojon.

¹³ Anto cab_Λl chuqui com c ts'ijbubeñet. Pero mach comic c ts'ijban ti tinta yic'ot ti pluma.

¹⁴ Mach jalic com j q'uelet cha'an mi lac pejcan lac b_Λ che' temel añonla.

¹⁵ La' ajnic i ñ_Λch'tilel i pusic'al Dios ti a pusic'al. Lac pi'_Λlob mi' y_Λq'ueñet cortesía. Aq'uen cortesía lac pi'_Λlob ti' c'aba' ti jujun-tiquil.

JUDAS

¹ Judason, i winicon Jesucristo, i yijts'iñon Jacobo. Wolic ts'ijbubeñetla ili jun p'aybilet b_Λ la. C'uxbibiletla i cha'an Dios lac Tat, c_Λnt_Λbiletla i cha'an Jesucristo.

² La' p'ojlic ti la' tojlel p'untaya yic'ot i ñ_Λch't_Λlel la' pusic'al yic'ot c'uxbiya.

Mi caj i tajob wocol mu' b_Λ i cha'leñob jontolil

(2 Pedro 2.1-17)

³ C'uxbibil b_Λ quermanojob, ti jump'ejl c pusic'al tsac ña'ta c ts'ijbubeñetla i sujmllel laj colt_Λntel am b_Λ lac cha'an ti lac Yum. Pero yomix mic ts'ijbubeñetla cha'an mic xic'beñetla, come yom mi la' cha'len wersa cha'an jini isujm b_Λ t'an tsa' b_Λ junyajlel aq'uentiyob i cha'año' b_Λ Dios cha'an mi' ñopob.

⁴ Come ochemobix winicob tsa' b_Λ i to'ol x_Λb_Λyob i b_Λ yic'ot hermanojob. W_Λn ña't_Λbil i cha'an Dios mi caj i yochelob ti toj mulil jini winicob. Xñusa Diosob. Mi' socob jini wen t'an yic'ot i yutslel i pusic'al Dios cha'an mi' melob mulil. Ma'anic mi' wis tic'ob i pusic'al. Mi' y_Λlob mach Yum_Λlic Jesucristo jini cojach b_Λ lac Yum.

⁵ Laj ña't_Λbil la' cha'an pero com c cha' c_Λntesañetla. Lac Yum tsi' colta pejtelel jini israelob ti Egipto, pero ti wi'il tsi' jisa jini mach b_Λ anic tsi' ñopoyob.

⁶ Jini ángelob ja'el ma'anic tsa' jal'ayob ti' ye'tel yic'ot i ñucllel. Tsi' c_Λy_Λyob mero i yajñib. Dios tsi' c_Λch_Λyob cha'an mi' c_Λy_Λlob ti ic'ch'ipan b_Λ pañimil ti cadena mach b_Λ anic mi' jilel c'_Λl_Λl ti jini ñuc b_Λ i q'uiñilel meloñel.

⁷ Che' ja'el Sodoma yic'ot Gomorra, yic'ot yamb_Λ tejclum tac ti' joytalel, tsi' tajayob i yixic, tsi' w_Λl_Λc pejgayob i b_Λ. Pero tsi' tojoyob i mul ti c'ajc mach b_Λ anic mi' jilel. Jini cha'an yom mi lac ch_Λc_Λ q'uel lac b_Λ, come che'ach mi caj i jilelob mu' b_Λ i socob i b_Λ.

⁸ Che' ja'el jini winicob x'ixicob, ñijc_Λbilob cha'an chuqui mi' q'uelob che' bajche' ti ñajal, mi' bib'esañoob i b_Λ. Mi' ts'a'leñob jini año' b_Λ i ye'tel. Mi' p'ajob jini ñuco' b_Λ ti panchan.

⁹ Pero ma'anic tsi' chañ'esa i b_Λ Miguel, jini c'ax ñuc b_Λ ángel, ti' tojlel jini xiba che' b_Λ tsi' contrajiyob i b_Λ che' b_Λ tsi' c_Λl_Λx pejgayob i b_Λ cha'an i b_Λc'tal Moisés. Ma'anic tsi' y_Λc'_Λ i b_Λ cha'an mi' sub i mul jini xiba. Tsa' jach i y_Λl_Λ: La' i tiq'uet lac Yum, che'en.

¹⁰ Pero ili winicob mi' wajleñob chuqui tac mach c_Λmbilic i cha'añoob. Chuqui tac mi' y_Λlol c_Λñoob che' bajche' b_Λte'el, mi' y_Λc'ob ti sajtel.

¹¹ Mi caj i tajob wocol cha'an tsi' cha'leyob ts_Λnsa che' bajche' Caín. Tsi' junyajlel ac'_Λyob i b_Λ ti' sajtemal Balaam cha'an yomob ganar. Tsa' jiliyob che' bajche' Coré cha'an tsi' contrajiyob Dios.

¹² Leco mi' melob ti la' tojlel ili winicob che' mi la' tem cha'len we'el. Mach yujilobic quisin che' mi' c'uxob we'el_Λ la' wic'ot. Mi' bajñel we'sañoob i b_Λ. Lajalob bajche' tocal mach b_Λ anic i ya'lel mu' b_Λ i wets' ñumel ic'. Lajalob bajche' tiquin b_Λ te' mach b_Λ anic tsi' y_Λc'_Λ i wut che' ti' yorajlel. Bojquem jax, ch_Λmen ti cha'yajlel.

¹³ Lajalob bajche' b_Λb_Λq'uen jax b_Λ s_Λc_Λw_Λlan b_Λ ja' ti colem ñajb mu' b_Λ i y_Λc' bibi' jax b_Λ i lojc. Lajalob bajche' ec' mu' b_Λ i sajtel ti' bijlel. Lajal mi caj i yujtelob ti c'ax i'ic' b_Λ ac'_Λlel ti pejtelel ora.

¹⁴ Enoc i w_Λc_Λlajmlel i p'olbal Adán, tsi' w_Λn al_Λ cha'an jini winicob: La' wilan tal lac Yum yic'ot bajc'_Λl ch'ujulo' b_Λ i cha'an,

¹⁵ cha'an mi' melob ti pejtelelob. Tal i subeñoob i mul pejtél xñusa Diosob cha'an pejtelel i jontolil yic'ot pejtelel ts_Λts b_Λ t'an tsa' b_Λ i subuyob ti' contra lac Yum jini xmulilob tsa' b_Λ i ñusayob Dios, che'en.

¹⁶ Xwulwul a'leyajob. Mi' jop'beñoob i mul i pi'_Λlob. Mi' jac'ob i colosojlel i pusic'al. Mi' chañ'esañoob i b_Λ ti lot. Mi' pejcañoob winicob ti i t'ojol b_Λ t'an cha'an mi' tajob chuqui yom i bajñel pusic'al.

Ch_Λn ajñenla yic'ot Dios

¹⁷ Pero jatetla c'uxbibilet b_Λ la, ña'tanla chuqui tsi' w_Λn subuyob jini apóstolob i cha'an lac Yum Jesucristo.

¹⁸ Tsi' subeyetla: Ti wi'il b_Λ q'uin tac mi caj i tilel xwajleyajob mu' b_Λ caj i cha'leñob x_Λmbal ti' jontolil, ti' colosojlel i pusic'al, che'ob.

¹⁹ Mi' t'oxob hermanojob. Mi' melob chuqui yom i tsucul pusic'al. Ma'anic jini Espiritu ti' tojlelob.

²⁰ Jatetla c'uxbibilet b_Λ la, xuc'chocon la' b_Λ ti jini ch'ujul b_Λ t'an woli b_Λ la' ñop. Pejcanla Dios ti jini Ch'ujul b_Λ Espiritu.

²¹ Ch_Λn ajñenla ti' c'uxbiya Dios. Ch_Λn pijtan la' p'unt_Λntel ti lac Yum Jesucristo cha'an mi la' taj la' cuxt_Λlel mach b_Λ anic mi' jilel.

²² Xic'benla jini tilel bixelo' b_Λ i pusic'al cha'an mi' sutq'uiñob i b_Λ.

²³ Coltanla yaño' b_Λ. Chucuyob loq'uel ti c'ajc. P'untanla yaño' b_Λ yic'ot b_Λq'uen ame bib'aquetla. Ts'a'lenla i pislel bib'es_Λbil b_Λ ti mulil.

Iyutslel i t'an

²⁴ An i p'_Λt_Λlel lac Yum cha'an mi' c_Λntañetla cha'an ma'anic mi la' yajlel. Tijicña mi caj i y_Λq'uetla ti' tojlel i ñucllel, s_Λq'ues_Λbiletla ti mulil.

²⁵ Jini cojach b_Λ Dios am b_Λ i ña't_Λbal, la caj Coltaya, la' tsictiyic i ñucllel yic'ot i yum_Λntel yic'ot i p'_Λt_Λlel ti' tojlel lac Yum Jesucristo w_Λle yic'ot ti pejtelel ora. Amén.

APOCALIPSIS I tsictes_Λbal Jesucristo tsa' b_Λ pasbenti Juan

¹ Jiñach i tsictes_Λbal Jesucristo. Dios tsi' y_Λq'ue Cristo cha'an mi' pasben i winicob chuqui tac mach jalic mi' caj ti ujtcl. Cristo tsi' choco tilel i yángel ba'an Juan, i winic Cristo cha'an mi' tsictesan.

² Juan tsi' subu i sujmlcl i t'an Dios yic'ot i sujmlcl Jesucristo yic'ot pejtelel chuqui tac tsi' q'uele.

³ Tijicña jini mu' b_Λ i q'uel yic'ot jini mu' b_Λ i yubiñob jini t'an ts'ijbubil b_Λ ti ili jun, yic'ot jini mu' b_Λ i jac'ob chuqui tac ts'ijbubil ilayi, come lac' alix i yorajlel.

Jun cha'an wucmojt xñopt'añob mu' b_Λ i tempañob i b_Λ

⁴ Juañon. Mic ts'ijbubeñetla ili jun wucmojt xñopt'añet b_Λ la mu' b_Λ la' tempan la' b_Λ ya' ti Asia. La' i y_Λq'ueñetla i yutslcl yic'ot i ñach'tilel i pusic'al Dios jini am b_Λ wale, jini am b_Λ ti wajali, jini tal to b_Λ, yic'ot jini wuctiquil espíritu año' b_Λ ti' tojel i buchlib Dios,

⁵ yic'ot ja'el Jesucristo, jini xuc'ul b_Λ Tes-tigo mu' b_Λ i y_Λc' ti c_Λjñcl i sujmlcl. Jiñach tsa' b_Λ ñaxan tejchi loq'uel ba'an chameño' b_Λ. I yumach jini reyob ti pañimil.

Cristo mi' c'uxbiñonla. Tsi' pocbeyonla loq'uel lac mul ti' ch'ich'el.

⁶ Tsi' yotsayonla ti rey yic'ot ti motomaj ti' tojlel Dios i Tat. La' aq'uentic Jesucristo i ñuclcl yic'ot i p'atlel ti pejtelel ora. Amén.

⁷ Awilan, tal ti tocal. Pejtelel winicob yic'ot jini tsa' b_Λ i jeq'ueyob mi' caj i q'uelob. Mi' cajelob ti cab_Λl uq'uel jujunchajp winicob x'ixicob ti pañimil che' mi' tilel Cristo. Che'ach yom. Amén.

⁸ Joñon tsac teche pejtelel chuqui tac an. Mi c_Λq'uen i jilibal. Añon ti' tejchibal. Añon ti' jilibal, che'en lac Yum. Joñoñach jini am b_Λ wale, jini am b_Λ ti wajali, jini tal to b_Λ, jini Mach b_Λ Anic i P'isol i P'atlel, che'en lac Yum.

Tsi' q'uele Cristo

⁹ Joñon, Juañon, a wermanojon mu' b_Λ c tem ubin wocol quic'otetla cha'an Jesús.

Temel añonla ti' yum_Λntel. Temel woli laj cuch wocol che' mi lac pijtan Jesús. Añon ti lum joyol b_Λ ti ja' i c'aba' Patmos cha'an i t'an Dios yic'ot i sujmlcl Jesús.

¹⁰ Tsa' bujt'i c pusic'al ti' yEspíritu Dios ti jini q'uin che' mi lac ch'ujutesan lac Yum. Tsa cubi c'am b_Λ t'an tic pat che' bajche' trompeta.

¹¹ Tsi' y_Λl_Λ: Joñon tsac teche pejtelel chuqui tac an. Mi c_Λq'uen i jilibal. Añon ti ñaxan. Añon ti' yujtibal. Ts'ijban ti jun chuqui tac ma' q'uel. Chocbeñob majlel jun jini wucmojt xñopt'añob mu' b_Λ i tempañob i b_Λ ya' ti Asia, jini año' b_Λ ti Efeso, yic'ot ti Esmirna, yic'ot ti Pérgamo, yic'ot ti Tiatira, yic'ot ti Sardis, yic'ot ti Filadelfia, yic'ot ti Laodicea, che'en.

¹² Tsac sutq'ui c b_Λ cha'an mij q'uel majqui woli' pejcañon. Che' b_Λ tsac sutq'ui c b_Λ tsaj q'uele wucts'ijt lámpara melbil b_Λ ti oro.

¹³ Ti' yojlil jini wucts'ijt lámpara tsaj q'uele i Yalobil Winic l_Λp_Λl i cha'an p_Λl jexan b_Λ i bujc c' al_Λl ti' yoc. C_Λch_Λl i tajn ti' cajchiñac' melbil b_Λ ti oro.

¹⁴ S_ΛS_ΛC i jol yic'ot i tsutsel i jol bajche' S_ΛS_ΛC b_Λ i tsutsel tiñame', S_ΛS_ΛC bajche' i ña'al tsañal. Woli ti lejmel i wut che' bajche' c'ajc.

¹⁵ Lajal i yoc bajche' lemlaw b_Λ c'anc'an taq'uin, s_Λq'ues_Λbil b_Λ ti c'ajc. Che'ach i t'an bajche' ju'ucña b_Λ ja'.

¹⁶ Ti ñoj b_Λ i c'ab an wucp'ejl ec'. Woli' loq'uel ti' yej junts'ijt espada jay b_Λ i yej ti' cha'wejlel. Che'ach i wut bajche' jini q'uin che' ti xinq'uiñil.

¹⁷ Che' b_Λ tsaj q'uele, tsa' yajliyon ti' yoc che' bajche' ch_Λmen b_Λ. Tsi' y_Λc' a ñoj b_Λ i c'ab tic jol. Tsi' subeyon: Mach a cha'len b_Λq'uen. Añon ti ñaxan, añon ti' yujtibal.

¹⁸ Joñoñach jini cuxul b_Λ. Tsa' ch_Λmiyon. Awilan, cha' cuxulon ti pejtelel ora. Amén. An tic p'atlel jini chameño' b_Λ yic'ot i yajñib chameño' b_Λ.

¹⁹ Ts'ijban chuqui tsa' q'uele, yic'ot chuqui an wale yic'ot chuqui mi' caj i yujtel.

²⁰ Mi' caj c subeñet i sujmlcl jini wucp'ejl ec' tsa' b_Λ a q'uele ti ñoj b_Λ j c'ab, yic'ot jini wucts'ijt lámpara melbil b_Λ ti oro. Jini wucp'ejl ec' jiñobach xcantayajob cha'an jini wucmojt xñopt'añob mu' b_Λ i tempañob

i b_Λ. Jini wucts'ijt lámpara tsa' b_Λ a q'uele, jiñach wucmojt xñopt'añob mu' b_Λ i tempañob i b_Λ.

2

I cantes_Λntel Efeso

¹ Ts'ijbuben jun x_Λantaya i cha'an jini xñopt'añob mu' b_Λ i tempañob i b_Λ ya' ti Efeso: “Jini chucul b_Λ i cha'an wucp'ejl ec' ti ñoj b_Λ i c'ab, jini mu' b_Λ i cha'len x_Λambal ti' yojlil jini wucts'ijt lámpara melbil b_Λ ti oro, jiñach mu' b_Λ i y_Λ ili t'an:

² C_Λmbil c cha'an la' melbal yic'ot wocol b_Λ la' we'tel yic'ot i p'at_Λlel la' pusic'al ti' cuchol wocol. Cujil mach mejlic la' cuch jontol b_Λ winicob. Tsa'ix la' wen q'uelbe i ye'tel jini mu' b_Λ i lon cuyob i b_Λ ti apóstolob. Tsa'ix la' ña'ta xlotiyajob_Λch.

³ C_Λmbil c cha'an la' p'at_Λlel ti' cuchol wocol. Woli' l_Λjt'el la' cha'an cha'an tij c'aba'. Ma'anic tsa' lujb'ayetla.

⁴ Pero an chuqui mach wenic ti la' tojlel. Ma'anix mi la' wen c'uxbiñon che' bajche' ti ñaxan.

⁵ Na'tanla bajche' tsa' ajniyetla che' maxto anic yajlemetla. C_Λy_Λ la' mul. Cha' melela che' bajche' ti ñaxan. Mi ma'anic mi la' c_Λy la' mul mi caj c b_Λc' tilel ba' añetla cha'an mic chilbeñetla la' lámpara.

⁶ An chuqui mi la' mel ti uts'at. Mi la' ts'a'liben i melbal nicolaitajob. Mic ts'a'len ja'el.

⁷ Jini am b_Λ i chiquin la' i yubiben i t'an i yEspíritu Dios mu' b_Λ i suben xñopt'añob mu' b_Λ i tempañob i b_Λ. Jini mu' b_Λ i m_Λjlel i cha'an mi caj c_Λq'uen i c'uxben i wut jini te' i yejtal b_Λ laj cuxt_Λlel am b_Λ ti' yojlil i paraíso Dios”.

I cantes_Λntel Esmirna

⁸ Ts'ijbuben jun jini x_Λantaya i cha'an xñopt'añob mu' b_Λ i tempañob i b_Λ ya' ti Esmirna: “Joñon añon ti ñaxan. Añon ti' yujtibal. Tsa' ch_Λmiyon, tsa' cha' cuxtiyiyon. Woliyon ti t'an.

⁹ C_Λmbil c cha'an la' melbal yic'ot la' wocol. Ma'anic la' chub_Λ'an, pero cab_Λlach la' wenlel. C_Λmbil c cha'an ja'el bajche' mi' ts'a'leñetla jini mu' b_Λ i lon cuyob i b_Λ ti israelob. Mach israelobic, pero i cha'añob Satanás.

¹⁰ Mach la' b_Λc'ñan jini wocol mu' b_Λ caj i tajetla. Awilan jini xiba mi caj i lamital otsañetla ti ñujp'ib_Λl cha'an mi' yil_Λbentel la' pusic'al. Mi caj la' tic'_Λntel lujump'ejl q'uin. Xuc'ul yom mi la' wajñel anquese mi la' w_Λjq'uel ti ch_Λmel. Mi caj c_Λq'ueñetla la' cuxt_Λlel che' bajche' corona.

¹¹ Jini am b_Λ i chiquin la' i yubiben i t'an jini Espíritu mu' b_Λ i suben xñopt'añob. Jini mu' b_Λ i m_Λjlel i cha'an ma'anic mi caj i ch_Λmel ti' cha'yajlel”.

I cantes_Λntel Pérgamo

¹² Ts'ijbuben jun x_Λantaya i cha'an xñopt'añob mu' b_Λ i tempañob i b_Λ ya' ti Pérgamo: “Jini am b_Λ i yespada jay b_Λ i yej ti' cha'wejlel, mi' y_Λ ili t'an:

¹³ C_Λmbil c cha'an la' melbal ya' ba' chumuletla ba' woli' cha'len yum_Λ Satanás. Pero woli la' ch_Λn ña'tan j c'aba'. Ma'anic tsa' la' c_Λy_Λ la' ñopon. Xuc'uletla ja'el che' b_Λ tsa' ts_Λns_Λnti Antipas, xuc'ul b_Λ testigo c cha'an tsa' b_Λ i y_Λc'_Λy_Λon ti c_Λjñel ya' ba' añetla ba' chumul Satanás.

¹⁴ Pero mic subeñetla chuqui tac mach wenic ti la' tojlel. Ya' añob la' wic'ot mu' b_Λ i ñopob i c_Λntes_Λbal Balaam, jini Balaam tsa' b_Λ i sube Balac cha'an mi' y_Λc' ti yajlel i yalobilob Israel che' b_Λ tsi' p_Λy_Λyob cha'an mi' c'uxob we'el_Λl aq'uebil b_Λ dios tac, cha'an mi' cha'leñob i ts'i'lel.

¹⁵ Ya' añob la' wic'ot ja'el mu' b_Λ i ñopob i c_Λntes_Λbal nicolaitajob mu' b_Λ c ts'a'len.

¹⁶ Jini cha'an c_Λy_Λla la' mul. Mi ma'anic mi la' c_Λy la' mul mi caj c b_Λc' tilel ba' añetla. Mi caj j contrajin jini nicolaitajob yic'ot jini espada am b_Λ ti quej.

¹⁷ Jini am b_Λ i chiquin la' i yubiben i t'an jini Espíritu mu' b_Λ i suben xñopt'añob. Jini mu' b_Λ i m_Λjlel i cha'an mi caj c_Λq'uen i c'ux mucul b_Λ maná. Mi caj c_Λq'uen jump'ejl s_Λs_Λc b_Λ al_Λ xajlel, ba' ots_Λbil tsiji' b_Λ i c'aba'. Ma'anic majch yujil chuqui ots_Λbil, cojach jini mu' b_Λ i ch'_Λm”.

I cantes_Λntel Tiatira

¹⁸ Ts'ijbuben x_Λantaya i cha'an xñopt'añob mu' b_Λ i tempañob i b_Λ ya' ti Tiatira: “I Yalobil Dios, jini woli b_Λ ti lejmel i wut bajche' c'ajc, jini am b_Λ i yoc che' bajche' c'_Λnc'_Λn taq'uin c'_Λn ts_Λñan b_Λ ti c'ajc. Jiñach mu' b_Λ i y_Λ ili t'an:

19 Cambil c cha'an la' melbal. Mi la' c'uxbiñon. Mi la' ñopon. Cambil c cha'an la' we'tel yic'ot i p'at'alel la' pusic'al ti' cuchol wocol. Jini la' melbal tsa' b' la' mele ti wi'il ñumen cabal bajche' ti ñaxan.

20 Mic subeñetla ja'el chuqui mach wenic ti la' tojlel. Mi la' cuchben i jontolil jini x'ixic Jezabel, mu' b' i cuy i b' ti x'alt'an. Mi' cantesan c winicob. Mi' socheñob i pusic'al cha'an mi' cha'leñob ts'i'lel, cha'an mi' c'uxob we'elal aq'uebil b' dios tac.

21 Tsac pijta cha'an mi' c'ay i mul, pero mach yomic i c'ay i ts'i'lel.

22 Awilan, wolic choc jini x'ixic ti' ch'ac ba' mi caj i yubin cabal wocol yic'ot jini tsa' b' i pi'leyob ti' ts'i'lel, mi ma'anic mi' c'ayob i mul.

23 Mi caj c tsansan i yalobilob Jezabel. Pejtelel xñopt'añob baqui jach mi' tempañob i b' mi caj i ña'tañob joñonach mu' b' c wen q'uelbeñob i pusic'al yic'ot i ña'tabal. Ti jujuntiquiletla mi caj c'ay q'ueñetla la' tojol che' bajche' an la' melbal.

24 Mic subeñetla pejtelel añet b' la' ti Tiatira, mach b' ñopolic la' cha'an i cantesabal Jezabel yic'ot jini mucul tac b' i cantesabal Satanás mu' b' i lon q'uelob ti ñuc la' pi'lob: Ma'anic mi' c'ay q'ueñetla yamb' la' cuch.

25 Jini jach yom mi la' chan lot ti la' pusic'al jini am b' la' cha'an jinto mic tilel.

26 Jini mu' b' i majlel i cha'an yic'ot jini mu' b' i melbeñon que'tel c'alal ti' jilibal mi caj cotsañob ti' yum colem tejclumob.

27 Tsats mi caj i cha'leñob yumal, chucul i cha'añob vara melbil b' ti tsucul taq'uin. Mi caj i jisañob jini xñusa t'añob che' bajche' mi' bic'ti tojpe'el p'ejt. Che'ach i p'at'alel bajche' c p'at'alel tsa' b' i yal q'ueyon c Tat.

28 Mi caj c'ay q'ueñob jini ec' wen tsiquil b' ti sa'ajel.

29 Jini am b' i chiquin la' i yubiben i t'an jini Espiritu mu' b' i suben xñopt'añob”.

3

I cantesantel Sardis

1 Ts'ijbuben xcantaya i cha'an xñopt'añob mu' b' i tempañob i b' ya' ti Sardis: “Jini am b' i cha'an wuctiquil espíritu i cha'an Dios yic'ot wucp'ejl ec', jiñach mu' b' i yal ili t'an: Cambil c cha'an la' melbal. Cujil

chameñetla yilal anquese lon cuxuletla ti alol.

2 Chac' q'uele la' b'. La' cha' p'ojlic i wenlel la' pusic'al woli b' ti jilel. Come tsac taja mach uts'atic la' melbal ti' tojlel Dios.

3 Ña'tanla chuqui tsa' la' wubi yic'ot chuqui tsa' la' jac'. Xuc'ul yom mi la' ñop. Cayax la' mul. Mi ma'anic mi la' chac' q'uel la' b', mi caj c tilel ba' añetla che' bajche' xujch'. Ma'anic mi caj la' ña'tan baqui ora mi caj c tilel ba' añetla.

4 An hermanojob ti Sardis mach b' anic tsi' bib'esayob i pislel. Mi caj i cha'leñob xambal quic'ot, lapal i cha'añob sasac b' i pislel. Che'ach yom come uts'at i melbal.

5 Jini mu' b' i majlel i cha'an mi caj i yal q'uentel i lap sasac b' i pislel. Ma'anic mi caj c yal pben i c'aba' ti jun ba' otsabilob i c'aba' año' b' i cuxtalel. Mi caj c sub ti' tojel c Tat yic'ot ti' tojel i yánelob.

6 Jini am b' i chiquin la' i yubiben i t'an jini Espiritu mu' b' i suben xñopt'añob”.

I cantesantel Filadelfia

7 Ts'ijbuben xcantaya i cha'an xñopt'añob mu' b' i tempañob i b' ya' ti Filadelfia: “Jini Ch'ujul B', jiñach Isujm B', am b' i cha'an i llave David. Che' an chuqui mi' jam, ma'anic majch mi' ñup'. Che' an chuqui mi' ñup', ma'anic majch mi' jam. Jiñach mu' b' i yal ili t'an:

8 Cambil c cha'an la' melbal. Awilan, jamal jump'ejl i ti' tsa' b' cac'la' ti' tojel la' wut. Ma'anic majch mi' mejlel i ñup', come anquese ts'ita' jach la' p'at'alel tsa'ix la' jac'beyon c t'an. Ma'anic tsa' la' wala mach la' canayonic.

9 Awilan, mi caj c p'ay tilel ti la' tojlel i cha'año' b' Satanás, winicob mu' b' i cha'leñob lot. Mi' cuyob i b' ti israelob anquese mach israelobic. Mux caj c p'ayob tilel cha'an mi' ñocchocoñob i b' ti' tojel la' woc. Mi caj i ña'tañob c'ux mi cubiñetla.

10 Come xuc'ul woli la' jac'beñon c t'an anquese wersa mi la' cuch wocol. Jini cha'an mi caj cantañetla ame i tajetla wocol ti' yorajlel wocol mu' b' caj i tilel ti pejtelel pañimil cha'an mi yilabentelob i pusic'al jini chumulo' b' ti pañimil.

11 Awilan, talon ti ora. Lotola ti la' pusic'al jini tsa' b_Λ aq'uentiyetla ame anic majqui mi' chilbeñetla la' corona.

12 Jini mu' b_Λ i m_Λjlel i cha'an mi caj c_Λq'uen i yajñel bajche' oy ti' templo c Dios. Ma'anix mi caj i ch_Λn loq'uel ya'í. Mi caj c ts'ijbuben i c'aba' c Dios ti jini winic yic'ot tsiji' b_Λ j c'aba' yic'ot i c'aba' i tejclum c Dios, jini tsiji' b_Λ Jerusalén mu' b_Λ i loq'uel tilel ti panchan ch'oyol b_Λ tic Dios.

13 Jini am b_Λ i chiquin la' i yubiben i t'an jini Espíritu mu' b_Λ i suben xñopt'añob”.

I cantes_Λntel Laodicea

14 Ts'ijbuben jini xc_Λntaya i cha'an xñopt'añob mu' b_Λ i tempañob i b_Λ ya' ti Laodicea: “Awilan, jini Amén b_Λ, jini isujm b_Λ, jini xuc'ul b_Λ Testigo mu' b_Λ i cha'len yum_Λ ti' tojlel pejtel i melbal Dios, jiñ_Λch mu' b_Λ i y_Λl ili t'an:

15 C_Λmbil c cha'an la' melbal. Ma'anic mi la' w_Λc' la' pusic'al cha'an mi la' melbeñon que'tel. Ma'anic mi la' w_Λc' la' pusic'al cha'an mi la' contrajiñon. Mach tic_Λweticla, mach ts_Λwañeticla. Uts'at junchajpic jach la' pensar.

16 Pero c'ung'uixiñet jach la. Jini cha'an mi caj c xejtañetla loq'uel tic tojlel, come ma'anic chuqui mi la' mel ti pejtelel la' pusic'al.

17 Mi la' lon al: Wen chumulon lojon. Cab_Λl tsa' p'ojli c chub_Λ'an. Ma'anic chuqui an to yom c cha'an lojon, che'etla. Ma'anic mi la' ña'tan mach wen chumuleticla, c'ax p'ump'uñetla, ma'anic la' chub_Λ'an, xpots'etla, pits'iletla yilal.

18 Mic subeñetla cha'an mi la' m_Λn oro tic tojlel s_Λq'ues_Λbil b_Λ ti c'ajc, cha'an wen chumul mi la' wajñel. Mañ_Λla wen s_Λs_Λc b_Λ la' pislel cha'an mi la' l_Λp, ame quisintiquic mi la' wubin che' pits'il mi la' q'uejlel. Boño la' wut yic'ot i ts'acal cha'an mi' c'otel la' wut.

19 Jini mu' b_Λ j c'uxbin mic tic'. Mic ju's_Λben i pusic'al. Jini cha'an yom b_Λxetla. C_Λy_Λla la' mul.

20 Awilan, wa'alón, wolic jats'ben i ti' otot. Mi an majch mi' yubibeñon c t'an mu' b_Λ i jambeñon i ti' otot, mi caj cochel ba'an, mi caj c cha'len we'el yic'ot. Mux caj i cha'len we'el quic'ot ja'el.

21 Jini mu' b_Λ i m_Λjlel i cha'an mi caj c suben bucht_Λl quic'ot tic yum_Λntel, che' bajche' tsa' buchleyon quic'ot c Tat ti' yum_Λntel che' b_Λ tsa' m_Λjli c cha'an.

22 Jini am b_Λ i chiquin la' i yubiben i t'an jini Espíritu mu' b_Λ i suben xñopt'añob”.

4

I ch'ujutes_Λntel Dios ya' ti panchan

1 Ti wi'il tsaj q'uele: Awilan, jambil jump'ejl i ti' panchan. Jini ñaxan b_Λ t'an tsa' b_Λ cubi lajal_Λch bajche' i t'an trompeta. Tsi' subeyon: La' ti letsel ilayi. Mi caj c p_Λsbeñet chuqui tac wersa mi' caj ti ujt_Λl, che'en.

2 Ti ora tsa' bujt'i c pusic'al ti Espíritu. Awilan, tsaj q'uele jump'ejl buchlib_Λl ac'bil b_Λ ti panchan yic'ot jini ya' b_Λ buchul ti' yum_Λntel.

3 Lajal yilal jini buchul b_Λ bajche' jaspe xajlel yic'ot sardio xajlel. An t'oxja' ti' joyt_Λlel i buchlib Dios lajal yilal bajche' esmeralda xajlel.

4 Ti' joyt_Λlel i buchlib an ch_Λm_Λp'ejl i cha'c'al buchlib_Λl. Ya' buchulob ti' ye'tel tsaj q'uele ch_Λntiquil i cha'c'al (24) ancianojob l_Λp_Λl i cha'añob s_Λs_Λc b_Λ i pislel. An i corona tac melbil b_Λ ti oro c'ac_Λl ti' jol.

5 Tsa' loq'ui chajc yic'ot cab_Λl t'an yic'ot i t'an chajc ti' buchlib Dios. Woli ti lejmel wucp'ejl lámpara ya' ti' tojel ili buchlib_Λl. Jiñ_Λch i yejtal jini wuctiquil espíritu i cha'an Dios.

6 Ti' tojel i buchlib Dios an colem ñajb yilal, am b_Λ i s_Λc_Λlel che' bajche' espejo.

Ti' joyt_Λlel jini buchlib_Λl ti' ch_Λnwejlel, an ch_Λntiquil querubín. An cab_Λl i wut ti' wut yic'ot ti' pat.

7 Jini ñaxan b_Λ querubín che' yilal bajche' colem bajlum. I cha'ticel che' yilal bajche' al_Λ tat wacax. Jini i yuxticlel an i wut bajche' i wut winic. Jini i ch_Λnticlel che' yilal bajche' xiye' woli b_Λ ti wejlel.

8 Ti jujuntiquil an w_Λw_Λq'uejl i wich'. An cab_Λl i wut tac ti' joyt_Λlel i cuctal yic'ot ti' mal. Ti pejtelel q'uin yic'ot ti pejtelel ac'alel ma'anic mi' c_Λyob i y_Λl: Ch'ujul, ch'ujul, ch'ujul lac Yum Dios jini Mach b_Λ Anic i P'isol i P'at_Λlel, jini am b_Λ ti wajali, jini am b_Λ w_Λle, jini tal to b_Λ. Che' mi' y_Λlob.

⁹ Ti pejtelel ora jini ch'antiquil querubin mi' tsictesañob i ñuclél jini buchul b_Λ ti' yum_Λntel. Ti jujunyajl che' mi' c'ayibeñob i ñuclél, che' mi' subeñob wocolix i y_ΛΛ jini cuxul b_Λ ti pejtelel ora,

¹⁰ jini ch'antiquil i cha'c'al ancianojob mi' p_Λcchocoñob i b_Λ ti' tojel jini buchul b_Λ ti' yum_Λntel. Mi' ch'ujutesañob jini cuxul b_Λ Dios ti pejtelel ora. Mi' y_Λc'ob i corona ti' tojel i buchlib. Mi' y_Λlob:

¹¹ Uts'at c Yum lojon. Yom mi' sujbel a ñuclél yic'ot a c'uxbintel yic'ot a p'_Λt_Λlel, come jatet tsa' mele pejtelel chuqui tac an. Ti pejtelel tsa' mejli cha'an che'ach a wom. Tsa' laj aq'ue i cuxt_Λlel, che'ob.

5

B_ΛΛ b_Λ jun yic'ot jini tiñ_Λme'

¹ Tsaj q'uele b_ΛΛ b_Λ jun ti ñoj b_Λ i c'ab jini buchul b_Λ ti' buchlib Dios. An i ts'ijbal ti' pam yic'ot ti' pat. Ñup'ul jini jun ti wucp'ejl sello.

² Tsaj q'uele p'_Λt_Λ b_Λ ángel. Wen c'am tsi' cha'le t'an: ¿Majqui uts'at? La' i jam jini jun. La' i loc's_Λben i sellojlel tac jini jun, che'en.

³ Ma'anic tsa' tajle juntiquil us'at b_Λ ti panchan mi' ti pañimil, mi' ti yebal pañimil. Ma'anic majch tsa' mejli i jam jini jun cha'an mi' q'uel.

⁴ Tsac cha'le cab_Λl uq'uel, come ma'anic tsa' tajle mi' juntiquilic uts'at b_Λ cha'an mi' jam jini jun. Ma'anic majch tsa' mejli i pejcan jini jun. Ma'anic majqui tsa' mejli i q'uel.

⁵ Juntiquil anciano tsi' subeyon: Mach a cha'len uq'uel. Q'uele jini colem Bajlum loq'uem b_Λ ti' p'olbal Judá. Jiñach ñuc b_Λ i p'olbal David. Tsa' majli i cha'an. Jini cha'an mi' mejlel i loc'san jini wucp'ejl i sellojlel cha'an mi' jam jini jun, che'en.

⁶ Tsaj q'uele ya'an jini Tiñ_Λme' ti' tojel i buchlib Dios, joyol ti ch'antiquil querubiñob yic'ot ancianojob. Tsi'quil tsa' ts_Λns_Λnti jini Tiñ_Λme' pero cha' cuxul. An wucts'ijt i xulub i yejtal i p'_Λt_Λlel yic'ot wucp'ejl i wut. Jiñach wuctiquil espíritu i cha'an Dios chocbilo' b_Λ tilel ti pejtelel pañimil.

⁷ Tsa' tili jini Tiñ_Λme'. Tsi' ch'_Λm_Λ jini jun am b_Λ ti ñoj b_Λ i c'ab Dios ya' ba' buchul ti' yum_Λntel.

⁸ Che' b_Λ tsi' ch'_Λm_Λ jini jun, jini ch'antiquil querubiñob yic'ot ch'antiquil i cha'c'al ancianojob tsi' p_Λcchocoyob i b_Λ ti' tojel jini Tiñ_Λme'. Ti jujuntiquil an i cha'an arpa yic'ot taza melbil b_Λ ti oro but'ul b_Λ ti pom. Jiñach i yejtal i yoración i cha'año' b_Λ Dios.

⁹ Tsi' c'ayiyob tsiji' b_Λ c'ay: Wen uts'atet. Uts'at ma' ch'_Λm jini jun cha'an ma' tsilben i sellojlel tac, come tsa' ts_Λns_Λntiyet, tsa' m_Λñ_Λy_Λon lojon ti a ch'ich'el cha'an mic ñop lojon Dios. Loq'uemon lojon ti jujunchajp winicob, yic'ot ti pejtelel t'an tac, yic'ot ti pejtelel tejclum tac.

¹⁰ Tsa' wotsayon lojon ti rey yic'ot ti motomaj ti' tojlel Dios. Mi' caj c cha'len lojon yum_Λ ti pañimil, che'ob.

¹¹ Tsaj q'uele cab_Λl ángelob ti' joyt_Λlel i buchlib Dios. Tsa cubibeyob i t'an yic'ot i t'an jini querubiñob yic'ot i t'an ancianojob ti pic ti pic. Wen bajc'lob.

¹² Tsi' y_Λlyob ti c'am b_Λ t'an: Uts'at jini Tiñ_Λme' tsa' b_Λ ts_Λns_Λnti. Uts'at mi' ch'_Λm i ye'tel yic'ot i chub_Λ'an, yic'ot i ña'tabal, yic'ot i p'_Λt_Λlel yic'ot i ñuclél. Uts'at mi' lac sub i ñuclél, che'ob.

¹³ Tsa cubi woli ti t'an pejtelel melbil tac b_Λ am b_Λ i cuxt_Λlel ti panchan yic'ot ti pam lum, yic'ot ti yebal lum, yic'ot ti colem ñajb, yic'ot pejtelel chuqui tac an ti pañimil. Tsi' y_Λlyob: La' lac sub i ñuclél yic'ot i c'uxbintel yic'ot i s_Λclel, yic'ot i p'_Λt_Λlel, ti pejtelel ora, jini buchul b_Λ ti' yum_Λntel yic'ot jini Tiñ_Λme', che'ob.

¹⁴ Jini ch'antiquil querubiñob tsi' y_Λlyob: Amén, che'ob. Jini ch'antiquil i cha'c'al ancianojob tsi' p_Λcchocoyob i b_Λ. Tsi' ch'ujutesayob jini cuxul b_Λ ti pejtelel ora.

6

Wucp'ejl sello

¹ Tsaj q'uele tsi' jam_Λ jump'ejl sello jini Tiñ_Λme'. Tsa cubibe i t'an juntiquil querubín i pi'ál jini uxtiquil. Wen c'am tsi' cha'le t'an che' bajche' i t'an chajc. Tsi' y_ΛΛ: La' q'uele, che'en.

² Tsaj q'uele, awilan an juncojt s_Λs_Λc caballo. Jini c'ach_Λl b_Λ ti' pat an i cha'an jal_Λjb.

Tsa' aq'uenti corona. Tsa' loq'ui majlel. Tsa' m_Λjli i cha'an. Tsi' m_{ΛΛ} majlel.

³ Che' b_Λ tsi' jam_Λ i cha'p'ejlel sello, tsa cubibe i t'an i cha'ticlel querubín. Tsi' y_{ΛΛ}: La' q'uele, che'en.

⁴ Tsa' loq'ui tilel yamb_Λ caballo, wen ch_Λch_Λc. Jini c'ach_Λl b_Λ ti' pat caballo tsa' aq'uenti i p'at_Λlel cha'an mi' tech guerra ti' tojlel winicob cha'an mi' tsansañoob i b_Λ. Tsa' aq'uenti junts'ijt colem espada.

⁵ Che' b_Λ tsi' jam_Λ i yuxp'ejlel sello, tsa cubibe i t'an i yuxticel querubín. Tsi' y_{ΛΛ}: La' q'uele, che'en. Tsaj q'uele, awilan, an juncojt i'ic' caballo. Jini c'ach_Λl b_Λ ti' pat an p'isoñib ti' c'ab.

⁶ Tsa cubi t'an loq'uem b_Λ ti' yojlil jini chantiquil querubiñoob. Tsi' y_{ΛΛ}: Jump'ejl kilo trigo jiñ_Λch i tojol jump'ejl q'uin e'tel. Uxp'ejl kilo cebada, jiñ_Λch i tojol jump'ejl q'uin e'tel. Mach ma' jisan mi ts'usubil mi olivojil, che'en.

⁷ Che' b_Λ tsi' jam_Λ i ch_Λamp'ejlel sello, tsa cubibe i t'an i ch_Λanticlel querubín. Tsi' y_{ΛΛ}: La' q'uele, che'en.

⁸ Tsaj q'uele, awilan, an juncojt c'anc'Λn caballo. Jini c'ach_Λl b_Λ ti' pat, i c'aba' Stsansa. Yamb_Λ c'achlib tsi' tsajca majlel, i c'aba' i Yajñib Chameño' B_Λ. Tsa' aq'uenti i p'at_Λlel cha'an mi' tsansan bajc'Λl winicob ti espada, yic'ot ti wi'ñal, yic'ot ti ch_Λmel, yic'ot ti jontol b_Λ b_Λte'el. Ti ch_Λnchantiquil tsa' ch_Λmi jujuntiquil.

⁹ Che' b_Λ tsi' jam_Λ i jo'p'ejlel sello, tsaj q'uele ti' yebal i pul_Λntib i majtan Dios i ch'ujlel pejtelel winicob x'ixicob tsa' b_Λ tsansantiyob cha'an xuc'ulob ti' t'an Dios, tsi' y_Λc'ayob ti c_Λjñel Cristo.

¹⁰ Tsi' cha'leyob c'am b_Λ t'an. Tsi' y_{ΛΛ}yob: C Yum lojon am b_Λ cab_Λ a p'at_Λlel, ch'ujulet, isujmet, ¿jala to mi caj a cha'len meloñel? ¿jala to mi caj a q'uextabeñoob i jontolil jini chumulo' b_Λ ti pañimil tsa' b_Λ i bec'beyon lojon c ch'ich'el? che'ob.

¹¹ Ti jujuntiquil tsa' aq'uentiyob s_Λs_Λc b_Λ i bujc wen p_Λl b_Λ. Tsa' subentiyob yom to mi' c'ajob i yo jinto mi' laj julelob i pi'lob ti e'tel yic'ot i yermanojob mu' b_Λ caj i tsansantelob ja'el.

¹² Tsaj q'uele che' b_Λ tsi' jam_Λ i w_Λcp'ejlel sello. Tsa' tili colem yujquel. Tsa' ic'a

q'uin. Tsa' sujti che' bajche' pisil melbil b_Λ ti' tsutsel chivo. Tsa' sujti jini uw che' bajche' ch'ich'.

¹³ Jini ec' ti panchan tsa' yajli ti lum che' bajche' mi' p'ajtel i wut higuera te' che' mi' ñijcan p'at_Λl b_Λ ic'.

¹⁴ Tsa' s_Λc jili panchan che' bajche' mi' b_Λjlel jun. Pejtelel wits tac yic'ot pejtelel lum tac joyol b_Λ ti ja' tsa' loc'santi ti' yajñib.

¹⁵ Jini reyob ti pañimil, yic'ot año' b_Λ i ye'tel, yic'ot wen chumulo' b_Λ, yic'ot i yaj capitañoob soldadojob, yic'ot jini p'at_Λlo' b_Λ, yic'ot pejtelel año' b_Λ ti' yum, yic'ot pejtelel mach b_Λ añobic ti' yum tsi' mucuyob i b_Λ ti ch'en tac yic'ot ti xajlel tac am b_Λ ti colem wits.

¹⁶ Tsi' pejcayob wits tac yic'ot xajlel tac: Yajlen ti joñon lojon. M_Λctabeñoon lojon i wut jini buchul b_Λ ti' yum_Λntel. M_Λctabeñoon lojon i mich'ajel jini Tiñame'.

¹⁷ Come tsa'ix tili ñuc b_Λ i q'uiñilel i mich'ajel. ¿Majqui mi mejlel i cuch? che'ob.

7

144,000 tsa' aq'uentiyob i sellojlel

¹ Ti wi'il tsaj q'uele chantiquil ángelob wa'alo' b_Λ ti ch_Λamp'ejl i xujc pañimil. Woli' tic'ob ch_Λnchajp ic' am b_Λ ti pañimil ame ñumic ti pañimil yic'ot ti colem ñajb yic'ot ti te'el.

² Tsaj q'uele ja'el yamb_Λ ángel woli' let-sel tilel ti' pasibal q'uin, chucul i cha'an i sellojlel jini cuxul b_Λ Dios. Ti c'am b_Λ t'an tsi' pejca jini chantiquil ángelob tsa' b_Λ aq'uentiyob i p'at_Λlel cha'an mi' tic'lañoob pañimil yic'ot colem ñajb.

³ Tsi' y_{ΛΛ}: Mach mi la' tic'lan jini lum mi colem ñajb mi te', jinto mi la c_Λc' i sellojlel Dios ti' pam i winicob Dios, che'en.

⁴ Tsa cubi jaytiquilob tsa' aq'uentiyob i sellojlel loq'uemo' b_Λ ti jujunmojt i p'olbal Israel. An wax_Λclujumpic (144,000).

⁵ Tsa' aq'uentiyob i sellojlel: lajch_Λmp'ejl mil (12,000) i p'olbal Judá, lajch_Λmp'ejl mil i p'olbal Rubén, lajch_Λmp'ejl mil i p'olbal Gad,

⁶ lajch_Λmp'ejl mil i p'olbal Aser, lajch_Λmp'ejl mil i p'olbal Neftalí, lajch_Λmp'ejl mil i p'olbal Manasés,

⁷ lajch_Λmp'ejl mil i p'olbal Simeón, lajch_Λmp'ejl mil i p'olbal Leví, lajch_Λmp'ejl mil i p'olbal Isacar,

⁸ lajch_Λmp'ejl mil i p'olbal Zabulón, lajch_Λmp'ejl mil i p'olbal José, yic'ot lajch_Λmp'ejl mil i p'olbal Benjamín.

Bajc'al winicob x'ixicob l_Λp_Λl i cha'añoob s_Λs_Λc b_Λ p_Λl b_Λ i bujc

⁹ Awilan, ti wi'il tsaj q'uele motocñayob winicob x'ixicob. Ma'aníc majqui tsa' mejli i tsicob. Ch'oyolob ti pejtelel tejclum tac, ti jujunmojt winicob, ti pejtelel lum yic'ot ti pejtelel t'an tac. Wa'alob ti' tojel i buchlib Dios, ti' tojlel jini Tiñame', l_Λp_Λl i cha'añoob p_Λl b_Λ i bujc s_Λs_Λc b_Λ. An i yopol xan ti' c'Λb.

¹⁰ Tsi' cha'leyob c'am b_Λ t'an. Tsi' y_ΛΛyob: Yujil coltaya lac Dios buchul b_Λ ti' ye'tel yic'ot jini Tiñame', che'ob.

¹¹ Pejtelel ángelob tsa' wa'leyob ti' joyt_Λlel i buchlib, ti' joyt_Λlel ancianojob yic'ot jini ch_Λntiquil querubiñoob. Tsi' p_Λcchocoyob i b_Λ ti' tojel i buchlib Dios. Tsi' ch'ujutesayob Dios.

¹² Tsi' y_ΛΛyob: Amén. La' lac suben i c'uxbintel yic'ot i ñuclél yic'ot i ña't_Λbal lac Dios. La' lac suben wocolix i y_ΛΛ cha'an i ñuclél yic'ot i p'_Λt_Λlel yic'ot i wersa ti pejtelel ora. Amén, che'ob.

¹³ Juntiquil anciano tsi' subeyon: ¿Majqui jini winicob l_Λp_Λl i cha'añoob s_Λs_Λc b_Λ i bujc? ¿Baqui ch'oyolob? che'en.

¹⁴ Tsac sube: C yum, a wujil jatet, cho'on. Tsi' subeyon: Tsa' loq'uiyob ti ñuc b_Λ wocol. Tsa'ix i wuts'uyob i pislel. Tsi' s_Λq'uesayob ti' ch'ich'el jini Tiñame'.

¹⁵ Jini cha'an w_Λ' añoob ti' tojel i buchlib Dios. Mi' cha'libeñoob i ye'tel ti q'uiñil ti ac'alel ti mal i Templo. Jini buchul b_Λ ti' yum_Λntel mi caj i yajñel yic'otob.

¹⁶ Ma'anix mi caj i ch_Λn ubiñoob wi'ñal mi tiquin ti'. Jini q'uin ma'anix mi caj i pulob. Ma'anix mi caj i yubiñoob ticwal.

¹⁷ Jini Tiñame' am b_Λ ti' tojel i buchlib Dios mi caj i c_Λntañoob. Mi caj i p_Λsbeñoob majlel cuxul b_Λ ja'. Dios mi caj i sujcubeñoob pejtelel i ya'lel i wut, che'en.

8

I wucp'ejlel sello

¹ Che' b_Λ tsi' jam_Λ i wucp'ejlel sello jini Tiñame', ñ_Λch'Λl tsa' c_Λle panchan che' bajche' ojilil ora.

² Tsaj q'uele jini wuctiquil ángelob wa'alo' b_Λ ti' tojel Dios. Tsa' aq'uentiyob wucts'ijt trompeta.

³ Tsa' tili yamb_Λ ángel. Tsa' wa'le ti' tojel i pul_Λntib i majtan Dios, chucul i cha'an i yajñib pom melbil b_Λ ti oro. Tsa' aq'uenti cab_Λl pom cha'an mi' x_Λb yic'ot i yoración pejtelel i cha'año' b_Λ Dios. Tsi' y_Λc'Λ ti pulel ti pam pul_Λntib melbil b_Λ ti oro ya' ti' tojel i buchlib Dios.

⁴ I buts'il jini pom tsa' b_Λ i y_Λc'Λ ti pulel jini ángel, tsa' letsi ti' tojlel Dios yic'ot i yoración winicob x'ixicob i cha'año' b_Λ Dios.

⁵ Jini ángel tsi' ch'Λm_Λ i yajñib pom. Tsi' but'u ti' nich c'ajc loq'uem b_Λ ti pul_Λntib. Tsi' choco jubel ti pañimil. Tsa' tili i t'an chajc, yic'ot cab_Λl t'an tac, yic'ot chajc yic'ot yujquel lum.

Wucts'ijt trompeta

⁶ Jini wuctiquil ángelob am b_Λ i cha'añoob wucts'ijt trompeta, tsi' chajpayob i b_Λ cha'an mi' wusob.

⁷ Jini ñaxan b_Λ ángel tsi' wusu i trompeta. Tsa' tili tuñija' yic'ot c'ajc x_Λb_Λl yic'ot ch'ich'. Tsa' chojqui jubel ti pañimil. Tsa' t'oxle yilal ti uxpejt. Tsa' puli jumpejt lum yic'ot te'el. Tsa' puli pejtelel y_Λjy_Λx pimmel.

⁸ I cha'ticlel ángel tsi' wusu i trompeta. An chuqui tsa' chojqui ochel ti colem ñajb. Che' yilal bajche' colem wits woli b_Λ ti pulel ti c'ajc. Tsa' t'oxle yilal jini colem ñajb ti uxpejt. Jumpejt tsa' p_Λnt_Λy_Λi ti ch'ich'.

⁹ Ti u'uxcojt cuxul b_Λ i ch_Λñil colem ñajb tsa' ch_Λmi jujuncojt. Ti u'uxp'ejl colem barco tsa' jili jujump'ejl.

¹⁰ I yuxticlel ángel tsi' wusu i trompeta. Tsa' yajli colem ec' ti lum. Woli ti lejmél che' bajche' taj. Ti u'uxp'ejl colem ja' yic'ot i loq'uib ja' tsa' yajli jini colem ec' ti pam jujump'ejl colem ja' yic'ot jujump'ejl i loq'uib ja'.

¹¹ I c'aba' jini ec' jiñ_Λch Ch'aj. Ti u'uxp'ejl ja' tsa' ch'aj'a jujump'ejl ya' ba' tsa' yajli ec'. Tsa' ch_Λmiyob cab_Λl winicob cha'an jini ja' come ch'aj'es_Λbil.

12 I ch'anticlel ángel tsi' wusu i trompeta. Tsa' ic'a ojilil (1/3) jini q'uin, yic'ot ojilil (1/3) jini uw, yic'ot ojilil jini ec'. Che' jini, ma'anic tsi' y'ac'Λ i sac'lel pañimil ba' i'ic', mi' ti q'uiñil mi' ti ac'Λlel.

13 Che' bΛ tsaj q'uele, tsa cubi juntiquil ángel woli bΛ ti wejlel ti ojilil panchan. Tsa cubibe i t'an che' c'am tsi' y'ΛΛ: Obol i bΛ, obol i bΛ, ñumen cabΛ wocol mi' caj i tajob jini chumulo' bΛ ti pañimil che' mi' yubiñob i t'an yambΛ uxp'ejl trompeta mu' bΛ caj i wusob jini yambΛ uxtiquil ángelob, che'en.

9

1 I jo'ticlel ángel tsi' wusu i trompeta. Tsaj q'uele jump'ejl ec' tsa' bΛ yajli ti panchan c'ΛΛΛ ti pañimil. Tsa' aq'uenti i llavejlel jini ch'en mach bΛ anix mi' tajben i yebal.

2 Tsi' jambe i ti' jini tam bΛ ch'en. Tsa' loq'ui but's' ti ch'en lajal bajche' i but's'il colem c'ajc. Tsa' ic'a jini q'uin yic'ot pañimil cha'an jini but's' loq'uem bΛ ti ch'en.

3 Tsa' loq'ui cabΛ sajc' ya' ti but's'. Tsa' pam pujqui ti pañimil. Tsa' aq'uenti i p'ΛΛlel che' bajche' i p'ΛΛlel siñan.

4 Tsa' subenti sajc' cha'an ma'anic mi' c'ux jam mi' pimel mi' te'. Cojach mi' c'uxob jini winicob mach bΛ añobic i sellojlel Dios ti' pam.

5 Ma'anic tsa' aq'uenti i p'ΛΛlel cha'an mi' ts'ansañoob winicob come tic'bilob. Pero tsa' aq'uenti i p'ΛΛlel cha'an mi' tic'lañoob jo'p'ejl uw cha'an mi' y'Λq'ueñob wocol che' bajche' i c'uxel i yej siñan che' mi' c'ux winic.

6 Ti jim bΛ ora winicob mi' caj i lon sac'lañoob bajche' mi' mejlel i chamelob. Ma'anic mi' caj i tajob. Anquese yomob chamel, mach mejlicob.

7 Che' yilal ili sajc' bajche' caballo chajp'abil bΛ cha'an guerra. An i corona tac ti' jol melbil bΛ ti oro. Che'Λch i wut bajche' i wut winicob.

8 Lajal i tsutsel i jol bajche' i tsutsel i jol x'ixic. Lajal i bΛquel i yej bajche' i bΛquel i yej colem bajlum.

9 An i sujł wechel ti' tajn lajal bajche' tsucu taq'uin. Lajal tsi' cha'le t'an i wich' bajche' cabΛ carreta mu' bΛ i tujc'an majlel caballo che' mi' cha'len ajñel ti guerra.

10 C'ux i ñej che' bajche' i ñej siñan. An i p'ΛΛlel ti' ñej cha'an mi' tic'lan winicob jo'p'ejl uw.

11 An i rey jini sajc', jiñach i yánel jini ch'en mach bΛ anix mi' tajben i yebal. I c'aba'Λch Abadón ti' t'an hebreo, jiñach Apolión ti' t'an griego. I sujmllel i c'aba' jiñach "Yujil bΛ Jisaya".

12 Tsa'ix ñumi jini ñaxan bΛ wocol. Aw-ilan, tal to yambΛ cha'yajl wocol.

13 I w'acticlel ángel tsi' wusu i trompeta. Tsa cubibe i t'an loq'uem bΛ ti ch'ants'ijt xulub am bΛ ti jini pul'antib melbil bΛ ti oro ya' ti' tojel Dios.

14 I w'acticlel ángel, jini chucul bΛ i cha'an trompeta tsa' subenti: Jiti jini ch'antiquil ángelob c'achalo' bΛ ti colem ja' i c'aba' Eufates. Che' tsa' subenti.

15 Tsa' jijtiyob jini ch'antiquil ángelob chajp'abilo' bΛ cha'an ili ora, yic'ot ili q'uin, yic'ot ili uw, yic'ot ili jabil cha'an mi' ts'ansañoob winicob, jujuntiquil loq'uem bΛ ti u'uxtiquil.

16 I tsicol jini cabΛ soldadojob c'achalo' bΛ ti caballo jiñach lujunc'al millón. Tsa cubi jaybajc' i tsicol.

17 Tsaj q'uele cabΛ caballo yic'ot jini c'achalo' bΛ. An i majquil i tajn jini c'achalo' bΛ, ch'achac bajche' c'ajc, y'ajyΛx bajche' jacinto, c'anc'Λn bajche' azufre. Che' yilal i jol caballo bajche' i jol colem bajlum. Tsa' loq'ui c'ajc ti' yej yic'ot but's' yic'ot azufre.

18 Tsa' ts'ansantiyob winicob jujuntiquil loq'uem bΛ ti u'uxtiquil, cha'an ti' caj jini uxchajp wocol, c'ajc yic'ot but's' yic'ot azufre, tsa' bΛ loq'ui ti' yej caballo.

19 Come an i p'ΛΛlel ti' yej yic'ot ti' ñej jini caballo. Che' yilal i ñej bajche' lucum. An tac i jol ti' ñej. Tsi' c'añayob i low winicob.

20 YambΛ winicob mach bΛ anic tsa' chamiyob ti jini wocol ma'anic tsi' c'ayayob i mel jontol bΛ i melbal. Ma'anic tsi' c'ayayob i ch'ujutesan xibajob, yic'ot dios oro tac, yic'ot dios plata tac, yic'ot dios c'anc'Λn taq'uin tac, yic'ot dios xajlel tac, yic'ot dios te' tac, mach bΛ anic mi' c'otel i wut, mach bΛ anic mi' yubin t'an, mach bΛ yujilic xΛmbal.

21 Ma'anic tsi' c'ayayob ts'ansa, mi' wujt, mi' ts'i'lel, mi' xujch'.

10

Jini ángel am b_Λ al_Λ jun ti' c'ab

¹ Tsaj q'uele tsa' loq'ui ti panchan yamb_Λ p'at_Λ b_Λ ángel. Tsa' jubi tilel. An tocal ti' joyt_Λlel. An t'ox ja' ti' chañelal i jol. Che' yilal i wut bajche' q'uin. Che'ach i yoc bajche' wa'al b_Λ c'ajc.

² Ya' ti' c'ab an al_Λ jun yujil b_Λ b_Λjlel. Jambil. Tsi' y_Λc'Λ ñoj b_Λ i yoc ti' pam colem ñajb. Tsi' y_Λc'Λ ts'ej b_Λ i yoc ti' pam lum.

³ Wen c'am tsi' cha'le oñel che' bajche' mi' cha'len t'an colem bajlum. Che' b_Λ tsa' ujt_i ti oñel, wucyajl tsi' cha'le t'an chajc.

⁴ Che' wucyajl tsa' ujt_i ti t'an chajc tsa' c_ΛΛ cajel ti ts'ijb. Tsa cubi t'an loq'uem b_Λ ti panchan. Tsi' subeyon: Ñup'u ti sello chuqui tsi' subu che' wucyajl tsi' cha'le t'an chajc. Mach a ts'ijban, che'en.

⁵ Jini ángel tsa' b_Λ j q'uele, jini xat wa'al b_Λ ti colem ñajb yic'ot ti lum, tsi' letsa i c'ab ti panchan.

⁶ Tsi' subu t'an ti' c'aba' jini cuxul b_Λ ti pejtelel ora, tsa' b_Λ i mele panchan yic'ot i b_Λl, yic'ot pañimil yic'ot i b_Λl, yic'ot colem ñajb yic'ot i b_Λl. Tsi' y_ΛΛ mach ch_Λn jalix mi caj i jilel pañimil.

⁷ Che' mi' cha'len t'an i wucticlel ángel, che' mi' cajel i wus trompeta, mi' caj ti ts'actiyel i sujmllel Dios maxto b_Λ tsic-tiyemic ti yamb_Λ ora che' bajche' Dios tsi' sube i winicob, jini x'alt'añob, che'en.

⁸ Jini t'an tsa' b_Λ cubi loq'uem b_Λ ti panchan tsi' cha' pejcayon. Tsi' y_ΛΛ: Cucu. Ch'Λm_Λ jini jam_Λ b_Λ jun am b_Λ ti' c'ab jini ángel xat wa'al b_Λ ti' pam colem ñajb yic'ot ti' pam lum, che'en.

⁹ Jini cha'an tsa' majliyon ya' ba'an jini ángel. Tsac sube yom mi' y_Λq'ueñon jini al_Λ jun. Jini ángel tsi' subeyon: Ch'Λm_Λ, c'uxu. Ch'aj mi caj a wubin ti a ñac'. Pero tsaj mi caj a wubin ti a wej lajal bajche' i tsajel chab, che'en.

¹⁰ Tsac ch'Λm_Λ jini al_Λ jun am b_Λ ti' c'ab ángel. Tsaj c'uxu. Tsa cubi ti quej tsaj che' bajche' chab. Che' b_Λ tsa' ujt_i j c'ux, ch'aj tsa cubi tic ñac'.

¹¹ Tsi' subeyon: Wersa ma' cha' sub chuqui mi caj i tajob cab_Λl winicob x'ixicob yic'ot i reyob cab_Λl tejclum tac, yujilo' b_Λ cab_Λl t'an ti chajp ti chajp, che'en.

11

Cha'tiquil mu' b_Λ caj i y_Λc'ob ti c_Λjñel Jesu-cristo

¹ Tsa' aq'uentiyon junts'ijt am_Λy lajal bajche' vara. Tsa' subentiyon: Ch'ojyen. P'isi i Templo Dios yic'ot i pul_Λntib i majtan Dios yic'ot jini mu' b_Λ i ch'ujutesañob Dios ya' ti Templo.

² Mach a p'is i pam Templo am b_Λ ti' mal corral. La' to ajnic. Aq'uebilix gentilob. Cha'p'ejl i yuxc'al (42) uw mi caj i t'uchtañob jini ch'ujul b_Λ tejclum.

³ Mi caj c_Λq'uen i p'at_Λlel cha'tiquil testigo mu' b_Λ caj i y_Λc'oñob ti c_Λjñel. Uxc'al i ch_Λm_Λbajc' (1,260) q'uin mi caj i cha'leñob subt'an, l_Λp_Λl i cha'añob i pislel melbil b_Λ ti' tsutsel chivo.

⁴ Jini cha'tejc olivo te' yic'ot cha'ts'ijt i yajñib nichim i yejtalob_Λch jini cha'tiquil testigojob wa'alo' b_Λ ti' tojel i Yum pañimil.

⁵ Che' an majqui yom i lowob mi' loq'uel c'ajc ti' yejob cha'an mi' jisan i contrajob. Che'ach mi' caj ti wersa jilel jini yom b_Λ i low jini cha'tiquil.

⁶ Añob i p'at_Λlel jini cha'tiquil cha'an mi' ñup'ob panchan cha'an ma'anic mi' y_Λc' ja'al ba' ora woliyob ti subt'an. Añob i p'at_Λlel cha'an mi' p_Λntesan ti ch'ich' i loq'uib ja'. Añob i p'at_Λlel cha'an mi' tic'lañob pañimil ti cab_Λl wocol che' bajche' jayyajl yomob.

⁷ Che' mi' yujtel i ye'tel jini cha'tiquil testigo, mi caj i tilel jini jontol b_Λ b_Λate'el mu' b_Λ i letsel loq'uel ti ch'en mach b_Λ anix mi' tajben i yebal. Mi caj i tech guerra ti' contra jini cha'tiquil. Mi caj i m_Λjlel i cha'an. Mi caj i ts_Λnsan jini cha'tiquil.

⁸ Mi caj i ñol c_Λyt_Λlob i b_Λc'tal jini ch_Λmeño' b_Λ ti colem bij ti colem tejclum ya' ba' tsa' ch'ijle ti cruz i Yum. An i c'aba' ti lajiya Sodoma yic'ot Egipto.

⁹ Cab_Λl winicob ch'oyolo' b_Λ ti cab_Λl tejclum ti cab_Λl lum yujilo' b_Λ cab_Λl t'an ti chajp ti chajp mi caj i q'uelbeñob i b_Λc'tal jini ch_Λmeño' b_Λ ojilil i ch_Λm_Λp'ejl q'uin, come mach yomobic i y_Λc'ob i t'an cha'an mi' mujquelob.

¹⁰ Tijicñayob i pusic'al jini chumulo' b_Λ ti pañimil ti' tojlelob. Mi' q'uext_Λbeñob i b_Λ i majtan, come ñucob i pusic'al cha'an tsa'

jiliyob jini cha'tiquil, come tsi' tic'layob jini chumulo' b_Λ ti pañimil.

¹¹ Che' ñumenix ojilil i ch_Λmp'ejl q'uin, Dios tsi' cha' ots_Λbeyob i ch'ujlel cha'an mi' cuxt_Λyelob. Tsa' wa'leyob ti' yoc. Wen cab_Λl tsi' cha'leyob b_Λq'uen jini tsa' b_Λ i q'ueleyob.

¹² Jini cha'tiquil x'alt'añob tsi' yubiyob c'am b_Λ t'an loq'uem b_Λ ti panchan. Tsi' subeyob: Letsenla tilel ilayi, che'en. Tsa' letsiyob majlel ti panchan ti tocal. Jini i contrajob tsi' q'ueleyob.

¹³ Ti jim b_Λ ora tsa' tili colem yujquel. Tsa' t'oxle yilal tejclum ti lujumpejt. Jumpejt tsa' jili. Tsa' ch_Λmiyob ojilil i wax_Λclujumbajc' (7,000) winicob cha'an jini yujquel. Jini cuxulob to b_Λ tsa' wen cajiyoob ti b_Λq'uen. Tsi' subuyob ñuc Dios am b_Λ ti panchan.

¹⁴ Tsa' ujt_i ti ñumel i cha'yajlel wocol. Awilan, mi caj i b_Λc' tilel i yuxyajlel wocol.

I wucp'ejlel trompeta

¹⁵ I wucticlel ángel tsi' wusu i trompeta. Tsa' cajiyoob ti c'am b_Λ t'an ti panchan. Tsi' y_Λl_Λyob: I yum_Λntel tac pañimil tsa'ix ochi ti' wenta lac Yum yic'ot ti' wenta Cristo. Mi caj i cha'len yum_Λl ti pejtelel ora, che'ob.

¹⁶ Jini ch_Λntiquil i cha'c'al (24) ancianojob buchulo' b_Λ ti' ye'tel ti' tojel Dios tsi' p_Λcchocoyob i b_Λ. Tsi' ch'ujutesayob Dios.

¹⁷ Tsi' y_Λl_Λyob: Ma'anic i p'isol a p'_Λt_Λlel. Wocolix a w_Λl_Λ c Yum Dios, am b_Λ w_Λle yic'ot ti wajali yic'ot ti talto b_Λ ora, come tsa'ix a c'_Λñ_Λ ñuc b_Λ a p'_Λt_Λlel. Tsa'ix caji a yum_Λntel.

¹⁸ Mich'ob jini año' b_Λ ti pejtelel pañimil. Wolix a p_Λs a mich'lel. I yorajlelix ma' mel jini ch_Λmeño' b_Λ. I yorajlelix ma' w_Λq'ueñoob i chobejt_Λbal a winicob yic'ot x'alt'añob a cha'an, yic'ot pejt_Λ a cha'año' b_Λ mu' b_Λ i b_Λc'ñ_Λñoob a c'aba', jini ch'o'ch'oco' b_Λ yic'ot jini ñuco' b_Λ. I yorajlelix ma' jisan jini mu' b_Λ i jisañoob pañimil. Che' tsi' y_Λl_Λyob.

¹⁹ Tsa' jajmi i templo Dios ya' ti panchan. I caxajlel jini trato b_Λ i t'an Dios tsa' q'uejli ti' mal templo. Tsa' caji ti tsictiyel i xu'il chajc tac, yic'ot c'am b_Λ t'an tac, yic'ot i t'an tac chajc, yic'ot yujquel lum, yic'ot colem tuñija'.

12

Jini x'ixic yic'ot jini colem b_Λ ajin

¹ Tsa' tsictiyi ñuc b_Λ i yejtal i p'_Λt_Λlel Dios ti panchan: juntiquil x'ixic l_Λp_Λl b_Λ i cha'an q'uin. An uw ti' yebal i yoc. C'_Λc_Λl ti' jol jump'ejl corona melbil b_Λ ti lajch_Λmp'ejl (12) ec'.

² C_Λnt_Λbil to i yalobil jini x'ixic. Tsa' caji ti wocol. Tsi' cha'le oñel che' woli ti bajq'uel, come i yorajlelix mi' yilan pañimil i yalobil.

³ Tsa' tsictiyi yamb_Λ i yejtal i p'_Λt_Λlel ti panchan. Awilan, an colem ajin ch_Λch_Λc b_Λ. An wucp'ejl i jol yic'ot lujunts'ijt i xulub. An wucxojt i corona.

⁴ I ñej tsi' tujc'a cab_Λl ec' ti panchan. Tsi' choco jubel ti lum jujump'ejl ec' loq'uem b_Λ ti u'uxp'ejl. Jini ajin tsa' wa'le ti' tojel x'ixic che' woli ti bajq'uel cha'an mi' c'uxben i yalobil che' mi' yilan pañimil.

⁵ Tsi' yila pañimil ch'iton b_Λ i yalobil mu' b_Λ caj i cha'len yum_Λl ti pejtelel tejclum tac, chucul i cha'an vara yilal melbil b_Λ ti tsucu taq'uin. Tsa' p_Λji letsel i yalobil ba'an Dios c'_Λl_Λl ti' buchlib Dios.

⁶ Tsa' puts'i majlel jini x'ixic ti jochol b_Λ lum ba' chajp_Λbil i yajñib ti Dios cha'an ya'i mi' we's_Λntel jini x'ixic uxc'al i ch_Λmbajc' (1,260) q'uin.

⁷ Ti wi'il tsa' caji guerra ti panchan. Miguel yic'ot i yángelob tsi' cha'leyob guerra ti' contra jini ajin yic'ot i yángelob jini ajin.

⁸ Tsa' m_Λji i cha'an Miguel. Ma'anix tsa' ch_Λn tajle ti panchan i yajñib jini ajin yic'ot i yángelob.

⁹ Tsa' chojqui jubel jini colem ajin. Jiñ_Λch jini oñiyix b_Λ lucum, am b_Λ cha'chajp i c'aba', xiba yic'ot Satanás. Jiñ_Λch mu' b_Λ i lotin pejt_Λl winicob ti pañimil. Tsa' chojqui jubel ti lum yic'ot pejtelel i yángelob.

¹⁰ Tsa' cubi c'am b_Λ t'an ti panchan. Tsi' y_Λl_Λ: Tsa'ix tili i colt_Λntel winicob x'ixicob yic'ot i p'_Λt_Λlel yic'ot i yum_Λntel lac Dios yic'ot i p'_Λt_Λlel Cristo. Come tsa'ix chojqui jubel jini mu' b_Λ i sub i mul la quermanojob. Mi' sub lac mul ti' tojlel Dios ti q'uiñil ti ac'_Λlel.

¹¹ Jini hermanojob tsi' m_Λlbeyob xiba cha'an ti' ch'ich'el jini Tiñ_Λme' yic'ot i t'an tsa' b_Λ i subeyob. Ma'anic tsi' c'uxbiyob

i cuxtalel che' b_Λb_Λq'uen mi' y_Λq'uelob ti ch_Λmel.

¹²Yom tijicña panchan yic'ot chumulo' b_Λ ti panchan. Obol la' b_Λ añet b_Λ la ti pañimil yic'ot ti colem ñajb, come jini xiba tsa'ix jubi tilel ba' añetla. An cab_Λ i mich'ajel come yujil l_Λc'Λlix i yorajlel, che'en.

¹³Jini ajin che' b_Λ tsi' q'uele chocabilix jubel ti lum, tsa' caji i yajñesan majlel jini x'ixic tsa' b_Λ i y_Λc'Λ ti pañimil ch'iton b_Λ i yalobil.

¹⁴Tsa' aq'uenti jini x'ixic cha'q'uejl i wich'che' bajche' i wich' colem xiye' cha'an mi' puts'tan xiba. Tsi' cha'le wejlel majlel ti jochol b_Λ lum ti' yajñib. Ya' tsa' we'santi jump'ejl jab yic'ot cha'p'ejl jab yic'ot ojlii jab.

¹⁵Jini lucum tsi' beq'ue loq'uel ja' ti' yej che' bajche' colem ja'. Tsi' chocbe majlel ti' pat jini x'ixic cha'an mi' jisan ti but'ja'.

¹⁶Jini lum tsi' colta jini x'ixic. Jini lum tsi' cawa i yej yilal. Tsi' jap_Λ jini colem ja' tsa' b_Λ bejq'ui loq'uel ti' yej ajin.

¹⁷Jini ajin cab_Λ tsi' mich'le jini x'ixic. Tsa' majli i cha'len guerra ti' contra pejtél i p'olbal x'ixic mu' b_Λ i jac'beñob i mandar Dios, mu' b_Λ i ñopbeñob i t'an Jesucristo.

13

Cha'cojt jontol b_Λ bate'el

¹Tsa' wa'leyon ti' ji'il colem ñajb. Tsaj q'uele jontol b_Λ bate'el woli b_Λ i loq'uel ti colem ñajb. An wucp'ejl i jol yic'ot lujunts'ijt i xulub yic'ot lujunxojt corona ti' xulub. Ya' ti' jol tac otsabil i c'aba' jini mu' b_Λ i p'aj Dios.

²Tsaj q'uele lajal_Λch jini jontol b_Λ bate'el bajche' c'Λnbo'lay. Che' yilal i yoc bajche' i yoc oso. Lajal i yej bajche' i yej colem bajlum. Jini ajin tsi' y_Λq'ue i p'Λt_Λlel yic'ot i buchlib yic'ot ñuc b_Λ i ye'tel.

³Tsaj q'uele an i lojwel ti jump'ejl i jol. Colelix i ch_Λmel. Tsa' lajmi i lojwel. Pejtelel año' b_Λ ti pañimil tsi' tsajcayob jini jontol b_Λ bate'el. Tsa' toj sajtiyob i pusic'al.

⁴Tsi' ch'ujutesayob jini ajin, come jini ajin tsi' y_Λq'ue i ye'tel jontol b_Λ bate'el. Tsi' ch'ujutesayob jini jontol b_Λ bate'el ja'el. Tsi' y_Λayob: ¿Bacan yamb_Λ lajal bajche' jini

jontol b_Λ bate'el? ¿Majqui mi mejlel i cha'len guerra ti' contra? che'ob.

⁵Tsa' aq'uenti i p'Λt_Λlel ti t'an cha'an mi' chañ'esan i b_Λ cha'an mi' p'aj Dios. Tsa' aq'uenti i p'Λt_Λlel cha'an mi' cha'len mandar cha'p'ejl i yuxc'al (42) uw.

⁶Tsi' c'Λñ_Λ i yej i contrajin Dios. Tsi' p'ajbe Dios yic'ot i c'aba' Dios, yic'ot i chumlib, yic'ot jini chumulo' b_Λ ti panchan.

⁷Tsa' aq'uenti i cha'len guerra ti' contra i cha'año' b_Λ Dios cha'an mi' m_Λlob. Tsa' aq'uenti i ye'tel ti yum_Λ ti' tojlel winicob x'ixicob año' b_Λ ti pejtél tejclum tac yujilo' b_Λ t'an ti chajp ti chajp.

⁸Pejtelel woliyo' b_Λ ti chumt_Λl ti pañimil, mach b_Λ otsabilic i c'aba' ti jini jun ba' otsabilob i c'aba' jini año' b_Λ i cuxtalel c'Λl_Λ ti' tejchibal pañimil, mi caj i ch'ujutesañob jini bate'el. Jini jun i cha'añach jini Tiñame' tsa' b_Λ tsansanti.

⁹Majqui an i chiquin la' i yubin.

¹⁰Jini mu' b_Λ caj ti c_Λjchel c_Λch_Λl mi' majlel. Jini mu' b_Λ i cha'len tsansa ti espada wera mi caj i tsansantel ti espada. Che' jini mi' tsictiyel i p'Λt_Λlel i cha'año' b_Λ Dios ti' cuchol wocol, yic'ot i xuc't_Λlel i pusic'al che' mi' ñopob Dios.

¹¹Ti wi'il tsaj q'uele yamb_Λ jontol b_Λ bate'el. Tsa' loq'ui tilel ti lum. An cha'ts'ijt i xulub lajal bajche' i xulub al_Λ tat tiñame', pero tsi' cha'le t'an che' bajche' ajin.

¹²Lajal i p'Λt_Λlel bajche' jini ñaxan b_Λ jontol b_Λ bate'el. Tsi' cha'le e'tel ti' tojlel jini ñaxan b_Λ. Tsi' xic'beyob pejtelel pañimil yic'ot pejtelel año' b_Λ ti pañimil cha'an mi' ch'ujutesañob jini ñaxan b_Λ bate'el tsa' b_Λ lajmi i lojwel.

¹³Tsi' p_Λs_Λ cab_Λ ñuc tac b_Λ i yejtal i p'Λt_Λlel. Tsi' p_Λy_Λ loq'uel c'ajc ti panchan. Tsi' ju'sa ti lum ti' tojlel winicob.

¹⁴Tsi' loti pejtél chumulo' b_Λ ti pañimil yic'ot i yejtal i p'Λt_Λlel tsa' b_Λ aq'uenti i p_Λs ti' tojlel jini jontol b_Λ bate'el. Tsi' y_Λq'ueyob mandar jini chumulo' b_Λ ti pañimil cha'an mi' melob i yejtal jini jontol b_Λ bate'el tsa' b_Λ lojwi ti espada, tsa' b_Λ cha' coli.

¹⁵Tsa' aq'uenti i p'Λt_Λlel cha'an mi' y_Λq'uen i ch'ujlel i yejtal jini ñaxan b_Λ bate'el cha'an mi' cha'len t'an yic'ot cha'an mi' y_Λc' ti tsansantel majqui jach mach yomic i ch'ujutesan.

¹⁶ Tsi' y_{ΛC}'_Λ i t'an cha'an mi' ts'ijbubentel i marcajlel pejtelel winicob x'ixicob ti ñoj b_Λ i c'ab o ti' pam. Jini ñuco' b_Λ yic'ot ch'o'ch'oco' b_Λ, jini wen chumulo' b_Λ yic'ot jini mach b_Λ añobic i chub_Λ'an, jini librejo' b_Λ yic'ot año' b_Λ ti' yum, tsa' laj ts'ijbubentiyob.

¹⁷ Ma'anic majch tsa' mejli i cha'len choñoñel mañoñel che' ma'anic i marcajlel. I marcajlel jiñach i c'aba' jini jontol b_Λ b_Λte'el o mi i númerojlel i c'aba'.

¹⁸ Jiñach i sujmllel yom b_Λ mi la' ña'tan. Jini am b_Λ i ña't_Λbal la' i p'is ti wenta i númerojlel jini jontol b_Λ b_Λte'el. Jiñach i númerojlel i c'aba' winic. I númerojlel jiñach seiscientos sesenta y seis (666).

14

I c'ay jini colt_Λbilob' b_Λ

¹ Tsaj q'uele awilan ya'an jini Tiñame' ti' pam wits i c'aba' Sion yic'ot wax_Λclujumpic (144,000) winicob x'ixicob. Ya' ti' pamob ts'ijbubil i c'aba' jini Tiñame' yic'ot i c'aba' i Tat.

² Tsa cubi t'an loq'uem b_Λ ti panchan lajal bajche' i t'an cab_Λl ja' yic'ot c'am b_Λ i t'an chajc. Lajal jini t'an tsa' b_Λ cubi che' bajche' i t'an arpa che' woli' nijc_Λntel.

³ Tsi' cha'leyob tsiji' b_Λ c'ay ti' tojel i buchlib Dios yic'ot ti' tojel jini chantiquil querubín yic'ot ti' tojel jini ancianojob. Ma'anic majch tsa' mejli i c_Λn jini c'ay, cojach jini wax_Λclujumpic winicob x'ixicob tsa' b_Λ majñiyob loq'uel ti' tojlel año' b_Λ ti pañimil.

⁴ Jiñobach s_Λco' b_Λ mach b_Λ anic tsi' p_Λy_Λyob i yijñam. Mi' tsajcañob jini Tiñame' baqui jach mi' majlel. Tsa' majñiyob loq'uel ti' tojlel i pi'lob. Jiñobach jini ñaxan pac' ti' tojlel Dios yic'ot jini Tiñame'.

⁵ Mach yujilobic lot, come ma'añobic i bibi'lel ti' tojel i buchlib Dios.

Jini uxtiquil ángelob

⁶ Tsaj q'uele yamb_Λ ángel woli b_Λ ti wejlel ti ojlil panchan, ch'_Λm_Λl i cha'an jini wen t'an am b_Λ ti pejtelel ora cha'an mi' subeñoob jini chumulo' b_Λ ti pañimil yic'ot jini año' b_Λ ti pejtelel tejclum tac yic'ot pejtelel winicob x'ixicob yujilo' b_Λ t'an ti chajp ti chajp.

⁷ C'am tsi' cha'le t'an. Tsi' y_Λl_Λ: B_Λc'ñanla Dios. Subenla i ñucllel. Tsa'ix tili i yorajlel cha'an mi' cha'len meloñel. Ch'ujutesanla jini tsa' b_Λ i mele panchan yic'ot pañimil, yic'ot colem ñajb, yic'ot i loq'uib ja' tac, che'en.

⁸ Yamb_Λ ángel, i cha'ticlel b_Λ, tsi' tsajca tilel. Tsi' y_Λl_Λ: Jejmenix, jejmenix Babilonia, jini colem tejclum, come tsi' y_Λq'ueyob i jap vino pejtelel año' b_Λ ti pañimil. Jini vino jiñach i yejtal i ts'i'lel Babilonia, che'en.

⁹ Yamb_Λ ángel, i yuxticlel b_Λ, tsi' tsajca tilel. Tsi' y_Λl_Λ ti c'am b_Λ t'an: Mi an majqui mi' ch'ujutesan jini jontol b_Λ b_Λte'el yic'ot i yejtal, mi an majqui mi' ch'_Λmben i ts'ijbal ti' pam mi ti' c'ab,

¹⁰ mi caj i y_Λq'uentel i jap vino i yejtal b_Λ i mich'ajel Dios. Mach x_Λb_Λlic yic'ot ja' i mich'ajel mu' b_Λ caj i choc tilel. Mi caj i tic'lan ti c'ajc yic'ot azufre ti' tojel jini ch'ujul b_Λ ángelob, yic'ot ti' tojel jini Tiñame'.

¹¹ I butsil i wocol jini winicob mi' letsel majlel ti pejtelel ora. Jini mu' b_Λ i ch'ujutesañob jini jontol b_Λ b_Λte'el yic'ot i yejtal yic'ot jini mu' b_Λ i ch'_Λmbeñoob i c'aba' ma'anic mi' c'ajob i yo, mi ti q'uiñil mi ti ac'lel, che'en.

¹² Jini cha'an la' i cuchob wocol ti' xuc't_Λlel i pusic'al i cha'año' b_Λ Dios mu' b_Λ i jac'beñoob i mandar Dios yic'ot i c_Λntes_Λbal Jesús.

¹³ Tsa cubi t'an loq'uem b_Λ ti panchan. Tsi' subeyon: Ts'ijban: "Tijicñayob ti pejtelel ora jini ch_Λmeño' tsa' b_Λ ch_Λmiyob che' añoob ti lac Yum". Tijicñayob cu, che'en jini Espíritu, come mi caj i c'ajob i yo. Tsi' cha'leyob wocol e'tel pero woli' c'ajbeñoob i wut i melbal, che'en.

I yorajlel c'ajbal ti pañimil

¹⁴ Awilan, tsaj q'uele total wen s_Λs_Λc b_Λ. Ya' buchul ti total tsaj q'uele i Yalobil Winic. C'_Λc_Λl ti' jol i corona melbil b_Λ ti oro. Chucul ti' c'ab locol b_Λ machit, jay b_Λ i yej.

¹⁵ Tsa' loq'ui ti Templo yamb_Λ ángel. C'am tsi' cha'le t'an. Tsi' pejca ti c'am b_Λ t'an jini buchul b_Λ ti total: Wejlun majlel a machit. Cha'len c'ajbal, come tsa'ix tili i yorajlel. Wen tiquinix i wut ti pañimil, che'en.

16 Jini buchul b_Λ ti tocal tsa' caji i wejlun majlel jini machit ti pañimil. Tsi' loto jini winicob x'ixicob.

17 Yamb_Λ ángel tsa' loq'ui ti Templo am b_Λ ti panchan. Chucul i cha'an ja'el locol b_Λ machit, jay b_Λ i yej.

18 Yamb_Λ ángel tsa' loq'ui ba'an i pulantib i majtan Dios. An i p'at_Λlel cha'an mi' jisan pañimil ti c'ajc. C'am tsi' cha'le t'an. Tsi' pejca jini am b_Λ i machit jay b_Λ i yej. Tsi' y_ΛΛ: Wejlun majlel a machit jay b_Λ i yej. Tempan jini tsoc'ol b_Λ ts'usub ti pañimil, come c'Λnix jini ts'usub, che'en.

19 Jini ángel tsi' wejlu majlel i machit ti pañimil. Tsi' laj tempa i wut ts'usubil ti pañimil. Tsi' choco ochel ts'usub ti' y_Λjts'ib, i yejtal b_Λ i mich'ajel Dios.

20 Tsa' t'ucht_Λnti ts'usub ya' ti' y_Λjts'ib ti junwejl tejclum. Tsa' loq'ui ch'ich' ti' y_Λjts'ib ts'usub. Tsa' tam'a letsel c'Λ_ΛΛ ti' taq'uiñal i yej caballo, Jo'c'al legua i ñajtlel.

15

Wuctiquil ángelob yic'ot wucchajp wocol

1 Tsaj q'uele yamb_Λ i yejtal i p'at_Λlel Dios ti panchan, wen ñuc, wen b_Λb_Λq'uen: wuctiquil ángelob yic'ot wucchajp wocol cha'an mi' tic'lañob winicob. Jini wucchajp wocol jiñach jini cojix b_Λ wocol tac, come jiñach i ts'actiyib i mich'ajel Dios.

2 Ya' tsaj q'uele ñajb melbil b_Λ ti espejo yilal, x_Λb_ΛΛ ti c'ajc. Ya' añob winicob tsa' b_Λ i m_ΛΛyob jontol b_Λ b_Λte'el yic'ot i yejtal, yic'ot i númerojlel i c'aba'. Wa'alobix ti' pam colem ñajb melbil b_Λ ti espejo. An i cha'añob cab_Λl arpa aq'uebilo' b_Λ i cha'an Dios.

3 Tsi' c'ayiyob i c'ay Moisés, i winic Dios, yic'ot i c'ay jini Tiñame'. Tsi' y_ΛΛyob: Wen ñuc, wen uts'at pejtelel a melbal c Yum Dios, jatet Mach b_Λ Anic i P'isol a P'at_Λlel. Toj a bijlel, isujm ja'el. Jatet i Reyete pejtet i cha'año' b_Λ Dios.

4 C Yum, ζ_{am} ba winic mach b_Λ anic mi caj i b_Λc'ñ_Λbeñet a c'aba', mach b_Λ anic mi caj i ñuq'ues_Λbeñet a c'aba'? Come jatet jach ch'ujulet. Jini cha'an pejtet año' b_Λ ti pañimil mi caj i tilelob i ch'ujutesañet, come tsa' tsictiyi toj b_Λ a meloñel. Che' tsi' c'ayiyob.

5 Ti wi'il tsaj q'uele, awilan, tsa' jajmi jini Templo, i yotlel Dios am b_Λ ti panchan, ba' lotol i ts'ijbujel Dios.

6 Tsa' loq'uiyob ti Templo wuctiquil ángelob chucul i cha'añob wucchajp wocol. Jini ángelob l_Λp_Λlob i cha'an s_Λc b_Λ i pislel, c'ax uts'atax b_Λ, s_Λs_Λc jax. C_Λchbil oro ti' tajn.

7 Juntiquil querubín am b_Λ i ye'tel yic'ot jini uxtiquil tsi' y_Λq'ueyob jini wuctiquil ángelob wucp'ejl taza melbil b_Λ ti oro. But'ul jini wucp'ejl taza ti' mich'ajel Dios, jini cuxul b_Λ ti pejtelel ora.

8 Tsa' bujt'i jini Templo ti but's cha'an i ñuclél Dios yic'ot cha'an i p'at_Λlel. Ma'anic majqui tsa' mejli ti ochel ti Templo jinto tsa' ujtí jini wucchajp wocol tsa' b_Λ i ch'Λm_Λyob tilel jini wuctiquil ángelob.

16

Wucp'ejl taza but'ul b_Λ ti' mich'ajel Dios

1 Tsa cubi wen c'am b_Λ t'an loq'uem b_Λ ti templo. Tsi' sube jini wuctiquil ángelob: Cucula. Beq'uela jubel ti lum i b_ΛΛ jini wucp'ejl taza but'ul b_Λ ti' mich'ajel Dios, che'en.

2 Tsa' tili jini ñaxan b_Λ ángel. Tsi' beq'ue i b_ΛΛ taza ti pañimil. Tsa' p'ojli leco jax b_Λ tsoy ti jini winicob am b_Λ i cha'añob i ts'ijbal jini jontol b_Λ b_Λte'el, jini winicob tsa' b_Λ i ch'ujutes_Λbeyob i yejtal.

3 I cha'ticlel ángel tsi' beq'ue i b_ΛΛ taza ti colem ñajb. Tsa' p_Λnt_Λyí colem ñajb ti ch'ich' che' bajche' i ch'ich'el ch_Λmen b_Λ winic. Tsa' ch_Λmi pejtelel cuxul tac b_Λ am b_Λ ti colem ñajb.

4 I yuxticlel ángel tsi' beq'ue i b_ΛΛ taza ti colem ja' tac yic'ot i loq'uib tac ja'. Tsa' p_Λnt_Λyí ti ch'ich'.

5 Tsa cubibe i t'an jini ángel am b_Λ ti wenta cab_Λl ja' tac. Tsi' y_ΛΛ: Tojet, c Yum, añet b_Λ w_Λle yic'ot ti wajali. Ch'ujulet come tsa'ix a cha'le meloñel ti' tojlelob.

6 Come tsi' bec'beyob i ch'ich'el i cha'año' b_Λ Dios yic'ot i ch'ich'el jini x'alt'añob. W_Λle tsa'ix a w_Λq'ueyob i japob ch'ich'. Che'Λch yom cha'an i mulob, che'en.

7 Che' jini tsa cubi t'an tsa' b_Λ loq'ui ti' pulantib i majtan Dios. Tsi' y_ΛΛ: Melel, c Yum Dios, Mach b_Λ Anic i P'isol a P'at_Λlel.

Ma' cha'len meloñel ti isujm yic'ot ti toj, che'en.

⁸ I ch^{ant}iclel ángel tsi' beq'ue i b^{al} taza ti q'uin. Tsa' aq'uenti i p'^{at}alel q'uin cha'an mi' pul winicob ti c'ajc.

⁹ Tsa' puliyob ti cab^{al} ticwal. Tsi' p'ajbeyob i c'aba' Dios am b^{al} i p'^{at}alel cha'an mi' y^{ac} jini wocol. Ma'anic tsi' c^{ay}ayob i mul cha'an mi' q'uelob ti ñuc Dios.

¹⁰ I jo'ticlel ángel tsi' beq'ue i b^{al} taza ti buchlib jontol b^{al} b^{ate}'el. Tsa' ic'a i lumal i yum^{ant}el. Winicob x'ixicob tsi' c'uxuyob i yac' cha'an i c'uxel i wocol.

¹¹ Tsi' p'ajayob Dios am b^{al} ti panchan cha'an i wocol yic'ot i tsoy. Ma'anic tsi' c^{ay}ayob i jontolil.

¹² I w^{act}iclel ángel tsi' beq'ue i b^{al} taza ti jini ñuc b^{al} colem ja' i c'aba' Eufrates. Tsa' tiqui i ya'lel cha'an mi' chajp^{ab}entelob i bijlel reyob ch'oyolo' b^{al} ba' mi' pasel q'uin.

¹³ Tsaj q'uele: tsa' loq'ui bibi' b^{al} espíritu ti' yej ajin yic'ot ti' yej jontol b^{al} b^{ate}'el yic'ot ti' yej x'alt'an mu' b^{al} i cha'len lot. Che' yilal bajche' xpequejc jini uxtiquil bibi' b^{al} espíritujob.

¹⁴ Jini espíritujob jiñach xibajob mu' b^{al} i p^{as} tacob i yejtal i p'^{at}alel. Mi' majlelob ba'an reyob ti pejtelel pañimil cha'an mi' tempañob tilel ti guerra mu' b^{al} caj i yujtel ti jini ñuc b^{al} q'uin, i q'uiñilel Dios Mach b^{al} Anic i P'isol i P'^{at}alel.

¹⁵ Awilan, talon che' bajche' xujch'. Tijiña jini woli b^{al} i q'uel, woli b^{al} i c^{ant}an i pislel ame pits'ilic mi' cha'len x^{amb}al, ame quisintiquic mi' yubin che' pits'il, che'en.

¹⁶ Jini espíritujob tsi' tempayob tilel jini reyob ti lum, i c'aba' Armagedón ti' t'an hebreo.

¹⁷ I wucticlel ángel tsi' beq'ue i b^{al} taza ti ic'. Tsa' loq'ui c'am b^{al} t'an ti' buchlib Dios ya' ti templo am b^{al} ti panchan. Tsi' y^{al}al: Tsa'ix ujti, che'en.

¹⁸ Tsa' tsictiyi i xu'il chajc yic'ot ju'ucña b^{al} t'an yic'ot i t'an chajc. Tsa' tili wen p'^{at}al b^{al} yujquel lum. C'^{al}al ti' cajibal winicob ti pañimil ma'anic p'^{at}al b^{al} yujquel che' bajche' jini.

¹⁹ Jini colem tejclum tsa' t'oxle ti uxpejt. Jini tejclum tac ti pejtelel pañimil tsa' jejmi. Dios tsi' c'ajtes^{abe} i mul Babilonia. Tsi'

y^{al}q'ue i jap jini vino am b^{al} ti taza i yejtal b^{al} i mich'ajel Dios.

²⁰ Tsa' s^{ac} jili wits yic'ot lum tac joyol b^{al} ti ja'. Ma'anic tsiquil ba' tsa' majli.

²¹ Tsa' yajli ti' pam winicob colem tuñija' loq'uem b^{al} ti panchan. Ti jujump'ejl tuñija' an i yalel che' bajche' juncujch. Winicob tsi' p'ajayob Dios come wocol jax tsi' yu-biyob cha'an tuñija'.

17

Mi caj i y^{al}jq'uel ti toj mulil jini colem b^{al} xmoja

¹ Tsa' tili juntiquil ángel i pi'al jini w^{act}iquil chucul b^{al} i cha'añob wucp'ejl taza. Tsi' pejcayon. Tsi' y^{al}al: La' ilayi. Mi caj c p^{as}beñet bajche' mi caj i y^{al}jq'uel ti toj mulil jini ñuc b^{al} xmoja buchul b^{al} ti yum^{ant}el ba'an i x^{ac} colem ñajb.

² Jini reyob ti pañimil tsi' cha'leyob ts'i'lel yic'ot. Jini chumulo' b^{al} ti pañimil tsa' y^{al}c'ayob ti vino i yejtal b^{al} i ts'i'lel, che'en.

³ Tsa' bujt'i c pusic'al ti jini Espíritu. Tsi' p^{ay}ayon majlel ti jochol b^{al} lum. Tsaj q'uele x'ixic buchul ti ch^{act}s'eran b^{al} b^{ate}'el. An cab^{al} i c'aba' tac jini b^{ate}'el mu' b^{al} i p'aj Dios. An wucp'ejl i jol jini jontol b^{al} b^{ate}'el yic'ot lujunts'ijt i xulub.

⁴ L^{ap}al i cha'an ch^{ac}cojan b^{al} yic'ot ch^{ach}ac b^{al} i pislel jini x'ixic, ch'albil ti oro yic'ot ti c'ax uts'at b^{al} al^{al} xajlel tac, yic'ot ti perla tac. Chucbil i cha'an jump'ejl taza melbil b^{al} ti oro. But'ul jini taza ti' bibi'lel tsa' b^{al} i taja ti' ts'i'lel yic'ot pejtal ts'a'lebil b^{al}.

⁵ Ts'ijbubil i c'aba' ti' jol. C^{amb}il i sujmllel ti Dios: JINI ÑUC BA BABILONIA, I ÑA'AL XMOJAJOB, I ÑA'AL JONTOLIL AM BA TI PAÑIMIL.

⁶ Tsaj q'uele y^{al}c jini x'ixic cha'an tsi' jap^{al} i ch'ich'el i cha'año' b^{al} Dios yic'ot i ch'ich'el jini tsa' b^{al} ch^{am}iyob cha'an Jesús.

Che' b^{al} tsaj q'uele tsa' toj sajti c pusic'al.

⁷ Jini ángel tsi' subeyon: ¿Chucoch mi' toj sajtel a pusic'al? Mi caj c subeñet i sujmllel jini x'ixic yic'ot jini jontol b^{al} b^{ate}'el am b^{al} wucp'ejl i jol yic'ot lujunts'ijt i xulub, woli b^{al} i cuch jini x'ixic.

⁸ Jini jontol b^{al} b^{ate}'el tsa' b^{al} a q'uele jiñach am b^{al} ti wajali, pero mach tsiquilix

wale. Mi caj i letsel loq'uel ti ch'en mach b_Λ anix mi' tajben i yebal cha'an mi' majlel ba' mi' jis_Δntel. Mi caj i toj sajtel i pusic'al jini chumulo' b_Λ ti lum, mach b_Λ ots_Δbilic i c'aba' ti jun ba' ts'ijbubil i c'aba' tac jini año' b_Λ i cuxt_Δlel c'_Δl_Δl ti' tejchibal pañimil. Mi caj i toj sajtelob i pusic'al che' mi' q'uelob jini jontol b_Λ b_Δte'el am b_Λ ti wajali, mach b_Λ tsiquilix wale, mu' b_Λ caj i tilel.

⁹ La' i ch'_Δmben isujm jini am b_Λ cab_Δl i pusic'al. Jini wucp'ejl i jol b_Δte'el jiñach i yejtal wucp'ejl wits ba' buchul jini x'ixic.

¹⁰ Jiñach i yejtal wuctiquil reyob. Tsa'ix jiliyob i yum_Δntel jo'tiquil. Juntiquil an wale. Yamb_Δ mu' to caj i tilel. Che' mi' tilel mach jalic mi' yajñel.

¹¹ Jini jontol b_Λ b_Δte'el am b_Λ ti wajali, mach b_Λ anic wale, jiñach i wax_Δcticlel. I pi'_Δl_Δch jini wuctiquil. Mi' majlel ba' mi' jis_Δntel.

¹² Jini lujunts'ijt xulub tsa' b_Λ a q'uele jiñach lujuntiquil reyob maxto b_Λ anic tsa' aq'uentiyob i yum_Δntel. Pero mi caj i tem aq'uentelob i p'_Δt_Δlel ti rey yic'ot jini jontol b_Λ b_Δte'el cha'an mi' cha'len yum_Δl jump'ejl ora.

¹³ Ti jump'ejl i pusic'al mi caj i y_Δq'ueñob jini b_Δte'el i ye'tel yic'ot i p'_Δt_Δlel.

¹⁴ Mi caj i contrajiñob jini Tiñame' ti guerra. Jini Tiñame' mi caj i m_Δl come i Yum_Δch yum_Δlob, i Rey_Δch reyob. Pejtel mu' b_Λ i yajñelob yic'ot jini Tiñame' jiñobach p_Δybilo' b_Λ, yajc_Δbilo' b_Λ, xuc'ulo' b_Λ i pusic'al, che'en.

¹⁵ Jini ángel tsi' cha' subeyon: Jini cab_Δl ja' tac tsa' b_Λ a q'uele ba' buchul xmoja jiñach bajc'_Δl winicob x'ixicob año' b_Λ ti cab_Δl tejclum tac yujilo' b_Λ t'an ti chajp ti chajp.

¹⁶ Jini lujunts'ijt xulub tsa' b_Λ a q'uele yic'ot jini jontol b_Λ b_Δte'el mi caj i ts'a'leñob jini xmoja. Mi caj i chilbeñob i chub_Δ'an yic'ot i pislel. Mi caj i c'uxbeñob i b_Δc'tal. Mi caj i pulob ti c'ajc.

¹⁷ Come Dios tsi' ñijc_Δbeyob i pusic'al cha'an mi' melob chuqui yom Dios. Mi caj i temob i t'an cha'an mi' y_Δq'ueñob jini jontol b_Λ b_Δte'el i yum_Δntel jinto mi' ts'_Δctiyel i t'an Dios.

¹⁸ Jini x'ixic tsa' b_Λ a q'uele jiñach jini colem tejclum mu' b_Λ i yum_Δntel ti' tojlel jini reyob ti pañimil. Che' tsi' y_Δl_Δ jini ángel.

18

Jejmenix Babilonia

¹ Ti wi'il tsaj q'uele yamb_Δ ángel. Tsa' jubi tilel ti panchan. An cab_Δl i p'_Δt_Δlel. Tsa' s_Δc'a pañimil cha'an i c'_Δc'al i ñuclél.

² Tsi' cha'le oñel ti c'am b_Λ t'an. Tsi' y_Δl_Δ: Jejmenix, jejmenix jini ñuc b_Λ Babilonia. Ya'ix chumulob xibajob yic'ot pejtel bibi' b_Λ espíritu. I yajñibix pejtelel bibi' b_Λ te'lemut mu' b_Λ i ts'a'lentel.

³ Come pejtelel año' b_Λ ti pañimil tsa'ix i japbeyob i vino, i yejtal b_Λ i ts'i'lel yic'ot i bibi'lel. Jini reyob ti pañimil tsi' cha'leyob ts'i'lel yic'ot año' b_Λ ti Babilonia. Tsa' ochiyob ti rico jini xchoñoñelob ti pañimil come cab_Δl jax tsi' jis_Δbeyob i taq'uin jini año' b_Λ ti Babilonia, che'en.

⁴ Tsa cubi yamb_Δ t'an loq'uem b_Λ ti panchan. Tsi' y_Δl_Δ: Loq'uenla ya'i, c cha'añet b_Λ la. Mach mi la' tsajcan año' b_Λ ti Babilonia ti mulil, ame aq'uentiquet la' wocol lajal bajche'ob.

⁵ Come tsa'ix i latschoco i mul c'_Δl_Δl ti panchan. Ña't_Δbilix i cha'an Dios i jontolil.

⁶ Cha' aq'uenla che' bajche' tsi' y_Δq'ueyetla. Tojola ti' cha'yajlel che' bajche' an i melbal. Ti jini jach b_Λ taza tsa' b_Λ i y_Δq'ueyetla la' jap vino, aq'uenla junyajl i ñumel cha'an mi' jap.

⁷ Che' bajche' tsi' chañ'esa i b_Λ che' b_Λ tsa' wen chumle ti cab_Δl i chub_Δ'an che'_Δch yom mi la' p'isben cab_Δl i wocol yic'ot i yuq'uel, come mi' lon al ti' pusic'al: "Buchulon tic yum_Δntel che' bajche' rey. Mach meba'onic. Ma'anic mi caj cubin wocol yic'ot uq'uel", che'ob.

⁸ Jini cha'an ti jump'ejl jach q'uin mi caj i tilel cab_Δl i wocol. Mi caj i ch_Δmel, mi caj i cha'len uq'uel, mi caj i yubin wi'ñal. Mi caj i pulel ti c'ajc, come p'_Δt_Δl_Δ lac Yum Dios mu' b_Λ i mel Babilonia.

⁹ Jini reyob ti pañimil tsa' b_Λ i cha'leyob ts'i'lel yic'ot, tsa' b_Λ wen chumleyob cha'an i chub_Δ'an, mi' cajelob ti uq'uel. Mi caj i yuc'tañob che' mi' q'uelbeñob i buts'il che' mi' pulel.

10 Mi caj i ñajta wa'talob ti baq'uen ame i tajob wocol. Mi caj i yalob: "¡Obol i ba, obol i ba, jini colem tejclum Babilonia, jini p'atla ba tejclum, come ti jump'ejl jach ora tsa' bac' ajq'ui ti toj mulil!" che'ob.

11 Jini xchoñoñelob ti pañimil mi' cajelob ti uq'uel. Mi caj i yuc'tañob, come ma'anix majch yom i chan mamben i choñoñel.

12 An i choñoñel melbil ba ti oro ti plata yic'ot c'ax uts'at ba ala xajlel tac, letsem ba i tojol, yic'ot perla tac yic'ot wen ba pisil yic'ot chaccojan ba, yic'ot seda, yic'ot chacts'eran ba yic'ot xojocña ba te', yic'ot pejtelel latu melbil ba ti marfil yic'ot pejtelel melbil tac ba ti te' letsem ba i tojol, yic'ot c'anc'an taq'uin, yic'ot tsucu taq'uin, yic'ot mármol xajlel,

13 yic'ot i ts'acal we'elal i c'aba' canela, yic'ot jats'acña ba, yic'ot pom, yic'ot xojocña ba ts'ac, yic'ot xojocña ba pom, yic'ot vino, yic'ot aceite, yic'ot wen juch'bil ba harina, yic'ot trigo, yic'ot alac'al, yic'ot tiñame', yic'ot caballo, yic'ot carreta tac, yic'ot ja'el i ch'ujlel winicob.

14 Mach a chan tajax jini sumuc ba i wut te' mu' ba i mulan a pusic'al. Mi caj i laj jilel jini i t'ojol tac ba yic'ot chuqui tac c'uxbibil a cha'an. Ma'anix mi caj a chan taj ti pejtelel ora.

15 Jini xchoñoñelob tsa' ba i choñoñob ili tac, tsa' ba wen chumleyob cha'an i chub'an xmoja, mi caj i ñajta wa'talob cha'an baq'uen ame i tajob wocol. Mi' cajelob ti uq'uel. Jal mi caj i yuc'tañob.

16 Mi caj i yalob: "¡Obol i ba, obol i ba, jini colem tejclum ba' tsi' lapayob wen ba i pislel yic'ot chaccojan ba yic'ot chacts'eran ba, ch'albil ba ti oro yic'ot c'ax uts'at ba ala xajlel, yic'ot perla tac;

17 come ti jump'ejl ora tsa'ix laj jili i chub'an ti pejtelel!" che'ob.

Pejtel i yumob barco yic'ot winicob tsa' ba i cha'leyob xambal ti barco yic'ot x'e'telob ti barco yic'ot pejtelel mu' ba i cha'leñob ganar ti colem ñajb mi caj i ñajta wa'talob.

18 Mi caj i cha'leñob oñel che' mi' q'uelbeñob i butsil c'ajc ba' woli ti pulel. Mi caj i yalob: "¿Bacan yamba tejclum lajal bajche' jini colem tejclum?" che'ob.

19 Mi caj i chocob ts'ubejn ti' pam i jol. Mi caj i cha'leñob c'am ba t'an che' mi' yuc'tañob. Mi caj i cha'leñob uq'uel. Mi caj i yalob: "¡Obol i ba, obol i ba, come ti jump'ejl jach ora tsa'ix jili jini colem tejclum ba' wen chumulob pejtelel i yumob barco cha'an i choñoñel ti colem ñajb yic'ot i chub'an jini año' ba ti Babilonia", che'ob.

20 La' ñuc'ac la' pusic'al, añet ba la ti panchan, yic'ot i cha'año' ba Dios, yic'ot apóstolob, yic'ot x'alt'añoob, come Dios tsi' mele Babilonia ti la' tojlel, che'en.

21 Juntiquil ángel am ba i p'atla tsi' ch'uyu xajlel che' bajche' colem ña'atun. Tsi' choco ochel ti colem ñajb. Tsi' yala: Che' ja'el c'am mi caj i chojquel jubel jini colem tejclum Babilonia. Ma'anix mi caj i chan tajtal ti pejtelel ora.

22 Ma'anix música ya'i. Ma'anix majqui mi' ñijcan arpa mi yamba música. Ma'anix majqui mi' wus amay mi trompeta. Ma'anix x'e'tel yujilo' ba i melol pachi, mi pisil, mi ts'ac mi yamba. Ma'anix mi caj i chan ubintel i t'an ña'atun.

23 Ya'i ma'anix mi caj i tsictiyel i c'ac'al lámpara. Ma'anix mi caj i yubintel i t'an xñujpuñelob. Come jini xchoñoñelob a cha'an jiñobach ñuco' ba ti pañimil. Tsa' loti pejtelel tejclum tac ti' caj a lot.

24 Ya' tsa' bejq'ui i ch'ich'el x'alt'añoob yic'ot i ch'ich'el i cha'año' ba Dios, yic'ot pejtelel tsa' ba tsansantiyob ti pañimil. Che' tsi' yala ángel.

19

¡Aleluya!

1 Che' ba tsa' ujtí ti t'an tsa cubibe i t'an bajc'al winicob x'ixicob ti panchan. C'am tsi' yalayob: ¡Aleluya! Tilem ti lac Yum Dios laj colantel. La' subjic i ñucler yic'ot i c'uxbintel yic'ot i p'atla.

2 Come mi' cha'len meloñel ti isujm yic'ot ti toj. Come tsa'ix i mele jini ñuc ba xmoja tsa' ba i yoc'mesa pañimil ti' ts'i'lel. Dios tsi' q'uextabe i jontolil jini xmoja cha'an tsi' bec'be i ch'ich'el i winicob Dios, che'ob.

3 Ti' cha'yajlel tsi' yalayob: ¡Aleluya! Mi' letsel i butsil xmoja ti pejtelel ora, che'ob.

4 Tsi' pacchocoyob i ba ti lum jini chantiquil i cha'c'al (24) ancianojob yic'ot

chantiquil querubín. Tsi' ch'ujutesayob Dios, buchul b_Λ ti' yum_Λntel. Tsi' y_Λayob: Amén. Aleluya, che'ob.

⁵ Tsa' loq'ui t'an ti' buchlib Dios. Tsi' y_ΛΛ: Subenla i ñuclél lac Dios pejteletla i winiquet b_Λ la mu' b_Λ la' b_Λc'ñan, ch'o'ch'oquet b_Λ la yic'ot ñuquet b_Λ la, che'en.

⁶ Tsa cubi t'an che' bajche' i t'an bajc'ál winicob, che' bajche' i t'an cholocña b_Λ ja', che' bajche' i t'an p'at_Λ b_Λ chajc. Tsi' y_ΛΛ: ¡Aleluya! come woli ti yum_Λntel lac Yum Dios, Mach b_Λ Anic i P'isol i P'at_Λlel.

⁷ La' ñuc'ac lac pusic'al. La' la cubin i tijicñayel lac pusic'al. La' lac sub i ñuclél lac Yum, come i yorajlelix mi' cha'len ñujpuñel jini Tiñame'. Tsa'ix i chajpa i b_Λ jini xch'oc c'ajtibil b_Λ i cha'an.

⁸ Tsa'ix aq'uenti i l_Λp wen uts'at b_Λ s_Λs_Λc pisil i c'aba' lino. s_Λs_Λc jax, come jini wen uts'at b_Λ pisil jiñach i yejtal toj b_Λ i melbal i cha'año' b_Λ Dios, che'en.

⁹ Jini ángel tsi' subeyon: Ts'ijban ti jun: "Tijicñayob jini mu' b_Λ i p_Λjylob ti c'ux waj che' mi' cha'len ñujpuñel jini Tiñame'", che'en. Jini ángel tsi' subeyon: Jiñach i t'an Dios. Isujm jini t'an, che'en.

¹⁰ Tsac pacchoco c b_Λ ti' tojel i yoc cha'an mic ch'ujutesan jini ángel. Pero tsi' subeyon: Q'uele, mach che'ic yom ma' cha'len. I winicon Dios lajal bajche'et yic'ot a wermanojob mu' b_Λ i jac'beñob i t'an Jesús. Ch'ujutesan Dios, che'en. Come jini Espíritu tsa' b_Λ i pejcayonla ti Jesús mi' ñijcañonla ti subt'an.

Jini c'achal b_Λ ti' pat s_Λs_Λc caballo

¹¹ Tsaj q'uele jajmen panchan. Awilan, ya'an juncojt s_Λs_Λc caballo. Jini c'achal b_Λ ti' pat i c'aba'ach jini Xuc'ul B_Λ, jini Isujm B_Λ. Toj mi' cha'len meloñel yic'ot guerra.

¹² Lajal i wut bajche' ts'iplaw b_Λ c'ajc. An cabal corona ti' jol. Ts'ijbubil i c'aba' pero ma'anic majqui mi' c_Λn. I bajñel jach mi' c_Λn.

¹³ L_Λp bil i cha'an i pislel ts'ajbil b_Λ ti ch'ich'. I c'aba' jini c'achal b_Λ jiñach: I T'AN DIOS.

¹⁴ Jini xguerrajob año' b_Λ ti panchan tsi' tsajcayob, c'achalob ti s_Λs_Λc caballo. L_Λp lob i cha'an wen b_Λ i pislel i c'aba' lino. Wen s_Λc jini lino, s_Λs_Λc jax.

¹⁵ Mi' loq'uel junts'ijt jay b_Λ espada ti' yej. Mi caj i c'Λn jini espada i low jini año' b_Λ ti tejclum tac. Mi caj i c'Λn vara melbil b_Λ ti tsucu taq'uin che' mi' cha'len yum_Λ. Mi caj i t'uchtan i y_Λjts'ib ts'usub yilal ti tsats b_Λ i mich'ajel Dios Mach b_Λ Anic i P'isol i P'at_Λlel.

¹⁶ Ts'ijbubil i c'aba' ti' pislel yic'ot ti' ya': I REY REYOB, I YUM YUM_ΛLOB.

¹⁷ Tsaj q'uele ángel wa'al b_Λ ti q'uin. Jini ángel tsi' cha'le oñel ti c'am b_Λ t'an. Tsi' pejca pejtelel te'lemut mu' b_Λ ti wejlel ti ojilil panchan: La'la, tempan la' b_Λ ti we'el chajpabil b_Λ i cha'an Dios.

¹⁸ C'uxbenla i b_Λc'tal reyob yic'ot i b_Λc'tal i yaj capitañob yic'ot i b_Λc'tal p'at_Λlo' b_Λ yic'ot i b_Λc'tal caballo yic'ot jini c'achalob' b_Λ yic'ot i b_Λc'tal pejtelel winicob libre b_Λ año' yic'ot año' b_Λ ti' yum, jini ch'o'ch'oco' b_Λ yic'ot ñuco' b_Λ, che'en jini ángel.

¹⁹ Tsaj q'uele jini jontol b_Λ bate'el yic'ot jini reyob ti pañimil yic'ot xguerrajob i cha'an. Temp_Λbilob cha'an mi' contrajiñob ti guerra jini c'achal b_Λ ti caballo yic'ot xguerrajob i cha'an.

²⁰ Tsa' chujqui jini jontol b_Λ bate'el yic'ot jini x'alt'an yujil b_Λ lot, tsa' b_Λ i p_Λs_Λ i yejtal tac i p'at_Λlel ti' wut jontol b_Λ bate'el cha'an mi' lotin winicob tsa' b_Λ i ch'ambeyob i marcajlel jini bate'el, che' b_Λ tsi' ch'ujutesabeyob i yejtal. Ti' cha'ticlel che' cuxulob to tsa' chojquiyob ochel ti' yajñib colem c'ajc woli b_Λ ti pulel yic'ot azufre.

²¹ Jini c'achal b_Λ ti caballo tsi' tsansa jini año' b_Λ ti jini espada tsa' b_Λ loq'ui ti' yej. Pejtelel te'lemut tsa' ñaj'ayob ti' c'uxol b_Λc'talal.

20

Ojlil i yuxbajc' jab

¹ Tsaj q'uele tsa' jubi tilel ángel loq'uem b_Λ ti panchan. Chucul i cha'an colem cadena yic'ot i llavejlel colem ch'en mach b_Λ anic i yebal.

² Tsi' chucu jini ajin, jini oñiyi b_Λ lucum, jini xiba, Satanás. Tsi' c_Λch_Λ c_Λytal lujunc'al i yuxbajc' (1,000) jab.

³ Tsi' choco ochel ti ch'en mach b_Λ anic i yebal. Tsi' ñup'u. Tsi' y_Λq'ue i sellojlel cha'an ma'anic mi' ch_Λn lotin tejclumob ti

pañimil c'ʌʌl jinto mi' ts'actiyel lujunc'al i yuxbajc' jab. Che' ñumenix, wersa mi' coel jumuc'.

⁴ Tsaj q'uele cabʌʌ buchlibʌʌ. Jini tsa' bʌ buchleyob ya'i, tsa' aq'uentiyob i ye'tel ti meloñel. Tsaj q'uele i ch'ujlel winicob x'ixicob tsa' bʌ set' t'objentiyob loq'uel i bic' cha'an i sujmllel Jesús yic'ot cha'an i t'an Dios. Ma'anic tsi' ch'ujutesayob jini jontol bʌ bʌte'el yic'ot i yejtal. Ma'anic tsi' ch'ʌmbeyob i ts'ijbal ti' pam mi' ti' c'ʌb. Tsa' cha' cuxtiyiyob. Tsi' cha'leyob yumʌʌ yic'ot Cristo lujunc'al i yuxbajc' jab.

⁵ Jiñobʌch tsa' bʌ ñaxan ch'ojoyiyob. Jini yaño' bʌ chʌmeño' bʌ, ma'anic tsa' cha' cuxtiyiyob jinto che' ñumenix lujunc'al i yuxbajc' jab.

⁶ Tijicñayob mu' bʌ i tejchelob ch'ojoyel ti ñaxan. Ch'ujulob. Ma'anic mi' caj i chʌmelob ti' cha'yajlel. Mi' caj i yochelob ti' motomaj ti' tojlel Dios yic'ot ti' tojlel Cristo. Mi' caj i tem cha'leñob yumʌʌ yic'ot Cristo lujunc'al i yuxbajc' jab.

Mi caj i chojquel ti c'ajc Satanás

⁷ Che' ñumenix lujunc'al i yuxbajc' jab mi' caj i coel Satanás ba' ñup'ul.

⁸ Mi' caj i loq'uel tilel i lotin jini tejclumob año' bʌ ti pejtelel pañimil yic'ot Gog yic'ot Magog cha'an mi' tempañob tilel ti guerra. Che'ʌch i tsicol bajche' i ji'il colem ñajb.

⁹ Tsi' cha'leyob marcha ti' pamol pañimil. Tsi' joyoyob jini c'uxbibil bʌ tejclum ba' tempʌbilob i cha'año' bʌ Dios. Tsa' jubi tilel c'ajc ti Dios ya' ti panchan. Tsi' jisa jini xcontrajob.

¹⁰ Jini xiba tsa' bʌ i lotiyob tsa' chojqui ochel ya' ti colem c'ajc woli bʌ ti pulel yic'ot azufre, ya' ba' año' jini jontol bʌ bʌte'el yic'ot jini lot bʌ x'alt'an. Mi' caj i tic'ʌntelob ti q'uiñil yic'ot ti ac'ʌlel ti pejtelel ora.

Mi caj i melob i bʌ jini sajtemo' bʌ

¹¹ Tsaj q'uele colem bʌ i buchlib Dios SASAC bʌ. Tsaj q'uele jini tsa' bʌ buchle ya'i. Jini pañimil yic'ot panchan tsa' puts'i ti' tojel. Ma'anic tsiquil baqui tsa' majli.

¹² Tsaj q'uele jini chʌmeño' bʌ, jini ñuco' bʌ yic'ot ch'o'ch'oco' bʌ wa'alo' bʌ ti' tojel Dios. Tsa' jajmi jini jun tac. Tsa' jajmi yambʌ jun ba' ts'ijbubil i c'aba'ob año' bʌ i

cuxtalel. Lac Yum tsi' c'ʌñʌ jini jun cha'an mi' mel jini chʌmeño' bʌ che' bajche' an i melbalob, come ya' ts'ijbubil i melbalob ti jini jun tac.

¹³ Jini colem ñajb tsi' cha' colo jini chʌmeño' bʌ año' bʌ ti ja'. Jini i yajñib chʌmeño' bʌ tsi' colo jini ya' bʌ año' bʌ. Lac Yum tsi' meleyob ti jujuntiquil che' bajche' an i melbalob.

¹⁴ Jini i p'ʌtʌlel chʌmel yic'ot i yajñib chʌmeño' bʌ tsa' chojquiyob ochel ti' yajñib colem c'ajc. Jiñʌch i cha'yajlel mi' chʌmelob, che' mi' yochelob ti colem c'ajc.

¹⁵ Majqui jach mach ts'ijbubil i c'aba' ti jun ba' ts'ijbubil i c'aba' jini año' bʌ i cuxtalel, tsa' chojqui ochel ti colem c'ajc.

21

Tsiji' bʌ panchan yic'ot tsiji' bʌ pañimil

¹ Tsaj q'uele tsiji' bʌ panchan yic'ot tsiji' bʌ pañimil, come tsa' jili jini ñaxan bʌ panchan yic'ot jini ñaxan bʌ pañimil. Ma'anix colem ñajb.

² Joñon, Juan, tsaj q'uele jini Ch'ujul bʌ Tejclum, jini tsiji' bʌ Jerusalén. Woli' jubel tilel ti panchan ch'oyol bʌ ti Dios, ch'ʌbil bajche' xch'oc mu' bʌ i taj i ñoxi'al.

³ Tsa' cubi c'am bʌ t'an tsa' bʌ loq'ui ti panchan. Tsi' yʌʌ: Awilan, wʌ'ix an i chumlib Dios yic'ot winicob x'ixicob. Mi' caj i chumtʌʌ yic'otob. Winicob x'ixicob mi' caj i yochelob ti' cha'an bʌ Dios. Mi' caj i yajñel Dios yic'otob.

⁴ Dios mi' caj i sujcubeñob i ya'lel i wut. Ma'anix majch mi' caj ti chʌmel. Ma'anix uc'taya mi' uq'uel mi' wocol ti pejtelel ora. Come tsa'ix ñumi jini ñaxan tac bʌ, che'en.

⁵ Jini buchul bʌ ti' yumʌntel tsi' yʌʌ: Awilan, mic mel ti tsijib pejtelel chuqui tac an, che'en. Tsi' subeyon ja'el: Ts'ijban, come xuc'ul jini t'an, isujm ja'el, che'en.

⁶ Tsi' subeyon: Ts'actiyemix ti pejtelel. Joñon tsa' cʌq'ue i tejchibal pejtelel chuqui tac an. Mi' cʌq'uen i jilibal. Año' ti' tejchibal. Año' ti' jilibal. Jini am bʌ i tiquin ti', ti' majtan jach mi' caj cʌq'uen ja' loq'uem bʌ ti' loq'uib ja' i yejtal bʌ i cuxtalel.

⁷ Jini mu' bʌ i mʌjlel i cha'an mi' caj i chʌm pejtelel chuqui tac an. Joñon i Dio-son. Jini mi' caj i yochel ti calobil.

8 Jini muc'o' b_Λ ti b_Λq'uen, yic'ot jini mach b_Λ anic mi' ñopob, yic'ot jini bibi'o' b_Λ, yic'ot stsansajob, yic'ot mu' b_Λ i cha'leñob ts'i'lel, yic'ot xwujtob, yic'ot xch'ujutesa dioste'ob, yic'ot pejtelel xlotob mi caj i tajob i yajñib ya' ti c'ajc woli b_Λ ti pulel yic'ot azufre. Jiñach i cha'yajlel mi' ch_Λmelob, che'en.

Tsiji' b_Λ Jerusalén

9 Tsa' tili juntiquil ángel, i pi'ál jini w_Λctiquil ángelob, año' b_Λ i cha'an jini wucp'ejl taza but'ul b_Λ ti jini wucyajl wocol, jini cojix b_Λ wocol tac. Tsi' subeyon: La' ilayi. Mi caj c p_Λsbeñet jini xch'oc mu' b_Λ cajel ti ñujpuñel. Jiñach i yijñam jini Tiñame', che'en.

10 Tsi' p_Λy_Λy_Λon majlel ti Espíritu c'álal ti jump'ejl chan b_Λ wits. Tsi' p_Λsbeñon jini ch'ujul b_Λ Jerusalén woli b_Λ i jubel tilel ti panchan ch'oyol b_Λ ti Dios.

11 An i cha'an i ñuclél Dios. Che'ach i c'ac'al bajche' jump'ejl c'ax uts'at b_Λ xajlel, che' bajche' jaspe xajlel, wen s_Λs_Λc b_Λ bajche' espejo.

12 Joyol ti colem ts'ajc, wen chan b_Λ, an lajch_Λmp'ejl (12) i ti'. Ya' ti' ti' an lajch_Λntiquil ángelob. Ts'ijbubil i c'aba' jini lajch_Λnmojt i p'olbal Israel ti' ti' ts'ajc.

13 An uxp'ejl i ti' ti' pasib q'uin. An uxp'ejl i ti' ti' norte. An uxp'ejl i ti' ti' sur. An uxp'ejl i ti' ti' b_Λjlib q'uin.

14 An lajch_Λmp'ejl i c'ac'lib jini ts'ajc ya' ti' joytilel tejclum. Ya' ts'ijbubil i c'aba'ob jini lajch_Λntiquil apóstolob i cha'an jini Tiñame'.

15 Ya' ti' c'ab jini ángel tsa' b_Λ i pejcayon an junts'ijt te' melbil b_Λ ti oro cha'an mi' p'is jini tejclum yic'ot i ti' yic'ot jini colem ts'ajc ya' ti' joyt_Λlel.

16 Jini tejclum joy lajal ti' joyt_Λlel. Lajal i ñajt_Λlel bajche' i jawtilel. Tsi' p'isi jini tejclum ojilil i w_Λc_Λbajc' (2,200) kilómetro ti jujunwejl. Lajal i ñajt_Λlel yic'ot i chanlel yic'ot i jawtilel.

17 Tsi' p'isi jini ts'ajc ti' joyt_Λlel tejclum ch_Λmp'ejl i w_Λx_Λc_Λc'al (64) metro i pimlel. Jini ángel tsi' p'isi che' bajche' mi' p'isob winicob.

18 Melbil jini ts'ajc ti jaspe xajlel. Jini tejclum puro oro, wen s_Λcts_Λñan bajche' espejo.

19 Ch'álbil i c'ac'lib jini ts'ajc yic'ot jujunchajp c'ax uts'at b_Λ xajlel. Jini ñaxan b_Λ i c'ac'lib jiñach jaspe. I cha'p'ejlel jiñach zafiro. I yuxp'ejlel jiñach calcedonia. I ch_Λmp'ejlel jiñach esmeralda.

20 I jo'p'ejlel jiñach sardónica. I w_Λc_Λp'ejlel jiñach sardio. I wucp'ejlel jiñach crísólito. I w_Λx_Λc_Λp'ejlel jiñach berilo. I bolomp'ejlel jiñach topacio. I lujump'ejlel jiñach crisoprasa. I junlujump'ejlel jiñach jacinto. I lajch_Λmp'ejlel jiñach amatista.

21 Jini lajch_Λmp'ejl i ti' jiñach lajch_Λmp'ejl perla tac. Ti jujump'ejl i ti' melbil i puer-tajlel ti jujump'ejl perla. Jini bij ti tejclum puro oro, wen s_Λcts_Λñan bajche' espejo.

22 Ma'anic tsaj q'uele templo ti ili tejclum come lac Yum Dios, jini Mach b_Λ Anic i P'isol i P'atlel, yic'ot jini Tiñame' i temploj_Λch.

23 Ma'anic i c'ajñibal q'uin ti ili tejclum. Ma'anic i c'ajñibal uw, come i ñuclél Dios mi' y_Λq'uen i saclel. Jini Tiñame' i lámparaj_Λch jini tejclum.

24 Jini año' b_Λ ti pañimil mi caj i cha'leñob x_Λmbal ti' saclel. Jini reyob ti pañimil mi caj i ch'Λmob ochel i ñuclél yic'ot i wenlel.

25 Ma'anic ba' ora mi caj i ñujp'el tac i ti', come ma'anic mi' tilel ac'álel ya'i.

26 Mi caj i ch'Λmob ochel i ñuclél yic'ot i wenlel jini año' b_Λ ti pañimil.

27 Ma'anic mi caj i wis ochel chuqui tac bibi' mi jini mu' b_Λ i cha'len jontolil yic'ot lot. Cojach mi caj i yochelob jini ts'ijbubilo' b_Λ i c'aba' ti' juñilel Tiñame' ba' ts'ijbubil i c'aba' jini año' b_Λ i cuxt_Λlel.

22

Jini ñuc b_Λ ja' jini cuxul b_Λ

1 Ti wi'il tsi' p_Λsbeñon s_Λc b_Λ colem ja', i yejtal b_Λ laj cuxt_Λlel. Wen s_Λs_Λc bajche' espejo. Woli' loq'uel ja' ti' buchlib Dios yic'ot ti' buchlib Tiñame'.

2 Woli' ñumel ti' yojlil calle am b_Λ ti jini tejclum. Ti jujunwejl ja' an te' i yejtal b_Λ laj cuxt_Λlel. Mi' y_Λc' i wut ti jujump'ejl uw lajch_Λnyajl ti jab. An i c'ajñibal i yopol jini te' cha'an mi' lajmesan jini año' b_Λ ti pañimil.

³ Ma'anix p'ajoñel. Ya'an i buchlib Dios yic'ot i buchlib jini Tiñame'. I winicob mi caj i ch'ujutesañob.

⁴ Mi caj i q'uelbeñob i wut. Mi caj i ts'ijbubentelob i c'aba' Dios ti' pam.

⁵ Ma'anix ac'alel ya'i. Ma'anix i c'ajñibal i c'ac'al lámpara mi i saclel q'uin. Come lac Yum Dios mi caj i yac'ueñob i saclel. Mi caj i yumantelob ti pejtelel ora.

⁶ Jini ángel tsi' subeyon: Xuc'ul jini t'an, isujm ja'el. Lac Yum Dios, jini Dios tsa' b_Λ i yac'ueyob x'alt'añob i ña'tabal, tsi' choco tilel i yángel cha'an mi' pasbeñob i winicob chuqui mach jalic mi caj i yujtel.

Talon ti ora, che'en Jesucristo

⁷ Awilan, talon ti ora, che'en Jesús. Tijicña jini mu' b_Λ i jac' i cantesantel am b_Λ ti ili jun.

⁸ Joñon, Juan, tsa cubi ili t'an. Tsaj q'uele ili tac. Che' b_Λ tsa cubi, che' b_Λ tsaj q'uele, tsac pacchoco c b_Λ ti' tojel i yoc jini ángel cha'an mic ch'ujutesan jini tsa' b_Λ i pasbeyon.

⁹ Tsi' subeyon: Q'uele mach che'ic yom ma' cha'len, come i winicon Dios lajal bajche'et yic'ot a wermanojob jini x'alt'añob, yic'ot jini mu' b_Λ i jac'beñob i t'an jini jun. Ch'ujutesan Dios, che'en.

¹⁰ Jini ángel tsi' subeyon: Mach a ñup' ti sello jini jun yic'ot i cantesa, come lac'alix i yorajlel.

¹¹ Jini xjontolil, la' i ch_Λn cha'len jontolil. Jini bibi' b_Λ, la' i ch_Λn bib'esan i b_Λ. Jini toj b_Λ, la' i ch_Λn cha'len chuqui toj. Jini ch'ujul b_Λ, la' ch_Λn ajnic ti ch'ujul, che'en.

¹² Awilan, talon ti ora. Wolic ch'lam tilel chobejtabalal cha'an mi c_Λq'uen i tojol jujuntiquil che' bajche' an i melbal.

¹³ Joñon tsa c_Λq'ue i tejchibal pejtelel chuqui tac an. Mi c_Λq'uen i jilibal. Añon ti ñaxan. Añon ti' yujtibal. Añon ti' tejchibal. Añon ti' jilibal, che'en.

¹⁴ Tijicñayob mu' b_Λ i wuts'ob i pislel cha'an mi' c'uxbeñob i wut jini te' i yejtal b_Λ i cuxtalel. Mi caj i yochelob ti' ti' tejclum.

¹⁵ Ya' ti jumpat an ts'i' yic'ot xwujt yic'ot jini mu' b_Λ i cha'leñob ts'i'lel yic'ot stsansajob yic'ot jini mu' b_Λ i ñopob dioste' yic'ot jini mu' b_Λ i mulañob lot yic'ot jini mu' b_Λ i cha'leñob lot.

¹⁶ Joñon Jesús. Tsa'ix c choco tilel cángel cha'an mi' subeñet ti toj chuqui tac yom ma' cha' subeñob xñopt'añob baqui jach mi' tempañob i b_Λ. Loq'ue mon ti David, i polbalon David. Joñon jini ec'on wen tsiquil b_Λ che' yomix sac'an pañimil, che'en.

¹⁷ Jini Espíritu yic'ot jini xch'oc mu' b_Λ cajel ti ñujpuñijel mi' yalob: La', che'ob. Jini mu' b_Λ i yubin, la' i yal: La'. Che' yom mi' yal. Jini am b_Λ i tiquin ti', la' tilic. Majqui jach yom, la' i jap ja' ti' majtan jach, i yejtal b_Λ i cuxtalel.

¹⁸ Mic tic'ob pejtelel winicob mu' b_Λ i yubiñob i cantesantel ti jini jun: Mi an majqui mi' x_Λ' otsan i t'an ti ili jun, Dios mi caj i p'ojlesaben i wocol jini winic che' bajche' ts'ijbubil ti ili jun.

¹⁹ Mi an majch mi' yap lamital i t'an jini jun, Dios mi caj i yapben i c'aba' ti jun ba' ts'ijbubil i c'aba'ob jini año' b_Λ i cuxtalel. Mi caj i chilben i yajñib ti jini ch'ujul b_Λ tejclum che' bajche' ts'ijbubil ti ili jun.

²⁰ Jini mu' b_Λ i sub ti toj ili t'an mi' yal: Isujm, talon ti ora, che'en. Amén. La' c Yum Jesús.

²¹ La' ajnic la' wic'ot ti la' pejtelel i yutsllel lac Yum Jesucristo. Amén.